







13-20, 9, 38

C. 14. f.



PRIVILEGIORUM
IN PERSONA
SANCTI PETRI
ROMANO PONTIFICI
A CHRISTO
DOMINO
COLLATORUM
VINDICIÆ

In duas Partes, & quinque Tomos distribute
A F. HIEREMIA A BENNETTIS
CAPPUCCINO.
PARS II. TOMUS V.



ROMÆ MDCCLIX.
TYPIS HEREDUM JO: LAURENTII BARBIELLINI

SUPERIORUM FACULTATE.



APPROBATIONES.

OPUS, Cui Titulus: *Privilegiorum in Persona S. Petri Romano Pontifici a Christo Domino collatorum Vindiciæ in duas Partes, ac Tomos quinque distributæ* a R. P. F. Hieremia a Bennettis nostri Ordinis Cappuccinorum, Prælectore, ac Guardiano, summa vi, acri ingenio, ordinata methodo, ac luculentissimo stylo elaboratum, attente, nec non jucunde perlegi, jubente Reverendissimo P. Seraphino a Capricolle meritissimo Generali. Et quia nil Catholicæ fidei dissonum, nil Christianis moribus adversum in eo offendi, ideo publicis Typis dandum nedum existimo, imo peropto: in hac etenim sum sententia: Polemicum Armentarium illud esse, quo sive gladios ad feriendum, sive scuta ad hostilia tela retundenda Studiosi cuncti desumere possunt, ac præcipue debent S. Francisci Filii, pro illius nimirum Cathedræ defensione, ac munimine, cujus infallibili veritati, ac concessæ divinitus potestati Seraphicus S. Pater illos subditos esse speciali lege devovit. Romæ hac die 2. Julii 1758.

*F. Hilariion a Feroletto Ordinis Fratrum Minorum S. Francisci
Cappuccinorum Ex-Provincialis, ac Definitor Generalis*



QUOD de Privilegiis Romani Pontificis a primis usque sæculis sensit, tenuitque ipsa universalis Ecclesia a Reverendo P. Hieremia a Bennettis Concionatore, ac Philosophiæ, & Theologiæ Exlectore, nec non Guardiano Cappuccino in opere, cui Titulus: *Privilegiorum in Persona S. Petri Romano Pontifici a Christo Domino collatorum Vindiciæ in duas Partes, ac Tomos quinque distributæ*: de mandato Reverendissimi Patris Seraphini a Capricolle totius nostri Ordinis Ministri Generalis, summa animi mei voluptate, perfectæ, mira eruditione in lucem prolatum, plurimisque undique petitis argumentis confirmatum, constabilitumque sum admiratus. Ea propter quum nihil, quod vel mores, vel fidem lædat, offenderim, quo Romani Pontificatus, vel Heterodoxis Osoribus, vel Orthodoxis Censoribus omne præcludatur effugium, atque ad eorum omnium utilitatem, qui ad capeßendam veritatem optime sunt instituti, ac comparati, publica luce dignum censeo. Romæ apud Immaculatam Conceptionem die 4. Julii 1758.

*F. Josephus Maria a Savorniano Ordinis Minorum S. Francisci
Cappuccinorum Ex-Provincialis, & Definitor Generalis.*

NOS F. SERAPHINUS CAPRICOLLENSIS

Totius Ordin. Fratr. Min. S.FRANCISCI Cappuccinorum
Minister Generalis (licet immeritus).

*Reverendo in Christo P. F. Hieremia a Bennetts Concionatori ,
& Praefectori nostrae Provinciae Cappuccinorum Pedemontanae
salutem, & omne bonum .*

CUm juxta Apostolicas , nostrique Ordinis Constitutiones per duos idoneos , ac Definitores Generales , veluti Theologos Censores revisum fuerit quoddam a te Opus compositum , cui Titulus : *Privilegiorum in Persona Sancti Petri Romano Pontifici a Christo Domino Cellatorum Vindicta in duas Partes , ac Tomos quinque distributa* &c. Tenore praesentium ad salutaris obedientiae meritum , facultatem tibi impertimur , quatenus , servatis servandis , pro utilitate publica Typis mandare possis .

Datum in nostro Conventu Urbis die 6. Julii anno 1758.

F. SERAPHINUS , *qui supra* .

A. M. D. G.

Opus hoc Rev. admodum Patris Hieremix de Bennetis ex Ordine Minorum Cappuccinorum jussu Reverendissimi Patris Josephi Augustini Orfi S. P. A. Magistri accurate, cogitateque a me lectum *Omnia Privilegia B. Petro Apostolorum Principi, in ejusque Persona Romano Pontifici a Christo collata* ita copiose, & orthodoxe explicat, ita erudite, solideque confirmat, ut non immerito pulcherrimum, absolutissimumque Opus appellari possit; ac dignum mihi propterea visum sit, quod ad majorem Christianæ Reipublicæ utilitatem Typis edatur; quum in eo nihil offenderim, quod a Fide Catholica, aut bonis moribus abhorreat.

Ex Araceli die 20. Novembris 1758.

F. Johannes de Luca Penet. Episcoporum Examiner.

IM-

IMPRIMATUR,

Si videbitur Reverendis. P. Magistro Sacri
Palatii Apostol.

F. M. de Rubeis Patr. Constant. Vicefg.

IMPRIMATUR.

Fr. Vincentius Elena O. Præd. Reverendis.
Patris Mag. Sacri Pal. Apost. Soc.

ELEN-

E L E N C H U S

P A R T I S I I . T O M I V .

V I N D I C I A R U M .

Articulus XI.	<i>Ex Potestate Suprema Pontificis in</i>	
	<i>Causis præsertim Fidei .</i>	a pag. 1.
Prolegomenon .	<i>De Hæreticorum Confugiis ad Aposto-</i>	
	<i>licam Sedem , & Confessionibus ei-</i>	
	<i>dem redditis .</i>	ibidem
§. I.	<i>Ex Jure declarandi , damnandique sive</i>	
	<i>Hæreses , sive Hæreticos .</i>	31.
§. II.	<i>Ex Jure præscribendi Fidei formulas ,</i>	
	<i>recipiendique Fidei professiones .</i>	182.
Articulus XII.	<i>Ex Jure definiendi Facta dogmatica ,</i>	
	<i>Librosque prohibendi Regulis mo-</i>	
	<i>rum , aut Religioni infestos .</i>	245.
Appendix .	<i>De Romanis Pontificibus Erroris sive</i>	
	<i>circa doctrinam Fidei , sive circa di-</i>	
	<i>sciplinam Morum injuste accusatis .</i>	399.
§. I.	<i>De S. Petro .</i>	410.
§. II.	<i>De SS. Clemente , Eleuthero , Victore ,</i>	
	<i>Zephyrino , Cornelio , & Stephano .</i>	426.
§. III.	<i>De SS. Sixto II , Marcellino , Liberio ,</i>	
	<i>& Felice II .</i>	440.
§. IV.	<i>De SS. Innocentio I , Zosimo , Sixto III ,</i>	
	<i>Leone M. , Gelasio I , & Anastasio II .</i>	525.
§. V.	<i>De S. Hormisda , Johanne II , Vigi-</i>	
	<i>lio , S. Gregorio M. , Sabiniano , &</i>	
	<i>Bonifacio IV .</i>	623.
		§. VI.

VIII ELENCH. PAR. II. TOM. V. VINDIC.

- §. VI. *De Honorio I, S. Martino I, Johanne VII, S. Gregorio II, S. Gregorio III, & Stephano III.* 655.
- §. VII. *De Hadriano I, Eugenio II, S. Nicolao I, Johanne X, Johanne XIII, & Silvestro II.* 694.
- §. VIII. *De S. Gregorio VII, Alexandro III, Innocentio III, Johanne XXII, Martino V, Innocentio VIII, Sixto V, & Clemente XI.* 714.





EX P O T E S T A T E

Suprema Pontificis in Causis præsertim Fidei.

A R T I C U L U S X I.

*De Hæreticorum confugiis ad Apostolicam Sedem,
& confessionibus eidem redditis.*

P R O L E G O M E N O N.



ANCTÆ Romanæ Ecclesiæ, apposite inquebat S. Augustinus lib. de utilit. Cred. cap. 17, *Nolle primas dare, vel summæ profecto impietatis est, vel præcipitis arrogantiae*: nolle ei nempe summum illum Sacerdotii deferre gradum, quo tanquam Ecclesiarum omnium Mater, ac Magistra a Christo D. constituta a tota retro Antiquitate religiose habita semper est, ac suspecta. Qua perinde gravissima eos proxime sententia percelli, (atque percellerentur utinam heterodoxi dumtaxat, non etiam Catholicorum complurimi!) quis dubitet, qui geminas eidem Primatui adnatas prærogativas, & Ecclesiastici Principatus velut individuas partes, supremam scilicet in decernendo auctoritatem, ac in docendo indefectibilitatem, abjudicare non ambigunt? At enim hos ego impietatis, & arrogantiae

Part II. Tom. V.

A

pro-

VIII ELENCH. PAR. II. TOM. V. VINDIC.

- §. VI. *De Honorio I, S. Martino I, Johanne VII, S. Gregorio II, S. Gregorio III, & Stephano III.* 655.
- §. VII. *De Hadriano I, Eugenio II, S. Nicolao I, Johanne X, Johanne XIII, & Silvestro II.* 694.
- §. VIII. *De S. Gregorio VII, Alexandro III, Innocentio III, Johanne XXII, Martino V, Innocentio VIII, Sixto V, & Clemente XI.* 714.





EX P O T E S T A T E

Suprema Pontificis in Causis præsertim Fidei.

A R T I C U L U S X I.

*De Hæreticorum confugiis ad Apostolicam Sedem,
& confessionibus eidem redditis.*

P R O L E G O M E N O N.



ANCIÆ Romanæ Ecclesiæ, apposite inquebat S. Augustinus lib. de utilit. Cred. cap. 17, *Nolle primas dare, vel summa profecto impietatis est, vel præcipitis arrogantia*: nolle ei nempe summum illum Sacerdotii deferre gradum, quo tanquam Ecclesiarum omnium Mater, ac Magistra a Christo D. constituta a tota retro Antiquitate religiose habita semper est, ac suspecta. Qua perinde gravissima eos proxime sententia percelli, (atque percellerentur utinam heterodoxi dumtaxat, non etiam Catholicorum complurimi!) quis dubitet, qui geminas eidem Primatui adnitas prærogativas, & Ecclesiastici Principatus velut individuas partes, supremam scilicet in decernendo auctoritatem, ac in docendo indefectibilitatem, abjudicare non ambigunt? At enim hos ego impietatis, & arrogantia

Paris II. Tom. V. A pro-

profecto non accusabo apud Ecclesiæ Patres sive Græcos, sive Latinos, in hanc utriusque cum S. Augustino unanimes conspirantes veritatem, cui Osores isti victas dare manus detrectant, condemnabunt magis ipsimet Acatholici cum veteres, tum novatores, quorum utique hac in re minime suspecta haberi poterit fides, quasi Romanorum Pontificum amplificandis, exaggerandisque prærogativis studuerint plus æquo, fuerintque propensi, qui factis, dictisque, idest tam confugiis ad Apostolicam Sedem interpositis, quam confessionibus sacratissimæ eidem Sedi repensis, eas esse dubio procul Romani Pontificis ambas prærogativas ejusdem Primatus congenitas, conglutinatasque, ultro citroque facti, professique sunt: abunde siquidem honesto viro, æqui bonique æstimatori videri debet, si veritati alioquin apertissimæ, de qua dubitatio vel levis majores nostros nunquam incescit, detur ab inimico homine testimonium. *Firmum est*, aiebat opportunè Novatianus lib. de Trinit. cap. 18. inter opera Tertulliani, & S. Cypriani sæpius recensito, ac separatim vulgato an. 1709. Lond. a Willelmo Wistono Arianismi eundem accusante, nec non ab Edmundo Welkmanno an. 1724, & a Johanne Jaksonio an. 1728. ab hac macula illum abstergentibus, *Firmum est*, inquam, *genus probationis, quæ ab Adversariis sumitur, ut veritas etiam ab ipsis inimicis veritatis probetur.* Et rursus S. Eucherius hom. 2. de Pasch. *Validis absque dubio*, inquebat, *nititur privilegiis, qui causam afferit de Adversarii instrumentis.* Non ero tamen hac in re minime necessaria prolixior; neque, quo par esset, ac possem, argumentum hoc persequar, de quo copiosius me aliis in locis agere memini.

Ut igitur a confugiis, quæ vice plus simplici ad Apostolicam Sedem, velut ad supremum Ecclesiæ Tribunal, ab Hæreticis habita sunt, dicendi exordium capiam, Marcion genere Ponticus a patre Episcopo, filio longe meliore, cui molesti, ingrati, perque graves ipsius erant mores, sed & suspecta evaserat fides, ab Ecclesia ejectus, quum sibi ademptum omnem prorsus in patris gratiam redeundi, amissumque in Ecclesia gradum recuperandi modum frustra sæpe tentatum perpexisset, ut voti demum compos fieret, unum sibi superesse adhuc aditum haud difficilis intellexit, scilicet si Apostolicam adiret Sedem, ac in Romanæ Eccle-

siæ

VINDICATA . ARTICULUS XI. PROLEGOMENON . 3

siz communionem adreperet . Ut præconceptam itaque spem ratam faceret , perduceretque ad optatum exitum , quod animo induerat , propositum , Romam profectus , nullum non lapidem movit , ut Romana Civitate donaretur , ac nobilissimæ Ecclesiæ , ex qua profecto in Ecclesiam universam intemerata Christianæ communionis jura dimanare non ignorabat , Sacrorum jungi consortio ex sententia succederet , quin etiam in Clerum , ut immigrandi aditum sibi aperiret , nihil non egit , sategitque . At enim comperta improbi hominis fraude , sublestaque fide ad omnem fallendi artem composita , Presbyteri , qui post S. Hygini obitum Ecclesiam administrabant , ejusdem fores nequidem patere ei passi sunt . Videsis , ut rem uberius denarrent S. Irenæus lib. 1. cap. 28 , Tertullianus de præscrip. cap. 30 , S. Ephiphanius hæ. 42 , & Philastrius de hæres. cap. 46 . Non itaque veteratorem istum fugiebat supra Episcopos omnes , qua late patet Orbis , Romanum Pontificem auctoritate longe præstare , ipsiusque unius judicio omnium Episcoporum sententiam cadere , aut stare . Tertullianus porro loco mox indicato auctor est a Marcione ad communionis jus comparandum in Ecclesiam Romanam ducenta inlata fuisse sestertia , ex quibus aureorum quinque confici millia observarunt B. Rhe-nanus , Budæus , Pamelius , ac Baronius ad an. 167. n. 6 ; poenitentia quin etiam locum eidem factum commemorat ea lege , ut quos in errorem abduxerat , ad unitatem redintegrare conaretur , quam morte præventus adimplere nequiverit . At vero lapsum hoc loci Tertullianum , quamque de Marcione describit , periocham in Cerdonem potius quadrare ex SS. Irenæo lib. 3. cap. 4 , & Epiphanio hæ. 42. n. 2. etsi haud imperite augurentur Lupus in schol. ad cap. 30. de præscrip. , Tillemontius tom. 2. p. 609 , & Coutantius in epist. Rom. Pontif. pag. 62. §. 1. n. 3 , confer tamen , quæ dixi tom. 3. Art. 5. §. 1. pag. 378 , & seq. Nec prope , nec procul hinc aberant Montanistæ , qui tamen condemnati , in Oriente quidem in Conciliis Anchialensi sub Sota , cui interfuit S. Serapion Antiochenus , de quo Eusebius lib. 5. cap. 19 , & Hierapolitano ab Episcopis 26. habito , cui præfuit S. Apollinarius , teste Auctore Synodici apud Justellum tom. 2. , in Occidente quoque in Conciliis Aquilejensi sub S. Sotere ab Episco-

4 PRIVILEGIA ROM. PONTIFICI

pis 12; & Lugdunensi sub S. Irenæo apud eundem Synodici Auctorem, Eusebiumque lib. 5. capp. 3, & 4, rati nihilo secius cuncta omnia contra se acta fore perquam facile, ut in nihilum cederent, si vel in unius Romani Pontificis communionem irrepere sibi fas foret, ad eundem, qui Baronio est S. Anicetus, S. Soter aliis, Valeſio, & Mafſuetio S. Eleutherus, S. Victor Ludovico du Four, Pagio, & Coutantio, aliisque, quibus favere videtur S. Optatus lib. 1, est S. Zephyrinus, confugerunt: a quo principio quidem Ecclesiæ communio, si fides adhibenda est Tertulliano lib. adv. Praxeam cap. 1, eis est restituta, quippe quorum pietatis fūco, fictaque pœnitentia deceptus fuerat, sed a Praxea, qui sectæ nefandissimæ valedixerat, certior factus, hominumque detecta fraude, Montanistas abstinuit, & anathemate damnavit. Non moror heic autem Boverum hist. Pontif. par. 1. §. 53, aut Schuzium in dissert. hist. theol. de infallib. Roman. Pontif. *Αποκαταστασις*, idest a se ipsa damnata de genere Protestantis Montanismi hæresim S. Victori impudentissime astantes, siquidem hanc ab eo labem abunde deterſit, ac Sycophantas istos depexuit vir doctiss. Wilibaldus Heiſſius Ord. Min. vindic. Sum. Pontif. par. 2. Sæculo II. cap. 15. art. 4. §. 3, & art. 5. §. 2.

Origenes quum plurimum, graviumque errorum personam sibi impositam intellexisset, gravissimeque propterea apud probos fama se laborare, quin etiam damnationi perinde in se a Demetrio Alexandrino ejaculatæ subscripsisse Romanum Pontificem, quem S. Pontianum autumat Coutantius pag. 116. §. unicus, maculam omnem, ac suspensionem ab se amoliri, & abstergere, non quidem apud Alexandrinum Præsulem, sed apud S. Fabianum Pontificem M. officio, religionique duxit. Cujus rei gratia ad ipsum epistola exarata, testibus Eusebio lib. 6. cap. 26, & S. Hieronymo epist. 65. ad Pammach., & Ocean. cap. 4, execrari se quidem ait, quod ejusmodi scripserit, sed accusare quoque Ambrosium ceu scandalii auctorem, deque temeritatis causa eundem postulare, quod secreto ad amicū scripta in palam imprudenter produxisset. Perspectum itaque, atque persuasum animo habebat supremum controversiarum de Religione Judicem Romanum esse Pontificem, cui profecto a cunctis, qui nomine cense-

ri

ri vellent christiano , exacta fidei ratio foret reddenda . Ad hæc Rufinus ejusdem interpres , ac defensor , ea de causa se , perinde atque Origenem , fama apud bonos haud leviter laborare percipiens , adeo nec hebes , nec in historia Ecclesiastica hospes erat , quin suæ & samæ , & fidei meliori altera consultum iri ratione non posse facile perspiceret , quam si apud Sedem Apostolicam erroris maculam omnem prorsus elueret . Ea de re primum a S. Siricio , cui nondum comperta erat hominis sublesta fides , litteras , quas , *Formatas* nuncupant , quasque tanquam fidei tesseram catholicis impertiri Episcopis solemne erat , impetravit , eisque postea jactabundus , teste S. Hieronymo in epist. 16. ad Principiam , & lib. 3. Apolog. , a S. Anastasii litteris ad Johannem Hierosolym. , & Venerium Mediol. , quibus adornata ab ipso Origenis latina versio , ceu multorum errorum undique scattens accusabatur , se se tuitus est , & defendit . Præterea se ubique lacescitum , vellicatumque ob eosdem Origenis errores , quibus versionem asperferat suam , nec modum detractionibus de se ullum imponi modum intelligens , suæ ut opitularetur samæ , fideique integritati , de qua graviter apud Catholicos periclitari , ac in dies magis , magisque decedere comperiebat , ad S. Anastasium Siricii successorem Apologia inscripta inter opera , S. Hieronymi tom. 5. edit. Martianæ pag. 259. rejecta , ab se quidem Origenis libros *πῆρ' αὐτοῦ* de Principiis Latinos factos fatetur , ab ejusdem tamen placitis se valdequam abhorrire profitetur , cujus utique rei vadem , testemque vult esse formulam , quam fidei suæ eidem emittit , propria eadem faciens ipsa , *Quæ etiam Apostolica Sedes tradere , & docere consuevit* , contestatus tandem ad calcem epistolæ se in ea commori velle fide , quam cum Romana tenerent Ecclesia Alexandrina , & sua Aquilejensis : siquidem non cum latebat S. Romanæ Ecclesiæ præ ceteris cunctis cum dogmatum , tum Decretorum habendam esse rationem .

Porro a S. Anastasio exaratam hoc de argumento epistolam , ad Johannem Hierosolym. confictam de industria , ad calumniam struendam , a S. Hieronymo suspicatus olim est Rufinus , ac recens suppositionis adhuc suspectam habere non destitit Petrus Halloixius de vita Origenis p. 333. At neutri dubitandi locum reliquit S. Doctor

ctor lib. 2., & 3. Apolog. Ex eadem epistola anathemate confossum a S. Anastasio Ruffinum existimant Garnerius epistolam ab se editam ad calcem Marii Mercat. ideo interpolare non veritus, Pagius ab eodem in errorem inductus ad an. 401. n. 9, non secus ac Sommer lib. 4. hist. dogm. S. Sedis cap. 4, ac Blanchinius in Not. hist. ad S. Anastasium; idque indicare videtur S. Hieronymus lib. 3. adv. Ruffin., & epist. 16. ad Princip. At versionem quidem ab eo adornatam damnatam a Pontifice, non etiam Ruffini personam, verius censent viri Cl. Fontaninus hist. litter. Aquilejensis cap. 19, Coutantius in monito prævio ad epist. 2. S. Anastasii, Vallarius in adnot. ad epist. 127, olim 16. S. Hieronymi ad Principiam, Bernardus de Rubéis de antiq. Eccl. Aquil. monum., Cacciarus in historica dissert. pro Ruffino par. 2. §. 22., quem & §. seq. a nota Pelagianismi ipsi a Baronio, Norisio, Natali, Pagio &c. impæcta abstergit, & Orsius hist. Eccles. lib. 22, hisce sane haud contemnendis ducti momentis. Nam S. Anastasius in epistola ad Johannem Hierosolym., cujus, præter editam, antiquissimum exemplar inter Codices Sæculo IX. collectos a Pacifico Ecclesiæ Veronenfis Archidiacono servari in Archivo ejusdem Cathedralis testatur Cl. Blanchinius in Not. ad S. Anastasium tom. 3. sect. 40. p. 62, & in epistola ad Venerium Mediol., quæ in nova operum S. Hieronymi editione a Vallario Clas. 3. n. 95, & ex ipso a Mansio in Supplem. Concil. tom. 1. pag. 258. exhibetur, inscripta tamen ad Simplicianum, S. Anastasius, inquam, a Ruffino elucubratam equidem librorum Origenis de Principiis latinam versionem improbat, illius tamen personæ parcit, atque suspitione laborare illum utique scribit, latere se vero, num idem hæreticum gereret animum, Origenisque erroribus opinione adhæreret. Præterea Ruffino communionem, quinimo amicitie necessitudine conjunctissimos sese dedere, quoadusque in vivis egit, Viri sanctissimi, Venerius Mediolanensis, Chromatius Aquilejensis, Laurentius Concordienfis, Petronius Bononiensis, Gaudentius Brixienfis, Paulinus Nolanus, Augustinus Hipponensis, & Johannes Hierosolymitanus: absit autem tales tantosque Præsules societate, gratiaque sua donatum voluisse hominem hæreticum, cum Origene eodem in luto hærentem, ideoque ab Apostolica Sede Ecclesiasti-

fiastica communione mulctatum existimemus. Postremo S. Gelasius in decreto de Libris Canonicis, & Apocryphis Ruffinum *Religiosi* hominis titulo cohonestare non dedignatus est, id unum admonens illum a S. Hieronymo circa liberum arbitrium nonnulla erroris nota inustum. Putasne vero a S. Gelasio eo honoris nomine decoratum hominem, cui S. Anastasius hæresis dicam inflixisset, quemque irrogato anathemate ab Ecclesia abstinuisset, suæque a societate fecisset extorrem? Legendæ etiam litteræ Apostolicæ Benedicti XIV. ad Johannem V. Portugalliæ Regem, ubi de Ruffino eruditissime pro more differit: cæterum de libro *ἡρώδης* latine a Ruffino reddito agit & diligenter Walchius differt. de Pelagianismo ante Pelagium. Interea Coutantius in Not. ad Apolog. Ruffini, Cacciarus, & Orsius loc. indic. observare non desinunt S. Hieronymum equidem de Ruffino victoriam retulisse, non nihil tamen censuræ modum excessisse, neque satis Ruffini objectis occurrisse, quæ præsertim ex ipsius Commentariis in Ecclesiastem, atque in Epistolam ad Ephesios, Origenis placitis omni ex parte refertissimis, instruxerat.

In viam redeundo nunc meam, unde paullisper deflexeram, paucis, quoad ejus fieri poterit, perstringam, quæ huc conferunt, alibi tamen uberiori persequutum oratione me memini. Fortunatum, ut damnationis fulmen arceret a capite, ad Petri Cathedram cum quinque pseudo-Episcopis, qui ei sacrilegas imposuerant manus, appellatione interposita confugisse, auctor est S. Cyprianus epist. 55. ad S. Cornelium edit. Pamel., sive 59. edit. Oxon. Quos proxime imitati Donatistæ adversus Cæcilianum Episcopum Carthagenensem S. Melchiadis tribunal adiere, alterum sane eident, minime superstare persuasum habentes. Donatus nimirum a Casis nigris cum 10. Episcopis partibus suis individue addictis, Pontifice coram causam pro se, suisque contra Cæcilianum dicturus, comparuit: quamvis postea causa lapsus, apud Synodum Arelatensem experiri rursus judicio maluerit, atque ab ista, in qua pariter ceciderat causa, ad Constantinum Imp. provocare non erubuerit: quo de argumento alibi abunde. Quod mirum videri non debet, quippe manendi in sententia istiusmodi homines non usum habent. Quælo vero, fuit ne unquam pestilentius furentium hominum genus,

8 PRIVILEGIÆ ROM. PONTIFICI

nus , qui ad oppugnandam Ecclesiam exasperioris impetu odii se contulerint , & ad catholicos Episcopos exiliis , carceribus , plagis , mortibus affligendos , divexandos , deque medio , si fieri posset , delendos , omnem præsidii modum ab arte , a vafricitie , ab audacia , a violentia , a mendacio , a maledicentia comparare magis sategerint , quam Arianis ? At hi tamen non adeo sensum exuerant omnem , quin propitium habendi Romanum Pontificem necessitatem incumbere sibi perciperent , quo infesto , inque partes ingredi suas refragante , fore perquantifacile , ut conatus suos frustra tadem cederet omnis . Ergo , qui familiam ducebant , Eusebiani cum privatis , tum publicis in Conventibus pessimæ causæ suæ prospexisse meliori , quo potuissent modo , parum habentes , litteris missis , legatisque , quorum partes cum explevere , tum , promoveri Macarius , Martyrius , Hesychius , Carponas , & Pistus , de quibus loquitur S. Julius in epist. ad Eusebianos apud S. Athanasium in Apolog. 2. , ad Apostolicam Sedem plurimi criminis nomine S. Athanasium detulere , ut ei nempe mortæ in Arianos quæstionis vicem rependerent , quodque maxime ipsorum intererat , impactam maculam hæresis eluere , ac Romanæ Ecclesiæ communionem suffurari conati sunt . Quorsum hæc nisi exploratum vel hæretici isti habuissent , posse supra Episcopos omnes unum Romanum Pontificem , cuius dicto obedientes esse , doctrinæque inhærere , omnes deberent , qui Catholico vellent censi nomine . Quod autem hi per litteras , legatosque procurarunt , id per semet præstare duxere Valens , & Ursacius , magni inter Arianos nominis homines , qui eidem Pontifici libello pœnitentiæ ultro oblato , veniam poscentes eorum , quæ impie contra S. Athanasium peccaverant , ea lege impetrarunt , ut anathema Ario dicerent , & voci *Opus veride* subscriberent . Ira referunt S. Hilarius frag. 2. , & S. Athanasius in epist. ad Solit. Confer notas Doctiss. PP. Benedicti in præf. locum S. Hilarii , & Hermantium in elucidatione ad S. Athanasium tom. 1. in ejus vita , ac Pagium ad an. 347. n. 10. , & seqq. Quæ , sodes dic , quid aliud significant , nisi vel ab Arianis Sedis Apostolicæ Tribunal tanquam omnium supremum agnitum , & assertum , eidemque reddendam ubique gentium ab Episcopis rationem ?

Atque ex his habes , quibus manifestæ suppositionis cum
Baro-

Baronio , Binio , & Labbeo redarguas epistolam , qua fertur Liberius de damnato Romæ S. Athanasio Ursacium, Valentem , ac Germinium certiores fecisse . Quamquam si postea eò impudentiæ inauditiæ, impietatisque progressa legitur Arianorum procacia , ut in S. Julium sententiæ iniquissimæ telum intorserint , non hinc prior optima de potestate Romani Pontificis labefactatur persuasio: quid enim frequentius hominibus hujusce furfuris, ut quos desperatæ causæ furor semel abstraxit, in diversas, & adversas rationes perinde distrahat , & abripiat ? Ita nempe iterum exemplo confirmant suo iidemmet Ariani, qui e Synodis Sirmienfi, Ariminensi, ac Seleuciensi litteris, ac legationibus repetitis, Imperatorisque insuper Constantii opera adhibita , Liberium P. M. suas in partes trahere pertentarent . Quorsum id , nisi quia suarum summopere esse rationum non ignorabant, assertorem habere Romanum Pontificem? At enim res ex voto non cessit: quamvis enim Sirmienfi formulæ syngropham adjecisse feratur , Ariminensi tamen apponere detrectasse non modo, sed imo Acta omnia damnasse, auctores liquidi sunt, ac locupletes S. Siricius in epist. ad Himerium Tarac. , ac Theodoretus lib. 2. cap. 17. Quid ad hæc , quod Semiariani Eustathius Sebastenus , Silvanus Tarsensis , & Theophilus Castabalenfis e Synodo Lampfacena anno 365. ad Liberium litteras communionis postulatum profecti , ea lege demum impetrare meruerunt , ut fidei , quam Romana teneret Ecclesia , juxta formulam a Concilio Nicæno elucubratam , professionem coram Pontifice emitterent? Quas litteras, de quibus loquuntur S. Basilii in epist. 82, Socrates lib. 4. cap. 12. , & Sozomenus lib. 6. cap. 11, ubi primum Synodo Tyanensi anno 367. exhibere licuit, suis extemplo Sedibus restituti sunt, neque quidpiam amplius negotii faceffitum est illis . Tanti nempe Romani Pontificis fiebat potestas , ac de fide pronuntiatum, ut vel a Semiarianis suspicio omnis amoveretur, si semel eos a Romano Pontifice communionis gratia donatos constaret; ideoque suo iidem starent loco , a quo deturbari nequidem a Concilio possent, postquam id jussisset Pontifex. Confer doctiss. Coutantium in Monito prævio ad Liberii epist. 14. pag. 450.

Tantus profecto nondum veteres illos Veteratores obduxerat stupor , quantus postea Novatores turpiter occupavit, quin
Part. II. Tom. V. B den-

VINDICATA. ARTICULUS. XI. PROLEGOMENON. 11

lib. 7. cap. 3. Postremo ad eundem S. Damasum Priscillianus, Instantius, & Salvianus ob hæresim in Concilio Cæsaraugustano (anno 381. non utique, veluti Baronio, & Coutantio visum est, sed anteriori 380, uti Pagio, & Harduino ex Æra 418. advertere licuit), anathemate damnati, & loco dejecti, Romam profecti confugerunt, causam suam contra Synodi sententiam dicturi. Sua itaque summopere interesse sciebant, si stantem pro se Pontificem haberent; foreque necesse, ut sententia penitus caderet Synodus. Verumtamen voti nequaquam compotes sunt facti: siquidem a Pontifice fraude detecta, compertoque jampridem hominum ingenio, quibus mentiri, ac pejerare religioni non erat, ne in conspectum quidem admissi sunt, Severo Sulpitio teste lib. 2. hist. sacræ, quo loci subjungit eosdem ad se accedentes adversatum fuisse Mediolanensem Antistitem S. Ambrosium. Quod dictum eo demum accipi sensa non patiar, quo imaginatur Coutantius, id est arbitratus in Not. epist. non extantium S. Damasi §. 12. n. 18. pag. 597. hac agendi ratione SS. Damasum, & Ambrosium docuisse, quo loco Synodorum lata in hæreticos sententiæ haberi debeant: quandoquidem ex innumerabilis exemplis discimus a Romanis Pontificibus pro suprema potestate Synodorum in hæreticos prolata judicia fuisse non infrequenter ad incudem revocata.

Non opus est pluribus hanc persequi rem, de qua mihi sermonem instituendi sæpius occasio recurrit: summis dumtaxat tangent digitis, quæ huc magis conferre videntur, aliis vero in locis fusiori tractanda calamo dimitto. Pelagium itaque, Cælestiumque contra Synodorum sententias ad SS. Innocentium, & Zosimum supplices confugisse fide affirmant sua S. Augustinus lib. de gratia Christi cap. 30, & seqq., lib. de peccato Orig. cap. 5, & seqq., & lib. 2. contra Julian. circa finem, ac Marius Mercator in Common. cap. 1. Ad eundem S. Zosimum geminas ab se scriptas epistolas, quibus a Pelagiana se expurgare hæresi studuerat, ideoque in Pontificis irrepere gratiam, memorat Julianus apud S. Augustinum lib. 1. oper. imperf. cap. 18. Ex eis una quoque commemoratur a Mario Mercatore lib. Subnotationum cap. 6. pag. 46, & cap. 9. pag. 58. Tom. 1. edit. Garnerii: quo loci adnotat ex lit.

teris illis nihil eundem retulisse, siquidem S. Zosimi Tractoriæ jam in Orbem emissæ subscribere detrectasset. Alteram Juliani epistolam ipsum esse fidei libellum, in quo præter alia ad plenariam Synodum provocat pag. 27, quique prostat in append. Tomi 10. oper. S. Augustini pag. 110. nov. edit., editusque a Garnerio est ex Codice Veronensi a Sirmondo eruto Tom. 1. pag. 3 19, suspicatur Coutantius in Notit. epist. S. Zosimi non extantium §. 11. n. 28. pag. 1001. At hunc libellum non ad S. Zosimum P. M., velut existimavit Garnerius, a quo perinde in errorem pertracti sunt Coutantius, & Fabricius Bibliot. med., & infimæ Latin. lib. 9. pag. 196. edit. Patav. 1754, bene vero ad Augustinum Primatelem Aquilejensem ex Emin. Norisio observasse me memini Tom. 3. Artic. 5. §. 3. pag. 512, & seq. Ad hæc Julianum *ab Apostolica sententia*, uti locum Marii Mercat. præfat. in Tract. Nestorii legendum ex archetypi fide jubet Baluzius pag. 33, atque ita legi debere ex S. Augustino lib. 1. contra Julian. cap. 12. confirmat doctiss. Coutantius §. 12. n. 30, non vero *ab Ecclesiastica sententia*, uti legere maluit Garnerius pag. 58, Julianum, inquam, gradu deturbatum, & ab Ecclesia depulsum, loci recuperandi cupidine in Apostolicæ Sedis communionem irrepere denuo tentasse auctor est S. Prosper in Chron. ad an. 439; ubi subtextit hortatu S. Leonis tum Diaconi a S. Sixto III. fraudulento homini, qui fluxam semper fidem suam fecerat, nullum patere aditum fuisse permissum. Quid ad hæc, quod Nestorius duabus epistolis, semel & iterum S. Cælestinum P. M. cum de ratione, qua sibi cum Juliano, aliisque Pelagianæ sectæ antesignanis foret agendum, consuluit, tum fidei suæ accuratam eidem rationem, quam si Pontifici allubere contingeret, tutum se a commota tempestate non dubitabat, reddendam esse è re sua duxit? Ejus perinde vestigiis inhærentem Eutychem patrociniū fidei, causæque suæ pessimæ adversus S. Flavianum, ac Synodum Constantinopolitanam apud S. Leonem M. quævisse abunde dictum abs me Tom. 3. Art. 5. §. 1. pag. 403, & seqq. est. Ad quæ illud observatu quammaxime dignum nunc judico, quod in Ephesina pseudo-Synodo, referentibus Liberato Brev. cap. 12, ac Theodoro Lect. in libello Concilio Chalced. act. 1. inserto, quamvis innumeros

pro-

prope , hæresi Eutychianæ qui subscribere ultrocitroque non detrectarent , Ægyptios, Thraces, ac Palæstinos Dioscorus invenisset , non plus minus tamen decem rapuit , qui damnationis sententiæ in Pontificem M. latæ adhærere voluerint:ii videlicet licet hæretici facti , & Catholicæ fidei adversarii,ac proditores,Romani tamen Pontificis dignitatem summopere veriti sunt , & reveriti , ut opportune observarunt Baronius, & Pagius ad an. 449.n. 168. Tom. 8. nov. edit. Lucen. pag. 47 , & seq. Accipe demum hujusce religionis documentum adhuc unum , vel alterum. Photium apud Hadrianum II. legatione,ac litteris jus suum contra S.Ignatium, perperam tamen,prosequutum legimus inter alios in Anastasio præfat. ad Synodum VIII. Abaelardum ad Innocentium II. provocatione interposita perditæ causæ suæ patrociniū , quo certo majus se posse nancisci desperabat , quævisse intelligimus ex S.Bernardo in epist. 189,& 190,nec non ex Gaufrido Clareval. Abaelardi olim discipulo lib.3.vitæ S.Bernardi cap.5.Atque hæc obiter de confugiis:nam aliis in locis multa adhuc erunt attexenda ; atque heic attexta uberius ibi enucleanda .

Jam adCaput2.accedo de confessionibus ab hæreticisRomano Pontifici haud raro redditis,unde cum gestis dictorum,ac veterum cum Novatoribus *Ομολογια* , sive imo *Ομολογια* liquido adpareat . Atque quidem apertissima in hanc veritatem a Schismaticis frequentissime collata testimonia, ex eorum explicatissimis confessionibus abunde , opinor , planafacta sunt , ubi de Ecclesiæ Orientalis traditione , ac testimoniis disserendi opportunitas adfuit . Quod ad hæreticos attingit , principio, antequam ad istos descendam , peto , ut in tot retro Sæcula obiter retorqueatur oculus *αὐτῶν πατῆρ* , pacataque mente perpendatur, tot inter veteres Religio- nis , Ecclesiasticæque Reipublicæ perturbatores non utique visos fuisse , auditosque , qui fronte præfracta, elato præ fastu supercilio , projectoque omni præ furore pudore Romanum Pontificem lacessere probris , contumeliisque proscindere ausi sint unquam . Hæc ultima audendi devexiori hac sub ætate demum veniam, animum , copiamque Symmictis suis fecere Lutherus,& Calvinus, ut effusa , effrænique maledicendi licentia , ac libidine Bacchantum instar in Romanos Pontifices efferrentur . Proh Superi procacissi-
morum

morum hominum protervitatem? Ecquisnam æqui, justique æstimator non stomacetur, non horrescat, non infremat ad criminationes, ad convicia, ad contumelias, quas ore blasphemus, tanquam canes præ rabie furentes, in Apostolicam Sedem, quam verecondiæ simul, ac veritatis legibus semper adacta tota retro Antiquitas tanto in honore habuit, adeoque ut persuasum vel apud Ethnicos ipsos esset, universis Orientis, Occidentisque Episcopis potestate sua Romanum Pontificem longe præstare: ac propterea Ammianus Marcellinus post enarratam S. Athanasii damnationem, quam ab Episcopis Occidentis, & Orientis Constantius Imp. extorserat, non acquievisse eum tamen subjungit, sed *Auctoritate quoque, qua potior est, æternæ Urbis Episcopi firmari desiderio nitebatur ardenti*, in Apostolicam, inquam, Sedem effundere, & profundere ab Antesignanis suis procacissimis obtreccatoribus edocti sunt Jo: Balæusin hist. Papatus; Matthias Sutelivius de conform. Papat. & Turchis; Jo: Sleidanus in hist.; Mornæus Plessæus in Myst. iniq.; Georgius Nigrinus in Papistica inquisit.; Stephanus Szegedinus in speculo Rom. Pontif.; Johannes Gisenius in Papismo; Daniel Chamierus in Panstratia cathol.; Nicolaus Hunnius in apostasia Rom. Eccl.; Jo: Gerardus in confess. cathol. par. 2; Georgius Millius in serm.; Maximilianus Philon in exam., & inquisit. Papist.; Jo: Henricus Heideggerus in hist. Papat.; Jacobus Heilbruner in Papatu acathol.; Jo: Wolfius in lection. memorab., & reconditis; Nicolaus Honigerus in speculo Rom. Pontif.; Matthæus Goebelius in Cæsareo - Papia Romana; Antonius Reiserus in Roma non gloriosa; Daniel Hofmannus; Matthias Hoe; Ludovicus Sekendorffius in hist. Luteran.; Jo: Wolfgangus Jægerus; Abrahamus Calovvius in Matæologia Papist.; Petrus Juræus de præjudiciis Papat.; Gilbertus Burnetius in hist. Reformat. Eccl. Anglic.; Simeon Patrikius; Josephus Addisonius in Itiner. Ital.; Jo: Placetæus de insanabili Eccl. Rom. scepticissimo; Maximilianus Missonius in nov. itin. Ital.; Banck de tyrann. Pap.; Jo: Guntherus de Ecclesia Luther. Apostol., Romana vero Apostat.; Christianus Weisius, & Jo: Ulricus Wolmarus de Spuriis in Ecclesia, & relitter. claris; Daniel Maichelius de variis Eccl. Rom. molimin., ac methodis in revocandis hæreticis; Christophorus Matth. Pfaffius Instit.

VINDICATA . ARTICULUS XI. PROLEGOMENON. 15

Instit. Theolog. par. 3. sect. 2; Ernest. Augustus Bertlingus in Instru& de Jubilæo Papali, contra quem consule Emin. Quirini præfationem ad Librum *Injustæ secessionis* &c; Erhardus Erhardt in examine scripturistico Jubilæi Papal. 1750; Archibaldus Bouverus, & Frider. Eberhardus Rambac in hist. Papali; Jo: Fidelis Schantzius in cogitatibus de erroneis præjudiciis Papatus; Gotfridus Sebusius de infallibilitate Rom. Pontif. *MUTATAS ITUM*. At quorsum operam ludo sexcentos hujusce fursuris Sycophantæ persequendo, quibus plus quam sexcenties durissimum os jamdudum obstruxere nobilissimi de nostris scholis Theologi? Potius novo præliandi genere Novatores istos aggredi præstat, & comprimere: quo tamen putas, si Superis placet? Non altero, quam quod de ipsorum penu suppeditabitur, ex Symmisticis nempe suis eos in aciem producendo, atque opponendo, qui sive verecondia, sive veritate cogente, bene de Romano Pontifice loquuti sunt.

Atque ut exordium capiam a Jo: Wiclefo, hic in epistola ad Urbanum VI. an. 1384. inscripta, quam refert Foxus lib. 1. Comment., & ex ipso Jodocus Coccius in Thesau., Gaudeo, scribit, *plane detegere cuicumque fidem meam, & specialiter Romano Pontifici, quia suppono, quod, si sit orthodoxa, ipse fidem meam confirmabit, & si sit erronea, emendabit . . .* Suppono iterum, quod Romanus Pontifex, quum summus Christi Vicarius in terris sit, ad illam legem Evangelii inter viantes maxime obligetur . . . Si in istis erravero, volo humiliter, etiam post mortem, si oporteat, emendari: & si in persona propria ad votum potero laborare, vellem præsentiam Romani Pontificis humiliter visitare. Hæc loquebatur, dum adhuc veritatis lumen adspiciebat, quibus animo nedum depositam prodere cogeatur opinionem in Ecclesia receptissimam de Romano Pontifice suprema prædito potestate, ac in fide falli, & fallere nescio. Nec dispar ibat admodum verbis, modo non falleret mens, Pezibranus pestilentissimus Hussita, qui in fidei professione anno 1450. emissâ inter alia sic enuntiabat: *Prostiteor fidei corde, & ore, quia omni voluntate, & desiderio sum in spe, esse cupio in re, ex integro inviolabiliter, & inseparabiliter membrum S. Matris Ecclesiæ Catholicæ, universalis, & Romanæ per totum Orbem diffusæ, in Apostolicis Sedibus*
a B. Pe-

a B. Petro Apostolorum Principe fundatæ, & usque modo continuatæ, & super firmam Petram tam firmiter roboratæ, quod portæ Inferi non possint adversus eam quomodolibet prævalere. Ita plane sincere profiteri oportet hominem, cui veræ fidei jubar affulgeat, ac salutem allequendi æternam votum cordi insit. Confer litteras nobilium Bohemorum, ac Moravorum ad Concilium Constantiense; nec non fidei professionem eodem in Concilio editam a Hieronymo Pragensi sess. 19. apud Harduinium tom. 8. pag. 451, & 454. Locum hic quidem Laurentio Vallæ facere liceat, quin tamen eundem, etsi fama, fideque haud leviter laboraverit, inter hæreticos collocandi mens sit, quibus nihilofecius viri hujus testimonium acceptum haberi non nequit. Is ergo in orat. ad Eugenium IV. præposteræ, quam pridem tenuisset, agendi rationis pœnitentia ductus, apud Pontificem excusat se, veniamque petit, quod pro Basileensibus aliquando stetisset, ac scripsisset. Quod non est aliud, quam primas supra Concilium Pontifici M. fore largiendas fateri: de quo videndus Raynaldus ad an. 1446. n. 9.

Locupletem nunc, siquem alium, Lutherum hujusce rei testem advoco, quem nemo recuset: quid enim, si tanta severitate non tam, quam sævitie, quæ hominem prodat præfutoris impetu sui impotem, omnesque honesti, justique limites prætergressum, adversus Romanos Pontifices debacchatus est, quid, inquam, tum inde? Exemplo suo docuit, quid vel ab invitis veritas extorquere valeat. Is ergo in Libello, quem conscripserat de auctoritate Rom. Pontificis, cujus meminere Ulenbergius in ipsius vita cap. 4, Cochläus de actis, & scriptis Lutheri, ac Sanderus de visib. Monarch. lib. 7: Non video, inquit, quomodo sint excusati a Schismatis reatu, qui voluntati Dei contravenientes se se a Romani Pontificis auctoritate subtrahunt. Ecce hæc est una prima mihi insuperabilis ratio, quæ me subjicit Romano Pontifici, & Primatum ejus confiteri cogit. Bene hæc se habet Lutherus, nam is pugnat telis, quibus profecto sibi jugulum petat: pergit deinde, Ad hoc, subjungens, facit unus ille consensus omnium Fidelium, qui hodie sub Romano Pontifice sunt. Quibus appolite quidem, similibusque Sanderus loco cit. Lutheranos exagitat. Ipse Lutherus, de ipso quoque scribens Ulenbergius cap. 3. inquit,

quit, *mira quadam calliditate multorum animos sibi adjunxit; dum Ecclesiae Romanae, & Pontificis judicio se, suaeque omnia submitteret: simulate quidem, quemadmodum post satis apparuit; at ita tamen, ut consilia eorum, ad quos hujus causae cognitio pertinebat, haberent, & ob hanc ipsius submissionem suspenderentur.* Cujusmodi quidem subdolae hominis fidei specimen in eo exhibet Ulembergius, quod Lutherus die 3. Martii anno 1519. ad Leonem X. P. M. litteris inscriptis, se ipsum, causamque universam voluntati, censuraeque Pontificiae subjecit, permisitque: Deum etiam testatus, & creaturas omnes, se nunquam id hactenus egisse serio, ut potestatem Romani Pontificis laederet, ac labefactaret, seu Apostolicae Sedis auctoritati dolo, fraudeque quidpiam de trahe- ret: quin imo ultrocitroque professus ejusdem potestatem in Ecclesia supremam esse, solaque Divina inferiorem. Atque utinam ex animo! Nam quam vere, quam bene in Resolutionibus disputatis ad eundem Pontificem scripsit Lutherus in haec verba: *Beatissime Pater, prostratum me pedibus Beatitudinis tuae offero cum omnibus, quae sum, & habeo: vivifica, occide, voca, re- voca, approba, reproba: vocem tuam vocem Christi in te praesidentis, & loquentis agnoscam.* Similia regerit in Resolutionibus aliquarum propositionum apud Nardium in expunct. 1. *Primum, inquit, quod me movet Romanum Pontificem esse aliis omnibus superiorem, est ipsa voluntas Dei, quam in ipso facto videmus. Neque enim sine voluntate Dei in hanc Monarchiam venire unquam potuisset Romanus Pontifex. Et voluntas Dei, quoquo modo fuerit nota, cum reverentia suscipienda est; ideoque non licet temere Romano Pontifici in suo Primatu resistere.* Haec ille, dum adhuc integros habere videbatur sensus, qui repetita vice Augustae coram Legato Cajetano haec insuper e scripto discrete profiteri non est dedignatus: *Ego Martinus Lutherus protestor me colere, & sequi S. Romanam Ecclesiam in omnibus meis dictis, & factis praesentibus, praeteritis, ac futuris. Quod si quid contra vel aliter dictum fuit, vel fuerit, pro non dicto habere, & haberi volo. Quid plura? Citatus ad Comitata Augustana a Maximiliano Imper. an. 1518. indicta coram Legato Apostolico ab iis appellatione interposita ad Pontificem provocavit: (quamquam*

postea, velut hæreticorum hominum præferre solet ingenium, a Leone X. damnatus a Pontifice appellavit ad Concilium): quæ tamen præpostera agendi ratione patefecit, quid ab homine Catholico de Romano Pontifice recta fide foret credendum. Vide & Surium in Comment. an. 1517, ac Raynaldum ad an. 1519. n. 40.

Antequam ad alterum Novatorum Antesignanum appellam, Calvinum nempe, pauca disserere de Erasmo non poenitebit, a cujus nomine Protestantes haud abhorreere perspectum est. Erasmus ergo, emunctæ, ut norunt omnes, vir naris utique, & ab assentandi vitio quammaxime alienus, negari quidem nequit, quin si ve ob asperitatem ingenii, si ve ob Theologicæ rei imperitiâ in errores temporum infecti visus fuerit, quædamque fidei orthodoxæ parum consona scripserit; jureque propterea in violatæ Religionis culpam sæpius vocatus sit. Revera tamen de ejus orthodoxia dubitare non sinunt Johannis Rossensis, qui in lib. de verit. Corp., & Sang. Christi in Euch. in præf. inter acerrimos Lutheri hostes adnumerare Erasmus non omisit: Jo. Cochleus, qui in Invect. eundem inter Leonis X. amicos, & laudatores commemorare non dubitavit: Hadrianus VI, qui in epist. anno 1518. exarata eundem digno mactare elogio non detrectavit: Fabricius denique, de Religione Erasmi dissertatione edita Hamburgi 1717, eundem copulare illorum catalogo, qui Romanæ studuissent Ecclesiæ, non abnuitt Salut. Luc. Evang. pag. 73. Sed & de Erasmi orthodoxia adeundus Richardus Prior Belliloci in apologia an. 1688. Colonix hoc de argumento elucubrata. Indubium est illud Erasmus a Sedis Apostolicæ obsequio nunquam descivisse, uti fidem invictam faciunt cum ipsius epistola anno 1524. die 13. Febr. ad Clementem VII. lib. 19. epist. 1. inscripta, velut etiam agnovit ipsemet Franciscus Brujus hist. Pontif. tom. 4. pag. 446, tum Pauli III. epistola ad ipsum die 1. Aug. an. 1535. apud Raynaldum n. 28. reddita, qua Erasmus multa perpeßum ab hæreticis pro tuenda Apostolicæ Sedis auctoritate memorat, quem propterea laudibus cumulat, ac pingui donat Sacerdotio. At enim præstat ipsum audire, qui tot in locis, tamque liquido in Romani Pontificis meritas laudes prodit, ejusque Divina privilegia celebrat, ut de sincera ejus sententia nefas sit suspicari. Enim vero lib. 1.

de

de ratione concionandi *Expedi*, ait explicitissime, *ad arcenda Schismata unum esse Pontificem Romanum, qui præsideat Ecclesiis omnibus*. In Spongia vero adversus Huttenum suspicionem omnem de oppugnata ab se Pontificia potestate his amolitur verbis: *Non indixi bellum Romano Pontifici. Non professus sum me protectorem Lutheranae factionis. Constat Græciam in Romani Pontificis potestatem concessisse. Lutherum non agnosco; Romanam Ecclesiam agnosco*. Quum rursus Romæ, alibique in suspicionem violati juris Pontificii vocatum se intellexisset, itemque fama iccirco haud leviter laborare, quod favorem Lutheranae causæ impendere crederetur, omnem ab se ut invidiam depelleret, fidemque liberaret suam, cum in epist. 1. lib. 14. ad Card. Campegium ita scribit: *Quid mihi necessitudinis cum Luthero, aut quid ab illo sperem, præmiorum; ut ab eo stare velim adversus doctrinam Evangelicam, aut adversus Ecclesiam Romanam, quam opinor a Catholica non dissentire, aut adversus Pontificem Romanum totius Ecclesiæ Principem? . . . Non sum tam imprudens, ut obstitam ei, cui nec Regibus tutum est obistere*: tum in responsione ad exhortationem Alberti Pii Carporum Principis sic fatetur: *Tot scriptis tribus Romano Pontifici totius Ecclesiæ Primatum, frementibus cunctis, qui Romano Pontifici male volunt. Ego apud Lutherum non alio nomine pejus audio, quam quod ubique factam tectam volo Pontificis auctoritatem*. Similia habet in scholiis ad epistolam S. Hieronymi ad S. Damasum, quem a S. Doctore habitum supremo in Ecclesia Capitis loco & ipse agnoscit; in epist. 3. lib. 14. ad Leonem X; epist. 112. lib. 19; epist. 47. lib. 31. ad Vulturium Neocomum, ac epist. 38, & 39. ejusdem libri. Qui postremo salubrius capere consilium nequivit, quam quo Ecclesiæ Romanæ judicio, se, librosque suos demississimo animi obsequio subjiceret.

Ad Calvinum nunc aggrediendo, is equidem lib. 4. Instit. capp. 6, & 7. Romanæ Ecclesiæ Primatum effutit neque ex Christi instituto, neque ex veteris Ecclesiæ usu originem sumpsisse: honore ordinis, non potestatis jure S. Petrum ceteris Apostolis fuisse priorem, atque et si dignitate reliquos antecellisset, Apostolis ipsi Primatum deferentibus, id ad perpetuitatem non esse trahendum. Cui basi postmodum suos quoque superstruere

errores M. Antonius de Dominis, & Edmundus Richerius, ut de aliis nunc fileam, non erubere. Non tamen inficias it, quin in persona S. Petri Romanæ Ecclesiæ Primatum plerique ex Patribus acceptum detulerint; quin Apostolicam Sedem summo honoris loco semper habuerint, de eaque reverenter loquuti sint: *Idque*, inquit, *ex triplici capite: opinio enim illa, quæ nescio quomodo invaluerat, fundatam, & constitutam eam fuisse Petri ministerio, ad conciliandam gratiam, & auctoritatem plurimum valebat. Itaque in Occidente Sedes Apostolica honoris causa vocabatur. Deinde quum illic esset Caput Imperii, & hac ratione credibile esset præstantiores tum doctrina, tum prudentia, & multarum rerum usu viros illic esse, ne & Urbis nobilitas, & alia etiam Dei dona multo excellentiora contemni viderentur. Accessit ad hæc & tertium, quod quum Orientales, & Græcæ Ecclesiæ, Africane etiam multis opinionum dissensionibus inter se tumultuarentur, hæc sedatio aliis, & minus turbulenta fuerit. Ita factum est, ut pii, & sancti Episcopi sedibus suis pulsi, illuc se, veluti in asylum, aut portum quemdam sæpe reciperent Hæc ergo Romanæ Ecclesiæ plurimum addidit auctoritatis, quod non ita dubiis illis temporibus tumultuata est, ut reliquæ, ac doctrinæ semel traditæ fuit aliis omnibus tenacior. Hæc, inquam, tres ob causas non vulgari in honore habita fuit, & multis præclaris veterum testimoniis commendata. Multa, ut vides, falsis vera commiscet Calvinus, agitque eo, quo solent modo, qui luci tenebras offundere satagunt. Venterum in eam commendat studium, studiumque ejusdem dogmata retinendi semel tradita; ac nullum notari tempus posse, quo ab exercendo in alias Ecclesias imperio abstinuerit, fatetur. Quorsum itaque totum id non Divinæ, sed humanæ dumtaxat institutioni deputat? Veritati certe, quod enucleatius testimonium exhibuerat lib. 1. Instit. cap. 1., oblitus videtur, aut obducere nebulam voluisse, ubi de Romana Ecclesia sic pronuntiaverat: *Veritatem præconio suo celebrat puram, & sinceram retinet, ac ad posteros transmittit.* Cui testimonio adjungendum alterum haud obscurum, quo in Comment. ad cap. 43. Isaiæ Romanam Ecclesiam hac merita cohonestat laude: *Veritatem tuetur, & propagat, ut a posteris in omne ævum colatur.* Viden hinc vero, ut Zephyrinus hic*

hic verbis hisce semet, ac suos compungat? Non his ego moveor, novi enim necesse esse, ut qui veritati semel lumen obstruxit, secummet andabatarum more digladietur.

Luthero, & Calvino hæc non tam propria, quam ipsorum Gregalibus facta communia, qui haud infrequenter, aut a nostratibus disputatione fatigati, aut veritate ipsa vincente pressi Romano Pontifici rectum denegare testimonium nequivere. In his Centuriatores Magdeb., quorum familiam duxit Matthias Flaccus dictus Illyricus, qui infames Centurias XIII. illas concinnavit, usus opera Martini Copi, Jo: Wigandi, Matthæi Judicis, Basilii Fabri, Marci Pancratii Veldpokii, Andræae Corvini, & Thomæ Holthuteri; quibusve in labore exscalpenti scriptorum loca adjuvis manus dedere Ambrosius Hidsfeld, David Ciceleus, Gaspar Leunculus, Willelmus Radensis, Nicolaus Beumullerus, Bernardus Niger, & Petrus Schraeder; Amanuensius officium autem præstavit Conradus Agrius, Centuriatores, inquam, a priscis Ecclesiæ Patribus quin apertissime agnitus fuerit, asserutusque S. Petri in Ecclesiâ Primatus, adeo impudentes non fuere, qui inficiati sint. Sed ideo Cent. 3. col. 84, & 85. Tertulliano, S. Cypriano, & Origeni ingenti crimini vertunt, quod super Petrum fundatam Ecclesiâ affirmare non dubitaverint; & Cent. 4. col. 54. S. Optatum, & Arnobium in culpam vocant, quod S. Petrum quidem *Apostolorum Caput*, Pontificem quoque *Episcopum Episcoporum* nuncupare religioni duxerint. Quid quod his succenturiatus Melancthon in epist. 74. cõpervenit, ut in hæc scribere non pœniteret: *Quemadmodum sunt aliqui Episcopi, qui præsunt pluribus Ecclesiis &c., ita Pontifex Romanus omnibus Ecclesiis præsidet, & hanc politicam Canonicam (dixisset verius Divinam) nemo, puto, sapiens improbat, aut improbare debet &c. Monarchia enim Pontificis Romani in hunc finem, meo quidem judicio, utilis est, ut unitas doctrinæ servetur. Huic igitur articulo de Primatu Papæ facile assentiremur, si de ceteris conveniremus. At hoc postremum quid aliud per Deum immortalem est, quam secummet pugnare, siquidem, ipso fatente, si Pontificis Romani Primatus ad unitatem doctrinæ tuendam adeo confert, in Primatum ipsum prius concedere oportet, quam de ceteris convenien-*

veniendi dogmatibus ratio inquiratur ? Age nunc autem Bucerus audiatur , qui in præpar. ad Concil. *Ingenue*, inquit, *confitemur apud veteris Ecclesiæ Patres Romanam Ecclesiam præ ceteris Primatum obtinuisse, ut quæ Cathedram S. Petri habeat, cujusque Episcopi successores Petri fere semper habiti sunt.* Itaque ex jugi traditione, in eo nondum prorsus extincta, præclara, quæ de Romano Pontifice edocuerant SS. Patres, didicerat, nulloque, quæ didicerat, limite coarctare debebat. Bunnius quoque in tract. pacificat. sect. 14. digno hoc elogio Romanam exornat Ecclesiam, qui proinde nulla tergiversatione suam ab eadem defectionem excusare, ac defendere possit: *Quomodo*, inquit, *in propagatione fidei permanserit, ex quo ab Apostolis fidem percepit, Verbum, & Sacramenta a Christo D. tradita retinuerit; quod sane singulare Dei donum est, & manifestum opus Spiritus Sancti.* Post quæ tam explicita, quem non miseret hominis insano consilio ab eadem Romana Ecclesia aberrantis; Scripturæ sacræ interpretationes, quas illa tradit, exhibentis; Sacramentorum septenarium, quod illa retinet, explodentis; & fidei dogmata, quæ illa colit, ejurantis ? Desperati pariter hominis, deploratæ causæ patrocinium, quod adferret opportunius, non habentis, responsio est, quam invictissimo a traditione petito argumento aptare conatus est Bulingerus Decad. 5. serm. 3. §. ult. *Ad Veteres*, ajens, *Ecclesiæ scriptores, quos illi nobis objiciunt, nescio quid de Primatu Petri testificantes, uno verbo respondemus: non perinde nos curare, quid senserint Veteres, quam quod instituerit Christus.* Sua ergo sententia pro S. Petri Primatu stabant veteres Patres: quibus an minus explorata fuerit Christi D. institutio, quam novellis istis Nebulonibus, Lector *amator* dijudicet.

Dispercam modo, si quidquam pressius a Theodoro Beza scribi potuisset ad damnandam suorum injustam Romana ab Ecclesia secessionem. Nam, uti refert Florimundus hist. lib. 8. cap. 5, dum concionando themate sumpto ex Act. 7. de successione Patriarcharum verba facere cepisset, & Catholicæ Ecclesiæ amplitudinem extollere, tum ad Apostolorum successionem transiens, *Si*, inquit, *Adversarii nostri (idest Catholici) a vobis querant, ubi sit apud vos Cathedra, & successio Petri, cedamus illud; quoniam*

vere

vere Catholici, & Papistæ hanc habent successionem Apostolicam personalem ad hanc usque diem, velut per manus traditam, & propagatam; id inficiari non possumus. Atque reapse hæc ipsa Bezae confessio in causa fuit, cur Johannes Druet pastor, unaque, sex alii supra septuaginta Lutetiam Parisiorum profecti, Cardinali Florentino coram hæresi ejurata, ad Ecclesiæ Romanæ dogmata redierint. Johannes Ivellus in replic. ad Hardingum pag. 386. de Apostolica Sede id scribit, quo rubore suffundat ex suis Anglo-Calvinistis quotquot secessione ab eadem facta distiteris eam proscindere non desistunt, neque ullum scommatibus, quæ in faciem sedentis in ea Pontificis jaculant, facere sciunt modum. *Tam Augustinus*, inquit ibidem, *quam ceteri Patres Sedi Romanæ reverentiam exhibuerunt ob Religionis puritatem, quæ ibi sine macula longo tempore conservata est.* In eo quidem peccat, quod postea errorum vitiliginibus eam scædatam effutit, at enim cognoscere facile debuerat insolens ~~conspicere~~ eisdem adhuc dogmatibus, ob quæ olim præconiis a veteribus Patribus celebrata est, Romanam indivulso hære Ecclesiam, in eaque dogmata eadem in ævum conservanda integra, & intemerata dixisse etiam Patres. Naperus in Apocalyp. cap. 12, & in Institut. Gallic. Genevæ impressis anno 1562. nefas esse dubitationi supponere scribit, quod in fide ab Apostolis accepta longum post tempus vel detrimenti, vel mutationis aliquid Romana Ecclesia passa sit: *Notum* ait, *& indubitatum est, quod ab Apostolorum temporibus usque ad supradicta,* (nempe in eo is versatur errore, quod tandem erroribus Romana succubuerit Ecclesia, avitæque fidei jacturam fecerit) *nulla doctrinæ mutatio facta fuerit Romæ.* At noscere quam poterat, tam debuerat ex eodem Dei Verbo scripto, & tradito semel ab Apostolis consignatam doctrinam apud Apostolicam Sedem ad diem usque supremum Mundi duraturam. Hæc de fidei puritate: quid vero de potestatis summa? *Protestantes*, affirmat Blondellus de Prim. pag. 24, *neque Apostolica Cathedræ dignitatem unquam veteri Romæ denegasse, neque Primatum, quem habet in vicinas Ecclesias, imo etiam, quem aliqua ratione obtinet in universas.* Adeo nempe tota retro Antiquitate teste Romanæ Ecclesiæ Primatus constabat, ut impudentia etiam præditi summa inficiari tamen omnino Protestantes nequirent. In

In Jansenio sermonem sisto, qui ut fidei suæ, famæque, qua graviter periclitaturum se fore prospiciebat, meliori, quo posset, modo consulere, id suscepit consilii, ut se suumque Augustinum S. Romanæ Ecclesiæ judicio submitteret. Itaque vafritici summæ vir, qui postquam errores propinasset suos, ne quid adversum illis accideret, sibi que cavendum studuit, ad libri pestilentissimi calcem profertur in obedientia S. Romanæ Ecclesiæ se vivere, & mori velle. Tanti enim sua interesse noverat, si apud Romanum Pontificem pessime non audiret. Sed sustine adhuc, donec unum adjiciam inter Protestantes doctrina illustrem, cujusque ideo testimonium illis non acceptum esse nequeat, Hugonem nempe Grotium tot laudibus, inflatisque buccinis a suis deprædicatum, quem baccaris instar esse ad avertendum, quo tenentur miseri, fascinum volo. Versat egregie hoc argumenti genus Illustris. Jacobus Benignus Bossuetius, singularique dissertatione circa doctrinam, & criticem Grotii hunc, hujusque Symmistas vexat idcirco, quod nec ei satis isti consentiant, nec is sibimet constet. Itaque Grotius in Annot. ad Cassandri consult. art. 7, quo is loci ad unitatem Ecclesiæ tuendam unius summi Rectoris necessitatem adstruit, hunc apponit calculum: *Bene Cassander ad Ecclesiam discernendam a Schismaticis addidit unitatem ex Christi ipsius dicto Jo: 13, 35. . . Est enim Ecclesia corpus quoddam, & proinde juncturis quibusdam compaginatum Ephes. 4, 16. Hæ juncturae sunt Episcopi in parte minore . . . & in majore Metropolitæ, . . . Primates, . . . Patriarchæ, & in toto Corpore is, qui Princeps est Patriarcharum Episcopus Romanæ Urbis: quæ omnia conformata sunt ad exemplar Principatus ejus, quem Petrus instituto Christi habuit in Apostolos &c.* Atque Principatus in Romano Pontifice utilitatem perspectam, ingenueque probatam fuisse Melanchtoni, Jacobo Regi, aliisque Protestantibus confirmat. Idem rursus in Animad. adver. Rivetum art. 1. Exercitus, & Navis similitudine assumpta, Ecclesiam non nisi ab uno Rectore rite administrari posse demonstrat. *Deus*, inquit, *ad res optimas etiam optimas monstrat vias: qualis est ad unitatem Ecclesiæ certus Ordo. Hic ordo quis esse deberet, monstravit in Petro Christus: ei enim Claves Regni Cælorum dedit pro toto Collegio, tanquam Collegii Prin-*

Principi. Qua in præclara sententia Grotio parem se dedisse Leibnizium in epist. 8. ad Fabricium indicasse me memini Tom. 1. pag. 81. Quod ad caput alterum de fidei doctrina integre servata in Ecclesia Romana pertinet, non minus expressa est Grotii sententia. Quam injusta, tam insolens ei visa semper est Antichristianismi, Idololatriæ, ac male sanæ superstitionis accusatio, quæ Romanam Ecclesiam in invidiam vocare Protestantes non verentur; quamque ipse per singula descendendo dogmata in Ecclesia Romana recepta, eademque profecto accepta Christo D. referri debere ostendendo, dispellit. Atqui digna est quammaxime, quæ legatur Grotii epistola 679. ad Fratrem suum: ubi Romanam Ecclesiam nedum Catholicam, sed Catholicæ imo Ecclesiæ Caput esse, ne vel levem in dubitationem adduci permittit, invicto præ aliis desumpto ex epistola S. Hieronymi ad S. Damasum testimonio. Dogmata ab Ecclesia Romana retenta a Patribus qua Græcis, qua Latinis concordia sententia tradita affirmare non dubitat: exindeque conficit ad confirmandam Ecclesiæ unitatem conferre, expedireque, ut nihil sive circa regulas morum, sive regiminis rationem, sive doctrinæ dogmata immutetur. Conferre etiam juvat ipsius Epistolas 693, & 736, quasque in easdem instituit observationes cit. differt. Cl. Bossuetius: nam eas refingere nec vacat, nec interest. Grotio igitur ingenti crimini jure vertitur ab Houtvillæo disc. crit. in veritate retinenda inconstantia. Atque hunc abunde, opinor, adparet rite de Romana Ecclesia pronunciasse S. Augustinum in Psal. 54. n. 22. *Ex hæreticis asserit est Catholica, & ex his, qui male sentiunt, probati sunt, qui bene sentiunt: siquidem S. Hieronymi sententia in epist. ad Pamnach. Verum illud est testimonium, quod ab inimica voce profertur.*

Colophonem capiti huic imponet ingens illorum numerus, qui erroribus innutriti, superno gratiæ lumine affulgente, orthodoxæ fidei viâs dedere manus: ex quibus paucos adlegere, ac in aciem producere nunc mihi liceat. In his Chizzuola Hippolytus Lutherana pece aspersus, Romæ hæresi ejurata, in Ecclesiæ Romanæ obsequium se totum transcripsit, ut ostendit Cl. Fontanus in Bibl. Ital., ideoque non audiendus Jo: Sleidanus ejurasse illum errores negans in epist. ad Ascamum Anglum, quæ legitur in

operibus Andrae Dudizii Apostatae, ann. 1552. die 28. Febr. Quid, amabo, nisi avita persuasio de veritate Religionis Romanae in Ecclesia retentae Bremorcarti in Helvetia Cives, ac Contribulles suos inflexit, quominus aures aequas, facilesque Wernhero Schodelerio ad frugem invitanti anno 1520. denegarent? Alteram ab hac augurari difficile est rationem, qua Stanislaus Oricovius permotus, Lutheri partibus abdiectis, totus ad ejus haeresim profligandam se converterit. Henricus Dux Memorantius anno 1561. Novatorum detectis erroribus, iis abjectis, cum Guisii ex asse Catholicis sentire ex animo coepit, Pontifici obedientissimum se praeberere impio officio, religionique ducens. Singularis erga Fridericum Staphylum graece, latineque eruditum Dei miserentis eluxit gratia, quae illum a Lutheri, cui a decem annis adhaeserat, latere abstractum ad Romanae Ecclesiae rursus amorem, studiumque accendit, quo deinde Segreges multos sapere docuit. Sed & sapere didicit, fini prope suo concessurus, Carolus Molinaeus, nam Protestantium abdicatis partibus, quibus plurimum studuerat, scriptisque felle plenis ejuratis, quibus famae, fideique suae levem haud labem inusserat, fidei professione an. 1566. Parisiis idoneis coram testibus emissa, ad avitam Romanae Ecclesiae Religionem se integrum revocavit. Optimis etiam auspiciis a Calvini castris ad Romanae Ecclesiae communionem redierat, quin imo redeundi pariter Contribulibus multis, nec generis prolectariis, sed Optimatibus plerisque, sed Condzo Principi, sed Navarrae Regi auctorem se dederat Hugo Soranus Rosarius: at miser, qui in sententia non stetit, ad veteres relapsus errores, ob quos & suis, & nostris ludibrio, ludoque cessit! De Florimundo Remundo ad fidem reduce confer Bzovium ad ann. 1566. pag. 282. n. 179. De M. Antonio Flaminio, cujus testimonii de Rom. Pontifice, ac praesertim ex praefat. ad Paulum III. praefixa explanat. in Psalm. apposite utitur adversus Protestantes, videlicet Emin. Quirinum in epistolis refutat. Kieslingii animad. 6, & 9, & Actorum Lipsiens. animad. 20. Johannes Monlucius Valentinus Episcopus haeresis, a cujus nota frustra eum vindicare San-Marthanos Gall. Christ. tom. 3. pag. 1120. post Columbum fuisse conatos ostendit Laderchius ad an. 1566. n. 36, & seq., & ad an. 1571. n. 28,

VINDICATA . ARTICULUS XI. PROLEGOMENON . 27
n. 28 , a Pio IV , & V. damnatus, resipiscens demum ad Romanæ
Ecclesiæ obedientiam se recepit. Legendæ ipsius epistolæ ad Cler.,
& Popul. Valent. , & Dientem .

Leſoris extra partes constituti , quin Protestantium con-
scientiam imploro , num graviori altera , quam quod longe a
Romana , ac veteri Ecclesia dissideret Lutheri Proseucha , ratio-
ne permotus , Lutheranis partibus desertis, ad Romani Pontificis
obedientiam se contulerit Georgius Wicelius ? Hoc certe invic-
tissimo argumento præcipue contra Lutherum pugnasse Wice-
lijum fide affirmant sua Johannes Cochläus in act., & script. Luth.,
& Ulebergius in vita Lutheri cap. 23. Atque hac ipsa ratione
ductus Casandro , & Masio auctorem se dedit consilii de Segre-
gibus ad unitatem reducendis . Quo studio erga Romanum Pon-
tificem flagrant Davidius Perronius , ejusque opera ad castra
nostra transducti cum nobile parFratrum uterque Spondanus, tum
Johannes Morinus, adeo exploratum est omnibus, ut mea comme-
moratione non indigeat. Potius non prætermittendum Religionis
Romana in Ecclesia retentæ veritatem Gasparo Schioppio , viro,
ut norunt omnes , acerrimi , subactique ingenii , adeo obviam
ivisse , ac in oculos velut insiluisse , ut actutum hæresi abdicta ,
eamdem ambabus ulnis amplecti non dubitaverit, librumque ede-
re de sua ad Catholicos migratione . Johannes Wouver eo , quo
præditus erat , ingenii acumine , superiori adjuvante lumine ,
facile errorum , quibus detinebatur, falsitate deprehensa , Romæ
anno 1602. fidei professione emissa in Romani Pontificis cliente-
lam se transcripsit. Quis Ferrierio Hieremia ex Calvinistarum gre-
ge in Romanos Pontifices exasperatior ? Nam an. 1602. publica
data thesi Clementem VIII. ipsum esse Antichristum propugnare
illum non puduit : facti postea poenitens , ac Romanæ Ecclesiæ fi-
dem professus , prædenti in ea Pontifici nihil deinceps obsequii,
obedientiæque non detulit . Exemplum sunt ista , quæ suo Mat-
thæus Launojus , ac Johannes Pitseus ad frugem bonam regressi
confirmarunt , quibus in errore pertinaces , ac in Pontificis Ro-
mani contemptu , gravi suffundi pudore oporteat . Ad hæc Jo-
hannes Kircher a Lutheri ad castra nostra transgressus, conversio-
nis suæ motiva plana fecit, contra quæ sæpius Lutherani ca lamum

frustra strinxerunt : inter hæc autem illi primum dedit locum ; quod Romanus Pontifex , seu supremus in Ecclesia Pastor , audiri omnino debeat . Hac ipsa ratione a P. Johanne Fischero Soc. J. inflexus Willelmus Chillingvorth inter Anglo-Calvinistas celebris agnovit unum esse in Ecclesia Controversiarum supremum Judicem oportere , ideoque haud invitus catholicæ fidei nomen dedit , suæque conversionis motiva expressit in epist. ad amicum Gilbertum Skeldonum , quem suum ad imitandum exemplum a dhortatur . Quamvis infelix paullo post ad hæresim rediit , utque in ea Anglos confirmaret , pestilentissimum elucubrare librum non erubuit sub hac epigraphe : *Religio Protestans via secuta ad salutem* ; quem librum Lochius laudibus ideo celebrat . Justas e contra laudes a constantia , qua Calvinii secta ejurata anno 1604. in Romani Pontificis susceptis semel partibus integer mansit Johannes Plantavinius pro neruit : dignus , qui Episcopali etiam dignitate adangeretur , & ad sacratiora consilia a Cardinali Rupefalcio admitteretur .

Inter hos liceat illustrem dare locum Ahmedo Ben - Zin . Ulabedino , homini inter Muhamedanos magni nominis , librisque adversus christianam Religionem celebratissimo . Is enim a Philippo Guadagnolo , (cujus inter opera insignis est Apologia pro Relig. Chist. Latine an. 1631. edita ; atque Consideratio adversus Relig. Muhamed. Arabice an. 1537 ,) convictus Romanæ Ecclesiæ doctrinæ adeo ex animo se devovit , ut ejusdem defensorem egregium se dederit . Cedo nunc mihi hominem genere illustrissimum , qui agnitæ veritati haud obluctandum sibi duxit , aut cunctandum , quo minus ab hæresi confestim ad Romanæ Ecclesiæ gremium se reciperet . Is est Ernestus Lantgravius Hassiæ , (cujus exemplo non multo antehac institit ejusdem familiæ Princeps alter) , qui datis ad Gebennenses litteris publicas fecit rationes , quibus permotus ad Romanam Ecclesiam redierat : inter quas eam præcipuam recenser , quod hæreses ad unam omnes , quarum catalogum usque ad Jansenium ibidem producit , ab eadem fuerint profligatæ ; atque quidem acutum ferme ac prodiissent . Me autem valde miseret vanæ , emendicatæque responsionis , quam ad hæc adhibuit Drelingcourt Parisiis an. 1663. apud Calvinistas sacri-

sacrilego defungens ministerio : scilicet pag. 340. quam inepte , tam frigide reposuit , falso in litteris suis a Lantgravio hæresis nomine Jansenisum traduci ; quum imo purum , putumque Evangelium , Gratiz Dei ab Apostolo traditam , & a S. Augustino adoptatam doctrinam Jansenius tradidisse existimandus sit , & dicendus . Horum similium pleraque confessiones alias retexit Emin. Perro-
 nius in resp. ad Regem Angliæ cap. 25 ; præstiterunt vero Hiero-
 nymus Vignierius ; Paulus Pellissonius Fontanier ; Samuel Sor-
 bierius sermone edito de sua conversione ; Isaacus Papinus , qui
 fidei suæ testem adhibuit Cl. Bosuetium ; Jo: Pricocos ; Theo-
 philus Brackel , unus iis , qui enixiori conatu Calvinistis cum
 Catholicis conciliandis incubuere ; Petrus Lambecius egregiis
 tot scriptis illustris ; Isaacus Perreirius , qui erroribus ejuratis
 fidei suæ exceptorem habere meruit Alexandrum VII ; quos , alios-
 que plures ut singillatim persequar , definiti spatii angustia pro-
 hibeor . Quin ad hos proximus iret , & ad Romanæ fidem Eccle-
 siæ rediret , pravi non adeo pervicax extitit Jo: Michael Vansle-
 bius , postquam nempe peragratis Ægypto , ac Æthiopia , non
 alia , quam quæ Romana in Ecclesia sunt sacra , discriminatis in
 Regionibus illis dogmata coli perspexit . In horum pariter cen-
 sum conferendi Nicolaus Stenon , Ulricus Obrecht , de Mahis , Hen-
 ricus Sully , virique Principes Jo: Constans Elector Saxoniz , Jo:
 Fridericus Brunsv. Dux Hannov. , aliique plures , quos cum laude
 recenset P. Gregorius Kolb in serie Rom. Imperat. pag. 484 ; qui-
 bus utinam , quod bonum arrisit , omen Sectarios ceteros non ma-
 gis ureret , quam a contumacia revocaret ?

Compendio uti cogor , ne copia obruar eorum , qui supre-
 mi Numinis anspectu , ductuque Refractariorum desertis castris
 ad Romanæ Ecclesiæ gremium convolare , & ad Pontificis M. obe-
 dientiam redintegrare se se religioni duxerunt . Atque ex his non
 proletarii generis quoslibet , quod etsi vellem , nec præstare ullo-
 modo valerem , propositum mihi fuit in aciem proferre , sed eorum
 dumtaxat habere delectum , qui inter Protestantes aut ingenio ,
 aut doctrina , aut officiis , aut dignitatibus , aut scriptis potiori ,
 qui haberentur loco , digni olim reputati sunt . E quibus succur-
 runt Joseph Saurinus , ac David August. Brueys , qui a doctiss.
 Bos-

Bossuetio errores dedocti veritati manus dare victas, ac in Romani Pontificis fidem actutum se transferre dedignitati non sunt : at vero horum postremus calamum pridem suum in ejusdem Bossuetii Catechismum haud impiger strinxerat . Loco succedunt Ludolfus Kuster, & Albertus Burg : ille quippe attentam lectione Novi Test. edit. Millii eruditus, & gravissimis argumentis a Bollandistis devictus agnovit demum in Ecclesia infallibilem esse, supremumque Controversiarum Judicem oportere : iste quoque Calvinii erroribus ejuratis, Romanæ Ecclesiæ dogmatibus se totum adjiciens librum edidit sub hoc titulo: *Methodus facilis veram Ecclesiam lumine rationis inveniendi* : quo de libro agit in Biblioth. volante Cinellius . Et quidem naturali ratione, post Dei gratiam, duce, vir nobiliss. Ernestus Metternichius S. R. I. Comes, Regisque Prussiæ Consiliarius anno 1728. paullo ante mortem, eo nempe tempore, quo mentiri nemo volet ratione utens, ex errorum cœno emersus, ad Romanæ Ecclesiæ dogmata accessit, falsus, ac professus veram in ea Religionem coli, colendi Deum purissimos ritus tradi, ac pulcherrimam, Deo nempe auctore dignam, Ecclesiasticam Hierarchiam vigere, talemque, quæ hæresibus labefactari nequeat, ac Romanum Pontificem tamquam supremum Præsidem veneretur, & colat. Dignum est lectu ejus Soliloquium commentariolo illustratum a Gasparo Erhard Bened., ex quo illud etiam descripsit vir doctiss. P. Anselmus Desing ejusdem Ord. in append. lib. inscripti *Juris Nat. Larva detracta* &c. pag. 219, & seq. Caput hoc claudam hominis exemplo haud capite censi, cujus testimonium idoneum sit adeo, ut vel ab invitis fidem extorqueat. Is est Franciscus Bruys pestilentissimi libri promus condus, historiæ nempe Pontificum a S. Petro ad Benedictum XIII. Gallice adornatæ, ac voluminibus quinque comprehensæ. Hunc Cane pejus, & angue Romanos odisse Pontifices liquido adparet ex libro probis undique, calumniisque scatente, ubi nullum reliquisse videtur lapidem, quo Pontifices MM. peteret; neque mendaciis, neque maledictis parcens, ubi alter lacessendi non adesset locus, ut quaqua in ipsos invidiam quæreretur, ac plebi deridendos, despiciendosque propinaret. Is tamen, prohi Dei omnipotentis, ac misericentis opus! ad frugem tandem regressus,

avi-

avitamque Religionem, quam in libris quidem simulat, reapse tamen, ad Batavos transfuga, non tam sœdaverat, quam deseruerat, repetens, quoad vixit, ad annum nempe usque 1738, nullius rei deinceps tam pro verecondia, quam pro veritate adeo pudit ipsum, ac pœnituit, quam eorum, quæ profligatissimo calamo Romanos contra Pontifices scripturierat: quæ scriptis abstergere, quod per vitalis lucis usuram non licuisset, delere acerbioribus lacrymis non destitit. Protestantes porro dicta ista, & facta valdequam urunt: quibus ut offendant, regerere absque delectu eorum quoque, & exaggerare solent exempla, rude, indigesteque conglomerata, qui Romanis desertis, ad castra Lutheri, & Calvinii descenderunt. At enim his ego non moveor, nec utique movebitur æqui, justique æstimator, qui seposito partium studio, collatisque utrimque recessus, & reditus motivis, consideret, quam longo, latoque inter se distent intervallo: siquidem a Romana Ecclesia recedendi non altera incesse Segreges illos ratio, quam ut legum vinculis absoluti, vivendi, quam mallent, licentiam consecrarentur: e contra ad Romanam redeundi Ecclesiam non alia magis urfit eos causa, quam propriæ salutis procurandæ, cui plane extra Romanam Ecclesiam aditum non patere compertum habuere. Itaque quam recta (præfiscine dixerim) argumentum meum processit, tum perperam retorquere Protestantes obnituntur; quia imprudenter eodem ipso jugulum sibi petunt.

*Ex jure declarandi, damnandique sive Hæreses,
sive Hæreticos.*

§. I.

AB ætate Apostolorum usque ad suam, videlicet Ecclesiæ Sæculum V, Hæreticorum diversas Sectas 88, aut 89. dinumeravit S. Augustinus: totidem circiter, quæ a S. Doctore relatis adjunctæ numerum 180. constarent, a S. Augustini ævo ad Lutheri, Calvinique tempestatem recensuit Sanderus hæresum diligentissimus collector. Lutheranismus, & Calvinismus longe plures pepererunt: nam Hæresum ex illis enatarum summa capita ad 170. circiter adnumerarunt Hosius, Lindanus, Præteolus, Rescius,

scius, Florimundus, Abelly, alique viri docti, de quibus confer etiam Jovetum hist. Relig. tom. 1. cap. 1. Jam vero his profligandis unum parem esse in Ecclesia Pontificem M., quin ulterius desiderare sit aut Episcoporum in Concilio coadunatorum, aut Ecclesiæ in Orbem diffusæ consensum, eodem privilegio sibi divinitus facto, quo Christi fideles non vera docere nunquam potest, mea nunc est oratione ostendendum. Quæ ut recta procedat, illud principio observasse non pœnitebit ante Concilium Nicænum 90. circiter Hæreses, cujuspiam absque Concilii opera, Romanæ præ ceteris Ecclesiæ præsertim sententia, cui confestim accedere ceteræ ubique Ecclesiæ prisco in more habuerint, fuisse proscriptas. Post idem Concilium longe plures a Romanis Pontificibus damnatæ leguntur, quæ per Orbem denunciata illico bonis omnibus odio summo cesserunt, quin in mentem cuiquam unquam veniret, (nisi morosioribus quibusdam postremis hisce temporibus, imaginantibus esse id non tam assentiri, quam assentari), inquirendum prius de Ecclesiæ universæ sententia, quam dicenti Pontifici assensus præberetur. Hinc magnus ille Angliæ Cancellarius, avitæque Religionis acerrimus vindex Thomas Morus apud Luchesium de signis veræ fidei lib. 3. signo 38. ajebat: expedire quidem sacra celebrari Comitia, ad errores quo facilius, eo felicius, collatis in unum consiliis, explodendos, extirpandosque: nihilominus absque Concilii opera, sat esse, superque unum Pontificem. Postquam vetusta, eorumque præsertim, quæ evenerant in Oriente, monumenta cogitate, ac sedulo pervolutasset, studio propulsandi recens in Occidente exortas hæreses, compertum habuisse, eam omnibus orthodoxis jugiter infedisæ sententiam, errori edocendo non obnoxiam esse Cathedram S. Petri, ejusque unius Magisterium par esse ad assensum jure a Christi fidelibus omnibus extorquendum. Neque porro aliter constitui opportune potuisse Christianam Rempublicam, nedum ad rem fidei stabi- liendam expectarentur aut Episcoporum in Concilio sanctiones, aut Ecclesiæ in Orbem diffusæ suffragia, impune, lateque interea hæresum pestes serperent, & propagarentur: quæ præclara dicta factis modo confirmare mea interest, ac juvat.

Articulo porro altero, quo de factis Dogmaticis incunda,
dis-

disputatio erit, occasione data catalogum satis prolixum expor-
tam hæresum, & hæreticorum, quibus infamiae dica a summis
Pontificibus fuit sæpe conscripta: præstat impræsentiarum com-
plices, ac potissimas ex eis persequi, quibus statim, atque erum-
pere in publicum visæ sunt, eadem pessima nota a Pontificibus
inflicta adeo adhaesit, ut ab illis abstinendum sibi, præcaven-
dumque quammaxime confestim bonus quilibet in Ecclesia intel-
lexerit. Non equidem omnia constant, quæ a priscis illis Pontifici-
bus adversus hæreticos præclare decreta, gesta que fuisse, sed ple-
raque oppido multa magno rei Christianæ detrimento temporum
invidia nobis surripuit: ex his tamen, quæ adhuc supersunt litte-
rarum demandata monumentis, conjectura facile datur assequi,
id in more positum Pontificibus fuisse, ut illos, qui a fide defle-
xissent, ac in prava abjissent dogmata, tum extemplo ab Ecclesia
ejicerent, tum Christi fideles commonesacerent, ne illis Sacrorum
confortio jungerentur. Non is equidem est, qui fidem obliget
nostram, Auctor Constit. Apostol., in quas confer Mansii adnota-
tionem critic., & chronolog. tom. 1. Suppl. Concil. pag. 3, &
seq., sub S. Clementis nomine: proscriptos ab se tamen Nicolai-
tas, Basiliianos, Gnosticos, Carpocratis infestum germen, ac
Simonis Magi sectatores tradit lib. 6. cap. 8. Cæterum a S. Cle-
mente Ebionitas condemnatos testis est fide dignus S. Epipha-
nius hæc. 30. Prædestinatus a Sirmondo editus, quem librum
Primasio S. Augustini discipulo, Episcopo Adumentino vindicant
Norisius, Cavaus, Ittigius de Bibliot. PP. pag. 259, & Fabricius
Bibliot. Lat. lib. 16. pag. 11, abjudicant vero alii, opusque con-
tendunt post exortam Nestorii hæresim tantummodo confectum,
Prædestinatus, inquam, cap. 16. refert a S. Alexandro P. M. li-
brum exaratum adversus Heracleonem quemdam Valentini disci-
pulum, docentem semel baptizatum peccati labe ullius coinqui-
nari amplius non posse, enixeque rogato ab Episcopis Siculis mis-
sum Sabinianum Presbyterum, qui collecta Synodo hæreticum il-
lum diris cunctis devovit. Atqui fabellæ loco hanc fore habendam
narrationem exinde suadet Coutantius §. unic. de scriptis S. Ale-
xandro attributis pag. 54, quod S. Augustino teste de hæres. cap.
16. Heracleo Marcus discipulus fuerit; qui S. Alexandro posterior

fuit, nec ante S. Hygini aetatem auditus, ut ex S. Irenæo lib. 1. cap. 9, & Eusebio lib. 4. cap. 11. auguratur: unde pag. 6. conficit pariter fidem denegandam eidem Prædestinato cap. 12. denarranti hunc Marcum Carnis resurrectionem inficiantem a S. Clemente damnatum. In Libello Synodico apud Fabricium rom. 11. Bibl. Græcæ, ac Conciliorum Collect., cui pretium conferunt Labbaeus, Baluzius, & Justellus, legitur Theodotus damnatus a S. Telesphoro in Synodo ex 12. Episcopis constata: quod minus verum puto, siquidem S. Telesphorus passus fuerit aut sub Hadriano an. 137, aut sub Antonino Pio an. 139. Theodotus aurem errores non propinavit ante Imperium M. Aurelii, idest ante annum 161. Quare Synodum hanc, ac Theodoti damnationem S. Victori adscribendam ex Eusebio lib. 5. cap. 28. observarunt Labbaeus, & Harduinus tom. 5. pag. 1495. Nolim itaque labili, incertoque monumento causam tam gravem confidere, quam magis ex certis undequaque documentis comprobare possum. Cerdonem, & Valentinum sub S. Hygino Romam se contulisse, ac primum se Catholicos præferentes in Romanæ Ecclesiæ communionem irrepsisse, sed postea comperta eorum hæresi, ab Ecclesia penitus ejectos fuisse, auctores sunt S. Irenæus lib. 1. cap. 28, & lib. 3. cap. 4; Tertullianus de Præscrip. cap. 30, & Eusebius lib. 4. cap. 10. Utriusque vero Testatores non alio potiori argumento exagitandos suscipere sive S. Irenæus lib. 3. cap. 3, sive Tertullianus lib. de Præscrip. cap. 33, quam Romanæ præsertim Ecclesiæ traditionem, Episcoporum in eadem successionem, ex Apostolis ductam originem, retentamque jugiter doctrinam objiciendo. Sub S. Aniceto Marcionem Romæ egisse, atque ab Ecclesia projectum tradit S. Irenæus lib. 3. cap. 3; ex quo Tertullianum erroris arguunt Tillemontius, & Constantius, quod lib. de præscrip. cap. 30. Marcionisin Urbem adventum sub S. Eleuthero collocarit: sed hoc de argumento sat alibi.

Cataphrygas a S. Sotere damnatos, ac librum de Extasi adversus eisdem circa annum 164. conscriptum, eique libro a Tertulliano in devia jam raptos libros 6. de Extasi pariter inscriptos fuisse oppositos memorat Auctor Prædestinati hæ. 26, & 86, ubi de Montanistis agit: ipsum Tertullianum ideo quoque damnatum

tum

rum subiungens, quod pro Montanistis libros adornasset. Atqui heic quoque Prædestinato fidem detrahendam pugnat doctis. Coutantius in epist. S. Soteris §. 2. pag. 79, & seqq. Præter enim quam quod neque S. Soteris, neque Tertulliani, cujus in lectione cæteroque diligenter erat versatus, scriptorum ne quidem vola apud S. Hieronymum, qui haud imo obscure indicat lib. de Script. Eccles. cap. 53. nonnisi aliquot post S. Soteris obitum annis Tertullianum ab Ecclesia defecisse, nec sibi met. is Auctor constat: hinc enim asserit a nemine, qui contra Cataphrygas calamum, arripuit, memoriæ tradita infanda ab ipsis ex infantis sanguine celebrata mysteria (quod tamen flagitium utique Cataphrygibus exprobrasse leguntur SS. Cyrillus Hierosol. Catech. 16, Philastrius hæ. 49, Epiphanius hæ. 48. n. 14, Hieronymus in epist. 54. ad Marcellam, & Augustinus de hæres. cap. 48, qui Prædestinatum ætate præcesserunt) illinc vero attexit a Tertulliano S. Soteri mendacio datum objectum de initiis sanguine infantis celebratis: quod supponit hoc facinus a S. Sotere fuisse commemoratum: (quamvis longe veri fiat similis arcanum illud, nefandumque mysterium non a Montano, prioribusque Cataphrygibus, bene vero a posterioribus eorum discipulis fuisse inductum). Ad hæc falsitatis arguitur Prædestinatus, dum contra S. Soterem asserentem Tertullianum inducit Cataphrygibus æque, atque Catholicis communem esse doctrinam circa Trinitatem in unitate Deitatis, ac circa poenitentiae locum faciendum Lapsis: quippe longe post in errorem Sabellii pariter lapsos Cataphrygas compertum est, quo plane ab errore puros fuisse, dum ad ipsos defecit Tertullianus, ipsemet testis est locuples in libro adversus Praxeam post lapsum scripto, quem hunc ob errorem vehementer exagitat: itaque erroris istius nedum exorti Cataphrygas redarguere S. Soter nequiverat. Manifestissimi vicissim mendacii redarguendum se propinasset Tertullianus, si, uti Prædestinatus fingit, adversus Pontificem contendisset Cataphrygas nihil a Catholicis discrepasse circa veniam dandam Lapsis: siquidem quum S. Hieronymus cit. epist. 54. adhibeatur testis, Tertullianus ipsemet lib. de pudic. totus in id incumbit, ut Ecclesiae, ut S. Petro capitalia delicta remittendi facultatem adimat. Sed de his

hactenus . Ut igitur ad certiora monumenta me convertam , Romano Pontifici , quem S. Anicetum Baronius autumat , S. Eleutherum Valesius in not. ad Eusebii lib. 5. cap. 3 , & Malsuetius in disert. prævia ad S. Irenæum pag. 80, S. Victorem Pagius ad an. 172. n. 3, & Coutantius de epist. S. Eleutheri §. 1. pag. 87, & seq., probatas fuisse Montani Prophetias scripsit Tertullianus lib. adversus Praxeam cap. 1. Verum aut non adhibenda Tertulliano fides ; aut si mavis , sub S. Victore , uti veri similis autumo , id totum actum est , siquidem SS. Sotero , & Eleuthero Cataphrygum , quorum initium in annum 179. circiter ab Eusebio conjicitur , probe fuisse perspectas indicat eodem loci Tertullianus , ac de S. Eleuthero mox ostendo : S. Victori , inquam , Cataphrygum ~~exdier~~ , Ecthesis , non etiam ~~paracthesis~~ Parecthesis , accepta fuit . Videlicet Asiæ , & Phrygiæ Ecclesiis acri dissidio inter se divisis , ut pacem inferret Pontifex , eoque maxime , quod Cataphryges affabre ad fallendi artem compositi se catholicos , ac sanctioris vitæ sectatores mentirentur , fieri potuit , ut vera crederet , quæ de illis charismata divinitus infusa circumferebantur , ideoque veram crederet Ecthesis , non Parecthesis insaniam plenam . Post vero re maturius perpensa , & a Præca illorum fraudes , dolos , erroresque detegente edoctus litteras pacis ipsis impertitas revocavit , velut ibidem Tertullianus conqueritur . Verum S. Victoris scriptis undique admoniti Christifideles , ac maxime Asiani , a Cataphrygum dolis , erroribusque deinceps sibi cavere didicerunt .

Retro nunc siccando vestigia , ad ejus decessorem S. Eleutherum Montanus , Alcibiades , & Theodorus ab Ecclesia Lugdunensi , & Viennensi delati , misso ad has perurgendas vices S. Irenæo tum Presbytero , ab eo damnati leguntur apud Eusebium lib. 5. cap. 4. Atque tum demum , maximeque postquam confirmata in ipsos a S. Victore sententia fuit , undique in Cataphrygas conclamata est damnatio , puta in Synodis Hierapolitana sub Appollinari , Anchialensi sub Sora , Gallicana , sive Lugdunensi sub S. Irenæo , de quibus Liber Synodicus n. 5, & seqq. , & Eusebius lib. 5. capp. 3, & 4 ; in Ephesina , de qua auctor Prædestinati hæc. 27 , & in Antiochena , de qua Eusebius lib. 5. cap. 19. Nisi malis ad S. Zephyrini tempus ejusmodi Synodos retrahere , ut insinuare videtur

Ter-

Tertullianus lib. de Jejun. cap. 13, Zephyrinique juxta sententiam in eis condemnatos Cataphrygas: sive enim is Eleutherus sit, sive Victor, sive Zephyrinus, sive verius tres ad unum omnes, nihil nostræ nocet causæ, stat enim quod in Hæreticos a Pontifice semel damnatos damnatio undique in Ecclesia fuerit conclamata. Moram hæc nonnullam, levissimam tamen, injicit Valesius contra Baronium negans S. Irenæum Romæ apud S. Eleutherum ejusmodi officio sibi ab Ecclesia Lugdunensi in Cataphrygum causa delato desunctorum; inficiatus insuper ullam ab Eusebio Hierapolitanæ Synodi mentionem habitam. Verum tamen opinio Valesii omnino corruiit explicito testimonio Eusebii lib. 5. capp. 3, & 4, ac S. Hieronymi de Script. Eccles. in S. Irenæo. Consuletis Pagium ad an. 177. n. 2. usque ad 8, & Blancum de porest. & polit. Eccles. tom. 3. lib. 1. cap. 4. §. 4. ubi inanes Valesii conjecturas exsufflant; Blondelli quoque, & Dodvelli ficulnea argumenta convellunt, quibus isthæc S. Irenæi missio impetitur. Certissime S. Cyprianus in epist. 41. edit. Pamelii ad S. Cornelium missos prærebus ad Religionem spectantibus e Synodo Carthaginensi Caldonium, & Fortunarum Episcopos perhibet. Quin in o Montanns ipse ab Apollinari Hierapolitano Antistite de fide accusatus se satis tutum existimavit, si a Romano Pontifice vel fraude, vel dolo communicatorias litteras impetraret. Non erat igitur, cur præscis hic mos dubitationi supponeretur. Quorsum autem Valesius de Synodi Hierosolymitanæ veritate suspensionem induit, quasi Synodus ista non una fuerit ex Asianis, de quibus loquitur Eusebius de iis agens promiscue lib. 5. cap. 16. juxta Valesii ipsius versionem? Vide doctiss. Cacciari notam ad Eusebii cap. 19. vers. Ruffini tomo 1. pag. 293, & seqq. Ab eodem S. Eleuthero Florinum, & Blastum olim Romanæ Ecclesiæ Presbyteros, illum quidem ad Valentini hæresim delapsum, hunc vero Quartadecimanorum errores sectantem, gradu depositos referunt Eusebius lib. 5. cap. 14, & Theodoretus lib. 1. hærer. fabular. In utrumque stylum suum exerens S. Irenæus libellos cum ad Florinum de Monarchia, sive de uno Dei unius imperio, tum ad Blastum de Schismate exaravit; quibus eos ab errore revocare studuit, teste Eusebio lib. 5. cap. 19: quomodo lib. 3. cap. 3. ab erroribus avertere hæreticos omnes ad-

admixus est, eosdem provocans ad Apostolicas traditiones Romana in Ecclesia illibate custoditas. Eundem Blastum postea in errore pertinacem Sacrorum communionem interdixit etiam S. Victor.

De quo sermonem modo instituendo, Quartadecimanos ab eodem damnatos Tom. 3. Articulo VI. §. 11. pag. 640, & seqq. pluribus ostensum est, quod nunc indicasse sat habeo. Valentinum, ceteras præter ineptias, corpus Cæleste Christo D. affingentem; nec non Sabellium, ac Noetum tres in Deo personas contrahentes in unam, ac invicem commiscentes a S. Victore abdicatos scribit Auctor Synodici: sed de Sabellio, & Noeto minus vere, quippe qui non ante S. Sixti II. ætatem delirare auditi sunt, teste Eusebio lib. 7. cap. 4. Certo certius est, quod idem refert Synodicus, ac fide confirmant sua Eusebius lib. 7. cap. 27, & Theodoretus hæret. fabul. lib. 2, ab eodem Pontifice in Theodotum, Ebionem, & Artemonem in Synodo 14. Episcoporum fuisse animadversum. S. Optatus Milevit. advers. Parmen. lib. 1. ante med. S. Zephyrinum P. M. inter præcipuos, qui de hæreticis qua scriptis, qua sententia divitiis palmam tulerunt, hisce recenset verbis: *Marcion, Praxeas, Sabellius, Valentinus, & ceteri temporibus suis a Victorino Pictaviensi, a Zephyrino Urbico, & Tertulliano Carthaginensi, usque ad Cataphrygas, . . . superati sunt.* Nondum quidem, ut mox innuebam, ortus erat Sabellius, at pridem Marcionis, ac Valentini hæreses obtinuerant, cum quibus prædamnatus Sabellius intelligi commode potest. Nuper vero Praxeas errores suos profundere cœperat, quos perinde chirographo dato, teste Tertulliano cap. 1., retractare, ac devovere adactus est. Proclum etiam celebrem Montani discipulum, postquam a Cajo spectatissimæ vitæ, eximæque doctrinæ viro manifestissimi erroris fuisset convictus, aliosque Montani pariter sectatores, ipsumque Tertullianum ab eodem Pontifice fuisse iterum anathemate percussos, auctores sunt Eusebius lib. 2. cap. 25, & lib. 6. cap. 16. vers. Ruf., ac S. Hieronymus in Cajo, nec inficiatur Tertullianus ipsemet lib. de Jejun. capp. 1, & 13. Porro Cathaphryges in duas Sectas divisi sunt: alterius Proclus, (quem ab illo, cum quo disceptravit Cajus, inepte distinguit Valesius), alterius Princeps

ceps fuit Eschynes: qui Proclo adhærebant, dicebantur ¹, *χαρακτηρισται*, qui vero Eschyni *ἀνταγωνισται*, uti tradit Tertullianus de Præscrip. capp. 52, & 53. De impacta Montanismi S. Zephyrino calumnia a Theodosianis, centiesque reficta a Novatoribus, dicam commodius suo loco.

In Origenem latam a Demetrio Alex. sententiam a Romano Pontifice confirmatam fuisse refert ex S. Hieronymo Rufinus lib. 2. Inveſt. 3 quumque Demetrii obitus in an. 231. inciderit, ut ostendit Sollerius in hist. Chronolog. Patriarch. Alex. §. 12. ex Eusebio lib. 6. cap. 19, inde Constantius §. un. de S. Pontiani epist. pag. 119. conficit hanc Origenis damnationem S. Pontiano acceptam fore referendam. Ad eluendam hæresis notam, ab Origene apologeticam ad S. Fabianum exaratam epistolam tradunt Eusebius lib. 6. cap. 26, & S. Hieronymus in epist. 65. ad Pammach, & Ocean. cap. 4. Quin etiam Romam proficisci jussum Origenem, ut Pontifice coram viva se voce purgaret, credidit Baronius ad annum 248. num. 3, & seq., quem plerique sectantur. Verum Pagi ad an. 246. n. 2, & seqq. levi ex Porphyrio in vita Plotini ducta conjectura eversa, defendit ab Origene post primam, quam sub S. Zephyrino adornaverat, secundam sub S. Fabiano Romanam professionem non fuisse susceptam. Vide-sis etiam Valesium in Not. ad Eusebium lib. 6. cap. 19, Huetium lib. 2. Origenian. cap. 1, Fleurium hist. Eccles. lib. 6. n. 16, & Cacciarum in Not. ad Eusebii lib. 6. cap. 11. vers. Ruff. Idunum isthic observaf. se obiter nec inutile, nec injucundum erit, quod Origenes, cui Bayle V. *Origenes* Manicheismum, Doucin in hist. Origenismi Quietismum affricuit, Spinozismum alii, alii imo Calvinismum appingunt, suo de sine suppliciorum alterius vitæ impio errore Libertinismum peperit, Epicureismum progeniuit, ac Socinianismo prælusit. Quocirca Auctor opusculi, cui titulus *Janua Cælorum reſerata*, Carus Larebonius, is est Juriaeus, scribere non dubitavit Socinianorum opinionem autumantium Reproborum animas vi pœnarum, quibus dirissime post mortem plectuntur, fore tandem, ut in nihilum redigantur, non differre ab impietate Epicureorum, qui animam cum corpore simul perire affirmare non desinunt. Sed Elias Saurin in examine Theologiæ

M. Ju-

M. Jurieu contendit e systemate Origeniano de aliquando finientis improborum suppliciiis pejora, quam e Socini sententia, derivari consecraria, indeque inferri omnium Libertinorum iniquissimam persuasionem, quod ad Cælestem patriam quælibet secta perducatur. De Origenistis vice plus simplici a Romanis Pontificibus damnatis paullo post recurrit juxta temporis ordinem sermo. Restat unum adhuc de S. Fabiano non prætereundum: ab ipso nempe in Privatum latam a Concilio Lambesitano ex 99. Episcopis, Præside Donato Carthaginensi Præsule, S. Cypriani decessore, anno 240. damnationis sententiam, petentibus Concilii Patribus, calculo fuisse comprobata, apparet ex epist. Cleri Rom. inter Cyprianicas 30, & S. Cypriani epist. 55. ad S. Cornelium; ad quem nunc reflectendus est sermo.

Itaque a S. Cornelio ejaculata in Concilio Carthaginensi anno 251. sententia contra Felicissimum, & quinque alios Presbyteros, efflictim rogantibus Africanis Episcopis, hinc pondus adjici, momentique plurimum haud ignorantibus, confirmata, est, teste S. Cypriano in epist. 55. ad eundem, quo de argumento satis alibi. In Novatianum etiam Lapsis spem veniæ eripientem Romæ Concilio 60. Episcoporum an. 253. habito anathematis telum intorsit, auctorque pariter fuit, ut ab Italis, ut ab Afris, ut ab Orientalibus, Conciliis ea de re celebratis, idem error proscriberetur. Quam in rem legendæ epistolæ S. Cornelii inter Cyprian. 46. edit. Pamel. ad S. Cyprianum, ubi notata digna, quæ refert, verba a Schismaticis ad veritatem regressis enuntiata: *Nec enim ignoramus unum Deum esse, unum Christum esse Dominum, ... unum Spiritum S., unum Episcopum in Catholica Ecclesia esse debere*; S. Cypriani vicissim epist. 54. ad eundem; S. Cornelii rursus epist. ad Fabium Antioch. apud Eusebium lib. 6. cap. 43; ac S. Dionysii Alexand. epist. ad S. Stephanum apud Eusebium lib. 7. cap. 3, qua significat universim ab Ecclesiis Orientis abjectum fuisse Novatianum, ac signatim a Demetrisiano Antiocheno, a Theoctisto Cæsareensi, Mazabbane Hierosolym., Marino Tyrio, Heliodoro Laodicensi, Heleno Tarsensi, Firmiliano Cappadoce, brevi ab Ecclesiis Syriæ, Arabicæ, Mesopotamiæ, Ponti, & Bithyniæ. Quod indicium haud obscurum est

sane

fane Religioni olim Episcopos duxisse a lata semel a Pontifice in hæreticos sententia ne latum unguem discedere . A S. Stephano Rebaptizantium errorem, in quem manibus pedibusque cum Asiatici , tum Afri concesserant , profligatum fuisse , quia multis Par. 1. Artic. 8. in Proleg. declarasse me memini, ab eodem proinde retexendo argumento satius est supersedeam . Sub Pontificatu S. Sixti II , quem excepit S. Stephanus, illustre Apostolica Sedes accepit documentum obsequii debiti supremæ ipsius auctoritati ab Ecclesia Alexandrina , cui tum præerat Episcopus S. Dionysius . Hic enim Sabellium ad ejus Tribunal de hæresi detulit , summa hujus capita indicans, ipsius sententiam interea præstolans, ac deposcens epist. legenda apud Eusebium lib. 7. cap. 5 , a quo altera quoque cap. 8. refertur inscripta ad eundem Pontificem , qua de Baptismo collato ab hæreticis non juxta Ecclesiæ ritum consuluit : unde videas a S. Dionysio potiora duci Romani Pontificis consilium , ac sententiam , quam tot Synodorum Iconiensis, puta , Synnadenensis, & quatuor Carthaginensium decreta , quibus adquiescere nescit, nec ad praxim, Pontifice inconsulto, conformare se audet . Vicissim ad S. Dionysium P. M. de fide postea delatus ipse S. Dionysius Alex. , quasi in Sabellium pugnans in extremum dilapsus errorem , Divinam naturam in partes divideret , suspicionem proinde omnem diluere jussus , Apologia submissa ad Pontificem calumniam omnino abstergit , Pontificique fecit satis : ita testatur S. Athanasius in epist. de sententia S. Dionysii , lib. de Synod. , & epist. de decretis Synodi Nicænæ : meminere quoque SS. Basilii lib. de Spir. S. cap. 29 , & Hieronymus de Script. Eccles. cap. 79. Apologiæ hujusce fragmenta diligenter collecta exhibet Coutantius inter Rom. Pontif. epist. pag. 279 , & seqq. At enim ab eodem S. Dionysio Romano Sabellio ob hæresim infamæ dicam fuisse conscriptam , in eo prædaminata impia Arii dogmata , unaque simul in veteratorem Marcionem innovatam maledictionem adnotat locis mox indicatis S. Athanasius , ubi Dionysianæ epistolæ adversus Sabellianos insigne nobis fragmentum servavit: in quo illud observatu dignum, quod Pontifex ita Sabellii refellit hæresim , ut oppositos Tritheitarum errores simul evertat. Tanti vero a S. Athanasio habitus est S. Dio-

nysius Papa, ut gravissimum inde argumentum duxerit ad Nicænum decretum de Filii Consubstantialitate, deque Trinitate, Personarum, veluti de rebus ad fidei integritatem pertinentibus, juxta rectissimam priscorum Pontificum doctrinam, defendendum, ac in tuto collocandum.

Appendere, Lectorique numerare nunc præstat, ut ordo postulat, quæ S. Felix I. pro fidei defensione contra hæreticos peregit. Ad preces igitur Patrum non minus, quam 80, teste S. Hilario lib. de Synod. n. 86, Concilii Antiocheni secundi, idest circa finem anni 269, ut Pagius n. 12. ostendit, adversus Paulum Samosatenum, Artemomus hæresim revocantem, ac Deo bellum indicentem, ut Patres Antiocheni loquuntur, *ἀρετὰς αὐτοῦ ἀντιθέτω*, habiti, ex quo ad S. Dionysium ejus decessorem Synodica fuerat missa, quam refert Eusebius lib. 7. cap. 26. vers. Ruff., eundem Paulum anathemate confixit, Divinam Christo D. naturam vindicans, epistola exarata ad Maximum Episcopum, & Clerum Alex., cujus fragmentum dumtaxat ad nos pervenit, atque a Concil. Collectoribus passim describitur inter acta Concilii Ephesini. Porro Epistolam hanc, qua & Sabellii hæresis profligatur, quin S. Felicis I. genuinus sit foetus, dubitare non sinunt expressæ, quas de illa texunt, laudes, Patres Concilii Ephesini Act. 1. pag. 1403. tom. 1. edit. Harduini, S. Cyrillus Alexand. in Apologet. adversus Orient. anath. 6, Marius Mercator pag. 178, & 140. edit. Baluzii, Vincentius Lirin. Common. cap. 42, Hypatius Episcopus Ephesinus in Collat. an. 533. cum Acephalis habita apud Harduinum tom. 2. pag. 1162, ac Liberatus Brev. cap. 10, quibus permotus Cl. Contantius eam S. Felicis I. epistolam vindicare non dubitavit §. un. de ejusdem scriptis pag. 294, & seqq. Quamobrem hanc immerito Epistolam S. Felici II. potius, qui Liberio fuit successus, tribuendam censuit Basnagius to. 2. Annal., & cum ipso Fabricius Bibl. Latin. lib. 6. pag. 1583 & quod pejus est, Apollinaristis non dubitavit adscribere Doctiss. Lequienius dissert. 2. Damascenica n. 7., quem loc. cit. refellit levi brachio Contantius. Eo vero in pretio hæc S. Felicis litteræ habitæ sunt, ut cum Pauli Samos., tum Sabellii hæreses his damnatæ in Provinciis deinceps Maximo subjectis pessimo audire nomine coeperint. Plurimi etiam

etiam factas a Patribus Nicænis liquet ex Actis Concilii Ephes. par. 4. tom. 1. edit. Harduini pag. 1639; a S. Athanasio, testis est ipsemet lib. de Synod., de sentent. S. Dionysii, & orat. de Incarn. contra Paulum Samos.; a Theophilo Alex. patet ex epist. ad Porphyrium Antioch. in Actis Synodi V. Collat. 3. apud Harduinium tom. 3. pag. 106; ab Aureliano imo Imper. auctor est Eusebius lib. 7. cap. 30; ab Arianis demum ipsis adparet ex Synodica pseudo-Concilii Pilippopol. relata ab Harduino tom. 1. pag. 679, ubi habent: *In Urbe Roma sub Novato, & Sabellio, & Valentino hereticis factum Concilium, ab Orientalibus confirmatum est: & iterum in Oriente sub Paulo a Samosatis quod statutum est, ab omnibus est signatum.* Fuco quidem plena, fraudeque ad fallendum composita sunt hæc, sed quæ argumento, documentoque sint tamen, quid ab Apostolica Sede prolatae in hæreticos sententiæ apud Orientales efficerent.

De Hæreticis a S. Melchiade damnatis modo dicturus, a re texendis, quæ de Donatistis ab eo profligatis abunde, opinor, dixi Tom. 2. Art. 9. §. 1. pag. 414, & seqq., ac Tom. 3. Art. 5. in proleg. pag. 328, & seq., manum retraham, magisque me conferam ad Manichæos, quos sub S. Felice I. primum exortos circa an. 270. refert Eusebius lib. 7. cap. 27, ideoque minus recte Franciscus Bruys hist. Pontif. tom. 1. pag. 77. horum originem ad Pontificatum S. Eutychiani circa an. 277. retraxit. Ut ut sit ista de epocha, Manichæos Romæ a S. Melchiade detectos fuisse, damnatosque auctor est Anastasius, qua occasione observatu digna lex est ab eodem lata, & a Bibliot. relata. Discimus ab Auctore isto S. Eleutherum Basilidis, & Carpocratis errori, quo Manichæis præludentes, duoque rerum principia statuantes, bonum, & malum, superstitiose quibusdam abstinebant a cibis, quos ad principium malum referebant, legem opposuisse de indiscrete, adhibendo ad communem usum quocumque cibo. A S. Cajo perinde juxta veterem praxim decretum emanasse de frugibus, ac uvis præsertim benedicendis. Non abfimiliter errori altero, quem cum illis Manichæi habuerunt communem, quoque Mithræ, idest Solis, cultores sacris initiantes, perque certos quosdam pœnarum gradus probantes, eorum ex 50. continuatæ abstinentiæ, ac jeja-

nii diebus, periculum capiebant: quod pariter jejunium per alios quos non interruptos anni dies repetebant: huic, inquam, errori decretum, ad Apostolicam traditionem apprime cautum, opposuisse S. Melchides putandus est, quo nempe Quadragesimæ jejunium non ultra 40. dies produci voluerit; nec in Quadragesima diebus Dominicis; nec in Jejunio quatuor temporum feria quinta jejunandum edixerit. Porro de iniquis Manichæorum initiationibus, nefandisque Mysteriis si plene scire aveas, consulto Archelai Episcopi Mesopotamiæ disputationem anno 177. habitam, adversus Manetem, & editam in suis Collect. monum. Eccles. Græcæ, & Latinæ cum eruditis observationibus a Cl. Laurentio Alex. Zacagnio, & ex ipso a doctiss. Mansio tom. 1. Supplem. Concil. pag. 15, & seqq., antehac vero a Valesio ex Cod. Ms. Bobienſi, nunc Bibl. Ambros., in append. ad hist. Socratis, & Sozomeni pag. 159, & seqq.; Illustris. Philippi a Turre Episcopi Adriensis dissert. de Mithra cap. 5; Cl. Blanchinium tom. 2. Anastasii in Not. hist. ad S. Melchiadem sect. 33; ac doctiss. Petri Thomæ Cacciari historiam hæres. Manich. præfixam tom. 1. oper. S. Leonis M. Demum adversus Novatorum calumnias sacros in Ecclesia Romana Jejuniorum ritus neutiquam ad Montanistarum sacrilegam jejunandi rationem exactos Theologi nostrates passim demonstrant: qua de re adeundus Emin. Baronius ad an. 173. n. 27, & seqq. Ad hanc itaque a S. Melchiade non tam indictam, quam instauratam legem de Jejunii diebus, haud procul abs vero, mea quidem opinione, aberrabit, qui putet respexisse Patres Concilii Gangrensis Can. 18. in vers. Dionysii contra Eustathium, & Concilii Cæsaraugustani Can. 2. adversus Priscillianistas die Dominica haud jejunandum indicentes. Hinc etiam S. Epiphanius hæresi 75. n. 3. occasionem arripuit reprehendendi Aerianos, quod die Dominica jejunare affectarent. Non dissimulandum tamen doctiss. Courantio de Decretis S. Melchiadi attributis §. 5. hoc decretum de Jejunio præsertim feriæ quintæ vetito spurium visum esse: sed momenta, quibus innititur, apud ipsum videas, nam aliò me revocat oratio.

In Arii damnatione post S. Dionysium P. M. Patribus Nicænis prævisse sententia S. Silvestrum, cui tanquam agendorum, decre-

discernendorumque regulæ illi postea insisterint, ego quidem nullus dubito . Omnium equidem primus damnati Arii palmam tulisse visus est S. Alexander Alex. Antistes : quippe qui gemino, ut ostendit Valesius in Not. ad Theod. lib. 1. cap. 4, non unico dumtaxat, ut visum est Baronio, Alexandrino Concilio habito, non quidem an. 315, ut Baronius, & Labbeus existimant, neque an. 327, ut arbitratur Henschenius ad diem 26. Febr. in vita S. Alexandri, sed anno 321, velut ex S. Prospero, & Hermanno Contracto suadent Pagius ad an. 315. n. 6, & seqq., ac Harduinus tom. 1. Concil. pag. 295, e quorum priori scripta fuit Synodica ad cognominem Byzantii Episcopum, quam exhibet Theodoretus lib. 1. cap. 4, & ex ipso Harduinus loco indic., e posteriori vero ex Episcopis ferme centum congregata, quam ideo Oecumenicam denominat S. Athanasius in epist. ad Episcopos Ægypti, & Lybiæ, Encyclicam, quam nobis servavit Socrates lib. 1. cap. 6, dedit ad omnes Ecclesias, Arianam hæresim diris cunctis devovit. At enim is haud satis habens, ut Arius hæresis nomine a cunctis Orbis christiani Episcopis censeretur, nisi ad hos Romanus Pontifex calculo accederet suo, Synodica pariter ad S. Silvestrum, ejus præcipue muneris esse obortas proscribere hæreses probe intelligebat, inscripta, de hæresi Arium detulit, districte, severeque ex jure summo in eum agendi se auctorem dedit, de hæretico homine profecto sententiam a Pontifice auditurus, cui tuto fideret, quaque ejus partiaris durissimum eos deinceps posset obstruere. De hac Synodica ad S. Silvestrum missa loquitur expresse Liberius in epist. 4. edit. Cont. ad Constantium Imp. n. 4, quæ refertur a S. Hilario frag. 5. Non ambigendum itaque, tametsi documenta certiora desiderentur, quin pro officii particula se confestim contra Arium fidei assertorem Pontifex M. præberet. Quamvis autem per me stare concedam, quod Hosius Cordubensis Episcopus a Constantino M. legatus Alexandriam fuerit missus, ut indicant Socrates lib. 1. cap. 4, Sozomenus lib. 1. cap. 23, & Phorius Cod. 266, putare tamen, ut pronum est, quid prohibet eisdem Episcopo Religionis partes, dum Republicæ demandabantur a Principe, eadem potiores a Pontifice fuisse impositas, cujus propterea vice Hosius Concilio Alexandria celebrato anno 324.

cele-

celebrato præfuerit, in eoque præcipuus auctor fuerit lati anathematis in Arium, Sabellium, & Colluthum, eademque præcipua auctoritate schisma composuerit, tum quod excitaverat Meletius, tum quod circa Paschatis celebrandi diem jandiu vigebat? Legete hac de re juvat Cleri Mareotici litteras ad Philagrium, Egypti Præfectum apud S. Athanasium in Apolog. 2, eundemque S. Doctorem in epist. ad Solitar., ubi haud obscure tradit ab Hosio in Nicæno Concilio fidei formulam, Symbolum deinde Nicænum dictam, fuisse conceptam, ipsi Patres Nicænos adqueviffe, ac juxta eam formam decreta fuisse efformata: *Hic, inquit, Princeps est Synodorum, & siquid scribit, ubique auditur. Hic formulam fidei in Nicæna Synodo concepit, & Arianos ubique pro hæreticis traduxit.* Quam plane laudem non nisi in hominem Pontificis Romani potestate indutum cadere, aut ego fallor, nemo non videt. In Photini Sirmienfis Episcopi hæresim, ab Ariana, haud multum abludentem, inquiri a Synodo Mediolanensi anno 346, aut 347. coram Apostolicæ Sedis Legatis jussit S. Julius I. In hæreticum hominem ea in Synodo ejaculatam damnationis sententiam biennio post, idest anno 349. confirmavit, habita juxta receptissimum in Ecclesia Romana morem Synodus, exindeque decretum ad Orientales missum, testis est locuples S. Hilarius frag. 2. Consule, qui de his agunt copiose, Petrum de Marca in Diatr. de tempore Synodi Sirmien., Petavium in dissert. de Photino, Sirmondum in Diatr. de eodem hæretico, & Pagium ad an. 344. n. 4, & seqq., & ad an. 349. n. 4, & seqq.

Sed si quis Pontificum alter, præclara S. Damasus amplissimæ potestatis hujus argumenta præbuit, quæ summis attingere digitis aggredior. Præter enim obnixam eam, quam impendit principio curam extinguendo schismati exorto in Ecclesiis tum Antiochena, de quo S. Basilii in epist. 52, & 220, tum Alexandrina, de quo Socrates lib. 4. cap. 30, tum Constantinopolitana, de quo S. Nicolaus I. in epist. 8. ad Michaellem Imp., tum Africana, de quo S. Optatus lib. 2, & x cindendis sub ea ætate subortis hæresibus totus intento nervo incubuit. Nam Synodo Romæ habita an. 367, aut seq. Ursacium, Valentem, ceterosque ejusdem hæresis Arianæ consortes anathemate damnatos ex Ecclesia ejecit.

cit. Qua de re gratias S. Damaso agendas quammaximas scripsit S. Athanasius in epist. ad Afros n. 10, quibus indicit sat esse debere, superque Pontificis sententiam, ut ab illorum prava doctrina sibi caverent. Altera indicta an. 371, aut seq. Synodo, votis sollicitatus a Gallis, quos pridem admonuerat S. Hilarius, & Venetis, quos Eusebius, ab Afris, id per S. Athanasium petentibus, & Orientalibus, S. Basilii operam apud Pontificem impendentibus, Auxentium Mediol. Episcopum, Arianos, ac Synodum Ariminensem diris cunctis devovit, data inde Encyclica ad omnes Ecclesiæ Episcopos, a Sabino in Illyricum, ac deinde in Orientem delata apud Theodoretum lib. 2. cap. 22. edit. Vales., Sozomenum lib. 6. cap. 23, & Holstenium in Collect. Rom. pag. 265. legenda, de qua S. Athanasius in præcit. epist. ad Afros, & S. Basilii epist. 89, alijs 223, 90, alijs 61, & 91, alijs 324. Ad hæc S. Damasus suo aut exemplo, aut hortatu, aut imperio auctorem se dedisse Gallis, & Hispanis, ut cum Italis pariter, & Illyricis convenientes, Synodis celebratis, ab Auxentii, ab Ursacii, a Valentis, a Gaji communione se abstinere, unique Nicænæ formulæ integre adquiescerent, tradit loc. cit. S. Athanasius. Eo celebrior etiam Synodus II. ista evasit, quod in ea Macedoniana hæresis prædamnata fuerit, fidesque de Spiritu S. divinitate confirmata, antequam sparta ista a Synodo Illyriciana exornaretur, quæ non nisi post acceptam Pontificis Synodicam in eandem pariter sententiam processit, ut ostendunt Pagius ad an. 365. n. 9, & seq., & ad an. 369. n. 10, ac Mansius in dissert. de Synodo II. Rom. sub S. Damaso tom. 1. Supplem. Concil. pag. 233, & seqq. Facile hinc fieri potuisse nemo non percipit, ut S. Damasus Patribus Synodi II., sive Constantinopolit. I. pariter auctor fuerit prolatæ in Macedonium damnationis, veluti ex Actis Synodi VI. act. 18, prout extant in Codicibus Bibl. Vatic., S. Mariæ Major., ac Vallicellanae docuit Baronius ad an. 381. n. 19. Tertia anno circiter 375. indicta Synodo, quæ ab alijs cum priore confunditur, ab alijs vero non distinguenda a posteriori censetur, & a Christiano Lupo in Schol. ad epist. 57. Alexandri Hierapol. ad Acacium Berœens., quem Synodo huic interfuisse ex hac epistola auguratur, in an. 373. conjicitur, in eaque damnatos Apollinarem, Vitalem, ac Ti-

mo-

motheum censet, qua in sententia plerique alii tum ei præverant, tum post sequuti sunt, cujusque mentio occurrit apud Auctorem Synodici, de quo Harduinus tom. 5. pag. 1518, Lucium hominem Arianum, ac Sedis Alexandrinæ invasorem gradu dejecit, eamque legitimo suo restituit Antistiti, Petro scilicet, quem suis communium litteris ad eandem remisit Ecclesiam, testibus Socrate lib. 4. cap. 37, ac Sozomeno lib. 6. cap. 39.

Atqui longe illustrior explicuit se se Pontificis summa in profligandis hæreticis potestas Romana in Synodo IV, in qua S. Damasus in Apollinarem, ac Timotheum ipsius discipulum anathema distrinxisse, atque unam, eandemque in tribus Personis Divinam substantiam adfluxisse legitur. Ab eo præterea adversus Sabellii, Arii, Macedonii, Eunomii, Apollinaris, hæreticorumque aliorum blasphemias Anathematismi conscripti sunt; ac fidei procusa formula, in qua observatu digna symbolo Nicæno adjecta particula de Spiritu S. Patri, Filioque consubstantiali, epigraphen præfert cum ad omnes Orientis Ecclesias, a Dorotheo delata, tum ad Paulinum inscripta apud Theodoretum lib. 5. capp. 10, & 11, quid de Deo uno Trinoque rite credendum, a quibusve circa Deum hæresibus cavendum esset, universos Christi fideles edocens. Porro Synodum hanc in duas dispescere pluribus oppido placuit; e quarum una Synodica ad Paulinum, ex altera, quæ ad Orientales, eaque Decretalis, prodierit. Duas rursus ad Paulinum epistolas a S. Damaso exaratas, conjectura ducta ex S. Cælestini periocha apud Arnobium lib. 2. de conflictu cum Serapione, opinatur Baluzius in nov. Collect. pag. 379: unam dumtaxat, etsi duas in partes distinctam, quarum posterior a subnexa fidei expositione incipiat, veri censet similis Coutantius in mon. præv. ad epist. 5. n. 2. Ad hæc Paulinum heic a Theodoretto dictum Thessalonicensem, dicendum Antiochenum Baronius vult; Acholium malunt Blancus, & Berardi: at enim in Theodoretum peccavit Latinus interpres, siquidem ille scripserat missam confessionem fidei ad Paulinum in Macedoniam, dum esset Thessalonica: qua de interpretis hallucinatione vide Baronium nov. edit. Lucen. de an. 378. n. 43. Atqui Theodoretum secundo vexat Baronius ad an. 867. n. 68, ubi ab illo

illo lib. 5. cap. 11. haud integram hanc fidei expositionem fuisse descriptam arbitratur, eamque supplendam ait tum ex Collectione Cresconiana, de qua dixerat jam ad an. 447. n. 21, tum ex Gennadio (verius Josepho Methonenſi) pro Concilio Florent. sect. 7. Repugnat Coutantius loco indic. n. 5, & seqq., conaturque ostendere fragmentum illud ex Cresconiana Collect. laudatum pertinere ad S. Gelasium Papam: quod vero ex Gennadio profertur, acceptum fore referendum Regulæ fidei in Synodo Toletana I. editæ; atque hanc fidei regulam in Codice Can. Quesnelliano adscribi S. Augustino notat, ex qua atque ex S. Damasi Anathematismis compactus fuerit sermo de temp. 129. in Append. 233. S. Augustino tributus. At enim Mansius tom. 1. Supplem. Concil. p. 239, & seqq. ex Codice Lucensi reapse supplevit, quæ in fidei formula a Theodoro prætermiſſa, hætenus inter editos in lucem non prodierant. Gravior inter Eruditos contentio exagitata est de anno, quo Synodus ista celebrata sit: Baronius eam illigat anno 373; Tillemontius in annum 375. confert; Blancus an. 372. inter, & an. 377. coarctat; Mansius anno 377. affigit; Valesius, & Coutantius in an. 378. conjiciunt; Pagius in duas, aut tres distinguit: nam in Synodo III. ann. 375. Apollinarem, ac Timotheum damnatos cum aliis plurimis autumat; adversus hæce pestes Anathematismos editos refert acceptos Synodo IV. an. 378: Decretalem vero, ut ipse vocat, ad Orientales post an. 381. adornatam, quam post annum imo 384. minus recte editam vult Tillemontius; Conciliorum demum Collectores ad annum 379. producunt, haud rite tamen, nam fidei formulæ illi subscriptum legitur a Synodo Antiochena, quæ haud diutius post an. 378. differenda est. Convenit tamen, quod in rem nostram facit, iccirco celebratam fuisse, ut Orientalibus, quorum nomine, ac proprio fuerat a S. Basilio epist. 74, nunc 363. Pontifex sollicitatus, deque Pneumatomachorum, & Apollinaristarum hæresi admonitus, fieret satis. Convenit, ac ultro citroque vel ipsemet Natalis hist. Eccles. ad sæcul. IV. cap. 3. art. 14. §. 1. consentit, ex epistola ad Orientales, siue Decretalis ea fuerit, siue Synodica, elucere, Orientales, juxta veterem Ecclesiæ receptissimum morem referendi ad Apostolicam Sedem majores causas, ad ejus Tribunal

Part. II. Tom. V.

G

hære-

hæresis nomine Timotheum detulisse, ut, qua suprema defungebatur, auctoritate illum damnaret, graduque abdicaret. Convenit eidem Synodicæ fuisse subscriptum in Antiochena Synodo anno 378. a Meletio, aliisque sex Metropolitibus ibidem proprio nomine appellatis, ac aliis insuper 146. Episcopis, in Codice VATIC. omnibus 163, non expressis. Id adeo verum, adeoque habita hæc S. Damasi fidei expositio est, ut Theodosius Imper. anno 380. lege lata, quæ habetur L. 2. Cod. de Sum. Trin., edixerit deinceps eam dumtaxat omnium esse debere de Trinitate fidem, quam S. Petrus tradiderat, & S. Damasus sequebatur. Postremo cum Apollinaristis eodem confossos gladio Millenarios observat Baronius ad an. 373. n. 14. Sed & Euresium Episcopum Luciferiano schismate, hæresique imbutum S. Damasi indignationem expertum fuisse, eoque satagente in exilium ab Arcadio L. 28. *De Hereticis* ejectum, ex Faustino ejusdem fursuris homine in libello oblato Valentiniano, Theodosio, & Arcadio deducit Pagius ad an. 395. n. 5, & seq. Priscillianistarum denique principulos Instantium, Salvianum, & Priscillianum a S. Damaso indignos habitos, qui Romane Ecclesiæ communionem cohonestarentur, ex Severo Sulpitio lib. 2. jam observatum est: quod nec inficias ausus est ire Bruys hist. Pontif. tom. 1. pag. 137.

Qui proxime S. Damasum sequutus est, S. Siricius in insectandis hæreticis strenuum se se ~~exhibuit~~ exhibuit. Atque principio quidem ingenti S. Siricio laudi vertit Auctor libri Pontif. obnixum, quo flagrabat studium hæreses ubique gentium profligandi: *Constitutum*, inquit, *fecit de omni Ecclesia, & contra omnes hæreses, & dispersit per universum Mundum, ac per omnes Provincias, ut in omni Archivo Ecclesiæ conservaretur ob impugnationem contra omnes hæreses*. Nec mihi vero probatur viri Cl. Petri Coutantii in epist. S. Siricii pag. 708. n. 1. conjectura, qua verbis hisce designari putat epistolam 5. ad Afros, qua Pontifex decreta sua hacce periocha claudit: *Hæc itaque si plena vigilantia fuerint ab omnibus observata, . . . Hæreses, & schismata non emergent*. Non enim ad novas præcavendas, sed ad veteres præscindendas, nec ad Africanos dumtaxat, sed ad Orbis totius Antistites decreta a S. Siricio emanasse Anastasius affirmat. Ultro magis,

magis , citroque doctus. Bencini ad hunc locum tom. 3. Anast. sect. 55. pag. 50 , & seqq. probabilissimam interpretationem amplector, quæ proprie Bibliothecarium de aliquo Constituto adversus hæreses a S. Siricio edito accipiendum non dubitat : qui enim Maximo Tyrannidem exercenti auctorem se dedit , ut animo se compararet ad hæreses extirpandas , uti liquet ex Maximi epistolis ad eundem S. Siricium , cujus ad illum litteras deperditas lugemus , atque ad Valentinianum Aug. , quem in Catholicæ fidei defensione hisce confirmare verbis adnititur : *Italia omnis , atque Africa hoc Sacramento credunt ; hac fide gloriantur Gallia, Aquitania , omnis Hispania , Roma ipsa venerabilis , cujus etiam in hac parte Principatus est , quod Deum , sicut sequi voluit , agnovit* , apud Baronium ad an. 387. n. 33 , & 65 : qui Theodosio animos sive indiderat , sive adauxerat ad hæreses ubique excindendas , ut adparet ex tot legibus Cod. Theod. *De Hereticis* , ac præsertim LL. 2 , 5 , 14 , & seqq. usque ad 23 , eum pronum est putare nec despondisse animo , nec desuisse , quin omnem ad hæreses infrindas omnes conatum conferret : eo vel maxime quod recens vigeret memoria decretorum , quæ a decessore suo S. Damaso adversus hæreses ad Orientales directæ fuerant : cujusmodi moris denunciandi ubique terrarum hæreses odio habendas Romana in Ecclesia receptissimi multa eodem loci specimina vir doctiss. suppeditat . Age modo ab his generatim dictis ad particularia gesta descendamus . Imprimis Manichæos pro virili parte , quam numeris profecto absolvit suis , persequutum S. Siricium , fide affirmat sua præl. Anastasius , confirmatque Schelestratius Antiq. illust. par. 1. pag. 463 : quinimo studio , quo fervecebat hanc procul abigendi pestem , modum facere nescivit , donec justissimam eam a Theodosio impetrasset legem , quæ legitur Cod. Theodof. *De Heret.* L. 18. lib. 16. tit. 5. Nefarium hoc genus hominum exagitaverunt subinde qua Apostolicæ Sedis repetitis decretis , qua ab Imperatoribus edictis impetratis SS. Anastasius , Leo , Gelasius , & Symmachius apud Anastasium , & Gratianum *De Consecrat.* dist. 2. Can. 12. *Comperimus* , Joviniani hæresim vix exortam in cunis præfocatam a Romano Pontifice scribunt SS. Hieronymus initio libri adv. Vigilant. , & lib. 3. adv. Pelag. , & S. Augustinus de Hæreses. cap. 88 , & lib. 2.

Retraſt. cap. 12. *Hæc monſtro*, inquit, *S. Eccleſia*, *quæ ibi* (Romæ) *eſt, fideliffime, ac fortiffime reſtitit*. Is vero fuit S. Siricius, uti liquet ex ipſius epiſtola inſcripta non Eccleſiæ Mediolanenſi, ut legitur in editis, ſed ad diverſos Epiſcopos, ſicut habent Codices Mſs. melioris notæ apud Coutantium pag. 663, a quo una cum Joviniano eodem conſoſſi telo leguntur Auxentius, Genialis, Germinator, Felix, Plotinus, Martianus, Januarius, & Ingenioſus novarum hæreſum incentores. Jovinianum porro hæreſis nomine ad Pontificem fuiſſe a Pammachio delatum memorat S. Hieronymus in epiſt. 50. Igitur ſecundum S. Siricii iudicium, ac juffionem, S. Ambroſius Mediolani anno 389, aut ſeq. coacta Synodo, intortæ in ſceleſtos illos ſententiæ adjecit & ſuam uti probat exinde ad Pontificem exarata Synodica tom. 2. ipſius oper. pag. 963. Bonuſum præterea Sardicenſem Epiſcopum plurium errorum perſonam gerentem damnatum, graduque dejectum ab eodem S. Siricio, conſtat ex ipſius epiſtola, (quam genuinum proſecto ejuſdem ſæctum eſſe oſtendunt Juſtellus, Holſtenius, Launojus, Labbaeus, Coutantius, Harduinus, ac Brujus ipſe, quin tamen huc Dupinii tom. 2. Bibliot. nov. par. 2. figmentum inſarcire omittat) ad Anyſium Theſſalon., ceteroſque Illyrici Epiſcopos: apud quos eo propterea nomine pariter ille peſſi ne audivit. Quid ad hæc vero, quod a Theophilo Alexand. de hæreſi, Anthropomorphitarum utique teſtibus Socrate lib. 4. cap. 7., & Sozomeno lib. 8. cap. 14, ad S. Siricium delatum S. Epiphanium tradit Palladius in dialog. cap. 15? Atqui viciffim a S. Epiphanio apud Siricium Origeniſmi poſtulatus Johannes Hieroſol. legitur in epiſt. 61, nunc 38. S. Hieronymi ad Pammach. . Sed de his hæſitenus.

De Origenis damnatione præter ea, quæ paullo ſuperius diſputavi, obſervatione valdequam digna, quæ S. Anaſtaſius I. habet in epiſt. ad Johannem Hieroſolym. *Mihi certe cura non deerit Evangelii fidem circa meos cuſtodire Populos, partesque corporis mei* (Populi mei, legitur in aliis Cod. Mſs.), *per queque ſpatia terrarum diffuſas, quantum poſſum, litteris convenire, ne qua profanæ interpretationis origo ſubrepat, quæ devotas mentes immiſſa ſui caligine labefactare conetur*: quibus junge paria, quæ repe-

repetit in epist. ad Venerium Mediol., & Chromatium Aquilejen. Bofsuetius omnem auide occasionem arripere Pontificiis obtrec-
tandi privilegiis afuetus, Defens. declar. par. 2. lib. 14. cap. 12.
hæc obscurare exinde conatur, quod in Origenis condemnatione
S. Anastasium præcefferit Theophilus Alex., quodque de hujus
Synodica ad omnes Orthodoxos super nomine Origenis miffa
S. Hieronymus fcripferit tum in epist. 71. ad ipfum Theophilum:
Romani, & totam Italiam ipfius post Chriflum epiftolis liberatam;
tum in epist. 77. ad Pammach., & Marcellam: *Hærefim oppreffam*
ejus auctoritate, & eloquentia; tum in epist. 78. ad eodẽm a S. A-
nastasio *Damnatum in Occidente, quod in Oriente damnatum (a*
Theophilo) eft; tum lib. 2. adv. Ruffin. cap. 6: *Quod BB. Epif-*
copi .Anafafius, & Theophilus, & Venerius, & Chromatius, &
omnis tam Orientis, quam Occidentis Catholicorum Synodus pari
ſententia, quia pari & ſpiritu Origenem hæreticum denuntiant
Populis; inde colligit, inquam, contenditque fidei robur tota
Eccleſia diffuſum eſſe: interdum extremo ex Orbe prodire decre-
ta, quibus etiam Romana illa, Apoſtolico ore laudata, excitetur,
& confirmetur fides: ac demum in Eccleſiarum conſenſione ſum-
mam vim, fideique fortitudinem, ac Spiritus S. teſtimonium eſſe
repoſitum. Equidem, non inficior, quia in Ægypto, atque in
Oriente ante diſſeminati Origenis errores, quam in Italia, & Oc-
cidente innotuiſſent, prius Theophilo, quam S. Anaſtaſio eoſ-
dem conſigendi occasionem obtulerant: at eiſdem confixis, e re
eſſe ſua Theophilus intelligens Romanum Pontificem ab ſe geſto-
rum certiorẽ facere, ab eoque confirmationem rogare, quæ ſi
deefſet, concidere facile ab ſe in Origenem decreta, datis ad S.
Anaſtaſium litteris flagitavit, ut latam in Origenem, ejusque
Sectatores ſententiam calculo comprobaret ſuo, ſive uti loquitur
conceptis verbis S. Hieronymus in epist. 78: *Prædicationem Cathe-*
dre Marci Evangelifte Petri Apoſtoli ſua prædicatione confirmet.
Confirmavit reapſe S. Anaſtaſius, inſcriptiſque litteris Epifcopos
Occidentis omnes religionis, officiique adhærendi latæ ab ſe in
Origenem damnationis decreto admonuit. Exinde effectum, ut
cum Oriens, tum Occidens condemnationi Origenis conclamaret,
de cujus damnatione Theophilus ex ſua non tam, quam ex Pon-
tificis

tificis sententia plauderet in serm. ad quosdam Monachos : *Anathematizantes Origenem , ceterosque hæreticos , exemplo nostro , & Anastasii S. R. E. Episcopi , quem & universa Occidentis Episcoporum sequitur Synodus , quæ accepit , ac probavit Alex. Ecclesiæ sententiam in impium latam .* Quæ Theophili verba a Justiniano postea Imp. in epist. ad Mennam , de qua post , cum laude memorata pejori in errore versatos ostendant cum Basnagium in Annal. Polit. Eccles. ad an. 401. §. 9 , tum Brujum hist. Pontif. pag. 157 , dum in alienæ Dicecesis homines , vel de hæresi accusatos , Romano Pontifici jus adimere non abstinerunt . Ergo ejusmodi Catholici Orbis consensionis in causa fuit Apostolicæ Sedis auctoritas summa , sive qua Orientalium sententia probata fuit , sive qua Occidentalium assensio fuit præcepta : ideoque in ea consensione , ceu in causa , ejaculatæ in Origenis errores sententiæ firmitudo nequaquam fuit reponenda , sed tanquam in effectu tantummodo , cujus causa profecto fuerit Pontificis sententia , cui obtemperandum fuisse utique ab Orbe universo ; ideoque ab ejusdem auctoritate decretorum contra Origenem , ejusque defensores invictissimum robur sit repetendum . Hoc satis significavit S. Hieronymus , cujus sane non est sensum assecutus (verbo absit invidia) Bossuetius , sed ei tota adversum regionem appinxit , quandoquidem Rufino superbe jactanti confessionem fidei ab se conscriptam , quæ , utpote ad fallendum composita , S. Anastasio quidem probata non fuerat , Italiæ tamen Episcopis fuisse acceptam , reposuit mirari sibi valde subesse : *Quomodo probaverit Italia , quod Roma contempsit , Episcopi susceperint , quod Sedes Apostolica condemnavit ?* Quibus quid aliud , amabo , innuit , nisi quod prolata semel a Pontifice sententiæ nihil Episcopis reliquum esset , quam ex officio , religioneque obsequi ? Ex quo proinde quis non perspiciat ex Pontificis potius jubentis judicio , quam ex Episcoporum obsequentium obedientia , fidei decretorum firmitatem reposcendam fore ? Planiora sient hæc adhuc , ampliusque robur accipient ex dicendis paullo post de Origenistis .

Pauciora modo de Pelagianis , quoad ejus fieri poterit , a SS. Innocentio , Zosimo , Bonifacio , Cælestino , Sixto , Leone , Gelasio &c. perculsis , prodigatis , prostratis . Atque hæc rerum sum-

summa redit . Orosius cum Johanne Hierosol. contra Pelagium disputans causam demum ad S. Innocentium P. M. deferendam conclusit : atque quidem , ut Pontifici causa dimitteretur , idem haud invitus Johannes consensit , uti refert ipsemet Orosius in Apologia . Pontificis autem judicium hac in causa tanti habuit S. Augustinus serm. 2. de verb. Apost. circa fin. , ut eo prolato causam finitam affirmarit . Ab hoc vero judicio religiose abstinuisse Patres Africanos , ac Pontifici integrum permisisse , ratos ab eo uno decretis vim obtineri universam obligandi Ecclesiam , agnovit etiam Petrus de Marca in dissert. de vet. Collect. Canon. cap. 14. Huic denuo judicio , postquam Patres Concilii Carthaginensis adquievisserent , velut irrefragabile omni ex parte habendum fuisse , & causæ Pelagianæ ita impositum finem , ut retractationi locus non esset reliquus , fassi sunt Quesnellus ipse in princip. Reflex. moral. , & Auctor libri de justic. silentii obseq. Quin imo tanti S. Innocentii auctoritatem fecisse vel ipse Pelagius videri voluit , ut in fine libelli suæ fidei declaratorii ad eum transmissi , sed successori S. Zosimo redditi , in hæc fatus sit : *Hæc est fides &c. in qua si minus perite , aut parum caute aliquid positum est , emendari cupimus a Te , qui Petri & fidei tenes . Sin autem hæc nostra confessio Apostolatus tui judicio comprobatur , quicumque me maculare voluerit , se imperitum , vel malevolum , vel etiam non Catholicum , non me hæreticum , comprobabit .* Subinde idem Pontifex a S. Hieronymo admonitus de Pelagianis Orientem , ac Palæstinam turbantibus , dedit epist. 31. ad Johannem Hierosol. officii admonens ; dedit & epist. 33. ad S. Doctorem , ut indicaret eorum nomina Nebulonum , ut in ipsos districte posset animadvertere . Quas epistolas observatu dignas ad ostendendam Pontificis auctoritatem in Ecclesiam universam dixit Fleurius hist. Eccl. lib. 23 , vir alioqui Pontificiæ auctoritatis non multus assertor , nulloque certe modo assentator . Præylus , qui vacantem obitu Johannis Ecclesiæ Hierosolym. thronum implevit an. 416 , primo quidem occupatum favore Pelagii animum prætulit , pro quo & litteras dare ad S. Zosimum , isto teste in epist. ad Afric. , non dubitavit . Paullo post tamen detecta fraude hæreticum hominem Hierosolyma abegit , ac novis litteris ad S. Zosimum in ejusdem

tran-

transire sententiam officii loco habuit, ac revocare, quæ pridem in gratiam Pelagii exoraverat, qua de re Marius Mercator Common. pag. 139. Bene quoque se habuit S. Bonifacius II, qui auctorem se dedit cum Honorio Imp. severæ, justissimæ tamen, Constitutionis adversus Pelagianos, ut indicat S. Prosper adv. Collat. cap. 41; tum S. Augustino litterarii certaminis, ex quo palmam S. Doctorem relaturum non dubitabat, contra Pelagianæ hæresis præcipuum columen Julianum Eclanensem, velut ipsemet perhibet lib. 1. ad eundem Bonifacium cap. 1. Quid quod pro Juliano, Pelagianisque aliis supplices dare litteras ad S. Cælestinum non abstinuit, deque illis Pontificis interrogare, rogareque sententiam Nestorius? Quid quod Cælestius uovi Pontificis deludendi spe captus, eidem Cælestino preces obtulit, quibus in ejus irreperere gratiam tentabat? At hunc quidem totius Italiæ finibus extrusum, illum vero a S. Sixto III. in errore pertinacem ab Ecclesia projectum tradit S. Prosper contra Collat. cap. 21, & in Chron. ad an. 439. Confer & S. Cælestini epist. 24. edit. Cout. ad Maximianum Constantinopolit., qua a Pelagianis sibi, Populoque concredito diligenter ut præcaveat, admonet. Quin etiam hanc pestem e Britannia a S. Cælestino opera S. Germani profligatam memoriæ proditum est a S. Prospero in Chron. ad an. 429, etsi a Constantio in vita S. Germani lib. 1. cap. 19. apud Surium ad diem 30. Jul. factum id referatur a Synodo Gallicana: qua de re videtis Baronium ad an. 429. n. 10, & Pagium num. 4. Contritos perinde a S. Leone M. Pelagianos, ac in his præsertim Julianum, memorat S. Prosper de promiss. cap. 6. prope fin., si genuinus tamen ejus est textus. Sed & Pelagianam hæresim pluries extinctam, in Dalmatia, ac Piceno reviviscentem tribus datis epistolis ad Honorium Dalmatiæ Episcopum, & ad Episcopos Picenæ Provinciæ, conscriptoque desuper tractatu, apud Baronium ad an. 493. n. 23, & seqq., & Labbæum tom. 4. pag. 1171, & 1240, confutasse, confixisse, contrivisse legitur S. Gelasius: cui & Johannes Talaja Episcopus Alex. librum adversus eandem hæresim ab se adornatum nuncupavit, cujus meminit Photius Cod. 54.

A S. Cælestino Nestorium, hominem post natos homines nequiorem, prædamnatum, Ephesinisque Patribus formam pa-
riter,

riter, regulamque fuisse præfixam, secundum quam de Nestorio sententiam ferre deberent, adeoque ut nec illis fas esset ab hæresis nota, quam scelesto illi Pontifex infixisset, eundem absolv ere, dilucide, abundeque, ni meus me fallit amor, alibi ostendi: unde apud Evagrium lib. 1. cap. 4. Ephesini Patres ita leguntur præfati: *Epistola Patri nostri, & Collegæ Cælestini Episcopi Ecclesiæ Romanæ necessario compulsi . . . ad hanc severam sententiam, contra eum pronuntiandam devenimus.* Ex præscripto præterea S. Cælestini in eodem Concilio act. 5. proscriptam fuisse hæresim Pelagianam testatur epistola Synodica apud Harduinum tom. 1. pag. 1510, ex qua patet acta pridem sub S. Cælestino adversus Pelagianos magno rei Christianæ damno periisse: S. Cyrillum vero legatum suum *Universi Orbis Judicem*, ideoque & Concilii ejusdem voluit S. Cælestinus, teste Nicephoro lib. 4. cap. 34. Novatianorum pariter reliquias persequutus legitur apud Gennadium de Scrip. Eccles. cap. 54. Quo loci miseret me valde Francisci Bruys, quod hist. Pontif. pag. 211, & seq. faciles, piæque Socrati lib. 7. cap. 11. de hac mota in Novatianos suos persecutione acerbè conquerenti aures præbere non extimuerit. Sed & in Semipelagianos suum exercuisse stilum, dubitare non sinit epistola suo nomine inscripta ad Galliarum Episcopos, de cujus epistolæ veritate nulla inter Eruditos controversia est, tota in eo sita, utrum subnexa Capitula ejusdem pars epistolæ reputanda sint, de qua consuli poterunt Wendelstinus in Cod. Can.; Suarez proleg. 6. de gratia cap. 1; Sirmondus To. 1. Conc. Gall. pag. 60; Gerardus Vossius lib. 1. hist. Pelag. cap. 30; Dupinius in Bibl.; Norisius in vind. August. cap. 8; Serrius in August. vindic.; Coutantius in Mon. præv. ad hanc epist. pag. 1178, & seqq.; Pagius ad an. 431. n. 46; & Fabricius Bibl. latin. lib. 3. pag. 315. A studio veteris tuendæ, vindicandæque adversus Nestorianos Catholicæ doctrinæ S. Sixtum III. laudat Vincentius Lirin. Common. cap. ult., capta opportunitate ex ipsius epistola ad Johannem Antioch.; cui jungenda pari concepta spiritu epist. ad S. Cyrillum Alex. At quanto ille studio sive unitatis erga segreges, sive veritatis erga rebelles affectus esset, nihil ostendit magis, quam ejusdem opera curatum, ac procuratum, suorum exemplo Decessorum, ut S. Silvestri, a quo Nicæna Synodus in

Lateranensi, ut S. Damasi, a quo Constantinopolitana in Basilica suo dicata nomine pulcherrima fuerant specie expressæ, de quibus Hadrianus I. in epist. Apolog. pro SS. Imag. ad Carolum M., Synodi Ephesinæ Misticis expressæ imaginibus indelebile partæ de Nestoriana hæresi per Decessorem suum, ac per se victoriæ monumentum, de quo, ut adeas, qui egregie pertractat, Cl. Franciscum Blanchinium differt. 2. tom. 3. Anastasii pag. 123, & seqq., tibi sum auctor.

Bene, optimeque hæc se habent: at enim devotum est rand mad S. Leonem re, & nomine Magnum, a quo quatenus, & quam strenue Catholicæ rei in Orbe collabescerent rationes, insurgentes adversus hæreses, sustentatæ, ac restitutæ sint, nunc videndum. Itaque Manichæis in Italia, ac Romæ, quod ex Africa an. 439. a Genserico occupata magno numero profugerant, quorum infanda facinora vice plus simplici in palam facere non destitit serm. 4. Collect. cap. 3, serm. 3. de Quadrag. cap. 5, serm. 7. de Nativ. cap. 4, serm. 4. de Epiph., serm. 5. de Jejun., & epist. 2, nunc 18. ad Episcopos Italiæ, Ecclesiæ aditum, nedum permisit nullum, sed profligandis operam tum propriam omnem, tum Valentiniani III. Imp. Novel. *De Manich.* impendit. Qua de re S. Prosper in Chron. ad an. 443, & Maimburgus in hist. Pontif. S. Leonis lib. 1. Observatu heic dignum vetus Fragmentum 13. anathematismos complectens adversus Manichæos, quod ex Bibl. Ambrosianæ Cod. Mss. optimæ notæ vulgavit Cl. Muratorius tom. 2. Anecd. pag. 112, S. Leoni acceptum referendum arbitratus; dignumque, quod conferatur cum epist. 93, nunc 15. ad S. Turibium. De ceteris vero scriptis, cum veteribus, tum recentioribus adversus Manichæos editis consulebis Fabricium Bibl. Græcæ tom. 5. pag. 289, & seqq. Pelagianos in Istria, & Sicilia compressit, quosque ad frugem pellicere non licuit, profugere longe compulsi, testibus S. Prospero de promiss. cap. ult., si tamen germanus ejus est foetus, ac Photio Cod. 54. Atque ita præfert ipsius epistola 6, alias 86. ad Januarium Aquilejen., ac epist. 7, alias 85. ad Septimium Altini Episcopum: quam posteriorem quidem uti spuriam, caussatus est Quesselus, vindicavit tamen Antelmus. Vides etiam Pagium ad an. 447. n. 6, & seqq. Capitula contra Semi-
pela-

pelagianos S. Cælestini epistolæ subnexa, quæ S. Prospero tribuunt Antonius Carafa, & Norisius, S. Leoni tribuenda censet Quænellus dissert. 3; quem tamen refellit Antelmus dissert. 1. de oper. S. Leonis. Posthæc Priscillianistas in Hispania puta sufferre si potuit mactus animo Pontifex: sed enim illorum præstigias, & insana figmenta haud pauciora quam sexdecim refert, ac refutat in præcit. epist. ad S. Turibium, qua illos jam prædamnatos a suis Prædecessoribus affirmat verbis istis: *Merito Patres nostri, sub quorum temporibus hæresis hæc nefanda prorupit, per totum Mundum instantem egere, ut impius furor ab Ecclesia universa pelleretur.* Qua ex epistola locum laudandi S. Leonem a studio hæreticos vi comprimendi decerpit, vel ipse Maimburgus lib. 1: quale studium cum fide christiana pugnare frustra oblatrat profligatissimi vir pudoris Baylius in Comment. philosoph. Atque quidem tanti epistola pensæ ab Hispanis Episcopis habita est, ut ad ejus amussim, ac sensum Synodus Bracarensis I. an. 560. apud Hard. tom. 3. pag. 347. sua adversus Priscillianistas decreta exigere ne leviter dubitarit. Quas vero heic Quænellus comminiscitur, nugæ non moror; eas enim doctiss. Petrus Thomas Cacciari nullo jam exsufflavit negotio.

Quod vero potiori S. Leoni ponendum in laude est, illud est profecto, quod eidem potissimum accepta debetur Eutychetis, & Dioscori damnatio, de qua satis par. 1. art. 2. §. 2. pag. 166, & seqq.; & par. hac 2. art. 5. §. 1. pag. 403, & seqq., ac paullo infra iterum, ubi digito velut intento demonstratum est Chalcedonenſi Synodo, ceu decernendotum, agendorumque rectam amussim, a Pontifice fuisse præscriptam epistolam suam ad Flavianum, eamque reapse a Synodi Patribus tanto in pretio habitam, ut nefas reputarint vel latum unguem ab eadem abscedere: unde rite Tournellius ipse de Eccles. q. 3. art. 2. scripsit: *Cælestino Nestorium, Leoni Eutychetem damnanti Ephesina, & Chalcedonenſis Synodi nihil fere aliud, quam subscribere se testificate sunt.* Et S. Flavianus quidem hac in re tanti Sedis Apostolicæ sententiam existimaverat, ut in epist. ad S. Leonem, quæ legitur post 8, affirmare non dubitarit nulla Congregatione opus esse ad hæreses eliminandas, ac schismata extirpanda, sed satis esse, superque Apo-

stolicæ Sedis auctoritatem , ut propterea S. Leoni Eutychetis errores referens , damnationem in eum a Synodo Constantinopolitana an. 448. prolatam calculo comprobari suæ petierit . Quin & Theodoretus rescribens S. Abundio , a quo S. Leonis dogmaticam acceperat , de hac ipsa loquens , hæresim procul depulsam , legitimamque doctrinam clara adeo in luce positam , ut illi subscribere oporteret quotquot Catholico vellent censi nomine , significavit : *Religio , quæ periclitabatur , renovata est per Sanctitatem vestram* *Hæc ex litteris Domini nostri Leonis didicimus* *Advocatum , & propugnatorem veritatis invenimus* *His ego litteris consensi , & subscripsi & c.* Confer & Synodum Romanam an. 451. apud Mansium tom. 1. Suppl. Concil. pag. 327, nec non S. Petri Chrysologi epistolam ad Eutychetem apud Bachinium in Agnelli Pontif. pag. 344, Quesnellum tom. 2. oper. S. Leonis post epist. 23 , Harduinum tom. 2. pag. 21 , ac recens Sebastianum Pauli . Quare nugatur procacissime Maimburgus , dum in tract. de stat. Rom. Eccl. cap. 18. ab ipso S. Leone Concilii lonæ supra propriam factam potestatem fuisse comminiscitur . Adeundi , si placet , Illustriss. Sommier hist. dogm. S. Sedis lib. 5. capp. 9, & seqq. , Bencinum in Not. ad Anast. tom. 3. sect. 66. pag. 141 , ac Lopezium in histor. exercit. de antiquo Can. Codice Eccl. Hisp. nuper edita cap. 42, ubi disertis SS. Caelestini , & Leonis exemplis ostendit nusquam Pontifices , quæ probaverant , ad Episcopos , ut ea confirmarent , Synodorum acta mittere consuevisse , sed tantummodo ut reciperent . Ad S. Leonem duos hæresi laborantes ex Oriente Romam contendisse Basilium , & Johannem , qui Nestorii , ac Eutychetis erroribus ejuratis Pontificis fidei se integre permiserunt , viden , ut denaret Baronius ad an. 451. n. 21. Denique a S. Leone tractatum editum , quo singulis hæresibus propositis regulam fidei e regione sequendam exponit , testatur Vigilius P. M. in epist. ad Justinianum Imperat. , de qua mox laudatus Annal. Eccles. parens ad an. 540. n. 14, & seqq. Nec prope , nec procul hinc aberat S. Hilarius , a quo in libro Pontif. leguntur Encyclicæ in Orbem missæ , confirmatæ tres Synodi Nicæna , Ephesina , & Chalcedonensis ; damnati desuper Nestorius , Dioscorus , Eutyches , eorumque gregales ; & confirmasse

paffae *Autoritatem, & Principatum S. Sedis Apoftolicæ*. Quæ
 poftrema verba pertinere ad ambitum Patriarchæ Conftantinopolit.
 reprefum auguratur Cl. Bencinus in Not. ad hunc locum feft.
 68. pag. 163. Illuftri præterea S. Hilarum præconio maftat S. Ge-
 lafius in epift. 11. ad Dard., ideo quod Philotheo Macedoniana
 hærefi afperfo homini, validoque Anthemii Imp. patrocinio fuf-
 fulto, Romæ feftæ cum fuæ, tum cujuslibet genus publicos ce-
 lebrare fuos Conventus permittendum contendenti infrafta animi
 fortitudine, Imperatoris nec gratiam, nec odium veritus obfti-
 terit. Pari, dignaque Pontifice M. firmitate, S. Simplicius offen-
 dit Bafileo Tyrannidem excentri, de quo legendi Scriptor vitæ
 Danielis Syllitæ apud Surium ad diem 11. Decemb. cap. 4. 1, &
 Evagrius lib. 3. capp. 4, & 5, ubi Encyclicam ab eo Tyranno editam
 adverfus Synodum Chalcedonenfem defcribit, eique fubfcripfiffe
 vi adaftos quingentos circiter Epifcopos adnotat. Datis itaque
 litteris robore refertiffimis fuperbum hominem infregit, novo-
 que edicto, quod legere præftat apud Evagrium lib. 3. cap. 7, ad
 hæreticam revocandam Encyclicam compulfit, teftè S. Gelafio in
 epift. 11. ad Dard. Juxta hæc Eutychianæ hærefis primipilos Ti-
 motheum Ælurum, Petrum Fullonem, Johannem Apaïnenum,
 & Paulum Ephefinum diris cunctis devovit, uti denarrat S. Fe-
 lix III. in epift. ad Cler., & Monach. Orient., & adparet ex epift.
 3, & 4. Colleâ. Concil., quas olim perperam S. Felici III. attri-
 butas S. Sinplicio reftituit Pagius, quem confule ad an. 478. n. 4,
 & feqq., non fecus atque Liberatum Brev. cap. 18. Eadem men-
 tis invicta conftantia ftetit adverfus Zenonem Imp. S. Felix III,
 nihilque fuit, quo ab ejus Henotico rejiciendo detineri potuerit.
Quum omnes, inquit Theodorus Lector lib. 2, alii Patriarchæ
Zenonis Henotico confenffiffent, folus Romanæ Urbis Epifcopus Felix
communicare ei noluit. Egregia laus utique, quam fibi cumulavit
 amplius repetito anathematis telo in Mongum, in Acacium, in
 Fullonem: in hunc poftremum indignatus non modo, quod Antio-
 chenæ incubaret Ecclefiæ, & adverfus Chalcedonenfem Synodum
 clafficum undique caneret, fed ideo, quod infuper ceu Apollinari-
 ftæ, Sabellianus, ac Theopafchita periocham *Ὁ ὁμοῦς τίς ἐστιν* quæ,
qui Crucifixus eft pro nobis, Trifagio addidiffet: qua de re legen-

da epist. 5. ad Zenon. ; adeundusque Cyrillus Scytopol. in vita S. Sabæ apud Cotelierium tom. 3. pag. 264. Non desinere porro , ut fieri solet, qui præ ingenio præpostero optima quæque pejorem trahere in partem conentur , qui tam imprudenter , quam impudenter ferventiori abreptum zelo S. Felicem causentur , quia putant ab ipso vix a prima in Acacium prolata sententia , quatuor post diebus secunda mortis sententia cum percussum , ante hoc est , quam Acacius de priore quidquam accepisset . At hanc præcipitis animi a Pontifice notam abstergit Cl. Contantius , veluti refert P. Simon Mopinot in Synopsi epist. præm. nov. edit. epist. Rom. Pontif. , duas inter sententias duabus in Synodis in Acacium ejaculatas longe majus intercessisse tempus ostendens : nam primam cum Valesio ad Julium anni 484. retrahit ; secundam vero Octobri 485. assignat . Atque hanc quoque diversam ætatem duplici illi judicio adscribit Mansius tom. 1. Suppl. Concil. pag. 346, quo ex loco propterea corrigendus , cum P. de Rubeis in disert. de hoc ipso argumento , in Not. ad Pagium ann. 485. pag. 485 , ubi semel damnatum Acacium dixerat , 'unamque adversus eundem indictam tantummodo Synodum . Subdit Mopinot a Contantio post Valesium , quibus addendus Dupinius , & Orsius lib. 36. §. 35 , conjecturis haud contemnendis demonstratum in spuris habendas tres , quæ S. Felicis nomine circumferuntur epistolæ , una videlicet ad Zenonem , duæque reliquæ ad Fullonem . At enim has cum Caveo vindicat Pagius ad an. 485. n. 22 , duasque posteriores S. Simplicio tribuit ; interpolatas vero Cl. Massejus autumat .

Quam justas , gravesque ob causas Romanæ ab Ecclesiæ communione abscissus fuerit Acacius (quisquis autem fuerit abscissus , eum profecto a Catholicæ Ecclesiæ corpore amputatum existimandum nemo prudens ignoraverit) nullus negabit , qui perspectas habeat S. Felicis epistolas 2 , & 9. ad Zenon. , 8. ad Acacium , de quo Evagrius lib. 3. cap. 17, & seqq. , Libellos ad Acac. , & Zenon. , 10. ad Cler. , & Popul. Constantinopolit. , Synodicam ad Cler. , & Monach. Orient. , 12. ad Thalassium Archim. , & Encyclicam ad Orient. Episcopos de vitanda communione Acacii S. Gelasio tributam , sed S. Felici vindicatam 2 ,

Patre

Patre de Rubeis , & Maffejo , a quo ex Cod. Veronen. edita primum ad calcem hist. Theolog. pag. 220 , inde in nov. Collect. Venet. Concil. tom. 5. pag. 180. translata est . Propterea latam semel , & iterum a Prædecessoribus suis in Mongum , & Acacium damnationis sententiam tum confirmavit , tum a Græcorum invidia vindicavit S. Gelasius epist. 11 , & 13. ad Dard. Episcopos. Euphemio Constantinopolit. litteras denegavit pacificas epist. 1 , & Anastasio Imper. adamantinum, Pontifice dignum, objecit peccatus epist. 4. Qua in opinione te confirmabit Tractatus de Anathematis vinculo apud Harduinum tom. 2. pag. 929 , & seqq. S. Gelasio tributus , quem a mendis expurgatum à Coutantio pollicetur Mopinot in epist. ad P. Carolum Conrade in append. Norisii edit. Veron. lib. 2. cap. 12. pag. 828 , tamen in Suppl. Acaciano S. Felici asseritur : quem in Tractatum confer , si libet , Barbosa in Collect. par. 1. Decr. dist. 15. cap. 3 , & Covaruviam lib. 4. Variar. Resolut. cap. 14 , & seqq. Quod vero a SS. Felice , & Gelasio toto propriæ auctoritatis pondere , ad omnes æquitatis , prudentiæ , justitiæque leges librato , fuerat in Acacium decretum , ratum , pensumque habuit S. Anastasius II, qui in epist. 1. ad homonymum Imper. tum demum Sacrorum cum Romana Ecclesia societatem redintegrari posse concludit , quum primum e diptychis infandum Acacii nomen fuisset abrasum : habuit S. Symmachus , qui cum in Apolog. 6. ad Anast. , tum in epist. 8. ad Orient. Acacium justa operiendi ignominia argumentum inde capit , quod sensu suo cum hæreticis communicare , cum eisdem sit consentire : habuit S. Hormisdas , qui Illyrico epist. 7 , 9 , & 10. , Orienti epist. 11 , 12 , & seqq. usque ad 17 , Imperatori, Johanni Constantinopolit. , ejusque Clero epist. 28 , & seqq. 44 , 45 , & seqq. , Justino , Synodo Constantinopolit. , & Epiphanio epist. 75 , 76 , & seqq. Romanæ Ecclesiæ communionem ea indeprecabili lege aut exhibet , aut restituit , ut in Acacium dicatur anathema ; ejusdem e diptychis expuncto nomine : habuit denum , ut de aliis taceam , S. Nicolaus I. epist. 7 , & 9 , ubi Acacii tamquam hæretici memoriam traducere nec leviter dubitat . Quid ad hæc autem , (veritati tanta vis inest) quod hanc Pontificum agendi rationem æquitatis plenam agnoscere perinde , juxtaque

que æqui, bonique facere ingenio vel invito adaſſi Orientales ſunt in Encyclica, ac in Suggeſt. tam Germani, quam Dioſcori apud Labbæum tom. 4. pag. 1487, & 1490, cum Eutychete, Dioſcoro, Æluro, Fullone, & Mongo damnatione pari dignum Acacium pronuntiantes? Atque tum audita una omnium voce in Synodo Conſtantinopolitana tom. 2. Concil. pag. 1338. acclamatione: *Synodica Romana modo valeant*. Ita ſub hac conditione a S. Hormiſda oblatam amplecti pacem cunctati diutius haud ſunt Johannes Nicopolit. cum Epiri Epiſcopis apud Harduinum tom. 2. pag. 1027, & ſeqq.; Juſtinus Imper., & cum Græcis ſuis Johannes Conſtantinopolit., ejuſque ſucceſſor Epiphanius tom. eodem pag. 1016, & ſeqq.; Johannes Hieroſolym. in Synodica ibid. pag. 1342; Epiphanius Tyrius, aliiſque pag. 1346, & 1362; Juſtinianus Imper. in libello fidei ad S. Agapetum apud Labbæum tom. 4. pag. 1802; Beſſarion pag. 1487, & Baſilius Cilix apud Photium Cod. 42, quibus adſciſcendus Liberatus Brev. cap. 10. Poſt quæ tam explicite, patienter quis ſummam ferat audaciam, qua Jo: Sudorius hiſt. Eccl., & Imper. ad an. 489, Dupinius Bibl. tom. 3. par. 2, Tillemontius V. Euphemiſ art. 4, & V. Macedonius art. 2, ac Brujus hiſt. Pontif. tom. 1. pag. 257, & ſeqq. levi admodum de cauſa abruptam cum Eccleſia Conſtantinopolit. pacem effutire non erubescunt, neque propterea e cenſu orthodoxorum Conſtantinopolitanos decidiſſe Antiſtites exiſtimandum? At hæc quam torvis uſurpaverint oculis, ut videas, quantave mentis obruti caligine in hæc tentabundi inceſſerint, conſuleſis Fleuriſ hiſt. Eccleſ. lib. 31. §. 52, Bencinum in Not. ad Anaſt. tom. 3. ſect. 82. pag. 224, & ſeqq., Sommier hiſt. dogm. lib. 6. cap. 7, & ſeqq., Maſſeum in præfat., & in adnot. ad epiſt. S. Felicis ad Orient., & Orſium hiſt. Eccleſ. lib. 36. §§. 72, & 116.

In lineam nunc regrediendo, Euſtathiũ n, non pſeudo - Monachum, veluti Baronius ad annum 361. n. 44, & ſeqq., & poſt ipſum Baſnagius eſt arbitratus, ſed celebrem Sebaſtenum Epiſcopum, ut ex SS. Baſilio epiſt. 74, & 79. ad Occid., Epiphaniſ hær. Arian., Socrate lib. 2. cap. 43, & Sozomeno lib. 3. cap. 14, ac lib. 4. capp. 24, & 25. arguunt Valeſius ibidem in Not., &

Pa,

Pagius ad an. 319. n. 4, & seqq., & ad an. 357. n. 15, Nuptias prohibentem, docentemque de necessitate salutis rebus omnibus renuntiandum esse, aliaque horum similia absurda, Gangrensis Synodus ex Episcopis 13, aut 15, aut 16. non amplius coadunata condemnauerat; quo vero anno, satis non constat: nam Baronius eam illigat anno 361, minus tamen vere; Pagius annos intra 340, ac 357. contrahit; Coutantius in præf. ad epist. Rom. Pontif. §. 2. pag. 64. n. 65. Corbejenfis Cod. fide suffultus ante Nicænam collocat; & Mansius in Not. ad Pagium an. 319. num. 4. Nicæne priorem dandum locum affirmat, fretus auctoritate Codicis Eccles. Orient. Tiliæni Patribus Trullanis an. 680. probati, ubi post Nicænam Gangrensis locum occupat. Jam vero Synodi istius sententiam, non secus ac Canones eatenus Romana ab Ecclesia receptos auguratus Baronius est, quatenus Apostolicæ Sedis auctoritas illis desiderata non fuerit, sicut asseruit S. Symmachus P. M. in Synodo Romana VI. an. 504, & relatus Can. 57. *In Canonibus* 16. q. 1, quem in locum confer doctiss. Berardi ad Gratiani p. 2. tom. 1. pag. 462, quia scilicet Osius Cordubensis Episcopus, ac S. Silvestri vicibus in Oriente defungens Synodo illi præfuerat, gesta que omnia calculo tum comprobaret suo, tum auctorem se dederat, ut a Romano quoque, quod præcipuum erat, Pontifice comprobaretur: quæ perinde ob causam eisdem Canones Gangrenses contra Eustathii errores adornatos Britannicæ Ecclesiæ religiose custodiendos indixisse, & commendasse S. Leo V. relatus a Gratiano *Can. 1. De Libellis* dist. 20. præsumi facile potest. Atque hanc quidem Baronii conjecturam adjuvat, & corroborat, opinione mea, Codex antiquissimus Corbej. medio sæculo VI. exaratus apud Coutantium §. 2. pag. 62, & seqq. n. 61, in quo Canonibus Ancyranis, Neocæsarensibus, & Gangrensis ante Nicænos collocatis præmissa legitur Osi præfatio. At enim contra pugnat Emin. Cardinalis Aguirrius dissert. 2. in præf. Isidori ad Concil. tom. 1. Concil. Hisp., ideo quod Osius non primus, ut oportuisset, sed post alios promiscue Synodo Gangrensi subscriptus legitur: quod pariter animadvertit Petrus de Marca dissert. de Can. Vet. Collect. cap. 2. Putat vero vir doctiss. id a S. Symmacho dictum, quod arbitretur a S. Leone M.

Part. II. Tom. V.

I

quem :

quemdam adornatum Codicem Canonum, in quibus Gangrenses quoque locum habuerint. Aguirrium refellit Cl. Blancus de po. test., & polit. Eccl. tom. 4. lib. 2. cap. 3 §. 7, ea motus intima persuasione, quod Canonum nulla Collectio a S. Leone fuerit elucubrata: quapropter a S. Symmacho id dictum vir doctus existimat, quod ab eo laudati Gangrenses Canones 7, & 8. excerpti fuerint ex Apostolicis 39, & 41, qui in Collectione Dionysiana Sedi Apostolicæ erant accepti. Eodem ferme recidit Pagii opinio putantis, id a Pontifice dictum, ideo quod tum temporis Gangrenses Canones usu Romana in Ecclesia jam venissent. Ab Aguirrio parum distant cum Justellus, tum Quesnellus, ille tom. 1. pag. 16 pro certo ponens S. Leoni Græcum Canon. Codicem, in quo Gangrenses locum haberent, probatum evasisse; hic vero in Append. oper. a S. Leone Codicem Latin. Canon. revera adornatum arbitratus: at utrumque refellit Coutantius in præf. §. 2. pag. 59. n. 55, & §. 3. pag. 67, & seqq. n. 70, & seqq., quem ibidem videtis, ac consule, si libet, quæ Tom. 4. par. 2. art. 9 in Proleg. pag. 364, & seqq. dicta sunt. Denique vir doctiss. Mansius vehementer dubitat, utrum Gangrensi Synodo nedum præfuerit, quin an interfuerit, cujus quippe nomen tum in Synodica, tum in Codice Tiliano Canon. Eccles. Orient., tum in Nomocanone apud Cotelierum tom. 1. Monum. Eccles. Græcæ pag. 136. ab se minime deprehensum affirmat in Not. ind. ad Pagium.

Itaque documenta ad indubia ut me devolvam, ad Semipelagianos retorquere sermonem cogor, indeque gradu progredi ordinato. Pestem hanc itaque in Galliis jamdiu grassantem, ac in dies invalescentem, ut de superiori veluti loco percuteret, ac o provincia, si Superis placeret, exterminaret, pravisque dispunctis erroribus Catholica dogmata loco stabiliret, S. Felicis IV. P. M. operam imploravit, opportuneque adhibuit S. Cæsarius Arelatensis. Igitur a Pontifice fidei decreta contra Semipelagianos directæ, atque ex operibus S. Augustini de Div. gratia, & libero arbitrio deprompta, ab omnibus subscribenda, ac tenenda in Synodo Arausicana II. anno 529. habita protulit, ac proposuit S. Antistes, teste Hincmaro Rem. lib. 2. de prædest. cap. 12, qui & cap. 22.

cap. 22. ex delegatione Sedis Apostolicæ Synodo illum præfuisse confirmat. In Semipelagianos intortam sententiam a Synodis sive Arausicana, sive a Valentina subinde an. seq. ab eodem S. Cæsario coadunata, auctoritate postea sua confirmavit S. Bonifacius II, uti patet ex ipsius epistola ad S. Cæsarium apud Harduinum tomo. 2. pag. 1109. Quo ex tempore gentium ubique Semipelagiana exsibillata est hæresis, quæ tam diro, quam diuturno annorum plusquam centum certamine Gallicanam præsertim dilaceraverat Ecclesiam, ac in partes distraxerat. Adeundi, si plura aveas, Jo: Sotellum in append. S. Prosperi edit. Lovan. 1565, & append. edit. Paris. 1711; Baronius ad an. 529. n. 13; Binium apud Labbeum tomo. 4. pag. 1675, & Harduinum tomo. 2. pag. 1097, & seqq., a quibus loca indicantur S. Augustini, unde sententiæ illæ 25. decerpæ sunt; Sirmondus tomo. 1. Concil. Gall.; Bollandus in Comment. prævio ad vit. S. Cæsarii; Norisius lib. 2. hist. Pelag. cap. 23; Pagius ad an. 529. n. 3, & seqq., ac Mansius Suppl. Concil. tomo. 1. pag. 411, ubi ex Cod. Lucen. Synopsis profert epistolæ S. Felicis ad Siculos, quæ sub titulo Canones 6. collocantur, Arianis, Pelagianis, Semipelagianis, & Manichæis contraria dogmata Catholica stabiliētes. A Johanne II, & a S. Agapeto damnatos alibi dixi Accemetas: ut autem invidiæ notam, quam inde Sedis Apostolicæ Ofores arripiunt Pontifici alterutri Hormisdæ, aut Johanni assignendi, ab utroque amoliaris, videbis Petavium tomo. 4. Theolog. dogm. lib. 4. de Incarn. capp. 6, & 7; Thomassinum disert. 18. in Synodum Roman. anno 532; & Norisium in vind. Augustin. cap. 3. §. 2, lib. 2. hist. Pelag. cap. 20, & in Apolog. Monach. Scythiæ cap. 1. Quos jam prædamnaverat suus Prædecessor S. Hormisdas, Acephalos a Severo, & Theopaschitas a Cnaphæo prognatos confirmata secundo anathematis sententia proscripsit idem S. Agapetus, cujus decretum executioni demandans Justinianus Imp. Novel. 42. hæreticos illos in exilium ejici jussit. Cum his eadem damnatione involutos Anthimum Constantinopolit., Petrum Apamenum, Zoaram &c., ac loco Anthimi ab eo suffectum Mennam discimus ex epist. ejusdem Agapeti ad Petrum Hierosolym., ex Synodo Constantinopolit. sub Menna, atque ex sententia in Synodo pronunciata a Pe-

tro Hierosolym. apud Harduinum tom. 2. pag. 1225, 1395, & 1415; quibus frustra locis offundere tenebras adnixus est P. Ludovicus Doucin hist. Nestor. lib. 4. pag. 380: pomeridiana enim luce patentior inde refulget suprema in Patriarchas Orientis Pontificis Romani potestas, adeo ut vel ipsi Maimburgo in tract. de prærog. Rom. Eccl. cap. 5. perspecta approbe fuerit, quin refellendis Doucini nugis longior impendatur opera. Vigilius postea Acephalorum primipilis Theodosio, Severo, & Anthimo communionem suam fingitur impertivisse in epistola quadam ipsi afficta, eaque ab se præstanda fide, quam datis chiographis obligaverat, fuisse pollicitum. At hæc ad calumniam amandanda disertissimis Africanorum Episcop., Cleri Rom., Justiniani Imp., ac ipsius Vigilii testimoniis ostensum a Coutantio auctor est in cit. Synopsi P. Mopinot: quibus duo adungere dumtaxat mihi liceat expressissima loca S. Gregorii M. lib. 2. epist. 51, & S. Nicolai I. in epist. 9. ad Michaellem Imp.; unde liquet, quam multa pro fide devoraverit incommoda, & discrimina Vigilius, & quanto adversus Eutychianos, & Acephalos robore steterit, ac dimicaverit. Non tam Vigilio tamen, libenter fateor, quam illustri, quem tenebat, loco ingenti cedit laudi, quod inde dictum in Origenistas anathema robur accepit. Quamvis enim Tractatui Encyclico a Justiniano Imp. adversus eos evulgato syngrapham apposuisent suam Mennas Constantinopolit., Zoilus Alex., Euphræmius Antioch., & Petrus Hierosolym., teste Liberato Brev. cap. 23; quin etiam in Synodo Constantinopolit. an. 538, juxta Vallesii in Not. ad Evagrium lib. 4. cap. 38, & Garnerii in discessu de Synodo V. sententiam, Origenistis infamiae dica fuisset conscripta, Vigilio tamen specialius eorundem damnatio refertur accepta a Facundo Herm. lib. 1. cap. 6, tanquam qui Tractatum illum confirmavit, & ad Reparatum Carthag. transiit, ut ab Africanis omnibus subscriberetur; & a Cassiodoro Divin. lect. cap. 1, ubi sic loquitur: *Hunc (Origenem) licet tot Patrum impugnet auctoritas, præsentis tamen tempore, & a Vigilio Papa denuo constat esse damnatum.* Quocirca, Facundo teste loc. cit. cap. 2, Domitianus Ancyranus Episcopus Origenis acerrimus olim defensor ad unum Vigilium poenitentiae libello nuncupato confessus est

est post latam a Pontifice sententiam , non amplius Origenis defendendi locum superesse , ideoque ad id pessimi Origenistas se convertisse consilii , ut scandalis Ecclesiam commovere , ac turbare non cessarent . Confer Lupum in Not. ad Synodum V , Norisium de Synodo V. lib. 1. cap. 1 , & seqq. , Pagium ad an. 538. n. 12. , & seqq. , & ad an. 553. n. 25 , ac seqq. , ac Mansium in disert. de Synodis in Origenistas tom. 1. Suppl. pag. 425, & seqq. , a quibus Origenismi historia valdequam haftenus implicata plurima est luce perfusa , optimoque digesta ordine : unde liquido adparet laterem profecto lavisse Halloixium , dum in Apolog. Orig. q. 10. hunc ab Ecclesia nunquam damnatum suadere obnixus est ; quem præter modo memoratos refellit quoque Huetius Origenian. lib. 2. cap. 4.

Venio nunc ad S. Gregorium , cui *Magni* cognomen , doctrina cum eximia copulata , illustrata facta indiderunt ; dicendi vero compendi operam faciam , ne præter modum prolixior fluat oratio . Jam tum itaque , quum adhuc Apostolicæ Sedis Apocrisarii personam ageret Constantinopoli , summa indutus sollicitudine , ne leve quidpiam sacris Romana in Ecclesia dogmatibus deriperetur , cum Eutychio Patriarcha , qui Origenis pravo dogmate refecto pugnabat futurum corpus nostrum in die Judicii impalpabile , sensibusque impervium , congressus eum tam gravi rationum pondere , ac Dominicæ præsertim Resurrectionis exemplo attrivit , ut Paulo Diac. in ejus vita n. 9. teste tum Eutychii liber jussu Tiberii Imper. , qui concertationi præsentia interfuerat sua , flammis comburendus fuerit traditus , tum Eutychius ipse ad frugem regressus in orthodoxa deinceps fide integer usque ad finem permanerit . Hanc porro S. Gregorii disputationem habes ex lib. 14. Moral. cap. 29. descriptam a Johanne Diac. lib. 1. ejusdem vitæ n. 27. Pontificatum adeptus pro studio , quo flagrabat puritati fidei prospiciendi , aut loco firmandi , ubi nutare videretur , aut redintegrandi , ubi fuisset collapsa , in Italia reliquias aut Idololatriæ , aut Arianismi , cui adhuc Langobardi deserviebant , suorum opera Dialogorum , quos ad Theodelindam miserat , delevit , teste Paulo Diac. lib. 4. de gest. Langob. cap. 4. Quosdam de animarum immortalitate , & corporum resurrectione dubitantes , ac li-

tem

tem intendere non desistentes invissimis rationum momentis compressit, & contraria fidei dogmata stabilivit lib. 3. Dialog. cap. 38. Magos, ac Maleficos, (quo intelligi debent nomine Mathematici in edicto designati) severa animadversioe Roma facessere a S. Gregorio iussos denarrat Johannes Sarisberienſis de Nugis Curial. lib. 2. cap. 26; de cujus quidem fide valdequam suspicantur Lipsius in adnot. 149. ad lib. 12. Taciti pag. 207, Bayle V. Gregorius I, Gretzerus lib. 1. de Jure prohib. libros cap. 30, Scipio Ammiratus lib. 21. discurs. 1, & PP. Maurini in ejus vita lib. 1. cap. 2. pag. 202; nihilotamen minus in hujusce fursuris homines vehementi oratione invehitur hom. 10. in Evang., & lib. 9. epist. 47. Romæ Synodo habita circa finem anni 601, cujus acta desiderantur, Andræam quemdam Græcum impostorem, atque unum e Secta Incorrupticolarum, qui teste Photio Cod. 162., pleraque multa SS. Patrum loca sui in erroris patrociniū detorque, ac vice versa plurium hæreticorum placita eisdem Patribus impudentissime appingere non dubitabat, diro anathemate damnavit: qua de re adeundi Pagius ad an. 601. n. 11, & seqq. ac Dionysius San Marthanus in hist. S. Gregorii lib. 6. cap. 4; legenda quoque ipsius epistola 69. lib. 9. indict. 4. ad Ensebiū Theſſalon. In Urbe serpentem alteram superstitionis plenum errorem de Sabbati cultu, deque abſtinentia a quibusdam operibus, Judæorum ad instar, quam propere, tam procul longe propellere satagit lib. 11. epist. 3., & libr. 12. epist. 1. Ad hæc Manichæos in Sicilia, Schismaticos in Liguria, & Istria, Barbaricinos in Sardinia doctissimis scriptis qua ab erroribus revocatos, qua ad unitatem restitutos, qua a superstitionibus remotos aſſerit Johannes Diacon. initio lib. 3. In Africa Donatistarum cum thecnas omnes patefactas, tum dispersas reliquias undique proſtigatas intueri licet lib. 1. epist. 72, 74, & 77, lib. 2. epist. 3, 3 & 48, lib. 4. epist. 31, ac lib. 5. epist. 5. Agnoetis propulſandis Alexandria Eulogio Alex. operam commodasse S. Gregorium æſtimari fas est, dum ab eo librum adversus hæreticos illos adornatum apud Photium Cod. 230. approbavit epist. 42. lib. 8. indict. 3. Pelagianam hæreſim a Johanne Constantinopolit, qui pro germano Ephesine Synodi I, pseudo-Synodi a Nestorianis post ha-

bitæ

bitæ Codicem Roman ad S. Gregorium mittere non veritus fuerat, instauraram ut dixerit, ulla absque cunctatione debellavit lib. 6. ind. 15. epist. 31. ad Eulogium Alex., & lib 7. ind. 2. epist. 48 ad Anastasium Antioch. Magna denique, ut multa alia dimittam, eide n pars laudis adhæsit ex procurata sive in Anglia laboribus S. Augustini conversione ad christianam Religionem, sive in Hispania opera S. Leandri Arianorum ad castra nostra: de qua, consulendæ lib. 7. ind. 1. epist. 5, 30, 125, 126, & 127, & lib. 9. epist. 15, 57, 58, & 60, adeundus etiam Johannes Diac. sub initium lib. 3. S. Gregorii vit., Tom. 4. ejusdem oper. præfixæ in edit. Paris. an. 1707.

Monophysitas, sive Monothelitas, Eutychianæ Sectæ appendicem, eorumdem primipilis Theodoro Pharanitano, Cyro Alexandrino, Sergio, Pyrrho, Paulo, Petro Constantinopolit., Macario Antiocheno, Stephano, Polychronio, Aspergio e dignitate dejectis, repetita damnationis sententia, perpetuæ in censum infamiae dedicaverunt Severinus, Johannes IV, Theodorus, S. Martinus I, S. Vitalianus, Adeodatus, Donus, SS Agatho, & Leo II, ut abunde liquet ex libro Diurno Rom. Pontif. cap. 3. tit. 6, quem egregiis illustravit notis Garnerius: præter quem confer, si placet, Auctorem hist. Miscellæ lib. 18. a Muratorio editum to. 1. Script. Rer. Ital. pag. 131, Tamagninum in hist. Monothelit., Petavium Theolog. Dogm. tom. 4. lib. 1. cap. 19, & seqq., Combefisium in hist. Monoth., Sirmondum tom. 4. Oper. pag. 680, & seqq., Papebrochium in Conat. Chron. hist. dissert. 23. in Tesauro Eccles. antiq. pag. 193, Lupum in Not. ad Synodum VI, Natalem Alex. hist. Eccl. ad Sæcul. VII. dissert. 1, & 2, Pagium ad annos 639. n. 4, & seqq., 640. n. 2, & seqq., 648. n. 2, & seqq., 677. n. 2, & seqq., ac 681. n. 6, & seqq., ac Illustris. Jo. Bapt. Bartholum Feltren. Episcop. in Apolog. pro Honorio cap. 1, & seqq. Tanto in pretio lata a Romanis Pontificibus in Monothelitas sententia habita est sive ab Orientalibus, sive ab Occidentalibus, ut Victor Carthagin. in Synodica ad Theodorum apud Harduinum, tom. 3. pag. 754. in Pontificis fide Ecclesiam superædificatam, & firmatam affirmavit: ut Stephanus Dorensis suo, ac Sophronii Hierosol. nomine in Synodo Later. sub S. Martino Secret. 2. pag. 711, & seqq.

& seqq. penes unum Pontificem, a quo fidei orthodoxæ fundamenta strenue sustinentur, esse, & stare ecclesiæ januas Catholicis aperire, hæreticis occludere falsus sit, & professus: ut Sergius Cypri Metropolitæ in suggest. ad Theodorum P.M. pag. 727, & seqq. Apostolicam Sedem orthodoxæ fidei cum immobile firmamentum, tum lucidissimam formam a Christo D. fuisse constitutam, ideoque ad ejus spectare partes hæreses cum auctoribus prosternere, fideique dogmata periclitantia loco confirmare, scribere non ambeget: ut Columbus, Stephanus, & Reparatus in Africa Primates pag. 734, & seqq. in Synodicis ad eundem Pontificem testificari non dubitaverint ab Apostolica Sede indeficientem incorruptæ fidei promanare fontem; ad eandem ab universis Ecclesiis, in fidei questionibus, pro inquirenda veritate, confugiendum; ejusque officio cedere hæreticos ab Ecclesia, ceu putrida membra, prorsus abscindere: ut Pyrrhus ipse disputatione a S. Maximo defatigatus apud Baronium in append. tom. II. pag. 654. nov. edit. Luc. ejurata hæresi, fideique libello conscripto se in Romani Pontificis obedientiam transcribere religioni duxerit: si tamen fraudulentus homo in verbo suo non est mentitus: ut hanc ob rem denique regulas a S. Agathone præscriptas sibi ex officio sequendas proposuerint Synodi VI. Patres, atque ab se decreta, ac gesta tum demum valitura existimarint, postquam S. Leonis II. precibus obnixè rogati accessisset auctoritas. Qua profecto accedere Pontifex distulit, ut ipsemet scripsit ad Imperat., donec Synodi acta *curiosè diligentia* examinasset, & cum decretis Synodi Romanæ, & S. Agathonis decessoris sui epistola contulisset. Quibus postquam consona deprehendit, tum demum Synodi decretis calculum adjecit suum hisce conceptum auctoritatis verbis: *Nos, & per nostrum officium hæc Veneranda Sedes Apostolica . . . S. Petri auctoritate confirmat.* Ad hæc Hispani a S. Leone admoniti de Synodi VI. actis ab se approbatis, confirmataque damnatione Monothelitarum, nihil antiquius habuere, quam Pontifici edicenti plene acquiescere. Legere præstat S. Leonis epistolas tum ad Ervigium Regem, tum ad Episcopos Hispan. de quarum sinceritate dicam postea, quibus auctoritate summa cum illis agit; illi vero in Concilio Toletano XIV. congregati cap. 1, & seqq. Synodi VI. actis syn-

syngrapham adjecerunt suam , de qua subinde S. Benedictum II. certiore facere, adimpletæ videlicet ab se sacræ ab suo Prædecessore, ac ab ipso profectæ jussionis, sategerunt. Equidem a doctiss. Cennio de antiq. Eccl. Hisp. diss. 4. cap 3 pag. 56. culpæ Hispanis Episcopis vertitur, quod cap. 6. eatenus acta Concilii accepta sibi dixerint, quatenus ab aliis Oecumenicis Conciliis non discordarent: *Quod*, inquit Cennius, *accipiendi Concilia genus insolens nusquam tota in antiquitate comperies*. At hanc ab Hispanis Episcopis labem amoliendi facilem adinvenit modum doctiss. Lopezius de Barrera in histor. exercit. de antiq. Canon. Codice Eccl. Hisp. cap. 38. pag. 55, & seq., videlicet ex verbis S. Leonis in epist. ad Constantinum Pogon. ostendens ejusdem Pontificis exemplum sequendum proposuisse sibi Hispanos Episcopos, eisdemque pene verbis, quibus Pontifex Synodum VI. probrat, usos in eadem recipienda Synodo: qua in re illos peccasse nihil conficit, qui Pontificis ea in Synodo confirmanda proxime mentem, sententiam, ac modum servarunt. Verum hocce de argumento paullo infra adversus Bossuetium, ac D. Ravechet recurret sermo.

Interea properando iter, ecce pessimum genus illud offendimus hæreticorum, Iconoclastas id est, quos tum Monothelitarum furoris æstus quidam peperit, velut viderunt Spanhemius in hist. Imag. restituta sect. 1., & in exercit. histor. de orig. & progress. controv. Iconomach., ac Maimburgus in hist. Iconocl., tum proprium deserviendi præpotens ingenium ad deteriora quæque præcipitavit. At enim non dubium est, quin in Bacchantes illos propere insurrexerint, diraque anathematis tela intorserint omnium primi Romani Pontifices, nempe S. Gregorius II. in epist. ad S. Germanum Constantinopolit. apud Harduinum tom. 3. pag. 231. act. 4. Synodi VII. inserta, & in duabus epistolis ad Leonein Isaur. ibidem pag. 1. & seqq., quas a Labbæo de Script. Eccles., & Cointio ad an. 719. n. 21, & seqq. S. Gregorio III. tributas huic priori vindicant Baronius, & Pagius ad an. 726. n. 6, & seqq., de quo præterea adeundi Theophanes in Chronog. ad an. 10. Leonis Imp., Paulus Diac. lib. 6. de gest. Langob. cap. 49, ex ipso Anastasius Bibl. tom. 4. edit. Blanchinii sect. 184. pag. 182., atque Hadria-

Part II. Tom. V.

K

nus

nus I. in Apolog. pro sacris Imag. ad Carolum M. apud Hardu-
num tom. 4. pag. 802, & 813. S. Gregorius III. in Synodo Roma-
na an. 731, & in Synodica ad Leonem Isaur., de qua Anastasius
sect. 191, & seqq. pag. 195, & seqq., & Hadrianus I. in præcit.
Apolog. S. Zacharias in Synodo Romana an. 743. juxta Pagium
n. 15, sive 744. juxta Mansum in Not. ibid., ac in Synodica, &
suggestione ad Eccles. Constantinopolit., & Constantinum Co-
pronum, de quibus Anastasius sect. 219. pag. 217, & Hadrianus
in epist. ad Constant., & Irenem in Synodo VII. act. 2. lecta apud
Harduinum tom. 4. pag. 83. Stephanus II, aliis III, a quo pseudo-
Synodus Constantinopoli habita sub Copronymo adversus SS.
Iconas, in quam legendus Stephanus Diaconus Eccl. Constanti-
nopolit. in vita S. Stephani Junioris Græce, ac Latine edita a Ja-
cobo Loppino tom. 1. Analect. Græcor., abolita est, teste Ha-
driano I. in epist. mox laudata ad Const., & Iren. apud Hard.
loc. cit., & Baronium ad an. 754. n. 36. S. Paulus I. in epist. ad
Copronymum, & Leonem, quas memorat Anastasius sect. 258.
pag. 255, & Hadrianus in prælaud. epist. ad Constant., & Iren.,
ac in Apolog. pag. 802, ac fas est augurari ex epist. 7. ad Pipinum,
quæ in Cod. Carolino est 34. Stephanus III, sive IV. (cui morem
plumbo obsignandi litteras Apostolicas acceptum refert Polydo-
rus Virgilius lib. 8. cap. 20; Thomas vero Stubbius S. Gregorio I.
tribuit; S. Silvestro Dominicus Raynaldus apud Allarium de
consens. lib. 1. cap. 6. §. 2. contra quem frustra morem pro inge-
nio pessimo oblatrant Protestantes in hist. Cæremon., & superst.
in Eccl. induct. pag. 90; qua præterea de re videri potest Mabillonius
de re Diplom. lib. 2. cap. 14.) Stephanus IV., inquam, in Sy-
nodo Romana an. 769. act. 4. in collect. Holstenii pag. 261, Har-
duini tom. 3. pag. 204, & seqq., in edit. Cenni pag. 13, Mansii Sup-
plem. tom. 1. pag. 648. & seqq., nec non in epist. Apolog. Hadria-
ni I. ibidem, & apud Harduinum tom. 4. pag. 778, 782, & 802:
& Hadrianus I. in præcit. sæpius epistolis; cui morem perfecte ge-
rere sibi religioni duxisse Synodum VII, vulgo Nicænam II. ab-
unde dictum est alibi.

Tanti profecto facta est Romanorum Pontificum adversus
Iconomachos sententia, ac S. Romanæ Ecclesiæ de SS. Imaginum
cultu

cultu traditio, ut Theodorus Hierosolym., Cosmas Alexandrinus, & Theodorus Antiochenus communi suffragio missa Synodica ad S. Paulum I. diserte professi sint, se in colendis sacris Imaginibus S. Romanæ Ecclesiæ sensui, & usui perpetuo adhæsurus, licet universus Oriens in eorumdem demolitionem conspiraret. Synodica hujus exenplar lectum in Synodo Romana an. 769. sub Stephano IV. auctor est Hadriannus in sæpe memorata Apolog. ad Carolum M. pag 782, & seq; Græce vero, ac Latine exaratum transmissum ad eundem Carolum M. a Constantino pseudo - Pontifice legitur in Cod. Carolino epist. 99; exhibetur vero ab Harduino in act. 3. Synodi VII. tom. 4. pag. 141, & seqq. Synodi autem Hierosolym. sub Theodoro habitæ an. 766, aut seq. in causa sacrarum Imaginum meminit Græcus Auctor vitæ S. Johannis Gothicæ Episcopi, qui Synodum hancce votis sollicitasse fertur suis, quam ex veteri Codice Vatic. Græce, & Latine descriptam exhibet Janningus ad diem 26. Junii. Vide & Pagium ad an. 767. n. 5, & seqq. Similiter S. Theodorus Studites epist. 1. lib. 2. Cod. Column. suo, aliorumque nomine pro defensione SS. Imaginum exulum, inter quos Nicephorus Constantinopolit., Æmilianus Cyzicensis, Euthymius Sardienis, Josephus Theffal., Michael Synnadenis, Eudoxius Amorienis, Theophylactus Nicomed., quorum mentio occurrit in Menolog. Græcor. ad diem 8. Martii, Petrus etiam Nicænus, Theophanes, Nicetas, aliique, de quibus legendi Michael Studita in vita S. Theodori apud Baronium ad an. 814. n. 13, & seqq., Theosterictus in vita Nicetæ apud Surium ad 3. April., & Bollandus in vita Theophanis ad 12. Martii, epistola, inquam, ad pseudo - Synodum Leonis Armeni jussu a Theodoro Melissen pseudo - Patriarcha, in locum S. Nicephori subrogato, Constantinopoli adversus sacras Imagines congregatam scribens, ad ejusdem insolentiam retundendam inter alia illud assumit, quod in sacrarum Imaginum cultu tum ipse, tum exilii socii præeuntem sequi Rom. Pontificem religioni ducerent, atque Sedis Apostolicæ exemplo, ac judicio inniti: *Serare*, inquit, *supra Sedem illam consistimus, de qua Christus ait: Tu es Petrus &c.*, & epist. 86 eodem lib. 2 ad Michaelem Balbum suo, Episcoporum, ac Præpositorum nomine similiter scribens, circa

dubia fidei, si quæ emergerent, consulendum juxta veterem consuetudinem Romanum Pontificem, eique auscultandum affirmat, non vero Imperatoris esse Cœtus hisce rebus componendis indicare: *Jubeat*, ita alloquens Imperat., *a vetere Roma suscipi declarationem, prout olim, & ab initio paterna traditione transmissus mos fuit. Hac enim suprema est Ecclesiarum Dei, in qua Petrus Sedem primus tenuit, ad quem Dominus dixit: Tu es Petrus &c.* Confer lib. 2. epistolas 74. ad Michaelem Imp., 121. ad Thomam Hierosolym., 129. ad Leonem Sacellarium, aliasque plures eodem spiritu plenas, de quibus paullo infra; sed & Auctorem vitæ S. Nicolai Studitæ apud Combesium tom. 1. Suppl. Bibl. Græco-Lat.

Nicænæ II. Synodo SS. Imaginum vindici aliquando errore facti potius, quam juris refragati sunt Jonas Aurelianensis, Agobardus Lugdun., Halitgarius, Trevolphus, Aldegarius, Amalaricus, Hucmarus Remen., Dungalus, Walafridus Strabo, (quorum tres posteriores tamen propius ad Nicænæ Synodi decreta, accessisse censet Pagius) aliique Galliarum Antistites, doctrinaque insignes viri, qui præsertim Synodo Parisiensi an. 825. interfuerant, innixi potissimum epistolis S. Gregorii M. ad Serenum Massil., & ad Secundinum, quibus videbatur Imaginum cultus improbari: licet revera nec Galli illi Iconoclastis essent ad censendi, nec a S. Gregorio M. Synodus Nicæna II. discordis, velut ostendit Hadrianus I. in prælaudata Apologia pag. 799, 817, & seq., qua post ipsum provincia egregie defunctus est adeo Baronius ad an. 794. n. 26, & seqq., ac 825. n. 1, & seqq., ut mirari subeat, cur Protestantes crambem hanc recoquere non puduerit. Hinc vero liquet tum temporis a Gallis potiori longe in honore Rom. Pontificum habitas epistolas, quam ipsas Synodorum generalium Sanctiones. Argumento id etiam accedit, quod postquam in Synodo Parisiensi anno non quidem 824, ut habetur in Collect. Concil., bene vero 825, ut ostendunt Baronius, & Pagius, Gallicani Episcopi a Ludovico Pio, de Imaginibus collaturi, convocati Nicænæ Synodum II. rejecissent, ad Eugenium II. Synodi actis dimissis, deferentibus Jona Aurel., & Hieremia Senon., ejus se, actaque Synodi examini subjecere, uti constat ex
epist.

epist. Ludovici, & Lotharii ad Eugenium ex Episcoporum consilio exarata apud Harduinum tom. 4. pag. 1259, a quo tamen nequaquam impetrare potuerunt, ut quidquam Synodo Nicænæ II. repugnans proferretur. Sed & antehac ex Synodo pariter Francofordiensi Capitulare adversus Nicænum II. ex libris Carolinis excerptum ad Hadrianum I. transmissum fuerat, quod Pontifex exarata pro SS. Imaginibus Apologetica epistola ad Carolum M. robuste adeo confutavit, ut Apostolicæ Sedis iudicio tandem coactis eidem Synodo VII. subscribere Gallis quoque necesse fuerit. Carolinos porro quatuor hosce libros, quos omnium primus in lucem emisit Paris. an. 1549. sub Eliæ Philyræ nomine delitescens Johannes Tillius Meldensis, ac Briocensis postmodum Episcopus, laudibus celebrarunt imprudenter Georgius Calsander in epist. ad Johannem Molinæum, & in Consult. pag. 977. apud Fabricium Bibl. Lat. lib. 3. pag. 341, Flaccus Illyricus in Catalogo testium pag. 115, & seq., Jo: Georgius Dorscheus in collatione ad Concil. Francoford., aliisque dimissis, nuper Jo: Rudolphus Kieselgius exercit. 16. de Concilio Francof. Nicæno II. opposito adversus Cl. Trombellium, evulgarunt vero Goldastus in Sylloge Imper. decret., & tom. 1. Constit. Imp., Philippus Paræus, ac tandem Heumannus Prolegomenis adauctos Hanoveræ an. 1731. Quorsum id autem, quam ut sæpius in scenam reducerent argumenti levissimi speciem, qua meliore carebant ad invidiam sacris Imaginibus, earumque nobis Cultoribus conflandam? At quam levis vis sit hæc, ac citivilitia sat jam, ac super demonstratum est, Carolinosque desuper libros a Carolo M. neque lectos, neque probatos, a Baronio loc. cit., Gretzero par. 1. horti S. Crucis, lib. 1. contra Replicat. cap. 15, & Apolog. 3. contra Misenum lib. 2. cap. 5., Petavio tom. 5. Theolog. dogm. lib. 15. cap. 12, Cointio ad an. 794. §. 26, Natali Alex. hist. Eccl. sæculo VIII. disert. 6. §. 6, Fleurio lib. 44. §§. 47, & 59., Dumesnil doct., & Discipl. Eccl. libi 35, n. 65, & seqq. Parisiensis quoque Synodi an. 825. acta publica donare luce Francofurti an. 1596, ac deinde Goldasto Const. Imp. tom. 1. pag. 623. curæ fuit, (quæ perinde ex Bibl. Thuana Petrus de la Lande producere in Suppl. Concil. Gall. Paris. an. 1660. cum libris Carolinis curavit). At enim præ-

præter Bellarminum, qui opus in Romanæ Ecclesiæ odium evulgatum tanquam falsa Synodi Parisiensis epigraphe inscriptum refutavit, aliosque prælaudatos, omnem prorsus, quæ ex libro illo Romanam in Ecclesiam quærebatur, invidiam absterferunt Maillonius in præfat. ad 1. part. Sæcul. IV. Bened. §. 3, Pagius ad an. 825. n. 1., & seqq., Jo: Chrysostomus Trombellius de SS. Cultu dissert. 10. cap. 12, & seqq., pro quo conferendus Philalethes Aphobus in Vindic. adversus Kieslingium ad exercit. 16, & 19, ac Tournellius de Incarn. quæst. ult. de Cultu Imag. Concl. 2. ad object. 5, & 6, a quibus dicta si cui forte nec dum satis sint, nec tres Anticyras satis ei futuras sperem.

Retro paullisper flectendo vestigia, observare præstat ad S. Zachariam P. M. hæresis nomine Adelbertum, & Clementem, Legato, litterisque directis, fuisse delatos a S. Bonifacio Moguntino, haud profecto habente satis urramque pestem vel gemina in Synodo repetita percussisse damnationis sententia, nisi hanc Pontificia longe superiori corroborari obtinisset: *Contra istos, ideo inquit, obsecro Apostolicam auctoritatem vestram, quod per scripta vestra Populum Francorum, & Gallorum corrigere studeatis.* Qui Pontifex quidem jam latam in præfatos hæreticos anathematis pœnam in Synodis Sueffionensi, & Liptinenfi an. 744, calculo approbavit suo in Romana Synodo anno 745, qua de epocha adversus Pagium agit Mansus in Not. ad an. 743, & 744. n. 8, ubi negat Sueffionensi Synodo interfuisse S. Bonifacium. Utramque porro hanc Synodum ad pseudo-epigraphas amandavit Papebrochius in Propylæo antiq. par. 1. n. 30: quem tamen docte refellunt Baluzius in Not. ad libros Capitul. pag. 1200, Maillonius de re Diplom. lib. 2. cap. 25. n. 15, & Pagius ad an. 744. n. 9. Legenda epistolæ 9, & 10. S. Zachariæ ad Bonif. hac de re exarata, nec non Synodi Romanæ acta ab Othlono descripta lib. 2. vitæ S. Bonif. cap. 4, & seqq. apud Surium tom. 3. ad diem 5. Junii, ex qua posteriori epistola adparet a S. Zacharia damnatum pariter Sampsonem Presbyterum Scotum, pugnancem absque Baptismo, sola Episcopali manuum impositione heri nos posse Christianos. Age modo, ad Hadrianum I. regrediatur sermo, a quo vice plus simplici præclarum supremæ potestatis suæ specimen præstitum est.

est . Felicem Urgellitanum , & Elipandum Toletanum Nestorianæ hæresis instauratores epistola , quæ in Cod. Carol. est 97 , ad Hispaniatum Episcopos data Hadrianus damnavit . At Felix ad ingenium paullo post , velut canis ad vomitum , regressus , nec Ratisponensis Synodi anno 792. reveritus sententiam , qua Romam properare iussus , Romano Pontifici rationem redditurus , Hadriano coram hæresim abdicare fuerat adactus , testibus Alcuino lib. 1. adv. Elipandum , & Eginhardo ad an. 792 , nec pensi habito Pontificio iudicio , fidem datam fallere non erubuit , dignum propterea se exhibens , qui a Synodo Francofordiensi anno 794. diris cunctis devoveretur . Scilicet Elipandus , qui Felicem respicuisse , seque ad fugem recepisse indigne ferens , eisdem regrediendi ad errorem se se auctorem dederat , ut vel in Gallias , Germaniamque hæresis refertissimas diffunderet litteras , quas SS. Patrum locis qua detruncatis qua depravatis communi studuerat , tum Felicem impulerat , tum ipse eò impudentiæ devenerat , ut Carolo M. suam afflare hæresim haud veritus fuerit . Atqui Imperator Elipandi litteras examinandas Hadriano P. M. extemplo submitit : *Scire cupientes* , inquit in epist. ad ipsum Elipandum , cæterosque Hisp. Episcopos apud Harduinum tom. 4. pag. 896 , & seqq. , *Quid S. Romana Ecclesia , Apostolicis edocta traditionibus , de hac respondere voluisset inquisitione* : efflagitavitque Pontificem cum de sententia , tum de facultate celebrandi Concilium , quod cit. anno habitum est , in quo perlectis Hadriani litteris ad Hisp. Episcopos ibid. pag. 865 , & seqq. , juxta Pontificis iudicium confirmata est in Felicem , & Elipandum damnatio , ultima tamen de hæreticis illis sententia Pontifici reservata , ut expresse cavetur ibid. in libello Sacrosyllabo Episcoporum Ital. contra Elipandum pag. 881 : *Reservato per omnia juris privilegio Summi Pontificis* : cuius propterea rogata a Patribus , & Imperatore sententia est ; quam reapse a Pontifice in Synodo Romana eodem anno 794. habita , ac profecto distinguenda ab altera priori an. 792. celebrata , pronunciatam rite ex veteri Analista Francor. , & ex Annalibus Moissiacensibus eruit doctiss. Mansius in Suppl. Concil. tom. 1. pag. 731 : qui tamen , mea quidem opinione , minus recte ad hanc refert Synodum litteras

Ha-

Hadriani ad Episcopos Hisp., quas lectas in Concilio Francof., ante hanc Romanam utique Synodum celebrato, liquet. Confer Pagium ad an. 794. n. 1, & seqq.

Quo vero heic animo erga Romanum Pontificem affectos putas Episcopos, qui ex Gallia, & Germania eidem Francofordensi Concilio interfuere? De optimo quippe Episcoporum Italiae prælaudatus Sacrosyllabus a S. Paulino Forojulienſi ſuo, illorumque nomine conſcriptus, dubitare non ſinit. Conſeſturam haud leuem capere licet ex libro 1. Carolino cap. 6, ubi inter alia hæc habentur: *Hæc (Romana Eccleſia) ſanctæ fidei ſpiritualibus munita armis, & a fonte lucis, & origine benitatis ſalutaribus ſatata ſluentis, & horrendis, atrocibusque hæreſum obſtitit monſtris, & melliflua prædicationis pocula Catholicis per Orbem miniſtrat Eccleſiis.* Subinde S. Hieronymi allato exemplo, qui dira quæſtione vigente de una vel tribus Hypoſtaſibus S. Damafum conſulendum duxit, hæc ſubjunguntur: *Quod regulariter omnes Catholice debent obſervare Eccleſiæ, ut ab ea poſt Chriſtum ad muniendam fidem adiutorium petant, quæ non habet maculam, nec rugam, & portentofa hæreſum capita calcat, & fidelium mentes in fide corroborat.* Quorum ſimilia religionis erga Romanam Eccleſiam reſertiffima legere juvat in libello de Synodo Pariſienſi pag. 120, & ſeqq., ac in litteris eadem in Synodo elucubratis ſub Ludovici Pii nomine ad Michaelem Græcor. Imp. mittendis, examinandiſque prius Eugenio II. directis, eodem libello infertis pag. 126. apud Baronium ad an. 825. n. 24, & ſeqq. Antehac ab Hadriano Egila Illiberitanus Episcopus, qui epiſt. 95, & 96. Cod. Carol. a Pontifice laudatus fuerat a ſtudio, quo paſtoralis officii partes explebat, atque ſollicite quosdam in Hiſpania ſerpentes errores ad ſe detulerat: inter quos quod quidam Paſcha non juxta Nicænorum Patrum inſtitutionem peragerent: quidam a ſanguine pecudum, ſuillo, aut ſuffocati haud abſtinendum prædicarent: quidam prædeſtinationem ad vitam, ſive ad mortem in Dei poteſtate eſſe affirmarent: quidam fruſtra rogari Deum, ne vincamur tentatione, dicerent, quod in noſtra eſt poteſtate quaſi libera arbitrii, idem Egila, inquam, in eoſdem lapſus errores cum Magiſtro ſuo Migentio, damnatus legitur epiſt. 97. ejuſdem Cod. Carol. ad Hiſp. Epif-

Episcopos exarata, qua monentur, ut ab his sibi erroribus caveant. Porro id obiter admonendum Codicem Carolinum ita dici, quod Caroli M. jussu epistolæ novem supra nonaginta, quas Gregorius III, Stephanus III, Zacharias, Paulus I, Stephanus IV, Hadrianus I, & Constantinus pseudo-Papa ad Principes, & Reges Francorum Carolum Martellum, Pippinum, Carolomannum, & ipsum Carolum M. de rebus potissimum temporalibus ad Apostolicam Sedem pertinentibus conscripserant, in unum corpus fuissent digestæ anno ejus Regni 23, Christi 791. Eas epistolas e Cod. Ms. Bibl. Casareæ descriptas edidit Jacobus Gretzerus Ingolst. an. 1613, recusasque legere est Tom. 6. oper. Gretz., & apud Duchesnium tom. 3. pag. 701. At Lambecius lib. 2. Bibl. Casar. Vindobon. cap. 5. recte monet eas conferendas esse cum Sebastiani Tengnagelii apographo, ex quo qui illas descripsit, & ad Gretzerum misit, nimiam nonnullis in locis corrigendis, & mutandis licentiam sibi arrogavit. Vide & Muratorii monitum in eadem epistolas tom. 3. Script. rer. Ital. par. 2. pag. 73. Postremo a Carolo M. impetratum est, ut a Leone III. idem Felix Urgellit. pertinaciam hæresim propugnans, in eaque persistens in Synodo Romana anno 799. novo anathemate damneretur: quo ille percussus, in Synodo Aquisgranensi eodem anno celebrata edita fidei professione, quam post utramque hanc Synodum legere est apud Harduinum tom. 4. pag. 927, & seqq., hæresim abdicavit, vel saltem abdicare simulavit: nam de sincera ejus orthodoxia etiam post ejuratam hæresim dubitant viri Eruditi testimonio innixi Agobardi Lugd. initio libri ad Ludovicum Imp. adversus Felicem, & Adonis Vienn. in Chron. ad an. 792. Videfis Cointium tom. 7. Annal. pag. 503, & seq., ac Vasquesium tom. 6. oper. in gemina dissert. adversus Felicis, & Elipandi errores, post quem frustra illos a Nestorianismi dica liberare adnixa sunt Protestantium par, Johannes Henichius System. Theolog. pag. 882, & seq., ac Georgius Calixtus in programme singulari. Felicis Adoptionariam hæresim intaurare deinde adorsus est Folmarus Præpositus Cœnobii Trufensteinensis in Franconia circa an. 1160. Hunc oppugnavit Gerhohus Præpositus Reicherpergensis apud Bernardum Pezium tom. 1. Anecd. par. 2. pag. 163, & 280, ac tom. 26. Bibl. PP.

... *Part II. Tom. V.*

L

Lugd.

Lugd. pag. 240. Sed Gerhohum vicissim erroris infimulavit, quo docuerit in Eucharistia Divinitatem a sumentibus vorari, ac Christum qua hominem Patri æqualem, Eberhardus Bambergensis Episcopus in tribus epistolis ad S. Eberhardum Salisburg., ad Præpositos ejusdem Diœc., & ad Anonymum apud eundem Pezium in Cod. Diplom. pag. 444, & seqq. Confer & acta Concilii Frisacenſis an. 1160. ex Hanſiſio Germaniæ Sac. tom. 3. pag. 263. in Suppl. Concil. tom. 1. pag. 529. a Cl. Mansio translata.

Eodem, quo Catholicæ rei in Oriente in dies collabescerent rationes sustinendi eximio distinebatur studio S. Theodorus Studites, persecutionis adscito socio S. Platone, Mœchianæ hæresis nomine ad Leonem III. P. M. lib. 1. epist. 33, & 34. pseudo-Synodum Constantinopoli anno 809. celebratam detulit, ideo quod in ea decretum fuerat, conjugium Constantini Imp. cum Teodote Cubicularia, vivente adhuc Maria Armena legitima conjugē, quam thoro abdicatam in Monasterium detruserat, ex dispensatione legitimum dici posse, ac debere: decretum item leges Divinas adversus Reges nihil obtinere roboris: Episcoporum quoque unumquemque circa Sacros Canones dispensandi liberrima potiri facultate. Præter has legere præstat etiam eodem libro 1. epistolas 32. ad Nicolaum Chartular., 35. ad Basilium Archimand. Romæ, 36. ad Euprepianum, 37. ad Arsenium, 39. ad Theophilum, 43. ad Josephum Theſſal., 48. ad Athanasium, 50. ad Naucraticum &c.; Michaelem etiam Studitam in vita ejusdem S. Theodori, ac Theophanem ad an. 6. Constantini Imp. Periere quidem magno rei Christianæ damno, quas Leo Pontifex S. Theodoro reſcripſit, litteræ: reſcripſiſſe tamen pro ut Pontificem oportebat, exindeque cum fortissime disputandi adversus Mœchianam hæresim animum sumpſiſſe, haud obscure declarat reddita ad ipsum a Theodoro epistola 34. Ad hæc vix S. Theodorus supremum Pontificatus apicem S. Palchalem I. adeptum fuisse accepit, ut legato, litterisque de afflictissimis Orientalis Ecclesiæ rebus, ingentique ab Iconomachis in orthodoxos commota tempeſtate, eundem commonefacere instituit. Desiderantur quidem litteræ, quæ ab optimo Pontifice ad hunc invictæ fortitudinis athletam redditæ sunt; ex his tamen, quas ab ipso S. Theodoro datas

datas legere est lib. 2., epistolis 13, & 35. ad S. Paschalem, 14, & 15. ad tres alios Patriarchas, 62, & 66. ad Iconomachos, 63, & 72. ad Naucratrium, aliisque haud obscure intelligi datur Apocrisarios, quos ad Romanæ Ecclesiæ communionem suscipiendam Theodotus pseudo-Patriarcha Constantinopolit. direxerat, ne ad se propius appellerent, a Pontifice fuisse prohibitos: Archimandritis vicissim, qui S. Theodoro duce pro SS. Imaginibus pro virili portione decertabant, tum litteras amoris plenas reddidisse; tum animos ad pugnandum indidisse: litteris etiam gravissimis Iconomachiam exhortuisse; turpissima hæresi detentam Ecclesiam Constantinopolit. excitasse, hærentique ad emergendum e luto dexteram porrexisset: neque sane fructu caruisse obnixos Pontificis labores, sed promiscui genus quamplurimos ad veritatis lumen adspiciendum expergefatos, proque veritate ad pugnandum animo indutos, qua e latebris prodeuntes se se ultro Martyrio objecisse, fidem faciunt epistolæ, 44, 55, 58, & 68. eodem libro 2, qua Romam convolantes in Italia colendi Imagines suo pro studio sacram, tutamque stationem invenisse: quæ omnia lucide, ac luculenter more suo persequitur Emin. Annal. Eccles. parens ad an. 817. n. 20, & seqq., ac 818. n. 1., & seqq. Ex sola tandem litterarum S. Theodori lectione, quin longiori opera ego ludam, mendacii apertissimi, putidæque maledicentiæ facile arguere licebit Fridericum Spanhemium, dum in hist. Imag. restituta sect. 8. S. Studitem versatilis in partem utramque ingenii, atque nunc ad supparasitandum inflexi, nunc facilis ad seditiones faciendas, traducere non extimuit: ita nempe ingenti, quo in sacras Imagines Sycophanta hic conflagrabat, odio percitus in earum defensorem, ac vindicem, omnem extra orbitam urbanitatis, ac veritatis rapi se sivit.

Atqui novis quotidie hæresum monstris in Oriente exurgentibus, confestim offendere, eaque suffocare ante, si fieri posset, quam majores nocendi vires acciperent, pro ea, qua rei Christianæ universæ curandæ, sollicitudine distinebantur, Romani Pontifices defessi sunt nunquam. In quibus Theopaschitas, veterum hæreticorum videlicet propaginem, ac Valentini, Marci, Apollinaris, & Eutychetis hæreses in Oriente circa medium Sæculum IX. recoquentes, nempe Divinam, æque ac humanam

in Christo D. naturam passam, Crucique suffixam prædicantes, S. Nicolaus I. Synodo Romæ collecta anno 862. duobus Canonibus confixit, Christum D. carne dumtaxat passum, sed Deitate impassibilem definiens: quos deinde Canones regessit in epistola 7. ad Michaellem Imperat. apud Harduinum tom. 5. pag. 140, & seq. Hujusmodi ob hæreses nimis in Oriente frequentes, obtruncatasque Romanis Pontificibus indefesse admonentibus aures, factum demum, ut apud Græcos cum fide orthodoxa deficeret Imperium, ac transferretur in Francos, ullo absque furo scriptis deinde ad Basilium Macedonem Ludovicus II. Imper. apud Baronium ad an. 871. n. 61, hoc pacto injustam Græci Imperatoris postulationem repellens, qua ipsum fuerat exhortatus, ut a Basilei, idest Augusti nomine abstinere. In Occidentem modo me dicendi ordo revocat, ad pseudo-Synodum nempe Romæ anno. 963. adversus Johannem XII. legitimum proculdubio Pontificem Ottonis I. opera congregatam. Non moror autem nec Johanni objecta scelera, nec in illum latam abdicationis sententiam, hæc ut doleam, non heic locus, alioquin etiam, vera & enormia ut Johannis essent flagitia, temeritatis plenam tamen, roborisque, prorsus expertem fuisse prolatam in ipsum sententiam, ut ut frustra oblatrent Launojus lib. 4. epist. 1. ad Ludovicum Maræsum, & Brujus hist. Pontif. tom. 2. pag. 247, & seq., inter æqui, justique æstimatores jam convenit, Baronium ad an. 963. n. 31, & seqq., Bellarminum de Rom. Pontif. lib. 2, Petrum de Marca lib. 1. de Concor. cap. 11. §. 7, Fleurium hist. Eccl. lib. 56. §. 6, Natalem Alex. hist. Eccl. ad sæcul. IX, & X. dissert. 16, aliosque: dolenda modo hæretica propositio illa, qua in Synodica ad Pontificem apud Baronium n. 35, & Harduinum tom. 6. par. 1. pag. 630. affirmant, exemploque Judæ confirmant, ob peccata auferri a Pontificibus Clavium potestatem, sive ligandi, solvendique a Deo acceptam facultatem. Ideo sequenti anno cum pseudo-Pontifice pseudoSynodus ista a Johanne XII. suo reddito loco in Synodo altera legitima act. 1. apud Baronium ad an. 964. n. 7, & Harduinum pag. 633. diris omnibus devota est.

Dignum se nunc mihi præbet, quem illustri, geminoque maxime elogio, S. Leo IX. ob egregiam, quam geminæ sua ætate sub-

subortæ hæresi extirpandæ impendit operam . Primæ Fermentaceorum denominatæ in Oriente ortum fecere Michael Cerularius, & Leo Achridanus Photiani schismatis instauratores, qui inter alia excogitata ad invidiam conflandam in Latinam Ecclesiam in azymis Sacrificium consicientem hunc dinumerarunt errorem, quo Eucharistiam in azymo revera confici ibant inficias . Quam igitur supino in errore versarentur gravissimis S. Leo ostendit epistolis 1 , & 6. in Collect. Hard. , a quo miseros illos revocandi gratia, nobili perinde legatione missa nihil intentatum reliquit, intactumque, quo demonstraret, quam turpibus Græci laborabant hæresibus, tam puros, liberosque abire Latinos, veluti testatur Wibertus in ejus vita lib. 2. cap. 5 , & seqq. , & observavit Henschenius in Comment. præv. ad ejusdem Pontificis vitam . Sed per censere magis præstat tum disputationem hac de re habitam Constantinopoli ab Humberto Legatorum uno apud Baronium in append. tom. 11. veter. edit., tom. 17. edit. nov. Luc., tum Acta legationis descripta ab eodem Baronio ad an. 1054. n. 19, & seqq. , & ab Harduino tom. 6. par. 1. pag. 967, & seqq. , ex quibus liquido adparet, quot apud Græcos tum grassarentur temporis hæreses : *Quia sicut Simoniaci, donum Dei vendunt . Sicut Valesii, hospites suos castrant, & non solum ad Clericatum, sed insuper ad Episcopatum promovent . Sicut Ariani, rebaptizant in nomine SS. Trinitatis baptizatos, & maxime Latinos . Sicut Donatista, affirmant, excepta Græcorum Ecclesia, Ecclesiam Christi, & verum Sacrificium, atque Baptismum ex toto Mundo periisse . Sicut Nicolaitæ, carnales Nuptias concedunt, & defendunt Sacri Altaris Ministros . Sicut Severiani, maledictam dicunt legem Moysi . Sicut Pneumatomachi, vel Theomachi, absciderunt a Symbolo Spiritus S. processionem a Filio . Sicut Manichæi, inter alia quodlibet fermentatum fatentur animatum esse . Sicut Nasaræi, carnalem Judeorum munditiam adeo servant, ut parvulos morientes ante octavum a natiuitate diem baptizari contradicant &c.* Confer & Mabillonium in præfat. ad par. 2. sæculi VI. Bened. §. 1. , quo loci de schismate a Cerulario instaurato, deque objectis ab eo in Latinos disserit . Tantum autem absuit, ut hos turpes in errores pertraheretur Petrus Antiochenus, cui quanto conatu in-

stillare

stillare schisma studuerit Cerularius, liquet ex Synodica, quam legere est apud Cotelierum Monum. Eccles. Græcæ tom. 2. pag. 162, & seqq., ac Mansum Suppl. tom. 7. pag. 1305, & seqq., ut potius Antiochenus hic Patriarcha ipso suæ creationis initio ad S. Leonem, una cum fidei suæ professione, litteris inscriptis ejus se obsequio mancipare religioni duxerit: quin etiam Alexandrinum quoque, & Hierosolymitanum Patriarchas nihil habuisse antiquius, quam cum Romana Ecclesia communionem retinere, Romanique Pontificis nomen e diptychis inter Missarum solemnias ad Altare recitare, augurari fas est ex precit. Michaelis Cerularii Synodica, qua hac de causa de Patriarchis hisce conquestus legitur.

In Occidente alterius Sacramentarium hæresis obstetricatorem se dedit Berengarius, quem ideo Sacrorum consortio idem S. Leo IX. interdixit in Synodo Romana litteris admonitus a Lantfranco, & Vercellensi an. 1050, in qua pariter Johannis Eri-genæ liber de Eucharistia, unde ille hæresim suam hauserat, proscriptus est. Quam in rem legendi Anonymus Benedict., qui anno 1088. librum scripsit de multiplici Berengarii damnatione, editum a Petro Francisco Chiffetio ex Codice Ms. S. Augendi, ac deinde ab Harduino tom. 6. par. 1. pag. 1013, & seqq., Mabillonius in disert. de multiplici Berengarii damnatione tom. 2. veter. Analect. pag. 268, & seqq., quam recudi curavit Johannes Vogt in fasciculo 1. Bibl. hist. hæreticæ Hamburgi 1723, ac in præfat. ad part. 2. Sæculi VI. Bened. §. 2, & seqq., & Franciscus de Roy in disert. de hæresi, & pœnit. Berengarii, ut missos faciam Mullerum in hist. veter., & nov. Berengarianismi, & Basnagium in hist. Eccles. dogmat. lib. 24. cap. 2. De Gandulfo vero, qui Berengarianæ hæresi præluisse, cunasque præparasse visus est, in Synodo Atrebatensi an. 1025. sub Gerardo Episcopo Cameracensi damnato, vide Dacherium Spicileg. tom. 13. pag. 2, & seqq., & Pagium ad hunc annum n. 11. In eundem Berengarium postea, damnationis anathema, præter quam in Convenru Brionenſi anno 1050, ac Parisiensi an. 1053, instauratum fuit a Victore II. in Conciliis Florentino, & Turonensi an. 1055, in quo Præside Hildebrando Apostolicæ Sedis legato hæresim a Berengario abdicatam tradunt Anonymus Chiffetianus, Guitmundus Aversanus lib. 3.

lib. 3. de Sacram., & Lantfrancus in Comment. adv. Bereng. Paulo post eosdem errores repetentem, & postquam in Concilio Tironensi, & Andegavensi an. 1055, Præside eodem Legato Hildebrando, postea Gregorio VII, de quibus Anonymus Chiflet., Chronographi Vindocinensis, & Malleacensis apud Labbeum in Bibl., Bertholdus in Chron., Malmesburienſis lib. 3. pag. 113, Eusebius Andegavensis in epist. ad Berengarium, ac Pagius ad an. 1055. n. 5, & seqq., dignis luisse pœnis lapsum, in Synodo Romana an. 1059, in qua pariter igni devotus est Pontificis iussu pestilentissimus Erigenæ liber, confixit Nicolaus II, adegitque ad fidei confessionem emittendam, quam post Lantfrancum, & Anonymum Chiflet. exhibent Mabillonius cit. præfat. §. 2. n. 24, Harduinus tom. 6. par. 1. pag. 1064, & Fabricius in Bibl. latin. lib. 2. pag. 212. edit. Patav. 1754. In eundem tertio in errores relapsum, ac frustra, ut resipisceret, admonitum ab Alexandro II, iteratoque damnationis telo confossum a Synodo Rotomagensi anno 1063, de qua Bouchellus, & Harduinus pag. 1141, in Pictaviensi an. 1075. a Gerardo Ostiensi S. Gregorii VII. Legato, de qua Chronographus Malleacensis, atque ab ipso S. Gregorio VII. districte animadversum est in Synodo Romana V. an. 1078, in qua secundam Berengarius fidei professionem emisit, & Romana VI. an. seq. habita, in qua tertiam explicatiorem fidei professionem edere compulsus est, quam legere est apud Harduinum pag. 1585, & Fabricium præcit. loco. Præterea in Burdigalensi an. 1080. Præside Hugone Sedis Apostolicæ Legato confessionem Romæ factam confirmare Berengarius adactus est, de quo Mabillonius in observationibus præviis ad vitam S. Geraldı Sylvæ Majoris Abbatis: cujusque demum toties confixa hæresis post ipsius obitum in Placentina Synodo an. 1095. Bertholdo recte damnata est, Vide. sis apud Martenium, & Durandum tom. 4. Anecd. pag. 103. Berengarii Scriptum, in quo ille res gestas ad se spectantes in utraque Synodo Romana sub S. Gregorio VII. persequitur, mentemque suam de utraque fidei confessione absque ambage exponit: de cujus fide circa præsentiam Christi in Eucharistia consule. sis Renaudotium perpetuit. fid. tom. 4. pag. 40, & seq., & Mabillonius cit. præfat. §. 3. Inter eos autem, qui adversus Berengarium

rium in arenam descenderunt, agmen ducunt Jotfaldus Cluniac., Hugo Lingonensis, Ascelinus Beccensis, Theodvinus Leodicensis, Adelmanus Leod. Scholasticus, Lantfrancus Cantuar., Humbertus de Sylva Candida, Gozechinus Leod. Scholast., Guitmundus Aversanus, Durandus Troarnensis, Algerus Leodic., Guiberus Novigentus, Guillelmus S. Theodorici Abb., Goffridus Vindoc., Wolphelmus Brauvillerensis, Albericus Cassinensis, Bruno Signinus &c, de quibus Mabillonius præf. cit. §. 4, Pagius ad an. 1079. n. 1, & seqq., & Fabricius in Bibl. Lat. sub horum singulis vocabulis.

De Incestuorum hæresi a Jurisconsultis plerisque inducta, & tanquam pro aris, focisque defensa, ab Alexandro II. tamen, anathemate damnata, disseruisse me jam, prout operæ ferebat pretium, memini Par. hac 2. Tom. 3. Art. 6. §. 2. pag. 670, & seqq., ac Tom. 4. Art. 9. §. 1. pag. 492. In alteram eodem tempore emergentem hæresim quorundam asserentium licite a Principibus Laicis emi posse Episcopatus absque crimine simoniæ, a S. Petro Damiano delatam litteris, quas ex antiquo Codice Bibl. Ducis Urbini descripsit Baronius ad an. 1065. n. 36, & seqq., Apostolicus gladius Alexandro II. fuit distringendus: quod præstitit Decretali ad Lucenses data, legendaque apud Gratianum Can. 9. *Ex multis* 1. q. 3, & Harduinum tom. 6. par. 1. pag. 1100. Facit & huc disceptatio Synodalis inter Regium Advocatum, & Romanæ Ecclesiæ Defensorem, opus S. Petro Damiano attributum, quod Synodo Osboriensi an. 1062. subjicitur a Baronio ad hunc an. n. 21, & seqq., & Harduino tom. 6. par. 1. pag. 1119, & seqq. Quo perinde ex opere peracuta suppetunt tela ad geminam jugulandam, quæ paullo post emerfit, hæresim tum Henricianam, qua Imperatori Henrico asserebatur summa auctoritas in electionibus tam Episcoporum, quam præterea Romani Pontificis, tum Wecilianam, qua Wecilio Moguntinus Archiepiscopus in gratiam Henrici IV. affirmare non verebatur, Seculares suis spoliatos rebus Ecclesiastico non subjacere judicio. At enim utraque hæc nefanda hæresis districte a S. Gregorio VII. damnata est, ac prior illa quidem profligata lib. 8. epist. 21. ad Herimannum Meten. jac in Romana Synodo VII. an. 1080. Can. 1, & 2; posterior vero

ro in Synodo Quintilincburgensi an. 1085. ejusdem Pontificis jussu proscripta. Videsis Baronium ad an. 1805 n. 1, & seqq., ac Pagium ibidem. Roscelinum novam de Incarnatione Verbi hæresim in Gallia disseminantem, ac in Synodo Sueffionensi anno 1092, aut insequenti etsi damnatum, ab hæresi tamen haud desistentem libro de Incarn. adornato confutare aggressus S. Anselmus, in eo totius caput rei posuit, tum ut disputationem suam pedibus Urbani II. sisteret, tum ut ad Pontificium tribunal suprema interficiendum sententia hæreticum deferret hominem. Confer Baronium ad an. 1094. n. 28, & seqq., ac Pagium n. 12, & seqq., a quibus optima in luce res hæc est collocata, quin ulterioris dispendium operæ faciam. Præter Berengarianam autem, in Placentina Synodo an. 1095. ab eodem Pontifice confixas pariter Simoniacorum, & Nicolaitarum hæreses legenti Synodi acta ex Bertholdo descripta ab Harduino tom. 6. par. 2. pag. 1713. liquebit. Per me vero profecto stare non patiar, quin obiter Paschalis II. egregiam, quam in laudem Romanæ Ecclesiæ protulit in Concilio Lateranensi an. 1116. apud Harduinum pag. 1935, sententiam commemorem, ex qua summa constet Romanæ Ecclesiæ hæreses conterendi potestas: *Ecclesia ista nunquam habuit hæresim, imo hic omnes hæreses conquassatæ sunt. Hic Ariana hæresis, quæ per 300. fere annos viguit, annullata est. Ab hac Sede hæresis Eutyebiana, & Sabelliana contrita. Photinus, ceterique hæretici destructi sunt. Pro hac Ecclesia Filius Dei in passione sua oravit; quum dixit: Ego rogavi pro te &c.* Prædamnatos in Pelagio, ac Berengario hæreticos quosdam, qui teste Anonymo auctore hist. Trevir. tom. 12. Spicileg. Dacher. pag. 253. circa initium sæculi XII. in Diocesi Trevirensi spargere in vulgus non verebantur, nec Baptismum parvulis ad salutem prodesse, nec in Eucharistia panis, vinique in Christi D. Corpus, & Sanguinem fieri conversionem, fas est æstimare. Pestem hanc a Brunone Trevir. Antistite procul eliminatam tradit ibidem Anonymus, de qua proinde nihil amplius dicere suppetit.

Paullo operosius ut agerem de Petri Brusii hæresi, aliisque ex ea, & cum ea subortis, rei gravitas postularet; nisi me præstituti operis ratio ad compendi operam faciendam, constringen-

damque iustos intra fines compellit. Petrobrusianos itaque, ut verbo dicam, in Concilio Tolosano anno 1119. Callistus II. Can. 3. confixit apud Harduinum tom. 6. par. 2. pag. 1978. Porro hanc adversus hæresim pugnam instituit V. Petrus Clun. lib. 1. epist. 1, & 2. Bibl. Clun. pag. 1119, & Bibl. PP. Lugd. tom. 22. pag. 1034: de qua videndi etiam Baronius ad an. 1126. n. 14, & seqq., ac Mabillonius in proleg. ad S. Bernardi opera §. 67, & seq. Cum Petro Brusio damnatus Tanchelinus æstimari debet, cui nec dispari impietate se dedit, nec dissimiles hæreses disseminavit. Ab huius hæresis contagione Antuerpiensem Ecclesiam a S. Norberto expurgatam tradunt Robertus de Monte in Chron. ad an. 1124, & Hugo in ejus vita cap. 34. apud Surium tom. 3. ad diem 6. Junii. De his duumviris hæreticis scripsit Petrus Abaelardus lib. 2. introduct. ad Theolog. pag. 1066, quæ describit Pagius ad an. 1126. n. 4. Henricianam ad hæc hæresim, Petrobrusianæ propaginem, in Lutheranis, & Calvinistis redivivam, ab Henrico quodam Petri Brusii discipulo, teste V. Petro Clun., dictam, a quo Lausanenses, Cenomanos, Pictavos, & Burdegalenses spurcitiis suis nefande scædatos fuisse referunt S. Bernardus epist. 241. ad Ildefonsum Comitem S. Ægidii, Hildebertus Cenomanensis Episcopus epist. 78, & Auctor de gestis Episcoporum Cenoman. apud Mabillonium tom. 3. Analect. pag. 312, & in proleg. ad opera S. Bernardi §. 69, & seq., ac Pagium ad an. 1126. n. 19, & seqq., quin etiam, præter eam, quæ Petrobrusianis erat propria, Manichæorum hæresim instantatam tradit Heribertus de Mirac. S. Bernardi lib. 2. cap. 16. (quibus sane fide omni dignis Scriptoribus fidem tamen detrahare Protestantes non dubitant, ac inter veritatis testes utrumque, Brusium nempe, & Henricum illustri collocare loco apud Flaccum Illyricum in Catalogo, & Henricum Cornelium Hecherum in dissert. de Petrobrusianis, & Henricianis edit. Lips. 1721.), Henricianam, inquam, hæresim Innocentius II. in Concilio Pisano anno 1134. proscripsit, de quo Auctor gestor. Episcop. Cenom. pag. 341, & seq. apud Mabillonium loc. cit., & Pagium ad annum 1134. n. 4. Eugenius III. vero opera adhibita Alberici Hostiensis, Gaufridi Carnot., & S. Bernardi expugnavit, exterminavitque;
qua

qua de re idem S. Doctor præcit. epist. 241, & Goffridus Clareval. lib. 3. ejus vitæ cap. 5, & seq. Arnaldum Brixiensem Petri Brusii, ac Petri Abaelardi discipulum, una cum Petrobrusianis, quorum hæreses propagabat, in Concilio Lateranensi II. an. 1139. Can. 23. idem Innocentius II. diris cunctis devovit. De hoc seductore, qui scire aveat curiosius, adeundi ei erunt Otio Frising. de gestis Friderici lib. 2. cap. 20, & seqq.; S. Bernardus epist. 195, & 196; Guntherus Ligur de gest. Frider lib 3. Baronius ad an. 1139. n. 8, & seqq., ac 1140. n. 1, & seq.; Du-Cangius in Gloss. V. *Arnaldus*, & Gretzerus in Arnaldo redivivo tom. 6 oper. pag. 607 Apposite vero advertit Baronius ad an. 1141. n. 3. Pollicorum hæreticorum Principem habendum esse Arnaldum: quatenus, Ottone Frising. teste lib. 2. cap. 21, blaterare non desinebat: *Nec Clericos proprietatem, nec Episcopus regalia, nec Monachos possessiones habentes aliqua ratione salvari posse. Cuncta hæc Principis esse, ab ejusque beneficentia in usum tantum Laicorum cedere oportere.* Quin etiam dum Romæ ageret, referente eodem Ottone cap. 27, Romanis auctorem se dederat antiquam redintegrandi Rempublicam. Cui insanæ doctrinæ adhæsero deinde tenacissime Valdenses, Hussitæ, Wicleffitæ, Marsilius Patavinus, Johannes Jandunus &c., a quibus eadem plenis faucibus propinata est postea Lutheranis, Calvinistis, Centuriatoribus, Mornæo, Molinæo, Volzio, Aventino, Limnæo, Oldemburgero, Klockio, Brunemannio, Hofmanno, Goldasto, Baylio, Corringio &c., contra quas pestes, si Superis placet, me aliquando disputaturum spero.

Nunc paucis expedienda, quæ ad Petrum Abaelardum spectant. Hunc desipere non desinentem, ad se a S. Bernardo delatum, ac in Synodis Sueffionensi an. 1121, de qua Pagius n. 14, & seqq., & Senonensi an. 1140, de qua Baronius n. 3, & seqq., damnatum, damnationem urgentibus S. Bernardo, ac V. Petro Clun., atque a Senonensi Synodo ad Pontificem M. provocantem, ejusdem Synodi confirmata sententia, iterato proscripsit Innocentius II, cujus hac de re legenda epistola ad Henricum Senon., Sampsonem Remen., eorumque Suffraganeos, ac S. Bernardum, quæ inter ipsius epistolas 194. extat., ac in Concil. Collect. inter acta Synodi Senonensis apud Harduinum tom. 6. par. 2. pag. 1223.

Præter S. Bernardum epist. 187. ad Episcopos, 188. ad Cardinales, 189, 190, & 191. ad Innocentium II, 192. ad Guidonem, deinde Cælestinum II; V. Petrum Clun. lib. 5. epist. 3, & 20; Gualterum Laudun. epist. 5. apud Bulæum hist. Univ. Paris. ad an. 1120, & Dacherium Spicileg. tom. 2. pag. 459, & seqq.; Guillelmum S. Theodorici Abb. libris tribus adversus ipsum adornatis, & Hugoni Rotomag. inscriptis; Gaufridum Antisiod. lib. adversus ejusdem dogmata; Gozuinum Aquicinctensem Abbat., quem a Magistris Parisiensibus ad disputandum adversus Petrum Abaelardum fuisse delectum refert Auctor ipsius vitæ editæ Duaci anno 1620. a Richardo Gibbono Soc. J.; Ottonem Frising. lib. 1. cap. 48; Goffridum Clareval. lib. 3. cap. 5; & Hugonem Antisiod. in Chron. ad an. 1140, agunt de Abaelardo Gervasius, qui ejusdem gesta duobus volum. Gallice an. 1720. comprehendit; Bulæus tom. 2. hist. Univ. Paris. ad an. 1140, qui ejusdem Apologiam, aliaque opuscula refert; Franciscus Amboesius, qui ejusdem opera uno complexus est volum; Duchesnius, qui ad ejusdem calamitatum historiam notas adjecit; Johannes Caramuel, qui de S. Bernardo Abaelardi triumphatore libro edito diffuse disseruit; Natalis Alex. hist. Eccl. ad Sæcul. XI, & XII. dissert. 7. art. 11, qui eum post fidei professionem hæreticis ad censuram nefas ostendit; Card. Petra in Comment. ad Constit. 2. Innocentii II. tom. 1. pag. 293, aliique, quos missos facio, ne sim longior. Manum tamen a tabula ante non retraham, quam observaverim obiter a Johanne Cornubiensi Theologo in Eulogio ad Alexandrum III, in quo adversus Petrum Abaelardum, & Petrum Lombardum disputat; quod Eulogium in lucem edidit Martenius tom. 5. Anecd. pag. 1657, memoriæ proditum fuisse, quod confirmant Duchesnius in Not. ad Abaelardum pag. 1159, & Pagius ad an. 1113. n. 13, Petri Abaelardi libros quinque Theologiæ Christi. vulgatos primum a Martenio eodem tom. 5. Anecd. pag. 1156. Petro Lombardo in celebri Sententiarum operis compositione ob oculos frequenter observatos, magnoque usu, & adjutorio venisse. Ad alios jam festinando, ab Innocentio II, & Eugenio III. cum Henricianis pari fulmine perculos reputare est Hæreticos illos prope Coloniam circa medium Sæculum XII. detectos ab Evervino Steinfeldenſi

Præpo-

Præposito , & ad S. Bernardum confutandos delatos epistola ad ipsum exarata , quam refert Mabillonius tom. 3. Anale ct. pag. 452, in nov. edit. pag. 473, ac rursus tom. 1. oper. S. Bernardi pag. 1490, & seq. Quos statim refellere aggressus S. Doctor , Sermonibus 65 , & 66. in Cantica præstitit . Confer Mabillonium in Not. eidem epistolæ subjectis , nec non in præfat. ad opera S. Bernardi §. 76, ubi tamen advertit hæreticos illos ab Henricianis nonnihil discrepasse , ac Pagium ad an. 1146. n. 17 , & seq. Ad hæc ab eodem Eugenio III. Gilbertus Porretanus , de cujus cum S. Bernardo negotio adeundus Otto Frising. de gest. Friderici lib. 1. capp. 46; & seqq. , in Synodo Parisiensi anno 1147. primum auditus , in Remensi postea an. 1148. duos revocare errores adactus est . Sed & in eodem Concilio damnatus , & carceri mancipatus Eugenii iussu est Eudo de Stella hæreticorum post natos homines dementissimus . Vide Willelmum Neubringensem lib. 1. cap. 19, Mabillonium in præfat. ad S. Bernardi opera §. 52 , & Fleurium hist. Eccles. lib. 69. §. 32.

Venio ad Valdenses , ab Auctore Petro Valdo primum nuncupatos, qui variis deinde nominibus dehonestati leguntur, velut ab Urbe, ex qua eruperunt, Pauperes de Lugduno ; vel a locis, in quibus grassabantur, Albigenes , Vasci , Brabantini, Agennenses , Picardi , Lombardi , Petragoricenses , Navarri , Bohemi , Bulgari ; vel a Doctoribus variis , quibus nomen dabant , Arnoldistæ , Esperonistæ , Josephistæ , Lollardi; vel a diversis erroribus, quibus speciatim studebant , præter alios , quos cum Secta habebant communes , Cathari , Patarini , Publicani, Coterelli, Triavardini Can. 27. Concilii Later. III, Bonihomines in Concilio Lumbariensi anno 1176 , Populicani ab Hugone Antifiod. in Chron. ad an. 1118 , Apostolici ab Annalista de Margan inter Scriptores 5. hist. Angl. , Manichæi ab Eckberto Schoenaugensi in ferm. 1. ex 13. adversus Catharos Bibl. PP. Lugd. tom. 23. pag. 601, Humiliati a Lucio III. in decreto adversus ipsos edito , Runcarti , Ortilibenses , Contorozenes , Ordibarii , Bagnolenses , Passagini , Leonistæ a Rainerio Saccono in opusculo apud Martenium tom. 5. Anecd. pag. 1759, Gretzerum tom. 12. par. 2. pag. 23, & in Bibl. PP. Lugd. tom. 25. pag. 262. hos adversus hære-

hæreticos, inter quos ipse aliquando diversatus fuerat, elucubrato; vel a Catholicis demum in odium spurcissimæ sectæ, & opprobrium, Turlupini, Ribaldi, Textores, Piphili, Infabbathati, hisque similibus infamiæ refertissimis designati nominibus. In hosce igitur perditissimos homines, præ furore hæresis extra omnes humanitatis fines abreptos, quibus proinde frustra Perrius calami sui in his. Valdens. patrocinium commodare conatus est, cuique opponere Petrum Valliscern. in hist. Alb. satius habeo, perquam frequenter damnationis fulmina intorsere Alexander III. in Conciliis Turonensi an. 1163. Can. 4, in quo præfatus legitur Arnulfus Lexoviensis; in Lumbariensi an. 1176. ejus jussu habito, de quo agit Rogerus Hovedenus ad eundem annum; in Tolosano an. 1178, de quo adeundus Baronius n. 17, & seqq., ac in Lateranensi III. an. 1179. Can. 27, e quo scriptæ epistolæ edicentis, ut propositio quædam Petri Lombardi proscribatur, fragmentum exhibet Mansius Suppl. tom. 2. pag. 690: Lucius III. in Concilio Veronensi an. 1184, quod quidem potius quam Concilium, Convantum appellandum contendit Baronius, contra quem tamen Concilii revera nomine dignum ostendunt Pagius ad an. seq. n. 1, & seqq., ac Mansius Suppl. tom. 2. pag. 709, & seq.; legere autem est Lucii Decretum *Extra de Hæreticis, Ad abolendam* Decret. lib. 5. tit. 6. cap. 11: Innocentius III. item, qui lib. 2. epist. 59, & 90, sive *Extra de Purgatione Canon.* Cap. *Inter* hujusce hæresis infamia laborantes ab Episcopis Synodi Senonensis an. 1198. ad se delatos districte dijudicavit; lib. 2. epist. 32. S. Scripturæ versionem in linguam Gallicam a Valdensibus in Urbe Metensi procuratam improbavit, & vetuit, collataque contentiori, qua valeret, opera, pestem hanc undique profligare conatus est, veluti ex Hispania lib. 1. epist. 92, qua de re videndus etiam Mariana lib. 12. rer. Hisp. cap. 11, e Gallia lib. 1. epist. 81, 82, 94, 165, & 492, lib. 9. epist. 183, & 206, lib. 13. epist. 86, & 180, ac lib. 16. epist. 162, & 172. apud Raynaldum ad annos 1206. n. 42, 1209. n. 27, 1210. n. 10, ac 1214. n. 14, & seq.; ex Italia lib. 9. epist. 7, 8, 18, 19, 202, & 211. apud Raynaldum ad an. 1206, & seq. n. 2, & seq. Sed & Manichæos novos in Urbe

ve-

veteri, ac Viterbii exortos comprimere eidem Innocentio confestim cordi fuit lib. 2. epist. 1, de quibus adeundi Raynaldus, & Mansius in Not. ad an. 1199. n. 22, & seq. Postremo in Concilio Lateranensi IV. an. 1215. Can. 3. inserto lib. 5. Decretal. tit. 7. Cap. 13. *Excommunicamus* ab eodem Pontifice diris omnibus nefandissima pestis est devota.

Post hæc adversus Albigenes pestilentissimam Valdensium propaginem sacram Militiam speciatim indixit Innocentius III, Inquisitores instituit, ac Legatorum opera pleraque ad hanc prorsus exterminandam hæresim Concilia celebravit: inter quæ Parisiense an. 1201, de quo Petrus Vallis-Cernenfis hist. Albigen. cap. 3; Monspelienfe an. 1205, de quo Mansius in Not. ad Raynaldum an. 1207. n. 1; Montiliense an. 1209., qua de epocha consulesis Mansium Supplem. Concil. tom. 2. pag. 787, & 798; Parisiense an. 1210, in quo perpetuæ infamiae dica pariter Almarico conscripta est, ac videndus, si placet, Mansius in Not. ad Raynaldum an. 1209. n. 28, & an. 1210. n. 10; Avenionense an. 1210, de quo idem Mansius Suppl. tom. 2. pag. 809, & in Not. 2. ad Raynaldum an. 1209. n. 26; Sant'Egidianum eodem anno, uti liquet ex epistola Innocentii III. ad Episcopum Arelatensem, ejusque Suffraganeos apud Harduinum tom. 6. par. 2. pag. 1996; Apamiense an. 1212, de quo Petrus Vallis-Cern. in hist. Albigen. cap. 65; Vaurense an. 1213, de quo Innocentii III. lib. 15. epistola 213, viderique potest Mansius Suppl. tom. 2. pag. 837, & in Not. ad Raynaldum n. 26; Murellense eodem anno apud Harduinum pag. 2036; Monspelienfe an. 1214. pag. 2041; ac Lateranense IV, in quo pariter (alter tamen ab eo, quo de adulteratione doctrinæ Romanæ Ecclesiæ imputata tam falso, quam inique traducitur ab Illyrico, & Fabricio, in quem vide Mansii animad. Bibl. Lat. lib. 9. pag. 41.) error, inquam, Can. 2. relato Decret. lib. 1. de *Summa Trinitate* tit. 1. Cap. 2. *Damnamus*, Joachimi Abbatis proscriptus est; atque confixus Almaricus, a Synodo Parisiensi prædamnatus, postquam a S. Facultate Parisiensi, quæ ipsi nigrum hæresis theta infllexerat, ad Pontificem provocasset. Pertinacissimæ hæresi toties percussæ, nedum extinctæ, profligandæ tandem, si Superis placeret, ac penitus exterminandæ qualem, quantumque

que apposuerit perinde animum Honorius III, æstimari fas est ex lib. 8. epist. 77, & 135. ad Ludovicum VIII. Galliar. Regem apud Duchesnium tom. 5., & Raynaldum ad an. 1223. n. 36, & 42; & lib. 9. epist. 146. ad Episcopos Brixensem, & Ariminensem apud eundem Annalistam ad an. 1225. n. 47, ubi vide Mansium in Not.; documento sunt etiam Concilia ipsius jussu suis a Legatis celebrata, veluti Tolosanum anno 1219, de quo Martenius Veter. Monum. tom. 7. pag. 105; Aniciense an. 1222, de quo Mansius Suppl. tom. 2. pag. 913; Parisiense an. 1223, de quo Martenius Anecd. tom. 1. pag. 901, & Mansius in Not. ad Raynaldum n. 39; Monspelienſe an. 1224, de quo SantMarthani Gall. Christ. tom. 2. pag. 423; Bituricense an. 1225, de quo Martenius tom. 1. Anecd. pag. 929; & Parisiense alterum an. 1226, de quo ibidem vit summus pag. 931. Ad hanc pariter exterminandam penitus ab Ecclesia pestem totum se contulit Gregorius IX. Constitutione edita cit. Cap. *Excommunicamus, de Hereticis*; litteris exaratis lib. 9. epist. 62, 63, 64, 66, 114, 187, 188, 191, 192. &c. apud Raynaldum ad an. 1235. n. 15, & seqq.; Synodis etiam indictis, uti Tolosæ an. 1229, apud Harduinum tom. 7. pag. 173; uti Treviris an. 1231. apud Martenium Vet. Monum. tom. 4. pag. 244; uti Moguntia an. 1233. apud eundem Martenium Anecd. tom. 1. pag. 950, & Mansium tom. 2. Suppl. pag. 990, ubi ex eo recitat epistolam ad Henricum Friderici Imp. Filium. Sed & Stadinus, Albigenſium speciem in Germania graſſantem, hac in Synodo damnatos, ferro potius, igneque, quam Ecclesiasticis Censuris averruncandos, delendosque dijudicans Gregorius, sacram in eos Expeditionem decrevit, de qua legendæ ipsius litteræ ad Archiepiscopum Mogunt., & Episcopum Hidesheimensem. Lectu etiam digna epistola, apud Manriquez tom. 4. Annal. Cisterc. ad an. 1235, & Harduinum tom. 7. pag. 241, ad Archiepiscopum Salisburgenſem, qua Concilium, non Moguntinum, uti viſum Labbæo, & Harduino, sed Francosfordienſe, ut ostendit Mansius, an. 1234. habitum ideo abrogat, quod Sede Apostolica inconsulta, Conradi Marpurgii interſectoribus abſolutionem impertiviſſet. Ad hæc Albigenſes e Bosnia abigendi Colomanno Regi, Bosniensi, aliisque Episcopis auctorem se dedit lib. 12. epist. 352,

epist. 352, 353, & 354, ac lib. 13. epist. 176, quas refert Raynaldus ad an. 1238. n. 53, & seq. De opeta demum huic excindendæ hæresi diligenter impensa ab Innocentio IV. adiri poterunt Albertus Stadenſis in Chron. ad an. 1248, Raynaldus ibid. n. 15, & seq., ac Harduinus tom. 7. pag. 353 : ab Alexandro IV. Raynaldus ad an. 1255. n. 31, & seqq., 1257. n. 12, & 1258. n. 23, & seqq. : ab Urbano IV. idem Annaliſta ad an. 1262. n. 22, ubi ab eo non ſecus, ac a Deceſſore Minoritis demandatam adverſus peſtem hanc provinciam egregie, ſirenueque ab eiſdem expletam adnotare non deſinit : vereor enim, ne jam nimis in his, cum Lectoris moleſtia, immoratus ſim.

Nec jucundiore tamen Lectorem nunc auſcultatione deliniam, quaſi enim tot, tamque nefandæ hæreſes Galliis præſertim exagitandis non ſufficerent, ecce tibi nova, quæ ibidem agitari ingenti animorum æſtu cœpit, quæſtio, utrum in Sacroſancto Miſſæ Sacrificio aqua vino mixta in Chriſti ſanguinem mutaretur. At enim ad eandem diſſolvendam id ſtatim conſilii ſalutaris inivit Gauſfredus Clareval., ut ad Clementis III. tribunal dirimendam deferret : qua de re adeundi Baronius ad an. 1188. n. 27, & ſeqq., ac Pagius n. 12. Eandem poſtea quæſtionem vexavit Innocentius III, hujusque petitionis occaſione celebrem edidit Decretalem *De Celeb. Miſſar. Cap. 6. Cum Martine*, ubi in eam propendere videtur partem, ut probabiliorẽ exiſtmet opinionem, quod aqua immediate in Chriſti ſanguinem convertatur; de qua diſſuſe Angelus Manriques in Annal. Ciſterc. ad an. 1202, Diſtinctior apparuit, quæ ab Alexandro IV. Anagninæ decreta anno 1256. animadverſio eſt in librum quemdam, Evangelii æterni indignum epigraphe, quam præferebat, erroribus inquinatiſſimum, quem haud minori, quam ignis poena dignum dijudicavit : quo perinde nomine damnandum Concilium Arelatenſe, an. 1260. cenſuit, quod ab Apoſtolica Sede jampridem venenata libri doctrina fuiſſet damnata, uti loquitur in præſatione Florentinus Archiep. apud Harduinum tom. 7. pag. 511. De peſtilentiſſimo libro adiri poterunt Ptolomæus Lucenſis hiſt. Eccleſ. lib. 22, cap. 13, Eymericus direct. Inquiſ. par. 2. q. 9. §. 4, Bzovius ad an. 1258. n. 8, Raynaldus ad an. 1256. n. 19, Spondanus ad an.

Part. II. Tom. V.

N

num

num 1258. n. 3, & Bullæus hist Univ. Paris. tom. 3. ad an. 1255; de Libri vero auctore Wadingus tom. 2. ad an. 1256. n. 11, Natalis in Synop. hist. Eccl. ad Sæcul. XIII, & XIV. cap. 3. art. 4; ac Oudinus tom. 3. de Script. Eccles. pag. 242: cæteroquin enim Protestantes non moror Stillingfleetum, Juræum, Heideggerum &c. ex libro illo in Romanam Ecclesiam quærentes invidiam. Viden, ut generatim Pontificem hunc a diligenti studio in excindendis hæresibus, instituendisque in hæreticos cujuslibet genus fidei Quæstoribus laudet Raynaldus ad an. 1260. n. 12. Ab hinc haud procul ad Pontificium Clementis IV. tribunal hæresis nomine delatus Narbonensis Episcopus, quasi doceret Corpus Christi in Eucharistia *essentialiter* non inexistere, sed dumtaxat sicut *signatum sub signo*, a Pontifice jussus est dicta revocare, rectaque sapere, doctus: cui ille Apologetico inscripto suspicionem omnem fidei suæ expositione abstulit, veluti refert Raynaldus ad an. 1267. n. 35, & seqq. Ad hæc idem Pontifex objurgatoria ad Bremensem Archiep. epistola inscripta districte præcepit, ut in Thidericum Bavarum Hamburgensem Canonicum Berengarianæ hæresi imbutum, disseminantemque Christi Corpus in Eucharistia non contineri, nisi *significatiue*, nec nisi *spiritualiter* sumi, severe animadverteret, eumque ad hæresim ejurandam, ac rectæ fidei professionem emittendam publice adigeret: quem si a proposito resiliire, redireque ad ingenium contingeret, vinctum Romam perfidiæ daturum pœnas debitas mittere non moraretur. Videsis Raynaldum ad an. 1267. n. 39, & seqq., ac Mansum ibidem in Not. Quam presse Decessorum suorum, ac præsertim Alexandri IV, & Innocentii IV. vestigiis inhæserit Nicolaus IV, quantumque navaverit studium ad grassantes tum hæreses extirpandas, documentosunt litteræ apud Raynaldum legendæ ad an. 1288. n. 27, & seq., ac 1289. n. 54, & seq., quibus cum Magistratus Laicos, Præfectosque Civilibus rebus, tum viros Religiosos ex Ord. Prædic., ac Minor. ad exerendas certatim adversus hæreticos vires vehementer sollicitat; adhortans, ut ubi hæretica pravitas Divinis flecti legibus nequiret, humanis comprimeretur, ut pœnis cohibita in perniciem cum Religionis, tum Reipublicæ deservire, & debacchari desineret. Nec intra hæc tantummodo se flagratissimus

mus Nicolai zelus continuit, quin ad Ecclesiarum Præsules excitandos ad hæreticorum dissolvendos dolos excurreret, ut adparet ex lib. 2. epist. 783; quin & Stephano Regi Servix hæreticam luem e Bosnia eliminandi auctorem se daret lib. 4. epist. 23.

Infelicissima, tristissimaque inciderat ætas scdissimarum hæresum feracissima, quas tum magis repente sobolescere, immaniterque ad grassandum jam quinimo adolevisse conspexisses, quum alioqui ferro, flammaque abolitæ videbantur. Tantum non est otii, nec arbitrii, ut singularum diligentius scruter vestigia, gradatimque consccter: expediam paucis, quod ad rei caput pertinet. De Guillelmi SantAmorzi pestilentissimis libris ab Alexandro V., & Clemente IV. igne damnatis; de Johannis de Polliaco pravis dogmatibus a Johanne XXII. proscriptis; de erroribus, librisque Petri Johannis Olivi pariter ab eodem Johanne XXII. & Clemente V. prohibitis, differere me opportuniore in loco memini. Novam itaque ex veteri Valdensium prognatam Sectam plurimo nomine infamem, cui sive ex Segarello, sive a Pungi Lupo, sive ex Dulcino, nunc Apostolicorum, nunc Fraticellorum denominatio indita, qui in eandem ambo tam morum, quam errorum colluviem confluerant, publica infamiæ nota vice plus simplici affecerunt, variisque pœnis, nec igni, nec ferro parentes, sunt persequuti Honorius IV, Bonifacius VIII, Clemens V, Johannes XXII, Benedictus XII; subindeque in Italia repullulantes Gregorius XIII, & Martinus V. penitus exterminarunt. Rem hanc qui luculenter tractant, adis Auctorem addit. ad hist. Dulcini apud Muratorium tom. 9. rer. Italic. pag. 427, Johannem Bapt. Pignam de Principibus Atestinis lib. 3. ad an. 1300. pag. 232; Wadingum ad an. 1318. n. 8; Spondanum ad an. 1340. n. 2; Raynaldum ad an. 1296. n. 34, 1297. n. 55, & seq., 1305. n. 18, 1308. n. 9, 1311. n. 66, & seqq., 1318. n. 45, ac 1335. num. 59, & seqq., & Mansium ad cit. annos in Not. Horum autem, haud dispare, sive nefandæ doctrinæ, sive flagitiosæ vitæ genere, Beguardos, Beguinæque una pariter damnationis sententiâ, percussere Honorius IV, Nicolaus IV, Bonifacius VIII, Clemens V; ac in Germania præsertim gliscentes exturbavit, extinxitque Innocentius VI. Videfis Clem. *Ad nostrum* lib. 5. cap. 3. de Hæ-

ret.; Alvarum Pelagium de planctu Eccl. tit. 2. cap. 52; Guidonem Elnensem in Summa de hæresib. cap. 11; Jo: Turrecrematam de Eccl. par. 2. lib. 4. cap. 36, & seq.; S. Antoninum par. 3. tit. 21. cap. 3. §. 2; Eymericum direct. Inquisit. par. 2. q. 12; Binium in Not. ad Concil. Vienn.; Spondanum ad an. 1311. n. 9; Card. Petram in Comment. ad Constit. 3. Johannis XXII. tom. 4. pag. 11; ac Mansum in Not. ad Raynaldum an. 1312. n. 17. Post quorum explicatissima, fideque omni digna testimonia, quis summam non demiretur impudentiam, qua Beausobrius in disert. de Adamitis par. 2, & post ipsum Brujus hist. Pontif. tom. 3. pag. 378. flagitiosissimæ Sectæ patrocinium adversus Pontifices MM. susceperunt? At enim sua id summopere intererat, qui cum Beguardis de communibus, generosisque ædopol a Valdensibus ductis natalibus delectantur. Præter hosce profligatissimos homines, contra quos legendæ Johannis XXII. Constitutiones Extra S. Romana de Relig. domib., *Gloriosam, Quia quorundam*, ac *Dudum*, litteræ præterea apud Raynaldum ad an. 1318. n. 43, & seqq., ac 1319. n. 14, quibus ad districtam hæreseos actionem adversus hujusmodi pestes intendendam, proculque abigendas Croatia Comitem, Polonia Principes, Hungariæ, Bosniæ, & Bohemiæ Reges, Ecclesiarum Præsules, ac fidei Censores incitat, & extimulat, eademque pariter involvit poena cum Beguardis Lolardos, Duce Waltero in Germania grassantes, quorum nefaria dogmata ex fide dignis auctoribus recensita videre licet a Raynaldo ad an. 1318. n. 44. Quam justo pariter idem Pontifex indignationis zelo flagraverit adversus duumviros Pontificiæ jurisdictionis hostes insensibilissimos, Marsilium Patavinum in defensorio pacis, & Johannem Jandunum de potest. Eccles., argumento est ipsius Constitutio *Licet juxta*, docentque Continuator Guillelmi Nangii ad an. 1317. Spicileg. Dacher. tom. 3. pag. 73; Alvarus Pelagius de planctu Eccl. lib. 1. cap. 68; Pighius lib. 5. Hierar. Eccl. cap. 1, & seqq.; Jo: Turrecremata in sum. de Eccl. lib. 4. par. 2. cap. 37; Bellarminus in præfat. ad lib. de Rom. Pontif.; Bzovius ad an. 1327; Raynaldus ad eundem an. n. 27, & seqq., ac 1328. n. 9, & seqq., ac Natalis Alex. hist. Eccl. ad sæcul. XIII, & XIV. art. 13 Districto pariter damnationis gladio ab eodem Pontifice confixa Johannis Echar-

Echardi prave doctrinæ capita octo supra viginti, dato Coloniensi Archiepiscopo summo imperio diligenter advigilandi, ne eadem reviviscerent, intueri licet apud Raynaldum ad an. 1329. n. 70, & seqq. Quem perinde consulebis de Rizardo Cremonensi licita docente Christianis cum Saracenis commercia, tamen a Summis Pontificibus vetita, ideoque a Johanne XXII. damnato, ad annum 1326. n. 24; nec non de Græcis in Cypro perperam affirmantibus extremum ante diem Judicii nec probos Cælesti felicitate, perfrui, nec improbos Inferni poenis affici, ab eodem Pontifice severe correptis, castigatisque ad eundem an. n. 28, & seqq.; ac demum de Burgino, aliisque Beguardis in agro Constantiensi, ac Basileensi grassantibus ad an. 1409. n. 90.

Hand impari affectus studio Benedictus XII. Christianis rebus prospiciendi propinquis, quin tamen diffitis præsentia deesset, conscripto ad Armenos libello, quem ex Mss. Vatic. describit Raynaldus ad an. 1341. n. 45, & seqq., errores, quibus ipsos, fama deferente, laborare perceperat, septemdecim supra centum emendandos transmisit. Quo accepto Catalogo Armeni, in Synodum an. 1344, aut seqq., cujus acta e Ms. Codice Bibl. Reg. in lucem prodixerunt Martenius, & Durandus veter. Monum. tom. 7. pag. 320, & exinde Mansus Suppl. tom. 3. pag. 443, & seqq., convenientes, erroribus quidem illis dicam inflixerunt, & ingentem eorundem partem in Armeniæ Majoris accolæ refuderunt, Apologia tamen adornata, cujus exemplar Clementi VI. redditum est, se maxime ex parte saltem ab ejusmodi erroribus puros ostenderunt, aptaque excusatione singula accusationum capita dispinxere. Quod ad ipsum vero Clementem VI. attingit, is curam intenta ad expurgandos eosdem Armenos ab erroribus, tum quos ex Occidente infuderant Fraticelli, tum qui inibi subborri inuoleverant, datis litteris cum ad Majoris Armeniæ Episcopos, & Catholicos universos apud Raynaldum ad an. 1344. n. 8, tum ad Consolatorem Armeniæ Catholicum, & ad Constantinum Regem apud eundem Annalistam ad an. 1351. n. 2, & seqq., quæ prava fugienda essent dogmata, quæque recta sectanda diligenter edocuit. Sed & Rascios, Albanos, & Sclavos, inscriptis litteris ad Episcopos Duraccensem, Ragusinum, & Tra-

& Tragurienſem apud Raynaldum ad annum 1351. n. 20, & ſeq., veteri errorum deterſa caligine, orthodoxæ veritatis colluſtrare lumine ſtudit. Quam perinde ſedulam in curam ſubingreſſus Innocentius VI. ab exundanti errorum colluvie Raſciam, Albaniam, & Sclavoniam abſtergere ſategit, exaratis ad Stephanum Regem, ad Johannem Patriarcham, & ad Tragurienſem, ac Paſtenſem Episcopos litteris regeſtis a Raynaldo ad an. 1354. n. 26, & ſeqq. Quin & Fraticellos cum Orientem ſuperſtitionibus inficere ſuis tum ſuas Occidenti afflare ſpurcicias non abſtinentes, efficaciffimis litteris ad Caſſenſem Antiftitem, ad Ægidium Cardin. S. Clementis, & ad Archiepiscopos Neapolitanum, Capuanum, Beneventanum, Piſanum, Narbonenſem &c. legendis apud Wadingum ad an. 1354. n. 6, & ſeq., ac Raynaldum ad eundem annum n. 31, pœnarum ſeveritate cohiberi præcepit. Sed ad Clementem VI. refleſcendo ſermonem, is cura quoquo verſum converſa, ubi puritati, integritatique fidei periculum ingrueret, in Sicilia Citeriore Neophitorum vix exortæ hæreſi præfocandæ, & in Tolofana Provincia reviviſcenti Valdenſium ſectæ penitus excindendæ præſto fuit, datis litteris robore plenis apud Raynaldum perlegendis ad an. 1344. n. 9. Facit & ad laudum ejus cumulum egregium, quo Flagellantium ſectam abolere allaboravit, ſtudium. Porro Cœtum hunc hominum varie denominatum, Acephalos, quod Capite peculiari carerent, Cruciferos, quod prælata Cruce incederent, Flagellantes, quod flagellis duriffimum in modum ſe cruentarent, (quod genus hominum principio flagrantiffimæ pietatis ſpecie, inſuetæque poenitentæ ſpiritu correptum in Italia cœperat jam ab anno 1260, in quem confer Raynaldum n. 6, & Manſium ibid. in Not. 2, in foeditiffimam paullo poſt hæreſim deſcivit, in flagitiorum omnis genus cœnum delapſum, Italiam non modo infecerat, ſed Galliam, ſed Hungariam, ſed Poloniam, ſed Germaniam, ſed Angliam pervaſerat), nefarium, Cœtum hunc, inquam, hominum, ſacra præſertim Facultate Pariſienſi deferente, intelligenteque procul dubio unius Pontificis Summi poteſtate errores penitus exterminari, & proſtigari, (quod pro ſui muneris particula revera perficere conſeſtim aggreſſus Pontifex eſt), datis litteris ad Episcopos Germaniæ, Poloniæ, Hun-

Hungariæ, Sueciæ, Angliæ, & Galliæ, quas recenset Raynaldus ad annum 1349. n. 19, & seqq., distincto juris rigore in ordinem redigi iussit. Præter eos vero Scriptores, quos Raynaldus loc. cit., ac Mansius ibid. in Not. commemorant, qui de Flagellantium Secta scripsere, confer Balbinum Soc. J. in epitome rer. Bohem. pag. 360, ac Schottgenium de Flagell. Ab eadem perinde lue Germaniam expurgare Gregorio XI. arcte cordi fuit, de quo Raynaldus ad annum 1372. n. 33. De Gundisalvo, & Nicolao in Hispania, & Catalaunia novellam disseminantibus hæresim de futura Spiritus S. Incarnatione, novæ. que institutione legis videtis Eymericum direct. Inquisit. par. 2. q. 11, Pegnam ibid. in Not., ac Raynaldum ad an. 1352. n. 20. Denique novo elogio dignum se exhibuit laudatus Innocentius VI. ob egregiam, quam novæ in Anglia subortæ hæresis circa merita bonorum operum, ac peccatum originale excidendæ navavit operam, cujus locupletes sunt testes litteræ ad Eboracensem Antistitem descriptæ a Raynaldo ad an. 1355. n. 28. De adscitis in præclari laboris partes ad hæreses profligandas, quæ e Cypro, & Creta Insulis B. Petro Thoma Ord. Carmel., quæ e Cumania, Perside, ac Tartaria Philippo Ord. Præd., adeundi idem Annalista ad an. 1359. n. 19, & Bollandus tom. 2. ad diem 29. Januar. pag. 995, & seqq.

Quotus vero quisque jam est, qui sequentium Pontificum flagrantissimum æstimare studium valeat, quo excindendis ubique gentium hæresibus indefessim applicuere? In his sane Urbanus V. Archiepiscopos Spalatensem, & Ragusinum, neu e Bosnia ad finitimas inquinandas Provincias hæretica pravitas confluere negligentia sua permetteretur, ad sedulo advigilandum imperio adiegit: cujus rei documenta suppeditat Raynaldus ad an. 1369. num. 13. Minoritarum opera Manichæos, & Patarenos in Bulgaria ad ducenta millia, quinquaginta vix infra dies, ad Sacra nostra traducta memorant Wadingus ad an. 1366. n. 16, & Raynaldus n. 11. Beguardos, ac Beguinas in Germania grassantes perdendi, ac profligandi, quas Carolo IV. Imper. curas demandaverat Urbanus V, commendavit iterum, & valdequam urisit Gregorius XI: qui perinde, ut Albertum Episcopum Alberstadensem Stoicum inducen-

ducentem Fatum, liberum inficiantem arbitrium, ac Sanctorum irridentem opem, ad frugem revocaret, & ad revocandos errores adigeret, Censorum fidei diligentem adhibuit operam, de qua Raynaldus ad an. 1372. n. 33. & seq. Ad abolendam penitus, si fieri tantum posset, Valdensium pestem, toties excisam, sed iterum in Occitania, Provincia, Delphinatu, & Sabaudia germinantem, novaſque in dies obſtetricantem hæreſes, totum ſe conferens, poteſtatis, tum Eccleſiaſticae, tum Civilis vires conjungere præclaræ operæ pretium fecit, uti probat Raynaldus ibid. n. 34. & ſeq. Cum Lollardis, ac Turlupinis, peſtilentiſſima Albigenſium propagine, de qua Dupinius in Bibl. auſt. Eccl. in Gregorio XI, Ducangius in Gloſſar. Lat. Barbaro V. *Turlupini*, Gerardus de Haillan hiſt. in Carolo V, ipſique imo Baylius art. *Turlupini*, & Limborchius hiſt. Inquiſit. lib. 1. cap. 11, ab ſe infamiae ſtigmate inſliſtis, poſtquam apud ipſos Eccleſiaſticam medicam nihil profeciſſe manum exploratum haberent, ut legum ſeveritate diſtriſte agerent, Carolo V. Francor. Regi, & Amedeo VI. Sabaudiae Duci efficaciſſimum ſe auſtorem dedit: qua de re Gaguinus lib. 9. hiſt. Caroli V. Reg. Gall., Meyer Annał. Reg. Franc. lib. 13; Belleforeſtus hiſt. Reg. Gall. lib. 5, Bzovius ad an. 1372, Spondanus ad an. 1373. n. 13, Raynaldus ad eundem an. n. 19, & 1375. n. 26, aliiſque apud ipſum, quorum poſt diſſertiſſima, teſtimonia, non eſt deinceps, cur ego morer Beaufobrium in diſſert. de Adamit. par. 2, & Brujum hiſt. Pontif. tom. 3. pag. 495, homines inſrunito ad certiora quæque inficienda monumenta ingenio comparatos, quibus Turlupinos ab infamia abſtergere turpe deſiderium hæſit. Pro novella præſocanda hæreſi, qua Poloniam, Bohemiam, Sileſiam, conterminaſque Provincias infici acceperat a Johanne Millicio, cujus ſcripta nonnulla memorat Balbinus in Epitome rer. Bohem. pag. 407, & ſeq., cuique ſceleſto Johannis Hus præcurſori locum facere inter Lutheri infames Antefignanos Flaccum Illyricum in Catalogo teſt. verit. non depuduit, pari deſudans idem Pontifex ſtudio, congeſtis litteris apud Spondanum ad an. 1374. n. 2, Bzovium n. 3, & Raynaldum n. 10, ac ſeq. ad Archiepiſcopos Gneſnenſem, & Pragenſem, Epicoſos quoque Cracovicenſem, Uratiſlaviſenſem, Luthomuslenſem, & Olmu-

Olmucensem , nec non ad Carolum IV. Imper. officii , quo infestissimum prædonem ab inferenda noxa arcere deberent , sedulo admonuit : ex quibus falsum liquido adparet , quod Lensantius hist. belli Hussit. lib. 1. pag. 17. comminiscitur de Millicio Romanam in jus accersito , & ab Urbano V. absoluto : quod plane assertum pugnare cum Anonymo scriptore hist. persecut. Eccl. Bohem. pag. 19, & seqq. fatetur ipsemet Franciscus Bruius tom. 3. pag. 501. Mitto erroris nomine damnatos a Clemente VI. Nicolaum de Ultricurja , de quo Bibl. PP. edit. Paris. tom. 4. pag. 1323 ; ab Urbano V. Dionysium Soulechatum , de quo eadem Bibl. pag. 1337, & Raynaldus ad an. 1368. n. 16, & seq. ; Arnaldum Montanerium a Gregorio XI. de quo Eymericus direct. Inq. par. 2. q. 11 ; & a Bonifacio IX. Franciscum Portarium , de quo Raynaldus ad annum 1396. n. 8, nolo enim fusiori præter. opus narratione fastidium , molestiamque Lectori, vel liberali inferre ,

Age tamen , ab his modo pestibus ad alias longe peiores , quas averruncassent utinam Dii ? traducatur oratio . Ex eis unam trecentis ferme capitibus , si fides habenda Nicolao Harpsfeldio hist. Wicleffi cap. 18 , constantem , e Berengario , Valleranno , Marsilio , Janduno , Valdensibus , & Lollardis erroribus derivatis , novorumque adjectione confarcinatam , & adauctam , ipsemet Lensantio haud inficiante in hist. belli Hussit. lib. 2. pag. 36, conflavit Johannes Wicleffus : quo tanto nostri temporis Novatores Antesignano gloriantur , adeoque , ut Thomas Jamesius pro ipso Apologiam elucubrare non erubuerit ; ut Johannes Levvis in hist. ejus vitæ, ac vexationum invidia, sinistraque multum opinione levare instituerit ; ut Benedictus Pictetus Genevæ pro ejus laudibus in concionem ascendere non dubitaverit ; ut eundem ab ingenii perspicacia , qua seipsum a tetrīs , spissisque , quæ tempora illa tristia obruebant , tenebris non abripi passus sit , laudibus cumulare non abstinerit Jo: Albertus Fabricius Bibl. med. , & inf. Latin. lib. 21 pag. 321. edit. Patav. 1754. In Excerpto etenim ejusdem errorum ab Oxoniensi Academia Cantuariensi Archiepiscopo exhibitorum a Wilkinsio Concil. Britan. tom. 3. pag. 339. recensito ex Wicleffi libris hæreses 266. decerptæ adparent , videlicet : Ex libris quatuor de serm. Dom. , quorum tertius de Anti-

Part II. Tom. V.

O

christo

christo, hoc est Papa, totus est quantus, censura notantur errores 74. Ex libello de perfectione statuum errores 33. Ex libello de ordine Christiano 13. Ex Dialogorum libris quatuor 35. Ex tractatu de arte sophistica 20. Ex tribus libris de Dominio Civili 43. Ex tractatu de Diabolo, ejusque membris 5. Ex libro de Donatione Cæsarea 14. Ex responsorio ad argumenta Salley 11. Ex responsorio ad argumenta Stroadæ 9. Ex libello de Confessione 5. Ex tractatu de versuciis pseudo-Cleri 4: collectim omnes 266, ut innui; atque ducentorum sexaginta quidem ab Oxoniensi Academia, non secus ac quinque supra quadraginta in Synodis Parisiensi, & Pragenſi censura notatorum occurrit mentio in Concilio Constantiensi sess. 6; in quo totidem sess. 8. confixi subinde sunt. Tam perniciosæ itaque hæresi ante præfocandæ, quam altius radices ageret, præsto fuit Gregorius XI. P. M., in sollicitudinis partes advocatis Cantuariensi, & Londinensi Præsulibus, Eduardo III. etiam Rege, ac Theologis universitatis Oxoniensis, uti fidem faciunt Apostolicæ litteræ descriptæ a Valsinghamo hist. Angl. ad an. 1377, & ex ipso a Raynaldo ad eundem an. n. 4, quæque legendæ hist., & antiq. Univers. Oxon. lib. 1. pag. 187, & apud Harduinum tom. 7. pag. 1867, & seqq. prostant. At enim optimo Pontifici tam de Religionis puritate sollicito nec responsum pro opere, nec factum, ut oportebat, confectum est satis; sed augmentum Wicleffi hæresi, viresque accipere haud modicas cum ex Antistitum, Regumque negligentia, & segnitie, tum ex Optimatum favore, & ope licuit, uti notatum vel ab ipsis est Larreyo hist. Angl. in Eduardo III. pag. 735, & Lenfantio hist. Concil. Constant lib. 2 pag. 203. Quin etiam præsidio ei fuit non parvo se & Antesignanus alter scelestissimus Johannes Balæus, qui hæresi propagandæ per 20, & amplius annos pro viribus incubuit, testibus Valsinghamo ad an. 1381, & Harpsfeldio hist. Wiclef. cap. 12, cuique in perfidia socios ultro subinde se dantes, nova in dies errorum accessione stupendum in modum amplificaverunt Walterus Tyler, Jo: Stravus, Nicolaus Herefordius, Philippus Rappynghdonus, Jo: Asthonius, Willelmus Windurbejus, Petrus Pareshulius, Jo: Eduardus &c., de quibus Valsinghamus ad an. 1382, Harpsfeldius cap. 16, & Knighthonus de event. Angl. lib. 5.

Vo-

Voce itaque Urbani VI. & in perio expergefactus Willelmus Courtenegus Archiepiscopus Cantuar. exundanti pecti ut aggerem jaceret, Londini Synodo, cujus acta confirmata subinde ab Apostolica Sede affirmat Windefordus in confut. Wiclef. ad art. 17, indicata an. 1382. postulatam judicio Wicleffum pœnis intentatis ad revocandos errores adegit, legumque severitate in ejusdem sectatores animadvertit, teste Harpsfeldio cap. 5. Altera eodem anno Oxonii habita Synodus est, cujus acta cum epistola Facultatis Theologicæ Oxon. descripta a Wilkinsio tom. 3. pag. 158, & 171. suum in Suppl. tom. 3. pag. 646, & 658. derivavit Mansius, in eaque plerisque ex Wicleffi primipilis ad frugem regressos, quorum tamen aliqui pravam ad ingenium postea relapsi sunt, reliquos vero in pertinacia manentes severe punitos memorat Harpsfeldius cit. cap. 5.

Ad hæc anno 1388. solemnî Richardi II. Regis edito Wicleffi, Herefordii & Althonii nefaria scripta flammis abolita fuisse tradit Knighthonus lib. 5. Sed enim Regi Wicleffitas e Regno exterminandi efficacissimum se se dedisse auctorem Bonifacium IX. testatur Valsinghamus ad an. 1396. apud Raynaldum n. 9. Atque ad hanc utique validius urgendam Religionis causam a Bonifacio vicibus Apostolicis indutus Thomas Arundelius Cantuar. Antistes eodem anno 1396. celebrato altero Londini Concilio, e Wicleffi libris igne damnatis octodecim decerpta venenatæ doctrinæ capita infamia notavit, dirisque cunctis devovit: contra quæ perinde calamo arrepto confutationis libellum ejusdem Archiepiscopi jussu adornavit Willelmus Windefordus Ord. Min. illustris Theologus, ex quo illum suos in Annales resulit ad eundem annum n. 10, & seqq. Raynaldus: diligenter autem Synodi acta descripta a Wilkinsio tom. 3. pag. 227. transtulit in Suppl. tom. 3. pag. 709. Cl. Mansius, quo loci pag. 739. alterius Londinensis Synodi an. 1400. mentionem ingerit, in eaque damnati, una cum decem iniquæ doctrinæ articulis, Willelmi Savvre, sive Chatrys. Atqui recisam toties hæresim Londini, & Oxoniæ in Anglia, in Gallia Parisiis, ac Pragæ in Bohemia an. 1408, ut habent Æneas Silvius hist. Bohem. cap. 35, Cochlæus hist. Hussit. lib. 1, & Dubravius hist. Bohem. lib. 19, instaurare tamen, novisque adaugere erro-

rum capitibus non abstinebant Jo: Oldcastellius, Guillelmus Taylor, Robertus Hooke, Willelmus Rufselius, Coubrigius, Guillelmus Sartor, Petrus Payne, Conradus Smeth &c., de quibus Valsinghamus ad an. 1413, Harpsfeldius cap. 16, Thomas Valsdenis tom. 3. tit. 12. cap. 108, Cochlarus hist. Huffit. lib. 1. Gobelinus in Cosmod. æt. 6. cap. 53, ac Raynaldus ad an. 1413, n. 13, & seqq. Quamobrem Alexander V. pro studio, quo erga Religionem summe afficiebatur, Constitutione edita anno 1409, severa damnationis sententia in Wicleffum animadvertit, datisque Sbinchoni præsertim Archiepiscopo Pragenſi, quò tum pestis ista pervaserat, districtis imperiis, diligenter in hujus genus hæreticos inquiri, repertosque dignis affici pœnis jussit: qua de Pontificis solerti cura Nider de visionib. lib. 3. cap. 2, Wadingus, & Raynaldus ad cit. an. n. 89. In eandem subinde ingressus sollicitudinem Johannes XXIII. (cui proinde ad veri haud propius speciem vitio dari, vertique a Petro Alliacenſi apud Gersonium tom. 2. pag. 901, & seqq., quod simoniis suis invaleſcendi magis, magisque infaniendi hæresibus tum grassantibus locum fecerit, vel hinc adparet), indistincta Romæ Synodo, non anno quidem 412, uti Labbæo, Harduino, & Raynaldo non bene visum, sed insequenti, ut rectius a Mansio in Not. ibid. ad n. 1. observatum est, dato ad universos Episcopos diplomate, quod postea Martino V. probatum evaſiſſe intelligitur ex Const. *In eminentis* apud Harduinum tom. 8. pag. 918, ubi etiam describitur pag. 203, & Raynaldum ad an. 1413. n. 1., & seqq., nefariis Wicleffi libris, signatimque Dialogo, & Trialogo infamix dicam, ignisque pœnam inflixit, jubens legum acerbitate in illius sectatores districtissime agi. Venenata denique Wicleffi dogmata articulis 45. compacta damnavit, universisque Christiſidelibus odio habenda denuntiavit in Concilio Constantienſi Martinus V. Constit. *Inter cunctas*, in quam vide Cardinalem Petram in Comment. ad ejus Const. 1. tom. 4. pag. 214. Toties, ac tot in Synodis ventilata est Wicleffi doctrina, ejusque cum libri tot vicibus, tamque diligenter, & accurate discussi, tum discipuli ad dicendam causam advocati sunt, & auditi, ut mirari valde subeat Lenfatii hist. Concil. Constant. lib. 2. §. 69, & Bruys hist. Pontif. tom. 3. pag. 511. temeritatem.

sum

summam, qua effutire non dubitant vel ex uno Trialogo Wicleffi patere eidem pleraque falso supposita fuisse, deque industria, ad augendam invidiam, pleraque falsificata. Sed apage Sycophantas, qui tanto mendaciores videri debent, quanto fide majore digni sunt, qui oculo minime livore turbato penitus in res Wicleffi intropexerunt. Præter eos autem, quos passim hac in re diligenter versatos memoravi, confer Stephanum Olmucensem in Anti-Wicleffo, & Anti-Husso apud Bernardum Pezium in Thesaur. Anecd. tom. 4. par. 2. pag. 149; Antonium Varillam, hominem etsi parvi admodum pens, in hist. Wicleffi, & Hussi; & Petrum Grassium de ortu, & progres. hæ. Wicleffi. De severa damnationis sententia demum a Martino V. in Nicolaum Serrurarium nonnullos Wicleffi errores in Belgio disseminantem intorta adendum Raynaldus ad an. 1420. n. 17, & seqq.

In expedienda nunc Hussitica hæresi tam non multus, quam nec ero molestus, haud ignorans definienda tandem cujusque fore operæ spatia, neque defatigandam præter opus Lectorum, liberalium esto, patientiam: eoque præsertim, quod non tam diversa, quam unius ejusdem Wicleffianæ veluti radicis insectus furculus, novos etsi velut in ramos deinde scindendus, hæc Hussi hæresis æstimari debeat. Vix itaque virulenta hæresis ista, Johanne Chrystamino, a natali solo Hus denominato, enitente, obstetricante vero, partesque adjuvante Hieronymo Pragensi, ex orcu an. 1408. circiter emerfit, ut tria in Capita discindi paullo post visa est circa an. 1419, in Thaboritas hoc est, quorum auctor Zischa, teste Ænea Silvio hist. Bohem. cap. 40, quo defuncto, in partes divisi sectatores, alii Procopium sibi præfecerunt, alii absque Duce Orphanos dici maluerunt, quorum partes deinde fovendas, amplificandasque susceperunt Czapko Presbyter Taborienfis, ac postea Jo: Rokifana; Adamitas, quos ita nuncupandos a pudore omni postposito voluit Pichardus, de quo idem Silvius cap. 42; & Orebites, quibus nomen indidit Martinus Loquis Presbyter Moravus, de quo laudatus Silvius cap. 43, Cochleus hist. Hussit. lib. 5, Dubravius lib. 26, & Laurentius Byzinius Hussi studiosus in diario belli Hussit. vulgato a Ludewvigio Reliquiar. tom. 7. Scilicet speciosa ista nomina, ad inanem fucum operum

rum infamiae obducendum, scelesti illi induerant. Quibus quarta demum accessit Calixtinorum dicta Secta, indito a Jacobello Misnensi, & Petro Dresdeni nomine, ex Calicis usu, cui tenacissime insistebant, desumpto. Primus in hanc pestem Ecclesiasticum gladium exemisse legitur Alexander V. apud Raynaldum ad annum 1409. n. 89. in litteris ad Sbinchonem Pragensem Antistitem, quibus obstrepere quidem ausus est Hussus, calculum tamen adijcere suum Martinus V. religioni duxit. Qui posterior satis perinde non habuit articulos 30. e Wicleffi sentina ab Husso haustos in Concilio Constantiensi damnaſſe Conſtit. *Inter cunctas*, adjunctis litteris ad Bohemos suavitatis, amorisque refertissimis, eodem ad frugem bonam, avitamque fidem alliciendi gratia, apud Cochleum lib. 4, & Raynaldum ad an. 1418. n. 6, nisi in obstinatissimos demum homines Clasicum caneret, Legatisque missis, ac litteris datis, de quibus Raynaldus ad an. 1421. n. 10, & 1427. n. 9, & 14, ad eodem vi, armisque domandos, delendosque Sigismundum Imperat. incitaret, impelleretque. Ita nempe rigore legum agendum tandem erat cum gente jugi, quietisque tam impatiente, quam pravi, deviique pertinace, ac in genio deterrimo innutrita ducis sui Hussi, qui de hæresi postularus judicio apud Johannem XXIII. tantum abest, ut parere veller, quod potius adversus Romanam Synodum deblaterare non sineret. Quamquam invitus Pontificis adire præsentiam in Concilio Constantiensi compulsus, meritis cum Hieronymo Pragensi luit demum poenas. Quas porro querelas de violata publica fide Husso præstita, Hieronymoque Pragensi ab Hussitis olim effusas refingere ad nauseam usque Novatores non abstinere, luculenter adeo, liquidoque dispunxit Raynaldus ad an. 1415. n. 31, & seqq., cujus dictis invictum aliud ex Byzinio Hussita desumptum argumentum ibid. in Not. adjungit Mansius, ut iis de pœnendis iterum immorari non juvet. Ad hoc etiam incendium, quo conflagrabat Bohemia, restringendum operam impendisse omnem Eugenius IV, neve ad inficiendas Pannonias lateſceret, viribus impedivisse, quibus potuit, legitur apud Raynaldum ad an. 1446. n. 10. Etiam Callistus III. desiderio Hussitas ad frugem inflectendi ardentissimo affectus, opera ad id egregia usus est SS. Johannis a Capistrano, & Ja-

& Jacobi Marchiani Ord. Minor. , de quibus idem Annalista ad annos 1456. n. 59 , & 1457. n. 42. Pius II, in Dialogi modum epistola 130 elucubrata , Thaboritas, sive Bohemos a Calicis usu abducere studuit . Quanta demum opera ad abstergendam ab hac lue Bohemiam desudaverit Paulus II. in curæ partem adscito fortissimo athleta , cenforeque fidei Gabriele Veronenſi Minorita, denarrat Raynaldus ad an. 1467. n. 8 , ubi super. n. 4. ejusdem Pontificis ad Bohemos percenset litteras adversus Georgium Podiebratium , quibus inter alia declarat hæresis cognitionem , ac definitionem ad unum pertinere Romanum Pontificem .

Aliò properanti nunc mihi sicco prætereundi nequaquam sunt pede aliquot plerique media hac sub ætate multarum pariter hæresum probris infames homines, quos evaginato persequi gladio Romanis perinde Pontificibus officio cessit. In his itaque Amedeum quemdam Mediolani Ludimagistrum agentem , ex Arithmeticæ numeris ad plures disseminandos errores digressum , ideoque sæpius a S. Bernardino Senensi exagitatum , desipere tandem ex litteris Eugenii IV. ad Laudensem Episcopum , legendis apud Raynaldum ad an. 1446. n. 8, dedidit . A Sixto IV , quæ in Synodo Complutensi ab Alphonso Carillo Archiep. Toletano prolata, jampridem fuerat, confirmante sententiam, quam severa in Petrum Oxomensen , Pontificis M. præsertim juri dispensandi in Conciliorum Canonibus detrahentem, censura prodierit , ejusdem eloquitur Constitutio 17. *Licet*, in quam conferre juvat Card. Petram Comment. tom. 5. pag. 290. Reginaldum Pekopium Ciceſtrenſem pseudo - Episcopum e symbolo fidei quatuor articulos expungentem , ab Angliæ Rege Henrico , & Episcopis admonitus Pius II. Sacerdotali exui dignitate , dignisque affici poenis jussit , litteris datis ad Archiep. Cantuariensem , & ad Episcopos Londinensem, & Wintoniensem, quas præc. Annalista regerit ad an. 1459. n. 28, & seq. Apud quem eodem loci n. 30. videas, ut idem Pontifex cum primum a Francisco Britannæ Minoris Duce certior fuit factus de novis hæreticis in vulgus deprædicantibus Matrimonium Divinis vetitum legibus , deque aliis Magicis artibus deditissimis , extemplo utrique excindendæ pesti se se præsentissimum dedit . Qui perinde , ut ibidem n. 31. habetur , nuperum in Italia subortum

ortum tenebriconem Zanninum, errores inter alios Mundum ab isto alterum a Deo conditum comminifcentem, impieque cum Moyſe, & Mahometo Chriſtum D. conferentem, poſtquam ad recinendam palinodiam coegifſet, perpetuo carceri ad agendam pœnitentiam condi juffit. Pikardos, & Foſſarios, infeſtam Valdenſium ſobolem, in Bohemia, & Moravia longe, lateque graſſantes comprimere partibus ſuis adjudicavit primis Alexander VI. apud Raynaldum ad an. 1498. n. 25, quo loci n. 26, & ſeqq., atque ad an. 1501. n. 43, & ſeqq. in eos ſtrenue calamum exercuiſſe ſuum Henricus Inſtitor legitur. Porro a Pikardis, projectæ tametſi verecondiæ viros, Romani tamen Pontificis in Eccleſia Primatum ſuo honoris loco habitum, nec unquam vel levem in dubitationem adductum obſervat Jo: Faber Vien. Epifcopus in opuſc. 30. Articuli, quo Pikardis longe pejores Lutheranos oſtendit. Quanta in Pikardos quoque indignatione exarſerit Julius II, quam diſtriſtum in eoſdem deinde gladium exemerit, quomodo ve Chriſtiſideles undique ad arma capeſſenda, ſciſpemque conferendam excitaverit, ejuſdem eloquuntur litteræ a Raynaldo deſcriptæ ad an. 1504. n. 27, & ſeqq. Quem perinde adeas, ſi placet, ad an. 1498. n. 22, ubi Marranos, Judaica ſcilicet, & hæretica ſuperſtitione imbutos homines, Romæ ab eodem Pontifice in recta, & plana orthodoxæ ingredi fidei veſtigia compulſos reſert; ac Petrum de Aranda pſeudo-Epiſcopum Calaguritanum eadem infeſtum lepra in mole Hadrianæa perpetuo carceri mancipatum. De Johanne Malkavio demum ab hæreſis crimine abſoluto a Gregorio XII. confer Univerſitatis Colonienſis litteras ad Concil. Conſtantienſe apud Manſium Suppl. tom. 4. pag. 126, & ſeqq., nec enim ad potiora alia feſtinanti diutius in his immorari fas eſt, in quibus utilitatis quidem eſt non multum, oblectamenti autem nihil.

Atqui hætenus digeſta qui probe tenet, fuiſſe hæc ipſa, aut ego fallor, Lutheri ſponſalia facile percipit, in quem harum omnium colluviem hæreſum confluxiſſe ignoret nemo, cui vel unius Cochleæ de Luthero ſcripta, & acta perſpecta ſint, quin opus ſit, ut ad cognitionem hanc ex aliis longe pluribus exhauriendam magno & ſtudio, & labore ſe comparcet. Atque quidem

tot

tot a priscis Veteratoribus ebibisse Lutherum, quot ab ipso postea hæresum monstra, magno rei Christianæ damno, evomita sunt, quia paullo inferius explicare propositum mihi fuit, heic satius habeo, ac paucioribus, quoad ejus fieri poterit, indicare quantas, & quam ingentes Lutherana hæresis Romanos apud Pontifices experta sit iras. Principio itaque Lutherum, qui ab anno 1516. dumtaxat, nec dum utique palam, velut anno insequenti, sed per occultos veluti cuniculos hæresim suffodere cœpit, ut est apud Chronographum Torgaviensem ad hunc annum apud Menkenium rer. German. rom. 2, ut præfensisse viderur, ita prædamare voluisse Leo X. Const. *Cum pia*, diligentem in hæreticos fieri inquisitionem decernens, æstimari tam potest, quam debet. Vix autem Coluber hic sævum attollere caput visus est, ut ei ampurando gladium præstare Apostolicum deses non distulit: anno enim 1518. hæreticum hominem in jus vocatum, constituto dierum 60. spatio, suumque comparere in conspectum renuentem, imperio dato Gabrieli promagistro apud Bembum lib. 16. epist. 18, comprimi, abducique ab infania jussit. Anno præterea 1520, celebri Const. *Exurge*, in quam videndæ Mansi Notæ pag. 294, Annal. Raynaldi tom. 12, Lutheri cum libris hæretica undique, labe scarentibus, unum & quadraginta Articulos severa damnationis sententia confixit. Spe demum omni frustratus fore, ut is sæpius invitatus, ad frugem regrederetur, Constit. 41. *Cum sicut* obstinatissimum hominem cum Gregalibus suis attrivit, ad eandem penitus conterendam pestem advocatis pariter in adjutorium Ecclesiasticæ potestatis Caroli V. Imp. laicis potioribus viribus. Ab Hadriano VI. perinde nihil prætermisum eorum, quibus profectum hunc faceret, ac Lutherana procul lues e Germania, & Saxonia propelleretur, documento sunt ipsius litteræ ad Imperii Principes apud Raynaldum ad an. 1522. n. 60, & seqq., imperia Francisco Cheregato Internuntio suo imposita ibid. n. 65, & seqq., vota que efficacissima Friderico Saxonie Duci insinuata ibid. n. 72, & seqq. Quo loci conferre juvat Jo: Fabrum de Primatu S. Petri adversus Lutherum pag. 102. egregie ab Hadriano dicta confirmantem, atque Saxones potius quam Lutheri figmentis se conformare, ad vetera a Carolo M. accepta dogmata se conferre.

Pars II. Tom. V.

P

adhor-

adhortantem. Quanta putas nunc expurgandi Lutherana ab hac lue tum Germaniam, Saxoniam, Helvetiam, tum Hungariam, Poloniam, Bohemiam, tum Hollandiam, Flandriam, Brabantiam, tum Daniam, Sueciam, Norvegiam &c. cura incubuerit Clemens VII? Quin ut demonstretur, id multa opera indigeat mea, abunde liquet ex ipsius litteris apud Raynaldum ad Carolum V. Imp., ad Cardinales Salisburgensem, & Campegium an. 1524. n. 1, & seqq.; ad Helvetios, & ad Episcopum Lausanensem ibid. n. 52, & seqq.; ad Episcopum Uratislaviensem, & ad Ludovicum Hungariæ, & Bohemiæ Regem n. 61, & seqq.; ad Archiepiscopos Bremensem, Coloniensem, & Moguntinum, & ad Duces Holzatæ, Sleuvicensem, Brunsvicensem, ac Luneburgensem an. 1525. n. 28, & seqq.; ad Erardum Cardin. de Marcha Leodiensem Episcopum ibid. n. 34; ad Johannem Gnesnen. Archiep., ad Petrum Episcop. Cracoviensem, & ad Episcopos Lincopensem, & Arosciensem an. 1526. n. 126, & seqq.; ad Joachimum Electorem Brandenburg., & ad Georgium Saxonie Ducem an. 1530. n. 90. & 169; ad Ferdinandum Hungariæ Regem n. 170, & ad ejusdem Regni Episcopos, Clerum, Optimates, Populumque an. 1532. n. 11; ad Thuricenses an. 1531. n. 22, ad sex Cantones an. 1533. n. 61, & an. 1534. n. 17. Sed & ab Italia hanc procul arcere pestem vulgato edicto sategit an. 1530. n. 50; ac Brixie inlatam a Johanne Bapt. Pallavicino ut incunctanter propelleret, auctorem se Paulo Zanae Urbis Præfuli dedit an. 1528. n. 107. Sed & ut in Sabaudiam ingrediendi, serpendique inibi nullus relinqueretur locus, ab ipso votis sollicitati obnixi sunt Philibertus Eporediensis Episcopus, & Carolus Emanuel Dux an. 1533. n. 61, a quo pro sua religione, pietate, ac diligentia Zuvinglianæ hæresi in Sabaudiam, inque Italiam aditus obstrictus est omnis.

Magno perinde studio, & labore Paulo III. constitit opus Religionis in dies labescentis rationes loco restituendi, totque Lutherana & Calviniana hæresi coinquinata loca ad sanitatem reintegrandi. Quin tamen unquam desisteretur, animumque desponderet, hinc Helvetis ab hæresi expurgandis litteris apud Raynaldum legendis ad an. 1535. n. 27. se præsentissimum dedit: illinc Venetorum Duci egregiam gratulatus ibid. est operam, qua

qua Lutherana a Sigismundo Germano in Ditionem invade hæresis jugulanda diligenter incubuit . Sed cum Augustino Maynardo , qui Astenfis propositiones quasdam Lutherana insperfas pece imprudenter afflaverat , facti valdequam poenitente , bonamque se ad frugem recipiente benigne egit : qua vicissim benignitate usus cum Elziaro Miodano , a quo pariter Aquæ Sextiensibus Lutheri aliqua fuerant dogmata propinata , eadem postea revocanti veniam fecit . Nunc studio Poloniam in fidei puritate integram adversus hanc pestem sustentandi , quo ipse incensus , accendere perinde cum Sigismundum Regem , tum Regni Præfules laboravit ibid. n. 29, 1537. n. 45. & 1548. n. 82. Nunc desiderio Angliæ labescentibus rebus prospiciendi , misso Legato Reginaldo Polo , datisque litteris ad Insulæ Episcopos , Proceres , & ad Regem , Scotiæ , nullo pepercit labori , quo in pristinum ibi Religio erigeretur splendorem an. 1537. n. 38 , & seqq. Tam vero perversa , lues ne Gallias pervaderet , impedimento ut esset validissimo , Jacobo Cardinali Sadoleto litteris efficacissimis se dedit auctorem an. 1539. n. 33; 1547. n. 123 , & seqq. 3 & 1549. n. 27. Sed & Calvino , qui a Melchioro Wolmaro , & Roberto Rollino una cum litteris Græcis , & Hebraicis hæresis venenum hauserat , ne suis Institutionibus , quas ex Oecolampadii scriptis , Melanchthonis locis , Hipperii Sarcatii , Martini Bucerii , aliorumque quisquiliis an. 1536. confarcinaverat , Gallias inficeret , intercludendus ei fuit aditus . Ad hæc in Hibernia Georgium Armachanum in hæresim lapsum Sacerdotio exuit , ipsius in locum suffecto Roberto Wancop viro germane orthodoxo n. 36. Quin etiam ad lapsas ibidem res fidei restaurandas mactos virtute viros destinavit Alphonsum Salmeronem , & Johannem Codurium Soc. J. Presbyteros , quo posteriori defuncto paullo post , in ejus partes subingredi Paschasius Broetus iussus est , quas perinde ut pro uniuscujusque virili adjuvarent , Episcopos , Clerum utrumque , Principes , Optimates , & Populum , Regem etiam Scotiæ admonere , adhortari , animare non destitit an. 1541. n. 52 , & seq. Quid isthæc autem ? quandoquidem multo cum magis urebant morbi tam graves , ac quotidie in Germania ingravescentes . Quibus curandis quantam , Deus bonæ operam non pendit , & quam impendere

neglexit unquam ! Pendi , & impendi sane pro virili parte Legatos suos Hieronymum Aleandrum , Marcellum Cervinum , Thomam Campegium , Gasparem Contarenum , Johannem Moronum , Orthonem Truchesium , Franciscum Sfondratum , Alexandrum Farnesium , Hieronymum Verallum , Prosperum Sanctacrucium , Aloysium Lippomanum , Sebastianum Pighinum , Antonium Augustinum &c. voluit : qui quatenus se ipsi tot medendis impares malis essent , adiutrices eis adungere manus , sociosque laboris , ac sollicitudinis accedere iussit , & institit Carolum V. Imp. , Bavarix Duces , Franciscum Galliar. Regem , Sigismundum Regem Poloniae , Henricum Ducem Brunsvicensem , aliosque Germaniae Principes , Moguntinum Archiep. , Episcopos Viennensem , Heribipolensem , Hildesheimensem , Merseburgensem &c. , virosque doctiss. Albertum Pighium , & Antonium Perenottum Atrebat. Antistitem an. 1538. n. 38, & seq. ; 1539. n. 1, 9, & seqq. ; 1540. n. 27, & seqq. ; 1541. n. 1, & seqq. ; 1542. n. 1, & seqq. ; 1543. n. 49 ; 1546. n. 39, & seqq. , 94. & seqq. , & 113 ; 1548. n. 50, 72, 81, & seqq. ; & 1549. n. 4, & 23. Quarum ad Pauli III. laudum cumulum perinde facit , quod a Catholica fide deficiente Hermanno a Weda Colonienſi Archiep. , Clerum , Senatumque Colonienſem , Monasterienſem , Osnabrugensem , & Mindenſem ad constantiam in ipsa confirmare curavit ; scelestoque illi frustra saepe ad frugem invitato , gladioque tandem Ecclesiastico confosso , Adolphum germane orthodoxum suffecerit an. 1543. n. 22 , & seqq. , ac 1546. n. 103 , & seqq. Quod Petrum Vermilium , sola appropinquatione sua , Luca , quam inficere inceperat , in fugam conjecerit , praecipitemque se Genevam , abscessurum postea in Angliam , se recipere coegerit an. 1543. n. 57. Quod Paulum Vergerium Episcopali , qua ob haeresim indignus evaserat , dignitate spoliaverit an. 1549. n. 23. Quod Grimanum Patriarcham Aquilejensem haeresis suspicionem laborantem in jus Romam acciverit : qui tamen Apologia submissa labem omnem absterſit , a qua perinde absolutus a Pio IV. abiit . Quod Lutheranam , & Zuvinglianam haeresim in Italiam invecſtam longissime incunctanter eliminaverit : ac Mutinae quidem a Philippo Valentino disseminatam Ducis Ferrarientis opera Mantuae quoque diligentia Cardinalis Mantuani ; Vicentiae vero mu-

tuo

tuo concursu Nicolai Cardinalis Ridolphini , Senatusque Veneti anno 1545. n. 52 , & seq. , ac 1546. n. 147. Luem hanc Mutina deinde Brixiam inuestam Vincentii Nicosantii Arborensis Episcopi cura extinxit Julius III. anno 1550. n. 37.

De quo nunc loquendo , ingenti ei laudi jure vertitur intensissimus ardor ille , quo Religionis in Polonia , & Pomerania tuendæ succensus , Sigismundo Regi , Nicolao Gnesnensi , Johanni Chelmenſi , Andræ Uladislaviensi , Samueli Cracoviensi , Andræ Plocensi , Benedicto Poſnaniensi , Johanni Primisliensi , Stanislao Culmenſi Antistitibus , ne a studio grassantem in Germania Lutheri , Calvinique luem aditu prohibendi , Religionisque deſſoreſcentis rationes ſuſtentandi deſetiſcerentur , ſtimulos adjuccere non deſiuit apud Raynaldum ad annos 1550. n. 39, & ſeqq., ac 1552. n. 53 , & ſeqq. Pari ſollicitudine Calvinianam procul e Gallia propellere hæreſim allaboravit litteris ad Henricum II. Gall. , & Antonium Navarræ Reges an. 1550. n. 35 , & ſeq. Ideo de Pariſienſi Academia in puritate fidei retinenda ſollicitus , e Collegio abſcindi , qui in propoſitiones fidei parum congruas erumpere cernebantur , diſtincte præcepit an. 1551. n. 12. De impiis , impudentiſſimiſque Proteſtantium poſtulatibus a Tridentinis Patribus certior factus , conſultusque , Achille de Graſſis Falſcorum Antistite Internuntio miſſo , aptiſſima , quibus duriffimum oſoribus illis os obſtrueretur , reſponſa reddidit an. 1552. n. 17. Italiæ quamaxime incolumitati pervigilans , Calvinianæ hæreſi in Ferrarienſi Ducatu , ac Florentino ſubortæ conſeſtim elidendæ ſtrenuis fidei Cenſoribus ſpartam impoſuit , quam toſpe ſedulo impleri voluit , quo minor principio mali impendebat timor an. 1552. n. 57. Præconceptam animo ſpem , in quam aſſurigerat , collapſas in Anglia fidei rationes erigendi , nihil prætermiſit eorum , quibus ratam faceret , in operæ partem adſcitis , provocatiſque Maria Regina , Henrico Franc. Rege , Carolo V. Imp. , Reginaldo Polo , Franciſco Commendono , Antonio Auguſtino , reſenſque creatis Episcopis octo germanæ orthodoxis , veluti diſciſmus ex Sanderò lib. 2. hiſt. Schiſm. Angl. , Pallavicino hiſt. Concilii Trid. lib. 13. cap. 10, & Raynaldo ad an. 1553. n. 3, & ſeqq., ac 1554. n. 1, & ſeqq. Atque id utique a Reginaldo Polo in Anglia

glia effectum, ut leges in Apostolicæ Sedis injuriam vergentes abolerentur ad unam omnes, eique reconciliarentur Angli, scripsit nedum Sanderus lib. 2, sed nec inficias ausi sunt ire Thuanus hist. lib. 13, Sleidanus lib. 25, & Burnetus hist. Reform. lib. 2. Quam perinde in curam ingressus Paulus IV. Angliam in fide confirmare fategit an. 1555. n. 25, & seqq. Ecclesiis præfatis Episcopis, quorum de germana fide constabat, deque gradu deturbato Thoma Cramnero, qui fatente Burneto, hæresim quidem, supplicio deterritus, ejurare finxit, sed pertinax ad mortem usque retinuit. Ad rem Catholicam in Germania strenue propugnandam Maximilianum Bohemiæ Regem, Ferdinandum Archiducem Austriæ, Albertum Bavarie Ducem, Antistites, ac in his Adolphum hujusce nominis III. Colonien., Urbisque Magistratum, inde pellendi Judocum Velsium hæresibus eam inficere conantem, utrique auctorem se præbens, adhortari haud satius habuit, nisi & ipse solemniter adversus hæreses omnes Decreto edito, omni, quo fieri meliori potuisset, modo Religioni prospicere studuisset: quod sane præclarum studium fuscè prosequitur cum Onuphrius in ipsius vita, tum Raynaldus ad an. 1555. n. 42, & seqq., ac 1556. n. 16, & seqq. Sed & in Poloniam Calvinianæ hæresis inlatæ a Valentino Gentili, a Paulo Alciato, a Georgio Blandrata, a Petro Statorio &c. fama percitus, ad ejusdem actum restringendas facces, Legato misso Aloysio Lippomano, litterisque extimulatis Sigismundo Augusto, quem maxime ad Johannem Lasko, ac Petrum Vergerium Regno propellendos urget, & impellit, ac Bona Regina Matre, officiique admonitis Regni cum Præsulibus, tum Optimatibus, opera contendit, ac se contulit omni an. 1555. n. 55, & seqq., 1556. n. 34, & seqq., 1557. n. 38, & seqq., ac 1558. n. 16, & 19. In ejusdem sollicitudinis, qua Religionis in Gallia labescentis reparandæ, distinebatur, partes Cardinalibus in Regno degentibus adscitis, impeditissimam spartam hanc adornandam imposuit, amplissima in hæreticos districta animadvertendi sententia facta facultate an. 1557. n. 29. At enim eò potiori in Germania Christianæ res afflictissimæ Pontificis opera indigebant, quò ad pristinam fidei oblitterandam faciem hæresum cujuslibet genus confluisse videbatur colluvies. Itaque agendo indefessus

Magde.

Magdeburgensem, Moguntinum, Trevirensen, Coloniensem, Salisbutgensen, Augustanum, Bambergensem, Herbipolensem, Eychstetensem, Passaviensem, & Pataviensem Episcopos, & Albertum Bavarix Ducem ad conjungendas adversus grassantes hærefes vires accendit an. 1558. n. 13, & seq. Victorem Superantium Bergomensem pseudo-Episcopum hæresi scæde laborantem gradu dejecit; geminaque edita Constitutione cum hæresibus inspersos libros e Christifidelium manibus eripuit, tum Canonicas in hæreticos pœnas instauravit, & auxit an. 1558. n. 20, & seq. De summa denique ejus sollicitudine Hispaniam, Italiamque ab hæresum labe servandi immunes videlicet Raynaldum ad an. 1559. num. 20, & seqq.

Pias, suoque vere tam nomine, quam munere dignas, quas a Pontificatu inito subito Pius IV. curas induit rei Catholicæ ubique gentium erigendæ, restituendæ, augendæ, multis ostendit modis apud eundem Annalistam ad an. 1560, & seqq. Ita in Polonia litteris efficacissimis ad Sigismundum Regem, & ad Regni Præfules n. 6, & seq. Ita in Hungaria, & Bohemia Hosio Legato misso, admotisque stimulis Maximiliano Regi, ac Strigoniensi Archiepiscopo ibid. n. 9, & 15. Ita in Hispania salutaribus monitis ad Philippum Regem n. 22. Ita in Anglia, & Scotia Legato directo Vincentio Parpalia, litterisque officio cumulatissimis ad Elizabetham Reginam, ad Ferdinandum Imp., ad Philippum Hispan. Regem, & ad hujus in Anglia Oratorem Alvarum de Quadra Aquilanum Episcopum n. 42, & seqq. item datis litteris ad Mariam Reginam, pridem a Clemente VII., & Paulo III. illustri *Defensoris fidei* titulo exornatam, ad Regni Proceres, ac duobus e Soc. J. Presbyteris destinatis Nicolao Gaudano, & Everardo Mercuriano an. 1562. n. 182, & seqq., ac 1563. n. 113. Ita in Pedemontio fidei Cenforibus constitutis, votisque sollicitato Emanuele Philiberto Duce an. 1561. n. 106. Ita in Gallia, fidei Quæstоре designato Francisco Cardinali Turnonio, Georgio Card. Armeniaco Religionis negotio demandato, Nannetensi Episcopo ob hæresim gradu dejecto, officiique admonitis Francisco II. Rege Franc., Antonio Navarræ Rege, ac Johanna conjuge an. 1560, n. 30, & seqq., & 85; iterum Legato misso Hip-
poly-

polyto Card. Ferrariensi, fidei Censoribus Avenione creatis, literisque datis ad Carolum IX., ad Navarraum Regem, ad eundem Fratrem Condum Principem, & ad Guillelmum Nassovium Principem Aurasie an. 1561. n. 84, & seq., & 104: novis item litteris ad Michaellem Hospitalium Regni Cancellarium an. 1562. n. 130, ad Regni Proceres, & ad Jacobum de Sabaudia Nemurcensem Ducem strenuum fidei assertorem: monitoriis jussionibus ad Principem Auriacensem, animadversione severa in Odetum Castilionacum, & Johannam Navarraam, quam perinde ad frugem bonam pellicere frustra S. Pius V. instituit, jureque dicto in Claudium Reginum Olorensem, Johannem de S. Gelasio Urticensem, Ludovicum Albretium Lascurensem, Johannem Claramontium Aquisensem, Carolum Gillarium Carnotensem, Antonium Carraciolum Trecentem, Johannem Monlucium Valentinum (quibus a Raynaldo adjungitur Johannes Barbanfonns Apamiensis) Episcopos hæresi Calviniana laborantes; de quibus Spondanus ad an. 1563. n. 50, Maimburgus in hist. Calvin lib. 6. pag. 329, Varillas hist. Caroli IX. tom. 2. pag. 2, & seqq., ac Raynaldus ad an. 1563. n. 48, & seq., 133, & seqq. Quam a Pio IV. latam promulgavit postea sententiam S. Pius V. apud Gabutium lib. 2. ejus vitæ cap. 4, & Laderchium ad an. 1566. pag. 258, & seq. nov. edit. Rom. 1728: in qua posteriori tamen præteritur Carraciolus pridem jam loco pulsus. Hinc profectum, effectumque præsumere fas est, ut Pontificum zelo excitati ad eorundem viribus, quibus possent, adjuvandas partes concurrerent viri magis virtute, doctrinaque spectatissimi, qui facto agmine Lutheri, Calvinique adversus phalanges in aciem proficere. Horum catalogum, dignus ipse quammaxime, qui illustrem inter eosdem occupet locum, contexuit Johannes Fischerus in præf. lib. de Verit. Corp., & Sang. Christi in Euchar., nempe recensentur ex Germania Erasmus, Johannes S. hleinuzius, Jo: Cochleus, Homonymus Ekius, Hieronymus Emserus, Jo: Faber, Gaspar Satzgerus, Jo: Dittenburgus: ex Anglia Henricus VIII. Rex, Thomas Morus, Jo: Poultrus, Guillelmus Meltonus: ex Gallia Jodocus Clithovæus, Stephanus Longolius: ex Belgio Jacobus Latomus: ex Italia Ambrosius Catharinus, Silvester

Prie.

Prieras &c. Quorum in censum referri pariter merentur ex instructione a Paulo III. data Jo: Morono Nuntio ad Carolum V. Imperat. apud Raynaldum ad an. 1537. n. 9. Fridericus Nausca, Georgius Vecrelius, Johannes Haner, Leonardus Marstaller, Nicolaus Apel, Jo: Burchardus, Ludovicus Ber. Sed & in Anglia strenuos adversus hæreticos se athletas dedere Richardus Smithæus, Edmundus Bonerus, Stephanus Gardinerus, Cuthbertus Tonstallus, Nicolaus Herthus, Jo: Storæus, quos digno Sanderus lib. 2. Schism. Angl. mactat elogio: quo perinde defraudari nequeunt Landgallus, Crispinus, & Mormannus. Atque hujusce generis belli expertissimi apud gentes alias ingenti numero sub hac ipsa tempestate prodire, inter quos Albertus Pius, Gaspar Quaramier, Johannes a Daventria, Stanislaus Hosius, Albertus Pighius, Carolus Espencæus, Clandius Jajus, Petrus Faber, Alphonfus Salmeron, Petrus Canisius, Franciscus Sonnius, Guillelmus Ronsæus, Laurentius Surius, Nicolaus Sanderus, Andræas Vega, Petrus Fontidonius, quos duos postremos adversus Carolum Molinæum calamum exacuere a S. Pio V. jussi sunt. Mitto longe plures, ne sim longior.

Atque ut in viam me recipiam, gradumque faciam ad S. Pium V, quanto hic zelo adversus hæreticos jam ante flagrarit, quam Pontificatum iniisset, præter egregiam, quam per se met præstitit indefessus operam, argumento sunt documenta, quibus Felicem Peretum Montaltrium, in Pontificatu Sixtum V, Censorem fidei Venetiis constitutum diligenter instruit, quæ recensuit lib. 3. ejus vitæ Gregorius Læti. Non parvæ eidem laudi, quæ Pio IV. ab aliis tribuitur, a Gabutio vertitur, quod Christophori Roderici Soc. J. opera Valdensium in Neapolitano Regno reliquias ad fidem reduxerit. Atque verborum quidem efficacia nedum, sed eximiis quamaxime morum exemplis hæreticorum complures, in quibus Olicæ Principem in Polonia una cum conjugæ a Pio V. ad fidem revocatos fuisse refert Gabutius lib. 6. ejus vitæ cap. 3. Primas inter Pontificalis curæ partes, quas numeris expletas omnibus intueri licet apud Gabutium lib. 3. cap. 6, & Laderchium ad an. 1566. pag. 109, & seqq., ea præfulsit, qua dilapsas in Germania res sacras erigere desudavit. Tanzum enim

Part. II. Tom. V.

Q

ad

ad opus promovendum elaboratissimi imprimis viri, ac virtute par-
 ris habuit delectum, idest Jo: Francisci Card. Commendoni, la-
 boris sociis eidem adjunctis Scipione Lancelloto, Nicolao Sande-
 ro, Hieronymo Natali, Petro Cauisio, & Jacobo Ledesma, qua
 de re Antonius Maria Gratianus in vita Commendoni lib. 3. cap.
 2, & seqq. ejusdem hac in legatione individuus comes. Litteris
 etiam datis, Maximilianum Imper., Carolum, & Ferdinandum
 Austriæ Archiduces, Albertum Ducem Baviaræ, Danielem Ar-
 chiep. Moguntinum, Fridericum Herbipolensem Antistitem, Præ-
 fulesque alios, ac Principes ad rem fidei strenue pro virili agen-
 dam provocavit. Quas inter litteras illæ leu valdequam dignæ
 ad Carolum Archid. Austriæ, qua comprimi Ludimagistrum
 quendam hæreses in Diocesi Polensi disseminantem jubet: ad
 Pataviensem Episcopum, qua pœnis Canonicis in Christophorum
 Illingherum hæresi inquinatum districte animadverti mandat: ad
 Leonfertium Evangelii præconem, qua ad dandam in Misnensi
 Diocesi strenuam dilatandæ fidei operam stimulos adjungit: ad
 Carolum Austriacum, & ad Clerum Frisingensem, qua puritati
 fidei pervigilare, ne sordium quidquam e vicinia ad eam sœdan-
 dam adreperet, illos admonet: ad Salisburgensem Antistitem,
 qua severum in quosdam hæreticos, qualis Pnifer erat, jus di-
 stringere imperat apud Laderchium ad annos 1566. pag. 146, &
 seqq., 1567. pag. 410, 428, & seqq., ac 1568. pag. 47, & 59.
 Ab Augustana Confessione ad fidei integritatem regredientes, si-
 demque sibi omnem suam obstringentes, par nobile Fratrum, Co-
 mites ab Helfenstein, venerandum Gablerum, & Gasparem Fran-
 cum benigne complexus legitur apud Surium in Comment. an-
 no 1567. Repetitis monitis ad Maximilianum Imperat., ad Mel-
 chiozem Bilium Nuntium suum, & ad Germaniæ Præfules, no-
 minatimque ad Salisburgensem, Pataviensem, Basileensem, Pra-
 gensensem, Eysthetensem &c., apud Laderchium ad annum 1568.
 pag. 56, & seqq. ut junctis viribus tot, ac tam in dies altas radices
 agentes, spandentesque hæreses averruncare allaborarent adhor-
 tari non destitit. Ad hæc ne sua negligentia permitterent, ut in
 proximis Comitibus Spirensibus Religioni quidpiam probri infer-
 retur, tam Moguntinum, Trevirensensem, Leodiensem, Camera-

cen-

centem, Spirensen, Eysthetensem, Bambergensem, Herbipolensem, Passaviensem, Monasteriensem, & Salisburgensem Antistites, quam Ferdinandum Austriæ Archid., Ducesque Bavariz, & Juliz admonitos voluit litteris apud eundem Annalistam legendis ad an. 1570. pag. 122, & seqq. Pro Religione quoque Coloniz, Herbipoli, Magdeburgi, in Austria, & Bavaria retinenda, tuendaque litteris sedulo laborare non desit ad Consules, & Doctores Colonienfes, ad Canonicos Hildesienfes, ad Episcopum, & Capitulum Herbipolense, ad Carolum Austriæ Archid., & ad Albertum Ducem Bavariz, quas Laderchius recenset ad an. 1570. pag. 129, & seqq., & 1571. pag. 306.

Neque profecto stetit per ipsum, quo minus in pristinum in deterius quotidie vergens Religio decus restitueretur: nam Episcopos, qui Comitibus Petricoviensibus interfuturi erant, ac signatim Jacobum Gnesnensem, Philippum Cracoviensem, Petrum Mircovium Plocensis Coadjutorem, ac Stanislaum Hosium Varmiensem (cujus zelo cumulatissima adversus Confessionistas, Tricheistas, & Anabaptistas epistola 78. ad Jacobum Uchanskiun. Gnesn. Antistitem lectu digna) votis sollicitasse, ne quidquam orthodoxæ fidei minus condecens moliri paterentur, apud Laderchium legitur ad an. 1566. pag. 194, & seqq. Quod ei plane tantis pro votis successit: siquidem Regis, Senatusque edicto hæretici e Poloniz sinibus ad unum omnes facessere jussi sunt. Quo perinde in fidei studio confirmare satagit Dialinium Palatinum Columiensem ibid. pag. 210, Sigismundum Regem, misso etiam Nuntio Julio Rogerio an. 1567. pag. 440, & seqq., Stanislaum Carnovium Episcopum Uladislav., e Diocesi procul expelli Friciun hæreticum jubens; ac vicissim de Chiovensi Episcopo hæresi infecto loco abigendo cum Rege agens an. 1568. pag. 112, & seqq. Prope institit, & anxie præmonere Episcopos ad Lublinensia Comititia profecturos, Philippum Cracov., Valentinum Presmiliensem, Adamum Posnaniensem, Jacobum Gnesn., Hosium Varmien., Sigismundum Regem, Albertum Laski Palatinum Syradiensem, Regnique Præfules alios, ac Proceres, ne ab officio defendendæ fidei se dimoveri unquam sinerent, quod eis magno cederet dedecori, apud Gabutium lib. 3. cap. 2, & Laderchium

ad annos 1569 pag. 290, & 310, 1570. pag. 157, ac 1571. pag. 333, & seqq. Ex quo perinde discas quatenus in Hungaria adversus hæreticos Christianæ res curandæ, ac procurandæ Antonio Agriæ, Paulo Nitriæ, & Georgio Zagabriæ Episcopis demandatæ fuerint, & commendatæ ad an. 1569. pag. 287, & seqq. At enim moestioribus oculis metiebatur tot mala, quibus Anglicanam Ecclesiam affligi non ignorabat. Quid enim non factum, quid non quotidie novi fieri in Religionis dedecus, ac detrimentum tam illustri olim in Regno conspiciebat? Qui proinde fortissima in arce positus, nihil postquam apud Elizabetham Reginam monitis, mandatis, minisque profecit, ac promovit, in eam severa animadvertit sententia. Neque me quidem fugit, quid hinc optimum in Pontificem Anglo-Calvinistæ oblatrent: at enim negent, si pudorem exuere prorsus omnem, jam tum in Anglia Religionis res ita inclinasse, ut *impie cogitare ea demum sola, & vera esset libertas*, veluti postea e Britannia ab amico sibi nuntiatum commemorat Cl. Muratorius in præfat. libri de Paradiso adversus Burnetum: cujusmodi insanæ adversus libertatis propugnatores quibus nam aliis, quæso, armis pugnandum manebat Pontifici, quam ferro, quam flamma? Ad hæc autem in Scotia labentem relevare Religionem conatu omni contendit, opera adscita Maximiliani Imper., Philippi Hispan. Regis, & Caroli Regis Francor., Nuntio misso Vincentio Lauræo Montisfregalis Episcopo, ac Edmundo Hajo Soc. J. strenuo viro, animoque confortata Maria Regina, in quam effusa a Buccanano, & Thuano impia maledicta post Turnerum in ejus vindic., & Conæum in ejusdem vita, egregie retulit Laderchius ad an. 1566. pag. 213, legendus etiam, si libet, pag. 163, & seq., 225, & seqq., ac 1567. pag. 393, & seq. Conversa in Gallias cura, quantæ S. Pius V. animi contentione cum Calvinianæ excindendæ hæresi, cum Catholicæ tuendæ rei incubuerit, docent Varillas hist. Caroli IX. tom. 2. pag. 102, Gabutius lib. 2. cap. 4, & seq., ac Laderchius ad an. 1566. pag. 254, & seqq., 1567. pag. 391, & seqq., ac 1569. pag. 221, & seqq., usque ad pag. 267; documentoque sunt egregio cum legatione inpositæ Michaeli Turriano Cenetensi Episcopo, Carolo Cardinali Borbonio, Georgio

gio Card. Armeniaco &c., tum litteræ repetitæ ad Carolum Francor. Regem, ad Carharinam Reginam, ad Carolum Du- cem Lotharingæ, ad Senatum Dolanum, ad Canonicos Bifun- tinos, ad Cardinalem Lotharingium, ad Duces Andegavensem, & Nivernensem, ad Regni Optimates, ad Comitem de Tavanis, ad Jacobum Episcopum Vafonensem, ad Felicianum Archiepif- copum, Consules, ac Cives Avenionenses, ad Canonicos Valen- tinos &c. Præter eos sex, quos confirmata Pii IV. sententia, gra- du Episcopali dejecit, Præfules alios Calviniana pariter labe- suspectos, laborantesque a Pontifice in jus vocatos, ac in his Fran- ciscum d'Avancon Gratianopolitanum, ad quem datas ideo lit- teras, junctis illis, quas ad Michaellem Turrianum dedit, refert Laderchius ad an. 1566. pag. 254, & 263, indicare videtur Petrus Frizonius Gall. Purpur. pag. 591. Tum in Calvinii Synago- gistam Muretetum in Diœcesi Bifuntina hæreses disseminantem, tum in Sabaterium, & Cortesonum in Venasyno Comitatu fidei bellum inferentes severe animadverti jussit. De studio denique, quo Hispanias puras ab hæresi custodiri diligenter curavit, con- fer Gabutium lib. 3. cap. 4, litterasque ad Christophorum Palenrinum Episcop. apud Laderchium ad an. 1566. pag. 287: neque enim singillatim omnia persequi vacat, ac præstat.

Quanta tamen conservandæ, tuendæque in Belgio labescen- ti Religioni sollicitudine S. Pius V. allaboraverit, prætermitti nequaquam potest. Principio ad Religionem ibidem adaugendam ab ipso omnium primo Numismata, vulgo *Medaglie*, consecra- ta fuisse, eademque gestantibus Indulgentias concessas auctor est Gabutius lib. 6. cap. 2. Propius vero demandata provincia Julio Pavestino Archiep. Surrenrino, datisque imperiis ad Margaritam Austriacam, ad Nobiles Belgas, ad Ecclesiarum Præfules, & ad Philippum Hispan. Regem, de quibus Laderchius ad an. 1566. pag. 279, & seqq. officii admonuit, quo Religionis securitati in- vigilare, studereque oporteret. Itaque effectum, ut Johannes Clericus turbarum incentor, ac ut Confessionem Augustanam con- fectari Belgis liceret, audacter insitens Maximiliani a Bergis Ar-chiep. Cameracensis, ac Magistratus sententia capitis condemna- retur, velut enarrat Michael Isselet in hist. sui tempor. apud La- der-

126 PRIVILEGIA ROM. PONTIFICI
 derchium ad an. 1566. pag. 286. Potissimæ tamen operæ pretium
 fecit Provinciam a Michaelis Baji, & Johannis Hæselii erroribus
 expurgandi: quos proinde configendos duxit Constitutione an.
 1567. Kal. Octob. edita *Ex omnibus*, confirmata subinde a Gre-
 gorio XIII, insertaque Constitutioni 284. Urbani VIII. *In emi-
 nenti*. Baji porro opera postea fictis typis Colonienfis, sed re-
 vera in Hollandia, ubi e Gallia transfuga delitescerat, Petri
 Coddæi pseudo - Episcopi Sebasteni contubernalis, anno 1696. in
 lucem proferre non dubitavit Gabriel Gerberonius. Quem sane
 prostitutum Janfenistam, profligatæque verecondiæ hominem illud
 quammaxime prodit, quod ibidem productis Rom. Pontificum
 Bullis, Academiæ Parisiensis, Salmanticensis, & Compluten-
 sis gravissimis Censuris an. 1560, & 1567. adornatis, Synodi Me-
 chlinensis decreto an. 1570. edito, & Cardinalis Granvellani
 epistola ad Maximilianum Morillonum Vicarium suum, quibus
 omnibus Baji, & Hæselii doctrina atro carbone suggillatur, eam
 tamen vindicare non est veritus: quod retulisse, abunde refutasse
 est. Huc facit, quod de Francisco Cellaria in finibus Rheto-
 rum hæreses spargente comprehendi, severeque puniri iussu a
 Pio V, errores tamen ejuranti parcita ignis pœna, refert Gabu-
 tius lib. 3. cap. 12. Dignas quoque pro erroribus, quibus opuscu-
 lum præsertim sub hoc titulo *Actio in Pontifices Romanos, & eo-
 rum Affectus* inspererat, ac in vulgus sparserat, ab Aonio Pal-
 leario patria Verulano, ac Mediolani linguæ Græcæ, Latinæque
 magistro repetiit. Cæterum quæ de ignis supplicio Palleario con-
 sumpto ex fide sublesta Thuani lib. 49. legitur relatum in præfat.
 ad ejusdem Pallearii opera Amstelod. an. 1696. edita, non secus
 atque de Carnefecho, & Zoannetto eodem ignis supplicio inte-
 remptis a Thuano traditis, refellit Laderchius ad an. 1568. pag.
 202, & seq., ubi pag. 25. ipsius præcipua quatuor errorum capita
 describit. Datis ad hæc litteris ad Principem Honoratum de Sa-
 baudia Tendæ Comitem, Antonium Chiantam, & Innocentium
 Guinum, aliosque ab Episcopo Ventimiliensi indicandos com-
 prehendi, eidemque Episcopo debitis plectendos pœnis tradi ius-
 sit apud præcit. Annalistam ad an. 1569. pag. 204. Paulo III, &
 Pio IV. fucum facere aliquando licuerat Petro Carnefecho, Jo:
 Val.

Valdesii, Aloysii Priuli, M. Antonii Flaminii discipulo, ac Petri Vermilii, Galeazii Caraccioli, Victoris Soranzii, Apollonii Merendæ, Pauli Vergerii, Lactantii Ragnonis, Balthasaris Alterii &c. familiari; non ita tamen S. Pii V. perspicacissimam, fallere potuit fidem, quin infamis hæresis, cujus summa capita 34. numerat Laderchius ad an. 1567. pag. 327, justissimas dare poenas compelleretur. Hinc, post Heideggerum, Thuani hist. lib. 39. hanc maxime ex Theodoro Beza, & Georgio Bucchanano, hæreticisque aliis confarcinantis falsis de Carnefecho narrationibus fidem detrahendam omnem eodem loci ostendit Laderchius. Nec satis mirari subit, cur Shelhornium Carnifechi elogium recensere non depuduerit Amœnit. litter. tom. 10. pag. 1198. Quamquam ego quidem non miror de Bruy mendaciis, quibus narrationem istam inspergit hist. Pontif. tom. 5. pag. 6, quippe qui pessima maledicendi prurigne affectus de Concilii etiam Tridentini decretis, præsertim adversus Protestantes editis, obloqui non destitit tom. 4. pag. 668, & seq. At his posthabitis, Romam in jus petitus a Senatu Veneto Guido Zoannetus, homo sicuti librorum Lutheri, Melanchtonis, Bucerii, Oecolampadii, Brentii, Calvinii, Hermannii, Bodi, Vandiani, Erasmi &c. lectioni deditissimus, ita Ragnonis, Carnefechi, Endimii Calandræ, Petri Martyris &c. consuetudine delectatus, Patavii an. 1566. comprehensus, ac Romæ hæresum 38. capitibus convictus, quum pravis se abduxisset erroribus, commutata capitis poena, perpetuo carceri mancipatus est: de quo adeundus Laderchius ad an. 1566. pag. 97, & 1569. pag. 201, & seq. Denique ab Octavio Farnesio Parmæ, & Placentiæ Duce Johannem Galeazium Sanseverinum hæresibus a capite ad talos aspersum fidei Quæstitoribus tradi impetravit; atque a Philiberto Duce Sabaudicæ Johannem Thomam in carcerem jam conjectum ob hæreses debitis puniendum suppliciiis petiit apud Laderchium ad an. 1570. pag. 88, & seq.

Jam vero cum temporis angustia, tum tractationis amplitudine valdequam urgeor brevitate uti, utque dicendi modum aliquando faciam, ex innumeris, quæ de sequioris ætatis præclare in hanc rem a Romanis Pontificibus impensis operibus dicenda superflueant, pleraque quædam præterire, quædam verò pau-

ca in cumulum indigeste conferre. Itaque Gregorius XIII. infigni severitatis exemplo, quo ceteros intra recti, justique tranciem retineret, Gebhardum Truschesium Coloniensem Antistitem ad Calvinii errores delapsum Sacerdotio expoliavit. Religioni in Germania, Gallia, & Anglia reparandæ cura diligenti, ac Pontifice digna incubuit, de qua Famianus Strada de bello Belg. decad. 1. lib. 9, Spondanus ad an. 1580. n. 20, ac etiam Gregorius Læti in hist. Elizab. ad an. 1579. A Sixto V. severa, justaque, ut ut contra obloquatur Mezeræus epitom. Chron. tom. 5. pag. 335, & 383, ac seq., censura Henricum Navarræum, ejusque Patruelem homonymum Condæum Principem a noxa Religioni inferenda absterruit, & Henricum III. Franc. Regem ad bonam redintegravit frugem. Consulebis P. Calimirum Tempesti in vita Sixti V. tom. 1. lib. 10. Integrato quoque anathemate, de quo Pelletierius vit. Sixti lib. 8, Elizabetham prætensam Angliæ Reginam cum ob sævam in Catholicos motam persecutionem, tum ob iniquam Mariæ Stuartæ inlatam necem, tam Civilibus rebus, quam christianis Sacris abstinuit. Hanc porro virtute maculat Scotiæ Reginam ex odio catholicæ fidei capite fuisse condemnatam opinatur recte Benedictus XIV. de Beatif. & Canoniz. lib. 3. cap. 13. n. 10. Quam opinionem, præter ea, quæ suppeditant, documenta Cornæus in ejus vita, Robertus Turnerus de Maria innocente a cæde Darlejana, Belleforestus de ejusdem innocentia, Famianus Strada de vita, & morte Mariæ, aliique inter 16. Scriptores de vita, & rebus Mariæ Stuartæ recensiti a Samuele Jebb Volum. 2. edit. Lond. 1725; quibus jungendi Spondanus ad annos 1567, 1570, & 1587, scriptorque Anonymus de Mariæ Stuartæ supplicio, & morte pro fide catholica edit. Colon. 1587, præter hæc, inquam, ejusdem Reginæ confirmat epistola die 23. Novemb. 1586. ad Sixtum V. exarata, catholicæ fidei zelo, obedientiaque erga Apostolicam Sedem refertissima, qua vicissitudines suas, captivitatem, ærumnas, suam demum ad mortem pro catholica fide condemnationem, ardensque de Angliæ conversione desiderium exponit. Quam arte Gregorio XIV. infixæ cordi fuerit integræ in Gallia catholicæ Religionis custodiendæ, & ab adversis Navarræ Regis conatibus defendendæ sollicitudo, ostenditur

ditur a Spondano ad an. 1591. n. 4. Clementem VIII. quoque ar-
de tenuit observantia eorum, quæ adversus hæreses a Prædeces-
soribus suis fuerant optime constituta. Gallos ideo Episcopos
acriter objurgavit, quod Henrico IV. absolutionis impartiri be-
neficium non abstinuissent, ad unum id Pontificem spectare affir-
mans, relapsum Regem pristino juri cum Politico, tum Christiano
idoneum reddere: quem perinde fidem orthodoxam professum, ri-
tu solemni, de quo Spondanus ad an. 1597. n. 9, & seq., Pe-
refixus hist. Henrici IV. pag. 212, & Thuanus tom. 5. lib. 113.
§. 21. pag. 519, & seq., per Legatos suos Censuris solvit, ac Regno,
Communioneque restituit. Ad hæc litteris datis, missoque Hie-
ronymo Dandino Soc. J. Maronitis auctorem se dedit, ut quorum-
dam errorum, quibus fama deferente gentem laborare perceperat,
sincera fidei expositione suspicionem e vestigio omnem eluc-
rent; quod pro voto perfectum est: nam Synodo an. 1596. ha-
bita sub Sergio Petro Patriarcha, cujus acta ex Dandini libro de
Missionibus Apostolicis descripta in suum Concil. Suppl. tom. 5:
pag. 1213, & seqq. transtulit Mansius, tredecim erroribus sibi
imputatis toridem opposuere fidei capita, paullo post etiam in-
staurata a Josepho Petro altero Patriarcha, Synodi petita a Pon-
tifice confirmatione. Sed & de Malabarica Ecclesia Nestoriana,
hæresi conspurcata valde sollicitus, eandem expurgandi spartam
Menessio Goensi Archiepiscopo imposuit; qui ut Pontificis votis
faceret satis, Damperii an. 1599. habita Synodo, a Nestorianis
abductam erroribus gentem ad Christiana Sacra Romana in Eccle-
sia frequentata transduxit. Synodi porro hujusce acta, nec inte-
gra, Lusitanice primum ab Antonio de Govea an. 1606. Co-
nimb. evulgata, quorum etiam vestigium indicant Labbæus, &
Harduinus ex Possevino tom. 10. pag. 1929, Latine postmodum
edidit Romæ an. 1745, egregiis illustravit notis, eruditisque
adauxit dissertationibus Jo: Facundus Raulin Augustin., ex quo
demum eadem descripsit Mansius Suppl. tom. 6. pag. 3, & seqq.

Invalentes in America hæreticos, ac inter alios hunc in
vulgus disseminantes errorem: Statum universæ Ecclesiæ brevi ab-
rogandum fore, ac Clericorum auferendum cœlibatum, confirma-
to ad hoc Concilio Limæ in Peruvia celebrato an. 1583, cōhi-

bendos, prohibendosque curavit Paulus V, uti refert Gualterus in Chron. Sæcul. 16. apud Berninum hist. hæres. ejusdem Sæculi cap. 10. Flagrantissimum Gregorii XV. zelum afflictissimæ Catholicæ in Galliæ res, susque deque a Calvinistis perverfæ, non adeo occuparunt, absorpseruntque, quin incolumi in Italia tuendæ fidei Constitutione 28. strenue, seduloque incubuerit. Egregia P. Josephi Parisien. Capp. opera Richerium ad revocanda, quæ pessime scripserat de potest. Eccles., & polit. adegit Urbanus VIII, qua de re Guido Patinus, & Claudius Morisotus par. 2. in epist. 9. ad Curetum Canon. Lingon. Ingenti persusus gaudio Montacutium nobilem Anglum hæresi se abdicantem, obedientiamque deinceps omnem despondentem excepit: quo de factò Ephemerides Sapient. 9. Maji 1639. Ut erat vero integritatis fidei studiosissimus, Jansenii librum biennio ab ejus obitu, qui contigit an. 1638. die 6. Maji, in lucem eductum idest an. 1640, velut hæreses Baji a S. Pio V., & Gregorio XIII. prædamnatas instaurantem, Const. *In eminenti* an. 1641. confixit: quam postea vulgari præcepit Innocentius X. litteris inscriptis ad Mechlinensem, Cameracensem, Argentinensem, septemque alios Belgii Antistites, ad Guillelmum Leopoldum Archid. Austriæ, ad Belgii Præsidem, ad Doctores Sorbonicos, & ad Willelmum de Angelis Theologum Lovan. At enim pro justa, quam ex pestilentissimo libro indignationem ebiberat, idem Innocentius districto gladio, editaque an. 1653. Constit. *Cum occasione* quinque ex præfato libro decerptas propositiones diserte proscripsit, pari subinde censura perstringens Barchosii librum de Magnitud. Rom. Eccles., quo S. Petro potestate S. Paulum cœquare instituerat. Ad omnem amputandam deinde sive audendi ansam, sive fallendi fraudem, Alexander VII. duabus editis Constitutionibus an. 1656. *Ad Sanctam B. Petri Sedem*, & an. 1664. *Regiminis Apostolici*, præfatas quinque propositiones in sensu obvio damnatas intelligi oportere definivit, fideique formulam præscripsit, juxta quam prava illa dogmata execrari quisque deberet. Incredibile dictus, quas, & quantas hanc in utramque Constitutionem querelas, blasphemiasque effuderint Leydecherus in hist. Jansen., Anonymus de Statu Sedis Apostol. tom. 1. pag. 111, Quænellus in pace Clementis IX. pag. 116.

Du.

Duguetus in epist. die 25. Jul. 1724. ad Episcopum Monspelien , Auctor Catechismi hist. , & dogm. tom. 1. sect. 2. par. 1. art. 4. pag. 297, Jansenistæque longe plures alii, quibus tamen omnibus durissimum jampridem os obstruxere doctissimide schola Theologi, quos percerere supersedeo, unum indicans P. Josephum Sanfelicium Soc. J. adeundum in prolusione ad Jansenianam doctrinam ex Thomisticæ Theologiæ præceptis, atque institutis damnatam. Christinam Sueciæ Reginam, florentibus annis abdicato Regno, rejectaque Bruxellis hæresi, atque Romam, velut in Religionis domicilio tutissime demoraturam, de qua maledicere, tam falso, quam inique totum id animi levitati, ingenioque versatili, quo alioqui sibi haud satis de Religione constiterit, tribuens, non est veritus Brujus tom. 5. pag. 342, & seq., adventantem benigne recipere officio idem Pontifex habuit. Qui pari humanitatis blanditiæ Isaacum Pereyrum simul Calvinii partes, simul librum de Præadamitis ab se paullo ante elucubratum ejurantem, fideique professionem emittentem, venia facta, complexus est, & in Ecclesiæ communionem an. 1657. admisit. Præadamitarum hunc porro parentem, qui postea in epistola ad Philotimam suæ palinodixæ motiva plana reddidit, consutarunt Jo: Conradus Danhaverus libro edito sub hac epigraphæ: *Præadamitis Utis*, Eusebius Romanus (is est Philippus Priorius) in animadv. ad lib. Præadam., Natalis Alex. hist. vet. Test. tom. 1. dissert. 3. art. 1, aliique apud Niceronium Monum. tom. 12, & 20. Vicissim Franciscum Borrium brevi alteram fidem promulgandam, Ecclesiam alteram fundandam, & alterum Christum adfuturum spargentem, spondentemque ignominia, probroque affecit: quem postea Clementis IX. jussu Viennæ captum, ad ejurandos errores compulit tandem Clemens X. Jam vero Clementi IX. tam sincero Religionis studio jure vertitur, quod Formulario Alexandrino integrum suum manere robur jusserit, quam quod agendi quadam prudentiæ, oeconomixque plena ratione, ad Gallicanæ Ecclesiæ undeyiginti Episcoporum preces inflexus, quatuor refractariis Episcopis, idest Pavillon Electensi, Caulet Apamiensi, Choart de Buzanvel Bellovacensi, & Arnaldo Andegavensi, quibus ob denegatum obsequium Decessor suus jus, dicmque subiratus in.

dixerat, Apostolicæ Sedis gratiam restituerit. Quid igitur causæ fuit, cur de violata a Clemente IX. Formularii Alexandrini fide, remissoque cum Jansenistis rigoris jure jactabundi sibi adeo plauderent Auctores Catechismi hist. dogm. pag. 350, & Status Sedis Apost. tom. 1. pag. 145, & seq., Varet in relat. negotii istius, Quesnellus in pace Clementis IX, & Colbert Monspel. Episcop. in Pastor. instruct. super Formulario an. 1724, quasi nempe is a Prædecessorum judicio circa Jansenii causam deflexerit? Nisi quia præposterum ingenium suum fecerant rebus ipsis luce fulgentioribus offundere tenebras, aliorumque rectissima quæquæ intorquere.

In verbo quoque suo splendidissime mentitur Heideggerus hist. Pontif. par. 2. pag. 297, & seqq., dum V. Innocentium XI, quem multo alio nomine alioqui celebrat, non secus atque ipsius a laudibus abstinere neque sibi fas duxit Nodot in epist. 2. relat. de Curia Rom. pag. 169, erga Jansenistas affectu paullulum inflexum arguit ideo, quod humanitatis redundantes litteras dederit ad Arnaldum, & ad Gratianopolitanum Antistitem eadem aspersum labe. Qui enim tam de Religionis puritate gentium ubique retinenda se dedit sollicitum, quique Jacobo II. Romanæ avitæ Religionis in Angliam reducendæ, quocumque cum rerum dispendio, ac Ludovico XIV. Calvinistarum phalanges procul e Gallia profligandi, nec ingenti parito belli apparatu, acutissimos adjicere stimulos non destitit, puta, si ab uno, vel altero sublestissimæ fidei homine fieri sibi fucum pati voluerit, aut potuerit? At enim commenta sunt hæc, & calumniæ, (quarum, perinde simillimas a Refractariis quibusdam, suam ad Episcopos Belgii epistolam die 6. Febr. 1694. exaratam perversè interpretantibus, impudenter afflatas doluit quammaxime Innocentius XII. altera in epistola die 24. Novemb. 1696. ad eisdem Belgii Antistites apud Harduinum tom. 11. pag. 158.) quibus dispungendis operam ludere mihi religio est, ne otio abuti meo, & alieno videar. Illud mea interest magis heic non tacere, quod ejus haud parvam vergit in laudem, ab Innocentio XI. an. 1687. Constit. 191. *Celestis Pastor* Quietistarum turpes errores a Michaeli Molinos inventos, sive nefandissimas instauratas Sectas Intelligentium,

tium, & Illuminatorum, in iisque redivivos veteres quam dogmatibus, tam moribus dehonestissimos Gnosticos, & Turlupinos, ignominioso fuisse stigmate inustos. Qui ei postea successit, Alexander VIII, dum adhuc Brixiensem administraret Ecclesiam, Pelaginos quoque, novam Quietistarum propaginem, extirpare, acutumque extinguere satagit. Bene perinde, optimeque se habuit, quod eosdem Quietistarum errores, sæpius excisos, sæpiusque reviviscentes, ac non multo post in libro D. Francisci de Salignac la Mothe - Fenelon Archiep. Camerac. Gallice inscripto *Explications des Maximes des Saints* n. 23. recoctos, Bossuetio deferente, Gallisque sollicitantibus Episcopis, Innocentius XII. Decreto *Cum alias* an. 1699. die 12. Mart. edito condemnavit. Quo ego loci parvi admodum pendo Isaaci Larrey querelas inhist. Ludovici XIV. tom. 7. pag. 136, & seqq., quibus imbecillitatis, ignaviæque, proprii velut juris, decorisque oblitæ, Gallicanos coarguit Episcopos, ideo quia uni Pontifici causam hancce, quæ per ipsos fuisset finienda, definiendam integram detulerint, ac permiserint. Ecquis enim æqui, justique æstimator ex hæcenus dictorum hoc §. serie satis non percipit, quam supino in errore Sycophanta hic obversetur, dum Pontifici adimit, totum Episcopis tradit iudicium de re, circa quam contra ipsum tota retro pugnat Antiquitas. Cæteroquin etiam Pontificium hoc iudicium tanto in pretio habuit Illustriss. Antistes damnati libri auctor, ut præclaro obedientiæ, humilitatisque exemplo, Pastoralis mandato eodem anno edito librum suum legi, aut retineri prohibuerit, seque integre ex animo, submississime, ullaque absque restrictione, Pontificio adquiescere iudicio professus sit. Ut erat etiam avitæ Religionis retinentissimus Clemens XI, ejusque rationes in Gallia sustinendi cupidissimus an. 1703. die 12. Februar. decreto edito celebrem Conscientiæ Casum atro carbone notavit. Anno 1705. die 16. Julii Constit. *Vincam Domini* edita illudendi Constitutionibus Innocentii X, & Alexandri VII. ansam Janfenistis omnem eripuit. Die 27. Mart. 1708. Portum Realem de Campis, locum Janfenistarum coitionibus infamem, decreto altero abolevit. Eodem anno die 13. Jul. libro Reflexionum Quesnelli infamiæ dicam inflixit. Brevis duplici die 18. Jan. 1710. Tractatum de origi-

ne Regaliæ ab Andoult adornatum, & Pastoralem Instructionem ab Episcopo S. Pontii adversus Constit. *Vineam Domini* editam nigro confixit theta. Lyræ meræ, & gerræ sunt autem, quas hoc frustra loco fundit Larrejus tom. 9. hist. Ludovici XIV. pag. 377. Parisiensis Curia laudibus celebrans zelum quam præposterum, tam præfactum, quo Pontificium utrumque Breve obliterandi licentiam sibi arrogavit. Quis enim frugi hujusce genus moretur homines ingenio tam facili præditos ad propriæ facultatis præli- center, æquitatis quinimo prætergrediendos fines, quam prurigi- ne in Pontificiam irrumpendi potestatem affectos? Post hæc cele- berrima Constit. *Unigenitus* die 8. Septemb. 1713. ex Quæsnelli libris decerptas 101. propositiones justissima proscripsit censura, intercepta cuicumque prohibitos hosce libros defendendi, ac le- gendi facultate. Pietate denique sua, & dexteritate idem Ponti- fex tenuit, ut par nobile Principum, Antonius Ulricus Dux Brun- vicensis, & Fridericus Augustus Saxonie Elector, disruptis tan- dem, ut Superis placuit, Lutheri laqueis, ad Sacra nostra transi- rent. Violatæ religionis Apostolicæ Sedis dignitati, auctoritati- que debitæ vindex acerrimus Innocentius XIII. septem Gallia- rum Episcoporum Francisci Caillebot de la Sale Tornacensis, Jo- Baptiste de Verthamont Apamiensis, Johannis Soanen Senecen- sis, Caroli Joachimi Colbert de Croissi Monspelienfis, Petri Langlet Boloniensis, Caroli de Caylus Antiodorensis, & Michae- lis Castagnet de Tilladet Mariscconensis Epistolæ ad injuriam Con- stitutioni *Unigenitus* consilandam instructæ ignominia stigma die 24. Mart. 1722. inussit. Qua perinde infamiae nota Consultatio- nem 50. Advocatorum Curia Paris. contra jus dictum in Conci- lio Ebredunensi an. 1727. adversus Johannem Soanen Episcopum Senecensem affectit die 9. Jun. 1728. Benedictus XIII. Quibus omnibus haud impar zelo irrogatas Apostolicæ Sedi ulciscendi in- jurias, indeque effusa in tuto collocandi Oracula, Benedictus XIV. complures spiritu haud absimili schismatis, hæresisque im- butos libros obelo denotatos igni delendos addixit, devovitque: inter quos libros duos Gallice inscriptos *Lettres avec ces mots La- tins: Ne repugnatæ vestro bono* &c. Lond. 1750; alterum quoque sub hac ephigraphæ: *La voix du Sage, & du Peuple* Amstelod.

eodem anno Const. 37. *Cum sicut* die 25. Jan. 1751. Bullar. tom. 3. pag. 311; libros item alios, quorum uni titulus hic: *Apologie des tous les jugemens rendus par les Tribunaux Seculiers en France contre le Schisme &c.* 1752. Const. 7. *Militantis Ecclesiæ* die 20. Novemb. 1752; alter vero a Patre de la Borde Orator. adornatus hanc præfert inscriptionem: *Principes sur l'essence, la distinction, & les limites des deux Puissances Spirituelle, & Temporelle*, Const. 44. *Ad assiduas* die 4. Mart. 1755. tom. 4. pag. 39, & 266. Post hæc autem, quorum adhuc plurima dabo paullo infra Art. seq., quo loci dicere accingar de libris, ac propositionibus frequentissime a Romanis Pontificibus damnatis, quis adhuc dubitet indeficientis fidei privilegio, supremæque potestate Romanum petfrui, defungique Pontificem, cujus ad partes attinet de cunctis a fide deviis irrefragabile ferre judicium, quo in proferendo nullus Pontificum unquam latum vel unguem a veritate deflexit, prolatoque ita omnes adquiescere oportet, ut nemo unquam impune, ingentique absque piaculo ab eo desciverit? Dubitet, per me licebit, Judæus Apella, dubitet insanus Heterodoxus, non dubitem ego, nec mecum dubitaverit, quisquis Catholico vere censi nomina velit, & delectetur.

Nihilotamen minus obstrepere hæcenus dictis non cessant, objicereque adversæ opinionis patroni, ac Bossuetius præsertim Defens. declar. lib. 14. cap. 1, sola Ecclesiarum, sive Episcoporum unanimi consensione fidei dogmata loco stabiliri tute suo, insurgentesque per loca hæreses procul abigi: sive interea consensus istiusmodi tacitus sit, sive expressus verbis, aut scriptis, in Concilio, aut extra Concilium, juxta auream S. Augustini regulam in epist. 55, olim 119. cap. 19: *Ecclesia Dei ea, quæ sunt contra fidem, vel bonam vitam non approbat, nec tacet, nec facit.* Et certe sicuti sine Conciliis, ita sine speciali Rom. Pontificis definitione complures olim hæreses fuisse damnatas, solo nempe Episcoporum consensu aut tacito, aut expresso, ex sola Eusebii lectione abunde liquet. Ita namque lib. 3. hist. Eccl. cap. 26, & seqq. Menandrum, Ebionem, Cerinthum, & Nicolaum; lib. 4. capp. 7, 11, 29, & seq. Saturninum, Basilidem, Carpocratem, Valentinum, Cerdonem, Marcum, Tatianum, & Bardesanum; & lib. 5.

& lib. 5. cap. 13, & seqq. Apellem, Potitum, Syrenum, Callistonem, Montanum, Theodotum, Themisium, Alexandrum, harumque simillimas pestes alias ab Ecclesia projectas tradit, quin peculiare, aut a Concilio aliquo, aut a Pontifice latum adversus hæreses illas decretum depromat. Concilia etenim, quæ primitus comprimendis, præfocandisque hæreticis habita fuerint, ea sunt, quæ contra Montanistas, sive Cataphrygas coacta ex Apollinari Hierapolitano idem Eusebius lib. 5. capp. 16, & 19. memorat: nam id ante temporis in more positum erat, quod perinde integrum mansit, ut si qua in Ecclesia suborta hæresis fuisset, eam protinus Episcopus Dioecesanus pro officii parte primus configeret, ac deinde Encyclicis feriendam, fugiendamque ceteris denunciaret Ecclesiis. Cujus rei documento sunt litteræ S. Serapionis Episcopi Antiocheni de Cataphrygum hæresi apud Eusebium lib. 5. cap. 19, & S. Alexandri Episcopi Alexandrini de hæresi Arii apud Theodoretum lib. 1. hist. Eccl. capp. 2, & 3. Unius vero Pontificis Romani peremptoria sententia hæreses neutiquam proscribi duo docent. 1, Quod etiam post solemniter latam a Pontifice M. sententiam, adhuc tamen de hæresibus, ac de hæreticis quæstio frequens in Conciliis, qua Generalibus, qua Provincialibus fuerit instituta. 2, Quod antequam a Pontifice ejusmodi in hæreticos sententia e Cathedra proferretur, sæpissime ab Episcopis, in Conciliis præsertim, fuerint prædamnati. Quibus palam sit, id juris commune, propriumque Episcoporum constantissime esse; quo sit proinde, ut nonnisi eorumdem omnium consensu, cui pariter seu antecedit, seu accedat Pontificis M. assensio, fidei decreta invictum firmitatis robur accipiant.

Age vero, objectum hoc utrumque factis, exemplisque hisce ferme confirmare, ac persuadere Adversarii conantur, ac primum quidem congestis hoc prope modo ex historia Ecclesiastica monumentis. Quartadecimanos etsi a S. Victore damnatos, iterato tamen judicio condemnatos fuisse in Conciliis Cæsareensi apud V. Bedam de Aquin. Vern., & Bucherium de doctrin. temp. pag. 469. Lugdunensi, Pontico, Osroeno, & Corinthiaco apud Eusebium lib. 5. cap. 23, & seqq., & Synodicum tom. 1. 1. Bibl. Græcæ Fabricii pag. 189, & seq. adparet. Quamquam a S. Eleuthero Cata-

phry-

phrygibus Ecclesiæ aditus fuisset interdictus, non officit id tamen, quo minus a ferendo in ipsos novo damnationis iudicio Phrygiæ, Galatiæ, & Ciliciæ Episcopi in Conciliis Iconiensi, & Synnadenſi (anno non utique 258, ut Baronio, & Binio, nec 256. ut Labbæo, nec 235, ut Harduino, & Fabricio visum est, sed anno 215, uti verius Vallesius, Pagius, Cavæus, & Cacciari existimant) laud abstinerent apud Firmilianum in epist. ad S. Cyprianum inter Cyprian. 75. Novatianum anno 251. ex Ecclesia S. Cornelius eiecerat: at in Nebulonem istum anathematis tela instauranda non dubitarunt Synodi Carthagenensis sub S. Cypriano an. 252. epist. 55. ad S. Cornel., & Antiochena sub S. Demetris anno 253. apud Eusebium lib. 6. cap. 35. vers. Russi. Sabelium sive a S. Victore, juxta Synodicum, sive a S. Sixto II, juxta Baluzium, prædamnatum, in Synodo Alexandrina anno 258. a S. Dionysio abdicatum refert Auctor Synodici apud Fabricium, pag. 192. Donatistas etsi, Cæciliano absoluto, condemnasset S. Melchisedes, causæ tamen examen in Synodo Arelatenſi seq. anno instauratum est. S. Silvestri vicibus probabilissime indutus Osius Cordubensis tametsi damnationis jam telum in Arium intorſisset in Synodo Alexandrina an. 321, nihilominus iterato hæreticum hominem confodere fulmine Nicæno Concilio religioni, officioque fuit. In Concilio Romano an. 349, velut ex S. Hilarii fragm. pag. 25, & 27. augurari fas est, a Liberio Christianis interdictus Sacris Photinus, secundo in Concilio Sirmiensi eodem anno, in Mediolanensi an. 355, in alteroque Sirmiensi an. 357, de quibus S. Hilarius de Synod., & in fragm., S. Athanasius de Synodis pag. 900, Socrates lib. 2. capp. 29, & 30, & Sozomenus lib. 4. cap. 6, post quos Pappus in Synodico cap. 50, Petavius in Not. ad S. Epiphanium pag. 307, & seq., ac in dissert. de Photino apud Labbæum tom. 2. pag. 729, Sirmondus in Diatriba tom. 4. oper., & Petrus de Marca in dissert. 10. ad calcem oper. de Concord. Ab eodem Liberio, subindeque a S. Damaso in Pneumatomachis fuerat prædamnatus error Spiritui S. Divinitatem abjudicans: qui perinde in Synodo Illyriciana profligatus est apud Harduinum tom. 1. pag. 794, nec non in Constantinopolitana I. an. 381. Jo-
viniano in Romana Synodo an. 390. ignominie notam inusserat

S. Siricius : sed ille eodem hæresis nomine subinde habitus est in Synodo Mediolanensi a S. Ambrosio tom. 2. ipsius oper. edit. PP. Bened. pag. 963. Postquam a S. Innocentio I. Pelagiana hæresis , perindeque a S. Zosimo fuisset proscripta , eadem nihilosecius de caussa multoties convenire in Concilia Episcopis officio , religio- nique cessit , ut in Hierosolymitanum an. 416 , ut in Carthagi- nense an. 417 , ut in Verolamienſe an. 446 , aut verius 429 , de quo V. Beda hist. Angl. lib. 1. cap. 17 , S. Prosper in Chron. ad an. 426 , & Constantinus in vita S. Germani Antistod. lib. 1. cap. 19 , ut in Britannicum alterum an. 449 , de quo V. Beda cap. 213 , & Matthæus Westmonast. ad eundem annum , & in alterum Britannic- um an. 519 , de quo Wilkinsius tom. 1. pag. 8 , & ex ipso Man- sius Suppl. tom. 1. pag. 403. Nestorius a S. Cælestino an. 430 , & seq. de fide postulatus , indignusque habitus , qui tam illustrem in Ecclesia locum occuparet , in Synodo tamen Ephesina subinde iterato experiri iudicio debuit . Justissimas S. Leonis M. jam Eu- tyches incurrerat iras , quin id tamen impedimento esset , quo- minus secunda damnationis sententia in Conciliis tam Constanti- nopolitanis an. 448 , & 450 , de quibus acta S. Abundii Comensis Episcopi apud Surium die 3. April. , quam in Chalcedonenſi an. seq. percelleretur . Quid autem quod S. Leonis epistolam ad Fla- vianum , in qua de Incarnationis Divino Myſterio prope divine edisseruerat , ab Episcopis cum Gallis in Synodo Arelatenſi an. 451 , uti suspicatur Sirmondus , tum Italis in Synodo Mediola- nensi an. 452. S. Eusebio duce ad lancem expensa legitur ? In Pe- trum Fullonem lata fuerat a S. Simplicio , confirmataque a S. Fe- lice III. depositionis sententia : quam nihilosecius repetitam in Concilio Antiocheno an. 472 , & Constantinopolitano an. 478. in- tueri licet apud Scriptorem gestorum de nomine Acacii tom. 4. edit. Labb. pag. 1079 , & Liberatum Brev. cap. 18 : quam in rem conferre etiam juvat Valesium in dissert. de Petro Gnaphæo ad calcem hist. Theod. , & Evag. pag. 177 , Sirmondum in Not. ad epist. 3 Alcimi Aviti , Tillemontium tom. 16. pag. 375 , & 687 , Du- Cangium , & Svicerum V. *1714* 7109 .

Innumera horum simillima documenta hæreticorum , quos post expertas Pontificum iras , experiri iudicio apud Episcopos ite-

iterum oportuit, Ecclesiastica sequioris ætatis historia suppedita t. Enim vero Acacii causa ventilata plus vice simplici fuerat a S. Felice III, Gelasio I, Anastasio II, Symmacho, & Hormisda; quin tamen causæ defuerit, cur eadem postea ad incudem revocaretur in Synodis Illyriciana an. 516, Constantinopolitana anno 518, Hierosolymitana, & Tyria eodem anno apud Synodicum pag. 235. & seq. edit. Fabricii tom. II. Bibl. Græcæ, & Act. 5. Synodi Constantinopolit. an. 536. sub Menna: in qua, non secus atque in Hierosolymitana eodem anno contra Acephalos, & Theopaschistas jampridem intorta a SS. Hormisda, & Agapeto damnationis sententia instaurata legitur apud Pappum in Synodico pag. 237, & Frontonem Ducrum pag. 751. Origenistis infamiae dicam jamdiu conscripserant S. Anastasius I, & Vigilius: postmodum tamen contra eandem pestem, erroresque, quos recoquebant, congregata leguntur Concilia tum Antiochenum an. 538, seu verius 542. sub Euphræmio Antiocheno, de quo Synodicon apud Fabricium cap. 116. pag. 237, tum Gazense in Palestina an. 541, aut seq., de quo Liberatus cap. 23, & Cyrillus Scythop. in vita S. Sabæ, tum Constantinopolitanum an. 543. sub Menna, de quo idem Scriptor: quam in rem consulendi Garnerius in dissert. de Synodo V, & Mansius in dissert. de Synodis in Origenistas tom. 1. Suppl. pag. 425, & seqq. In Monothelitas etiam jam zelo exarsissent Severinus, de quo S. Maximus apud Sirmondum, Johannes IV, de quo Theophanes apud Goarium, & Theodorus, de quo prælaud. S. Maximus apud Combefisium tom. 2, & Anastasius apud Sirmondum, tom. 3. oper. pag. 528, ac Biblioth. PP. Lugd. tom. 12. pag. 831, sua tamen summopere interesse existimantur Episcopi qua Cyprii, qua Palæstini, qua Afri an. 643, & 646. indictis Synodis in illos pariter anathematis poenas distringere, quibus perciti a suis procul exularent Provinciis. Quinimo quamvis sæpe districtas in Monothelitas mortis sententiâs sæpius calculo similiter confirmassent suo S. Martinus I, S. Vitalianus, Adeodatus, Donus, & S. Agatho, tot Pontificum adhuc tamen decreta suffragio comprobanda suo duxere Concilia Mediolanense an. 679, de quo Harduinus tom. 3. pag. 1051, & seqq., Hedsfeldense eodem anno, de quo V. Beda lib. 4. cap. 17, & Scriptor vitæ Theodori Cantuar.

Sæculo II. Bened. pag. 1036, ac denique Synodus VI, sive Constantinopolitana III. an. 680, & seq. Quoribus, & a quor non Pontificibus S. Gregorio II, S. Gregorio III, S. Zacharia, Stephano II, S. Paulo I, Stephano III, & Hadriano I. de superiori veluti loco anathematis fulmine percussi Iconoclastæ sunt, sacrisque decretis Imaginibus cultus. Postquæ tamen Constantinopoli, non jam congregata Synodo contra SS. Iconum cultum, & contra tot Pontificum sententiam pugnatum dixerim, sed magis pro earumdem cultu, ac pro confirmanda eorumdem Pontificum sententia deliberatum scitur in Conciliis, ut neque dicam de Nicæno II, sive Generali VII, (de quo quæ scripsit in vita S. Platonis S. Theodorus Studites ad diem 4 April, in Act. Bolland. de pseudo-Synodo Iconomachorum perperam interpretata a Sirleto, & Baronio emendarunt Papebrochius, & Pagius ad an. 780. n. 3.) Hierosolymitano an. 750. sub Theodoro, de quo Pappus in Synodico cap. 140. pag. 248, & Antiocheno an. 781. sub Theodorito (non Theodoro, uti contra Baronium ex S. Ignatio in vita S. Tarasii ad diem 25. Febr., & Photio lib. de Synodis ostendit Boschius hist. Chronolog. Patriarch. Antioch. §. 71.) de quo Concilio S. Theodorus Studita lib. 2. epist. 294, & in Antirrhethico secundo pag. 124. apud Harduinum tom. 3. pag. 2060. De Constantinopolitano quoque an. 842. pro restituendo SS. Imaginum cultu consultor Theophanes in Orat. de S. Nicephoro apud Henschenium ad diem 13. Martii, ac Synodicon cap. 147. pag. 253. Hadrianus I. equidem Felicem Urgelitanum ad se perductum an. 792. hæresis infamia notaverat, atque ad errores abdicandos adegerat: ejusdem tamen de causa Francofordiense postea Concilium an. 794. indictum est, in quo una cum Elipando Tolitano iterum Felix pessimo hæresis nomine peritrius est. Quid etiam, quod eadem in causa Carolus M. de sententia Romanum Pontificum rogare non satius habuit, sed interrogare similiter Italix, Gallix, & Germanix Episcopos consultius duxit? Quem perinde in locum confer Capitulare Francoford. apud Baluzium tom. 1. Capitul. pag. 263. Sed & tertio damnatus a Leone III. idem Felix, quarto in Aquisgranensi Synodo an. 799. hæresim devovere compulsus est. Atque quidem pari ad devexiorem usque ætatem proceden-

do

do gradu , ita hoc ipsum ingerere , exaggerareque objectionis ca-
put pergunt , quæ fieri potuit , ut sui velut obliti , ab se prolatas
in hæreticos sententias toties in Synodis instaurari tot haud ægre
ferrent Pontifices , nisi quia nec adeo se supra omnes , omnemque
extra limitem efferrent , suumque præferrent omnium sensui ,
quin potestatis istiusmodi particulam non tam facerent propriam ,
quam cunctorum esse Episcoporum communem probe cognosce-
rent ? Ratione hac itaque permotus S. Leo IX. in Berengarium
ab se prædamnatum iterum animadverti a Conventu Brionenſi ,
ac Synodo Parisienſi tulisse haud invite præsumi debet . Pro-
scripserat secundo Sacramentarium hunc Victor II; sed non
propterea ab ingeminanda in eum censura destitit Synodi
Turonenſis , & Andegavenſis . Quasi vero neque satis Nico-
lai II. tertio in eum intorta sententia haberetur , ad huc Be-
rengarium anathemate feriendum adgressæ sunt Synodi Rotoma-
genſis an. 1063 , & Pictaviensis an. 1075. Diris eundem cunctis
devoberat quarto , & quinto S. Gregorius VII. an. 1078, & seq.,
post quem nihilominus illum audire Synodus Burdegalenſis an.
1080, fideique periculum facere non detrectavit , ac demum post
ejus obitum hæresim hancce confodere Placentina Synodus an.
1095. non abstinuit . Quid ad hæc vero , quod absque Synodo-
rum ope sententias ferre in hæreticos Pontificibus ipsiſ haud in-
more positum erat, quemadmodum , ut de ceteris ferme omnibus
taceatur , factum cum Petrobrusianis a Callisto II , & cum Hen-
ricianis ab Innocentio II. legitur ? Valdenses , & Albigenſibus
jampridem absque Concilii opera anathema dixerat Alexan-
der III; at enim illos damnationis iterata sententia percellere in
Conciliis Turonenſi an. 1163, Tolosano an. 1178, & Lateranen-
ſi an. 1179. idem Pontifex ; in Veronenſi an. 1184. Lucius III;
& in Lateranenſi an. 1215. Innocentius III. a quo pridem priva-
tis scriptis profligata eadem pestis fuerat, religioni, officioque du-
xere . Quin hæc tamen prohiberent , quominus in Synodis Oxo-
nienſi an. 1161, Lumbarienſi an. 1176, Senonenſi an. 1198, Pari-
ſienſi an. 1201, aliisque , de quibus dictum abunde paullo supe-
rius pag. 95 , & seq. , in profligatissimos illos Canonice integra-
rentur poenæ : item in Tarraconenſi an. 1242, Biterrenſi an. 1246,

Al.

Albienti an. 1253. &c. Beguardos, & Beguinæ etſi ſæpius infeſtati ſint Honorius IV, Nicolaus IV, Bonifacius VIII, Clemens V, & Innocentius VI, hæſce tamen ad excindendas peſtes congregari pariter non deſtitere Concilia Leodieneſe an. 1287. apud Lunigium Spicileg. pag. 573, Coloniaeſe an. 306. ibid. pag. 399, & apud Raynaldum ad eundem an. n. 18, & Tarraconeſe an. 1317. apud Martenium vet. Monum. tom. 7. pag. 305. In Jo: Wicleſſum & homonymum Huſſum acri jam cenſura iniuſtos a Gregorio XI, ac ſubinde ab Urbano VI, Alexandro V, & Johanne XXIII, non propterea ſua rum eſſe partium ignoravere nefandiſſimæ huic proſſigandæ hæreſi operam impendere Synodi Londinenſis an. 1382, Oxoniienſis eodem anno, Londinenſis altera an. 1396, Pariſienſis, & Pragenſis an. 1408, Londinenſis iterum an. 1409. apud Spelmannum tom. 3, alteraque an. 1413, Conſtantieneſis etiam an. 1414, Salisburgenſis an. 1420, Coloniaeſis an. 1423, Senenſis eodem anno, Gneſnenſis, Baſileenſis &c. Juſtiſſima Lutherum ſententia an. 1520. Leo X, an. 1522. Hadrianus VI, aliiſque ſubinde devinxerant Pontifices: quibus interea injuriam irrogatam iri non exiſtimarunt, ſi hæretico homini inſtauratas cenſuras inurerent, ſacra Facultas Pariſienſis an. 1521, Synodi Lanciſkienſis an. 1523, Meldeneſis eodem anno, Ratiſponenſis Conventus an. 1524, Lugdunenſis an. 1527. apud Martenium tom. 4. Theſau. Bituricenſis an. 1528, Senonenſis eodem anno, Moguntina an. 1538, Oſnaburgenſis, & Monaſterienſis eodem anno apud Surſum in Comment., ac Petricovieneſis an. 1542. Ex quibus omnibus illud conſicere adverſarii conſidunt, integrum jugiter in Eccleſia extiſſe, ut non una propulſandis hæreſibus Romani Pontificis deſideraretur ſententia, ſed Epiſcoporum præterea ſuperadderetur conſenſio, quæ ſæpe ſæpius in Synodis exprimi conſuevit, ex qua demum illa fidei exurgeret firmitudo, qua Chriſtiſideles ubique gentium obligarentur.

Quod nunc vero ad caput alterum pertinet, Juris, partiumque Epiſcoporum, in Synodis præſertim, eſſe communi ſuffragio fidei, morumque condere dogmata, legesque ſancire, rem eſſe putant omnem extra dubitationis aleam poſitam, ideoque nihil antiquius, nihilque frequentius, quam ab Epiſcopis in Synodis hæ-

hæreses profligatas legere. Ita potissime Natalis Alex. hist. Eccles. ad Sæcul. XI, & XII. in dissert. 8. Et quidem brevem ecce nobis objectam damnatarum in Synodis Syllogen. Principio itaque ex Prædestinato lib. 1. capp. 15, 16, & 23. hæresis nomine damnatos Heracleonem in Synodo Sicula an. 125, Colorbasum in Pergamensi an. 152, & Cerdonem in Orientali tradit Baluzius Sed hypobolimæo Scriptori haud facilem adhibendam fidem multa docent, de quibus dictum pag. 33, & seqq., de quove dubitat valdequam Pearsonius Opp. postum pag. 230, & seq. Dubio igitur dimisso Auctore, in Conciliis Hierapolitano sub Apollinari an. 173, & Anchialensi sub Sota damnatos constat Montanum, & Theodotum ex Synodico capp. 5, & 6. apud Fabricium tom. 11. Bibl. Græcæ pag. 187, & Eusebio lib. 5. cap. 16; atque in Montanum confirmatum anathema in Synodo Gallicana memorat idem Synodicon cap. 7. Valentinus an. 199. in Lugdunensi, de quo la Lati-de, Origenes in Alexandrino an. 230, de quo Photius Cod. 118, Eusebius lib. 6. capp. 8, & 23, ac S. Hieronymus de Script. Eccles. capp. 54, & 62, ac Ammonius in Alexandrino altero an. 235, de quo Eutychius apud Labbæum tom. 1. pag. 1564, severa animadversione multati sunt. In Lambesitano an. 240. Privatus, in Bostreno an. circiter 243. Beryllus apud Eusebium lib. 6. cap. 33. Græc., & Noetus in Ephesino, sive alibi in Asia Proconsulari circa an. 245. apud S. Epiphanium hæc. 57. pag. 479. edit. Petav. Indictas indentidem Synodos Achajæ adversus Valesios anno circiter 250. memorat ex Prædestinato lib. 1. cap. 37. Baluzius; adversus Felicissimum an. 252. Carthagine tradit S. Cyprianus in epist. 55. ad S. Cornelium; Antiochiæ an. 253. adversus Novatum refert Synodicon cap. 23. pag. 192; adversus Nepotem, sive Nepotianum, & Cerinthum an. 263. Alexandriæ perhibet idem Synodicon cap. 25, sive in Arsinoite, uti scribit Eusebius lib. 7. cap. 22; Antiochiæ semel, & iterum an. 264, 269, & seq. adversus Paulum Samosatenum recensent Theodoretus hæret. fabul. lib. 2. cap. 8, Leontius lib. 3. contra Nestorium tom. 4. antiq. Le. Canisii, & Eutychius in Annal. pag. 396. Hoc ipso pessimo hæresis nomine proscripti leguntur passim in Conciliis Mesopotamico an. 277. Manes, de quo pag. 44; in Alexandrinis an.

317, sive 321, Arius, & an. 319, sive 324. Colluthus, de quo Petavius Theolog. Dogm. tom. 2. pag. 36, & seq., ac Tillemontius tom. 6. pag. 231; Eustathius in Gangrensi, de quo pag. 64, & seq.; Euphratas in Agrippinensi an. 346, de quo Tillemontius tom. 6. pag. 761, & seq., & Papebrochius ad diem 13. Maji in Mediolanensi an. 347. Ursacius, & Valens in Achaico Aetius an. 359, si fides Prædestinato apud Baluzium pag. 70, Saturninus Arelatensis in Parisiensi an. 360, aut 362, de quo Harduinus tom. 1. pag. 727. ex S. Hilario in frag.; Apollinaris in Alexandrino an. 362; Macedonius in Constantinopolitano eodem anno, de quo Chronicon Paschale, sive Alexandrinum, sive Constantinopolitanum, ut vult Raderus, pag. 294. edit. Du-Cangii; Priscillianus in Cæsaraugustano an. 381, iterumque in Asturicensi an. 447, de quo S. Leo M. in fine epist. 93, & in Bracarensi an. 561; Palladius, Secundianus, & Attalus in Aquilejensi an. 381, de quo S. Ambrosius in epist. 8. ad Syagrium tom. 2. edit. Bened. pag. 786, ac Vigilius Tapsensis edit. Chifletii pag. 485, qui acta illa a Vigilio confecta disputans refellitur ab Hermantio lib. 3. Vit. S. Ambrosii cap. 3; Eunomius in Constantinopolitano an. 383. apud Socratem lib. 5. cap. 10, ubi confer Valefium in Not. pag. 61, & Sozomenum lib. 7. cap. 12; Messaliani in Sideni eodem anno, in Constantinopolitano an. 426, ac in Seleuciensi Nestorianorum an. 576, relato ab Assemano Bibl. Orient. tom. 3. par. 2. pag. 183, apud Photium Cod. 52, & Theodoretum hist. Eccl. lib. 4. cap. 10. de quibus vide & Fabricium Bibl. Græcæ tom. 9. pag. 392; Instantius, & Salvianus in Burdegalensi an. 385, de quo Severus Sulpicius lib. 2, & S. Prosper in Chron.; Bonosus an. 389. in Capuano, & Illyriciano; Origenes an. 399. in Alexandrino, & Cypro, de quibus Socrates lib. 6. capp. 7, 9, & seq., Sozomenus lib. 8. cap. 14, & S. Hieronymus epist. 67, & 78.

Tritissimo isti mori, religiosissime in Ecclesia a primævis ipsius ævis retento, ut communi Episcoporum suffragio, collatisque mutuo in Conciliis votis, aut Encyclicis in Orbem exaratis ad unanimum conciliandum assensum, dogmata fidei definiuntur, adversæque devoverentur hæreses, tenacissime instituisse sequioris ætatis Ecclesiam ex Synodorum ordinata serie, quarum

ecce

ecce nobis ingeminatam Synopsim, abunde manifestatur. Ita enim ob hæresis labem intorta damnationis sententia legitur a Synodis Toletana an. 400, aut seq. in Symphosium, & Diſtinium, de quibus Pagius ad an. 405. n. 12, & seqq., a Carthagenensi an. 412. in Cælestium; a Hierosolymitana an. 416, sive Antiochena an. 418, juxta Mansium Suppl. tom. 1. pag. 297, in Pelagium; in Julianum Eclanensem a Cilici an. 423, de qua Marius Mercator in præfat. ad Symbolum Theodori Mopsvesti; in Diodorum Tarsensem, & Theodorum Mopsvestenum ab Armena an. 435. apud Liberatum cap. 10, & Facundum, de quo Baluzius pag. 942, ab Antiochena an. 438. apud Pappum in Synodico cap. 85. pag. 225, & a Mopsvestena an. 550, de qua in Collat. 5 Synodi V, ac in Synodico cap. 117, quam tamen ab illa diversam autumat Garnerius in dissert. de Synodo V. pag. 273; & in Prædestinianos ab Arelatenſi an. 475, & Lugdunensi eodem anno, de quibus confer Petavium de Incarn. lib. 13. cap. 7, Baronium ad an. 490. n. 18, Sirmondum tom. 1. Concil. Gall. pag. 148, & seqq., Tillemontium tom. 16. pag. 422, & Thomasinum tom. 1. ad Concil. dissert. 13. Neque magis propriæ auctoritatis se prætergredi terminos existimarunt Episcopi, dum suorum decessorum vestigiis in hærentes ad novas in dies erumpentes hæreses detruncandas Ecclesiasticum gladium, Conventu facto, distringere non dubitarunt: velut adversus Semipelagianos in Conciliis Arausicano, & Valentino an. 529, & seq. apud Hincmarum de Prædest. capp. 12, & 22. pag. 48, & 134, ac Harduinum tom. 2. pag. 1103; adversus tria Capitula in Constantinopolitano an. 548. apud Facundum lib. 4. capp. 3, & 4, ubi legendæ notæ Sirmondi, & Liberati cap. 24, ac videndus Baluzius Collect. Concil. pag. 1472; adversus Græcum hæreticum in Aurelianensi an. 634, aut 645, de quo S. Audoenus in vita S. Eligii Noviom. lib. 1. cap. 34. apud Dacherium Spicileg. tom. 5. pag. 147, edit. nov. tom. 2. pag. 76; & adversus Presbyteros quosdam Hispanos Eucharistiam in lacte conficiendam contendentes in Bracarenſi an. 675, apud Harduinum tom. 3. pag. 1032. Nec ab simili rigore juvis ob hæresis crimen æstum legitur cum Aldeberto, & Clemente in Synodis Sueſſionenſi an. 744, & Germanica an. seq., de quibus

Part. II. Tom. V.

T

S. Bo-

S. Bonifacius Mogunt. epist. 135. edit. Serar, conferendus etiam Fabricius in Codice Apocrypho nov. Testam. pag. 309, ubi de Epistola sub Christi nomine velut in Hierosolymam delapsa ab Aldeberto confecta differit; cum Felice Urgellitano in Narbonensi an. 788, de quo Baluzius ad Petri de Marca lib. 6. cap. 25; cum Amalario erroris circa Eucharistiam insimulato in Carisiaca an. 838. apud Martenium veter. Monum. tom. 9. cap. 649; & cum Goteschalco in Moguntina an. 848. apud Sirmondum, tom. 2. oper. pag. 1295, in Carisiaca an. 849, alteraque an. 853. apud Annal. Bertinianum. Dignas pariter pro suarum hæresum stultitia poenas in Conciliis pendisse occurrunt alii passim, uti Lifojus, & Stephanus (Glabro Heribertus) nuperi Manichæi in Aurelianensi an. 1017. apud Harduinum tom. 6. part. 1. pag. 8213 uti Gandulphus S. Scripturam, & Sacramenta inficiatus in Atrebatensi an. 1025. apud Dacherium Spicileg. tom. 13. pag. 1, & seqq.; uti Manichæi novi in Karrofensi an. 1028. apud Ademarum in Chron.; uti Wecilo Mogunt. in Quintilincburgenfi an. 1085; uti Roscellinus in Sueffionensi an. 1092, de quo S. Anselmus Cantuar. lib. de fide cap. 1, & lib. 2. epist. 35, & 41, Ivo Carnot. epist. 7. ad ipsum, & Theobaldus apud Dacherium tom. 3. pag. 142.

Istiusmodi perinde juris, receptissimæque moris documenta, & argumenta capere licet, obijcere pergunt adversarii, ex Synodis ad devexiorem usque ætatem hac de re habitis, in quibus apud Episcopos de hæresi, qui laborarent, solemni experiri iudicio compulsi sunt. Ita in Florentina an. 1105. Fluentius Urbis Antistes jam tum advenisse docens Antichristum apud Harduinum tom. 6. par. 2. pag. 1877; in Sueffionensi an. 1120, & Senonensi an. 1140. Petrus Abaelardus, & Arnaldus Brixiensis; Armeni in Hierosolymitana an. 1136, alteraque an. 1143, de quibus Wilhelmus Tyrius lib. 15. cap. 18; Bogomili, in quibus nominatim Niphon in Constantinopolitana circa an. 1140, Clemens, & Leoncius in Constantinopolitana an. 1143, & Cosmas Atticus in Constantinopolitana an. 1147. apud Leonem Allarium de Consens. lib. 2. cap. 12: quo pariter loci ex Cinnamo lib. 6. cap. 2, & seq. ac Niceta Choniata mentio occurrit Concilii Constantinopolitani an. 1166. habiti adversus Demetrium Lampenum, Jo-

han-

hannem Corcyrensem, aliosque, a quibus Alemanni tanquam cum Ario de Divina natura male sentientes falso, & inique fuerant accusati; Gilbertus Porretanus in Parisiensi an. 1147, de qua Otto Frising. lib. 1. de gest. Frider. cap. 50; Soterichus Pan-teugenus Antiochiæ Syriæ Hypopsephius, idest Episcopus electus, aliique docentes Divinum Sacrificium soli Patri, & Spiritui Sancto, non etiam Filio offerendum fore in Constantinopolitana an. 1154, de qua Allatius in vindiciis Synodi Ephesinæ pag. 582; Piphili, hoc est Albigenes in Remensi an. 1157. apud Martenium vet. Monum. tom. 7. pag. 74, & Mansium tom. 2. Suppl. pag. 490; Publicani, idest Valdenses in Oxoniensi an. 1161. ex Spelmanno tom. 2. Concil. Angl. apud Harduinum tom. 6. par. 2. pag. 1583. In Parisiensi an. 1170. propositio quædam Petri Lombardi virgula censoria notata legitur; & in altera an. 1201. Evraudum Militem Bulgarorum, idest Valdensium hæresi infectum ignis supplicio condemnatum referunt Robertus Antisiodorensis Prior Monasterii S. Meriani (non Mariani, uti Vossius, Harduinus, & alii) in Chron., & Petrus Vallis-Cernenfis hist. Albig. cap. 3. Anno 1209. in Parisiensi cum Aristotelis libris quibusdam damnata impia Almarici dogmata, Magistri David libros, Gallicosque alios de Theologia igni devoros ex Rigordo, & Cæsario Heisterbachienfi memorat Harduinus tom. 6. par. 2. pag. 1991, & seqq. In Arelatenfi an. 1260. Joachimi Abbatis doctrina quædam suggillata habetur: de quo confer præter alios, qui ipsius, non secus atque S. Malachiæ tributa, vaticinia refellit, Claudium Franciscum Menestrierium Soc. J. in singulari libello edit. Paris. 1689, & Papebrochium tom. 7. Maji ad diem 29. pag. 134, & seq., agit etiam copiose Jo: Wolfius Lectionum Memorab. tom. 1. pag. 443, & seqq. Quid vero quod a Sacra Parisiensi Facultate nigro lapillo notatæ propositiones quædam leguntur? Et quidem aliæ n. 10. an. 1240; nonnullæ n. 13. & Philosophorum Ethnicorum fœdis haustæ lacunis an. 1270; aliæ quoque, cum plerisque libris an. 1277, de quibus Bibliot. PP. tom. 4. pag. 1231, ac Raynaldus ad an. 1270. n. 38, & 1277. n. 9. Palamitæ, hoc est Melsaliani novi, repetitis vicibus damnationis sententiam apud Græcos subisse leguntur, in Synodis

sempe Constantinopolitanis an. 1341. adversus Barlaamum, anno 1345. adversus Gregorium Palamam, an. 1347. adversus Jo: Calecam, & an. 1351. adversus Nicephorum Gregoram, de quibus Allatius de Conf. lib. 2. cap. 16, Johannes Boivin in Not. ad Nicephorum Gregoram pag. 790, ex Combessii tom. 2. Auct. pag. 135, & seqq. Harduinus tom. 11. pag. 283, ac Fabricius Bibl. Græcæ tom. 10. pag. 454. Nicolai de Mercuria propositiones ab Universitate Parisiensi an. 1347. proscriptæ, nec non Guidonis Parisiensis ab ipso postmodum ejuratæ an. 1354. prostant legendæ Bibl. PP. tom. 4. pag. 1320, 1323, & 1331. Errores alios n. 30. in Anglia disseminatos in Concilio Lambethano an. 1368. damnatos ex Spelmanno tom. 2. Collect. Angl. describit Harduinus tom. 7. pag. 1863. Ægidius Cantor, & Guillelmus de Hildermissen novæ hæreseos, Intelligentiæ dictæ, structores an. 1411. a Petro Alliaceri Archiep. Cameracensi proscripti sunt, quo coram Guillelmo palinodiam recinuisse habetur apud Balutium Miscell. tom. 2. pag. 277, & Mansum in Not. ad Raynaldum eodem an. n. 11. Jungellinum quemdam impostorem plebi suadentem Episcoporum, ac Sacerdotum despiciere, negligereque imperia, decumas non persolvere, Principibus vectigalia non pendere, aliaque id genus politiæ cum Ecclesiasticæ, tum Civili noxia, a Rodulpho Herbipolensi Antistite flammis condemnatum tradit corvus Auctor Chron. Misnensis ad an. 1475. apud Menkennium rer. German. tom. 2. pag. 363. Johannem Ruchardum Moguntia ad errores, quos divulgabat, revocandos, nulla Pontificis interveniente facultate, adactum fuisse referunt Trithemius in Chron. Hirsaug., Spondanus, & Raynaldus ad an. 1479. n. 33, de quo videri etiam potest Jo: Maria Perimezius in dissert. Eccles. par. 1. dissert. 4. de Conciliis sub Sixto IV. celebratis. Edmondi Richerii liber de Eccles., & polit. potestate in Synodis Senonensi, sive Parisiensi sub Cardinali Peronio, & Aquiseptiensi sub Paulo Archiep. an. 1612. obelo confixus legitur apud Harduinum to. n. 11. pag. 58 Denique Jansenistarum partium celebrem patronum Johannem Soanen Episcopum Senecensem an. 1727. Synodi Ebredunensis sententia Sacris interdictum, exspoliatumque Sacerdotio scitum est. Quæ omnia a primo

ulci-

ultimum eo consuevit, ut planissimum efficiant, quod neque insigni absque piaculo inficiari quis poterit, ad Episcopalis partem juris pertinere, fidei causas cognoscere, de eisdem iudicium ferre, hæresibus ignominie dicam infligere, inque hæreticos Ecclesiasticis pœnis animadvertere: ideoque, ita concludunt adversarii, non fuisse, cur ex istiusmodi particula juris uni Pontifici M. adserta præter rem alterum præterea haud inferius indefectibilitatis hoc est in fide, potestatisque supremæ privilegium illi præ aliis peculiare exculperetur.

At enim repono principio vicissim ego Adversarios prolixa ista argumentatione nihil proficere, quin etiam ita argumentando imprudenter sibi met jugulum petere, quia nempe argumentum ultra, quam velint Adversarii ipsi, procedit, ac ultra quam oporteat, nimium oppido probat, eodemque ideo ipsos pariter valdequam urgeri. Enim vero in eorum sententia etiam ratum, fixumque stat illud 1. Quæstionibus fidei finiendis, hæresibusque procul eliminandis satis esse, superque Ecclesiæ in dispersis Episcopis consensum sive expressum, sive tacitum imo 2. Quæstiones fidei semel a Generali Concilio finitas, hæresesque ab eo proscriptas nefas esse novo supponere examini, instauratoque discutere iudicio. Quibus loco positis, jam sic 1. in Adversarios propositum instaurare argumentum præsto est, ac pronum. Concilium ante Nicænum in Arianæ hæresis execrationem universa conspiraverat jam Ecclesia, scilicet S. Alexandro Episcopo Alexandrino, qui Arium anathemate devinxerat, Encyclicis admonitæ ubique adhæserant Ecclesiæ, uti Romana, de qua loquitur Liberius in epist. ad Constantium Imperat. apud S. Hilarium in frag. 5; uti Constantinopolitana, de qua fidem facit præl. S. Alexander Alex. in epist. ad Homonymum Constantinopolit.; ut Ægypti, Thebaidis, Libyæ, Peniapolis, Syriæ, Lyciæ, Pamphylæ, Asiæ, Cappadociæ &c., quarum ibidem occurrit mentio: verbo Ecclesia omnis sive Orientalis, sive Occidentalis, perpaucis exceptis, velut expresse testatus est S. Athanasius in epist. ad Jovinianum Imper. Quorsum igitur in Nicæno Concilio quæstio ad incudem est revocata, deque Arii damnata jam doctrina est iterum disputatum? Ante Constantinopolitanum I. adversus Macedonium adserta jam pridem fuerat,

rat, vindicataque Spiritus S. Divinitas in Synodis Romana sive a Liberio, uti scribit Sozomenus lib. 6. cap. 22, sive, ut alijs magis arridet, certissime a S. Damaso; in Gallicana, & Veneta, quarum vestigium adparet in Synodica S. Damasi ad Orient. apud Holstenium Collect. Rom. pag. 265, & in epist. Valentiniani Imperat. ad Asianam Diocesim; in Alexandrina post reditum S. Athanasij an. 362, ut habetur ex ipsius Synodica ad Antiochenos tom. 1. pag. 574; in Illyriciana an. 372, aut inseq., qua de Epocha Pagius ad an. 365. num. 10.; ab Episcopis Diocesecos Asianæ, Phrygiæ, Carophrygiæ, & Pacatianæ, ad quos scripta Synodica Illyriciani Concilij cum præcit. epistola Valentiniani Imper. ad eosdem Episcopos extat apud Theodoretum lib. 4. capp. 8, & 9, & Nicephorum lib. 2. cap. 30; ab Episcopis Italiæ sub S. Damaso congregatis, a quibus data legitur epistola Synodica ad Episcopos Illyrici, & quidem ante quam hi in Synodum convenissent, ut ostendit Pagius loco præcit., & ad an. 369. n. 5., & seqq., legenda apud Sozomenum lib. 6. cap. 23, & Theodoretum lib. 2. cap. 22; ab Episcopis Orientalibus, qui an. 378, aut seq. Antiochiæ in Synodo ingenti numero congregati Synodicæ S. Damasi ad Paulinum, ubi disertis verbis tribus Divinis Personis Consubstantialitas decernebatur, syngrapham adjicere suam religioni duxerunt, apud Theodoretum lib. 5. cap. 11, & Epiphanium Scholast. hist. tripart. lib. 9. cap. 16: ut jure propterea optimo Galliarum Episcopi an. 1653. Innocentio X. scribentes affirmare non dubitarent Decreta adversus Apollinarium, & Macedonium nondum ab ulla Synodo Oecumenica damnatos a S. Damaso paullo antea edita Divinam æque, ac summam universam obligandi Ecclesiam obtinuisse auctoritatem. Quid itaque causæ fuit, cur Constantinopolitanum postea haberetur Concilium? nisi ea æqui, bonique fiat, quam attexuit Sozomenus lib. 7. capp. 7, & 9., ut Pneumatomachi videlicet fidem profiteri compellerentur, cujus formulam quondam per Legatos suos, e Synodo Lampfacena scilicet directos, Liberio P. M. exhibuerant, sive potius Formulæ fidei ad Paulinum jampridem a S. Damaso inscriptæ plene adquiescere cogerentur. Neque sane vel leve quidquam sive Liberii, sive Damasi potestati supremæ detractum ideo est, quod ab ipsis decre-

ta in Constantinopolitano I. Concilio deinde fuerint comprobata: quo modo Nicænæ Synodo derogatum est nihil, quamvis fidei Symbolum ab eadem adornatum a Concilio eodem Constantinopolitano fuerit sive confirmatum, sive adactum.

In Nestorium jactæ a S. Cœlestino sententiæ adhæsisse statim Italiæ, Galliæ, Hispaniæ, Africæ, Ægypti, Illyrici, Macedoniæ, verbo Orientis, Occidentisque ubique gentium Episcopos, nequidem iis quinque super triginta, qui non tam cum Nestorio amicitie necessitudine magis erant conjuncti, quam ad Johannis Antioch. nutum pendebant, exceptis, documento sunt plane epistolæ S. Cœlestini ad Johannem Antioch., Juvenalem Hierosolymit., Rufum Theffal., & Flavianum Philipp. apud Harduinum Concilii Ephesini par. 1. cap. 16. pag. 1523; S. Cyrilli Alex. ad S. Cœlestinum 8. edit. Cout., Synodica e Concilio Alex. ad Nestorium apud Lupum epistol. Cassin. cap. 1. pag. 13. tom. 7. oper. edit. Ven. 1726, & Harduinum cap. 4. pag. 1283; Capreoli Carthagin. ad Synodum Ephesinam act. 1. pag. 1419; Johannis Antioch. ad Nestorium par. 1. cap. 15. pag. 1327; ac Synodica ejusdem Concilii Ephesini repetita ad Theodosium, & Valentinianum Imperat. pag. 1582, 1591, & 1611. Nihilotamen minus ab Ephesino Concilio de Nestorio adjudicatum est iterum, in eumque integratum anathema, secundum tenorem sententiæ tamen a S. Cœlestino prolata, Concilioque ipsi præscriptæ, cui siquidem dispersi Episcopi jam adhæsisserant, nec congregatis refragari licuit. S. Leonis M. judicio nedum, sed Ecclesiæ universæ consensione jam damnatus hæresis nomine Eutyches habendus erat: in ejus etenim damnationem ultrocitroque unanimi consensu conspiraverant Ecclesiæ, Alexandrina, cui dubio procul acceptæ pridem fuerant Synodica S. Cyrilli cum ad Nestorium, tum ad Orientales, quibus Eutychetis error anticipato judicio confixus fuerat, quæque Act. 2. Synodi Constantinopolit. sub Flaviano relectæ, Act. 1. Chalcedonenſis insertæ leguntur apud Harduinum to. 2. pag. 115. & seq.; Constantinopolitana in Concilio ann. 448. sub Flaviano coacta, cujus acta celeberrima ad Flavianum epistola S. Leo confirmavit, eidemque subinde subscribere epistolæ Anatolium, Synodique Chalcedonenſis Episcopos jussit epist. 40, in edit. Quen-

nelli

nelli 60; Gallicana, quæ in Concilio Arelatenſi congregata, ut arguit Sirmondus, a S. Leonis in litteris ad Flavian. expreſſa ſententia nec latum unguem abſcedere religioni duxit, velut in Synodica ad Pontificem diſerte profeſſa eſt apud Harduinum tom. 1. pag. 1775; cui propterea orthodoxam fidem epiſt. 57, ſive 77. ibidem pag. 1778. S. Leo gratulatus legitur; Italica, quæ Synodica ad S. Leonem e Concilio Mediolanenſi ſub S. Euſebio ibid. deſcripta pag. 1779. ſibi nihil antiquius cordi eſſe ſignificavit, quam integrò, demiſſoque mentis obſequio ejus ad Flavianum Dogmaticæ inhære, ut jure propterea idem Pontifex in epiſt. præcit. cap. 17. affirmare non dubitaverit: *Rem, de qua agitur, nequaquam Synodali indigere tractatu.* Cur itaque S. Leo Synodum Chalcedonenſem haberi nihilofecius indulſerit, id cauſæ fuit, non ut Eutychetis utique cauſa in diſcrimen iterum, diſceſſationemque revocaretur, aut ab ſe jam lata in eum ſententia novo ſubjiceretur examini, id enim prohibuerat omnino; ſed ut Apoſtolicæ Sedi irrogata publice a Dioſcoro, ſub eoque a pseudo-Synodo Ephesine per ſummum nefas injuria publico in Concilio pariter redimeretur.

Monotheliæ jam undique in Eccleſia univerſa hæreſis nomine peſſime audiebant, antequam Sexta Generalis Synodus eiſdem proſcribendis indiceretur, poſtquam videlicet hæreſis dica fuiſſet ipſis conſcripta a Summis Pontificibus, Severino, Johanne, Theodoro, Martino, Vitaliano, Adeodato, & Domno: ita enim ab Episcopis Italiæ, ac nominatim a Mauro Ravennate, Maximo Aquilej., Deuſdedit Caralitano &c. landatis Concil. Later. ann. 649. Secret. 1. apud Harduinum tom. 3. pag. 703, & ſeqq., ab Episcopis Africæ, quorum expreſſam intueri licet ſententiam in litteris Synodicis quatuor Provinciarum Numidiæ, Byzacenæ, Mauritaniz, & Proconſularis ad Theodorum, viciffimque Martini ad Eccleſiam Carthag., eique ſubjectos Episcopos ibid. Secret. 2. relatis pag. 634, 734, & ſeqq.; ab Episcopis Palæſtinæ, ac præſertim Sophronio Patriarcha, & Stephano Doreniſi ejusdem vicibus deſungente, a quibus ſcripta, voceque explicita, Synodica inſerta ibid. habetur pag. 711, & ſeqq., teſtaturque epiſtola S. Martini ad Eccleſiam Hieroſolym., ab Episcopis Cypri, ac ſpecia-

speciatim Arcadio , & Sergio , quorum fidem abunde liberat Synodica ad Theodorum eodem Secr. 2. pag. 727, & seq.; ab Episcopis Asiæ , ad quos per censere licet epistolas a S. Martino exaratas apud Harduinum eodem loci pag. 639, & seqq., non secus atque ad Antiochenam Ecclesiam pag. 655; ab Episcopis Galliarum, quemadmodum augurari fas est ex epistola a Pontifice inscripta ad S. Amandum Trajecten. pag. 945; ab Ecclesia quinimo universa, ad quam legenda Encyclica Lateranensi e Synodo a S. Martino exarata pag. 933 : ut propterea Concilium hoc Lateranense magno semper in pretio habitum sit, locoque eodem illustri, quo Generalia ipsa; ideoque ut hacce perinde de causa S. Agatho Patribus Synodi VI. jure præceperit, ne vel leve quidquam mutare, augere, minuere præsumerent eorum, quæ ab se, & ab Apostolica Sede adversus Monothelitas definita jam fuerant. Quorsum igitur Sexta indicta subinde est Synodus, nisi Pontificum decretis gerendi morem gratia, conferendique de modo Monothelitas penitus profligandi? Ante Synodum VII, sive Nicænam II. Iconoclastæ item bonis omnibus in Ecclesia odio habebantur: ac sane ex universæ Ecclesiæ consensu in hæreticorum censu habendi erant. Cujus rei testem voco S. Gregorium II, qui omnium primus Sacrarum Imaginum vindicem, assertoremque se præstitit acerrimum, qui Mauritanos, Wandalos, Gothos, Francos, aliasque Gentes *ex toto interiori Occidente*, una cum Romana Ecclesia, in Sacrarum Imaginum cultum conspirare certissime affirmare non dubitavit in epist. 1. ad Leonem Isaurum Amplificatus subinde magis, magisque is erga Imagines ardor est cum in Oriente, tum in Occidente, postquam iisdem Sacris Imaginibus cultus integratus, confirmatusque est a S. Gregorio III, S. Zacharia, Stephano II, S. Paulo I, & Stephano III, aliis IV, cujus in Synodo ann. 769. Romæ habita inter duo supra quinquaginta Episcopos ex Italia, Tuscia, & Campania ejus sententiæ adversus Iconoclastas suffragatores confederunt pariter Galliarum Episcopi duodecim, quorum præ Sirmondo nomina restituit vir Cl. Cennius in dissert. de hoc Concilio capp. 2, & 4. (Quod heic commemoratum volui eo consilio, ut intelligas hinc, quam perperam Gallicani quidam Episcopi postea, idest post annos 56.,

in Parisiensi Synodo a priori suorum Decessorum sententia desce-
 xerint.) Quominus etiam præclaram in eamdem sententiam cum
 Pontificibus confluerint pariter Orientales Episcopi, nominatim-
 que tres Patriarchæ Alexandrinus, Antiochenus, & Hierosolymi-
 tanus, alique oppido multi, dubitare non sinunt eorum Synodicæ,
 de quibus dictum pag. 75. Supervacanea igitur habenda fuisset Sy-
 nodus VII, nisi ea adfuisset causa, quam Tarasius ipse Constanti-
 nopolit. Antistes indicavit, videlicet Ecclesiæ Constantinopolita-
 næ cum Romana unionem redintegrandi, quæ plane ea lege re-
 dintegrata est demum, quam illi præscripserat Hadrianus I. in
 epist. ad Tarasium, ut diris cunctis devoveretur prior Constanti-
 nopolitana pseudo-Synodus sub Copronymo, ignominiaque dica
 conscriberetur quotquot SS. Imaginibus denegandum cultum de-
 inceps blaterarent. Atque potiori ratione proinde superfluum
 haberi poterat Francosfordiense Concilium; tam qua parte de
 Sacrarum Imaginum cultu retractandum assumpsit, ut ex dictis
 abunde liquet, quam ex qua Felicis Urgelitani causam revoca-
 vit ad incudem: nam Eginhardo teste post Synodi iudicium Pon-
 tificio, istius supremum subiturus iudicium, Tribunali sistendus
 ille erat; teste Alcino lib. 1. adv. Elipan. ab Hadriano I. illius
 hæresis *funditus exterminata fuerat*, testeque demum Dungalo
 in lib. adv. Claud. Taurin. Monstri huiusce caput *Apostolica au-
 thoritatis prævalida, ferreaque confregerat virga.*

Age vero cetera, quæ regeri in adversarios possunt, com-
 pendio perstringamus. Valdenses in Concilio Lateranensi III.
 an. 1179 Can. 27, ut de aliis taceam, sub Alexandro III. diro
 fuerant anathemate damnati: non fuisset igitur, cur iterata dam-
 nationis sententia ferirentur a Lucio III, ab Innocentio III. in
 Concilio Lateranensi IV. an. 1215. Can. 3, & Gregorio IX. Cap.
Excommunicamus Decret. lib. 5. tit. 7. *De Hæreticis*. Ab Urba-
 no IV, Clemente IV, & B. Gregorio X. conciliandæ pacis legi
 præscriptæ de credenda fide Divina Spiritus S. processione etiam
 a Filio, deque Sanctorum Beatitate ad supremum iudicii diem
 nequaquam differenda Græci subscripserant. Ecce igitur iterum
 in Concilio Lugdunensi II. Spiritum S. pariter a Filio procedere,
 Sanctosque Beatitate statim, atque maculam exuissent omnem, a

Deo

Deo donari est definitum ? Quid imo causæ fuit , cur in Concilio postea Florentino de processione Spiritus S. a Filio disceptandi facultas Græcis fieret , neque Latini piaculo , velut videri poterat , verterunt , eo de dogmate concertatione decernere ? Latæ a Leone X. in Lutherum sententiæ adhæsisse statim Ecclesiam ostendit doctiss. Thomassinus disert. 12. in Concil. Chalced. , ac paullo superius pag. 142. , ubi de Synodis adversus Lutherum habitis incidit sermo , insinuatum est : nihilotamen minus ad Lutheranam damnandam hæresim frustra indictum , congregatumque Tridentinum Concilium nemo tam impudens dixerit . In eodem Concilio de sacrorum Librorum Canone disputatum est : quem tamen jam pridem in Ecclesia obtinuisse , a Romanisque Pontificibus vice plus simplici , Synodisque plurimis in tuto positum nemo ignorat , nemo inficiatur . Quid ergo , si nos veritas amet ? Quam sapienter , fateor , profiteorque , tam salubriter in generalibus Conciliis decreta , quæ siquidem vel a Conciliis aliis generalibus , vel a Romanis Pontificibus edita , in dubitationem adduci , locoque dimoveri alioqui non patiar , ideo sive innovari , sive instaurari , quatenus eadem vel facilius executioni demandantur , vel efficacius ad eorumdem observantiam Refractarii obligantur . Quæ duo qui probe tenet , se solum tenere putet ab eo evadendi haud tamen heliopoleo labyrintho , quo Conciliorum propugnatores nos non tam , quam semet intricant , & involvunt .

Atque ita apposite in eos 2. argumentum instauratur , Decreta in Generalibus Conciliis , Adversariis ipsis affirmantibus , ita fidem nostram obligant , ut nefas sit illa denuo in disceptationem adducere , aut in dubium , adeoque ut propterea frugi cuilibet iustissimam provocet indignationem Petri Allixii insolentissima disertatio de Conciliorum quorumvis definitionibus ad examen revocandis inscripta . Atqui nihilominus eadem decreta passim in Conciliis Provincialibus integrata , aliquandoque iterata disputatione leguntur discussa . Ita namque post Nicænam habitæ adversus Arium sunt adhuc Synodi Romana an. 342 , aut seq. , Mediolanensis an. 344 , aut 346 , de qua Cl. Mamachius de Ratione temp. Athanas. pagin. 228 , Sardicensis ann. 347 ,

Mediolanensis an. 347, in quam videndi Pagius n. 8, & seqq., ac Tillemontius tom. 6. pagin. 765, Romana ann. 349, aut seq., Ægyptiaca ann. 352, Romana eodem ann., aut seq., Ariminensis anno 359, Parisiensis anno 361, aut seq., de qua Pagius numer. 27, & seq., Alexandrina, & Antiochena anno 363, Sicula, & Tyanensis anno 365, Ægyptiaca anno 371, de qua S. Athanasius in epist. ad Afros, & Pagius ad an. 369. num. 12, Romanæ sub S. Damaso, Illyriciana ann. 372, aut seq., Aquilejensis ann. 381. Mitto alias teste S. Athanasio in epist. ad Epictetum in Gallia, & Hispania frequens adversus Arianos habitas. Confer etiam Synodi Syriacæ ann. 405, aut 410. acta apud Muratorium de antiq. Ital. med. ævi tom. 3. pag. 976, de quibus tamen valdequam dubitat vir doctiss., exindeque a Mansio descripta tom. 1. Suppl. pag. 289, & seqq. Ita post Constantinopolitanum I. an. 381, adhuc tamen adversus Macedonianos celebrata leguntur Concilia tum Romæ, tum Constantinopoli an. 382, & 383, de quibus confer Mansium tom. 1. Suppl. in adnot. Crit., & Chronol. pag. 249. Post Ephesinum ann. 431. adversus Nestorium indicta sunt denuo Concilia an. 432. Constantinopolitanum, de quo Coutantius in monito præv. ad epist. 3. Johannis Antioch. ad S. Sixtum III., an. seq. Antiochenum, e quo præfata Synodica exarata fuit, an. 433. Anazarbicum, & an. seq. Tarsense, de quibus consulesis epistolas Cassin. a Lupo editas capp. 159, & 192., ibidemque virum doctiss. in Scholiis, an. 435. Armenum apud Liberatum Brev. cap. 10, an. 449. Constantinopolitanum, de quo Baluzius pag. 1456, an. 550. Mopsvestenum Collat. 5. Synodi V. insertum, Scirachavense in Armenia an. 863, apud Galanum in Conciliat. par. 2. tom. 1. pag. 139, & Memphiticum an. 1582, de quo ex Possevino Harduinus tom. 10. pag. 1273. Non secus adversus Eutychetem post Chalcedonensem an. 451. celebratæ adhuc leguntur Synodi longe plures, eodem anno Alexandrina, & Thessalonicensis, Constantinopolitana 455, Romana 458, alteraque 465, de quibus Synodicon capp. 93, & seqq. apud Fabricium pag. 228, Antiochena 472. apud Scriptorem gestor. de nom. Acacii, altera 478. apud Theophanem, ac tertia 483, de qua Synodicon cap. 99. pag. 230, Constantino-

poli-

politana 478, de qua Liberatus cap. 18, Cyrensis 482. apud Synod. cap. 98, Romana 484, altera Constantinopolitana 487., de qua Baluzius pag. 1457, Antiochena 498. apud Mansium Suppl. tom. 1. pag. 377. ex Victore Tunonensi ad seq. ann., Constantinopolitana, Hierosolymitana, & Tyria 518. act. 5. Concilii Constantinopolitani sub Menna 536. insertæ, Hierosolymitana altera 536, Antiochena 560, de qua Synodicon cap. 120. pag. 239, Toletana III. an. 589, in qua cum Nicæna, & Constantinopolitana confirmata est Chalcedonenfis, Hispalensis 619, Siscensis in Armenia 1307. apud Mansium ex Galano Suppl. tom. 3. pag. 271. Post Constantinopolitanam II, vulgo Synodum V. an. 553. contra tria Capitula, habitam eodem subinde anno Hierosolymitanam, in eaque ab Episcopis Palæstinæ illius acta confirmata discimus ex Concilio Nicæno II. act. I, & ex Cyrillo Scythopol. in vita S. Sabæ apud Cotelierum tom. 3. Monum. pag. 375. Vicissim vero eandem contra Synodum V. pro tribus Capitulis pugnatum legitur in Conciliis Aquilejensi an. 553. apud V. Bedam de sex. ætat. tom. 2. oper. pag. 226, in Maranensi an. 590, aut seq. apud Mansium Suppl. tom. 1. pag. 457, & in Aquilejensi altera an. 698. apud Paulum Diac. lib. 5. cap. 14. Satis haberi, superque poterat in Monothelitas pronunciata in Concilio Constantinopolitano III, Generali VI. an. 680, & seq. damnatio: hacce nihilo secius de causa habita passim recensentur Concilia an. 684. Toletanum XIV, 688. Toletanum XV, 714, aut seq. Constantinopolitanum, ac Romanum, 750. Hierosolymitanum, 775, sive 780. Constantinopolitanum alterum, de quibus Synodicon Pappi capp. 137, & seqq. apud Fabricium Bibl. Græcæ tom. 11. pag. 247, & seqq. Ita definita adversus Iconomachos in Nicæno II, idest Generali VII. Sacrarum Imaginum an. 787. causa fuerat. Quod impedimento propterea tamen haud fuit, quominus eadem integraretur definitio in Conciliis Constantinopolitanis an. 814, de quo Combesius in Origin. Constantinopolit. pag. 130, & Mansius Suppl. tom. 1. pag. 779, nec non an. 842, de quo Pappus in Synodico cap. 147. pag. 253, & Theophanes apud Henschenium tom. 2. ad diem 13. Martii.

Post Lateranense III. an. 1179, atque Lateranense IV. an.

1215, in quibus execratione omni digni Valdenses, & Albigenſes fuerant declarati, in hæſce tamen peſtes Eccleſiaſticae diſtringi poenæ, integrarique non deſtitere in Conciliis, præter ea quamplurima, de quibus dictum pag. 94, & ſeqq., Arauſicano an. 1229., Melodunenſi 1232, Biterrenſi 1233, Arelatenſi 1234, Narbonenſi 1235, Tarraconenſi 1242, Biterrenſi altero 1246, Albienſi 1254, Biterrenſi rurſum 1255, &c. Quamvis etiam Joachimi dogmata quædam in Concilio Lateranenſi IV. atro fuiſſent carbone notata, neque ab inſtaurandis in eadem cenſuris abſtinuit Synodus Arelatenſis an. 1260. apud Harduinum tom. 7. pag. 509: quemadmodum neque paullo ante præl. Lateranenſis IV. ſtatuta calculo probare ſuo Arelatenſi Synodo alteri 1234. piaculo, religionique fuit. Ita Lugdunenſe II. an. 1274. confirmatum legitur in Saliburgenſi eodem anno, in Conſtantinopolitano 1277. apud Raynaldum n. 32, & ſeqq., alteroque 1280, de quo Allatius Græciæ Orthod. tom. 1. pag. 366, ac Manſius in hiſt. Synop. de Græcor. Conciliis Suppl. tom. 3. pag. 85, in Melphitano 1284. apud Martenium vet. Monum. tom. 7. pag. 283, in Cadurcenſi 1289, de quo idem vir Summus Anecd. tom. 4. pag. 672, ac tandem in Florentino 1439. In Viennenſi Concilio an. 1311. in Beguardos in tota damnationis ſententia, in Tarraconenſi an. 1317. ingeminata exhibetur a Martenio vet. Monum. tom. 7. pag. 305: non ſecus atque Wicleſſi, Huſſique hæreſes in Conſtantiensī an. 1414. conſixæ iteratas expertæ ſunt iras Episcoporum in Synodis Salisburgenſi an. 1418. apud Hanſium Germ. ſac. tom. 2. pag. 468, Coloniensī, & Moguntina an. 1423. apud Serarium lib. 5. rer. Mogunt., Gneſnenſi, & Lancitiensī eodem anno apud Cochleum lib. 5. hiſt. Huſſit., in Senonenſi, ſive Pariſienſi an. 1528. apud Harduinum tom. 9. pag. 1945. Tandem poſt Tridentinum an. 1563. abſolutum, ſeptimum nempe, ac viceſſimum poſt annum, quo Mantuæ a Paulo III. fuerat indiſtum, a prima vero Tridenti Seſſione annos poſt duodeviginti, in quo Lutheri, Calvinique nefandiſſimæ hæreſes conſoſæ ſunt, contra has perinde eadem integra dogmata legere paſſim eſt in Synodis Petricovienſi an. 1551, de qua Florimundus Remundus, aliisq; plurimis apud Harduinum tom. 10, ac Manſium Suppl. tom. 5, & 6, quibus recte extendis
ſuper,

superfedeo , ut vela tandem sermoni contraham . Ex quibus quis probe non perspicit , non semper indicium superioris , potiorisque potestatis esse , causas jam ab alio Judice cognitās , & dijudicatas iterato cognoscere , & dijudicare , sed id quinimo frequenter indicium potius esse subjectionis , obsequii , adhæssionis , & obedientiæ , quatenus a superiore Judice lata sententia , etsi non absque cognitione causæ , jurisque exercitio , efficaciter executioni demandatur , sive de impedimento auferendo , deque aptiori diligenter investigatur modo , quo suo non frustretur effectu : quomodo circa decreta sive Pontificum , sive Generalium Conciliorum a particularibus sive Episcopis , sive Synodis factitatum frequentissime nemo in Ecclesiastica historia adeo hospes , qui nesciat , aut neget .

Quibus præjactis , jam prona , facilisque suapte ad objecta adversariorum responsio fuit . Atque Ecclesiæ quidem esse inquit , sive Episcoporum , qua in Conciliis , qua extra Concilia , sive generalia , sive particularia , modo expresse , modo tacite de Controversiis fidei dignoscere , & dijudicare ; Hæresesque insurgentes proscribere , atque e finibus Ecclesiæ propulsare : quis id inficias eat , & præclaram hanc juris particulam Episcopis , potissime vero Synodis invideat ? Nihilotamen minus loquendo de Causis majoribus , ac difficilioribus , deque definitione authentica , & indefectibili , nihil prohibet dicere unius esse Pontificis M. Controversias fidei finire , judicio scilicet infallibili , atque hæreses damnare , authentica scilicet definitione , cui inviolabiliter adhærendi Christianis fidelibus cunctis omnimoda necessitas incumbat . Non ita vero in hujusmodi privilegii Divinitus uni Pontifici facti partem ingrediuntur Episcopi , quorum sive in Conciliis , sive extra Concilia seorsum definitiones omni robore destituuntur , donec eisdem Pontifex calculum adjecerit suum : ideoque rerum definitarum robur ab uno Pontifice , supremo velut a Capite dimanat ; quo refragante , nihil satis firmum , tutumque in Episcoporum judicio sit ; quo suffragante vicissim , jam e vestigio Episcoporum judicium ratum , fixumque evadat . Hoc itaque sensu SS. Siricius , Innocentius I. Bonifacius I. ac Leo M. , quorum integra dedi loca Tom. 4. Art. 8. §. 1. pag. 307. & seq. , affirmare non dubi-

dubitabant a S. Petro, tanquam a Capite quodam, & fonte, in quo potestatis Ecclesiasticæ plenitudo, summaque a Christo D. fuit collocata, ejusdem potestatis in Episcopos particulas qualdam promanare. Hoc sensu ad fidei quæstiones finiendas non opus esse Conciliis scribebat ad S. Cyrillum Alex. S. Sixtus III. epist. 1. edit. Cont., sed unius Pontificis satis esse, superque sententiam: *Sufficiunt, quæ a B. mem. Decessore meo scripta fuerunt de fide: a S. Cælestino nempe contra Nestorium*. Hoc sensu Innocentius III. lib. 2. epist. 209. ad Camaterum ex generali ligandi, solvendique potestate, quam Christus D. Apostolis omnibus, S. Petro tamen non secluso, contulit, & ex peculiari, quam soli Petro, seclusis aliis omnino Apostolis, ab eodem Salvatore concredita fuit, rite, optimeque arguebat id totum omne, quod Episcopi in Conciliis etiam collecti, absque Pontificis auctoritate, consensuque nequeunt, posse e contra Pontificem solum, etiam sine Episcoporum consensu: *Ut quod alii non sine ipso, ipse sine aliis posset ex privilegio sibi collato a Domino, & concessa plenitudine potestatis*. Cujus proinde in persona Rom. Pontificem falli, & fallere omnino esse nescium, ab ipsoque ceteris omnibus necessitatem obsequendi, parendique omnimodam imponi concludit. Hoc sensu Clemens V. Viennense Concilium indicens, in Ecclesiæ Romanæ laudem hæc verba usurpabat: ab ea ceterarum Matre, ac Magistra veluti a fonte primitivo ad singulas alias ejusdem fidei rivuli derivantur: ideoque inquit Const. *Fidei Catholicæ* lib. 7. Decret. tit. de Sum. Trinit. hujusmodi fidei causas ad Apostolicam Sedem dumtaxat declarare pertinet: quæ verba plane alienum insensum detorquere frustra conatur Bosuetius. Hoc sensu Clemens VI. in epist. ad Consolatorem Armeniæ Catholicum solius Pontificis esse scribebat fidei quæstiones dirimere, ita ut eidem pronuncianti fideles omnes parere necesse foret, dum inter alios hunc ordine 13. Articulum fide tenendum proponebat: *Si credis Rom. Pontificem solum, dubiis emergentibus circa fidem Catholicam, posse per determinationem authenticam, cui sit inviolabiliter adhærendum, finem imponere*. Cui sane dicto alienum sensum appingere adnixus est perperam Natalis Alexander hist. Eccles. ad Sæcul. XIII, & XIV. in Censorio suffragio tom. 16. edit. Luc.

Hoc

Hoc sensu Leo X. Const. *Regimini* in Concilio Lateranensi V. sess. 10, & Const. *Primitiva* sess. 11. editis dicebat a Romana Ecclesia per Orbem constitutos Episcopos, eosque in partem fuisse sollicitudinis vocatos; onera, & officia gradatim per Patriarchas, Primates, Archiepiscopos, & Episcopos distributa: diversos Ecclesiasticæ Hierarchiæ gradus institutos, Parochias designatas, Episcopos creatos, præfectosque Metropolitans: *Tanquam membra Capiti obsequentia*, . . . & *tanquam rivulos a perenni fonte derivantes*. Quorum simillima habet Const. *Pastor æternus*, & Const. *Dum intra*; ac juxta quæ loquutos intueri licet Par. hac II, Tom. 3. Artic. I. §. II. præ aliis plurimis speciatim S. Gelasium, S. Hormisdam, Pelagium II, S. Gregorium M., S. Martinum I, S. Agathonem, S. Leonem II, Hadrianum I, S. Leonem IV, S. Nicolaum I, Benedictum VI, S. Leonem IX, S. Gregorium VII., Paschalem II, Callistum II, Innocentium II, Eugenium III, Hadrianum IV, Gregorium IX, Innocentium IV, Urbanum IV, Clementem IV, Nicolaum III, Bonifacium VIII, Benedictum XII, Innocentium VI, Eugenium IV, Nicolaum V, Pium II, Sixtum IV, Julium III, S. Pium V, Sixtum V, Alexandrum VIII. &c. Quo perinde sensu accipi tam rite possunt, quam debent præclara, quæ dedi loca Tom. 3. Art. 11. §. 111 pag. 175, 182, & seqq., ac Tom. 4. Art. VIII. §. I. pag. 309, & seqq. ex SS. Cypriano, Optato, Gregorio Nyss., Jo: Chrysostomo, Basilio, Ambrosio, Prospero, Casario Arelat.; item ex Stephano Latissæo, Ferrando, Facundo, Johanne Ravennate, Alcuino, Hincmaro, Ratramno, Herivæo, Ratherio, S. Bernardo, Jacobo de Termis, Petro Blefensi, Alberto M., Alexandro Alensi, SS. Thoma, & Bonaventura, Scoto, Petro Bertrando, Thoma Argent., Petro Alliac., Gersonio, S. Antonino, Johanne de Turrecremata, Ambrosio Cather., Andrea Duvallio, Jacobo Almaino, Genebrardo, Johanne a Celaja, Cocchetello, Jo: Puteano, Thomassino &c. Quam in rem, conferre quoque juvat Urbanum II. apud Baluzium Miscell. lib. 1, pag. 238, Benedictum XIV. de Synodo Diœces. lib. 1. cap. 4. n. 2, Andreæ Colossi, & Johannem Tarentinum Archiep. in orat. ad Basilenses apud Harduinum tom. 8 pag. 1518, & 1530, Stephanum Comitem Palat. Rheni, ac Bavariz Ducem in epist. ad

Part II. Tom. V. X Præ-

Præsidentes ejusdem Concilii apud Mansium Suppl. tom. 6. pag. 63?, ac Ludovicum XI. Gall. Reg. in epist. ad Pium II. pro abrogatione Pragmaticæ Sanctionis apud Harduinum tom. 9. pag. 1640, qua ab se Romanum Pontificem eo supremo potestatis haberi loco profitetur, ex quo tanquam a capite, & fonte *Sacræ leges oriuntur, & manant*. Quod non est aliud, quam a Pontifice in Episcopos de causis fidei dijudicandi jus ita diffuere, ut in illo velut in centro unitatis totius summa consistat.

Cujusce rei argumento, documentoque præterea, & quam maxime quidem sunt Concilia ex ingenti Episcoporum cæteroque numero conflata; quibus tamen, quia Rom. Pontificis defuit assensus, res non bene cesserunt; aut in quibus procul a recta fide aberratum turpiter est, ideoque pessime apud bonos audiunt: de quibus siquidem satis, superque medicere Tom. 3. Art. II. §. III. pag. 188. & seqq. memini, ideo non est, cur actum agam. Id præstat unum pleraque indicare particularia Concilia, quæ toto procul ostio a veritate, fideque deflexerunt, ut planum adpareat, quam dispar sit, longeque dissimile jus, quod Episcopis de fide dijudicandi competit, atque illud, quo unus Pontifex gaudet. Enim vero in Concilio Ephesino circa an. 192 sub Polycrate Quartadecimanorum error confirmatus est, de quo Eusebius lib. 5. cap. 24. In Carthaginensi an. 215 sub Agrippino, in Iconiensi, & Synnadeni an. 235. sub Firmiliano, de quibus S. Cyprianus epist. 71. ad Quintum, & 73. ad Jubajanum, ac Eusebius lib. 7. cap. 7. Græc. hereticorum Baptismus fuit explosus: qui error perinde sub S. Cypriano plurimis, numerosisque in Conciliis an. 253, 254, 255, & 256. Carthagine celebratis, de quibus legendæ S. Cypriani epist. 68, 69, 70, 72, 73, comprobatus est. In Palæstino an. 318 apud Theodoretum lib. 1. cap. 5, & seq., Antiocheno, sive Nicomediensi an. 328, aut inseq. apud S. Athanasium in epist. ad Solit., Cæsareensi 334. apud Sozomenum lib. 2. cap. 25, Tyrio 335, Hierosolymitano eodem an. apud Socratem lib. 1. capp. 21, & 26. Constantinopolitano 336, Antiocheno 341, de quo Schelestratus, altero 344, aut seq., de quo S. Athanasius lib. de Synod., Philippopolitano 347, Hierosolymitano 350, aut seq., de quo tamen vide Tourtæum dissert. 1. de vit. S. Cyrilli cap. 5. ejus oper.

oper. pag. 17, Arelatenſi 353, Mediolanenſi 355, de quo Baluzius pag. 29, & ſeq., Biterrenſi 356, Antiocheno eodem an. apud Sozomenum lib. 4. cap. 7, Cæſareenſi 357, Sirmienſi eodem, aut ſeq. anno, Ariminenſi, & Nicæno in Thracia 359 apud Baluzium pag. 58, & ſeqq., Antiocheno, duobuſque Conſtantinopolitanis 359, aut 360, ac 362, aut ſeq., de quo Chronicon Paſchale edit. Du-Cangii pag. 294, Antiocheno in Caria 366, aut ſeq. apud Sozomenum lib. 6. cap. 12, Sigedunenſi eodem anno, Nyſſeno, & altero in Galatia, de quibus S. Baſilius epiſt. 137. alias 134, 251. alias 72, & 235. alias 264, Antiocheno 380. apud Philoſtorgium lib. 10. n. 1, aliisque multis ſequioris ætatis, quibus ſuperſedeo, Atiana hæteſis approbata fuit, & acceptata. Semiarianis etiam, five Macedonianis optime cuncta ex voto ceſſiſſe in Conciliis oppido multis ex fide dignis Scriptoribus diſcimus. Ita in Ancyrano an. 358. ex S. Epiphanio hæc. 73, in Sirmienſi 359. ex S. Aſhanaſio de Synod., in Seleuciенſi eodem an. ex S. Hilario in frag., in Acai-co 359, aut ſeq. ex Prædeſtinato apud Baluzium, in Zelenſi Helenoponti 363, & in Cyziceno an. 372, ex S. Baſilio epiſt. 72, & 82. vet. edit. Ab Epheliно an. 431. ſub Johanne Antioch., ab Antiocheno 432, a Tarſenſi, ab Anazarbico, a Zeugmatenſi eodem anno, de quibus Synodicus apud Lupum capp. 53, 55, 58, 62, 66, 71, 76, 77, 113, 136, 141, 174, 201. &c., Neſtorius bene, S. Cyrillus autem male exceptus eſt. Impia præterea Neſtorii dogmata plus vice ſimplici ab ipſius Symmiſtis inſtaurata, inque Synodis ſtabilita in Beth-Lapeta, in Beth-Adri, Seleuciæ, & Cteſiphonte an. 488, & 489, Caſcata an. 544, Seleuciæ turſum an. 588, 596, & 605, Niſibus an. 645, in Cœnobio S. Simeonis an. cir-citer 650, Seleuciæ denuo an. 654, in Inſula Dirina in Arabia, an. 677, in Cœnobio Jonæ an. 694, Seleuciæ iterum an. 804, & 820, Bagdad an. 900. &c. legere præſtat apud Cl. Aſſemanum Bibl. Orient. tom. 3. par. 2. pag. 178, & ſeqq., 390, & ſeqq., 107, 142, 183, & ſeqq., 448, & 453. In Conſtantinopolitano, & Epheliно an. 449. pro impio Eutychete aſſum, pugnatumque eſt, cujus imo impro-bi errores poſt Chalcedonenſe adhuc probati evaſete Synodis op-pido plutimis, uti Conſtantinopolitanis tribus an. 466, 497, & 499, ut Epheliно 477. apud Evagrium lib. 3. capp. 5, & 9. uti

Sidonensi 512, de qua Cyrillus Scythop. in vita S. Sabæ cap. 73, ut Antiochenæ eodem anno apud Assemanum Bibl. Orient. tom. 2. pag. 18, uti tribus aliis Constantinopolitanis 512, 519, & 550., de quibus vetus Synodicon capp. 110, 112, & 119, uti Thevenensi trigeminæ 536, 552, & 562. apud Galanum de Conciliat. lib. 1. pag. 105, ut Alexandrinis duabus 578 apud Assemanum pag. 69, & seqq., & Cotelerium tom. 3. pag. 397, uti Gubensi in Mesopotamia 585. apud Mansium tom. 1. pag. 453, uti Syriacæ 726, Tarmenensi circa an. 750, Hierapolitanæ 755, Sarugienſi eodem an., Telenſi 759, in Beth-Boten 793, Schialazienſi, & Gubenſi 837, Caphartutæ 869, & Constantinopolitanæ 969, de quibus Assemanus Bibl. Orient. tom. 2. pag. 111, & seqq., 133, 338, & seqq., ac 437, & ex ipſo Manſius Suppl. tom. 1. In Concilio Illyriciano an. 549, Carthaginenſi an. 550. apud Victorem Tunon., Aquilejenſi an. 553, ſive 557, & Maranenſi an. 587, ſive ſeq., altera incerti loci in Iltria an. 591, de qua Manſius in Not. ad Pagium an. 590. n. 2, & Aquilejenſi altera an. 698, turpiter in trium Capitulorum deſenſionem ultrocitroque juratum eſt. Palmari Monothelitarum hæreſi patrocinari, ſuffragarique palam Episcopī complurimi haud veriti ſunt, vel in Synodis Constantinopolitana, & Alexandrina an. 633, in Constantinopolitanis duabus an. 639, in Theſſal. nicenſi an. 649. apud Manſium tom. 1. pag. 483, inque tribus aliis Constantinopoli habitis an. 665, 666, & 72. in Collect. Veneto-Labbeana tom. 7. pag. 477. ex Collect. Anaſtaſii apud Sirmondum tom. 3. oper. Contra Sacrarum Imaginum cultum tanquam pro aris, focisque, pugnatum eſt pariter, ac pluries in Conciliis Constantinopoli celebratis an. 754, 805, 809, 814, 815, & 832, de quibus Pappus in Synodico cap. 146, & Manſius tom. 1. pag. 782, & ſeq., ac in Pariſienſi an. 825, de quo pag. 76. dictum. M'ito pleraque multa, in quibus multis violata ſunt modis jura ſive Apoſtolicæ Sedis, ſive Catholicæ unitatis, quæ diſciplinæ morum, quæ legum Eccleſiaſticarum, pro quibus omnibus illud valet, quod probe dixit ſapientiſſimus Melchior Canus de Loc. Theolog. lib. 5. cap. 5: *Pondus Concilii dat Summi Pontificis, & gravitas, & auctoritas: quæ ſi adſit, centum Patres ſatis ſunt; ſi deſint, nulli ſunt ſatis, ſint quamlibet plurimi.* Cui appri-

apprimè cohæret in sententia Cabassutius, cujus egregium locum recollere juvat tom. 3. art. 2. §. 3. pag. 202.

Jam quod attinet ad præmemorata Concilia particularia, in quibus nullum Pontificis M. præhabito consensu prædamnata sæpius hæreses perhibentur, ausim dicere (quo dicto viden, ut objectionis utrumque caput uno obruncetur ictu) eadem Concilia, majorem saltem partem, non absque Pontificis nutu prævio, aut consensu post adhibito, in Ecclesia obtinere, quatenus nempe Pontificis interfuit, præcessitque, sive antequam haberentur, sacra jussio, aut suasio; sive postquam habita sunt, accessit, & subsequuta est assensio, & approbatio. Ita plane, si veritati inniterentur, quæ de Heraclione refert Prædestinatus, verum pariter, ipsomet teste, foret Patribus Siculis auctoritate sua prævisse S. Alexandrum I, qui ab illis de homine isto rogatus, & interrogatus cum libro elucubrato, tum Legato missio Sabiniano Presbytero tam hæresim, quam hæreticum profligasse refertur. At hæc ad fabulas amandanda, quæ passim, atque heic præsertim ingerit pseudonymus hic Scriptor, jamdiu patefecit Cl. Coutantius in S. Clemente pag. 6. n. 2, & in S. Alexandro pag. 54. n. 5, dixique ego pag. 33, & seq. Potius itaque cum Valentino, cujus de hæresi late Buddeus in dissert. introduct. ad Philosophiam Hebræor subjecta agit, cuique paria sensisse Heraclionem, de quo Græbius Spicileg. tom. 2. pag. 183, testes locupletes accedunt S. Irenæus lib. 1. cap. 10, Tertullianus de præscript. cap. 30, ubi confer Lupum in schol., ac S. Epiphanius hæres. 35, & seq., Heraclion a S. Hygino, sub quo Romæ viguit, & a SS. Pio, & Aniceto, sub quibus Romæ viguit, referentibus S. Irenæo lib. 3. cap. 4, & Eusebio lib. 4. cap. 11, damnatus censeri debet. Atque ita perinde Episcopis Gallicanis in damnatione Valentini, siquidem Valentini symmista Colorbalius esset, in hujusce quoque damnatione Pergamensi Synodo prævisse eosdem Pontifices existimari fas est. Non secus atque Orientalibus præcessisse sententia S. Hygini, a quo Cerdonem ex Ecclesia ejectum tradunt S. Irenæus lib. 1. cap. 28, & lib. 2. cap. 4, ac Eusebius lib. 4. cap. 11, præsumendus est. Quo porro loci Valesum (cui postea adhæsit Coutantius pag. 61. n. 2.) Ruffinum, & Christophorsonum hunc sive Eusebii, sive S. Ire-

S. Irenæi locum perperam vertisse affirmantem, ubi loco *absentis est* vertendum fuisse *se abstinuit* contendit, quasi nempe Cerdon non a Pontifice quidem fuerit abdicatus, sed ipse semet sponte abdicaverit, viden, ut jure refellat doctiss. Cacciari in Not. ad Eusebii lib. 4. cap. 11. vers. Ruff. In Montanum, & Theodotum a Sanctis sive Sotere, sive Eleuthero, sive Victore, sive Zephyrino anathematis jam tela intorta fuisse abunde ostendi pag. 34, & seqq. Synodis itaque sive Hierapolitanæ, sive Anchialensi, sive Lugdunensi, vel jam explicita pridem sententia exemplo fuit, vel ab eisdem Synodis lata postmodum fuit pari a Pontificibus judicio comprobata. Concilii Alexandrini sub Demetrio in Origenem sententiam duo potissimum causæ irritam fecere, una, quod in absentem, nec legitime citatum prolata fuisset; altera, quod Romani Pontificis auctoritate nedum fuisset firmata: qua de re adeundi Labbæus ad an. 230. tom. 1. nov. edit. pag. 642, & Cacciari in Not. ad Eusebii lib. 6. cap. 18. Quare uni Romano Pontifici acceptam Origenis damnationem referendam fore jure dixi pag. 39. Origenis Magister Ammonius cognomento Saccas, de quo Fabricius Bibl. Græcæ tom. 4. pag. 159, erroris auctor non fuit, sed fidei Christianæ, cui nomen dederat, dumtaxat defensor, si fides adhibenda Longino, & Porphyrio in vita Plotini cap. 20, cujus etiam præceptor idem Ammonius fertur: proinde adversus ipsum Alexandrina Synodus non de nova hæresi dijudicavit, sed veterem Religionem defendit. Verum duobus illis Ethnicis Scriptoribus, ac Porphyrio speciatim Christiani nominis insensissimo hosti, Longini hac de re testimonium adhibenti; cuique nimium fudit Valesius, aures neutiquam accommodandas docet Eusebius lib. 6. cap. 15. vers. Ruff., ubi Ammonium in fide integrum ad vitæ extremum usque perseverasse, manifestissimæ vero Porphyrium falsitatis redargui affirmat. Juxta quæ proinde Synodus illa pseudo-epigraphis est ad censenda. Lambecitanam Synodum contra Privatum auctoritate sua valere fecit S. Fabianus: qua de re, ut operæ ferebat pretium, dixi pag. 40. Berylli, opera postea Origenis ad frugem regressi, cui in errore anteiverat Praxeas a S. Zephyrino damnatus, teste S. Optato lib. 1, Noeti, qui ab eodem Praxeas abludebat hand procul, & Valesiorum, qui

qui hætesime Cataphrygum lacuna hauserant, damnationi præluferant Romani Pontifices, quorum exemplo proinde ab aliis Episcopis pluries in Conciliis in eas pestes, ac S. Zephyrino speciatim in Cataphrygas fuisse animadversum Tertullianus lib. adv. Praxeam cap. 1. conqueritur. S. Cornelium Conciliorum sive ab Afris, sive ab Asianis, qua contra Felicissimum, qua contra Novatianum habitorum nunc auctorem se dedisse, nunc auctoritatis suæ pondus adjecisse pag. 40 planum jam feci.

Gradum itaque properando, observare non pigeat Millennariorum errorem bisariam adspici posse: vel quatenus a Cerintho, & Ebione inventus est, ac demum a Nepote, aliis Nepotiano, in Ægypto, sive Cyrene juxta Cavæum, Episcopo excitatus, quomodo S. Dionysio, ac Synodo Alexandrinæ in ejus damnatione anteiverant SS. Clemens, & Victor, ut indicavi pag. 33, & 38: vel quatenus a SS. Papiæ, Justino, Irenæo, ac juxta aliquos ab eodem Nepote, Severo Sulpitio, Scriptoribusque aliis Ecclesiasticis fuerat inductus, instauratusque: quo pacto in Apollinari demum a S. Damaso est damnatus. Ad hæc vero a S. Gelasio decreto de Apocryphis libris adnumeratus legitur Nepotis liber, cui in duos divisio hunc inditum titulum *ΕΛΕΥΘΕΡΙΑΝΗ ΑΛΛΗΛΟΓΙΣΤΗ* memorat S. Dionysius, qui duos itidem illis opposuit libros de Repromissionibus, apud Eusebium lib. 7. cap. 22. vers. Ruff. Plura de Nepote disserit Fabricius Bibl. Græcæ tom. 3. pag. 273, non secus atque de Cerintho, ex quo suos hausit errores Nepos, tom. 3. pag. 147, & seq. Synodum Antiochenam contra Paulum Samosatenum, petentibus Synodi Patribus a S. Dionysio P. M., subindeque a S. Felice I. confirmatam fuisse ostendi pag. 42. In Cerdone, de quo pag. 34. dixi, prædamnatus a S. Hygino fuerat Manes; sed & postea confirmatam in Manichæos damnationis sententiam a Pontificibus aliis demonstrare me memini pag. 43, & seq., 51, 58, & 70. Alexandrina Concilia adversus Sabellium, Arium, & Colluchum vetissimilime celebrata sunt auctoritate S. Silvestri ab Osio ejusdem in Oriente vicibus defungente. Quin & Sabellius a S. Dionysio Alex. delatus jam antea diris cunctis devotus fuerat a SS. Sixto II, & Felice I, de quibus pag. 41, & seqq. In Eustathium ejaculatam a Gangrensi Synodo sententiam Apostolicæ Sedi acceptam evasisse,

se, ab eaque longe amplius robur accepisse liquet ex dictis pag. 64, & seqq. Quorsum huc vero de Euphrate Colonienſi Episcopo in Concilio damnato mentio, cujus hæresis nihilo ab Ariana distantis jam in Ario damnatio Romano a Pontifice fuerat proclamata? At enim non Euphratem, virum germane orthodoxum, orthodoxæque fidei vindicem acerrimum, quem ideo a Synodo Sardicensi Legatum Antiochiam ad Constantium Imperat. delectum, & Antiochiæ dira ab Arianis perpeſsum refert S. Athanasius in epist. ad Solitar., sed Eupraxium, ex quo imperitus Librarius Euphratem fecerit, Agrippinenſi hac in Synodo damnatum auguratur Henschenius in vita S. Servatii ad diem 13. Maji Contra quem Pagius ad an. 346. n. 6. existimat nequaquam Euphratem deformandum in Eupraxium, sed duos magis Euphrates distinguendos; quorum unus alterum e vestigio exceperit, unus hæresi infamis, locoque dejectus, orthodoxus alter, ideoque Legatus destinatus. Sirmondus vicissim in Not. ad hanc Synodum Colon. in ea opinione versatur, ut putet Euphratem vel postea respuisse, antequam Legatus decerneretur, vel ignotas ob causas ad hanc obeundam legationem necessariam dijudicatam ipsius operam. E contra Agrippinenſe hoc Concilium ad pseudo-epigrapha fore amandandum conjecturis haud facile contemnendis suadent Baronius ad an. 346. n. 7, & seqq., ac Mamachi de rat. temp. Athan. pag. 259, & seqq. Confer & Christianum Lupum de Appellat. dissert. 1. cap. 7. oper. tom. 8. pag. 28, & seq. edit. Ven. 1726. A S. Julio, & Liberio damnati Ursacius, & Valens cum apud Julium, uti referunt S. Athanasius in Apolog., S. Hilarius in frag. 2, & Socrates lib. 2. cap. 24, ex quibus Constantius pag. 403, tum apud Liberium in Synodo ipsa Mediolanensi, uti liquet ex Dialogo Liberii cum Constantio Imper., de quo S. Athanasius in hist. Arian. ad Monach. n. 39, & Theodoretus lib. 2. hist. Eccl. capp. 15, & 16, exindeque Constantius pag. 434, palinodiam recinere, petere veniam, fideique professionem emittere officio duxere: cui postea deficientes iustas S. Damaso pœnas dedere. Arianis partibus Actius non modo adhærebat, sed eas provehere cum Eunomio discipulo allaboravit adeo, ut Anomœorum Proſenchæ evaſerit Praefectus: igitur de Arianorum satis dicta de eodem perinde

rinde accipi debent, de quo pluribus differit Fabricius Bibl. Græc. tom. 8. pag. 317, & seq. Nec etiam ab Ario fors altera Saturnino Arelatenſi, qui hæreſim cum illo habere communem delectabatur, obtingere debebat; ideſt ut & ipſi eadem adhæreret ignominiz labes, qua Romanis a Pontificibus Ariani fuerant aſperſi, S. Damaſo omnium primo cum Apollinaris, tum Macedonii damnationem acceptam fore referendam liquido, opinor, pag. 47, & ſeqq. demonſtratum eſt. Priscillianiſtæ in Manichæis, quorum nefandiſſima dogmata pleraque recoquebant, proſtigati Summis a Pontificibus fuerant: ſententiæ vero in Synodis Hiſpanis in ipſos ſapius jaculatæ vel auctores, vel laudatores acceſſere Pontifices, de quibus dictum pag. 50, & 59. Aquilejenſis Synodi adverſus Palladium, Secundianum, & Attalum auctor extitit S. Damaſus; non ſecus atque Mediolanenſis contra Jovinianum, Auxentium, & alios inceptor fuit, interceſſorque S. Siricius. Eunomius jam ab anno 378. una cum Sabellio, Ario, Macedonio, Photino, & Apollinari confixus a S. Damaſo fuerat in epiſt. ad Paulinum apud Theodoretum lib. 5. cap. 11, & Holſtenium Collec. Rom. pag. 80. In Meſſalianos, alio nomine Euchetas, Adelphianos, Enthuſiaſtas &c. latam a Patribus Concilii Ephesine, Præſide S. Cyrillo Apoſtolicæ Sedis Legato, anathematis ſententiam acceptam habuit S. Cæleſtinus P. M. Qua de re confer Lupum in Scholio ad hoc decretum adv. Meſſal. oper. tom. 1. pag. 405. edit. Ven. 1724. De Inſtantio, & Salviano intelligenda pariter ſunt, quæ paullo ſuperius de Priscillianiſtis indicavi, quarum ii partium erant Antefignani. Bonofio infamiæ dicam inſiſtam a S. Siricio fuiſſe, præceptoque ſuo auctorem ſe dediſſe Synodis Capuanæ, & Illyricianæ in hæreticum illum animadvertendi oſtendi pag. 52. De Origenis doctrina jam pridem dijudicaverat S. Fabianus: Origeniſtis vero proſternendis impares poſtea Theophilus Alex., & S. Epiphanius, Romani Pontificis longe potiorem adhibendam fore operam intellexerunt: qua re apſe egregie deſunctos S. Anaſtaſium I, ac Vigilium declaravi pag. 52, & ſeqq., ac 68.

Ita per ſingulas diſcurrendo hæreſum ſpecies, nulla inter tantas, aut ego tallor, invenietur, cui obtruncandæ præſentiſſimos, omniumque primos non ſe dederint Romani Pontifices;

Paſſ. II, Tom. V.

Y

qui

quibus proinde hanc victoriæ palmam velle eripere, quid est aliud, quam invidia agere, & injuria? Itaque præterquam quod cum Priscillianistis, a quibus ne latum distabant unguem, Diſtinus, atque Symphosius damnationis sententiam a Pontificibus accepisse reputandi sunt, illud animadvertere juvat a S. Innocentio I. epist. 3. edit. Cout. ad eandem Synodum Toletanam ejus indulgentiam erga duos illos ad frugem reduces laudatam fuisse, & probatam; operam quoque ab eodem Pontifice impensam, ut Schisma ex Diſtinio, & Symphosio dignitati suæ a Synodo reddere gratis exortum componeret, atque comprimeret. Vide Coutantium in Monito prævio ad hanc epistolam, de qua egregie præfatur. Cælestii, & Pelagii causam quod attinet, S. Innocentii I. judicio, confirmato subinde a S. Zosimo, fuisse finitam ex SS. Augustino, & Prospero, quin ipso ex Pelagio late probavi pag. 55, & seq. Vigilii Papæ primas, ac præcipuas fuisse partes de tribus Capitulis, inter quæ de Theodori Mopsvesteni persona, ac doctrina, cognoscere, ac dijudicare (quod dictum pariter in Diodorum Tarſensem cadere puta) atque Concilio ea de causa congregato sui Primatus jure præsidere agnovit Synodus ipsa Mopsvestena in relatione Synodica ad eundem Vigilium inserta Collat. 5. Synodi V, sive Constantinopolitanæ II. apud Harduinum tom. 3. pag. 133: quo de argumento recole, si placet, tantique sunt, abunde dicta parte 1. art. 2. §. 3. pag. 180, & seqq. Quid ad hæc autem, quod apud Pontificem in judicio sibi experiundum esse intellexit ipse Nestorius, unaque S. Cyrillus? Ille, qui proinde S. Cælestino causam deferre suam, integramque permittere dirimendam officio habuit: iste, qui pariter de homine ad Pontificium tribunal delato Apostolicæ Sedis audiendam sibi ante sententiam est arbitratus, quam ad proferendam suam proſiliret, juxtaque Pontificis judicatum, in Nestorium deinde judicium instituit, & tulit. Quæ S. Cyrilli sane persuasio intima pariter fuit, arctæque cordi infixæ S. Flaviano, qui latam in Eutychem ab se in Synodo sententiam confirmari a S. Leone infimis precibus postulavit, impetravitque, quod eum illam invictum obtinuisse robur intellexit. De Prædestinarianis non una profecto Eruditorum sententia est. Nullos fuisse unquam hæresi-

inf-

infectos hujusmodi , sed eo dumtaxat nomine S. Augustini discipulos invidiose traductos quidam existimant , ideoque pariter commentitias esse duas illas Synodos , inter quos Usserius, Janfenius, Mauguinus, Cabassutius, Contensonius, ac Thomassinus dissert. 13. in Concilia Arelat., & Lugdun. Ex adverso Prædestinarianam hæresim, esto paucorum fuerit, profecta que ab hominibus obscuri nominis, rudiorisque intelligentiæ, a Semipelagianis tamen non fuisse dolo confictam, nec fraude a Fausto in epist. objectam Lucido, nec falso a S. Fulgentio lib. 1. cap. 3. insequenti sæculo de eadem accusatum Monimum, nec ideo præfatas Synodos de industria productas, verisimilius propugnant alii, uti Baronius, Spondanus, Alvarezius, Sirmondus, Norisius lib. 2. hist. Pelag. cap. 15, Natalis hist. Eccles. ad sæcul. V. par. 2. dissert. 5, Pagius ad an. 490. n. 3, & seqq., & Maffejus hist. Theolog. lib. 16. n. 7. pag. 470, & seqq. Ut ut sit, Synodus illis præluxerat, facemque prætulera S. Cælestinus in epistola ad Galliarum Episcopos, qua totus incumbit, ut S. Augustini doctrinam ab obreptatoribus defendat, dignisque exornet laudibus. Utraque Synodus postmodum Synodi Arausicanæ II. probata aliquibus videtur, qui Prædestinarianorum errorem tacito nomine proscriptum Can. 25. intueri se putant: cui Synodo postea calculum adjecit suum S. Bonifacius II. Qua de re tamen valdequam dubitat Pagius, adeundus, si placet, n. 6, & seqq., consulendusque loco ind. Maffejus. Prædestinarianos in Gothescalco postea revixisse sunt, qui putant: qua de re paullo post. Pro certo illud interea pervelim haberi, quod Arausicanam II, & Valentinam Synodos contra Semipelagianos ad eum, quo in Ecclesia sunt, auctoritatis gradum evexit S. Bonifacius II, precibus exoratus a S. Cæsario Arelatensi, qui utrique Concilio præfuit. Trium Capitulorum damnationem obligandi vim demum omnem a Vigilio, a Pelagio utroque, & a S. Gregorio M. accepisse plus vice simpliciplanum feci.

Ad objectatas sequentis ætatis Synodos, quæ præcedentium vestigiis inhærentes a censuris in hæreticos, quum opus foret, distingendis, instituendoque in hæreses judicio non abstinuerunt, hujusmodi nunc habeto responsa. Equidem cujus esset, cujusve erroris Sectator Græcus ille hæreticus a Synodo Aurelianensi

male habitus, in obscuro latet. St tamen conjecturis est locus, non alteram a Monothelitica, tum in Oriente longe, lateque, grassante, illi adhaeruisse hæresim existimaverim. Jam vero in hujusce Antesignanos hæresis omnium primos damnationis tela intorxisse Romanos Pontifices, intorquendique subinde Synodis in Africa, Italia, Anglia, Gallia, Hispania, & Asia indictis exemplo, ac jussione prævisse memoravi pag. 71, & seq. Quo proinde loci temperare mihi non possum, quin obiter summam redarguam audaciam D Ravechet Sorbonici olim Syndici, qui sermone coram Sorbonicis habito Clementinam Constitutionem *Unigenitus* rejiciendam ex eo capite arguens, ac temere aggressus, quod absque Episcoporum acceptatione Pontificum decreta obtinere nequeant, potiore in eo vim facit, quod Synodi, in specie Lateranensis I. sub S. Martino I, & Constantinopolitana III. sub S. Agathone adversus Monothelitas habitæ universam obligandi Ecclesiam, vim non habuerint, donec Episcoporum omnium suffragio fuissent ratihabiti. Cujusmodi dicti testes, assertoresque vocat SS. Martinum I, & Leonem II: illum, quia in epistolis ad S. Amandum Tr. jectæ, ad Clodovæum, Dagobertum, & Sigebertum Galliarum Reges fidei confessionem adversus Monothelitarum hæresim ab Episcopis Gallicanis subscribendam mittens, præcipuos ex Regni Episcopis Roman dirigere petierit, cum quibus communi suffragio de fide deliberare posset, quæ fuerint deliberata Romæ, in Galliarum deinde Provinciis comprobanda dirigere: istum, quia in epistolis ad Ervigium Hispaniarum Regem, Regni que Episcopos Synodi VI. acta, fideique definitionem se mittere significavit, ut Episcoporum omnium subscriptione communiarentur. At enim quam sinistra, & iniqua sit ista Sorbonici hujus interpretandi ratio ut demonstretur, haud indiget multis. Eo enim consilio S. Martinus Synodi acta in Galliam, non secus atque in Asiam, & Africam misit, ut Monothelitas omnibus damnatos, odioque habendos denuntiaret, innotesceretque doctrina Romana in Ecclesia sacra, religioseque servata de duabus in Christo D. voluntatibus, eique omnes ex officio adquiescerent. Gallicanos vero Episcopos vir. ut probos, doctrinaque præstantes venire Romam voluit, quibus vices turo suas apud Græcorum Impe-

facto.

ratorem obeundas demaginare posset , atque ut quæ in Concilio Lateranensi decreta fuerant , eorum opera Imperatori , ceterisque Græcis innotescerent , & insinuarentur . Nec absumilem admodum cum Hispanis agendi rationem tenuit S. Leo II: cujus epistolæ equidem Baronius ad an. 683. n. 16 , & seqq. , non secus atque S. Benedicti II. eadem de re exaratas ad an. 684. n. 3. pseudo-epigraphis adnumeravit , plerisque argumentis e re historica , rationeque chronologica ductis permotus , cujus nuper in opinionem abiit Illustriss. Johannes Bap. Bartholi in Apolog. pro Honorio cap. 27 , quibus tamen satisfecere Combesius in hist. Monoth. pag. 154 , & seq. , Pagius ad an. 683. n. 5 , & seqq. , & ad an. 684. n. 9 , & seqq. , Lupus tom. 3. in disert. extrema de Synodo VI. pag. 52 , Ludovicus Jacobus Bibl. Pontif. pag. 20 , & Aguirrius tom. 2. Concil. Hisp. pag. 711 , & seqq. Propterea epistolis illis tanquam legitimis admissis , confidentissime adfirmo nihil hinc , aut ex agendi , quam tenuere , Hispaniarum Episcopi , ratione præjudicatum juri Pontificis res fidei peremptorio , ut ajunt , judicio dirimendi . Enim vero quum Episcopi Hispani , absoluto jam Concilio Toletano XII , S. Leonis litteras una cum Synodi VI. actis accepissent , atque ingruente jam hyeme , se aggregare secundo nequirent , in annum sequentem Synodum distulere : interea ad Episcopos per Provincias acta Synodica pro subscriptione dirigentes , gestorumque ita rationem Pontifici redtentes . Ad hæc officii admoniti a S. Benedicto II , qui S. Leoni successerat , anno insequenti , idest 684 , in Concilio Toletano XIV. congregati , Can. 2. sic statuunt : *Ad hoc omnes Præsules Hispanie invitati sunt (a Pontifice) ut prædicta Synodalia instituta , quæ miserat , nostri etiam vigoris manerent auctoritate jussulata , omnibusque per nos sub Regno Hispanie consistentibus patefcerent divulganda . Quid in his latet doli , vel ambitus , quo se in Pontificis iudices erigere voluerint , qui id unum prætendunt se morem Pontificigerendi gratia congregatos acceptatione sua jubere , ut Synodi VI. acti in Hispania valeant , quæ ideo cunctis innotescere curant ? Subinde Can. 3. excusationem subtexunt , quare sibi non licuerit illico convenire , subdentes Can. 4 : *Placuit proinde . . . ea ipsa gesta firmare , nostræque fidei sensum purissimis**

riffima verborum enodatione depromere. Adornata itaque a Juliano (qui a Roderico Toletano rer. Hisp. lib. 3. cap. 12 perperam Pomerius, genereque Judæus nuncupatur) Apologia ad Pontificem mittenda Catholicæ Religionis summa capita adversus hæreticos exponunt, & defendunt: in qua quum quædam Pontifici minus probata fuissent, Apologetico altero illi plane satisfacere in altero Concilio Toletano XV. an. 688. curarunt. Quod indicium est haud obscurum, quo obsequii loco dicta, jussaque Pontificis ab Hispanis haberentur. Postquam vero Can. 5. eadem Synodi VI. acta cum Nicæna, Constantinopolitana, Ephesina, & Chalcedonenſi contuliſſent, Ideo Can. 6. subjungunt, *ſupra dicti acta Concilii in tantum a nobis veneranda ſunt, & recipienda conſtabunt, in quantum a præmiſſis Conciliis non diſcedunt, imo in quantum cum illis concordare videntur:* propterea Can. 7. quatuor illis Conciliis generalibus (quorum nedum in cenſu Synodum V. repoſuerant) Synodum VI. adnumerandam pariter fore concludunt. Quæ omnia eò recte collineant, ut oſtendant iccirco miſſa a Pontifice Synodi VI. acta, ne quæ mox de fide adverſus Monothelitas fuerant definita, Hispanos laterent Episcopos, qui eo libentius in eandem conſpirare ſententiam non dubitarunt, quod cum præcedentium Synodorum dogmatibus, cum Patrum traditione, cum Rom. Pontificum doctrina ſumma eſſet Synodi VI, miraque conſenſio. Quæ qui ſiniſtrorſum intorquere adhuc velit, nã is fruſtra luci oſſundere conatur tenebras. Vide viros doctiſſ. Cennium de antiq. Eccleſ. Hisp. diſſert. 4. cap. 6. n. 20, ubi a Boſſuetio argumentum hoc eripit, redimitque, ac Lopeziũ de antiq. Can. Cod. Eccl. Hisp. par. 1. cap. 35, & ſeqq., ubi Hiſpanos Episcopos a Cennio hac de re nonnihil vexatos defendit, & vindicat.

Quod nunc propius ad rem attingit meam, quid pluribus morer Hiſpanos Presbyteros illos graviffime circa Euchariſtiam peccantes, ideoque a Synodo Bracarenſi damnatos, quorum adeo ſupinus error non tam dedocendus erat, veluti nihil oſecius ex S. Julio I. in epiſt. ad Egyptios deſumpto argumento præſtitum eſt, quam ſevere adeo inſignis temeritas cum ſchiſmate conjuncta comprimenda fuerat, & caſtiganda? Contra Adelbertum, & Cle-

men-

mentem a S. Bonifacio advocatam S. Zachariæ P. M. auctoritatem, adhibitamque, ideoque Synodis Sueffionensi, & Germanicæ robur ex Apostolica Sede accessisse paullo superius pag. 78. adnotatum est: non secus atque pag. inseq. Felicem Urgellitanum Hadriani I. auctoritate, quam Episcopi efflictim exoraverant, quaque suffulti in sententiam similiter exierant, compressum fuisse, atque ad errorem ejurandum compulsum. Cæterum Concilium Narbonense contra Felicem suspectæ admodum fidei a Paggio habitum est ad an. 788. n. 10. multis de causis, tum quia notæ temporariæ, quibus consignatur, inter se pugnant, Imperatorisque Carolus M. illustratur nomine, quod ei tamen ante an. 800. attributum non fuit; tum quia Concilio subscriptus legitur Felix, quin se tamen hæresi abdicat, cui imò usque ad Concilium Ratisponense an. 792. tenacissime inhæsisse liquet ex Eginhardo ad hunc an., & Jona Aurel. in lib. adv. Claudium Taur. Conficiam nunc paucioribus, quoad ejus fieri poterit, quæ ad causam Amalatii, & Gothescalci attinent. Equidem Amalatio, cum homonymo Trevirensi cognomento Fortunato non confundendo, nonnulla circa Eucharistiam minus caute excidisse non negaverim, de quibus a Floro Lugd. & Agobardo fuerit jute reprobatus: cum tamen de Christi D. corpore secessui supposito injuste accusatum ostendit Mabillonius in præf. ad par. 2. Sæculi IV. Bened. §. 5. n. 69. pag. 324, & seq., qui pag. 322, & seqq. ab hac Stercoranismi labe patiter liberat, & excusat cum ex Græcis Originem & Nicetam, quem posteriorem hujusce flagitii postulaverant Humbertus, & Algerus, tum ex Latinis Heribaldum, & Rabanum, quibus idem error ab Herigero afflatus fuerat. At enim alterius circa Eucharistiam erroris, qui ei cum Rabano, Herigero, & Rattamno fuerit communis, & cum Pascasio Radberto ad unum quatuor commiserit, accusatur Amalarius. Radbertus nempe, sive Ratherius, ut quidam, minus verisimiliter tamen, ex Mf. Cod. Bibl. S. Martini Lovan. arguunt, lib. de Corp. & Sang. Dom. scripserat peracta consecratione, panis vinique substantiam non superesse, locoque supervenire verum Christi D. Corpus, & Sanguinem; ipsumque Corpus non aliud ab eo, quod ex B. Virgine Maria natum, & in Cruce passum est. Ita expresse capp. 1,

4, 9, 12, & 20, in epistola quoque ad Fredugardum, & in Comment. ad cap. 26. S. Matth. E contra Rabbanus in epistolis ad Hegilonem, & Heribaldum, Amalarius in epist. ad Guntardum, Herigerus lib. de Corp., & Sang. D. apud Cellotium in append. ad histor. Gothescalci (quamvis opus hoc Herigero tributum a Cellotio Silvestro II. P. M. fore tribuendum autumant Scriptores hist. litter. Gallic. tom. 6. pag. 587.) & Ratramnus lib. de Corp., & Sang. D. (quem librum minus vere factum esse Johannis Scoti opinati sunt Petrus de Marca in epist. ad Dacherium ante tom. 2. Spicileg., nov. edit. tom. 3. pag. 852, Anselmus Parisius in disert. adv. Allixium cap. 5. tom. 5. perpet. fid. par. 2 pag. 198, & Johannes Harduinus in disert. de Sacram. Altar.) Radbertum oppugnantes Eucharistiam idem Christi D. esse Corpus negabant, quod ex Virgine Maria natum, & Cruci suffixum fuerat. Hinc Novatores opportunitatem Catholicum dogma oppugnandi avide arripientes Rabanum, Amalarium, Herigerum, & Ratramnum una pariter inter realis presentie Christi D. in Eucharistia hostes enumerare non erubere, ut Albertinus, Claudius, Larroquianus, Goulartius, Lampadius, Allixius, Hopkinsius, Pfaffius &c.; Radbertum cum Ratherio vicissim vel in Calvinistarum partes rapere conati sunt, uti Boxornius, & Hospinianus; vel Radbertum veluti novi dogmatis a veteris Ecclesie doctrina alieni procusorem traduxerunt, uti Claudius, Larroquianus &c.; vel Radberti librum depravare, interpolareque non sunt veriti, uti Jobus Galtius, qui ideo merito a Nicolao Mamerano vapulavit. At enim non reipsa, sed in solo loquendi modo ab isto dissidebant illi, siquidem quomodo iste, sic illi transubstantiationem panis, ac vini, Christique D. post consecrationem in Eucharistia presentiam credebant, & docebant: ita Rabanus in cit. epistolis, lib. 7. de Sacr. Ordin. cap. 10, & lib. 1. de Instit. Cleric. cap. 31; ita Amalarius in cit. epist. ad Guntardum, & lib. 3. de Eccl. offic. cap. 24; ita Herigerus lib. ind. cap. 4; ita Ratherius lib. de Corp., & Sang. Christi, & in epistola ad Patricum; ita Ratramnus in præcit. libro passim, ac nitide quidem par. 1, & in hujusce partis conclus., tum etiam par. 2. Itaque id unum contenebat Radbertus Christi D. Corpus in Eucharistia illud ipsum esse quoad

quoad naturam, substantiæque naturales proprietates, quod ex B. Virgine natum, & in Cruce passum fuerat: quod inficias haud ibant Rabanus, Amalarius, Ratramnus, Herigerus, & RATHERIUS, qui id unum negabant, quod neque affirmabatur a Radberto, quantum ad affectiones mere accidentales, puta extensionem, motum, externamque speciem, Corpus Christi D. idem in Eucharistia esse, quod ex Virgine ortum, in Cruce mortem obierat. Quo diverso plane sensu a Patribus quibusdam vere assertum, ut a SS. Ambrosio, & Gregorio, ab aliis autem non minus vere negatum, ut a SS. Hieronymo, & Augustino, qui duplex, aut triplex Christi D. Corpus distinxerunt, observatum jam pridem est a S. Fulberto Carnot. in epist. 2, a S. Lantfranco Cantuar. lib. adv. Berengar. cap. 18, a Floro Diac. in exposit. epist. in Cœna D. legi solitæ, & ab Algero lib. 1. de Sacr. Corp. & Sang. D. cap. 17. Itaque in modo loquendi solo tota pugna ista sita erat, quos alioqui probe in sententia pares convenisse, toto autem ostio a Novatorum erroribus circa Eucharistiam distasse multis demonstrant Perronius lib. 2. de Euch. cap. 1; Miræus in Not. ad Sigeberti cap. 95. de Scriptor.; Cointius tom. 8. Annal. Franc. ad an. 818, 826, & 831. pag. 192; Gilbertus Mauguinus in dissert. hist. Chron. de Gothescalco cap. 17; Petrus de Marca in epist. ad Dacherium; Cellorius in historia Gothesc.; Jacobus Boilavius in præf., & Not. ad Ratramnum; Arnaldus tom. 1. lib. 8. perpet. fidei circa Euch. cap. 12; Mabillonius in præf. ad par. 2. Sæcul. IV. Bened. §§. 6, & 7. pag. 330, & seqq.; Anonymus Congreg. S. Genovefæ in dissert. edita ad calcem tom. 1. perp. fid.; Natalis Alexander hist. Eccl. ad Sæcul. IX, & X. dissert. 10, & seqq.; & Du-Mesnil doct. & discipl. Eccl. tom. 4. lib. 43. n. 57, ubi n. 58. Alfricum Cantuar. Antistitem, de quo Alfordus ad an. 1006, ab eodem circa Eucharistiam errore, in quem ipsum invitum pertrahere Anglo-Protestantes adnituntur, omnino liberat, & vindicat.

Fusus hæc forte, quam par fuisset, persequutus sum, quorum tamen lectori non poenitendum opinor. Jam vero, quod ad Gothescalcum pertinet, ut brevius absolvam, is in opusculo ad Not. tingum Deum prædestinasse justos ad vitam, & reprobos ad mor-

tem docuit: in Apologetico vero contra Rabanum addidit, nec Deum velle omnes salvos fieri, nec Christum pro omnium salute mortuum fuisse. Qua in doctrina porro, aliis aliter, vel præter, vel juxta ipsius mentem interpretantibus, adversarios alios, alios defensores habuit. Adversarios sensit Rabanum Mogunt., Hincmarum Remen., Amulum Lugdun., & Pardulum Laudun., quorum opera in Synodis Moguntina, ac duabus Carisiacis damnatus est. Ex adverso erecta contra hos fronte pro Gothescalco defensores fortiter steterunt Ratramnus Corbejen., Lupus Servatus, S. Prudentius Trecentis, & S. Remigius Lugd., Amuli successor, quo agente, & præsidente ex tribus Provinciis Lugd. Vien., & Arelat. congregata est Synodus Valentina III. an. 855, in qua sex prioribus Canonibus probum in sensum exposita est Gothescalci doctrina: quos deinde Canones sex calculo suo comprobant Synodi Lingonensis, & Tullenensis an. 859. ex duodecim Provinciis coadunata. Hucusque non habes profecto, ubi tuto pedem figas, ut enim vides, Gallicanam Ecclesiam geminas in partes Gothescalci causa dispartita est, huic refragantibus aliis, aliis suffragantibus: in ceteris per Orbem Ecclesiis altum de hisce questionibus audit silentium, Quid ages hac in rerum ambage, sententiarumque diversitate, nisi ei parti plene adquiescas, in quam propenderit Romanus Pontifex? Ita plane; idque agnovit vel Hincmarus ipse, sive Gothescalci insensissimus hostis, sive in Rom. Pontifices haud multum honestus, quippe de controversiis a Gothescalco motis certiore fieri soll cito S. Nicolao I. facere, ut oportebat, satis, rerumque gestarum narrationem ad eum perducere officii loco habuit: a quo tamen, ut ipse scribit in altera ad eundem Pontificem epistola apud Flodoardum lib. 3. cap. 15, nullum responsum, nescio quo fato, retulit: nisi forte quia vel Hincmari sublesta fides, comperta, suspectaque jam evaserat perspicacissimo Pontifici, vel accuratorem de his relationem, unde dilucide pateret veritas, desiderasset ab eo prudentissimus Pontifex. Præterea idem Pontifex quum iterum a Luidone Archid. Laudunensi Romæ an. 864. rem cum Hincmari, tum Regis agente de Gothescalco, rebusque circa eundem gestis inquisivisset, rationemque exegisset, prolixiorum Hincmarus ad Pontificem

ficem de Gothefcalco , ejusque doctrina , & damnatione relationem misit , de qua Flodoardus lib. 3. cap. 12 , & seqq. Quum vero Guntebertus Monachus Gothefcalci causam defensurus Romanam properasset , Gothefcalci litteras Pontifici exhibiturus , Hincmarus tertio Egilonem Senon. Archiep. tum Romæ agentem sollicitavit , ut Pontifici Gothefcalcanæ causæ integrum tenorem recitaret , aperiretque ; ne forte Gunteberto enitente , Gothefcalcus causâ vinceret . Porro qui Hincmarum responso non est dignatus Pontifex , quid pariter Egiloni responderit , incompertum est : nihilominus Gothefcalci causam bene cessisse exinde augurari fas est, quod Valentini , & Lingonensis Concilii capitula in gratiam Gothefcalci edita , ad S. Nicolaum delata , ab ipso confirmata fuerunt , uti testantur S. Prudentius Trec. in Annal. ab Hincmaro ipso laudatis in epist. ad Egilonem, & Annalista Bertinianus ad an. 859. Quamobrem Synodis Moguntinæ , geminæque Carisiacæ anteferendas Valentinam , & Lingonensem affirmo , ac præ Tournellio de hæresi Prædestin. , Pagio ad an. 849. n. 6 , & seqq. , Natali Alexandro hist. Eccl. ad Sæcul. IX , & X. dissert. 5 , ac Rebero Lutherano homine in dissert. de erroribus Gothefcalci , quibus pessima , omninoque perdita Gothefcalci causa visa est , utroque pollice subscripserim , non dicam Ulserio in histor. Gothefcalci , & Prædestinantiæ Controversiæ , nec Vossio hist. Pelag. lib. 7. par. 4. tom. 6. oper. pag. 812 , & seqq. , nec Janzenio lib. 8. de hæ. Pelag. cap. 23 , ubi totus incumbit , ut ab erroribus Gothefscalci omnino abstergat , sed Christiano Lupo in Schol. ad Concilium I. Romanum sub S. Gregorio VII , Contensonio in append. unic. de Prædest. §. 3 , Gilberto Manguino in dissert. hist. Chron. de Gothefcalco , cujus Synopsim exhibet doctiss. Norisius , Norisio ipsi tom. 4. oper. pag. 681 , Roncaliæ in animad. ad Gothefcalci causam , Berti de Theolog. discipl. lib. 6. cap. 14 , aliisque , quibus hæresis dicam scribi Gothefcalco non posse non modum visum , sed nec eum imo a doctrina S. Augustini vel digitum abluisset : cui simillimos Gothefcalci objectos olim errores a S. Prospero in respons. ad objectiones Galorum , & Vincentianas didicimus .

Accipe nunc paucis , quæ circa reliquas objectas Synodos

resolvenda manent. Aurelianensis, Atrebatensis, & Karrofenſis Episcopis in ſimilibus adverſus veteres hæreticos ſententiis præiverant Romani Pontifices, quales qui Manichæos, & Monothelitas, a quorum erroribus Stephanus, Liſojus, & Gandulphus non abludebant, diris cunctis devoverant. Concilio Quintilineburgenſi calculum adjecit ſuum S. Gregorius VII. Roſcellinum prædamnatum æſtimari fas eſt a Pontificibus illis, qui Præxæ, Noeto, Sabellio, & Patripaſſianis hæreſis ignominiam inflixerant. Florentinam Synodum adverſus Fluentium auctoritate Pontificis, qui tum audiebat Paſchalis II, congregatam tradunt Sabellicus Enneade 9. lib. 3, & S. Antoninus tit. 16. cap. 11. Abaelardus a Synodo Senonenſi ad Pontificem provocans juſtiſſimas Innocentii II. iras expertus eſt, ut innui pag. 91, & ſeqq. 3 quo perinde loci eidem Pontifici acceptam referendam Arnaldi damnationem oſtendi. Armenorum errores jam pridem in Eutycheſe a S. Leone M., ac ſequiori ævo a Benedicſto XII, & Clemente VI, de quibus pag. 101, inſiſto ſtigmate fuerant obſignati. Bogomili in Manichæis, ſive Paulicianis, & Meſſalianis, ex quibus ſectam conſlaverant ſuam, de qua ſuſe Anna Comnena, lib. 15. apud Pagium ad an. 1118. n. 28, & ſeqq., Bandurius Imper. Orient. tom. 2. pag. 635. edit. Ven., & Wolphius in hiſt. Bogomil. edit. Witemberg. 1724, proſcripti ſæpius a Pontificibus fuerant, atque ita Palamitæ pariter. Gilberti Porretani cauſſa, nonniſi ab Eugenii III. auctoritate ſinem accepit. Soterichus conſilio evadendæ Neſtorianæ hæreſis de duabus in Chriſto perſonis, in oppoſitos Eunomii errores imprudens inciderat, quibus dammandis nova non opus Synodo fuerat, ut qui multo pridem a S. Damaſo fuiſſent damnati. Ad Valdenſes, Albigenſes, ſimileſque prognatas ex eis, propagatasque peſtes excindendas, exterminandasque pœnis ſive temporalibus, ſive ſpiritualibus, ad id indiſtis ſive Comitiiſ, ſive Conciliis, poteſtatem utramque ſive Laicam, ſive Eccleſiaſticam ſæpiſſime, ſolerterque a Pontificibus excitatam fuiſſe, exſtimulatamque quis ignoret, poſtquam late hac de re peractum legere eſt pag. 93, & ſeqq. In Petri Lombardi doctrinam a Pariſienſi Synodo inſtituta inquiſitio eſt juſſu Alexandri III, a quo perinde eadem propoſitio ab illo aſſerta legitur

tur improbata , uti ejus epistolam ad Willelmum Senon. lustranti constabit . Parisiensis Synodi adversus Almaricum sententiam robore induit in Lateranensi IV. Innocentius III. ,cujus pariter ab judicio Arelatensem dependisse fide , qui eidem præfuit , Florentinus Archiep. , affirmat sua. Stephano Parisiensi Episcopo indicto Theologorum cœtu propositiones quasdam fidei parum conformes proscribendi auctorem se dedit Joannes XXI , ,cujus hac de re litteras recenset Raynaldus ad an. 1277. n. 9 , & seq. Neque sane cujuscumque Academiæ sententias non nisi ab Apostolica Sede auctoritatem obtinere , ac fortiri inficiabitur ullus , ignorabitque . Propositiones quod attinet a Simone Langhamo Archiep. Cantuar. proscriptas , ex pridem in Origene , Pelagio , Wicleffo &c. a Pontificibus fuerant confixæ . Novæ non tam seclæ , Intelligentiæ dictæ , inventores , quam veteris Berengarii , & Beguardorum instauratores Ægidium , & Guillelmum cum Berengario , & Beguardis profligatos a S. Leone IX , & Clemente V. pariter fuisse putandum est . Idem esto de Jungellingo judicium , qui in Valdensibus , & Wicleffo dignas jam pœnas dederat spirituales , dignus proinde , qui temporales etiam daret . Sed & e Valdensibus , e Beguardis , e Marsilio Patavino suos hauserat errores Ruchardus : itaque cum illis communem jam habuerat sortem . In Edmundi Richerii librum lata , agente , satagente , ac præsidente Cardinali Perronio , a Concilio Senonensi , sive Parisiensi , ac deinde ab Aquiseptiensi sententia Paulo V. P. M. accepta , probataque fuit . Denique non absque Benedicti XIII. conscientia , & consensu in Ebredunensi Concilio decreta Constitutioni *Unigenitus* obedientia est , ejusque refractario Episcopo Saniciensi depositionis inflicta pœna . Quæ omnia quum ita se habeant , hinc quanti facienda sit in quæstionibus fidei dirimendis , hæresibusque damnandis unius Pontificis ex Cathedra loquentis auctoritas , tanti nempe , ut ab ea Synodales ipsæ Sanctiones robur accipiant , vel ignaris facile datur intelligi .

Ex

*Ex Jure præscribendi Fidei formulas, recipiendique
Fidei professiones.*

§. II.

EX eo in Ecclesia jugi, sacro, & integro more, quo fidei formulas præscribere Romanis Pontificibus solemne fuit semper, quibus quotquot, qui Christiano censeretur nomine, & Apostolicæ Sedis communionem, sacrorumque consortio cohonestari desiderarent, subscribere deberent, quoque fidei suæ Romanis Pontificibus rationem reddere, fideique professionem, juxta præscriptum Pontificis, emitte quicumque quovis gradu in Ecclesia fulgeret, omnino, omnique tempore fuit adstrictus, quæ proinde loco esset tessera Catholicæ Religionis, cui nomen dedisset, cujusque una Romana Ecclesia Centrum dignosceretur a Christo D. constitutum, quis, quæso, non statim subinferat Pontificem Summum, qui ita cunctis Fidelibus præest, ut cunctis pariter in fide præeat, a fide desistere nequaquam posse, eadem fide credendum fore plane? Si Pontifici propterea fidem edocenti auscultare omnes utraque aure debent, adeo ut tradita ab eo fidei doctrina Fidelibus omnibus loco habenda sit regulæ, cui ab omnibus fides accommodanda sit, nonne similiter, ac necessario consequitur unum penes Pontificem Sacrorum, Religionisque summam consistere integram, nec eo in terris esse Superiorem? Eo vel magis, quod permitti nunquam particulares Episcopi fuisse legantur pro libitu, & facultate hujusmodi formulas cudere, sed a Pontificibus cunctis integro mentis obsequio solummodo cunctis fuerit subscribendum; neque imo Synodis ipsis generalibus integrum fuerit unquam, liberumque aut fidei formulas, Pontifice inconsulto, aut non approbante, præscribere, ut dictum est alibi, aut a fidei formula a Pontifice ipso præscripta vel latum unquam licuerit desistere, ut ex dicendis mox palam fiet. Eo vel maxime, quod inter innumeras fidei formulas a Pontificibus frequentissime procusas, atque præscriptas adinvenire non est aliquando, aut aliquam, quæ divinæ a Christo D. traditæ fidei

vel

vel forte minus congrueret, vel tenuiter foret contraria: quemadmodum quæ sæpe sæpius ab hæreticis, scilicet ab his, qui Romano Pontifici de fide loquenti æquas præbere aures detrectavere, diversis locis, ac temporibus adornatæ fuerunt, quam orthodoxæ fidei dissonas, tam diversissimas inter se, & contrarias sibi invicem fuisse, nemo, qui haud in Ecclesiastica historia sit valde hospes, ignorabit.

Quod postremum, ut bona in luce collocetur, mihi fas ante sit, quam ad propositum argumentum aggrediar, hujusce variationis in fide ab una vel altera hæreticorum Secta exemplum capere. Certe vel circa unum doctrinæ Evangelicæ, & Apostolicæ, caput de Christi D. Divinitate, aut Humanitate, aut Incarnatione mirum quam multæ adversæ exarserint hæreses, quas ex Niceta lib. 3. Thesaur. cap. 39. tom. 25. Bibl. PP. Lugd., Petavio in lib. de Incarn., Frasseno in Scoto Acad. tom. 3, Imbonato in adventu Christi, aliisque ad tredecim non minus summa reduxit capita Fabricius Salut. Luc. Evang. cap. 8. Sed in his, aliisque hujusce genus animus non est immorari, sed unius dumtaxat, vel alterius, quæ in diversas secta sit partes, habere delectum. Ergo sistendo in Arianis, hi nuspiam habentes, ubi certo pedem figerent, qui nempe Pontificis fidei se integros permittere renebant, perquam facile fidem, mutata opinione, vel opportunitate, mutabant: ita inconstantiam mendacii, errorisque individuam esse comitem ostendentes. Principio enim vero formula fidei ambigua, Nicænæque adversa ab Ario adornata, & Constantino Imp. oblata, ultro citroque suis a Symmisticis in Synodo Hierosolymitana an. 335. suscepta est. Alteram sequenti anno, Nicænæ nempe, Imperatori obtulit Arius, aliam tamen eodem tempore perfidiæ suæ formulam sub ala recondens, ac ita se credere juramento contestatus est, mentali restrictione id de recondita intelligens. Post Arii obitum, Ariana Secta in tres factiones divisa, tres diversas fidei, sive perfidiæ potius, formulas, tresque diversas ad significandam Verbi Divini substantiam voces inexit. Prima Arianorum, quæ & ab Anomæis, & Aetianis, Eunomianis, & Eudoxianis, & Eusebianis denominata purum, putumque Arii propugnabat errorem, ac Dei Filium *Αρειανον*, idest Patri per
om-

omnia dissimilem profitebatur. Secunda Semiarianorum, quæ & in Macedonianos diversa ratione tamen descivit, atque Dei Filium Patri non utique consubstantialem, sed per omnia similem prædicabat, ideoque rejecta voce *ὁμοούσιον*, loco vocem *ὁμοιούσιον* subrogavit. Tertia Acacianorum, dicta ab Acacio Cæsareensi, quæ Dei Filium dicere sive Patri consubstantialem, sive ex Creaturis unum refugiebat, sed dumtaxat similem admittebat, non tamen *ἕνα*, idest substantia, sed externa tantum specie, veluti simulacrum hominis solis hominis lineamenti est simile; unde Dei Filium denominabat non *ὁμοούσιον*, ut Catholici, non *Ἀρρητόν*, ut Anomœi, non *ὁμογενεον*, ut Semiariani, sed *ὁμοιον*, idest in externa specie similem. Ad hanc fidei diversitatem diversis formulis, antequam in apertam inter se pugnam descenderent, componendam diversis in Synodis se compararunt. In Antiochena an. 341. quatuor fidei elucubratae formulæ sunt, in quarum prima Dei Filius non dicebatur *Consubstantialis*, in secunda nominabatur *Similis*, in tertia vox *Similis* omittebatur, & in tertia Nicæna quidem ex parte fides usurpabatur, non etiam vox *Consubstantialis*. In Antiochena iterum altera an. 345. nova fidei formula, quam *Μακροτέρας* vocant, eademque ceteris ante editis prolixior, propiusque ad fallendum composita, evulgata est, qua homines a capite ad talos Ariani ab Ariana hæresi se procul abhorreere profitebantur, in eaque vox *Similis*, non etiam *Consubstantialis* habebatur. In alia perinde adornata in pseudo-Synodo Philoppopolitana an. 347. utrumque verbum tam *ὁμοούσιον*, quam *ὁμοιούσιον* æque suppressum est. Ita nempe sibimet nunquam satis constantes pro ingenio fidem mutabant. Tres adhuc alias fidei formulas, exinde Sirmienfes dictas, Sirmii elaboratas scitum est. Prima in Synodo an. 351. edita a voce *Consubstantialis* abstinet. In secunda jam non in Synodo, sed in paucorum Conventu procusa, Sirmii tamen an. 357, pura, putaque Ariana hæresis adstruitur, atque utraque pariter vox cum *Consubstantialis*, tum *Similis*, tanquam a SS. Scripturis aliena, proscribitur. A tertia Sirmii an. 359. similiter, non tamen in Synodo, conscripta, sed in paucorum congressu, vox *ὁμοούσιον* exulat, quin interea vocis *ὁμοιούσιον* usus interdicatur.

Atque

Atque ad hæc usque ferme tempora , una , communisque fuerat Arianorum caussa , inter ipsos quidem diversis exagitata opinionibus , unanimi tamen impetu adversus Catholicos agitata , & sustentata . Donec magis in dies , magisque ab invicem dissensione exardescente , eadem Secta in duas Arianorum , & Semiarianorum apertas factiones primum dissecta est , Arianis pristinis ab se adornatis perfidiæ formulis tenacissime adherentibus , Semiarianis novas hæresim mollientes phrasas adinvenientibus . Hinc factum , ut in Synodo Ancyrana an. 358 , aut seq. a Semiarianis , damnata voce *ὁμοιούσιος* , ac formula edita , secundæ Sirmienſi contraria , tertiæ vero conformi , voceque *ὁμοιούσιος* restituta , Dei Filius per omnia Patri similis declararetur . Qua perinde ex formula , atque ex tertiâ Sirmienſi formulam aliam conſlarunt Ariani in Synodo Nicæna in Thracia an. 359 , in qua *ὁμοιούσιος* , & *ὁμοιούσιος* suppressis , Dei Filius pronuntiabatur similis Patri , non quidem *per omnia* , sed dumtaxat *secundum Scripturas* , eique ut subscriberent Patres Ariminenses , dolis , minisque demum imperarunt . Ad hanc usque Epocham duo solummodo vigeabant Arianorum , & Semiarianorum factiones , quarum altera , pro temporis , animique inconstantia , viritim in alterius concedebat sententiam . Suborta sub id temporis tertiâ Acacianorum Secta scissiones adauxit . Scilicet in Synodo Seleuciensi an. 359 . factô schismate , atque in duas partes discissis Semiarianis , & Acacianis , ab his scilicet Acacianis nova fidei formula composita est , quæ Filium Patri similem fatebatur , non quidem substantia , sed sola voluntate : quod in causa fuit , cur Semiariani similitudinem in substantia propugnantes , a Nicæna quidem abhorrerent , in professione tamen Antiochenæ an. 341 . formulæ persisterent . Altero eodem anno 359 . Conciliabulo Constantinopoli celebrato ab Acacianis , Semiarianis agentibus , Actii formula , qua Filius Patri *dissimilis* dicebatur , una cum suo auctore damnata , nova fidei conscripta formula est , quam nonam numerat Socrates eorum , quæ ad eam diem ab Arianis proculsa fuerant , ad quam illud perfidiæ adjectum fuit , ut non solum *Uſiæ* , sive substantiæ nomen aboleretur , juxta formulam Ariminensem , quæ tum confirmata est , sed etiam silentio nomen Hypostasis , sive substan-

tix damnaretur. Constantio Imp. oblata utraque formula, & quæ Arimini perlecta fuerat, & quæ fuerat Constantinopoli procusa, quibusque etsi ab invicem diversis Acaciani subscribere non detreſtarant, idem Imperator alteram in Oriente, in Occidente alteram (perbella ædepol totum in pace componendi Orbem ratio!) observari jussit. In Antiocheno rursus altero an. 360, mutato consilio, ab Acacianis nova, omniumque deterrima fidei formula condita est, in qua, nomine *Similis* ex formula Arimini perlecta, & Constantinopoli procusa expuncto, Filius Patri substantia non modo, sed etiam voluntate *Diffimilis* est prædicatus. Verum in altero legitimo Antiocheno an. 363. iidem Acaciani, ut S. Meletium, & Jovinianum Imp. demererentur, fidem Nicænam ratam facere, & ex formula profiteri, in qua Filius Patri *Consubstantialis* affirmabatur, haud sibi constantes non dubitarunt. Semiariani vicissim in Synodo Lampſacena an. 365, abrogata formula fidei ad Acacianis in pseudo-Synodo Constantinopolitana sancita, illam amplectendam, tenendamque, quæ in Synodo Antiochena an. 341. elucubrata, in Seleucienſi an. 359. confirmata fuerat, & in qua Filius Patri *substantia similis* dicebatur, decrevere. Sed & altera in Zelenſi Synodo evulgata a Semiarianis est, cujus unus meminit S. Basiliius epist. 72, nunc 251. Quin & Ariani Synodo Antiochena Carix an. 366. celebrata, uno vocabulo *quidam* exploso, fidei formulas Antiochiæ, & Seleuciæ editas ratas habere haud detreſtarunt. In Synodo adhuc tamen Singidunenſi in Mœſia an. 366, aut inſeq. Valens, & Ursacius Semiarianos ad formulam Ariminensem, & Constantinopolitanam approbandam pellicere, & cogere pro viribus fategerunt. Quæ omnia constant ex SS Athanasio, Hilario, Basilio, & Epiphanio, ex Socrate, Sozomeno, Theodoroq, Sulpitio, aliisque, ut proinde mirari non ſubeat ex variatis toties fidei formulis tot ex Ariana hæreſi, velut ex infecta radice pravâ germina, præter Anomæos, ſive Aetianos, Semiarianos, ſive Macedonianos, Acacianos, & Photinianos, prodiſſe apud Theodoretum Pſatyrianos in Deo eſſe idem gignere, atque creare affirmantes, Cyrtianos, atque Dulianos Dei Filium Patris eſſe Servum dicere non dubitantes.

Quod

Quod si ad posteriora, nihilo meliora tempora, referimus pedem, atque silentio plerasque alias prætereundo, easque præsertim, quæ vel ex una Valdensium Secta progenitæ sunt, ac propagatæ, infames hæresum soboles, quas paullo superius paucis, quantumque operæ ferebat pretium, complexi sumus, unde, quæso, putamus ex Lutheri, Calvinique Schola tot hæresum, tam variegata suborta monstra, quæ num etiam, magno cum rei Christianæ tum damno, tum dedecore, tot in florentissimis Regnis impune grassantur, quam ex eo pessimo præjato proposito, indeflexoque ingenio nollendi in fidei rebus Pontificis M. judicio se integre permittere, ex quo facile factum est, ut procliviter pro ingenio, pro opportunitate, pro compendio fides toties variaretur, quoties illam variandi interesset sua, e reque esset ad saporem, ad libidinem, ad affectum faciente? Cujusmodi variationis experimentum ex uno Lutheri loco, inter innumera, quæ congeri possent, atque congesta passim legere præstat apud Illustriss. Bossuetium in hist. Variat., cuique si locus hic cognitus fuisset, magno ei profecto usui, profectuique venisset, ex uno, inquam, loco, qui non est alius, quam epistola ab ipso Luthero scripta an. 1528. ad Guillelmum Pravvestinum, in lucem primum edita a Francisco Brujs hist. Pontif. tom. 4. pag. 467, capere liceat. Ea igitur in epistola Lutherus Missam Latinam ab se lingua, Cæremoniisque Romana in Ecclesia receptis tuto peragi: Romanis etiam ritibus Baptismum conferri, Imagines in Templis retineri, seque a Cæremoniis aliis ab Ecclesia frequentatis haud abstinere fatetur, nec esse, cur non ita faceret, ingenue, religioseque profitetur. A quibus omnibus Religionis, cultusque Religiosi speciebus quam is abhorruerit postea, nemo profecto nescit. E Lutheri deinde Profencha, distractis in partes diversas ipsius discipulis, pro diversitate ingeniorum, opinionum, affectuum, tres primum diversæ prodierunt Sectæ, ex quibus aliæ, & aliæ, aliaque alia pejor, ac pestilentior subindæ subnatæ sunt. Quarum 1. Anabaptistarum, auctoribus Nicolao Storchio, & Balthasare Hubmejero apud Spondanum ad an. 1524. n. 14, adjutoribus vero Thoma Muncero, & Jo: Matthia Harlemensi. 2. Andrea Carlostadio, Oecolampadio, & Zuvinglio

parentibus, Sacramentatorum, in Berengario pridem sepulta. 3. Confessionistarum, sive Protestantium, obstetricante Philippo Melanchtone. Ab Anabaptistis divisus in varia deinde placita diversæ Sectæ prorupere, quæ vel ab auctoribus, vel a locis, vel a doctrinæ genere, vel a vitæ instituto varia sortita sunt nomina; Munsteriani, Hussitæ, Montanistæ, Augustino-Bohemi, Ægidiani, Osiandritæ, Bucholdiani, Melchioritæ, Kautiani, Memnomitæ, Huttipæ, Rotmanistæ, Hutteriani, Francistæ, Hofmanistæ, Pacimontani, scilicet ab auctoribus: Cælestes Prophetæ a Georgio Stifelio, Enthusiastæ a Nicolao Pelargo, Estatici a Melchiore Hofimanno; Adamitæ, Angelici, Antidæmoniaci, Apostolici, Cathari, Christini, Christifamilia, Clancularii; Polygamistæ a Bokelfono, a Kniperdolino, a Kloprius; Euchitæ, Effrontes, Eleuthero-Papistæ, Ejulantes, Communia habentes, Gnostici novi, Condormientes, Impeccabiles, Judaizantes; Anti-Scripturarii a Georgio Davide, Anti-Decalogistæ a Jo: Agricola, Anti-Evangelici ab Ottone Brunsfeldio; Linguatarii, Fratres Rosæ Crucis, Liberi Frarres, Libertini a Quintino Picardo; Non orantes, Manifestarii, Nudipedes, Pacifici, Pauliciani, Pneumatici, Pastorcidæ, Sabbatarii, Sanguinarii, Stablarii, Separati &c., videlicet vel a doctrina, vel a moribus ita dicti. A Sacramentariis ab invicem scissis suborti inde sunt Carlostadiani, Oecolampadiani, Zuvingliani, Amsdorfiani, Martyriani, Molei, Stancariani, Suvenkfeldiani &c., scilicet a Synagogistis; Zuvinglio-Calvinistæ, Luther-Zuvingliani, Pelagiani novi, Pseudo-Ecclesiastæ; Athei novi a Carlostadio; Ethnici novi, sive Ethnicistæ a Jacobo Kautio; Nestoriani novi, Eutychiani novi, Massiliani novi; Iconoclastæ novi a Balthasare, Pacimontano, Elcesaitæ novi a Wilhelmo Farello, & Petro Vireto; Antipuritani, Arrabonarii, Apologetici, Boquini, Energici, Ischariotitæ, Invisibiles, Metaphoristæ, Tropistæ, Transconditionatores, Neutrales &c., ira videlicet a doctrinæ varietate nuncupati, vel a diversa vivendi ratione. A Confessionistis, qui a Confessione Augustana dicti etiam sunt Cothurnifices apud Rescium pag. 151, sive vocabulo nunc utantur Protestantes, ortum nacti sunt primo Adiaphoristæ, sive Indifferentes; Luthe-

rani

rani rigidi, quorum antesignanus Matthias Flaccus Illyricus, cuiusque deinde partes valdequam adjuvit Joachimus Merlinus; Lutherani molles, quos ita lenivit Spargenbergius, ac consecrata, perinde est Confessio Antuerpiensis; Semi-Lutherani, inter quos primipili Smidelinus, & Heshussius. Exinde nati Centuriatores, Interimistæ, Substantiarii, Antinomia Jo: Agricola; Ubiquistæ a Brentio; Calixtini a Jo: Bugenhagio; Accidentarii, Syncretizantes, Colludentes, Pastillarii, Concordistæ, Justificatorii, Majestatici &c. Speciatim vero a Lutheranis rigidis suborti sunt, obstetricantibus Michaelē Serveto, & Johanne Campano, Anti-Trinitarii, Aeriani, Vergeriani, Amnistitæ, Belliani, Amstdorfiani, Adestenarii, Antidiaphoristæ, Antipassifuriosi, Manus impositorii, Bisacramentales, Synergistæ, Infernales &c. A Lutheranis mollibus autem subnati commemorantur Biblistæ, Consubstantiatores, Eberiani, Majoristæ, Pœnitentarii, Trisacramentales, Quadrisacramentales &c. Augustanam denique Confessionem fingere, & refingere pro libitu non destitere Melanchton, Scepſius, Strigelius, Morlinus, Stosselius, Sarcerius &c.; quod non est aliud, quam nescire eos profecto, qui a via semel veritatis præostensa a Pontificibus deflexerint, ubi tuto pedem figere.

Quæ perinde fata Calvinī fuere, e quo, pariter in diversa placita divisis ipsius partiaris, quatuor præ aliis celebriores prodire Sectæ: videlicet 1. Reformati, dicti in Gallia Hugonotti, in Anglia Puritani, quibus accedunt Presbyteriani, alio nomine Independentes, suntque ii Calvinistæ rigidi. 2. Episcopales Angli, sive Anglo-Calvinistæ. 3. Piscatoriani a Johanne Piscatore denominati. 4. Arminiani derivato a Jacobo Arminio nomine, qui cane pejus, & angue a Gomaristis odio habiti sunt, iisdemque agentibus in Synodo Dordracena an. 1618. damnati, contra quam exercere tamen illi calamum non abstinuere, de quibus Fabricius Bibl. Græcæ tom. 11. pag. 725, & seqq. Calvinistis rigidis adnumerantur Gomaristæ, a Francisco Gomaro nomine accepto, dicti etiam Contraremonstrantes: Calvinistis mollibus contra Arminiani, denominati alias Remonstrantes ad censentur. Ex his, ac speciatim e Calvinistis rigidis, innumeræ aliæ propagatæ sunt pestes, novæque in dies prodeunt, in Anglia,

glia, & Batavia præsertim: inter quas Antitrinitarii a Serveto, a Marlorato Christodini, Bideitæ, sive Duitæ a Goviezio, Trinitarii, sive Deistæ a Gentili, a Theodoro Beza Athei, & Quatritheitæ, a Fausto Socino Tritheitæ, sive Unitarii, sive Essentiatōres, cui in errore anteiverant Stembergius, Duditijs &c., tenacius vero adhæsere Crellius, Smalcius, Volckelius &c., Ebionistæ novi a Simone Budneo, Antropomorphitæ novi a Conrado Voertio, Sabelliani novi, novique Ariani a Christophoro Sandio, a Georgio Blandrata, a Francisco Davide, a Gregorio Pauli &c., Novi Macedoniani, Eunomiani, Nestoriani, Euty-chiani, Pelagiani, Millenarii, Iconoclastæ, Manichæi &c.; Antiscripturarii a Mennone, Prædestinatiani a Luberto Sibrante, Antibaptistæ a Johanne Alasco, a Pereyrio Præadamitæ, ab Uritio Uncti, Laicocephali ab Henrico VIII, Puritani a Sampsonē quodam Anglo Presbytero, juxta Sanderum, aut potius a Colmanno Buttono, & Hallingamo Bensomo, juxta Camdenum, & Thuanum, Quacheri, sive Tremolantes a Jacobo Nailor, a Johanne Robinson Independentes, sive Brounistæ, a Benedicto Spinosa Materialistæ, sive Spinositæ, Rantkerii, sive Epicuræi novi, novi Sceptici, Borboritæ, Galenistæ, Borrelistæ, Causarii, Bennelistæ, Fratres amoris, Fraticelli, Perfectistæ, Pastorcidæ, Levellii, sive Antipolitici, Sepulcrales, Grubenarii, Stercorarii, Adamitæ, Densciani, Politici, Deorelioti, sexcentæque harum similes in dies erumpentes Sectæ, aliisque deteriores aliæ, adeo ut Thomas Eduardus Londini Minister in libro, cui titulum fecit, *Gangraena*, 180. percerere hæreses potuerit, quæ in præsentia rerum sola vigent, serpuntque in Anglia: in qua præsens quoque, ac scdissimum Proseuchæ Anglo-Puritane aspectum depingunt Guillelmus Gibbuis in admonit. 2. ad Parlam. præfat., Andræas Philopater in resp. ad edictum Reg. Elizabethæ sect. 5, Stanislaus Rescius in Evangelicis sectarum Centuriis, & alii. Mitto, ne longior sim, multiplices, interque se varias Protestantium Confessiones Augustæ, Marpurgi, Saxoniæ, Wormatiæ, Argentinx, Witembergæ, Gallix, Antuerpiæ, Bataviæ, Angliæ, Scotiæ, Helvetiæ &c., de quibus, innumerisque aliis hæresum monstris e Luthero, & Calvino subortis le-

gen-

gendi Sanderus, Lindanus, Hofius, Surius, Cochlæus, Præteolus, Crætopolius, Florimundus, Faber, Valemburgii, Veronius, Caltrucius, Bosuetius, Berninus, Jovetius, Johannes a Turre, Scianda, ac recens P. Travaſa, alique cum veteres, tum recentes de hæreſibus tractatores, quorum ex lectione facile liquebit, quod ſicuti ex prava, effrenique licentia propria opinionum figmenta circa fidem ſectandi tot, ac tam nefanda errorum monſtra emerſerunt, totiesque fidei mutatio facta eſt, ita non niſi ab unius Romani Pontificis nutu pendendo, obtemperandoque placitis, orthodoxæ fidei unitas, & integritas tuta, & immaculata ſervatur.

Jam vero ut ordine agamus, agere pretium eſt operæ 1. de fidei formulis, quas procudere, ſubſcribendaſque proponere qua in fide, & unitate puris, ac firmis, qua a ſchiſmate, aut hæreſi reſiſcentibus, & ad frugem reducibus, in ſolemni Romanis Pontificibus fuit poſitum more: 2. de fidei profeſſionibus, quas Romanis viciffim Pontificibus nuncupare tam iis, qui de catholica Religione optime mererentur, & in chriſtiana Republica illuſtriorem aliquem occuparent gradum, quam iis, qui Divinæ aſſurgente gratiæ lumine diſcuſſis mentis erroribus, ad chriſtianæ Sacra tranſirent, ac in Romanæ ſinum Eccleſiæ ſe recipere, officio, religionique ſemper, ac ſummopere ceſſit. Dolendum, ſane, quod diſciplinæ iſtius, morisque in Eccleſia primis ab ævis uſurpati documenta magno rei Chriſtianæ damno temporum iniquitas nobis inviderit: ex iis tamen, quæ litterarum monumentis demandata num etiam ſuperſunt, continuaque ſerie factitata augurari fas eſt, procul dubio concludere pronum eſt, id juris Romani jugiter fuiſſe Pontificis, nulloque non tempore frequentari, ad fidei periculum faciendum de iis præſertim, qui ſuſpicionem nec leviter laborarent, ac in fide confirmandos eos quoque, de quibus alioqui ſiniſtra nulla dubitatio ſuccurreret, fidei formulas & procudere, & præſcribere. Atque ut a primo exordium capiam, inter Cyprianicas Epiſtola 46. edit. Pamel., 49. Oxon. extat S. Cornelii ad S. Cyprianum, qua Novatiani ſchiſmatis ejurandi iis, qui ad frugem bonam ſe recipere, formulam præſcribit, eam Africanis Eccleſiis denuntiari præcipiens, cuique proſecto ſyngrapham appoſuiſſe ſuam Africanos Epiſcopos

S. Cypri-

S. Cyprianus affirmat epist. 47, & 49. edit Pamel., 51, & 52. Oxon. ad S. Cornelium, quin etiam Orientales, atque ex his plerosque jampridem animo erga Novatianum procliviores, adparet haud obscure ex S. Dionysio Alexandrino in epist. tum ad S. Cornelium, tum ad S. Stephanum, cujus posterioris etiam litteras ad Syriæ, & Arabiæ Ecclesias hac de re exaratas memorat apud Eusebium, lib. 6. cap. 46, & lib. 7. cap. 5, ubi insigniores inter Orientis Episcopos, qui in unam, eandemque confluerint sententiam, singillatim nominat Demetrianum Antiochiæ, Theoctistum Cæsareæ, Mazabanem Æliæ, Marinum Tyri, Heliodorum Laodiceæ, Helenum Tarfi, & Firmilianum Cappadociæ, aliosque Ciliciæ, Syriæ, Arabiæ, Mesopotamiæ, Ponti, ac Bithyniæ. Ex decretis S. Eusebii refertur apud Burchardum lib. 1. cap. 91, & seqq., S. Anselmum lib. 6. cap. 146, & Gratianum 35. q. 6. Can. 7. formula sacramenti Synodalis, velut ab eo præscripta Pontifice, juxta quam ab Episcopis interrogari debeant, qui juramento obstringendi essent. At enim hæc super Reliquias, sive supra Evangelia jurandi formulas, de quibus in Legibus Alamannorum cap. 7, & Ripuariensi cap. 57, sive in Capitul. 2. an. 630, & 4. an. 803. apud Baluzium tom. 1. Capitul. pag. 60, & 398, ac Sirmondum tom. 2. Concil. Gall. pag. 246, atque in Concilio Francofordiensi an. 794. cap. 9, non ante sæculum VI. obtinuisse ex Vigilii epist. 15, Pelagii frag. 44, Synodo Mopsvestena, ac Synodo VI. aët. 14. arguit Coutantius §. nnic. de Decretis S. Eusebii adscriptis n. 12. pag. 304. Ut ad vetustiora itaque, ac certiora me documenta devolvam, certe Catholicæ fidei formulam, quam Nicæni Patres veluti tesseram ad Christifideles ab Arianis discernendos, declinandosque horum dolos, cunctisque recta de fide orthodoxa sapere cupientibus religiose custodiendam tradidere, tanquam præcipuo auctori Osio Cordubensi, S. Silvestri vice defungenti, Synodique Præsidi fore referendam tradit S. Athanasius in epist. ad Solitariam vitam agentes verbis hæc, quæ ex Arianis ipsis refert, veraque confirmat: *Hic est Princeps Synodorum... Hic formulam fidei in Nicæna Synodo confecit.* Haud me quidem latet Nicæni Symboli auctorem a Græcis apud Trapezuntium haberi Eusebium, & a S. Basilio epist. 319. hanc laudis partem-

partem S. Hermogeni suo in Ecclesia Cæsareensi decessori tribui . Quod diffidium hac ratione componi posse censuit Tentzelius in Exercitat. selectis par. 1. pag. 13 , ut Eusebius prima Symboli fundamenta locaverit , Osius formulam integram composuerit , ac compleverit , Hermogenes demum , velut ibidem S. Doctor indicare videtur , Symbolum ab Osio conceptum litteris consignaverit , aut syngrapha confirmarit .

Disciplinæ istius illustre documentum aliud in Liberio nobis suppeditant Socrates lib. 4. cap. 12 , & Sozomenus lib. 6. cap. 10 , & seqq. , quibus in locis de Liberii Encyclica , qua rescissum est Ariminense Concilium, dicendumque in Arium a cunctis anathema decretum , loquentes , epistolæ utroque subscribere pollice officii loco Orientales habuisse testantur . Ex iis vero nominatim Semiariani , sive Macedoniani , uti subjungit Socrates *Per singulas Civitates ultro citroque Legatos inter se miserunt , significantes necessario confugiendum esse tum ad Fratrem Imperatoris , tum ad Liberium Romanæ Urbis Episcopum , eorumque fidem amplexandam potius , quam ut Eudoxio communicarent .* Addit Concilia plurima fuisse hacce de re habita , & epistolas quidem scriptas tum e Smyrna in Asia , tum e Pamphylia , Isauria , & Lycia , ubi Concilia celebraverant : quibus in epistolis fatebantur Liberii fidem dubio omni seposito fore suscipiendam , atque ad eas quaquaversum perferendas delectos fuisse Eusthatium Sebastenum , Silvanum Tarsensem , & Theophilum Castaballitanum . Epistolis adjectus a Legatis est libellus , ex quo præscriptam a Liberio formulam professi fuerant . Subscripsisse denique proculdubio eidem Liberii Encyclicæ Occidentis Episcopos , atque in his signatim Italiæ , Siciliæ , Galliæ , & Africæ testata res est , cujus etiam fidem facit Sozomenus , quos multo plures fuisse iis , qui Synodo in Ariminensi confederant , subjungit . At enim S. Damasus præcipue hæc debetur pars laudis , quod præ ceteris Prædecessoribus suis singulare istiusmodi Pontificii juris specimen præbuerit . Siquidem e Romana Synodo an. 377 , aut seq. , postquam Arianos , Pneumatomachos , Apollinaristas , pestesque alias diro perstrinxisset anathemate , una cum Synodica , sive Decretali an. 378. missa fidei formula ad Paulinum apud Theodoretum lib. 5. cap.

11, Epiphanium Scholast. lib. 9. hist. tripart. cap. 16, & Holstenium Collect. Rom pag. 180., ab omnibus Orientis Episcopis eidem iussit syngrapham apponi, eandemque profiteri quotquot de hæresi suspecti in Ecclesiam recipi flagitarent. Tantum autem abest, ut id Orientales insolito oneri haberent, quin anno 378, aut seq. Antiochiæ num. 146, in Codice Vatic. 163, congregati, inter quos doctrina, & sanctitate eminebant S. Meletius Antiochenus, S. Gregorius Nyssenus, S. Eusebius Samosatenus, S. Pelagius Laodicens, S. Eulogius Edeffenus, Zeno Tyrius, Bernaces Mallensis in Cilicia, & Diodorus Tarsensis, Pontifici facere satis, præscriptæque formulæ uno suffragio subscribere officio, religionique duxere. Ad hæc eo ipso Tomo, veluti loquuntur in Synodica Concilii Constantinopolitani anno 382. legenda apud Theodoretum lib. 5. cap. 9, & Epiphanium Schol. lib. 9. cap. 18, qui Antiochiæ conditus fuerat, cuiusque nomine accipiendam fore, non quidem fidei expositionem a Synodo Sardicensi editam, uti volunt Zonaras, & Balsamon, neque S. Damasi epistolam ad Paulinum, uti visum Baronio est, neque magis Occidentalium Synodicam, uti Petrus de Marca censet, neque demum Orientalium epistolam a Synodo Antiochena exaratam, ut arbitratur Petrus var lect. lib. 3. cap. 2, bene vero fidei formulam a S. Damaso conscripiam, & a Synodo Antiochena subscripam ostendunt Valesius, & Coutantius, eo ipso Tomo, inquam, ad S. Damasum descripto Orientales Episcopi nihil antiquius habuere, quam ad formulam ab eo præscriptam fidem exigere suam, & exponere, ac istius ad instar Sabellio, Ario, Marcello Ancyrano, Eunomio, Macedonio, Photino, & Apollinari dicere anathema. Quo quid illustrius proferri, desiderarique potest ad hanc Pontificii juris particulam bono in lumine, locoque optimo collocandam?

At enim res ipsa clamat ejusdem partium esse, qui Christianæ Reipublicæ summam gerit, Christianidelibus ubique gentium orthodoxæ fidei dogmata propinare, & a plexanda demonstrare, ejus est contraria hæreticorum deliramenta explodere, fugiendaque denuntiare. Juri huic itaque tam rato, quam suam ad usque diem suis a Decessoribus exercito innixus S. Zosimus Pelagio,

gio , Cælestioque Romæ damnatis, celebrem illam de eorum damnatione , deque Catholica illorum erroribus contraria S. R. Ecclesiæ doctrina Traſtoriam dedit , cujus fragmentum restat apud Marium Mercat. Common. pag. 138. edit. Baluzii , S. Cælestinum in epist. ad Galliar. Episcopos capp. 8, & 9 , S. Augustinum in epist. 190. alias 157. ad Optatum , & S. Prosperum libro contra Collat. cap. 10 , ad Orientis , totiusque Occidentis Ecclesias , ac speciatim Italiæ , Africæ , Orientis , Ægypti , Constantinopolis , Thessalonicæ , & Hierosolymæ , ut habet Marius Mercator pag. 134 , cui epistolæ cuncti per Orbem Episcopi calculum apponere suum deberent , Pelagianisque damnatis , ad præscriptam ab ipso regulam , Romana in Ecclesia integram , fidem suam conformare . Quæ quid aliud censenda epistola ista est , quam quædam fidei formula Episcopis omnibus proposita ? cui propterea Honorius Imper. pari obtemperans obsequio lege lata , Pelagianos toto Christiano ab Orbe tanquam hæreticos habendos denunciavit , atque undique , Urbeque præsertim , pelli iussit . Qua de re optime confecta Pontifici gratulati quammaxime sunt Africani Episcopi , quorum maximopere intererat pestem huiusmodi procul ab Africa propulsari . A ceteris ubique gentium Episcopis eidem epistolæ ultro citroque fuisse subscriptum , Julianum vero , Pelagianosque alios subscribere detrectantes gradu dejectos , atque ex Italia deturbatos fide affirmat sua Marius Mercator pag. 138 : *Illa , inquit , B. mem. Episcopi Zosimi Epistola , quæ Traſtoria dicitur , qua Cælestius , Pelagiusque damnati sunt , Constantinopolim , & per totum Orbem missa subscriptionibus SS. Patrum est roborata : cui Julianus , & reliqui ejus complices subscribere detrectantes . . . non solum Imperialibus legibus , sed & Sacerdotalibus statutis depositi , atque exautorati , ex omni Italia deturbati sunt .* Decessoris sui vestigiis hærens S. Bonifacius I. ab Honorio Imperat. pariter impetravit , ut Pelagiani undique pellerentur , atque ad subscribendum prælaudatæ Traſtoricæ a Prædecesore suo contra Pelagianos scriptæ cuncti per Orbem Episcopi compellerentur . Constitutionis huiusmodi meminit Honorius in epist. ad Aurelium Carthag. , de qua adeundus doctiss. Garnerius in disert. 3. Constit. Imperat. in causa Pelagia-

norum. Pontificii hujusmodi juris præscribendi fidei dogmata adversus erumpentes hæreses eximium quoque capere experimentum licet ex S. Cælestini litteris ad S. Cyrillum Alex., Juvenalem Hierosolym., Rufum Theſſal., ad Ecclesias Constantinopolitanam, & Antiochenam, nec non ad Patres Ephesinos, quibus fidei decretis ab se in Nestorium editis nulla adhibita mora jussit subscribi: subscripsisse vero Encyclicæ ea de re a S. Cyrillo directæ Episcopos 6000. tradit Dalmatius Archim. in Apologia inserta actis Concilii Ephesini apud Harduinum tom. 1. pag. 1587: sed & juxta litteras decretales S. Cælestini a Patribus Ephesinis uno suffragio prolatam adversus Nestorium non tam suam, quam Apostolicæ Sedis executioni demandatam sententiam, testatur Firmus Cæsareæ Cappadociæ Episcopus verbis hisce act. 2. Concilii Ephesini pag. 1471: *Formam illam executioni mandavimus, Canonicum, Apostolicumque judicium in illum proferentes*: ubi loco verbi *proferentes* Græce habetur *καταβιβασεν ὑμῖν*, idest intelligentes judicium a Pontifice in Nestorium jam prolatum Apostolicum esse, atque Canonicum.

Agendi genere haud abſimili cum Synodi Chalcedonenſis Episcopis se geſſit ſubinde S. Leo re, ac nomine Magnus, quibus ſuam ad S. Flavianum epiſtolam contra errores Eutychetis, ceu fidei formulam propoſuit, ſubſcribique ulla abſque dubitatione præcepit: ad alios mitti deinde Metropolitæ, atque a cunctis adjici calculum. Adjecit vero cunctatione omni abjecta ab Eusebio Mediolanenſi in Synodo, nec non a Ravennio Arelatenſi cum Synodo pariter ſua, patet ex Synodicis ad S. Leonem apud Harduinum tom. 1. pag. 1775, & 1779. Adjecit præterea ab Episcopis 1200. auctor eſt Cecropius Sebaſtopoleos Episcopus act. 4. Concilii Chalced. edit. Hard. tom. 2. pag. 419; quin imo ab Episcopis 1600. teſtis accedit Eulogius Alexandrinus in excerptis Photianis Bibl. Cod. 230. Veterem hunc in Eccleſia uſum eſſe tam jugem, quam integrum, ut hæretici ad Eccleſiaſticam non ante communionem admittantur, quam hæreſi ſe abdiçaſſent, liquidus teſtis, ac locuples eſt idem S. Leo, qui ideo Manichæis illis, quibus Catholici nominis larvam detrahere, ſalubrioraque orthodoxæ fidei inſpirare conſilia ipſi licuerat, non niſi ea locum ſe

se fecisse in Ecclesia lege significat in epist. 7. edit. Baller. alias 8. ad Italiz Episcopos: *Ut damnarent Manicheum cum predicationibus, & disciplinis suis publica in Ecclesia professione, & manus sue subscriptione.* Conjectura proinde sua haud procul aberrarit, qui eidem Pontifici tredecim Anathematismos adversus Manichæos, sive a Cotelerio ad lib. 4. Recognit. S. Clementis cap. 24. adjunctos, sive a Muratorio e Cod. Ms. Bibl. Ambrosi. descriptos tom. 2. Anecd. pag. 112, acceptos fore referendos arbitretur. De violato, neglectoque perinde erga Pelagianos ejusmodi ritu cum Episcopo Aquilejensi, qui Nicetas Editoribus Lovaniensibus, aliisque visus est, Adelphus vero, aut Maximus Ballerinijs Fratribus in admonit. prævia ad hanc epistolam ipsis 1, Quesnello 6, n. 23, graviter expostulans, districte jussit, ut eidem presse insistens, Synodo indicta illorum quotquot, sive qui jampridem imprudenter fuissent recepti, sive qui recipi impofterum rogarent, aperta confessione, propria confirmata syngrapha, una cum erroribus ejurare Auctores, & execrari compelleret: *Damnent*, inquit, *apertis professionibus sui superbi erroris Auctores, & quidquid in doctrina eorum universalis Ecclesia exhorruit, detestentur, omniaque decreta Synodalia, quæ ad excisionem hæreseos Apostolicæ Sedis confirmavit auctoritas, amplecti se, & in omnibus approbare plenis, & apertis, ac propria manu subscriptis protestationibus eloquantur.* Nec tibi moram faciat, quod audis a Pontifice præcipi, ut amplectantur decreta Synodalia dumtaxat, quasi quod solummodo decreta in Synodis fidem obligandi vim habeant: loquitur enim S. Leo de decretis a Synodis Africanis contra Pelagianos, atque de iis quidem, quibus Decepsorum suorum SS. Innocentii, & Zosimi auctoritas accessisset: unde vides ex S. Leonis sententia Africanarum Synodorum decretis nonnisi ex Apostolicæ Sedis approbatione robur adquisitum. Huic ipsi agendi rationi cum Novatianis, ac Donatistis ad Apostolicæ Sedis gratiam adspirantibus indivulso S. Leonem inhæsisse legimus in epist. 12. alias 1. ad Africanos Episcopos, qua Donato e Novatianis partibus cum plebe sua ad frugem regredienti, ac Maximo e Donatistarum laqueis disruptis ad Christi fidelium unitatem admitti desideranti tum communionis, tum gradus veniam, gratiamque facit, ea tamen lege

lege adjecta , ut libello ad se misso , propriaque manu signato nefandas hæreses illas abnegent , fidemque Catholicam sincere confiteantur . Ad hæc a S. Turribio Asturicensi Episcopo admonitus de Priscilliani reliquiis in Hispania repullulantibus, & vestigio rescripta epistola 15. edit. Baller. ad singula gliscentis hæresis capita distincte conterenda , & profliganda totum se convertit , totidemque oppositis fidei orthodoxæ dogmatibus , hinc jubet Hispaniarum Episcopos discere , quid adversus Priscillianos sibi discernendum sit , diligenterque simul disquirere , quibus demum hanc adversus pestem decertandum modis . Itaque juxta ipsius monita , ac mandata duo celebrata sunt Concilia Asturicense , & Bracarense , quorum mentio in Bracarensi II. an. 561. occurrit , in quo posteriori ad amussim præscriptæ S. Leonis epistolæ ad Turribium adornata est fidei regula , adjectique duo de viginti adversus Priscillianistas anathematissimi , qui cum præfata fidei regula prostant ad calcem Concilii Toletani I. apud Harduinum tom. 1. pag. 993 , atque 17. repetiti tom. 3. pag. 347. Atque hanc perpetuo cum hæreticis ad frugem regredientibus agendi rationem tenuisse, & observasse S. Leonem adparebit ejusdem lustranti epistolæ 30, 31, 79, 95. edit. Baller. alias 26, 27, 59, 75. edit. Quesn. ad Pulcheriam , 32. alias 28. ad Archimandritas , 33. alias 29. ad Synodum Ephesinam , 34. alias 31. ad Julianum Coensem , & 80. alias 60. ad Anatolium .

Hisce presse inhærebat vestigiis S. Hormisdas , dum à Justino Imp. , Johanne Constantinopolitano , ac Dardaniæ , & Illyrici Episcopis infimis precibus inflexus ad redintegrandam Orientalis Ecclesiæ cum Romana concordiam , ab Acacio diu abruptam , consensit tandem ea conditione , & lege tamen , ut libello fidei Legatis suis propediem Constantinopolim profecturis tradito Episcopi omnes ante subscriberent , quam ad Romanæ Ecclesiæ communionem reciperentur . Porro ea fidei formula hisce præ aliis concepta erat verbis : *Prima salus est rectæ fidei regulam custodire , & a Patrum traditione nullatenus deviare : quia non potest D.N. Jesu Christi prætermitti sententia dicentis : Tu es Petrus &c. Hæc , quæ dicta sunt , rerum probantur effectibus , quia in Sede Apostolica immaculata est semper servata Religio . Unde sequentes*
in

*in omnibus Apostolicam Sedem, & prædicantes ejus omnia Constituta, spero, ut in una Communione Vobiscum, quam Sedes Apostolica prædicat, esse merear, in qua est integra, & verax Christianæ Religionis soliditas: profitemens etiam sequestratos a communione Ecclesiæ Catholicæ, idest non in omnibus consentientes Sedi Apostolicæ, eorum nomina inter sacra non recitanda esse Mystèria. Hanc autem professionem meam propria manu scripsi, & Tibi Hormisdæ Sancto, & Ven. Papæ Urbis Romæ obtuli. Atque huic quidem formulæ fidei utroque pollice subscriptum fuisse a Johanne Constantinopolit., ab homonymo Nicopolit., ab Episcopis Epiri, Dardaniæ, Illyrici, Asiæ, Ponti, Thraciæ &c., quos 2500. circiter, quot nempe Concilio Chalcedonensi subscripserant, recenset Rusticus Diac. in Dialogo adversus Acephalos, abunde liquet ex relationibus Legarorum, ex libellis Johannis Constantinopolit., & cognominis Nicopol., & ex litteris S. Hormisdæ ad Epiri veteris Episcopos, ad S. Cæsarium Arelat., ad Johannem Nicopol., ad Justinum Imp., ad Johannem Patriarcham &c., quibus gratulatur de pace inira, adhortaturque, ut pro hac pariter, eademque lege, Ecclesiis Alexandrinæ, & Antiochenæ restituenda naviter adlaborent. Qua de re quoque S. Hormisdæ gratulari sunt Galliarum Episcopi, exarata omnium nomine a S. Avito Vien. epistola quod argumento est Gallicanis Episcopis pariter eam fidei formulam Græcis præscriptam, placuisse, fuisseque probatam. Non ab-
 similis huicce fuit fidei professio, quam in Ecclesiæ Romanæ castris demereri efflictim desiderantes S. Agapeto nuncupare Justinianus Imper., & Mennas Constantinopolit. Antistes, quamque propria subsignatam syngrapha Hadriano II. transmittere Patres Synodi VIII, de quibus paullo infra, religioni duxere. Quorsum itaque Bossuetus id omne falsus, eum postea in præposterum sensum formulæ verba intorquet, ut Romanam Ecclesiam, & Apostolicam Sedem inter, ac sedentem in ea Pontificem distinguens, non hunc quidem, sed illam dumtaxat falli, ac fallere nesciam esse dicar, subdatque id non obstitisse eo secius, quominus in Synodis VI, VII, & VIII. de ipsis Rom. Pontificum definitionibus qua situm fuerit, deliberatum, retractatum, judicatumque? Quæ plane quam falsa sint, ac futilia, quum suis fuerit locis demonstratum,*

stratum, suo proinde ordine ut procedat, oratio est permittenda :

Atque gradum festinando ad S. Gregorium M., non desunt equidem, qui hunc istius generis juramenti, quod nunc frequentari solet, Pontifici Romano pendendi, fideique obligandi, formularum auctorem primum agant. Quam tamen perperam ex dictis hactenus præterquam, aut ego fallor, abunde patet, exinde quoque liquido planum sit, quod Vigilio P. M. jam pridem Rusticus, & Sebastianus S. Romanæ Ecclesiæ Diaconi, antequam ordinarentur, fide juramento firmata se obstrinxerant : ex quo proinde reum utrumque magis, magisque schismatis, violatæque obedientiæ non modo, sed religionis etiam Pontifex egit in epist. ad eisdem Collat. 7. Synodi V. inserta apud Harduinum tom. 3. pag. 175. Cæterum a S. Gregorio M. pro eo, quo a schismate Istros ad unitatem revocandi flagrabat studio, quorumque plane oppido plurimos ad Ecclesiæ castra perducere ei ex sententia successit, resipiscentibus, ac redeuntibus fidei professionem fuisse præscriptam certo certius evadit ex lib. 10. epistola 31, qua illorum quemque bonam se ad frugem recipientem spondere præcipit, ac sub iurandi vinculo polliceri B. Petro, ejusque Vicario B. Gregorio, ac in Sede Apostolica Successoribus non amplius eujuspiam suafu relapsurum deinceps in schisma, sed semper in Ecclesiæ Catholicæ unitate permansurum, atque in Communione Romani Pontificis. In Synodo VI, sive Constantinopolitana III. dogmaticam S. Agathonis epistolam adversus Monothelitas, ceu fidei regulam ex jussu ejusdem Pontificis habitam fuisse, cui e vestigio Patres illi fidem conformare suam, eamque propria confirmare syngrapha officio, religionique duxerint, quin ulli in mentem veniret debuisse prius formulam illam ad fidem S. Scripturæ, ac Traditionis exigi par. 1. art. 2. §. 3. plurimis demonstratum est. Istiusmodi mori insistens, Anastasio teste, S. Leo II. Anastasio Presbytero, ac Leontio Diacono Ecclesiæ Constantinopolitanæ, in exilium Romam ejectis, absolutionis beneficium non ante largitus est, Ecclesiæque Romanæ communionem restituit, quam juxta fidei formulam a Prædecessoribus suis præscriptam, atque a Synodo VI. subsignatam, hæreticis omnibus, ac nominatim Monothelitis, quorum hæresis suspicione haud leviter laborabant, anathema dixit.

dixissent, ac scripto fidem prodidissent suam, unde pateret, an non ei conformis esset, quæ Romanæ Ecclesiæ tam integra est, quam antiqua. Sub eadem lege subscribendi fidei formulæ adversus Monothelitas ab Apostolica Sede conscriptæ Macario Antiocheno in Synodo VI. Sede ob hæresim deturbato, ac tum temporis Romæ in exilio pariter agenti, pristinum gradum restituere promississe S. Benedictum II. discimus ex relatione Petri S. Rom. Ecclesiæ Presbyteri, Monasterii S. Sabæ Romæ Abbatis, & Hadriani I. Legati aët. i. Concilii Nicæni II. inserta edit Hard. tom. 4. pag. 63: quamquam hæretici hominis vincere pertinaciam optimo Pontifici datum non est, malentis, etsi absque gradu, in opinione manere.

Mutuam documenta hæc sibi affundunt lucem, accipiuntque ex disciplinæ parte illa cum veteri, tum varia, in unitatis indissolubili vinculo insita, qua Metropolititis in collatione Pallii non tam onus, quam onor imponebatur solemnii fidei sacramento Romano Pontifici se devinciendi, obedientiæque canonicæ obsequia dependendi. Qua de politia, ut Romano ante Pontifici fidem Metropolitæ exponerent, & nuncuparent suam, quam Pallii honore adaugerentur, loquentes S. Zacharias in epist. 4. ad S. Bonifacium Mogunt., & Johannes VIII. in epist. ad Willibertum Agrippin. apud Gratianum dist. 100. cap. 4, & in Concilio Ravennate an. 877. cap. 1. apud Harduinum tom. 6. par. 1. pag. 185. hæc habebant, ille quidem, *Qualiter mos Pallii sit, vel quomodo fidem suam exponere debeant hi, qui Pallio uti conceduntur, eis direximus: iste vero, Optatum tibi Pallium nunc conferre nequimus, quia fidei tuæ paginam minus, quam oporteat, continere reperimus: & iterum in Synodicis statutis, de quibus etiam Deusdedit lib. 1. cap. 135: Metropolitanus... tamdiu Episcopali Sedi cedat, omnique consecrandi licentia careat, quamdiu in exponenda fide, & in expetendo Pallio priscum morem contempserit.* Quo de argumento quia late disseui par. hac. 2. Tom. 3. art. 1. §. i. pag. 45, & seqq., ac Tom. 4. art. 8. §. 11. pag. 347, & seqq., ubi ostendi, quatenus formulis hisce fidei Apostolicæ devincire Sedi, ac devovere studuerint, & faterentur Germanos, & Gallos S. Gregorius II, Ravennates S. Nicolaus I, Græcos Hadrianus II, Schismaticos S. Gregorius VII, Hungaros Paschalis II, Romana ab Ecclesia segreges Alexan-

Pars II. Tom. V. C c der III,

der III, Ecclesiis Cathedralibus admotos Innocentius III, Gregorius IX, Clemens VI, & Urbanus V, ac Ecclesiasticis dignitatibus adauctos omnes, sive adaugendos Pius IV, Clemens VIII, & Urbanus VIII, ne propterea dispendium operæ faciam, ab his refingendis abstinere, manumque ab hac retrahere tabula satius habeam. Non committam tamen, ut causam, quam suscepi, ita deferam, jejunamque dimittam, quin adhuc pleraque, quæ ad præclarum hoc disciplinæ caput confirmandum, bonoque in lumine collocandum plurimum conferre possunt, loca persequar, ac perstringam. Juxta hæc itaque ab Hadriano I. Felicem Urgellitanum formula confessionis expressa compulsus fuisse ad hæresim abdicandam ex Eginhardo in Annal., & Alcuino in lib. adv. Elipandum alibi jam adnotavi. Non secus atque ab eodem Pontifice Synodi VII. Patribus fidem præscriptam fuisse, quam in cultu SS. Imaginum profiteri deberent, nec plane aliam, quam quæ Romana in Ecclesia jugis erat, & integra, par. 1. art. 2 §. 4. observatum jam est. Observatu nunc illud dignum a Leone III, occasione gravissimæ de processione Spiritus S. a Patre, & Filio controversiæ Monachos Latinos Montis Oliveti incolas inter, ac Græcos in Palæstina commorantes commotæ, de qua copiose par. hac 2. Tom. 4. art. 9. §. 1. pag. 469, & seqq., fidei confessionem fuisse conscriptam, & ad omnes Orientis Ecclesias transmissam, in qua hæc legebatur periocha: *Spiritus S. plenus Deus a Patre, & Filio procedens*: qua de confessione, sive fidei symbolo confer Baluzium tom. 7. Miscell. pag. 18, & seqq.

Ut erat vero S. Nicolaus I. Ecclesiasticæ politiæ, atque in hac parte quidem prudentiæ, discretionisque plenæ retinentissimus, illud Apocrisfariis suis Constantinopolim ad jus dicendum S. Ignatium inter, & Photium prosectoris tam memoriæ demandavit, quam in mandatis dedit, ut in causa SS. Imaginum agerent juxta definita ab Apostolica Sede, ab eaque definitis adquiescerent, ac syngrapham adjicere omnes compellerent, qui moras neciterent, aut in sinistra manere sententia mallerent, Apostolicæ Sedis auctoritate comprimerent: qua de re legendæ epistolæ ad Photium, ad Michaellem Imper., ad Episcopos Diocæsis Constantinopolit., & ad universos Catholicos apud Harduinum tom. 5. pag.

119 , & seqq. Sacræ Hadriani II. jussioni , ut primum innotuit , paruisse illico Synodi VIII. Patres , & secundum ejusdem sententiam fidei formulæ , Græcis jampridem subsignandam propositæ a S. Hormisda , utroque subscripsisse pollice liquet ex Anastasio in præfat. Synodi VIII , ex Guillelmo Bibl. in ejusdem vita , atque ex Synodo ipsa act. 2, ubi subscribunt , ac spondent in hæc verba : habere *Sequestratos a communione Ecclesiæ Catholicæ, idest non consentientes Sedi Apostolicæ* &c. Super quibus verbis Natalis Alexander hist. Eccl. ad Sæculum IX. differt. 4. §. 13. ingenue fassus est, & professus eodem recidere ab Ecclesiastica communione sequestratum esse , ac non esse Sedi Apostolicæ consentientem . Misso facio libellos qua fidei , qua pœnitentiæ directos sive a Johanne VIII. ad Photium , sive a Formoso ad Photii quondam partiariorum , coram Apostolicæ Sedis Apocrisariis recitandos , si veniam infractorum consequi Canonum , Romanæ gratiam Ecclesiæ adipisci , atque pristinis restitui gradibus cuperent , statimque venio ad celebrem illam Photiani schismatis a Michaele Cerulario , & Icone Acridano instaurati epocham , quo a Latina Ecclesia Græca abstracta est , & divulsa . Qui ergo primas ad conciliandam pacem , Græcosque ad officium revocandos curas intendit , & contulit , S. Leo IX. eadem lege uti Legatos suos voluit erga segrege , quos ad sanitatem reducere succederet , ut ejuratis scilicet cum schismate erroribus , fidem profiterentur , quæ Romana in Ecclesia tam stabilis est , quam sincera : quemadmodum pro voto factum est quidem cum Niceta Pectorato viro Græcorum tum temporis litterarum gloria præstantissimo , quamvis quominus id pariter confieret , prout optimus Pontifex vehementer optaverat , cum duobus schismatis Architectis , impedimento fuit horum ingens , quo fervecebant , cum erga Latinam Ecclesiam animi livor , tum ingenii levitas , qua in apertissimam veritatis lucem turbatam defigere oculorum aciem prohibebantur .

Quia vero par. hac 2. Tom. 3. Art. 6. §. 1. pag. 602, & seqq., quo de schismatibus extinctis , exterminatisque egimus , agentisque speciatim de Orientali schismate , ei extirpando operam a Pontificibus egregie impensam prosequuti sumus ; ac Tom. 4. Art. 10. §. 1. pag. 556. de procurata nullo non tempore Gentium

omnium salute pertractantes , impeditissimam provinciam istam Romanis a Pontificibus omni ex parte expletam fuisse , numerisque absolutam omnibus ostendimus , satius nunc erit illorum elenchum retexere , qui ea occasione Orientales populos litterarum , Missionariorum , ac Legatorum ope ad postremam hanc usque ætatem quanto Romanæ Ecclesiæ fide imbuerere cum labore sategerunt , tanta cum prudentia , quæ observanda forent , orthodoxæ fidei dogmata ostendere , & tradere non destitere : videlicet Bulgaris S. Nicolaus I , & Hadrianus II ; Græcis Stephanus IX ; Ruthenis , Armenis & Græcis S. Gregorius VII ; Urbanus II. Græcis ; Eugenius III. Armenis , Græcis , & Syris ; Hadrianus IV. Græcis ; Græcis Innocentius II ; Græcis , Bulgaris , Malabaris , & Saracenis Alexander III ; Saracenis Lucius III ; Innocentius III. Græcis , Armenis , & Bulgaris ; Honorius III. Ægyptiis , Ruthenis , Tartaris , Cumanis , & Saracenis ; Gregorius IX. Græcis , Moschis , Tartaris , & Muhamedanis ; Albanensibus , Cypriis , Bulgaris , Tartaris , Saracenis , Maronitis , Jacobitis , & Nestorianis Innocentius IV ; Græcis , Cypriis , & Ruthenis Alexander IV ; Græcis , & Tartaris Urbanus IV , Clemens IV , & B. Gregorius X ; Græcis Innocentius V , Johannes XXI , Nicolaus III , & Martinus IV ; Nicolaus IV , & Bonifacius VIII. Græcis , Sclavis , Bulgaris , Valachis , Colchis , Iberis , Georgianis , Moschis , Cumanis , Saracenis , Armenis , Syris , Persis , Indis , Tartaris , Jacobitis , & Nestorianis ; B. Benedictus XI. Persis ; Clemens V. Persis , Æthiopibus , Græcis , & Tartaris ; Johannes XXII. Tartaris , Armenis , & Saracenis ; Tartaris , Armenis , & Græcis Benedictus XII ; Græcis , Armenis , Bosnensibus , Serviis , Rasciis , & Valachis Clemens VI , & Innocentius VI ; Bulgaris , Moldavis , Albanis , Tartaris , Guinenibus , Angolanis , & Congitanis Urbanus V ; Slavis , & Albanensibus Gregorius XI ; Martinus V. Græcis ; Eugenius IV. Græcis , Cypriis , Ruthenis , Armenis , Maronitis , Syris , Mesopotamenis , Chaldaeis , Abyssinis , Nestorianis , & Jacobitis ; Nicolaus V. Græcis , & Azoriis ; Pius II. Turcis , Græcis , Armenis , Georgianis , Iberis , Palæstinis , Ægyptiis , Syris , Maronitis , & Mesopotamenis ; Maronitis Paulus II ; Moschis , sive Ruthenis Sixtus IV ; Guinenibus , Angolanis , & Congitanis Innocentius VIII ; Alexander VI. America-

ricanis , Græcis , & Georgianis ; Julius II. Congi , Angolæ , Guinææ , & Americæ Incolis ; Leo X. Maronitis , Abyſſinis , Moſchis , & Americanis ; Americanis Hadrianus VI ; Americanis , Maronitis , Armenis , Moſchis , Æthiopibus , Congitanis , Angolanis , & Guinenſibus Clemens VII ; Æthiopibus , ſive Abyſſinis , Africanis ſub linea degentibus , Japponiis , & Americanis Paulus III ; Julius III. Americanis , Ruthenis , Syris , Neſtorianis , & Jacobitis ; Paulus IV. Coptis ; Pius IV. Coptis , Græcis , Ruthenis , Armenis , Malabaris , Americanis ; Moſchis S. Pius V ; Cocinenſibus , Ceilanis , Japponiis , Malabaris , Neſtorianis , Jacobitis , Coptis , Maronitis , Cypriis , & Moſchis , Gregorius XIII ; Indis Malabaris Sixtus V ; Clemens VIII. Græcis , Coptis , Ruthenis , Albanenſibus , & Malabaris ; Paulus V. Maronitis , Chaldæis , Armenis , Perſis , & Japponiis ; Urbanus VIII. Congitanis , Æthiopibus , Coptis , & Græcis ; Chaldæis , Syris , Phœnicibus , & Perſis V. Innocentius XI ; Æthiopibus , Malabaris , & Sinenſibus Innocentius XII ; Sinenſibus , Æthiopibus , & Coptis Clemens XI ; Indis in Regnis Madurenſi , Mayſſurenſi , & Carnatenſi Benediſtus XIII , & Clemens XII ; ac demum Benediſtus XIV. Græcis , Melchitis , Albanenſibus , Ruthenis , Maronitis , Armenis , Malabaris , Cocinchiniis , & Sinenſibus : quibus omnibus ſcilicet Gentibus ſtudere pariter pro eo , quo rei Chriſtianæ ſive reſtituendæ , ſive amplificandæ præclaro afficiebantur ſtudio , Romani Pontifices a primæva ad hanc uſque poſtremam ætatem non deſtitere .

Quibus carptim perſtriſtis , juvat nunc , præſtatque retro pedem referre ad eos percenſendos , quibus fidei formulas quæ Schiſmaticis , qua Hæreticis , qua Paganis ſpeciatim præſcribere cordi fuit . Atque quidem a Victore II, Nicolao II, Alexandro II, & S. Gregorio VII. Berengarium repetitis vicibus ad hæreſim abdicandam , fideique profeſſionem juxta præſcriptas formulas emittendam fuiſſe compulſum , ſatis ſuperque paullo ſuperius pag. 86 , & ſeq. enuntiatur . Ab hoc poſtremo , S. Gregorio VII. ſcilicet , ob cauſam ſchiſmatis aliam præterea fidei profeſſionem ſive formulam præſcriptam fuiſſe auctor eſt Paſchalis II. in epiſt. 5. ad Episcopum Colocienſem , qua utramque , ſui deceſſoris ſcilicet , & ſuam diſtis , ſcriptis que laceſſitam a ſchiſmaticis vindicat .

Habe.

Habetur hæc formula lib. 2. Decret. tit. 24. Cap. *Ego 4 De Jurjurando*, juxta quam in Synodo Romana VI. an. 1079. Henricus Aquilejensis, Gandulphus Regiensis, & Robertus Carnotensis Episcopi schismatis labem abstergere, fidemque Pontifici depondere suam compulsi sunt. Sed & hanc formulam, secundum quam Gregorius IX. fidei juramentum exegit a S. Edmundo Cantuariensi, a Jarletio Upsalensi, a Petro Rotomagensi, & a Martino Legionensi Antistitibus, teste Raynaldo ad an. 1233. nu. 65, Pontificali Romano insertam legere præstat, atque Episcopis inaugurandis præscriptam a Clemente VIII. Const. *Ex uno*, & Urbano VIII. Const. *Quamvis*. At enim ad Paschalem II. redeundo, is pari vigente schismate, quo plerique a legitimi Pontificis obedientia resilire non exhorrebant, Romæ Synodo habita anno 1102. Catholicæ fidei professionem, ac fidelitatis formulam, juramento firmandam, procudit de præstanda ab omnibus Pontifici M. obedientia, cujus hic est tenor apud Harduinum tom. 6. par. 2. pag. 1863 *Anathematizo omnem hæresim, & præcipue eam, quæ statum præsentis Ecclesiæ perturbat, quæ docet, & adstruit anathemia contemnendum, & Ecclesiæ ligamenta spernenda esse. Promitto autem obedientiam Apostolicæ Sedis Pontifici D. Paschali, ejusque Successoribus, sub testimonio Christi, & Ecclesiæ, affirmans, quod affirmat, damnans, quod damnat Sancta, & universalis Ecclesia. Actæ tenebat perpetua hæc ipsa observantia Alexandrum III., qui a quatuor Antipapis Victore IV, Paschali III., Callisto III., & Innocentio III. sævo schismate ad annos 19, aut etiam 21. divexatus fuerat, diraque perpeffus, a schismate resipiscences non ante recipiendos in Concilio Lateranensi III. sancivit, quam Schisma sub præscripta juramenti formula execrati fuissent, cujus tenor non admodum ei. absimilis, quæ a Paschali fuerat præscripta, ex Alberto Stadeni in Chron., & Krantio hist. Eccl. Saxon. lib. 7. cap. 31. descripta exhibetur a Pagio Jun. in Alexandro III., & ab Harduino tom. 6. par. 2. pag. 1685. Pari cautione Religionis puritati consulendum, prospiciendumque curabat Innocentius III., qui Albigensum ab hæresi regredientes, aut illius sola imo suspitione laborantes fidei professione hanc ab se labem, aut notam amoliri voluit, decreto edito in Concilio Lateranensi IV. Cap. 3.*

De

De Hæreticis : quam in rem conferre juvat formulas Juramenti præstiti a Raymundo Comite Tolosano , a Tolosanis Consulibus , a Raymundo Comite Fuxensi , a Bernardo Comite Convenarum , & a Gastone de Bearno apud Harduinum tom.6. par.2. pag.1028, & seqq., ac tom. 7. pag. 131, & seqq.

Atque hac optima quidem ratione tam fidei integritati, quam Ecclesiasticæ unitati consultum omnino iri, cautumque judicavit Concilium Tridentinum , a quo ideo Sess. 24. de Reformat. cap. 12. saluberrimo decreto sancitum est, ut qui ad gradus, dignitatesque in Ecclesia conscendere vellent, sacramento, votique religione Romano Pontifici se se peculiariter devincirent, fidemque desponderent suam : *Teneantur . . . orthodoxæ suæ fidei publicam facere professionem, & in Romanæ Ecclesiæ obedientia se permansuros spondeant, ac jurent.* Cujusmodi erga Romanum Pontificem religionis, & observantiæ egregium nobis suppeditat specimen Synodus Lovitiensis in Polonia, Aloysio Lyppomano Pauli IV. Legato Præside, an. 1556. habita, cujus acta a Martenio vet. Script. tom. 8. pag. 1445. descripta in suum Concil. Supplem. tom. 5. pag. 703, & seqq. transtulit Cl. Mansius : inter alios enim fidei articulos, quos e præconcepta formula principio sibi profitendos proposuit, illum n. 25. firma tenendum fide præscribit : *Unam esse in terris veram, & Catholicam Christi Ecclesiam, eamque visibilem, quæ ab Apostolis fundata, in hanc usque nostram ætatem perdurans, retinet, & suscipit, quidquid de fide, & Religione traditur a Cathedra Petri, super quam ita a Christo suo sponso est edificata, ut in eis, quæ fidei sunt, & Religionis, errare non possit :* & illum n. 27. pari fide profiteri non dubitat, ac fidelibus credendum proponit : *Unus est Ecclesiæ Summus Pastor, cui omnes obedire tenentur, ad cujus judicium Controversiæ, quæ super fide, & Religione existunt, sunt referendæ.* Quamvis autem Concilium Tridentinum ad fidei professionem faciendam districta eos lege adstrinxerit, qui ad Ecclesiasticas dignitates promovendi forent, peculiarem tamen fidei formulam, certis verbis conceptam, non adornavit. Hanc igitur procudit formulam Pius IV, geminaque Constit. 88. *In Sacrosancta*, & 89. *Injunctum* an. 1564. præstandam iis præscripsit, qui Ecclesiæ Cathedrali-

dralibus præficiendi essent, aut ad dignitates Ecclesiasticas aspirarent, aut ad Beneficia animarum curam adnexam habentes admitti postularent, aut gradibus Doctorum admovei, & in Gymnasiis ad professiones lectionum promoveri desiderarent. Piam juxta formulam fidei professionem ab Academia Ingolstaden- si emitti jussit S. Pius V, quod imperium perinde ad alias exten- disse Academias legitur apud Laderchium ad an. 1568. pag. 72. Eandem quoque fidei professionem emittendam in Ordinis in- gressu proposuit Militibus Ordinis S. Mauritii, quem cum anti- quo S. Lazari Constit. an. 1572. edita conjunxit, Gregorius XIII, a quo pariter Constit. 33. fidei præscripta formula est Græcorum quotquot, quibus ab hæresi, ac schismate ad Romanæ Ecclesiæ fidem, unitatemque redeundi adfuisset propositum, & ingenium; a qui- bus inter alia de Romano Pontifice ea credi imperat, quæ Græcis pariter jam pridem in Concilio Florentino credenda fuerant præ- cepta. In hæc ipsa pressæ vestigia incedens Paulus V. Chaldæis adversus Nestorii errores, quibus aspersi erant, fidei professio- nem expressit, cui congregata in Amed anno 1616. suorum Epi- scoporum Synodo Elias Patriarcha ultrocitroque subscripsit, ut- que a ceteris pariter subscriberetur, sedulo procuravit. Synodi acta deinde Romam transmissa, digna habita sunt, quæ Pontifex probaret, nisi quod circa ritus nonnullos correctionem adhibuit, qui nempe ritibus Ecclesiæ Romanæ nonnihil repugnarent. Pro eo quoque, quo animatus erat, zelo cum puritati fidei, tum obedientiæ Apostolicæ Sedi debitæ prospiciendi, Alexander VII, ad omnes tandem Jansenistarum tergiversationes amputandas, quibus Innocentii X. decessoris sui, suisque adversus Jansenium editis Constitutionibus illudebant, Constitutione altera *Regimi- nis Apostolici* an. 1664. 15. Kal. Mart. evulgata, quam Constit. *Vineam Domini* 17. Kalen. Aug. an. 1705. Clemens XI. confir- mavit, formulam juramenti præscripsit, quod Ecclesiasticæ per- sonæ omnes præstare deberent, profitentes se Constitutioni In- nocentii X. die 31. Maji an. 1653, & Constitutioni alteri ipsius Alexandri die 16. Octob. 1656. subjici, & quinque propositio- nes ex Jansenii libro excerptas, ac in sensu ab eodem auctore in- tento, pro ut illæ præfatis Constitutionibus confixæ ab utroque Pon-

Pontifice fuerant, sincero animo rejicere, atque damnare. Quo ego quidem loci Dugueti calumnias haud moror, quibus in epistola die 25. Jul. 1724. ad Episcopum Monspel. formularium Alexandrinum infectatur, illud inter alia, centies nostratibus a Theologis abunde diluta, usurpare non veritus, quod tota retro ex antiquitate exemplum non suppetat formulæ juramenti, fideique præscriptæ circa factum aliquod dogmaticum, ac librum auctoris damnati: quod ex hætenus demonstratis quam falsum esse, tam futile omnino evidenter ostenditur. Catholicam Religionem in Malabaribus a Ritibus superstitionis postquam expurgasset Clemens XII. decreto *Compertum* die 24. Aug. 1734. edito, ut in tuto eandem poneret, decreto altero *Concredita* die 13. Maji an. 1739. formulam juramenti Episcopis, & Missionariis præscripsit, juxta quam fidem, obedientiamque Pontifici obligarent suam, præfarumque decretum ulla absque tergiversatione observaturos sponderent. Utrumque hoc vero Clementis XII. decretum confirmavit, suæque intexuit Constitutioni 107. *Omnium sollicitudinum* die 12. Sept. an. 1744. Benedictus XIV. Quam Constitutionem quidem impudentissime oppugnatam ab Anonymo Epistolæ Gallico idiomate inscriptæ *Lettre sur la Bulle Omnium sollicitudinum* obscuro Scriptore paucis utique, sed validissimis defendit, ac vindicat Doctiss. Jo. Facundus Raulin in *Requisita* Diamperitanæ Synodi cum Apostol. Constitutionibus ad calcem hist. Eccl. Malabaricæ pag. 507, & seqq. Ad hæc demum ab eodem Benedicto XIV. fidei, juramentique formulæ præscriptæ habentur, atque præstandæ ab Abbatibus, aliisque jurisdictione quasi Episcopali insignitis Const. 7. *Quod Sancta* Bullar. tom. 1. pag. 19; ab Officialibus Ecclesiasticis Militiæ S. Georgii in Bavaria Const. 32. *Militares* pag. 78; ab Electo Episcopo Nankinensi, juxta decreta a Clemente XI. circa Ritus Sineses, Const. 67. *Nuper Nos* pag. 219; a Patriarcha Ecclesiæ Antiochenæ Maronitarum Const. 78. *Nuper ad Nos* pag. 256; ab Officialibus Pœnitentiariæ Apostolicæ Const. 96. *In Apostolicæ* pag. 330; ab Episcopis Pallio insignitis Const. 39. *Romanus Pontifex* Bullar. tom. 4. pag. 225; atque a Syris, & Armenis Sacerdotibus Const. 47. *Allata sunt* ibid. pag. 286: atque hætenus de fidei for-

D d

mulis

. Pars II. Tom. V.

mulis plus vice simplici a Summis Pontificibus proculsis, præscriptisque .

Quod ad fidei professiones pertinet (quod 2. loco pertractandum fuerat propositum, ex quo pateret priscum hunc morem nullo quidem modo acceptum fore referendum, veluti pro impudentia Protestantes faciunt, ambitionis vitio, quo Romani Pontifices suis amplificandis plus æquo juribus studuerint, sed potius a Religionis studio profectum, quo de unitate Romana cum Ecclesia tenenda Ecclesiarum Præsules solliciti fuerint semper) hæc nullo non tempore Pontificibus Romanis nuncupare sive Patriarchas, sive Principes, qua homines Christiana in Republica agentes, qua hæreticos ab errorum fallaciis, Deo auspice, se se abstrahentes solenni habuisse in more positum, atque frequenti quidem eis usu præsertim venisse, qui ad gradus, dignitatesque Ecclesiasticas aspirarent, aut de quibus ob sinistram fidei suspicionem a Pontificibus Summis, sui pro muneris supremi particula, capiendum periculum fuisset, ut modo demonstratur, operæ pretium exigit. Atque principio illud tanquam fundamenti loco ponendum, quod prætermittere vel religioni duxit Quesnellus in, dissert. 14. de variis fidei libellis, videlicet religioso, vetustoque in more positum fuisse, ut nullus adultæ ætatis Baptismate ablueretur, nisi antea grassantes tum hæreses fuisset execratus, conceptisque verbis Catholicæ fidei professionem emisisset, quæ ipsius profitentis manu subscripta in tabulas deinde referri solebat: quo de ritu sane locupletes accedunt testes S. Cyprianus in epist. 76. ad Magnum, Tertullianus de Baptif. cap. 6, S. Ambrosius lib. de Spir. S. cap. 11, & lib. 2. de Sacram. cap. 7, S. Gregorius Nazian. orat. 40. de Baptif., S. Cyrillus Hierosol. Catech. Mystag. 2, Eusebius in epist. ad Cæsarienses apud Socratem lib. 1. cap. 8, & Theodoretum lib. 1. cap. 12, Auctor Const. Apostol. lib. 7. cap. 42, pseudo-Dionysius Areopagita de hier. Eccl. part. 2. cap. 2, S. Hieronymus in dialogo adv. Lucif., S. Augustinus lib. 8. Confess. cap. 2, S. Optatus lib. 1, S. Cyrillus Alex. lib. 12. in Johan. cap. 65, S. Nicetas Trevirensis in epist. ad Justinianum Imp. apud Duchesnium hist. Franc. tom. 1, S. Bonifacius Mogunt. Constit. Eccles. 27. apud Dacherium Spicileg. tom. 9; quare

quave de re Acta sincera SS. Martyr. de S. Genesio apud Ruinar-
tium , & Sacramentaria Gelasianum , Gregorianum , Gallica-
num &c. apud Menardum , Mabillonium , Thomafium &c. Ante
Baptifmum autem in omnibus per Orbem Ecclefiis morem obti-
nuiffe , cui proinde contradicere perperam conatus est Voffius in
differt. de tribus Symb. thefi 30, ut idem , quo utebatur Roma-
na Ecclefia , Symbolum Apostolicum , quod tam impie , quam
infipienter ab Arianis in Nicæno Concilio , ficut Nicænum ab Ho-
moufianis conditum dicere fomnatus est Sandius in Nucleo hift.
Ecclef. pag. 167 , ideo refutatus ab ipfo Bebelio Antiq. ſæcul. IV.
part. 1. art. 4. thef. 46 , & 48 , Symbolum , inquam , Apostoli-
cum recitandum baptizandis traderetur , auctor eft locuples S. Leo
M. ferm. 93. edit. Quefnelli , edit. Baller. 96. cap. 1 , ac in epi-
ftolis 27 , nunc 31. ad Pulcheriam cap. 4 , 24. nunc 28. ad Fla-
vianum capp. 1 , & 2 , ac 97. nunc 124. ad Monachos Palæftinos
cap. 3.

Hocita constituto ritu , descendendo nunc ad exempla , qui-
bus æque priſcus ritus alter quorumlibet probandi fidem propoſi-
tis eiſdem fidei profeſſionibus , ac formulis explicitis , loco con-
firmetur , non omnia perſequi ſane præſtat , ſiquidem innumera
ſint , quæ nobis Eccleſiaſtica monumenta ſuppeditant , ſed erit
ſatius nonnulla e promiſcuo genere perſonarum delibare , quibus
dilucide palam fiat , Pontifici M. , ſi jubeat , ab omnibus fidei
ſuæ rationem fore reddendam , nec eſſe in Eccleſia , cui onus
iſtiusmodi non incumbat . Atque exordium auſpicor a S. Diony-
ſio Alex. , qui , ut ſæpe dictum eſt , de fide delatus a Pentapolita-
nis , apud quos Sabellianæ labis ſuſpicionem laborabat , ad S. Dio-
nyſium P. M. , atque ab iſto admonitus , juſſuſque Apologia elu-
cubrata fidem ſuam expoſuit , expurgavitque . Qua de re S. Atha-
naſius in epiſt. de ſententia S. Dionyſii , de Decretis Nicænæ Sy-
nodi , deque Synodis Arimin. , & Seleuc. , Eusebius lib. 7. cap. 26,
& Facundus lib. 10. cap. 5 , poſt quos illum ab omni Sabellii no-
ta abſtergere non dubitarunt Baronius in Not. Martyrolog. ad
17. Novemb. , Bullus in deſenſ. fidei Nicænæ , Moynius in Not.
ad varia Sacra pag. 235 , & ſeq. , ac Coutantius in Notit. epiſt.
S. Dionyſii pag. 271 , & ſeqq. S. Athanaſius ipſe ab Arianis im-

petitus, Romam ad S. Julium I. profectus, nihil habuit antiquius, quam Pontifici fidei suæ, professione emissâ, accuratam reddere rationem. Ea porro occasione editum a S. Doctore Symbolum, quod Athanasianum vulgo audit, (cujus quidem prima mentio occurrit in Collect. Barberina Cod. 2888, & Vaticana, Cod. 1342. in epist. Canonica sub initium sæculi VI. exarata, quam ex Bibl. Capit. Vercell. edidit Dacherius Spicileg. tom. 1. pag. 439, ex Sirmondi schedis descripsit Baluzius tom. 2. Capit. pag. 1374, & ex Lucensi Mansius transtulit in Suppl. tom. 1. pag. 817, ut observant Ballerinii Fratres; sit etiam a Venantio Fortunato in exposit. fidei apud Muratorium Anecd. Lat. tom. 2. pag. 212; fieri quoque videtur in Concilio Toletano IV. an. 633. cap. 1; indubitata vero occurrit in Concilio Augustodunensi anno non 663, ut Fabricio Bibl. Græc. tom. 5. pag. 316. visum, nec an. 670, ut existimavit Quesællus in dissert. 14. n. 12, sed anno 676, aut inseq., ut ostendit Bohierius in epist. ad Mabillonium, tom. 7. Concil. Ven. edit. pag. 549. not. 1, celebrato Can. 1. in Collect. Bibl. S. Benigni Divion. apud Harduinum tom. 3. pag. 1016, & in Collect. Herouvalliana apud Jacobum Petit cap. 1.) sunt, qui cum Baronio ad an. 340. n. 11, & seqq. Bona de Divina psalm. & Caleca lib. 2, oppidoque multi putent. At enim S. Athanasio Symbolum hoc abjudicant haud levibus ducti momentis Hermantius in vita S. Athan., Usserius. Quesnellus dissert. 14. n. 13, Gerardus Vossius dissert. 2. de tribus Symb., Oudinus de Script. Eccles. pag. 32, Montfauconus in diatriba de hoc Symbolo §. 3, Tillemontius tom. 8. Not. 34. in S. Athanasium, Natalis Alex. hist. Eccles. ad sæcul. IV. cap. 6. art. 8, Henricus Nicolai in Diatriba, Pagius ad an. 340. n. 8, Antelmus in disquisitione de hoc Symbolo, Papebrochius in resp. ad exhibit. error. part. 2. art. 13. §. 4, Muratorius in disquisitione de hoc Symbolo Anecd. tom. 2, Speronius in dissert. 1. de eodem argumento, Ballerinii Fratres in observat. ad præcit. dissert. 14. Quesnelli §. 3, Grancolas in Comment. histor. ad Breviar. Rom. lib. 1. cap. 35, alique, de quibus Ernestus Tentzeus in Judicio Eruditorum de Symbolo Athanas. edit. Gothæ 1687, & Antonius Sandinus in disput. 14. de Symbolo *Quicumque*

que . Quis vero legitimus Symboli parens haberi debeat , inter Eruditos non convenit : nam alii ejus auctorem faciunt S. Hilarium Pictaviensem , aliis Eusebium Vercellensem , quidam adscribunt Anastasio Synaitæ , quidam Athanasio Spirensi circa an. 640 , uti Sandius in append. ad Nucleum hist. Eccles. pag. 35 , minus verisimiliter tamen , siquidem Symboli hujusce mentio hanc ante epocham occurrit : neque defuere , qui S. Bonifacio , sive S. Anastasio I. P. M. illud tribuerent , ut in duabus Mss. veteribus Gallicis versionibus apud Montfauconium , ac observat Lequiennius in dissert. 1. Damasc. §. 17. Anonymo Gallo sub Pippini , aut Caroli M. ætate agenti Symbolum istud adjudicandum existimat Petrus Pithœus lib. de process. Spirit. S. , qua ab opinione non multum abhorret Vossius : Vigilio Tapfensi adscribit Quesnellus cit. dissert. n. 14 , cui adstipulatur Pagius loco cit. , sed ejus conjecturas evertunt Antelmus , & Ballerinius n. 5 , & 6. Vincentio Lirinensi potiustribuendum putat Antelmus , cujus nihilo solidiores conjecturas convellunt Montfauconus , Muratorius , Spepronius , & Ballerinius n. 7 , & 8. Venantio Fortunato vindicandum auguratur Muratorius , sed momentis haud multum stabilibus innixus : ut proinde concludere præstet magis cum Tillemontio , Fabricio Bibl. Græc. tom. 5. pag. 316 , ac Balleriniis auctorem Symboli Athan. in obscuro adhuc latere .

Jam unde paullulum digressa est , ut in ordinem redeat oratio , Paulus Constantinopolitanus Antistes , cui ab Arianis par S. Athanasio fors obtigerat , ad ejusdem Romanæ Ecclesiæ beneficium pariter demerendum , ipsi Pontifici S. Julio Nicænæ fidei professionem emittere officio duxit . Quod idem , eandem ob causam ; ab Asclepa Gazensi , a Lucio Hadrianopolitano , & a Marcello Ancyrano præstitum ignorat nemo . Et certe Marcello Ancyrano , etsi ab impactis erroribus absoluto , a S. Julio Sacrorum consortium non ante redditum fuisse , quam fidei professionem verbis non modo , sed etiam scriptis præstasset , uti nos docet S. Epiphanius hæc. 72 , ubi illam refert . Præstavit id vero haud invitus , Pontificem interea precibus infinis obtestatus , ut professionem ab se præditam epistolæ suæ Encyclicæ adnectere dignaretur , ideo

staret ,

staret, se cum Pontifice in unitate fidei optime convenire: *Rogate*, inquit apud S. Epiphanium, *ut exemplar*, (jam factæ professionis fidei) *ad epistolam*, quam ad Episcopos missurus es, *inscribas*, ne aliqui ex his, qui non exacte noverunt nos, & illos (Eusebianos) scriptis illorum animum advertentes, decipiantur. Quibus præterea significat fore, ut præ cunctis aliis Pontifici adhibenda sit fides, ac magis, quam ex propria confessione, ex authentico Pontificis testimonio fides sua in tuto collocanda sit, atque ab omni sinistra vel levi suspicione liberanda. Confer Schelestratium in dissert. 3. de Synodo Antioch. cap. 3, Pagium ad an. 342. n. 12, & seqq., & Coutantium ad epist. S. Julii pag. 390, & seqq. Majorum more S. Petrus Alexandrinæ Ecclesiæ Præsul alter eximius, quod pro fide viriliter pugnaret, contenderetque fartam eam, testamque servare, in exilium propterea ejectus, Romam profectus ad S. Damasum, postquam eidem de fide adversus Apollinarem edicenti diligenter auscultasset, teste Sozomeno lib. 6. cap. 25, fideique suæ professionem nuncupasset, Pontificiis litteris communitus, in Provinciam remissus, a gentilibus suis cum gaudio receptus est, teste Socrate lib. 4. cap. 30. Non loquar heic autem de fidei libellis, sive expositionibus, tum qua S. Athanasius apud Liberium suspensionem eluisse fertur, tum qua S. Gregorii Thaumaturgi assumpto nomine Romano Pontifici fucum facere Apollinaristæ tentarunt aliquando: nam S. Athanasio suppositam illam ad Liberium de fide Incarnationis epistolam, convenit inter Eruditos, ac conferre juvabit Maurinos editores tom. 2. pag. 667, & Coutantium in append. pag. 95: a S. Gregorio vero Neocæsar. genuina quidem fidei expositio confecta est, quam suæ Eusebii hist. Eccl. lib. 7. cap. 25. Latine versioni Rufinus inseruit: at eam, quæ sub ejusdem S. Gregorii nomine inscribitur ~~verius est~~, falsam præferre epigraphen, opusque cuiuspiam esse Apollinaristæ discimus ex Leontio de sectis pag. 540, libroque altero Bibl. PP. Lugd. tom. 9. pag. 707, & seqq., ex Evagrio lib. 3. cap. 31, & Hypatio Ephesino in Collat. cum Acephalis apud Harduinum tom. 2. pag. 1162, & seq.

Tres porro alias fidei expositiones, tanquam ad Apostolicam Sedem missas, refert Quesnellus in Cod. Canon. Eccles. Capitulum

pitulis 37, 38, & 39, quas opus fuisse trium Luciferianorum, Faustini, Marcellini, & Gregorii Boetici, opinatur in disert. 14. n. 5, & seqq. At enim libellum fidei capit. 39. descriptum non Gregorio Boetico utique, sed S. Gregorio Nazianzeno restituendum, utpote qui cum ipsius serm. 49, genuino plane ejusdem fœtu, optime concinit, verisimilius pugnant Ballerini Fratres in observat. ad præcit. Quesnelli dissertationem §. 1: qui & sermonem illum 49, ac sequentem 50, qui ipsemet libellus est fidei, S. Phœbadio adscriptos ab Auctore hist. litter. Gall. tom. 1. par. 2. edit. Paris 1733. pag. 273, eidem S. Gregorio Nazian. vindicant. Haud dispar ferendum judicium de fidei expositione, sive Symbolo, quod S. Hieronymo tributum inter ipsius supposititia habetur tom. 5. nov. edit. pag. 122: expositionem enim fidei esse eandem, quæ in præcit. serm. 50. S. Gregorii Nazianz., & quæ in serm. S. Augustini de tempore 115, num. 235, de quo paullo post, exhibetur, observat Coutantius in append. pag. 101. Atqui dubiis hisce non opus habeo, ut rem aliunde probatissimam confirmem. Quare ut ad documenta undequaque certissima me convertam, S. Cælestino I. inscripta, una cum Synodica, fidei professione, acceptus fieri meruit Maximianus in Nestorii locum suffectus. Qua occasione specialem fidei professionem sub certa formula Ecclesiam semper exegisse tum a Catholicis levi vel hæresis suspicione laborantibus, tum ab Hæreticis ad frugem se recipientibus, tum ab Episcopis novis gradibus insignitis, auctor est S. Cyrillus Alex. in epist. ad Acacium tom. 5. par. 2. Oper. pag. 109, multisque ostendit Lupus in Schol. ad Canon. Ephesinos tom. 1. edit. Lovan. 1665. pag. 360. A S. Sixto III. enim vero S. Proclus fidei suæ puritate, & confessione promeruit, ut Canonum veniam impetiret, qua a Cyziceno Episcopatu ad Constantinopolitanum (quod alioqui per Canones Nicænum 16, Sardicensem 1, & 2, Capuanum in Carthaginensi III. latatum 38, perque Decretales S. Julii I. epist. n. 5, S. Damasi epist. 5. n. 4. & epist. 6. n. 3, ac S. Siricii epist. 10. n. 16. edit. Cout. fieri prohibebatur) facere gradum liceret. Præclarum accipe nunc aliud hanc in rem documentum. Leporius in Gallia Monachus, qui ideo quod quartam in Trinitate subintroduxisset personam, alios præter erro-

res,

res, quos ex Pelagio adoptaverat, ab Episcopis suæ provinciæ, quæ in Gallia Provincia est, correptus fuerat, locoque ejectus, ad frugem regressus, factique pœnitens, in Africam trajecerat ad S. Augustinum, Florentium, & Secundinum confugiens, eorumdem efflagitaturus consilium, & opem. A quibus, atque maxime a S. Augustino rectæ fidei admonitus cum epistola ad Galliarum Episcopos libellum accepit, quem *Confessionis* nuncupat Cassianus lib. 1. de Incarn. cap. 5, *Satisfactionis* Facundus lib. 1. apud Sirmondum oper. tom. 2. pag. 422, *Emendationis* Gennadius apud Honorium lib. 2. cap. 58, *Corræctorum adversus hæresim* Trithemius cap. 141, *Fidei* proprius, ac S. Augustino tribuit, Theodoretus Dialogo 2, qui *Inconfusus* inscribitur, *Affertionis fidei*, atque S. Augustino pariter adscribit, S. Leo M. epist. 97, sive 134, velut ex Codice Grimanico probat Quesnellus in observat. ad hanc epistolam. Quem libellum, postquam direxisset primo Apostolicæ Sedi probandum, ad Aurelium postea Carthag., Africanumque Concilium transmisit, uti refert Facundus lib. 1. cap. 4, atque postremo ad Galliarum Episcopos, ac præsertim ad Proculum Massiliensem, & Cyllinium Aqueensem, non Forojuliensem, ut Antelmio, & Norisio arrisit, a quibus fuerat condemnatus. Atque tum demum, postquam hoc est Pontifici M. fuisset probatus, tanti factus est libellus hic Leporii, ut inter celebriora SS. Patrum opuscula, velut observat Garnerius, computatus fuerit in Concilio Ephesino par. 1. cap. 17. in Supplicat. Basilii Diac., & reliquorum Monachorum ad Theodosium Imp. apud Harduinum tom. 1. pag. 1335: quamquam Quesnellus hoc loci putat de Leporio altero Episcopo loqui, qui S. Ambrosii Mediol. anterior fuerit: ut S. Leo M. inter Patrum testimonia, quæ post Ephesinam pseudo-Synodum collegerat, atque per Legatos in Orientem miserat, ut doctrinam ab se traditam in dogmatica ad S. Flavianum SS. Patrum doctrinæ coherentem ostenderet, quæque testimonia Græce subiecta leguntur cum Epistolæ 10, in edit. Quesnelli 24, Baller. 28. ad Flavianum lectæ in Conciliis Chalcædonensi act. 2, tum Epistolæ 97, in edit. Quesnelli 134, Baller. 165. ad Leonein Augustum, ex eodem libello, S. Augustini laudato nomine, quem revera Leporio auctorem libelli fuisse ex ple-

risque

risque aliis collatis S. Augustini locis, præter ea quamplurima, quæ congestit pariter Garnerius in Not. ad Marium Mercat. tom. 1. pag. 230, confessioni huic Leporii approbe concinentibus probat Quesnellus in observat. ad Epist. cit. S. Leonis, ex libello isto, inquam, Leporii loca laudare, inque medium proferre non dubitaverit: ut Johannes II. P. M. in epist. 3. ad Avienum, Liberium, aliosque Senatores apud Harduinum tom. 2. pag. 1152. laudibus excipere libellum, subque Leporii expresso nomine locum excerpere non ambegerit: ut Cassianus lib. 1. de Incar. cap. ult. hanc Leporii confessionem ab Africanis, & Gallicanis Episcopis absque dubio approbatam fuisse, acceptamque affirmavit. Editus est Leporii hic libellus a Sirmondo tom. 1. oper., a Garnerio tom. 1. oper. Marii Merc. pag. 225, Bibl. PP. Lugd. tom. 7. pag. 14, & in Collect. Concil. Labbei tom. 2. pag. 1678, Harduini tom. 1. pag. 1263, & Coleti tom. 3. Quo etiam de Leporio confer Quesnellum loc. cit., Pearsonium in Synibolum pag. 421, Norisum lib. 2. hist. Pelag. cap. 3, Antelmium in dissert. de initiis Eccl. Foro-Julien. cap. 12, Garnerium in dissert. 2. de Synodis in causa Pelag., Tillemontium tom. 13. pag. 878, & 1039, Maurinos in præfat. ad tom. 10. oper. S. Augustini, Pagium ad an. 420. n. 9, & seqq., ac Ballerinius in admonit. ad præcit. S. Leonis epistolas.

Formularium alterum fidei, quod S. Augustino pariter adscribit Quesnellus in Codice Canon. Eccles. Capit. 40, & in dissert. 14. n. 8, quodque reapse S. Augustini nomen præsert in Codicibus Vaticano 1340, Isidoriano, Thuaniano, Oxoniensi, Herouvalliano, Vindebonensi, Remensi &c., atque olim extabat tom. 10. ejusdem oper. serm. 129. de Temp., nunc in append. tom. 5. serm. 233, appellatoque S. Augustino laudatur a Magistro Sentent. lib. 3. dist. 21: quem tamen Sermonem, sive fidei libellum S. Doctori adjudicare non dubitant Verlinus, Vindingus, Maurini, & Coutantius in Monito ad epist. 5. S. Damasi n. 8: Formularium, inquam, fidei ex præscripto S. Leonis M. adversus grassantes hæreses, ac Priscillianam quammaxime, ab Hispanis Episcopis procusum fuisse, quod *Regulam* vocabat illa ætas, sicuti *Tomum* ætas S. Damaso cœva, constat ex Concilio Hispanico, quod quidam Toletanum I. vocant an. 400, aut 405, ce-

Part II. Tom. V.

E c

lebra-

lebratum, cui ea Regula fidei subiecta legitur, quidam Toletanum aliud putant an. 447, aut paullo post, quod congregandum Pontifex in epist. 15. ad S. Turribium præscripserat: ubi sub initium hæc habentur: *Incipit regula fidei Catholica contra omnes hæreses, quammaxime contra Priscillianistas, quam Episcopi Tarraconenses, Carthaginenses, Lusitani, & Bæitici fecerunt, & cum præcepto Papæ Urbis Romæ Leonis ad Balconium Episcopum Galliciæ transmiserunt.* Confer Tillemontium tom. 8. Not. 15. in Priscillianistarum hist., Coutantium in Monito ad epist. 3. S. Innocentii I. n. 4, & seqq., & Ballerinius in adnotat. ad epist. 15. S. Leonis tom. 2. pag. 1373, & seqq., nec non in observat. ad dissert. 14. Quesnelli §. 2. tom. 3. pag. 950. A Bachiario genere non Hiberno, aut Britanno, sed Hispano, nec dignitate Episcopo, uti legitur in Codicibus Gennadii Veronensi, & Parisiensi S. Victoris, sed instituto Monacho, ut ostendit Florius, de hæresi non Pelagiana utique, sicuti visum est Baleo, & Pitseo, sed Priscillianiana, seu etiam Manichæa, veluti probatum evasit viro- rum doctiss. pari Muratorio in proleg., a quo primum editus est tom. 2. Anecd. Latin., & Florio, a quo recusatus, illustratusque est Romæ 1748, a Bachiario, inquam, ad hæresis infamiam eluendam, quam intelligi sibi ferre nequibat, libellum fidei conscriptum fuisse, sive ex Apologia Ruffini, cui synchronus fuit, descriptum, atque Pontifici M., quem S. Siricium, aut S. Anastasium suspicatur Muratorius, fuisse oblatum, nempe S. Leoni M., post Gennadium de Script. Eccl. cap. 24, Honorium, & Capgravium per- suasum habuere Baleus cent. 1. n. 46, Pitseus de Script. Britan. ætat. V. ad an. 460, Vossius lib. 3. de Mathesi cap. 63, Possévinus in Appar. Sacr., Cavæus de Script. Eccl. pag. 242, Oudinus in Suppl. ad Labbeum pag. 100, Morerius in Diæ. hist., Vallarsius in Not. ad Gennadii cap. 24, tom. 2. oper. S. Hieronymi, alique plures. Quia tamen gravioribus documentis libellum huncce fidei ad objectam Priscillianismi labem purgandam a Bachiario oblatum fuisse, non Romano quidem Pontifici, sed verius cuidam alteri paris instituti Sæcutori suadet, & persuadet Cl. Franciscus Florius in dissert. prævia ad Bachiarii opuscula, proinde ad fir- miora alia progredi exempla præstat.

In qui-

In quibus illud quidem succurreret Theodoret, illud S. Flaviani, illud Maximi Antiocheni, & illud Anatolii, qui ad unum omnes S. Leonem M. de fidei suæ integritate facere certiolem officio, religionique duxere: sed quia de his fufe dictum est alibi, obiter heic indicasse sufficiat; quin tamen longiorem operam ceteris decurrendis impendam. Ut igitur brevitate utar, S. Simplicio accuratam fidei suæ rationem leguntur reddisse Timotheus Salophaciolus, postquam veniam fuisset deprecatus, quod gladiis Eutychianorum compressus a Dioscori nomine inter Sacra ad Altare recitando non abstinuisset; Johannes Talaja Alexandrinus, Stephanus Junior, & Calendion Antiocheni, & Acacius Constantinopolit., qui postremus quandiu Apostolicæ Sedi obsequentem se præstitit, ejusdem obire vices in Oriente promeruit. Majorum more S. Gelasio, epistola inscripta, fidei professionem exhibuit Euphemius Constantinopolit., in qua tamen reprehensione dignum id reperit Pontifex, quod damnata Acacii memoria e Sacrorum albo nondum fuisset expuncta: quam ob rem Euphemio, ceterisque Orientis Episcopis indignatus communionem restituere distulit, donec e diptychis Acacii nomen abrafum scivisset. Hac eadem conciliandæ unionis de causâ S. Anastasii II. Apocrisariis Constantinopolim appulsis, ut in Romanæ Ecclesiæ communionem adreperent Cletici Alexandrini, oblato libello fidei suæ confessionem exhibuerunt: qui voti tamen compotes fieri nequaquam meruere, ideo quod Dioscori, Timothei, & Petri suorum olim Episcoporum nefandissima nomina recitare adhuc e diptychis Sacris ad Altare non desisterent. Similibus subdolis artibus in S. Hormisdæ communionem immigrare Anastasius Imp. adnixus est: sed digna habita est ejus fidei professio, quæ a Pontifice repelleretur, cui & monenti, & mandanti æquas, pronasque ille præbere aures nolebat. Non ita vicissim factum cum longe facilius sive Justino Imp., sive Johanne Constantinopolit., quorum fidei professionem ambabus ulnis admisit, tum quia sincere sine ulla ambe, sive ambiguitate expunctioni nominis Acacii consensissent, tum quia fidei libello suis a Legatis oblato ultro citroque subscripsissent: qua lege tandem absoluta est toties frustra tentata cum Romana Græcæ Ecclesiæ reconciliatio. Post

hæc ad Epiphanium in Johannis demortui Sedem suffectum, morasque mittendi juxta morem ad Romanum Pontificem legatum, litterasque necsentem, litteris datis admonuit idem S. Hormisdas tum moris, tum muneris, quibus premebatur petendi a Pontifice sive Sacrorum consortium, sive Sedis confirmationem. Ergo Epiphanius, ut officio defungeretur suo, litteris, legatisque missis, fidei suæ confessionem exhibuit, proptereaque una cum Pallo vicaria Apostolicæ Sedis præfectura adaugeri promeruit, uti constat ex epist. 80. ad eundem exarata. S. Johanni I. Constantinopoli agenti Justinus iterum, Justinianus, & Epiphanius, postquam ex præscripto fidem professi fuissent, communionem Sacrorum conglutinati sunt. Johanni II. etiam accepta fuit edita a Justiniano ad Imperii fastigium evecto fidei professio: quam perinde a S. Agapeto probari impetravit. Quo loci mihi nunc liceat obiter observare cum doctiss. Bencino in Not. ad Johannem II. tom. 3. Anast. sect. 93. pag. 259. Orientis Imperatoribus, sicuti postea Occidentis, in more positum fuisse, ut Imperii habenas suscepturi fidei professionem, manu propria subscriptam, ad Pontificem transmitterent. Cujus vetustæ consuetudinis liquidos testes adhibeo S. Symmachum in epist. 7. ad Anastasium, quem his alloquitur: *Omnes Catholici Principes, sive cum Imperii gubernacula susceperunt, sive cum Apostolicæ Sedis novos agnoverunt Præsules institutos, ad eos sua protinus scripta miserunt, ut se docerent ejus esse instituti &c.*; S. Felicem III. eidem Imperatori perjuria regentem, quæ contra fidei professionem Apostolicæ Sedi pridem oblatam patrare non desisteat; S. Gregorium M., qui a Phoca fidei professione recepta, epistolam 38. lib. 11. ind. 6. rescripsit, qua Orientalis Ecclesiæ res afflictissimas exponit; & S. Gregorium II. in epist. ad Leonem Isaurum hujusmodi Imperatorum professiones Romæ diligenter asservari hisce affirmantem, & confirmantem verbis: *Acceptas epistolas tuas in S. Ecclesia repositas in limine Confessionis Sancti, & gloriosi, ac Principis Apostolorum Petri diligenter servamus: ubi & Christi amantium Prædecessorum tuorum, qui imperarunt, sunt litteræ.* Subdit Imperatorum subscriptiones istas constare ex Cinnabari, mixtura coloris nempe ex cocto murice, & trito conchilio, quæ propria erat Impera-

Imperatorum , unde Imperialia scripta dicebantur Phœnicia , aut Purpurea , Caniclini vero apud Græcos ii , qui Palatino huic præficiiebantur officio: qua de re extant in Cod. LL. 4. & 6. *De diversis Rescriptis* , aguntque Plinius lib. 33. cap. 7, Procopius in hist. arcana pag. 26 , Pachimeres lib. 8. cap. 32 , & lib. 9. cap. 24 , Anastasius in Not. ad aët. 10. Synodi VIII , Salmasius in Not. ad Solinum , & Crusius in Turco Græc. pag. 191. Adeundus etiam Bernardinus Ferrarius de antiquo epistol. Eccles. genere lib. 1. cap. 7 , ubi de his Imper. fidei formulis agit .

Sed ad S. Agapetum redeundo , is sacro huic mori presse inherens a Menna , antequam in Constantinopolitanum Antistitem inauguraretur , fidei professionem , & quidem publicam , eamque plane , quæ pridem fuerat a S. Hormisda præscripta , exegit : qui imo post ordinationem , juxta morem Majoribus suis sacrum , oblata denuo Pontifici fidei professione , ipsius se obedientiæ , & obsequio devovit , devinxitque , testibus Vigilio in epist. ad Justinianum , ipsoque S. Agapeto in Encyclicis ad Orientales . Vigilio quoque fidem obstringere suam officii loco habuit Eutychius , profitens inter alia sincere se amplecti Decretales epistolas a Decessoribus ejus adornatas : *Suscipimus , & amplectimur epistolas Præfulum Romanæ Sedis Apostolicæ . . . de recta fide scriptas &c.* Cui fidei professioni Collat. 1. Synodi V. insertæ subscripti pariter ibidem leguntur Apollinarius Alexand. , Dominus Antioch. , eorumque Suffraganei : probatam vero Pontifici fuisse ex litteris Vigilii subjunctis liquet apud Harduinum legendis tom. 3. pag. 59 , & seqq. Absoluta Synodo V , probataque Romanis Pontificibus , optima hacce ratione tum Schismaticorum pertinaciam fuisse perdomitam , tum Synodi integritati provisum , consultumque a Pelagio I. in epist. 6. ad Tusciæ Episcopos , & 7. ad omnes Christifid. , a Johanne III. , a S. Benedicto I. , a Pelagio II. in epist. 1. 2. & 3. ad Itriæ Episcopos , ubi de suis Prædecessoribus idem testimonium perhibet , & a S. Gregorio M. lib. 3. epist. 2. ad Constantium , & lib. 9. alias 7. epist. 9. ad Marinianum , ac epist. 52. alias 54. ad Secundinum observat Emin. Norisius in disert. de Synodo V. cap. 9. §. 3 , ut nempe nemo in Italia quammaxime constitueretur Episcopus , nisi ante fidei dato chirographo , & ad Apostolicam

cam Sedem directo in Synodum V. juraret, triaque professione explicita ejuraret Capitula: *Vides ergo*, inquit, *a novis Episcopis transmitti solitam cautionem, qua tria Capitula ejurabant. Illam ergo Laurentius (Mediolanen.) misit an. 571. . . ut jam Halloixius apertæ falsitatis reus habeatur, qui Benedictum, ac Johannem decessorem tria Capitula minime damnassee affirmare non dubitaverit.* Hac ipsa ratione, quod fidei professione missa, propria manu signata, hæresis suspensionem omnem, quæ ipsi ex incauta libri hæretici lectione adhæserat, abunde eluisset, Athanasius Presbyter Ecclesiæ Constantinopolit. a Johanne Patriarcha accusatus, ab omni hæresis labe absolutus, tum ad gradum, tum ad Apostolicæ Sedis gratiam regrediendi veniam a S. Gregorio M. obtinuit lib. 6. epist. 66, alias lib. 5. epist. 24. Neque certe, nisi causa eluendæ suspensionis sinistra, qua apud Pontifices nec leviter, nec perperam laborabant, doloque ipsis obrepenti, quibus alioquin obsequendi sibi omnimodis incumbere opus non ignorabant, fuco plenam fidei professionem exhibuere Pontificibus Maximis Monothelitarum primipili, ita Severino Sergius, ita Theodoro Pyrrhus, & Paulus, ita S. Eugenio Petrus, ita etiam Constantino Philippicus, quin ulli tamen ex tam iniquo consilio successerit, ut ab ullo Pontificum hujusmodi sublestæ fidei professio haud respueretur. E contra Ecclesiæ Romanæ fidem adversus Monotheliticam hæresim scriptis editis, & ad Pontifices Theodorum, S. Martinum I, S. Agathouem, & Constantinum transmissis, ut Apostolicæ Sedis optatissimæ communionis participes fieri promererentur, fateri, & profiteri religioni duxerunt S. Sophronius Hierosolym., & Stephanus Dorensis in Palæstina Episcopus, S. Maximus Abbas, & Martyr, eximius Monothelitarum debellator, Arcadius in Cypro Episcopus, ejusque successor Sergius, Victor Carthag., Columbus, Stephanus, & Reparatus Provinciarum in Africa Proconsularis, Numidiæ, Byzacenæ, & Mauritaniz Primates, Maurus Ravennas Antistes, Johannes, Theodorus, Thalassius, Georgius, aliique Monachi pares, egregiique orthodoxorum dogmatum adversus Monothelitas propugnatores, quorum fidei libelli, proque fide labores commemorantur in Synodo Lateranensi sub S. Martino secret. 2, Georgius Constantino-

tinopolit., ceterique eidem subiecti Episcopi in Concilio Constantinopolit. III, vulgo Generali VI, congregati, ac tandem Anastasius Imp., qui ex Imperii fastigio Philippico deturbato, statim atque inauguratus est, nihil antiquius habuit, quam Romano Pontifici fide, communioneque consociari, a quo propterea fidei suæ confessione probata id honoris promeruit, ut ipsius nomen in Imperatorum Orthodoxorum album referretur, quibus bene Ecclesia Catholica adprecatur.

Exemplis his edoctus Johannes Constantinopolit. hujus nominis VI, ut in castris Romanæ Ecclesiæ optime mereri sibi pro voto contingeret, repetitis Synodicis, tum primum eidem Constantino, tum postea S. Gregorio II. fidei suæ professionem exhibuit: quam quidem a Pontifice rejectam, Anastasio teste, fuisse, tanquam ab eo procusam, qui in hæreticorum censu haberetur, opinati sunt quidam cum Baronio, cui Johannis prior apologetica ad Constantinum ignota fuit, ideoque ab Anastasio Imp. S. Gregorii litteris exstimulato Johannem in ordinem fuisse redactum, locoque dejectum. Verum Johannis orthodoxiam vindicat, ac prorsus liberat Pagius ad an. 712. n. 2, & seqq., & ad an. 714. n. 1, ostendens illum nec hæresis suspicione vel leviter aspersum, nec eo proinde nomine a Pontifice indignanter exceptum. Hanc porro Anastasianam periocham de fidei professione a Johanne Constantinopolit. missa ad S. Gregorium II. potius ad Constantinum ipsius decessorem pertinere autumat doctiss. Bencinus in Not. ad Anast. tom. 4. sect. 178. pag. 171. ratione temporis motus, qua Johannis obitum conjicit in an. 714, Constantini vero in seq. an. 715. rejicit; minus recte tamen, siquidem Pagius loc. cit., & post ipsum Cuperus in hist. Chron. Patriarch. Constantinopolit. §. 47. ex Theophane, & Nicephoro in Chron. ostendunt Johannis mortem incidisse Mense Aug. an. 715, quo etiam anno Mense Maji consignanda est S. Gregorii II. electio. Itaque fatendum est geminam a Johanne conscriptam fuisse Synodicam, ad Constantinum, teste Agathone Diacono, quæ sub hac epigraphæ primum edita a Combesio tom. 2. Auct. Bibl. PP. habetur apud Harduinum tom 3. pag. 1838, & ad S. Gregorium II, teste Anastasio, quæ posterior tamen ad nos non pervenit. Ad eundem Pontificem, ut ipsius commu-

communione particeps fieret, fidei professionem direxit Leo Isanrus illico, atque ad Imperii fastigium levatus fuit: cui propterea de re optime gesta gratulatus est Pontifex, atque optima quæque adprecatus. Stetisset utinam in sententia impius Imperator! a qua quia paullo post imprudentissime desciscens, in sacras Imagines debacchari iniquissime cœpit, a bonis omnibus propterea odio habitus est, optimoque a Pontifice diris cunctis impetitus, supremi in se Numinis justissimas expertus iras, miserrimo sine periit. Quia eodem furoris æstu erga sacras Icones percitus esset Anastasius pseudo-Patriarcha Constantinopolit., in locum pulsi S. Germani subrogatus, ejusdem perinde Synodicam, qua Romanæ in Ecclesiæ clientelam, Sacrorumque consortium irrepere, fidei professione ementita, tentaverat, contemptui habuit idem S. Gregorius, teste Anastasio Bibl. ejus de gestis agente. Diverso vicissim spiritu ductus ad S. Paulum I. Legatis, litterisque directis sinceram fidei sane professionem scripsit Theodorus Hierosolym. Patriarcha, contestatus secum unanimes consentire cum in eadem fide, tum in eodem cultu erga SS. Imagines, quo fervere in eadem Romanam Ecclesiam non latebat, Cosmam Alex., Theodorum Antioch., aliosque oppido multos Orientis Antistites. Pio pariter affectu erga sacras Imagines animatus Tarasius Constantinopolit. Patriarcha, ad Hadrianum I. legatione, litterisque dimissis, sinceram, orthodoxamque fidei suæ confessionem præstitit, quam meritis prosequutus est laudibus Pontifex; id in eo gravissime interim succensens, & increpans, quod ab usurpando titulo *Universalis Patriarchæ*, uti fuisset par, non abstinuisset. Luculentiorum fidei suæ formulam ad Leonem III. destinavit, rationemque illustriorem reddidit S. Nicephorus, in Tarasii defuncti locum subingressus: quippe postquam de vitæ genere, quod antea fuerat consecutus, deque gradibus, quibus ordinatim ad Episcopatum ascenderat, certiorum Pontificem fecisset, tum suo, tum Ecclesiæ, cui præerat, nomine confessione emissa, ac summissa professus est ab erroribus se omnibus abhorreere quammaxime, quibus aliquando conspurcata fuisset Constantinopolitana, & alia quævis Orientalis Ecclesia, uniusque Romanæ omnium Matris, ac Magistræ fidem integre absque ulla diminutione, sincereque ullo absque dolo completi.

Ab eo

Ab eo porro tempore, quo translatum a Græcis ad Latinos, five instauratum in Occidente Imperium est, quod factum sub Leone III. fertur, in eundem pariformiter Imperatoribus Orientis jampridem sacrum morem, ut ad Romanum Pontificem recens inaugurati Occidentis Imperatores fidei suæ professionem, una cum fidelitatis sacramento dirigerent, multis non opus est, ut demonstretur, nec tantum suppetit orti, sed omnium vices supplebit unum speciale Caroli M. exemplum, cui omnium primo delatum a Leone III. dicitur Imperium, cujusque formulam juramenti relatum in librum Sacrorum Rituum impugnavit quidem, tanquam fictitiam, Goldastus, defendit vero, vindicavitque egregie Gretzerus in Apolog. Baronii cap. 4. Inolevit ab hinc religiosus hic ritus, ut recens designati Imperatores non ante Imperiali redimerentur diademate, quam obedientia, fideque Romano Pontifici semet fascesque demitterent: ita Stephano V. Ludovicus Pius, de quo Carolus Calvus in epist. ad S. Nicolaum I; S. Paschali I. Lotharius apud Agobardum in epist. ad Ludovicum Pium; S. Leonem IV. Ludovicus II, de quo Annalista Bertinianus ad an. 851; Johanni VIII. Carolus Calvus in Synodis Ticinensi, & Pontigonensi an. 876, item Carolus Crassus ipso Pontifice teste in epist. 269; Formoso Arnulphus, de quo Regino ad an. 896; Johanni IX. Lambertus in Synodo Romana an. 904. cap. 6; Johanni X. Berengarius, de quo Pagius ad an. 915. n. 3, & seqq.; Johanni XII. Otto M. apud Gratianum dist. 63. C. *Tibi Domino*; Johanni XIII. Otto II, teste Witichindo lib. 3. Annal.; Gregorio V. Otto III, de quo Lambertus Scafna burg. ad an. 996; Benedicto VIII. S. Henricus II. apud Glabrum lib. 1. in fin.; Johanni XIX. Conradus II, de quo Wippo in ejus vita; Clementi II Henricus III; S. Gregorio VII. Henricus IV, & Rodulphus apud Harduinum tom. 6. pag. 1356, 1481, & 1485. Mitto ceteros, ne sim longior, quibus omnibus præter eam, quæ refertur a Gratiano dist. 63. cit., formula juramenti recens electis ab Imperatoribus Pontifici Romano præstanda a Clemente V. præscripta legitur lib. 2. tit. 9. Quibus præterea exempla non pauca attexere pronum esset Regum, aliorumque Principum, qui nihil antiquius habuere, quam fidei, clienteque Roman. Pontificum integre sese, demisseque per-

mittere, quibus propterea, Deo profecto auspice, cuncta pro votis, ac pro devotione prospere succedere, sed ut ad finem oratio properet, fines operi præstituti valdequam urgent.

Age modo ergo compendio ea præcipua complectar siue Præfulum, siue Principum exempla, qui sequioribus ævis Summis Pontificibus fidei professione, obedientiaque obligare se, & obstringere religionis, officiique loco duxere; cujusmodi formulæ exemplaria ex Sirmondo tom. 2. Concil. Gall. descripta legere præstat apud Harduinum tom. 5. pag. 1444, & seq. Ita Hadriano II. Guntharius Colon. apud Annal. Bertinianum ad an. 869. Johanni VIII. Hincmarus Remensis, cui similiter ceteri Ecclesiæ Gallicanæ Episcopi suffragati sunt in Synodo Trecenti II. aët. 2. an. 878. Stephano V. Styllianus Neocæsareæ in Euphratesia, & Theohylactus Ancyra in Galatia Metropolitæ suo, orthodoxorumque omnium in Oriente nomine, quorum litteræ defuncto Stephano, ejus successoris Formoso redditæ fuerunt apud Harduinum tom. 6. par. 1. pag. 368, & 423. Johanni XV. Gerbertus Remen. apud Duchesnium tom. 4. rer. Francic. S. Leoni IX. Thomas, Petrus, & Johannes Africani Episcopi, ac Petrus Antiochenus; ad quos epist. 3, 4, & 5. Paschali II. S. Otto Bambergensis apud Canisium tom. 2. antiq. lect. pag. 371, & Gretzerum de Divis Bamberg. Innocentio II. Maximus Armeniæ Catholicus, scilicet in Synodo Hierosolymis habita an. 1136. ab Alberico Sedis Apostolicæ Legato, de qua Guillelmus Tyrius lib. 15. cap. 12, & seqq. Alexandro II. Soldanus Iconii, atque Æthiopum, siue Abyssinorum Imperator, ad quos litteræ Catecheticæ apud Harduinum tom. 6. par. 2. pag. 1401, & 1415. Innocentio III. Gregorius Armeniorum Patriarcha, & Leo Rex; Johannitus item, siue Calojoannes Bulgariæ Rex, & Basilus Trinovitanus, alique duo ejusdem Regni Archiepiscopi; de quibus acta Innocentii III. a cap. 65, & seqq., & cap. 109, nec non lib. 2. epist. 209, & seqq., lib. 5. epist. 43, & seqq., ac lib. 7. epist. 1, & seqq. Gregorio IX. Ignatius Jacobitarum Orientalium Patriarcha apud Parisium ad an. 1237, & ad quem lib. 11. epistola 172. Innocentio IV. Nestorianorum, & Jacobitarum Patriarchæ Enstaib, & Ignatius, nec non Johannes Maphrianus apud Raynaldum ad an. 1247. n. 32, & seqq. Alexandro

andro IV. Germanus in Cypro Græcorum Archiep., de quo idem Pontifex lib. 6. epist. 121. B. Gregorio X. Michael Palæologus, ac Græci Metropolitæ Asiæ, Europæ, Ponti, & Thraciæ cum Suffraganeis suis apud Wadingum ad an. 1274, & Harduinum, tom. 7. pag. 697, & seqq. Nicolao IV. Urosius, & Stephanus Sclavorum Reges, ac Elena Regina; Jaulaha, Barsaumas, & Dionysius in Tartaria Episcopi; Tartarorum etiam Reges, & Reginæ, ac Optimates Argon, & Cobila, Elegages, & Tustanes, Sabadinus Archæon, & Caydonus; Aytonus, & Torosus Armeniæ Reges, Maria Reginæ Soror, ac Leo Comes stabilis; Georgianorum, & Iberorum Reges Demetrius, & David, aliique Æthiopes Asiatici Nestoriani, & Jacobitæ apud Raynaldum ad an. 1288. n. 29, & seqq., & ad an. 1289. n. 56, & seqq. B. Benedicto XI. Hyabalaha Chaldæorum Patriarcha, de quo Baronius apud Raynaldum ad an. 1304. n. 23, & seqq. Johanni XXII. Armeniæ Reges Offinius, & Leo, Constantius Catholicus, & Jacobus Cabanensis Episcopus ibid. ad an. 1318. n. 8, & 1323. n. 4, & 73 Abuscanus Tartariæ Aquilonaris Regis filius ad an. 1321. n. 1, Orosius Serviæ Rex ad an. 1323. n. 18, Milenus Alanorum, & Versachus Zichorum Principes ad an. 1333. n. 37, & seqq. Benedicto XII. Tartariæ Imperator, aliique Principes Alanorum apud Raynaldum ad an. 1338. n. 74, & 77. Clementi VI. Conso-lator Armeniæ Patriarcha, de quo idem Annalista ad an. 1346. n. 68. Innocentio VI. Johannes Palæologus ibid. ad an. 1355. n. 34. Eugenio IV. Græci, exemplo præeuntibus Johanne Palæologo, & Josepho Patriarcha; Armeni, Constantino Patriarcha auctore; Jacobitæ Ægyptii, a Patriarcha Johanne misso oratore Andrea, Abb.; Æthiopes, Constantini Imper. vicibus defungente Nicodemus Abb.; Nestoriani Syri, & Mesopotameni, duce Abdala Edefseno Metropolitæ; Chaldæi, & Maronitæ, ducibus Timotheo Tarfensi Archiep., & Isaaco Nuntio Eliæ Patriarchæ apud Horatium Justinianum in Collect. actor. Concil. Florent. par. 3. Sed de his non plura, quæ adhuc suppeterent, quorumque pleraque alibi attigi: vereor enim, si longior sum, ne morosioribus, qui brevitate delectantur, difficileque de novo rebus jam actis aures accommodant, gravior sum, ac molestior.

Cedere hoc loci tamen mihi liceat brevem Conciliorum indicem, quibus nihil accidere potuit antiquius, quam ad formulas a Pontificibus Romanis præscriptas, ac præsertim a Pio IV, fidem exigere suam, suorumque pariter subigere. In Augustodunensi, ut superius in hui an. 676, aut seq. illud cautum, ac iustum legitur, ne a Clericis Symbolum sive Apostolicum, sive Achanasianum ignoraretur. In Tolosano an. 1129. cap. 10. juramenti formula Christianis cunctis præscribitur, juxta quam *Abjurerent omnem hæresim extollentem se adversus S. Catholicam, Romanam Ecclesiam, & fidem orthodoxam . . . Jurent etiam, quod fidem Catholicam, quam Romana Ecclesia tenet, & prædicat, servabunt*. In Tarraconensi an. 1242. apud Harduinum tom. 7. pag. 254. forma præscripta habetur, qua de hæresi suspectus publice se purgare debeat, profitendo nempe, ac protestando se *Credere, & semper imposterum crediturum fidem Catholicam, quam S. Romana Ecclesia, & Apostolica publice tenet, docet, & prædicat*. In Lovitensi in Polonia an. 1556. apud Martenium veter. Monum. tom. 8. pag. 1445. fidei Catholicæ amplissima formula toti Regno tenenda, inviolateque servanda adversus grassantes hæreses præscripta legitur: quo loci succedit Synodica Nicolai Gnesnensis Archiep. ad Paulum IV. P. M. Post annum vero 1564. Synodi, quæ subsequutæ passim sunt, juxta præscriptam a Pio IV. formulam, professionem fidei tum emittere, tum emittendam præcipere statim sub initium religioni, officioque duxere. Ita Cameracensis an. 1565. in præf.; Mediolanensis I. an. eodem par. 1. cap. 1; Toletana eodem an. act. 13; Sipontina an. 1567. sub initio; Ravennatis an. 1569. in præf.; Urbinatis eodem an. in principio; Mechlinensis an. 1570. decr. 1; Florentina an. 1573. rubr. 1. cap. 1; Mediolanensis IV. an. 1576. par. 1. cap. 1; Neapolitana eodem an. cap. 13; Consentina an. 1579. sess. 1; Mediolanensis V. eodem an. par. 1. cap. 1; Rotomagensis an. 1581. cap. 1; Remensis an. 1583. cap. 1; Burdigalensis eodem an. cap. 1; Turonensis eodem an. cap. 4; Bituricensis an. 1584. cap. 1; Aquensis an. 1585. cap. 1; Mexicana eodem an. lib. 1. tit. 1; Cameracensis an. 1586. tit. 1. cap. 1; Tolosana an. 1590. par. 1. tit. 1; Avenionensis an. 1594. tit. 6; Salernitana an. 1596. cap. 1; Aquilejensis eodem

dem an. rubr. 1; S. Severinæ duæ Synodi an. 1597. in præf.; Amal-
phitana eodem an. in princip.; Diamperitana an. 1599. act. 2.
apud Raulinum pag. 70, & seqq.; Mechlinensis an. 1607. tit. 1.
capp. 1, & 4; Narbonensis an. 1609. cap. 1; Burdigalensis an. 1624.
cap. 1. apud Harduinum tom. 9, 10, & 11; Albana anno 1703.
par. 1. cap. 1; Zamoschienſis Ruthenorum an. 1720. apud Man-
ſium tom. 5, & 6. pag. 289, & seqq. Quod quid aliud, amabo,
præfert, niſi intimam, quæ Synodis inerat, perſuaſionem cum
de Pontificis M. indeclinabili poteſtate, qua ad formulas fidei ab
ipſo præſcriptas recipiendas cogebantur, tum de ipſius indeſecti-
bili fide, ad quam perinde tuto propriam exigere tam deberent,
quam poſſent?

Oſticere nihilominus hætenus dictis inquirunt Pontificiæ in-
fallibilitatis, ac poteſtatis Oſores ipſorummet Pontificum dicta,
& facta, quibus a fide ſe deſlectere poſſe ultro citroque faſſi ſunt,
ac profeſſi, profeſſionemque fidei emittere, atque rationem pari-
ter reddere officii loco haud ſemel habuere. Enim vero a priſca Ec-
cleſiæ ætate Pontificibus ſolemni in more poſitum fuiſſe, ut ſive
paullo ante ordinationem, ſive poſt immediate, fidei profeſſionem
emitterent, ex pervetuiſtis formulis oſtendunt Antonius Auguſti-
nus ex Cod. Mſ. apud Baronium ad an. 869. n. 58, & ſeqq., ac
Johannes Garnerius in Not. ad librum Diurnum Rom. Pontif.,
unde Pagius Junior in Brev. hiſt. Chron. Crit. Rom. Pontif. in
Bonifacio VIII. Ciacconium erroris redarguit, ideo quod tom. 2.
pag. 297. ſcripſerit Bonifacium VIII. primum Rom. Pontificum
fuiſſe, qui fidei profeſſionem emiſerit. Morem vero iſtum pro-
feſſionem fidei præſtandi uſque ad Bonifacii VIII. tempora perdu-
raſſe exiſtimat præmemoratus Garnerius in append. ad Not. in
cap. 2. libri Diurni. Qui quidem mos in eo etiam poſitus fuerat,
ut ad alios Episcopos, ac Patriarchas quammaxime, ea fidei pro-
feſſio mitteretur, ut cunctis per Orbem pateret Romani Pontifi-
cis integra, intemerataque fides. Argumento ſint autem eviden-
ti unus alterve Pontifex, e quibus liquido, quid ab aliis pariter
ſuerit præſtitum, diſcatur. S. Gelafius in epiſt. 2. ad Laurentium
de Lignidio apud Labbæum tom. 4. pag. 1163. Illyrici Episcopos,
formula miſſa, fidei ſuæ certiores feciſſe legitur, iccirco, ut cun-
ctis

his innotesceret, quam pura essent dogmata, quæ sibi proposuerat confectanda: *Alis est*, inquit, *Romana Ecclesiæ Sacerdoti noviter constituto formam fidei suæ ad Sanctas Ecclesias prærogare*. Legendi Liberatus Brev. cap. 17, Auctor Prædestinati lib. 1. hæc. 89. apud Sirmondum, & Garnerius in Not. ad cap. 18. Diur. S. Gregorius M. postquam fuisset ordinatus, Synodica ad Orientalis Ecclesiæ Patriarchas omnes inscripta, quæ lib. 9. Regesti est 52, eidem fidei suæ professionem intexuit, testatus insuper cum receptissimum in Ecclesia morem sub eadem ætate viguisse: *Ut quoties*, verba sunt ejus, *in quatuor præcipuis Sedibus Antistites consecrabantur, Synodales sibi epistolas vicissim destinarent*. Confer & Johannem Diac. lib. 2. cap. 3. Ad hæc S. Leo II. Serm. habito in die suæ Ordinationis, sive in die octava, quem a Luca Holstenio acceptum in Conatum Chron. hist. disert. 23. alias 15. n. 82. retulit Papebrochius, subdubitans tamen, num S. Benedicto II. tribuendus sit, priscum juxta morem Populo coram, palamque fidei professionem edidit. Alterius fidei professionis exemplar ex vetustissimo formulario ab Holstenio descriptum, atque a Conone, aut ab insequente S. Sergio I. ipso electionis die editum, sibi que traditum eodem loci n. 85. exhibet Papebrochius, eam formulam a Pontifice electo propria manu firmatam, juramentoque confirmatam, S. Petro oblatam fuisse observans. Accepta a Johanne Constantinopolit. Synodica, rescriptisse paria S. Gregorium II, fideique suæ rationem Patriarchæ illi exposuisse auctor est Anastasius. Quid imo quod ad Patriarchas non modo, sed ad ipsos quoque laicos Principes, si quando præsertim fidei suspicione, fama-que apud ipsos laborarent, fidei suæ professionem dirigere, atque sinceræ confessionis pro officio certiores facere Rom. Pontifices non detrectarunt? Indubiam rem hancce faciunt Pelagius I, qui apud Childebertum Francor. Regem in suspensionem se venisse sinistram, quasi minus æquus erga Concilium Chalcedonense esset, minorisque haberet S. Leonis litteras, intelligens, quin etiam a prælaudato Rege de fide postulatus, epistola ad ipsum exarata fidei suæ confessionem dirigere probro non duxit, alteraque ad Sapaudum Arclat. inscripta, perinde interrogare, an fidei suæ professio Regi placuisset. S. Zacharias, de quo postquam Ecclesiæ clavo

clavo manum admovisset ; Pontificatum adeptus , refert apud Blanchinium tom. 4. Sect. 219. pag. 217. Anastasius Bibl. *Hic Beatiss. vir , juxta ritum Ecclesiasticum , & fidei sue sponsonem orthodoxam , Synodicam Ecclesiam misit Constantinopolitanam , simulque & aliam suggestionem dirigens Seren. Constantino Principi .* Bonifacius VIII. denique , qui comperiens apud Philippum Galliar Regem fide se , famaue haud leviter laborare , atque suspectum , minusque legitimum præfato Regi visum fuisse ipsius ad Pontificatum ingressum , fidei confessione conscripta , ad eundemque exarata , sacramento se obstrinxit , spondens nunquam se ab Ecclesia defecturum ; fidem de Uno Deo , & Trino , deque Dei Verbo Incarnato , ac de aliis dogmatibus in Conciliis Oecumenicis definitis , spreto mortis discrimine , acerrime defensurum ; SS Patrum traditiones item , Canonicas Conciliorum sanctiones , Prædecessorumque suorum decreta inviolate custoditurum . Ita refert Auctor Glossæ in præmemorata fidei professionem a Bonifacio VIII elaboratam , quam reperisse plurimis in locis , præsertim in Gallia perhibet , quamque e Bibl. Capranicæ Codice Romæ descripsit Mabillonius tom. 1. Musæi Ital. , exaravit etiam ex Cod. Ms. Vatic. Archiv. Card. Aragonii Raynaldus ad an. 1295. n. 2 , recitant quoque Bzovius ad an. 1294. §. 8 , & Oldoinus in addit. ad Ciacconium pag. 311. Hinc , siquidem mos hic sacer in desuetudinem abjisset , Patres Concilii Constantiensis Sess. 39 , ac postmodum Basileensis Sess. 23. apud Harduinum tom. 8. pag. 859. & 1202. professionem fidei a Pontifice , antequam publicaretur ipsius electio , emittendam instaurarunt , atque statuerunt .

Ad hæc urgent adversarii , Pontificibus ipsis plerumque satius visum est se se ab impactis persæpe erroribus professione edita , sive protestatione expurgare , fidemque liberare suam , ac in tuto ponere , quam quodpiam privilegium infallibilitatis obtrudere , emendatioque prætextu ejusmodi , cum alienæ fidei abusu , se obtegere : quin imo , & quidem non infrequenter , se prolabi in errores posse ultro citroque , veritate cogente videlicet , confiteri non erubere . Enim vero exemplo est liquido Leo III , qui in Concilio Romano Carolo M. coram , Optimatibus etiam Laicis , & Ecclesiasticis , ambonem conscendens , ac sacri Evangelii Co-

Codicem complectens, ab objectis criminibus se expurgavit, testibus Anastasio in vita Leonis, & Ademaro in vita Caroli: cuiusce purgationis formulam ex libro Sacr. Rituum S. Rom. Ecclesiæ, sive ex Ordine Romano descriptam legere præstat apud Harduinum tom. 4. pag. 938. Johannes XXII. a Ludovico Bavaro hæresis nomine impetitus, ac nefando, inauditoque ausu Orbī univ. verso eodem nomine denunciatus, Constitutione *Quia quorundam* edita, objectam hæresim diluere, ac propulsare curavit. Præterea prope diem moriturus, accitis ad se Cardinalibus, Prælatibus, ac Tabellionibus publicis, fidei suæ confessionem emisit, contestatus cuncta ab se dicta, vel scripta Ecclesiæ determinationi submissa velle, revocans quæcumque de statu animarum separatarum rectæ fidei minus forte conformia dixisset, aut scripsisset, apud Baluzium in sexta ipsius vita, & Jo: Villanium lib. 11. hist. Flor. cap. 19. Clemens VI. antequam fini concederet suo, humani ab se nihil alienum habens, Diplomate solempni an. 1351. declaravit ab se sincere revocari, atque Sedi Apostolicæ corrigenda supponi quæcumque ante Pontificatum, vel in ipso Pontificatu disputando, legendo, & prædicando contra fidem Catholicam, vel bonos mores, ex lapsu linguæ, præcipitanter forsitán protulisset. Urbanus V. morte item instante Confessario suo coram, aliisque pluribus auctoritate dignis personis, in hæc verba professus est: *Se tenere, & credere firmiter quicquid S. Catholica, & Apostolica tenet, docet, & prædicat Ecclesia*: Siquid vero prius docendo, prædicando, disputando, legendo minus fidei conforme forte dixisset, se revocare, ac pro non dicto haberi velle; submittens se, dictaque sua omnia correctioni, ac determinationi S. Matris Ecclesiæ; asserens se ab ea scienter nunquam deviasse: ita testatur ipsius vitæ auctor coævus a D. Bosqueto editus. Gregorius XI. annis quatuor, antequam e vita migraret, expleretque mortalitatem, testamento an. 1374. condito, in eo contestatus est, quod si quæ in Synodis, vel Consistorio, in Sermonibus, vel Collationibus publicis, vel privatis ex lapsu linguæ contra Catholicam fidem sibi excidissent, vel contra vicissim dicentibus audivisset, ea omnia explicite se revocare, ac retractare. Habetur hoc Gregorii testamentum apud Dacherium tom. 6. Spicileg. pag. 675. edit. nov.

nov. tom. 3. pag. 738. Hadrianus VI, dum adhuc Lovaniensis do-
 &or audiret, in 4. Sentent. q. de Confirm. 9. posse Pontificem hæ-
 resim per suam determinationem, aut Decretalem asserere docue-
 rat : neque ab hac cum sententia discessisse, postquam fuisset Pon-
 tificatum adeptus, exinde liquet, quod eam expungi non curave-
 rit, aut explicandam non duxerit, quum Commentaria sua pu-
 blicam in lucem produci voluit. Paulus IV. pariter indeficientis
 iudicii prærogativam sibi, suisque Decefforibus abjudicasse, uni-
 que Ecclesiæ a Spiritu S. edô&æ adtribuisse exinde patet, quod
 a Memorantio Duce efflagitatus, ut connubium inter Franciscum
 ejus filium, & Johannam Halluynam Piennæam per verba de præ-
 senti contractum dissolveret, viris doctis. ad consilium adhibitis,
 iussisque de Pontificis potestate hisce de rebus proferre senten-
 tiam, adjecit : *Ne, quæso, vos teneant Decefforum meorum fa-
 cta, & exempla, quæ eatenus sequi volo, quatenus Scriptura au&to-
 ris, & Theologorum rationes vos ad illud agendum inducant . . .*
*Non dubito, quin ego, & Deceffores mei errare aliquando potueri-
 mus, non solum in hoc, sed etiam in pluribus aliis rerum generibus,*
& tamen plane condemnandi non sumus. Nam Deus suam ita regit
Ecclesiam, ut illi certum ad tempus abscondat multa, quæ tum inde
*patefacit. Quod Christus ipse satis innuit, quum B. Petro dice-
 bat : Quod ego facio, tu nescis modo, scies autem postea : & in*
alio loco agebat : Adhuc multa habeo vobis dicere &c. Referuntur
istâ a Johanne Haja doctore Paris. rerum tum gestarum oculato
teste, habenturque tom. 2. Comment., & lib. 6. additionum ad
eosdem Commentarios editos a Michaelæ Castelnavo Malvisserio.

At enim his absque delectu, indigesteque ab Adversariis con-
 glomeratis ego ita offendo, inquiendo me principio minime infi-
 cias ire priscum illum Pontificibus Summis frequentem, solem-
 nemque morem, quo recens inaugurati fidei, quæ Romana in Ec-
 clesia integra esset ideoque probe ipsi explorata, & quammaxi-
 me accepta, quam a primo ingressu propterea scriptis publice
 exponere satagebant, ne ullum per oblivionem, aut ignorantiam
 lateret, formulam præcipuarum Ecclesiarum Præsulibus nuncu-
 pare consueverant : quo de more adeundus Emin. Annal Ecclesi.
 Parens ad an. 337. n. 68, ubi de S. Julio I. loquitur. Cæterum

contendo id non eo consilio præstitum a Pontificibus, quod putarent cuiuspiam sibi aut fidei, aut factorum reddendam esse rationem: quis enim hanc unquam ab ipsis exquirere præsumpsit, quemadmodum ipsis a cæteris expetere fas semper, potestasque fuit, ac persæpe frequens, aut ad hanc reddendam adigere aliquando potuit? Bene vero eo dumtaxat, ut mox dicebam, quod sua interesse summopere intelligerent, in una eademque confessione doctrinæ, Divinorum consortio, ac disciplinæ communione omnes per Orbem Christi fideles continere, sibi que tanquam Capiti, & centro copulare. Qui si postmodum antiquatus mos est, non id propterea incuriæ Pontificum vertendum erit, sed magis Schismatum iniquitati, quibus sæpissime turbatæ Ecclesiæ complures a Romana abstractæ sunt; maxime vero sapientissimæ agendi rationi, quam sequioribus ævis, secundum temporum, adjunctorumque diversitatem, ineundam, tenendamque duxere Pontifices, quibus persuasum ibat perspectam adeo cunctis per Orbem Ecclesiis Romani Pontificis indefectibilem fidem evasisse, totiesque a Decessoribus suis explanatam, bonoque in lumine positam fuisse, ut iterata expositione non indigeret, sed magis Christi fideles universos ad ejus amussim fidem exigere suam oporteret, quin ulli in ejusdem fidem inquirere fas foret. Quocirca S. Nicolaus I. in epist. 70. edit. Hard. ad Hincmarum Remen., ceterosque Galliar. Episcopos, a cunctis oppido, ut par erat, æqui bonique plurimum facta, adversus nefariam Græcorum, qui partibus Photii studebant, easque pro viribus adjuvabant, gravissime in querelas effusus audaciam, qua ab Apostolicæ Sedis Apocrisariis fidei professionem temere repetere non fuerant veriti, quod jure, exemploque carere ipse asseverabat: *Quod est gravius, inquebat, & insanius, a Missis nostris, contra omnem regulam, & præter omnem consuetudinem, libellum fidei, si se ab illis recipi vellent, exigere moliebantur.* Cæterum contra Garnerium in append. ad Not. cap. 2. libri Diur. §§. 33. & 35. pag. 170. morem illum emittendi Pontifices fidei professionem desuisse putantem eo temporis intervallo, quod ab ordinatione Bonifacii VIII. ad Constantinense Concilium effluxit, longe ante in desuetudinem abisse, idest sub Sæculum XI, sive sub tempus Urbani II. ostendit Pagius. Obser-

Observat enim Urbanum II., postquam fuisset electus, professionem fidei nequaquam, juxta veterem morem, emisisse, sed Encyclica dumtaxat de sua electione missa apud Mabillonium tom. 1. Musæi Ital. par. 2. pag. 42, Martenium Veter. Monum. tom. 1. pag. 320, ac Mansium tom. 2. Suppl. pag. 73. declarasse, se S. Gregorii VII. decessoris sui vestigiis presse, indivulseeque inhæsurum, neque ab eo decretis vel latum unguem discessurum, verbis hisce: *De me porro ita in omnibus confidite, & credite, sicut de Beatissimo Patre nostro Papa Gregorio, cujus ex toto sequi vestigia cupiens, omnia, quæ respuit, respuo, quæ damnaverit, damno, quæ dilexit, prorsus amplector, quæ vero rata, & Catholica duxerit, confirmo, & approbo, & ad postremum in utramque partem, qualiter ipse sensit, in omnibus omnino sentio, atque consensio.* Unde conjicit vir eruditus ex tunc litteras ejusmodi haberi cœpisse loco professionis fidei, quam pridem edere Pontificibus solemne erat. Ex iis quin imo Encyclicis arguit Mabillonius intermissum pariter fuisse morem mittendi litteras Electionis Pontificis ad Imperatorem: quod tamen non ita rite inferri existimat ibidem Pagius, eo præsertim, quod sequioris ætatis non desint exempla, quibus rogatos de confirmanda novi Pontificis electione Imperatores fuisse constet.

Quibus præhabitis, in hujusmodi censu habendas epistolas, dictas etiam Synodicas, quod a supremo Ecclesiæ Præfide in Romani Cleri cœtu edi consuescerent, non vero Symbolicas, quæ a privatis dumtaxat personis emitti solebant, tum a S. Gelasio, tum a S. Gregorio M., tum a S. Leone II, tum a Conone, tum a S. Gregorio II. sive missas, sive e suggestu ore expressas pronuntio, quibus fidei suæ formulam inseram voluere, aut quam animo præconceptam gererent, fidem proderet sategerunt, vident licet, ut cuncti per Orbem, sive præsentibus coram, sive in Orientem dispersi ex ipsis vera, ac vetera Romanæ Ecclesiæ dogmata ediscerent. Quod si quando a Laicis Potestatibus electionis Pontificis confirmationem expetere, & expectare ob temporum iniquitatem, cui in causa imo aliquando fuere Schismata Romana ipsa in Ecclesia suborta, oportuit, nunquam tamen de fide expectari Laicos apud Principes Rom. Pontificum quispiam est passus,

aut rebus fidei solummodo ad se spectantibus implicari illos alii quando permisit. Quocirca quæ Pelagio I. œconomix plena in-
 sedit, agendi rationem sic rite, aut fallor, explico. Dum adhuc
 Diaconum ageret, Constantinopolim a Vigilio evocatus, ut sibi
 in difficili, turbataque causa trium Capitulorum auxilio esset,
 eò profectus constanter pro trium Capitulorum defensione decer-
 tavit, adeo ut cum Vigilio in exilium pulsus socius persecutio-
 num fuerit Pontificis. Verum post Vigiliæ obitum a Justiniano
 Imp. ab exilio revocatus, morem eidem gerens, tria Capitula con-
 demnavit, cujus rei gratia Impetatoris coadjuvante opera ad Pon-
 tificatum evectus est, teste Victore Tunon. in Chron. Vix autem
 in Occidente innotuit a Pelagio tria Capitula fuisse condemnata,
 ut continuo apud Italos, Gallos, Illyricos, Afros, Istrios, alios-
 que laborare fama, fideque cœperit, locoque quasi haberi pro-
 ditoris, qui suis ut serviret compendiis, atque Pontificatum adi-
 pisceretur, Concilii Chalcedonenfis integra jura violare, parvi-
 que pendere non fuerit veritus, adeoque ut certatim ab ejus se
 communionem hinc illinc complures separare Ecclesiæ non dubita-
 rint. Partium itaque suarum Pelagius existimavit Occidentales
 omnes immani ab errore avocare, atque recta, & vera de tribus
 Capitulis, deque Chalcedonenfi Concilio eos omnes edocere;
 perspectumque cunctis facere, nihil sibi fuisse, foreque antiquius,
 quam fidem Romanæ Ecclesiæ sartam, testamque servare, atque
 nihil quidem ab se factum adversus fidem Chalcedonenfis Con-
 ciliæ in trium Capitulorum condemnatione demonstrare: quod to-
 tum præstitit sive Evangeliiis arreptis, amboneque consensu, Po-
 pulo, Cleroque faciens satis, velut auctor est Anastasius, ea in
 re tamen erroris redargutus jure a Norisio, Pagio, & Blanchinio,
 quod scripserit id præstitum a Pelagio, ideo quod auctor publica-
 retur malorum, quæ Vigilius Constantinopoli perpeffus fuerat:
 quandoquidem Pelagium Vigilio persecutionum socium accef-
 sisse potius, quam eorumdem fuisse incentorem ostendunt; sive
 Epistolis conscriptis, uti 6. ad Episcopos Tusciæ, qui ejus no-
 men eam ob causam inter sacra recitare Myſteria, receptissimum
 juxta morem, renuebant; uti 7. Encyclica ad Orthodoxos omnes,
 qua se rectæ fidei a Chalcedonenfi Concilio definitæ vindicem.

acer-

acerrimum, ac defensorem prodit; uti 10, & 16. ad Childebertum Franc. Regem, quibus impactam calumniam omnino propellit, fidemque suam prorsus a suspitione liberat; aliisque ad Istrios, Afros, Illyricos &c., quibus illos ad frugem, Ecclesiæque unitatem perducere satagit, quorumque oppido plures ut in trium Capitulorum damnationem concederent, demum impetravit. Quæ quidem prudentiæ, pietatisque plenæ Pontificis litteræ, mirum valde, quod quibusdam, prava prurigne affectis in partem pessimam optima quæque intorquendi, occasionem præbuerint obtrectandi Pelagio, objiciendique partem officii fuisse de fide sua, Christifideles omnes certiores facere, putatumque apud omnes Pontificem fidei orthodoxæ proditorem evadere posse. Quandoquidem plane Pelagii fides dumtaxat ante Pontificatum indubitationem fuerat adducta, eandemque dumtaxat a suspitione absolvendam duxerat: alioquin enim Pontificatum adeptus aliam profecto agendi rationem adhibuit: nam tum in cit. epist. 6. Tuscos Episcopos de temeritate redarguens *Quomodo, inquit, vos ab Univerſi Orbis communione separatos esse non creditis, si mei inter sacra Myſteria, secundum consuetudinem, nominis memoriam reticetis, in quo, licet indigno, Apostolica Sedis per ſucceſſionem Episcopatus præſenti tempore videtis conſiſtere firmitatem?* Quibus, ut audis, Pontificis, quæ de agimus, privilegia diſtincte adſtruit, ſtrenueque defendit: tum in epistola 2, & ſeqq. ad Narſetem Patricium Exercitus Juſtiniani in Italia Ducem, quibus eundem hortatus, ut Iſtrios reſraſtarios ad recipiendam Synodum V. vi cogeret, inter eos vero Aquilejenſem, & Mediolanenſem Antiftites Schiſmatis incentores, ac tutores diligenti ſub cuſtodia dirigeret ad Imperatorem, ſubdit, quod ſi illi ſchiſmatici de Synodo V. ſubdubitaſſent, Apoſtolicam Sedem adire debuerant, ejuſque ſententiæ adquiſcere: *Siquid, inquit, in epist. 3. eos de judicio Univerſalis Synodi. . . forte movebat* (idque de generali quacumque Synodo pariter intelligendum ſubjungens, *Quoties, repetit in epist. 5. aliqua de Univerſali Synodo dubitatio naſcitur*) ad Sedem Apoſtolicam dirigere debuerunt. Quibus profecto haud obſcure affirmabat Pontificis eſſe de Concilii etiam generalis judicio judicare. Confer Illuſt. Sommier in Not. ad hunc Anaſtaſii locum tom. 3. Sect. 109. pag. 296, & ſeq.

Quo

Quo consilio a S. Zacharia , Pontificatu inito , cum Synodica ad Ecclesiam Constantinopolit. , tum Suggestio ad Constantinum Imp. missa fuerit , paullo superius expositum est , ideoque eò ipso pertinent , quæ de illo refert Anastasius , quò fidei professiones a S. Gelasio , S. Gregorio M. , S. Leone II , Conone , & S. Gregorio II. missas , & emissas collineasse dicebam. Gravius est , quod de Bonifacio VIII. fertur , ut in eo proinde juvet paullo amplius immorari . Itaque præsentiam illius fidei professionem , quæ ad Philippum Francorum Regem missa refertur , pura inter , putaque figmenta a maleferiato quopiam procusa reputandam fore ostendit Pagius in vita Bonifacii n. 10 , cui adhætere ne leviter dubitat Mansius in Not. ad Raynaldum mox recitandum n. 4. quibus ideo non audiendi videntur Ciacconius hac in re sœde deceptus , ac Natalis ei fidem imprudenter adhibens hist. Eccl. ad Sæcul. XIII , & XIV. art. 14. Enim vero eam fidei formulam ex Codice Ms. Vaticano descripsisse se dicit Bzovius ad annum 1294. §. 8 , eandemque se exarasse ex Cod. Ms. Vaticani Archivi Cardin. Aragonii affirmat Raynaldus in append. olim. tom. 3 , in nov. edit. Lucen. nunc tom. 4. ad an. 1295. n. 2. At enim una alteri non constat , sed utraque invicem est contraria cum in nominibus , tum in notis . In nominibus quidem , nam apud Bzovium *Filiorum* vocabulo Cardinales nuncupantur , qui apud Raynaldum eo *Fratrum* cohonestantur . In notis quoque , nam apud Bzovium annus consignatur 1294. indict. 8 ; apud Raynaldum vero notatur 1295. indict. 7. Et certe Wadingus ad an. 1294. recte observavit Bonifacium Romam non accessisse ante annum 1295 , ac Indictionem 8. non incidisse in an. 1294 , unde de formulæ apud Bzovium extantis sinceritate dubitavit vir doctiss. Deinde , ut advertit Pagius , in utroque exemplari apud Raynaldum , & Bzovium Bonifacius dicitur *S. Romanæ Ecclesiæ Diaconus Cardinalis , & Electus* ; quum indubium tamen sit cum , quando electus est Pontifex , fuisse Cardinalem Presbyterum SS. Silvestri , & Martini , ut ipsemet perhibuit in suis Encyclicis post suam Consecrationem exaratis . Dicitur etiam in fine exemplaris confecta professio anno , mense , indictione ut supra ; & tamen Mensis supra in exemplari non est memoratus : quod aliud sup.

suppositionis haud leve indicium est . Ad hæc Mabillonius loco laudato observat Glosographum affirmare præfatam fidei professionem missam a Pontifice fuisse ad Philippum Franc. Regem scire volentem , utrum legitime fuisset electus , Pelagii exemplo producto , a quo similem ob causam olim ad Childebertum , Franc. pariter Regem fidei professio fuerat directæ . At enim ex fidei professione dignosci plane nequiverat , legitima ne , an non ejusdem fuerit electio : siquidem ea in formula ne vola quidem abdicationis antea factæ a S. Cælestino V ; cujus alioquin expresse meminit Bonifacius in Encyclicis datis ad Episcopos , & Reges die 24. Jan. an. 1295. statim post suam consecrationem , in quibus ne vestigium quidem adparet cateroqui professionis fidei ab ipso præstitæ : quod iterum indicium est certum non fuisse , cur fidei suæ rationem uni Francorum Regi redderet . Accedit illud demum , quod Jacobus Cardinalis Cajetanus , sive Stephanescus in duobus libris , quibus diligenter de Bonifacii VIII. electione , & coronatione egit , agens minutatim de gestis , quæ idem Neapoli , & Romæ edidit , ne verbum quidem habet prætenstæ fidei professionis : quod argumento pariter est ad apocryphorum album eam esse proculdubio amandam .

Quod nunc pertinet ad errores persæpe impactos Pontificibus , eosque præsertim , in quos prolapsi quandoque feruntur , quosque plus æquo , & justo exaggerare adversarii , amplificareque præ invidia non erubescunt , respondeo in duplici eos differentia esse , quemadmodum duplicem in Pontifice distinguendam esse personam non semel admonui : nempe errores qua circa doctrinam fidei , qua circa rationem vitæ versantur ; persona vero alia privata , alia publica Christifidelibus sive de morum disciplina , sive de Religionis dogmatibus dicens , & edicens , consideranda est . Sub hac duplici acceptione cortuat omnino , concidatque vis argumenti secundo loco ab adversariis conglomerati necesse est . Enim vero , si de genere vitæ loquamur , crimina objecta Pontificibus quandoque vera fuere , quandoque falsa . Quæ vera , quamvis iis conspurcati scandalo bonis cunctis in Ecclesia , ac imo Ethnicis ipsis extiterint , fama que proinde graviter laborarint , non effecerunt tamen , ut pro legitimis non fuerint habiti , aut fidei la-
bela.

befactatæ infami inusti nota iverint . Quum vero falsa, quis probe non videat modo omni, meliorique debuiffè illos non tam famæ propriæ, quam charitati publicæ consulere, amputare ab Ecclesia, proculque abigere offendiculum omne, quod lapsui, ruinæque spiritali Chriftifidelibus effe poffet, scandalo vero, & blasphemix Idololatris, Hæreticis, ac Judæis ? Si vero de genere doctrinæ sermo instituatur, non inficias profecto iverim, pugna-citerque pernegaverim, fotas, ac favore alitas, si velis, aliquando fuiffè privatas ab aliquibus Pontificibus opiniones, quæ cum rectis dogmatibus minus congruerent, quæque, si malis, recta cum fide pugnarent . At id constantiffime pernego de doctrina publica a Pontifice ullo Ecclesiæ enuntiata: utque pernegem, id plane efficit, tum quod, ut postremo in Appendice palam fiet, nullus evincet unquam Pontificem fuiffè ullum, qui publica hæresis infamia vere poffit aspergi; tum quod superioribus Articulis, si meus non me fallit amor, invictiffime evici Romanum Pontificem ex Divina pollicitatione infallibilitatis privilegio in dicendo palam, five ex Cathedra, veluti loquuntur, prorsus gaudere .

Eja ergo, hisce generatim ita constitutis, objecta exempla examinemus, & ad trutinam revocemus, ut constet lima ne, an spongia magis indigeant . Atque Leoni III. quidem vitio nequa-quam est data doctrina; sed mores nigro fuerant carbone notati; nec ipse ob fidem, quasi sublesta foret, traductus fuit ad plebem, sed pro vitæ instituto perperam contemptui habitus . Quamobrem eo, quo dictum est modo, calumniam, contumeliamque dispulit, & dispunxit . Cæteroquin enim observatione dignum quammaxime est illud, quod etsi alibi adnotatum jam fuerit, recolere tamen etiam, atque etiam juvabit: nempe quod in Concilii medio constitutus tam Pontifex ipse cujuscumque vel Concilii judicio se haud subjacere, sed imo superflare affirmavit, quam Concilii Patres se in ipsum nihil omnino posse ultrocitraque fassi, ac professi sunt, en horum verba: *Nos Apostolicam Sedem, quæ est Caput omnium Dei Ecclesiarum, judicare non audemus: nam ab ipsa nos omnes, & Vicario suo judicamur, ipsa autem a nemine judicatur, quemadmodum antiquitus mos fuit, sed sicut ipse Summus Pontifex consuevit, jubeat, Canonice obediemus.* Quibus quid audiri demissius potest ?

test? En vero illius verba, quæ potestatem præferunt plenissimam, roborisque refertissimam: *Ego Leo Pontifex S. R. E. a nemine judicatus, neque coactus, sed mea voluntate impulsus, purgo me, præsentibus vobis, coram Deo, & Angelis ejus, qui conscientiam novit, & B. Petro Principe Apostolorum, in cujus conspectu consistimus, neque sceleratas res, quas mihi obijciunt, perpetrasse, neque perpetrari jussisse, Deum testans, in cujus judicium venturi sumus, & in cujus conspectu consistimus. Et hoc facio non legibus ullis obstrictus, neque hanc consuetudinem, aut decretum in S. Ecclesia Successoribus meis, & Fratribus Coepiscopis imponere cupiens, sed ut certius vos iniquis suspicionibus liberem:* apud Baronium ad an. 800. n. 3, & seq. Confer & Petrum de Marca lib. 1. Concor. cap. 11. §. 6, ubi ex hoc loco magnam laudis partem Gallicanæ Ecclesiæ ob pietatem, demissionemque erga Pontificem exhibitam jure, optimeque adsciscit. De Johanne XXII. nunc dicendo, is sane ad hæresis dicam sibi conscriptam infremens, atque improbe laceffitam utramque Constitutionem suam *Ad Conditoris Canonum, & Cum inter nonnullos vindicandam adgressus, Constitutione altera Quia quorundam* elucubrata ab errore immunes duas illas Constitutiones declaravit non modo, sed imo hæresis nomine deinceps habendos decrevit, qui dogmata ibidem damnata verbo, vel scripto defendere ausi fuissent. Quibus satis diserte significavit eam de Pontifice infallibili, dum ex Cathedra loquitur, sententiam recte sibi animo insedisse: siquidem suis Constitutionibus dogmaticis repugnantes, aut illas impugnantem hæresis notare non dubitavit absque discrimine, habendosque in hæreticorum censu, atque inter Romanæ Ecclesiæ rebelles computandos declaravit, & decrevit. Tantum igitur abest, ut vilificata, aut violata Pontificiæ infallibilitatis prærogativa a Johanne XXII. dici possit, ut imo loco firmiter suo fuerit stabilita, honoreque habita, quo par erat, quammaximo. Qui si postmodum morti proximis dicta sua, vel scripta Ecclesiæ, Successorumque suorum judicio, ac sententiæ permisit, ita plane intellexit de privatis dictis suis, vel scriptis, puta circa statum Animarum separatarum, circa quem nihil profecto ex Cathedra, sive ut publicus Ecclesiæ Doctor pronuntiaverat: sub hac enim ratione publici Ecclesiæ

Doctōris, sive Personæ Ecclesiæ dicentis, quæ suos accipiebat Successores, eisdem dicta sua, vel scripta, quæ edidisset ipse tanquam privata, ac singulari opinione, persona, subiecit: quam quidem publici Doctōris personam dum ipse gessit, ut supra dicebam, ab se dictis, sive definitis refragantes absque discrimine, ac dubitatione ceu hæreticos habendos dixit, & denunciavit. Nemo quidem ignorat eidem Johanni XXII. geminam erroris infamiam appingi, tum circa paupertatem Evangelicam, tum circa statum Animarum separatarum: sed agere de iis spectat ad appendicem sequentem. Confer interea si placet, Emin. Cardin. Petram in Comment. ad ejus Constit. 3. *Gloriosam* tom. 4. pag. 15, & ad Constit. 4. Benedicti XII. *Benedictus Deus* pag. 75; nec non Cl. Muratorum lib. de Paradiso adversus Burnetum capp. 2, & 23.

Ad Clementem VI. accedendo, eidem ante obitum dicta inconsiderate objiciuntur. Quis enim, quæso, ipso luculentius, liquidiusque in Armenorum Articulis Pontificis Romani indefectibile judicium expressit, exposuitque? Quæ igitur fini prope jam concessurus revocavit, ac pro revocatis haberi voluit, quæ forte disputando, legendo, prædicando ex lapsu linguæ falsa, vel erronea protulisset, ea erant, quæ tanquam doctōr privatus pronuntiasset, non ea, quæ pronuntiasset, prout doctōris Ecclesiæ personam gerens: quomodo Armenis se falli, & fallere omnino nescium asseruit, credique imo jussit. Eodem sensu exponenda est Urbani V. mortis proximi protestatio, videlicet intelligi debet de persona singulari, periculoque errandi obnoxia: & quidem eo vel maxime, quod nulla definitio dogmatica ab Urbano V. Ecclesiæ edicta alicubi, ut sciam, habeatur, de qua consequens est accipi eam professionem non posse. Gregorii XI. declarationi aptanda eadem responsio, quæ neque gratis conficta absque gravissimo rationis pondere reputanda est: quandoquidem aliqui Pontifices aut inter se invicem, aut secummet ipsi pugnarent, atque ita quidem, ut nullo conciliari possent modo: illiberalis vero, & inhonestus is esset quammaxime, qui Pontificibus hujusmodi peccatum appingi mallet, quam ipsemet sinistra, intortaque sua a sententia secedere; imprudens vero, impudensque, qui magis privatas in opiniones suas, pravasque concedere, sibi-

que

que suis in figmentis complacere , aut oblatrantibus , & obloquentibus aurem utramque accommodare diligeret , quam tot Pontificibus , Patribusque gemina sapientiæ , & Sanctitatis laude florentissimis facile auscultare , quibus nihil familiarius , ac frequentius , quam Pontifices nescios prorsus falli , & fallere . Hacce de re igitur Hadriano VI. doctissimo alioqui , si quis alter , Pontifici , moribusque probatissimo , in his , quæ de hoc argumento , dum adhuc doctor Lovanienſis audiret , perperam scripsit , quæque , nescio quo fato , in scriptis post editis intacta , etiamnum extant , auscultandum haud fore confidentissime affirmo , utque affirmem id efficit , tum quod alteram ab ea , quam Pontifex M. postmodum , antea personam gesserit ; tum quod etsi similiter ibidem scripserit S. Gregorio M. fas non fuisse simplicibus Sacerdotibus Siculis concedere , ut Confirmationis Sacramentum conferrent , ipsemet tamen postea illius exemplo Missionariis prædicatum Evangelium proficiscentibus eamdem pariter facultatem fecerit : quod indicium est plane ipsum a priori opinione decessisse , atque insuper diligentiori examine ab se scripta , dum Lovanienſis doctor ageret , non introspexisse : putandumque propterea est de eo , quod de Innocentio IV. censi jussit doctiss. Canus lib. 6. de Loc. Theolog. cap. 8 ; videlicet , quod siquid errati extet in Commentariis ab eo elucubratis in lib. 1. Decretal. , id non Pontifici ut definienti , sed ut privatæ personæ scrutanti , interpretanti , & scribenti esse adscribendum . Vide-ſis interea eundem Canum lib. 6. cap. 1 , Bellarminum de Rom. Pontif. lib. 4. cap. 2 , ac Ludovicum Vincentium Gotti de vera Eccl. tom. 1. cap. 11. §. 1. n. 6.

Pauli IV. postremo nemini moram profecto injiciat , facessatque negotium protestatio : quippe quæ generis est earum quoque , quæ pure , puteque aut personas singulares , aut singularia personarum facta spectant , verbo , ad forum contentiosum , & ad facta criminalia , in quibus quandoquidem falli , ac fallere Pontificem posse Paulum haud lateret , proinde sibi de privilegio indeficientis judicii in re haud absumili adblandiri nolens , in jus ipsum serio , ac solerter jussit inquire . Neque præterea Malvise-rii tanti pendii testimonium meretur , ut nefas foret illius verita-

tem, fidemque in dubitationem adducere, eo vel etiam quod a Bosueto id dictum Pio IV. tribuitur, quod de Paulo IV. Natalis adstruit: Castelnave enim Calvinistam egit, ac Bruno Jordano amicitia conjunctissimus erat, cui vicissim Brunus se totum devoverat: quis vero fuerit Brunus Jordanus, si scire aveas, te docebunt pestilentissima ipsius opera præfato Castelnavo dicata, inscriptaque *De Minimo; de Mensura, & figura; de Innumera-bili, & immenso; de Monadei figura, & numero; de Causæ prin-cipio, & uno; de Cæna Cererum &c.*, opera, inquam, figmen-tis iisdem, impiisque erroribus refertissima, quibus undique sca-ter alterum ipsius opusculum, hoc insignitum titulo: *Spaccio della Bestia trionfante*, fuisse nempe Deistam, atque Atheum: cujusmodi fursuris hominibus quis probus, sciens, ac prudens fidem adhibere suam non dubitet? Præter rem itaque, ac perperam horum Pontificum dicta, scriptaque de singulari Pontificum per-sona, sive de personalibus factis ad elevandam, minuendam, la-befactandamque, quoquo possit modo, Pontificis infallibilita-tem inflectuntur. Propterea jurat, placetque hisce finem impo-nere præclaris verbis illis, quibus olim Dardaniæ Episcopi S. Ge-lasii epistolæ 3, qua jubebantur ad Romanorum Pontificum dogma-ta, & præcepta suam conformare fidem, moresque componere, rescribentes, planum fecerunt sibi nihil accidere antiquius, quam quæ Apostolicæ Sedi foret accepta, quæque Pontifici fuisset pro-bata, credendi, agendique regulam præ oculis habere prosequen-dam: *Desiderii, & voti est*, inquiennes, *jussionibus vestris in-omnibus obedire, & quemadmodum a Patribus nostris accepimus, Sedis Apostolicæ præcepta intemerate servare, atque Religionem orthodoxam, cujus estis prædicatores, fidei, & inculcata devo-tione custodire. Quæ eadem mea, quoad vixero, similiter verba sunt, & in ævum solemnia vota.*

*Ex Jure definiendi Facta Dogmatica , Librosque prohibendi
Regulis morum , aut Religioni infestas .*

ARTICULUS XII.

ANtequam in argumentum quam necessarium , tam negotio-
sum ingrediar , præmonere operæ pretium duco in Libris
duplicem oportere distingui sensum , Auctoris , & Verborum ,
quem videlicet Auctor mente , animoque præconceptum gesserit ,
& quem Verborum contextus expressum præferat , quique le-
genti primum occurrit . Præterea observare præstat duplicis ge-
neris institui a Theologis posse quæstiones , Juris , & Facti , scili-
cet de dogmate , sive de doctrina , utrum Catholica sit , an Hæ-
retica , deque facto quopiam , utrum nempe doctrina hujusmodi
certi Auctoris sit , an non . Quæ quidem quæstiones aliquando
disjunctæ invicem sunt , aliquando vero complexæ : videlicet
quandoque sola instituitur quæstio juris , quandoque sola facti
quæstio , quandoque demum utraque simul quæstio juris , & facti .
Factum quoque geminum distinguendum esse diligenter , simplex ,
ac mixtum admonent : nimirum aliud esse mere historicum , ac
personale , puta , an hic Liber ab hoc Auctore elucubratus sit ;
an hic Auctor in animo suo ita senserit : aliud vero cum jure , sive
cum dogmate conjunctum , puta , an liber hujus Auctoris sit hære-
ticus ; an doctrina hujusce libri in sensu obvio sit hæretica : an hæc
doctrina in sensu ab Auctore verbis , aut scriptis expressa Verbo
Dei scripto , aut tradito adversetur . In præsentī agere proposi-
tum non est de Auctoris interno sensu , & occulto , sed de Libro-
rum sensu externo , verbis expresso illis , ad quem exprimendum
verba illa sunt instituta , usurparique solent , quique legenti ob-
vius statim occurrit : neque abs me agi modo de factis mere per-
sonalibus , aut historicis , sed dumtaxat de mixtis cum jure , sive
dogmaticis : scilicet an Romanus Pontifex judicio prorsus infal-
libili decernere possit , quis , & qualis doctrina , Catholica ne ,
an hæretica hoc in scripto , aut libro legenti exhibeatur ! Adeo
ut Pontifici ita definienti Christifideles adquiescere mentis , ani-
mique

mique sincera, intimaque adhæſione debeant; neque ſufficiat, ſi religioſo dumtaxat ſilentio obſequantur.

Olim porro (quod par Hæreticis tam veteribus, quam nuperis infediſſe prodiit ingenium) in gratiam Arii diſtinctione juris, & facti excogitata, doctrinæ quidem fidei conſenſiſſe, damnationi vero Arii ſubſcribere ſe detrectaſſe affirmare non dubitarunt Euſebius Nicomed., ac Theognis Nicænus in libello Episcopis oblato apud Socratem lib. 1. cap. 14: *Significamus vobis, inquiennes, nos fidei quidem ſubſcripſiſſe, anathematismo vero noluiſſe ſubſcribere, non quod fidem reprehenderemus, ſed quia minime credebamus illum, qui accuſatus fuerat, ejuſmodi eſſe.* In Origenis quoque gratiam ejuſdem deſenſores olim factum a jure diſtinguentes, Origenem nihil erraſſe, ſed ab hæreticis illius libros depravatos dicebant, ut propterea ejuſdem damnationi aut ſubſcribere renuerent, aut ad ſubſcribendum compulſi dolose omnino id agerent, veluti refert S. Hieronymus in epiſt. 65. nunc 41. ad Pammachium: *Ad ſubſcriptionem tergiverſantur, quaruntque effugia...* Si quando urgeri cæperint, & aut ſubſcribendum eis fuerit, aut exeundum de Eccleſia, miras ſtrophas videas. Utrorumque exempla imitati recens Janſeniſtæ, principio quum Urbanus VIII. Conſt. *In eminenti* edita S. Pii V, & Gregorii XIII. Conſtitutiones adverſus Baji errores confirmaret, prohibuiſſetque Cornelii Janſenii librum inſcriptum *Auguſtinus*, eam Conſtitutionem ſubreptitiam dixere, hoc eſt dolo, falſique expoſitione extortam; abs vero quippe aiebant omnino aberrare, quod in Janſenii libro proſcriptæ Baji propoſitiones continerentur. Poſtea quum Innocentius X. Conſtit. *Cum occaſione* quinque Janſenii propoſitiones damnaſſet, repoſuere illico Janſeniſtæ quinque illas propoſitiones vel in Janſenii libro haud reperiri, ſed pro arbitrio fuiſſe conſictas, vel haud in ſenſu ab eodem intento fuiſſe damnatas. Quare Alexander VII. Conſt. *Ad Sanctam* Innocentii Conſtitutionem confirmandi, illas propoſitiones ex Janſenii libro excerptas, atque in ſenſu a Janſenio ipſo intento damnatas fuiſſe declaravit. Cui declarationi obnitentes Janſeniſtæ, factumque a jure diſtinguentes, atque in facto Eccleſiam errare poſſe aſſerentes, ſe proinde minime aſſentiri debere, poſſeque dixe-

dixerunt, eas propositiones in sensu a Janzenio intento hæreticas esse. Quamobrem idem Alexander Constit. altera *Regiminis* formulam fidei sincero animo subscribendam, cumque juramento de rejiciendis, damnandisque quinque illis propositionibus ex Janzenii libro decerptis, & in sensu ab eodem Janzenio intento, præscripsit. Quin & Innocentius XII, ut Janzenistis effugia omnia præcluderet, litteris in forma Brevis ad Episcopos Belgii anno 1694. inscriptis jussit, ut juramentum hujusmodi ab iis, quos oportebat, *Sincere, absque ulla distinctione, restrictione, seu expositione* præstaretur, damnando illas propositiones, ex libro Janzenii desloratas, in sensu obvio, quem ipsamet propositionum verba præferunt. Quia vero pravi homines pervicacissimi non aliud laborantes, quam ut funem contentionis, velut ait Tertullianus, in diversa distenderent, Pontificias hæc litteras prævum in sensum intorquentes, ad fucum, dolumque faciendum, Pontificia vero decreta eludenda, & illudenda, reponabant eum non fuisse profecto loquutum de ipso sensu obvio ab eodem Janzenio intento, bene vero de aliquo quopiam alio, nescio quo; idem Innocentius aliis litteris ad laudatos Belgii Episcopos an. 1696. exaratis mendacem illam, & mendosam interpretationem explosit, expunxitque. Quamobrem diversa declinandi decretorum vim arrepta via, Janzenistarum alii subtexuere: non requiri ad obedientiam præfatis Apostolicis Constitutionibus debitam, ut Janzenii propositiones interius tanquam hæreticæ habeantur, sed sufficere, si ea de re obsequiosum teneatur silentium; inferentes formulari Alexandrino sine exceptione, seu explicatione subscribendum non esse, ideo quod subscriptio externa signum interioris assensus sit, quem profecto in facto illo, in quo de Janzenii sensu perperam judicatum fuisse effutunt, a Pontificibus imperari posse negant. Alii vicissim formulæ illi subscribi licite posse affirmare non dubitarunt etiam ab iis, qui interius judicarent propositiones illas vel in Janzenii libro minime contineri, vel ab ipso Janzenio minime fuisse intentas, ideo quod subscriptio illa respectu dogmatis signum quidem sit assensus interni; at respectu facti signum dumtaxat sit religiosi silentii, sive exterioris reverentiz Apostolicis decretis exhibitæ. Qua de re Clemens XI.

Con-

Constit. *Vineam Domini* an. 1705. edita hujusmodi obsequiosum silentium proscripsit, iterumque litteris Innocentii, & Alexandri confirmatis, evadendi deinceps Jansenistis aditum omnem interclusit, & ademit.

Id ergo juris, ex quo illud quoque exsurgere, necessarioque consequi privilegio inerrantiæ potiri Pontificem nemo non percipit, cui proinde Christifideles ex conscientia adquiescere, nec solo religioso obsequi silentio, teneantur, id juris, inquam, ultimo, infallibilique judicio de factis dogmaticis decernendi Romano inesse Pontifici non uno probatur modo. Quod ad probandum antequam descendo, atque ut ab ovo quidem, velut loquuntur, rem incipiam, Novatorumque jugulum petam, qui libros cujusque genus eo, quo Religionem, morumque regulam omnibus liberam volunt modo, a censura omni, criminationeque liberare contendunt, observatu dignum judico libros, qui de Religione male sentiant, aut morum honestati præjudicent, aut veritati impune detrahant, aut de honore Principum dire loquantur, usui publico fore subtrahendos persuasum arte fuisse, veterique in more positum nefarios quoscumque genus hujusmodi libros flammis abolere, Gentibus quibuscumque Religionem quamcumque pro libitu colerent. Itaque apud Judæos Joachimi Regis jussu librum a Hieremia missum, quem sibi ad propositum, ingeniumque parum conformem augurabatur, flammis adustum advertit Bodinus lib. 2. Dæmonomaniz cap. 2: ab Ezechia vero librum Salomonis de remediis morborum, sive *sephur lequatur* inscriptum, ne exinde Divini Numinis invocationem negligendi ansam Judæi arriperent, e medio fuisse sublatum referunt Josephus Antiq. Judaic. lib. 10. cap. 8, & Suidas V. *Ἐξχλω*, de quo vide Fabricium in Cod. Apocrypho ver. Test. cap. 197. pag. 1043. Ab Herode quoque libros Hebræorum genealogiacos, qui in Archivis Templi descripti habebantur, in quibus etiam notabantur Alienigenarum origines, ne generis sui obscuritas, Ascalonitæ gentilis nempe, testata maneret, obscuroque suo cum natali, tam nomini probum, præjudiciumque ingeneraretur, conflagrandos igni fuisse devotos tradit Eusebius hist. Eccl. lib. 1. cap. 6. vers. Ruff. Apud Syros Antiochus Epiphanes altero ex capite in He-

Hebræos plusquam vatiniāno percitus odio, sacros ipsorum Codices, gentiliū suorum disciplinis parum accommodos, flammis delere studuisse legitur Machab. lib. 1. cap. 1. vers. 59, & seq. Aristobuli Cassandrei scriptum de singulari Alexandri M. certamine cum Poro ob incredibilem adulationem, & vaniloquentiam in Hydaspem fluvium a Rege projectum refert Lucianus de scribenda hist. tom. 1. pag. 610, & post ipsum Giraldus in dialogo 3. de hist. poetic. Apud Lacedæmones Archilochi Poetæ scripta, quod eorum parum verecunda esset, ac pudica lectio, publico Magistratus decreto Provincia exportari iussa fuisse, Civibusque prorsus interdicta, tradit Valerius Max. lib. 6. cap. 3. Sed & Archilochi, & Hipponactis, de quo posteriore pro carmine probroso Hipponactem præconium dicere solebat Cicero lib. 7. epist. 24. famil., libros a Sacerdotibus legi vetuisse Julianus Imp. refertur in fragm. pag. 300. edit. Lips. apud Fabricium Bibl. Græcæ tom. 1. lib. 2. cap. 15. pag. 573, & 581. Apud Athenienses libros Poetarum de Diis parum religiose loquentes abolendos curavit Plato lib. 7. de Legibus: atque in his quidem Protagoræ librum de Diis in medio foro perustum, ipsumque actum in exilium, ideo quod dubitaret, an de Diis vera essent, quæ vulgo dicebantur, tradunt Cicero de nat. Deor. lib. 1, Lactantius lib. de ira Dei cap. 9, & Johannes Sarisberienſis Policratici, sive de Nugis Curial. lib. 5. cap. 4. pag. 222.

Apud Romanos Numæ libris repertis de jure Pontificio, deque disciplina sapientiæ agentes, ut qui Romanæ Religioni tum receptæ parum videbantur accommodi, a Quinto Petilio Prætorre Urbano ex Senatusconsulto Victimariis consignatos fuisse publice igne comburendos scribunt Valerius Max. lib. 1. cap. 1, & Livius decad. 3. lib. 5. Ideo T. Labieni maledica scripta, & mordacia, quibus Cives indiscriminatim lacerabantur, prunis adusta perhibet Livius decad. 4. lib. 10. Cremutii quoque Cordi libellos, quibus Senatum, Populumque Romanum scommatibus laceſſebat, igni devotos scribit Dio Cassius lib. 57. Marcus Æmilius ingenti audita varietate librorum, cum quibus in Urbem ingens Rituū varietas Romanis adversa introducta fuerat, ex Senatusconsulto intra diem ad se deferri omnes jussit, ac ne quis eos Ri-

tus illis a libris invecos usurpare auderet, severe interdixit, teste Livio decad. 3. lib. 5 : qui lib. 29. testatur pariter vice plus simplici Magistratibus demandatam fuisse provinciam diligenter inquirendi in libros cum Religioni, tum Reipublicæ noxios, districteque in eorum retentores pœnis animadvertendi. Ac certe Cajo Fannio Strabone, & Marco Valerio Messala Coss. contra Philosophos, & Rhetores Senatusconsulto cautum, Romæ ne essent; iterumque Censoris edicto Cn. Domitii, Cn. Enobarbi, & L. Licinii sublatae fuisse id generis scholas, ideo quod, ut adnotatum est abs Josepho Saxio de studiis Mediolan. pag. 11, disciplinæ illæ in abusum, turpemque depravationem proruissent, ac Reipublicæ plurimum officerent, narrat Svetonius. Anno etiam Urbis conditæ 614. Cornelii Hispani Prætoris, N. Popilio Lennate, & Cn. Calpurnio Coss., edicto Magicos libros, ac Maleficos interdictos refert Valerius Max. lib. 1. cap. 3. Vide & Tacitum lib. 2. Annal., & Lipsium in adnot. ad hunc librum. A Ciceronis libris Deos negantibus Ethnicos valdequam abhorruisse, nec illorum ullo in aurem modo lectionem admittere voluisse, testis oculatus accedit Arnobius lib. 3. advers. gent. Sybillinos libros a Stillicone igne exustos auctor est Claudianus apud Vives in S. August. de Civit. lib. 18. cap. 23. Ab Attila Hunnorum Rege Marulli Calabri poemata mendaciis, adulationibus, ac disteriis incongruis refertissima publice fuisse igne cremata memorat Nicolaus Olaus in vita Attilæ cap. 15. Apud Petras Magicos, & Judiciarios libros flammis consignavit Cabades Rex, de quibus, aliisque sexcentis agunt Card. Petra in Comment. ad Constit. 2. Innocentii IV. *Impia* sect. 2. tom. 3. pag. 10, & seqq., ac Schelornius in dissert. de libris consumptis.

Atqui Imperatoribus potissimum, apud quos Rerum publicarum summa manebat, suo pro officio, quo publicæ utilitati, tranquillitati, & incolumitati prospicere, consulereque modo, quo fieri posset, omni tenebantur, istiusmodi particula juris usu frequentissimo venit. Ab Augusto itaque libros Fatidicos igni delendos fuisse traditos, & a Caligula Scriptores quosdam adactos spongia, & lingua abolere, quæ perperam, ac, velut videbatur, in perniciem Reipublicæ scripserant, enarrat Svetonius. Scitum est,

est, vulgarique tritum sermone a Diocletiano Christiani nominis infensissimo hoste sacros undique Codices diligenter conquisitos ad incendium, qua de re Arnobius advers. gent. lib. 4. in fin., Eusebius lib. 8. cap. 1, & seqq., S. Optatus lib. 1, S. Augustinus de baptis. lib. 7. cap. 2, Nicephorus lib. 7. cap. 3, Martyrologium Rom. ad diem 2. Jan., & Acta sincera SS. Martyrum Felicis Tubzocensis apud Ruinartium pag. 313, Vincentii Archid. apud Prudentium peristeph. hym. 2. vers. 177, & Saturnini apud Baluzium Miscell. tom. 2. pag. 57. A Constantino M. Arian, & Porphyrii libros igne absumi iussos observat Socrates lib. 1. cap. 6. De Georgii pseudo-Episcopi Alexand. libris magna diligentia, perquirendis, & ad se deferendis, in quibus multa de Christianis Dogmatibus extincta penitus, exterminataque volebat, Juliani epistolas 9. ad Ecdicium Ægypti Præfectum, ac 30. ad Porphyrium legas apud Baronium ad an. 362. n. 170. Magicæ artis libros perquam diligenter conquisitos Valentis Imp. iussu publice combustos refert Ammianus lib. 29. Severissima lege, cujus auctor extitisse S. Johannes Chrysostomus existimatur, Codices omnes Cataphygy, & Eunomianæ superstitionis, errorumque imbutos sedulo conquisitos sub Judicum conspectu incendio cremandos edixisse Arcadium Imp. liquet ex L. 34. de *Hæreticis* Cod. Theod. A Theodosio Imp. impia Nestorii scripta, ne cui habere, aut legere, aut describere liceret, sed a cunctis deferri igne comburenda districte sancitum, eloquitur ejus Lex ult. *Damnato de Hæret.* eod. Cod., de qua Liberatus Brev. cap. 10, quæque prostat in Synodico cap. 191, & in Act. Synodi Ephesinæ, cujus hortatu edita fuerat, par. 4. apud Harduinum tom. 1. pag. 1715, alterius tamen versionis ab ea, quæ habetur in Codice Theod., in Synodo V. Collat. 5, & in epist. 3. Pelagii II. Lege altera, eidem Concilio Ephesino inserta pag. 1719, libros Porphyrii, & contra S. Cyrilli scripta editos Commentarios idem Theodosius Imp. districte vetuit. Ex S. Leonis M. sententia cum Apollinaristarum libris una damnationis sententia Eutychetis scripta omnia comprehensa incendio destinasse Valentinianus, & Marcianus Imperat. leguntur L. 8. *Quicumque* in Cod. Justin., & apud Evagrium lib. 1. cap. 2. A Justiniano Severi Acephalo-

rum antesignani scripta publico edicto e fidelium manibus erepta, prunisque conflagranda fuisse destinata fidem indubiam facit Novella 42 : cujus lectu etiam digna epistola ad Mennam, qua omnes a Capitulis Origenis damnatis a S. Anastasio P. M. sibi cavere, præcipit. Imperatoris Tiberii jussu librum Eutychii Constantino- polit. abs se disputatione superati igni traditum asserit S. Gregorius M. lib. 14. Moral. cap. 32. A Carolo M. Adelberti epistolam flammis abolendam fuisse consignatam discimus ex Capitul lib. 1. cap. 78.

Ad hærescos in dies grafsantium progressus abrupendos, Carolus V. severa primum sanctione Bruxellis edita, in scripta Lutheri, Zuvinglii, Oecolampadii, Buceti, & Calvini diligenter inquiri, flammisque cuncta deleri mandavit : solemnî postea Wormatiensi edicto hæreticorum libros aboleri præcipiens, se hac in proscriptione inhærere tum prisca in Ecclesia disciplinæ, tum præsertim Apostolicæ Sedis executioni demandanda sibi proposuisse decreta profitetur : atque hacce perinde de re Academiæ Lovaniensi semel & iterum auctorem se dedit indicem texendi librorum, qui hæretici, aut hæresis suspecti essent, quem publici juris factum edicto speciali an. 1546, novisque adjectionibus adauctum an. 1556. observari præcepit. Quæ omnia a præfatis Imperatoribus præstita fuere non potestate quidem propria, uti falso scripsit Petrus Jannonus, sed Pontificum, ac Synodorum exemplo, suassu, jussu, ac sententia inducti, rogati, inflexi, veluti diserte habent locis indic. Theodosius, Honorius, Valentinianus, Marcianus, Justinianus &c., ac observant Baronius ad an. 419. n. 57, & Albitius de Inconst. in fide cap. 30, & in respons. ad histor. Inquisit. F. Pauli pag. 22. Quamquam libros in Reipublicæ perniciem vergentes, & ipsorum personis injuriosos laicis Principibus fas sit e Ditione repellere, prout honestæ politiæ ratio deposcit, atque diserte hacce de re in Jure Civili dispositum legitur L. *Cetera* ff. *Familie Hærescundæ* ; L. *Unic.* Cod. de *Fam. libellis* ; L. *Lex Cornelia* §. *Siquis librum* ff. de *Injuriis* ; L. *Ob Carmen* ff. de *Testibus*. Confer & L. *Damnamus*, L. 6. de *Hæreticis* ; L. 10. *Mathematicos de Episcopali audientia* ; L. 34, & ult. de *Azaleficis* Cod. Theodos. ; L. 3. de *Summa Trinitate* ; ac

LL. 6,

LL. 6, & 8. de *Hæreticis* Cod. Justin. Quam pariter in sententiam de libris perniciosis abolendis, exterminandisque pedibus, manibusque confluebant ex Ethnicis ipsis præstantiores Philosophi, Jurisque periti, Plato lib. 7. de Legib., a cujus proinde Republica Epigrammatum genus omne, in quibus fœditas inesset, procul exulare ipsius sententia jubet Scaliger lib. 3. poet. cap. 126; Aristoteles Politic. lib. 7. cap. ult., a quo ideo Hermogenis, & Nicanoris libri bonis moribus adversi odio habiti sunt: quo vicissim odio in Aristotelem percitus Antoninus Caracalla ipsius scripta comburi jussit apud Xiphilinum pag. 329; Cicero lib. 1. de natur. Deor., quo loci Prothagoram ab Atheniensibus Urbe, & agro juste exterminatum, ejusque libros in concione combustos commemorat; Ulpianus in L. *Cætera ff. Familie Herciscunde §. Tantumdem*; & Paulus Lib. 5. de *Receptis sententiis* tit. 23. ad Leg. *Corneliam de Sicar.*; quibus junge Jacobum Cujacium oper. tom. 1. pag. 503. edit. Neap. 1722, & tom. 9. ad lib. 9. Cod. L. *Maleficos* pag. 1437; Baronium ad an. 302. n. 16, & seqq.; Gonzalesium in Cap. *Præterea* 4. n. 6. de *Hæreticis*; Beyerlinghium in Theat. V. *Libri* tom. 4; Decianum lib. 5. tract. Crimin. cap. 46; Raynaldum observ. Crimin. cap. 11; Eymericum in direct. q. 28, Pegnam par. 1. Comment. 19, & par. 2. Comm. 43; Carenam de offic. S. Inquis. par. 2. tit. IV; Vericellum de Apost. Mission. q. 195, aliosque infra allegandos. Quid plura? Lutherus ipse apud Sleidanum lib. 1. libello elucubrato juxta veterem Reipublicæ, ac Religioni cœvum morem omni ætate observatum libros malos, quo in censu Jus Pontificium habebat, ideo flammis absumptum, esse abolendos demonstrandum suscepit: qua in sententia sectatorem habuit Melanchtonem, qui apud Gretzerum de libror. prohib. iterato in aures ingerere sermone non desistebat, multum interesse, ne libri cum impiis dogmatibus divulgentur, curare diligenter, & cavere. Quo etiam spiritu non iam inflammatus, quam inflatus Calvinus apud Albicium in resp. ad Pauli Suavis hist. inquis. improbos imprimi libros ferre, & concoquere nequibat, nesciebatque. Sed horum, ac similibus despectis testimoniis, Hugo Grotius in cap. 19. Aët. Apost. vers. 19. tom. 8. Critic. Sacror. pag. 358. edit. Amstel.

1698. libros omnes tam Reipublicæ bene moratæ, quam Religioni optime institutæ noxios, & infestos a Christianis primitivæ Ecclesiæ odio habitos observat, probatque.

Quò demum quum sermo meus evaserit, quis adeo impudens ambigat, quin facultatis hujusce libros in perniciem Religionis vergentes proscribendi, quam laici Principes ultrocitroque usurparunt, neque contradicentibus, negotiumque facientibus ullum Ethnicis ipsis, aut Hetetodoxis qua Philosophis, qua Jurisperitis, potiori jure, particula Ecclesia potiatur? At enim istius in possessione Juris Ecclesiam ab initio stetisse, & permanisse semper postrema ad hæc usque tempora, nemo, nisi in Ecclesiastica historia sit valde hospes, ignorabit, ac impudens inficiabitur; argumento siquidem, documentoque sint evidenti 1. Sapientum, Sanctorumque dicta, & facta. Enim vero ab Apostolis, quos Evangelio imbuendos suscepissent, Christianæque Religioni lucrifecissent, iis districte prohibitum, ne Gentilium librorum lectione polluerentur, habetur Act. Apostol. cap. 19. vers. 19, ubi post S. Pauli prædicationem, Judæorum, ac Gentilium plurimi librorum ingentem copiam publice flammis addixisse leguntur: *Multi ex eis, qui fuerant curiosa sectati, contulerunt Libros, & combusserunt coram omnibus; & computatis pretiis illorum, invenerunt pecuniam denariorum quinquaginta millium: quam summam Budeus quinque millia aureorum consecisse existimat. Quos quidem libros fuisse de arte Magica, & Astrologia judiciaria testantur Eusebius lib. 3. demonst. Evang. cap. 8; S. Hieronymus in præf. epist. ad Ephesios, confirmatque Grotius in hunc locum; factum illud vero fuisse ex Apostoli mandato arguit Tirinus, affirmavitque ante ipsum Auctor Const. Apost. lib. 1. cap. 7, ajens Apostolos ab initio Ecclesiæ fidelibus prohibuisse Gentilium, falsorumque Prophetarum libros. Conferendus etiam Canon 59. ex iis, qui Apostolis referuntur accepti, ex interp. Gentiani Herveti. Tertullianus lib. de pudic. cap. 10. ad Ecclesiam pertinere declarat, definire de libris, qui Hagiographi, & qui nam Apocryphi sint; & lib. de idolol. libros omnes sive Ethnicæ, sive Magicæ, sive Maleficæ superstitionis imbutos, suspectosque igne damnandos Ecclesiæ sententia potius, quam sua de-*

denuntiat . Magicos libros a S. Cypriano ante conversionem elucubratos ab eodem , Baptismo accepto , flammis confestim fuisse combustos discimus ex S. Gregorio Nazian. in orat. 18. S. Pachomius apud Lippomanum tom. 6 ad diem 14. Maji in mandatis dederat Monachis suis , ut Origenis libros omnes in flumen projicerent . S. Dionysio Alex. vitio datum , ob idque reprehensum a Christifidelibus , quod libros hæreticorum legeret , auctor est Eusebius lib. 7. hist. Eccl. cap. 6. Morem viguisse , ut hæreticorum nullus ad fidem admitteretur , nisi libros hæretica labe infectos Ecclesiæ consignaret , igni tradendos , testatur Socrates lib. 1. cap. 24. S. Ephræmum digno ob id maculat elogio S. Gregorius Nyssen. in serm. de ipso , quod Apollinarii volumen , paginis singulis ex utraque parte glutine compactis , lectu impossibile reddidisset .

Memoriæ proditum est a S. Athanasio de Incarn. Verb. more receptissimo noviter ad fidem conversos impietate , ac superstitione asperfos Codices incendio consumere consuevisse . Atque quidem Codices omnes pravis infectos dogmatibus , ne fidelium lectioni paterent , disperdendos fore dicere familiare erat S. Gregorio Nazian. orat. 2. de fide : de quo dicta factis compensante libros omnes Comicos , Lyricosque gentis suæ , qui ei ad manum venire potuissent , igni conflangrandos traditos fuisse , fide affirmat sua Cardanus lib. 2. sapient. , confirmatque Petrus Alcyon in tract. de exilio , de quo Colomesius Bibl. Selec. pag. 409. oper. Montanistarum Codices , Theodosio Imp. suffragante , S. Johannes Chrysostomus jussit comburi , teste Nicephoro lib. 8. cap. 18. Sed & de se juniore scribit idem S. Doctor hom. 38. in Act. Apost. Magicæ artis librum , vigente edicto Valentis adversus libros hujusmodi , repertum in flumen abjecisse , ac ita ab ingruenti se disscrimine eripuisse . Marcellum Ancyranum ideo damnatum , quod folia quædam igni delenda tradere obstinate detrectasset , auctor est Socrates lib. 1. cap. 6. S. Augustinus lib. de ver. Relig. cap. 25. partium suarum reputabat videre , & providere , qui libri pro Religione colenda fidelibus permittendi forent ; quive ad periculum omne præcavendum eorum e manibus eripiendi essent . Idem lib. 15. de Civit. cap. 23. jure , optimeque libros complures apo-

cry-

cryptos ab Ecclesia proscriptos affirmare non dubitat : atque in Psal. 61. a Mago quondam a se bonam ad frugem pertracto refert Codices impios , quorum antea lectione delectabatur , in ignem fuisse injectos . Eos libros prorsus omnes , quorum lectione incauti decipi , ac insipientes infici possent , inhiberi volebat Severus Sulpitius in dialogo 1. cap. 1. Ab Eusebio Dorylænsi impia Pauli Samosatani , & Nestorii dogmata nefariis ipsorum e scriptis decerpta , chartæque inscripta publice damnanda fuisse denuntiata observat Jo. Filesfachus de Episcop. auctor. lib. 1. §. 7. Duos etiam Nestorii libros ab Hesychio Hierosol. flammis traditos memorat Jo. Moschus prat. spir. cap. 46. S. Isidorus in Regul. cap. 8. ab hujusmodi librorum lectione , neu in erroris laqueos incurrere cuipiam contingat , cavere omnes jubet : & lib. 3. sent. de Sum. Bono cap. 13. ideo prohiberi inquit Christifideles figmenta Poetarum legere , ne oblectamento inanum fabularum eorum mens ad incentiva libidinum excitetur . Jo. Wiclefi libros a Sbincone Pragensi Episcopo ad ducentos amplius collectos igni traditos concremandos testatur Aeneas Silvius hist. Bohem. lib. 33. Mitto sexcenta horum similia , quæ congerere nec otium est , nec opus .

Age modo , tantam accipe Conciliis jugiter curam infedisse Christifidelium e manibus pravos extorquendi quoscumque libros , quanta profecto , quammaxime Religionis puritati , integritatique prospiciendi eisdem inerat . Libros itaque sive hæreticos , sive inhonestos lege a Conciliis lata abolitos , ac publice igni adjudicatos passim legere est : ut Arii a Nicæno I. in Synodica ad Eccles. Alex. , & in Divali Constantini Imp. ad Episcopos apud Socratem lib. 1. capp. 9 , & 19 , Sozomenum lib. 2. cap. 19 , Theodoretum lib. 1. cap. 9 , Epiphanium Schol. lib. 2. cap. 12 , & Nicephorum lib. 8. cap. 18 : ut Ethnicorum , & Hæreticorum a Carthaginensi IV. an. 398. Can. 16 , de quo Gratianus Can. 1. *Episcopus* dist. 37 , & Cotelierius tom. 2. Patrum sæculi 1. pag. 127 : ut Origenis a Theophilo in Alexandrino an. 399 , a S. Epiphanio in Cyprio eodem anno apud Socratem lib. 6. capp. 7 , 9 , & 10 , Sozomenum lib. 8. cap. 14 , S. Hieronymum in epist. 78. ad Pammach. , & Sulpitium Dialogo 1. cap. 2 , ab Eulogio in Hierosolymitano eodem an. 399. in Synodica ad Theophilum apud S. Hierony-

ronymum epist. 93. tom. 1. edit. Vallarſii , ab Euphræmio in Antiocheno an. 542, & a Menna in Conſtantinopolitano an. 543, de quibus Cyrillus Scythopolit. in vita S. Sabæ ac Manſius Suppl. tom. 1. pag. 425 , & ſeqq. : ut Neſtorii ab Ephesine aët. 1. in Synodica ad Theodoſium , & Valentinianum In p. apud Harduinum tom. 1. pag. 1443 , & apud Liberatum Brev. cap. 10 : ut Eutychetis a Chalcedonenſi , de quo in Divali Valentiniani , & Marciani Imper. ad Palladium Prætorio Præf. Actor. par. 3 cap. 9. edit. Hard. pag. 678 : ut Severi , Petri , & Zoaræ a Johanne in Hieroſolymitano , ab Epiphania in Tyrio , ab Episcopis Syriæ ſecundæ , & a Menna in Conſtantinopolitano an. 536. apud Baronium ad hunc an. n. 106 , & Harduinum tom. 2. pag. 1342 , & 1395 : ut Theodori , Theodoreti , & Ibæ tria diſta Capitula a Conſtantinopolitano II, Generali V. collat. 8 , & ab Euſtochio in Hieroſolymitano eodem anno 553 , de quo in Nicæno II. aët. 1. & Cyrillus Scythop. in vita S. Sabæ apud Cotelarium tom. 3. Monum. Eccl. Græc. pag. 375 : ut Priſcilliani , & Diſidini , libroſque ab Hæreticis indiſtinctim ſub Patriarcharum , aut Prophetarum , aut Apoſtolorum nomine conſictos a Bracarenſi II. an. 561. cap. 17. Illuſtrius eſt , quod ex Concilio Turonenſi II. an. 567. celebrato ſuppedit argumentum , multumque confert non tam ad proprium in hac parte , quam Romani Pontificis jus proſcribendi libros confirmandum , inque tuto ponendum , dum Can. 20. eos dumtaxat vel admittendos , vel rejiciendos Auctores decernit , quos admittit , vel rejecit Sedes Apoſtolica : *Quis Sacerdotum , de S. Innocentii I. decretis loquens , contra decreta talia , quæ a Sede Apoſtolica proceſſerunt agere præſumat ? . . . Quorum Auctorum valere poſſit prædicatio , niſi quos Sedes Apoſtolica ſemper aut intromiſit , aut apocryphos fecit , & Patres noſtri* (quod haud modicam in Gallicanæ Eccleſiæ laudem vergit) *huc ſemper cuſtodierunt , quod eorum præcepit auctoritas ?* In Toletano III. an. 589 , qua de epocha Pagius ibid. n. 5 , & ſeqq. , Can. 16. Libellus quidam ab Arianis conſictus anathemate confixus habetur . Quo etiam in Concilio Reccaredi Regis ediſto ſancitum , ut hæreticorum libri ad unum omnes igne abſumerentur , reſert Aimoinus de reb. Franc. lib. 3. cap. 77. Quod vero ſummo honoris , jurisque

Part II. Tom. V. K k loco

loco Romanam Ecclesiam habitam ab Hispana ostendit, Caput 17. est Concilii Toletani IV. an. 633, quo S. Johannis Apocalypsim aliquibus dubiam Sedis Apostolicæ auctoritate vindicat, interque Divinos libros admittendam ullo absque dubio decernit. Vicissim in Toletano XII. an. 681. Can. 9. vel Judæi libros illos legere interdiciuntur, a quibus Christiana abhorret Respublica.

A Synodo Quinisexta, sive Trullana an. 706. Can. 63. pseudo-epigraphæ SS. Martyrum historiæ, ad eos potius ignominia afficiendos falso confictæ, tanquam fide prorsus indignæ conflandæ igni tradi jubentur. In Nicæna II. Synodo, sive Generali VII. Can. 9, scripta omnia contra SS. Imagines ut consignarentur, in Episcopio cum cæteris hæreticorum recondenda libris, cautum summo opere, curatumque legitur. Cui decreto conformis editus a Maronitis in Concilio in Monte Libano celebrato an. 1596. sub Patriarcha Sergio Petro Canon 20. legendus prostat apud Mansum Suppl. tom. 5. pag. 1218. Quid quod in Seleuciensi an. 820. apud Assemanum Bibl. Orient. tom. 3. par. 2. pag. 188. a Nestorianis Can. 110. ex eis, qui in Nomocanone Arabico extant, libros absque Doctorum approbatione publicari diserte prohibitum est? Quatuor Photii libros in Synodo VIII. igne combustos refert Nicetas in vita S. Ignatii. Johannis Erigenæ, & Berengarii libros a Vercellensi an. 1050, S. Leone IX. Præfide, damnatos intueri licet apud S. Lantfrancum in Comment. advers. Bereng., ac Durandum Troarn. in opere de Corp., & Sang. Christi. Quorsum vero Laicis S. Scripturæ libros, ac in vulgarem præsertim sermonem translatos, districte prohibuisset Concilium Tolosanum an. 1129. cap. 12, nisi quia, experientia docente, ex horum lectione utilitatis quidem parum, detrimenti autem plurimum a Laicis capi didicerat? Caput hoc vero 12. eandem ob causam instauratum a Conciliis Tolosano altero anno 1229. videre licet cap. 14; ab Oxoniensi an. 1408. cap. 7; a Bituricensi an. 1584. tit. 14. Can. 1, & seqq., & tit. 4. Can. 1, & seqq., a Cameracensi an. 1586. tit. 1. cap. 4, a Narbonensi an. 1609. cap. 3, a Jasiensi quin etiam an. 1672. cap. 18. quæst. 1, a Brugenfi, Yprensi, Gandavensi, Namurensi, ac Leodiensi, de quibus P. Fontana tom. 3. advers. Quæsnelli prop. pag. 593, ac

ac Benedictus XIV. de Synodo Diœces. lib. 6. cap. 10. n. 3. Aristotelis libros adversam expertos fortunam in Parisiensi an. 1209, cumque Almarici, Magistri David, aliisque de Theologia libris perperam elucubratis, igne damuatos referunt Rigordus in hist. Philippi Aug. ad hunc an., Robertus Antisiod. in Chron. ad an. seq., & Cæsarius Heisterb. lib. 5. Dialog. cap. 22. Confer, qui similes casus refert, Spondanum ad an. 1204. n. 18. A Constantiensi Jo. Wicleffi, Jo. Hus, & Hieronymi Pragensis impia scripta fess. 8, 15, 19, & 21. infamiz nota inusta, igni comburenda fuisse tradita compertum est. Johannis Reuclini volumen, quo infestos Hebræorum libros abolendos fore inficiabatur, Coloniz publico in foro igne combustum affirmat etiam Sleidanus lib. 2. Johannis Ruchardi libros Moguntiz eandem ignis pœnam, ipso met, Populoque inspectante subjisse refert Trithemius in Chron. Spanhemensi pag. 391. Libros de fide Catholica, deque rebus Eccles. tractantes absque Episcoporum licentia imprimi Synodali Constit. edita an. 1497. apud Mansium Suppl. tom. 6. pag. 681, & seq. prohibuit Nicolaus Francus Tarvisinus Episcopus, ac Sedis Apost. Legatus: librum vero de Monarchia Antonii Roselli; atque Tractatus, & Conclusiones D. Mirandulani infra dies 15. flammis tradi conflagrandos præcepit. In Cantuariensi an. 1530. apud Mansium tom. 5. pag. 526, & seqq. Indicem textum intueri licet librorum, quidam compositi fuerant opera a Willelmo Tindal, Simone Fische, Willelmo Roy, Richardo Brightvel, Luthero, Pomerano, Francisco Lamberto, Uldarico Zuvinglio, Jo. Brentio, Philippo Melanchtone, Christoforo Hegendorphino, Andrea Altemaro, aliisque, quorum a lectione Christifideles abstinere docentur, jubenturque. Pari studio venenatis a pascuis fideles arcendi Concilii Colonienfis II. an. 1549. Episcopi affecti cap. 4. eosdem abhorreere valdequam admonent, pœnisque sub gravibus præcipiunt, a libris quotquot ex officina prodire Lutheri, Bucer, Calvini, Oecolampadii, Bullingeri, Lamperti, Melanchtonis, Corvini, Capitonis, Brentii, Pomerani, Pellicani, Musculi, Sarceri, Hegendorphini, Hermannii Bonni, Osiandri, Spagenbergii, Olendorpii, Hedionis, & Sebastiani Frank, donec pleniori Indice de perniciosis aliis abjiciendis instruerentur.

Tandem a Tridentino hac optima ratione Christianæ Reipublicæ bono prospectum est, omnique consultum periculo, quod ex malorum lectione librorum ingruere posset. Postquam enim Sess. 4. Decreto edito S. Scripturæ libris sua & auctoritas, & reverentia asserta fuisset, & conciliata, atque pro authentica verus, ac vulgata Editio habenda fore declarata fuisset, atque Sess. 18. decreto altero de librorum delectu viris doctissimis impeditissima provincia ista Indicem conficiendi librorum, qui perniciosi forent, vel suspecti, quidque facto opus esset, perpendendi fuisset imposita, Sess. 25. in contin. Sess. cap. 3. Indici librorum actutum Pii IV. P. M. iudicio, auctoritateque promulgando standum fore sancivit. Qui plane Index librorum interdictæ lectionis ab eodem Pontifice Const. *Dominici Gregis* die 24. Martii 1564. decem instructus Regulis in lucem productus, tanto confestim in pretio habitus est, ut certatim ubique gentium Concilia suis in Provinciis admittere, ejusque observantiam urgere religioni, officioque duxerint, quorum brevem ecce tibi Elenchum. Ita Cameracense an. 1565. art. 1. cap. 1, & seqq. Mediolanense I. eodem anno par. 1. Const. 1. Trajectense an. 1565. apud Mansium Suppl. tom. 5. pag. 768, a quo peregrinos importari libros prohibitum legitur, aut distrahi, antequam ab iis, ad quos pertinet, approbati fuerint. Sipontinum an. 1567. Const. 1. Ravennatense an. 1568. apud Laderchium in append. tom. 2. pag. 348, & seqq. cap. 1. de libr. prohib. Urbinatense an. 1569. cap. 1. de lib. prohib. Mediolanense II. eodem an. tit. 1. decret. 1. Florentinum an. 1573. Rubr. 2. de lib. prohib. capp. 1, & 3, ubi libros prohibitos retinentibus poenæ in Bulla Cœnæ commemoratæ interminantur. Mediolanense III. eodem anno decret. 4. Neapolitanum an. 1576. cap. 2. Consentinum an. 1579. Sess. 1. cap. de libris exhibend. Mediolanense V. eodem an. par. 1. Const. 1. Rotomagense an. 1581. cap. 3. n. 3. Burdigalense anno 1583. de institut. Seminar. cap. 7. Turonense eodem an. tit. 4. Bituricense an. 1584. tit. 4. Can. 4. Aquense an. 1585. tit. 4. Mexicanum eodem an. lib. 1. tit. 1. de impres. & lect. lib. 5. 1, 2, & 3. Cameracense an. 1586. tit. 1. capp. 3, & 4, ac tit. 21. cap. 1. Tolosanum an. 1590. par. 4. cap. 11. Avenionense an. 1594. tit. 7.

tit. 7. Salernitanum an. 1596. cap. 2. Aquilejense eodem an. Rubr. 2. S. Severinæ duo an. 1597. tit. de lib. exhib. Amalphitanum eodem an. cap. 1, & seqq. de lib. prohib. , ubi Episcopis valdequam commendatur observantia Regularum , quas circa libros edidit Clemens VIII , atque Decretorum , quæ circa libros adornata sunt in Conciliis Lateranensi V. sub Leone X. sess. 10 , & in Tridentino sub Paulo III. Sess. 4. Diamperitanum an. 1599. edit. Facundi Raulin , in quo act. 3. cap. 14. Sacr. librorum Catalogus a Tridentino concinnatus exhibetur , atque decreto 14 , & seq. alter librorum attexitur Index amplissimus , a quorum lectione abstinere Malabari jubentur . Mechlinense an. 1607. tit. 1. cap. 5. & seqq. Narbonense an. 1609. cap. 3. Burdigalense an. 1624. cap. 1. de prof. fid. §. 9. Zamoscienſe Ruthenorum an. 1720. apud Mansum tom. 6. pag. 325. tit. 1. de fide Cathol. Quæ quum ita se habeant , viden quam temere , & inique adversus Indicem a Tridentino indictum calanum strinxerit Kemnitius ! Quam inscite , & insolenter Daniel Francus in disquisit. Theolog. de Indice libror. prohib. scripturierit novum id esse in Ecclesia , correctiones esse abusus , nec hæreticorum expungenda elogia !

Atqui per hæc longe , lateque pervagatus , hæsisse tamen licetenus in limine tatde mihi videor , nec ad intimum me pervasisse usque adhuc adytum , nec ad id , quod rei caput est , ac summa , pertigisse . Quamquam post hæc tam clara , tamque testata , quis æqui probus , justique æstimator hanc , quæ pro cujusque Provincia Synodis permessa semper fuit , juris particulam Romano Pontifici toto pro Orbe , qua late patet , cujus regimen gerit , aut integram adimendam , aut dimidiatam adjudicandam arbitretur , & ambigat ? Atquæ omnium quidem olim librorum in Ecclesia tam Orientali , quam Occidentali examen Pontificis unius auctoritate fieri , ac finiri consuevisse apposite observant Baronius ad an. 490. n. 43 , Spondanus in Epit. , ac Bail. tom. 1. in Concil. Later. III. circa fin. Ideo S. Basilius suo , Orientaliumque nomine repetitis ad S. Damasum litteris , ac Legationibus hæreticorum libros ad ejus Tribunal damnandos sistere officio , religioni. ue dux it , ingenti ei laudi vertens , quod eidem uni datum a Deo . flet de Auctorum doctrina , veluti de pascuis tam noxiis , quam salu-

salutiferis, discernere, ut Christifideles inde discerent, a quibus abstinentum ipsis sit, quibusque danda opera: *Absque dubitatione*, in epist. 69. inquit, *summa laude dignum iudico, quod Vobis a Domino concessum est, ut fucatum a probato, puroque discernatis, Patrum autem fidem sine ulla pravaricatione pradiceatis* &c. 3 quorum simillima regerit in epist. 74. S. Gregorius Nazian. quoque de Vitali Apollinarista, a quo cum S. Damaso, tum sibi fucus, fide simulata, factus aliquando fuerat, loquens in Orat. 52, quæ est epist. 2. ad Cledonium, ipsius dolos tandem a Pontifice detectos fuisse, unaque cum libello ipsum damnatum affirmat. Ideo S. Ambrosius supernum illud in S. Siricio lumen suspiiciens, quo Joviniani, fociorumque Virginitati derogantium, impia detexerat, ac improbaverat dogmata, quasque in admirationem raptus in epist. 81. Synodica præclaris hisce Pontificem alloquebatur verbis, quibus profecto liquidum Pontificio in hac parte iuri testimonium perhibet: *Recognovimus litteris Sanctitatis tue boni Pastoris excubias, qui fideliter commissam Tibi januam serves, & pia sollicitudine Christi Ovile custodias; dignus, quem Oves Domini audiant, & sequantur: & ideo quia nostri Ovicular Christi, Lupos facile deprehendis, & occurris quasi providus Pastor, ne isti morsibus perfidia sue, feralique ululatu Dominicum Ovile dispergant*. Notavit hoc ipsum in S. Anastasio I. P. M. S. Hieronymus, a quo geminam ob causam jure optimeque vapulat Rufinus lib. 3. advers. ipsum, quod ad dicendam causam Romanam evocatus, scriptis potius absens, quam verbis coram patrociniis fidei suæ accommodare quæsisset; id propterea, quod perspicacissimo Pontifici suspectam ipsius fecit Apologiam: quodque probatam hanc ceteris Italiæ Episcopis jactare Rufinus non erubesceret, quasi nempe horum illi æquipar esset auctoritas; id perinde, quod acerbioribus hisce castigat verbis: *Miror, quomodo probaverit Italia, quod Roma contempsit; susceperint Episcopi, quod Sedes Apostolica condemnavit* ? Ideo S. Augustinus ad S. Bonifacium I. scribens, quæ libris quatuor duabus Epistolis Pelagianorum respondebat, ad eum potissimum dirigere se constituisse significabat lib. 1. cap. 1., ut ea ab ipso non tam discerentur pro informatione, quam pro auctoritate examinarentur, ac sicubi for-

forſitan aliquid diſpicuiſſet, minusque recte poſitum animadverſiſſet, emendaretur .

Ampliſſimæ poteſtatis hujus, qua potis eſt Romanus Pontifex, approbe conſcius Theodoretus, de fide in judicium ab Episcopis poſtulat, quod Neſtorium ab errore immunem exiſtimaret, S. Cyrillo viciffim in Neſtorium minus æquo ſuccenſuiſſet in epiſt. ad ipſum Neſtorium, ac in altera epiſt. ad Andreæ Samolatenum, ſe, ſuaque ſcripta apud S. Leonem M. per epiſtolam purgaturus appellens, ipſius in conſpectu, cujus maximi faciebat judicium, minoris aliorum ab ſe fieri libere profeſſus eſt: *Ego, inquit in epiſt. 52. edit. Baller. in edit. Queſnel. poſt epiſt. 47, Apoſtolice Sedis expecto ſententiam, & oro, atque obteſtor Sanctitatem tuam, ut mihi rectum, ac juſtum Tribunal veſtrum invocanti* (Græce *Επιμαχόμενος*, quod appellanti æquiparatur) *opem ferat, jubeatque ad Vos venire, & doctrinam meam Apoſtolicis veſtigiiſ inhereantem oſſendere* . Pergens deinde libros amplius tringenta percuſſere, quos diverſis temporibus adverſus Arianos, & Eunomianos, Judæos, & Gentiles, ac Magos Perſas, quoſque de univerſali Providentia, de Theologia, deque Divina Incarnatione, cum in Apoſtolica Scripta, tum in Prophetica Oracula elucubraverat, ex hiſce libris Pontificem vult dignoſcere: *An ſtabilem fidei regulam ſervaverim, an ab ejus rectitudine deflexerim* . Pari conſilio Poſſeſſor Africanus Epicoſopus ſuarum Explanationum in S. Pauli Epiſtolas codicem ad S. Hormiſdam recognoſcendum tranſmiſit, deque Fauſti Regienſis libris, quorum occasione ingentes Conſtantinopoli turbæ commotæ, agitæque fuerant, Pontificis ſententiam quæſivit: qua de re ipſius ad S. Hormiſdam legenda relatio apud Harduinum tom. 2. pag. 1037, & ſeq. Controverſia trium Capitulorum vigente, Eutychie Patriarchæ Conſtantinopolit. id erat perſuaſum, Romani abſque Pontificis auctoritate circa ea conſici nihil rite poſſe: quare per epiſtolam Vigilium obnixè rogavit, & obteſtatus eſt, ut ad Epicoſoporum conſeſſum venire non gravaretur, primo loco de tribus Capitulis dicturus: *Petimus, inquit, præſente nobis veſtra Beatitude . . . communi tractatu eadem Capitula in medio proponenda queri, & conſerri, & finem quæſtioni imponi* . Vigilii pariter ſen-

sententiam circa tria Capitula prius expectandam contestatus fuerat Ephræmius Patriarcha Antiochenus: quia tamen postea ipse Edicto Justiniani de tribus hisce Capitulis invitus subscripserat, ad Pontificem in Siciliam Legatum misit, per quem se purgaret, non ignorans scilicet de factis dogmaticis iudicium ferre primas, easque præcipuas Romani Pontificis esse partes. Verfa Facundus vice, sed eodem recidente, errore deceptus Ibx epistolam a Concilio Chalcedonensi approbatam existimans, iudicium istud a Sede Apostolica confirmatum amplius retractari nequire generali hacce pugnat, & propugnat regula in epist. ad Pelagium, & Anatolium Rom. Eccl. Diaconos: *Quæ finiuntur judicantibus Episcopis Sanctis, & ad B. Petri memoriam perducta diligentius examinantur, atque firmantur* (En Synodalem post sententiam adhuc patentem ad Apostolicam Sedem aditum, novoque locum examini? En Synodicis Episcoporum sententiis ab Apostolica Sede amplius robur adquisitum!) *sequenda sunt, amplectenda sunt, in retractatione, sub qualibet pietatis occasione, teneri non debent.* Juxta hæc igitur, quæ S. Eulogio Patriarchæ Alexandrino insita pariter erant, penitusque inserta, Scripta sua adversus Agnoetas examini, atque iudicio S. Gregorii M. subjicere ipsum non piguit, veluti fidem indubiam facit Gregoriani Regesti lib. 8. Epistola 42, nunc lib. 10. epist. 39.

Nec aliter cogitare, agereque continebat siue S. Bonifacio Moguntino, siue S. Anselmo Cantuariensi: illi quidem, ut qui in epist. ad Stephanum II, aliis III. apud Baronium ad an. 752. n. 16. dictorum, factorumque rationem eidem reddens: *Si nonus, inquit, perire aliquid, aut injuste a me factum, vel dictum reperitur, iudicio Romanæ Ecclesiæ prompta voluntate, & humiliter emendaturum me spondeo*: isti vero, utpote, qui lib. de Incar. Verbi cap. 1. Urbanum II, cui opus inscripsit, emendandumque submisit, hisce religionis affari refertis verbis e re duxit sua: *Quoniam Divina providentia vestram elegit Sanctitatem, cui vitam, & fidem Christianam custodiendam, & Ecclesiam suam regendam committeret, ad nullum alium rectius refertur, siquid contra Catholicam fidem oritur in Ecclesia, ut ejus auctoritate corrigatur; nec ulli alii tutius, siquid contra errorem respondetur, ostenditur,*

*ditur ; ut ejus prudentia examinetur . Veteri , receptissimoque
 usui huic , quo venerat , ut Romano Pontifici , quæ scripta essent
 Catholica , cognoscenda , cognitaque comprobanda subjiceren-
 tur , presse inhærentes Hugo Etherianus , & Joachimus Abbas ,
 optima uterque ratione hacce famæ suæ , fideique consulere ,
 Apostolicæ Sedi se , scriptaque sua submittendo , prior tres de
 hæresibus libros suos Alexandro III , a quo approbe acceptos
 fuisse , argumento est epistola 49. apud Binium tom. 7. par. 2.
 Concil. pag. 637, & Harduinum tom. 6. par. 2. pag. 417; posterior
 tam in prologo ad Apocalypsim , quam privata in epistola scrip-
 ta sua omnia Sedis Apostolicæ judicio approbanda , seu emendan-
 da supponens , cujus ideo persona in Concilio Lateranensi IV.
 cap. 2. Decret. lib. 1. tit. 1. §. 2. *Siquis* integra permanere ab In-
 nocentio III. promeruit . Vestigiis hisce proxime insistentes , Got-
 fridus Viterbiensis opus suum , Chronicon scilicet universale ,
 Urbano III. inscripsit , & in epist. nuncupatoria ipsius submisit ju-
 dicio , & Stephanus Tornacensis Cælestinum III. per epistolam ob-
 nixe deprecatus est , ut auctoritate sua Academias ad uniformem
 docendi rationem dirigeret , & ad veritatis sectandum ex animo
 studium adigeret : *Hac omnia* , de abusibus loquens , qui in Aca-
 demias irreperant , *Pater correctionis Apostolicæ manum deside-
 rant , ut uniformitas docendi , discendi , disputandi auctoritate ve-
 stra ad certam redigatur formam , ne sermo Divinus attritione vul-
 gari vilescat .* Præ quibus porrigere aures præstat Angelico Doc-
 tori S. Thomæ , qui documento , exemploque hac in re omnibus
 esse debet . In epistola enim dedicatoria Catenæ aureæ præfixæ
 Evangelio S. Matthæi , de qua adeundus , si placet , vir doctiss.
 Jo: Franc. Bernardus Maria de Rubeis Ord. Præd. de gestis , &
 scriptis S. Thomæ disert. 5. cap. 1 , & seqq. , ad Urbanum IV ,
 cui & opusculum contra errores Graecor. dicavit , de quo præf.
 ipsius vindex in disert. 17. cap. 2 , religionis suæ esse duxit opus
 illud , ejusdem Urbani jussu inceptum , Apostolicæ Sedis judicio
 corrigendum , emendandumque subjicere : *Suscipiat* , inquit ,
vestra Sanctitas præsens opus vestro discutiendum , corrigendumque
judicio , vestra sollicitudinis , & obedientiæ meæ fructum , ut dum
*a Vobis emanavit præceptum , & Vobis reservetur finale judicium .**

Quam in sententiam perinde faciunt, quæ prope moriturus, postquam sacro fuisset Viatico refectus, veluti colophonem tam vitæ suæ, quam scriptis imposuit, præclara, in quæ sic effatus est, verba: *Ego de isto Sanctissimo Corpore D.N. J. Christi, & aliis Sacramentis multa docui, multa scripsi in fide Jesu Christi, & S. Romane Ecclesiæ, cujus correctioni cuncta subjicio, cuncta suppono.* Tanti Doctoris, tamque præclaro edocti exemplo Pontificis judicio pariter opera supposuere sua Johannes Parisiensis in præf. libri de potest. Regia, & Papali, Durandus a S. Portiano in præf. ad quatuor libros Sentent., ac Thomas Bradwardinus in præf. opusculi de causâ Dei contra Pelagium.

Ut esset vero animo contentiosissimus, irreverentissimoque honestos erga viros affectus Johannes Reuchlinus, Græce Capnio, non adeo tamen aut mentis impos, aut religionis evaserat immemor, quin officio reputaret elucubrationes suas, si eas vellet in tuto consistere, Sedis Apostolicæ tribunali sistere; ideoque de arte Cabalistica ad Leonem X. ad finem libri: *Totum hunc librum*, ita loqui instituit, *Tuæ subjicio auctoritati, cujus in arbitrium collata est totius Mundi censura, ut quæ displiceant, rejicias, & tunc letabor cetera placuisse.* Religiosum quoque, e reque Theologica quammaxime esse animo reputans P. Christophorus a Capitefontium Ordin. Minor. Generalis Minister, ut tot, tantæque jamdiu in Scholas invecitæ, qua veritatis minus similes, christianæque Reipublicæ minus utiles quæstiones, qua studiosorum fovendæ concordie ineptæ, neque nisi tricarum, nugarumque plenæ disputationes amputarentur, proculque abigerentur, in sui Operis præfatione de necessaria correctione Theologiæ Scholasticæ Sixto V. P. M. inscripti Apostolicæ Sedis cenforiam adhiberi virgulam, correctricemque manum, quibus potuit, obnixioribus deprecatus est votis. Bene quoque, optimeque huc cadit, quod Emin. Baronius ad an. 256. n. 40. in eorum animadvertit temeritatem, qui pro Origene, post latam in ipsius personam, librosque Romano a Pontifice damnationis sententiam, Apologias adhuc adornare non ambigunt. Quod Cardinalis Norisius in Apolog. Monachorum Scythiæ de judicio Synodi V. loquens a Vigilio P. M. confirmato de tribus Capitulis, in hujus genus judiciis neque erori

rori obnoxiam Ecclesiam esse, neque post latum ab Ecclesia judicium, novo locum examini, iterandæque relinqui sententiæ affirmat, & confirmat: *Quo judicio*, inquit, *demonstratur in damnandis propositionibus in sensu ab Auctoribus intento non errare Ecclesiam, neque latum ab eadem semel judicium posse retrahari.* Quod Emin. Aguirrius in defens. Cathedræ S. Petri disput. 20. sect. 3. indubitanter tenendum docet, invictæque demonstrat Romanum Pontificem e Cathedra de facto dogmatico loquentem falli, aut fallere nullo posse modo. Quod Cardinalis Lauræa tom. 3. Theolog. disput. 6. art. 6. quærens 1. an propositiones de facto dogmatico, sive de facto cum dogmate permixto objectum fidei esse possint, suo ita rem definit judicio: *Dico 1. Dum Ecclesia in Concilio, aut Rom. Pontifex extra Consilium damnat aliquam doctrinam cum expressione Auctoris, v. g. Sabellii, Cerinthi, aut Eunomii, vel Arii &c., licet totum complexum includat aliquid facti, damnatio illa est objectum fidei, ideo absolute, & sine distinctione facti a jure, est recipienda, ut fidei objectum.* Quærens 2. an de quætionibus hujusce generis de sensu ab Auctoribus intento loquenti Ecclesiæ, aut Pontifici, tanquam de rebus ad fidem pertinentibus loquenti, adquiescere Christi fideles oporteat, hanc consequenter responsonem aptat: *Dico 2. Dum Ecclesia seu in Concilio generali, sive Rom. Pontifex solus damnat doctrinas cum hac formula loquendi: In sensu Arii, in sensu Nestorii &c., esto tota illa complexio constet ex facto, & jure, & ratione unius non sit expresse revelata, non propterea definitio illa cessat esse objectum fidei; ideo ut talis recipienda ab Ecclesia.* Confluunt in hanc pedibus, manibusque sententiam Cardin. Albitius de inconst. in fide cap. 30. & in refut. hist. Inquis. F. Pauli Suavis, atque is est, qui Bullam adversus Janfenii librum sub Urbano VIII. conscripsit; de Lugo de fide disput. 21. sect. 23; & Petra in comment. ad Const. unic. Valde S. Gelasii I. tom. 1. sect. unic. pag. 77, & seq., & ad Const. 2. Impia Innocentii IV. tom. 3. pag. 8, & seqq.; Gersonius de exam. doctrin. tract. 1. par. 1. confid. 1, & seqq.; Riciulius de jure person. lib. 5. cap. 22, & seq.; Suarez de Censur. disp. 21. sect. 2, & de tripl. virtut. disp. 20. sect. 2; Theophilus Raynaudus de bonis, & malis lib. partit. 3; Azorius Instit. moral. par. 1. lib. 8;

lib. 8; Leonardus Pennafiel de virt. fidei disp. 16. sect. 2; Jo: Fiesachus de Episcop. auctor. lib. 1; Puteanus Herbaultius in Teotino, sive tribus libris de condemnandis libris malis; Gretzerus de jure, & modo prohibendi libros oper. tom. 13. pag. 17, & seqq; Vericelli de Apostol. Missionibus q. 195; Bordonus in Tribun. cap. 14; Braschius de libert. Eccl. circa beneficia tom. 3. cap. 26; Maffejus hist. Theolog. lib. 3. §. 7. n. 5, lib. 6. §. 11. n. 7, & lib. 7. §. 15. n. 3, ac §. 17. n. 4; sexcentique alii, quibus ne longius abeam, supersedeo.

Atque cedo mihi denique egregiam Gallicanæ Ecclesiæ, germaneque orthodoxam, atque constantissimam in causa Jansenii doctrinam. Enim vero principio sacra Parisiensis Facultas an. 1656. propositionem ab Antonio Arnaldo ad defensionem damnati Jansenii libri excogitatam, qua factum a jure distinguens aiebat ad obedientiam sive Synodicis decretis, & sanctionibus debitam satis esse, si erga facta ab ipsis definita obsequiosum, religiosumque observaretur silentium, gravissima infamiae nota afficere non dubitavit. At enim Episcoporum potius, quam Theologorum, quos eadem e gente plures, nobilissimosque congerere alioqui præsto esset, sententia profligandam, conficiendamque rem istam aggredior. Quamobrem octoginta, & quinque Galliarum Episcopi, postquam an. 1650. ad supremum Innocentii X. Tribunal quinque Jansenii propositiones detulissent, easdemque propositiones a Pontifice data Constit. *Cum occasione* an. 1653. damnatas accepissent, in suis ad eundem gratulatoriis litteris ejusdem anni declarare religioni duxerunt: *Christianos omnes ex officio teneri huic Constitutioni mentis obsequium præstare.* Ad hæc in epist. anno seq. ad eundem Pontificem exarata fide affirmare sua non dubitarunt *Discipulos Jansenii a veteri fidei deposito, cujus custodia Cathedra Petri a Christo concredita est, partem adimere tentare.* Quia nempe factum Jansenii definienti fidem, ac mentis obsequium denegant, quasi eo in facto ab æquo, & recto aberrasset: quod nemo absque intolerabili superbia, & pertinacia contendere potest, velut ait loco paullo superius laudato doctiss. Aguirrius. Ad hanc iterum perdomandam Jansenistarum pertinaciam, qua distincto facto a jure, factum silentio dumtaxat obsequioso decorare non

tam,

tam, quam obfcurare pergebant, & obtegere, inſtauratis anno 1663. a Alexandrum VII. litteris, quid pro munere paſtorali ab ſe publicis in Comitiiſuffragio communi præſtitum fuiſſet, quid pro ſuprema auctoritate ab ipſo Pontifice foret præſtandum, a vide præſtolantes, exponebant: *Mirifica, inquit, noſtrum omnium, quotquot aderamus, in his verbis (Janſeniſtarum) reprehendendis extitis conſenſo: viſa ſunt enim ſubdola, ſimulatum dumtaxat obſequium præſeferentia, mente verſipelli, & callida concinnata.* Nec heic quidem ampliſſimi Cleri pro fidei integritate flagrantiffimus hæſit zelus, ac ſe cohibuit, ſed in ſuarum quoque deliberationum relatione, quam adornavit Petrus de Marca, & calculo ſuo probarunt Epiſcopi, circa facti quæſtiones probe diſtincto facto personali, ac puro a facto mixto dogmatico, ſive cum jure conjuncto, provide apud omnes id certum, teſtatum, conſtanſque juſſit, Eccleſiam quidem in facto privato, peculiari, personali, ac puro errare poſſe, non etiam in facto dogmatico, ſive cum jure conjuncto, quod ſcilicet Dei Verbo ſcripto, vel tradito innixum ſit. Præterea in Comitiiſ an. 1700. celebratis, ut habetur tom. 1. Monum. Cleri Gallic. in præfat. Cenſuræ, qua multas propoſitiones inuſſit, hæc prudenter appoſita nota eſt ad ſecernendos a germane orthodoxis Janſenii labe infectos homines: *Neminem pro ſuſpecto (Janſeniſmi) habendum, niſi eum, qui aut Conſtitutionibus Apoſtolicis detrahatur, aut aliquam ex damnatis propoſitionibus tueatur:* in Cenſura vero priorum quatuor propoſitionum, tanquam inquieti homines ſignatim infamia notati ſunt, qui Conſtitutiones Innocenti X, & Alexandri VII, ac Innocentii XII. Brevia aperte contemnunt, & cauſam Janſenii, quali finita necdum eſſet, de integro retractari volunt, & inſtant. Quum autem iterum an. 1701. occasione celebris *Conſcientiæ Caſus* inflexi ad frugem homines, quietiſque impotes obtrudere inſtituiſſent, religioſum, obſequioſumque ſilentium fat eſſe, ſuperque æſtimandum ad faciendum Alexandrino formulario ſatis, obedientiamque Apoſtolicis Conſtitutionibus exhibendam, tum Cardinalis Noallius in Cenſura an. 1703. in dictum Caſum lata, & Galliarum Epiſcopi alii, nominatimque Meldenſis, & Carnotenſis in ſuis Inſtructionibus doctrinam in eo Caſu traditam Conſtitutionibus

bus Innocentii X, & Alexandri VII, ac Innocentii XII. Brevibus ad Episcopos Belgii directæ, palamque adversari, ac vicissim mentales restrictiones fovere, quin etiam favere perjuriis declarare explicite non dubitarunt; tum sacra quoque Parisiensis Facultas in Censura an. 1704. in eundem Casum elucubrata diserte edicere non ambeget, eam doctrinam eisdem dignam inuri notis, quibus jampridem eadem in Antonio Arnaldo inusta fuerat: quin insuper quadraginta Parisienses Doctores, qui inconsultissimam ei Casui syngrapham apposuerant, ad eam revocandam compulsi, duosque & Magistris in sententia permanentes ex albo Doctorum expungendos decrevit. Clementinæ denique Constitutioni *Vineam Domini* an. 1705. editæ, qua Innocentii X, & Alexandri VII. Constitutionibus optime cohærere Clementis IX, & Innocentii XII. Brevia tam ostendebatur, quam Jansenistis effugium omne ejusmodi Apostolica eludendi decreta intercludebatur, eisque internum etiam mentis obsequium deberi explicite edicebatur, Gallicanus idem Clerus in Comitibus eodem anno Parisiis celebratis, datis inde cum ad Pontificem gratulatoriis litteris, tum ad ceteros Galliarum Episcopos Encyclicis se penitus adquiescere, ab eaque proscriptum obsequiosum silentium non sufficere, sed Apostolicis Decretis interius obsequendum quoque esse, fateri, & profiteri officio habuit. Sed & sacra Parisiensis Facultas eandem Constitutionem ea, qua par erat, animi demissione, & obsequio recipere, ac in publicas Scholæ tabulas referre religionis loco duxit. Quibus nihil illustrius, ac luculentius desiderari potest ad ostendendum, quam lato ostio a veritate aberrant Jansenistæ non modo id juris de libris, de Auctorum sensu, deque factis dogmaticis definiendi Ecclesiæ denegantes, sed & ii quoque id ipsum jus Romano Pontifici abjudicantes. Quod magis magisque ex sequentibus, quæ aggredior statim, planum fiet.

Tot igitur tandem e diverticulis, ut ita dicam, rediens, propius in causam, quam mihi proposui, tempus, ut invadam, me urget, hoc est ad argumenta, & documenta procedam, quibus proxime demonstretur Romano Pontifici libros proscribendi, damnandi propositiones, deque factis dogmaticis definiendi jus istud tam jure, sacrumque, quam integrum, solemneque stetitsem-

semper . Ordine igitur Chronologico progrediendo , atque iis prætermis-
 sis , tanquam veritate parum suffulti , quæ de Cataphry-
 gum libris a S. Sotere proscriptis feruntur apud Prædestinatum ,
 lib. 1. hæc. 26 , ad eos Pontifices accedo , a quibus Ariana doc-
 trina aut præfocata est , aut proscripta . Arium , ejusque assec-
 las errores suos variis verborum ambagibus involvere , Veteratorum
 omnium more , consuevisse , nihilque magis obtendisse , quam a se
 vocem *ὁμοιου* negari , in sensu tamen aut Valentini Dei Filium
 prolatione tantum dici affirmantis ; aut Manichæi partem ejus-
 dem cum Patre substantiæ Dei Filium exponentis ; aut Sabellii
 Filium Dei nomine tenus , non persona reapse a Patre distinguen-
 tis ; aut Pauli Samosatani Verbum Dei non utique substantivum ,
 sed prolativum solummodo , seu imperativum effutientis , quod
 tum primum hypostasim habere cœperit , quum in utero Virginis
 Homo factus est ; aut Hieracis Dei substantiam dividendis , adeo-
 ut sicut lucerna duobus oleum inter se communicantibus instruc-
 ta lychnis duplex profundit lumen , ita Divinitas in Patrem , ac
 Filium , duas veluti in partes divisa sit , testes sunt S. Athanasius lib.
 de Synodis Arim. , & Seleuc. , S. Hilarius lib. 6. de Trin. , S. Epi-
 phanius hæc. 69 , Theodoretus lib. 1. cap. 6 , Socrates lib. 1.
 cap. 6 , Arius ipse in epist. ad Alexandrum Episcop. Alex. , &
 ad Eusebium Nicomed. , ac Eusebius ipse Nicomed. in epist. ad
 Paulinum Tyrium apud Theodoretum loc. cit. Ab Ario rursus ,
 præter epistolas ad Eusebium Nicomed. apud S. Epiphani-
 um hæc. 69 , Theodoretum lib. 1. cap. 5 , & Epiphani-
 um Schol. lib. 1. cap. 15 ; ad S. Alexandrum Alex. apud SS. Athanasium lib. de
 Synod. pag. 884 , S. Hilarium de Trin. lib. 4. pag. 83 , & Ma-
 rium Victorinum tom. 4. Bibl. PP. edit. Lugd. ; ad Constanti-
 num Imp. apud Socratem lib. 1. cap. 26 , Sozomenum lib. 2. cap.
 27 , & Epiphani-
 um Schol. lib. 3. cap. 6 , ex quibus a Pagio , ad
 an. 340. n. 16 , & seq. refellitur Valesius Ario Juniori alteri hanc
 adscribens epistolam , adornata fuisse Ἀγμῶτα Cantica varia de
 quibus S. Athanasius de Synodi Nicænæ decret. tom. 1. pag. 264 ,
 & Photius in excerptis a Philostorgio lib. 2. cap. 2 , atque inter
 hæc præfertim *ἐκλογαί* Thaliam propagandæ hæresi procusam re-
 ferunt S. Athanasius de Synod. Arim. , & Seleuc. pag. 883 , de
 S Dio-

S. Dionysii Alex. Sent. pag. 552, & Orat. 1. contra Arianos; Socrates lib. 1. cap. 9, ac Sozomenus lib. 1. cap. 21: qui duo postremi blasphemias plenam Arii Thaliā a Patribus Nicænis reprobata tradunt, quod magis confirmat eorum Synodica ad Ecclesiam Alex. At enim ante Nicænam Synodum, Ariumque ipsum, a S. Dionysio Papa adversus Sabellium tres Divinas in unam confundentem Personas, ac Dei Filium *ὁμονῆσαι*, hoc est ut explicat S. Hilarius lib. 4. de Trin. n. 12. dicentem *ipsum Dei Filium, quem Patrem*, trium Personarum distinctione stabilita, ac vicissim adversus Marcionem duos, aut tres Deos, prout tres Personas, inducentem, apud S. Cyrillum Hierosolym. Catech. 6. n. 16, & Catech. 16. n. 7, S. Epiphanium hær. 42. n. 3, Eusebium lib. 7. cap. 13, & S. Augustinum de hær. cap. 22. in tribus Personis una Divina natura sancita, vocis *ὁμολογῶν* usum ad significandum Dei Filium Consubstantialem Patri consecrasse, eundemque Dei Filium *genitum, non quāquam factum* definitivisse adparet ex ipsius S. Dionysii fragmento apud S. Athanasium de Synod. Arimin., & Seleuc. tom. 1. pag. 918, ac de Synodi Nicænæ decretis n. 26. pag. 274, & seq., & apud Constantium pag. 274. Quā ratione Arii Thaliā prædamnassee, Arianorum fraudes prævertisse, Nicænisque Patribus in consiciendo Symbolo prælusisse, adeoque ut S. Athanasius de Sentent. S. Dionysii n. 13. formulæ illius auctorem, Nicænos ante Patres, S. Dionysium P. M. agere, a quo primum Ariani damnati fuerint, non dubitarit. A S. Silvestro perinde Arii scripta cum persona fuisse damnata, haud levi ducta ex Liberio in epist. ad Constantium Imp. conjectura opinari tas esse, quia adverti alibi, non est, cur denuo frustra Lectorem sobtundam.

Neque vero est, cur sollicitare S. Augustinum, Vigiliūque Tapsensem quisquam audeat, atque turpis ignorantiae utrumque accuset, ideo quod tam ille lib. 3. adv. Maxim. cap. 14, & tract. 97. in Johan., quam iste in Dialogo S. Athanasium inter, & Arium tom. 3. oper. S. Athan. pag. 632. primam vocis *ὁμολογῶν* institutionem Patribus Nicænis acceptam referant: sermo enim illis de Ario ibidem inciderat; unde nihil vetat, quominus eadem vox jampridem adversus Marcionem inducā exputetur. Sicut enim, velut

velut ex SS. Basilio in epist. 300. n. 62, & Ambrosio lib. de fide cap. 7. colligere licet, observavitque apte Bellarminus lib. 2. De Christo cap. 3, dictio illa veluti Divinitus inspirata videri potest ad oppositos Arianis, & Sabellii errores simul obtruncandos: nam Arianis, ac Semiarianis certe tale successit negotium, tanquam creavit molestiam, ut collatis invicem consiliis ad ejus vocis eludendam, aut elevandam vim, undeviginti annorum intervallo novis undecim, si S. Athanasio credas, aut etiam tresdecim, ut contendit Petavius de Trin. lib. 1. cap. 9, aut imo sexdecim, ut breviter indicat Boucatrius in Theolog. PP. dissert. 4. art. 1. sect. 1, cudendis, elaborandisque vocibus insudarint; ita eadem jampridem vox, supremo adspirante Numine, ad contrarios Sabellii, & Marcionis errores penitus excindendos, prosterneudosque a S. Dionysio Papa excogitata æstimari tam pie debet, quam recte potest. Potius est, cur gravissime ingenti de temeritate exposituletur cum Valentino Gentili in Prothesi 10, 21, & 23, cum Daniele Zwichero in Irenico Irenicorum, & in Irenicomastige, cum Christophoro Sandio in Nucleo hist. Eccl., ejusque append., cum Gilberto Clercke in Antenicænismo, & in respons. ad Bullum, cum Samuele Crellio de fide primorum Christi, & de fide Divinit. Christi, cum Superantio in Platonismo detecto, cum Guillelmo Wisithono in primitivo Christianismo, cum Jurio in speculo epist. 6, 7, & 8, cum Zanchio, Wolzogenio, Limborchio, cum Socino in 2. ad Radecium epist., Socinianisque aliis, quibus invisa accidit, & inaudita vox Homousion, ab eaque cum Ario Patres Antenicænos valdequam abhorruisse mentiri non exhorrescunt. Inter ea namque quamplurima, quæ ad immanem calumniam istam profigandam congesta passim sunt cum a nostræ Communionis doctissimis viris Huetio lib. 2. Origen. cap. 2. q. 2, Jodoco Coccio Thes. Cath. tom. 1. lib. 1. pag. 38, & seqq., ac 64, & seqq., Bellarmino lib. 1. de Christo cap. 10, Petavio lib. 4. de Trinit., ac lib. 16. de Incarn. cap. 2, Aguirrio in proleg. ad tom. 2. oper. S. Anselmi Cantuar., Thomassinò in dogmat. Theolog. tom. 3. tract. 2, Natali hist. Eccl. ad Sæcul. IV. dissert. 42. quæst. unic., Lupo in append. ad Synod. Chalced., Bosuetio in Antiquitate dilucidata circa entis Divini immutabilitatem,

Christi Divin. lib. 4. cap. 29 , & in dissert. de Semiarian. cap. 7 , cui nuper adstipulatus Fassonius est in dissert. de voce Homou-
sion , fabulosæ , falsæque , non nisi post annos 90. a Semiarianis
in Ancyrana Synodo an. 358. aut excogitatæ, aut adoptatæ, qui-
bus hac in re a facessundo negotio abstinere SS. Athanasius, Hila-
rius , & Basilus satius habuere, inniti narrationi hanc , quæ apud
hosce Patres de abrogata a Patribus Antiochenis contra Paulum
Samosatenum voce οὐ μὴ ὁμοούσιος fertur periocha. Vel quinimo cum Pel-
tano, Baronio ad an. 272. n. 16, Binio, Labbeo in act. Concilii Ephe-
sini , & Moynio pag. 257 , quibus arcte persuasum erat fidei for-
mulam , quæ in quibusdam Græcis Codicibus , ut in Commeli-
niana versione Græca pag. 138. Nicænæ Synodo tribuitur, in La-
tinis tamen Concilii Ephesini exemplaribus Synodo Antiochenæ
legitur tributa , ut in Commeliniana Latina versione pag. 387 ,
Patribus reapse Antiochenistribuendam fore apud Harduinum
tom. 1. par. 4. pag. 1639 , quam illorum persuasionem confir-
mat , quæ ab Eusebio laico homine Cleri Constantinopolitani
nomine in eadem Synodo Ephesina proposita legitur , Contestat-
io ad patefaciendum Nestorium a Paulo Samosateno hæresim
suam hausisse apud Harduinum tom. 1. par. 1. pag. 1271 , quæ
plane Contestatio præfatæ formulæ valde conformis agnoscitur,
cum his , inquam, repono adversus Paulum Samosatenum a Pa-
tribus Antiochenis disertissime Christum D. prædicatum fuisse
Deum ex Deo Patre, Consubstantialem Patri , ut in Contestatio-
ne, sive *Deo Consubstantialem etiam cum Corpore, sed non secun-
dum Corpus consubstantialem Deo* , ut in Formula fidei . Vel cum
Lupo in dissert. de vocibus substantia , essentia , & persona cap. 5.
prolatam ab Antiochenis Patribus adversus Homouision senten-
tiam in Ecclesia probatam non fuisse. Vel cum reliquis de Schola
Theologis universim , si revera a Patribus Antiochenis proscripta
fuit dictio Homouision , velut ex Semiarianorum in Ancyrana Sy-
nodo fide referunt S. Athanasius lib. de Synod. Arim. , & Seleuc.
n. 46 , S. Hilarius lib. de Synod. n. 81 , & S. Basilus in epist. 52.
alias 300 , non tamen in sensu proprio accepta , sed in præpos-
tero sensu Pauli Samosateni proscripta est , quo hic scilicet sub Ho-
mouision usurpatione Dei Filium intelligebat , ajebatque a Patre

M m 2

sub-

doreto lib. 2. cap. 2. liquet, Spiritum S. vero *χρῆμα* dicere, & *πνεῦμα* non erubuit, uti tradunt inter alios Photius in epist. 1, & Zonaras apud Cotelierum tom. 3. Monum. Eccl. Græc. pag. 465. Ad hanc postea instaurandam, confirmandamque hæresim pleraque congeßere præsertim Socinus in lib. advers. Vickum, Crellius in tract. de Trinit., Wolkelius in lib. 4. de vera Relig., Wolzogenius in lib. de tribus in una Deitate personis, Socinianique alii, quæ vident, ut luculenter refutata sint a Natali hist. Eccl. ad Sæcul. IV. dissert. 43, a Tournellio de Trin. q. 4. art. 3, a Boucatio in Theolog. PP. dissert. 5. de Spir. S., a Jo: Laurentio Berti de Theolog. discipl. lib. 7. cap. 14, & seqq., quos præ aliis honoris causa hæc nomine appellatos volui. Apollinaris vero, a quo in unum Arii, & Macedonii errores copulati sunt, ad generis tertii confutandam hæresim, palmaris error in eo positus erat, quod Christum D. anima carentem assereret, cujus vicem supplere in corpore Verbum ipsum Caro factum effutiebat, uti habent Socrates lib. 2. cap. 36; S. Epiphanius hæc. 77, S. Augustinus de hæres. cap. 55, S. Léo M. serm. 4. in Nat. Dom. Quem errorem postea emolliens, invidiæ declinandæ gratia, Animam quidem, qua vivitur, & sentitur, idest sensitivam Christo D. tribuit, Animam vero, qua intelligitur, idest rationalem, abjudicavit, Verbum ipsum affirmans intellectus vicem in Christo egisse: ita referunt S. Athanasius lib. de Incarn., S. Gregorius Nazian. in epist. ad Nectarium, & in epist. 1. ad Cledonium, S. Augustinus loc. cit., & tract. 47. in Johan., Marius Mercator de duodecim Anathem. Nest., S. Cyrillus Alex. lib. de fide ad Theodosium cap. 17, S. Léo M. epist. 23, Theodoretus lib. 4. hæret. fabul. cap. 8, Vincentius Lirin. Common. cap. 17, aliique; Nemæsius vero initio libri de natura homin. hæresim hanc ex Platonica Philosophia ab Apollinari haustam, juxta cujus principia hominem a Plotino constatum ex anima, mente, & corpore observat. Apollinaris porro hæresim primum, tacito auctoris nomine, in Alexandrina Synodo an. 362. a S. Athanasio fuisse proscriptam, non incongrue quidem ex Synodica ejusdem Concilii apud Harduinum tom. 1. pag. 730, in qua confessio fidei expressa legitur: *Quod non corpus inanimatum, aut sensus, vel mentis expert Salvator habuerit, arguunt*

guunt Natalis Alex. in Synopsi hist. Eccl. ad Sæcul. IV. cap. 3. art. 14. §. 1, & Coutantius in Not. ad epist. 4. S. Damasi n. 1. pag. 497, & seq. Quam tamen conjecturam concordare oportet tam cum explicitis testimoniis Sozomeni lib. 6. cap. 25, Ruffini lib. 11. hist. Eccl. cap. 20, Auctoris Synodici cap. 70. apud Fabricium Bibl. Græcæ tom. 11. pag. 218, & Alexandri Hierapol. in epist. 57. ad Acacium Berœens. apud Lupum, & Baluzium nov. Collect. pag. 763, a quibus prima diserte profligati Apollinaris laus S. Damaso tributa legitur, quam cum ratione temporis, siquidem non ante an. 372. Apollinaris hæresis in lucem prodit, quo nempe tempore Apollinaris ad S. Damasum tanquam novæ hæresis auctor delatus est a S. Basilio epist. 74, cui alioquin antea amicitia conjunctissimus Apollinaris erat, ipso S. Basilio teste in epist. 82. ad Patrophilum, apud Cotelerium tom. 2. Monum. Eccl. Græc. pag. 84, & seq., non secus atque SS. Epiphanio, & Athanasio, teste ipso S. Epiphanio hæc. 77, S. Gregorio Nazian. apud Suidam in *Λ' ἑπιδείξις*, & S. Hieronymo, ipso teste in epist. 65. ad Pammachium. Dicendum igitur aut a Synodo Alexandrina nihil invidiosi, molestique actum contra Apollinarem, aut si quid actum, decretumque, robore caruisse, donec auctoritas S. Damasi accessisset.

A S. Damaso itaque adversus Pneumatomachos Divinitatem Spiritui Sancto fuisse assertam, eumque Patri, Filioque Homou-
sion explicite definitum, nullo dubitare finit modo principio ab eodem Pontifice & Synodo Romana II. an. 371, aut seq. exarata Synodica ad Episcopos Illyrici apud Theodoretum lib. 2. cap. 17. edit. Sirmondi, Valesii cap. 22, Sozomenum lib. 6. cap. 23, Epiphanium Scholast. lib. 5. cap. 29, & Coutantium pag. 482, qua jubet: *Ut Pater, & Filius unius Divinitatis, unius virtutis, unius magnitudinis debeat credi, uniusque essentiae, sive substantiae simul & Spiritus S.* Cui perinde Synodica Illyrici Episcopi in Synodo an. 372. congregati utroque subscribentes pollice, ab hac Romani Pontificis de Spiritus S. Divinitate sententia, in quam pariter conspirasse Galliarum Episcopos acceperant, vel latum deflectere unguem grandi se deputare piaculo declararunt in Edicto Valentiniani, ac Valentis Imperat. ad Ecclesias Dioceseos Asianæ, Phry-

Phrygiæ, Carophrygiæ, & Pacatianæ apud Theodoretum Græce lib. 4. cap. 8, & apud Epiphanium Schol. Latine in hist. tripart. lib. 7. cap. 9. *Nbs, inquentes, non aliter sentimus, atque duo Concilia, quorum alterum jam Romæ, alterum habetur in Gallia; nimirum unam, eandemque essentiam esse Patris, & Filii, & Spiritus S. in tribus Personis, hoc est in tribus perfectis Hypostasibus*: Admonentes ideo ab se condemnatis velut Arianis, Spiritui S. Divinitatem abjudicantibus, cavendum a Polychronio, a Telemachio, a Fausto, ab Asclepiade, ab Amantio, a Cleopatro, apud Harduinum tom. 1. pag. 794, & seq. Neque dubium moveri sinunt ab eodem S. Damaso adversus Sabellium, Arium, Eunomium, Macedonium, Photinum, & Apollinarem editi Anathematismi apud Theodoretum lib. 5. cap. 11, & Epiphanium lib. 9. cap. 16, qui Synodo Romanæ II. an. circiter 375. tribui solent, ac pars Synodica ad Paulinum missæ sunt, atque sequuntur post fidei expositionem eidem Synodica adjunctam apud Holstenium Collect. Rom. pag. 180, & Coutantium pag. 510, & seqq. In quibus illud observatu dignum, quod primo loco habet S. Damasus: *Post Concilium Nicænum, quod in Urbe Roma Concilium* (quod sub S. Silvestro habitum arguit Valesius in Theodoreti lib. 5. cap. 11, sed verius sub S. Damaso auguratur Constantius in Not. pag. 512.) *congregatum est a Catholicis Episcopis, addiderunt de Spiritu S.* Quibus haud obscure indicat in Synodo Romana Symbolum Nicænum verbis adauctum hisce fuisse, quibus Spiritus S. Divinitas adstruitur. Atque ideo Nicænum Symbolum additamenti nonnullis in Arianos, & Semiarianos adauctum ex Ms. Codice Lucensi exhibet Mansius in Suppl. tom. 1. pag. 240, & seqq. Quod perinde, aut ego fallor, respexisse mihi videtur Synodus Iconiensis sub S. Amphilochio an. 377, aut in seq. habita apud Cotelierum tom. 2. Monum. Eccl. Græc. pag. 99, Baluzium pag. 82, & Harduinum tom. 1. pag. 798. verbis illis, quæ habet in Synodica: *Oportet in Doxologis Spiritum unum Patre, & Filio glorificare*. Neque demum suspitioni vel levi locum inquit fidei Expositio ab eodem S. Damaso signatim adversus Apollinaristas, quorum etiam libros damnandos a S. Basilio delatos ad Apostolicæ Sedis Tribunal paullo superius indicavi, ador-

tii III. ætatem receptum nos docent S. Leo M. in epist. 53. ad Anatolium , S. Hilarius apud Anastasium Bibl. , S. Simplicius in epist. 5. ad Acacium, S. Felix III. in epist. 2. ad Leonem August., S. Gelasius in epist. 13. ad Dardan. Episcopos , & S. Gregorius M. in cit. epist. ad Eulogium . Quocirca Durandus Mimatensis Ration. Divin. Offic. lib. 4. cap. 25. S. Damaso accepta referenda additamenta Nicæno Symbolo facta a Synodo Constantinopolit. non dubitavit, ubi postquam de Symbolo Apostolico , & Athanasiano verba fecisset, de altero Nicæno loquens: *Tertium*, inquit, *est Nicænum*, (idest Constantinopoli adactum) *quod Damasus Papa, ex Constitutione Universalis Synodi apud Constantinopolim celebrata, instituit*. Fuere quidem nonnulli, inter quos Alexius etiam Aristenus in Colle&. Canon., qui Symbolo Constantinopolitano particulam *Filioque* adjectam fuisse Articulo de Spiritu S. a S. Damaso in Synodo Romana affirmarunt: quin hæc ipsa particula *Filioque* Symbolo S. Damasi apud S. Hieronymum adjuncta plerosque decepit. Verumtamen id a vero prorsus abhorret: quandoquidem Leo III, de quo mox, quamvis a Synodo Aquisgranensi rogatus, additionem istam constanter improbavit: falso vero fuisse Symbolo illi apud S. Hieronymum S. Damasi nomen adscriptum jam convenit inter Eruditos, ac videre est apud Constantium in mon. præv. ad epist. 5. S. Damasi n. 5, & seqq. pag. 503, & seqq. Quamvis autem Constantinopolitanum Symbolum Romanæ Ecclesiæ acceptum evasisset, ac statim atque evulgatum est, ab omnibus Orientis Ecclesiis in Nicæni locum, nomine tamen non mutato, suffectum fuerit, inque Baptismatis collatione adhiberi cœptum, in Ecclesiis atque Urbis Romanæ antiquus recitandi Symbolum Apostolicum mos servatus est, & retentus, idcirco, quod Romana Ecclesia nulla unquam fuerit hæresi coinquinata, ut observat Ruffinus de exposit. Symb. in præf., ac refert Beruo Aug. de rebus ad Mils. spect. cap. 3. Eidem mori Romana in Ecclesia integro proxime inhærentes, eodemque jure pariter, quod Ariana, & Macedoniana hæresi infectæ non fuerint, a Symboli Apostolici recitatione sine additamenti non recedendum Ecclesiæ Africana, Italica, & Gallicana religiose duxerunt. Quocirca ex SS. Augustino, & Petro Chrysologo, aliisque Latinis Episcopis liquet,

non nisi Catechumenis Symbolum Constantinopolitanum in Ecclesia Latina tradi consuevisse. In Ecclesia tamen Hispanica, rerum potientibus Gothis, & Wandalis, Arianæ hæresi addictis hominibus, sicuti trinam in Baptismo immersionem in unicam, ita Apostolicum Symbolum in Constantinopolitanum mutare operæ pretium esse duxerunt Episcopi, atque ita quinimo deinceps inter Misaarum solemnia decantandum istud primum indixere in Concilio Toletano III. an. 589. sub Reccaredo Rege cap. 11.

Dixi superius in Baptismatis collatione: nam quoad morem attinet generatim legendi, aut recitandi Symbolum inter Misaarum celebrationem, primam istius consuetudinis fieri mentionem ab Auctore Constit. Apostol., Sæculi IV. nempe Scriptore, de quo Ulfserius in proleg. ad S. Ignat. cap. 7, Pearsonius in vind. Ignat. cap. 4., Moynius in Not. ad Var. Sacr. pag. 1072, Grabius in Spicileg. PP. tom. 1. pag. 40, & seqq., Natalis Alex. hist. Eccl. ad Sæcul. I. disert. 18, aliique, ante quod tempus mos iste non obtinuerit, ut etiam productis ex S. Cypriano in epist. 113. edit. Oxon., & ex S. Jo: Chrysostomo hom. 24. in epist. 1. ad Corinth. locis confirmat, animavertit Binghamus Orig. Eccles. lib. 15. cap. 3. Morem deinde Nicænum decantandi Symbolum, Constantinopolitano rejecto (quod posterius Eutycheti plane invisum evasisse liquet ex Concilio Chalcedonensi act. 1., ubi ejus in Constantinopolitanum Symbolum odio larvam detraxisse legitur Diogenes Cyzicenus Episcopus apud Harduinum tom. 2. pag. 98, & seq.) post Evangelium, Catechumenis, & Energumenis dimissis, in sacra Liturgia a Petro Fullone Eutychetis Synagogista primitus in Ecclesiam Antiochenam inductum, fuisse, post secundam hujusce Sedis invasionem, anno hoc est 476 (ut ostendunt Valesius in observ. ad Evagrium lib. 1. cap. 2; Pagius ad an. 474. n. 5, & 476. n. 7, Tillemontius tom. 16. Monumentum. in Acacio art. 10, & Boschius in hist. Chronolog. Patriarch. Antioch. §§. 45, & seq.) ac paullo deinde post, anno idest 511. in Ecclesiam Constantinopolitanam a Timotheo cognomento Litrobulo, seu Colone, Eutychiano pseudo-Episcopo altero, ex Theodoro Lectore lib. 2. pag. 563, & 566, ac Nicephoro lib. 15. cap. 28, & lib. 16. cap. 35. observant Lequienius in dissert. 11. Damasc.

masc. n. 14, & Lupus in dissert. de Symb. cap. 6. Contra Euty-
chianos ergo dedicandi consilio ductus inter Mifsarum solemnia
Incarnationis Dominicæ Mysteria, & dogmata, Constantinopo-
litanum Symbolum loco Nicæni in Liturgiam induxit Johan-
nes II. cognomento Cappadox an. 518: cujus rei liquidum pro-
stat documentum in libello Act. 5. Synodi Constantinopolit. an.
538. sub Menna insertus apud Harduinum tom. 2. pag. 1334, in
quo sub finem in Missa post Evangelium decantatum Symbolum,
juxta Valeſii versionem in Not. ad Evagrium lib. 4. cap. 11, li-
quet, atque Constantinopolitanum quidem, veluti conjicere li-
cet ex relatione Synodi Constantinopolit., ex libello Monachor-
um, & ex Synodica Johannis Hierosolym. ad eundem Johannem
Constantinopolit. ibid. pag. 1322, & seq. Confirmat id totum
Chronographus Biclarenſis, a Monasterio Biclaro, idest Vallis cla-
ræ, ad radices Pyrenæorum dictus, qui Sæculo VI. per septem
annos Constantinopoli Græcis, Latinisque litteris operam dedit,
Labbeo teste de Script. Eccl. tom. 1. pag. 517: nam in appendi-
ce ad Chronicon Victoris Tunon., sive in Chronico ab anno 1.
Justini Junior., sive Christi 566. usque ad an.8. Mauriti Imp., 4.
Reccaredi Reg., Christi vero 590. edito separatim a Canisio, ac
deinde a Francisco Schotto tom. 4. Hisp. illust. pag. 153, a Jo-
sepho Scaligero in Thesau. tempor., ab Aguirrio tom. 2. Concil.
Hisp. pag. 421, & a Basnagio tom. 1. nov. edit. antiq. Lect. Canisii,
ibi, inquam, refert a Justino Juniore an. 566. (in quo ipsum falli,
atque Justino Seniori an. 518.tribuendum, ostendit Valeſius in Not.
ad Evagrium lib. 5. cap. 4.) edicto lato injunctum fuisse, ut Sym-
bolum Constantinopolitanum in Ecclesiis deinceps omnibus Do-
minicam ante Orationem decantaretur.

Ad Latinas gradum referendo Ecclesias, Hispanicæ post-
modum exemplum imitata Ecclesia Gallicana in Concilio Gen-
tiliacensi an. 727. sub Pippino, & in Aquisgranensi an. 809. sub
Carolo M. Symbolum Constantinopolitanum in Mifsarum cele-
bratione usu consecrare cepit, facultate ad id ipsis facta a Leo-
ne III, qui tamen additionem particulæ *Filioque* non probavit:
quem usum post Synodos Ratisponensem an. 792, & Francofor-
diensem an. 794, Felicianæ hæresis occasione, latius increbuiſ-

fe refert Valafridus Strabo de rebus Eccles. cap. 22, observat-
que Martenius de antiq. Eccles. ritib. lib. 1. cap. 4. art. 5. Quo
tempore ab Ecclesia Romana Symbolum legendi in Missa post
Evangelium ritus fuerit usurpatus, in obscuero later: pro incerto,
ac valdequam dubiæ fidei habendum fore ex dictis liquet, quod
Radulphus Tungrensis de Canon. observ. prop. 23. scribit a S. Mar-
co inter Missarum solemnia Nicæni Symboli cantum fuisse in-
troducunt. Quod vero Innocentius III. lib. 2. de Myster. Miss.
cap. 49 habet a S. Damaso sancitum, ut Symbolum ex Decreto
Synodi Constantinopolit. decantaretur ad Missam, ad verita-
tem mihi quidem valdequam appropinquare videtur, sed eo ta-
men, quo superius exposui, accipi sensu oportere, ut nempe
additionum, quibus a Synodo Constantinopolitana adauctum
est Symbolum, auctor extiterit S. Damasus. A Benedicto VIII.
decantandi Symbolum Constantinopolitanum ad Evangelium,
a S. Henrico Imp. exstimulato, Romanam demum in Ecclesiam
inductum Ritus huncce opinatur Petrus le Brun in explicat. litt.
hist. & dogm. precum, & Cerem. Miss. tom. 1. par. 2. art. 8. Bernonis
Augienfis de rebus ad Missam spectant. cap. 2. tom. 18. Bibl. PP.
pag. 57. auctoritate ductus: a quo tamen sero nimis istam iniri
epocham, quam imo ex iis ipsis, quæ tom. 2. affert, documen-
tis eam a Sæculo IX. incundam ostendit Benedictus XIV. de Sacrif.
Missæ sect. 1. §. 154. Atque quidem ex colloquio cum Legatis
Concilii Aquisgranensis a Leonell. habito apud Baronium ad an.
809. n. 6, Labbæum tom. 7. pag. 1197, & Harduinum tom. 4.
pag. 970. licet inferre jam tum in Ecclesia Romana Symbolum,
absque particula tamen *Filioque*, & absque cantu, legendi ad
Missas ritum viguisse. Quem denique Ritus, facile occasione
Photiani schismatis, Romæ dumtaxat obtinuisse sub S. Nicolao I,
aut Johanne VIII. doctis aliis visum est: qua de re adeundi, si
libet, Baronius ad an. 883. n. 33., & seqq., & ibid. Spodanus
n. 3, & 4, Casalius de veter. sacr. Christ. ritib. cap. 10. de Symb.,
Bona ten. Liturg. lib. 2. cap. 8, Lupus in disert. de Symb. Apost.
& Nicæno, Natalis hist. Eccl. ad Sæcul. IV. disert. 37. art. 3,
Pagius Jun. in S. Damaso, Honoratus a S. Mā Animad. Crit.
lib. 5. disert. 3. art. 3. §. 9, Tournellius de Trinit. q. 6. art. 3,

Berti

Berti de Theolog. discipl. lib. 7. cap. 19, alique superius memorati.

Quæ de vocibus sacro usu in Ecclesia veniendis, singulatimque de Symbolis decernenda Romani sibi Pontifices jure sæpe sumperunt, eodem pariter ad libros damnandos, eorumque noxiam prohibendam lectionem descendisse breviori, ut potero, demonstrandum oratione adgredior. Atque, ut rei Chronologicæ ordo postulat, a S. Anastasio I. exordium capiendo, quamquam ab illo Origenem, ipsiusque libros hæreseos ignominia notatos, inultosque indubitanter affirmarit S. Hieronymus, nec uno in loco, ac maxime in utraque Apologia, nec non in epist. 8. ad Demetriadem, 16. ad Principiam, 76. ad Tranquillinum, & 78. ad Pammachium, non defuere tamen, qui sive pridem, sive pronuper adhuc Origenem, ejusque libros a S. Anastasio solemniter decreto, cum hæreticos Ecclesiæ denuntiatio non fuisse pugnarent, paratragoediare vero S. Hieronymum, dum rem velut indubiam adstruxit a S. Anastasio P. M., a Theophilo Alex., a Venerio Mediol., a Chromatio Aquil., quorum in sententiam pedes utroque postea concesserint Synodi cum Orientis, tum Occidentis, Orbi universo Origenis libros velut hæresi aspersos fuisse delatos. Conjecturam vero suam ex eo confirmare, suadereque nituntur, quod in Synodo Constantinopoli adversus S. Jo: Chrysostomum habita, quum S. Epiphanius ab se decreta in Synodo Cyprica adversus Origenem in medium protulisset, rogassetque Episcopos, ut decretis ejusmodi syngrapham adjicerent suam, obstiteret complures, inter quos S. Theotimus Episcopus Tomenfis in Scythia, reponens id ab se quidem ingenti absque piaculo præstari nequaquam posse, hoc enim si fiat, invidiosissime, ac indignissime in hominem agi Origenem, scilicet, in Ecclesiæ communione defunctum, cujusce libri a veterum nullo improbatum fuissent, maleque habiti. Verumtamen de hujus rei veritate dubitare nemo animum induxerit, quem perlustrare S. Anastasii non pigeat epistolæ ad Johannem Hierosol., & ad Venerium Mediol., quæ postrema juris publici facta a Vallarso in nova oper. S. Hieronymi editione, S. Simpliciani nomen in fronte præferens clas. 3. est epist. 93, atque rem istam testatissimam facit, ac pomeridiana in luce ponit: siquidem ab se damnatos ibid. ait Origenis libros,

cos.

eisdemque legi vetat apertissimis verbis hisce : *Quidquid est fidei nostra contrarium, ab Origene quondam scriptum, indicavimus a nobis esse alienum, atque punitum.* Atque de Origene heic non plura, de quo in objectionibus recurret sermo.

Neque diffusio rem, quoad ejus fieri poterit, de Pelagio disputationem instituam, ac in longum, præter opus, præstitutosque operi fines, verba faciam, complecti paucis contentus, quæ pluribus copiosius sparsim in locis explicuisse me memini. Pelagium itaque mira ad fallendum arte præditum fuisse, qua proinde Synodo Palæstinæ illudere potuit, ab ejusque se censura subducere, nemo jam ignorat, vel ab uno edoctus S. Augustino lib. de grat. Christi cap. 37, & lib. de gest. Pelagii capp. 1., 13, 14, & 19. Imponere tamen S. Innocentio I., si cumque facere nequivit, quin ipsius errores deprehenderet, & damnaret. Itaque prætermisissimis officii plenis litteris, quibus Concilii tam Carthaginensis, quam Milevitani Patres ad Apostolicæ Sedis tribunal integram Pelagii causam deferre, a ferenda ipsi sententia abstinentes, ut ferretur tandem a Pontifice, tantummodo solliciti, satius habuere, iisque, quibus pro officii parte facere vicissim satis præsto fuit Pontifex (quas Synodicas quidem fuisse e Synodo Romana, datas Petrus de Marca lib. 7. Concord. cap. 12., & Johannes Garnerius in dissert. de Synodis in causâ Pelag. habitis putant, contra quos tamen pugnat Antonius Pagius ad an. 416. n. 19. Decretales dumtaxat fuisse, non Synodicas propugnans, quam tandem pagnam conciliare studet Coutantius in Mon. præv. ad epistol. 26. S. Innocentii num. 5. pag. 866., & seq.) illud proxime in rem confert meam, observatuque valdequam dignum est, quod de Pelagii libro hæresis nomine ad Pontificem delato, deque responso ab ipsis pestilentissimo libro illi facto, quod non est aliud, quam S. Augustini liber de nat., & grat., quinque Africæ Episcopi, iique Aurelius, Alypius, Augustinus, Evodius, & Possidius, in epistola edit. Cout. 28. habent : *Utrumque misimus, & cui responsum est, & quod responsum est; & ne nimium essemus onerosi, signa fecimus his locis, ubi petimus, inspicere ne grave- ris &c.* Ita nempe S. Innocentii examini, & judicio librum cum Pelagii, tum proprium demisso animi obsequio supponentes.

Qui-

Quibus perinde rescribens Pontifex epist. 31. in eadem Cout. edit., laudatisque a studio Pelagianæ hæresis profligandæ, a religione puritati fidei prospiciendi, & ab officio libros tam pro Religione confectos, quam pestifera hæresi infectos ad Apostolicam Sedem deferendi, de Pelagii libro deinde loquens, hanc profert sententiam: *Librum nobis transmissum evolvimus, in quo multa contra Dei gratiam legimus esse conscripta, multa blasphema, nihil, quod placeret, nihil pene, quod non penitus displiceret, a quovis damnandum, atque calcandum . . . Anathemet ergo iste, quæ sensit &c.* Quid ad hæc, obsecro, hiscere amplius Jansenistæ audeant? Ecce enim tibi librum damnandum ad Apostolicam Sedem delatum! & librum ecce ab eadem Sede in sensu ab Auctore intento damnatum! Damnationis professio ista a S. Innocentio prolata sententia, Pelagianam causam finitam confestim fassos Africanos nedum, sed omnes pariter per Orbem professos Episcopos, affirmare non dubitavit S. Augustinus serm. 131. n. 10, epist. 106, nun 186, ad Paulinum, lib. 1. contra Julian. cap. 4, & lib. 2. ad Bonifacium capp. 3, & 4, adeo ut vel id diffiteri veritus fuerit Petrus ipse de Marca in dissert. de veter. Collect. Canon. cap. 14. Ex quibus perinde S. Augustini locis facile quis perstringere, quod ipsum pro virili præstitit Norisius hist. Pelag. pag. 74, insignem Erasmi, & Vossii temeritatem possit, qua censorio calamo S. Innocentii litteras carpere, aut in dubium revocare non extimuerunt.

Tantum autem abest, ut ab hac alteram, sibi que propitiam a S. Zosimo extorquere dolo, fraudeque sententiam Pelagio, Cælestioque fas fuerit, velut advertit S. Augustinus lib. 6. contra Julian. cap. 12, ut ipsius potius iustissimas in se experti sint iras. Quæsnellus equidem pro ingenii pravi intemperie inficiandi quidquid ad Romani Pontificis jus definiendi de factis dogmaticis bono in lumine collocandum pertinet, in dissert. 13. de Conciliis Afric. in Pelag. causa celebratis §. 23, & seqq; auctoritate potissimum S. Augustini, ut ab hujus Scæ partiaris fieri solet, abusus, affirmare non dubitavit Africanos jure extimuisse, ne a Zosimo aliquid decerneretur, quod Apostolicæ Sedi labem inferret, a qua ad liberandum Cælestium pronus videbatur, ideoque ad

ad præcavendum ingens, quod Africanam inter, ac Romanam Schismatis incendium excitari potuisset, festinato procuratam ab Honorio Imp. legem contra Cælestium, & Pelagium, qua Pontificis judicium præveniretur, frenumque, ne Pelagianis favorem amplius præstarent, Romanis imponeretur, atque ita ab Africanis Synodis lata contra ipsos sententia in tuto poneretur. Quia vero argumentum istud præoccupatum jam video a viris Doctiss. Pagio ad an. 418. n. 26., & seqq., a Ballerinii Fratrib. in Observ. ad hanc Quesnelli dissert. §. 7, & seqq., abs me quoque, tom. 3. art. 3. §. 1. pag. 213, & seqq., ac art. 5. §. 1. pag. 435, & seqq., atque contra apertissima stat S. Augustini sententia plurimis in locis ibidem laudatis, quammaxime vero lib. 2. de pecc. Orig. cap. 8. affirmantis Cælestium *Romanam Ecclesiam fallere usquequaque non potuisse*, manum propterea ab hac retrahere tabula satius habeo, atque ad id, quod rei caput est, me convertere. Ut taceam vero de duabus aliis edit. Cout. 2, & 3. a S. Zosimo hac ipsa de re ad Aurelium, & Episcopos Africanos exaratis litteris, a Baronio ex Cod. Vatic. editis ad an. 417. n. 19, quas pseudonymis quidem ad censere non puduit Launojum part. altera opusc. de duobus Dionysiis, ac M. Antonium Capellum Ord. Min. Convent. vindicant autem, germanasque ostendunt Vossius hist. Pelag. lib. 1. cap. 28, Garnerius in Not. ad Marium Mercat. tom. 1. pag. 201, Sirmondus ad Facundum lib. 7. cap. 3, Quesnellus cit. dissert. 13, Coutantius in admon. præv. ad has epist. pag. 937, & Ballerini in observat. ad præf. Quesnelli dissert. §. 4, ego quoque tom. 3. art. 5. §. 1. pag. 437, S. Zosimus celebri Tractoria emissâ districte jussit prolatae ab Apostolica Sede adversus Pelagianos sententiæ omnes ubique gentium Episcopos subscribere, subscribentesque de hac ipsa hæresi suspectos palam edicere (quod solemnî pernegabant mendacio, ut indicat in epist. 2, ad S. Cælestinum Nestorius) Pelagii, Cælestii: que genuinos foetus esse damnatos libros, atque scirent amputatam sibi spem omnem Synodi, in qua novo examini, novoque judicio causam subjeci suam votis sollicitabant omnibus.

Atque utique Tractoriæ utroque subscripsisse pollice Occidentales Ecclesias nedum, sed Orientales etiam, inque his solemniter

niter Episcopos in Synodo cum Anazarbi in Cilicia an. 423. sub Maximiano , tum Constantinopoli an. 424. sub Attico congregatos , ex Mario Mercatore Common. cap. 3, sive edit. Baluz. pag. 134 , S. Augustino in epist. 157. nunc 190. ad Opratum , S. Prospero lib. contra Collat. cap. 5 , & in Chron. ad an. 418 , Possidio in vita S. Augustini cap. 18 , S. Cælestino I. in epist. 13. edit. Cour. ad Nestorium , & in epist. 21. ad Gall Episcopos capp. 8, & 9, ac Gennadio de Script. Eccl. cap. 43. conficiunt , & confirmant Norisius hist. Pelag. lib. 2. cap. 6, & Pagius ad an. 417. n. 13, & seqq.; ubi n. 15. observat cum Morino exerc. Eccl. lib. 2. cap. 17, & seqq. tum quidem temporis ob S. Chrysostomi exilium Occidentalibus nullum adhuc fuisse cum Orientalibus Formatarum commercium , neque Civilium , Sacrorumque consortium , atque confesum , auctoritatemque suffragii in Conciliis abdicatam : quod tamen impedimento non erat , quin dogmaticæ litteræ ad eos dirigerentur , iique propriis in Diœcesibus cum Plebe sua consortium Sacrorum retinerent , propriæque dignitatis officio defungerentur : qua de Excommunicationis specie , si- ve civilis , religiosæque communionis suspensione legendæ S. Augustini epistola 209. alias 361. ad S. Cælestinum P.M., & S. Leonis M. epist. olim 40, in edit. Quesnelli 60, Baller. 80. ad Anatolium cap. 2: quem in locum quoque confer Quesnellum in Not. 1, ubi in hanc rem allegat insuper S. Epiphanium hæc. 70., de abrupta a S. Victore cum Asianis communione agentem , & Concilii Toletani I. Can. 15. Subscriptionis Tractoriæ legem hancce demum ratam fecisse leguntur Africana Synodus apud S. Augustinum lib. 2. ad Bonifacium cap. 3, Aurelius Carthag. in epist. ad Episcopos Provinc. Byzacænæ , & Arzugitanæ apud Quesnellum in Cod. Canon. Eccles. cap. 17. edit. Baller. tom. 3. pag. 176., ac Synodus Arausicana II. an. 529. in præf. , & in fin. apud Harduinum tom. 2. pag. 1098., & 1102. Quin etiam Imperialibus confirmare Rescriptis non dubitarunt Honorius ad Palladium Præf. Præf. , ad Aurelium Carthag. , & ad S. Zosimum etiam , ut Possidii auctoritate potissimum in vita S. August. cap. 8. demonstrant contra Usserium , Salmasium , & Quesnellum Pagius ad an. 418. n. 30, & seqq., ac Ballerini in observat. ad dissert. 13. Quesn. §.

10, Constantii ad Volusianum, & Valentiniiani III, ac Theodosii Jun., apud Photium Cod. 13, Baronium ad an. 418, 419, & 420, Baluzium in append. ad Salvianum, Labbæum tom. 2. pag. 1606, Quesnellum in Cod. Canon. Eccl. capp. 14, 15, 16, 19, & 20. edit. Baller. tom. 3. pag. 170, & seqq., Garnerium in dissert. 3. de Constit. Imper. in causa Pelag., ubi observatum primum subscriptionis legem contra Pelagianos auctoritate Sacerdotali sanctam, Laica quoque fuisse comprobata, Norisium hist. Pelag. lib. 7. cap. 20, & Harduinum tom. 1. pag. 1229.

Ad Semipelagianos devolvendo sermonem, quorum in errore aliquando S. Augustinus, dum adhuc Presbyter esset, se incaute versatum scribit lib. de præd. Sanct. cap. 3, quorumque factio in Africa exorta, cujusce confectator præ aliis fertur Vitalis Carthag. apud S. Augustinum in epist. 107. ad eundem, in Galliis amplificata sectatores habuit plerosque in Provinciis Lugdun., Arelat., ac maxime Massiliensi, unde & vulgo Massilienses denominati sunt, inter quos præcipui audierunt Cassianus, contra quem S. Prosper, ac liquet ex Collat. 13, Faustus Regiensis, ut adparet ex duobus ipsius libris de grat., & lib. arbit., Hilarium Arelat., de quo S. Prosper in epist. ad S. August., & S. Augustinus lib. de dono persever. cap. 21, Vincentius Lirin. apud Norisium lib. 2. hist. Pelag. cap. 11, Gennadius Massil., de quo idem Norisium lib. 2. cap. 16, & in dissert. de Synodo V. pag. 118: e quorum censu tamen expungendos omnino Severum Sulpitium contra Baronium, & S. Honoratum Massil. contra Norisium jure propugnat Natalis Alex. in Synop. hist. Eccl. ad sæcul. V. cap. 3. art. 7. §§. 8, & 10: atque de Sulpitio quidem confer etiam Hieronymum de Prato in nov. edit. Veron. 1741, de S. Honorato vero Jo: Salinam in edit. Rom. 1732, ac Ballerinius oper. Norisii tom. 4. pag. 926. A qua labe quin etiam abstergere student Gennadium Vossius hist. Pelag. cap. 10, & Bruno Neusserus in Prodromo velitari advers. Norisium pag. 125, & seqq.; Faustum Sirmondus hist. Præd. cap. 8. tom. 4. oper. pag. 420, & Ruardus Tapperus apud Bælium in Dict. V. Tapper Not. F.; Vincentium Launojus de prædest. & grat. cap. 12. tom. 1. oper. pag. 1086, & Neusserus in Prodr. in act. SS. Maji tom. 5. pag. 287; Hilarium Quesnellus in ipsius

ipſius vita cap. 20. tom. 2. edit. Baller. pag. 337 , Tillemontius tom. 15. pag. 62 , & Neufferus loc. cit. Aique quidem ex his Sanctorum albo adſcriptos in Eccleſia coli teſtata res eſt , ut S. Hilarius , de quo Martyrolog. Roman. ad diem 5. Maji , Johannes Salinas in ejus vita ex Cod. Vatic. Reginæ Succ. 645, & Henſchenius tom. 2. Maji pag. 34, & ſeqq.; ut Caſſianum, de quo S. Gregorius M. lib. 6. epiſt. 12. ad Reſpectam Maſſilien. Abbatiff. , & Cuſperus ad diem 23. Julii tom. 5. pag. 458; ut Fauſtum , de quo Baronius ad an. 490. n. 42. edit. nov. Luc. an. 1741, San-Marthani Gall. Chriſt. tom. 3. pag. 936, & Tillemontius tom. 16. pag. 434; ut Gennadium, de quo Hadrianus L. in epiſt. Apolog. pro SS. Imag. cap. 59. ad Carolum M. apud Harduinum tom. 4. pag. 798, & Baronius ad an. 490. n. 46; ut Vincentium , de quo Martyrolog. Rom. ad 24. Maji , Tillemontius tom. 15. pag. 143, & ſeqq. , ac Papebrochius tom. 5. Maji pag. 284. Quibus non obſuit error , quandoquidem ad ſecundam utque Synodum Arauſicanam ſub S. Felice IV. an. 529. habitam, & a S. Bonifacio II. confirmatam, ut hæretici non ſunt habiti : qua de re adeundi Natalis cit. art. 7. §. 9, & Noriſius in diſſert. 3. de Anonymi ſcrupulis circa veteres Semipelag. errores . Quorum capitalis error is erat : *Initium aliquod juſtitia , atque ſalutis eſſe a nobis , ſcilicet fidem , & voluntatem aliquam ſalutis obtinendæ , quæ tamen juſtitia operibus adnumerandæ non eſſent , etſi illis ad Chriſti gratiam aſſequendam hominem diſponi adfirmarent* ; veluti ex S. Proſpero , & Hilario in epiſt. ad S. Auguſtinum obſervat Natalis in diſſert. 4. de Semipelag. erroribus , ac laterem proinde laviſſe Janſenium , dum lib. 8. de hæ. Pelag. Semipelagianos ab hoc errore abſtergere adnixus eſt .

Jam vero Semipelagianorum erroribus ad ſe a S. Proſpero , & Hilario viro laico delatis omnium primus occurrit S. Cæleſtinius, dataque epiſt. 21. edit. Cout. ad Galliarum Epiſcopos, acriter eoſdem increpuit , quod a Presbyteris indiſciplinatas quæſtiones vocari in medium, ac pertinaciter veritati adverſantia prædicari impune permitterent . S. Auguſtini deinde a Semipelagianis impetitam doctrinam vindicat , digniſque illam , debitiſque exornat laudibus : ex qua epiſtola videas , ut Pontifici datum ſu-

perne sit doctrinas bonas a malis discernere, deque veritati conformibus, aut infensis quæstionibus iudicium ferre. Eidem porro epistolæ Capitula n. 11. subjiçuntur hac epigraphe insignita: *Præteritorum Sedis Apostolicæ Episcoporum Auctoritates de Gratia Dei*, quæ S. Cælestino quidem adscripsere Petrus Diacon. lib. de Incarn. cap. ult., Cresconius in Collect. Can., Dionysius Exiguus in sua Can. Collect., Florus lib. contra Jo: Erigenam, Hincmarus de prædest. capp. 22, Lupus Ferrar. in Collectaneis q. 2, Remigius Lugd. lib. de tribus epist. cap. 23, Ivo Carnot. in Panorm., aliique: eidem tamen Cælestino abjudicant Vendelstinus, Crabbius, Surius, Nicolinus, Baronius ad an. 431. n. 185, Franciscus Suarez proleg. 6. de grat. cap. 1, Sirmondus tom. 1. Concil. pag. 60, Vossius hist. Pelag. lib. 1. cap. 30, Quæsnellus in dissert. 3, Norisius in vindiciis Augustin. cap. 8, Antelmus in dissert. de oper. S. Leonis, Natalis cit. §. 9, Dupinius in Bibl., Pagius ad an. 431. n. 47, & seqq., Serrius in S. Augustino vindic., & Ballerinii in observat. ad cit. dissert. 3. Quæsn. §. 5. Ex quibus Quæsnellus ea Capitula S. Leoni adscripsit; sed ejus conjecturas evertunt Antelmus, Pagius, & Ballerinii §. 6. Vossius eadem Capitula partim S. Cælestini, partim Gallorum S. Augustini discipulorum esse conjicit a S. Cælestino approbata, cui adfentitur Natalis. Norisius, cui auscultant Antelmus, Pagius, & Ballerinii §. 7, præiverat vero sententia Baronius, S. Prosperi esse factum putat. Ut sit de Auctore, Capitulis istis certe sua auctoritas stat, & constat, eidem asserta a S. Hormisdæ in epist. 70. ad Possessorem, a quo interrogatus de Fausti Regienfis libris, postquam ei hoc reddidisset responsum: *Neque illum recipi, neque quemquam, quos in auctoritate Patrum non recipit examen Catholica fidei, aut Ecclesiastica disciplina ambiguitatem posse genere, aut Religiosis præjudicium comparare*: (ubi observare illud obiter velim, Possessorem in ferenda de Faustii libris sententia, nec propriè fidisse scientiæ, & conscientiæ, neque confidisse magis sententiæ contra Faustii libros prolatae, sive a Petro Diacono Romæ exulem agente in libello de Incar., & grat. ad Africanos Episcopos in Sardinia exules in append. tom. 10. oper. S. August. suo, Sociorumque nomine scripto, & inscripto, sive a

S. Ful-

S. Fulgentio in libris septem de grat. , & libero arbitrio duobus Fausti oppositis, quamvis hosce una cum tribus aliis de prædest. & grat. S. Doctori conscribendi qui auctores se dederant , Africanus Episcopi exilii focii , conscriptos subiude in Synodica ad Scythas Monachosdigno mactassent elogio, sed ad unum Pontificem, tanquam ad indefectibilem veritatis regulam , integrum de libris deferendum iudicium fore , probe habuisse persuasum) hæc de Capitulis illis, nullo appellato nomine Auctoris , subnectit : *De arbitrio tamen libero, & Gratia Dei, quid Romana , hoc est Catholica sequatur, & asseveret Ecclesia, licet in variis libris B. Augustini, & maxime ad Hilarium, & Prosperum, possit cognosci, tamen in Scriniis Ecclesiasticis expressa Capitula continentur, quæ, si ibi (Constantinopoli) desunt, & necessaria creditis, destinabimus.* Destinavit hæc reapse Capitula , ut ipsi præsentissimo usu ad perdomandam Semipelagianorum, quæ in Gallis quotidie potentia crescere cernebatur, factionem, venirent , ad S. Cæsarium Arelatensem S. Felix IV : ex quibus Capitulis in Synodo Arausicana II. Canonibus 25. conflat, ac subinde in Valentina confirmatis, quin etiam, quod potissimum est, a S. Bonifacio II. paullo post approbatis, S. Augustino usque ad procacitatem obrestandi licentia Semipelagianis præcisa, & obruta est, atque orthodoxa de Divina gratia, liberoque arbitrio dogmata loco firmiter suo, bonoque in lumine collocata . Viden hinc vero , ut Romani Pontificis in hac parte ferendi de propositionibus ad fidem pertinentibus iudicium suspici debeat potestas , utque eo loco sit posita , unde de superno veluti , ac de supremo disputationibus spatia definire , ac præfinire quæstionibus lineas valeat ? Aditis virum dignitate , ac doctrina Ch. Norisium hoc de argumento optime meritum lib. 2. hist. Pelag. capp. 18 , & 23.

Exindæ elabenti mihi , eque sententiis ad verba simplicia , sive ad dictiones e disputationibus eluctanti , novum sponte veluti sua nascitur argumentum , quod suo pro pondere satis expulsi , & expendi non possit . Nestorius postquam alienam, idest Pelagianam, confovisset hæresim, ac protexisset, totiesque resistas a Pelagianis de impactis sibi per calumniam erroribus querelas in S. Cælestini animum ingerere frustra tentasset , peculiar-

rem

rem suam adjunxit postea hæresim, capitibus hisce duobus comprehensam, idest Christum D. *Αὐτὸς Θεός*, Deum non esse, sed Deiserum, sive Deo utentem, B. Virginem vero non esse *Θεοτόκον*, Deiparam, sed dicendam *Χριστοτόκον*, aut *Λειτουργίδα*, idest Christiferam, aut Christiparam, de quibus S. Johannes Damascenus lib. 3. de fide orthodox. cap. 12, ejusque Scholiastes Faber Stapulensis, ut de S. Cyrillo in epist. ad Nestorium, aliisque pluribus apud Baluzium, Lupum, Garnerium, Petavium, Natalem, Norisium, Dupinium, Tillemontium, Doucinum &c. sileam. Vocibus igitur hisce circumvestitam hæresim, implicatamque simplici persuadere Plebi studuit non modo, & sed litteris ad fallendum compositis, suoque plenis Pontificis animum occupare vir nequam instituit: *Ego*, inquit in epist. 3, *hanc quidem vocem, quæ est Θεός, nisi secundum Apollinaris, & Arii furorem ad confusionem naturarum proferatur, volentibus dicere non resisto: nec tamen ambigo, quin hæc vox Θεός illi voci cedat, quæ est Χριστός, tanquam prolata ab Angelis, & Evangelistis.* At cui nam ex voto, animoque unquam sententia successit, ut a Romani Pontificis obrutibus, iisque perspicacissimis, doctrinæ suæ sensum obvium quidem, ac litteralem, velut loquuntur, subduceret? Subducere per eos licuit aliquando sensum internum, animoque retentum, non etiam verbis expressum, verbisque exprimendis institutum. Quia etiam Johanni Antioch. in epist. ad ipsum Nestor., Acacio Berœensi in epist. ad S. Cyrillum, Eutherio Tyanensi, & Hellaudio Tarsensi in epist. ad S. Sixtum III, Theodoro in epist. ad Andream Samosat., & in epist. ad ipsum Nestor., Andreæ ipsi Samosata, Alexandro Hierapol., Himerio Nicomed., Dorotheo, aliisque in Synodico apud Lupum, & Baluzium facere fucum Nestorio fas fuit, non vero S. Cælestino, qui collecta Synodo, examini subjectis ejusdem scriptis, vixibusque *Theotocos*, Deipara de B. Virgine, ac *Homo-Deus* de Christo D. consecratis, atque ipsius scriptis damnatis, damnationis in Nestorium tulit sententiam, nisi intra decimum a denuntiatione diem hæresim aperta, scriptaque confessione abdicaret. Scriptis ad hæc septem epistolis ad Nestorium ipsum, ut ad frugem revocaret, ad Clerum Constantinopolit., ut in fide retineret, ad S. Cyrillum Alex., Johannem Antioch., Juvenalem Hierosol.,

Ruf-

Ruffum Thesal., Flavianum Philip, aliosque Orientales, ut de lata in hominem sententia certiores faceret, ad Synodum Ephesinam, ut eandem sententiam executioni demandaret, & ad Theodosium Imp., ut hac in re opera Ecclesiæ non deesset, ita factum istud dogmaticum numeris definivit, absolvitque omnibus. Quod ut magis, magisque in tuto collocaret, nocendique licentia Nestorianis omnis amputaretur, Theodosio Imp. auctorem se dedit legis ult. Cod. Theod. de *Hæreticis*, qua Nestorianis quidem infamix publicæ inusta nota *Simonianos* appellandos imposterum, edixit, quemadmodum Arianos olim *Porphyrianos* appellari iusserat Constantinus M., Nestorii vero libros legi omnino vetuit; sed diligenter conquisitos undequaque; congestosque in cumulum ulticibus flammis devoveri, concremarique voluit.

Nec ab hac altera trita, rectaque cogitandi, agendique ratione cogitare, agereque licuit, & contigit S. Leoni M., cui profecto laudî haud parvæ vertit S. Prosper in Chron. ad an. 443, quod inter Pastoralis curæ partes, quas statim ab inito Pontificatu induit, numerisque perficiendas omnibus sibi proposuit, statuitque, Manichæis, qui devastata a Wandalis Africa, ac magna humanarum, Divinarumque rerum perturbatione consecuta, ingenti Romam numero se transtulerant, ibique Catholicis admixti latentes conventus agebant, larvam detraxisset, pravosque ipsorum libros detectos, inque acervum congestos publico in foro igni comburendos devovisset. Viden, ut ipse met rem denarret in ferm. 15. edit. Quesnelli, Baller. 16. cap. 4, quo Christifideles religionis, officiique admonet, quo tam ab hujusce genus hominum colloquiis abdicare se, tum ab horum erroribus undique scatentium librorum se abstinere lectione debeant! Quo perinde studio Italiæ Episcopos inflammare satagens epist. 7. edit. Ball., Quesn. 8. in Manichæorum invigilare latebras, investigareque libros jubet, tumque in illos juris distringere pœnas, tumque istos ignis delere probro. Neque vero intra Italiæ fines ipsius ita se cohibuit zelus, quin ad Hispanias exporrigens se se, epist. 15. ad S. Turribium cap. 16. pestem hancce qua grassantem, qua latitantem inquiri, ac reprimi, librosque omnes flammis aduri imperaret. Qua de re dignum se præbuit, ut promerito mactaretur

elogio

elogio a Theodoro in epist. 52, nec non a Theodosio, & Valentiniano in Divali ad Albinum ex Cod. Theodos. tom. 6. edit. Lips. Jo: Danielis Ritterii descripta a Balleriniis tom. 1. oper. S. Leonis pag. 626. Quo perinde ex capite neque parva laudis pars SS. Gelasio, Symmacho, & Hormisdæ adhæsit, si fides Auctori libri Pontificalis adhibenda sit, quæ cur adhiberi non debeat, certe non adparet, quod repertos improbos Manichæorum Codices ante fores Basilicæ cum Liberianæ, tum Constantinianæ igne comburi fecerint. Confer & Gratianum Can. 12. *Comperimus* dist. 2. de *Consecr.*

Alterum nunc autem, ac illustre accipe latum a S. Leone in Priscillianistarum libros judicium. Emicat istud in epist. 15. ad S. Turribium Asturicensem tum Cap. 15, quo loci hanc prudentiæ refertissimam fert legem, ut adulterati, falsatique a Priscillianistis Codices in nullo lectionis usu ab Hispanis Episcopis haberentur, Apocrypha vero scripta, sacris Apostolorum nominibus supposita, auferrentur penitus, atque flammis conflagranda adicerentur: quod Caput 15. titulo isto *Sententia Papæ Leonis de Apocryphis Scripturis* insignitum totidem exhibetur verbis ex Mss. Codicibus Vaticano Palatino 277. a Blanchinio tom. 1. Vindiciar. Canon. Scriptur. pag. 405, Herovalliano a Jacobo Petit post Theodori Cantuar. Pœnitent., ac duobus Vallicellanis 18, & 58, de quibus Ballerinii Fratres tom. 1. pag. 1473, & seqq. Tum Cap. 16. Distinxi signatim scripta Priscillianiana hæresi aspersa legi expresse prohibet (quod prohibuisse quoque liquet S. Augustinum lib. contra Mendacium ad Consentium capp. 3, & 17, ac Synodus Bracarensis an. 563. Can. 17.) *Nemo, inquit, hoc impune præsumat, nec inter Catholicos censeatur, quisquis utitur scriptis, non ab Ecclesia solum Catholica, sed etiam a suo Auctore damnatis.* Nempe, S. Ambrosio Mediol. sequestre accedente, Symposio, & Distinio a Synodo Toletana sua fuerat sedes restituta, ea tamen gemina adjecta lege, tum ut hæresi Priscillianiana infarsos tractatus ejurarent prorsus, & abjicerent, sensus quoque pravos, quibus Priscillianiani dogmata prius obducere solebant, exuerent, ac penitus abdicarent, tum ut prius apud Romanum Pontificem hæresis suspicione omni absterfa, hæreticisque libris cum Auctore damna-

damnatis , communione ab eo donatos se ostenderent . Non moror heic autem, quas in Observat. ad hanc epist. dubitationes moveret Quæsnellus de fidei professione a Symposio , & Diſtinctio præſtit. ta , deque priſtino Eccleſiaſtico iſtis reſtituto gradu : viro enim Janſenii partibus addiſſimo , ac Pontificibus de factis dogmaticis frequens deſinientibus obtemperare detreſcanti , fidem haud facile meam obſtrinxerim , haud obligarim . Emendicatas vero ejus conjecturas deſtruunt , evelluntque S. Innocentii I. epistoſa ad Synodum Toletanam , & iſta S. Leonis , qua de loquimur , ad S. Turribium, ex quibus liquet utrumque ad Eccleſiaſticæ communionis gratiam fuiſſe receptum , atque priorem ad honoris gradum redintegratum . Quibus cum litteris concordat Codex Hiſpanus S. Emiliani an. 962. exaratus , a Johanne Bapt. Perezio , & Ambroſio Morales deſcriptus , & ex ipſo conſectus ab eodem Perezio Vaticanus 4887. ad Gregorium XIII. miſſus , in quo Hiſpani quatuor alii optimæ notæ Codices laudantur . Confer & Nicolaum Antonium in Bibl. vet. Hiſp. tom. 2. pag. 131, ac viros doctiſſ. Ballerinius Fratres in adnotat. ad hanc epist. 15. tom. 2. pag. 1373 , & ſeqq.

Haud intra hæc ſtetit , hæſitque indefeſſa S. Leonis ad detegendos hæreticorum dolos vigilantia , liberandamque ab horum fraudibus fidem; nec hoc etſi haud leve ei cum Veteratoribus hiſce unicum fuit negotium , ſed novella cum hæreſi ad fallendæ fidei ambages quærendas facta nata congregi, & conſigli opus fuit, larvam illi ad fascinandum omnem detrahere , omnemque inveſtigandi ad elabendum locum eripere . Ex imprudenti enim vero , imperitoque zelo alienam , Neſtorii nempe , oppugnandi hæreſim in oppoſitam lapſus Eutycheſ, duas in Chriſto quidem ante Incarnationem naturas diſtinxit , ſed poſt Incarnationem ex duabus unam dumtaxat conſinxit : quin tamen hanc unitatem , ſive unionem ſatis , ut capi bene poſſet , explicare , exponereque , in quo poſita eſſet , unquam voluerit , quo nempe ſenſu unam poſt unionem naturam in Chriſto contenderet : an unam per compoſitionem , quomodo una eſt in homine ex anima , & corpore : an unam per conſuſionem , quomodo una eſt in mari aqua fluminis marinæ aquæ commixta : an unam per converſionem vel Divinæ

in humanam, vel humanæ in Divinam, quomodo in Eucharistia contingit panem, vinumque in Christi D. Corpus, & Sanguinem converti. Quibus alternatim modis ad faciendum fucum, pro versipelli ingenio, ac prout a Catholicis urgerentur, Eutychetis dogmata obducere ejus discipulos consuevisse observat Petavius lib. 1. de Incarn. cap. 14. Ut proinde mirari non subeat, quod ex hæresi ancipitibus tot capitibus circuminstructa, totque verborum ambagibus circumvoluta tot diversa prodierint nomina, & monstra, puta Acephali, Esajanistæ, Corrupticolæ, *ἀκαταστατοι*, sive Hæsitantes, Barfanuphitæ, Monophysitæ, Schematici, Jacobitæ, Anthropomorphitæ, Julianistæ, Cajanitæ, Semidalitæ, Harmasitæ, Phantasiastæ, Angelitæ, Theopaschitæ, Condobauditæ, Aphthartodocetæ, Nagranitæ, Tetraditæ, Agnoetæ, Damianistæ, Petritæ, Cononitæ, Monothelitæ, Coptitæ &c., de quibus post Liberatum in Brev., Leontium de Sectis, Timotheum Constantinopolit. Presbyt. de recept. hæretic., & S. Jo: Damascenum de hæres. Cl. Josephus Simonius Assemanus in dissert. de Syris Monophysitis cap. 4. Quin imo Eutyches declinandæ invidiæ causa non raro Catholice sentire, ac dicere simulabat, insimulatusque Arii, Valentini, & Apollinaris hæresis, de impacta calumnia dolere palam, & conqueri solemne habebat. At enim demens, & amens e sulco rationis excefferat, qui fraude, doloque fallere, decipereque S. Leonem, perspicacissimæ nempe Pontificem aciei, exputavit, cujus vix in conspectum venire ipsius dicta a S. Flaviano delata, atque scripta erroribus, mendaciisque referatissima, in quibus etiam ex SS. Julio, & Felice, & ex SS. Gregorio Neocæs., & Athanasio testimonia conficta, ut intimos Veteratoris recessus invasis: quos uno ictu ut refecaret ad vivum, breve rei compendium faciens in epist. edit. Quæsn. 29, Baller. 33. ad Synodum Ephesinam, ab Episcopis quidem Epistolam suam ad S. Flavianum Iydium veluti lapidem haberi voluit, quo germana, adulterinaque fides probaretur (ad quam si probassent utique expositam ab Eutychete fidei professionem, turpes adeo in errores prolapsi non fuissent) *Hoc est, ut primitus pestifero errore damnato, etiam de ipsius, qui imprudenter erravit, restitutione tractetur*: Eutycheti vero locum veniæ exhibuit, ea lege inviolabili-

biliter adimplenda: *Si tamen doctrinam veritatis* (in eadem ad S. Flavianum epistola fusc, nixideque expositam) *amplectens*, *sensus hereticos, quibus imperitia ejus fuerat irretita* (attendis duos a S. Leone distingui sensus, internum, & externum, illum excusari quadantenus, istum execrari quantopere 1) *plane, aperteque propria voce, & subscriptione damnaverit*. Quo vero male, pessimeque cessit Eutycheti pravos exuere sensus abneganti, cujus ideo personæ, jubente Pontifice, infamix dica conscripta, scriptis vero Imperiali lege ignis pœna decreta est, Eutychetisque partiaris Catholicum ei infedis animum contendentibus, ideoque ad fidem in epist. 24. edit. Quesn., Baller. 28. ad Flavianum expositam suam exigere detrectantibus, digni proinde qui eadem proscriberentur cum Eutychete pœna, eo vicissim bene, optimeque audire meruit Chalcedonensis imprimis Synodus, quæ a Pontifice epist. 72. edit. Quesn., Baller. 93. officii admonita, tantum abfuit, ut de dogmatica illa disceptationem instituere attentaverit, ut potius absque examine, absque cunctatione, absque exceptione ambabus ulnis amplecti, ex eaque quin etiam Symbolo Nicæno circa Dei Filium adversus Eutychianam hæresim apponendam periocham hancce duxerit: *Consubstantialem Patri secundum Deitatem, & Consubstantialem nobis secundum Humanitatem*: cujusmodi similes a S. Leonis stylo non distantes Liturgiæ Romanæ ad Eutychianam hæresim evertendam, contra vero stabiliendum dogma Catholicum de Divina Incarnatione adjectas particulas observant Ballerinii in Sacramentarium S. Leoni tributum tom. 2. oper. Nota 15. pag. 152, & Nota 49. pag. 160; eidemque perinde Synodo accepti, probatique evadere promerueret quotquot ab Eutychetis partibus resilientes, prælaudatæ ad S. Flavianum epistolæ animum apponere non distulere. Quæ omnia ex Actis Concilii abunde constant, quin ego longiori opera Lectori moram inferam.

Documenta ad alia nunc delabendo, in his & mihi sic temperabo, ut antedicta jam fastidienti novam non ingeram molestiam, neque diutius præter opus pluribus demorer. Atque de S. Gelasio loquendo, is Romæ anno circiter 496. ex Episcopis 70, aut 72. coacta Synodo ad discernendos sinceros, sacrosque Li.

bros apſeudo-epigraphis, ac pernicioſis, ordinem librorum, quos Romana Eccleſia, aut ſacrum in Canonem adcenſeret (de quo celebre, ac tritum eſt S. Innocentii I. in epiſtola ad Exuperium decretum, cum quo conferendum e Lucenſi Codice excerptum a Cl. Manſio exhibitum tom. 1. Suppl. pag. 280, quò etiam reſpexiſſe videtur Concilium Toletanum IV. an. 633, quum Can. 13. Apocalypſim S. Rom. Eccleſiæ auctoritate Divinos inter libros adnumerandam decrevit; cujuſque certe ad amuſſim Sacrorum librorum Catalogum ſuum conſeciſſe Synodus Carthaginiſis III. anno 397. Can. 47, in Cod. Can. Eccl. Afric. Can. 24 inſerto legitur, nec ante evulgare auſam fuiſſe, quam confirmari a S. Bonifacio I. impetraſſet), quoſque aut deteſtaretur tanquam noxiæ lectionis, aut dubiis adnumeraret, velut incertos, vel haud probatos habentes Auctores, digeſſit, decreto edito de Divinis, Canonicisſque ſcripturis, de SS. Patrum operibus, atque de libris Apocryphis, quod legitur Diſtinct. 15. C. 3. *S. Romana Eccleſia*. Cujusſce Decreti præ aliis ego quidem facio plurimum exemplar triplex editum ex antiquiſſimo Codice Florentino a Cl. Joſepho Blanchinio, & a Luca Holſtenio, ac Emanuele Scheleſtratio quammaxime commendato, Anaſtaſii tom. 4. opuſc. 3. pag. 61, & ſeqq., ex Codice Palatino Bibl. Vaticanæ n. 493, annorum 900. ab Ill. Juſto Fontanino in append. ad Antiquit. Hortæ pag. 317, ac in Theſauro Script. Ital. Burmanni tom. 8. par. 3, atque ex vetuſto Codice Lucenſi annor. etiam 900. a Manſio Suppl. tom. 1. pag. 357, & ſeqq. Decreti hujus auctoritatem parvi pendunt, ſicut de Auctore vitiligant Noſtrates, Proteſtantium aliqui, pſeudo-nymis illud, hypobolimæiſque adſcribere non veriti Pearſonius in vindic. Ignat. lib. 1. cap. 4, Beveregius in Cod. Canon. primit. Eccleſ. illuſt. cap. 9, Baſnagius hiſt. Eccl. lib. 8. cap. 8, Cavæus hiſt. litter. Sæculi V. p. 1., ac Piſcetus Theolog. Chriſt. lib. 1. pag. 143, tanquam illud, quod ex Iſidori Mercatoris officina prodierit, minusque propterea ut ſincerum exſufflandum ſit. Quia vero de huiusſce Decreti cum auctore, tum auctoritate, quantum operæ ferebat pretium, adverſus Proteſtantes ſatis opinor, diſputavi tom. 4. Art. 9. §. 1. pag. 432, & ſeqq., adum proinde agere nolim. Quam tamen in rem præter Scriptores eo

loci indicatos, confer si placet, S. Aldhelmum lib. de Virgin. cap. 11. Bibl. PP. Lugd. tom. 13. pag. 37, qui decreti hujus, ta- cito auctoris nomine, meminit; Burchardum lib. 3. cap. 220, & seqq., Ivonem par. 4. cap. 64, & Panormiæ lib. 2. cap. 91, ac Vincentium Bellov. in prologo ad specul. natur. cap. 13, & seq., a quibus S. Gelasio explicite adscribitur; Covaruviam item tom. 2. var. resolut. lib. 4. cap. 14, & seqq., Baluzium ad Antonium Augustinum de emendat. Gratiani pag. 444; Schelestratium in Antiq. illust. tom. 1. pag. 369; Justum Fontaninum de Antiq. Hortæ lib. 2. cap. 3, & Maurinos Monachos ad S. Ambrosium tom. 1. pag. 1266. testantes in Codicibus Mss. ante mille annos exaratis S. Gelasio tribui. Atque ex hoc perinde Gelasiano De- creto jure, optimeque Bail in summa ad hoc Rom. Concil. an. 496. argumentum desumpsit carpendi Scaligerum, quod Expur- gatorios librorum Indices, tanquam Maranorum opus, irriserit.

Ab eodem S. Gelasio naviter adlaboratum non modo, ut a germanis, & innoxiiis apocryphi, & perniciosi discernerentur li- bri, decretoque edito sacri a profanis, & sinceri a pseudo- epi- graphis distincti sunt, quod plurimum ad hanc Pontificii juris par- ticulam confirmandam confert, verum etiam libro adornato de duabus in Christo naturis Bibl. PP. edit. Paris. tom. 4. Lugd. tom. 8. pag. 699, Nestorii, Eurychetisque nefanda dogmata pe- nitus sunt profligata, atque sana, sinceraque Romanæ Ecclesiæ doctrina ad suorum Decessorum normam declarata. Quamvis enim docti viri non defuerint, qui opus illud egregium S. Gelasio adjudicarint, aliis adscribentes, uti Gelasio Cæsarensi Bellarmi- nus, & Melchior Canus lib. 6. cap. 8. ad 9, uti Gelasio Cyziceno Suffridus Petri, Baronius, & Perronius, uti Johanni II. (sed prorsus immerito) Josephus Pamphilus Signinus Episcopus Scriptor Seculi XVI. in Chron. Augustini; S. Gelasio tamen vindicant Spondanus in Epitom. ad an. 496. observans opus illud sub S. Gelasii Papæ nomine laudatum a S. Fulgentio in lib. de quinque quæstion. apud Ferrandum cap. 18; Labbeus tom. 1. de Script. Eccles. pag. 342. adnotans idem opus, eodem appellato nomine, a Johanne II. memorari in epist. ad Avienum, ceterosque Senato- res, qua eos de Christi Divinitate, & Incarn. fidem edocet; Sir- mon-

mon-

monduſ in Mſs. Codicibus optimæ notæ opus illud deſcriptum legi inter indubias S. Gelafii epiſtolas; Petavius Theolog. dogm. lib. 2. de Incar. cap. 3. tom. 4. pag. 122, & 208. animadvertens præfatum librum S. Gelafio Papæ diſerte adjudicari a Gennadio Maſſil. de Scriptor. Eccleſ. cap. 14, ab Honorio Auguſtod. lib. 2. cap. 93, & ab Anaſtaſio Bibl. in S. Gelafio tom. 3. ſect. 74. pag. 195. edit. Blanchinii; Coutantius, teſte P. Simone Mopinot in epiſt. ad Carolum Conrade, Chiſletius, Pagius n. 3, Dupinius, Moynius ad var. ſacra in proleg. pag. 28, & Fabricius Bibl. Græc. tom. 8. lib. 5. cap. 24. pag. 371, Voſſio, & Cavaco non aſſentiens opus iſtud Græce verſum opinantibus memorari a Photio Cod. 102, ubi Gelafii Cæſareenſis *μυροβιβλος*, adverſus Anomæos laudat. Argumentum vero, quod ex opere illo exſculpunt heterodoxi ad evertendam fidem de panis, vinique tranſubſtantiatione in Euchariftia, ex verbis ideſt iſtis: *Et tamen eſſe non deſinit* (in Euchariftia) *ſubſtantia, vel natura panis, & vini*, abunde dilutum jam eſt a Baronio ad an. 496. n. 11, & ſeqq., Natali hiſt. Eccl. ad Sæcul. V. cap. 4. art. 3. §. 2, Tournellio, & Berti de Euchar., aliisque de Schola Theologis, oſtendentibus antiquis Scriptoribus ſolemne fuiſſe ſubſtantię, & naturę nomine intelligere accidentia naturam afficientia, ſive adjuncta ſubſtantiam circumſtantia: quo pacto accepiſſe leguntur Tertullianus lib. de anima cap. 32, S. Jo: Chryſoſtomus hom. 12. in Genef., S. Auguſtinus enarrat. in pſal. 68, Theodoretus in Dialogo 2, & S. Petrus Chryſologus ſerm. 82: quo pariter ſenſu idem S. Gelafius in epiſt. ad Episcopos Picenę Prov. ſcribit hominis ſubſtantiam Originali peccato fuiſſe depravatam. Sed de his in Append. Denique ad eundem S. Gelafium examinandam ex Oriente miſſam fuiſſe Apologiam adverſus Pelagianos adornatam a Johanne Mela, ſive Hemula Alexandrino Patriarcha auctor eſt Photius, apud quem tamen eſto fides: ſiquidem Johannem hunc Eutyſchianarum partium ſectatorem fuiſſe; ideoque Sactorum conſortio a Pontifice M. longe ſemotum conſtat. Ex Occidente quoque S. Honorati Maſſilienſis Episcopii ſcripta eidem Pontifici accepta, probataque evaſiſſe tradit Gennadius de ſcript. Eccleſ. cap. 99, qui ea ratione permotus & ipſe ſuas pariter de fide lucubrationes eidem

Pon-

Pontifici nuncupandas duxit apud Baronium ad an. 490. n. 46. Verumtamen Caput illud 99. Gennadii ipsius opus non esse, sed posterioris, tametsi antiquæ, manus additamentum, jam convenit inter Eruditos, de quo consulere juvabit Petrum Franc. Chiffletium, Miræum, Suffridum Petri, Ernestum Salomonem Cyprianum, & Ballerinius Fratres in admonit. ad vitam S. Hilarii Arelat. tom. 2. oper. S. Leonis pag. 313. Et si enim non desideretur in Codic. Martiniano, & Corbejensi, sive SanGermanensi annorum plus mille, deest tamen in optimæ notæ, antiquissimisque Codic. Mss. Guelpherbytano, Norimbergenſi, Vaticano 551, S. Crucis in Hierusalem 100, ac Veronensi, in quibus Gennadius Catalogus explicite in Johanne Antiocheno, aut in S. Gelasio, ipsoque Gennadio.

De Fausti Regienſis libris, quorum occasione ingentes Constantinopoli exagitæ quæstiones fuerant, a Possessore Africano delatis prolaturum a S. Hormisda fuisse iudicium, eique Constantinopolitanam Ecclesiam plene adqueviſſe paullo superius indicavi. Non secus indico nunc de iudicio lato a Johanne II. circa propositionem *De uno e Trinitate in Carne passio*, quæ magnum, Scythas Monachos inter, & Acœmetas incendium excitaverat, pro Scythiis nempe affirmantibus prolato contra Acœmetas insistentes, copiose me jam disputasse Tom. 3. art. 6. §. 2. pag. 660, & seqq. Atque ibidem disputatis adjungere quidem satius habeo Liberatum Brev. cap. 20. de ea propositione in hæc loquentem: *Papa Johannes hoc confitendum (Unum de Trinitate Incarnatum, & Crucifixum) Epistola sua firmavit, & Imperatori direxit*. Alterum quoque ex Johanne ipso in epistola altera ad Senatores apud Harduinum tom. 2. pag. 1150: attexere juvabit locum, quo huic similes tres alias propositas a Justiniano quæstiones: *Utrum Christus unus e Trinitate dici possit: An Deus Christus carne pertulerit: Utrum proprie, & veraciter B. Maria Dei genitrix possit appellari*, definivit, easque tanquam fidei Catholicæ approbe consentaneas probavit, subjunctis pro confirmatione e S. Scriptura, & SS. Patribus selectis testimoniis. Facit & huc apte S. Agapeti ad Justinianum epistola, qua fidei professionem a Johanne Prædecesſore suo Acœmetis præscriptam approbans,

bans, easque propositiones de fide tenendas affirmans, *Hæc fidei*, inquit, *quisquis contradicere præsumpserit, a Catholica communione se noverit alienum*. In hæc ipsa quin etiam conspirans pariter Vigilius in epist. 4. ad Justinianum, & epist. 5. ad Mennam utriusque libello fidei, quem decessori suo S. Agapeto præstiterant, accepto, propositione illa, quæ Johanni II. probata fuerat, confirmata, Constitutoque, quod adversus Acephalos S. Agapetus ediderat, approbato, Mennæ dedit in mandatis, ne ab hæresi resipiscentes ante reciperet, quam dicto in Auctores, & hæresim anathemate, a Synodo Chalcedonenſi, & a S. Leone sacratissime constituta sensu, verbo, scriptoque confiterentur. Siquod autem damnatæ in Auctoribus doctrinæ, pravique librorum sensus proscripti exemplum nobis Ecclesiasticæ Monumenta historiæ suppeditant, illud est sane, quod exhibet controversia de tribus Capitulis, scilicet de sensu librorum Theodori Mopsvesteni, epistolæ I bæ Edessenæ ad Marim Persam, & scriptorum Theodoretæ contra S. Cyrillum. Celeberrima hæc controversia exordium nata est ab Origenis, ejusque librorum damnatione, quam apud Justinianum Imp. Pelagius Vigiliæ Apocrisarius promoverat: a quo adversus Origenis libros Encyclicæ ad quinque Orbis Patriarchas inscriptæ postquam Vigilius, teste Liberato Brev. cap. 23, subscriptionem adjecisset suam, atque ideo Apostolicæ Sedis robur accessisset, idemque Vigilius epistolam Justiniani, sive Tractatum ad Mennam comprobasset, ubique Origenis doctrinæ conclamata damnatio est. Progressum habuit in Synodo V, sive Constantinopolitana II, ante quam, in qua, & post quam de tribus Capitulis dirissime in utramque partem digladiatum est, pro illis, & contra illa stantibus; & pugnantibus, qua Chalcedonenſis Concilii defensoribus, quibus ejus auctoritas impeti videbatur, si semel iis Capitulis anathema diceretur, qua ejusdem Concilii hostibus, quibus persuasum erat fore, ut Eutychetis hæresi meliora cederent, si Chalcedonenſis Synodi decretis detractum irret. Verum hinc, & illinc magno in errore versatum est: siquidem in Chalcedonenſi Synodo de personis dumtaxat actum fuerat, non de earum doctrina, de qua agendi Synodo V. locus reliquus erat. Quamquam vero in Synodo V. tria Capitula damnata fuerint,

corum

eorum damnatio ni tamen Ecclesia nondum adquevit , donec Vigilii auctoritas , & consensus accessisset : quo appposito , uti patet in epistola ad Eutychium , qui deinceps in trium Capitulorum defensionem concessissent, schismatis , imo hæresis infame nomen, ignominiosaque nota adhæsit .

Non plura quidem hanc in rem conferam, de qua multa persecutum me memini par. 1. art. 2. §. 3, & par. hac 2. art. 6. §. 1 ; quin tamen committam , ut indiculus præmittatur locus unus , vel alter epistolæ Decretalis Vigilii ad Eutychium , in qua postquam dixisset se impedimento primum fuisse , quominus tria proscriberentur Capitula , sic effatur: *Sed quoniam Christus D. noster , qui est lux vera , quem tenebræ non comprehendunt , omni confusione a mentibus nostris remota , universum Orbem, & Ecclesiam ad pacem revocavit ; ita ut quæ a Nobis definiri debent , revelante Domino, & veritate investigata salubriter impleta sint, idcirco &c. : quem locum diligenter observari volo adversus eos , qui definienti Pontifici de factis dogmaticis fidem deberi quidem , non Divinam tamen , sed Ecclesiasticam dumtaxat existimant , qua de opinione infra ; post quæ sic circa finem: *Predicta itaque , inquit, tria impia Capitula anathematizamus , & condemnamus . . . Quin etiam quemcumque , qui crediderit aliquo ullo tempore ea Capitula debere suscipi , aut defendi , vel conatus fuerit hanc præsentem condemnationem subvertere , simili anathemati subijcimus.* Quorum simillima reperit in Constituto adversus tria Capitula , quod ex veteri Codice Ms. Bibl. Colbertinæ descriptum exhibet Baluzius in nova Collect. Concil. pag. 1551 , & ex ipso Harduinus tom. 3. pag. 218 , versus finem subjungens : *Quæcumque vero sive meo nomine , sive quorumlibet pro defensione memoratorum trium Capitulorum* (atque ex his quidem in solius Theodori Mopsvest. scriptis sexaginta errorum capita a Vigilio fuisse censura affecta observavit etiam Baronius ad 553. n. 28.) *prolata fuerint , vel ubicumque reperta , præsentis nostri plenissimi Constituti auctoritate vacuamus .* Decretalem porro ad Eutychium epistolam a Petro de Marca erutam e Codice veteri Bibl. Regiæ an. 1276. a Leone Cinnamo exarato , unaque cum dissertatione evulgatam ad calcem lib. de Concord. cum Baluzii notis , & a Labbæo tom. 5. pag. 601,*

Part. II. Tom. V.

Qq

ab

ab Harduino quoque, sed absque dissertatione illa tom. 3. pag. 214, in dubium quidem vocavit Garnerius in dissert. de Synodo V. Norisio opposita, sed argumentis non adeo firmis, certisque id fecit, quibus infringeret tum Synodi VI. in Prosfphonetico ad Constantinum Pogonatium act. 18, tum Pelagii II. in epist. 3. prolixiori ad Istræ Episcopos, cui perscribendæ calamum accommodasse S. Gregorium M. tum Diaconum tradit Petrus Diacon. lib. 3. de gest. Langob. cap. 10, cujusque meminit certe idem Pontifex lib. 2. epist. 36, testimonia de Vigilano adversus tria Capitula decreto. Illud vero observatu dignum, quod hac in epist. n. 10. apud Harduinum tom. 3. pag. 430, postquam ex Theodori Mopsv. scriptis pleraque delibasset, quibus plurimo ex capite damnatione, execrationeque dignum illum ostenderet, Johannis Antiocheni (non S. Cyrilli, uti Pagius ad an. 423. n. 17. perperam habet) in epist. ad Proclum Constantinopolit. apud Facundum lib. 2. cap. 2. verba, quibus non absque laude a Theodoro libros decem millia adversus hæreses conscriptos dixerat, perstringens idem Pelagius, *Ecce, inquit, quales plerumque decem millia librorum Theodorus scripserit perhibetur. Pensate, quæso, si non tanto acriora tormenta promeruit, quanto plura conscripserit.* Digna profecto tanto Pontifice sententia, qua perinde confodiantur ætatis nostræ Protestantes in librorum non utique præstantia, sed copia adversus Catholicam fidem confidentes, spemque facientes omnem.

Tam vero ad gravis argumenti, quod verso, genus egregie facit, quam ad laudum cumulum, quæ plurimo ex capite S. Gregorio M. debentur, multum confert scire, quæ de libris, latenteque in libris sensu sapientissimus Pontifex senserit, edixerit, sanxerit, egerit. Principio itaque S. Gregorius complures Ethnicorum libros igne conflagrasse, atque Mathematicos quammaxime, idest Magicos, Judiciarios, & Maleficos (qua in re mali nihil, boni vero multum intercessisset) quin etiam quotquot Palatina in Bibliotheca fuerant ab Augusto repositi, fertur apud Johannem Sarisberiensem de nugis Curialium lib. 2. cap. 26, quod ingenti Pontifici crimini vertere Oudinum non est veritus in dissert. de vita, indole, doctrina, & scriptis S. Gregorii M. tom. 1. Comment. de script.

script. Eccles. pag. 1493. Sed hac de re valdequam dubitant Baylius in dict. V. *Gregorius I*, ac Baelius in dict. hist. Crit. tom. 2. pag. 595. edit. Amstel. 1730; diserte vero negant Scipio Ammiratus lib. 21. discurs. 1. edit. Francof. 1618, & Gradonicus in S. Gregorio a criminationibus Oudini vindicato cap. 2. Vere tamen Titi Livii superstitionis imbutos libros a S. Gregorio flammis absumptos fuisse refert S. Antoninus in summa par. 4. tit. 11. cap. 4. §. 3, auctoritate innixus Johannis Dominici Magistri sui, de quo Jacobus Quetif tom. 1. pag. 768, & assentitur Vossius de histor. Latin. lib. 1. pag. 48. edit. Francof. 1677, ipsoque teste Hesselius, & Raderus, Montacutius etiam in præfat. ad Analectas: quin etiam ab eodem Pontifice igne comburi iussos Afranium, Nævium, Ennium, Poetasque Latinos alios, testis accedit Cardanus lib. 2. sapient. Ut vera detur hæc S. Antonini narratio, quam tamen in dubium revocant Gretzerus lib. 1. de jure prohib. libros malos cap. 30, & Fabricius Bibl. med., & inf. Latin. lib. 7. pag. 85. edit. Patav. 1754, opus laude dignum a S. Gregorio præstitum existimavit Vossius, quod libros superstitionibus undique scærentes igni delendos devoverit. Certe Caligulam Imp. cogitasse olim de Virgilii, Liviique scriptis, atque posterioris quidem, veluti hominis loquacissimi, inque historia valdequam negligentis, abolendis narrat Sveronius cap. 3. Livium quoque mentitum in quibusdam observavit Vopiscus in Aureliano cap. 2. Plurimo alio præterea ignominie nomine Livium traditum legere passim est, ut mendacii ab Augusto apud Tacitum lib. 4. Annal. cap. 34, ut invidie ab Antonino Pio in Itinerario, ut jactantie a Plinio in præf. ad hist. natur., tanquam plagiarium Polybii, & cum Polybio, Diodoro, & Halicarnaseo, secumque inet ipsum pugnantem a Laurentio Valla, tanquam fabulosum, sublestæque fidei scriptorem, partium studio affectum, atque Romanis quidem addictissimum, Gallis vero adversissimum a Jacobo Palmerio in exercit. ad optimos Auctores Græcos pag. 188, & seq., ac Jo: Brodæo ad lib. 3. Antholog. cap. 23. pag. 379. apud Fabricium Bibl. Latin. tom. 1. lib. 1. cap. 11. pag. 192. edit. Ven. 1728.

At enim alia longe præstantior Livium disperdendi S. Gregorio suberat causa, tot nempe prodigiorum commenta, quibus

integrum librum Julius obsequens implere ex Livio potuit, tantarumque superstitionum colluvies, a quibus abstergendi Livium non alteram inire rationem scivit Jo: Tolandus, quam libro inscripto *Livius adversarius*, sive *De superstitionis culpa Livio falso imputata* Hagæ Comit. 1708. Atheum eundem agere, Religionisque omnis, cujus erat & ipse experts, contemptorem exhibere. Quamquam, fateor, hanc defendendi Livium falso Tolandum sibi licentiam sumpsisse, perque nefas fecisse irreligiositatis flagitio illum adstringendo, demonstrare instituerunt Lipsius, Vossius, Possevinus, Jacobus Fayus, Elias Benedictus, & alii, quade re alii viderint. Indubium vero illud a S. Gregorio Manichæorum libros ante fores Basilicæ S. Mariæ fuisse combustos, ut memoriæ prodidit Anastasius, observatque Altaferra in Not. tom. 3. edit. Blanc. sect. 74. pag. 195. Tam quoque Synodi Ephesinæ Codicem a Græcis falsatum, ac Pelagiana hæresi insarsum a Johanne Constantinopolit. ad se missum, quam librum alterum Manichæorum erroribus aspersum, repertum apud Athanasium ejusdem Constantinopolit. Ecclesiæ Presbyterum, ab eodem Johanne accusatum prohibuisse legitur, ac proscripsisse lib. 6. alias 5. epist. 14, & lib. 6. epist. 66. alias lib. 5. epist. 24. Confer & caput *Fraternitati tuæ de Hæreticis* lib. 5. Decret. tit. 7, & Glossam ibid., quo loci S. Anastasio Patriarchæ Antiocheno, de quo Henschenius ad diem 21. April., dubitanti, an Pelagii, & Cælestii ab Ephesino Concilio damnatorum scripta retineri possent, absolute respondit S. Pontifex: *Quomodo poterunt illa Capitula recipi, quorum damnantur Auctores?* Graves etiam in querelas eundem S. Gregorium effusum inspicere licet in epist. 68. lib. 9. ad Eusebium Thessal. Episcopum adversus Græcum Monachum Andream nomine, reque impostorem, quod sermones ipsius aliquos Græce scribere, suoque inscribere nomine non fuisset veritus. Quæ, amabo, quid aliud præferunt, quam Pontificis insitam animo persuasionem de facultate definiendi de factis Dogmaticis Divinitus in persona S. Petri sibi facta? Quam utique factam unicuique Pontifici definiendi de Scriptoribus quibuscumque, suo quoque testimonio non tam probat, quam comprobatur traditione, in Ecclesiâ recepta Johannes Diac. in præf. ad vit. S. Gregorii.

In Monothelitarum res ingredienti nunc mihi peramplius dicendi se aperiret campus, nisi me a pomerio isto proferendo, quos mihi præstitui, orationis fines prohiberent. Attingam igitur paucis, quod rei summa, & caput est, atque de Theodoro P.M., ut loquar, hic a Paulo Constantinopolit. accepto fidei libello, quo ille profitebatur se in fide Rom. Pontificis conquiescere penitus, haud ignorans duplicem, fluxamque geri ab homine fidem, hujus experimentum capere non ex formula missa, sed in facto ipso periculum facere instituit, interrogans proinde, cur damnatam Heraclii Ethesim publicis e locis non abstulisset? *Quamobrem, Fraternitas tua a publicis locis chartam, quæ suspecta, pridemque cassata fuerat, non abstulit?* ex Anastasii Collect. a Sirmondo editis apud Harduinum tom. 3. pag. 613., & apud Oldoinum in Athenæo Rom. pag. 624. Quibus vides perspicacissimo a Pontifice in hæretico homine discretum approbe sensum verborum ab animi sententia, de priori judicium tulisse ex scriptis, de posteriori conjectasse ex factis. Atqui parte de hac optime præ aliis meritis S. Martinus I. Constantis Imper. tam precibus, ac mandatis infractum, quam promissis, ac minis inflexum se se præstitit, tantumque abfuit, ut impium ab ipso conditum Typum comprobare sustinuerit, ut potius Synodo indicta proscribendum cum Ethesi Heraclii sibi sumpserit. Negotii totius seriem exhibet Secretarius 3, & 4, quin ei retexendæ diutius ego immorer, contentus recordari Canonem 18. in Secret. 5. conditum, ubi postquam cum SS. Patrum liquidis testimoniis collata fuissent loca plurima ex veterum Hæreticorum fontibus hausta, explicitis verbis hisce una cum Veteratoribus illis, unaque cum impiis scriptis confodiuntur Monothelitarum Synagogistæ, ipsorumque asseclæ: *Si quis secundum SS. Patres, consonanter Nobis, pariterque fide non respuit, & anathematizat nefandissimos Hæreticos, cum omnibus impiis eorum conscriptis, usque ad unum apicem. . . & eos, qui similia cum his usque ad finem obstinate sapuerunt, aut sapiunt, vel sapere sperantur. . . Et super hæc impiissimam Ethesim. . . Sed & omnia, quæ pro ea impie ab eis scripta, vel acta sunt; & cum illis denovo scelerosum Typum. . . hujusmodi condemnatus sit.* Quibus, per fortunas, quid illustrius in meam proferri sententiam potest, atque

atque ad patefaciendum, quod de Vigilio paullo superius adnotabam, de factis dogmaticis Pontifici deficiente Ecclesiasticam fidem adhibere dumtaxat non sufficere, sed Divinam fore adhibendam? Atque hac de re quidem rursus paullo infra, quum de Martino V. incidet sermo.

Missis in Synodo actis, in sententiam adversus Monothelitas Canone isto ejaculatam concedere Ecclesias ubique gentium omnes Asiæ, Africæ, Galliæ &c. iussit S. Martinus, velut eloquuntur ipsius epistolæ ad Ecclesias Antiochenam, Hierosolymitanam, Thessalonicensem, & Carthaginensem, ad Johannem, Philadelphiam, ad Theodorum Esbuntis in Arabia, ad Antonium Bacathorum in Palæstina prima, ad S. Amandum Trajectensem, & ad omnes Christifideles, apud Sirmondum ex Collectaneis Anastasii tom. 3. oper. pag. 506, in Bibl. PP. Lugd. tom. 12. pag. 842, & apud Harduinum tom. 3. pag. 633, & 933. Ut erat vero sententiæ istiusmodi in Monothelitas latæ a Martino studiosissimus Sanctus Agatho, ad eam recipiendam cogi Synodos in Anglia, Gallia, Italia, & Græcia iussit: qua in re præclarum est, quod imprimis de Synodo Hedfeldensi sub Theodoro Cantuar. an. 679, de qua etiam Scriptor vitæ Theodori apud Mabillonium Sæculo II. Bened. pag. 1036, refert V. Beda lib. 4. cap. 18: *Exemplum Catholica fidei Anglorum Romam perlatum est, atque ab Apostolico Papa, omnibusque, qui audire, vel legere, grantissime susceptum.* Quibus haud obscure significat Anglis suis plane fuisse persuasum, fidei formulam aut a Romano Pontifice accipiendam fore, aut ab aliis adornatam Romano Pontifici acceptam esse debere, ab eoque, ut proba sit, fore probandam; ideo vero probatam evasisse, quod ad Canonem 18. contra Monothelitas conscriptum fuisset approbe exacta. A Synodis Italiæ eandem in sententiam itum, ut a Mediolanensi sub Mansueto eodem anno, discimus ex Synodica ad Constantinum Imper. Actis Synodi VI. inserta apud Harduinum tom. 3. pag. 1051, & seqq., atque a Romana an. 680. Episcoporum 125, inter quos ex Anglia, & Gallia nonnulli suo, & Collegarum suorum nomine subscripsisse leguntur, duabus intelligimus ex Synodicis eidem Synodi VI. act. 4. intextis. Valde notabilia sunt vero, quæ de Synodo ista habet Eddius in vita S. Wilfridi Eborac.

rac. cap. 50. apud Mabillonium Sæculo IV. Bened. par. 1. pag. 671, & par. 2. pag. 550, ac Thomam Galeum inter Scriptores 13. pag. 4. edit. Oxon. 1691 *Ter Beatiff. Agathonis Synodus adversus pravisates hæreticorum cum 125. orthodoxis Episcopis constituta est, ex quibus unusquisque pro sua Provincia, & Civitate veram fidem confessus est, & subscriptione sua confirmavit.* Quod subinde a S. Wilfrido signatim præstitum significat, præ oculis vero habitum prælaudatum Canonem 18. Concilii Lateranensis nullus dubito. Ad Latinos accedendi officii admoniti Græci a S. Agathone, tantum abest, ut ad obliſtendum animum obduratum induerint, ut potius ad obediendum promptissime se observantia, voluntateque comparaverint. Nam in Constantinopolit. III., sive Synodo VI. congregati Act. 2, & seqq. cum S. Agathonis Synodicis, ac SS. Patrum testimoniis Eutychianorum, ac Monothelitarum collatis impiis assertis, ex ipsorum scriptis collectis, Act. 14, & seqq. hæc omnia scripta tanquam Apostolicæ Sedis doctrinæ dissona, ac SS. Patrum traditioni adversa cum suis Auctoribus diro sunt anathemate damnata, & proscripta: eademque pariter damnationis sententia confixi libelli Mennæ ad Vigilium, atque Vigilii ad Justinianum Imp., ac Theodoram Augustam, ut qui falsati, depravatique fuerant a Synodo deprehensi.

Ad Hispanos quod attingit Episcopos, reliquos in Occidente nempe, ad quos horum nihil adhuc pervenerat, a S. Leone II. Synodi VI. Actis missis ii subscribere jussi sunt, iteratoque a S. Benedicto II, qui vacantem illius locum impleverat. Atque Hispani quidem Antistites, qui hyemali tempestate præpediti convenire in unum prius nequiverant, ut ipsi met in Concilio Toletano XIV. Can. 2, & 3. testatum reliquere, ne S. Leonis II. litteris minus detulisse, minorisque duxisse mandata videri possent, separatim tamen subscripsisse, atque in propria unumquemque Dioecesi pro officio præstitisse, ut præfatis Synodi VI. actis sua dependenter observantia, eodem loci omnium fide confirmatum voluere. Quum vero Apologiam quamdam adversus hæreticos a Juliano Toletano adornatam, omniumque calculo approbatam, ad S. Benedictum II. examinandam, probandamque direxissent, eaque perlecta jussisset Pontifex dicta quædam de SS. Trinitate,

de.

deque tribus in Christo substantiis explicari, siue emendari, ei morem, ut par erat, gerens Julianus Apologetico altero elucubrato, facere satis, fidemque liberare suam, atque ab omni vel levi abstergere suspicione curavit. Desiderantur hæc quidem S. Benedicti litteræ, earum tamen sit mentio in Concilio Toletano XV. an. 688. celebrato apud Harduinum tom. 3. pag. 1761, e quo ad S. Sergium I, qui S. Benedicto II. post Johannem V, & Cononem successerat, Apologetico, secundo a Juliano adornato, misso, rationem doctrinæ reddentes, ullo absque errore, Catholico sensu dici potuisse: *In Deo Sapientiam ex Sapientia, Voluntatem ex Voluntate* procedere, & *In Christo Dei Filio tres esse substantias*, quæ duo a S. Benedicto II. distincte notata fuerant, conglomeratis ex SS. Patribus Athanasio, Augustino lib. 15. de Trin. cap. 20. (quem locum affert quoque Magister Sent. lib. 1. dist. 5.) lib. 83. Quæst. q. 80., in Enchir. cap. 54., de Symbolo, & de fide ad Petrum, Cyrillo Alexand. in Scholiis de Incarn. Verbi in edit. Græco-Lat. Paris. tom. 5. pag. 779, Ambrosio, Fulgentio, & Isidoro lib. 1. de different. nat. capp. 6. & 26. testimoniis, explicare, & comprobare conati sunt, ita videlicet, quod sicuti recte dicitur *Deus de Deo, Lumen de Lumine*, idest Deus Pater genuit Filium Deum, Deus Lumen genuit Filium pariter Lumen, non secus eodem Catholico sensu dictum intelligi oporteret Pater Sapientia, & Voluntas genuit Filium Sapientiam pariter, & Voluntatem. Substantiæ quoque nomen, quod ad alterum pertinebat caput, pro naturæ, aut essentiae significatione, siquidem usurpari consueverit, & voces abstractæ formam significantes sæpe pro concretis veterum Scriptorum abusu sumptæ quandoquidem sint, eodem proinde sensu, atque Catholico plane, tres dictas in Christo D. substantias accipi commode posse. Eo ergo Apologetico accepto, S. Sergius expositionem in eo traditam approbasse, atque Concilio Toletano XV, cui idem Apologeticus insertus est, & probatus evasis, Apostolicæ robur auctoritatis contulisse fertur apud Rodéricum Tolet. lib. 2. cap. 3. Ad hæc in Concilio Toletano XVI. anno 693. Catholico iterum, eodemque sensu exposita sunt Apologiæ primæ verba, illa videlicet *Sapientiam ex Sapientia* &c. intelligenda esse in concreto, velut loqui

loqui solent Logici , non secus atque ista *Deus de Deo* &c. ; verba illa vero *Tres in Christo substantiæ* accipienda fore de substantiis nedum completis , uti de Natura Divina, sed etiam de completis veluti de Anima, & Corpore, ex quibus coalescit Homo, atque ex his tribus Homo - Deus . Quam demum in rem adeundi Rodericus Tolet. lib. 3. cap. 14, Baronius ad an. 688. n. 3, & seqq., Henfchenius in vita S. Juliani Tolet. ad diem 8. Martii, Combesius in hist. Monothel. dissert. apolog. pro actis Synodi VI, Pagius ad an. 685. n. 6, Sommier hist. dogm. lib. 8. cap. 17, & Cennius de Antiq. Eccl. Hisp. dissert. 4. cap. 3.

Atque huc quidem, ne in Flaccium Illyricum modo quæstionem moveam , a quo perquam similis criminatio, parique spiritu producta est in libro isto titulo insignito : *Unanimis consensus primitivæ Ecclesiæ de non scrutando Divinæ generationis Filii Dei modo*, Pheropponum, larvatum hoc est Jo: Clericum petere liceat, qui in animad. ad S. Augustini lib. 1. de Trinit cap. 4, & lib. 7. cap. 4, lib. de Agon. Christ. cap. 20, & ad lib. 13. Confess. cap. 11. eo impudentiæ devenit, ut in Theologos de schola suam exacquare stulum, eosque nedum in culpam vocare non sit verius, ideo quod post Nestorii, Eutychetisque enatas hæreses ad explicanda SS. Trinitatis, & Incarnationis Dom. mysteria novas induxerint voces, sed imo SS. Ecclesiæ Patres, ac S. Augustinum quammaxime lacefcere, & proscindere ideo non erubuerit, quod post Arii, & Sabellii errores exortos novarum se vocum auctores dederint, quum sententia quidem sua non alias usurpare fas sit loquutiones, quam illas, quas sacra in Scriptura consecratas conspiciamus. Nolo quidem, nec opus puto, multis cum homine contendere, cui ita periit frons, ut hæc agere non puduerit, Ecclesiæ nempe Magistris culpare, ac Discipulos, quod non faciunt, nisi de Socini, & Arminii Proseucha sectatores, ac Clerico similes Episcopus, Limborchius &c. Ad ejus calumnias, ac contumelias retundendas Vincenium Lirin. voco primum, qui novarum quidem abusum vocum in hæreticis ipsis hisce castigavit verbis, at quibus vicissim Catholicos egregie commendat : *Catholicorum hoc proprium deposita SS. Patrum, & commissæ servare, damnareque profanas novitates.* Hæc pro Theologis : quid pro ipsis Patribus ? Nunquid hi novas

Part II. Tom. V.

R r

usur-

usurpando loquutiones pro libitu, pro arbitrio, pro ingenio privato id egere, qui una egere ratione hæreticorum dolos evertendi? Pro omnibus sic S. Augustinus ipse lib. 7. de Trin. cap. 4. necessitatem usurpandi novas aliquando dictiones hisce efferens tam veris, quam liquidis verbis: *Fateamur loquendi necessitate parva hæc vocabula, quum opus esset copiosa disputatione adversus insidias, vel errores hæreticorum.* Cæterum si necessitas nova peperit in Theologia vocabula, non utique novitatem in Religionem induxit dogmatum: *Quoniam res antiqua novum nomen accepit, non vocabulo novo novæ rei virtus accessit:* Verba sunt, quæ Clerico recordari oportebat, Vigilii Tapfenſis in disput. S. Athanasii cum Ario n. 11. tom. 2. hujus oper. pag. 634. Confer, qui multis Clerici temeritatem comprimit, Cl. Muratorium de Ingen. moderat. lib. 2. cap. 17. Bene igitur, optimeque cessit, quod voces nonnullas, cum veteres, tum novellas, quibus de SS. Trinitatis, Divinæque Incarn. Myſteriis loquens Julianus Tolet. abuti videbatur, Catholicum juxta sensum explicare Rom. a Pontifice justus sit.

In viam, & ordinem vero ut modo redeat oratio, ac brevitate, qua fieri poterit, operis absque dispendio, utar, quin meo tamen abutar otio, & alieno, quum Felix Urgellitanus, postquam ab Hadriano I. ad bonam regredi frugen compulsus fuisset, ad pristinum tamen paullo post ingenium relapsus, ideoque cum Eli-pando Toletano a Synodo Francofordiensi damnationis sententia fuisset perſtrictus, ab Alcuino epistola accepta, qua efficacissime ad sanum se se recipere sensum exstimulabatur, pro beneficio respondens epistolam dedisset ei pristini erroris refertissimam, epistolam hanc ad Leonem III. misit Alcuinus, ut de eadem dijudicaret, ex eademque Auctorem dignosceret. Ergo Pontifex Synodo Romæ actum indicta, quæ ideo in an. 799. incidit, Epistolam quidem nefaria hæresi aspersam proſcripsit, Felici vero diem præfixit, quo, ni resipisceret, atque hæresim revocaret, evoluti, anathemate perſoſsum, & ab Ecclesia projectum se sciret. Resipiscere visus est (reapse ne vero, dubitatur valdequam, qua de re Cointius tom. 7. Aunal. pag. 503, & Trellundius Hafniensis in dissert. de hæresi Adoptiana sect. 3. apud Vogtium in Bibl. hist. hæresiologia

gica pag. 345.) conscriptaque fidei confessione, in Synodo Aquigranenſi an. 799. ſuæ valedixit hæreſi, ad eideſdem valedicendum Leonis III. auctoritate ſe compulſum affirmans apud Harduinum tom. 4. pag. 927, & 930. Ad omnem ſuis a libris avertendam invidiam, a Stephano III. eorundem approbationem eſiligaſſe Ambroſium Autpertum probat ipſius præſatio, quæ epistoſa eſt ad Pontificem, Commentariis 10. in Apocalypſim præfixa in Bibl. PP. Lugd. tom. 13. pag. 403. Ea S. Nicolao I. univerſim animo inſita erat, arctæque inſerta ſententia, eo ipſo Pontificem M. iure poſſe aliena prohibere ſcripta, & proſcribere, quo potis eſt Apoſtolicæ Sedis, ne poſthabeantur ſcripta, diſtrictè præcipere: *Si ipſorum*, de Romanis Pontificibus loquens in epiſt. 42. ad Galliar. Episcopos apud Gratianum diſt. 19. Can. I. *Si Romano-*
rum, & Harduinum tom. 5. pag. 592. *Si ipſorum*, inquit, *de-*
creto ceterorum Opuscula tractatorum approbantur, vel reproban-
tur, ita ut quod Sedes Apoſtolica probat, hodie teneatur acceptum,
& quod illa repulit, hæc ſenus inefficax habeatur, & quanto potius,
quæ ipſa pro Catholica fide, pro profanis dogmatibus repellendis,
pro variis, & multifariis Eccleſiæ neceſſitatibus, & fidelium mo-
ribus diverſo tempore ſcripſit, omni debent honore præferri, &
ab omnibus prorsus, in quibuslibet opportunitatibus, diſcretionem,
vel diſpenſatione magiſtra, reverenter aſſumi. Generali ex hæc
 regula, qua librorum omnium, Auctorumque cenſuram uni Apo-
 ſtolicæ vindicat Sedi, gradum ad facta particularia faciens, argu-
 mentum deſumit in epiſt. ad Carolum Calvum apud Ivonem par.
 4. cap. 164, Baronium ad an. 878. n. 62, & Harduinum tom. 5.
 pag. 353. cum gravi culpæ Johanni Erigeux Scoto deputandi, quod
 Apoſtolica Sede inconſulta S. Dionyſii Areopagitæ libros in La-
 tinum transferre auſus fuiſſet, quodque pejus eſſet, ab ejus doctri-
 na plurimum oppido deerraret, tum culpabilis negligentia Gal-
 los Episcopos traducendi, quod Apoſtolicam Sedem de verſione
 hac eſt veſtigio certioreſcere facere diſtuliffent, librum propterea exa-
 minandum actuum ad ſe transmitti præcipiens: *Relatum eſt Apo-*
ſtolatui noſtro, quod Opus B. Dionyſii Areopagite ... quidam vir
Johannes, genere Scotus, nuper in Latinum tranſtulerit. Quod jux-
ta morem Nobis miſſi, & noſtro debuit judicio, approbari ... Itaque

quod hactenus omiffum eſt, veſtra induſtria ſuppleat, & Nobis præfatum Opus ſine ulla cunctatione mittat: quatenus dum a noſtri Apoſtolatus iudicio fuerit approbatum, ab omnibus incunſtanter noſtra auctoritate acceptius habeatur.

Nolim tamen ex his, ut quis S. Nicolao I, cui pares in ſententia præverant S. Martinus I. in Synodo Later. ſecret. 3. apud Harduinum tom. 3. pag. 771, S. Agatho in epiſt. ad Heráclium, & Tiberium Imp. Synodi VI. act. 4. inſerta ibid. pag. 1099; & Hadrianus I. in Apolog. ad Carolum M. cap. 36, ideoque & his pariter, obtrectandi licentiam temere arripiat, quod præfata opera, quæ ſub S. Dionyſii Areop. nomine circumferuntur, tanquam genuinum ipſi foetum adſcripſerint: nam, ut verbo dicam, non de operis quidem Auctore quæſtio a S. Nicolao agebatur, ſed de operis doctrina dumtaxat iudicium ad Apoſtolicum Tribunal is avocabat. Cæterum enim multi etſi oppido non deſuerint, qui prælaudata opera S. Dionyſio Areop. vindicanda ſuſceperint, atque de ceteris ut ſileam, in quibus Natalis ad Sæcul. I. diſſert. 21, nuper hanc in ſe ſpartam aſumpſerint Claudius David in diſſert. de S. Dionyſio Areop. Pariſ. 1702, & Laurentius Cozza in Vindic. Areopag. Romæ eodem anno, pſeudo-epigrapha tamen, atque conſicta, non utique a S. Gregorio M., uti perperam ſuſpicatus eſt Dodvellus lib. de jure Laicor. Sacerdotali pag. 389, a quo, impenſe quamvis S. Dionyſium Areop. laudibus celebratum memoret Hadrianus I. loc. cit., atque hom. 34. in Evang. S. Dionyſii mentio fiat, ſuſpicionem hanc amovenſ Petavius lib. de Angel. pag. 107, ac Morinus de Sacr. Ordin. pag. 421, conſicta, inquam, fuiſſe ab Auctore vel Sæculi IV, ut putant, minus vere tamen, Pearſonius in Vind. Ignat. lib. 1. cap. 10, & Beveregius in Not. ad Synodicon pag. 72, ſed veriſimilium ab Auctore Sæculi V, quem vel Apollinariftam cogitat Eduardus Stillingfleetus in reſp. ad Creſcii apologiam de Fanaticismo Rom. Eccl. cap. 2, ita cogitandi anſa arrepta ab Eulogio apud Photium Cod. 230, Leontio de ſect. lib. 8, Facundo lib. 1, & Liberato Brev. cap. 10, notantibus peſſimo id poſitum in more fuiſſe Apollinariftis ſpecioſo SS. Patrum, ac Pontificum nomini opera pleraque ſupponere, vel Eutyſchianum arguit Morinus, nec incongrue utique, ſiquidem

dem in Collat. Constantinopoli habit* an. 533. apud Harduinum tom. 2. pag. 1163. Severianis opera ista sub S. Dionysii nomine proferentibus Catholici Episcopi indubitanter repofuisse leguntur pseudonyma esse profecto, conficta, inquam, pugnant Launojus in Judicio de lib. S. Dionysio huic inscriptis, Labbæus de script. Eccl. tom. 1. pag. 766, Nourrius in appar. ad Bibl. PP. disert. 10, Morinus de Sacr. Ordin. loco ind., Habertus in Archieratico, Schelestratus Antiq. illust. par. 2., Chifletius in disert. singul., Tillemontius tom. 2. pag. 437, Scriptores Ephemeridum Paris. an. 1702. pag. 304, & seq., atque ex Protestantibus Dallæus lib. 1. de script. Dionys., & Ignat., Ufserius in disert. de Dionys., Tentzelius Exercit. select. tom. 2. pag. 285, Ittigius de PP. Apostol. pag. 143, & in hist. Sæcul. I. pag. 25, aliiq. apud Fabricium Bibl. Græcæ tom. 5. lib. 5. cap. 1. pag. 4.

Atqui gemino altero ex capite dignum Johannes Erigena se dedit, qui prava ob dogmata de proprio, scripto, verboque sparsa, a S. Nicolao I. ignominie stigmatem notaretur. Librum porro ab Erigena de Prædestinatione capitul. 19. inscriptum proscripsit Synodus Valentina trium Provinciarum Lugdun., Vienn., & Arelat. an. 855. Can. 4, & 6, atque hujusce proscriptionis sententia probata, acceptaque subinde evaserat Synodus Lingonensi, & Tullensi an. 859. ex duodecim Provinciis Can. 4. apud Harduinum tom. 5. pag. 90, & 498. Utrique ergo Canon, una cum aliis ad se missis, S. Nicolaum Apostolicæ auctoritatis invictissimum adjecisse robur, fide affirmant sua S. Prudentius in Annalibus ab Hincmaro laudatis in epist. 24. ad Egilonem, & Annalista Bertinianus ad an. 859. Idem rursus intelligens hominem quietis impatientem, parvique admodum perveracem a turbis in Parisiensi Academia ciendis non cessare, ejusque alumnis errores afflare suos conari, & studere, novis Carolum Calvum Regem litteris monuit, ut Erigenam Romam coercendum mitteret, nec ultra deinceps Parisiis cum morari pateretur; *Dilectioni vestræ* inquit, *vehementer rogantes mandamus, quatenus Apostolatus nostro prædictum Johannem representari faciatis, aut certe Parisiis... in studio morari non sinatis, necum tritico sacri eloquii grana lolii, & zizania miscere dignoscatur.* Hæ Pontificis erant vigi-

vigilantissimi partes, quas pari studio perficiendas adorſi S. Leo IX, & Honorius III, ejuſdem Johannis Erigenæ librum de Eu-
chariſtia prior quidem in Synodo Vercellenſi an. 1050. damnavit,
igniſque pœna dignum cenſuit, qua perinde cum Berengarii li-
bro ſimilis argumenti a Nicolao II. in Romana Synodo an. 1059.
affectus eſt, teſtibus S. Lanſfranco Cantuar., & Guitmundo Averſ.;
poſterior vero Conſtit. edita apud Albericum in Chron. ad an-
num 1225. pag. 514, ſive epiſtola ad Gall. Episcopos librum
Erigenæ alterum inſcriptum *ſuper quibus præſcriptis de Naturis*, in Sy-
nodo Senonenſi paullo ante proſcriptum, ubicumque reperiri poſ-
ſet, ad ſe quamprimum, ſi fieri ſecure quiret, deſerri ſolemniter
comburendum juſſit, ſin autem, ab iſtis infra dies 15. publico in
foro igne conflagrari, pœna excommunicationis propoſita, injun-
xit. De Jo: Erigenæ fatiſ adiſis inter alios, ſi libet, Cl. Vitorum
par Natalem Alex. hiſt. Eccl. ad Sæcul. IX, & X. diſſert. 14. §. 4,
& Anſelmum Pariſium Canon. Regul. S. Auguſt. in diſſert. de
Johanne Scoto ad calcem tom. 3. perpet. ſid. Nec leve denique
Pontificio huic juri proſcribendi libros comparatur ſubſidium ex
epiſtola S. Nicolai ad conſulta Bulgarorum, ubi cap. 103. falſæ
Religionis libros, noxios, profanos, blaſphemosque præſertim
Saracenorum haberi, legi, ac retineri interdicit, ſed imo flam-
mis tradi conflagrandos injungit.

Photio, ob incredibilem audaciam, & ſuperbiam, qua ela-
tus, & inflatus contra S. Nicolaum I. cogere Synodum, atque
proferre ſententiam non exhorruerat, poſtquam aqua, & igne fuiſ-
ſet interdictum, ejuſdem librum maledictis in Apoſtolicam Se-
dem, ac mendaciis in Romanam Eccleſiam reſertiffimum, in judi-
cium ad ſe delatum a Baſilio Spathario, & Johanne Cæſareniſi Me-
tropoliſta, vicibus deſungentibus Baſilii Imper., & S. Ignatii Pa-
triarchæ, exactiſſimum poſt examen, ab Hadriano II. Romana in
Synodo an. 868. inſignis ignominie cenſura fuiſſe conſoſſum, pro-
terendum cunctorum pedibus ſuppoſitum, igneque demum con-
flagrandum, ac diſperdendum publico in foro projectum, reſert
apud Baronium ad cit. an. n. 34, & ſeqq. in hoc Pontifice Ana-
ſtaſius Bibl. Qui perinde in præſat. ad Synodum VIII. teſtis acce-
dit, parem, quam Romæ fuerat expertus, ac promeritam ignis
pœnam

pœnam eidem Photii libro Constantinopoli inflictam fuisse . Ac enim Pontificem ipsum in Allocutione secunda ad Synodum suam apud Harduinum tom. 5. pag. 865. Synodi VIII. aët. 7. inserta præstat excipere : Ergo , inquit , quia nihil ab Hæreticorum , vel Schismaticorum pravitatum commentis Codex iste actu non dissentit . . . Et totus mendaciis , & perversis dogmatibus fabricatus existit , hunc æque , ut illa , perpetuo anathemati duco subdendum , & contemplantibus cunctis , & præcipue Græcorum legatis , igni traditum , in cineres quoque conjicio redigendum : quatenus ne simpliciorum puritas illius contagione polluat , ne fidelium mentes hujusmodi collusionine quoquo modo sauciantur . Cui severæ sententiæ conformes apprimè Canones eidem subjectos 1 , 3 , 4 , & 5. recolere ibidem juvat pag. 868 , & seq. Juxta hæc itaque , expressamque Hadriani eodem loci jussionem , eadem in Synodo VIII. aët. 8. Photianæ pseudo-Synodi Exemplaria , quotquot reperiri potuere , flammis absumpta sunt , in eaque , ac Photium jussi proferre anathema omnes , qui ipsius olim a partibus stetissent , atque a Legatis Apostolicis relectum est Caput 20. Concilii Lateranensis sub S. Martino I. Siquis , quo iis omnibus , qui scripta quæcumque supponere , adulterare , corrumpere , & interpolare auderent , usque ad obitum , Ecclesiæ aditus intercludebatur , & Ecclesiastica interdicebatur communio . Nec prope , nec procul abhinc Johannes IX. abluit , a quo Romanæ pseudo-Synodi acta sub Stephano VI. aliis VII. adversus Formosum in Synodo Romana an. 900. habita , ut observat Mabillonius tom. 1. Musæi Ital. , non an. 904 , quo in Concil. Collect. consignari solet , fuisse abrogata , flammisque abolita , memoriæ proditum est a Sigeberto in Chron. ad an. 903 , & Baronio ad an. 904. n. 3 , & seqq. , & ab Harduino tom. 6. par. 1. capp. 1 , 3 , & 7. pag. 487. , & seq. : ex quibus adparet perperam laborasse Panvinium in Annot. ad Platinam pag. 112 , ut ab hac labe Stephanum liberaret , cujus præterea de flagitio perpetrato in Formosum fidem faciunt Auxilius Presbyter lib. 2. de ordinat. Formosi cap. 30. Bibl. PP. Lugd. tom. 17. pag. 21 , Luitprandus Diac. lib. 1. cap. 8. apud Muratorium tom. 2. Script. Ital. pag. 430 , Anonymus Beneventanus auctor cœvus alter apud Camillum Peregrinum pag. 148 , & Hermannus Contractus in Chron. ad an.

896. apud Canisium tom. 3. antiq. lect. pag. 256. Videtis, & Pape-
brochium in Con. Chron. hist. dissert. 31., quæ est de Formosi fru-
ctuoso ad Bulgaros Apostolatu, deque ejus laudabili Pontificatu.

Rem scitu haud indignam, si rata, fixaque testium fides undi-
que constaret, ex Johanne Presbytero in Chron. Gemblacensi Sæ-
culi XIV. Scriptore, & Johanne Bruisthemio Scriptore Sæculi XVI.
de S. Leone IX. refert Johannes Chapeavillæus tom. 2. Collect.
Script. rer. Leodiensium in Not. ad Synodum Moguntinam an-
1049. cap. 1, nempe hoc in Concilio S. Servatii (quem secun-
dum, atque a priori homonymo altero distinctum putant Hadria-
nus Valesius in præfat. ad duos posteriores Tomos rer. Francic., &
Pagius ad an. 407. n. 21, & seq., ac 451. n. 5, & seqq., contra
vero unum, eundemque pugnant Henschenius in Exegesi de Epif-
copatu Tungrensi cap. 3, Longevillæus hist. Gall. tom. 2. pag.
64, Ruinartius ad S. Gregorii Turon. lib. 2. cap. 5, & Sollerius
ad diem 10. Aug. pag. 537.) S. Servatii, inquam, Tungrensis
Episcopi lectis gestis, & scriptis, eisdemque diligenti examini
subjectis, ab eo calculum adjectum fuisse suum: ex quo tempore
eadem Sancti viri acta, deque supputatione annorum scripta ma-
gni habita fuerint. Confer Henschenium in vita S. Leonis IX. ad
diem 19. April. §. 2. Scripsisse idem S. Servatius contra Valenti-
num, & Marcionem, Actium, & Eunomium fertur, sed opus in-
juria temporum perijt, de quo consuletis hist. litter. Gallic. to. 1.
par. 2. pag. 242. Ab eodem S. Leone IX. Berengarii litteras, qui-
bus Jo: Erigenam extollebat, Paschasium impetebat, & communi
de Eucharistia fidei adversa sentiebat, in Synodo Romana fuisse
damnatas refert S. Lantfrancus in Comment., de se subjungens
a Pontifice jussu suspicionem impactæ a Berengario hæresis om-
nem abstergere, fidemque dilucide exponere suam; damnatum
etiam ob hæreticos ex Erigenæ libris haustos sensus Berengarium
in Synodo Vercelleni subtexit cap. 4. Exinde Ascelinus, Beren-
gario rescribens, arrepta opportunitate, his eum objurgat, casti-
gatque verbis: *Pudeat te patrocinari librum, quem Vercellis in
plenaria Synodo damnatum, te quoque propter eum hæresis macula
notatum audiimus.* Ejus vero exemplo postea a Synodo Parisi-
ensi cum libro Erigenæ litteras Berengarii ad Clericos Carnoten-
ses

ses exaratas errorum cumulatissimas damnatas fuisse , auctor est Durandus Troarnensis lib. de Corp. , & Sang. Dom. par. 9 : cujus de Concilii epocha confer observationem Cofsartii apud Harduinum tom. 6. pag. 1022 , & seq. Berengarius tandem in errorem toties relapsus , a S. Gregorio VII. in Synodo Romana VI. voce , scriptoque juramento firmatis, hæresim ejurare, fideique professionem , juxta formam Pontifici probatam , emittere , quam refert S. Lantfrancus lib. de Corp. , & Sang. Dom. cap. 11 , compulsus est . Versipellis scilicet vir , sibi que non constans fidei formulam ab Humberto Nicolai II. jussu adornatam caussatus , sibi ex sententia , & conscientia fidei professionem edere , ut fas fieret , efflagitaverat : id ei indultum in Synodo Romana V; quia vero confessio ab eo suo ex penu elaborata permultis Synodi Episcopis haud fecerat satis , ut qui optime noverant genus hujus hominibus non insolens esse speciosis larvis hæreses suas obtegere , proinde operæ fuit pretium , atque prudentiæ opus in Synodo Romana VI. ampliorem ei præscribere formulam , juxta quam intimam fidem aperiret suam . Non plura de Berengario , de quo alibi plurimum disputare me memini , adiri que poterit Cl. Mabillonius de eo fuscè disserens in præfat. ad Sæcul. VI. Bened. §. 2 , & seqq. , nec non Analect. tom. 2. pag. 461 , quo loci fidei formulam exhibet in Synodo Rotomagensi editam de Eucharistia contra Berengarii hæresim sub hac epigraphe : *Corde credimus , & ore profite-mur &c.* , cuique consimilem confessionem profiteri tum temporis piissimis viris quibusque , ac Præsulibus , quales S. Bruno Cartusianorum parens , & Gervasius Remensis Archiep. , in more positum observat .

A S. Gregorio VII. in Synodo Romana , quam distinctè non indicat , ad deponendos Presbyteros incontinentiæ deditos potissimum indicta , epistolam , quæ ab Eccardo tom. 2. Script. med. xvi pag. 23. , & a Martenio tom. 1. Collect. ampl. pag. 449. edita est , Epistolam , inquam , S. Udalrici Augustani Episcopi ad Nicolaum Papam olim exaratam de Nuptiis Presbyterorum , & Capitulum Paphnutii de eodem argumento proscripta fuisse refert Bertoldus Constant. in append. ad Hermannum Contractum ad an. 1079. apud Urstisium tom. 1. pag. 349. Ut hæc vera sint , atque

Pars II. Tom. V.

S s

Sozo.

Sozomeni quidem caput de Paphnutio rejectum in Apologetico pro decretis S. Gregorii VII. in Romana Synodo I. an. 1074. capit. 11. legitur apud Harduinum tom. 6. par. 1. pag. 1533, hinc Pontifex certe digno se maudandum elogio præbuisse, ob egregium, quo ad pristinum decus Ecclesiasticum ordinem erigendum, restituendumque allaboravit, studium. Verum quæ de S. Paphnutio Nicænis Patribus intercedente, ne Canone Clericis majoribus Matrimonii usus interdiceretur, narranti Socrati lib. 1. cap. 18, & ex hoc rotidem verbis id pene refingentibus Sozomeno lib. 1. cap. 22, Epiphanio Schol. lib. 2. cap. 14, Nicephoro lib. 8. cap. 19, & Gratiano dist. 31. Can. 13. *Quoniam*, fidem præpropere non adhibendam optime suadet Cl. Thomassinus vet., & nov. discipl. tom. 1. par. 1. lib. 2. cap. 60. n. 15, atque persuadet efficacissime plurimis, invictissimisque, quæ toto eo capite congerit, SS. Patrum Græcæ Ecclesiæ ante, & post Nicænam, Synodum utroque pede, velut in pulvere defixo, pro Clericorum majorum Cælibatu pugnantium testimoniis: quibus jungenda pleraque alia, quæ in Animad. ad eum locum suppeditat doctiss. Mansius pag. 644, & seq. Quam perinde in rem præ aliis expressissima sunt S. Epiphanii hæc. 59. n. 4, & lib. 3. expolit. fidei n. 21, Eusebii Cæsar. demonstr. Evang. lib. 1. cap. 9, & S. Hieronymi lib. 1. contra Jovin. de Græca Ecclesia loca. Et certe Socrati, qui suam ex Sabino Macedoniano, ipse Novatianus, historiam magnam partem hausit, atque Sozomeno (ut de ceteris ex hisce duobus narrationem hancce mutuantibus sileam) ejusdem cum Socrate sectæ, qui ex Socrate historiam confarcinavit suam, in omnibus fidere velle, periculi, ac imprudentiæ rem plenam esse docuit S. Gregorius M. lib. 6. epist. 31, asserens Sozomeni historiam ob multa mendacia, quibus scatur, a Romana Ecclesia non recipi: quo loci S. Gregorium loquutum de Socrate putat Hofmannus in Lexico; de Theodoro potius existimant Canus lib. 11. cap. 6, Combesius tom. 1. Bibl. Concion. pag. 16, Valesius ad testimonia de Sozomeno, & Garnerius in auctuar. Theodoretæ pag. 192: sed reapse loquutum de Sozomeno defendunt Anastasius Bibl. in præf. hist. Eccl., Baronius ad an. 434. n. 4, & in Martyrolog. ad 23. Decemb., Vossius de hist. Græc., Miræus de script. Eccles., Raynaudus advers. Cyriacos,

cos, & Quesnellus in dissert. 1. de vita, & gest. S. Leonis M. n. 12. pag. 420. edit. Baller. : ac post S. Gregorium, in plerisque oppido scriptorem utrumque deceptum diffiteri non sustinent Vallesius passim in Not., Quesnellus loc. cit., & dissert. 6. n. 10, & seqq. pag. 1078, & Ballerini ibid., Hermantius in præfat. ad vit. S. Athanasii, Tillemontius tom. 6. pag. 504, & seq., Moynius ad var. Sacra pag. 783, ac Dupinius in Bibl. script. tom. 4. pag. 80. Unde patet non fuisse, cur illam de Paphnutio Socratis narrationem cum plausu exciperet Natalis, multoque minus cur Croxus in hist. Christian. Indiar. pag. 253. Menessio insultandi ansam avide arriperet, quod in Synodo Diamperitana aët. 7. Decreto 16. *In Ecclesia, dixerit, a suis usque exordiis, Clericos sacris muneribus addictos continentiam, castitatemque servare consuevisse*. At enim Croxus dignis pro temeritate vapulat a doctiss. Facundo Raulin in dissert. 4. n. 100, & seqq., ac in Not. ad cit. Decret. n. 174. Quamquam etsi vera Socrates, & Sozomenus narraſſe darentur, Clericali tamen Cœlibatui unius Paphnutii pro œconomia quadam erga Clericos animi propensionem nihil officere probe compertum habebit, qui ante Nicœnam, ac post Synodum in oppositam Patres confluisse sententiam, proque Cœlibatu firmiter stetit se haud ignoret.

Ad Epistolam S. Udalrici quod attinet, de ea idem esset, si veritate eadem inniteretur, instituendum sane iudicium. Atque mirum profecto quanto Epistola pretio, etsi haud levi suppositionis morbo laborans, venerit Protestantibus, iisque alioqui certiora, quæque monumenta dubiæ fidei arguere assuetis, quibus ad saporem apprime faciebat, pro ingenio, quo fervent, nefasto Murcia potius litandi, quam Deo: nam eam protinus in lucem protraxit Flaccus Illyricus, subindeque Catalogo suo testium verit. inseruit: Jo. Foxus in Actis, & Monum. Eccles. tom. 2. pag. 456. descripsit: Jo. Wolfius inter Lectiones memorab. tom. 1. pag. 247. locum fecit: Georgius Callixtus appendici libri de conjugio. Cler. pag. 625. apte adnexuit; Zuerius Boxornius hist. univ. ad an. 874. inseruit: Eduardus Brovnius in append. ad fasciculum rer. expend., & fugiend. rejecit: Gnillelmus Mornæus recitat lib. 2. de Euch. cap. 11: Jo: Fridericus Majerus, & Samuel Sche-

Wigius an. 1703, & 1706 iterato evulgarunt notis adauctam: Jo. Albertus Fabricius laudibus exornavit in Bibl. med., & inf. Latin. lib. 8. pag. 305. edit. Patav. 1754., quo loci diligentiam laudat Protestantium hac in epistola posteritati servanda, quos ex ipso modo commemorabam. Quam vero inepte, omnique absque delectu faciunt? Epistolam enim ut vindicent, duos comminiscuntur Udalricos Augustanos Episcopos, alterum S. Nicolao I. coævum ab an. 848. ad an. 867, alterum Juniorem ab an. 923. ad 973, ac priori quidam epistolam tribuunt, veluti Cavaeus, Oudinus, & Fabricius. Alii potius, quam ad S. Nicolaum I., ad Nicolaum II. hujus nominis, a quo pro Clericorum celibatu instaurando pro viribus pugnatum nemo nescit, epistolam inscriptam malunt. At neutri certe nuncupatam evincit temporis ratio: nam S. Nicolaus I. annis viginti, ac tribus amplius fini concesserat suo, antequam S. Udalricus nasceretur, qui nempe an. 890. natus diem obiit an. 973, qua de chronologia adeundi Surius ad diem 4. Jul., Mabillonius Sæculo V. Bened. pag. 413, Pinus in act. SS. Jul. to. 2. pag. 97, Pagius ad ann. 908. n. 5, ac 924. n. 3, & seq., ac Mansius ibid. in Not. tom. 15. pag. 617: Nicolaus II. vero nonnisi an. 1058. Pontificatum adeptus est, idest quinque supra octoginta post annos a S. Udalrici obitu. Ante hunc autem, S. Udalrici alterius mentio apud unum occurrit Auctorem Compilationis Chronologicæ ad an. 973. in Collect. Pistorii tom. un. pag. 732, quæ tamen recentioris additamentum manus videtur, sed de eo altum apud Veteres silentium, ex quo Novatorum deprehendas commentum. Videsis & Velferum in præf. ad oper. S. Udalrici, & in vita pag. 515. Quid quod referente ipso Fabricio Bibl. med., & inf. Latin. lib. 20. pag. 305. ejusdem epistolæ ad S. Nicolaum auctor fertur Volusianus quidam ignotus Scriptor in duobus Codicibus, quorum unum satis vetustum a Jo. Balæo dono datum Matthæo Parkero testatur Jo. Foxus in Martyrolog. Anglic., alterius vero ab eodem Foxo descripti meminit Cavaeus? Quid tandem, quod ea in epistola fingitur S. Gregorius M. revocasse decretum de Clericorum continentia, ac peccatum, quod eo decreto contraxerat, dignis pœnitentiæ fructibus expiasse? Quo nihil profecto excogitari potuit obtusius, a veritateque remotius, siquidem S.

Pon-

Pontificem in Clericali cælibatu asserendo , vindicandoque perpetuum fuisse ex ipsius Dialog. lib. 4. cap. 11, lib. 1. epist. 42, & 50, lib. 3. epist. 26, & 34, lib. 7. epist. 39, lib. 11. epist. 40, & 62, ac lib. 12. in epist. ad S. August. apud V. Bedam lib. 1. cap. 17. ad oculum demonstrant Baronius ad an. 591. n. 19, & seqq., ac Thomassinus vet., & nov. discipl. par. 1. lib. 2. cap. 63. n. 8, & seqq. Confer & Card. Bonam lib. 1. rer. Liturg. cap. 25. §. 16, & Ludovicum Vinc. Gotti in Colloq. Theolog. Polem. colloq. 11. n. 6.

Pœnitet jam me nimiam apinis his extricandis operam impendisse, longiusque forsitan meam extra orbitam excurrisse, in quam ut me nunc recipiam , atque sermoni vela contraham , illud obiter indicabo de Innocentio II, ipsum , statim atque litteris S. Bernardi admonitus intellexisset Arnaldum de Brixia, juncto fœdere cum Petro Abaelardo , cujus disciplinæ se totum dederat , ab erroribus, ob quos ille in Tolosano Concilio an. 1119. Can. 3, ac in Lateranensi II. an. 1139. Can. 23, qui est ipsemet Tolosanus 3. repetitus , & confirmatus , hic vero in Senonensi an. 1140. pessime audiverant , ab erroribus , inquam , dicto , scriptoque disseminandis non cessare , datis eodem an. 1140. litteris ad Sampsonem Remen., Henricum Senon., & ad S. Bernardum apud Harduinum tom. 6. par. 2. pag. 1224. injunxisse , ut præstigator uterque separatim carceribus manciparentur , eorum vero libri erroribus referti , ubicumque fuissent reperti , flammis traderentur conflagranda . Legendæ S. Bernardi epistolæ 188, 189, 190, 191, 192, & 193, qua etiam de re pleraque congestere Gosfridus Clareval. vit. S. Bern. lib. 3. cap. 5, & Otho Frising. lib. 1. de gest. Friderici capp. 48, & 49. Nec unum , nec obscurum hujusce de factis dogmaticis decernendi juris Romano Pontifici incumbentis specimen exhibuit Eugenius III. Enim vero postquam Gilberti Porretani , cui plurium errorum persona imponebatur , delatam ad se causam in Synodo Parisiensi an. 1147. discussisset , eamdemque ob difficultatem ad frequentiore Synodum finiendam dimisisset , hacce re an. seq. habita Remis , Gilberto ad errores ejurandos compulsus , ipsius librum prohibuit , donec emendatus esset . Audiendus , præ Othone Frising. lib. 1. cap. 50 , & seqq., qui Gilberto plus æquo favit , Gosfridus Clareval. in epistola hist. de rebus

rebus gestis in causa Gilberti ad Card. Albanensem apud Baronium ad an. 1148. n. 20, & seqq., ac Harduinum tom. 6. par. 2. pag. 1311, & seqq., ubi Gilbertum in conspectu Pontificis constitutum singulis errorum capitibus sensu, dicto, & scripto renuntiantem in hæc verba introducit: *Si vos aliter creditis, & ego; si aliter dicitis, & ego; si aliter scribitis, & ego*. Quæ plane confessio argumento fuit, cur Gilberti persona quidem immunis a pœna iret, non ita tamen ipsius liber, quem legi, & transcribi, a Pontifice districte prohibitum affirmat: *Nisi prius eum Romana Ecclesia correxisset*: quem ad corrigendum quum se paratum exhiberet Gilbertus, *Ego corrigam*, inquires, *ad arbitrium vestrum*, aptum hoc a Pontifice responsum accepit: *Non vobis hæc correctio committetur*. Quibus ex postremis verbis conjicere profecto licet jampridem religioso in more positam eam prudentiæ refertissimam Regulam, ne damnatorum librorum correctio ipsorum Auctoribus permetteretur. Facit & huc fidei Symbolum hac in Remensi Synodo a S. Bernardo elucubratum, atque Gilberto propositum, ab ipso corde, ore, & manu tenendum, recitandum, & obsignandum: quod in causa fuit, cur S. Doctore S. R. Ecclesiæ Cardinales indignarentur, quod ita in Apostolicæ Sedis, cujus unius est fidei Symbolum condere, jura videretur irrepere: quod de argumento fufius alibi. Ab eodem Eugenio III, dum Treviris confisteret, S. Hildegardis, adhuc in vivis agentis, Revelationum libros, diligenti examine discussos fuisse, S. Virgini licentiam impertitam, ullo absque timore sibi a Deo revelata litteris conscribendi, conscripta in lucem proferendi, ac publici faciendi juris, perhibent Theodoricus Abbas in ipsius vita apud Surium to. 5. a d diem 17. Septemb., Albericus in Chron. ad an. 1141, Tritheimius in Chron. Hirsaug. ad an. 1150, & Johannes Sarisberienfis lib. 1. epist. S. Thomæ Cant. epist. 171: quod & eloquuntur mutux S. Hildegardis, & Eugenii III, nec non Anastasii IV, Hadriani IV, Alexandri III, S. Bernardi, aliorumque dignitate tam Civili, quam Ecclesiastica insignium epistolæ Bibl. PP. Lugd. to. 23. pag. 537, & seqq. Cæterum, quæ contra Monachos Mendicantes sub S. Hildegardis nomine fertur, Prophetiam, ex Thoma Hiberno in Manipulo Florum descriptam a Bzovio ad an. 1415. n. 39, figmen-

figmentorum loco habendam docent Bollandiani in Actis SS. to. 1. Martii pag. 667, ac tom. 3. Maji pag. 504, quo loci fuisse se an. 1660. in Monasterio Bingenfi, ac S. Hildegardis ibidem extantia scripta omnia perquam diligenter perscrutatos, nihil ejusmodi reperisse testantur.

S. Theologiæ ea tempestate quæstionibus oppido plurimis qua novitatum, qua tricarum plenis turbatæ admodum, atque deturpatæ, ut puritati prospiceret, deque propositionibus nonnullis in utramque partem exagitatis, & æquivocis sententiam proferret suam, convocato Parisiis an. 1164, (seu antecedenti, quo eò loci advenisse eum liquet ex epistolis 41, & 49. Registri vulgati a Martenio vet. Monum. tom. 2. pag. 634, & seqq.) ingenti Theologorum cœtu, Alexandrum III. mentem aperuisse suam, Tropos omnes in Theologiam introductos, indisciplinatasque quæstiones interdixisse, quin etiam Mauritio Parisiensi Antifiti easdem ubique a Gallia exterminandi facultatem demandasse non tam, quam dedisse in mandatis, auctor est Chronographus Reicherspergensis apud Pagium ad an. 1164. n. 21. Parisiensi ex hac Synodo non recte putat Harduinus, sicuti neque magis vere Baronius ex Synodo Lateranensi III, datam ad Willhelmum Senon. epistolam, quam Romæ an. 1180, aut inseq. ab Alexandro exaratam probabilius autumat Pagius ad an. 1179. n. 13, quo eam loci exhibet, non secus atque Bulaeus Univ. Paris. tom. 2. pag. 431, & Harduinus tom. 6. par. 2. pag. 1625, qua de epocha ut ut sit, ea Pontifex in epistola propositionem quamdam Petri Lombardi proscribit, proculque ut a Schola Parisiensi abrogetur, advigilare Antifitem illum jubet. In eamdem Innocentius III. semitam ingressus, Parisiensi ab Academia prorsus abigi propositio- nes, quas afflare satagebat Almaricus, præcepit. Quia vero Novator iste Aristotelis libris quibusdam abutebatur, hos proinde cum plerisque aliis de Theologia agentibus, aliisque a Davide de Dinando elucubratis Synodus Parisiensis igne delendos decrevit. Præterea idem Pontifex in Concilio Lateranensi IV. Joachimi Abb. libello adversus Petrum Lombardum edito censoriam adhibuit virgulam, ut sæpe dixi. Quo in Concilio pariter ad tollendas, præcavendasque impofterum hæreticorum tergiversationes, voca-

vocabulum *Transubstantiationis*, ad significandam veram panis; vinique in Christi D. Corpus, & Sanguinem conversionem, jam pridem usurpatum, fidei formulæ cap. 1. *Firmiter* lib. 1. Decret. tit. 1. de *Summa Trinit.* insertum consecravit, suæque auctoritate confirmavit. Quod ei quantam apud Catholicos laudem conciliavit, tantam vicissim apud hæreticos peperit invidiam. Sed & studii hujus, ac sollicitudinis pro fidei puritate, in qua Catholicos retinere satagebat, aestimari pars debet fidei professio, quam ab hæresi revertentibus, ad experimentum de eorundem conversionis sinceritate capiendum, corde, ore, scriptoque proferendam proposuisse lib. 13. epist. 75, & 90. legitur apud Raynaldum ad an. 1210. n. 18, & seqq. Quibus nempe modis tam pastoralis officii partes implebat omnes, quam optime nos docebat ad eas pertinere de libris, de propositionibus, de vocibus definire.

Ut erat pariter Gregorio IX. persuasio ista intime insculpta, Theologicarum Disciplinarum ædificium fore non utique Philosophorum-ruinosis, maleque materiatis fundamentis suffulcendum, bene vero Dei Verbo scripto, & tradito, Synodorum sanctionibus, atque Sedis Apostolicæ decretis eo solidius, quo securius superstruendum, superque statuminandum, proprii is proinde in hac parte juris haud immemor, pro egregia, quam Ecclesiastici gerebat juris universi cura, litteris ad Magistros, & Scholares Parisienses an. 1231. datis, quæ extare dicuntur in magno Tabulario pastoralis Ecclesiæ Paris. quibus similes inter ejusdem epistolas leguntur n. 20. lib. 2. apud Raynaldum ad ann. 1228. n. 29, & seqq., quosdam Aristotelis libros ab Academia illa eliminari, legique ante prohibuit, quam ab Apostolica Sede fuissent examinati, & emendati: *Libris illis naturalibus*, inquit, *qui in Concilio Provinciali ex certa scientia prohibiti fuere Parisiis* (anno 1210. latis in legentes censuris, a quibus proinde Magistros, & Scholares Parisienses, qui in easdem inciderant, absolvendi facultas impertita ab eodem Pontifice an. 1231. Priori Ord. Præd. legitur in Bullario hujus Ord. tom. 1. pag. 33.) *non utantur, quousque examinati fuerint, & ab omni errorum suspicione purgati.* Quinam Aristotelis porro libri a Parisiensi Synodo, atque ab Innocentio III, & Gregorio IX. prohibiti fuerint, quatenus-

que

que prohibitio illa fuerit excipienda, non una Scrip torum sententia est . Metaphysicos asserit Rigordus de gest. Philippi Aug. ad an. 1210; Naturales scribunt Cæsarius Heisterbac. dialog. lib. 5. cap. 22., & Robertus Antissiod. apud Harduinum tom. 6. par. 2. pag. 1994, nec non Petrus de Corbolio Paris. Episcopus in sententia lata apud Martenium Thes. Anecd. tom. 4. Tam Naturales quam Metaphysicos, non Dialecticos, certe prohibuisse Robertus Curthonensis Card. S. Stephani in Monte Caelio, & Innocentii III. Legatus legitur apud Harduinum loco ind. Quin etiam præfatos Aristotelis libros haud absolute legi, sed explicari Parisiensibus in Scholis prohibuit Synodus Parisiensis. A Pontificibus quoque librorum illorum lectionem triennio dumtaxat suspensam fuisse, siue veritam perhibent Cæsarius, Robertus, & Chronographus Turonensis ad an. 1210, donec nempe emendati Pontificum cura prodirent. Sed enim de hac re adisus, si vacat, Martenium præcit. loco, Launojum lib. de varia Aristotelis fortuna in Academ. Paris., Mansum in Not. ad Raynaldum tom. 1. anno 1209. n. 28. pag. 289., ac Jo: Franc. Bernardum Mar. de Rubeis de gest., & script. S. Thomæ dissert. 30. cap. 7. Equidem apud Launojum capp. 8, & 10. a Simone Urbani IV. Card. Legato Aristotelis libri indiscriminatim legi interdicti feruntur. Johannes XXII. quoque apud Raynaldum ad an. 1317. n. 15, Theologiæ præsertim consule di puritati studio affectus, gravi ad Doctores Parisienses data epistola, eosdem perstrinxit, quod supervacaneis, Philosophicis, ineptisque quæstionibus Theologicas disciplinas admodum adulterarent, jubens ideo eliminari illis locum fieri juris Canonici lectionibus, inque his Clementinis, quas perinde in Scholis Parisiensi, ac Bononiensi pariter legi, ac usu in Ecclesiasticis judiciis venire voluit, Aristotelis etiam lectio expresse a Clemente VII. Parisiensi Academix exprobrata a Launojo ibid. traditur. Quid tum tamen? Postquam Aristotelis Latina versio, non ea quidem, quam Friderici II. Imperat. jussu circa an. 1220., sed imperfectam admodum, confectam refert Petrus de Vineis lib. 3. epist. 67, bene vero ea prodiit, quam adornavit S. Thomas Aquinas circa an. 1271. (siue adornandæ Thomæ Cantipratano is auctor fuerit, qua de re Natalis Alex. in hist. Eccl. ad sæcul. XIII.

Part. II. Tom. VI.

T t

& XIV.

& XIV. cap. 4. art. 4.) a quo profecto mendis, erroribusque expurgata prodiit, a Pontificibus sane publica illorum lectio permiffa est paffim : ideoque apud Launojum cap. 9. duorum Cardinalium Johannis, & Egidii, qui ab Urbano V. ad Parifienfem reformandam Academiam fuerant miffi an. 1366, Inftrumentum occurrit, quo legi Aristotelis libri de Anima, de gener. & corrupt., de Cælo, & Mundo, parvor. Naturalium, ac Metaphyficorum, indulgentur. Quin etiam Nicolaum V. anno 1447, Aristotelis libros ut e Græco Latine de integro verterent, viris linguæ utriusque peritiffimis Leonardo Bruno, Georgio Trapezuntio, Theodoro Gazenfi, Johanni Argyropulo, Georgio Vallæ &c. fe fe dediffe auctorem, quem ideo digno mactat elogio, perhibet Card. Bessarion in præfat. ad versionem Metaphyfic. Postquæ nec ab Aristotelis laudibus abftinuiffe Pium II. in Bulla retract., neque Gregorio XIV. Francifcum Patricium perfuadere potuiffe, ut Aristotele profligato, Plato fubrogaretur, neque eundem proferibere attentafse Clementem VIII. a Bellarmino admonitum, idem obferuat Launojus cap. 17. De optima denique omnium Aristotelis versione a Card. Ximenio affecta, inceptaque, quam tamen morte præventus ad umbilicum perducere nequivit, quem ab hac ideo cura, laudibus celebrat, vide-fis Gomezium de ejus gest. lib. 2. pag. 44, deque rebus Aristotelis univerfis Fabricium Bibl. Græcæ tom. 2. lib. 3. cap. 6. a pag. 107. ad 185. Quæ fi fufius persequutus sum forfitan, non Aristotelis utique gratia feci, fed uno amore veritatis, quo erga Pontifices MM. me valdequam affectum sentio, affectumque, quoad vixero, fi Superis placet, profecto sentiam.

Atque ut ad Gregorium IX. regrediar, illud ad laudum ejus cumulum addendum, quod studio incensus fidei integritatis a Judaico fermento fervandæ, eidem pariter studenti Parifienfi Theologicæ Facultati animos indiderit Thalmudicos Judæorum libros impiarum refertiffimos superstitionum, (de quibus S. Iſidorus lib. adverf. Judæos n. 49, Thomas Cantip. de Apibus lib. 1. c. 7, Sixtus Senen. tom. 1. Bibl. S. lib. 2, Marquardus de Judæis tom. 14. par. 3. cap. 1, Pignatellus Consult. tom. 5. Consult. 14, Voifſinus in proœm. pngion. fidei pag. 57, Theophilus Raynaudus de bonis, & malis lib. 2, Turrianus de ſola Legis lect. Judæis permitt.,

Nico,

Nicolaus Serrarius lib. de Rabbin. libr., Petavius Theolog. dogm. lib. 10, Boverius in demonst. Cathol. advers. Jud., Bartholoccus in Bibl. Rabbin., Wolfius in Bibl. Rabb. capp. 4, & 5, aliique, ut proinde summopere pudere debuisset tam nefandi libri, Thalmudis nempe, patrocinium suscipere, tamque pessimam Judæorum perorare causam, Wagenfeldium in præfat. ad Tela ignea Satanz pag. 10, & seqq., Buxtorfium fil. in præfat. ad Lexicon Patris, Hackspanium de usu libr. Rabbin. cap. 2. pag. 345, Mullerum Judaismi par. 2. cap. 10., Dilherrium in Atrio linguæ S. addit. 5, Sennertum in præfat. Rabbinismi, Conringium in præf. ad Nummos Hebræor., Leusdenium disput. 15. cap. 1. §. 9, Mulhium in apologia Thalm., Pfeifferum in Theolog. Jud. exercit. 1. th. 40, Carpvovium in appar. hist. crit. Antiquit. Sac. Codicis in Annot. ad Goodwini lib. 4. cap. 8. pag. 531, Protestantisque alios uno ad profligatæ huic operæ ferendam opem Pontificum odio permotos) Thalmudicos, inquam, Judæorum libros diligenter undique conquirendi, repertos, inque cumulum congestos (congestos vero ad 23. currus memorat Chronographus Erfordiensis ad ann. 1242. apud Mansum in Not. ad Raynaldum an. 1244. n. 42. to. 2. pag. 313) flammis publico in foro absumendi. Quæ deinde de re optime gesta S. Ludovico Galliar. Regi, qui ad id operis auxilio non defuerat suo, gratulatorias, hortatoriasque, quibus ad hujus præclari officii adimplendas partes, perficiendasque ipsum impellebat, litteras dedit, qui Gregorio IX. successerat, Innocentius IV; cujus in Constit. 2. *Impia* hac de re editam confer Emin. Petram Comment. tom. 3. pag. 8, & seqq. Iisdem Thalmudicis Judæorum libris, aliisque ejusmodi fursure aspersis procul ablegandis, e manibus Christifidelium excutiendis, igneque, quo uno digni erant, conflagrandis egregiam impenderunt pariter operam Innocentius IV Constit. *Impia*, ut mox innuebam, Clemens IV, cujus legenda Constitutio *Ad extirpanda* adversus hæreticos indiscriminatim omnes, Honorius IV, de quo loquitur Clemens VIII. mox laudandus, Johannes XXII. Constit. *Super illius Specula*, Julius III. Constit. *Cum sicut*, Paulus IV. Constit. *Cum nimis*, Gregorius XIII. Constit. *Antiqua Judæorum*, & Clemens VIII. Constit. *Cum Hebræorum* Bullar. Rom. tom. 1, & 2. De libro specioso *Evangelii*

æterni titulo, ad faciendum simplicibus fucum, insignito, re tam ipsa plurimorum refertissimo errorum, deque libro Guillelmi Santamoræi *De periculis novissimorum temporum*, alteroque huic perfimili, injuriarum in Religiosos Ordines cumulatissimis, horum causam, quam justam, tam piam agentibus S. Bonaventura, Alberto M., & Humberto Ord. Præd. Gener. Magistro, damnatis ab Alexandro IV, & a Clemente IV. subinde, dixi alibi, satis, ideo non est, cur dicam iterum.

Age modo exundantem propositionum erronearum, quibus explodendis præsto se se dedere posterioris ætatis Pontifices MM., colluviem, quam temporum invexit iniquitas, breviori, ut fieri poterit, orationis spatio concludamus. Arnaldi Villanovani, cujus errorum catalogum texunt Jo: Villanius lib. 9. cap. 3, S. Antoninus par. 3. tit. 21. cap. 2. §. 8, & Eymericus direct. Inquisit. par. 2. q. 11, quem tandem ejuratis erroribus orthodoxæ fidei restitutum ostendit ex Vatic. Cod. fide Raynaldus ad an. 1310: n. 39, de quo videndus etiam Nicolaus Antonius Bibl. vet. Hisp. tom. 2. lib. 9. cap. 1. pag. 74, & seqq., Arnaldi, inquam, libros de re Medica erroribus refertos diligenter conqueri, igne delendos jussisse legitur Clemens V. lib. 7. epist. 17. In Beguardos, & Segarelli, & Dulcini, hominum proscriptorum ab Honorio IV, Nicolao IV, & Bonifacio VIII, spurcissima Schola productos, Apostolico evaginato gladio, octo propositionum capita, cum earumdem assertoribus, ab eodem Clemente V. fuisse confossa, liquet ex Clem. *Ad nostrum de Hæreticis* lib. 5. cap. 3. Singulare hac in Religionis re Johannis XXII. exarsit, laudeque multiplici dignum se exhibuit studium, quo tres propositiones Johannis de Poliaco confixit Extravag. *Vas electionis* lib. 3. tit. de Hæret., quo de argumento fuisse Raynaldus ad an. 1321. n. 20, & seqq.; quo animadvertit in propositiones 21. Petri Jo: Olivi, cujus jam pridem tres aliæ propositiones a Clemente V. proscriptæ fuerant Clem. 1. *de Summa Trinit.*, ut habetur apud Baluzium Miscell. tom. 1. pag. 219, a quibus tamen eum Wadingus expurgare studuit; quo propositionibus quinque, in quibus Fraticelli a Bonifacio VIII, & Clemente V. antea damnati, velut in luto defixo pede, hæreere adhuc debebantur, ignominix stigma indixit, uti legitur in Extravag.

S. Ro-

S. Romana Ecclesia de Relig. domibus ; quo Jacobi Ekardi propositiones octo supra viginti, una cum ipsius opusculis, districta perstrinxit censura, quam exhibent ipsius epistola ad Archiep. Colonensem apud Raynaldum ad an. 1329. n.70, & seq., ubi tamen ab Ekardo tandem, antequam fini concederet suo, revocatos errores, atque se, scriptaque sua Apostolicæ Sedis judicio submisisse idem Pontifex testis locuples accedit; quo demum Marsilii, & Janduni pestilentissimis libris, nominatimque designatis principalibus quinque propositionibus obelum infixit, luculenta Const. *Zicet* ad easdem profigandas evulgata, de qua Raynaldus ad an. 1327. n.28, & seqq. Clementis VI. censuræ in 61. articulos Nicolai de Ultricuria meminit sacra Parisiensis Facultas in suis notis Theologicis, quibus an. 1348. eosdem articulos inussit in Bibl. PP. Paris. to.4, Colon. tom. 14, & Lugd. tom. 26. pag. 483, & apud Bulæum to.4. hist. Acad. Paris. pag. 308. De Urbani V. mandato propositiones octo ab eodem Pontifice nigro carbone notatas publico in cœtu Parisiis an. 1365, ac deinde Avenione an. 1369. revocare Dionysius Soulechatius adactus est, cujusce revocationis Schedulæ extant in Bibl. PP. Paris. tom. 4. pag. 1337, Lugd. tom. 26. pag. 488, & seqq., Pontificias vero hac de re litteras exhibet Raynaldus ad an. 1368. n. 16, & 17. Egregium pro fidei puritate Gregorii XI. zelum, quo proscribere festinavit tres propositiones, quas e suggestu publicare Johannes de Latone, & Petrus de Bonagetta non fuerant veriti; totidemque alias, quibus epistolam ad Berengarium Urgellensem Episcopum aspergere Arnaldus Montanerius non abstinuerat, eloquuntur litteræ ejusdem jussu scriptæ ad Tarraconensem, & Casaraugustanum Archiepiscopos, ab ipsoque met inscriptæ Armando Ord. Min. Vicario Aquilonari apud Eymericum directæ. Inq. par. 1. pag. 45, & par. 2. q. 11, Bzovium ad an. 1371. n. 13, & Raynaldum ad eundem an. n. 11, & ad seq. num. 19.

Ab eodem Gregorio XI. damnatos Raymundi Lulli Majoricensis errores centum, vel etiam ducentos fide affirmant sua Eymericus Direct. Inq. par. 2. qq. 9, 10, & 26, ac in append. pag. 85, & seq., Pegna in Comment. 42, & 51. q. 26, Jacobus Quetif de Script. Ord. Præd. tom. 1. pag. 711, & seqq., aliique post ipsos.

Contra

Contra quos vicissim Lulli vindicias adornarunt oppido multi; e quibus potissimum Alphonsus de Zepeda in ejus vita, in dissert. historicis de ejusdem cultu, & in sent. definitiva de pietate, & doctrina Lulli Parisi. 1676, & Majoricæ 1700, ubi ejus memoria colitur. At enim Gregorianæ Bullæ adversus Lulli errores, quam frustra desideres, & quæras in Pontificio Regeſto, quod tum occasione translationis Apostolicæ Sedis Avenione Romam deperditum animadvertit Gravesonius hist. Eccl. colloq. 3. to. 5. pag. 92, exemplar e Romano Archivo Ord. Præd. descripsit Cl. Bremond tom. 2. Bullar. ejusdem Ord. pag. 268, & seqq., ubi observat hujusce Gregorianæ Bullæ autographum Gerundæ, & apographa Barcinone, Tarracone, & Valentix asservari, ideoque nefas esse suspicari eam ab Eymerico Bullam fuisse confictam; neque ideo falso errores illos Raymundo Lullo affictos, quos ipsius e libris decerptos censurâ dignos Eymericus existimarat, eaque inurendos ad Apostolicam detulerat Sedem. Vice autem versa libros quidem multos a Lullo compositos fuisse, conscriptosque constat ex ingenti illorum Catalogo, quem consecerunt Wadingus in Bibl. Ord. Min. pag. 296, & seq., Nicolaus Antonius in Bibl. vet. Hisp. tom. 2. lib. 9. cap. 3. pag. 84, & seq., Johannes Buchelius in nov. oper. Lulli edit. Mogunt., Lamius in Catalogo Mss. Bibl. Riccardianæ, aliique apud Fabricium in Bibl. med., & inf. Latin. lib. 11. pag. 292, & seq., plures tamen ipsi falso tributos tam libros, quam errores, quos refundere potius oporteat in Cognominem Raymundum de Tarraga Neophytum denominatum, non incongrue arguunt Wadingus tom. 3. ad an. 1315. n. 13, & seq., Theophylus Raynaudus de bonis, & mal. lib. tom. 11. partit. 1. erotem. 10. n. 246, Morerius in Dict. hist., Raynaldus ad an. 1315. n. 5, & Mansius ibid. in Not. tom. 5. pag. 32. In confesso sane illud est Lullum hæreticorum censui haud deputandum, ut qui scripta omnia sua Apostolicæ Sedis judicio submisit, velut evincit Wadingus, cuique ab antiqua apud Majoricenses religione delatum cultum, ac qualem plane virum Sancti elogio insignitum decet, fuisse ostendunt Johannes Sequi in ejus Vita, Antonius Belluer in Apologia, Salleles tom. 2. de SS. inquisitione, Wadingus tom. 6. ad ann. 1315. n. 8, Sollerius in Comment. præv. ad ipsius vitam tom.

tom. 5. ad diem 30. Jun. pag. 633, & seqq., ubi & Carolum Bovillum, & Nicolaum de Pax pag. 668, & 674. in medium producit, aliique apud Fabricium loco indic. Contra quos tamen pugnant Eymericus præc. loc., Bzovius ad an. 1312. n. 18, & seqq., Echar-
dus de Script. Ord. Præd. tom. 1. in Eymerico, Galterius in tabu-
la Chronograph. Sæculi XIII. cap. 5, & Gravesonius loc. citat.
Quam in rem confer & Albitium de inconst. in fide cap. 40. n. 143,
& seq., ac Benedictum XIV. in disertat. ex lib. de SS. Canon.
extractis disert. 19. Volum. 1. n. 18. pag. 158., & seqq., in qua
probo, frugique Theologo sententiam suspendere suam, atque Se-
diApostolicæ dimittere integram, satius esse debere ego arbitror.

Indignationis impetu haud impari ejus, quem Religionis in-
tegritati impendebat, affectus ferebatur idem Gregorius XI. ex-
undantem adversus erronum turbam, quos ad turbandam Eccle-
siam iniqua ea tempestate exsurrexisse conspiciebat. Quibus pro-
inde, si penitus exterminandis sat ipsi virium non suppeteret, im-
pedimento tamen esse, ne aliis noxam inferrent, sua e re summo-
pere duxit. Strenuo itaque animo isto indutus Flagellantium li-
bros errorum refertissimos, ubicumque reperiri potuissent, flam-
mis exuri præcepit, objectisque gravissimis poenis, exscribi, per-
legi, retinerique prohibuit apud Raynaldum ad an. 1372. n. 33.
Iniquitate, erroribusque infarsissimos Commentarios, inscriptos
Leges, seu Speculum Saxonicum, pari censura, poenæque, uti re-
vera digni erant, adjudicavit, eosque abolendi Carolo IV. Imp.
auctorem se dedit epistola data, quam recitat Raynaldus ad an-
num 1374. n. 12. Non multa eorum nunc congeram, quæ adversus
Wicleffum præstita egregie a Pontificibus sunt, quorum partem me
jam persequutum maximam art. 11. §. 1. pag. 105, & seqq. memo-
ria teneo, perstringere contentus nonnulla, quæ huc proxime fa-
ciunt. Gregorius itaque noster Wicleffi articulis 22. ad se delatis
anathemate inflicto, datoque imperio ad Riccardum Angliæ Regem,
ad Cantuarien., & Londinen. Antistites, nec non ad Oxoniensem
Academiâ, interrogari diligenter de aliis hæreticum jussit, ab eo-
que reddita ad se examinanda, & judicanda transmitti responsa.
De Alexandri V. deinde mandato, mandaverat is autem in Hussum
quoque, hujusque libros hæresum refertissimos, atque defensores,

tan-

tanquam in homines fautores hæreticorum, graviterque de fide laborantes, legum severitate animadverti, a Sbincone Pragenſi Archiep. Wicleſſi libros ſupra ducentos, bullis aureis, tegumentis, que pretioſis ornatos flammis concremandos fuiſſe addictos, referunt fide digni Aneas Silvius hiſt. Bohem. cap. 3, Jo: Cochläus hiſt. Huſſit. lib. 1, Theobaldus Belli Huſſit. pag. 9, Dubravius hiſt. Bohem. lib. 23, Balbinus in epit. rer. Bohem. pag. 419, & ſeq. & Walpol. in Huſſio rediv. pag. 15. In hæreticum utrumque inſtaurato itidem judicio, utriuſque nefarios libros igne dignos judicavit, deſeverique juſſit Johannes XXIII, atque in eos, qui legere, docere, laudare, defendere illos præſumerent, Canonicas diſtricti poenas.

Ex Wicleſſo denique, ejuſdem in libros deinde ignis, quo uno digni erant, poena decreta, ut eſt apud Raynaldum ad an. 1427. n. 13, Articulos 45; atque ex Huſſo, præter eos, qui cum Wicleſſo ei communes erant, alios 30. delectos cenſorio ſtigmate in Conſtantiens ſynodo inuſit Martinus V. Conſtit. *Inter cunctas*. Qua pariter Conſtitutione ab eodem Pontifice ſapientiſſime præſcribitur formula, juxta quam interrogandi forent, qui hujusce laborarent hæreſis ſuſpicionem, aut ab hoc emergere luto cuperent, ut nempe vel ad rectam informarentur fidem, vel de fide ipſorum ſicta periculum fieret: *Utrum, ita in rem inſequente meam, credat, quod condemnationes Jo: Wicleſſi, Jo: Huſi, & Hieronymi de Praga factæ de perſonis eorum, libris, & documentis fuerint riſe, & juſte factæ, & a quolibet Catholico pro talibus tenendæ, & firmiter aſſerendæ. Item Utrum credat Jo: Wicleſſi, Jo: Huſi, & Hieronymum de Praga fuiſſe hæreticos, & pro hæreticis nominandos, ac deputandos, & libros, & doctrinas eorum fuiſſe, & eſſe perverſos, propter quos, & quas, & eorum pertinacias, pro hæreticis ſunt condemnati. Item Utrum credat ſententiam Sacri Conſtantiens ſynodii ſuper 45. Jo: Wicleſſi, & Jo: Huſi 30. articulis latam, fore veram, & Catholicam &c.* Ubi obiter obſerves velim non ſatis conformiter hiſce Martini V. verbis, nec Vigiliis, nec S. Martini I. locis haud hinc abſimilibus, uti ſuperius admonebam, a nonnullis doceri, velut a Pereſſio Archiep. Pariſienſi, & a Tournellio in tract. de Eccl. q. 5. art. 3. fidem, quæ Eccleſiæ de propoſitionum, aut librorum ſenſu, ſive

sive de factis dogmaticis judicanti, & definienti adquiescimus, esse fidem Ecclesiasticam duntaxat, quæ media sit fidem Divinam inter, & humanam, cujus motivum sit ipsiusmet Ecclesiæ auctoritas suprema: siquidem potius ad fidem Divinam pertinere hujusmodi Ecclesiæ judicium, cum Petro de Marca dicere præstat, atque facta dogmatica a Deo immediate, vel mediate revelata esse, scilicet vel immediate ea ipsa revelatione, qua revelatum est Ecclesiam errare non posse, vel mediate, quomodo Conclusio in principio, ex quo suapte profluit, revelata dici potest, ac debet. Quod ipsum perinde in causa est, cur hac in parte mihi non probetur opinio Cl. Muratorii, qua lib. de Ingen. moderat. cap. 20. pag. 93. hujusmodi de factis dogmaticis, sive de librorum sensu Ecclesiæ judiciis deberi quidem nec oris tantum, sed & animi reverentiam, fidem quoque piam adhibendam fore, Divinam tamen non etiam existimat. Sed enim argumento de isto gravissimo fustius paullo infra denuo. A Martino V. tandem propositiones viginti quinque plurimo de errorum capite ad Concilii Constantiensis Tribunal delatas, quarum auctor ferebatur, reque fuerat vera Matthæus Grabbonius, quarumque examen, & censura Petro Alliacensi, Johanni Gersonio, aliisque dignitate Ecclesiastica, doctrinaque conspicuis viris fuerat demandata, confirmatis censuris, quas Judices ad examen delicti in eas tulerant, fuisse damnatas, liquet ex Relatione, quæ extat apud Hermannum ab Harde Concilii Constant. to. 3. pag. 107, & apud Gersonium tom. 1. oper. pag. 467, & seqq., ubi & habetur ejusdem Grabbonii abjuratio, qua suis solemne erroribus anathema dixit. Confer & Jacobum Quetif to. 1. Bibl. Præd. pag. 759, & seq.

Pro ea quoque eximia, qua tenebatur Religionis observantia, Pius II. Reginaldi Pekopii libros errorum plenos, Anglico, & Latino idiomate conscriptos, igne deleri jussit, litteris datis ad Episcopos Angliæ, defixis anathemate, qui libros illos retinerent, quia rogo consignarent concremandos apud Raynaldum ad an. 1459. n. 29. Ex eo perennem adeptus est pariter laudem Paulus II., quod quom accipisset in Belgio a nonnullis Academicis Lovaniensibus pravarum opinionum, non absque gravi piorum offensione, virus in vulgus distari, diplomate ad Guillelmum Episcopum Tornacensem exarato, apud eundem Annalistam legendo ad an. 1470. n. 51

Part II. Tom. V.

V u

pro,

propositionibus quidem illis infamiae notam inflixit, Doctores vero illarum debitis cohiberi poenis iussit, si ad bonam insueti frugem nequirent. Fidei puritati in Hispania conservandae magnopere invigilans Sixtus IV, ubi intellexit a Petro Oxomensi venenatae doctrinae libros in Vulgus disseminatos, principio quidem Alphonso Carillo Archiep. Toletano auctorem se dedit, ut diligenti in hominem, doctrinam, ac libros instituto iudicio, rei comperita veritate, censuris appetere non cunctaretur: quibus ille plane demandatis officii partibus egregie defunctus, Petro ignominiae notam inflixit, ipsius vero librum, simul cum Cathedra, in media Schola igni tradidit conflagrandum, qua de re Jo: Mariana rer. Hispan. lib. 26. cap. 12, & Bannezius in 2. 2. D. Thomae q. 1. art. 10. Novo perinde, diligentiorique apud se iudicio instaurato, edita die 9. Aug. an. 1467. Constit. *Licet*, confirmatisque Archiepiscopi gestis, quatuor praesertim, quae aliorum plurium familiam ducebant, errorum capita Apostolico mucrone confodit; de quibus adeundi Melchior Canus lib. 6. de loc. Theolog. cap. 7, & in Relect. de Poenit. par. 5., & Card. Petra in Comment. ad hanc Sixti IV. Constit. 17. tom. 5. pag. 290, & seq., apud quem suos ejurare Petrus errores coactus, e praescripta formula oppositam fidei professionem hisce conceptam verbis emisisse legitur: *Consentio S. Matri Ecclesiae Romanae, & Sedi Apostolicae, & ore, ac corde confiteor illam me fidem tenere, quam D. Sixtus Papa auctoritate Apostolica, & Evangelica tenet, & omnes, qui contra hanc fidem venerint, dignos aeternae damnatione pronuntio*. Atque huc quidem Archiepiscopi Toletani alterius mentionem ingerere liceat, Francisci Ximenii videlicet, cujus alias inter egregias laudes, quibus illum cumulant Gomezius lib. 2, Surita lib. 3. cap. 44, Mariana lib. 27. cap. 15, & Raynaldus ad an. 1499. n. 4, illud memoria dignum celebrant, quod pro ea, qua dicendi, agendique vi summo opere valebat, Maurorum Granatensium ingentem multitudinem postquam ad Christiana Sacra transduxisset, eorumdem Morabitis, & Alfaquinis, Sacerdotum nempe vicibus apud ipsos defungentibus, primum Christo lucrifacitis, in victoriae laetitiam Alcorana ad quinque millia variis umbilicis punica arte, & opere distincta, auro etiam argentoque exornata, una die publica in pyra

igne

igne absumpsit . De propositione quadam Bononiæ difseminata, qua dicebatur a puritate fidei haud alienum, neque illicitum Dæmonum expectare responsum, a Sixto IV. damnata agunt Eymericus in append. Direct. Inq. , & Raynaldus ad an. 1473. n. 24. De propositione quoque altera Lovanii circa futura contingentia a Petro de Rivo defensa, atque a Sixto nostro profligata adeundi, si placet, Paulus de Middelburgo lib. 6. de die passion. Christi , Baluzius Miscell. tom. 4. pag. 531 , Raynaldus ibid. n. 25 , Pagius in hoc Pontifice, ac Mansius in Not. ad Raynaldum n. 15. tom. 10. pag. 546.

Ab Innocentio VIII. Libellus 900. propositionum, quas Johannes Picus Mirandulanus annos dumtaxat 24. natus ex Dialectica , Physica , Methaphysica , Theologia , Morali , Cabala , & Magia decerptas Romæ publico certamine propugnauerat, excommunicationis pœna eundem legentibus proposita , districte prohibitus est : quandoquidem ex eisdem propositionibus nonnullæ pleræque viris cum dignitate insignibus , tum in utroque jure doctis, ad earundem examen deputatis suspectæ admodum visæ fuissent, hæresimque sapere : a qua tamen censura Principis illius persona immunis abire permissa est, ut qui disputationis gratia dumtaxat illas defendisset , atque sub Apostolicæ Sedis judicio , & correctione disputandas adorsus fuisset , pro ut ipse met Apologetico postmodum elucubrato , quem profecto acceptum habuit Alexander VI, in locum Innocentii VIII. subingressus , planum facere dedita opera instituit , ex propositionibus quidem illis tredecim, neque plures , veluti Philosophorum veterum errores jam obsoletos refingentes , damnatione valdequam dignas non inficiatus, ab aliis labem hæresis omnem abstergens, a qua ipse animo certe longissime abhorrebat : quo de argumento Spondanus ad an. 1487 , Raynaldus ad an. 1493. n. 36 , aliique plures apud Colomesium in Italia Orient. pag. 10, & seq. , ac Rollium in Bibl. nobil. Theolog. pag. 53, & seq. De libris 70. porro , quorum mentio fit lib. 4. Esdræ cap. 14. vers. 46, quosque non mediocri impensa a Judæo quopiam Siculo sibi comparasse , summa diligentia evoluisse , mysteria Cabalæ exinde apprehendisse , atque pulcherrimam Religionis non tam Mosaycæ , quam Christianæ speciem ibidem intuitum fuisse ,

refert in Apolog. pag. 82, ad- sis Petrum Crinitum de honesta discipl. lib. 25. cap. 3, Sixtum Senen. Bibl. S. lib. 2, Richardum Simonium tom. 4. epist. select. pag. 178, Wolfium in append. tom. 1. Bibl. Hæbraicæ, Fabricium in Cod. Apocrypho Vet. Test. tom. 1. cap. 233. de Esdra pag. 1153: de Cabalisticæ vero artis origine, variisque speciebus agunt Godvvinus lib. 4. de Oraculis cap. 8, Carpvovius ibid. in Not. ad §. 18. pag. 532, & seqq., Wolfius Bibl. Rabbin. tom. 2. lib. 7. pag. 1191, aliiq. plures apud ipsum pag. 1228, & seqq. Non unum, nec leve ex hac agendi ratione, exercendique juris, qua, ut bono Christianæ Religionis consuleret, id cavendum summopere duxerat, ne ex pravis libris venenum pro salutari potu haurirent Christifideles, ebiberentque, laudandi argumentum licet capere Leonem X. In Concilio enim vero Lateranensi V. an. 1513. sess. 8. Const. *Apostolici Regiminis* edita Catholico de Animæ immortalitate dogmati contrariam anathemate confixit doctrinam, quam, libro Bononiæ evulgato, ex Aristotelis sensu adstruere Petrus Pomponatius non exhorruerat: quem ideo librum Venetiis igni additum fuisse tradit Hieronymus Amideus, a quo Apologia pro Animæ immortalitate Mediolani excusa anno 1518. Pomponatii impius error profligatus est. Constitutione altera *Inter sollicitudines* sess. 10. an. 1515. erroribus infectos libros e Græca, Hæbraica, Arabica, & Chaldaica in Latinam transferri linguam, Typisque cudi prohibuit: circa aliud vero genus libros imprimendos certas prudentiæ cumulatissimas præscripsit leges, eo in decreto legendas apud Harduinnum tom. 9. pag. 1780. Quo periculosiores Lutheri erant libri, eo potiore eis Christiana e Republica procul eliminandis posuit operam, quam numeris absolvit omnibus, Const. *Exsurge Domine* an. 1520. errorum 41. capitibus ejus ex libris decerptis ignominie censuram infligendo, eodemque libros flammis aboleri præcipiendo. Cujus quidem Constitutionis præclaræ operæ pretium inter alios faciens Thomas Wollens Eboracensis Archiep., & Apostolicæ Sedis in Angliæ Legatus, singulare mandatum Carolo Herefordiensi Episcopo de exquirendis diligentissime Lutheri damnatis libris, & ad se quantocius transmittendis dedisse legitur apud Wilkinsium to. 3. pag. 690, ac Mansium Suppl. tom. 5. pag. 511, & seqq.

Ut

Ut erat etiam Religionis, quam ad subruendam conjunctis utrinque viribus in Germania Lutherus, & in Gallia Calvinus conspiraverant, sustentandæ, reparandæque cupidissimus Paulus III, Francisco Archiep. Senonensi imperio auctor fuit, ut in librorum hæreticorum, cum quibus in Gallias Calviniana hæresis clam diffeminabatur, detentores, Regio quoque implorato auxilio, severe animadverteret: in gravissimas vero apud Carolum V. Imp. se se querelas effudit, quod in Germania hæreticorum libros contumeliis plenos impune sineret pervagari. Adeundus, si placet, qui pluribus rem denarrat Raynaldus ad annos 1542. n. 52, & 1549. n. 23. Julio III. laudi vertitur a Spondano ad an. 1550. n. 2, quod omnium primus lege caverit, ne cui liceret hæreticorum quorumcumque libros habere apud se, aut legere: quatenus etsi pestilentibus, quotquot in lucem prodirent, libris abolendis præsto fuerint Romani Pontifices, horum nullus tamen ante Julium III. viro doctiss. visus est lege universali hæreticos libros detinere, aut legere indiscriminatim interdixisse. Primas altera retulit ex parte, Spondano eodem judice ad an. 1557. n. 5, Paulus IV, qua nempe impiorum, quorum lætione Christifidelium pollui mens posset, librorum Indicem ab Inquisitoribus confici primus curavit, quem deinde anno 1559. publici fieri juris voluit, primusque illud etiam caverit, ut eodem Indice comprehenderentur libri cujuscumque argumenti, etiam profani, a quocumque Scriptore elucubrat; etiam Religione Catholico, quorum ex lætione, periculum aliquod ingrueret: quos vero conscripssent hæretici, legendi facultate omnibus adempta, diligenter quin etiam inquiri, omnesque ad unum potius flammis exuri jussit. Qua de re, tanquam de gravi inlata injuria, in querelas effusi Protestantium plerique ad injurias referendas longe graviore prorupere, ac præsertim Theodorus Zuvingerus in Theatro vitæ hum. tom. 18. lib. 8. pag. 3103, Petrus Paulus Vergerius apud Schelhornium tom. 7. pag. 296, Hottingerus hist. Eccles. nov. Test. tom. 9. pag. 408, & Conradus Gesnerus apud Thomam Naogeorgium in Regno Papistico pag. 369, ac Schelhornium in Amæniti. litterar. tom. 8. pag. 99. Sed enim quotus est quisque a præjudiciis absolutum gerens animum, qui tam Protestantium hac de re tanquam delirantium querelas

Hoc-

floci, naucique faciendas probe non videat, quam Pontificum de re, non quasi dure, atque inhumaniter facta, sed imo ad omne procul a Christiana Republica, quod ex pravorum librorum lectione fidei, morumque puritati imminere posset, avertendum periculum, bene, optimeque constituta, vigilantiam, curamque laudibus esse celebrandam? Vide tamen Gretzerum de lib. prohib. lib. 1. cap. 19. tom. 13. Oper. pag. 58, & seq., ubi similes librorum damnatæ lectionis Indices a Theologis Parisiensibus, ac Lovaniensibus promulgatos memorat, aliosque in Italia itidem Apostolicæ Sedis auctoritate Venetiis an. 1548, locupletiore Florentiæ an. 1552, post hosce vero copiosiores adhuc hunc, de quo loquimur, a Paulo IV. an. 1559; Spondanum ad an. 1557. n. 5, Pallavicinum hist. Concil. Trid. lib. 15. cap. 18. n. 2, Raynaldum ad an. 1558. n. 21, ac 1559. n. 15, & Catalanum de Secret. Sac. Congreg. Ind. cap. 4, ubi a Paulo IV. librorum prohibitorum Indices duos editos fuisse unum an. 1557, & alterum an. 1559. advertit. Propositiones quasdam præterea circa SS. Trinitatis, ac Dominicæ Incarnationis mysteria, atque B. Virginis Mariæ virginealem integritatem, Const. 5. *Cum quorundam* an. 1555, confirmata subinde a Clemente VIII. Const. *Dominici Gregis* an. 1603, probrosa hæresis nota idem Pontifex affecit.

Rem approbe a Paulo IV. inceptam persequi, optatumque perducere ad exitum proprii officii partem, qui post ingressi Pontifices sunt, reputarunt. In quibus Pius IV. Indicis librorum prohibendorum conficiendi provinciam Tridentinis Patribus integram permisit; confectum, decemque Regulis instructum deinde Constit. *Dominici Gregis* die 24. Mart. 1564. confirmavit, evulgavitque. Acceptum perinde habuit S. Pius V, præclari ad id operis S. Indicis Congregatione instituta: cujus exemplo, imperioque cum in Belgio Ducis Albani edicto librorum improbatæ lectionis Indicem a Lovaniensibus Theologis confectum anno 1570. fuisse promulgatum, a Lindano vero Ruremundensi Episcopo aliquot librorum hæreticorum plaustra intercepta publico in foro igne conflagranda fuisse tradita, tum in Bohemia Maximiliani Imper. lata lege in Indice notatos libros divendere Bibliopolas fuisse prohibitos refert Laderchius tom. 3. ad an. 1570, & inseq. pag.

176. n. 5, & 313. n. 25; qui tom. 1. ad an. 1566. n. 100. pag. 45. ab eodem Pontifice, lege instaurata a Paulo IV. edita, libros hæreticos universim interdictos observat. Amplioris deinde Indicis conficiendi spartam eidem S. Congregationis a S. Pio V. institutæ demandavit Gregorius XIII: post quem a Sixto V. Index recognitus itidem est, novisque adauctus Regulis; ac tandem absolutus a Clemente VIII. Const. 36. *Sacro sanctum*, qui & alias Regulas adjecit. Adjectas Regulas ampliavit, illustravitque Alexander VII, atque optimæ denique methodo in librorum examine, & proscriptione ab utraque S. Inquisitionis, & Indicis Congregatione tenendæ consuluit Benedictus XIV. Const. 19. *Sollicita* an. 1753. Bullar. ipsius tom. 4. pag. 115. Sacrum hunc sane librorum Indicem cum adjectis Regulis Gallicana ab Ecclesia pro suarum libertatum privilegio, quamvis haud recipi nemo ignoret, eidem tamen religiose Galliarum Episcopos frequentissime in hæsisse, atque ibidem notatos libros pariter notasse, multis declarant exemplis Auctores Bibl. Jansen., alteriusque operis Gallice inscripti *Tocsins Catholiques*. Vicissim juxta Regulas Indicis Sac. Scripturæ libros in Vernaculam linguam verti prohibuisse leguntur in Scotia Santandreas Archiepiscopus, alique an. 1533: contra quam legem scripturæ ausum Alexandrum Aleesium refutavit doctiss. Cochleus de aet., & script. Lutheri. Paullo retro flectendo vestigia, paucisque complectendo, quæ præstantiora hanc in rem conferenda remanent, a S. Pio V. diligenti prævio, diuturnoque examine, propositiones 79. Michaelis Baji, cujus tamen personæ, nomini, ac famæ paritum voluit, Constit. *Ex omnibus* an. 1567. promulgata, fuere proscriptæ. Quia vero non deerant, qui damnatis propositionibus in hæreses, & patrocinari, neque qui ex illarum damnatione scissuras, & discordias creare, & parere non dubitarent, Gregorius XIII. om. 1579. prædecessoris sui S. Pii V. Constitutionem confirmavit, publicique juris fecit, atque Toleti opera Bajum ad obedientiam, & articulorum retractationem adegit: utriusque verso cum Pii, tum Gregorii censuram contra Bajum an. 1641. Constit. *In eminenti* ratam fecit Urbanus VIII.

Omnibus vero sunt obvia, adituque perquam facilia, quin plurimo sit opus sermone, quæ postinde de improbatæ lectionis libris,

libris, deque perversæ doctrinæ propositionibus decreta, sapienterque constituta a Pontificibus sunt: e quibus, ut nihil repetam de formula juramenti Britannis ab Jacobo I. proposita, & a Paulo V. proscripta, Innocentius X. an. 1653, ut sæpe dixi, quinque Jansenii propositiones, atque Barcosii librum confixit. Alexander VII. an. 1659. Casuistarum apologiam sub larvato Pirotii nomine adversus Cleri Gallicani in Comitibus an. 1656. censuras editas confarcinatam nota inussit: qua perinde an. 1665. propositiones 28., & an. inseq. propositiones alias 17, quibus morum doctrina non mediocriter deturpabatur, affectit. V. Innocentius XI. an. 1677. laxiorum Casuistarum 65. opinionibus, an. 1679. duabus aliis de Divino concursu, & an. 1687. propositionibus 68. Michaelis de Molinos, spurcissimi post homines natos hæretici, ejusque libris, qui pestem moribus adferebant, anathema infixit. Alexander VIII. an. 1690. tum primo duas propositiones, tum alias quoque 31. puritati fidei, morumque disciplinæ infestas censura perculit. Innocentius XII. an. 1699. librum Gallice inscriptum *Explication des Maximes des Saints*, atque propositiones 23. signatim exinde decerptas proscripsit. Clemens XI. ann. 1703. foliis quibusdam Gallice impressis sub titulo *Cas de Conscience* &c. nigrum appinxit theta: quo perinde an. 1713. Quesnelli librum Reflexionum Moralium, nominatimque 101. propositiones ex eodem libro excerptas perstrinxit: ut nil præterea retexam de proscriptis ab eo Ritibus plerisque, quos cum Religione Christiana componi nulla ratione posse optime compererat. Benedictus XIV. denique, ne Orientalium Cæremoniis, usibus, ac consuetudinibus Christiani Romana in Ecclesia integri contaminarentur Ritus, summopere cavuit Const. 59. Ex quo an. 1742. Bullar. ipfus tom. 1. pag. 188, & Const. 107. *Omniū sollicitudinum* an. 1744. pag. 397: Librum Lond. 1750., ac Libellum Amstel. eodem anno Galice editos Const. 37. *Cum sicut* Bullar. tom. 3. pag. 311, nonnullasque Theses, tanquam faventes Deistarum, & Materialistarum erroribus, quas in Sorbona defendendas proposuerat Jo: Martinus de Prades, Const. 58. *Commisssa nobis* an. 1752. pag. 477. multa infamia notavit. Propositionibus quinque præterea de Duello Const. 6. *Detestabilem* eodem anno Bull. to. 4. pag. 351; Libro ibidem duobus tomis con-

constanti , & Gallice inscripto : *Apologie de tous les jugemens &c.* Const. 7. *Militantis* ibid. pag. 39 ; Libro altero P. la Borde Orat. sub hoc titulo, *Principes sur l'essence &c.* Const. 44. *Ad assiduas an.* 1755. pag. 266 ; atque Epistolæ Mss. , quæ directa legitur *Ampliss. S. R. E. Cardinalibus, & Cl. Theologis in Urbe Præneste congregatis* Constit. 71. *Cum ad nonnullos an.* 1757. pag. 545. perpetuæ ignominiae dicam conscripsit. Non plura hocce de argumento, de quo conferre licebit , qui de ipso meriti optime sunt , Bellarminum lib. 3. de Laic. cap. 20 ; Simancham Instit. Cathol. tit. 38 ; Lorinum in cap. 19. Actor. Apostol. vers. 19 ; Pignatellum Consult. 192 , ubi agit contra libros Atheos , & Magicos , Consult. 193 , ubi contra Thalmudicos , & Rabbinicos , ac Consult. 194 , ubi contra Astrologicos, Onirotcriticos, Chiromanticos, & Divinatorios ; Pegnam lib. 3. Comment. in Direct. Inquis. par. 2. cap. 4 ; Suarezium tract. de fide disp. 20. sect. 2 ; Bordonum Sac. Tribun. cap. 14. , Card. Lauræam de fide disp. 6. art. 6 ; Hieronymum a S. Augustino Controv. 8. dissert. 3 ; Emin. Petram locis paullo supra laudatis ; Tournellium de Ecclesia q. 5. art. 3 ; Matthæucium Controv. 7. cap. 6. Sed & auctor sum tibi , ut consulas Farinacium de hæret. q. 180. ; Hugolinum de casibus Papæ reserv. par. 2. cap. 13 ; Rebuffum in exposit. Bull. Cœnæ ; Navarrum in Manuali cap. 27 ; Toletum lib. 4. Instit. ; Azorium tom. 1. lib. 8. cap. 16 ; Sayrum in Thef. tom. 1. lib. 3. cap. 5 ; Graphium in decis. lib. 4. cap. 18 ; Sanchezium in Decalog. lib. 2. cap. 10 ; Castropalaum lib. 1. de just. hæret. punit. cap. 15 ; Reginaldum in praxi lib. 9. cap. 14. ad Cap. 1. Bullæ Cœnæ D. ; Sessam in Scrut. Doctrin. cap. 1. art. 5. , & cap. 3. art. 14 ; Annatum in appar. ad Theolog. posit. lib. 6. art. 3 ; Luchesium in hist. polem. Jansen. Vivam in trutin. Theolog. prodromo 9. , ad propos. damnatas ab Alexandro VII ; Muratorium de Ingen. moderat. lib. 1. capp. 19. & 20. ac lib. 2. capp. 5. & 6. aliosque , a quibus sparta hæc adornata est , quorumque plurium superius cum laude memini .

Ad hæc , quæ hætenus bono in lumine , ut video , optimoque loco collocata sunt, obruenda , & convellenda Jansenistæ potissimum se convertentes , potiorum in eo vim ponunt , ut ab historiæ Ecclesiasticæ libris diligenter quidem , sed absque delectu ,

Paris II. Tom. V.

X x

atque

atque indigestis documentis, quæ aliqualem sui erroris speciem obtendere videantur, corrasis, illud ex duobus alterutrum suadent, aut Ecclesiam id sibi juris, quod imprudenter fecisset, usurpasse nunquam libros proscribendi, illosque e Christianifidelium manibus eripiendi: aut si id sibi usurpavit juris, ejus generis ab ea prolatas prohibitiones non fuisse, quibus ipsius mentis assensum præbendum fore Christianifideles persuasum habuerint. Itaque quod ad primum spectat, ab Ecclesia, inquit, prohibiti nusquam sunt olim libri Gentilium, Judæorum, Turcarum, aliorumque Hæreticorum; neque Christiani veteres a lætione abstinenti uspiam adparent librorum Celsi, Luciani, Theostenis, Hieroclis, Porphyrii, Juliani, Ennapii, Libanii &c., a quibus alioquin opera ad Christianam oppugnandam Religionem omnis impensa fuerat; neque magis igne velut, & aqua interdicta leguntur opera Tatiani, Tertulliani, Origenis, Nepotis, Novatiani, Scythiani, Eusebii, Apollinaris, Cassiani, Procli Lycii, Photii &c., quos ingenti cæteroqui conatu ad Ecclesiæ Catholicæ, aut Latine pleraque subruenda dogmata se contulisse compertum est. Atque utique absque eorundem librorum attentata lætione, adversus Ethnicos, Judæos, & Hæreticos linguam, & calamum exercere nequivissent, qui ex veteribus Ecclesiæ Scriptoribus, ut recentioribus supersedeam, tanta cum laude exercuisse leguntur, quæ ex Græcis Justinus, Irenæus, Tatianus, Athenagoras, Melito, Apollinaris Hierap., Theophilus Antioch., Herinias, Clemens Alex., Miltiades, Lucianus Martyr, Methodius, Ammonius Alex., Origenes, Macarius Magnus, Leontius Cæsar., Eusebius, Apollinaris Laod., Athanasius, Gregorius uterque, Basilus, Jo: Chrysostomus, Epiphanius, Basilus Seleuc., Philostorgius, Diodorus Tarso, Cyrillus Alex., Philippus Sidetes, Evagrius, Theodoretus, Gregentius Tephrensis, Ephræmius, Aeneas Gazæus, Jo: Damascenus &c.; quæ ex Latinis Apollonius, Tertullianus, Hippolytus, Pionius, Minutius Felix, Cyprianus, Arnobius, Lactantius, Asclepiades, Commodianus, Julius Firmicus, Ambrosius, Paulinus Nolan., Augustinus, Hieronymus, Paulus Orosius, Niceas Aquil., Prudentius, Antonius Fussal., Philastrius, Junilius Afer, Julianus Pomerius, Isidorus, sexcentique alij sequioris ætatis utriusque lingue

linguæ Scriptores , de quibus Fabricius inter alios Bibl. Græcæ tom. 7. lib. 5. cap. 8. pag. 96, & seqq. Et certe S. Dionysium Alex. librorum hæreticorum lectioni deditissimum fuisse auctor est Eusebius lib. 7. hist. Eccl. cap. 6. Id ipsum de Theophilo Antioch. refert Socrates lib. 6. cap. 15. S. Hieronymus quoque hæreticorum impune libros diurna, nocturnaue manu se versare consuevisse testatur in epist. 152. Hinc in Concilio Carthagenensi IV. Can. 16. Episcopi admonentur , ut pro necessitate , ac tempore , huiusmodi librorum lectioni , tamquam ea officii pars esset, aliquam impendant operam : & in Concilio Nicæno II. Can. 9. Iconomachorum libri in Episcopio , ab Episcopo utique retinendi , ac , prout oporteret , relegendi , recondi , non etiam igne absumi , jubentur .

Quod ad 2. respicit caput , ejusmodi nempe prohibitiones aliquando a Pontificibus factas non pertinere ad fidem , ex Pontificum ipsorum dictis , & factis persuadere initio conantur Janse- nistæ. Testes ideo postulant S. Leonem M. in epist. 87. edit. Quenell. , Baller. 114. ad Synodum Chalced. , & 92 , sive 119. ad Maximum Antioch. , Pelagium II. in tribus epist. ad Istriz Episcopos , & S. Gregorium M. lib. 2. epist. 51 , lib. 3. epist. 10. , lib. 4. epist. 39 , & lib. 7. epist. 54. affirmantes in Concilio Chalcedonensi actum fuisse , non de personis , sed dumtaxat de fide , atque de fide acta dumtaxat Romana ab Ecclesia recepta : vicissim vero , duo posteriores quidem , in Constantinopolitano II. , sive Generali V. actum fuisse de personis solummodo , non de fide , eaque proinde acta retractari potuisse : quum alioqui testata res sit a Chalcedonensi tractatum etiam de personis Theodoretæ , & Ibræ , ac vice versa a Constantinopolitano II. de scriptis Ibræ , Theodoretæ , ac Theodori Mopsuesteni . Quam vero Pontifices isti Conciliorum decretis circa facta dogmatica ademerunt , fidem neque sibi met præstendam , si quando pariter ad definienda facta dogmatica procederent , facto ipso docuere S. Zosimus , S. Hormisdas , & Vigilius : nam a primo Cælestii libellus probatus est , qui prius a S. Innocentio I. fuerat reprobatus , atque reprobatione reapse dignus ab ipso met Zosimo postea agnitus est : a secundo Scytharum propositio de uno ex Trinitate in carne passo proscripta est ,

quæ contra Acœmetas postmodum Johanni II. probata evasit : a tertio trium Capitulorum damnationi, cui diu ante, multumque obliuiscatus fuerat, ideo sane, quod iniquam eam intelligeret, adjectus tandem est calculus. Liquidum, atque locuples, quod huc apposite revocari possit, Innocentii III. testimonium reputant in Cap. *A nobis* de sentent. Excom., ubi *Judicium Dei*, inquit, *veritati, quæ non fallit, nec fallitur, semper innititur* ; *judicium autem Ecclesiæ nonnunquam opinionem sequitur*, (quæ opinio plane in factorum definitionibus semper intervenit) *quæ & fallere sæpe contingit, & falli*. Sequioribus ævis sæpius Romanos Pontifices mutasse pariter sententiam, atque a lato jam de libris, aliisque ad Religionem christianam spectantibus doctrinis judicio recessisse, ac in contrariam ivisse definitionem, ita propius ad causam appropinquantes propriam, Jansenistæ non tam comminiscuntur, quam calumniantur. Ita enim, inquit, Alexander VII. an. 1656. Sinenfes ritus permisit, quos pridem an. 1645. Innocentius X. proscripserat, atque postea Clemens XI. an. 1704, 1710, & 1715, ac Benedictus XIV. an. 1742. districte prohibuere. Clemens IX. an. 1669. ad Ecclesiæ pacem quatuor mandatis admittere Episcopos non detrectavit, quamquam ii publicis mandatis docuissent pro subscriptione Formularii sufficere religiosum silentium. Quin imo Episcopi unde viginti in gratiam illorum quatuor ad Clementem IX. scribentes significare non dubitarunt, nihil esse in eorum sententia reprehensione dignum, seque idipsum cum illis sentire. Quam 19. Episcoporum epistolam approbavit utique Clerus Gallicanus in Comitibus an. 1670, & 1681, quum nempe probavit librum Gerbasii *De causis majoribus*, ubi eadem epistola integra recensetur. At vero religiosum silentium antea damnaverat Alexander VII, quod perinde ab Innocentio XII, & a Clemens XI. reprobaturum est. Innocentius XII. itidem in Brevi ad Episcopos Belgii an. 1694, qui palam edixerant sensum obvium quinque propositionum esse sensum a Jansenio intentum, significavit haud obscure satis esse, si damnentur ille quinque propositiones in sensu obvio, quem verba ipsa præferunt, missa questione, an sensus obvius sensus esset Jansenii : Atramen Alexander VII, ipse met Innocentius XII. an. 1696, & Clemens XI. quin-

que propositiones damnatas , ac damnandas esse juxta sensum a Janſenio intentum pronuntiarunt , ac præceperunt .

Atque sane ad id satis esse silentium obsequiosum , scilicet ad obedientiam dependendam Pontificiis definitionibus de factis dogmaticis , quin quis iisdem præterea mente , animoque interiori adherere debeat , & adquiescere , ex antiquis quoque aliis Conciliis Antiocheno , & Nicæno vox *Hemouſion* recepta vicissim , atque rejecta est . In Concilio Ephesino vox *Deipara* consecrata est loco vocis *Christipara* , quæ imo a Synodo V. Can. 6. subinde sublata est , quæque antea licite , ac legitime de B. Virgine Maria usurpabatur . Nestorio etiam anathema tandem dixere cum Johanne Antiocheno Orientales , cui alioquin hæresis personam inique , & perperam impositam fuisse putabant . A Concilio Chalcedonensi in Eutychanis propositio illa , *Una est in Christo natura incarnata* , reprobata est , quæ in S. Cyrillo pridem a Concilio Ephesino fuerat approbata . Acacii perinde damnationi , ejusque e diptychis expunctioni subscribere demum , & consensere Orientales , quem tamen ab errore immunem credebant . Synodum V. oppugnare ideo , quod tria condemnasset Capitula , quæ ipsi pro viribus defendenda susceperant , diu , multumque non destitere viri dignitate Ecclesiastica , doctrinaque conspicui in Africa , Hispania , Gallia , Istria , Liguria , Illyrico &c. , quin tamen in Ecclesia optime audire desinerent , inter quos Sebastianus , & Rusticus S. R. Ecclesiæ Cardinales ; Victor Tunonensis , Theodorus Africanus Episcopus , Facundus Hermianensis , Liberatus Carthag. &c. , quibus & favit S. Gregorius M. in epist. ad Constantium Mediolanen. , & ad Theodelindam Langob. Reginam erga Synodum V. pessime affectam , ne ejusmodi Synodi ulla fieret mentio , haud egre admodum passus . Ad hæc vero Theodori Mopsvesteni frequens cum honore mentio facta legitur a SS. Gregorio Nazian. , & Jo: Chrysostomo apud Facundum , qui & illum magni Flaviani discipulum vocabat . lib. 2. cap. 2 , non secus ac Diodori Tarf. Socrates lib. 6. cap. 3. inter discipulos vero & ipse nactus , illustresque laudatores Andream Samosat. apud Lupum in Synodico Cassinensi cap. 43. Theodoretum Cyren. hist. Eccl. lib. , & cap. ult. , Johannem Antioch.

tioch. in tribus epistolis apud Liberatum pag. 49. edit. Garnerii, & Facundum lib. 2. cap. 2, Meletium ipsius successorem in epist. ad Titum Vicarium Orientis apud Baluzium nov. Collect. pag. 875, Ruffinum Syrum apud Garnerium in Marium Mercat. to. 1. pag. 286: præ quibus ipse Facundus prolixum se in Theodori innocentia vindicanda, ejusque meritis, ac laudibus extollendis se præbuit: apud quem imo lib. 7. cap. 6. neque magni Doctoris titulum Theodoro invidit S. Cyrillus Alexandrin.; qui certe in epist. ad Proclum tom. 5. oper. part. 2. pag. 200. personæ ipsius parcendum, etsi scripta proscribenda, existimabat. Quin etiam S. Isidorus in Catalogo eo processit, ut illum Cl. Ecclesiæ Doctorem vocaret nedum, sed imo a Synodo V. injuria damnarum asserere non dubitaret. Theodoretum (qui præterea habetur a multis post Theodorum Mopsv. tanquam fons primarius erroris, quo Græca deinde Ecclesia a Latina discissa est, de Spiritu S. a Patre solo processione, quo de errore Petavius Theolog. Dogm. tom. 2. lib. 7. capp. 1, & 2. pag. 633, Garnerius in auctario Theodoreti pag. 194, Allatius in vind. Synodi Ephes., & S. Cyrilli, Pearsonius ad Symbolum Apostol. pag. 571, & seq., ac Forbesius Instruēt. hist. Theolog. lib. 5. cap. 6; de quo etiam conferre licet ejusdem Theodoreti disputationem contra S. Cyrillum, istiusque Anathem. 9. oper. tom. 4. pag. 718; contra quæ demum Spiritum S. a Filio quoque procedere SS. Epiphanium, Cyrillum, aliosque Græcos Patres docuisse tradit Jo: Beccens apud Allatium in Græcia orthodoxa) a Synodo Chalcedon. a. 451. & 8. inter Patres susceptum fuisse, ejusque fidem a S. Leone M. epist. 63. edit. Quesn. 93. Baller. 120. laudatam ignorat nemo: quam utique Theodoreti fidem a sinistra omni Nestorianæ hæresis suspitione, ac labe abunde liberavit Auctor Synodici a Lupo, Baluzio, & Garnerio vulgati, quam perinde officii gratiam Theodoretæ præstitere Sirmondus in ejusdem vita, ac Petavius de Incarn. lib. 6. cap. 17. in Id Agobardum laudans, laudes vero luculenter prosequutus Johannes Euchaitensis Metropolitæ præclarissimis Ecclesiæ Doctoribus ad censere Theodoretum non dubitavit apud Fabricium Bibl. Græcæ tom. 7. lib. 5. cap. 111. pag. 450. Ibam denique Edessenum Synodus Chalcedonenfis suscepit non modo, re-

cogni-

cognitisque act. 9, & 10, quæ de ipso Antiochiæ, Tyri, & Beryti acta fuerant, atque virum probatæ vitæ, & fidei integræ compertum Sacerdotio, & Sedi restituit, sed imo ab Apostolicæ Sedis Legatis ejusdem ad Marim Epistola orthodoxa agnita est apud Harduinum tom. 2. pag. 539; quam reapse probum, & catholicum in sensum adduci posse contendit plane Christianus Lupus in Not. ad Synodi V. Canon. cap. 4. Quid ad hæc autem, quod Synodis V, & VI. a pluribus Episcopis subscriptum est, quibus ea tamen animo infedebat acriter sententia, ab utraque Synodo errore facti, ac dogmatici utique, erratum fuisse? Atque quidem a Synodo VI. speciatim ob damnatum Honorium erratum fuisse, errore facti sine dubio dogmatici, quia videlicet ejus Epistolarum sensus a Synodo approbe attractus non fuerat, incimeque pervasus, affirmare non dubitarunt (quo plane in argumenti genere vim magnam faciunt Jansenistæ, ac præsertim Formularii Alexandrini impugnator, sive Auctor libri Gallice inscripti: *Justification du Silence respectueux* pag. 431.) Johannes a Turrecremata de Eccl. lib. 2. cap. 93, Baronius ad an. 681. n. 29, & seqq., Belarminus de Rom. Pontif. lib. 4. cap. 11, quibus Auctor ille adjungere non destitit S. Thomam Quodl. 9. q. 8. art. ult., Gerfonium de potest. Eccl., & Laic. cap. 16, Almainum, Dionysium Carthus., Stapletonium, Sirmondum, Peravium, Richaelium, Lauræam, Aguirrium, Pallavicinum hist. Concil. Trid. lib. 7. cap. 14, & lib. 11. cap. 18, aliosque, quorum se presse inhærere vestigiis jactant Jansenistæ, ideoque pari sententia tenere se ajunt errasse proculdubio Romanos Pontifices errore facti dogmatici, quinque propositiones Jansenii damnando, juxta sensum ab eodem intentum, quem ipsi sensum ab Jansenii mente prorsus alienum propugnant.

Quam perversam adhuc opinionem suam confirmare, corroborareque pravi admodum pervicaces homines adnuntuntur congestis abque delectu damnatorum hominum laudatoribus, & Apologistis. Ita namque, inquit, Origenis laudes celebrare non detrectarunt ex Græcis SS. Gregorius Neocæsar., Athanasius, Basiliius, Gregorius Nazian., Jo: Chrysostomus, Theotimus apud Sozomenum lib. 8. cap. 17, Johannes Hierosolym. &c., ex Latiniis

nis SS. Eusebius Vercell., Hilarius, Victorinus Pictav., Ambrosius, Augustinus in epist. 86. oper. S. Hieronymi tom. 2., Hieronymus ipse præfat. in Ezech., in Michæam, in Nomina Hebraica, in epist. ad Paulam, & ad Pammachium, ac de Script. Eccl., Vincentius Lirin., alique; pro eo quinimo Apologias elucubrare non dubitarunt Pamphilus Martyr, Eusebius Cæsar., Anonimus apud Photium Cod. 117, Ruffinus Aquil., Haymo Halberstat. in Brev. hist. Eccl. lib. 6. cap. 3, Jacobus Merlinus, Sixtus Senen., Gilbertus Genebrardus, Jo: Picus Mirand., Petrus Halloixius, Anonymus Londinensis apud Fabricium Bibl. Græc. tom. 5. pag. 237, & seq., Stephanus Binettus, Huetius, Garnerius &c. Origenem quin etiam Catholice interpretatus est Didymus; eidem ab hæreticis errores affictos contenderunt Ruffinus, alique in Synodo Alexandrina Episcopi, teste Severo Sulpitio apud Petrum Wastellum tom. 2. pag. 488; ab eo propria ex sententia errores non profectos, sed ex contradicentium persona, ac sensu affirmavit S. Athanasius de Synodi Nicænæ decr.; cum quidem errasse, pertinaciter tamen erroribus non adhæsisse censuit S. Hieronymus de Viris Illust.; ejusdem inconstantiam in doctrinis viderunt, & notarunt Timotheus Presbyter, & S. Maximus apud Cotelierum tom. 3. pag. 417, & 643; per calumniam Origeni dogma de Metempsychosi imputatum fuisse pugnant Jo: Vindetus lib. de vita sanctorum statu pag. 39, & Jo: Bapt. Crispus de Philosophis caute legendis pag. 464, & seq.; fabulis quoque adscribendum, quod de oblato idolis sacrificio ab Origene refertur a S. Epiphanio hæc. 64. n. 2, & comprobatur ab Huetio pag. 22. Origen., Petavio in Epiphan., Natali ad Sæcul. III. dissert. 15, ac Pagio ad an. 251. n. 6, & seq., contendunt Baronius, Raynaudus, Valesius, Halloixius, Tillemontius, & Bagnagius ad an. 203. n. 20. Vide & doctiss. Cacciarum in hist. dissert. pro Ruffino Aquil. par. 2. §. 6. Marcelli Ancyрани fidem libello expositam acceptam habuisse, ac laudibus celebrasse S. Julius I. legitur in epist. ad Eusebianos, quam perinde tanquam ab orthodoxa degenerem censura notasse, & condemnasse Liberium, & S. Damasum adparet ex libello oblato a Legatis Synodi Lampfacenæ, & ex professione fidei missa ad Paulinum: qua de re Petavio lib. 1. de Pœnit. publ. cap. 2. Ecclesiam errore sa-

Ati deceptam , doloque circumventam Marcelli libellum approbasse prius observat, quem postea erroribus scaentem deprehendit , atque damnavit . Ad sequiora vero delabendo tempora , Gothescalcum damnarant profecto Synodi Moguntina , ac duo Carisiacæ : quem nihilofecius ab errore prorsus expurgandum sumpserit Lugdunensis Ecclesia , Synodi Valentina III , Lingonenfis , & Tullenfis , S. Remigius Lugd. , S. Prudentius Trecen. , Ratramnus Corbejen. , Lupus Servatus , ac devexiori sub ætate, ut de Usserio , ac Janfenio taceam, Gilbertus Maguinus, & Christianus Lupus . Petrus Abaelardus , urgente S. Bernardo, dita quæque perpefsus est in Synodis Sueffionensi , ac Senonensi, ingentesque quin etiam Innocentii II. expertus est iras : quem tamen apologetico edito ab invidia liberare instituit Berengarius , irato Pontifici reconciliare studuit V. Petrus Clun. , nulloque certe modo hæreticis adnumerandum ostendunt idem Clun. Abbas , Otho Frising. , & Natalis Alex. ad Sæcul. XI , & XII. dissert. 7. art. 11 . Gilberto Porretano ignominia dica a Synodo Remensi , & Eugenio III. conscripta fuerat : favorem ipsi nihilominus impendere suum e re sua duxerunt S. R. E. Cardinales . Joachimi Abb. librum adversus Petrum Lombardum proscripsit , unique ipsius de Trinitate propositioni hæresis notam infixit in Synodo Lateranensi IV. Innocentius III: quin tamen id prohibuerit , quominus eundem ab errore expurgandi spartam in se susciperent Lucas Consentinus Archiep. apud Ughellum Ital. Sac. tom. 9 pag. 205, indeque in Act. SS. tom. 7. Maji ad diem 29. pag. 93 ; Jacobus cognomento Græcus in ipsius vita apud eundem Papebrochium ; Theophilus Raynaudus in Hoplothea to. 12. oper. pag. 150 ; Gregorius de Laude Sagittariensis Abbas in Apologet. Joachimi edit. Neapol. 1560 ; Franciscus Bivarius Ordin. Cisterc. in apolog. pro Joachimo , in Not. ad pseudo-Lucium Dextrum pag. 481 , & seq. ; Natal. Alex. hist. Eccl. ad Sæcul. XIII , & XIV. cap. 3, art. 3, & dissert. 2 ; Papebrochius ad 29. Maji tom. 7. pag. 89 , & seqq. , & ad exhib. error. Sebastiani a S. Paulo art. 2. §. 18. Suppl. apolog. pag. 257 ; Pagius uterque , Senior ad an. 1188. n. 21 , & seqq. , ac 1190. n. 8 , Junior vero in Innocentio III. Quibus demum omnibus suffragatur ratio manifesta : illud namque dumtaxat ad fidem pertinet , fide-

que Divina tenendum proponi a Pontifice potest, quod est revelatum : revelatum vero nihil est, nisi quod in Dei Verbo scripto, vel tradito continetur : atqui facta ejus genus neque in Verbo Dei scripto, neque in Dei verbo tradito revelata sunt, uti per se perspicuum est : quorsum ergo fide credenda eadem nobis Pontifices Summi proponere sibi sumunt ? His itaque, similibusque garriunt Jansenistæ . At guerræ profecto, meræ guerræ, atque lyræ, quæ nullo, aut levi exsufflantur negotio .

Responsioni itaque præmitto 1. distinguendum esse diligenter inter propositionem æquivocam, & propositionem complexam : ista plures habet partes, illa plures sensus patitur ; exinde est enim, quod Pontifex aliquando distinguat inter partes propositionis complexæ, non vero semper distinguendum putet inter multiplices æquivocæ propositionis sensus . Ita Martinus V. in Concilio Constantiensi in propositione 24. Wicleffi duas partes distinxit, quas diversa dispunxit censuræ nota : Æquivocas vero propositiones 4, & 21. Hüssi absque ulla sensus distinctione, habitæ dumtaxat sensus illius obvit ratione, damnavit . Ita pariter circa propositiones Baji a S. Pio V, & circa propositiones Quesnelli a Clemente XI. factum observarunt viri eruditi Vasquezius, Suarezius, Turrianus, Norisius, Viva, Sollerius, Fontana, Berti, Bellelli, aliique . 2. Distinguendum quoque esse duplicem in propositionibus sensum, absolutum scilicet, quem in se ipsis habent, ac relativum, quem dicunt ad sensum libri, ex quo extractæ sunt, & Auctoris, a quo sunt enuntiata . Distinguendus est item duplex Auctoris sensus, mere internus alius, ac mente retentus ab Auctore ; externus alter, ex verbis, ex tota doctrinæ serie, ex systemate, ex textura, librique contextu, ex conformatione, scopo, consilioque elicitus . In censuris porro librorum, aut propositionum Romani Pontifices respicere nequaquam solent ad sensum Auctoris mere internum, animoque retentum : (quem proinde defendere in aliquibus quidem licuit, quem defendendo tamen imprudentissime factum, quique fecere, semet irridendos propinasse facile videre poterant : quo pacto enim ipsis patuit illorum sensus mere internus, quem neque patuisse Ecclesiæ defensores ipsimet pugnant ?) bene vero damnandum sibi pro-

ponunt aliquando quidem sensum dumtaxat absolutum, quem verba ipsa in se ipsis, juxta linguæ institutionem, ac independenter a proferentis intentione, præferunt: quomodo Alexander VII, Innocentius XI, & Alexander VIII. pleraque laxioris Moralis propositiones in se ipsis consideratas solitarie confixere, nullo habito respectu vel ad libros, in quibus continebantur, vel ad Auctores, a quibus conscriptæ sunt: aliquando vero propositiones etiam proscribunt juxta sensum respectivum, qui scilicet ex Auctoris systemate, ac instituto, aut libri serie, & contextu eruitur: quo pacto Leo X. Lutheri, S. Pius V. Baji, Innocentius X. Jansenii, & Clemens XI. Quesnelli propositiones nigro lapillo notarunt.

Qua porro ratione Pontifices ita facerent, si abs me quæras, respondeo ita probe facere consuevisse, ut perspicio, ideo ut propositiones generatim univocas, ac per se ipsas aut veras, aut falsas vel probarent, vel improbarent, ut inde discerent facile Christianifideles, quibus adhærendum sibi esset, & a quibus abstinendum. Ideo quoque ut in propositionibus aliquando æquivocis facta distinctione sensus falsi, & veri, determinarent, quo sensu damnatæ propositiones intelligi deberent: an scilicet in sensu etiam privato ab Auctore intento, quique ex Auctoris consilio ac doctrinæ contextu expiscari haud difficile potest. Exinde factum est, ut frequenter eadem propositiones eisdem verbis expressæ modo in aliis probatæ fuerint, aut permissæ, in aliis vicissim reprobatæ, ac proscriptæ, habita videlicet ad diversam proferentium dispositionem consideratione. Ita damnatus est Colluthus, qui negabat Deum esse auctorem mali; quod scilicet de causâ physica id intelligeret: damnatus etiam Florinus, qui id affirmabat, quod id nempe de causâ morali censeret. Ita damnatus est Paulus Samosatenus, qui de Filio dicebat *Homousion*, quod id assereret divisione præsupposita ejusdem Divinæ substantiæ: damnatus vicissim Arius, qui de eodem Filio dicere *Homousion* negabat, identitate id est negata Naturæ in Patre, & Filio. Ita absolutus S. Cyrillus Alex., qui alioqui scripserat unam esse naturam Christi incarnatam, quod a Divina humanam assumptam significabat: damnatus e contra Eutyches, eo quod ejusmodi locutione significaret unam dumtaxat in Christo D. naturam, Ita ante Nestorium vox *Christipara* nul-

la latentis erroris labe suspecta erat, quæ deinde in sensu hæretico a Synodo V. Can. 6. reprobata est. Ita in Monachis Scythis a S. Hormisda reprehensa est propositio de uno e Trinitate in Carne pascio, quæ vicissim a Johanne II. adversus Monachos Acoemetas recepta est. Ita in Theologis non respuitur propositio ista: *Due nature Divinitas, & Humanitas sunt unus Christus*, quæ in Johanne Hus est repudiata. Ita in S. Augustino propositio illa in Epist. ad Galat., *Quod amplius delectat, secundum id operemur necesse est*, verum, & orthodoxum habet sensum, quippe de delectatione deliberata intelligitur; nam alioqui de indeliberata dixit lib. 8. Confess. cap. 8: *Non faciebam, quod incomparabili affectu amplius mihi placebat*: in Janenistis e converso sensum habet falsum, & hæreticum, siquidem de delectatione indeliberata affirmatur. Ita in SS. Patribus, ac præsertim circa Trinitatis, Incarnationis, & Eucharistiæ Mysteria pleræque multæ propositiones recto, catholicoque sensu accipiuntur, quæ in Sabellianis, Nestorianis, Eutychianis, & Sacramentariis pessime audiunt. Audiendus Doctiss. Card. Norisius in Apologia Monach. Scythiæ cap. 1, ubi apposite hanc in rem sic loquitur: *Ecclesia univocas propositiones, quarum unicus tantum est sensus, probat, si veræ sint, sin vero falsæ, condemnat. At si propositiones sint equivocæ, ac duplicem sensum patiantur, quorum unus sit Catholicus, alter hæreticus, Ecclesia easdem in sensu recto approbat, & in falso proseribit*. Quod ipsum multis ostendit lib. 2. hist. Pelag. cap. 20, & in Vindic. Augusti. cap. 3. §. 2.

Neque tamen ideo culpandi, aut negligentia coarguendi Romani Pontifices sunt, siquando gravissima profecto causa permoti, propositiones æquivocas, nulla præmissa explicatione, aut duplicis sensus distinctione, censuris afficiant: quia nempe ea permovetur causa potissima, ut Christi fideles probi, frugique doceantur, & discant, ea, qua par est, intellectus humilitate Ecclesiæ judicia venerari, & amplecti; utque heterodoxorum pervicaci, inquietoque præ æstu furoris ingenio, altercandi omnis præcludatur aditus, explicationumque expostulationibus, quæ in infinitum facile irent, finis fiat. Alioquin enim a SS. Hilario, & Augustino jamdudum animadversum est Ecclesiam in proscriptione hæreticorum, & hæreticarum propositionum intendere non

præ-

præcise in nudum verborum sensum, sed præsertim in sensum ab Auctoribus intentum, quem scilicet ex sermonis contextu, ex Auctorum scopo, aliisque circumstantiis colligere attente consuevit. Unde ille prior lib. 2. de Trinit. *De intelligentia*, inquit, *hæresis, non de scriptura est; & sensus, non sermo fit crimen*. Quod exemplo comprobat vocis *Homousion*, quam a Paulo Samosateno male assertam octoginta Episcopi Synodi Antiochenæ respuerunt, neque melius ab Arianis negatam § 18. Patres Nicæni vicissim receperunt. Iste vero posterior lib. de gest. Pelagii cap. 13. observat nonnulla Cælestii capitula magis secundum sensum, quam secundum verba a Patribus Africanis Pelagio objecta fuisse: atque lib. 2. de Nupt., & concup. cap. 4. de Juliano loquens: *Quæ veraciter, inquit, & catholice dicta sunt, imo in Divinis libris veraciter scripta, non ab illo catholice dicta esse, quia non intentione catholici pectoris dicta sunt*. Hanc in rem, qui plura adhuc aveat, præsto erunt ipsi Doctores. Theologi Petavius Theolog. Dogm. tom. 4. de Incarn. lib. 4. capp. 6, & 7, Pallavicinus histor. Concil. Trid. lib. 1. capp. 21, & 22, Natalis hist. Eccl. ad Sæculum XI, & XII. disert. 8, Roncalia in animad. ad Sæcul. V. disert. 14, Tournellus de Ecclesia qu. 3. art. 3, Sanfelicius in prolus. ad Jans. doctrin., Maffejus in Jansenismo novo lib. 1. cap. 5, Observat. tom. 5. in princip., & hist. Theolog. lib. 7. §. 16, ac lib. 11. §§. 2, & 5, ac Thomas ex Charmes in Theolog. proleg. disert. 5. cap. 3. qu. 4. art. 4. §. 2., ac disert. 6. capp. 1, & 2, quos inter alios innumeros, honoris gratia appellatos heic volui: quibus præhabitis operosum jam non est futilibus Jansenistarum objectis offendere.

Respondeo itaque ad primum ex disputatis toto paragrapho isto patere manifestissime objectionis fallitatem: patet enim a priscis ævis sollicita, ac provida Romanos Pontifices vigilantia in eam semper curam incubuisse, ut Christianifideles ab eorum librorum lectione averterent, ex quibus incauti, ac simplices detrimenti quidpiam capere possent, imbuique opinionibus, ac doctrinis, quæ vel morum integritati, vel Catholicæ Religionis dogmatibus insectæ essent, veluti in sua Constit. 19. *Sollicita* Bullar. tom. 4. loquitur disertissimus peræque, atque Ecclesiasticæ peritissimus antiquitatis Benedictus XLV. P. M.; cui pari in sententia præ-

præverat quin etiam Carolus V. in Edicto Wormatiæ edito adversus Lutheri libros, quos flammis aboleri præceperat. Quamobrem libros a Pontificibus Romanis prohibitos (quod heic admonitum semel volo, atque intelligi dictum quoque de Sacr. Inquisitionis, ac Indicis Congregationum, decretis) sive hæreses contineant, sive opera hæreticorum sint, legi non posse, tum nempe ob subversionis periculum, tum etiam in Auctorum odium, & probum, sub excommunicationis pœna in Bulla Cœnæ lata, de qua etiam Regula 2. Indicis, atque etiam quoad partes non continentes hæresim, neque de Religione tractantes, vera, receptissimaque sententia est, quam omnino tenendam recte docent Bellarminus de Laic. lib. 3. cap. 20, Farinacius de hæ. q. 180, Pegna Direct. Inquisit. par. 2. Comment. 3, Azorius tom. 1. lib. 8. cap. 16. q. 6, Santarellus de hæ. cap. 14, Soufa in aphorif. Inquisit. lib. 1. cap. 21, & in Bull. Cœn. cap. 2. disp. 13, Toletus in Sum. lib. 1. cap. 19, Sanchez in Decalog. lib. 2. cap. 10, Bonacina de Cens. disp. 2. sect. 2. qu. 5. pun. 4, Suarez de remed. Eccl. contra hæret. & hæ. disp. 20. sect. 2., Dicastillus disp. 3. n. 1180, Fagnanus in Cap. *Damnatus* de Sum. Trin. n. 16, & seq., Tamburinus in Decalog. tom. 1. lib. 2. cap. 1. §. 7, Diana par. 3. tract. 6. resolut. 49, Castropalaus par. 1. tract. 4. disp. 2. pun. 10, Trullenchus in decalog. to. 1. lib. 1. cap. 3. dub. 9, Pignatellus consult. 195, La Croix tom. 2. lib. 7. art. 5, Petra Comment. in Const. unic. *Valde* S. Gelasii I. tom. 1. pag. 77, alique apud ipsos. Neque sufficere, si ab hujusmodi libris hæreses deleantur, & expungantur, quum hujus generis librorum expurgatio ad Episcopos, & Inquisitores pertineat, diserte asserunt loc. indic. Bellarminus, Suarez, Dicastillus, Soufa, La Croix &c.; sed imo deferri ad Inquisitores debere, ab ipsis comburendos, explicate jubent Julius III. Const. *Cum meditatio*, Pius IV. Const. *Cum pro munere* apud Pegnam in append. Direct. pag. 115, & 129, Paulus IV. apud Sanchez in Decalog. lib. 2. cap. 12. n. 11, & Rodericum in addit. ad Bull. Cruc. §. 9. n. 66, & Urbanus VIII. Const. *Apostolatus*, indubiumque habent Pegna Direct. par. 2. comm. 3, Barbosa de potest. Episcop. alleg. 90. n. 5, Diana par. 1. tract. 11. resol. 37, Ricinius de jure pers. lib. 5. cap. 24, Thomas del Bene de offic. inquis. par. 1.

par. 1. dub. 40, Bordonus in Tribun. cap. 40, Castropalaus tract. 4. disp. 2. pun. 10. §. 12, Albitius de inconst. in fide cap. 30. n. 95, Sanchez loc. cit., Lupus in Edicto par. 4. lib. 2 §. dist. 8. art. 2; Petra in Comment. ad Constit. 2. *Impia* Innocentii IV, aliique apud ipsos.

Libros itaque Gentilium, Judæorum, Turcarum, aliorumque Hæreticorum etiam antiquiorum ideo ab Ecclesia prohibitos non fuisse conicere fas est, vel quod, ut observavit Stephanus tract. 3. disp. 1, errores, quibus aspersi erant, jam probe essent perspecti, iique a sensu ipso abhorrentes, aut jampridem sermone publico, vel aut scripto perstricti, ac profligati, ut proinde nullum legentibus, vel ut a quibus potius despectui haberentur, exinde periculum ingrueret: vel quod, veluti habet Textus in Canon. *Si quid veri* distinct. 37. ex S. Augustino, & animadvertit Hostiensis in Cap. *Damnamus*, ex illorum lectione hinc nullum quidem detrimenti subesset periculum, illinc vero haud exigua pareretur utilitas. Quod si periculum ejusmodi aliquod subeat, ii profecto libri, quamvis explicite non prohibiti, uti recte observat Beccanus lib. 5. Controv. cap. 12, inter prohibitos tamen proculdubio erunt habendi; idque patet ex decretis Gregorii IX, Innocentii IV, Clementis IV, Honorii IV, Johannis XXII, Julii III, Pauli IV, & Clementis. VIII, a quibus prohibentur Thalmud, aliique hujusce fursuris Hebræorum libri, atque ex Regula 10. Indicis, ubi additur librum *Magazor* toleratum, esse in lingua Hebraica, non etiam in aliis. Neque pari modo prohibiti expresse libri Tatiani, Tertulliani &c. leguntur idcirco, vel quod, ut adnotant Glossa in Cap. *Fraternitati* de Hæreticis, Gonzales ibid. n. 9, & Card. Petra ad Constit. *Valde* S. Gelasii I. n. 14. id majorem cederet in ipsorum confusionem, & ignominiam, quorum ex prioribus optime scriptis posteriores errores quam facile deteguntur, tam valide refelluntur, atque ita propriis ii veluti configuntur telis: vel quod, ut approbe advertunt Bellarminus, Suarez, Beccanus, Gravina, Baluzius &c., iis in libris hæreticum illi hominem data opera non egerunt, atque si humani aliquid passi sunt, aut in paucis admodum ab illis erratum est, aut quod errassent, postmodum aut ab ipsis, aut ab aliis pro humani-
tatis

tatis officio, abunde emendatum est, erroresque illi omnes jam omnibus perspecti, jam ab omnibus sunt omnino improbat. Quam vero licita, tam laudabilis erat opera, quam improborum librorum lectioni impendebant Ecclesiæ Patres, Scriptoresque Ecclesiastici (quamvis in his SS. Dionysius, & Hieronymus distinxim hanc ob rem male apud Catholicos aliquando audiverint: quod non leve, nec obscurum est indicium, jam tum in Ecclesia vetitam librorum ejusmodi lectionem) quæque opera tota ad falsa, & prava hæreticorum dogmata explodenda, & præcavenda conspirabat. Quo sensu a Concilio Carthagenensi IV. indulta Episcopis est, imo injuncta istiusmodi librorum pro necessitate, tempore, ac loco, lectio, utque lectioni huic, prout opus afforet, præsto locus esset, a Concilio Nicæno II. ideo Iconomachorum libri recondi, ac retineri jussi sunt: quandoquidem officio Pastorum cedit a noxiis pascuis Gregem avertere, & Episcopi debent, quod Apostolus monet ad Titum scribens cap. 1. vers. 9, omnes ingenii nervos intendere, ut potentes sint exhortari in doctrina sana, & eos, qui contradicunt arguere: quam spartam utique vix, ac ne vix quidem adimplere poterunt, nisi eis perspecta sint ex lectione eorum, qui extra Ecclesiam degunt, prava dogmata. Quamvis, non inficior, retinendi hæreticorum libros alia subesse ratio potuit, ut ex libris nempe perpetua ipsorum apud posteros confusio, & ignominia, constaret, eorumque sequacium de falsitate, & mendacio facile revinceretur jactantia, siquando in Magistrorum indebitas profuissent laudes: qua permotum ratione S. Zachariam P. M. epist. 138. inter S. Bonifacii Mogunt. Epistolas prohibuisse, ne Adalberti libri igne, quo alioqui dignos judicaverat Romana Synodus, abolerentur, sed ut potius in Scriniis Romanæ Ecclesiæ reservarentur, præsumere fas est; quæ persuasio sane Theophilo Raynau. do de bon., & mal. libris Theorem. 3. n. 26, Gonzalesio in Cap. *Præterea* 4. n. 6. de Hæret., & Card. Petræ in Comment. ad Const. *Valde* S. Gelasii l. n. 12. insedit.

Respondeo ad 2. neque propius ad veritatis speciem accedere, quod a Jansenistis, sublestissimæ videlicet fidei hominibus, subrexitur, hujusmodi nempe prohibitiones Romanis a Pontificibus factas nequaquam ad fidem pertinere. Abutuntur autem infigni

gni mendacio, & injuria ipsorum nomine, & auctoritate, dum ipsos vocare testes in proprii erroris patrocinium non erubescunt. Enim vero etsi Chalcedonenſis Synodus Actionibus 16. constituisse circumferatur, atque in his quidem de personis quoque actum, constet, ut Act. 7. de Juvenalis, & Maximi causa; Act. 8. de Theodoro; Act. 9, & 10. de Iba; (de Actione, quæ de Domno Antioch. refertur, heic non loquor, nam eam huc pertinere negant Quesnellus differt. 9., & Natalis ad Sæcul. V. differt. 17; at vicissim, ac verius affirmant Baluzius in præf. hujus Concilii §. 3. 2. nov. Collect. pag. 983, Pagius ad an. 451. n. 54, ac Ballerini in observat. ad cit. differt. Quesnelli tom. 2. pag. 1215, Actionem illam a Rustico S. R. E. Diacono latine editam confirmantes ex altero Cod. Ms. Vaticano 1322. optimæ notæ, ætatisque supra millenariam) Act. 11, & 12. de Bassiano, & Stephano; Act. 13. de Eunomio, & Anastasio; Act. 14. de Sabiniano, & Athanasio; Act. 15, & 16. de Primatus honore post Romanum Patriarchæ Constantinopolitano conferendo: quæ Acta post actionem 6. profecto a S. Leone M. probata non fuerant, qui explicatissime scripsit probare se ea dumtaxat, quæ de fide definita fuerant, idest Act. 6, priori, quo ante loco erant, relictis, quæ de personis acta post Actionem 6. quæcumque fuissent. Quo circa jure optimeque cum Pelagius II, tum S. Gregorius M. scripsere post Act. 6, in qua fidei definitio edita fuit, Chalcedonenſem Synodum cessasse esse Oecumenicam: quod S. Leonis auctoritate firmant, confirmant autem cum ex Græcis Synodi plurimis Exemplaribus, in quibus Actiones post 6. cæteræ desiderantur, tum Episcoporum, qui Synodo præsentia interfuerant sua, testimoniis: in quibus Alipius Cæsarensis in Cappadocia Antistes ad Leonem August. scribens affirmavit se ea haud legisse, quæ in Synodo Chalcedonenſi de personis, ac gestis particularibus acta, ac decreta ferebantur; quia nempe Thalassius ipsius decessor, quæ in causa fidei acta fuerant, dumtaxat ex Synodo ad Ecclesiam secum detulerat. Scripsere quæcumque post Act. 6. de personis fuerant acta, tanquam acta a Synodo non amplius legitima, & Oecumenica fore reputanda; ideoque, quod de Ibæ epistola ibidem latum fuerat, judicium prorsus infirmum fuisse, nec illud prædecessori suo S. Leoni pro-

batum: atque proinde secundo potuisse iudicio expendi, ac pro-
scribi, quin ulla vel levis definitionibus de fide factis a Synodo
Chalcedonenſi, confirmatiſque a S. Leone inferretur injuria. Eo,
verbo, ſcripſere optimo ſenſu de Theodori Mopſveſt., Theodore-
ti, & Ibæ tribus Capitulis acta retractari, ſeu verius nondum,
actum iudicium agi quam licite, tam legitime in Synodo V. potuiſ-
ſe, quod inſicias trium Capitulorum deſenſores perperam ibant,
illæſa, & integra auctoritate S. Leonis, & Synodi Chalcedonen-
ſis, a qua de tribus illis Capitulis qua prætermiſſum iudicium fue-
rat, qua non probatum, quod propterea a Synodo V. ex ordine
inſtitui potuerit. Atque hoc de argumento jam nimis, de quo
plenius diſputantes adiri poterunt Baluzius in cit. præſat. ad Sy-
nodum Chalced. §. 40, Lupus in diſſert. de Chalced. Synodo cap. 2,
& Noriſius in diſſert. de Synodo V. cap. 11.

Nec eſt magis vero, cur aut S. Zoſimæ, aut S. Hormiſdæ, aut
Vigilii fides, agendique ratio ſollicitetur, quæ tam facile, quam
vere ab omni prorsus invidia detergitur. Atque hoc quidem lo-
ci mihi temperare non poſſum, quin improbem reſponſionem Tour-
nellii (quatenus enim Boſſuetii operam improbaverim, qua Cæ-
leſti hæreſim afflare S. Zoſimi inaniter allaboravim, indicabunt,
quæ tradidi tom. 3. Art. 5. §. 1. pag. 440, & ſeqq.) qui objectio-
ni huic occurrens reponere tantum non habuit Cæleſtiis dolis, &
artibus deceptum fuiſſe S. Zoſimum, niſi adjungeret S. Zoſimi de
libello Cæleſtii iudicium infirmum fuiſſe, quod non fuerit Ec-
cleſiæ univerſæ iudicio confirmatum, ex eo id principio, præoccu-
pataque opinione proferens, quod privilegio infallibilitatis Ponti-
fices carere exiſtimet, niſi totius Eccleſiæ conſenſus acceſſerit.
At enim non ne viro doctiſs., atque ad frugem optime alioqui fa-
cto, ſatius erat reponere, quod reſpoſitum non ignorabat a S. Au-
guſtino? Qui lib. 6. contra Julianum cap. 12, huic prævaricationi
S. Zoſimum inique accuſantem præclaris hiſce offendit verbis:
*Quale eſt autem, quod B. mem. Zoſimum Apoſtolicæ Sedis Epiſ-
copum, ut in tua pravitate perſiſtar, prævaricationis accuſas?*
*Qui non receſſit a præceſſore ſuo Innocentio, quem tu nominare ti-
muſti, ſed maluiſti Zoſimum, quia egit primitus lenius cum Cæ-
leſtio, quoniam in hiſ ſenſibus veſtris ſi quid diſpliceret, paratum eſ-*
ſe di-

se dixerat corrigi, & Innocentii litteris consensurum esse promiserat. Qui lib. 2. contra duas epist. Pelag. cap. 3. deceptum quidem Pontificem non negat in eo, quod juxta Cælestii contestationem eum animo catholicum esse existimaverat, non etiam in eo, quod eum catholicum existimarit juxta sensum, quem præferebat in libello expressa professio: In eo, inquit ideo, voluntas emendationis, & non falsitas dogmatis approbata est, & propterea libellus Catholicus dictus est; quia & hoc catholice mentis est, siquis forte aliter sapit, quam veritas exigit, non ea certissima definire, sed detecta, ac demonstrata respuere. . . Hoc in illo factum esse putamus, quando se litteris B. mem. Papæ Innocentii, quibus de hac re dubitatio tota sublata est, consentire (S. Zosimo) respondit. . . Profecto quidquid interea lenius actum est cum Cælestio, servata dumtaxat antiquissima, & robustissima fidei firmitate, correctionis fuit clementissima suasio, non approbatio exitiosissima pravitatis. Quæ duo lucidissima, ac distinctissima loca ad omnem prorsus invidiam a S. Pontifice abstergendam puto abunde sufficere, quin adhuc opus sit plura congerere tum ex ipso S. Augustino lib. 1. contra Julian. n. 13, lib. 2. de grat. Chr. n. 2, 7, & 24, lib. 2. ad Bonif. n. 5, lib. 2. Retract. cap. 50, epist. 190. n. 22. &c., quin ex ipso met S. Zosimo epist. 2. n. 6, epist. 3. n. 2, epist. 8. n. 2, & epist. 12. n. 1, & 2, quibus in locis suspensionem de sibi probato Cælestii improbo libello, deque præstita impio illi integra fide, ab se omnem depellit; tum ex Mario Mercatore in Common. cap. 1., atque ex S. Prospero advers. Collat. capp. 5, & 10., quæ loca, aliaque plura congesta, atque illustrata videre licet a viris summis Baronio ad an. 417. n. 37, & seqq., Spondano in Epitom. ad eundem an., Pagio ibid. n. 16, ac inseq. n. 3, & seqq., Garnerio in Marium Mercat. Commonit. cap. 1. tom. 1. pag. 13, Coutantio in monito præv. & in not. ad præcit. epist. S. Zosimi pag. 938, Massejo hist. Theolog. lib. 7. §. 15. pag. 194., aliisque pluribus, quibus supersedeo. Nec multus ero sane in expediendis, quæ in S. Hormisdam, ac Vigilium a Jansenistis refinguntur, calumniis, quas diffuse, pro ut operæ ferebat pretium, dispunxisse me memini par. 1. tom. 1. Art. 2. §. 3. pag. 198., & seqq., ac par. 2. tom. 3. Art. 6. §. 2. pag. 660, & seqq., verbo id

unum dixisse satius habens a S. Hormisda de præfatæ propositionis veritate, aut falsitate iudicium nequaquam fuisse prolatum, sed Scytharum dumtaxat superbiam, in novis quæstionibus movendis pertinaciam, indolemque ad ciendas turbas proclivem repressam, ut qui veluti Nestorianæ hæreseos labe asperfos traducere non desisterent, quotquot illi propositioni, inter Latinos peregrinæ, assentiri detrectarent. Inde vero factum, ut Johannes II. ubi intellexit apud Græcos propositionem illam catholico, qualem reapse præferebat, sensu efferri, & usurpari, suo perinde eam calculo probavit. A Vigilio vero ea plane œconomiae plena agendi ratio principio servata est, ut Schismati, quod in Ecclesia Occidentali excitandum videbatur, occurrendi gratia, trium Capitulorum damnationi diu restiterit: postmodum autem ut ad Schisma, quod longe gravius Orientali ingruerat Ecclesiæ, quum in Occidentali siquod excitari contigisset, extinguendo præsto longius, ac par ipse esse posset, amputandum, præcavendumque, trium Capitulorum damnationi, in quam prorovere Græcos pedibus manibusque conspiciebat, assensum pariter accommodaret suum: qua in re pugne quidem nihil interfuit, prudentiæ vero interlucit plurimum.

Quam vero invite, tam quoque incite huc a Jansenistis trahitur Innocentius III, qui eo loci explicite de sententia loquitur excommunicationis, quam dependenter a factis dumtaxat personalibus ferri nemo nescit, ac proinde non fuisse, cur præposterus ad facta dogmatica fieret ab illis progressus, in quibus illum, qui in factis primi generis irrepere facile potest, errorem subesse non posse tanto argumentorum pondere, & apparatu comprobatur, ut dubitandi locus probò, frugique amplius non suppetat. Pessima vero fide Innocentius X. cum Alexandro VII, atque hiterum cum Clemente XI. in causâ Rituum Sinensium committitur, quasi unus cum altero, secumquemet andabatarum more conflixerit, atque violatæ alterutri Religionis accusandi forent, condemnandique. Nempe ut desperatissimæ causæ undique defensionem adsciscant, Pontifices MM. turpiter in errorem prolapso, secumque invicem pugnantes efferre non Jansenistæ modo institunt, sed etiam Catholicorum nonnulli, ac inter hos Auctores

Ano-

Anonymi Apologiæ pro decreto Alexandri VII, Opusculi de Ritibus Sinens. erga Confucium Philosoph. , & Progenit. Alexandri VII. decreto permiffi; Libri hoc titulo insigniti: *Caduceus Sini-cus*, sive modern. decretorum explanatio Theolog.; Auctores Opusculi Italice inscripti *Riflessioni sopra la causa della Cina doppo il decreto di M. di Tournon*; atque Opusculorum, quorum uni Latinus hic titulus: *Nota in Notas adjectas decreto Legati de Late-re Turnonii*, alteri vero e mentita hæc epigraphæ: *Defensio decreti S. Congreg. in Causa Sinarum*. Quos egregie, ac fuscè refellunt Auctores Opusculorum, quorum alterum hanc præfert in fronte inscriptionem: *Considerazioni sopra le Riflessioni &c.*, alteri vero præfixus hic titulus: *Difesa del giudicio della Sede Apostolica pubblicato dal Card. di Tournon*. Enim vero an. 1645. S. Congregatio de Propag. Fide ad quæsitâ P. Johannis Bapt. Moralis, a quo superstitionis apud Apostolicam Sedem accusati Ritus Sinenses fuerant, respondit, declaravitque Sinensium cultum erga Confucium, ac Progenitores vita sanctos illicitum esse, ac nefaria superstitione infectum: quod quidem decretum confirmavit Innocentius X. Paulo post vero S. Inquisitionis Congregatio ann. 1656, cujus perinde decretum probavit Alexander VII, ex Ritibus Sinensibus prout varia, diversaque ratione a P. Martinio sibi fuerant expositi, alios quidem prohibuit, tanquam qui a superstitionis labe abstergi non possent, aliquos vero tanquam mere civiles, ac politicos esse permittendos censuit.

Quum autem Clemens XI. ab Apostolicis sive Vicariis, sive Missionariis certo certior fuisset sincere factus Confucio (*Cum fu-su*, Philosophorum Sinensium alpha, qui natus ante Christianam æram an. 551., diem vero obiisse an. ætatis 74. traditur) varias adorationis, cultusque impendi species; sacras erigi Edes, Sinica lingua *Miao*; Tabellas aureis litteris inscriptas appendi cum ea epigraphæ: *Sedes Animæ Sanctissimi, & Superexcellentiissimi Confucii*; in æquinoctio qua Veris, qua Autumni ejus in honorem solemnitates haberi; Sacerdotum munere fungi Mandarinos, adolere thura, immolare victimas, pilos, & sanguinem porci offerre, in homuncionem effictum calices vini effundere, comburere pannum sericum, nummosque papyraceos aureorum loco, argen-

teorumque ; gradu quopiam insignitos litteratos ad Aram Confucii accurrentes, Cereos accensos manu tenere , bis terque , quaterque genua flectere , atque de genu Spiritus ibi adstantes Confucii adorare , frontemque repetitis vicibus in terram percutientes , salutem , prolem , divitias deposcere , ac præstolari . Quum fuisset certior factus (quod in priori expositione coram S. Congregatione prætermissum fuerat) Proavis , Avis , Parentibus item defunctis Templa construi ; Tabellas cum iis litteris *Xin Goey* , aut *Xin Chu* , idest *Sedes* , aut *Thronus Anima* , sive *Spiritus N. N.* ibidem locari , inque iis reapse defunctorum Animas residentes credi ; infra annum frequens , atque Vere præsertim , Autumnoque solemnia peragi , eorumque memoriam recolî ; Patremfamilias Sacerdotis officio perfungi , mactare porcum , capramque , effuso in auram vino probare victimas , fructus libare , ac legumina , bonaque omnia expetere , & expectare . Quum accepisset præterea Templorum Aris Tabellas appendi cum inscriptione : *Xing Ti* , quæ Latine reddita est : *Supremus Imperator* ; aut ista : *King Tien* , quæ idem est , ac *Calum Colito* , nam *Tien* Sinice , *Calum* est Latine , *King* vero *Colito* ; quibus quidem verbis non Cæli materiem crassam , sed subtilissimam , ac quasi quintam essentiam ab se coli Sinenses significant . Quum hæc , inquam , quæ antea Martinio fuerant inobservata , Clemens XI. accepisset , tum anno 1704. S. Congregationis Inquis. ad singula quæsitæ responsiones , quibus Sinenses ii Ritus , utpote superstitione imbuti , prohibebantur , calculo comprobavit suo ; tum an. 1710. Card. Turtonii decretum adversus eosdem idololatricos Ritus confirmavit ; tum demum an. 1715. Const. *Ex illa die* edita , inter alia jubens , ut imposteriorum Deus O. M. non alio , quam isto a viris Apostolicis jampridem usurpato vocabulo *Tien Chû* , hoc est *Cæli Dominus* appellaretur , præfatos Ritus omnes proscripsit . Contra quam prohibitionem quædam permissiones sub Caroli Ambrosii Mediorbarbi Visitatoris Apostolici nomine quum evulgatæ fuissent , ac juxta permissiones istas Clementinam Const. *Ex illa die* observari Pekinensis Episcopus præcepisset , hujus binas hac de re litteras Brevi Apost. an. 1735. edito reprobavit Clemens XII. , atque demum hæc omnia Prædecessorum suorum decreta confirmavit Benedi-

nedictus XIV. Const. 59. *Ex quo* an. 1742. edita, qua nominatim §§. 21., & seqq. memoratas permissiones ab Apostolica Sede nunquam probatas affirmat, quin ipse explicitissime reprobat, earumque praxim execratur, omnem iis de Cæremoniis controversiam eleganter, graviterque describit, eique finem imponit. Ex quibus omnibus ibidem ordine expositis sit evidentissimum: Alexandro VII. non adversari Innocentium X., nec Clementem XI, aut XII, aut Benedictum XIV: ab istis etenim Ritus Sinenſes proſcripti sunt, quales revera ſuperſtitionis reſertiſſimi erant, fuerantque rite expoſiti: ab illo viciffim permiſſi illi dumtaxat, quos pure civiles, ac politicos eſſe, qualesque officii gratia viventi Magiſtro, Viro eximio, ac Progenitoribus congruunt, pendique non quidem in Templo, aut dicata Æde, ſed in Aula, ſed in Domo, ſed in Schola dumtaxat, atque impendi quin inſuper abſque ulla proſtratione, ac prece, ullaque abſque oblatione, ac libamine acceperat. Atque ita plane invicem Pontifices approve conciliaverat an. 1669. S. Inquiſitionis Congregatio, jubens obſervari utrumque Decretum, etſi pro diverſitate rerum, quæ fuerant in dubiis expoſitæ, aliqua ratione ab invicem diverſum, nempe tum quod a S. Congregatione de Propag. Fide, an. 1645. fuerat editum, tum quod ab ipſamet Congregatione S. Inquiſit. fuerat an. 1656. promulgatum. Quod ſane Decretum ſcilicet an. 1669. adornatum a Clemente IX. confirmatum eſt: ex quibus a primo ad ultimum patet, neque Pontifices inter ſe ſe, nec SS. Congregationes invicem pugnaſſe, ac repugnaſſe.

Pro quorum coronide, uberioriſque cognitione, obſervari illud obiter velim, inter Idololatriæ ſpecies, ideoque ſuperſtitionis, eos generatim omnes adnumerandos eſſe actus, vel qui genus eorum ſunt, quos Deus in Lege veteri ſibi impendendos Judæis præſcripſit, vel qui eorum ſunt ſpecies, quos hominum inſtitutione falſis Numinibus impendere apud Ethnicos frequens, ac familiare fuit. Cujuſmodi inter ceteras ſunt certe ſuperius enarra-
tæ Sinenſium Rituum ſpecies: in quibus generatim, non ſecus atque in Gentilium olim, gemina præ aliis occurrit, atque utraque ſane impiæ ſuperſtitionis macula aſperſa, ſpecies adorationis, ſive Latræ, quæ ideo in ſuperſtitionem Idololatriæ degenerat. Scili-

cet ea, quæ capitis inclinatione, aut genuum flexione, aut corporis totius prostratione patrat; atque ea, quæ manuum erga Numen extensione, & ad os retractione committitur. De priori, atque Religiosa quidem apud Judæos prostant exempla Exod. 34. 8; 3. Reg. 8. 54; 2. Paralip. 6. 13, & 7. 3; 1. Esdræ 9. 5; Psalm. 22. 30, & 95. 6. Isaj. 45. 23; Daniel. 6. 10; ad Roman. 14. 11, ad Ephes. 3. 14, ad Philip. 2. 10, &c. Qua de specie agunt Talmud Cod. *Schebbhuoth* fol. 16. col. 2, Cod. *Toma*, & Cod. *Megilla* fol. 22. col. 2, Maimonides in Hilc. Tephilla cap. 5. n. 10, & seq., Thomas Hyde in hist. Relig. veter. Persar. cap. 1, & Ains Worth Comment. in Exod. 4. 31. De Civili quoque exempla legere est Genes. 42. 6; 4. Reg. 4. 37. &c., de qua Salomon Jarchi Comment. in Levit. 26. 1, & Hyde cap. 6. De Idololatrica demum cultus specie Isajæ 44. 15, & seqq., 2c 46. 6; qua de specie Sanctius Comment. in 3. Reg. 8. vers. 54. not. 57, Saubertus dissert. de Ritu precandi vet. Hebræor. cap. 3, Broverius de Populorum veter., ac recent. adorationibus Amstel. 1713, Godwinus lib. 2. de Synagog. cap. 2. §. 13, & Carpzovius ibid. in Annotat. pag. 322, & seqq. De posteriori vero adorationis specie, quæ sit manus utriusque ad Numen extensione, atque ad os retractione, loquendo, putat Lipsius lib. 2. Elect. cap. 6. adorandi verbum, non ab *Adôr* frumenti genere, quod offerre olim Idolis cæteroqui consueverat Ethnica superstitione, derivatum, sed ex eo, quod manus ad ora admovere solebant Adorantes. Adhibita enim olim oscula in Idolorum cultu certissimum est, de quibus pertraçant Sanctius in Comment. ad 3. Reg. 19. 18. n. 60, Lohmejerus *Dier. genial.* decad. 1. dissert. 10. pag. 339, ubi de Osculis quoque venerationis, & homagii pag. 362, & Carpzovius ad Godvini lib. 3. de Festis cap. 2. §. 7. pag. 364, & seq. Quam vero plerique vererentur ore profano Diis ipsis oscula infigere, inde factum, ut eminus stantes, aut procumbentes manum porrigerent, eamque statim ad os suum referrent, reverenterque suaviarentur. Quo de more loquitur plane S. Scriptura 3. Reg. 19. 18: *Et omne eos, quod non adoravit Baal, osculans manum*; scripsere vero Minutius Felix in Octav., Cæcilius, inquiens, *Simulacro Serapidis denotato, ut Vulgus superstitosum solet, manum ori admovens, osculum labiis pressit*;

preffit; Lucianus Samofatenus *negl. & viciis*, de Sacrificiis differt, qua Heracliti lacrymis, aut Democriti jocis digna magis, quam Poetarum elogiis, Græcorum, Ægyptiorum, Gentiumque aliarum Sacra, & Sacrificia contendit, vers. Erasmi ipsius oper. tom. 1. pag. 361, & seqq. *Siquis*, scribens, *est pauper, ita Deo litat, ut dexteram dumtaxat suam osculetur*; Apulejus in orat. de Magia, sive in Apologia, qua artis Magicæ crimen a se alienum defendit, defendunt etiam Gabriel Naudæus, & Arnaldus Forcalquerienfis, quæ de Magia Apulejo, atque Apollonio Tyanco attributa confer Anastasium Sinaitam q. 20, *Nefas habet adorandi gratia manum labris admove*; Athenagoras in Apologia ad M. Aurelium Antoninum cum ad calcem S. Iustini Martyr., ac in Bibl. PP. Paris., Colon., & Lugd., nec non in Aust. Paris., tum separatim ab Henrico Stephano, Suffrido Petri, Jo. Fello, Conrado Gesnero, Eduardo Dechairio &c. *Osculum*, inquit, *adoratio quædam est*. Sed hoc de argumento, qui plura aveat, adire poterit Petrum Pithoeum lib. 1. Adversar. cap. 7, M. Anton. Franciscum Muretum variar. Lection. lib. 10. cap. 1, & Franciscum Luisinium in Parergis lib. 2. cap. 19. Qui agunt vero propius in rem nostram de superstitiosis Sinensium ritibus, (quibus de agere demum, deque controversiis eorumdem occasione exortis districte, sive inhibuit Clemens XI. die 25. Sept. 1710.) lato describuntur in utramque partem calamo a Rafaele Savonarola Cler. Regul. sub Alphonsi Lafor a Varrea nomine in Orbe terrar. univ. tom. 2. pag. 510; a Jo. Alberto Fabricio Salut. Luc. Evang. cap. 39. pag. 665, ac Thoma Ma. Mamachio Orig., & antiq. Christ. lib. 2. cap. 29. pag. 408. Confer & Cl. Jo. Laurentium Berti de Theolog. discipl. lib. 23. cap. 10; quoad vero Malabaricos Ritus attingit, Benedicti XIV. Constitutionem 107. *Omnium sollicitudinum* Bull. Tom. 1. pag. 397, ac Jo. Facundum Raulin tam in Not. ad Act. 9. Synodi Diamper. decret. 2, ubi decretum huiusmodi circa Parreas ad amussim correspondere, quæ de eisdem indultit Benedictus XIV. cit. Constit. §. 33, & seqq., quam in Not. ad hanc ipsam Const. pag. 507, ac seq., ubi Anonymi in epist. Gallice edita die 25. Mart. an. 1743. advers. hanc Constit. temeritatem, qua optimo Pontifici idem indultum erga Parreas cri-

Pars II. Tom. V.

A a a

mini

mini vertere non veretur, pro meritis perstringit, & castigat.

Jam vero recta ut incedam viam meam, pessimam quoque viroque honesto prorsus indignam erga Clementem IX. agendirationem tenuit Quesnellus, qui sane auctor circumfertur opusculi duos in tomos distributi, cui titulus: *Paix de Clement IX, où demonstration des deux fausses capitales avancées dans l'histoire des cinq propositions &c.*, quod posterius Opus historicum parentem habuit D. Dumas doctor. Sorbonicum. Postquam enim hoc in opere Quesnellus vestigia relegens Janſenii, qui de suis adversariis dictitare solebat: *Velint, nolint, faciam illos Semipelagianos*, Thomistas vicissim facere Janſenistas frustra molitus, eadem cum Thomistis de Gratia sentire Janſenistas inaniter jactasset, quando tamen inter utrosque de universa doctrina unum ad minus supra quadraginta, de sola vero Gratia undeviginti saltem, aut etiam viginti, & unum doctrinæ diversa capita digito demonstrarunt PP. Ferrierius, & Sanfelicius, ista, quæ in objectione fuerunt exposita, de Clemente IX. comminisci effrons homo non erubuit. Esto ergo Clementi IX. obreperint quatuor illi Episcopi Andegavenſis, Bellovacenſis, Apamienſis, & Aletenſis, ejusdemque obtutibus secretam animi sui surriperint sententiam; de hoc non quærimus, an intimus illorum sensus Pontifici patuerit, nec ne; in hoc decipi non posse Pontificem non dicimus: esto rursus Edictis sensum intimum suum Episcopi illi evulgaverint, satiusque esse religiosum exterius silentium erga Apostolicæ Sedis mandata enuntiarint: quia tamen post hæc Formulæ Alexandrino Clementis jussu subscripserant, utque subscriberetur a cunctis, in Dioecesanis Conventibus auctores se dederant, quid mirum, si prudens putans Pontifex de illorum subleſta fide suspicandi locum non fuisse relictum, reipsa ex animo, sincere, absque restrictione ulla ab Episcopis illis Alexandrino Formulæ appositam fuisse syngrapham credidit, ideoque communione illos sua coonestavit? Atqui rem ita se habuisse liquido adparet ex Brevis ejusdem Pontificis an. 1668. ad Galliar. Regem, quo scribit: *Cum letitia cognovimus in simplici, ac pura subscriptione Formularii quatuor illorum Episcoporum obedientiam, & obsequium*. Similia habet in epist. ad Episcopos pacis sequestres an. 1669. inscripta,

pta; atque expressius adhuc in epist. eodem anno ad eisdem quatuor Episcopos exarata in hæc loquitur verba: *Cum ingenti obsequii Nobis, & huic S. Sedi per vos debiti testatione significabatis* (in epistola scilicet ab eisdem scripta) *vos juxta præscriptum litterarum Apostolicarum sincere subscripsisse, & subscribi fecisse, Formulario. . . Nam Prædecessorum nostrorum Constitutionibus firmissime inhærentes, nullam circa illud exceptionem, aut restrictionem admissuri unquam fuissetis.* Quid ad hæc vero, quod iidem quatuor Episcopi quoque Formulari sincere se subscripsisse, atque ut subscriberetur, pro officii parte effecisse, scripto edito testati sunt; atque idipsum testati pariter cum Cardinalis Estræus in orat. an. 1693. coram Innocentio XII. habita, tum præfati Episcopi undeviginti pacis mediatores in epist. ad Clementem IX; veluti refert Auctor libri Gallice inscripti: *Defense de l'histoire des cinq propositions* ? Quorsum igitur Quesnellus vel effroni inverecondia hæc objectat, vel iniquo hæc eadem silentio obvolvitur ?

Esto autem novemdecim Episcopi illi, qui in horum quatuor gratiam medios se se apud Clementem IX. obtulerunt, eorumdem quatuor Episcoporum mentem vel non satis assecuti, decepti ipsi sint, vel assecuti, dissimularint, ut Pontificis animum eo modo ad pacem inflecterent, quid tum inde ? Ullum ne propterea ex illorum dolo, vel deceptione Pontificæ infallibilitati vulnus irrogabitur ? Quamquam nec fraude, nec mala fide egerunt profecto 19. Episcopi isti, qui præcit. in epistola indubitanter affirmant, a quatuor illis Collegis suis nonnisi communissimam simul, ac certissimam doctrinam in Mandatis expositam, atque oppositam manifestissimo errori, quo quidam affirmabant humana, & quotidiana facta (personalia scilicet, sive facti puri) non revelata, non minus quam revelata in Scripturis, & Traditione dogmata fide esse tenenda : quam doctrinam quidem haud mirum, quod & dicant suam. Cæterum eosdem 19. Episcopos facti errore facile deceptos fuisse pronius est dicere : quandoquidem illis quatuor affirmantibus se ex animo, sincere, ullaque absque restrictione Alexandrino Formulari syngrapham apposuisse, utque a sibi subjectis Ecclesiasticis apponeretur, sedulo curasse, nihil erat, cur fidem non adhiberent, deque illorum sensu interno

certiores fieri adhuc desiderarent, satis superque Ecclesiæ esse intelligentes, si de sententia verbis expressa solliciti essent, de sensu interea sola mente retento nihil scrutantes. Hæc ipsa responsio aptanda reliquis exemplis, quæ proponi solent eorum, quæ fide quidem, fraudulenterque prælaudato Formulario subscribere sæpius, verbis tamen, scriptisque professi damnare se propositiones Jansenii juxta eum sensum, quo eas damnavit Ecclesiæ. Ad additum de libro Gerbasii, eo ferme unico scopo elucubrato, ut suadeat Gallicanæ Ecclesiæ doctrinam de Episcoporum judiciis, ac depositionibus eam esse, quod Episcoporum depositiones non ex jure novo Pontificio, sed potius ex antiquis Ecclesiæ Canonibus celebrandæ sint, videlicet in Synodis Provinciæ (in quò splendide ipsum falli suo patefactum est loco) qua de re Gallicano Clero summopere placuit liber, probatusque evasit, repono nihil morandum, quod ibidem 19. illorum Episcoporum ad Clementem IX. epistolam descripserit, non enim eo consilio descripsit, quasi ex ipsa errare in factis dogmaticis Ecclesiæ posse probare intenderet, quod alienum prorsus suo ab instituto erat: alioqui quotiescumque aliquis liber approbatur, non ideo quæcumque in eo leguntur, approbari censenda sunt, præsertim, quæ ex aliis referuntur dicta, vel facta, testimonia, vel instrumenta; sed illa dumtaxat, quæ ad libri scopum collineant, quæque ex proposito, sive ex instituto pertractanda ibidem Auctor sibi sumpsisse dignoscitur. Neque pugna ulla est perinde Innocentii XII. secummet, aut cum Innocentio X, Alexandro VII, & Clemente XI; id enim unum in dato Brevi ad Episcopos Belgii cautum voluit, ne privata cujuslibet Episcopi auctoritate Formulario ab Apostolica Sede proposito quidquam adderetur, vel detraheretur: nam cæteroqui quinque Jansenii propositiones suis a Prædecessoribus damnatas fuisse in sensu a Jansenio intento, in eodem Brevis expressæ asserit, dum jubet: *Ut juramentum præstare debeant sincere, absque ulla distinctione, restrictione, seu expositione, damnando eas propositiones, ex libro Jansenii excerptas, in sensu obvio, quem ipsamet propositionum verba præferunt, prout sensum illum damnarunt summi Pontifices prædecessores &c.*; a quibus plane declaratum est, sensum obviu quinque propositionum esse

sen,

fenfum a Janfenio intentum : atque hanc ipfam utique intelligentiam fuiffe prioris ad Epifcopos Belgii Brevis , non abfque gravi in illos , qui aliorfum illud intorquere non fuerant veriti , indignatione declaravit ipfemet in Brevi pofteriori ad eodem Epifcopos . Non nifi igitur fplendidum per commentum , fummamque per calumniam dicitur Innocentius XII. pro religiofo fententio mox fletiffe , mox vero obftitiffe una cum Innocentio X , Alexandro VII. & Clemente XI. ideoque fecummet pugnaffe Pontifices .

Ad ea nunc accedendo , quæ ex Conciliis objecta funt , indubitanter inquit prorfus extundi nihil exinde poffe , quo perditæ cauflæ fuæ patrocinium vel leve Janfeniſtæ adſciſcant . Atque vox quidem *Homouſion* ab Antiocheno Concilio rite damnata eſt , ſi revera tamen fuit damnata , in ſenſu nempe Pauli Samofateni , de quo ſatis dictum , riteque viciffim a Nicæno uſurpata , in ſenſu nempe S. Dionyſii P. M. , ad præcavendos omnes Arii errores , Arianorumque dolis omnem præcludendum aditum . Pari modo quandiu nullus prævæ acceptionis ſuberat periculum ; uſurpari de B. Virgine Maria vox *Chriſtòðeos* ultro permittebatur citroque : quum vero eadem vox nefario ſenſu Neſtorii negantis unionem hypoftaticam accipi cæpit , tum jure a Synodo Ephèſina ejus loco ſubrogata eſt vox *Theotòcos* , ac prior illa quinimo a Synodo V. Can. 6. eſt abrogata : qua de re egregie Noriſius in Apolog. Monach. Scythiæ cap. 1. tom. 3. oper. pag. 882. Idem eſto judicium de propoſitione illa : *Una eſt in Chriſto natura incarnata* : videlicet in S. Cyrillo , qui nulla unquam vel levi in fide ſuſpicionem laboravit , catholicè intellecta , & catholicè dicta ; in Eutychiænis vero , quorum doli , erroresque comperti erant , tanquam hæretica ab hæreticis enuntiata jure reprehènſa eſt , & reprobatà . Non ſecus vox *Hypoftaſis* olim tum pro natura ſignificanda , tum pro perſona uſurpari qua apud Græcos , qua apud Latinos conſueverat : quæ poſtea tandem ex uſu , & praxi Eccleſiæ , Romanæ auctoritate præeunte , ad ſolam perſonam exprimendam translata eſt , adeo ut jam aliter eandem uſurpare non liceat . Bene verò , oprimeque cecidit , quod purioris iſti diſciplinæ morum , quales ſe jaçant , profeſſores ad facta , & exempla conſugerint , quibus docerent obedientiæ decretis Apoſtolicis debitiſſe ſatisfieri , atque ſufficere obſe,

sequiosum silentium; licere nempe Restrictiones mentales toties alioquin ab Ecclesia damnatas, cujusce damnationis plurima ex adverso documenta, & exempla adducit Christianus Lupus tom. 2. in append. ad Concilium Chalced. act. 8. pag. 281; posse videlicet perjurii absque piaculo fidei, juramentique formulæ subscribi, quin eidem animo, menteque adstipuletur. Apage vero dogmata Reipublicæ tam Christianæ, quam Civili adeo infesta, ! Quamquam si certum foret, id aliquando factum, quis probe non perspiciat pessimi argumenti esse genus, inde inferre posse id propterea licite fieri, gradumque a facto ad jus ipsum facere, siquidem res male gestas non debere in exemplum trahi neminem lateat? At enim neque gravi absque eorumdem injuria exemplis istis abutuntur Jansenistæ. Orientales enim vero intima ex animi sententia Nestorii damnationi subscripsisse, postquam ejusdem hæresim perspectam habuere, Ecclesiæque de Nestorio judicio sibi parendum esse intellexerunt, satius est putare, æquum quin etiam, justumque, ut ita putet de orthodoxis Episcopis catholicus homo, quandoquidem oppositum nulla satis firma probari conjectura possit. Non desuere quidem ex nuperis Novatoribus, qui ut Nestorium ab errore circa Incarnationem vindicarent, eundem consequenter injuste a Synodo Ephesina depositum, ac damnatum asserere audacissime non dubitarunt, atque vicissim S. Cyrillum totius negotii auctorem, promotoremque scommatibus, probris, ac contumeliis proscindere susceperunt: in quibus Albertinus in opere de Euchar., Godfridus Arnoldus in hist. hæres., David de Rodon lib. de *Supposito*, quod opus Ægidio Guillardo ab aliis tribuitur, Petrus Baelius in dict. hist. tom. 3. *V. Nestorius*, & *Rodon*, Elias Saurinus lib. adv. Petrum Juriaicum, Johannes Crojus in observ. Sacr. & hist. ad Nov. Testam. &c. At enim horum incensum Orientales impune referre Episcopos quis audeat? Quamquam nec iis quidem assentior, qui Nestorium erroris accusant non tantum contra Incarnationis, sed etiam Trinitatis mysterium, quasi negarit cum Ario Verbi Divinitatem, & cum Sabellio Trinitatem Personarum: nec iis item, qui eundem erroris etiam insimulant circa Eucharistiam, veluti Menessius in Synodo Diamper. act. 5. decret. 3, Johannes Ragusinus in Synodo Basilcen.,

Ieen., Cajetanus &c., quasi senserit nempe sub specie panis adesse præsentem Christi D. Carnem sine Sanguine, & sub specie vini Sanguinem sine Carne. Verum de his videndi, si libet, vacatque doctis. Garnerius in Marium Marc. dissert. 1. de hæc., & lib. Nestorii, Ludovicus Doucinus in hist. Nestorian., Petavius Theolog. dogm. lib. 1. de Incarn. cap. 7, & seqq., lib. 3. cap. 3, & seqq., lib. 4. cap. 3, & 11, lib. 5. cap. 7, & seqq., ac lib. 6, quo signatim Auctorem libri de Supposito refellendum sibi sumpsit, Natalis ad Sæcul. V. dissert. 23, Tillemontius tom. 14, Renaudotius Liturg. Orient. tom. 2. pag. 611, & 614. Not. 18, & 20. in Liturg. Nestor., & alii. Acacium quod attingit, eidem irrogatum anathema ab Orientalibus ea una ratione scitum est, quod communionem inivisset, atque societatem fovisset, foedusque cum hominibus hæresi infectis, aut gravi in fide suspitione laborantibus, non quod laborarit ipse errore aliquo in fide, atque hæresis labe quapiam fuerit infectus.

Atque ex his quidem patet, quid putandum de illis sit, qui Synodis V, aut VI. subscribere: quibus scilicet siqui subscribentes, aliud a subscriptione animo sensere, neque Ecclesie sententiae ex animi interna adhaesione adquievere, qui tum illos a perjurii macula abstergere adniteretur, nam is Æthiopem profecto lavans oleum, & operam perderet. Putare tamen pronius est illos, qui præfatis Synodis subscribere, sincera ex animi sententia subscripsisse, atque intellexisse tandem Ecclesie judicio non esse oblitandum; neque tamen eo judicio se ita obstringi, ut ingenti absque piaculo de Auctorum damnatorum sensu mere interno dubitare nequirent. Sed enim sicut Vigilium speciatim, etsi tria Capitula aliquando defenderit, aliquando damnarit, nulla tamen erroris non modo, sed neque inconstantiae, multoque minus fidei aut subleste, aut suspectae nota inurendum ostendimus, (qua in re præ Noriso in Vigilium, quem inconstantiae vitio infirmulat in dissert. de Synodo V. cap. 8, minus æquo, longe honestior, ac liberalior Petrus de Marca de Vigilio optime meritis lib. 3. de Concord. cap. 13. ejusdem in trium Capitulorum difficillimo negotio variam agendi rationem cujusdam œconomiae speciei, quam a viris doctis prudentiam appellatam affirmat, ipse

vero

vero dispensationem nuncupat, attribuendam ducit, qua videlicet nunc juris, & Canonum rigore agebat, nunc illorum remissione fidei consulebat, ac publicæ quietis studio) ita ex veteribus impugnatoribus Synodi V. quibusdam venia facienda, atque eorumdem aliquibus ad tempus, quibusdam tamen omnino non est. Cum Hispanis, Afrijs, Gallis, Italis &c. aliquandiu saltem, Romani Pontifices sibi benignitate, œconomia quadam, ac prudenti dispensatione agendum esse duxerunt, ad avertenda majora ab Ecclesia discrimina, in quæ adduci facile potuisset, donec ii temporis beneficio errorem facti dedocerentur, quo persuasum ipsis erat, alteque infixum animis Synodum V. Chalcedonensē esse contrariam. Qua quidem œconomia frequens Romanos Pontifices usos fuisse plurimis ostendit exemplis Petrus de Marca cap. 14. Atque sane ea S. Augustini erat aurea regula pulcherrimam œconomix præferens speciem ab Ecclesia servandæ, quam tradit lib. 3. advers. Parmen. cap. 2, tunc ajens ab Ecclesia censuris animadvertendum: *Quum periculum Schismatis nullum est. . . Quando cujusque crimen ita notum est omnibus, & omnibus execrabile apparet, ut vel nullo prorsus, vel non tales habeat defensores, per quos possit Schisma contingere.* Hac certe œconomix blanditiæ pertracti, deque rei veritate demum persuasi, non diu post Afri, Hispani, Galli, & Itali, atque cum Chalcedonensē cohærere, optime, conciliarique Synodum V. intelligentes, a pugna quiescere, propria a sententia decedere, Apostolicæ Sedi morem gerere, atque Synodum V. recipere officio, religionique duxere. Qui vero adhuc obluertari maluerunt, pravi admodum perveraces Istrix Episcopi gravissimo Schismatis, quo ab Ecclesia segreges longa tempestate abjērunt, flagitio se se implicarunt. Tantum abest, ut horum hac in re diuturnus dissensus ullius haberi momenti meruerit. Nam *Civitatis unius, aut etiam Provinciæ aliqujus, vel Regni errori*, inquit apposite Vincentius Lirin. Common. cap. 4, *Universalis Concilii decreta præponi debent: & si quando paucorum errantium dissensio contra omnium, vel certe multoplorium Catholicorum consensionem rebellaverit, præferenda est portio corruptioni Universitatis integritas.* Quamobrem, scilicet ob Schisma, Rusticus, & Sebastianus a Vigilio P. M. gradu

du deturbati leguntur apud Harduinum tom. 3. pag. 175, de quibus etiam Ughellus Ital. Sac. tom. 3. pag. 212, & Oldoinus in Athenæo Rom. pag. 594, & seqq. Ob idem Schisma, in quo occubuisse colligitur ex ipsius *Epistola Fidei Catholice in defensione trium Capitulorum damnatorum ab Acephalis* inscripta, apud Dacherium Spicileg. tom. 3. pag. 106, edit. nov. pag. 307, Facundus male in Ecclesia audit. De Liberato consule Garnerium in præfat. ad ipsius Breviar. nec est vero, cur moram cuiquam injiciat Harduinus in ea versatus opinione, quod Facundi, Liberati, Victoris Tunon., aliorumque plurium Opera multa post sæcula a Gallo quopiam conficta, ac supposita fuerint; quam viri doctiss. præposteram opinionem efficaciter confutat Ludovicus ElliesDupinus in præfat. ad Bibl. Eccles. Sæculi VI. Cum Theodoro, & Victore eadem œconomia agere Ecclesia potuit, egisseque præsumendum est, donec pacatioribus animis, ac patientia inflexis veritas illucesceret, atque ad unitatem redeundum suaderet: itaque eos, postquam ob trium Capitulorum defensionem dira multa a Justiniano Imp. perpeffi fuissent, exilio, carcere, & plagis defatigatos de sententia decessisse, atque in Ecclesiæ pace mortem objisse existimari. Quamquam S. Isidorus de Vir. Illust. cap. 25. Victorem Tunon. in trium Capitulorum defensione immortuum ex aliorum dicto memorat. Non absimilem dispensationis speciem adhibuit erga Theodelindam S. Gregorius M. lib. 12. epist. 7, ut eandem nempe facilius ad veritatis agnitionem adduceret, sensimque ei suaderet absque ullo Chalcedonensis Synodi dispendio admitti Synodum V. posse, atque tria damnari Capitula. Quod feliciter tandem obtinuisse, augurari licet ex epist. 12. lib. 14. alias 7. lib. 12, qua testatur ab ipsa ad se transmissas Secundini Abbat. objectiones adversus Synodum V, ut eis satisfaceret, atque vicissim ab se ad illam transmissa ejusdem Synodi V. acta, cum Secundino communicanda, ut ex attempta eorundem lectione discerent, nequaquam Chalcedonensi Synodum V. esse contrariam. Quæ hætenus dicta dici perinde nolim de Recentioribus illis, qui quamvis ignorare nequirent, inficiasque rite ire, quod a Vigilio, S. Pelagio I, Johanne III, S. Benedicto I, Pelagio II, S. Gregorio M., sequentibusque Pontificibus Synodus V. approbata fuerit, cui pariter cal-

Part II. Tom. V.

B b b

culum

culum adjecisse suum Synodos VI, VII, & VIII. constat, contra obtestare tamen, ejusque detrahare auctoritati non destitere: quibus propterea gravis adeo Schismatis adhæsit censura, *ut ab hac abstergi nequeant.

Quamvis autem a Patribus nonnullis laudibus exornatus fuerit Theodorus Mopsvestenus, non inde rite consequitur, ut injuria fuerit a Synodo V. ob nefaria scripta damnatus. At enim jamdiu objectionem istam diluere Benignus Heracleensis Episcopus in Collat. 5. Synodi V, & Pelagius II. in epist. præcit. ad Episcopos Istriæ: hoc est nihil hæreticis prodesse, si contingat a quibusdam vel ignorantia, vel præsumptione, vel etiam dispensatione quadam ipsos aliquando fuisse laudatos. Nam S. Basilii in epist. 82. ad Patrophilum de Apollinario cum honore loquutus est, atque loquendi quidem non una, nec levis ei suberat ratio, eundemque laudibus quoque cumulasse SS. Gregorius Nazian., Athanasius, & Epiphanius leguntur hæc. 37. n. 2, & apud Suidam in *μολισματι*: qui tamen postea ejus cognitis erroribus, tum eos scriptis refellere, tum ab ejus amicitia resiliire sibi religioni duxere. Cohonestare igitur hæreticum hominem Patres nonnulli potuerunt, quod ipsis illius perfidia satis non esset perspecta: quibus si fuit, ac nihilominus ab illius laudibus temperare sibi nescierunt, eo in casu plus fidei Synodo V, plus Summorum Pontificum decretis tribuendum est. Cæterum a S. Gregorio Nazian. Theodorus, non Mopsvestenus, sed Tyanensis laudatus est, ad quem datæ videntur illius epistolæ, de quibus videndus Tillemontius tom. 12. pag. 437. S. Chrysostomi vero epistolam ad Theodorum de ejus laudibus pseudo epigrapham, ejusque a patronis otiose confictam pronuntiavit Benignus Episcopus, quum ad ipsum Theodorum nullam exaraverit ille epistolam, præter eam unam, vel alteram, qua ipsum objurgat ob desertam vitæ Monasticæ professionem, de quibus videndi Leontius lib. 3. advers. Nest., & Eutych. pag. 696, & Montfauconus tom. 1. Oper pag. 801. Johannes quidem Antioch. Theodori laudes contexuit, nonnullisque certe iste non caruit: at ipsum quoque erroribus aspersum notare non destitit, uti refertur in Pelagii II. epist. præcit. S. Cyrillum autem, immerito, ac per injuriam laudatoribus Theodori ad censuit Fa-

cun.

cundus : quandoquidem ex S. Cyrilli libris adversus Theodorum in Collat. 5. Synodi V. laudatis, atque ex epist. ad Lamponem , alteraque ad Acacium Melitinensem abunde liquet eundem ab hæretici hominis laudibus abstinuisse non modo , sed multas imo ob hæreses odio illum habuisse . S. Isidorum Hispalensem Latini sermonis hominem latere facile potuit Syrus hæreticus : non secus atque ad Episcopos Istriæ scripsit Pelagius II. Latinos homines , & Græcitatis ignaros errorem tarde cognovisse , quem ante exuissent , si cognoscere ante valuissent . Fefellit etiam S. Isidorum quammaxime Facundus , cujus libros eodem loci , inter Scriptores illust. scilicet , pro defensione trium Capitulorum commendat , cujusque testimonio innixus Theodorum laudibus cohonestavit . Quorsum vero sermone frustra laboro ad hunc dissolvendum haud alioqui difficilem nodum , quem ferro longe facilius præcidere suppetit ? Caput illud porro Catalogi de Viris Illust. , ubi de Theodoro Mopsvesteno agitur , est ordine quartum eorum tredecim , quæ Appendicis instar subjici solent S. Isidori libro de Scriptoribus Eccles. , capitibus triginta non amplius tribus constanti , sub S. Hildefonti nomine cum append. Juliani , & Felicis Tolet. , in edition. Jacobi Breulii , in Andreæ Schotti Hisp. illust. tom. 1. , Auberti Miræi Bibl. Eccles. , Garfiæ Loaisæ , & Aguirrii Concil. Hispan. tom. 3. pag. 84.

Quod ad Theodoretum attinet , is quidem , quod hortante Johanne Antiocheno tum duodecim S. Cyrilli Alex. contra Nestorium Anathematismis totidem pro Nestorio capitula opposuisset , tum quinque libris Synodum quoque Ephesinam oppugnasset , quorum mentio apud Marium Mercat. tom. 2. pag. 265. edit. Garnerii , fragmenta vero ex Mario , & ex Cod. Vatic. 469. ibid. exhibentur , tum scriptis aliis , quorum institutum legitur judicium in Collat. 5. Synodi V. ac in epist. 3. Pelagii II. ad Episcopos Istriæ n. 20 , malam justè multorum opinionem incurrit , ac si cum Nestorio familiari quondam suo pari ex sententia faceret ; ab hæresi tamen Nestorii longe absuit , formulæ quin etiam pacis a S. Cyrillo compositæ syngrapham adjicere suam non detrectavit , insuper anathema in Nestorium , ejusque errores dicere haud admodum invitus auditus est : quare approbe perspecta ipsius fidè a

S. Leone M. absolutionis beneficio donatus, non erat, cur a Synodo Chalcedonenſi conſeſſus inter Patres honore, locoque privaretur. Confer Garnerium in Auctario Theodoretī poſt ejus obitum ab Harduino edito in hiſt. Theod., in diſſert. de libr. Theod., alteraque de ejus fide, atque in diſſert. de Synodo V. Quamvis autem id quoque in Theodoretō excuſatum voluerint doctiſſi. Duum viri Sirmondus, & Petavius, ſenſum internum ſcilicet, qui a Neſtorii, Eutychetiſque erroribus alieniſſimus eſſet, quique plane ex aliis plurimis ipſius ſcriptis, atque præſertim ex apertiſſima ejusdem conſeſſione facile exſculpi potuit; Theodoretī tamen fidem neque omni ex parte expurgare intendit Sirmondus, ejusdem, unum eſſe perpetuum, ingensque crimen utique affirmans S. Cyrilli anathematismoſ impetiviſſe: neque pariter ab eodem Theodoretō omnem proſuſ erroris amoliri labem geſtivit Petavius, qui allato Agobardi teſtimonio addit illum Neſtorium hæreticum inter, & S. Cyrillum germane orthodoxum medium veluti tenuiſſe locum, quinimo multis in locis paſſim Theodoretī elucubrationes adverſus S. Cyrillum, ac Synodum Ephēſinam carpere, & reprehendere non deſinit. Qua plane a reprehēſione ob ea pariter, quæ pro Neſtorio ſcripſit cap. 12. lib. 4. hæret. fabul., ac in epiſtola ad Sporacium, ut de aliis ſileam ejusdem argumenti epiſtoliſ, excuſari ſatis nequivit a Garnerio, Caveo, & Pagio ad an. 428. n. 21, & ſeq. ea loca inter ſpuria, ac Theodoretō ſuppoſita, conjeſturis etſi haud contemnendis, rejicientibus: ſiquidem & illa Theodoretō tributa legantur a Leontio lib. de ſect. pag. 456, a Photio Cod. 46., & a Theodoro Abb. in argumento Synodi Ephēſ., quorum ab iis teſtimonia non ſatis elidi videntur, neque vim ſacere valere Dupinio in Bibl. ſcript. Eccleſ. tom. 4. pag. 103, Ittigio de hæreſiar. Apoſtol. ætat. pag. 13, & Fabricio Bibl. Græc. tom. 7. lib. 5. cap. 11. pag. 437. Quamobrem jure atque merito Theodoretī ſcripta, quibus non ſatis caſtigatis verbis S. Cyrillum, ac Patres Ephēſinoſ appetiit, atque immodicis Neſtorium extulit laudibus, proſcripta a Synodo V. ſunt. Ibam denique Edeſſenum a Synodo Berytenſi, quam probavit Chalcedonenſis, compulſum fuiſſe ad Ephēſinam Synodum ſuſcipiendam, atque ab eadem quin etiam Chalcedonenſi ad ſubſcribendum anathemati in Neſtorium,

& Eu.

& Eutychem, constat ex Synodi Chalced. A&. 9, & 10. Ea igitur ratione relecta ibidem epistola Ibæ, is agnitus est orthodoxus, non quod ejus ad Marim epistola pura ab erroribus omni ex parte esset, sed quod eadem in Synodo se catholice sentire contestatus esset, animumque præferre ab hæresi prorsus omni alienum, Synodis nempe Ephesinæ, & Chalcedonenſi integre acquiescendo, in Nestorium, & Eutychem anathemati ſyngrapham adjiciendo, atque S. Leonis M. ad Flavianum litteris tam subscribendo manu, quam adhærendo mente. Quo sane pacto epistolam illam improbare viſus est Ibas, veluti ex interlocutionibus Eunomii Nicomediensis, & Juvenalis Hierosolym. ostendit Vigilius in Constituto de tribus Capitulis, ex verbis illis videlicet: *In quibus enim dicendo male culpæ viſus est (Ibas) Beatiss. Cyrillum, in pſtremis recte confessus, illa, quæ culpa verat, refutavit* a&. 10. Concil. Chalced. apud Harduinum tom. 2. pag. 542, ac tom. 3. pag. 41. Juxta hunc igitur ſenſum, ſenſum idest internum ab Iba intentum, ejusdem Ibæ epistolam interpretandi ratio a Lupo inſita bene ſtat, bonumque juxta ſenſum iſtum plane a Synodo V. proſcripta non eſt, ſed juxta, pravum verbis expreſſum, quibus nempe impia Theodori, & Neſtorii ſcripta defendebat, atque S. Cyrillo viciffim Apollinaris hæreſim afflabat: quod ipſum advertit S. Gregorius M. lib. 9. in epiſt. 54. ad Secundinum cap. 3. Si vero Lupus eandem Ibæ epistolam bonum in ſenſum adduci poſſe autumans, de ſenſu externo, & obvio quem verba ipſa præſeferunt, loquutus fuiſſet, næ iſ, ut a graviore abſtineam cenſura, laboraſſet fruſtra, operamque luſiſſet plane, quam non eſt, cur quis moretur, ejusque moveatur auctoritate, eo vel maxime, quod ipſe viciffim circa Synodi V. auctoritatem nec ſibi met ſemper conſtiterit, ſiquidem modo pag. 738. eidem Synodo ſummam auctoritatem det, modo pag. ſeq. 739, auctoritatis partem detrahat, quam minorem aliorum Conciliorum auctoritate eſſe dicit. Quamquam ab uno dumtaxat Epifcopo, Maximo videlicet Antiocheno, cui acceptus erat Ibas, in Synodo Chalcedonenſi epistola illa ad Marim Catholica etſi diſta ſit, ceteris tamen Epifcopis nedum epistolam, ſed ejusdem auctorem ſuſcipere detreſtantibus, donec S. Leonis epistolæ ſubſcripiſſet, & in Neſtorium anathema pronuntiaviſſet, non eſſet proinde,

cur

cur Synodo Chalcedonenſi probata epiſtola dicere tur. Quod enim reſpicit ad illa verba, quibus S. Leonis Legati innoxium Ibam judicarunt, *Relecta*, inquieries, *ejus Epiſtola, agnovimus eum eſſe Catholicum*, non quidem de Epiſtola ad Marim, quam ſuam eſſe Ibas inſiciabatur, neque Ibæ adverſariis, quod ejusdem fuerit, comprobare eum contigerat, ſed de Epiſtola Cleri Edefeſeni, qua integræ Ibæ fidei teſtimonium perhibebatur, accipienda fore admonuit plane Vigilius in ſuo Judicato adverſus tria Capitula, n. 22. apud Baluzium pag. 1551, & Harduinum tom. 3. pag. 237. Quamvis ſi eadem Ibæ epiſtola ad Marim Act. 9. ab univerſis revera Epiſcopis fuiſſet approbata, quia tamen, ut paullo ſuperius ex S. Leone, Pelagio, & S. Gregorio obſervabam, vel a Synodo Chalcedonenſi judicium dumtaxat criminale, ſive de ſola Ibæ perſona, non etiam doctrinale de ejusdem Epiſtola inſtitutum eſt; vel imo eadem Synodus poſt Act. 6. œcumenica, ac legitima eſſe deſiit, ab eaque poſterius edita decreta, ſcilicet poſt fidei definitionem in Act. 6. adornatam, rata non habuit S. Leo, locus proinde Synodo V. patuit eamdem Ibæ Epiſtolam in jus vocandi, novoque integrato judicio, ſeu verius, quod inſtitutum non fuerat, indiſto damnandi: qua de re uſe in prælaudata epiſtola 3. ad Iſtriæ Epiſcopos n. 17, & ſeqq. Pelagius II, ſive ipſius nomine S. Gregorius Martinus Diaconus, ut viſum Fleurio hiſt. Eccleſ. lib. 34. §. 59, & Dionyſio San-Marthano in hiſt. S. Gregorii pag. 111. edit. Roto-mag. 1700. teſtimonio innixis Pauli Diac. lib. 3. hiſt. Langob. capp. 20, & 27: de quo tamen dubitat Ludovicus Doucinus hiſt. Neſtor. lib. 6. Quamobrem Ferrando Diacono ignoſcendum, quod ſcripſerit, Epiſtolam Ibæ nulla animadverſione dignam fuiſſe, neque ulla nota, abſque injuria Concilii Chalcedonenſis, inuri poſuiſſe: quia id ſcilicet ſcripſit ante Synodum V, cujus profeſto Synodi auctoritatem Ferrandi auctoritati longe præſtare nemo probe non intelligit.

Age modo, ut cum Synodi VI. auctoritate Honorii P.M. integra fides, honorque componatur, allaborandum eſt, longeque præclarioris faciundum operæ, haud facilis etſi, pretium, atque ita alterutrius ullo abſque diſpendio, alterutri utrinque obtrectatoribus os obſtruendum. Principio itaque animadvertere præſtat

fiat duplex judicium de Honorio a Synodo VI. institui potuisse, criminale unum, doctrinale alterum: criminale, quod facti mere personalis est species, de crimine scilicet ab ipsius persona qualitercumque contracto, quod duplici fieri ratione potuit, vel ex meritis informationibus, atque hominum testimoniis, vel etiam ex Epistolarum ejus ad Sergium sensu, præsumpto tamen, pure interno, animoque ab eo præconcepto: doctrinale, quod propius ad facti dogmatici genus accedit, de doctrina videlicet in Epistolis ad Sergium ab eo tradita, sed qualis ex sensu litterali, obvioque, atque ex sermonis contextu eruitur: quod in casu duplex adhuc esse potuit, aliud, quo hæreticæ Honorii eæ ad Sergium Epistolæ declaratæ fuerint, atque ex illis Honorius tanquam hæreticus fuerit damnatus; alterum, quo ut hæresi dumtaxat faventes Epistolæ illæ compertæ sint, atque idcirco ex illis tanquam hæreticorum fautor Honorius sit damnatus: quæ jam hodie communis est sententia expeditissima, quam nos post Petrum de Marca, Baluzium, Lupum, Tamagninum, Combesium, Garnerium, Natalem, Pagiū &c. sequimur, atque uberius sequenti in appendice expendemus, & explicabimus: quæ plane sententia eo plausibilior, ut dicam verbo, evadit, quod Honorii Epistolæ formaliter, ut Scholæ verbis utar, hæreticæ non fuere, sed tantum hæresi faventes: sub quo conceptu (ne sub alieno præconcepto sensu, atque præsumpto damnare voluisse dicatur: quod sane dicere valde quam ego vereor) Honorium damnasse, non quidem ut hæreticum, se tanquam hæresis fautorem, Synodus VI. dicenda est, prout dicere tam satius haberi debet, quam veri sit longe similis. Atque quidem ex illis, qui a Synodo VI. institutum fuisse de Honorio judicium doctrinale nobiscum existimant, a nostrâ tamen absunt sententia, aliam sane abruptam, exitusque admodum difficilis adire coguntur viam, qua aut minus solide cum Honorii auctoritate, & honore auctoritatem, honoremque Synodi VI. concilient, aut minus vere Honorium cum Synodo VI. committant, atque alterutri tam errorem assent, quam consent injuriam. Alii etenim, veluti Bossuetius defens. tom. 2. lib. 12. cap. 25, & seqq., a Synodo VI. doctrinale adversus Honorium institutum fuisse judicium affirmare non dubitant, atque istud quidem ex Epistolarum sensu

sensu

senſu litterali, & obvio, in iſtoque iudicii genere ab eadem Synodo minime erratum, neque errari potuiſſe, atque ita tanquam hæreticum damnatum Honorium. At enim ab Honorio turpem hanc hæreſis labem propulſare, quin ulla viciffim Synodo V. irrogetur injuria, officio, religionique nobis paullo infra cedit. Alii, ut Melchior Canus de loc. Theolog. lib. 6. cap. 8, damnatum Honorium quidem hæreſis crimine putant, ſed tanquam perſonam ſingularem, non tanquam Pontificem ex Cathedra loquutum: quæ opinio, tametſi exinde probabilis fiat, quod reipſa Honorii ad Sergium epiſtolæ privatim ſcriptæ fuerint, paucis nihilofecius admodum placuit, quibus planior alia, expeditiorque Honorium defendendi, atque ut perſonam etiam privatam vindicandi, ſuppetit via.

Alii diſtinguentes iudicium Epiſcoporum in Synodo a iudicio Synodi Epiſcoporum (qua diſtinctione quidem, uſi nos quoque ſumus, ubi de Concilii Conſtant. decretis egimus, ſed alia plane ratione) ajunt Honorium damnatum quidem ut hæreticum, ſed iudicio Epiſcoporum in Synodo, non vero iudicio Synodi Epiſcoporum; atque ita Epiſcopos in Synodo VI. erraſſe. Ita Illuſtriſs. Johannes Bapt. Bartholi Feltriensis Epiſcopus in Apologia pro Honorio cap. 24. Quam ſententiam, quatenus contra ea, quæ ſub Coetus *Univerſi*, aut *Sancti Concilii* nomine explicite habentur Aſſ. 16, & 18. apud Harduinum tom. 3. pag. 1386, ac 1414, ſuſtentare valuerit, ſufficientibusque ſuffulcire momentis, alii viderint. Alii diſtinctione nulla adhibita, Synodum VI. damnando Honorium, qui nihil proſecto damnatione dignum peccarat, nihilque, quod optime orthodoxa dogmata non deceret, ad Sergium perſcripſerat, exemplo ſuo palam feciſſe dicunt, Synodum generalem in facto dogmatico falli, ac decipi poſſe, poſſeque tam a vera fide deſteſcere, quam a recta Scriptorum interpretatione procul aberrare. Ita Janſeniſtæ, qui eadem peræque afficere Pontifices contumelia, eundemque ſuum orthodoxis primi ſubſellii Theologiis aſſingere errorem non verentur. Alii vero alterius ope diſtinctionis nodum ſolvere, ac rem abſolvere, tamque Synodi, quam Honorii auctoritatem in tuto ponere inſtituunt. Nempe Synodum VI. errore facti, & quidem dogmatici deceptam in Hono-

rii damnationem conclamasse contendunt, hunc tamen facti errorem pertinere non quidem ad totam Ecclesiam, seu totam ad Synodum VI, prout ex Græcis constat, atque a Latinis confirmatam, sed ad partem Ecclesiæ dumtaxat, seu ad solos Græcos, Epistolarum Honorii sensum non assequutos, quibus hac in parte Latinorum consensus non accesserit, ac proinde in Synodo VI. errore facti, atque dogmatici utique, erratum fuisse, at non a Latinis, sed dumtaxat a Græcis. Atque hanc defendendi Honorii viam, quam pridem iniverat Anastasius Biblioth., postea sequuti sunt Arsdekin in Theolog. tripart. 3. q. 3, Franciscus Marchesius in Clypeo fortium, seu Vindic. Honorii dissert. 4. cap. 2, & Illustris. Franciscus Anton. Cavalcanti Archiepisc. Consentinus in Vindic. Rom. Pontif. lib. 5. dissert. 7. Alteram denique defendendi Honorii rationem adinvenere Desiderantius apud Sommier hist. dogm. Pontif. lib. 7. cap. 17, & prælaudatus Bartholi cap. 12, & seqq., in ea persuasione versati, quam plurimis haud contemnendis confirmare conjecturis adnituntur, ille quidem, quod Epistola Sergii ad Honorium fuerit Catholica, a Monothelitis vero depravata, ac proinde hæreticæ additiones eidem insertæ in causa fuerint, cur sententia Epistolæ ab Honorio ad eundem redditæ perverteretur, quæ alioqui per se legitima, & catholica, respective ad hanc depravatam Sergii epistolam hæresis imbuta, ac suspecta, ideoque damnatione digna a Synodo VI. reputata fuerit: iste vero, quod eodem malo dolo a Monothelitis tam Sergii Epistola ad Honorium ante Synodum VI. fuerit vitiata, quam utraque Honorii ad eundem exarata, atque ex hisce duabus Honorii una quidem fuerit de industria conficta, altera vero interpolata.

Ad eos autem deveniendo, quibus arcte persuasum est a Synodo VI. institutum de Honorio iudicium non doctrinale fuisse, sed criminale dumtaxat, quod proinde facti, non dogmatici fuerit, sed mere personalis speciem induerit, quidam pugnant a Synodo VI. de Epistolis Honorii non quidem, sed ejus de persona dumtaxat indictum fuisse iudicium puri facti, in quo plane errare potuerit, reque ipsa erraverit. Quamvis enim, inquirunt, Honorii Epistolæ Act. 12, & 13. recitatæ fuerint, & expensæ, quum tamen

Aët. 16, & 18. ad hæreticorum damnationem, ac fidei definitiones ventum est, Epistolæ illæ non fuere proscriptæ, tanquam a fidei regula aberrantes, neque decreto ullo damnatæ, tanquam hæretica labe aspersæ. Quæ vero, subjungunt, in Synodis peraguntur, ea dumtaxat ad fidem pertinere decreta reputanda sunt, quæ tanquam de fide credenda proponuntur, atque sub anathematis pœna amplectenda promulgantur. At enim opinio hæc eas, adeoque graves patitur difficultates, quibus alii deterreantur, quoveminus assensum ei præbeant suum, prohibeantur. Nam in Synodo VI. de Honorii persona nedum, sed etiam ipsius de Epistolis institutum fuisse judicium, atque has Epistolas nedum lectas, sed damnatione quin etiam dignas judicatas evincit sola Aët. 13. lectio apud Harduinum tom. 3. pag. 1331, ubi Synodi Patres de epistolis Sergii ad Honorium, ac vicissim Honorii ad Sergium ita habent: *His invenientes omnino alienas existere ab Apostolicis dogmatibus, & a definitionibus SS. Conciliorum, & eundem probabiliū Patrum* (En examen, & collatio cum Dei Verbo scripto, & tradito) *sequi vero falsas doctrinas hæreticorum, eas omnimodo abjicimus, & tanquam animæ noxias execramur.* (En examini subjunctæ in eas sententia). Postquæ ad Monothelitarum Promachos damnandos progressi, unaque simul cum Sergio, Cyro, Pyrrho, Petro, & Paulo, ac Theodoro damnationis sententia Honorium involventes: *Cum his vero, subdunt, simul proijci a S. Dei Catholica Ecclesia, simulque anathematizari prævidimus, & Honorium . . . Eo quod invenimus per scripta, quæ ab eo facta sunt ad Sergium, quia in omnibus ejus mentem sequutus est, & impia dogmata confirmavit.* (En damnatis Epistolis, ob eandem damnatum Epistolas Auctorem, seu en judicium doctrinale de Epistolis peractum, ac deinde criminale de persona.) Ex quibus patet perperam dici a Synodo VI. doctrinale de Honorii Epistolis judicium non fuisse institutum, quum potius præset dicere, non prius de Honorii persona judicatum criminali judicio, quam de ejusdem Epistolis judicio doctrinali fuisset judicatum: quam Synodorum jugem fuisse praxim apte animadvertit doctiss. Thomassinus dissert. 19. in Synodum V. n. 75, 80, & 106: *Uno vicissim, inquit, judicio hæreses, librique Hæreticorum damnati; nec seorsim us-*
quam

quam hac agitata. Ideo nec Romani unquam Ecclesiæ retractari. postulavit iudicium sextæ Synodi de Epistolis Honorii. Neque magis nobis probatur, quod postremo subiungitur loco de distinctione faciendâ inter ea, quæ in Conciliis dicta, aut decreta ad fidem pertinent, & quæ inter *divina* obligandi vim non habentia, quamvis enim disputationes, quas in Conciliis agitari, & rationes, quas proferri persæpe contingit, non secus atque facta, testimonia, informationes, ad fidem non pertinere fateamur, perperam tamen doctrinam inter, ac definitiones distinguitur, idque ad fidem dumtaxat pertinere dicitur, quod de fide credendum sub anathematis pœna proponitur: ut enim aliquando optime animadvertit Cl. Bossuetius, serioque admonitum doctiss. Lamium voluit, discrimen statui non debet inter doctrinam, & definitiones Conciliorum: nam utraque ad fidem pertinent, & quæ in Capitibus, seu Actionibus traduntur catholicis, & quæ in Canonibus, sive Censuris ab hæreticis vindicantur. Hinc non minor habenda ratio est Act. 16, in qua contra Monothelitas damnationis pronuntiata est sententia, quam Act. 18, in qua fidei definitiones proculæ sunt.

In alteram igitur defendendi Honorii, quin hinc Ecclesiæ definienti de factis dogmaticis aut derogetur auctoritas, aut irrogetur error, viam ingressi alii, a Synodo VI. erratum fuisse errore facti, non quidem dogmatici, sed mere personalis affirmare non dubitant, quia nempe existimant a Synodo illa de Honorii Epistolis institutum fuisse iudicium utique, non doctrinale tamen, sed criminale dumtaxat, idest de eo iudicatum ex Epistolis quidem ad Sergium, sed non juxta earundem sensum externum, obviu, ac litteralem, quem verba præferrent, sed juxta sensum Honorii internu, præsumptu, & quæ ille sanimo præconcepisset, respectu habito ad Sergii Epistolas hæresi manifeste imbutas. Cujusce rei sane conjecturam proum eis capere erat ex verbis illis Act. 13, in quibus damnationis in Honorium ferendi sententiam vim faciunt: *Eo quod inuenimus per scripta, quæ ab eo facta sunt ad Sergium, quia in omnibus ejus mentem sequutus est.* Ex quibus augurari profecto licet Patres Synodi VI, quam ad ipsius Honorii Epistolas, plus respexisse ad Epistolam Sergii, atque ex hac de

Honorii pari sententia præsumpſiſſe, quam ideo pariter damnandam putarint. Qua in damnatione proinde erratum ſit, errore facti criminalis, in quo nempe judicium ducitur ex præſumptionibus, in quibus error ſubeſſe facile poteſt, in quo aberrare, falli, & decipi Eccleſiam poſſe, abſque ejusdem injuria, nemo inſicias ibit; errore non item facti doctrinalis, in quo ſcilicet judicium ex ſcriptorum ſimplici lectione, ſenſuque obvio, ac litterali deſumitur, & efformatur, veluti approbe obſervavit doctiſs. Thomaffinus cit. diſſert. 19; quo in caſu Eccleſiam omni ab errore immunem eſſe dicere omnes debent, ſiquidem judicium de doctrina in libris expreſſa non pendet, nec debet expendi ex ſenſu præſumpto Auctoris, meuteque præconcepto, ſed ex collatione doctrinæ in libris contentæ cum Dei Verbo ſcripto, vel tradito. Difficultatem hanc denique quidam, ut Albertus Pighius omnium primus, magis quam ſenſum diſſuere, repente præcidere aggreſſi, ſextæ Synodi acta, ubi Honorio anathema ſcriptum habetur, a Monothelitis corrupta fuiſſe ſuſpicari cœperunt. Cujus quidem ſuſpicionis conjecturas quaſdam Card. Bellarminus de Rom. Pontif. lib. 4. cap. 11. inſtruxit, quas deinde Card. Baronius ad an. 681. n. 19, & ſeqq., ac 682. n. 2, & ſeqq. dilatare ſtudit. At enim argumenta horum omnia de Aſtorum Synodi VI. depravatione levia admodum, ac lubrica reputavit Petrus de Marca, teſte Baluzio in ipſius vita, quæ refellere perinde facile contigit viris ſummis Combefiſſo in diſſert. apolog. pro actis Synodi VI, Lupo in diſſert. de ſexta Synodo ad act. 18, Tamagnino in hiſt. Monoth. Scrutinio 6, Garnerio in append. ad not. lib. Diur. cap. 2, Natali hiſt. Eccleſ. ad Sæcul. VII. diſſert. 3, Pagio ad an. 681. n. 7, & ſeqq., aliſque, de quibus alibi.

Jam vero ex his ita expoſitis multiplex, eaque facilis patet ratio omnem prorſus, quam ipſis conſtare Janſeniſtæ conantur, a Turrecremata, a Bellarmino, a Baronio, a Spondano &c. invidiam diſſidandi, propulſandique calumniam. Atque principio quidem mala fide, malitiæque agunt ſive Witaffius, ſive Formularii Alexandrini impugnator, obſequioſi vero Silentii juſticator impudens, dum eidem cum quatuor illis mœx laudatis viris doctiſs., imponere navi, in eundemque trahere clivum conantur S. Thomam

mam, Gersonium, Almainum, Canum &c., quorum longe diversa, totoque dispar cælo sententia fuit, quæ una præcise fuit de factis mere personalibus: *Ut quum agitur de Possessionibus, vel de Criminibus &c.*, velut eo loci expresse loquitur S. Thomas, vel de Impedimentis occultis, de quibus agit ibidem Gersonius, verbo, de factis, quæ subreptionis, vel obreptionis vitio subiacere possunt. Quamvis autem daremus de factis vere dogmaticis id affirmasse, Ecclesiam nempe definiendo errare, decipique posse, Turrecrematam, Bellarminum, Baronium, ac Spondanum, nobis exinde necesse non esset ad eorum sententiam accedere, si a vero illi recesserunt. Et sane tanti apud Jansenistas non est illorum auctoritas, ut illis in cunctis eorundem doctrinæ capitibus, & apicibus adquiescendum ipsi velint, & jubeant. Sed neque causæ probatissimæ nostræ quidquam deperiret, quamvis viros illos alioqui doctissimos, quos merito facimus maximi, pateretur adversos: quandoquidem tot, tamque firmis hætenus in aperto positis momentis suffulta est, ut veluti scopulus in medio Mari ab irruentibus procellis appeti quidem possit, nullo subverti modo possit. Verum non est tamen, cur tantorum hominum doctrinæ hac in re invidiosa erroris infligatur nota, a qua ut liberentur non admodum sollicitè adlaborandum nobis incumbit; sed illorum potius sensum Jansenistas non pervasisse, neque fuisse assequutos, aut malitiose, deque industria in alienum, ac pravum intorsisse, operæ pretium est, ut patefaciamus. Quamvis itaque Turrecrematæ, Baronio, Bellarmino, ac Spondano loquutiones excidisse minus accuratas, ac paullo asperiores non diffitear, id tamen indulgendum, quod in hac controversia, in qua Jansenistarum doli, artes, effugiaque Catholicos Doctores eo nondum adegerant, ut; ad omnem elabendi viam, abutendique verbis ansam Hæreticis intercludendam, eripiendamque, diligenter in vocabulorum dilectum intenderent, eaque perpendere, ac librare ita deberent, usurpanda antequam ducerent verba, in quibus dolus lateret nullus, nullusque sinistræ linqueretur acceptioni locus, indulgendum, inquam, quod verbis non adeo expressis, perspicuis, & expensis usi sint. Cæterum autem eorum sententiam ab omni prorsus erroris specie alienam, omnique ex parte ab ea quoque distan-

tem

tem opinione, quam esse communem Jansenistæ comminiscuntur, jampridem a viris doctis. apud Emin. Relat. Caus. V. Card. Bellar. pag. 210. & seqq. multis ad oculum ostensum est modis.

Atque ex iis quidem pluribus alterutro, quæ modo indicabam. Ita enim, ut delibem unum, vel alterum, doctis. Tournellius de Eccl. q. 5. art. 3. pro ea, qua erga piissimos, Clarissimosque viros ferebatur reverentia, de Turrecremata, & Bellarmino dicere (quod dicendum etiam de Baronio, & Spondano) non dubitavit, ab his Duumviris affirmari in Synodo VI. erratum fuisse errore facti, & quidem dogmatici, sed errorem refundi non in totam utique Synodum, ut ex Græcis congregatam, a Latinis vero comprobatam, qui tum in Ecclesiam recideret, sed in partem. Ecclesiæ dumtaxat, idest in solos Græcos Epistolarum Honorii legitimum sensum haud assequutos, quibus proinde Latinorum defuerit assensus. Atque hanc esse sententiam cum Turrecrematæ, cujus responsionem suam facit Bellarminus, lib. 2. de Eccl. cap. 93, exinde liquet, quod eo loci totum in solos Græcos rejicit errorem, quo in Hæreticorum album Honorius relatus est; tum Bellarmini lib. 4. de Rom. Pontif. cap. 11. ex eo fit evidens, quod ibidem hanc sibi objectionem proponens: *Dices, erga ne tu melius Honorii epistolas intelligis, quam intellexerint tot Patres, his, atque efficacissimis utique diluendam verbis aggreditur: Respondeo, non quidem a me, sed a Johanne IV, Martino I, Agathone, & Nicolao I. SS. Pontificibus, & a toto Concilio Romano sub Martino congregato eas Epistolas melius esse intellectas, quam a Græcis in Concilio sexto.* Instantia iterum sibi objecta, quid causæ fuerit, cur in Synodo VI. contra Græcos in damnationem Honorii conspirantes Apostolicæ Sedis Legati non reclamarint: *Respondeo, inquit, id factum esse ad evitandum majus malum. Verebantur enim Legati, si reclamarent, ne impediretur definitio rectæ fidei, & non posset tolli schisma, quod annis 60. jam duraverat.* Adde, quod in Synodo VI. agebatur de damnatione plurium Ecclesiæ Constantinopolit. Patriarcharum, quorum in censum propterea aliquem ex Romanæ Ecclesiæ Præsulibus adducere, ad ingentem emolliendam suæ gentis infamiam, omni ope Græci con-senderunt. Alteram defendendi Turrecrematam, Baronium, Bel-lar-

larminum , Spondanum &c. ab impactis Janfenistarum calumniis rationem adinvenire viri doctiff. Fenellonius Archiep. , & Dux Cameracensis in docum-pastor. 3. par. 2. cap. 2. , Thomaffinus in differt. 19. in Synodum V, ac Thomas ex Charmes in proleg. Theolog. tom. 1. differt. 5. cap. 2. q. 4. art. 4. aliique. Scilicet horum fententia , illi fcribere a Synodo VI. de Honorio judicatum fuiffe ex ipfius Epiftolis quidem , fed non juxta earundem fensum obvium , litteralem , ac verbis expreffum , fed juxta fensum præfumptum , refpectivum ad Epiftolas Sergii , menteque præconcep- tum : quo in judicio erratum fuiffe errore facti , non doctrinalis quidem , ac dogmatici , fed criminalis puri , mereque personalis , cujufmodi fpeciem institutum ex fensu præfumpto judicium induit. Atque ita quidem interpretandum fignatim Bellarminum exinde fuadetur , tum quod fcribat eo genere facti erraffe Synodum VI , quod ex informationibus , hominumque testimoniis , quæ fallaciis interdum , fraudibusque fubefle nemo ignorat , penderet ; cujufce plane genus judicium criminale , ipfius opinione , fuiffe oportet , in quo errare Ecclefiam poffe nemo inficiatur : tum quod parum hinc abfimilia proferat exempla , in quibus errare poffit Ecclefia , puta de viro ad Epifcopatum promovendo , promoti , deponendo &c. , quæ plane facta funt mere personalia , quorum in cenfu pariter Honorii factum habuit : ideo lib. 2. de Sacram. cap. 2. 1. docens Concilia generalia legitima fuiffe , atque decreta ab illis edita fidem obligare noftram , credendum fore , tenendumque , quia Ecclefia , quæ errare nequit , ita nos docet ; quod facti doctrinalis genus quoddam efle probe nemo non percipit . Atque hoc de argumen- to jam nimis .

Quod nunc ad damnatorum hominum decantatas aliquando laudes , apologiasque contextas attinet , hoc Janfeniftæ refponfum habeant . In Origene multa quidem fuiffe laude valdequam digna , ob quæ multis illum modis , Pontificum illæfa fententia , defendi potuiffe : ob ingenii , puta , eximias dotes ; judicii vim , & foli- ditatem ; eruditionis copiam , & excellentiam ; in plerifque Eccle- fiæ dogmatibus explicandis , aut vindicandis miram cum doctrina dexteritatem ; Sacræ Scripturæ in explanandis fensibus , aut Verfio- nibus adorandis indefeffum , improbum ftudium , ac laborem ada- man-

mantinum. Ejusmodi ob res justis Origenem laudibus exornarunt Patres complures, qua Latini, qua Græci, quas prosequi deinde licuit Tanaquillo Fabro epist. 43, Jo: Wolfio cent. 3. Lect. memorab., Dupinio Bibl. script. Eccles. tom. 1. pag. 388, Thomæ Pope Blount in Censura celeb. Auctor. pag. 197, exaggerare vero præter æqui, justique limites non debuerant Petrus Cuneus de Repub. Hebræor. pag. 294, Erasmus lib. 2. epist. 26, Dallæus de usu Patr. lib. 1. cap. 1. &c. Alteram quidem, eamque absque Ecclesiasticæ auctoritatis injuria, Origenem excusandi viam iniverunt alii; contententes videlicet aut depravata, & vitiata fuisse hæreticorum fraudibus ejus Opera, aut eum non semper ex animi sententia dixisse, & scripsisse, sed interrogando, proponendo, inquirendo, dubitando, referendo sæpius egisse: quo pacto ex veteribus Origenem defendendum susceperunt Didymus, Rufinus, Johannes Hierosol., Anonymus Photianus &c., ex Recentioribus vero Sixtus Senen., Genebrardus, Richardus Simonius hist. Crit. Vet. Test. lib. 1. cap. 19, aliique. At enim hæc plane defendendi Origenis ratio displicuit SS. Augustino de hæres. cap. 43, & Hieronymo in epist. ad Pammach., & Ocean., qui ideo a Pamphilo Martyre, cujus nomine inscriptus pro Origene Apologeticus jactabatur, hanc notam avertere aggressus, pugnare non ambegit id operis potius Eusebio Arianis partibus addictissimo esse adscribendum, aut si Pamphilo, dicendum illud ante Martyrium ab ipso fuisse adornatum. Qua perinde in epistola, ut eandem quoque defensi Origenis invidiam ab se amoliretur, nihil non egit S. Doctor, inter alia de se affirmans, quod si Origenis defensioni studisset, id criminis pœnitentia diluendum sibi superesset. Fuisse quin etiam, qui ut Origenem defenderent, alium, eumque plane catholicum, mente conceptum Origenem enutrivisse sensum dixerunt, velut Huetius, & Garnerius, illos alioquin improbantes, qui Origenis scripta ab omni prorsus labe purgare student: quo pacto Ecclesiæ auctoritatem non elevant utique, perperam tamen agunt, frustra defatigantur; quandoquidem nescio quomodo sensum Origenis internum expiscari datum illis sit, quum ex ejus textu, & contextu ab Ecclesia damnato, tanquam multis asperso erroribus, oppositum potius exculpere debuissent.

Ne-

Neque defuere quin insuper alii, qui nimio, imprudentique defendendi Origenis ardore succensi, ipsius doctrinam ab Ecclesia universa damnatam vel negarunt, vel in dubium revocarunt, uti Picus, Merlinus, & Halloixius; qui cæteroqui se Ecclesiæ judicium aliorum judicio omnium semper anteponeere profitentes, Ecclesiæ judicio derogare voluisse, quod ullum intervenisse negant ipsi, dicendi non sunt: quamquam in eo, quod dicunt Origenis doctrinam ab Ecclesia universa damnatam non esse, fallunt profecto, & falluntur, siquidem (quod latere ipsos nec poterat, nec debuerat) eam proscriptisse leguntur passim Demetrius Alex., apud S. Hieronymum lib. 2. advers. Rufinum cap. 5; S. Petrus Alex., de quo Justinianus Imp. in tract. ad Mennam; Theophilus in Synodo Alexandrina; S. Methodius Tyrius Episcopus in orat. de Resur. apud S. Epiphanium hæc. 64, & Phorium Cod. 234; S. Epiphanius ipse in Synodo Cypria, qua de re loquuntur epistolæ inter Hieronymianas 60. ipsius Epiphaniæ ad Johannem Hierosolym., & 67. Theophili ad Epiphanium: quarum Synodorum sententia Ecclesiæ totius judicio subinde comprobata evasit in Tract., sive Epistola Justiniani ad Mennam, cujus auctorem Imperatori se dederat Pelagius Apostolicæ Sedis Apocrisiarius, cuique demum ejusdem Apostolicæ Sedis invictissimam auctoritatem Vigilus P. M. adjecit; S. Hieronymus in epist. 65. ad Pammachium, & Oceanum, inque libris advers. Rufinum; S. Augustinus lib. de hæres. cap. 43; S. Cyrillus Alex. in epist. ad Monachos; Vincentius Lirin. Common. cap. 23; S. Sophronius in epist. Synod. relata in Synodo VI. aet. 2; quodque potissimum est, Summi Pontifices S. Anastasius in epist. ad Johannem Hierosolym., Venerium Mediol., & Chromatium Aquilej., ut alibi dictum, Vigilus apud Liberatum in Brev. cap. 23, & Cassiodorum Divin. lect. lib. 1. cap. 1; & S. Leo II. in epist. ad Constantinum Pogonat.; Synodus V. demum, si fides Evagrio lib. 4. cap. 38, Cyrillo Scythop. apud Cotelierum tom. 3. pag. 373, Nicephoro lib. 17. cap. 27, Theophani in Chron., Auctori Chron. Alex., Georgio Syncello, Photio, Zonaræ, Glicæ, & Cedreno adhibenda sit; sed verius Synodus Constantinopolit. anno 538. habita, de qua ex Valesio dicta videnda tom. 1. pag. 202, & seq., conferendæ quo-

Part II. Tom. V.

D d d

que

que Synodi VI. aët. 18, atque VII. aët. 3, & 7. apud Harduinum tom. 3. pag. 1395, ac tom. 4. pag. 134, & 454. Post quæ tam liquida, qui Origenis adhuc scripta ab omni prorsus errore purgare conantur, næ ii, Baronio iudice, Æthiopem lavant, Ecclesiæ injuriam creant, atque temeritatis notam non effugiunt. Rem enim agunt, similem Luthero, qui, teste Jansenio in *Spongia*, Nestorii, Eutychetisque vindicias elucubrare non est veritus; verbo hæreticis, qui Promachis suis defendendis, nulla Ecclesiastici judicii ratione habita, operam impenderunt omnem. Quocirca ego quidem excusatione dignum Halloixium non duco, non habeo, dum in Origene defenso Synodum V, a qua damnationis sententiam illum subjisse putat, ab Ecclesia potius toleratam, ac permissam, quam grato, volentique animo receptam, ac probatam dicere non extimuit, quodque pejus, dicere eandem Synodum V. Justiniani Conciliabulum, instigante Diabolo concitatum, & consummatum. Neque vero perinde in recto, tutoque posuisse vestigia mihi videtur Natalis Alexander, qui differt. 16. ad sæculum III. liquido quidem, luculenterque demonstrat ex SS. Patrum testimoniis, Ecclesiæ judiciis, ipsiusque met scriptis Origenem ab omni prorsus erroris labe abstergi non posse, hinc tamen non plus effici putat, quam ut puri facti sit quæstio, in qua neque Patrum, neque Ecclesiæ auctoritas omnino cogat: quandoquidem facti mixti, ac dogmatici fuisse ex dictis abunde patet, in qua proinde cum Patrum consensus, tum Ecclesiæ judicium fidem omnino nostram indubitanter obligant.

Quod de Marcelli Ancyрани libello dictum a Petavio obtruditur, auctoritati Pontificum in notandis libris plane non nocet: nam id tantum dixit vir doctiss. tanta arte scilicet a Marcello Ancyrano dissimulatum errorem, ut sensum libri æquivocum fecerit: emissa quoque catholicæ fidei professione, qua inter alia se paratissimum esse ad sua scripta damnanda, si ita placeret Synodo, professus fuerat, Patribus Synodi cum Romanæ, tum Sardicensis fucum fecisse, atque ita damnationis ictum declinasse. Quid vero quæso, inde Pontificum decretis deripitur? Ecclesiam enim de sensu æquivoco judicare ex confessione verbis expressa consuescere nunquam vero de sensu mere interno, menteque retento, jam
satis

fatis a nobis superius ostensum est. Non opus est autem retexere, quæ de Gothescalci causa super. Artic. 11. §. 1. pag. 177, & seqq. copiose disputata sunt, ex quibus, levia quam sint, atque levidentia a Jansenistis objecta ista liquido adparet. Confer, & Petrum Coutantium in Vindiciis veter. Codic. confirm. Petri Abaelardi Apologiam quod attingit, Berengarium Picav. flocci facimus, pudereque adversarios quammaxime debuerat hujusce furfuris hominem in causam proferre, hominem, inquam, hæresi, infamiaque notatum. Quamquam, & ipsum aliquando poenituisse hujusmodi Apologiæ Oper. Abaelardi pag. 302. patet ex ipsius epistola ad Episcopum Mimatensem inter Abaelardi, cujus discipulus fuit, Opera pag. 320. edit. Paris. 1616, atque in Bulæi hist. Academ. Paris. tom. 2. pag. 193, quo loci, *Processu, inquit, temporis mecum sapere crevit, & in sententiam Abbatis (S. Bernardi) pedibus, ut dicitur, ivi. Noluisset patronus Capitulum obsectorum Abaelardo; quia etsi sanum saperent, non sanum sonabant.* Quod vero Abaelardum ad bonam frugem receptum Pontifici reconciliaverit V. Petrus Cluniac., quin etiam flagitiosæ præteritæ vitæ poenitentem ad Monasticam Cluniacensia intra Claustra professionem receperit; quod ejuratis prorsus erroribus orthodoxam fidem, Oper. pag. 330, quoad vixit, professum, quique scripta sua omnia Apostolicæ Sedis judicio submisit, inter hæreticos a fide devios, & ab Ecclesia projectos computandum ideo non fore affirmarint, & confirmarint idem Cluniacensis Abbas, Otho Frising., Natalis Alexander, Gervasius in ejusdem vita edit. Paris. 1720, Amboesius in prolegom. ad ipsius oper., alique, e quibus adeundi doctiss. Monachi in præfat. ad nov. edit. S. Bernardi §. 5, quid inde potest extundi, quod indefectibili Pontificum judicio de libris ejus lato minus sit consonum? Gilberti Porretani erroribus patrocinium nullum attulerunt Cardinales Ampliss., id unum expostulantes, non a S. Bernardo id juris invadente, sed uno ab Eugenio Pontifice M. fidei Symbolum adversus errores Gilberti condi oportuisse. Joachimi denique Abbatis propositionem, non etiam personam, ab Innocentio III. proscriptam dicebamus. Quare qui ejusdem personam defendunt, hos rem agere bonam, optimamque dicimus, secus qui propositionem. Cæ-

terum ejusdem Apologistæ non negant jure damnatam propositionem, quæ Joachimo adscribebatur, sed vere illi adscriptam negant, atque ab illo in libro conscriptam, sed a malevolis ipsius libro insertam ajunt. Quamvis id quoque vaticinari potius sit, ac vanæ conjecturæ superstructum. Profecto si liber ejus adversus Petrum Lombardum *De Unitate, seu Essentia SS. Trinitatis* depravatus fuisset, difficile haud fuisset apud Pontificem, sive Innocentium ante damnationem, sive Honorium post damnationem, Monachis Florentibus reclamare, ac sincerum exemplar proferre, quo omnis ab eo depelleretur error, tumque præsertim, quum apud posteriorem illum conquesti sunt de hæresis infamia, quæ Joachimo a nonnullis infligebatur: quod siquidem non præstiterint, indicium est haud obscurum ipsorum scientia, & conscientia hujusmodi fuisse Joachimi librum, qui haud infestam expertus fuerit manum, neque talis, tamque purus ab ipso prodierit, ut ab omni prorsus erroris labe abstergi posset. Confer Petavium de Trinit. lib. 4. cap. 13, & lib. 6. cap. 12, ac Lamium de recta PP. Nicæn. fide cap. 33. n. 12, ubi S. Thomam, Thomam Argentinam, Suarezium, Vasquezium, Canum, & Baronium intimam Joachimi sententiam non assecutos contendit, crimenque in illum coniecisse aliud, quam revera esset, fuissetque ab Innocentio III. notatum.

Tantum autem tandem abest, ut Jansenistis desperata in hac causa vel levia rationum suffragentur momenta, ut ipsi potius immaniter e sulco rationis excessisse hæc objicientes dicendi sint. Enim vero objectioni huic e rationis penu petitiæ duplici offendunt Theologi via, atque duplicem adhibere distinctionem solent, quæ utraque paucis exponenda, quæque placuerit magis explicanda. Quidam itaque post Illustriss. Peregrinum Archiep. Paris, uti Natalis, uti Tournellius, fidem, qua in definiendis factis dogmaticis Ecclesiam falli, ac fallere nesciam credimus, fidem appellandam ducunt Ecclesiasticam, quæ media sit inter fidem Divinam, cujus objectum est revelatum, & fidem humanam, cujus objectum errori, ac deceptioni est obnoxium; ideo ut fides isthæc Ecclesiastica minor quidem sit Divina, cujus firmitas, & certitudo a Divina revelatione derivatur, major sit tamen qua-

qualibet humana , quum ejus certitudo , & firmitas a Spiritus S. adfistencia speciali dependeat : quemadmodum præcepta Ecclesiastica nec simpliciter Divina, nec simpliciter humana dicenda sunt, sed veluti media inter utraque , siquidem ex Christi D. præcepto pronuntiantis : *Qui vos audit , me audit* , omnes illis Christifideles tenentur obsequi , & obtemperare . Verumtamen quominus hæc responsio mihi quidem probetur, id efficit , quod Ecclesiæ voluntas semper utique fuit, ut Christifideles suis definitionibus circa facta dogmatica ore , & corde firmiter adhærerent , atque crederent , & assererent illos homines vere hæreticos esse , quos semel hæreticos declaravit , librosque revera hæresi esse asperfos , quos ob hæresis asperfusionem damnavit : veluti discere licet ex Conciliis Chalcedonenſi act. 4. apud Harduinum tom. 2. pag. 418, Constantinopolitano II. anathem. II. & seqq. tom. 3. pag. 198, Lateranenſi secret. 5. Can. 18. pag. 924 , Constantinopolitano III. act. 18. in profess. fidei , ac Prosphonet. pag. 1398, & 1418, ac Constantienſi sess. ult.; ex S. Cælestino I. in epist. 22. edit. Cout. ad Synodum Ephesinam n. 8; S. Leone M. in epist. 1. edit. Balier. ad Aquilejensem Episcop. cap. 2 , Vigilio in epist. decret. ad Eutyrium , S. Martino I. in Synodo Lateran. , Martino V. in Const. *Inter cunctas* , de quibus dictum pag. 305 , 309 , ac 336, & Clemente XI. in Constit. *Vineam Domini* ; ex S. Hieronymo in epist. 65. ad Pammach., & Ocean., ac Justiniano Imp. in tract. ad Mennam , quem a Vigilio , ac Synodo V. Collat. 8. , & VI. act. 18. confirmatum dixi , apud Harduinum tom. 3. pag. 243. Quocirca placet magis Petri de Marca , & Card. Laureæ responsio Ecclesiæ definitiones circa facta dogmatica ad partem dogmatis pertinere non dubitantium, quas ideo fide Divina esse credendas , atque mediate saltem , implicite , & indirecte revelatas esse consequitur , ideoque ad fidem Divinam pertinere indirecte saltem , mediate , & implicite .

Quæ responsio , ut bono in lumine collocetur , observare quam juvat , tam interest , multa fide Divina teneri , & credi , quæ non quidem explicite , directe , & immediate revelata sunt , sed dumtaxat implicite , mediate , & indirecte : vel ut propositio particularis in universali contenta ; quomodo quod Concilium ,
puta

puta Nicænum, Oecumenicum fuerit, neque in fidei decretis erraverit; quod Versio Vulgata sit Authentica, & Canonica, neque in ea gravis contra fidem extet error; quod Benedictus XIV. sit legitimus Pontifex, atque S. Petri successor; revelatum est eo ipso, quod revelatum sit Deum Ecclesiæ in necessariis defuturum nunquam: vel ut propositio ex præmissis consequens; quomodo quod Christus D. est adorandus in Eucharistia, quia in eo præsens adest: vel tanquam pars in toto contenta, sive proprietas cum natura connexa; quomodo quod in Christo D. duæ sint voluntates, atque duæ operationes, quia duplex in eo Natura est permixta, & inconfusa: vel tandem ut propositio confusa, & obscura, quæ comprehenditur in propositione clara, & distincta: quomodo quod singuli homines (demptis Christo D., ac Deipara) in peccato Originali sint mortui, ac pro singulis mortuus sit Christus D., ideo quod Christum D. mortuum esse pro omnibus, atque omnes mortuos esse pronuntiavit Apostolus. Itaque pari modo Romanum Pontificem, circa facta doctrinalia falli, & fallere non posse, habenda est ut propositio de fide, vel ut contenta in generali illa, Christum D. Ecclesiæ non deesse in necessariis ad fidem, moresque pertinentibus; vel ut consequens ex illis præmissis, Ecclesiam columnam, & firmamentum veritatis esse, fundatam supra firmam petram, contra quam portæ Inferi prævalere nunquam poterunt; vel ut comprehensa in illis claris, & distinctis: *Tu es Petrus &c. Pasce Oves meas, & Rogavi pro te &c.*; vel ut præsupposita ex illis oppositis: *Erunt in vobis Magistri mendaces, qui introducent Scælas perditionis* 2. Petri cap. 1. vers. 1. *Discedent quidam a fide, attendentes spiritibus erroris, & doctrinis Demoniorum, in hypocrisis loquentium mendacium &c.* 1. ad Timoth. cap. 4. vers. 1, ac Judæ cap. 1. vers. 18. Adde doctrinam hanc de Romani Pontificis indeficienti fide circa facta doctrinalia locum habere in traditione Patrum, quorum pleraque in medium protulimus testimonia, unde in Verbo quoque tradito eandem doctrinam revelatam dici recte posse consequens fit. Volo autem, ut his affatim disputatis gravissimæ auctoritatis suæ pondere colophonem imponat S. Thomas, qui 2. 2. q. 11. art. 2. quærens, utrum Hæresis proprie obversetur circa ea, quæ ad fidem

dem pertinent, respondet duplici modo rem aliquam pertinere ad fidem scilicet directe, & principaliter, atque indirecte, & secundario, quum nempe ex negatis sequitur alicujus fidei articuli destructio; en aurea Doctoris Angelici verba: *Non ad corruptionem fidei Christianæ pertinet, si aliquis habet aliquam falsam opinionem in his, quæ non sunt fidei... Sed solum, quando aliquis habet falsam opinionem circa ea, quæ ad fidem pertinent: ad quam aliquid pertinet dupliciter, uno modo directe, & principaliter, sicut Articulus fidei; alio modo indirecte, & secundario, sicut ea, ex quibus negatis sequitur corruptio alicujus articuli. Et circa utraque potest esse hæresis eo modo, quo est fides. Quæ si heic locum non habeant, siquidem dogma purum, quod factum non sit permixtum, reperiri vix, ac ne vix quidem queat, nescio profecto, ubi tandem habere possint.*

DE ROMANIS PONTIFICIBUS

*Erroris sive circa Doctrinam fidei, sive circa Disciplinam
morum injuste accusatis.*

A P P E N D I X.

Q Uum de Romanis Pontificibus agitur, duo nobis distincte consideranda succurrunt, vitæ genus, & ratio doctrinæ, quique, si quando aliud faciant, in illos quidem intendere prohibemur, quum docent tamen, utraque auscultare ipsis aure præcipimur. Atque apposite utique S. Augustinus epist. 165, quod de Cathedra Moysis effatus quondam est Christus D., audiendos scilicet Magistros, etsi non semper imitandos, de Cathedra Petri intelligi, pro ut opus foret, pariter jubet, si quando nempe in agendo exemplo non præcant ii ipsi, quos in dicendo recta præmonstrantes ita semper fide prosequimur: *In illum, inquit, ordinem Episcoporum, qui ducitur ab ipso Petro usque ad Anastasium, qui nunc in eadem Cathedra sedet, etiamsi quiquam traditor per illa tempora subrepsisset, nihil præjudicaret Ecclesie, & innocentibus Christianis, quibus Dominus providens ait*
de

de Præpositis malis : Quæ dicunt facite , quæ faciunt , facere nolite . Quamquam quod ad ipsum quoque vitæ genus , morumque attinet , attenderent utinam heterodoxi , nonnullique nostræ Communionis etiam homines nihil æqui , honestique æstimatores , qui pessima obloquendi , obtrestandique prurigne affecti , univërfa fursum deorsum vertunt , ac versant , ut ex vitis , quibus aliquando a quibusdam dehonestata nonnihil dignitas est , avide opportunitatem arripiant omnium indiscriminatim tam despiciendi personam , quam posthabendi imperata , utinam , inquam , attenderent , perpaucos admodum ex Pontificibus dinumerari , qui numeris omnibus absolutam non traduxerint vitam , aut labe nonnulla Apostolicam conspurcaverint Sedem , quorum alioqui leves vel maculas abunde tot alii , tantaque virtutum præstantia , morumque integritate præfulgentissimi deterfere . Enim vero ex 250 , quot a S. Petro ad hanc diem præfixus operi elenchus exhibet , duo ad minus supra octoginta Sanctorum albo adscripti sunt , atque octo certe supra septuaginta in Martyrologio Romano memoria celebris habetur , quin imo sua remotiori sub ætate centum ferme in Sanctorum fastos referre non dubitavit S. Gregorius VII. lib. 8. epist. 21. ad Herimannum Mentens. Ex quibus qui ante S. Silvestrum , concessamque a Constantino Ecclesiæ pacem , tot persecutionum tempestatibus jactatæ , turbatæque Christianæ Reipublicæ clavo per annos ferme tercentos præsuere , pro qua vitam ipsam cum sanguine profuderunt , perenni serie trium super triginta SS. Martyrum Pontificum invictissimæ fortitudinis in asserenda fide præclarum specimen præbuerunt . Ut quinque vero supra quadraginta præteream , qui ad medium usque Sæculum Ecclesiæ decimum insigni præ aliis Sanctitatis laurea Apostolicæ Sedis dignitatem , & gloriam adauxerunt , in animum inducere suum nequiret , qui indutos ex alto eisdem neficeret animis , qua virtute , quoque successu , omni posthabito hominum metu , nulloque prehenso vitæ discrimine , nec unus , vel alter , sed velut ex asse omnes , sibi que non tam in locum , quam in labores invicem succedentes , longa , diuturna que lucta impense distenti , sed non defessi , implicati , & defatigati , sed non fracti , neque confecti , Ethnicis tum superstitionibus exterminandis ,
tum

tum eisdem deditissimis hominibus ad Christianæ rei cultum transducendis infudarint, Hæreticorum ingentibus nunc conatibus comprimendis, nunc agminibus ad frugem inflectendis incubuerint; contra Imperatores ipsos vel hæresi turpiter inquinatos, vel se rebus Sacris temere ingerentes, ac quot, & quantos, indeflexa fronte, infractoque animo steterint; qua Christianæ Reipublicæ sinibus amplificandis, qua Canonice disciplinæ in pristinum decus restituendæ, quæ confluentibus undique Ecclesiarum negotiis expediendis infisterint, æstimari, inquam, comprehendique vix, ac ne vix quidem animo potest.

Siqui igitur fuere, fuisse vero septem, vel octo non plus feceruntur, fuisseque quia etiam mali partem quammaximam Civilis Reipublicæ afflictissimæ statum, sub quo impotenti dominandi libidine plerique ducti ferro, flammaque Imperii partem, quam possent, non tam abripere, quam diripere non parcebant, fatendum est, qui Sæculo dumtaxat sive nono cadente, sive decimo in eunte locum tam illustrem indigne occupaverint, moribusque deturparint suis, præterquamquod aut ab ipsismet postea insigni poenitentia errata cuncta deterfa sunt, aut a sequioris ætatis Pontificibus vitæ probitate labes omnis procul depulsa est, locoque decus postliminio redintegratum, supremo disponente procul dubio Numine, loco stetit, nec ulla prorsus erroris labe fides ejus infecta est, nec aliquid inde sive fidei doctrinæ, sive morum disciplinæ minus conforme prodit: quod indicium est utique liquidum insufficientis fidei Pontifici Romano in S. Petri persona promissæ, de quo fufe Baronius ad an. 908. n. 6, & seq., & ad an. 912. n. 9, ac seqq., Bellarminus in præf. ad libros de Rom. Pontif., Mabillonius in præf. ad Sæcul. V. Bened. §. 1, Paulus Segneri in serm. de Cathedra S. Petri, & Franciscus Leedorff in epist. 12. ad Fridericum Comit. Palat. Rheni. Nec offecit ideo, nec obsuit flagitiorum probrum, quo Apostolica Sedes sic aliquando dehonestata est, quominus religiose observaretur, eique minus deferretur obsequii. Nam Stephano VII. observantiam detrahare ingenti duxit piaculo Auxilius Presbyter lib. 2. capp. 17, & 18; atque observantiz certe plenam ad eundem dedit epistolam Fulco Remensis apud Flodoardum lib. 4. cap. 4. Johanni IX. probatissimæ alioqui

Part II. Tom. V.

Ecc

vitæ

vitæ Pontifici demississimo religionis obsequio se devovisse leguntur cum Hatto Moguntinus, tum Theotmarus Salisburgensis, atque uterque tam suo quidem, quam Suffraganeorum nomine ab eide in debita obedientia discessuros se nunquam professi Metropolit. Salzburg. tom. 1. pag. 44, & 47. Modesti, supplicesque pro impetrando Pallio ad Sergium III. appellere Sergius Coloniensis, & Hogerus Hammaburgensis officio habuerunt apud Crantzius hist. Eccles. Saxon. lib. 2. cap. 24, & lib. 3. cap. 1. S. Sisenandus Friensis Episcopus, & Ordonius Legionensis Rex legatione missa Johannem X. de Mozarabicis Ritibus nonnihil a Romanis discrepantibus consulendum sibi tuto duxerunt apud Ambrosium Morales Chron. Hisp. lib. 15. cap. 4. Ad Johannem XII. epistolam obsequii, reverentiæque cumulatissimam dare, illataque sibi vexationes, opportuna pro ope consequenda, exponere Ratherium Veron. non pœnituit apud Chapeavillæum de gest. Episcop. Leodien. tom. 1. pag. 179, atque in suo Itiner. apud Dacherium Spicileg. tom. 2. pag. 267. Benedictum V. loco, quo dignus alioquin erat, ab Ottone I. Imp. depulsus, ut ei Leo VIII. pſendo-Pontifex sufficeretur, & in Germaniam abductum magno in honore ab Adalago Hammaburgensi Archiep. habitum denarrat Adamus Bremensis in Chron. lib. 3. cap. 6; de quo confer & Papebrochium in Conat. Chron. hist. disert. 34, quorum similia pleraque missa facio, ne sim prolixior.

Atque hæc quidem ad vitæ quod pertinet institutum. Quod ad genus doctrinæ nunc attingit, bifariam in Pontifice distinguere oportere personam vice plus simplici admonui, qua nempe doctoris publici aliquando personam gerit, quamque tum gerere reputandus est, quum Ecclesiæ universæ edicit; qua doctoris aliquando privati dumtaxat induit, quum ad particulares quorundam expositulationes respondet, sive privatas quasdam suas opiniones depromit: quo de discrimine paullo post. Summum Pontificem igitur privilegio indeficientis iudicii tum potiri dumtaxat contendimus, quum publici doctoris personam induit, gerit, agitque. Quum vero personam dumtaxat privati doctoris agit, seu agitur de factis mere personalibus, sive de factis ad forum contentiosum pertinentibus, sive de factis pure criminalibus, tum falli, & fal-

fallere Pontificem posse, nihilque non humani pati non inficiamur. Quamquam quod tot in colloquiis, consultat ionibus, responsis, rescriptis, sermonibus, litteris, lucubrationibus, libris, totque diversis, tum rebus diffitis, tot in distinctis adjunctis temporum, opinionum, locorum, circumstantiarum, atque a tot ingenio, studio, consilio diversimode affectis Pontificibus editis vix reperire sit, post diligentem adhibitam inquisitionem, quidpiam aliquid, quod aut severiori morum disciplinæ, aut purioris fidei dogmatibus minus recte congruere, vel intortæ interpretationis vi adhibita, ostendi valeat, demirandum utique est valde, unique Divinæ proculdubio providentiæ deputandum: cui deputandum omnino, quod ex omnibus nullum prorsus reperire sit, qui e Cathedra Petri errorem unquam Ecclesiæ propinaverit ullum. Est ne simile in ceteris, ac primariis, ac Patriarchalibus Orientis Sedi- bus observare, quo paris cum Romana ad gloriæ fastigium assurrexisse videri potuerint aliquando, æstimarique? Principio enim perpauca audiunt profecto, qui Sanctitatis insignis laude ad Aras implorari conspici Ecclesias illas illustrarint, velut ex illorum Catalogis historicis, & Chronologicis liquet. Nam in Constantinopolitana apud Bandurium, & Cuperum, qui cum Papebrochio tom. 1. Jun. pag. 392. exiguam admodum mereri fidem, quæ de Byzantinis 22, aut 26. Episcopis, eisque Sanctitatis laude insignibus, ante Constantinum M., sive ante S. Metrophanem traduntur a S. Nicephoro Constantinopolit. in Chronog., a Nicephoro Callisto in hist., a pseudo-Dorotheo, sive Procopio de Apostol., & discipul., a Matthæo Cigala in Catalog, a Philippo Cyprio in Chron., a Metaphraste, & Cedreno, neque fidendum magis Græcorum fastis, atque Menæis recte adnotat, ex Episcopis 60, qui post S. Metrophanem I, idest ab initio Sæculi IV. Thronum illum occuparunt usque ad Photium, sive ad Sæculi IX. dimidium, in Sanctorum album 26. dumtaxat relati sunt, ex omnibus vero, nu. 183. usque ad an. 1706. comprehensis, Latinis 13. ab an. 1400. ad an. 1599. non computatis, quatuor vix supra 26, omnesque 30. non amplius. In Alexandrina apud Renandorium, & Sollerium, qui in præf. optime admonet parvo admodum in pretio haberi oportere Abulberacatum in Catalog., Eutyrium in An-

nal., & Hagiologii Habessini Scriptorem Sæculi Christiani aut XII. circa exitum, aut XIII. circa medium, qui proprio ex ingenio, præter rei veritatem, Ecclesiæ hujusce fastos amplificare, infercireque instituerunt, ex 51. Episcopis, quot ad annum usque 640, quo capta a Saracenis Urbs est, atque octo ab obitu Muhamedis, qui in an. 632. inciderat, quin imo ex omnibus 103. omnino, Latinis tamen 13. apud Simonium in Lexico Bibl. non recensitis, qui post S. Marcum Ecclesiæ illi præsuere, vix 23, neque plures reperire contingit, qui Sanctorum cultu se dignos præstitierint. In Antiochena apud Assemanum, & Boschium, qui prætermittendos veluti dubiæ plurimum fidei tres, aut quatuor alios, quos inter Sanctos proprio arbitrato, solidis documentis, monumentisque destituti describere Blasius Terzi de Syria Sac. lib. 1. cap. 33, ac Theodoricus Pauli Gorcomienſis Canon. in Chron. univ. duobus volum. Ms. an. circiter 1480. apposite advertit, ex Patriarchis 50, aut 55, qui post S. Petrum usque ad an. 518, quo a Jacobitis ea invasa Sedes est, universæ rei Sacræ obtinuerunt summam, 15, vel 16, vix celebres haberi inter Cælites meruere: quibus vix duo adjungi possunt alii, exindeque 17, vel 18. Sanctorum confici numerus, ex ceteris omnibus, qui prioribus illis 55. copulati (Jacobitis 60. interea ab an. 1292, nec non Latinis 9. ab an. 1100. ad 1268. exclusis) alii 86, quot ab an. 519. ad 1724. per vices successere, ad 141. summam pertingent. In Hierosolymitana demum apud Papebrochium, & Fabricium Bibl. Græcæ tom. 10. pag. 503, ut silentio præteream tam illos 14. post S. Jacobum ex Judæis ad eam regendam Ecclesiam assumptos, quam 17. alios post hos ex Gentibus ad eundem implendum locum delectos, de quorum Sanctitate (tribus, vel quinque demptis, optima Sanctitatis opinione apud Græcos, Latinosque potentibus) ipsis asserta a Theodorico Pauli, ac suppari Florarii SS. Ms. Scriptore ex proprio, faciliorque ad confingendos, amplificandosque fastos ingenio, valdequam dubitat Papebrochius §. 3, & seqq., §. 17, ac seqq., & in parergo 4, Eusebii potissimum diligentissimi alioquin in his colligendis, describendisque silentio fretus, ex Episcopis 98, haud recensitis Latinis 21. usque ad annum 1290, quo expugnata Prolemaide secedere e Syria compulsi sunt,

si sunt, dimissis etiam Titularibus 5. usque ad an. 1329, ex quo Terræ Sanctæ recuperandæ spes amissa est, ex Episcopis 98, inquam, Græcis, qui post S. Marcum eo in ordine 16. eidem gubernandæ Ecclesiæ ab an. 135. ad 637, quo sub Sophronio I. Saracenorum jugum Urbs subjicit, sive ad an. 1076, quo sub Sophronio II. in Turcarum potestatem transiit, admoti sunt, vix 16, vel 18. in Græcorum Menacis, vel Latinorum Martyrologiis illustrem inter Sanctos locum habere meruerunt.

Dictu vicissim difficile a quot, & quantis nefandorum hæresum Promachis dehonestatæ Patriarchales Ecclesiæ illæ fuerint. Enim vero S. Leo IX. in epist. 1. ad Michaelē Cerularium, & Leonem Acridanum, Phœtiani schismatis instauratores, apud Harduinum tom. 6. par. 1. pag. 927. n. 8, & seqq. ad insignem eorumdem retundendam temeritatem, qua Latinæ insultare Ecclesiæ, multosque inurere errores non exhorrescebant, eum obijciendum duxit clypeum, e quo repercussa tela sagittantium recta peteret jugulum. Nempe nonaginta, eoque amplius referendo, exprobandoque nefandissimas hæreses, quæ diverso tempore, diverso loco, diverso errore Orientis Ecclesias, atque plurimas, atque Patriarchales infecerant. Et quidem, ut illos quotquot præteream, qui post instauratam a Michaelē Cerulario Græcanicæ a Romana Ecclesiæ secessionem, Schismati cum hæresi amplectendo, stabiliendo, amplificando operam impenderunt omnem, Patriarchæ qua Pneumatomachi, Christoduitæ, Eutychiani, Acephali, Monothelitæ, Iconoclastæ in Constantinopolitana 18. confedere, præter eos, qui superba fronte, elatoque præ fastu supercilio Romanos contra Pontifices stare, aut ipsorum propria insignia sibi sumere, hæreticis favorem impendere, aut in Latinos insensissimos præstare se hostes non abstinuerunt. Qua Ariana, Eutychiana, Monothelitica labe ipsi aspersi Alexandrinam 45. inquinaverunt. Qua ex Arij, Apollinaris, Eutychetis, Severi infesta prognati sobole Antiochenam 60. plurimo infamæ genere conspurcarunt; præter eos, qui aut Novatiani, aut Nestorii, aut Acacii Schismati impense studuerunt; quique novo Schismate inter se scissi Jacobitæ Patriarchatus Antiocheni jura inter duos pariter Mardenses, & Turabdinenses sciderunt ab an. 1332. ad 1445, & ab an. 1364. ad

ad 1494; quo de Schismate Cl. Assemanus in dissert. de Monophysitis cap. 7, & in Catalogo Patriarch. Syror. Jacobitæ, ubi a Severo, ab an. hoc est 518, usque ad Isaacium, sive Ignatium hujus appellationis XXVII, idest ad an. 1722, Jacobitas 77. dinumerat, qui Patriarchæ nomine Antiochenæ incubarunt Ecclesiæ; præter alios 19, qui diverso tempore facto Schismate eamdem invaserunt Sedem. Quæ minori laborare infamia, puriorque in fide stare visa est Hierosolymitana Ecclesia, suos pati tamen manes, stuprisque inquinari permessa est: nam in eam impetu veluti factio irrumpere conspecti sunt & qui Ario, ut Eutychius, ut Herennius, ut Hilarius, & qui Pelagio, ut Johannes, ut Praylius, & qui Eutycheti, ut Anastasius, ut Salustius, ut Joannes II, & qui Origeni, ut Petrus, ut Macarius II, patrocínio non deesse sibi statuerint; ut de Theodoro, qui Eliæ II. locum invidit, aliisque taceam parum notis post annum 1187, quo Latinis ejectis Jerosolyma iterum Saracenorum jugum subijt. Mitto Patriarcharum illorum plurimum maximi periculi, criminisque ream conniventiam, qua Constantii, Valentis, Anastasii, Zenonis, Heraclii, Constantis, Leonis Isauri, Copronymi, Theophili, aliorumque Imperatorum, quot nomina, tot pestes, nequitiam, aut vecordiam plerumque lactarunt, ut proinde ipsis præcipue ingenti vertendum sit vitio, quod tum schismatum, tum hæresum tot, ac tam infanda monstra latissime Orientis partem quammaximam, furoreque quam magno depasta fuerint, atque depopulata. Nihil tale de Romana Ecclesia potest ostendi: ex quo inferri debet ce rtissime pro ipsa singulariter orasse Dominum, ne unquam fides ejus deficeret; eoque ipsam firmissimo quin etiam constitutam loco fuisse, ex quo ceteras in Orbem Ecclesias omnes in fide confirmaret. Quam in rem perbelle quadrat præclara illa Bahanis Patricii illustri periocha, qua in Synodo VIII. act. 8. apud Harduinum tom. 5. pag. 880, contra Theodorum Crithinum Iconomachiae patronum disputans, sic argumentum suum absolvit, loquacissimumque obmutescere hominem coegit: *Posuit Deus, inquit, Ecclesiam suam in quinque Patriarchiis; & desinuit in Evangeliiis suis, ut nunquam aliquando penitus decidant, eo quod Capita Ecclesie sint. Etenim illud, quod dicitur: Et portæ Inferi non prævalebunt adver-*

adversus eam; hoc denuntiat. *Quando duo ceciderint, currunt ad tria; quum tria ceciderint, currunt ad duos; quum vero quatuor forte ceciderint, unum, quod permanet in omnium capite Christo Deo nostro, revocat iterum reliquum corpus Ecclesia.* Quo profecto tam amplæ potestatis officio, quam flagrantissimæ pietatis erga Orientis Patriarchales Ecclesias Pontificiam Romanam nullo non tempore, egregie fuisse perfunctam assatim demonstratum est hætenus.

Antequam autem ejusdem vindicias exornandas mihi assumam, præclaræ operæ pretium fuerit observare non ita facile, nec juxta feliciter dignosci, atque distingui, quandonam Pontifex personam doctoris gerat aut privati, aut publici; neque ejusmodi distinctioni satis diligenter intendisse Scholarum Theologos, Sacrarumque rerum Tractatores. Nam regulæ, quas nuperus quidam, atque quidem doctissimus Scriptor Honorii vindicias adornans lib. 1. cap. 22. art. 2. proposuit, præfixitque ad discernendam Constitutionem dogmaticam ab aliis, quæ in eum censum proxime describendæ non veniant, eæ mihi, aut ego fallor, sane videntur, in quibus certo hædere pede non possum: cujusmodi sunt, quod Constitutio non edatur, nisi ex consensu, aut consilio prævio Concilii cujuscumque, aut S. Romanæ Ecclesiæ Cleri saltem, sive Cardinalium Collegii: quod Constitutio præferat, exprimatque vim præcepti, adjungatque in Refractarios anathematis poenam: quodque Constitutio dirigatur ad celebriores in Ecclesia Episcopos, puta Patriarchas, ac Primates, ab his ad inferiores transmittenda. Neutram enim ex tribus illis conditionibus, quas is necessarias dicit ad rite discernendas Constitutiones dogmaticas (quamvis tum optime discerni non diffitear, siquando apponi conditiones illas contingat) probare satis queo: non primam, siquidem neque Concilio particulari, neque peculiari S. Romanæ Ecclesiæ Clero Divina pollicitatio facta fuerit, promissaque in fide infallibilitas. Non secundam, quippe, veluti scite observavit Bosuetus, objecitque Lamio, qui perinde hac de re probe, intimeque persuasum se se in parergo tractatus de Paschate ingenue ostendit, quemadmodum in Conciliis generalibus decreta, non minus fidem obligant, quæ in Capitibus ulla absque adjunctione

Etione sive præcepti, sive pœnæ credenda, tenendaque Christi-
delibus proponuntur, quam quæ in Canonibus sub Censurarum
interminatione ab Heterodoxis vindicantur; ita similiter fide Di-
vina fuerit credendum, quod sub hac ratione Pontifex creden-
dum proponat, quamvis anathematis pœnam non adjunxerit.
Neque tertiam, quandoquidem Constitutiones dogmaticæ, satis,
superque est, ut innotescant, quoquo demum innotescant modo,
sitque satis, ac super, ut Romæ promulgentur, velut explicite ha-
bent in Bullis adversus libros Caroli Molinæ Clemens VIII, &
adversus librum Jansenii Urbanus VIII. (quidquid contra oblo-
quantur Van-Espenius part. 4. promulgat. Legum, & Gibertus in
proleg. tit. 9. cap. 7, quibus unum opponere satius habeo Inno-
centium III. in Cap. *Ad hæc de postulat. Prælat.* ubi disjunctive ait
Legis obligationem induci: *Cum solemniter editur, aut publice
promulgatur*: quam præclaram sententiam propriam quoque fe-
cit Benedictus XIV. de Synodo Diœces. lib. 13. cap. 4. n. 1.) ut
continuo vel mentis obsequium illis debeatur.

Quamobrem ea mihi quidem obversatur opinio, quod ex
diversa potius Rescriptorum Pontificiorum ratione desumendum
discrimen istud sit, sitque ideo diligenter inter Pontificia ipsa Re-
scripta distinguendum. Juvat igitur scire duo imprimis esse Re-
scriptorum genera; alia ad instar familiarium; privatarumque
Epistolarum, quas nunc breviori vocabulo *Brevia* nuncupare,
Pragmatici solent: quoties videlicet summi Pontifices a quibus-
dam rogati de largienda venia legis alicujus ab aliquo suorum
Decessorum latæ, sive infra&ti Concilii generalis cujuscumque
Canonis; vel interrogati consilii accipiendi causa, sive in re
dubia obtinendæ declarationis gratia, respondent pro rei qua-
litate, atque opportunitate vel affirmative, vel negative. Quo-
rum in censum ea quoque veniunt Scripta, quæ ab ipsis, tan-
quam privatis doctoribus, ex penu, singulari, propriaque ex
opinionem prodeunt; quæ in Foro contentioso, vel circa facta,
pure criminalia præstanda jubent, quæque ipsi præstant circa
causas mere privatas, vel circa facta personalia: quæ de re-
bus ad capita disciplinæ, variæ juxta locorum, temporum,
personarumque varietatem, mere spectantibus decernenda sibi
su-

sumunt; sexcentaque horum similia, in quibus agit Pontifex quidem, aut tanquam vir apprime doctus, atque multa rerum divinarum, humanarumque scientia locuples, aut tanquam Pater vere pius, ac fere paterna charitate erga fideles omnes adfectus, aut tanquam proprie Judex, Princepsque, apud quem Sacrorum non modo omnium integra summa, sed & Civilium quamplurimum cura consistit, agit tamen ut persona singularis, ac privata in quam subreptionis, vel obreptionis, ulla absque vel culpa, cadere vitium possit, ideoque falli, & fallere sit, etsi nolit, obnoxius Alterius genus Rescripta sunt ad instar potius Legum publicarum, atque Constitutionum vim legis obligandi habentium, quæ jam usitato stilo *Bullæ* nuncupantur: quibus Dogmata fidei præsertim, atque formandorum Regulæ morum aut decernuntur, aut declarantur, atque ita sive decreta, sive declarata omnibus, nulla adhibita temporis, loci, ac personæ limitatione, aut distinctione, observanda ex auctoritate demandantur. Quamquam neque has omnes, neque in his omnia pari, eademque pollere vi putandum est. Nam etiam multæ ob res a fidei doctrina, morumque disciplina diversas, ac distantes edi Bullæ solent: in his vero, quæ de fide, morumque regulis eduntur, multa observatu digna, atque præ oculis habenda sunt. Et primo quidem principalis Bullæ sententia, sive pars illa, in quam Pontificis mens præcipue fertur, quæque ipsi præ aliis cordi fuit. Perinde Bullæ præfatio, quæ præmitti, velut ingressus viæ, consuevit. Rationes præterea sententiæ præcipuæ adjectæ, quibus illa communiri, ac instrui solet. Denique illa quoque, quæ in Bulla extra propositam speciem assuta sunt, atque veluti additamenta quædam, ornatus, vel eruditionis gratia adjecta, haberi debent. Ex his ergo præcipuam, & hanc quidem solam Bullæ sententiam, tanquam eam, de qua plene, ex perfecta gradus potestate, atque Spiritus S. assistentia speciali mens Pontificis deliberat, veluti regulam fidei, sive dictatum indeficientis iudicii habendam puto; eique integro mentis obsequio a Christi fidelibus obediendum. Non ita, opinor, in aliis; tamen vel in his etiam nolle adquiescere, non esset absque periculo, vel absque piaculo; nisi quando in contrarium, apertissima veritas ipsa cogat: quo in casu laceffiri, violarique

obedientia dicenda nequitiam erit; siquidem tum nec ex ipsorum Pontificum voluntate obligandi vim habeant. Confer præ aliis, qui rem hanc egregie pertractat, Emin. Petram in procem. ad Const. Pontif. §§. 2, & 3, aliosque apud ipsum hocce de argumento optime meritos: quibus præmonitis, atque præmissis, jam ad Pontificum Vindicias gradu appropinquo.

DE S. PETRO

S. I.

Primus ex Pontificibus Maximis, quem impotenti furoris æstu impetunt, atque prosternere ad ima, obterereque, ingenti pro eo, quo perciti livore sunt, lapsu multiplici, hæresis nequidem excepto, Heterodoxi enituntur, quibus, quod auditu est horrendum, manum dedere vel Catholicæ communionis nonnulli homines haud exhorruere. Princeps est Apostolorum, ipse met S. Petrus. Rati nempe, si semel firmissimam hanc Petram dimovere loco, & infringere fuerit ipsis datum, fore perquam facile, ut vel Ecclesia ipsa pessiun eat, vel supremi in Ecclesia Sacrorum Præsides non eo amplius in pretio habeantur, ut eorum dicto obedientes se præstent omnes, velut eorum, qui pariter humani quodlibet pati possint, legique perinde quodcumque peccandis, pro infirma conditione, subjaceant. Nolim equidem lapsus omnes, qui per nefas æque, atque per insigne mendacium S. Petro appinguntur, elevare, & cluere: quandoquidem id meam ad rem proxime non faciat, atque æ nostratibus alioqui Theologis, quin etiam jampridem a SS. Patribus dispuncti affatim fuerint, atque depulsi; sed iis prætermisiss, quæ ipsius directe personam afficiunt, unum, vel alterum solummodo meo sermone perstringam, quibus negotium aliquod faceffitum argumento videri potest, quosque potissimum ad Pontificiam in ipso potestatem, & infallibilitatem impetendam arripere, factoque cum Græcis, e Rhotii, ac Cerularii factione profectis, agmine Latini, qui e Lutheri, Calvinique gurgustio prodierunt, in aciem instruere solent, ac student. 1. Itaque ex trina negatione Christi D; quam imo juramento firmavit,

infe-

inferunt Petrum a fide defecisse procul dubio; eisdemque proinde defectui obnoxium esse Pontificem quemlibet, modo perperam sibi adblandiri de privilegio nolit, vereaturque, quod denegatum utique S. Petro fateri ex ipsius lapsu constringitur. 2. Ex acri reprehensione, quam ob simulatam fidem a S. Paulo subjicit, exculpunt potuisse etiam S. Petrum, quemadmodum prodere, ita pariter fidem perdere; itaque utrique vitio Successores ejusdem succumbere.

Atqui vetus est ista calumnia jactata a Marcione, a Porphirio, a Juliano Apostata, a Nilo Thesal., a Macario Ancyr., a Nicolao Methon., a Basilio Thesal., a Michael Pfello, a Nilo Cabasila, a Demetrio Chrysolora, a Nilo Rhodio, a Melerio Alex., a Georgio Corelio, a Gabriele Philadelph., a Barlaamo, a Camatero, a Palama, a Scholario &c., quam jampridem oblitteratam a Demetrio Cydonio, a Matthæo Caryophilo, a Josepho Methon., a Nicephoro Blemmida, a Leone Allatio, a Conrado Bruno, a Bonaventura Vulcanio, a Bellarmino &c. refingere non depudit Flaccium, Salmasium, Simlerum, Junium, Sibrandum, Pfaffium &c. Equidem, ut ad primum satisfaciam, haud me fugit a perjurio excusare S. Petrum eniti S. Hilarium cap. 3. in S. Matth., & S. Ambrosium in cap. 22. S. Lucæ, trinam Petri negationem magis, quam insigni, iniquoque mendacio, ambiguar locutioni adscribendo, ostendendoque verba, quibus negationem perfecit, in rectum plane sensum inflecti facile potuisse, juxta quem nempe S. Petrus Christum negando, hominem quidem, Deum non etiam negaverit. Is tamen ego non sum, etsi sancto non sim, quatenus expositio hæc, ac quantopere ad levandum Petri lapsum conferre possit, non sum, inquam, quantamcumque veri præferat speciem, qui istiusmodi speciosis interpretationibus facile adquiescam, meumque præream assensum: eo vel magis, quod expositiones ejusmodi, tacito quidem, reverentiæ gratia, illustri eorum nomine, haud ignorem rejectas, explosasque a S. Hieronymo in Matth., & a S. August. no tract. 66. in Johan., eoque vel maxime, quod ubi dilucide loquitur Evangelium, conjecturis non opus est rei veritatem penitus attingere. Quid igitur? Parum, an plurimum deliquerit, ut quæram, non interest, sed

quomodo deliquerit, mihi quærendum incumbit. Ergo, quantum ex Evangelio comprehendere fas est, S. Petrum contra fidei professionem deliquisse quidem fateri cogor, interiorē tamen fidem haud perdidisse cum communi propugno, certaue SS. Patrum sententia, quam calculo suo confirmat inter alios S. Augustinus lib. contra Mendac. cap. 6, ad quem te dimitti patiaris, quin profligato argumento, confectoque supervacaneam ego superingerere operam adigar. Quid amplius? Indeficientis profecto fidei privilegio nondum adauctus tum fuerat S. Petrus, quum in Christi D. negationem erupit, quod ipsi non nisi post resurrectionem a Christo D. fuit collatum, quamvis ante passionem fuisset jam ipsi promissum. Igitur pessimum est argumenti genus a peccato Clavium collationem antecedente fallibilitatis notam, ipsius perinde Successoribus infligendam, inferre: pessimum quoque ex denegata impeccabilitatis gratia ad infallibilitatis privilegium cum ipsi, tum ipsius locum impleturis denegandum profligare; quando imo S. Augustino serm. 124. de temp., Auctore lib. 7. S. Operato attributi advers. Parmen., & S. Gregorio M. hom. 22. in Evang. affirmantibus, Deo sapientissime permittente, lapsus est S. Petrus, ut proprio exemplo peccantibus deinceps ipse Pastor commisereri disceret.

Jam quod 2. gravius objectum est loco, sic dispungo, atque 1. inquirendum duco, an S. Petrus a S. Paulo revera fuerit reprehensus, eaque reapse patriverit, ob quæ dignum se præstiterit, qui a S. Paulo reprehenderetur; hoc est, an Cephias Antiochiæ reprehensus a S. Paulo ad Galat. 2. 11. alius a S. Petro fuerit. Celebris enim vero, vetusque controversia est ista, quæ Scriptores cum veteres, tum nuperos in varia studia distraxit. Affirmarunt, atque Cephiam unum e Christi D. fuisse discipulis (quo plane cognomine pseudo-Martialis ille, qui Tolosanise quoque Apostolum propinavit, semet inscripsit in epist., quæ prostat tom. 2. Bibl. PP. Lugd. pag. 110.) atque heic reprehensum alium a S. Petro Clemens Alexand. lib. hypotyposeon apud Eusebium lib. 1. hist. Eccl. cap. 12, pseudo-Dorotheus Tyrius, sive Procopius de Apostol., ac Discipul. D. in Bibl. PP. Colon., & Lugd. 1677. tom. 3, ac Paris. 1654. tom. 7, pseudo-Hippolytus

Ilytus Thebanus Sæculi XI. Scriptor lib. de duod. Apost. in Auctario Combesii tom. 2. pag. 831, Chronici Alexandrini Auctor Sæculi VII. ad an. 30. pag. 213, edit. Cangii pag. 224, Oecumenius in cap. 2. ad Galat., Auctor Commentarii in epist. Paulinas sub S. Anselmi nomine, alique cum Græci, cum Latini, quibus hanc infedisæ sententiam ætate sua commemorant S. Jo: Chrysostomus hom. 64. tom. 5. Oper. pag. 719, S. Hieronymus in cap. 2. ad Galat., & S. Gregorius M. hom. 18. in Ezechiel. Quam perinde in opinionum pedibus, manibusque abjcerunt Carerius de Rom. Pontif. lib. 1. cap. 5, Albertus Pighius de Hierarch. Eccles. lib. 3. cap. 11, ac postremo Harduinus, qui singulari in hunc locum, idest in Cap. 2. epist. ad Galat. adornata disertatione eandem opinionem jam penitus obsoletam velut e ruderibus excitavit, vindicandamque suscepit, hisce ferme ductus, atque permotus argumentis. Tum quod Petri, & Cephæ diversa velut nomina eodemmet Cap. 2. ep. ad Galat. S. Paulus adhibuit, ubi vers. 7, & 8. bis nomen Petri. vers. vero 9, 11, & 14. ter nomen Cephæ usurpavit: quorsum autem diversa nominum acceptio, nisi ad significandam personarum diversitatem? Tum quod S. Petrus nusquam Cephæ nomine designatus fuerit, nisi a Syriace loquentibus, atque scribentibus, siquidem a Latinis Petrus, a Græcis *Πέτρος* semper sit dictus: quo pariter nomine a S. Paulo appellatus ibidem est; neque ullibi ab ullo Apostolis aliis fuit postpositus, sicuti Cephas post S. Jacobum hoc loci laudatur. Tum quod a veri abhorreat specie id S. Paulum ausum, sibi que temere assumpsisse, ut supremum Ecclesiæ Principem tam acri reprehensione afficeret. Multo quoque minus S. Petrum se se reprehendendum exhibuisse: qui enim tot annis cum Gentilibus mensa, & cibo palam, Judæisque spectantibus, fuerat usus Act. 10, ipsisque coram Legalium observantiam minime obligare Jerosolymis annuntiaverat Act. 11, qui demum fieri potuit, ut Antiochiæ Judæos aliquos veritus, eorum gratia a communione Gentilium se subtraxerit? Tum, quod neque Petrum Antiochiæ cum Paulo degisse, neque Paulum discessisse aliquando a Petro uspiam in Actis a S. Luca commemoratum legitur. Postremo, in quo potissimam vim facit, diffidium inter Paulum, & Cepham, de quo in epist. ad Galat. cap. 2,

ex eodem loci conjiciendum liquet in annum 14. a S. Pauli conversione, hoc est in an. 49. *Æræ* Christ., quo anno Concilium Hierosolymitanum III. de cessatione Legalium habitum est, quo de agitur Aët. 15. Jam vero ante Concilium a Paulo reprehensum fuisse Cephā, tam voluit S. Augustinus in epist. 82. nov. edit. cum aliis multis, quam veri sit valde simile ex eo, quod Aët. 15. dicuntur SS. Paulus, & Barnabas Jerosolymam venisse ad Apostolos, eosdem consulendi gratia super exorta de Legalibus controversia: cujus rei in causa profecto aliud esse non potuit, quam disceptatio Antiochiæ paullo ante cum Cepha, aliisque Judæis habita de eorumdem Legalium observantia: tum autem temporis, uti patet, Antiochiæ S. Petrus non erat, sed Jerusolymis cum Apostolis ceteris in Concilio agens.

Ex adverso negant, atque Cephā heic a S. Paulo reprehensum eundemmet S. Petrum esse pugnant communi suffragio Patres, & Scriptores, inter quos S. Irenæus lib. 3. cap. 12, Tertullianus lib. 5. contra Marcion. cap. 3, & lib. de præscript. cap. 23, Origenes lib. 2. contra Celsū n. 1, S. Cyprianus in epist. 71. ad Quintum, Eusebius Cæsar. Comment. in Psal. 74, S. Hieronymus in Prologo Comment. ad Galat., in cap. 2, & in epist. 75. alias 11. inter Augustin. tom. istius Oper. 2. pag. 128, ibidemque apud ipsum Theodorus Heracleotes, Didymus Apollinaris Laod., Alexander vetus hæreticus, & Eusebius Emissen., S. Jo: Chrysostomus hom. 64. tom. 5, S. Augustinus in epist. 82. alias 19, lib. 1. de Bapt. cap. 2, lib. de mend. cap. 1, & de Agone Christ. cap. 30, S. Cyrillus Alex. lib. 9. contra Julian. pag. 325, Cassianus Collat. 17., Theodoretus in cap. 2. ad Galat., Ambrosiaster, sive Hilarius Diac. in eundem locum, S. Gregorius M. hom. 18. in Ezech., & lib. 18. in Job. n. 10, aliique sequentis ætatis apud Cornelium a Lapide in cap. 2. ad Galat., quibus utroque subscribendum pollice sibi statuerunt Baronius ad an. 51. n. 33, & seqq., Tillemontius tom. 1. pag. 237, Bailletus ad 29. Jun., Fleurius hist. Eccl. lib. 2, Jacobus Boileau disquisit. Theolog. in cap. 2. ad Galat., Calmetius dissert. in eundem locum, Cavalcanti in Vindic. Rom. Pontif. lib. 1. dissert. 2., Mamachius Orig., & antiq. Christ. tom. 5. par. 1. lib. 4. cap. 1. §. 4. in parergo pag. 102, & seqq., ex

PRO.

Protestantibus vero Pearsonius in Annal. Paulin. pag. 10, Balsanius in Annal. Eccles. ad an. 50. n. 9, Deilingius tom. 2. Observat. cap. 45, alique, quos persequi non vacat. Quorum ad confirmandam sententiam illud quammaxime confert, quod præcit. cap. 2. ad Galat., ubi Vulgata habet *Cephas*, vetustissima Græca Exemplaria, atque veteres etiam Interpretes legunt *Petrus*. Quin etiam *Petrus* habent veteris quoque Vulgatæ Exemplaria Claramontis, & S. Germani a Pratis, celeberrima, Codex item Alexandrinus venerandæ antiquitatis, velut observat Millius in cit. cap. 2. ad Galat. nov. Test. Græc. edit. pag. 545, Versio antiqua Latina, de qua Sabaterius tom. 3, Codex GræcoLatinus Barnerii &c.; atque Petrum denique loco Cephæ legerunt Tertullianus adv. Marc., Hilarius Diac., ac Theodoretus ..

Neque vero urgent momenta ab Harduino allata, quæ tam levi profligantur brachio, quam ingenti ille conglomeravit apparatus. Spuriam utramque ad Tolosanor., & ad Burdegalenses Epistolam, quæ sub S. Martialis nomine circumfertur, jam dudum demonstraverunt viri doctissimi Dionysius SanMarthanus to. 2. Gall. Christ., Nourrius in appar. ad Bibl. PP. tom. 1. dissert. 9, Barthius adversar. lib. 45. capp. 7, & 21, Oudinus tom. 2. pag. 66, & seqq., alique. Librum Hypotyposeon non desunt, qui hypobolimæis, ac pseudonymis adnumerent. De libro cum probro loquitur Photius Cod. 109, tamquam de Opere erratis, fabellis, atque sententiis quin etiam impiis refertissimo, suoque haud multum indigno parente, quem nimis interdum credulum, apocrypticis narrationibus, vulgaribusque rumoribus ab incerta traditione delectatum observavit Richardus Montacutius Origin. Eccles. lib. 2. pag. 52. Neque vero potiori haberi in pretio merentur sive pseudo-Dorotheus, sive pseudo-Hippolytus, quorum libros undique nugis exundare nemo ignorat, sive Oecumenius, sive Auctor Chron. Alex. (qui posterior incertis quidem conjecturis fertur Cosmas Indoplausta apud Allatium, Georgius Pisides apud Usserium, Georgius Alexand. apud Oudinum) quos hanc ex Clemente Alex. absque delectu hausisse sententiam indubium est. Ut interea de Auctore Commentarii sub S. Anselmi Cant. nomine nihil dicam, qui periocham hancce profert, quin assumat, probet-

betque, quemque fuisse Hervæum Dolensem Monachum jam patet ex Encyclica de ipsius vita, & scriptis circa an. 1130. apud Dacherium Spicileg. tom. 2. pag. 514, nov. edit. tom. 3. pag. 461, Pezium in præf. ad tom. 3. Anecd. pag. 4, & Oudinum tom. 2. pag. 1114: tanti quippe non sunt, qui tot aliis numero, & auctoritate præstantioribus, in oppositum pugnantibus, anteferri mereantur. Valdequam infirmum est vero argumentum, quod a nominis sive variatione, sive etiam postpositione petitur. Qui enim pluribus affectus S. Petrus fuit, modo uno, modo altero, modoque ante, modoque post alios quoque efferri potuit: neque enim ibi dignitati fit locus, quum de Petri Summo Pontificatu sermo non instituatur, qui totus versatur in re mere historica. Cæterum autem neque semel ab Evangelistis modo Simonis, modo Cephæ nomine idem semper S. Petrus designatus legitur; certissimeque S. Petrum accipiendum fore, qui 1. Corinth. 15. 5. Cephas dicitur a S. Paulo, contra quam contendat Harduinus, idem, qui Simon Lucæ 24. 34. denominatur, ex utriusque loci collatione liquidissime constat. Neque id officit sane, quod S. Paulum, qui humilitate præstabat, primamque S. Petri dignitatem quammaxime sciebat, suoque, ut oportebat, summo habebat optime honore, omnibus coram Apostolorum Principi exprobrare haud fuisse veritum veri parum videri possit simile: nam S. Paulus, quæ illuc usque docuerat, S. Petri exemplo everti perpendens, ejus siquidem simulatio Judæis conversis Legalium necessitatem obtrudere videretur, sui muneris ideo particulam duxit S. Petrum arguere: quem perinde quod auctoritatis quadam specie arguerit, sive, ut ipsemet loquitur, in faciem eidem restiterit, non id profecto arrogantiae, procacitatisque tribuendum, sed magis ipsius maximo, ingenuoque veritatis amori vertendum, atque metui jure majori, veluti SS. Augustino in epist. 28. olim 8, 40, 71, & 93. nov. edit., ac Gregorio M. lib. 28. Moral. cap. 12, & hom. 18. in Ezech. visum est, ne Principis Apostolorum exemplo Antiocheni ex Circumcisione conversi Legalium observantiæ se obligari autumerent. Quatenus vero S. Petrus reprehensione S. Paulo se dignum præstiterit, discutiendum paullo post erit.

Neque magis obest S. Lucam nihil horum meminisse, utpote qui

qui non universa sive a S. Petro, sive a S. Paulo factita sermone complectenda sibi proposuit: quum neque meminerit Cathedræ a S. Petro Antiochiæ primum collocatæ, Romamque deinde translata, neque hujusce dissidii sive cum Petro, sive cum Cepha a S. Paulo habiti: quod tamen nemo in dubitationem, insigni absque S. Pauli injuria, qui ejus meminit Cap. 2. ad Galat., adduxerit. Neque officit tandem ratio temporis, de qua etsi inter Eruditos non conveniat, a quo nempe tempore supputandi sint anni 14. post Conversionem, de quibus cap. 2. ad Galat., nam alii post V. Bedam in Act. 15. a primo ipsius S. Pauli Conversionis anno initium ducendum pugnant, alii contra post S. Hieronymum in cit. 2. ad Galat. incipiendos fore a triennio post eandem Conversionem, de quo superiori cap. 1., ita videlicet ut S. Paulus tribus a Conversione elapsis annis primam Hierosolymitanam profectio- nem adornaverit, veluti habet cap. 1, post quam anno 14, 2. Conversione idest an. 17, secundam suscepit, uti cap. 2. refert: convenit attamen post Concilium Hierosolymitanum III. perfecta Antiochiæ fuisse, quæ de suo cum S. Petro congressu, sive de Petro ab se reprehensio eodem cap. 2. S. Paulus commemorat. Itaque S. Pauli Conversionem in Æræ Christ. an. 30. conjiciunt Hensche- nius in dissert. Chronolog. Actor. S. Petri ab Ascens. D. ad obi- tum, & Blanchinius in Chronologia Pontif., Cæsar., & Consul. tom. 2. Anast. pag. cxlv.; in an. 34. rejicit Calmetius cit. dissert. in cap. 2. ad Galat.; anno 35. illigat Fabricius Salut. Luc. Evang. cap. 4. pag. 57; in annum 36. confert, sive 2. ab Ascensione Baro- nius n. 1, & seqq.; ad an. 42. differt Frider. Spanhemius in dis- sert. de Convers. Paulinæ epocha tom. 2. Oper. pag. 323. Conci- lium Hierosolymitanum III. super Ritibus Judaicis post Legatio- nem Ecclesiæ Antiochenæ, de quo Act. 15, habitum Æræ Christ. an. 46, sive ab Ascensione 18. censet Blanchinius in Annal. Pontif. S. Petri pag. 18; an. 47, a Conversione 17. Henschenius; an. 48. putant Beveregius in proleg. ad Synodicon vetus §. 4, & Launojus lib. 8. epist. 14. pag. 782; an. 49. Petavius lib. 11. cap. 12; an- no 51. Baronius n. 6, & seqq., Calmetius, & Bruius hist. Pon- tif. tom. 1. pag. 10, & seq. Epistolam denique ad Galatas exara- tam an. 56, vel 57. exiitimat Dupinius in proleg. Bibl. tom. 2.

pag. 49; an. 58. Fabricius Bibl. Græc. tom. 3. lib. 4. cap. 5. pag. 155; an. 61. Romæ scriptam indicat Euthalius Diacon. Sæculi V. Scriptor in prologo ad epist. S. Pauli in Nov. Test. edit. Boecleri, & Collect. ver. Monum. Zaccagnii. Utumque ista se habeant, nihil prohibet, quominus post Concilium Hierosolymitanum, S. Petrus Antiochiam perrexerit, ibique locum fecerit præmemoratæ reprehensionis, quam a S. Paulo sub id quoque temporis Antiochiam regresso subjit.

Quibus loco positis, inquirere præstat 2, an S. Petrus vera fuerit reprehensione dignus, sive ea reapse patrarit, ob quæ S. Paulus eum reprehendendum duxerit. Equidem fuere, qui ne Ethnicis, ac Porphyrio quammaxime relinqueretur locus oblatrandi, obloquendique, si aut S. Petrus turpiter errasse, aut S. Paulus arroganter, procaciterque Apostolorum Principi exprobrasse dicerentur, dicere maluerunt Paulum de Petri consilio ipsum Petrum increpandum sibi sumpsisse: etsi etenim eadem uterque sentiret, eadem gereret, in eisdemque conveniret, Petrus tamen Paulo suaserit, consensuque, atque consilio auctor fuerit, ut sibi coram omnibus exprobraret: quo intelligerent demum Judæi libertatem ab Evangelio inductam eam esse, cui sane Legalium observantiam cedere oporteret. Ita apud S. Hieronymum in epist. 75. nov. edit. Oper. S. Augustini Origenes, Didymus, Apollinaris Laod., Eusebius Emis., Theodorus Heracleotes, & Alexander; item S. Jo: Chrysostomus, Theodoretus, Cassianus, Theophylactus, & Oecumenius loc. supra cit., quorum opinionem ipse S. Hieronymus velis, remisque propugnavit, eo gravissimo fretus momento, quod siquidem S. Paulus longe sæpius, quam S. Petrus, qui fere semel id humani legitur passus, ut Judæis Legalium indulgentiam faceret, Legalibus usus est, non fuisset profecto, cur S. Petrum ideo reprehenderet, sed fuisset potius, cur ipse a S. Petro licentius reprehenderetur. Quæ enim fieri potuit, ut Paulus serio reprehendendum in Petro susciperet, quod ipsemet postea facturus plus vice simplici esset? Vel potius, quo pacto fecisset ipse postmodum, quod prius in Petro graviter reprehendisset? Nam ipse quidem S. Paulus, quoties ad profectum Evangelii facere existimavit, Judaicos ritus usurpavit, ac repetit: ut quum Timotheum

theum ex Patre Gentili circumcidit Act. 16. 3; ut quum Judai- cum Nazaræorum juxta morem caput totondit in Cenchreis Act. 18. 18; ut quum Hierosolymis ante se purificavit, quam in Templum ingrederetur Act. 21. 26. Præterquamquod ob rem tum adhuc temporis licitam reprehensione dignus S. Petrus non erat, quam neque illicitam reputavit S. Paulus, qui ideo 1. Corinth. 9. 20. factum se iis, qui sub Lege erant, quasi sub Lege esset, atque vicissim iis, qui sine Lege erant, tanquam sine Lege esset, affirmat: quod fecisse illum ex charitatis impulsu, quo omnibus familiariter utebatur, ut omnes Christo lucrificaret, cum Ethnicis abstinendo a Legalibus, quæ, antiquata jam Lege, non amplius necessario observanda veniebant, atque vicissim Legalium usum repetendo, quoties cum Judæis consuetudo intercessisset, opportune adnotavit S. Augustinus in epist. 40. olim 9, & 82. olim. 19. Sed & vide-sis Cornelium a Lap., Tirinum, Lorinum, aliosque Interpretes in Act. 21. vers. 21, atque Baldui- num in cap. 2. ad Galat.

At enim oppositam in sententiam pedibus, manibusque concessere Tertullianus, & S. Cyprianus locis superius indic., S. Augustinus in epist. ad Galat. cap. 2, lib. 2. de Bapt. contra Donat. cap. 1, ac præfertim epist. 8, & seqq. usque ad 20, sive apud S. Hieronymum epist. 86, & seqq. usque ad 97, & apud ipsum S. Ambrosius, Hilarius Diacon., & S. Gregorius M. loc. cit., S. Thomas Lect. 4. in cap. 2. ad Galat., 1. 2. q. 103. art. 4. ad 2, & 2. 2. q. 33. art. 4. ad 2, communiterque Theologi, ac Interpretes, quos inter ad- undi Calmetius differt. cit., Natalis ad Sæcul. 1. differt. 11, & Cavalcanti differt. 3. Cui sententiæ tandem consensisse S. Hieronymum tradit S. Augustinus in epist. 260. ad Oceanum, augura- rique fas est ex lib. 1. Dialog. advers. Pelag. cap. 8, ubi inter exempla Episcoporum, quos non caruisse peccatis, neque prorsus irreprehensibiles se præstitisse fateatur, istud quoque S. Petri a S. Paulo reprehensi profert. Argumento vero S. Augustino, ejus- demque Sæcutoribus sententiæ, & quidem gravissimo explicium testimonium est S. Pauli cap. 2. epist. ad Galat., quod si in eum semel intorqueri sensum permittatur, quo significetur Petrus sin- cero nequamquam animo a Paulo reprehensus, sed ex simulatio-

ne, sed ex condicto, sed in speciem, exinde, ut optime argumētabatur S. Augustinus in epist. præmem., sive in nov. edit. 28, 40, 71, & 82, aditus Ethnicis longus, latusque patefieret impune de S. Scripturæ simulatione, sacrorumque Scriptorum mendacio suspicandi: quo quidem Religioni, rei que Christianæ nihil deterius, nihilque damnosius accideret. Si enim facias, ut S. Paulus fide S. Petrum redarguerit, aut fingatur redarguisse: Petrus igitur dignus profecto non erat, qui objurgaretur: atque si dignus objurgatione non erat, mendax igitur Paulus, quod illum merito objurgandum dixerit. Profecto ad os Porphyrio, Juliano, Ethnicisque obstruendum, ait S. Augustinus, non erat occasio danda major obtrahendi: e re erat Petri culpam, Pauli correptionem fateri; re enim rite expensa, in utriusque laudem id totum concedebat; videlicet quod Paulus charitati deserviens Apostolo dignam libertatem prætulit; Petrus vero reprehensionem haud respuens insigne humilitatis specimen præbuerit. Ex quibus adparet jure, optimeque a Natali, & Cavalcanti vapulare Baronium ad an. 51. n. 37, & Cornelium a Lapide in cap. 2. ad Galat. putantes S. Augustinum non satis exploratum habuisse intimum S. Hieronymi sensum, quasi officioso mendacio locum fecisse in epist. ad Galat. S. Paulum docuisse S. Hieronymum dixerit S. Augustinus: non id enim dixit, bene vero id necessario sequiturum S. Augustinus subintulit, si veritati inniteretur S. Hieronymi sententia, quam idcirco oppugnabat.

Quid igitur? Quum dicitur S. Petrus reapse a S. Paulo reprehensus, reapseque dignus reprehensione, quo tandem modo id intelligi, accipique jubet? Atque id quidem est, in quod 3. diligentius præstat inquirere, quod ad rem propius nostram attingit: an ne Petrus a fide deflexerit, ac deinde an revera, & quatenus, si fieri potest, peccando deliquerit. Non soli siquidem sunt, qui adfirmant ob illud, quo exæstuant in Pontifices odio plusquam vaticiano, Protestantes, atque M. Antonius de Dominis, Maimburgus quoque *Etabliſſ. de l' Eglise* cap. 7, adfirmare. Harduinus non dubitavit, idque ex admisa semel ea culpa, ob quam a Paulo fuisset objurgatus, atque post Concilium quidem Hierosolymitanum patrata, necessario consequi concludit. Exemplo suo enim

Gir.

Circumcisionem, & Cæremonialia ad salutem necessario adhibenda, & docuisset, & comprobasset: quod post Hierosolymitanum Concilium, in quo eadem obligare deinceps desuisse fuerat declaratum, definitumque, hæresim prorsus olebat, cui propterea ne Petrum obnoxium faceret, maluit Harduinus alium a Petro facere Cepham a Paulo eam ob rem objurgatum; idque ob id quoque fecit, ut Protestantibus ansam eriperet Romanorum Pontificum auctoritatem posthabendi, ac vilificandi, veluti eorum, qui decipi, ac decipere & ipsi possint. Protestantes iniquo pro ingenio, ac pessimo affectu apage, vicissim pro bona voluntate, optimoque voto quidem Harduino laudes: nisi pariter ipsi congruit, quod pridem S. Hieronymo Græcorum Interpretum laudanti consilium, quo ad Ethnicorum calumnias evertendas, atque obtrectandi Apostolis omnem intercludendum aditum, consenserant ex condito, pia simulatione, sanctaque ~~maxime~~ prudentia, de utriusque Apostoli convento id totum peractum, atque Petro exprobratum a Paulo, reposuit opportune S. Augustinus exinde aditum Ethnicis pejorem aperiri S. Scripturas insimulandi fraudis, aut falsitatis: quomodo a summo ad imum Religio ipsa subrueretur; non secus, inquam, Harduinus hinc quidem hæreticis aditum interciperet in Pontifices obgannendi, illinc vero latum patefaceret Scriptores Sacros parvipendendi. Non erat vero, cur id vereretur vir doctus, unde eam declinandæ difficultatis viam excogitaret. Quid enim ardui eum incessit consilii, ut ab hæresis invidiosa labe Petrum abstergeret, in eam detrudere non sit veritus Cephæ? Sed enim Cephæ cur adungere in hæresis crimine Barnabam veritus est, quem Paulus ejusdem, atque Cephæ, simulationis quum egerit reum, hæresis pariter condemnari ab Harduino oportebat? Quæ vero est ista argumentandi inversa ratio duæ res inter se disjunctissimas, quas Dominus in Evangelio discrevit, videlicet docendi, & agendi Matth. 23. 3, conjungere in unum, ac copulare, atque ita eum in hæresim conjicere, qui opere Legalia coluit, quasi coluerit pariter animo? Quid præterea, quod Legalia tum adhuc temporis colere, ne leve quidem culpæ vestigium referebat? Sed hac de re postea. At enim non recte S. Petrum ambulasse ad Evangelii veritatem, ipsum qui ideo repre-

hen-

hendit, auctor est S. Paulus! Quid tum inde? Exinde quidem Petrum haud fuisse impeccabilem fatendum est, non etiam infallibilem non fuisse recte inferitur. Quippe & qui male sentit, & qui male agit, haud recte ad Evangelii veritatem incedit, siquidem Evangelicum sit tam bene agere, quem bene sentire. Cæremonialia tum quoque interius animo improbabat, dum exterius Judæorum gratia eisdem operam impendebat; neque de fide plane, qua nullatenus discrepabat, sed de facto dumtaxat negotium ei facessitum a Paulo, qui de scandalo, quod sua simulatione creabat, non cogitantem sibi animos ad objurgandum adjecit, certus alioqui de mente integra Petri.

Itaque certissimum est, atque Patrum quidem sententia, S. Petrum contra fidem haud peccasse, incertum quamvis sit apud Patres, an revera Petrus, & quatenus peccaverit: de quo nunc postremo quærere, & inquirere juvat. Atque principio, siquidem Legalia, quæ licet jam mortua, non tamen adhuc, juxta Theologorum effatum, mortifera evaserant, veluti explicite docet S. Augustinus epist. ult. ad S. Hieronymum (quave de re Gabriel Albaspinæus Observat. de veter. Eccl. ritib. lib. 1. cap. 13, & Carpzovius in dissert. de Synagoga cum honore sepulta) quæque in Concilio Hierosolymitano observatu haud necessaria quidem, non illico etiam illicita fuerant denunciata, tuta frequentari conscientia poterant, eademque frequentando, rem haud illicitam se facere Petrus certe sciebat, qui certe ideo faciebat, quod cum Judæis mitius agendum, neque uno impetu illis præcidenda esse omnia putabat, sed tractu temporis, atque nova ipsis, melioraque sensim insinuando, sive uti loquitur Scotus in 4. sent. dist. 3. qu. 4. pederentim docendo, suoque quin etiam ostendendo exemplo: *Legem fuisse bonam in tempore suo, ac cum honore sepeliendam*: (quod plane factum a S. Petro ullo prorsus absque fidei dispendio confirmat ipse Carpzovius sect. 1. §. 3. cit. disser. pag. 798) quænam infania, audaciaque Centuriatores inter alios incessit, ut veteres, jamque olim a Tertulliano lib. 4. contra Marc., & a S. Cyrillo lib. 9. contra Julian. convulsas, Marcionis, & Juliani, qui peccati gravissimi a Paulo notatum, reprehensumque Petrum affirmare non exhorruere, calumnias recoquere, atque gravissime

a Petro peccatum, deque peccato gravissimo iustissime a Paulo reprehensum, jure optimo ideo a Bellarmino de Rom. Pontif. lib. 1. cap. 28. reprehensione ipsi valdequam digni habiti, effutire nec erubescerent, nec extimerent? Age vero, quale, quantumque fuerit, Patrum sententia, S. Petri peccatum, videatur: quod fortasse nullum quinimo fuisse, atque integra quidem tam S. Scripturæ fide, quam recta S. Pauli agendi ratione, videre fas erit. Tertullianus imprimis lib. 1. contra Marc. cap. 20. in S. Petro inconstantia vix in conversando, ac ne vix quidem vitium, de quo reprehenderetur a S. Paulo, reperire potuit: *Ceterum, inquit, si reprehensus est Petrus, quod quum convivisset Ethnicis, postea se a convivitu separabat, personarum respectu, utique Conversationis fuit vitium, non Prædicationis.* Quod repetit lib. de Præscript. cap. 25, atque lib. 5. contra Marc. cap. 3. haud absimilibus hisce verbis effert: *Paulus sane reprehendit Petrum, non ob aliud tamen, quam ob inconstantiam vitus, quem pro personarum qualitate variabat, non ob aliquam Divinitatis perversitatem.* Juxta hæc imbecillitatis leve in Petro vestigium deprehendere visum est S. Gelasio in tract. de Anath., & Pelagio II. in epist. 3. ad Episcopos Istriae, qua nempe aliud verbis docuerit, ac prædicaverit, aliud exemplo, & facto, quo ut Judæis acceptior evaderet, eorumque gratiam aucuparet, Legalium observantiam simulabat, quam tamen ad salutem haud necessariam Act. 15. Gentilibus jam annuntiaverat. In causam vero, cur dignus Petrus reprehensione Paulo visus fuerit, diligenter, ac penitius inspiciens S. Jo: Chrysostomus, vix reperit, quo id culpæ, siqua levis fuit, verterit timori; atque ut Græci sermonis vim optime tenebat, ubi ad Galat. 2. vers. 12. Græce habetur: *Φοβούμενοι τὸν ἐκ Περιτομῆς*, quod Latinus Interpres reddidit: *Timens eos, qui ex Circumcisione erant*, reddique æque Latine poterat: *Timens eis &c.*; timori verterit, non quo sibi a Judæis timeret utique, sed quo ipsis timeret Judæis: *Non hoc, inquit, metuens, ne veniret in discrimen, namque initio non metuerat, multo minus tum metuisset: verum illud metuebat, ne deficerent; quandoquidem ita & ipse Paulus loquitur Galatis, dum inquit: Timeo vos, ne forte sine causa laboraverim in vobis.* Quam in sententiam utroque incedens pede

de S. Thomas Lect. 3. in cap. 2. ad Galat., timuisse utique Petrum affirmat: *Non quidem timore humano, sive mundano, sed timore charitatis, ne scilicet (Judæi) scandalizarentur*: Quod ipsum a Glossa observatum subjungit. Quamquam S. Doctor cum ibidem postea, tum in 1. 2. q. 103. art. 4. ad 2. in ea opinione versatur, quod S. Petrus venialiter peccaverit, non in eo quidem, quod ad tempus Legalia observavit, sed quod circa Legalium observantiam nimiam diligentiam adhibuerit, ne scandalum Judæis crearet, non animadvertens exinde Gentilibus scandalum constari; idest peccaverit indiscretione, qua parti Judæorum nimis inhærens, quod ab his avertere satagebat, in Gentiles conjecerit scandalum.

Ut erat vero perspicacissimo acumine præditus S. Augustinus, postquam in Epist. 19. in eadem pariter sententia de Legalium cessatione fuisse tam S. Petrum, quam S. Paulum affirmasset, atque a Paulo quidem impune, ulloque absque peccato Legalia aliquando frequentata, ideo quod frequentasset: *Non mentientis assu, sed compasientis affectu*, soloque pietatis sensu factus fuisset Judæis Judæus: *Compassione misericordie, non simulatione fallacie*; in Petro vicissim modum, quo Legalibus utebatur, simulationem idest, effectumque, qui ex simulato Legalium usu sequebatur, idest scandalum, reprehensione digna Paulo visa subjungit. *Non itaque tunc eum, quod in ea re verum esset, docebat, sed ejus simulationem, qua Gentes judaizare cogeantur, arguebat. Quorum similia habet in epist. 74, in Exposit. epist. ad Galat., lib. 2. contra Crescon. cap. 32, de Bapt. contra Donat. lib. 2. cap. 1, & lib. 6. cap. 2. Atque hanc juxta sententiam Inconsiderationis, aut Imprudentiæ, qua id fecerit, ex quo Gentilium offensio sequuta est, levem etsi, labem incurrisse Petrum existimant Natalis hist. Eccl. ad Sæcul. 1. dissert. 11, Juveninus Theolog. instit. par. 1. dissert. 4. cap. 7, ac Philippus Anastasius de Rom. Pontif. potest lib. 1. cap. 14. n. 3. Contra vero longe verisimilius, ne levis quidem peccati labem a S. Petro Legalibus utente fuisse contractam, putant Baronius ad an. 51. n. 39, & seqq., Gisbertus in vera Idea Theologiæ dissert. 1, & Heissius in Vindic. summ. Pontif. par. 1. cap. 1. sect. 1. art. 4. Nempe opus humanum ex tri-*

plici

plici capite malum evadere rite observant, ex intentione malæ operantis, ex opere ipso malo, eventusque malo operis. Iterum opus malum ex circumstantiis etiam malis fieri, si tempore non suo, locoque non opportuno fiat. Tandem ut malus operiseventus, siue effectus malus, qui operis occasione provenit, operanti malitiæ imputetur, prævideri illum potuisse, aut debuisse prospici. Jam vero, ut de ipsius recta intentione non loquar, de qua dubitare nefas, S. Petrus id operans, quod alioqui certo sciebat sibi licere, quodque perinde operari S. Paulo certe licuit, cui ceteroqui minus licere videbatur; id operans & loco, & tempore, quod Judæis quidem ingenti utilitati cedebat, Gentilibus vero detrimento ullo per se esse posse non videbatur; id operans, quod futurum damno, aut inculpate non prævidit, aut si prævidit, impedire, aut utrinque non poterat, quæ enim impendebat Ethnicis, offensionem vicissim Judæis, atque graviolem forsan incurbere vel prospiciebat, vel jure putabat; aut non debebat, siquidem ipse speciatim Apostolus Judæorum, istis præ aliis, quorum specialem S. Paulus induerat sollicitudinem, intendere, studere que sibi susceperat, atque offensionem ab istis procul avertere: ideoque a Gentilibus sæpius invitatus diu restitit, atque Judæorum gratia in Legalium observatione diu stetit. Relinquitur igitur, ut S. Petrus reprehensibilis ideo a S. Paulo reputatus sit, justamque quinimo reprehensionem incurrerit, non ob intentionem utique malam, qua operatus sit, neque ob malum ipsum opus, quod ex se fuerit, vel ex circumstantiis, sed malum ob eventum operis, seu effectum inde sequutum, Ethnicorum videlicet offensionem, cujus quamvis in culpa, ne levi quidem, fuerit S. Petrus, cum tamen pro virili impedire parte sua S. Paulo Gentium utique Apostolo cordi quammaxime erat. Atque ita quidem Apostolorum Principis auctoritatis, fideique integritati prospicere summopere referebat, ut ab inferendo inde ipsius in Apostolica Sede Successoribus Romanis Pontificibus probro animo quotquot erga ipsos pessime affectos prohibere quò efficacius, eò auspiciatius aggredere. Quod dum aggredior, quo demum abs me perficiendum modo proposuerim, statim in vestibulo admoneo.

DE SS. CLEMENTE, ELEUTHERO, VICTORE,
ZEPHYRINO, CORNELIO, ET STEPHANO.

§. II.

Vetus est, quæ usu deinde frequentissimo Novatoribus venit, Veteratorum impudentia S. Petri Successoribus Pontificibus Summis flagitiorum cujusque genus infamiam pro libitu afflandi, qua impurissimis, quibus affluere ipsi cogitant, facinorum quibuscumque spurcitiis pro libidine impune laxare habenas, & quoquo excusare modo possint. Quandoquidem autem, ut toto, quod late patet, invitique tot scæde trahuntur Pontifices, vitiorum, foro pervager, a probro quocumque Pontificem quemlibet absterfurus, quod neque primum in destinatis, votisque habui, præstituti operis fines, etsi facere vellem, essetque facile alioqui, non ferunt, eo saltem operam conferam totam, ut quibus perfruit, prorsusque periit, frontem perfringam, ne saltem hæresum sordibus, quas interea, turpissimasque quascumque spargere ipsis quidem in vulgus per me licebit, Pontifices aspergendi licentiam deinceps arripiant. S. Clementis imprimis Epistolam ad Corinthios primam, atque genuinum plane ejusdem scætum, & encomio celebrare, quod non facere non poterat, & vituperio dehonestare pro eo plusquam vatiniano, quo proscindendos Romanos Pontifices sibi ab initio proposuisse videtur, odio omnium primus aggressus est Photius Bibl. Cod. 126. Tria videlicet reprehensione valdequam digna in ea se reperisse gavisus est: quod extra Oceanum Mundos aliquos collocat: quod Phœnicem avem unigenam, tanquam verissimo pro argumento Resurrectionis adhibere non dubitet: quod de Christo D. loquens, non eas sublimes usurpet loquutiones, quæ ejusdem Divinitatem probe deceant. Secundam in S. Clementem intentat calumniam Sebastianus Frankus Chron. par. 5 pag. 204. eumque Sanctorum, Imaginumque sacrarum cultui infensum agere, infestumque non veretur; argumento desumpto ex lib. 6. de Imag. ad Jacobum Fratr. Dom., Clementis nomine inscripto: ubi visibiles adorare Imagines diserte injustum dicit, id est ad lignea, & la-

& lapidea concurrere Idola, atque inania, inanitataque simula-
 cra Deiformiter colere. Nihilvero magis impium, & ingratum
 esse subtexit, quam beneficia a Deo recipere, ac pro iis ligno, &
 lapidi gratias agere. Iniquius tertio in S. Clementem insurgunt
 Witakerus, & Pfaffius in Synopsi Theolog. §. de S. Script. pag. 78,
 eumque impurissimæ Nicolaitarum hæresis patronum adstruere,
 non erubescunt, quasi videlicet in Epist. 5. Decret. communem
 rerum Civilium usum inducens, Conjugum etiam debere esse de-
 creverit.

At enim sic per inscitiam agere, & per injuriam, si non tam
 inolescere, quam insanire, omnemque non tam posuisse pудо-
 rem frontis, quam perdidisse rationis usum non sit, nescio plane,
 quid tandem sit. Atque si Phorio quidem non omni probata ex
 parte Clementina Epistola evasit, quid aspernatorem hunc ego
 morer, quem pro intemperanti severitate de veteribus Patribus
 censendi dignis profecto castigant verbis Bullus, ac Dodvellus
 dissert. in S. Irenæum pag. 409, cujusque utique tumultua-
 rium Opus, Bibliotheca scilicet, etsi laude non careat sua, lon-
 ge pluribus laborat vitiis, quorum pleraque in ejusdem præfat. ad-
 notarunt Andreas Schottus, Huertius demonst. Evang. pag. 58, &
 casaubonus pag. 112 Vicissim vero Epistolam illam longe plures,
 longo ipsi præferendi intervallo, lectissimi Ecclesiæ Patres laudibus
 celebrarunt, S. Irenæus lib. 3. cap. 3, Clemens Alexand. Stroma-
 mat. lib. 1, 4, 5, & 6, Origenes lib. 2. de Princip. cap. 3, & in
 Johan. 1. 29, Hegeippus apud Eusebium lib. 4. cap. 22, Eusebius
 ipse lib. 3. cap. 16, Auctor quæst. 146. ad Orthod. sub S. Justinii
 Martyr. nomine, quem Justinum Siculum Episcopum Sæculi V.
 Scriptorem putat Dodvellus, cap. 74, S. Epiphanius hæret. 27. n. 6,
 & hæret. 30. n. 15, S. Hieronymus de Vir. Illust. cap. 25, lib. 14. in
 Isaj. 52. 13, & in epist. ad Ephes. 4. 1, S. Jo: Damascenus Eclog.
 lib. 1. tit. 23, & 49, ut de Recentioribus sileam. Enim vero cedo mi-
 hi e versione Cotelerii velut ea, quæ litteræ tenacius hæret, S. Cle-
 mentis in epist. ad Corinth. primo objectam loco sententiam, quæ
 n. 20. sic se habet: *Oceanus hominibus impermeabilis, & qui trans
 ipsum sunt, mundi ejusdem Domini dispositionibus gubernantur.* Por-
 ro loco particulæ illius *Trans ipsum*, ex eadem Clementina Epi-

stola hanc *Post ipsum* referunt Clemens Alex. lib. 3. Strom. pag. 384, sive ejus interpretes Gentianus Hervetus, Origenes lib. 2. de Princip. cap. 3. ex interpretatione Rufini, & Cotelierius. Contra vero retinendam priorem *Trans ipsum* autumant Junius, Maderus; Bartonius, Vendelinus, Fellus, & Coloniesius, quomodo S. Hieronymus etiam in Cap. 2. ad Ephes. 2. eadem plane Clementis verba Latine reddidit. Vicissim magis ad Clementis mentem, quam verba respicientes, si revera tamen ad hunc respexerunt locum, qua de re valde dubitant Cotelierius, & Coutantius, pro *infra*, sive *post*, & *Trans*, legerunt: *Extra* S. Irenæus lib. 2. cap. 47, S. Hilarius in Psal. 68. n. 29, & Photius ipse cit. Cod. 126, qui ideo vel inde facile videre poterat, quo recto, proboque ea S. Clementis accipi sensu periocha deberet. Igitur verbis illis: *Mundi, qui Trans, sive Post, sive Extra ipsum sunt*, significare S. Pontifex voluit, non plures utique Mundos, veluti non recte interpretari visus est S. Hieronymus loco ind., perperam vero credidit Photius, sed vel *Antichthonas* Antichthonas, quos Latini apud Plinium hist. nat. lib. 6. cap. 22, & Melam de situ Orbis lib. 1. cap. 9. *Antipodas* vocant, atque ita Origeni visum est, Photiusque ipse vidit; vel ante incognitas Mundi plagas ultra Oceanum positas, non tamen in adversa nobis parte, quas utique *Novos Orbes* appellatas a Cæsare, a Virgilio, a Seneca scitum est, atque ita verius existimant Cotelierius, & Coutantius in Not. ad hanc epist. n. 20, nec non Natalis Alex. hist. Eccles. ad Sæcul. I. cap. 12. art. 12. Quare dignus potius ipse, qui vapulet, Photius, qui Antipodas ignorans, & negans (quos negasse, & ignorasse quoque videntur Lactantius lib. 4. cap. 24, S. Augustinus lib. 16. de Civit. cap. 8, & S. Zacharias P. M. in epist. 10. ad S. Bonifacium) S. Clementem, qui scivit, & asseruit, reprehensione dignum existimavit.

Quod vero Phœnicis exemplo, quin penitus in rei veritatem inspiceret, ad Resurrectionis veritatem illustrandam, adstruendamque n. 23. usus fuerit, non erat plane, cur a Photio id vitio S. Clementi verteretur, nisi eadem nota inurendos sibi sumere voluerit veteres Patres, quibus, ut observat Natalis loc. ind., frequenti idem usu exemplum venit, veluti Ter-

tul-

tulliano de Resur. Carn., veluti S. Cyrillo Catech. 18. n. 8. Adnotat autem Cotelerius, quod vox Græca *ἐκ τῆς* tam Avem unigenam, quam Palmam significat, unde factum, ut Interpretes nonnulli S. Scripturæ loca de Palma pro Phœnice Latine vererent. Quod obiter notatum volui, ut Novatores videant sibi nihil subesse causæ, cur alicubi de S. Scriptura minus reverenter loqui sibi fas sit, aut cur aliquot S. Scripturæ loca minori in honore, pretioque habere liceat. Ut autem uberiores, & enucleatorem de Christi Divinitate tractationem S. Clemens institueret, nec proxime ad ipsius attingebat propositum, quod erat Corinthios Schismate discissos ad pacem componere, neque ipsorum Corinthiorum indigebat conditio, qui alioqui de Christi Divinitate jam plene erant imbuti. Quamvis id absolute falsum, quod de Christi Divinitate nihil clare, eoque dignum protulerit. Etenim in ipso Epistolæ exordio, quo etiam finem eidem imponit, Gratiam, qua vocati, & sanctificati Corinthiî sunt, Christo, utique qua Deo, liquido adscribit; pretium, quo totus redemptus est Mundus, e Christi, sane qua Dei-hominis, Sanguine reposcit n. 7, & 12; Divinam Christi potentiam designat n. 16, eundem Majestatis Dei Sceptrum denominans τὸ θεῖον τὸ μέγαλον τοῦ Θεοῦ; quam præclaram sententiam profert S. Hieronymus lib. 24. Comment. in Isaiam; prænuntiatum ejus adventum a Prophetis asserit n. 17; eundem Mediatorem apud Deum n. 20; adorandum n. 21; fidem in ipso firmam n. 22; Gratiam ab ipso salutis n. 32; ipsum Salvatorem nostrum, Splendorem Majestatis Dei, Deique Filium n. 36; a Deo missum, & ab ipso missos Apostolos n. 42; unum e Trinitate n. 46, quem locum etiam laudat S. Basilii lib. de Spir. S. cap. 29. Junge Epistolam 2. ad eisdem Corinthios, de cujus sinceritate confer Contantium in admon. præv., ubi sub initium: *Fratres*, inquit, *ita sentire nos oportet de Jesu Christo, tamquam de Deo, tamquam de Judice Vivorum, & Mortuorum &c.*, quem adeo apertum locum neque observare ipse Photius nequivit. Quæ abunde, quin adhuc proferam alia similia, plane sufficiunt, ut Epistola ab invidiosis Photii absolvatur notis.

Quam vero Photius intelligentia deceptus hanc frustra vexavit Epistolam, tam fecit nequiter Frankus Iconomachorum.

S. Cle-

S. Clementi appingendi dementiam ex libro de Imag. argumentum deducendo. Cui ut os durissimum obstruam, non opus quidem habeo eò me recipere, quo apertissima de falsitate, qua huiusmodi fursuris libros S. Clementi affingere ipsum non puduit, iniquum Sycophantam postulem, quum atrocissimam in capite ipsius retorquendi calumniam altera mihi validior suppetat ratio: præstat tamen obiter facere, ut qua honestate, qua fide, qua sinceritate facere Protestantes soleant, palam fiat. Quamvis igitur *A. ruyssbroeck* Recognitionum libri decem, quarum pars liber ille quintus de Imagin., S. Clementis nomine inscripti, vetus sint Opus, neque re plane distinctum ab iis, quibus varium inditum nomen vel Itinerarii Apostolorum apud S. Gelasium dist. 15. Can. 3, vel Prædicationis, sive Periodi, sive Circuitus S. Petri apud S. Epiphanium hær. 30, & S. Hieronymum lib. 1. advers. Jovin. cap. 14, vel Disputationis Petri, & Appionis apud eundem de Script. Eccles., vel Actorum Petri, sive Clementis, sive Disputationis cum Simone Mago apud Photium Cod. 113, quarumque in censum referendæ Homiliæ 19. S. Clementi attributæ apud Cotelierium, atque Epitome de gestis Petri a Simone Metaphraste forte collecta, Latine a Perionio, & Græce a Turnebo edita, antiquum, inquam, sit Opus, cuius meminere, præter modo laudatos, Origenes in Philocalia cap. 23, Eusebius lib. 6. præpar. Evangel. cap. 10, & lib. 3. hist. Eccl. cap. 38, S. Paulinus Nolan. epist. 47. ad Ruffinum, Sozomenus lib. 1, & cap. 1, S. Isidorus Hisp. lib. de natur. rer. capp. 17, & 31, ac lib. 3. Origin. cap. 50, Auctor oper. imperf. in S. Matth. cap. 24. hom. 49, Cedrenus in hist., Nicephorus lib. 2. cap. 35, & lib. 3. cap. 18, V. Beda in A& cap. 5, & lib. de rat. temp. cap. 3, S. Aldhelmus in epist. ad Geruntium Regem inter S. Bonifacii epist. 44, Bridfertus in locum poster. V. Bedæ, Freulfus lib. 3. Chron. cap. 10, aliique apud Cotelierium in Not., Gruterum in præfat. ad Clement., & Serrarium in Not., quodque Opus in S. Gaudentii Brixien. gratiam primus Latine reddidit Ruffinus, cuius præfationem supposititiam perperam suspicati sunt Sixtus Sen. lib. 2, Bellarminus de script. Eccles., Cocus, & Jo: Rainoldus in censura Apocryph. tom. 1. pag. 208, Opus est tamen, cuius jampridem duas inter se diversas circum-

ferri

ferri editiones consuevisse auctores sunt liquidi Ruffinus in præfat., & Photius Cod. 113; Opus est item olim ab Hæreticis interpolatum, & depravatum, veluti de Ebionitis testis est locuples S. Epiphanius hæ. 30, deque Eunomianis refert Ruffinus de adulterat. libror. Origenis; Opus quinimo forsitan ab Hæreticis de industria confictum, veluti de Bardefane suspicionem induit Caveus in vita S. Clementis tom. 1. §. 11. pag. 211, & seq.; quod tamen veri parum similis habent Auctoremque juniorem statuunt Dodwellus dissert. 6. in S. Irenæum pag. 443, Grabbius Spicileg. tom. 1. pag. 278, & seqq., Spanhemius in exerc. ad Edictum Anton. Caracallæ pag. 248, & Fabricius Bibl. Græc. tom. 5. pag. 36; quamvis postmodum Bardefanis fragmentum adversus Abydam Astrologum editum Operi fuisse insertum recte observat Nourius in appar. ad Bibl. PP. pag. 221; Opus est perinde, quod interpretatus Ruffinus qua emollivisse, qua interpolasse, qua mutilasse æstimari inde potest, quod Ebionismi a S. Epiphanio in eo olim observati pauca admodum hodiernis in Ruffini editionibus vestigia deprehendantur, velut advertit Grabbius pag. 279, & seq.; Opus est tandem, quod inter Apocrypha a S. Gelasio P. M. recensitum legitur dist. 15. Can. 3, atque ab Iconoclastis jactatum vicissim a Synodo VII. aët. 5. rejectum habetur apud Harduinum tom. 4. pag. 295, & seqq. At enim his non indigeo ad impudentissimam explodendam Franki inposturam, quæ vel ex una ejusdem loci lectione apertissime denudatur. Nam S. Clementis objurgatio ne leviter quidem Orthodoxos nos taxat, neque sôbrios Imaginum, Sanctorumque cultores nos tangit, quæ tota eò tendit, ut Ethnicos feriat, exagitetque, qui indebito Idolorum cultui deditissimi, honorem Patriæ uni Deo vero debitum, Soli, Lunæ, Stellis, Aquæ, Terræ, Montibus, Arboribus, Lapidibus, Hominibus, velut explicitè loquitur ibidem S. Clemens, superstitiose, præpostereque deferre solebant: ex quibus manifeste liquet Pontificem Idolorum cultum oppugnantem iniquissime ab hoc Sycophanta in oppugnantium Sacrarum Imaginum, Sanctorumque cultum partes fuisse traductum.

Neque sincerius, honestius, æquiusque sane egere Witakerus, & Pfaffius ex Epistola 5, quæ ad Hierosolymitanos S. Clementem-

mentis nomine inscripta fertur, regerere argumentum haud veriti, quo S. Clementem eodem cum Nicolaitis in turpissimo hæresis luto hæsisse suaderent, ejusque sententia communem Conjugum usum fuisse comprobatur. Epistolam illam enim, pari atque quatuor alias suppositionis, qua sæpius accusatæ, conviciatæque sunt a Baronio, a Bellarmino, a Perronio, a Petavio, a Labbeo, a Tillemontio, a Cotelierio, a Nourrio, a Natali, a Pagio, a Dupinio, a Fleurio, a Ceillierio &c., quin a Flaccio, a Gerhardo, a Rainoldo, a Blondello, a Dallæo, ab Ittigio, a Pearsonio, a Grabbio, a Colomesio, a Clerico, a Caveo, a Brujo, gravi laborare morbo ignorare nequibat. Quin etiam fraudem, *ὁποῖα*, ac falsitatem per se met detegere facile poterat: quæ inde liquido patet, quod, ut de suppositionis notis aliis, quæ cum aliis quatuor Epistolis communes ipsi sunt, nihil loquar, deque inscriptione ad S. Jacobum, ex qua sola litteratoris inepti figmentum deprehenditur, Epistola hæc quinta nihil sit ferme, quam indigesta sententiarum farrago ex dictis Faustiniæ, qui lib. 10. Recognit. cap. ult. S. Clementis Pater dicitur, aliisque ex locis ejusdem libri 10. capp. 5, 42, 43. &c. absque delectu confarcinata: quod Epistolæ imperitus artifex se fuisse præsentem affirmet, quum Ananias, & uxor ejus Saphira terribili S. Petri voce prostrati ad ejus pedes animam efflarunt: quod effatum certe in Clementem nostrum cadere nequit, qui diu post ad Catholicum Gregem appositus fuit, neque tum fuisse Hierosolymis sit evidens ex Notis* Chronolog. a viris summis Blanchinio tom. 1. Anast. sect. 3. pag. 31, & seqq., ac sect. 4. pag. 46, & seqq., a Papebrochio in Conat. Chron. hist. disert. 5, & a Coutantio in Mon. præv. ad Epist. 1. pseudo-Clementis n. 5. Append. pag. 3 contextis. Quod autem proxime ad objectam periocham de communi usu Conjugum attinet, quæ velut ex Faustiniæ obtrusa sic effertur: *Communis enim usus omnium, quæ sunt in Mundo, omnibus esse hominibus debuit*, eandem ab ipsomet Clemente refelli lib. 10. Recogn. advertit Harduinus in Not. tom. 1. pag. 62; insequentem vero ex Græco quopiam regestæ agente: *Communia debere esse Amicorum omnia*, in editis Merlini, & Crabbi, ac in Ms. Paris. Harduini hæc inseruntur quidem: *In omnibus autem sunt siue du-*
bio.

bio, & Conjuges; sed hæc ipsa pariter assura lib. 10. Recog. cap. 5. apud Cotelerium pag. 589. contrariæ pseudo-Clementis sententiæ apertam vim inferunt, atque in utrumque proinde locum hæc utique intrusa ab aliquo patrono libidinis in Republica Platonis instituto recte observat Turrianus lib. 5. cap. 2: quæ ideo ab epistolæ textu Surius, Binius, Labbeus, Harduinus &c. rescandæ rite duxerunt. Atque de figmentis hisce jam nimis.

Tertulliani lib. adv. Praxeam cap. 1. perhibentis Romano Pontifici Montani Prophetias fuisse probatas, fictaque Vaticinia pro veris, Divinisque recepta testimonium avidè arripientes Novatores nonnulli, innixique tum interpretationi B. Rhenani, qui in Annot. Cataphrygum hæresi Episcopum Romanum inquinatum fuisse ne leviter quidem dubitat, tum Rigaltii in Not. opinionioni, qui de fide Tertulliani dubitandum nemini fore præfidenter affirmat, a Romano Pontifice, quem S. Eleutherum volunt Pearsonius Oper. posth. pag. 255, & Caveus in vit. PP. pag. 164, S. Victorem Schuzius in dissert. de infallib. Rom. Pontif. §. 8, S. Zephyrinum-Gerhardus Confess. Aug. lib. 1. par. 2. cap. 2, Hofmannus in Lex., & Reiserus Romæ non glor. Seculo III, atque SS. Martyrum quidem Lugdunensium votis, litterisque sollicitato Cataphrygum sectam, & dogmata approbata fuisse, proque Divinis habita pugnant, atque ita Romanam cum Lugdunensi Ecclesiam in ejusdem hæresis lutum fœde lapsam jactant. Verumtamen Tertulliano, qui Montano impense studuit, in iis, quæ res Montani spectant, nonnisi imprudentissimus quis fidem accommodaverit; quandoquidem, ut paullo infra Artemonis discipulorum exemplo edocebimur, & ut paullo supra de Ebionitis a S. Epiphanio edidicimus, Hæreticis prisco, solemnique positum semper in more fuit in suarum consortium hæresum vel Pontifices ipsos, ut fieri posset, a quibus profligatas non ignorabant, impudentia summa advocare, ut scilicet illustri eorum nomine, & auctoritate cum facilius fidelibus facere fucum, tum semet fraudulentius ab impendentibus Ecclesiæ telis tueri valerent. Et certe ex Eusebii narratione lib. 5. cap. 3. liquet eas fuisse Ecclesiæ Lugdunensis ad S. Eleutherum litteras, quibus ille non ad Cataphrygas in Ecclesiam admittendos induceretur, sed ad eos

potius ab Ecclesiæ liminibus procul abigendos incitaretur. Siquidem refert privatum de Montano, Alcibiade, & Theodoto iudicium suum orthodoxæ fidei apprimè conforme ab Ecclesiâ Lugdunensi ad Asiæ, & Phrygiæ Ecclesias fuisse transmissum: quod plane transmissum post fuisse, quam Alcibiadem nihil cibi accipere volentem, sed sale tantum, pane, & aqua utentem, cuius ardua ideo, austeraque vivendi ratio Cataphrygum errores confirmare videbatur, non rectè facere Attalo, suis ex Martyribus uni, revelatum accepit. Ex quo, aut ego fallor, evidens fit idem simul iudicium Lugdunensi ab Ecclesiâ factum S. Eleuthero notum fuisse. Eoque magis suspecta Tertulliani fides, sublestaque videri debet, quod eodem loci flagitioso Praxeam ideo mendacio impetit, quod falsa de Cataphrygibus ipsis Pontifici M. suggererit, duoque Diaboli negotia Romæ procuraverit, dum nempe *Prophetiam expulit, & Hæresim intulit*. Præterea sibi met jugulum petere videtur Tertullianus, dum tam ibidem contra Praxeam, quam libro de Pudicitia cap. 1. auctor est a Pontifice M. Lapsis poenitentia functis veniam factam fuisse, utque ab Episcopis universim fieret, edicto lato fuisse præceptum.

Quamvis siqueis opinio hæc satis haud probetur, neque tam facile de Tertulliani fide dubitandum videatur, non prohibeo ego quidem, quominus sententiam amplexentur Baronii, id factum tamen sub S. Aniceto putantis ad an. 173. n. 4. Vallesii in Not. ad Eusebium lib. 5. cap. 3, & Massuetii in dissert. præv. ad S. Irenæum pag. 80. id ipsum S. Eleuthero adscribentium, Pagii ad an. 172. n. 3, Ludovici du Four ibid., & Coutantii §. 1. de epist. ad S. Eleutherum pertin. pag. 87. id vicissim sub S. Victore contigisse opinantium, Bellarmini lib. 4. de Rom. Pontif. cap. 8, & Natalis hist. Eccles. ad Sæculum III. dissert. 1. id demum ad S. Zephyrinum referentium, qui fieri potuisse non inficiantur, ut siquidem Montanistæ se Catholicos mentirentur, sanctiorisque quin etiam vitæ speciem præferrent, qua plane fucum etiam fecisse patet Scriptori Actorum SS. Perpeturæ, & Felicitatis ideo plurimum ipsis tribuenti, quem tamen Montanistis adscribere verentur Ruinartius ibidem, & Dodvællus dissert. 4. Cyprian. §. 8, & seq, Romanus ipse Pontifex errore, non juris uti-

utique, sed facti dumtaxat fuerit deceptus, sibi persuaderi nempe permittens a Montanistis dogmata Montani non diversa a Romanæ Ecclesiæ doctrinæ esse, qua persuasione ductus communionem eisdem ablatam restituerit quidem, arbitratus falso illos de hæresi fuisse accusatos, dignos quinimo esse, qui Romanæ Ecclesiæ consortio cohonestarentur, errores non etiam approbarit, quos suis a Prædecessoribus improbatos non ignorabat. Atque quidem postquam a Romano Pontifice Ecclesiis Asiæ, & Phrygiæ restitutam fuisse retulisset pacem, pacis litteras eundem quod emisisset pœnituisse, revocasseque, quas jam emiserat statim, atque a Praxeæ in Ecclesiæ castris pugnante adhuc, & promerente fuit de Cataphrygum præstigiis certior factus, evaginatoque repente gladio cum hæresim confodisse, tum Auctores confixisse non diffitetur eodem loci Tertullianus. Qui lib. de Pudic. cap. 1. fateatur insuper a Pontifice M. decreto edito Mœchis pœnitentiæ locum fuisse factum, quem alioqui fieri potuisse Cataphryges inficiabant. Ad quæ speciale illud pro S. Zephyrino accedit, quod S. Optatus lib. 1. advers. Parmen. auctor est locuples ab eo hæresum tum in Ecclesia grassantium pestes ad unam pariter omnes proscriptas fuisse, profligatasque. Quod Eusebius lib. 5. cap. 28. ex Antiquo Scriptore adversus Artemonis hæresim refert confesorem quemdam Natalium nomine in Theodori Coriarii hæresim prolapsum, quum facti pœnitens ad eundem Pontificem confugisset, ad pœnitentiam fuisse receptum: quam quidem potestatem Lapsis post Baptismum peccatorum veniam largiendi Cataphryges Ecclesiæ negabant. Confer, quæ hoc de argumento copiosius exagitata sunt super, Art. II. §. 1. pag. 36, & seqq.

S. Victori P. M. hanc præterea hæresis ignominia plenam a nonnullis afflictam notam fuisse, quasi Christum D. purum, putumque hominem docuisset, non etiam Deum, auctor est Eusebius lib. 5. hist. Eccles. cap. 28: quam postea atrocissimam in eundem Pontificem instaurare calumniam Protestantes, inque his Bovverum hist. Pontif. par. 1. §. 53. non depuduit. Erant vero ii veteres alios inter Artemonis discipuli, eodem teste Eusebio, non veriti sui erroris, a quo tam longe aberat, Pontificem M. participem agere, mentirique assertorem. Tam atrocem calumniam

exufflatam a Scriptore quodam Ecclesiastico (quem Cajum S. Romanæ Ecclesiæ Presbyterum, S. Irenæi discipulum, indeque Episcopum Atheniensem, ut habet Photius Cod. 48, Mediolanensem vero conjicit Moynius ad Varia sacra pag. 944, cujusque tria scripta apud veteres scriptores celebrantur, 1. *Μετρίᾳ Λαβίᾳ*, & 2. *Παρὰ Λαβίᾳ* Parva Labyrinthus adversus Artemonis, & Theodoti hæresim apud Theodoretum lib. 2. hæret. fabul. cap. 5, & Nicephorum lib. 4. cap. 21. 3. *Διάλογος* Dialogus contra Proclum Montanistam apud Eusebium lib. 2. cap. 25, lib. 3. cap. 31, & lib. 6. cap. 20, & S. Hieronymum de Script. Eccles. cap. 59, 3. *Λόγος περὶ τῆς τοῦ πατρὸς γενέσεως*, de Christo, ut Deo vero, ejusque Divina generatione apud Photium, ut jure propterea inter Patres Ante Nicænos Fidei Nicænæ vindices fuerit recensitus a Bullo defens. fidei Nicæn. pag. 159, & Gardinero in Hypotyp. fidei Cathol. pag. 149, recensendusque a Lamio in dissert. de recta PP. Nicænor. fide cap. 7, injuria vero Alogorum hæreseos a Josepho Medo in Clavi Apocalypica postulatus, velut rite animadvertit Ittigius in dissert. de hæres. pag. 262) testatur eodem loci Eusebius, referens eam hæresim tam nefarie, quam falso S. Victori afflatam fuisse ab eodem Scriptore demonstratum vel ex eo uno, quod a S. Victore Theodotus dictus Coriarius, a quo Artemon hæresim suam hauserat, eo ipso nefario hæresis nomine, quod a Christo D. Divinitatem abigeret, diris cunctis fuisset devotus, atque ab Ecclesia ejectus. Demonstratum quoque splendidissime in verbo suo mentitos fuisse Artemonis discipulos hanc de Christi D. Divinitate fidem sub eodem S. Victore inductam fuisse, quam invictis Justinis, Miltiadis, Tatiani, Clementis, Irenæi, & Melitonis testimoniis jugiter in Ecclesia integram obtinuisse ignorare eos non oportebat. Itaque tantum abest, ut fides hæc fuerit a S. Victore ignorata, quam potius luculenter assertam fuisse, vindicatamque patet, utque hæresis illius contagione laboraverit aliquando, quam liquido ab ipso utique confosam fuisse, profligatamque constat.

Ad culpam, & ignominiam S. Cornelio tam impie, quam falso imputatur a Centuriatoribus Cent. 3. cap. 10. Col. 282, & ab Arnolfo eodem de grege Sychophanta hist. Eccl. & hæret. tom. 1. lib. 3. cap. 7, quod in fragm. Epistolæ ad Fabium Antiochi apud

apud Eusebium lib. 6. cap 33. Vers. Russ., 35. Christoph., & 43. Valef. de Baptismo loquens a Novatiano in lecto suscepto, in Baptismo sic sine Consignatione Episcopi, ceterisque Ritibus circa Baptismum solemniter fieri solitis, fidem, ac Spiritum S. accipi posse negaverit. Age vero audiat ipse prius, qui accusatur Pontifex, ut inde perversa de interpretatione, atrociq; de injuria obtretractores istos recusandi ineuratur ratio. De Novatiano igitur loquens post natos homines flagitiosissimo homine, qui præstigiis, mendaciis, & perjuriis ad Episcopale fastigium aditum sibi fecerat, peccatorum genus cujusque gravissimo pondere obruto, atque a Dæmone corpore, & anima obsessio, qui in vitæ discrimine positus Baptismo perfundi sponte non tam efflagitaverat ipse sua, forte neque sui compos, quam ipsum perfundere adstantium pio cordi fuerat, de Baptismo sic accepto sententiam ita suam effert, juxta Russini interpretationem : *Quod jacens in lecto pro necessitate perfusus sit* ; (post quæ Christophorus, & Valef. hanc suppleant periocham : *Baptismum* (*Fidem* potius suffecit Coutantius pag. 154, falsus tamen in Græco nihil esse, quod *Fidei* vocabulo respondeat) *suscepit* ; *si tamen homo hujuscemodi Baptismum suscepisse dicendus est.*) Prosequitur Russini interpretatio, quam aliis præfero : *Nec reliqua in eo, quæ Baptismum subsequi solent, solemniter adimpleta sint, nec signaculo Chrismatis consumatus sit* : (*Ab Episcopo consignatus* legunt vicissim Christophorus, Valefius, & Coutantius) *Unde nec Spiritum S. unquam potuerit promereri.* Qua a postrema lectione re, sententiaque non distat Christophoroni, Valefii, & Coutantii interpretatio. Quibus ita positis, facilis, pronaque fluit interpretandi ratio, quam sic instituo. Atque primum utique S. Cornelium puto loquutum de Baptismi non valore quidem, sed effectu, quo ob animi indispositionem frustratus Novatianus fuerit. Utque ita putem, id efficit plane, tum quod ignorasse ipsum orthodoxam Romanam in Ecclesia jugiter retentam de Baptismo valide tam collato, quam suscepto ab indigno tam conferente, quam suscipiente, doctrinam, cujus strenuum adeo paullo post assertorem, vindicemque se præstitit S. Stephanus, suspicari nec æquum sit, nec justum. Tum quod de Baptismi, quem Novatiani vel contulif-

sent,

sent, vel suscepissent, validitate ne leviter quidem dubitaverint postea Nicæni Patres Can. 8, S. Siricius in epist. 5. cap. 8, & S. Innocentius I. in epist. 2. cap. 8. Quamvis si de Baptismi eo modo a Novatiano suscepti validitate dubitasse S. Cornelium velint, quid inde? Siquidem sic ei dubitandi nec legitima, nec levis, nec una suberat causa. Quod scelestissimus homo, Ethnicis antea, superstitionibus imbutus, Christianam fidem ideo dumtaxat videretur amplexus, Baptismoque ablui voluisse, ut a Dæmone, quo obsidebatur, divexabaturque, Exorcistarum deinde ope ab solveretur. Quod Baptismus mortis impendentis potius metu, quam Christiana voluntate ab homine, qui Christiani nihil habebat, susceptus, eoque quin etiam tempore, quo sui vix, ac ne vix quidem compos esset, suspectus valde haberi posset: quam, atque longe dissimilem, ob causam Magnus de Baptismo Clinici, hoc est in lecto ob ægritudinem constitutis, collato valde quoque dubius de sententia rogasse S. Cyprianum legitur epist. 76: quo loci Pamelius not. 39. observat sua ad huc ætate a Nicephoro lib. 6. cap. 3. nedum pro definito hujusmodi Baptismum fuisse habitum: & Concilium Neocæsareense Can. 12. hominem in ægritudine baptizatum Presbyterii honore indignum habuit, ideo quia, *Hujus fides non est ex libera voluntate, sed ex necessitate*. Quod Novatianus demum ab infirmitate convalescens, quæ Baptismo defuerant, contemptim supplere neglexerit: quod Christianam defuisse quoque illi, veramque in Baptismo voluntatem, haud obscurum, leveque erat indicium.

Ex his vero perquam facilis, suapteque fuit ratio, cur perinde ob neglectam Episcopalem Consignationem (quod de Sacramento Confirmationis accipi dictum oportere, exinde fit evidens, quod Consignatio in Baptismo, de qua loquutum heic S. Cornelium haud recte cenfer Valesius, fieri a Presbyteris consuevit, qua de re S. Innocentius I. in epist. 1. ad Decentium cap. 3, Severus Alexand. de ritib. Baptif. tom. 7. Bibl. PP., alique infra allegandi) Novatianum Spiritus S. fuisse infusione frustratum adjunxerit: nempe id eo recto adjunctum intelligi sensu debet, quod ex defectu Confirmationis is Spiritum S. haud acceperit ad robur fidei, hoc est ab ea distinctam, quæ recipitur in Baptismo,
Gra.

Gratiam, & Gratiae augmentum, ille haud receperit, quæ in Sacramento Confirmationis scilicet confertur. De qua conferendi, si placet, Clemens Alex. apud Eusebium lib. 3. cap. 17. juxta vers. Christoph., S. Cyprianus epist. 70, & 73, S. Basilii de Spir. S. cap. 17, S. Jo: Chrysostomus hom. 18. in Act., S. Hieronymus in Dialog. advers. Lucif., S. Gregorius Nazian. Orat. 19, S. Augustinus de Bapt. contra Donat. lib. 5. cap. 23, S. Cyrillus Hierosol. Catech. 16. n. 16, & 22. n. 7; Concilia Arelatense an. 314. Can. 8, Eliberitanum Can. 38, Laodicense Can. 7, & 48, Constantinopolitanum I. Can. 7, Carthaginense II. sub Genethlio Can. 3, Carthaginense III. sub Aurelio Can. 36, Tole-
tanum I. Can. 20, Arausicanum I. Can. 1, & 2, Epaonenſe Can. 16, Bracarenſe II. cap. 19, Hispalenſe II. Can. 7, Parisienſe VI. an. 827. par. 2. cap. 27, & Meldense an. 843. Cap. 44; SS. Siricius, & Innocentius loc. ind., S. Leo M. Serm. 4. de Nativ. cap. 5, epist. 159. edit. Baller. ad Nicetam cap. 7, epist. 166. ad Neonem cap. 2, & epist. 167. ad Rusticum cap. 18, S. Gelasius epist. 12. cap. 6, Vigilius epist. 2. ad Profuturum cap. 4, S. Gregorius M. lib. 4. epist. 9. alias 24. ad Januarium, Clemens VI. epist. ad Consolatorem n. 12; Theodulphus Aurel. lib. de Baptif. cap. 17, Isaac Lingon. tit. 11. Can. 30. Atque consuleſis viros Doctiss. optime hoc de argumento meritos Baluzium in Capitulari ann. 803. pag. 381, Morinum de Sacr. Conſir., Renaudotium perpet. fidei tom. 5. lib. 2, Menardum in Sacr. Gregor. pag. 75, Martenium de antiq. Eccl. Ritib. tom. 1. pag. 251, Afsemanum Bibl. Orient. tom. 3. par. 2. pag. 273, Coutantium in Not. ad epist. 25. S. Innocentii I. pag. 857, Cardonum hist. Sacram. lib. 2. cap. 1, & seqq., Ballerinius in adnot. ad epist. 159. S. Leonis tom. 1. pag. 1333, ac Benedictum XIV. de Synodo Dioec. lib. 7. cap. 7. & seqq., aliosque de Schola Theologos. S. Stephanum in errorem oppositum errori, quo S. Cyprianus laborabat circa Baptifmum hæreticorum, lapsum fuisse imprudentissime ex heterodoxis Blondellus, Mornæus myst. iniq. pag. 14, Iselinus in Lexico, Caveus &c., ex orthodoxis vero Launojus in epist. ad Jacobum, Bevilaquam jactare non dubitarunt. Quandoquidem autem ab horum, aliorumque obreſtationibus S. Stephani orthodoxiam vindic-

vindicavimus, suoque, uti decebat, loco stabilivimus Tom. 2. Par. 1. Art. 8. in Proleg. pag. 267, & seqq., non est propterea, cur actum agere inani opera cogamur. Ad- his præterea, si libet, doctiss. viros Coutantium in dissert. de vera S. Stephani circa receptionem hæreticor. sententia inter Epist. Rom. Pontif. pag. 227, & seqq., Jo: Sbaraleam de germana SS. Cypriani, & Firmiliani opinione de hæret. Baptis., & Meinradum Schvrichardt de doct., & discipl. Eccles. in Sacr. Bapt.

DE SS. SIXTO II, MARCELLINO, LIBERIO,
& FELICE II.

S. I I L

Pessima siquando Ruffinus egit fide, qua ut plurimum in ver- tendis e Græco in Latinum sermonem aliorum scriptis egisse, mutando, demendo, addendo, ut potius quam aliena, & vetera, propria, & nova videri possent, quæ non tam vertebat, quam pervertebat, emunctæ naris Criticis visum est Erasmo lib. 25. epist. 3, Casaubono Exercit. 16. in Baron. n. 196, Scaligero in Append. Oper. de Emend. temp., Dodvvello, Miræo in Genad., Dupinio Bibl. Aust. Eccles. tom. 2. pag. 9, Cavæo hist. litter. Script. Eccles., Dallæo de Script. Dionysii, & Ignat. lib. 2. cap. 40, Tillemontio, Fabricio Bibl. Latin. tom. 2. lib. 4. cap. 3. pag. 345. (Quamquam atroci hac Ruffinum censura exonerare, qua ad Eusebii versionem respicit, conatus est vir doctiss. Petrus Thomas Cacciari in dissert. hist. pro Ruffino par. 3. §. 1, & seqq., eam vero, qua hanc ad rem attingit, emollire studuit, excusare- que, quod forte deceptus affinitate vocis *Sexti* fuerit, par. 2. §. 22.) tum egit quammaxime, quum Sexti Pythagoræi Enchiridion, sive Libellum Sententiarum Latine ab se redditum vene- rando S. Sixti II. P. M. nomini supponere, atque sub *Anuli* titulo duo in volumina distinctum inscribere, Orbique universo fucum ita facere non extimuit. Opus nempe, in quo nihil de Deo Patre, nihil de Christo D., nihil de Spiritu Sancto, de Patriarchis, de Prophetis, de Apostolis nihil p. orsus, veluti loquitur S. Hiero- nymus,

nymus, sed Ethnica omnia, siue Hæretica, quibus homo de substantia Dei excerpitur, Deoque ipsi æquatur; quibus hominis arbitrium supra vires extollitur, se ipsoque absque Dei adiutorio valere jactatur; quibus verbo in perversa aut Pythagoræ, aut Pelagii dogmata Romanus Pontifex sæde detruditur. Equidem non defuere, qui a Rufino in fraudem conjecti, ob egregias plebasque, quibus inspersum est Opus, sententias, aut Ecclesiasticum, qui eas conscripserat, denominare Scriptorem, aut Opus ipsum encomiis excipere non dubitarunt, ut Pelagius, cujus id maximopere intererat, ut S. Augustinus quondam lib. de Nat., & Grat. cap. 64, quem postea erroris pœnituit, ut S. Maximus in Schol. ad Myst. Theolog. Dionysii Arcop. cap. 5. tom. 2. pag. 85, ut Auctor vetus Collect. de Virtut., & Vitius apud Mabillonium Analect. pag. 62, ut Auctor Append. ad S. Isidorum de Script. Eccl. cap. 1, ut Laurentius Pisanus in Collect. similium sentent., ut Thomas Bradwardinus in Opere de causa Dei advers. Pelag., ut Vincentius Bellov. in speculo moral., & histor., ut Auctor incertus de vitis Philosophor. cap. 110, ut Syri tandem, quos ejusmodi sententiis sua Lingua redditis impense delectari referunt Hebediesu, & Assemanus Bibl. Orient. tom. 1. pag. 429. At enim germanum Operis parentem fuisse Sixtum, siue Sextum, Pythagoræum auctor est locuples Origenes lib. 8. contra Celsum pag. 397, & tom. 15. in S. Matth. pag. 369, docentque post ipsum Lipsius ad Senecæ epist. 59, & lib. 1. Manduct. cap. 6, Johannes Maria Brasichellensis S. P. Apost. Magister in Censura Bibl. PP. Lugdun. præfixa, ejusmodi enim Sexti sententiæ editæ sunt in Bibl. PP. Colon. an. 1618. tom. 3. pag. 64, & seqq., ac Paris. 1589. tom. 5. pag. 769, & seqq.; Baronius ad an. 410. n. 64, Thomas Galæus, qui Sexti hujus sententias Oxonii an. 1683. inter Opuscula Mythologica, Physica, & Ethica edidit, observavitque Sexti istius mentionem fieri a Cicerone, a Seneca a Plinio. Rufini vero imposturam, summamque impudentiam, qua S. Sixto P. M. Opus tribuere non est veritus, detexit, atque pro meritis castigavit S. Hieronymus lib. 6. Comment. in Ezechielis ca p. 18, lib. 4. Comment. in Hierem. cap. 22, in epist. ad Ctesiphontem advers. Pelag. Agnovit etiam demum S. Augustinus

lib. 2. Retract. cap. 42. ipsumque poenituit, quod lib. de Nat., & Grat. cap. 64. tum Ruffini stropham ignorans, quasdam ex his a Pelagio Sixti Papæ nomine prolatas sententias istius revera factum reputasset, quas proinde rectum, probumque in sensum interpretando inspicere conatus fuerat, sed tandem Sexti Philosophi esse, non Pontificis, deprehendit, frustra quoque laborasse, operamque luisse. Locum hunc autem Retractionum S. Augustini latuisse Auctorem Append. de Viris Illust. S. Isidoro de Script. Eccles. subnexæ observat Baronius, dum S. Augustini auctoritate Opus illud S. Sixto P. M. tribuit.

Jure, optimeque itaque S. Gelasius in Decreto de Script. Dist. 15. Can. 3. in Apocryphorum censum Libellum hunc *Proverbiorum*, uti loquitur, tanquam ab hæreticis conscriptum, & S. Sixti nomine prænotatum retulit: quem ab hæreticis potius, quam a Gentili Philosopho confectum libellum dicere S. Gelasius maluisse advertit Baronius, ideo quod Ruffinus librum transferens, ac pleraque more suo ex Scripturis adjungens eundem, librum hominis Christiani magis, quam Ethnici videri fecisset. Male proinde Ruffini fidei dicam scribendam, insigendamque ignominiam non dubitaverunt Bailletus ad diem 6. Augusti, & Heifsius in Vind. Rom. Pontif. tom. 2. par. 2. cap. 8. art. 2. nedum, sed Thomas Ittigius etiam de Bibl., & Catenis PP. pag. 86, sed Jo: Albertus Fabricius Bibl. Græc. tom. 13. lib. 6. cap. 10. pag. 645, sed Franciscus Bruys hist. Pontif. tom. 1. pag. 69. Post quæ tam liquida, quis summam non demiretur Urbani Godfridi Siberi temeritatem, qua easdem Sententias notis exornatas, & an. 1725. in lucem emissas, Ruffini auctoritate eidem S. Sixto II. restituere, ac vindicare adnixus est: ita ut istiusmodi libro gradum sibi ad Presbyterium struxisse putet, atque vicissim S. Hieronymi censuram elevare documentis non tam, quam disertiis, & probis, quibus S. Doctorem appetere, lacerare, ac proscindere non erubuit? Sed enim Sychophantam inverecundum dignis pro impudentia castigavit doctiss. Jo: Pinius in Comment. prævio ad vitam S. Sixti II. tom. 2. ad diem 6. Aug. §. 6. pag. 136, & seqq. ostendens eò imbecillioribus adversus S. Hieronymi judicium argumentis decertare, ac desudare Aristarchum istum, quò frustra
idem

idem defatigatur, probum ut in sensum pleraque ejusmodi absurdas prorsus, absonasque intorqueat sententias, quæ probabili nulla emolliiri, dirigique ratione queunt: uti 130. de Temporalibus subsidiiis ad vitæ mortalis sustentationem a Deo nequaquam petendis: uti 135. de Corporis Resurrectione neque Deo, neque Dei homini conveniente, cui hæresis notam infligere non dubitavit Basnagius ipse ad an. 258. n. 8: uti 162. de Mendacii usu aliquando licito, atque permissio: uti 198. de Pari flagitio ejus, qui Deo, & ejus, qui viro Sapienti deroget: uti 236 de Nuptiis tam malis, quam pessima filiorum procreatione; quam plane sententiam difficillime excusari posse ipsemet Siberus fatetur; ideoque quam inique, tam invereconde a S. Hieronymo forsitan insertam suspicatur: uti 271. de Justitia vindicativa, sive punitiva execrationi prorsus habenda, intermittendaque tanquam illicita: uti 285. de Licita, dignaque laude membrorum pro tuenda pudicitia mutilatione, de quibus laudatus Pinus, non secus atque de plerisque aliis perperam a Sibero ex præconcepta opinione ad Religionis Christianæ mysteria significanda deflectis.

S. Marcellinum P. M. cruentissima Diocletiani, & Maximiani persecutione defæciente minis adactum thus Idolis adolevisse, sed paucos post dies facti, quo se polluerat, valdequam pœnituisse, adeoque ut pro fide Martyrium subire fortissime sustinuerit, nonnisi tamen postquam in Synodo Sinuessana Cleopatrensi in Crypta celebrata propria confessione, ac 300. Episcoporum, ut habent Acta Synodi, sive 180, uti legitur in Catalog. Rom. Pontif., suffragio, depositus fuisset, atque damnatus, veteri, vulgataque fertur fama, quæ tamen an æqua sit, & veritati innixa, non satis liquet, gravissima in hacce, tritaque Controversia digladiantibus Eruditis. Eorum utrinque momenta in medium adducam, æqua lance pensitabo, modesteque, ut par est, quid veri putari, viderique possit similis, proponam: contendens cæterum, quæcumque ineatur sententia, ex utraque integram S. Marcellini orthodoxiam, intactamque manere. Qui igitur S. Marcellinum revera lapsum sub Maximiano, ejusque causa Synodum Sinuessanam anno 303. coactam affirmant, quales Baronius in 2. Annual. Eccles. editione ad cit. annum, in qua 2,

priori opinione ad an. 302. n. 96, & seq. recessit, Binius in Not. ad Synodum Sinuessanam, Schelestratius Antiq. illust. cap. 6, a quibus non dissentiunt Bellarminus lib. 4. de Rom. Pontif. cap. 8, Conciliorumque Collectores Crabbius, Surius, Nicolinus, Baillius, Bataglinus, Labbæus, Collector Regius &c., qui Concilii Sinuessani acta suis inferere Collectionibus non dubitarunt, hisce præsertim argumentis pugnant. Testimonio imprimis Auctoris libri Pontificalis, sive de Vitis Rom. Pontificum, quem plane librum parvo haud in pretio habendum putant emundioris cæteris qui naris Critici, atque Critices quin etiam intemperantioris ac-
 cusati, inter quos, ut Schelestratium, Bucherium, Velferum, Fabrotum, Ahaserram, Ciampinum, Henschenium, Papebrochium, Pagium, Boerium, Bencinum, Balduinum, Blanchinium, Vignolium, Muratorium, aliosque æquiores præteream, Tillemontius tom. 2. Monum. in Annot. 2. ad S. Clementem non longe abest, ut credat librum a S. Damaso, dum adhuc Diaconum ageret, exaratam, adeoque tanti pendet, ut eum facile Eusebio præferat; Baillerus in A. & SS. libri hujus antiquissimi maximi apud Criticos ponderis esse jubet, neque facile denegandam ei fidem, nisi ab eo, qui veterum Pontificum Monumenta omnia, alioqui Scriptorum aliorum, quorum undequaque stat penes omnes integra fides, calculo comprobata, velit convellere, nihilque vel vetustissimum, vulgatissimumque loco stare suo patiatur; Oudinus tom. 2. pag. 382, & seq. librum hunc Formoso acceptum referre, incerta tamen, inverisimilique conjectura, non dubitat. Auctor hic enim, quem non alium, potiore saltem parte, ab Anastasio Bibl. esse jam inter Eruditos convenit, quoque diligentior, fideque dignior in hoc argumenti genere Scriptorem non suppetere, frustra que quæri affirmant Guillelmus Bibl. in vita Hadriani II, Jo. Trithemius de Script. Eccles., Platina in Johanne IX, Panvinus in Not. ad S. Nicolaum I, Baronius ad an. 752, & 799, Blondellus, & Salmasius apud Schelestratium in dissert. de antiq. Rom. Pontif. Catalogis cap. 9. n. 9, in vita S. Marcellini hujus lapsum describit, atque lapsus hic quidem descriptus legitur in Codicibus Mss. Vaticanis, Cassinensibus, Regiis Parisiensibus, Regiæ Christianæ, Colbertinis, Florentinis, Farnesianis,
 Thuæ.

Thuanæis, Cæsareis Vindobonenſibus, Corbejenſibus, Freherianis, Belgicis, Barberinis, Mazarino, Cavenſi, Bergomenſi, Farſenſi, Lucenſi, &c., quos contulere Marcus Velleſus, Carolus Annibal Fabrottus, Card. Baronius, Johannes Buſæus, Jo: Cuſpinianus, Egidius Bucherius, Lucas Holſtenius, Stephanus Baluzius, Emanuel Scheleſtrarius, Franciſcus Penia, Benedictus Millinus, Petrus Boerius, Godefridus Henſchenius, Jo: Mabilionius, Daniel Papebrochius, Antonius Pagius, Franciſcus Blanchinius, Johannes Vignolius &c. Legitur etiam S. Marcellini lapſus in ejuſdem vita, quam ex antiquo Codice Mſ. circa tempora, uti fertur, Juliani Imp. deſcriptam Henſchenius, & Papebrochius publici juris fecerunt. Sed & Luitprandus Diaconus Ticinenſis in Vit. Pontif. hanc ipſam hiſtoriam ex pervetuſtis Codicibus Mſs. Membranaceis deſcriptam exhibet.

Anaſtaſii teſtimonium confirmat auctoritas cum S. Nicolai I. P. M., qui inepiſt. 8. ad Michaelẽ Imperat. apud Harduinum tom. 5. pag. 155, ut probares non poſſe quempiam ab his, qui inferioris dignitatis fuerint, cujuſmodi erat Phorius, in iudicium accerſiri, hanc ipſam de S. Marcellini lapſu, & deſiſitione reſerte hiſtoriam, eſſatumque Epiſcoporum in Synodo: *Tuo ore iudica cauſſam tuam, non noſtro iudicio . . . Quoniam ex te juſtificaberis, aut ex ore tuo condemnaberis. Et iterum: Prima Sedes non iudicabitur a quoquam*; tum S. Gregorii VII, qui in Synodo Romana V. an. 1078. decernens, ut feſtum SS. Martyrum Rom. Pontificum annuatim Officio celebraretur, hiſce adcenſere S. Marcellinum non dubitavit, cujuſ etiam lapſum, poenitentiam, atque martyrium ex Pontificali libro, Actiſque Synodi Sinueſanæ exarata Breviario Romano inferenda duxit: inferra vero velut Eccleſiæ Romanæ accepta, probataque habenda proculdubio fore nemo non perſpicit. Eo vel maxime, quod probata revera fuiſſe Patribus Tridentinis videri poſſunt: quandoquidem S. Pius V. in Conſtit. *Quod a Nobis* enarrans, quæ ex Decreto Concilii Tridentini pro correptione Breviarii Romani præſtita a Deceſſoribus ſuis Paulo, & Pio nomine quartis fuerant, & quam ipſemet adhiberi operam curaverat, diſerte teſtatur eam ex gravibus non modo co-ingere Scriptoribus recenſuiſſe, ſed neque ab antiquis

tiquis cum Ecclesiarum Urbis, tum ac maxime Bibliothecæ Vaticanæ Breviariis recessisse: hac igitur ratione S. Marcellini historia ista retenta est. Accedunt Concilii Sinuessani ea de causa an. 303. celebrati Acta, quæ multis etsi mendis scatere, interpolataque plurimum fuisse satendum sit, tanquam spuria tamen omnino spernenda non esse multa suadent. Imprimis ipsorum Actorum antiquitas: antiquissima enim esse affirmat Petrus de Marca de Concord. lib. 1. cap. 11. Ante Sæculum VIII, sive ante annos 800. in Ecclesia Romana legi eadem consuevisse confirmant Baronius, Binius, & Schelestratus. Antiquitatem etiam probant duo perverusti, etsi depravati, Codices, ex quibus Acta illa in veteri Conciliorum editione Colonienſi vulgavit Surius, ut ipsemet in præmonitione ad Lectorem perhibet: Cresconiana antiqua Collectio, quam ab se collatam tradit Baronius ad an. 302. num. 89: Exemplaria duo Colbertina litteris majusculis Langobardicis descripta venerandæ antiquitatis, & ad S. Gelasii aut S. Symmachi ætatem facile pertingentia, tantamque cum Dionysiana Collectione cognationem habentia, ut ab eadem indistinctos Codices istos existimaverit Baluzius, quæ contulit, descripsitque Coutantius in Append. ad Epist. Rom. Pontif. pag. 29, & seqq. Comprobant quoque Scriptorum plurium & gravitas, & auctoritas, quibus ad tempus usque Concilii Tridentini eadem Acta indubia semper visa sunt: uti sunt Theologi S. Facultatis Tolosanæ in litteris ad Carolum VI. Francor. Regem an. 1402. datis apud Raynaldum ad an. inseq. 1403. n. 18, & seqq., Alvarus Pelagius de planct. Eccl. lib. 1. art. 6, Jo: Gersonius in tract. de Appellat. adornato circa finem Concilii Constant., Nicolaus Cusanus lib. 2. de Concord. Cathol. cap. 17, Onuphrius Panvinus in Not. ad Platinam, ac in hist. Eccles., quæ Mss. in Bibl. Vaticana asservatur, Hosius, Ciacconius &c., ante hos vero Hincmarus, & S. Petrus Damianus in epist. ad Henricum Ravennatem Antistitem

Neque veri sit simile historiam hancce S. Marcellini ab Isidoro Mercatore de industria fuisse confictam, veluti censuit Christianus Lupus. Quandoquidem qui longe ante Isidorum egere, libri Pontificalis Auctor, Auctor vitæ ipsius Marcellini apud Papebrochium, atque Petilianus Donatista apud S. Augustinum hunc

hunc Marcellini lapsum velut indubium jam exhibuerant. Neque magis ad veri speciem accedit Sinuesanæ Synodi Acta a Donatistis fuisse dolo procusa, uti generatim putant contrariæ opinionis patroni, speciatim vero Doctiss. Norisius in hist. Donatist. par. 1. cap. 7., & Misorius in disputat. Critic. in Epistol. SS. Cypriani, & Firmiliani pag. 226. Nam Donatistæ S. Marcellinam non modo thuris Idolis oblatis, sed & traditionis Sacrorum Codicum reum agebant, ejusdemque reatus participes ipsius Presbyteros traducebant, S. Augustino teste, SS. Marcellum, Melchiadem, & Silvestrum, quorum de crimine tamen his in Actis ne vestigium quidem adpatet. Quin de S. Silvestro passim, in quem alioqui Donatistæ infano fetebantur odio, honorificus incidit sermo. Atque de Apostolica vicissim Sede ea prædicantur elogia, tanquam de ea, quæ principi in Ecclesia dignitatis, potestatisque loco collocata, quo expers a quocumque, Divino inferiori, iudicio eat: quæ cadere in homines certe nequibant, qui sacratissimæ ejusdem Sedis auctoritati cum præ actu subducere se se, tum subsannare præ nequitia non desisteabant. Pleraque demum effata, quæ his in Marcellini gestis efferuntur, cum gestis S. Sixto III. perperam adscriptis ita consentiunt, ut nihil unum sit uni tam par, atque simile, neque ovum ovo, quam sunt inter se ista paria, & similia, adeoque dubitare non subeat, quin utraque ex eadem figlina prodierint, atque uno, eodemque torno fuerint fabricata. Jam vero, siquidem longe post habitam Collationem Carthaginensem, habitam nempe an. 411, sive inseq., ut ex S. Augustini serm. 11. arguit Sirmondus, Pontificatum inijt S. Sixtus III, quem nempe an. 432. non ante conscendit, a Donatistis proinde Marcellini gesta Carthaginensem ante Collationem procusa non fuisse sit evidens. Quo de argumento fute Coutantius in præfat. par. 2. §. 4. pag. 84, & seq., Ballerinii tom. 4. Oper. Norisii in additam. ad hist. Donat. par. 1. cap. 7., & Sbaralea de Germana SS. Cypriani, & Firmiliani de hæret. Bapt. opinione dissert. 3. par. 1. n. 15. Neque vero id officit, quod S. Augustino ignotum fuerit hoc Marcellini facinus, atque Petiliano Marcellini parem Marcelli, Melchiadis, & Silvestri lapsum obtrudenti fidem adhibere, ob idonei testimonii defectum, noluerit, sed magis reponendum duxe-

duxerit utrumque fuisse de industria confictum, id comprobans ex præcedentium Donatistarum silentio, quibus si tantum facinus compertum fuisset, fuisset vero, si verum, in medium certissime producere, quod tanti nempe ipsorum intererat, cordi maximopere fuisset. Cedo enim, si S. Augustini peregrinabantur aures Marcellini Acta, in pervagato versabantur sermone apud Romanos Scriptores, qui in Urbe ipsa degentes, ubi cuncta certe exploratissima erant, Actis eisdem fidem adhibere deinde suam non dubitarunt. Atque pleraque quidem multa præsertim historica S. Augustino, aliisque Africanis perspecta non fuere: cujusmodi fuit celebre alioquin Eusebii Chronicon, adeo tandem Alypius, teste eodem S. Augustino in epist. 35, a S. Paulino Nolano illud impetrare promeruerit. Ere vero Donatistarum non erat S. Marcellini lapsum commemorare, bene vero S. Melchiadis, cujus iudicium elevare, & elidere ipsorum maximi intererat: proinde quamvis Marcellini facinus non in palam fecerint, postea tamen faciendi Petiliano in mentem venit, ut ex S. Marcellini lapsu nempe anam arriperet conjiciendi, confingendique similiter lapsos SS. Marcellum, Melchiadem, atque Silvestrum Marcellini Presbyteros. Cujusmodi commentum ut convelleret S. Augustinus, apposite reposuit S. Melchiadis lapsum fuisse confictum, neque ab ullo præcedentium Donatistarum præmemoratum. Quo ex responso ad S. Melchiadem restricto haud obscure colligitur, velut adversit Papebrochius in Append. ad diem 23. April. cap. 3, revera S. Marcellini lapsum Donatistis compertum locum dedisse similem lapsum S. Melchiadi affingendi.

Nec est etiam, cur objiciatur abs veri specie abhorre, quod ea tam sæva persecutionis obtinente procella, cogi in Concilium 300, aut 180. potuerint Episcopi, multoque minus verum, quod Concilium istud coactum in Crypta Cleopatrensi Sinuesanæ Civitatis fuerit: siquidem nullum apud Veteres vel hujus Civitatis, vel hujusce Cryptæ vestigium extet. Nam, ut argumentabatur Baronius, mirari non subit, quod a Clero Romano juxta morem Encyclicis admoniti undique Episcopi de tanto facinore, quo Ecclesia, Capite concusso, Universa summo in discrimine collocata videbatur, metu omni postposito, turmatim præsto

præsto accederent, communi causæ communi consultatione remedium allaturi. Eo vel maxime, quod Episcopi persecutione undique pulsi majorem numerum Romam confluere consueverint, tum ut Romæ Ecclesiæ subsidiis alerentur, tum ut Romæ Ethnicis incogniti rutilius, & securius exigerent. Et si vero memoria non extaret Sinuessanæ Civitatis, quam tamen Sueffam esse, nunc vulgo Sessam, in Campania existimat Ciacconius, non secus atque complurium aliarum, Cleopatrensisque Cryptæ, non id sane mirum esset, quum scitum, notumque sit cum ingentibus terræmotibus, tum hostium incurfibus Urbes amplissimas solo non modo æquatas, sed terra ipsa aliquando fuisse absorptas; alias quoque nomen suum mutasse. Sed enim Sinuessæ haud infrequens apud Scriptores mentio offenditur, tanquam Oppidi in Latio constituti, velut apud Livium lib. 10, Plinium lib. 3, Horatium lib. 1. ep. 5, Ovidium lib. 15. Metam., Martialem lib. 6. ep. 42, & lib. 13. ep. 108, Strabonem lib. 5., Silium lib. 8. v. 529, Scriptorem Actor. SS. Casti, & Secundini apud Sollerium tom. 1. Julii pag. 19, Ughellum tom. 10, & Baronium in Martyr. Rom. ad diem 1. Julii. Atque in Cryptis certe Sacra conficere, & celebrare veteribus Christianis solemne erat: atque ex Actis S. Sebastiani liquet Diocletianæ persecutione deserviente, Tyrannorum, tormentorumque feritatis declinandæ, fugiendæque, gratia, Christianos ingentem numerum, juxta S. Caji Papæ consilium, una cum Polycarpo Presbytero in Villam Chromatii ad litus Campanum positam se recepisse, in eademque Regione ad delitescendum amplos excavatos fuisse recessus. Igitur ibidem Concilium istud Episcoporum 300, vel 180. fortasse coactum fuisse conjicit Binius. Sed & vir Summus Blanchinius in Not. hist. ad Anastasium Bibl. tom. 2. Sect. 30. pag. 258, & seq. ex periocha altera, quæ non legitur in Actis Synodi Sinuessanæ, neque in gestis S. Marcellini, bene vero in libro Pontificali, & in secundo Catalogo ad ætatem S. Felicis IV, ac Justiniani Imp. facile pertingente, animadvertit Cœtum hunc Episcoporum non in Crypta quidem Cleopatrensi, sed in Cœmeterio Priscillæ per amplo utique via Saaria habitum; quod Cœmeterium Ostiani etiam dictum a S. Petro, dum hospes ludentis ageret, ac Priscil-

le in ejusdem Agro suburbano , perinde ac Domi intra Urbem ad Exquilias , pro temporis opportunitate , pro Baptismo administrando fuerat olim designatum . Quo etiam loci Liberius a Constantio quaesitus ad necem , Paschali appetente festo , se recepisse legitur in ipsius Actis , collectoque Presbyterio consilia agitasse de Baptismo ibidem conferendo . Locum autem ita amplum in ea Crypta fuisse , confluentisque fidelium turbæ ita capacem ostendit Aringhius Rom. subterr. tom. 2. lib. 4. cap. 31 , ut in iisdem Liberii Actis quinque millia hominum uno in Paschate Baptismo abluta referantur . Eò igitur in æstu persecutionis confugisse S. Marcellinum putat vir doctiss. , ut ibidem Paschali instante solemnitate tuto Baptismum administrare posset , ibidemque congregato Presbyterio , sive etiam Concilio Episcoporum , communi ex sententia deliberasse de pœnitentia Lapsis impertienda , eaque functis ad Ecclesiæ communionem recipiendis . Quæ si vera sunt , stat profecto Sinuesanæ Synodi , sive Fesanae , velut habet Papebrochii Catalogus , sive in Cœmeterio Priscillæ , ut mavult Blanchinius , sive in Crypta Cleopatrensi , ut vulgo fertur , habitæ Actis sua auctoritas .

Verumtamen qui contra pugnant , atque tam S. Marcellini historiam figmentis deputant , quam Acta Sinuesanæ Synodi apocryphis adnumerant , suntque Baronius ipse in priori editione , ac postrema Lucensi ad an. 302. n. 88. & seqq. , Spondanus in Epitome ad eundem an. , Sudorius hist. Eccl. & Imper. ad ann. 303. , Perronius advers. Regem Angliæ cap. 47. , Theophylus Raynaudus tom. 10. lib. de Corona aurea veritate 30. , asserens a Belarmino in recognitione libri 4. de Rom. Pontif. cap. 8. priorem retractatam fuisse opinionem , Jo: Thomas Roccaberti de Rom. Pontif. lib. 2. Apolog. cap. 14. , Lupus tom. 5. in Synodos ad Can. 14. Synodi V. Rom. sub S. Gregorio VII. pag. 228. , Bailletus ad diem 26. April. , Natalis hist. Eccles. ad Sæculum III. dissert. 20. , Papebrochius in Conatu hist. Chron. ad Catalog. Rom. Pontif. dissert. 11. , alias 7. , Tillemontius tom. 5. Monum. in Not. ad persecutionem Dioclet. n. 31. pag. 613. , Norisius hist. Donatist. par. 1. cap. 7. tom. 4. Oper. pag. 128. , Aguirrius in defens. Cathedræ S. Petri tract. 2. disput. 28. sect. 1. , Pagius uterque in Crit. ad

ad an. 302. n. 18, & seqq., ac 304. n. 12, atque in S. Marcellino, Coutantius in præfat. ad Epistolas Rom. Pontif. par. 2. §. 4. nu. 97. pag. 84, & seqq., in S. Marcellinum §. unic. pag. 309, & in monito præv. ad Acta pseudo Synodi Sinues. in Append. pag. 27, Auctor observat. Theolog., histor., Critic. ad historiam Eccles. Fleurii lib. 8. n. 47, Janningus in Apolog. pro Actis SS. pag. 12, Misorius in disput. Critic. pag. 226, Ballerini in addit. ad cit. locum Norisii, Gravesonius in hist. Eccl., DuMefnil doct., & discipl. Eccl. tom. 1. lib. 8. n. 15, pag. 223, Maffejus Observat. litter. tom. 5. art. 2. pag. 107, Muratorius in Annal. Ital., aliique, quibus utroque pollice subscribendum utique existimo, principio momenta, quibus adversæ opinionis defensores innituntur, tanti non pendere inquit, ut propterea in re tam gravi, in qua de Romani Pontificis agitur summa, assensum suum extorquere valeant. Enim vero libri Pontificalis æquidem suam loci auctoritatem volunt: at perinde librum esse non eodem integrum tempore concinnatum, sed potius opus sæculo qua IV, qua VI, qua VIII. elaboratum, ut animadvertunt Schelestratus ipse in Antiq. illust. disert. de antiq. Rom. Pontif. Catalogis Anastasii tom. 2. pag. XXVI, & seqq., & Blanchinius in Append. ad hanc disert., subjunctaque pari de argumento disert. altera pag. LXIII, quo in Opere passim errata adeo perfecta sunt, ut qui cunctis patrocinari vellet, se frugi cuilibet irridendum profecto propinaret. Erratorum specimina exhibent passim variantes Editiones Codicum per sæcula septem varie descriptorum, offenduntque speciatim in Damaso, in Sixto III, in Vigilio, in Pelagio I, &c. atque quidem apertissima Baronius, & Pagius, atque frequenter ubique Papebrochius. Fœda porro ex hac Pontificalis libri lacuna, aut ex Actis Sinuesanæ Synodi non magis sinceris descriptam absque delectu historiam hancce non mirum decessisse plerosque, atque in errorem duxisse, Luitprandum quidem, si ve Germanum potius Scriptorem, quem ex Anastasio vitas Pontificum usque ad Formosum, cum eodem Bibliothecario per Abbonem Floriacensem excerpto editas a Jo: Busæ Mogunt. 1602, excerptisse observarunt Vossius, Fabricius, & alii. Cum quo, ac Hincmaro, & Petro Damiano pariter deceptos SS. Nicolaum I,

& Gregorium VII. Pontifices MM., salva ipsis debita reverentia, dicere nihil prohibet, ut quos in puris, putisque factis historicis falli potuisse nemo negaverit. Et sane S. Nicolaus I. in eadem ipsa Epistola tum Constituti a S. Silvestro Romana in Synodo editi, tum Synodi cujuspiam sub S. Sixto III. in causa Polycronii Hierosolym. Episcopi habitæ meminit, quæ duo tamen monumenta ex figlinis prodiisse demonstrant Baronius ad an. 324. n. 124. & 433. n. 38, Schelestratus Antiq. illust. par. 2. dissert. 3. cap. 8, Pagi adcit. an. n. 17, & seq., ac n. 19, & Coutantius in Append. ad epist. Rom. Pontif. pag. 38, & 111.

Neque vero Breviarii Romani omni ex parte, qua facta pura historica respicit, suo permanere loco posse auctoritatem jamdudum ab emunctioris naris Criticis observatum est. Atque quidem principio Breviario præ ceteris Romano, cui utpote componendo impense allaborasse S. Damasum refert S. Gregorius M. lib. 7. cap. 29, & lib. 7. epist. 64, S. Cælestinum palam sit ex epist. ad Gall. Episcopos, S. Leonem M. arguitur ex serm. 3. in die Epiph., S. Hormisdam legimus in libro Pontif., S. Gregorium M. testatur Johannes Diaconus, S. Gregorium II. habetur in ejus Capitul., & S. Gregorium III. auctor est Anastasius Bibl., ex ipsis proinde Rom. Pontificibus summam adcessisse venerationem, præstantiam, auctoritatemque non dubium est, tantamque utique, ut Pipinus, & Carolus M., velut observat Grancolas Comment. hist. in Rom. Breviar. cap. 4, veteri Gallicano abolito, Romanum in Gallias introduci curaverint, qua de re fuso Duchesnius hist. Franc. tom. 2. pag. 204, Echardus rer. Franc. tom. 1. pag. 307, Mabillonius de Liturg. Gallic. in præf. n. 2, & Thomassinus vet., & nov. Discipl. par. 1. lib. 2. cap. 80. n. 3, Capitulare Caroli M. lib. 1. cap. 80, Capit. Aquisgr. an. 789. cap. 8, & Monachus SanGallensis lib. 1. cap. 10: ut Hadrianus I. illud missum ad Carolum M. ubique in Imperio, Germania, & Gallia diligenter observari præceperit apud Duchesnium tom. 2. pag. 75, & tom. 3. pag. 798; & Carolus Calvus cum Latinis, Græcisque, idest Ecclesiarum Hierosolymitanæ, & Constantinopolitanæ, Mediolanensis, & Toletanæ Breviariis diligenter collatum Romanum illis longe istud præstare cognoverit, ac prætulit in Epist. ad Cle-

Clerum Ravennatem; atque præferendum utique plurimo nomine affirmare non dubitarit Valafridus Strabo de reb. Eccles. cap. 25: ut in Concilio Vasensi II. an. 529, in Capitulari ann. 806, præsertim vero post reformationem Breviarii factam a S. Pio V. in Conciliis Rotomagensi an. 1581, Remensi 1583, Burdigalensi eodem an., & Aquis 1585. apud Harduinum tom. 10. pag. 2215, 1279, 1338, & 1530. in Romanum Breviarium Ecclesiæ Gallicana universim ultrocitroque conspiraverit. Religionem eandem in Hispaniam induxit Vigilius Profuturo Bracarenſi Episcopo Romanæ Ecclesiæ ritum in Officio recitando statuens; quem deinde recipere proprii muneris partes duxit Concilium Bracarenſe II. an. 563. Can. 4; cui conformiter a Concilio Toletano IV. an. 633. Cap. 2. Romanæ Ecclesiæ psallendi Ritus unus, eundemque ubique esse oportere sancitum est. S. Gregorius VII. quoque, sicut fit manifestum ex ipsius epist. 63, & 64. lib. 1. ad Sancium Aragoniæ, & Alphonsum Castellæ Reges, & ad Simeonem Episcopum lib. 3. epist. 18, veteri Mozarabico abjecto Romanum ut sufficeretur, effecit. In Angliam quoque S. Augustinum ablegans S. Gregorius M. lib. 12. epist. 31, & apud V. Bedam lib. 1. cap. 27. Romanum Breviarium eodem perferri iussit: cujus deinde Ritus urſit magis, magisque S. Agatho, teste V. Beda lib. 4. cap. 18, atque retinentissimum se præstitit Concilium Cloveshoviense II. an. 747. Cap. 15. In Sicilia Græcus olim Ritus ad sæculum VIII. usque viguit, post deinde, a tempore scilicet, quo e Sicilia Roberti Ducis, & Rogerii Comitſ bellica virtute pulſi undique Saraceni sunt, Gallicanus a Gallis eorum ibidem potentibus inductus est, indeque Ritus Gallo-Siculus obrinuit, donec is Pontificum opera ad pristinum Romanum ab Ecclesia pridem receptum est redintegratus, qua de re Papebrochius in vita S. Agrippinæ Virg., & Martyr. ad diem 23. Junii to. 4. §. 2. n. 12, Johannes de Johanne in tract. de Divinis Siculorum Officiis, & Benedictus XIV. P. M. in Epistola ad Archiep. Messan. super Cultu S. Lucæ Casalis Bullar. tom. 2. pag. 238. §. 1. 1. Ad hæc Haito Baſileenſ. in suis Statutis an. 824. Presbyteris suis Breviarii Rom. recitationem Can. 24. indixit, & commendavit. Lupus quoque Ferrariensis Abbas Monachos suos de Breviarii Rom. Ritu imbuere sollici-

licitum se dedit epist. 103. A S. Frumentio quin etiam Æthiopum Apostolo Sæculo IV. Romanis Mercatoribus in Æthiopiæ negotiationis exercendæ gratia proficiscentibus Ecclesias in Regione erigendi, Romanumque juxta Ritus Officia celebrandi facultatem ultro factam refert Rufinus lib. 10. cap. 9. Atque utique ab Apostolicis viris propagatum Evangelium Romanis a Pontificibus in Orbem Universum missis, Romanum ubique gentium Officium cum Religione inductum testata, indubiaque res omnino est, quam pluribus illustrare non juvat.

Quæ nihilominus Breviarii Romani iustissima elogia haud offecere, quin istud reformatum fuerit sæpe, reformationeque etiamnum indigeat. Nam ea prætermissa, quæ Minoritarum, ope, Haymone Generali Ministro vehementer id operis urgente, promoventque, sub Gregorio IX, & Nicolao III, quibus accepta evasit, peracta est, de qua fusc Radulphus Tongrensis de Canon. observat. prop. 22, Nicolaus de Clemangis lib. de corrupto Eccl. statu, quibus dumviris satis ea probata non ivit, Wadingus ad an. 1244, Thomassinus par. 1. lib. 2. cap. 84. n. 12, Card. Bona de Divina Psalm. cap. 18. §. 20, Dominicus Macri in Hierolex. V. *Breviarium*, Sarnellus tom. 6. epist. 40, & Grancolas cap. 5: prætermissa quoque ea, quam sub Clementis VII, & Pauli III. auspiciis Card. Franciscus Quignonius suscepit, cui postea igne, & aqua S. Pius V. interdixit, a Sæculo IX, ac deinceps a viris Doctoris Breviarii Romani correctionem effluctim desideratam fuisse, votisque sollicitatam, atque a Pontificibus summis plus vice simplici impense procuratam ignorabit nemo. Hanc sibi sumpsit Agobardus Lugd. lib. de Corre&ct. Antiphon., necessariamque ostendit in lib. 1. de Psalm. contra Amalarium, qui eidem Corre&ctiioni pariter insudavit, plurimamque in eam contulit operam in opuscul. de Corre&ct. De ineptis, mendaciorumque imo refertis Poematiis, historiisque in Officium intrusis acerbè queritur V. Petrus Clun. epist. 30; & S. Bernardus in epist. ad Guidonem Monti-Ramensem Abbat. sollicitus agit de instituendo Virorum delectu ad Breviarii reformationem elaborandam. Sæculo XV. vel a Sæcularibus Potestatibus Breviarii reformatio petita est, vehementerque promota veluti constat ex Reformationis Articulo 12. ab Imperatoris Legatis

gatis proposito. In Commentario Card. Lotharingio e Gallia, discessuro ad Concilium Tridentinum an. 1562. dato, Regis, omniumque Regni Ordinum nomine, specialis demandata eidem legitur sparta rogandi, urgendique Divinii Officii correctionem. In propositione a Carolo V. Augustæ Vindelic. an. 1548. exhibitâ sancitum habetur, ut a Breviario apocryphis refecatis, eidem emendando, & ad formam precum ab antiquis Ecclesiæ Patribus traditam redigendo Viri docti, ac pii admoverentur. In Concilio Tridentino Ilerdensis Episcopus oratione habita quanti interesset Breviarii, Ritualisque emendatio, majore, qua potuit, animi contentione, multisque persuadere conatus est. Sed & eidem Concilio acriter idem animo inerat votum, cui explendo impar totam Romanum in Pontificem transtulit provinciam, & curam; Ejusdem rei gratia Decreto quoque solemnî Breviaria, & Missalia ut emendarentur, sollicita sanxere Concilia Senonense ann. 1528, Colonienſe an. 1536, Rotomagenſe 1581, & Remense 1583. Qua certe proinde cura indutus Paulus IV. emendationem perficere aggressus, ad exitum perducere, ut optaverat, inque destinatis habuerat, morte præventus, nequivit, veluti fuisse in ipsius vita denarrat Antonius Caracciolus lib. 4. cap. 16. Revocato a Pio IV. Tridentino Concilio missa ad illud sunt, quæ Pauli IV. opera ad Breviarii emendationem parata jam fuerant: sed Concilii instante conclusione, integrum rei negotium ad Romani Pontificis iterum partes remissum est, ut habetur Scſſ. 25. de Reformatione. tit. de Indice Libr., Cathecismo, & Missali Itaque a Pio IV. idoneis viris impeditissima provincia imposita ista est, quam, illo mortalitatem expleto, in se perinde suscipiens S. Pius V. absolvere studuit Const. 64. Bullar. tom. 2. Non ita tamen numeris eandem perficere omnibus contigit, quin diligentiorē adhuc in Breviarii reformationem operam conferendi Viris piis doctisque auctores se dederint Sixtus V, Clemens VIII. Const. 86. Bull. tom. 3, & Urbanus VIII. in Const. Breviario ipsi præfixa, de quibus Gavantus in Comment. ad Rubr. Brev. scſt. 2. cap. 3.

Tantam nihilominus, tamque diligentem post operam desiderari adhuc medicam, peritioremque, si fieri possit, manum, atque lima quidem, spongiaque indigere plerasque Breviarii secundas

cundas Lectiones fateretur Gavantus sect. 5. cap. 12, aliique apud Honoratum a S. Maria in Animad. ad Regul., & Uf. Crit. tom. 2. lib. 1. dissert. 2. §. 3, quamvis horum plerisque intemperantioris Critices non adeo faciles accommodandæ aures. Atque signatim utique pleraque facta historica in Breviario legi, de quorum fide dubitare valdequam liceat, observare non desinunt Viri docti: quorum breve hinc inde excerptum ecce tibi specimen. Ita namque S. Gelasius in Decreto de Libr. universim denuntiabat Gesta SS. Martyrum (quod ipsum de Vitis SS. Confessorum accipe) Romana in Ecclesia, ob idonei testimonii defectum, legi olim non consuevisse. Ita de Symbolo Athanasiano *Quicumque*, deque Cantico *Te Deum* SS. Ambrosio, & Augustino adscripto, quod potius Sisebuto Monacho ex veteri Cassinensi Breviario, & Codice Ms. Vaticano a Card. Bona recensito vindicant apud Montfauconium in Bibl. Mss. pag. 219. viri Eruditi valdequam dubitant. Calmetius in Comment. Evang. dissert. in tres Marias unam dumtaxat, quæ variis erga Christum D. officiis defuncta fuerit, impune defendit. De S. Veronica, an unquam in rerum natura extiterit, litem movent docti, peritque Viri apud Natalem hist. Eccl. tom. 3. art. 53 & S. Carolo Borromæo certe de eadem Missam e Missali expungere licuit, velut e Martyrologio ejusdem nomen Baronius sustulit. Die 19. Septemb. Ecclesia utitur Lectionibus ex Comment. S. Hilarii in Cap. 15. S. Matth., ubi Nicolaum ex septem Diaconibus unum falsis Prophetis adnumerat, sicut & S. Epiphanius hæret. 25, de quo tamen contrarium sentiunt S. Ignatius Martyr. in epist. ad Trall., & ad Philadelph., Clemens Alex. lib. 3. Strom., Eusebius lib. 3. cap. 29, Theodoretus hæret. fabul. lib. 3, S. Victorius Petabionensis in Comment. ad Apocalypsim, & Baronius ad an. 68. n. 10, ubi & Hippolytum de 72. Discip., & Dorotheum in Synop. producit. Breviaria Hispanica figmentis multis ex Lucio Dextero, sive Higuera, Tamajo, & Argazio confarcinatis inspersa affirmare non dubitavit Papebrochius in respons. ad exhibit. error. art. 17. §. 1 De Translatione Romam corporis S. Bartholomæi litem intendere non dubitarunt Auctor dissert. edit. Benev. an. 1695, & Card. Ussinus, deinde Benedictus XIII. in dissert. de Reliq. S. Bartholomæi edit. Rom.

1724. S. Jacobi professionem Hispanicam oppugnare non extimere Baronius ad an. 816. n. 51, & Natalis hist. Eccl. ad Sæcul. I. dissert. 15. De Romanæ pariter Corporis S. Stephani translationis die 3. Aug. veritate justam dubitationem induit Papebrochius in resp. ad exhib. error. art. 9. §. 3. S. Dionysii Arcop. Parisiensem Episcopatum, adventumque in Gallias inficiari non destiterunt Nicolaus Faber apud Honoratum a S. Maria in Animad. ad Regul. Crit. tom. 1. dissert. 6. pag. 198, Sirmondus Concil. Gall. tom. 1., Oper. tom. 4. pag. 354, Launojus de duobus Dionysiis, Morinus de Sacr. Ordinat. par. 2. cap. 2, DuBoisius in hist. Eccl. Parit. lib. 4. capp. 5, & 6, Tillemontius Monum. tom. 4. pag. 439, Dupinius, Pagus Junior in dissert. de S. Dionysio, aliisque. De SS. Marthæ, & Magdalene in Provinciam appulsa contra disputant Launojus dissert. singul., & Tillemontius tom. 2, ut de Basnagio ad an. 35. n. 25. & seqq. fileam, de quibus etiam Janningus in Apolog. pro Actis SS. pag. 12. S. Clementis Papæ & Martyr Romanam translationem sub S. Nicolao I. in dubium revocat Philippus Rondininus in Opere de S. Clemente, ejusque Basilica edit. Rom. 1706. Scitum est quanta judicii constantia Constantini M. Baptismo Romæ a S. Silvestro recepto repugnent Natalis Alex. tom. 4. dissert. 23, Dupinius, Maurini Monachi ad S. Ambrosium tom. 2. pag. 1209, Papebrochius tom. 5. Maji ad diem 21. pag. 14, & in Conat. Chron. hist. dissert. 12, Janningus in Apolog. pag. 16, Pagius ad an. 324. n. 5, & seqq., Lambecius Bibl. Vindob. tom. 5. in fin., Tillemontius hist. Imper. tom. 4. pag. 422, & 631, Nicolius in confus. dissert. Michaelis Anastasii edit. Placent. 1733, & Hyacinthus Segusa in dissert. de Bapt. Const; ut nihil dicam de Protestantibus Sculteto, Basnagio, Gualthero, Schmidio, Tentzelio, Dalhuvo, & Vogtio hist. litter. Constantini M. edit. Hamburg. 1720. Traditioni de S. Ursula, & undecim mille Virginibus propugnata a Petro de Natalibus lib. 9. cap. 87, a Baronio in Martyrolog. Rom. ad 21. Octob., a Crombachio in S. Ursula vindicata, & a Coulano doct. Sorbonico in Panegyrico edit. Paris. 1705. fidem derogare non verentur, præter Usserium Antiq. Eccl. Britan. pag. 323, & seq., Danhaverum homil. Academ. tom. 2. pag. 619, & Bebelium Antiq. Eccl. pag. 104, Alford

Pars II. Tom. V. M m m dus

mus in Annal. Anglic., & Pagius ad an. 383. n. 5, & seq. De Monachatu S. Gregorii M. disputat adversus Constantinum Monach. Cassin. Gallonius post Baronium ad an. 581. n. 9, & seq. S. Catherinæ Virg., & Martyr. historiam indubium vocat Hadrianus Valerius in posthumis pag. 48. De sinceritate Actorum S. Venantii Martyr. valdequam suspicantur Bollandiani in Annot. Crit. ad diem 18. Maji. Acta S. Orientii Ausciensis Episcopi a Tâmajo confarcinata ~~refutata~~ accusant Henschenius tom. 1. Maji, & Pinus tom. 2. Augusti in vita S. Laurentii pag. 503. Eodem in censu S. Barbari lectiones a Petro de Natalibus elaboratas habent Henschenius tom. 3. Maji pag. 286, & Papebrochius tom. 7. pag. 769. SS. trium Fratrum Leontinorum Acta suppositionis plurimo laborare morbo fatentur Octavius Cajetanus in vitis SS. Sicularum, & Papebrochius tom. 2. Maji pag. 503. De Lectionibus S. Liberatæ, & S. Epitacii suspicionem haud levem induit Nicolaus Antonius apud Cuperum tom. 5. ad diem 20. Julii. Die 30. April. ex Officio S. Catherinæ Senen. Urbani VIII. decreto 28. Sept. 1641. ablata periocha est de ejus progenie ex Familia Benincasia & Burgensi, de qua Echardus Bibl. Præd. tom. 2. pag. 833, & Bollandiani tom. 3. April. pag. 978. Similiter ex Lectionibus S. Brunonis expuncta historia, quæ ejusdem Conversioni occasionem præbuisse fertur. Mitto sexcenta horum similia, ne sim longior.

Itaque Breviarium Rom. maximæ quidem auctoritatis esse in iis, quæ ad Ecclesiasticum attinent cultum, Eruditi conveniunt, minoris tamen ponderis esse in privatis factis, Sanctorumque gestis agnoscunt; nec inde efficax peti argumentum, ubi præsertim antiquiora documenta, ac firmiora adversentur; nec ab Ecclesia ceu infallibilis veritatis haberi, Religionisque instar recipi juberi quæcumque facta historica Breviario inserta legit, atque ex hominum testimoniis ratione humana denarrantur. Observant enim puriores sæpe sæpius defecisse fontes, e quibus Sanctorum facta sincere delibarentur, exornarenturque facti; mutuari proinde debuisse a Monumentis, quæ præ ceteris veritati proximius accedere videbantur: neminem tamen esse, qui in humana historia hallucinatus non sit, atque in factis hominum persequendis non fuerit humani quidpiam passus. Eoque præsertim, quod a primis Ec-

Ecclesiæ sæculis, neque defuerint Christiani, qui fingere, ac mentiri pro Religione pium, licitumque haberent, veluti magna, hodieque neque injusta querela multorum est apud Possinum in epist. 3. ad Papebrochium, atque istum perinde in Con. Chron. hist. dissert. 12. n. 20. Ita Benedictus XIII. cit. dissert. de Reliq. S. Bartholomæi art. 7, Benedictus XIV. de Canon. SS. lib. 4. par. 2. cap. 13, sive Dissert. volum. 1. dissert. 30, Baronius ad an. 302. n. 104, Melchior Canus de Loc. Theolog. lib. 11. cap. 5, Gavantius loc. cit., Petrus de Marca de Concord. lib. 1. cap. 11. §. 4, Roccaberti de Rom. Pontif. lib. 2. cap. 14, Card. Lauræam, aliosque allegans, Guido Grandus in dissert. Camald. 3. cap. 8., Calmetius loc. indic., Didacus del Corro in dissert. Theolog. Critic. de vi argumenti ex Brev. Rom. petiti edit. Hispal. 1739, Natalis cit. dissert. 20, Papebrochius in resp. ad exhibit. error. art. 2. §. 6, & art. 17. §. 1, ac seqq., Janningus in cit. Apolog., Stillingius tom. 5. Augusti pag. 99, Echardus Bibl. Præd. tom. 2. pag. 8349. Maffejus Observat. litter. tom. 5. pag. 107, & tom. 6. pag. 196, Antonius Xaramilius in Apologia pro veritate cap. 7, Auctor Germanus Apologiæ pro Hagiographis Antwerp. in resp. ad epist. 3. Anonymi Suppl. Bolland. pag. 924, & seqq., Aloysius Lopez in epist. ad Petrum Joseph de Mesa ibidem pag. 940. n. 48, & seqq., alique. Quod argumenti genus fufius ideo persequutus sum, quod sæpius illud produci in scenam contingat, atque profligari semel, absolviq; propterea operæ fuerat pretium.

Quod nunc ad Actorum Synodi Sinuessanæ antiquitatem jactatam attinet, eam vel uno everti momento ab Actis eisdem mutuato observant nostræ defensores sententiæ. Videlicet in Actis ipsis referuntur 72. Testes adducti, eorumque numerus exprimitur symbolo Libræ Occidux constantis 72. solidis, sic dictæ Occidux ad discrimen Libræ Orientalis constantis solidis 84. Jam vero, quum non ante Constantini M. non modo, sed nec ante Valentiniani tempora apud Antiquiores reperire sit differentiam Libram Orientalem inter, & Occidentalem, atque ii primi Libram partiti fuerint, posuerintque discrimen 12. Libram inter utramque, paret exinde, ac plane intelligete pronum est Acta Sinuessanæ Synodi, nonnisi post latas, promulgatasque hac de re Le-

ges fuisse conscripta, seu verius confecta. Nempe Constantinus M. eodem ipso anno 325, quo habita Nicæna Synodus est, L. 1. Cod. Theod. *De Ponderatoribus* ad Euphrasium, unde desumpta est L. 1. Cod. Justin. eodem tit., statam 84. solidorum, seu aureorum Libram primus effecit, qui singuli quatuor scripulorum essent, ac proinde solidi septem (non sex dumtaxat, veluti haud recte scripserunt Pancirolus lib. *Variar.* cap. 66, & Savotus de re Nummar. par. 3. cap. 17.) quatuor scripulorum in singulas uncias taxarentur. Quod etiam videre licet in Nummis ejusdem Constantini, quorum seni, & semis hodiernam unciam æquant, quum olim quaterni in unciam signarentur, velut observavit Budæus. Id autem factum a Constantino arguere licet ad exemplum argenteæ Libræ Romanæ, quam 84. argenteorum constasse eruitur ex Plinio lib. 33. cap. 9, & Celso in epist. ad Natalem, & lib. 5. cap. 17. Sed & apud Romanos Nummum argenteum quatuor scripulorum fuisse liquet ex Varrone lib. 3. *Annal.* apud Carisium. Augescente vero post Constantini ætatem in dies magis, magisque auri pretio, Valentinianus Senior an. 367. Remis agens in Gallia L. 13. Cod. Theod. *De Susceptoribus* ad Julianum Annonæ Præfectum, relata postea in L. *Quotiescumque* 25. Cod. Justin. eodem tit., non aureorum quidem pondere imminuto, sed extrinseca dumtaxat aureæ Monetæ facta mutatione, ejusque æstimatione aucta, solidos 72. in Libram auri, & sic sex in unciam, acceptos ferri voluit, atque sic imminuto solidorum numero 12. Libra ipsa fuit imminuta, quin tamen ex ipsius potestate, valoreque quidpiam fuerit detractum. Libra ita a Valentiniano 72. solidis definita dicta est Occidua, ad differentiam Libræ a Constantino olim in solidis 84. designatæ, quæ Orientalis denominata est, velut ostendit Gothofredus in dissert. de Mutatione, & augmento Monetæ aureæ Oper. Jurid. pag. 503, non vero eo sensu dicta est, quo perperam existimarunt Cujacius lib. 17. *Observat.* cap. 9, & Scaliger in postumo de re Nummar. pag. 65, idest quod Libra in Occidente obtinens minoris 12. valoris esset ab ea, quæ usu in Oriente veniebat, quum alioqui Libram auri Romæ majorem fuisse hand obscure indicat Symmachus lib. 10. epist. 26. Eadem postea Valentiniani Lex Honorio Imper. accepta, proba-

raque

taque evasit, uti patet ex L. unic. *De Oblatione votorum* Cod. cum Theod., tum Justin., atque ad hanc quinimo Honorii posteriorem Legem respexisse Scriptorem Actorum Synodi Sinuessanæ ex utriusque loci collatione ostendit Gothofredus, ubi Honorius sic habet : *Quando votis communibus felix annus aperitur, in una Libra auri solidi 72. sbriziaci Principibus offerendi devotionem, animo libenti suscipimus.* Scriptor ille vero de Testibus 72. in Synodum Sinuessanam adductis sic loquitur : *Quoniam in 72. Libra Occidua in reparationem surgit annus : idest annus reparatur, sive novus aperitur in 72. solidorum Libræ collatione.* Igitur post Honorii ætatem consarcinata Synodi Sinuessanæ Acta fuisse hinc liquido adparet, atque centum ad minus post annis a S. Marcellini obitu, quo temporis intervallo fama cundo, ac redeundo incrementum, & decrementum facile potuit.

Sed & sunt alia, neque minus solida momenta, quibus Sinuessanæ Synodi Acta suppositionis, ac falsitatis arguantur, fabulæ nempe, ac figmenta, quibus undique exundant. In iis enim fertur Marcellinus a Diocletiano in Templum Vestæ, & Iſidis introductus, non tamen Diis illis, sed Herculi, Jovi, Saturno, sive Patulino fecisse Sacrum : quod ab veri similitudine abhorret, quum secundum diversa Numina distincta Romanis solereut esse Tempia, diversusque in eisdem Cultus ; nec eadem vota eidem Numini, multoque minus eodem in Templo nuncupare Numini diverso Romanis solemne esset. In eisdem Actis enarratur Christianos ingentem multitudinem ad Templum confluisse, ut de rumore facinoris a Pontifice patrati certiores fierent, reapseque inspexisse illum thus Idolis adolentem, factique postmodum testes fuisse. At non facile quis sibi persuaserit Christianifideles in Cryptis sub id temporis tam caute delitescentes, catervatim in publicum profiliisse, quodque pejus est, ad Templum profectos, illud ingressos Sacrificiis, & Thurificationi sacrilegæ adstitisse, quum Tertulliano teste lib. de Spectac. cap. 13, Christianis vetitum, cautumque fuerit summopere Gentilium ad Tempia accedere, eorum Spectaculis adesse, atque Gentilitiæ superstitionis ritus spectare. Quid quod referuntur 72. Testes adducti sacrilegæ thurificationis Marcellinum convincendi causa, quorum primus, qui pro-

profertur, nota tam infima, qualis est notorius adulter, infligitur? Quum ejusmodi a testimonio dicendo arceant Leges cum Civiles, tum Ecclesiasticæ, Anianus Cod. Theodof. Interpres in L. 12. tit. 1. lib. 9, & in L. 19; S. Augustinus in Psal. 36. cnar. 2. n. 22, & in Cod. Can. Eccl. Afric. Can. 8, 19, 129, & 131. ex Conciliis Carthaginensibus III. cap. 7, & VII. Can. 2, & 4. apud Harduinum tom. 1. pag. 870, 875, & 938. Quando etiam a Synodo ipsa integrum causæ judicium unum penes ipsum Pontificem fuit permisum, velut illum, in quem nulli prorsus hominum, vel in propria causa, sit potestas. Ad hæc Marcellinus, qui spectante multitudine in Templo thus adolevisse dicitur, dicitur tamen obstinate id facinus fuisse inficiatus. Adeo ne igitur perissee ipsi frontem putandum erit, ut flagitium tanta coram Populi multitudine patratum negare præfractæ non fuerit veritus? Qua vero specie veri fertur ibidem Pontifex in Templo adstitisse purpura indutus, ea nempe tempestate, qua Apostolica simplicitas tam in visu, quam in vestitu maxime vigeat? Quorsum etiam Marcellini damnatio fertur ad Diocletianum perlata eo tempore, quo expeditionem adversus Persas comparaverat: quum tamen eo ipso anno Imperii nempe sui 20. Imperio se abdicaverit, & ante biennium cum Maximiano Collega de Persis devictis Romæ triumphum egerit? Omnino autem falso refertur damnatus a Diocletiano: nam sub Maximiano passus Marcellinus est, Diocletiano nempe tum Nicomedie agente, teste Eusebio in Chrou. Quid præterea? Quo anno, quave die a Diocletiano Nicomedie, & a Maximiano Herculeo Mediolani purpura deposita fuerit, ideoque ipsis fuerint suffecti in Occidente Maximiano Constantius Chlorus, in Oriente Diocletiano Galerius Maximianus non convenit. Nam an. 305. kalendis Maji id factum putant Baluzius, Hervartus, & Pagius ad an. 304. n. 2, & seqq. ex Auctore Libri de mortibus Persecutorum cap. 17, Victore de Cæsaribus, Auctore Pannegyrici ad Maximianum, & Constantinum an. 307, & ex Fastis Theonis a Dodvvello editis. Contra an. 304, nec ante diem 11. Kal. Maji, uti visum Golzio, & Onuphrio, sed Kalend. Aptilis ab his duumviris abdicatum Imperium ex Eusebio lib. 1. vit. Constant. cap. 18, & lib. 8. hist. cap. 13, Zosimo lib. 2, Idacio in Fastis, Au.

Auctore Chron. Alex., S. Prospero in Chron., Fastis Vindobonensibus, & Bucherii laterculis pugnant Baronius ad an. 304. n. 1, & seqq., Schelestratius dissert. 2. cap. 8, & Blanchinius in Not. Chronolog. tom. 2. Anast. sect. 30. pag. 257. Indubium vero etsi videri possit S. Marcellinum passum an. 304, incerta tamen dies ipsius obitus manet. Nam die 16. Martii cum quidem consignat Schelestratius, & Blanchinius, non minus tamen probabiliter diei 26. Aprilis eundem illigant juxta Martyrologia V. Bedæ, Rabani, Notkeri, Adonis, & Ufuardi, nonnullisque Catalogis Baronius, & Labbæus, aut die 24. Octob., ut ex Catalogis Bucheriano, & Belgico arguunt Papebrochius, Pagius, & Coustantius.

Improbabilem præterea Sinuessanam hanc Synodum reddit ipse tam ingens Episcoporum numerus, qui usque ad 180, ut in Catalogis, aut quinimo ad 300, ut in Actis, ad eam confluisse feruntur. Synodo namque adfuisse Galliarum Episcopos vero absimillimum est, siquidem Gallias, ubi Constantius Chlorus Civilis rei summam tenebat, immunes ab hac Diocletianæ persecutione fuisse ex Lactantio de mortibus Persecut. cap. 15, Eusebio lib. 8. cap. 13, Eutropio initio lib. 10, & ex libello precum Constantino M. a Donatistis oblato apud S. Optatum lib. 1. probant, ut de Dodvvello dissert. 11. Cyprian. nihil dicam, Baluzius in Not. ad cap. 16. Lactantii, & Pagius ad an. 303. n. 7. Quorsum itaque Gallicani Episcopi persecutioni in Italia grassanti se se implicuissent? Nec interfuisse ex Africa, neque ex Hispania Afris confine, apud quos alte ignorata Synodus Sinuessana, ex mox dicendis planum fiet. Atqui ex sola Italia, tam sæva persecutionis tempestate vigente, tam ingentem Episcoporum numerum Synodi causa Romam accessisse, quantus nec etiam Sedium Episcopaliū numerus ipse ferebat, & quando vix paullo major sub maxima Ecclesiæ pace, totoque ex Orbe, atque totis viribus ipso Constantino Imper. admittente, Nicænum postea in Cætum confluit, a vero dissonum videtur, non secus atque quod præ loci angustia pro quaque vice Episcopi 50. dumtaxat interfuisse legantur, leganturque pro decisivo judicio demum 300. ibidem simul interfuisse. Quæri & illud potest, quis tot Episcopos vocarit, & quis

& quis vocatis præfuerit? Quæ vero, & quanta impostoris non fuit imperitia, doctorumque repugnantia, dum primo scribit Pontificem a Synodo fuisse damnatum, in ejusque damnationem fuisse subscriptum, postea vero subjungit Pontificis ipsius judicio propriam integre causam a Synodo fuisse permissam, nec id sibi ausam sumere, ut in Primam Sedem, in eaque sedentem Pontificem sententiam ferret. Gravius est illud, quod ex sequioris ætatis Synodorum eruitur silentio. Quæ enim fieri potuisset, ut si veritati Synodus ista inniteretur, ignota ea fuerit Synodis de causa haud multum hinc dispari habitis sub SS. Damaso, & Symmacho? Quorsum & Episcopi Italix in relat. ad Theodoricum Reg., & Ennodius Ticin. in Apolog. Romanum Pontificem Synodicæ nunquam subjacuisse ulli sententiæ, nulloque constare exemplo, quod Pontificis causæ ulla Synodus unquam se se immiscere voluerit?

Quid vero hac in re Eusebii, ac Theodoreti silentio eloquentius, dum ille lib. 7. hist. cap. 27. S. Marcellinum sæva persecutionis tempestate jactatum memorat utique, fractum vero, lapsumque ne leviter memorat; iste autem lib. 1. cap. 3. eundem magna potius in ista persecutione gloria fuisse nobilitatum refert, quod nempe persecutionis vim forti, dignoque Pontifice animo perculerit? At enim peremptorium hac in re S. Augustini disertum haberi testimonium quam potest, tam debet, isque unus instar omnium videri. Quum enim Petilianus acerrimus Donatistarum partiarius, infensissimusque Rom. Pontificum hostis S. Marcellinum una cum SS. Marcello, Melchiade, & Silvestro ipsius Presbyteris traditionis Sacrorum Codicum, & thurificationis crimine, eo nempe, quo arcessebatur Cæcilianus, arguendum suscepisset, S. Augustinus lib. de unico Baptif. cap. 16, & lib. 2. contra litt. Petiliani cap. 92, obreptatori inverecondo offendens negavit omnino id aliquando accidisse, idque idcirco, quod neque id a Petiliano documento ullo, idoneoque teste probaretur, quodque præcedentes Donatistæ, qui tot alioquin in Conciliis, & Collationibus nullum non moverant lapidem, ut unum Diaconum Cæcilianum criminis traditionis, ac thurificationis aspergerent, ea quoque ratione arguentes, quod a Felice Aprungitano hoc crimine asperso fuisset ordinatus, quemque a S. Melchiade absolu-

absolutum querebantur, pariter quo accusarent S. Melchiadem, eique negotium facessero, vel ex lapsu S. Marcellini, cujus ipse Clericus fuerat, non omisissent. Eo vel maxime, quod abdita quæque peruestigare, & quæ non offendissent, facta mentiri in rem suam non abstinere, S. Marcellini lapsum neque probaverint, neque prodiderint, velut auctor est etiam S. Augustinus in Breviculo Collationis cap. 18, ac in libro post Collationem elucubrato cap. 12. Ad hæc qua ratione, quæso, tam præfidenter id a Petiliano nulla probatione jactari affirmasset S. Augustinus, si vel extitissent ejus rei Acta, vel ipsa res pro constanti tunc habita fuisset? Aut si hæc gesta rerum vel Romæ fuissent, quomodo ea solus S. Augustinus ignorare potuisset, quæ in medio Urbis, coram Imperatore, in Templo Idolorum, Populi ingenti multitudine spectante facta essent, a tali præsertim, tantoque Viro, & a tanto, tamque numerofo Concilio Episcoporum condemnato? Unde recte S. Doctor agebat: *An vero, quod de foro Aptungitano factum fuerat, ab istis accusaretur? Id quod in Capitulo Romano factum fuerat, taceretur?* Quomodo, inquam, S. Augustinus ignorasset tam diligenter in rebus Donatistarum, versatus, atque ignorare potuissent tot Africani præterea Antistites? Anne ad Atricanos minime misit vel a Romano Clero Encyclicæ de Marcellini crimine, vel a Concilio Sinuessano Synodicæ de Marcellini condemnatione, & poenitentia commonescientes, quandoquidem in Africa tum Pontificis facinus, tum Concilium illud tam alte ignoratum est?

Tanti profecto apud me ponderis ista sunt, ut iis ultro, citroque me victum tradam, auctorque sim frugi cuilibet, ut manibus, pedibusque in eandem procudubio de figmenti hujusce falsitate sententiam descendat. Quamquam siqui hisce se se inflecti, frangique necdum permittat, æqui saltem, bonique facere non abneget veri admodum similem conjecturam, quam ex multorum hac in re Codicum collatione fecit Cl. Blanchinius in Not. hist. ad Anast. tom. 2. pag. 258, & seq. Nempe observat a Bibliothecario scd. 30. vers. 14. hanc, quæ in Actis neque Synodi Sinuessanæ, neque Martyrii S. Marcellini legitur, de S. Marcello Presbytero erga defuncti S. Marcellini Reliquias humanitatis,

religionisque officio defungente referri periocham : *Collegit, & sepeliivit via Salaria in Cœmeterio Priscillæ in Cubiculo claro, . . . quod ipse præparaverat pœnitens, dum traberetur ad occisionem, in Crypta &c.* Hinc igitur putat vir doctiss. factum, ut asserta, heic pœnitentia referretur postea in vexatis Aâis illis ad Pontificem ipsum, eique perinde affingeretur lapsus. Sed enim periocham istam, etsi luxatam, referendam fore existimat ad Pœnitentem, quibus in persecutione lapsis pœnitentiæ locus, ex disciplina sub S. Cornelio nuper constituta, Paschali instante festo, sicut olim a S. Petro Catechumenis, ab ipso Pontifice via Salaria, in Crypta, sive Cœmeterio Priscillæ, designatus fuerit, atque præparatus. Ut ut demum ista se habeant, sitque verus, an fictus S. Marcellini lapsus, veraque, an ficta Sinuessana Synodus, certissimum est tamen, & constantissimum S. Marcellinum a fide non defecisse, ideoque nullum inde præjudicium allatum fidei sinceritati, quæ Romanis in Pontificibus semper illibata permansit; illiusque lapsum fuisse fidei defectum in opere, non in dogmate, facinus circa confessionem externam, non circa fidem internam, errorem facti, non juris, vitium conversationis, non prædicationis: ideoque neque infidelis, neque hæreticus fuisse dicendus est, siquidem fides interior non deperdatur ob peccatum exteriori fidei professioni dumtaxat oppositum; quod peccatum si vere patravit, assatim postea sanguine profuso expiavit. Atque ita lividis illius obtrektoribus locus ademptus est omnis in illum obloquendi, oblatrandique. Sed de S. Marcelino jam multa.

Ad Liberium devenio, cujus lapsum adeo urgent, augent, & exaggerant, ex quoque infallibilitatis privilegio illum non modo, sed omnes universum Pontifices, quos æque ac illum inferunt nihil non humani propterea pati posse, spoliandos sibi temere sumunt Protestantes passim, de quibus paullo post, Maimburgus quoque in hist. Arian., & in tract. hist. de Eccles. Rom. statu, & prærog., Simon Vigorius de infallib. Pontif., Launojus, Dupinius, Bosuetius, aliique apud Tournellium tom. 2. de Eccl., quibus prævit Guillelmus Santamoræus apud Tillemontium Monum. hist. Eccl. tom. 6. not. 54. in Arianos loco tamen Liberii putans

tur.

curpi anachronismo cum majori parte Episcoporum S. Anastasium II. lapsum in hæresim. Difficultatis nodum magis quam dissolvunt, uno ictu obruncant nonnulli, Liberii lapsum vel in dubium revocantes, ut aliqui apud Abelly, vel absolute negantes, uti D. Corgne Sueffionensis Canonicus, & Illustriss. Cavalcantii. Sed num graviori ii difficultate se implicant, viderint ipsi. Non eam inire ego volo viam, quæ evadendæ difficultati excogitata magis, quam diluendæ videri potest; sed trita potius communi præse insistere. Quod ut recto ordine fiat, duo in hac re distinguenda sunt, quæ objici uno impetu solent, unumque ex altero deduci: Liberii lapsus, & Pontificatus Felicis II; ille vindicandus, iste conciliandus est: sed quam perfacile primum illud perficitur, tam perdifficile posterius istud præstat: conatum nostrum vestigiis doctiss. Virorum inhærentes exhibemus, ab ingeniis felicioribus meliora expectantes. Quod igitur ad primum attinet, res hoc modo circa Liberium breviter se habuit. Is diu inclytus constantia exitit, aliarumque complexione virtutum: invitus ad Pontificatus fastigium elevatus partes adimplere omnes satagit. Arianorum hostis insensus, quos in Sacrorum consortium irrepere tentantes invictus repulit: S. Athanasii defensor acerrimus, pro quo Vincentium Capuanum, Luciferum Calaritanum, Pancratium Presbyt., Hilarium Diacon., & S. Eusebium Vercellensem ad Constantium Imp. legavit, velut eloquuntur ipsius Epistolæ 3, & seqq. edit. Cout. Imperatoris tum munus, tum gratiæ, tum minarum spector magnanimus, qui allata Romam dona ab Eusebio Eunuchio, oblataque, causa eundem habendi in S. Athanasium affectu minus propensum, strenue rejecit, velut ostendit ejus responsum ad Eusebium apud S. Athanasium in hist. Arian. ad Monach. tom. 1. n. 37. Mediolanum accersitus a Constantio paruit quidem, eoque profectus est, at ipsius votis, quibus ad damnandum S. Athanasium sollicitabatur, facere satis omnino renuit; Imperatorique per vini S. Athanasii damnationem abse extorquere conanti magnanimitè respondit apud Theodoretum lib. 2. hist. Eccl. cap. 16: *Ego vero postulo, ut primum generalis præcurrat subscriptio, quæ fidem Nicææ expostam confirmet*: Eidemque Constantio graves exilii mi-

nas intentanti pari firmitate reposuit: *Fratribus, qui Romæ sunt, jam valedixi: potiores enim sunt Ecclesiastica leges, quam domicilium Romæ.* Quam ob rem Pontifex Imperatoris præcepto Berceam Thraciæ exeunte an. 355. pulsus in exsilium est: atque hactenus maclus virtute rem fidei egregie, fortiterque egit.

Biennio elapso a Liberii exsilio, Constantius Imp. Romanum profectus, Matronis Romanis rogantibus, ut eum ab exsilio redire juberet, suæque restitui Sedi, respondit, teste Theodoret. lib. 2. cap. 17, redditurum se eis hominem, modo is in eandem cum Episcopis suis sententiam concederet. Fertur itaque Liberius exsiliæ tædio, ærumnisque fractus, & confectus, impotentique desiderio loci recuperandi æstuans, vi etiam, & verberibus adactus, victusque in S. Athanasii damnationem concessisse, cum Arianis communionem se conjunxisse (in quibus duobus fidem expresse a Liberio haud fuisse violatam rite arguit Bellarminus lib. 4. de Rom. Pontif. cap. 9.) atque formulæ fidei ab Arianis, Sirmii adornatæ, (in quo rei caput, quæstionisque summa consistit) sibi que oblatae syngrapham adjecisse, manu tamen tantum, non etiam mente, idest quin animo probaret, quod atramento subscripserat, velut ex S. Athanasio in hist. Arian. n. 41. pag. 368. sit manifestum. Quo quidem præstito, fama est, pro fidei violatæ præmio, Sedem recepisse suam, ab eaque expulsum Felicem, a quo eadem tum temporis tenebatur. Loco restitutus Liberius animos reasumpsit, Arianorumque fraudibus antea labefactatus, ad frugem regressus pro fide strenue, fortiterque stetit; Arianae perfidiæ, cui Ariminenses Patres assensum præstiterant, intrepide adsentire decretauit, teste S. Damaso in epist. ad Illyricos apud Theodoretum lib. 2. cap. 22; Ariminensis Concilii Acta rescidit, magnæque animi fiducia, ac fortitudine Arianorum procaciæ, infelicissima illa, ac perditissima tempestate, restitit, teste S. Siricio in epist. 7. ad Himerium n. 2. edit. Cont. Pro bono Ecclesiæ generalia destinavit ad Provincias decreta, atque decreta in Synodis Alexandriæ an. 362, ac deinde in Achaja de Episcopis Arimini lapsis confirmavit. Orientales denique ad Apostolicæ Sedis communionem aspirantes ea dumtaxat lege admisit, ut Ario, ejusque doctrinæ, ut Ariminensi Synodo, fideique formulæ ibidem

dem recitatæ anathematis dicam conscriberent, atque vicissim, juxta præscriptam formulam a Nicænis Patribus fidei professionem emitterent, referentibus Socrate lib. 4. capp. 4, & 11, & Sozomeno lib. 6. cap. 7, eloquentibus vero ejusdem Liberii Epistolis 13, 14, & 15. edit. Cout. apud S. Hilarium, Socratem lib. 4. cap. 12, ac Sozomenum lib. 6. cap. 11. Ex quibus liquet duo de Liberio extra dubitationis aleam posita omnino esse 1. Ipsum ab initio Pontificatus usque ad exsilium, quod pro fidei Catholicæ defensione pertulit, hoc est ab an. 352. ad 355, fidei acerrimum fuisse propugnatorem, vindicemque se præstitisse: quod diserte testantur S. Athanasius in utraque Apolog., & in hist. Arian. ad Monachos, Rufinus lib. 10. hist. Eccl. cap. 22, Severus Sulpitius lib. 2. hist. sacr., Socrates lib. 2. cap. 29, Sozomenus lib. 4. cap. 10, Theodoretus lib. 2. capp. 16, & 17, Nicephorus lib. 9. cap. 35, & seqq., atque liquido exprimunt præcit. Liberii epistolæ. 2. Ipsum post reditum ab exsilio, idest ab an. 358. ad 366, pro fide Catholica invictissime pugnasse, insignique vitæ Sanctitate cum vixisse, tum obijisse conspicuum: quod confirmant loc. indic. Socrates, Sozomenus, Theodoretus, S. Ambrosius lib. 3. de Virgin. cap. 1, ubi videtis PP. Maurinos in Not. tom. 2. pag. 173, & seq., S. Basilii in epist. 74. ad Occid. Episcopos, S. Epiphanius hæc. 75. n. 7, & S. Siricius in epist. ad Himer. Sed & ejus nomen insertum legitur Martyrologiis S. Hieronymi ad 9. Kal. Octob., V. Bedæ Vaticano, & S. Cypriaci, ac Wandelberti apud Dacherium Spicileg. tom. 5; digno etiam mastratur elogio in Græcorum Synaxariis, & Menæis ad diem 27. Aug., & in Hagiologio Coprico ad 6. Octob., nec non in Catalogis Barberino, Belgico &c.

Quod jam quæritur de Liberio, id est, an medio tempore, hoc est in exsilio, aut in reditu ab exsilio quidpiam contra fidem egerit, & siquidem, quid illud tandem sit. Quod non est aliud, quam id quærere 1. An Liberius formulæ Sirmiensis subscripserit: 2. Quænam formula illa fuerit, cui subscripsit: quam quidem quæstionem Dupinius non magni momenti nuncupavit, immérito tamen, ut nemo non videt. Quod igitur ad primum attinet, equidem Sulpitius, Socrates, Sozomenus, Theodoretus, Nicepho-

cephorus locis notat., & Cassiodorus hist. tripart. lib. 5. cap. 18. haud obscure indicant Liberium sibi semper constituisse, nec unquam quidpiam de fidei constantia remisisse; quamque semel defendendam suscepit, ab ea nunquam resiliisse, aut se passum removeri. Ruffinus autem lib. 10. cap. 27. Liberii lapsum dubitationi supponit, de quo se certo cognoscere nequivisse, neque certi quid habere, quod pro certo compertum proponat, ingenue scribit. Ii igitur in causa fuere, cur Nuperi nonnulli ab Illustriss. Abelly indicati, aperteque DD. Corgnæus Suefs. Canon, in disert. an. 1726. edita, & Cavalcanti Archiep. Consentinus in Vindic. Rom. Pontif. lib. 3. disert. 2. Liberium a lapsu liberare omni conati sint. Quibus utique favet vetustissimus Chronici Hieronymiani, sive Prosperianæ Epitome Codex, olim Bibl. S. Andreæ de Valle, deinde in Vaticanam Bibl. translatus, nunc inter pluteos Vatic. Codicum Regiæ Sueciæ n. 2077. asservatus, quem admirandæ Codicem antiquitatis vocat Lucas Holstenius, atque ex litteris quadratis, ex specimine characteris, ex membranæ forma, aliisque indiciis Sæculo VI, vel VII. descriptum arbitratur Dominicus Georgius in Monito præv. ad Appar. in Annales Eccles. Baronii tom. 1. pag. 219. edit. Luc. 1740, in quo lapsus Liberii ne leve quidem offenditur vestigium. Id consilii libenter capesserem, ni contradicere veritati vereretur, quod ingenuum quemlibet dedecet. Nam Liberium lapsum, tandemque exsilii, ærumnarumque tædio ad subscriptionem Sirmienfis formulæ inflexum fuisse, auctores liquidi sunt, atque locupletes S. Athanasius in hist. Arianor ad Monach. n. 41. tom. 1. pag. 368, S. Hilarius in Fragm. 6. n. 5, & seqq. tom. 2. edit. Veron. 1730, utque probatur nonnullis, in libro adversus Constantium n. 11. pag. 571, S. Hieronymus in Chron., & in Catalogo de Script. Eccles. cap. 97, Faustinus, & Marcellinus in Libello pecum ad Imperat. Valentin., Theodos., & Arcad. in præfat. in Bibl. PP. Lugd. 1677. tom. 5. pag. 652, & apud Sirmondum Oper. tom. 2. pag. 229, Marcellinus sub Justiniano Comes in Chronico in Bibl. PP. Colon., & Paris., & tom. 2. Oper. Sirmondi pag. 349, qui ex albo Pontificum illum propterea expungit, Auctor Collect. Cresconianæ apud Baronium ad an. 357. n. 34, Auxilius Pref.

Presbyter. lib. 1. de Ordinatio. cap. 25, Anastasius Bibl. in Liberio tom. 3. edit. Blanchin. pag. 11, S. Petrus Damianus in epist. 15. cap. 16. aliique. Sed enim ex litteris ipsius Liberii, quibus præstantior, ac verior historia inveniri nulla potest, uti loquitur Baronius ad an 357. n. 41, regestis a S. Hilario in frag. 6. n. 5, & seqq., tribus nempe, atque in edit. Cout. 10. ad Orientales, 11. ad Ursacium, Valentem, & Germinium, & 12. ad Vincetium Capuanum Berocæ datis circa exitum anni 357, aut ineunte 358. (ex quibus secundam, & tertiam, sive 11, & 12. adulterinas suspicatur quidem Baronius in Append. pag. 25, Binius, & Labbæus, S. Hilarii tamen auctoritate fretus vindicat Coutantius in Not. ad epist. 11. pag. 443.) quibusque Liberius satis aperte significat se tandem Imperatoris votis fecisse satis, ab Athanasii communione se separasse, pacisque foedus vicissim cum Orientalibus feruisse, quorum fidem congruere cum Catholica putabat, & alienam esse ab Ariana perfidia, atque formulæ fidei subscripsisse, quæ Sirmii exposita fuerat, & expressa, quamque Catholico nomine cohonestavit. Sed & Sozomenus lib. 4. cap. 14, & Nicephorus lib. 9. cap. 37. subobsenre subindicant Liberium in Synodo Sirmienfi cum Valente, & Ursacio convenisse, initaque concordia ad sedem suam remeasse. Quod quid est aliud, quam formulæ Sirmienfi subscripsisse? Quæ quamvis ita se habeant, non ideo tamen hæresis nomine Liberius est lacepsendus, uti statim demonstrandum suscipimus.

Itaque Duumviris illis doctiss. ab omni lapsu Liberium liberare cupientibus, id gravissimi utique oneris incubuit, ut pseudo-epigraphis quoquomodo adnumerarent S. Athanasii Epistolam ad Solit., sive historiam Arian. ad Monachos, S. Hilarii Fragmenta, tresque illas Liberii Epistolas præmemoratas; quæ plane documenta, si germana forent, longe pluris facienda, pendendaque non videre non possunt: ut S. Hieronymum, cujus auctoritatis pondere gravissime premebantur, falsis rumoribus, famæque relatione deceptum dicerent in Chron., & in Catalog., ubi Liberii lapsum memorat: ut Sozomenum lib. 4. cap. 15. edit. Val. commentis, & contradictionibus operam dedisse præfidenter assererent, & Nicephorum lib. 9. cap. 37. Sozomenum se-

quen-

quentem veritati repugnantia scripsisse affirmare non dubitarent; argumento hæc omnia Chronologico confirmare adnixa, quod inferius in examine 2. sententiæ circa Liberii lapsum excutendum nobis erit. Gravissimi scilicet id operis viris Doctiss. fuerat exaltandum, si Liberium a lapsu vindicare omnimode voluerunt. Non contemnendæ sint, per me licet, ipsorum conjecturæ, nolim tamen ingentibus adeo me implicare difficultatibus, idque audere, ut absolute pronuntiem apocripham Epistolam S. Athanasii ad Solit., sive hist. Arian., quam peritis aliis Criticis universim, atque speciatim Petro Nannio, Jacobo Loppino, & Bernardo Montfauconio probari perspicio. Neque illud in animum inducam meum, ut tanquam spuria, ac pseudonyma absque dubio rejiciam S. Hilarii Fragmenta, quæ ex duplici Collectione Cresconiana descripsit, easdemque interpolationes S. Hilario pariter adscriptas ibidem deprehendit Baronius ad an. 357, ex Codicibus Mss. annor. 300. Bibl. Petri Pithœi evulgavit an. 1598. Nicolaus Faber, in Exemplari S. Remigii Remen. perverus se inspersisse perhibet Sirmondus in Not. ad Concil. Parisiense, quorum varias Lectiones suppeditavit Baluzius, de quorum demum Fragmentorum veritate, quin genuinus S. Hilarii sint foetus, neutiquam dubitandum jubent Binius, Valesius, Petrus Coutantius qui in præfat. ad hæc Frag. tom. 2. edit. Veron. 1730 n. 3. pag. 630. suffragari hisce putat S. Hieronymum de Script. Ecclesi., ubi sub S. Hilarii nomine recensetur *Liber adversus Valentem, & Ursacium historiam Ariminensium, & Seleuciensem Synodi continens*, Maffejus, atque Doctiss. PP. Benedicti in Hist. litter. Gallic. auctores, qui tom. 1. par. 2. pag. 169. Fragmenta ista partem autumant esse, reliquiasque pariter Operis historici de Synodis Ariminensi, & Seleuciensi a S. Hilario advers. Valentem, & Ursacium elucubрати, cujus meminerit S. Hieronymus in epist. 4. pag. 6, dum a S. Hilario *Proluxum valde de Synodis librum* exaratum testatur; quod Opus de Synodis ab eodem S. Hilario elaboratum, non in Synodo utique Seleuciensi, sive paullo post, idest an. 359, uti visum Erasmo, & Sculteto est, sed an. 358. ipsi pag. 151. existimant; an. vero 360. Coutantius in præf. ad Frag. n. 13. Nec ideo committam, ut pari suppositionis censura præcipitan-

ter

ter condemnem Liberii Epistolas tres cit. Frag. 6. a S. Hilario, & ab Authore Collect. Cresc. regeſtas. Quamvis enim pſendo-epigraphis adnumerari haud difficilis patiar Epistolam ad Orientales, quæ refertur in Frag. 4, atque incipit: *Studens p*ro*ci*; cujus impostura ex eo patet, quod exarata feratur an. 352, aut 355, antequam Liberius in exilium pelleretur, aut eo ipſo anno, quo pulsus est, atque imposturæ Architectos consentiam Arianos, quibus figmenta hujus genus compingere familiare fuisse refert S. Athanasius in Apolog. ad Constantium pag. 680, & 686, hosque fuisse fortasse Potamium, & Epictetum: quamvis etiam concedam insertis eidem Anathematismis in Liberium ejaculatis a S. Hilario interpolatam Epistolam istam fuisse; & quamvis tam interpositos Anathematismos, quam eidem appositam S. Hilarii nomine Appendicem, ut plerisque Eruditis placuit, S. Hilario abjudicandos fateri cogerer, quo de argumento paullo infra in discussione 1. sententiæ, ut fatear tamen Epistolam hanc, quæque sequuntur, geminas venerando Liberii nomini fuisse suppositas, nihil plane cogit.

Neque illud perinde anſim S. Hieronymum deceptum dicere, illique parum fuisse perspectas Liberii res, ejusdemque lapsum, quem certe Romanis tum temporis exploratum fuisse oportet, ideoque S. Doctori hisce in rebus diligenter versato. Neque de mendacio, fideque mala hac in narratione Sozomenum redarguendum mihi sumam, qua viros apud Doctissimos illum neutiquam laborare me non later. Denique argumentum, quod petitur ex silentio Scriptorum, atque præsertim ex Menologio Græcorum jussu Basilii Imperat., non Macedonis, ut Baronius ad an. 886. n. 14, & Bollandus in præfat. gener. ad vit. SS. §. 11. autumant, sed Porphyrogeniti, ut ostendunt Pagius ad eundem an. n. 11, & Fabricius Bibl. Græcæ tom. 5. pag. 62. post Leonem Allatium in dissert. de libris Eccles. Græcorum, ante annos 700, uti dicitur Tom. 1. Junii pag. 274, sive anno 984, ut habetur Tom. 2. Jun. pag. 808, exarato (cujus ipsum autographum Constantinopoli ad Ludovicum Sfortiam Mediolani Ducem allatum, deinde apud Sfondratos servatum, donoque a Paulo Cardinali ejusdem Familiæ acceptum Paulus V. P. M. an. 1615. in Bibl. Vaticanam in-

Part II. Tom. V.

O o o

tulit:

tulit: quodque non integrum, sed priores dumtaxat sex Menses ab initio Septemb. ad finem Febr. complectens Petrus Arcudius pridem Latinitate donaverat, atque Latine versum in Ital. Sacr. exhibet Ughellus tom. 6. edit. Rom. 1644, edit. Ven. 1732. tom. 10; partem reliquam postea, sive alterum Semestre in Monasterio Cryptæ Ferratæ repertum Henschenius, ut ipsemet in proleg. ad vitam S. Eudociæ Martyr. ad diem 1. Martii perhibet, & Papebrochius Græce dedere ad calcem Mensium Martii, Aprilis, & Maji; atque demum integrum Græce, & Latine Romæ an. 1729. Opera, & cura Emin. Annibalis Cardin. Albani cum versione Clementis XI. recusum est; quodque plane magno in pretio habendum tradunt Allatius indic. dissert. §. 12, Baronius ad cit. an., & Henschenius tom. 1. Mart.) in quo nempe ne 77^{us} quidem, leveque vestigium lapsus Liberii habetur, argumentum hoc, inquam, ex silentio repetitum, idoneis aliis testibus id non prætereuntibus, infirmissimi argumenti genus esse nemo ignorat. Ideoque donec illustriora, solidioraque documenta suppetant, ab usitata ratione vindicandi Liberium ab hæresi quidem, non etiam a lapsu omni, non recedendum, salva meliori sententia, existimaverim.

Quod igitur ad 2. pertinet, operæ pretium est repetere obiter inter plerasque fidei Formulas, qua ab Arianis, qua a Semiarianis procusas, tres Sirmienfes nomine celebriores circumferri; de quibus singillatim PP. Maurini in Not. ad Liberii Epistolam apud S. Hilarium tom. 2. oper. pag. 678, & seq. Prima in Synodo Sirmienfi a Semiarianis contra Photinum an. 351. edita fuit, in eaque definitum est Verbum esse Deum de Deo, & alieni ab Ecclesia denuntiantur, qui Dei Filium ex non existentibus, aut ex Hypostasi altera profiterentur; suppressum dumtaxat utrumque vocabulum tum *ὁμοῦσιν*, *Consubstantialis*, tum *ὁμοιου*, *Similis*; quæ quidem formula Catholica in se est, sensuque Catholico habitæ a S. Hilario lib. de Synod., tametsi ob subleſtam Semiarianorum fidem, ac fraudem a S. Athanasio lib. de Synodis n. 27. pag. 742. fuerit rejecta. Eandem refert etiam Socrates lib. 2. cap. 30, atque ex 25. Anathematismis contra Photini errores de Christo D. conflata est. Secunda non in Synodo, cisi id dictum a Phœbadio Aginn., & Vigi-

& Vigilio Tapf., sed in eadem Urbe Sirmio an. 357, vel inseq., quò Constantius venerat, a nonnullis Arianis, ducibus Ursacio Valente, & Germinio, adornata est, Latine primum, ac Græce postmodum conscripta. Latinam habet S. Hilarius lib. de Synodis n. 10, Græcam exhibent S. Athanasius, & Socrates, eique subscripsere Osius Cordub., & Potamius Ulfisippon, ex Marcellino in lib. precum pag. 31, veluti testatur S. Hilarius, qui illam idcirco *Blasphemiam* nuncupat, quod *Ufæ*, *Substantiæ*, *Homousii*, *Consubstantialis*, & *Homousii*, *Similis* mentionem fieri prohibet, ideo quod in Scripturis sacris nullibi earum vocum occurrat mentio, quinimo quod Patrem majorem esse definit, Filiumque Patri subjectum, atque Patre minorem dignitate, honore, & maiestate nefaria impietate declarat, de qua doctiss. Petavius Theolog. dogm. tom. 2. lib. 4. cap. 6. n. 5. Tertia neque in Synodo, sed similiter in privato Cœtu Sirmii habito an. 359. elucubrata est a Basilio, Narcisso, Theodoro, Eudoxio, Demophilo, Cecropio, Silvano &c. omnibus 22. numero, atque refertur a S. Athanasio libro de Synod. n. 8. pag. 721, a S. Hilario in Frag. 6, & a Socrate lib. 2. cap. 37. In ea decernitur Filius Deus de Deo, similisque Patri secundum Scripturas: sed exploditur nomen *Ufæ*, *Substantiæ*, tanquam ignotum, & incaute a Patribus positum, cujusque nullum extet in Sacris libris vestigium. Utrique inter Criticos convenit primam, & secundam Formulas editas fuisse, præmemoratis annis 351, & 357, aut seq., etsi non conveniat de modo, num videlicet publico in Concilio plurimorum, an in privato Cœtu paucorum, in quod inquirere mea heic nihil interest. At non æque convenit de anno, in quo tertia Formula procusa fuerit. Pagius enim in Crit. Baronii ad an. 357. n. 12, & Valesius in Not. ad Sozomenum lib. 4. cap. 15. pugnant anno 358. eam fuisse editam. Verum editam fuisse hanc tertiam Formulam an. 359. ostendit Petavius in disert. de Photino, ejusque damnatione, & in Animad. ad S. Epiphanium hæc. 73. n. 22. pag. 307, & seqq. ex Inscriptione ipsius Formulæ, regestæ etiam a Labbæo tom. 2. pag. 788, & ab Harduino tom. 1. pag. 710, quæ elucubrata dicitur Sirmii 11. Kal. Jun. tum Eusebio, & Hypatio Consulatum gerentibus, qui procul dubio in an. 359. incidit, uti constat ex Fa-

stis emendatissimis; tum Constantio Imper. præfente, veluti refert Germinius ipse in epist. ad Rufianum, aliosque apud S. Hilarium in Fragm. 15. pag. 706, quem plane præfato anno 359. hibernasse Sirmii, melioremque anni partem ibidem transegiſſe auctores sunt Ammianus lib. 21, S. Athanasius lib. cit. de Synod., & Socrates lib. 2. cap. 37. Itaque Liberius apud Beroëam exul agens, ærumnarum pertæſus, Semiarianorum dolis circumventus, animi, corporisque procellis fractus, neque omnino affectu liber, veluti loquitur S. Athanasius in hist. Arian. n. 41, ex præfatis tribus Formulis uni ſyngrapham appoſuit, quo pacto libertatem, priſtinam, locumque recuperavit. Id jam vero inquisitioni duplici locum, diſputandique Eruditis præbet.

Atque primo quidem inquitur, quænam ex his tribus Formulis a Liberio fuerit ſubſignata: ſecundo vero inquitur, utrum ex ſubſignatione illa rite inferri poſſit circa fidem lapſum fuiſſe Liberium. Quo ad 1. triſarias in ſententias Eruditi ſcinduntur. Nam 1. ſecundæ Sirmienſis formulæ an. 357, aut ſeq. procuſæ, quam Oſii, & Potamii Blaſphemiam S. Hilarius appellavit, ſubſcripſiſſe Liberium communior opinio Hæreticorum habet pro eo, quo occaſionem omnem Pontificibus convitiandi arripere ſatagunt, ſtudio, odioque pluſquam vatiniano. Ita Centuriatores, Heſhufius, Danæus, Chamierus, Surrilius, Sibrandus, Blondellus, Placetæus &c., ex Schiſmaticis olim Benno Card. S. Gregorio VII. infeſtus (cujus ideo opus de Gregorii VII. vita, & rebus geſtis ambabus ulnis amplexi Proteſtantes recudendum, plus vice ſimplici procurarunt, ut Orthuinus Gratius, & Eduardus Brovvnus in Faſciculo rer. expetend., & fugiend. pag. 39, ut Flaccius Illyricus in Catalogo teſt. Verit. pag. 315, ut Melchior Goldaſtus in Sylloge opuſc. AntiGregor., ut Jo: Wolfius Lect. memor. tom. 1. pag. 290, ut Reinerus Reineccius ſeparatim Francof. 1581.) ex Catholicis vero Toſtatus Deſenſorii par. 2, & ex parte Petavius in Animad. ad S. Epiphanium hæ. 73. pag. 316, putans videlicet Formulam illam fuiſſe non integram, ſed mutilam a Demophilo Liberio exhibitam, ab eoque ſubſcriptam in ea duntaxat parte, quæ *Homoſiſm* ſupprimebat, non etiam in ea, quæ Filium Patri ſupponebat. Quomodo. Petavius

ab Heterodoxorum opinione longe abest, ac proinde immerito a Tournellio eisdem admixtus est. Hanc vero Hæretici perverſam opinionem iſto fulciunt potiſſimum argumento. Formula *Perfidie* nomine a S. Hilario donata ſecunda Sirmienſis eſt, expreſſa hæreſi aſperſa, atque ab Oſio, & Potamio ſubſcripta. Atqui formulæ huic Liberius adhuc in exſilio agens ſubſcripſit, ſiquidem formulæ illi ſubſcripſit, quæ Orientalium nomine ipſi a Demophilo fuit exhibitæ in exſilio, ut ipſemet ſcripſit in Epift. ad Orient. verbis hiſce: *Quia jam pervidetis in omnibus me vobis conſentaneum eſſe, dignemini communi conſilio, ac ſtudio laborare, quatenus de exſilio jam dimittar, & ad ſedem, quæ mihi Divinitus credita eſt, revertar.* Jam vero hanc fuiſſe ſecundam Formulam a S. Hilario *Blasphemiam* appellatam liquet ex parentheſi in Frag. 6. infera, ubi recitatis Liberii verbis illis: *Demophilus, qui dignatus eſt fidem veſtram, & Catholicam exponere, quæ Sirmio a pluribus Fratribus, & Coepiſcopis noſtris tractata, expoſita, & ſuſcepta eſt,* hanc ſubjungit ibidem S. Hilarius periocham: (*Hæc eſt perfidia Ariana: Hoc ego notavi, non Apoſtata: Liberius ſequentia;* quin etiam ad ejuſdem calcem Epistoſtæ hæc rurſus S. Hilarii ſubjicitur nota: *Perfidiam autem apud Sirmium deſcriptam, quam dicit Liberius Catholicam, a Demophilo ſibi expoſitam, hi ſunt, qui conſcripſerunt &c.* Neque juvat cum Petavio reponere a Demophilo formulam fuiſſe mutilam exhibitam: quippe Liberius ipſe in præm. epistoſta ad Orient. non formulæ partem, ſed integram ſuſcepitſe perhibet, eiſdemque Episcopis eſſe in ea fide ſe penitus conſentaneum: *Hanc ego, inquit, libenti animo ſuſcepi, in nullo contradixi, conſenſum accommodavi, hanc ſequor, hæc a me tenetur...* Jam pervidetis in omnibus me vobis conſentaneum eſſe &c. Deinde veri haud ſimile fit, ac videtur, a Demophilo Ariatorum defenſore acerrimo id committi debuiſſe, ut ſecundam hanc Formulam pura, intactaque Ariana hæreſi aſperſam mutilaret, probarique Liberio, qua parte dumtaxat probum, Catholicumque præſerebat ſenſum, curaret.

At enim quam elumbia, & inania ſint iſta, quæ tanta animi contentione ab Heterodoxis ad labefactandam Liberii fidem obtru-

obtruduntur, sic evidenter ostendo. Atque principio quidem reponendo cum nonnullis vel *Perfidiam* nunquam a S. Hilario nuncupatam Formulam a Liberio subscriptam, ut in examine 2. opinionis palam fiet; vel *Perfidia* nomine, quam a Liberio obsignatam dixit S. Hilarius, accipiendam non esse *Blasphemiam* ab Osius, & Potamio apud eundem S. Hilarium subscriptam, ut infra exponetur. Ex quo uno corrui tota vis argumenti; ideoque a Liberio subsignatam fuisse formulam secundam nequaquam evincitur. Evincitur e contrario Liberium secundæ huic formulæ plane hæreticæ non subscripsisse. Et 1. quidem ex S. Hilario in Frag. 6. n. 5. Formula, quam a Demophilo sibi expositam suscepit Liberius, quamque ibidem in parenthesis S. Hilarius *Perfidiam* vocat, Catholicam vero ab eodem Liberio dictam affirmat, ea fuit, quam conscribere 22. Episcopi, quos ibidem ad calcem Epistolæ S. Hilarius commemorat, videlicet Narcissus, Theodorus, Basilus, Eudoxius, Demophilus, Cecropius, Silvanus, Ursacius, Valens, Evagrius, Irenæus, (sive Hyrenius) Exuperantius, Terentianus, Bassus, (apud Baronium Bussus) Gaudentius, Macedonius, Marcus, Atticus, (apud Sirmondum Martius, & apud Baronium Aetius) Julius (forte Severinus) Surinus, Simplicius, (alicubi Junior adjungitur.) Atqui potior istorum Episcoporum pars non conscripsit formulam secundam, sed primam; tum quia secundæ formulæ præcipui, solique conscriptores fuere Ursacius, Valens, & Germinius, subscriptores vero Osius, & Potamius, testibus S. Hilario lib. de Synod. n. 11, S. Athanasio lib. de Synod., & Sozomeno lib. 4. cap. 12; atque ex his tres posteriores, videlicet Germinius, Osius, & Potamius subscripti certe non leguntur formulæ, cui subscripsisse Liberium supra dixit S. Hilarius; vicissimque prioribus triumviris dumtaxat, scilicet Ursacio, Valenti, & Germinio pseudo-Synodus ab Anomœis Antiochiæ eodem anno 357, aut inseq. habita, postquam hanc in Sedem irrepsit Eudoxius, gratulata est, & gratias egit, uti refert loc. cit. Sozomenus. Tum quia plerique eorum, qui eidem, cui Liberius assensum præbuerat suum, formulæ procudendæ operam suam contulerant, secundæ Sirmiensis sane vel edendæ adesse, vel editæ adsentiri aut nequiverant, aut

noluerant. Non Basilius Ancyranus, qui vix in lucem emissam anathemate confixit in Ancyrano Concilio an. 358, aut seq. apud S. Hilarium lib. de Synod., S. Epiphanium hær. 73, & Vigilium Tapsi. lib. 5. contra Eutychem cap. 3, qui auctor imo Constantio Imp. fuit, ut publico Edicto lato eandem formulam proscriberet. Non Theodorus Heracleensis, qui biennio ante, atque ante Liberii exsilium, hominem exuerat, anno idest 355. apud Tillemontium tom. 6. pag. 794, & Fabricium Bibl. Græc. tom. 8. pag. 412. Non Silvanus Tarsensis, qui animo summopere aberat ab Anomœorum blasphemiiis, atque a pura, putaque Ariana, hærési abhorrebat, teste Theodoreto lib. 2. cap. 27. Non Macedonius Mopvestenus apud Socratem lib. 2. cap. 19, qui eidem formulæ ad se delatæ acerrime est adversatus. Non Eudoxius Germaniciæ, & Cecrops Nicomediæ, qui an. 357, sive infeq., quod præfata secunda formula Sirmienfis evulgata est, Sirmio abierant, Synodo Antiochenæ, quam in Sedem Eudoxius adreperat, eodem an. 357, aut seq. adstituri, de qua Sozomenus lib. 4. cap. 12. Argumentum hoc porro tanti ponderis Dupinio, & Petavio visum est, ut falsi sint nihil reponi posse, nisi quod nomina illorum 22. Episcoporum addita fuerint ab Auctore, qui S. Hilarii fragmentum compegit, primusque descripsit. Sed id gratis confingitur, nullaque vel levi conjectura suffalcitur: neque enim induci in animum, aut probabiliter indicari potest vel Auctor, qui S. Hilarii fragmentum interpolavit, vel causa, ob quam additamentum illud factum fuerit: testibus vero doctiss. Monachis Bened. horum Fragmentorum editoribus pag. 679. edir. Veron. illorum 22. Episcoporum nomina nec in Codice Ms. Pithœano, nec in Collect. Crescouiana desiderare est. Neque magis quempiam moveat, quod plerique puræ, putaque Arianae hæreses propugnatores, ac patroni in horum 22. Episcoporum album adnumerati sunt, sintque formulam Homœusianam, sive Filium Patri similem, professi. Factum id enim Homœusianorum, sive Semiarianorum præpotentia, qui testibus Socrate lib. 2. cap. 24, & Sozomeno lib. 4. cap. 15. maxima apud Constantium Imp. gratia, & auctoritate pollebant, eumque permoverant, ut Valentem, & Ursacium quoque, tamen renuentes, ad

ad subscribendum vi compelleret: factumque id perquam facile vel ex eo uno quoque liquet, quod frequens, ac familiare sive Arianis, sive Semiarianis fuerit, veluti super. Art. XI. §. II. pag. 183, & seqq. præostensum fuisse est, pro opportunitate temporis, loci, & ingenii fidei formulas permutare.

Evincitur 2. ex Liberio ipso, qui in priori Epist. ad Orientales, idcirco formulam ab ipsis conscriptam, & ad se transmissam se subsignasse scripsit, ut ipsos apud Imperatorem sequestres demereretur; in Epistola vero posteriori ad triumviros Ursacium, Valentem, & Germinium, etsi nihil omittat, quo ipsos sibi devincire queat, atque ad ejusdem pro se officii partes apud Imperatorem præstandas impellat, ne verbo quidem indicat tamen se fidei subscripsisse formulæ, quæ ab ipsis Sirmii an. 357, vel inseq., idest secunda, fuerat elucubrata. Quod plane facere ad eorum asequendam gratiam non prætermisisset. Præterea formulam secundam Sirmiensem editam fuisse ab Occidentalibus referunt Socrates lib. 2. cap. 30, & Sozomenus lib. 4. cap. 12, neque ii plures quinque fuisse, idest Ursacius, Valens, Germinius, Osius, & Potamius, teste S. Hilario lib. de Synod. pag. 464; qui vero formulam, a Liberio postea subscriptam, procuderunt, Orientales, potiori saltem parte, erant, ad quos propterea litteras suas priores Liberius ipse inscripsit, eorumque se fidem amplexum fuisse identidem repetit. Atqui S. Hilarius, ut acute observat Coutantius in Not. ad epist. 10. Liberii ad Orient. tom. 1. Epist. Rom. Pontif. pag. 442, & seq., ac tom. 2. Oper. S. Hilarii edit. Veron. pag. 679, toto in libro de Synodis Orientales vocat, non qui Sirmiensem Blasphemiam an. 357, aut seq. conscripserunt, sed qui fidem Antiochiæ an. 341, Philippopoli deinde anno 347, ac desuper Sirmii an. 351. expositam amplectentes, demum Ancyræ an. 358, aut seq. prædictæ Blasphemie vehementer adversati sunt: Liberius igitur Orientalium fidem Sirmii expositam suscepisse se scribens, non secundam, sed primam adversus Photinum adornatam formulam indicat. Confirmat id Sozomenus lib. 4. cap. 15. affirmans Liberium, quum Sirmium pervenisset ab Imperatore, antequam Romam revertendi accepisset potestatem, accessit, professionem edidisse fidei, qua eos, qui

Filium secundum Substantiam, ac per omnia Patri similem diffiterentur, alienos ab Ecclesia pronuntiavit. Itaque non paullo ante Liberius Substantiæ vocabulum, quod in secunda formula Sirmienſi proſcribcbatur, rejecisse præſumendus eſt.

Catholicorum ergo communis opinio eſt Liberium ex formulis Sirmienſibus ſubſcripiſſe tertię, vel primę. Atque quidem ſubſcripiſſe tertię an. 359. emiſſę autumant Valeſius in Not. ad Sozomenum lib. 4. cap. 15, & Pagius ad an. 357. n. 12. huic argumento innixi. Ex S. Hilario in prælaudato Frag. 6. n. 5. Liberius ſubſcripſit fidei formulę, quam Epifcopi 22. conſcripſerant, quę ipſi a Demophilo fuerat expoſita, quamque ibidem S. Hilarius *Perfidiam* apud Sirmium deſcriptam vocat, vocatamque e contrario *Catholicam* a Liberio ſubtexit: atqui iſthęc non eſt prima Sirmienſis; hanc enim S. Hilarius in lib. de Synodis n. 38, & ſeqq. pag. 485, & ſeqq. affirmat eſſe *Catholicam*, atque ut Catholicam expoſuit: neque eſt Sirmienſis ſecunda; nam hanc idem S. Hilarius eodem in lib. de Synod. n. 11. pag. 464. *Blasphemiam* appellat apud Sirmium conſcriptam per Oſium, & Potamium, qui in catalogo illorum 22. Epifcoporum non teſeruntur, qui receptam a Liberio formulam protuderunt: ergo tertiam eſſe oportet. Cui difficultati doctiſs. Petrus Coutantius in Not. ad Fragm. 6. n. 6. pag. 678, & ſeq. ſic offendit, ut ſpeciei plus eidem inefſe, quam ſolidi roboris oſtendat. Præterquam enim, quod in præfat. ad lib. de Synodis n. 12, & ſeqq. ex his; quę S. Hilarius habet n. 3, 6, 7, 9, 63, 65, & 66. pag. 460, 461, 463, 497, & 499. oſtendit S. Hilario nullam unquam Semiarianorum Eccheſim, neque Sirmienſem primam, fuiſſe probatam, quamvis primam iſtam Catholico ſenſu expoſitam quodammodo ferri poſſe ſignificaverit, rite obſervat Sirmienſem formulam primam a S. Hilario potuiſſe appellari in Frag. *Perfidiam*, & in lib. de Synod. exponi tanquam *Catholicam*, quo nomine appellatam paritet a Liberio affirmat. Enim veto ptima Sirmienſis Eccheſis ſecundum ſe, & verbis tenus ſpectata, ſenſum pati Catholicum poterat; quo pacto in lib. de Synod. a S. Hilario expoſita eſt; atque ideo Semiarianis illis Dei Filium ex Dei ſubſtantia, Subſtantiaque Patti ſimilem prædicantibus hæreſis inſligete no-

tam abstinuit: spectatis tamen ipsius Auctoribus, ipsorumque animo, siquidem Semiariani erant, eamque ediderant *Homouſion* abolendi cauſa, Ariana erat; qua ratione *Perfidiam* Arianam jure optimo nuncupare in Frag. potuit: quemadmodum eandem inter Formulas Arianas recensuit S. Arthanafius in lib. pariter de Synodis: quam perinde ob cauſam, ideſt ut habet lib. de Synod. n. 74: *Nec me fallit quosdam eſſe, qui ſimilitudinem conſiſtentes, & qualitatem negant*, S. Hilarius in lib. adverſ. Conſtantium n. 24. hoc ipſo Perfidie nomine quamcumque formulam a Nicæna aberrantem ſugillare non dubitat: *Quidquid præter fidem unam eſt, perfidia, non fides eſt*; atque Synodum ideo Sirmienſem, in qua hæc prima formula procuſa fuit, æque ac ceteras Arianorum pſeudo-Synodos perſtringit, & proſcribit. Ideoque Liberio *Homouſii* conſeſſione *Homouſii* fidem ſupprimere viſo perfidie dicam conſcribere S. Hilarius non eſt veritus. Quo perinde ſenſu dicere S. Hieronymo de Script. Eccleſ., & Auxilio lib. 1. de Ordin. cap. 25. licuit Liberium hæreſi ſubſcripiſſe.

Eidem offendendi difficultati breviorẽ alteram inivit viam Natalis Dupinio, qui S. Hilarii Fragmenta abſolute more ſuo inſciatur, in hoc haud morem gerens, ſed magis Spondano ipſi in hac conjectura præeunti, cui in ſententia etiam Baronius præceſſerat, ad an. 357. n. 49, & ſeq. edit. Luc., nempe vero habet ſimillimum hanc periocham, qua apud S. Hilarium in præcit. Fragm. 6. n. 6. Liberii epistolæ ad Orient. ſeries interturbatur, quæque parentheſi intercluditur: *Hec eſt perfidia Ariana: hoc ego notavi, non Apoſtaſa. Liberius ſequentia*; hanc, inquam, periocham in præcit. fragm. ircepſiſſe, neque a S. Hilario fuiſſe conſcriptam, ſicuti neque ſequentes in Frag. Anathematifmos, qui in Liberium ab eodem ejaculati leguntur, neque Appendicem n. 7. epistolæ ſubjunctam ejusdem, foetum eſſe, ſed alienæ manus additamenta. Conjecturam exinde conficit, tum quod Liberius a ſuo lapſu jam ſurrexiſſet, præteritæque ignaviæ labem abunde deleviſſet, adverſus pſeudo-Synodum Ariminenſem Nicænam fidem ſtrenue, fortiterque propugnando, Orientalesque ad ejusdem fidei profeſſionem compellendo, antequam ſua communione cohoneſtarentur, uti ſuperius ex Socrate, & Sozomeno, ex SS. Siricio, & Damaso demonſtratum

stratum est. Itaque iniquior perperam in Sanctum Pontificem videri potuisset S. Hilarius, si Pontifici veluti prævaricatori, atque Apostatæ dixisset anathema, infamæque dicam conscripsisset in Fragmentis, quæ post Ariminensem pseudo-Synodum adornavit, aut numeris absolvit, ut fert communis opinio, de qua Nicolaus Faber in præfat. ad hæc Fragm. n. 15, & seqq., Petrus Coutantius in præf. ad eadem Fragm. n. 13. pag. 610, & seq., & Maurini in hist. litter. Gall. tom. 1. par. 2. pag. 151. Tum quod Fragmenta ista, quamvis genuinus S. Hilarii sint fœtus, mutila tamen, multis in locis violata, & lacunis undique intercepta locum facile fecerunt ab aliena manu factis additamentis, adeoque ut fieret additamentum illud, quo Liberii litteræ inturbantur. Eoque vel maxime de ista interpolatione litterarum Liberii a S. Hilarii mente aliena manu facta suspicari fas est, quod post alteram Liberii epistolam, quæ incipit, *Student paci*, relata in Fragm. 4, quaque pridem refertur S. Athanasius a Liberio in judicium accersitus, & ab ejusdem communione amotus, vicissim autem in Sacrorum consortium a Liberio Semiariani leguntur admitti, Appendicis veluti loco hæc veluti S. Hilarii periocha immediate sequitur: *Quid in his litteris non Sanctitatis, quid non ex metu Dei eveniens est?* Quæ plane verba pugnare cum verbis parenthesi illa ad sequentem Liberii epist. in Fragm. 6. interclusis nemo non videt, nemoque, opinor, æqui, justique æstimator in animum inducet suum digno elogio isto S. Hilarium mactare voluisse Liberii Epistolam, qua S. Athanasio separato, suam vicissim Semiarianos in communionem suscipit. Qua responsione pariter, penitusque refellitur potissimum A catholicorum argumentum ad probandum assumptum a Liberio subscriptam fuisse formulam Sirmiensem secundam, de qua superius actum est. Verum, quamvis difficile captu sit, quid fieri potuerit, ut S. Hilarius, qui cum primum Liberii lapsum rescivit, haud catholico Præsule indignum diris Pontificem M. excipere duxit, postquam tamen Liberium a lapsu relevatum accepit, dira hujusmodi in publicum emittere non prætermiserit, eaque e tabula non eraserit, omninoque suppresserit, quum tamen in duplici Collect. Cresconiana, & in Mss. Codicibus cum Pithæano, tum Remensi sub S.

Hilarii nomine additamenta ista habeantur, atque præterea in Pithœano olim ad marginem adscripta hæc, quæ postmodum imperiti alicujus Librarii opera in textum irrepsisse putat Coutantius in Not. pag. 680, verba legerentur: *S. Hilarius anathema illi* (Liberio) *dicit*, graviori absque fundamento additamentis hisce non adeo facile denegandam fidem opinor. Quamvis autem haud difficilis fatear cum doctiss. Benedictinis editor. Epistolam, quæ incipit, *Studens paci* Frag. 4. n. 1. regestam a S. Hilario, de industria fuisse ab Arianis confictam, Liberiique tum pro fide laborantis nomini suppositam; neque propterea diffitear, quin Epistolæ subuexa Appendix incipiens, *Quid in his litteris* &c. aliena manu absuta haud fuerit, sed revera dignus S. Hilarii sit foetus irritos enarrantis, irridentisque Arianorum conatus, Sardicensesque extollentis Synodum; neque perinde cum Hermantio in Not. ad cap. 25. lib. 6. vitæ S. Athan. opinor hanc Appendicem referendam fore ad Synodicam Concilii Sardicensis ad Constantium Imp. inscriptam, sed potius cum Petro Coutantio ibidem in Not. pag. 669. in hac Appendice S. Hilarium vere reperiisse ad hanc Liberio suppositam ab Arianis Epistolam, epistolæque laudes meram esse Ironiam, qua Arianorum dolos inanes, arteque S. Doctor irridet.

Jam vero a Liberio probatam haud fuisse Sirmiensem formulam tertiam positivo, velut loquuntur, contra Valesium, & Pagium, invictissimoque probatur argumento e ratione temporis petito, quod sic efformatur. Formula tertia Sirmiensis, uti paullo superius ostendebam, procusa fuit anno 359, sicuti tum ex Consulari nota constat; siquidem in epigraphe præfertur exarata Consulibus Eusebio, & Hypatio apud S. Athanasium lib. de Synod. pag. 874, Socratem lib. 2. cap. 37, & Sozomenum lib. 4. cap. 16. edit. Christoph., vel cap. 17. edit. Val., quorum Consulatum certe in an. 359. conjiciendum ex emendatissimis Fastis fit evidens; tum ex Constantii Imper. præsentia ibidem prænotata, de qua etiam Germinius in epist. ad Rufianum, quem Sirmii non an. 358, sed inseq. 359. moram traxisse refert Ammianus lib. 21, liquetque ex Legibus Sirmii hoc anno promulgatis, at præsertim ex L.L. 14, & 15. nota 11. Kalend. Junii an. 359. signa-

signatis, qua ipsa nota inscripta Ecthesis Sirmienfis tertia legitur, & confirmatur ex S. Epiphano hæc. 73, n. 22, & Socrate lib. 2. cap. 29. Atqui Liberius ante exactum annum 358. jam ab exilio fuerat revocatus, suoque restitutus loco: nam Constantii jussu in exilium pulsus est post Concilium Mediolanense an. 355. habitum testibus Socrate, Sozomeno, Sulpitio lib. 2, & Scriptore vitæ S. Eusebii Vercell. apud Ughellum Ital. Sac. tom. 4. pag. 1038, atque ex pervetustis Actis Pontif. ostendit Panvinus apud Schelestratium Antiq. illust. disert. 2. cap. 9. n. 3; post biennium, ut perhibet S. Athanasius in epist. ad Solitar. in exilio exactum, idest an. 357. exilii tædio, ærumnarumque fractus, minisque mortis perterritus subscripsit, ut ibidem loquitur S. Athanasius; eodem vero exeunte anno, ut habetur in libello precum Marcel lini, & Faustini, atque refert Anastasius in ipsius vita, seu verius inseq. an. 358. ineunte, ut mox ostendam, Liberius 4. Non. Aug. Romam reversus est. Igitur subscribere neutiquam potuit Ecthesi biennio post procusæ. Deinde, ut supra dicebam, ex S. Hilario lib. de Synod., & in Fragm. Liberius formulæ subscripsit, non quæ ac Occidentalibus, sed quæ ab Orientalibus fuerat conscripta, quod confirmat ipsius Liberii ad eosdem Orient. epistola inscripta, atque quidem a duo supra viginti numero Episcopis. Atqui ab his 22. Episcopis Orientalibus non 3, sed 1. Sirmienfis formula procusa fuit: primæ igitur huic, non tertiæ Liberius syngrapham apposuit suam.

Hoc ipso equidem argumento utitur Illustris. Cavalcanti in Vindic. Rom. Pontif. lib. 3. dissert. 2, illudque valdequam urget, intorquetque ad probandum neque potuisse Liberium primæ Ecthesi Sirmienfi an. 351. editæ subscribere. Ea enim ejus exilium annis 4. antecessit; neque veri sit simile eandem post subscribendam an. 357, aut seq. Liberio fuisse oblatam, & quidem ab Episcopis illis 22, a quibus fuisse conscriptam, Liberioque expositam refert S. Hilarius. Etenim, ut supra demonstratum est, Episcopi illi 22, majorem saltem partem, secundo Sirmienfi Conventui an. 357. habito haud interfuerant: quum tamen ab Episcopis, qui secundo huic Conventui Sirmienfi an. 357, aut inseq. adsuerunt, Liberio formula subscribenda fuerit oblata, quæ sub-

subsignata, ea propter ab exilio fuerit revocatus, atque insuper abs veri specie absit ab his Episcopis, qui puræ, putæque Arianz hærési adeo studebant, adeoque pro subscriptione secundæ formulæ Sirmiensis erant solliciti, propositam Liberio fuisse primam formulam Sirmiensem, a qua hærësis Ariana adeo abludebat. Profiteor me hujus argumenti pondere victum Doctis, viro manus ultro daturum, si assumptum ejus undique staret veritate innixum. At enim illud, quod supponit Liberium subscripta formula confestim exilio fuisse solutum, abs vero quammaxime abhorret, uti liquet ex Liberii epistolis ingeminatis ad Orientales, atque ad Ursacium, Valentem, & Germinium sui e loco exilii exaratis apud S. Hilarium in cit. Frag. 6, quibus etiam significat alias eadem de re ab se Epistolas ad Imperatorem exaratas, obsecrans, ut postquam bono pacis, ipsique morem gerens cum Orientalibus, Athanasio abjecto, concordiam injisset, suam regredi ad Ecclesiam sibi permetteret. Esto enim oblatam Ecthesim Berœæ subsignasset, non ideo tamen liber abire obtinuit, sed Sirmium a Constantio Imper. eodem anno 357. accersitus, secundo formulæ fidei subscripsit in Synodo Sirmienti contra Photinum proculsæ, idest primæ an. 351. editæ non modo, sed ei etiam, quæ in Concilio Antiocheno in Encæniiis an. 341. elucubrata fuerat una cum 25. Canonibus adversus Sabellium, & Paulum Samosatenum: quo peracto tandem exilio solutus est, cujus rei testis est locuples Sozomenus lib. 4. cap. 15. Ex quo illud quoque inferre licet iterum Liberium non subscripsisse utique secundæ Sirmienti Ecthesi, cæteroquin enim confestim ab exilio liber abjisset, nihil enim amplius ab ipso expetendum Ariani fuisset: quo supposito, jam ad argumentum sequens hoc apto responsum. Liberio exuli Berœæ agenti Ecthesim primam Sirmii an. 351. editam subscribendam fuisse propositam an. 357. aut inseq. & quidem non ab Ariani, qui eodem an. 357. aut seq. in Conventu Sirmienti alteram puram, putaque Ariana hærësi aspersam confecerant, quæ, fieri nunquam posse, ut a Liberio subscriberetur, haud ignorabant, sed a Semiarianis, qui tum illam in Concilio Sirmienti cit. an. 351. editam, tum editam in Concilio Antiocheno in Encæniiis an. 341. præ ceteris probabant, quique præ Ari-

nis

nis longe apud Constantium Imp. gratia, & potestate valebant, atque imo in Concilio Ancyrano an. 358. secundæ Arianæ Sirmienſi Eſtheſi vehementer adverſati ſunt, adeoque ut Arianos ejus Architectos ad eandem ſupprimendam vel invitoſ coegerint, & Constantium Ediſto lato ad eam prohibendam impulerint, Quod ex eo quoque confirmatur, quod ſiquidem toties, ac tot ſidei Formulæ qua ab Arianis, qua a Semiarianis in dies adornarentur, non eſſet proinde, cur una præ altera Liberio ſubſignanda proponeretur, atque ſiqua eſſet, ea præ aliis proponeretur, in quam animo propenſiores ferebantur Semiariani, qui & auctoritate præpollebant. Atqui hanc fuiſſe, quæ in Synodis Antiochena an. 341, Philippopolitana, an. 347, Sirmienſi an. 351, & Ancyrana an. 358. procuſa fuerat, hæcenus demonſtratum eſt: igitur Liberio Sirmienſem primam ſubſcribendam an. 357, ſive inſeq. fuiſſe propoſitam conſectum manet. Atque certe non niſi poſtquam Sirmii præmemorata formulæ Antiochenæ ſubſcripſiſſet, ab exſilio dimiſſus Romam Liberius regreſſus eſt, ideoque non ante an. 358, ut ex S. Hieronymo in Chron. conſtat. Certiſſime vero an. 357. Menſe Decembri nondum Romæ Liberium fuiſſe liquet ex Leg. 5. *De Maleficiis* Cod. Theod., L. 9. *De Curſu publico*, & L. 14. *De Episcopis, & Clericis* data a Constantio Imp. 9. Idus Decemb. Mediolani eodem Constantio 9, & Juliano 2. Conſul. ad Felicem Rom. Episcopum.

Communiſſima itaque Catholicorum ſententia eſt, quam ſeſtantur Baronius ad an. 357. n. 46, & ſeqq., Auctor opuſculi Gallice inſcripti: *Remarques ſur le Traité historique de Maimbourg*. &c. 1688, Morinus de Sacr. Ordin. pag. 346, Sfondratus diſput. 4. §. 3, Tillemontius Monum. hiſt. Eccleſ. tom. 6. annot. 44. in Arianos pag. 319, & 772, Natalis hiſt. Eccleſ. ad Sæcul. IV. diſſert. 32, Boſſuetius ipſe deſenſ. Declar. par. 2. lib. 13. cap. 33, Coutantius in Not. ad epiſt. 10. Liberii pag. 442, & in Not. ad S. Hilarium Fragm. 6. pag. 678. edit. Veron., Berti de Theolog. diſcipl. lib. 8. cap. 12, Manſius in diſſert. de Epochis Concil. Sardicæ, & Sirmien. tom. 1. Suppl. pag. 184, Matthæus ipſe Laroquianus in diſſert. de Liberio Romano pag. 192. aliique indiſcriminatim primæ, vel tertię, vel alteri ex hiſce conſarcina-

et ipsum subscripsisse adfirmantibus Gonzalesio disp. 15. sect. 9, & Aguirrio apud Cavalcanti, Liberium primæ Sirmienſi Ecclheſi ſyngrapham appoſuiſſe. Id ſequitur ex dictis: ſiquidem Liberius illi ſubſcripſit formulæ, teſte S. Hilario in Frag. 6, quæ ab Episcopis 22. conſcripta fuerat: atqui Episcopis 22. illi nec 2, nec 3, ſed 1. conſcripſere; igitur 1, non 2, nec 3. Liberius ſubſcripſit. Præterea, ipſo Liberio teſte in epiſt. ad Orient., eam fidei Liberius acceptam habuit formulam, quæ præ aliis probata, non Occidentalibus quidem, ſed Orientalibus fuerat, ideſt Semiarianis: atqui hiſce probata quamaxime evaſerat fidei Formula in Synodis Antiochena an. 341, in Philippopolitana an. 347, in Ancyrana an. 358, ideoque in Sirmienſi etiam an. 351. ſancita: igitur hanc quoque, ideſt primam, acceptam Liberius habuit. Poſtremo Liberius, Sozomeno teſte lib. 4. cap. 14. edit. Chriſtoph., ſive cap. 15. edit. Val., quum Sirmium pervenit, confeſſionem emiſit, qua eos, qui Filium ſecundum ſubſtantiam, ac per omnia Patri ſimilem non profiterentur, alienos ab Eccleſia pronuntiabat: ſed enim id ipſum in prima formula Sirmienſi fuerat expreſſum; itaque primæ huic Liberius antea Berœæ ſubſcripſerat.

Hinc ſequitur Liberii lapſum haud hæreſis nomine habendum eſſe. Eſto enim nonnullam famæ, fideique maculam contraxerit, tum in S. Athanaſium, hominem ſcilicet moribus, fideque integrum, deque Eccleſia optime meritum, ſententiam dicendo; tum ut ſibi ſucum hæretici facerent, permittendo, cumque eiſdem Sacrorum ſœdus, confortiumque feriendo, tum vocis *Homouſion* uſu Eccleſiæ univerſæ conſecratæ ſuppreſſioni conſentiendo, unde in hæreticorum luto hætere viſus eſt, quod eſt proprietas ſermonis in Scholis triti hæreticum eſſe *interpretative*, non etiam *formaliter*, hæreſis tamen labe infectum haberi, dicique multa oppido vetant. 1. Quia præſata Ecclheſis prima, quamvis vocem utramque ſive *Homouſion*, ſive *Homœuſion*, ideſt *Subſtantialis*, & *Similis* ſive rejiceret, ſive reticeret, ſiquidem tamen Filium eſſe *Deum de Deo* definiēbat, atque dicebat anathema iis, qui illum *Ex non extantibus*, aut *Ex altera ſubſtantia* profiterentur, ſenſu vero Catholica in ſe erat, ſenſumque juxta Catholicum a S. Hilario expoſita eſt in lib. de Synod. n. 39, & ſeqq. pag. 488, ac ſeqq.

seqq. edit. Veron. 1730, atque Vigilii Tapsensis lib. 5. contra Eutychem cap. 3. Sirmiensem ideo Synodum contra Photinum habitam tanquam Catholicam habuit, cujus, inquit, *Sanctiones nullus Fidelium audet respuere, aut cunctatur recipere*. Quamvis imo concederetur Liberius tertiam formulam Sirmiensem calculo probasse suo, neque illi propterea de fide negotium facessendum esset. Quandoquidem in hac tertia quoque formula Filius decernebatur esse *Deum de Deo, ac per omnia Patri similem secundum Scripturas*; quo plane nomine Patri Consubstantialis intelligendus est, probeque intellectum asseruere pridem Origenes lib. 1. *Περὶ ἀποφάνσεως* cap. 2, ac postea S. Athanasius Orat. 2. contra Arianos, S. Hilarius in lib. de Synod. n. 67, & seqq. pag. 500, ac seqq., S. Basilius in epist. 41, S. Epiphanius hær. 36, S. Augustinus lib. 3. contra Maximinum cap. 15, & S. Cyrillus lib. 3. cap. 5. in Johan. 2. Quia Formula quoque fidei, cui secundo accitus Sirmium Liberius syngrapham adjicere suam non recusavit, sensu vero similiter erat Catholica: in ea enim anathemate æque damnabantur tam Photinus in Illyrico, quam Actius in Syria disseminantes Filium per omnia Patri dissimilem; neque vox *Homonousion* damnabatur, nisi in sensu hæretico Sabellii, & Pauli Samosatani, quatenus ea voce significatam olim voluerant aut Hypostasum in Deo contractionem, aut Divinæ abscissionem substantiæ. Idque profecto a Liberio præstitum, idest anathema pronuntiatum in Anomæos, sive Aetianos, qui spargere per calumniam in Uulgos non verebantur a Liberio peræque; atque ab Osio, damnatum *Homonousion* fuisse, atque Filium per omnia Patri similem denegatum, referunt Sozomenus lib. 4. cap. 14, sive 15, & Nicephorus lib. 9. cap. 37. *Confessionis fidei Formulam*, inquit Sozomenus, a Liberio abduxerunt (Sirmii secundo Semiariani) *que illis, qui Filium Patri non Substantia, & ceteris omnibus similem asseverarent, interdixit Ecclesia*. Quocirca S. Augustinus simili fidei confessioni, in qua nempe in verbis nihil videret fidei esse contrarium, se paratum esse subscribere, etiam si verbum *Consubstantialis* in ea minime reperiret, affirmavit in epist. olim 174, nunc 238. ad Pascensium Comitem Ariarium. Quin etiam Maimburgus, dum adhuc

saperet, sanosque haberet sensus, antequam uempe pessimæ et re sua reputaret Romanos Pontifices fallibiles affirmare, in hist. hæc. Arianæ constantissime affirmavit Liberium nullo modo Semiarianæ hæresi assensum præbuisse suum, atque syngrapham apposuisse, quinimo constantissime Filii consubstantialitatem propugnasse; idque tam manifestum esse, ut nemo prudens de hoc dubitare possit: quæ sunt ipsius met verba e Gallico in Latinum sermonem fideliter versa.

Quid præterea, quod neque defunt Viri docti, inter quos Illustris. Cavalcanti in disert. 7, & 8, qui eò progressi sunt, ut Liberium ab hæresi, vel ab hæresis suspicione vindicandum susciperent non modo, sed insuper ab imprudentiæ nota, in quam impingere, subscribendo sive primæ, sive tertiæ formulæ Sirmienli potuisset, abstergere prorsus adgrederentur? Eo scilicet, nec sane contemnendo momento ducti, in animum inducentes a Liberio Ecthesim sive primam Sirmiensem adversus Photinum, sive Antiochenam adversus Sabellium, & Paulum Samosatenum adornatam, sive Berœæ, sive Sirmii calculo fuisse comprobatam, idcirco, quod hinc persuasum ei fuisset sive a Fortunatiano, alioquin ob fidei Nicænæ constantem defensionem celebri, sive ab Eleuzio Cyziceno, qui cum Semarianis aliis Sirmii unam, eandemque Filii cum Patre substantiam fuerat professus, teste Sozomeno lib. 4. cap. 15, tum novam dissidiorum faciem Sabellianis non fore suppeditandam, ut qui *Homonousion* voce abuterentur ad confirmandam Persenarum Divinarum indistinctionem, & identitatem; tum publicæ tranquillitati consulendum fore unius vocis *Homonousion* omissione, qua semel suppressa, facile futurum, ut Anomœi, qui in eandem ceteroqui fidem, quoad rei substantiam, conveniebant, a disputatione, & dissidio cessarent. Ad dentes eandem œconomiam adhibitam olim a Patribus sive Antiochenis, sive Nicænis, qui juxta varias temporum circostanteas variis usi sunt vocibus; atque *ὁμοῦσιον* mox rejecerunt, mox retinuerunt, utrumque vero recte, teste S. Athanasio lib. de Synod., ac de sentent. S. Dionysii, Alex. Eadem œconomia laudabiliter usos sive S. Basilium teste S. Gregorio Nazian. in Orat. de ejus laudibus, sive S. Cyrillum Hierosolym. teste Theophane in Chron.

Chronog. *Homoufion* reticuisse. Quæ quamvis probabilia sint, apud me tamen, fateor, tantum pendere, ut propterea ab omni vel levis imprudentiæ labe Liberium eximam. Quinimo quamvis Liberium siue verbis, siue factis a fide defecisse darem, forte ne propterea Pontificis ex Cathedra definientis corrueret infallibilitas? Minime gentium: quandoquidem Pontificem infallibilitate non donandum affirmem, nisi quum ex Cathedra docet: e Cathedra vero docuisse Liberium, siue dum Berœæ Sirmiensi, siue dum Sirmii Antiochenæ subscripsit Eûthesi, inficior, utque inficias eam, id efficit, tum quod animadvertit S. Athanasius in hist. Arian. ad Monach. n. 41. Liberium invitum, & coactum vi tormentorum, metuque mortis fecisse, quod fecit, nec ejus censendam esse sententiam, quam minx, terrores, & verbera, extorserunt, sed eam, quam protulit, quum liberos haberet affectus; quod autem ex metu sit, ex Cathedra factum nego; tum quod factio potius peccasse, quam in fide prolapsus dicendus est, idest non docuisse Liberium ex Cathedra contra fidem, sed deliquisse magis circa confessionem externam fidei: quomodo peccatum a S. Marcellino paullo superius dicebam.

Contra nihilominus pugnant, atque Liberium ab hæresis lapsu excusari nullo posse modo contendunt ex heterodoxis Johannes Placetæus in Observat. hist. Eccles. observ. 4. art. 1, ex Catholicis vero Illustriss. Bosuetius defens. Declar. par. 2. lib. 14. capp. 33, 34, & 35, ejusque Annotator in cap. 34. argumento 1. petito ex Actis S. Eusebii Presbyteri, & Martyris haussis, ut in fine eorundem Actorum habetur, ex Commentariis Orosii Presbyt., Collegæ, & Confanguinei, quæ Baronius in Annal. tom. 4. edit. Luc. ad an. 357. n. 57. paucis complexus est, & in Notis ad Martyrologium Rom. die 14. Aug. remittit ad Boninum Mombrium Mediol., qui eadem Acta fuisse prosequutus est (quo loci iam Epigramma, quod ex antiq. Inscript. in append. n. 17. Eusebio Presbyt. adscribit, ad Eusebium Rom. Pontif. referendum potius existimant Tillemontius, & Coutantius ad Epist. Rom. Pontif. pag. 319.) Bosuetius ipse præcit. loco ex Codice excuso Romanensis Archiep. tom. 1. descripsit, Baluzius Miscellan. tom. 2. ex quatuor Codicibus Mss. extraxit, recensuit, & emendavit, atque ex

eo in Not. Annotator Bosuettii conjicit Acta ista circa Justiniani Imp. tempora eam in formam, qua heic habentur, fuisse redacta, atque prolixo temporis intercapedine probata, nono demum sæculo in Martyrologiis promulgata ab Uuardo, & Adone, a quibus verba ipsissima usurpantur. Enim vero eis in Actis legitur, quod jussu Constantii Imp. Romam reverso Liberio, ejectoque Felice, in partes scissa Plebe, aliis ad Liberium accedentibus, aliisque pro Felice pugnantibus, Eusebius Presbyter Romanus *Capit declarare Liberium hæreticum, & amicum Constantii*: quod ejusdem Eusebii avitæ Religionis puritati tuendæ strenue incumbentis *Doctrina multi in sancta Confessione, & Catholica vitabant communionem Liberii*: quod cum Liberio congressus interroganti eisdem Liberio: *Nos cujus fungimur vice? Nonne Julii Antecessoris nostri?* Eusebius haud animo despondens libere respondit: *Sic perseverasses in fide, quam in persecutione primo tenere visus fueras*: Quodque eam ob causam, jubente Constantio, intra cubiculum clausus, ibidem Mensibus septem in oratione perseverans, fame consumptus mortalitem explevit 19. Kalend. Septemb., qua sane die ejusdem memoria nomine Martyris ab Ecclesia recolitur in Martyrologio Rom., in cujus Festo hæc olim Iectio in Romano Breviario habebatur, quæ etiam num legitur eisdem verbis in Martyrologiis Uuardi, & Adonis: *B. Eusebius Presbyter, quum presente Constantio fidem Catholicam constantissime defensores, & Liberium Papam doleret Ariana perfidia confensisse, ab irato Constantio Imp. Ariano includitur in quodam cubiculo domus suæ, habente in longitudine pedes quatuor, & ibi multis diebus in oratione perseverans, inclusus tamen, post Menses septem dormitionem accepit* 19. Kalend. Septemb. Quibus coheret ad eandem diem Martyrologium Wandelberti. Igitur, inquit, Liberius ab hæresis labe abstergi nulla ratione potest.

Quod propugnant a. argumento petito ex confessione ipsius Liberii in tribus Epistolis ad Orientales, ad Ursacium, Valentem, & Germinium, atque ad Vincentium Capuanum, quos de damnato ab se Athanasio, de fide Sirmii exposita, sibi que a Demophilo oblata ab se suscepta, deque concordiæ scedere cum Semnarianis inito certiores facit. Ex Testimoniis S. Hieronymi, qui

qui cum in Chronico, tum in Catalogo cap. 97. Liberium ad hæresis subscriptionem tandem inflexum affirmat: *Liberius, inquit in Chron., tedio viſus exſilii, in hæreticam pravitatem ſubſcribens, Romam quaſi victor intravit.* Et in Catalogo de Fortunatiano Aquilejenſi hæc habet: *In hoc habetur deſteſtabilis, quod Liberium Romana Urbis Episcopum, pro fide ad exſilium pergentem, primus ſollicitavit, ac fregit, & ad ſubſcriptionem hæreſeos compulſit.* Fauſtini, & Marcellini, qui in libello precum in præfat. ad Imperatores Valentinianum, Theodoſium, & Arcadium referunt Conſtantium Imperat. rogatum a Populo Liberium ab exſilio revocaſſe, poſtquam ille perfidiæ aſſenſum præbuiſſet ſuum: *Poſt duos annos, inquit, venit Romam (Imperator) pro Liberio rogatur a Populo, qui mox annuens ait: Habetis Liberium, qui qualis a vobis proſectus eſt, melior revertetur: Hæc autem de conſenſu ejus, quo manus perfidiæ dederat, indicabat.* Auxilii Presbyteri denique, qui lib. 1. de Ordinat. Formoſi cap. 25. Liberium Arianae hæreſi adſtipulatum ſcribit his verbis: *Quis neſciat, quod Liberius, heu prob dolor! Ariana hæreſi ſubſcripſit, & per ejus tranſgreſſionem neſandiſſima ſcelera ſunt commiſſa?* Igitur, concludunt, lacerem lavat, qui Liberium a lapſu, hæreſisque labe liberare tentat.

Sed enim levia admodum, & elumbia ſunt hæc, quam tot argumentorum, quibus Liberii vindicata fides eſt, robuſtiſſimam vim infringere valeant, meque a præconcepta de ipſius orthodoxyæ integritate exiſtimatione vel leviter dimovere. Quamobrem reſpondeo ad 1. S. Eusebii Aſta mendis, mendaciisque undique exundare non dubium eſſe debere, ideoque eo in pretio hand habenda, ut fidem noſtram omnino obligent, inviſiſſimumque inde trahi argumentum queat. S. Martyri præſtitum quidem Cælitum honorem non denegaverim, abſit a me tantum neſas, veluti rite me admonent Motherius in Not. ad Martyrologium Rom. a ſe Gallice redditum, & Sollierius ad diem 14. Aug. tom. 3. pag. 166. advertentes tam conſtantiffimum eſſe, quam univerſalem in Eccleſia S. Eusebii cultum, cujus etiam nomine vetuſtiſſimam, atque Statione olim inſignem etiamnum extare Romæ Eccleſiam, qua nunc gaudent PP. Cæleſtini, adnotant Piazza in Me-

Menologio Rom., & Pancirolus de Templis Roman. pag. 166; iis tamen, quæ de eodem S. Eusebio indigestim Acta huiusmodi habent, dare assensum, si me veritas amet, non debeo; ut enim non dem, multa oppido suadent. Equidem Illustriss. Cavalcantis conjecturæ non indulgeo existimantis ab aliquo Felicis II. studio Acta fuisse conficta, quemadmodum paullo superius confictas ab aliquo Luciferiano, aut Ursiciniani Schismatis promachio Epistolæ Liberii, quibus de agitur, existimaverat; quia videlicet conjecturas hæc suas solido satis fundamento non fulcit. Attamen, Tillemontio teste Monum. tom. 6. in Annot. ad hæresim Arian., hac ultima tempestate, atque ab anno præferrim 1704, qua usu jam venerat ad Crisim incudem diligentius revocare monumenta illa, quæ olim ullo absque delectu ambabus ulnis vel Doctorum turba amplecti solebat, Acta ista, uti circumferuntur, valdequam perturbata, atque a primigenio Orosii opere longe distita a peritis Criticis multis profecto censuris vexata sunt, jure, an injuria, sequentia ostendent. Et certe momenta, meo sensu invidiissima, conjiciendæ eorundem suppositionis Acta ipsa subministrant, atque unum, vel alterum specimen exhibere satius habeo. Etenim 1. ex Commentariis Orosii excerpta Acta commemorantur, non indicato Exscriptore: at ignoto Scriptori ignotæ fidei, quis confestim prudens fidat, pronaque accommodet aures? Circa Justiniani Imp. tempora conscripta circumferuntur: quis inde statim Exscriptoris sublestatam fidem, apertissimumque partium studium, quo erat affectus, non perspicit? Quandoquidem perspectissimum bonis omnibus a præterito jam ævo erat a Liberio labem omnem elutam, atque fidem, famamque, quæ laboraverat aliquando, pristino loco, optimoque redintegratam, adeo de fide ipsa optime promeritis ab omnibus haberetur. Nihilominus Exscriptor iste Liberium adhuc lacescere, & vellicare, atque tum hæresis, tum assentationis, tum sævitæ nomine sollicitare non est veritus. Age - sis vero 2. Acta ipsa introspiciamus. Ab Arianis rebaptizationem tum temporis adhibitam comminiscuntur; Liberium autem hoc sibi reservasse, ne Romani rebaptizari a Constantio cogerentur. Esto enim Ariani quidam, inter quos Auxentius, ut auctor est S. Ambrosius lib. 5. epist. 32, sive

sive in Orat. de tradendis Basilicis an. 386. dicta, aliique pauci, de quibus S. Augustinus lib. de hæres. cap. 49, & lib. 2. de Symbolo cap. 13, aliquando rebaptizarint, nondum is tamen error communi eisdem usu venerat, siquidem de eo altum apud SS. Athanasium, Hilarium, aliosque de Arianorum erroribus diligenter agentes silentium. Post Liberii vero obitum ab Eunomio, qui & vivendi finem an. 396. fecit, is primum error inductus est apud Philostorgium lib. 10. cap. 4. §. 136, qui & ipse Eunomii tum parres adjuvit, tum laudes est persecutus; atque perinde apud Arianos invaluit, Vigilio teste in epist. ad Profuturum n. 3, apud Bonosianos quoque, uti liquet ex Concilio Aurelianensi III. an. 538. Can. 31, & apud Bogomilos, uti refert Euthymius in Panoplia par. 2. tit. 23. n. 23. 16. Quamvis etiam a Semiarianis nonnullis postea rebaptismum usurpatum indicare videatur S. Epiphanius in fine oper. de hæres., & in Anacephaleosi n. 8, (quibus tamen locis de Eunomianis locutum ego quidem existimo) pridem tamen ipsorum Promachis huncce cordi errorem fuisse, de eoque quidpiam ipsorum in PataSynagogy sancitum nullibi adparet; neque Imperatori, apud quem præ Arianis gratia, auctoritateque valebant, ut Liberium ad anabaptismum cogeret, auctores se præstitisse, neque a Liberio, ut in anabaptismum concederet, expetivisse leguntur, eo uno contenti, tum ut suppressioni *Homousion* adquiesceret, tum ut S. Athanasio diceret anathema.

Est & aliud, quo turpis errati coarguatur Actorum istorum ineptus confarcinator. Eusebium enim cum Liberio congressum ipso coram Impetatore Constantio in Urbe Roma post ejusdem ab exilio reditum comminiscitur. Quod urique falsum, nam ex Ammiano Marcellino auctore cœvo lib. 16. liquido constat Constantium Roma egressum anno 357. 4. Kalend. Junias, eo tempore scilicet, quo adhuc Berœæ in Thracia exsul Liberius agebat, nunquam postmodum Romam pedem retulisse. Neque Bursuetii Annoratorem juvar teponere, a Theodoretto lib. 4. cap. 6. etiam referri, dum ordinaretur S. Ambrosius, Mediolani adstitisse Valentinianum Augustum, qui tamen eodem Ammiano teste lib. 30. tum temporis longe abetat, Treviris, aut in Rheni vicina hyemem agens: neque propterea Theodoretto fidem in ceteris abnegan-

negandam. Quid enim juvat eum, qui errat, videre alios errasse? Certe si hoc modo argumentari liceret, nullus esset profecto vel mendacissimus Scriptor, qui eo modo excusari nequiret. Deinde longe dispar ratio. Theodoretus Græce, atque longissime a Latio scribebat, Latini sermonis nunciis, aut scriptis uti debebat: excusatione igitur dignus; si in hisce aliquando hæsit, aut lapsus est etiam. At Exscriptori Actorum S. Eusebii homini, uti liquet, Latino, atque e Latinis Orosii Commentariis describenti, ac verisimillime in Urbe ipsa Roma, vel in Italia saltem degenti, nulla venia danda, nullaque præterea fides præbenda. Vel enim ei fuit exemplaris Orosii anceps, ambiguaque potestas; atque scæda ignorantia est notandus: vel perspecta fuit, sed persutbare voluit; atque sublesta de fide objurgandus est. Scriptori jam vero hujusce generis, vel ignorantiaæ scæda labe, vel fraudis gravi laboranti suspicione, quis prudens fidem adhibeat? Quis etiam æqui, justique æstimator in animum inducere queat, quod fabulator ille subjungit, a Liberio scilicet rogatum, atque sollicitatum Constantium Imperat. jussisse, ut in cubiculo inclusus Eusebius inedia necaretur; quin etiam una cum eodem Constantio Liberium persecutione desævisse in Christianos quotquot, qui in partes Liberii descendere detrectassent, adeoque ut in plateis, in vicis, in balneis, in Templis ipsis turmatim gladio interficerentur, ingentique cæde loca ubique complerentur? Quis, inquam, non de Liberio dicam, sed de quolibet eo longe, si fuit unquam, deteriore Pontifice aliæ dira ista, & inhumana cogitare vel possit, quæ tam oppido falsa, quam impia de Liberio Pontifice, sanctissimis moribus prædito, ingenioque procul dubio mitissimo, ut ex historiis fide omni dignis ostendimus, Exscriptor iste effutivit? Fatis denique functo Liberio, qui ipsius in locum levatus est, S. Damasum Concilio ex Episcopis 28, ac Presbyteris 25. coacto publico decreto Liberium damnasse idem Scriptor subtextit. Ecce novam Liberio, & Damaso, ingeminatamque injustam injuriam? S. Damasus proculdubio perspectissimum habuerat a Liberio illico a reditu, invictissimeque Nicænam fidem propugnata fuisse, & Ariminensem formulam, Synodumque proscriptam, id enim totum ipse testatur in Epist. ad Illyricos. Non
igi-

igitur ingenti absque invidia, atque injuria dicetur vel Liberius a Damaso damnatus, vel Liberii damnator Damasus. Mitto alia minoris momenti apud Criticos videnda, atque inter alia ductum argumentum e ratione Schismatis ea occasione vigentis, in schismate autem verum non esse Martyrem; nam de hoc paullo post. Verum etiam Actorum sinceritate admissa, suo adhuc loco stare integram Liberii fidem pugno, conciliari facile dicta posse cum iis, quæ pro defensione ipsius paullo superius prolata sunt, satiusque demum aptari idem responsum, quod objectis ex testimonio Liberii, Hieronymi, Faustini, Auxilii &c. mox erit aptandum.

Quamobrem, ut præteream, quod Dupinio, Natali, & Cavalcanti placuit dicere, putareque sive S. Hilarii Fragmenta esse fictitia, prodiisseque ex figlinis, sive Fragmentis absutas fuisse, perperam Liberii Epistolas, sive Epistolis ipsis, prout in Fragmentis S. Hilarii prostant, additamenta pleraque fuisse facta, respondeo Liberium libenti animo primæ Formulæ Sirmiensis ab se accommodatum assensum ideo dixisse, quod formulam illam nihil præferre fidei Nicænæ absconum probe dignovisset: quemadmodum revera Nicænæ fidei minime adversatam Sirmiensem Ecthesim illam ad oculum superius est demonstratum. Ideoque in S. Athanasii damnationem consensisse, atque Semiarianis Sacrorum consortio se conjunxisse, quod gravissimis illum flagitiis irretitum, hos vero in fide puros, integrosque reputaret. S. Hieronymum eo sensu dixisse Liberium hæresi subscripsisse, quod subscripsisset formulæ fidei ab hæreticis constatæ; quod hæreticorum consortio, ac communione se polluisset; quod S. Athanasio, cujus causa cum causa fidei videbatur conjuncta, dixisset anathema, quod est hæresi ad stipulari, hæreticis adscribi, & hæreticum audire, non equidem formaliter, & expresse, sed interpretative, & præsumpte, favore, protectione, suffragio, non interiori consensione, affectu, & affirmatione. Ad hæc scite animadvertunt eruditi Critici Chronici Hieronymiani textus in emendatissimis Codicibus desiderari; observant autem Scaliger, & Tillenontius ejusdem Chronici exemplaria sive edita, sive Mss. multis mendis scatere, de quibus etiam Dodvællus in dissert. 3. ad S. Irenæum §. 2. Unde Pighio

visum est, communem Auctorum calculum alleganti, verba in objectione laudata vel dolo, deque industria assuta fuisse, vel inadvertentia irrepisse. Faustini, & Marcellini hominum, qui Ursicini Schismatici partes adversus S. Damasum pro virili adjuvabant, nutare omnino fidem, ubi de Pontificibus agitur, ac præsertim in Præfatione, e qua locus objectus haustus est, velut animadvertunt Tillemontius, ac doctiss. Benedictini Monachi. Ut ut sit tamen, commode verba illa interpretamur de adjecta syngrapha formulæ Sirmiensis, non de hæresis ipsius professione, sive de perfidia ipsa probata; atque ratio plane ita interpretandi satis patet ex supradictis. Auxilii Presbyteri simili modo perorcham accipiendam dicimus: scilicet eo sensu dixisse Liberium hæresi subscripsisse, quod Ecthesi ab hæreticis procusæ, inque sensu hæretico hæreticis probatæ assensum suum præbuerit, cum hæreticis Sacrorum fœdere se copulaverit, atque hæreticis gerendi morem gratia, iniquum in S. Athanasium se exhibuerit. Cæterum Auxilium in pleraque admodum a veritate aliena sæpius abjisse, plurimumque, prætextu honoris defendendi Apostolicæ Sedi debiti, in eandem Apostolicam Sedem deliquisse, habenasque laxasse Pontificum convitiatoribus, atque posthabendi facile illorum decreta ansam dedisse, dum ut Formosi Ordinationes defenderet, in Stephanum VI. immoderate desæviit, recte admonuit doctiss. Morinus in præf. ad duos libellos Auxilii de Ordinatis suis Commentariis de Sacr. Ordinatis, adnexis. Hæc luculenter de Liberio, quem a lapsu ita liberaffe, ipsiusque fidem tuto, firmoque statuisse loco putaverim, quo profecto magna perfundor lætitia, mihi que plaudo pro eo, quo, & quammaxime quidem Pontifices falli, & fallere nescios demonstrandi studio deservet, & adnitor: quod primo demonstrandum loco proposueram.

Quod nunc secundo conciliandum loco proposui, est S. Felix II. Pontificatus; donec enim id præstetur, grave exinde, difficileque Liberii fidei negotium facessitum ibit. Si enim Felix legitimus Pontifex fuit, Pontificatum vero gessit Liberio adhuc in vivis agente, Liberium a Pontificatu decidisse oportet. At legitimus Pontifex Felix fuit: igitur reapse a Pontificatu Liberius decidisse erit dicendus. Sed enim nonnisi ob hæresim decidis.

cidisse dici potest: igitur reapse hæresim fuisse professus Liberius dicendus erit. Si vero ajas legitimum Pontificem non fuisse Felicem: igitur ajere necesse erit eundem fuisse Schismate infectum: si autem infectus schismate, Martyris non-ine haberi non poterit: errabit itaque Ecclesia hoc eum honore recolens? Ecce tibi undique angustias! Ingenti igitur animorum artu de tam gravi argumento, idest de Liberii, & Felicis Pontificatu, disputatur in utramque partem, qua ab Heterodoxis, ut a Basnagio in *Annal. Polit. Eccles.* ad anum 355. §. 15, & seq., qui ut Liberium a fide lapsum, deviumque revincant (quibus hac in re manus imprudenter dedere nostræ communionis homines nonnulli haud dubitarunt) Felicem II, Liberio superstite, legitimum Pontificem fuisse propugnant; qua ab Catholicis, e quibus alii e contra ut Liberii fidem integram tueantur, inque tuto ponant, Felicem tanquam pseudo-Pontificem traducere non verentur; alii vero Marte meliori, alterutrum absque injuria, componi utriusque Pontificatum posse arbitrantur. Difficillima in hac porro, atque quidem gravissima proculdubio quæstione, quid veri mihi videatur similis, aperiendum, atque, si Superis placet, uterque Pontifex ab invidia vindicandus. Itaque Felicem II. inter pseudo-Pontifices referendum jubent Panvinius, Baronius, qui postea ad an. 357. n. 62, & seqq. a priori recessit opinione, Ciacconius, Lupus par. 5. ad Dictatum S. Gregorii VII. pag. 794, Tillemontius *Monum.* tom. 6. Annot. 60. in *hist. Arian.*, Natalis *hist. Eccles.* ad Sæcul. IV. dissert. 32. art. 3, Fleurius *hist. Eccl.* lib. 13. §. 21, Bailletus ad diem 29. Julii, Coutantius ad *Epist. Rom. Pontif.* pag. 470, aliique. Illustrissimo Sommier *hist. dogm.* lib. 3. cap. 5. ea infedit sententia, quod illegitimus quidem Pontifex Felix fuerit, sed bona fide aliquando veluti legitimus habitus, postquam scilicet Liberium S. Athanasii damnationi, Ethesique Sirmientiensi subscripsisse innotuit, persuasumque fuit a Nicæna fide descivisse. Quum vero de integra Liberii fide constitit, eundem Liberium reducem uti legitimum Romæ fuisse receptum, Felicem vero tanquam spurium ejectum vir Eruditus existimat. Ex adverso S. Felicem legitimos inter proculdubio Pontifices referendum putant Genebrardus in *Chron.*, Perronius in *respons.*

ad Jacobum Angliæ Reg., Baronius ad an. 357. n. 62, & seqq., Bellarminus de Rom. Pontif. lib. 4. cap. 9, Binius tom. 1. Concil., Gretzerus in defensione Bellarmini, Gordonius, & Gualterus apud Jodocum Coccium in Thes. Cathol. lib. 7. art. 12, Henschenius in Append. tom. 3. April., Papebrochius in Conat. Chron. hist. dissert. 15, alias 9, Pagius uterque, Senior ad annum. 357. n. 16, & seq., Junior vero in Breviar. in S. Felice II, Auctor Observat. Theolog. hist., & Crit. in historiam Fleurii tom. 1. lib. 14. pag. 215, Blanchinius in Not. ad Anastasium to. 3. sect. 53. pag. 28, & seqq., Sollerius tom. 7. ad diem 29. Julii, Roncalia in Animad. ad cit. dissert. Natalis, Annotator Bossuetii ad cap. 34. in Acta S. Eusebii defens. Declar. part. 2. lib. 14, Illustriss. Franciscus Anton. Cavalcanti in Vind. Rom. Pontif. lib. 3. dissert. 9, Benedictus XIV. de Canoniz. SS. lib. 4. par. 2. cap. 27. num. 14, sive Dissert. volum. 1. dissert. 34. n. 14. de S. Felice II. Sanctitate, & Martyrio nullam amplius superesse dubitationem affirmans, sed disputari ab Eruditis dumtaxat de qualitate, rationeque Martyrii, de qua Papebrochius fuse in Conatu dissert. 16, alias 10, & in respons. ad exhibit. error. art. 11. §. 16, aliique apud ipsos. Postremæ huicce sententiæ utroque subscribendum pollice duco, remque, postquam a Viris eruditione eximiis tanto studio est exagitata, non amplius difficilem adeo, impeditamque, componendam adgredior, Liberii videlicet, & Felice II. Pontificatum.

Itaque S. Felicem II. legitimos inter Pontifices fore computandum, tantumque abesse, ut vel leve schismatis in ipsum cadere crimen potuerit, veteres cum Scriptores fide digni, tum venerandæ antiquitatis Monumenta nos edocent. Ita Theodoretus lib. 2. hist. Eccl. cap. 17. refert Liberio successisse Felicem fidelem ejus Diaconum: cui quidem crimini datum observat, quod cum Arianis communionem injisset, ut propterea Romanorum nemo in Ecclesiam, dum intus Felix adesset, ingredi vellet, fidei tamen Nicænæ retinentissimum fuisse affirmat. Socrates lib. 2. hist. Eccl. cap. 19. etsi in Felicem non admodum æquus, perhibet tamen non defuisse, qui dicerent illum nedum hæresim Arianam haud amplexum, sed nonnisi vi, & necessitate adactum suæ tan-

tandem ordinationi consensisse, scilicet jubente Liberio, ut communiter explicatur. Sozomenus lib. 4. cap. 10. postquam relationes varias, quæ de Felice circumferebantur, expendisset, ei demum adhæsit, quæ tradebatur Felix integerrimæ fuisse Religionis, ac fidei: id unum excipiendum monens, quod ante Ordinationem cum Arianis Episcopis communionis fœdere aliquando fuerit conjunctus; Ordinationem tamen non suggillat, sicuti neque ejus ingressus fuerat a Theodoro reprehensus. Sed enim S. Felici Pontificatum illustrare ex Latinæ Ecclesiæ documentis magis juvat, in quibus etsi plurimo haud in pretio habenda paullo superius dixerimus Acta S. Eusebii Presbyt., & Mart., atque quam maxime hoc loci, ubi a Felice Concilio Episcoporum 48. habito damnati referuntur duo Presbyteri Romani Ursacius, & Valens, damnatusque Constantius secundo rebaptizatus ab Eusebio Nicomediensi, cujus periochæ falsitas, ac figmentum vel in oculos insilit, in eo tamen, quod tradunt a S. Eusebio, ejusque Sociis S. Felicem loco, ac in honore legitimi Pontificis habitum fuisse, nihil est, quod prohibeat, quominus eisdem fidem Actis tuto adhibere quis possit. Faustinus, & Marcellinus Ecclesiæ Rom. Presbyteri in præfat. libelli precum Imperatoribus oblati perhibent a Clero, etsi contra fas, neque gravi absque perjurii scelere, Felicem Archidiaconum, ordinatum in locum Liberii, fuisse receptum, atque Damasum prius cum eodem Liberio profectum in exilium, Romam postea regressum ita deinceps Felici adhæsisse, ut propterea ab ejus partiariis quammaxime in locum ipsius post Liberii fata in Pontificem fuerit postularus. Audis Rom. Clerum, ac S. Damasum Felici adhæsisse, quorum similia tradidit Scriptor Actorum S. Eusebius? Id sane intelligi, nisi de legitimo Felici Pontificatu non potest, quem legitime Felix aliqui conscendere, vel administrare, nisi legitime se abdicante, vel adnuente Liberio, atque legitimis Clero votis adstipulante, non potuisset. Quod quæ ratione factum fuerit, paullo infra exponetur. Verum est quidem, quod ii Duumviri schismati Ursicini studentes propterea Clero, Felici, ac S. Damaso infamem perjurii, ac schismatis notam appingere non sunt veriti, ideo quod, ipsis referentibus, Romanus Clerus, Felix, ac Damasus

jura,

juramento se obstrinxissent de Pontifice altero non eligendo, donec in vivis Liberius egisset, subdentes eam ob rem a Senatu, Populoque Romano, Liberii partes consecrante, Felicem ejuratum, Urbeque pulsum, bina vice nihilominus conatum, vimque omnem impendisse, ut Sedem usurpatam sive retineret, sive recuperaret, sed demum exulem abire coactum privatam deinceps vitam suo in prædiolo ad annos octo traduxisse. Nam in iis quæ S. Damaso crimini dant, illis fidem non adhibendam, ut qui in contrarias Ursicini partes concessissent, nemo prudens dubitabit, uti recte admonet Papebrochius. Fieri deinde, ut inferius dicetur, potuit, ut Liberius aut sponte juri suo cesserit, aut qui suas obiret vices, mature curaverit, aut lapsus e loco excidisse creditus fuerit, ac proinde, ut solus ei præstito juramento, legitime præfici Felix, aut Pontificatum gerere, aut legitimi Pontificis loco coli potuerit. Quo pacto tam S. Damaso, quam Romano Clero violatæ jurisjurandi religionis impacta nota, omnino dispungitur. Neque pariter illis præbendum assensum in iis, quæ de S. Felice referunt viribus omnibus enixo, ut Sedem semel, ac bis invaderet, quam tamen dimittere compulsus tranquillam deinceps vitam in prædiolo ad octennium, ad Valentiniani videlicet tempora, transegerit. Siquidem, ipsismet testibus, Clero, Senatu, Populoque Romano pro Liberio stantibus, ideoque Felice omnino impare, quid contra obniti ex Clero nonnullus valuisset? Præterea quum post Liberii reditum brevi tempore supervixisse Felicem auctores sint Sozomenus lib. 4. cap. 15, & Nicephorus lib. 9. cap. 37, atque plerique Catalogi Rom. Pontif. confirment, in re quoque Chronologica turpiter illos lapsos liquet: ut propterea Sollerius ad diem 29. Julii præfationem illam libello præfixam valdequam suspectam habuerit, atque spuris in odium Rom. Pontificum sive ab hæreticis, sive a schismaticis confectis deputandam fore non dubitaverit.

Age vero certiora hujusce rei documenta, in quibus dubii nihil, aut longe minus subsit, e Romana ipsa Ecclesia desumere licet. Acque in his quidem præcipuum occupant locum Veteres Picturæ via Ostiensis in Basilica S. Pauli una cum Inscriptionibus, opereque Musivo S. Leonis M. expressæ, magnaque diligentia descrip-

descriptæ, & illustratæ a Cl. Blanchinio Anastasii tom. 2. pag. LXXXVII, & seqq., in his vero suum post Liberium, atque legitimos inter Pontifices locum habet Felix, assignatis ei sessioris an. 1. Mens. 3, dieb. 2. Succedit liber Pontificalis, sive gestorum Pontificalium, in quo de Liberio agente tom. 3. sect. 51. pag. 11. sic habetur: *Congregantes se Sacerdotes, cum consilio Liberii, ordinauerunt in locum ejus Felicem Presbyterum Episcopum Vener. Virum &c.* Ex quibus proinde Liberii vacantem locum sive Pontificatum, legitime a Felice re, vel nomine fuisse occupatum sit consequens; qua vero recta fieri ratione potuerit, fusius infra explicabitur. Non me fugit libro Pontificali fidem a Criticis passim detrahi, neque detrahendam plane fore in plerisque multis diffiteor. Atque in his quidem, quæ hoc ipso loci subjungit tam de Concilio ex 48. Episcopis collecto a Felice, in eoque damnatis duobus Presbyteris Ursacio, & Valente, quam de damnato Constantio Imp. ob hæresim Arianam, susceptumque secundo Baptismum ab Eusebio Nicomediensi, qui error cum Scriptore Actorum S. Eusebii ei fuit communis. Ut enim nihil de errore manifestissimo dicam circa Ursacium, & Valentem, qui nusquam Romanæ Ecclesiæ inter Clericos cooptati, sed Episcopi Pannonii fuere, ille Mursiæ, hic Singidonis, ex historia de Constantino M. Nicomediæ ab Eusebio baptizato translatam huc periocham ad rebaptismum Constantii patet. Quamvis enim a Felice damnatum Constantium ob hæresim defendi possit, eumque revera rebaptizatum autemet Blanchinius in Not. hist. pag. 29, attamen, præterquam quod de rebaptismo Constantii nihil habent neque S. Hilarius, qui in lib. adv. eundem nondum regeneratum ait, neque S. Athanasius, qui in lib. de Synod. ab Euzojo eum baptizatum scribit, quod scribunt quoque Socrates lib. 2. cap. ult., Nicephorus lib. 9. cap. 10, & Philostorgius, qui lib. 6. cap. 5. eum baptizatum Antiochiæ ab Euzojo an. 361. referens, rebaptizatum certe referre non omisisset, ad confirmandum indurum de rebaptismo errorem ab Euvomio, cui ipsemet impense studebat, ex eisdem Scriptoribus certe constat Constantium in Ordine Catechumenorum hæsisse usque ad an. 361, quo anno Tauro, & Florentio Consul. eum.

eundem fini concessisse suo ex S. Hieronymo, Socrate, Sozomeno, Idacio, Victore, Theophane, & Chronico Alex. ostendit Pagius ad an. 361. n. 4, & seqq., qui annus post Felicis expulsionem est secundus: quique Felix, si usque ad an. 365. pervenit, uti legitur apud Faustinum, & Marcellinum, neque a Constantio quadriennio ante vita functo Martyrio affici potuit: qua de re postea. Nihilotamen minus, quod ad rei caput pertinet, ad Felicis nempe Pontificatum, non est cur Pontificali libro fides denegetur, quam ipsi luculenter confirmant innumeri Catalogi alii venerandæ antiquitatis, in quibus Felicis Pontificatus omnem prorsus extra dubitationis aleam ponitur, ut in Catalogis Colbertinis septem apud Pagium in Appar. tom. 1. pag. 310, & seqq. nov. edit. Lucen., qui a Sæculo XIII. ad Sæculum IX. pertingunt; ut in Catalogo Sæculi VI, qui sub S. Felice IV. adornatus creditur apud Schelestratium; ut in Lucensi an. 600, & in Bergomenfi annor. 800. apud Blanchinium tom. 2. pag. xviii, & seq.; ut in Belgico ante annos 600. ex Vetusiori descripto apud Papebrochium; ut in Cavenfi, & Farsensi Sæculi XI. apud cit. Blanchinium tom. 1. pag. 4, & tom. 2. pag. cxv. A quibus nec abluunt, nec longius absunt Codices duo Freheriani, & Thuanus ubi legitur: *Congregans Sacerdotes cum consilio eorum Liberius in locum suum ordinavit Felicem &c.*, Codices Regius, Mazarinus, & Thuanus aliter, ubi sic habetur: *Congregatis itaque Sacerdotibus cum consilio eorum ordinarunt Episcopum Felicem &c.* Cui lectioni tamen ea præferenda, quam ex Lucensi S. Anselmi, ex duobus Florentinis, & ex Regio hisce conceptam verbis: *Congregantes se Sacerdotes, cum consilio Liberii, ordinarunt in locum ejus Felicem &c.* suppeditant viri doctiss. Holstenius, Schelestratius, Papebrochius, & Blanchinius tom. 1. Anastasii pag. 46.

Documento, argumentoque sunt etiam antiquissimæ Litaniæ, quas e Codice Ms. Bibl. S. Genovesæ annorum 700, aut 800. descripsit Johannes Fronto Canonicus Regul. S. Augustini, in quibus S. Felix II. in Pontificum numerum cum *Sancti, & Confessoris* nomine refertur. Ubi observare juvat Confessoris notam nihil obesse nomini Martyris. Nam veluti recte animadvertiunt Viri doctiss. Fronto ipse, Pamelius in Schol. ad Epist. 9.

S. Cy-

S. Cypriani, Theophilus Raynaudus tom. 18. in tract. de Martyrio per pestem par. 2. pag. 365, Guyet de Festis propriis SS. lib. 2. cap. 7. quæst. 9, & seq., Papebrochius in resp. ad exhib. error art. 11. §. 16, Galefnus in Not. ad Martyrolog. 17. Kalend. Febr. ad S. Felicem Confess., Pouget in Cathol. Institut. par. 2. Sect. 4. cap. 2. §. 22, Sollerius ad diem 29. Julii, Josephus Maria Pezzius in defens. libr. Liturg. V. Card. Thomasi cap. 5. §. 3. n. 12, & seqq., & Benedictus XIV. in Append. ad lib. 3. de SS. Canon. cap. 12. §. 2. Martyris, & Confessoris nomen olim pro eodem promiscue quandoque acceptum legitur, ut a Tertulliano in lib. ad Martyres, & in Scorpiaco cap. 8, ubi de tribus Pueris hebræor., a S. Chypriano in epist. 58, ubi de iisdem tribus Pueris, a S. Jo: Chrysostomo in Orat. de S. Eustathio Antioch., a S. Augustino in Psal. 127. vers. 4, ubi de S. Felice, a S. Hieronymo lib. adv. Jovinian. tom. 2. pag. 280, ubi de S. Johanne Evang., de quo etiam Sacramentarium Gallic. apud Mabillonium Musæi Ital. tom. 1. pag. 294, a Rufino lib. 10. hist. Eccl. cap. 36, ubi de S. Theodoro, de quo præterea Theodoretus lib. 3. cap. 9, & Ruinartius in Act. sincer. pag. 515, a S. Paulino in Natal. 3, & 11. de S. Felice Nolano apud Muratorium Anecd. Latin. tom. 1. pag. 24, de quo etiam Florentinius in veteri Martyrolog. ad diem 24. Jan., & Ruinartius in Act. sincer. pag. 214. Atque ideo Martyris nomine passim insigniti feruntur S. Marcellus P. M. in libro Pontif., & in Breviar. die 16. Jan., S. Johannes Papa ad 27. Maji, S. Martinus item P. M. in Collectan. Anastasij apud Sirmondum in fin., S. Gregorius Armenus, dictus *illuminator* in Martyrologio Rom. ad diem 30. Septemb., & in Menologiis Orient., de quibus Bonuccius in ipsius histor. edit. Rom. 1717, S. Zeno Veronensis apud Henschenium tom. 2. April. pag. 69, & Ballerinius tom. 1. ipsius Oper. edit. 1739, S. Juvenalis Narnien. ad 3. Maji, SS. Martyres 20. Monachi in Laura S. Sabæ apud Henschenium tom. 3. ad diem 20. Martii, SS. Martyres in Bulgaria sub Nicephoro in Menologio Græcor., & Martyrolog. Rom. ad 23. Julii, Martyresque alii plures, de quibus Gallonius lib. de Cruciatibus SS. Martyrum. Nihil igitur mirum, quod S. Felix II. in Litaniiis illis Frontonis nedum, sed etiam in

Sacramentario S. Gregorii M., in Martyrologio Mf. Corbejensi, a S. Augustino lib. de cura pro Mortuis cap. 5, & a S. Gregorio Turon. Confessoris nomine nuncupetur, qui aliis in Monumentis Martyris titulo condecoratur; quod de titulo fufius paullo infra.

Quod nunc interest, ad legitimum S. Felicis II. Pontificatum confirmandum, atque factum, testumque servandum faciunt, conferuntque S. Gregorii M. cum Antiphonarium, tum Sacramentarium ab Hugone Menardo an. 1642. evulgatum, ubi Officium, & Missa exhibentur S. Felicis Martyris, & Confessoris. Kalendarium Romanum ejusdem Frontonis ad diem 29. Julii, & Sacramentarium Tolosanum apud Sollerium ad eandem diem, in quibus prætermissa sive Confessoris, sive Martyris appellatione, Felicis Papæ memoria recolitur. Quæ pariter, appellato Martyris nomine, celebris occurrit passim in Martyrologiis; ut in antiquissimo Romano parvo edito a Rosveido, a quo Martyrologia cetera ortum habuere, ubi ad cit. diem 29. Julii legitur: *Romæ Felicis Papæ, & Martyris sub Constantio*: atque ita in Martyrologiis V. Bedæ, Rabani, Usuardi, Adonis, Notkeri, Wandelberti, Maurolici, Galefii, Menardi, Florentinii, Mf. Corbejensi &c. S. Felicis Martyrium die 29. Julii consignatur, ipseque capitis obtruncatione Martyrium sub Constantio complevisse commemoratur. Haud me fugit ab adversæ opinionis patronis hæc testimonia accipi dicta, explicarique de S. Felice I, qui sub Aureliano Imp. Martyrio affectus legitur. Unde emendari volunt Martyrologia, quæ Felicem II. sub Constantio passum memorant. Responsum hanc utique funditus uno istu evertere sibi visus est Pagius ad an. 357. n. 17. argumento ducto ex duobus Indiculis Bucherianis, sedente Liberio elucubratis, quibus ideo de SS. Pontificibus nihil habemus antiquius, nempe quod S. Felix I. in Indiculo Depositionis Episcoporum memoratur, non vero in Indiculo Depositionis Martyrum. Sed enim conjectura hæc vel ex eo concidit, quod in eodem Indiculo Depositionis recensetur etiam 3. Non. Martii S. Lucius, quem tamen, ut advertit Coutantius pag. 292, Martyrio affectum fuisse diserto S. Cypriani testimonio in epist. 67. edit. Pamel., 68. Oxon. n. 5. indubitatum est: cui non satis, mea quidem sententia, Pagius facit
ad

ad an. 353. n. 5. lato a S. Cypriano modo ibidem Martyris nomen acceptum respondens. Neque perinde ejusdem Pagii opinio S. Felicem II. multa quidem pro Christo perpeffum fatentis, negantis tamen postea sub Constantio ejus causa interfectum, ac proinde Martyrologiis hac in re fidem detrahendam affirmantis, tanti mihi videtur, ut Felicem absolute negem revera Constantii jussu Martyrio vitam absolvisse, de quo paullo post. Repono igitur potius tam Martyrologiis, quam Monumentis aliis Ecclesiasticis supra congestis stare suam debere auctoritatem, donec in adversum manifesta nos cogant documenta, quæ hæcenus ab adversæ opinionis partiariis in medium producta non sunt. Nam Felicis II. obitus unanimi consensione die 29. Julii illigatur; S. Felicis I. vero an. 274. 3. Kalend. Junii, ut habent Liber Pontif., & Martyrologia Romanum, Bedæ, Usuardi, & Adonis, seu verius 3. Kalen. Januarii, ut ex Indiculo Bucheriano, & Catalogis Reginæ Sueciæ, ac Fossatenfi obitum consignandum ostendunt Pagius ad an. 274. n. 2, Papebrochius in Conatu §. 27, & Blanchinius in Not. Chronolog. tom. 3. pag. 238: quibus Monumentis, ac Bucheriano præsertim Indiculo longe postponendos docent Catalogos alios plerosque, ut Bucherianum, ut Belgicum, ut Colbertinos duos, ut Catalogum Felicis IV. &c., in quibus in an. seq. 275. S. Felicis I. obitus rejicitur. Accedit, & illud, quod si S. Felix II. nomine Pontifex non fuisset, quæque ipsi tribuuntur, ad S. Felicem I. referenda forent, perperam S. Felix Papa S. Gregorii M. atavus a priscis Scriptoribus Felix IV. dictus fuisset, velut a Johanne Diac. lib. 1. cap. 1. vitæ S. Gregorii M. hortatu Johannis VIII. conscriptæ, & a Leone Ostiensi lib. 1. Chron. Cassin. cap. 1. in fine; quam opinionem amplexi sunt Bellarminus lib. 4. de Rom. Pontif. cap. 9, atque Monachi Maurini in S. Gregorii vit. tom. 4. Oper. inserta, juxta quam olim in Martyrologio Rom. ad diem 25. Febr. S. Felicis IV. cum hoc adjuncto, quod S. Gregorii M. atavus fuit, memoria fiebat; non enim nisi duo Felices fuissent, præter hunc II. ante Felicem IV. Si autem, ut veri longe similis visum est Baronio ad an. 492. n. 1, & in Not. ad Martyrolog. Rom. 5. Kalend. Martii, Bollando ad diem 25. Febr. §. 1. n. 4. pag. 503., Papebrochio in Conat. §. 50. n. 2. pag. 156, &

Pagio Jun. in S. Felice IV., ideo quod neque genus, neque ætas ferant, ut Felix IV. natione Samnis, ex Urbe Beneventana natus, atavus fuerit S. Gregorii M. genere Romani, ipsoque Felice IV. Pontificatum gerente nati, aut etiam ante, unde sufficiens generationibus quinque, quot ab Atavo ad Atnepotem statuendæ sunt, explicandis tempus inter utrumque non intercessit, siquidem a Felice IV. obitu usque ad electionem S. Gregorii anni 60. vix interponuntur, quum alioqui circiter anni 100. ab obitu S. Felicis III. ad S. Gregorii Pontificatum interfluxerint, si, inquam, S. Felicem III, sicut ex S. Gregorio ipso hom. 38. in Evang. n. 15, & lib. 4. Dialog. cap. 16. haud obscure inferitur, S. Gregorii atavum fuisse velis, integrum stat adhuc Bellarmini argumentum, siquidem ante S. Gregorium M. quatuor Felices dinumerantur, in quorum censum nisi Felix II. veniat, non essent reliqui nisi tres, contra Scriptorum fidem de Rom. Pontificum serie, & numero.

Rem denique conficere videtur, omnemque dubitandi locum deinceps de legitimo S. Felicis II. Pontificatu sustollere, ejusdem tam Sarcophagi inventio, & inscriptio, quam antiquissimi in Ecclesia Cærensi cultus memoria. Enim vero sub Gregorio XIII. an. 1582, dum de Romani Martyrologii emendatione a viris Eruditis ad id operis delectis tractaretur, atque de S. Felice II. quæstio non levis incidisset, de ejusdem nempe nomine Martyrologio nove emendato expungendo, an non; ex viris Eruditis vero, ac Baronio ipsi quammaxime, ipsomet teste ad an. 357. n. 62. edit. nov. Lucen., contraquam plerisque cum aliis pugnaret Card. Sanctorius, delendum S. Felicis II. nomen fore visum fuisset, Dei providentia factum procul dubio est, ut dum in Diaconia SS. Martyrum Cosmæ, & Damiani, in Foro ad Templum Pacis posita, a maleferiatis quibusdam clam Alcare unum ad latus dextrum positum suffoderetur, reperiendi Thesauri causa, in marmoream Arcam offenderent, in cujus altero latere, tabulæ lapideæ interstitio ab altero distincto, repositæ invenirentur Reliquiæ SS. Martyrum Marci, Marcelliani, & Tranquillini, in altero vero Arcæ latere Corpus S. Felicis cum hac inscriptione in lapideo laterculo antiquis chara scriptibus incisa: *Hic jacet Corpus S. Felicis, & Martyris, qui damnavit Constantium*. Hæc vero

vero revelatio facta est pridie diei festi ipsius S. Felicis 4. Kalend. Augusti, quo ejus Natalis dies in Ecclesia agi consuevit. Quapropter tanti Monumentum hoc jure factum est, quanti profecto fieri debuisset recte docent adversus Basnagium, Gronovium, & Burnetum, Prudentius in hymn. 11. S. Hippolyti, Ruinartius in præf. ad Acta SS. Martyr., Aringhius Romæ subterr. lib. 3. cap. 22, Dominicus Georgius in dissert. de Monogram. Christi D. cap. 11, Mabillonius in Epist. de Cultu SS. ignotorum pag. 43. nov. edit., Boldettus de Cœmet. Urbis lib. 1. cap. 47, & Benedictus XIV. de SS. Canon. dissert. 34. n. 14. Vol. 1, ut Baronius ipse, aliique plurimi a priori sententia recesserint, atque disputatione omni semota S. Felix Martyrologio Rom. die 29. Julii fuerit adscriptus. Juxta hæc, quæ invicem concurrunt, lucemque mutuam accipiunt, atque sibi affundunt, vetustissimus est Cærensis Ecclesiæ erga S. Felicem cultus, cujus ea in Urbe Martyrium contigisse fertur in libro Pontificali, eaque ideo ab Ecclesia S. Felix tanquam Patronus prisca ab ætate colitur, Baronio referente n. 58. Est autem Cære Urbs in Faliscis via Aurelia 17. ab Urbe lapide, olimque erat Sedes Episcopalis, dicta etiam Cora in lib. Pontif., unde apud Plinium lib. cap. 5. illius Oppidani dicuntur Corani, & Florentinius in Martyrologio posuit: *In Oppido Cora, & Romæ via Portuensi Natalis S. Felicis Episcopi &c.* Inde corpus ejus raptum, a S. Damaso primum sepultum est in Basilica ab ipso S. Felice constructa via Aurelia, non longe ab Ecclesia S. Pancratii, & a Cœmeterio Calepodii, de qua Panvinus, Aringhius, Boldettus, & Blanchinius tom. 3. pag. 30, indeque demum traslatum intra Urbem ad Titulum SS. Cosmæ, & Damiani, in quo, uti dicebam, Gregorio XIII. repertum est; Reliquiarum vero pars aliqua sub S. Gregorio VII. Ecclesiæ S. Pudentialis tributa.

Non me latet quidem laudatum ex Sarcophagi inventione, & inscriptione momentum a plerisque adversæ opinionis patronis Natali, Tillemontio &c. floccifieri, eamque falsitatis inscriptionem argui, ideo quod ait a S. Felice damnatum Constantium, veterum nemine id testante, non Athanasio, non Lucifero, non Hilario, non Hieronymo: quum nec imo veri habeat speciem, ejus-

ejusmodi severitatem adversus Imperatores exercendam sibi Ecclesiam sumere voluisse, ac temere tum utique, ubi se in majora incommoda coniecisset; maxime autem in Constantium tum adhuc Catechumenum. A Cærensi autem Ecclesia S. Felicem I. coli censent, non hunc secundum, quem in pseudo-Pontificum album referendum contendunt. At vero tanti ista non sunt, ut ab invito extorquere assensum valeant, ne vero iis ego assentiar id efficit, quod paucis silentibus, longe plura eloquantur Monumenta, atque testibus potius diserte loquentibus, quam tacentibus, auscultandum tum maxime sit, quum nihil est, quo satis illorum elidi testimonium, elevarique possit. Atque in Constantium quidem, etsi Imperatorem, etsi Catechumenum, (quamvis puerum baptizatum nec levi, nec contemnenda conjectura affirmat Cl. Blanchinius in Not. hist. tom. 3. sect. 53. pag. 29, & seq.) a S. Felice potuisse animadverti haud difficile sibi persuaserit, qui recogitit Liberium Mediolani cum eodem congressum nefariis ejusdem votis obstitisse non modo, sed liberis, acerbisque verbis iniquam agendi rationem objurgasse, ut auctor est S. Athanasius in epist. ad Solitar., ubi hæc inter alia ad illum Liberii verba refert: *Desine persequi Christianos, nec tenta me Hæreticam impietatem in Ecclesiam introducere*: quibus approbe congruunt, quæ ex Dialogo cum eodem Constantio a Liberio habito regerit Theodoretus lib. 2. cap. 16. Luciferum Calaritanum duobus libris Constantii sævitiam erga Catholicos acerrime insectatum, magnæque dicendi libertate usum, neque diris pepercisse, quibus eum proscinderet, & apud probos omnes traduceret cum præfatis in libris, tum in libris passim de Regibus Apostatis, de moriendo pro Filio Dei, de non conveniendo cum Hæreticis, de non parcendo delinquentibus in Deum &c. Osium Cordubensem bis, ac ter, S. Athanasio teste in præcit. Epist., eidem Constantio viriliter oblutatum, pectusque adamantinum objicientem, ejus tum duritiem, qua in Episcopos desavebat, tum audaciam, qua se rebus ingerebat Ecclesiasticis, gravissima epistola exprobrare non dubitasse: *Desine quæso*, inquit, *& memineris te mortalem esse, reformida diem Judicii: serva te in illam diem purum; ne te misceas Ecclesiasticis, neque nobis hoc in genere præcipe,*

eipe, sed potius ea a nobis disce &c. S. Hilarius Pictav. lib. ad. vers. Constantium edito asperrimo cum stilo, proque dolore, quo intime excruciabatur, amarissimo sale asperso exagitasse, atque ejusdem sævitiam, impietatem, superstitionem, aliaque scelera multis nominibus, nigerrimisque traduxisse. Quorum simillima pleraque, atque peræque antiqua Ecclesiasticæ magnanimitatis exempla reperire passim est apud Synesium, & SS. Cyrillum, Chrysostomum, Ambrosium, Augustinum &c. Catechumenos vero precum Ecclesiæ participes fuisse constat ex S. Jo. Chrysostomo hom. 3. in Epist. ad Philipp., qua de re Thierrius de Exposit. Sanctiss. Sacram. cap. 8, & Morinus de Pœnit. lib. 6. cap. 1. Quin imo pro Catechumenis oblatam Eucharistiam fuisse testis est locuples S. Ambrosius de obitu Valentiniani Imp. Quid igitur prohibet affirmare (si affirmare cum Blanchinio nolis Constantium ætate adhuc infantem baptismo ablutum) fuisse a S. Felice (fuerit etsi aliquando Constantio addictus, Arianisque fœdere adstipulatus, fidei Nicænæ tamen retinentissimus, Pontificatum adeptus, tum ab horum partibus decedere, tum illius perfidiam detestari, religioni, officioque duxerat,) fuisse, inquam, Constantium Ecclesiæ precibus, & Eucharistiæ oblatione privatum, atque prohibitum, ne sacris in Diptychis Imperatores inter Christianos illius memoria recoleretur, quin affirmare cogamur hodie usitatam ferendæ Excommunicationis formam ab ipso fuisse usurpatam? Quid tamen si usurpasset? Primum audiret ejaculatæ ab Ecclesia in Imperatores Excommunicationis exemplum. Neque proinde dicere quidpiam prohibet, S. Felicem Constantii, quem spe sua patronum Sæcæ ipsum futurum habendi fefellerat, offensionem incurrisse, eoque graviorem, quod in eum præterea Excommunicationis intorquere tela non destitisset, ipsius propterea jussu Martyrio fuisse affectum, velut etiam affirmare non dubitavit Anselmus Havelburgenſis in Dialogis Eugenio III. dicatis lib. 3. cap. 21, apud Dacherium Spicileg. tom. 1. pag. 207. Quo profecto honore S. Felicem haud spoliatur veterum Scriptorum silentium; certis Monumentis cæteroqui testantibus, ut mox ex resp. ad object. magis, magisque patebit.

Veterum itaque Scriptorum initio opponunt Adversarii silentium,

lantium, Luciferi, SS. Athanasii, Hilarii, Hieronymi &c., qui in rebus suorum alioqui temporum, Rom. Pontificum, & Arianorum diligenter erant versati, apud quos de Pontificatu Felicis II. ne leve quidem adparet vestigium, rem alioqui tanti momenti haud facile prætermisuros, si veritate constitisset. In oppositum quinimo plurimum illorum pugnare testimonia inquirunt, a quibus tantum abest, ut Felix II. legitimi Pontificis honore fuerit habitus, ut odio potius bonis omnibus habendus propinatus sit. Enim vero, præterquam quod tam S. Optatus lib. 2. advers. Parmen., quam S. Augustinus in epist. 165. nunc 53. Romanorum Pontificum textentes Catalogum, ut ex illorum perenni successione Ecclesiæ Catholicæ nnitatem probarent, Felici II. nullum fecere locum, S. Athanasius in Epist. ad Solit., sive in hist. Arian. ad Monach. n. 75. pag. 389. Felicem II., ceu monstrum quoddam in S. Petri Sede collocatum, Arianaque communione magis, quam sœderatum, ignaviter, turpiterque sœdatum adspexit, nigrisque depinxit coloribus: *Hoc Ministro*, inquit (Epicteto idest Episcopo Centumcellensi Constantius Imp.) *utens incredibile facinus designavit, & quod vere referat imaginem Antichristi: ut qui in locum Ecclesiæ Palatium suum succedere voluerit, & pro Conventu Populi, & jure Comitiorum, tres Eunuchos præsentis esse jusserit, tres item &c.* *hoc est Exploratores* (non enim Episcopos dixeris) *ut ipsi Felicem quemdam Episcopum in Palatio crearent, dignum profecto talibus Suffragatoribus.* Neque diversum huic adspæctum induxit S. Hieronymus, cui alioqui penitus exploratæ Romanorum res esse debebant, sic enim in Catalogo Scriptor. de Acacio Cæsarensi in Palæstina Episcopo loquens, *Acacius*, inquit, *in tantum sub Constantio Imp. claudit, ut in Liberii locum Romæ Felicem Arianum Episcopum constitueret.* Et in Chron. ad an. 352, quæ hac occasione Romæ gesta fuerant, hisce refert: *Romane Ecclesiæ 34. ordinatur Liberius, quo in exsilium ob fidem truso, omnes Clerici juraverunt, ut nullum alium susciperent. Verum quum Felix ab Arianis fuisset in Sacerdotium substitutus, (Quod & confirmat Rufinus lib. 10. cap. 22.) plurimi pejeraverunt, & post annum cum Felice ejecti sunt, quia Liberius tadio victus exsilii, & in hæreticam pravitatem subscribens, Romam quasi victor intravit.* Quo-

rum

rum plane simillima in præfat. libelli precum ad Imp. pag. 2. habent Marcellinus, & Faustinus. At enim in eo potissimam vim faciunt Adversarii, quod si semel Felix legitimus fuisse Pontifex admittatur, ipsum e Pontificatu deurbare legitime non potuisset Liberius, etsi emendatus; qui imo Felice defuncto opus habuisset novis, legitimisque Cleri votis in Pontificem adlegi. Vicissim Liberius neque a Deo degradatus æstimari debuit, neque degradari ab hominibus potuit. Sed & duos simul in Cathedra S. Petri legitimos Pontifices confedisse mens abhorret credere, audire refugiunt aures, ulloque dici modo vetat etiam Sozomenus lib. 4. cap. 14. Præterea sub S. Gregorio VII. dum a Benedicto Card. restauraretur Ecclesia S. Pudentianæ, ibidem repositum cum aliis Reliquiis corpus S. Felicis II. Papæ, & Martyris legitur in veteri Tabula Marmorea apud Panvinium lib. de Septem Ecclesiis pag. 268. Qui igitur fieri potuit, ut sub Gregorio XIII. in Basilica SS. Cosmæ, & Damiani ejusdem Felicis II. Corpus reperiretur?

Atqui tantum profecto in his, in quibus adversæ opinionis Patroni vim potissimam faciunt, roboris pondus non inest, ut propterea S. Felicem II. e legitimorum albo Pontificum expungere cogat. Atque principio Scriptorum, ut sæpe dixi, silentium, qui non omnia sane, quæ vel ipsorum extra institutum vagabantur, vel ætate, sub qua scribebant, non equidem evenerant, vel loco, ubi agebant, longe diffusa ignorari facile poterant, sermone, ac scripto complexi sunt, argumenti negativi est genus, cui parum deferendum viri Critices peritiores jubent tum maxime, quum eorum silentium documentis aliis, idoneisque testibus abunde suppletur. Alia fieri præterea ratione potuit, ut inter Pontifices a SS. Optato, & Augustino S. Felix II. non referretur. Nempe tot ob diversas de Felicis electione narrationes, rei veritate haud satis ipsis comperta, satius videri potuit silentio Felicem præterire, quam Pontificum undequaque legitimam successionem hæreticorum probris lacerandam, dilacerandamque imprudenter exponere. Facile illos quoque Felicis Pontificatus effugere potuit, fierique, ut totum illius Regiminis tempus in Liberii Pontificatu inclusum non perspexerint, ideoque probe distinguere nequiverint, velut apposite observant Baronius ad an. 357.

n. 66, & Bellarminus. Multo vero minus mirari subit, veluti scite admonent Bossuetii Annotator, Henschenius, & Papebrochius ad diem 25. Aprilis, si in illa rerum humanarum, Divinarumque perturbatione, confusa pariter, atque perturbata rerum Romæ gestarum noticia in Ægyptum pervenerit ad S. Athanasium: unde factum perquam facile, ut a diversis diversa litterarum monumentis mandata animadverterit Socrates lib. 2. cap. 37, fierique potuit, ut dum Socrates relationibus, quæ Felici favebant, æquam utramque præbuit aurem, S. Athanasius vicissim relationes, quæ favebant Liberio, qui tum amicus ei adhuc erat, ipsique summopere studebat, acceptas potius habuerit, proindeque falsis de Felice rumoribus, quos tum amplificabat eundo fama, tum exaggerabant mentiendi Ariani, facilius, quam par fuisset, auscultarit. Ad hæc vero S. Athanasius nihil aliud reprehensione dignum animadvertere in Felicis Ordinatione visus est, quam quod Arianorum artibus, operaque præsertim Epiſteti, peracta fuerit, ac per Palatii Eunuchos promota, adhibitum, quoque pro Ecclesia Palatium, vocatique demum ad rem omnem perigendam, non e vicinia, uti ferebat mos, puri, inculpatique fuerint Præfules, sed e longinquo potius, qui sibi Cataſcopi magis, quam Episcopi nominandi erant. Interea tamen nihil habet de Schismate, deque perjurio, quæ duo magis objecisset, si de iis revera ei constitisset. Denique etsi demus S. Athanasio Felicem ab Arianis in Pontificem inauguratum, non propterea continuo illum ceu pseudo-Pontificem concedendum consequitur. Electioni etiam S. Cyrilli pro Ecclesia Hierosolymitana, etiam S. Meletii pro Antiochena suffragati Ariani sunt, præcipuasque egere partes, quin ii tamen e legitimorum numero Episcoporum sint ideo expungendi, utpote qui postea a Catholicis pro legitimis habiti sunt, postquam scilicet ipsi sine Ariani infestos, proque Catholica fide strenne, fortiterque stare illos perspectum fuit. Quid igitur dicere id ipsum de Felice prohibet, quem fidei Nicænæ egregium assertorem, ac vindicem acerrimum nihil non probat?

Venio ad S. Hieronymum, alterum, quem frustra profligatæ causæ suæ patronum Adversarii adſciscere tentant, constanterque pronuntio non esse profecto, cur in his, quæ de Felicis rebus

denar-

denarrat, fides omnino nostra obligetur. Eum tunc temporis in Syria egisse, longe a Roma sepositum, Romanas proinde res minus calluisse, perspectasque habuisse, ac propterea vix quidpiam retulisse a Marcellini, & Faustini relatione diversum, quam potius exscripsisse videbitur utramque invicem conferenti. Eundem videri plerisque non magis vera scripsisse de Felice, & Liberio, quam quæ de Meletio, & Cyrillo ex sparsis ut plurimum inter Adversarios rumoribus Chronico suo inseruit: neque magis, quam Eusebius, cujus Chronicon Latine reddebat, accurate de Romanis rebus tunc temporis egisse. Certe S. Athanasio non congruit: iste enim Epicteti, ipse autem Acacii opera Felicem intrusum affirmat. Antequam Liberius regressus sit, annum dumtaxat regiminis unum Felici tribuit, cui S. Athanasius duos ad minus assignat. Siquidem vero, uti solerter animadvertit Sollerius, apud alios legitur, ut apud Marium Victorinum lib. 1. de Trinit. advers. Arian., de quo Sixtus Sen. Bibl. Sanc. tom. 5, apud Auctorem libri Pontific., de quo Blanchinius tom. 3. sect. 52. pag. 12, & apud Scriptorem Actor. S. Eusebii, de quo Baluzius. Miscell. tom. 2. pag. 142, vim a Constantio Romanis inferri debuisse, ut in Urbem Liberius, pristinumque dignitatis in locum reciperetur, Clero, Populoque Felici tanquam Catholico, tumque maxime probato tenacissime adhærentibus, ut propterea cum Semiariani tunc Sirmii agentes, teste Sozomeno lib. 7. cap. 15. edit. Vales., tum Constantius ipse, teste Theodoretto lib. 2. cap. 17, ad Felicem, Clerumque Romanum litteras dederint jubentes, ut Liberium admitterent, sic tamen, ut ambo ex æquo Ecclesiam administrarent, Sacerdotioque una simul defungerentur, atque Felix demum vi adhibita fuerit Urbe expellendus, testibus Marcellino, & Faustino, qui fieri potuit, ut Liberius quasi Victor Romam intraret? In Catalogum Scriptor. denique vocem illam de Felice *Arianum* irrepsisse aliunde scite adnotarunt Marianus Victorius in hunc locum, Baronius ad an. 357. n. 55, & Bellarminus loc. cit., ut pote quæ in antiquis Codicibus Mss. desideretur, neque habeatur in Græca translatione Sophronii, neque lecta fuerit a Freculpho lib. 4. cap. 8, neque ab Adone Vienn. in Chron., alioqui locum illum integrum referentibus. Quamquam vox illa sen-

sum accommodum pati, ac suscipere potest, quo significetur scilicet Felix Arianus fœdere, non fide, non confessione, sed communione, non expresse, sed interpretative. Quemadmodum eodem acceptam sensu a Rufino ex ipso met patet, ubi postquam dixisset in Liberii locum ab Arianis Felicem subrogatum: *Et non tam Sectæ diversitate*, subjungit, *quam Communionis, & Ordinationis conniventis* (ut habent Codices Vaticani, non *Convenientia*, uti legitur in Editis) *maculatur*. Quia nempe mente approbe Catholicus, etsi communione cum Arianis conjunctus, ab iis ordinari non detrectasset. Quæ heic dicta de S. Hieronymo, dicta pariter de Marcellino, & Faustino, quorum longe inferior auctoritas, tam commode accipi possunt, quam recte debent, quin his refellendis operam frustra majorem ludam, ac perdam.

Operæ longe præstantioris est pretium utriusque Liberii, & Felicis Pontificatam conciliare, quem conciliandi graviore, fateor, difficultate premor, ingensque mihi facessit negotium ingenuus haud inficior. Quam tamen conciliationem peragere, si Superis placet, non despero, atque, si meus non me fallit amor, nec adeo, ut vulgo æstimatur, difficilem reputo. Quod, ut meliori, quo possit, modo præstetur, haud parum interest prius in Epocham diligenter intendere, qua Pontificatum Felix assumpsit, ac dimisit, & qua reasumpsit Liberius e loco exilii redux. Liberio generatim Pontificatus annos 10. Menses 7. dies 3. tribuunt Picturæ veteres Basilicæ S. Pauli apud Blanchinium to. 2. Anast. pag. cv. Catalogus sub S. Felice IV. editus an. 5. Mens. 3. dies 3. Codex Anastasii Palatino-Vaticanus ann. 6. Mens. 3. dies 4. Colbertinus 4, & 6, ac Bergomenis an. 10. Mens. 7. dies 3. Belgicus, Cavenfis, Farfensis, & Lucensis an. 10. Mens. 3. dies 4. Codex Mabilhonii an. 6. Mens. 4. dies 8. Colbertinus 1, & 5. an. 16. Mens. 7. dies 3. Florentinus S. Marci an. 6. Mens. 6. dies 3. Colbertinus 2. ann. 6. Mens. 3. dies 4. Colbertinus 3. ann. 6. Mens. 6. dies 3. Colbertinus 7. an. 5. Mens. 7. Index Cresconianus apud Baronium ad an. 367. n. 2. annos 10. Mens. 7. dies 3. Nicephorus in Chron. an. 6. Mens. 6. dies 4. Ciacconius an. 15. Mens. 10. dies 7. Baronius loc. cit. an. 15. Mens. 4. dies 1. Papebrochius in Conat. an. 14. Mens. 4. Pagius ad an. 367. n. 4. an. 14. Mens. 3. dies

3. dies 3. Blanchinius in Not. Chronolog. tom. 3. pag. 15. an. 14. Mens. 4. dies 2, cui adhæret Coutantius pag. 419. Igitur juxta probabiliorem Chronologiam sic Liberiani Pontificatus epocham construere licet. Liberius an. 352. die 21. Junii, juxta Pagium, seu verius die 22. Maji, juxta Blanchinium, Pontifex inauguratus; post annos 3. Mens. 2. dies 21, idest an. 355. Idib. Aug. pulsus in exsilium est, veluti censet Panvinus apud Schelestratium disert. 2. cap. 9. Biennio solido, atque, ut putat Blanchinius, Mensibus 5, & diebus 27. in exsilio exactis, hoc est an. 357. lapsus, an. inseq. 358. circa initium Romam regressus, locum recuperavit, retinuitque usque ad an. 366. diem 24. Septemb., quo hominem demum exiit. Quo vero certior hæc de Liberio epocha videri possit, eò incertior evadit, quæcumque de Felice iniri, te xique queat: cujus quando, & qualis fuerit cum ingressus, tum exitus, in obscuro latet, atque sub Judice lis adhuc est, in utramque partem digladiantibus viris Doctis. Sed enim diversis, quæ de hac re feruntur, documentis, hominumque opinionibus in medium productis, invicemque collatis, e tenebris eluctandum, eaque statuenda nobis est epocha, cui uberior lux veritatis affulgeat. Felicem igitur, tertio ab exsilio anno idest 358. Liberio reduce, a Senatu, Populoque Romano Urbe pulsum, sed paullo post regressum, quorum, dam ope, Transiberinam occupasse Regionem, e qua secundo expulsum, postquam annis 8. in prædiolo suo exegisset, demum Valentiniano, & Valente Consul. an. 365. defunctum affirmant Marcellinus, & Faustinus in præf. libelli precum. Liberio successus postquam ab an. 355. ad an. 358, quo Romam Liberius rediit, Pontificatum tenuisset, clam Roma subductus ad aliam Urbem pedem retulisse refertur a Theodoretto lib. 2. cap. 17, & a Cassiodoro hist. trip. lib. 5. cap. 18. Adveniente Liberio, a Populo Romano seditione facta, Felicem Roma pulsum tradunt S. Hieronymus in Chron., & Socrates lib. 2. cap. 29. Haud diu post Liberii reditum fatis functum Felicem integrum Liberio locum fecisse perhibent Sozomenus lib. 4. cap. 14, five 15, & Nicephorus lib. 9. cap. 37. *Quod quidem*, subdit Sozomenus, *non sine Divina providentia factum est, ne Sedes Petri a duobus Præfulibus* (siquidem ex æquo simul a Liberio, & Felice administrari Semiariani, &

Con-

Constantius iussissent) *gubernata ulla infamiae macula aspergeretur*. Liberio regresso, loco depulsum Felicem, Urbeque expulsum, in prædiolo suo reliquum vitæ tempus transegisse referunt Scriptor Actorum S. Eusebii, & Philostorgius lib. 4. cap. 3. Ado Vien. in Martyrolog. auctor est Felicem depositum habitasse deinceps in prædiolo suo, exinde vero postmodum, Arianis agentibus, ductum ad Urbem Cora, ibidem capite obtruncatum, Martyrem occubuisse. In Auctiori Catalogo Felix diebus quatuor ante Liberii ingressum in Urbem, qui die 2. Augusti an. 358. contigit juxta Pagium, Episcopatu depositus in prædiolo suo a die 3. Kal. Aug. legitur habitasse. In libro Pontificali sub nomine Anastasii Bibl. tom. 3. sect. 51. pag. 11. post biennium a Liberio exactum in exilio, Felix ordinatus dicitur: sect. 52. pag. 12. Constantii jussu (qui certe tum Romæ non erat) Arianorumque opera de Episcopatu depositus in prædiolo suo via Portuensi exegisse, ibique in pace 4. Kalend. Aug. requievissse: & sect. 53. pag. 27. post exactos in Pontificatu an. 1, & Mens. 2. in Urbe Corana Martyrio affectus memoratur. Apud Cl. Blanchinium tom. 2. Anastasii in Proleg. pag. xv., & cv. Picturæ veteres Basilicæ S. Pauli, pluresque libri Pontificalis Catalogi recensentur Pontificatus Felicis II. annorum calculum exhibentes. Atque in Picturis illis quidem tributi habentur an. 1. Mens. 3. dies 2. Catalogus sub Justiniano, sive sub S. Felice IV. elucubratus adscribit an. 3. Colbertinus 7. adsignat an. 2. Catalogi Palatino-Vaticanus annor. 865, Florentinus S. Marci, Bergomensis, Cavenfis, Belgicus Papebrochii, Farsensis, Lucensis S. Anselmi, & Colbertini 1, 2, 3, 4, ac 6. tribuunt an. 1. Mens. 3. dies 2. Colbertinus 5. dat an. 1. Mens. 3. dies 36. Ex quibus Catalogis 15, ut vides duodecim S. Felici Pontificatus an. 1. Mens. 3. dies 2. adscribunt, quot nempe in Picturis Basilicæ S. Pauli exprimuntur. Baronius ad an. 357. n. 66. tribuit etiam an. 1. Mens. 3, sed dies 3. Schelestratus Antiq. illust. dissert. 2. cap. 9, & Blanchinius in Not. Chronolog. sect. 53. tom. 3. pag. 29. numerant an. 1. Mens. 3. dies 2, a die vi delictet 8. Aug. an. 358. ad diem 10. Decemb. an. 359, die seq. occisus, sive dignitate se abdicans. Papebrochius in Conat. §. 38. sed isse Felicem autumat ab anno 355. annos circiter 3. usque ad diem

diem 29. Julii an. 358, ex quo deinceps in prædilo suo ad an. 365. diem 20. Novemb. vitam transegerit, quod etiam ex Marcellino, & Faustino confirmat in resp. ad exhib. error. art. 11. §. 16. nu. 136. pag. 375. Pagius vero ad an. 357. n. 16. huic Papebrochii calculo utroque pollice subscribit, eodem Marcellini, & Faustini testimonio suffultus.

Quibus prænotatis, jam utriusque Pontificatum componere non admodum difficile succedet, juxta diversas sententias, ex quibus quæ alteri præferenda sit, integrum Lectori relinquam, a judicio promendo me temperans, satiusque habens Doctorum hominum opiniones retulisse, quæ inoffenso, tutoque sequi pede quis possit. Primo itaque Baronio ad an. 355. n. 58, & Papebrochio in Conat. disert. 15, alias 9. n. 7. pag. 142. valde probabile illud visum est, quod Liberius, more Majorum in persecutionibus frequentissimo, priusquam exsul abiret, Felicem pro se Episcopum Vicarium ordinari curaverit, jusserit, aut consenserit, cum jure successionis, si in exilio ipsum mori contingeret, ut suo nempe loco, dum ipse exsul vitam ageret, Ecclesiam administraret. Ad id vero facile adductum præterea Liberium, ne in Apostolica Sede Arianus Episcopus a Constantio, ut in ceteris Orientis egerat, collocaretur. Idque quin imo tanto libentius præstasse Liberium, quanto Felicis, cujus integra alioqui fides approbe ipsi erat perspecta, electionem Constantio Imp., Arianisque fore, ut quammaxime accepta evaderet, compertum habebat. Cætera Liberium Italicam profectiouem ad Constantium adornantem, animum plane exilio præparatum prægressisse, indicant liquido verba illa, quibus Mediolani cum Imperatore congressus eidem exilii minas intentanti respondit: *Fratribus, qui Romæ sunt, jam valedixi*. Quæ perinde indicio sunt haud obscuro illum, antequam Roma abscederet, futurorum præscium ideo rempestive curasse pariter de homine, qui Ecclesiæ præficeret, dum ipsum procul exsulatum pergere, ac mortem oppetere contingeret. Quo pacto Felix non re quidem, sed agendi ratione Pontifex fuit: quamvis fortasse post Liberii lapsum a Populi Romani p'risque tanquam verus, legitimusque Pontifex haberi cœperit. Reduce itaque Liberio, Regiminis administrationem ipsi integram

gram restituit Felix, atque in prædiolum, sibi uni deinceps victurus, recessit, ubi paullo post obiit, vel si velis, exinde elatus ab Arianis Martyrio fuit affectus. Simile habetur exemplum de S. Eugenio I. Quum enim S. Martinus I. jussu Constantis Imp., ob anathema dictum in Heraclii Ethesim, ejusdemque Constantis Typum, Roma violenter abductus 13. Kal. Julii an. 653, captivus in Græciam ductus fuisset, Romanus Clerus veritus, ne daretur invitis ab Imperatore Pontifex alter, quic ejusdem cum ipso hæresis Monothelitarum esset assertor, Eugenium 6. Idus Septemb. an. 654. in Pontificem elegit, seu vetius ad Pontificias implendas vices, cum jure successionis in Pontificatu, ipso S. Martino infcio: qui postquam Cherfonam deportatus Eugenii suum in locum electionem intellexit, ea ratione peractam, quod ita postulasset Ecclesiæ necessitas, ne cui nempe Monothelitarum fautori Pontificatus traderetur, ac ita procul Imperatoris insidiæ, & Monothelitarum machinationes amoverentur, eam electionem probasse fertur Epistola 17. an. 655. ad Quemdam sibi Carissimum de exilii sui calamitate exarata apud Baronium ad an. 652. n. 7, Labbæum tom. 6. pag. 76, & Harduinum tom. 3. pag. 686. ex edit. Sirmondi tom. 3. Oper. pag. 506. Atque Eugenium quidem a die Ordinationis suæ legitimum fuisse Pontificem, utpote cui S. Martini, ideo dignitati se abdicantis, consensus accesserit, propugnant Pagius ad an. 652. n. 3, & seq., & ad an. 654. n. 4. testimonio præsertim suffultæ Epistolæ 17. S. Martini, ubi hæc habet: *Deus per intercessionem S. Petri stabiliat corda eorum in orthodoxa fide, & confirmet contra omnem hereticum, & adversariam Ecclesiæ nostræ personam, & immobiles custodiat, præcipue Pastorem, qui eis nunc præesse monstratur*; ac Cennius in Not. Chronolog. ad Anast. tom. 4. sect. 134. pag. 65. argumento potissimum Chronologico, quo ex Codicibus ferme omnibus Anastasii Freherianis duobus, Ambrosianis tribus, Regio-Mazarino, Palatino-Vaticano, Thuano, Bergomensi, Lucensi, Corbejensi, Farsensi, Ceronensi &c. Eugenio Pontificatus annos 2. Mens. 9. dies 24. tribuendos ostendit, incipiendosque a die 10. Aug. an. 654, quo tempore S. Martinus in Naxo Insula demorabatur. Contra tamen verius Baronius ad an. 652. n. 11, & ad

& ad an. 654. n. 6, Papebrochius in Conat. §. 77. pag. 191, Bencinus in Not. ad Anast. pag. 63 *Pasteris* nomine, de quo S. Martinus in præcit. epist. 17, non Eugenium Rom. Pontificem, sed Pyrrhum Constantinopolit. Patriarcham accipiendam arguens, & Blancus de polit., & potest. Eccl. tom. 6. pag. 75, & seq. Eugenium toto eo tempore, quod a sua Ordinatione ad obitum S. Martini intercessit, idest ab anno 654. die 8. Septemb. usque ad diem 16. Septemb. an. 655, non nisi Vicarium Episcopum gessisse existimant, qui tamen extincto S. Martino, novo Cleri accedente consensu, verus, legitimusque sedere Pontifex cœperit usque addiē 2. Junii an. 657. Adhuc etiam Fleurium hist. Eccles. lib. 39. §. 9. Cæterum etsi moris esset, quem tum etiam exilii sui tempore servatum memorat S. Martinus in epist. 15. post diē 17. Septemb. an. 654, quo ipse Constantinopolim apulerat, ad Theodorum exarata apud Labbæum pag. 65, & Harduinum pag. 676, ut Pontificis exultantis, vel extincti vices gererent Archidiaconus, Archipresbyter, & Primicerius, nihil impedit tamen, quin ab hoc aliquando discessum more sit, Ecclesiæ nempe necessitate urgente, ut ad gravissima avertenda pericula, a Clero eligeretur, qui personam absentis, vel defuncti Pontificis sustineret: quo pacto in exilium pulsus Liberio, & Martino designatos fuisse Felicem, & Eugenium ad ipsorum vices implendas sit veri valdequam simile.

Alteram componendæ difficultatis ingressi sunt viam Baronius ipse ad an. 357. n. 56, Bellarminus de Rom. Pontif. lib. 4. cap. 9, Berninus hist. Hæz. ad Seculum IV. cap. 7, Auctor Observat. hist. Crit. Theolog. in hist. Eccles. Fleuri tom. 1. lib. 14, alique. Nempe id persuasum habentes, quod Liberio in exilium ob fidem Catholicam deportato, Romanus quidem Clerus iurejurando prius se obstrinxerit nullum se alium, Liberio in vivis agente, in Pontificem admissurum; quumque Arianorum opera, atque præsertim Acacii Cæsarensis Episcopi, Felix in locum Liberii susceptus fuisset, quamvis ab Ariana hæresi abhorreret, quia tamen Arianis communione se conjunxisset, cum ipso Romano Catholicus nullus jungi Sacrorum consortio voluerit; fieri potuisse tamen postea arbitrantur, ut post biennium lapsus Libe-

rius Romano Clero, cui interea Felicis integra fides perspectissima evaserat, locum fecerit, ut mutata sententia, Liberio Pontificia abrogata dignitate, ad Felicem utroque se conferret pede, ex quo perinde Felix tanquam legitimus Pontifex haberi, colique cœperit. Porro Liberius, quamvis ab hæresis labe immunis proffus interius abiret, ut plurimis demonstratum est, hæretici tamen nomine haberi idcirco potuit, quod Arianorum sœdere se polluisset; quod a S. Athanasio, cujus caussa fidei affinis admodum erat, communione se separasset; quod Semiarianorum, Eûthesii Sirmienſi, & Antiochenæ subscripsisset: ut propterea cenſeri potuerit a Catholicæ Ecclesiæ communione se ultro abstraxisse, schismateque conflato a Christiſidelium unitate se voluntarie divulſiſſe, atque proinde Ecclesiæ Caput eſſe deſiſſe. Et certe in cauſa hæreſis, aut ſchiſmatis Pontificem notorie, palamque ſchiſmaticum, aut hæreticum Pontificatu excidere, & ab Ecclesia Pontificatu vel amoveri poſſe, vel exciſum pronuntiarî non infimi ſubſellii Theologi adfirmant. Ea propter Liberio delapſo, aut depoſito, Felix legitime ei ſuffici poſuiſſe videbatur, qui proinde ab eo tempore, quo Liberii lapſus conſignari ſolet, ideſt ab an. 357. uſque ad an. 358, Pontificatu deſungi legitime potuerit. Quo tandem tempore Liberius Romam regreſſus, ac reſpiſcens, Felice vel ſponte ſe Pontificatu abdicante, atque ad privatam vitam in prædiolum ſe recipiente, vel, ſi malis, Martyrio non multo poſt, Arianis procurantibus, affecto, Liberius, inquam ex novo Cleri, Populiſque conſenſu, cui probe integra ipſius fides perſpecta jam fuerat, Pontificatum iterum conſcenderit, quem ad an. 366. diem 24. Septemb. juxta Blanchinium in Not. ad Anaſt. tom. 3 pag. 16, vel ad an. 367. diem 5. Septemb. juxta Baronium ad eundem an. n. 2, quem emendat ibidem Pagius n. 2, vita protracta adminiſtrarit, poſtquam ob integratam cum S. Athanaſio communionem, ob damnatam Sirmienſem tertiam, Eûtheſim in Synodo Ariminenſi reſtitutam, & ob Nicænam fidem ſuo fortiter redintegratam loco, diverſam, adverſamque fuiſſet ab Arianis fortunam expertus, juſſuſque Conſtantii ab Urbe expulſus an. 359. juxta Baronium uſque ad an. 361, ideſt obitum Conſtantii, aut an. 358. die 10. Martii poſt Menſes 7. dies 9.

dies 9. a reditu numeratos, juxta Blanchinium pag. 16, (qui tum Liberio Pontificatu cedente, legitimis suffectum votis Felicem eodem an. 358. die 8. Augusti dignitatem tenuisse usque ad diem 11. Novemb. seq. an. 359. autumat) usque ad an. 359. die 21. Decemb., quo Liberium secundo ad Pontificatum assumptum existimat, fatis functus anno, dieque, quo supra, velut habent S. Hieronymus in Martyrologio, atque Martyrologium antiquum S. Cyriaci ad diem 23. Septemb.

Tertia, quæ mihi quidem probabilior videtur, aptiorque enodandæ difficultati se aperit ratio, quam ultro citroque amplectuntur Perronius in resp. ad Regem Angl., Henschenius in Append. tom. 3. April., Bosuetii Annotator ad lib. 14. cap. 34, Pagius Jun. in Felice II, Cavalcanti in Vindic. Rom. Pontif. lib. 3. disert. 9, Roncalia in Animadv. ad Natalem disert. 32. art. 3, aliique persuasum habentes, quod Liberio tres post annos ab inito Pontificatu in exsilium exturbato, ejusdem consilio, & consensu, a Clero Romano ejus in locum S. Felix fuerit subrogatus, ab anno idest 355. ad an. 358, totidem scilicet annos, quot a Liberio occupata pridem fuerat Sedes. Vel, si velis, Arianis agentibus, illum sibi propitium futurum putantibus, Felicem inauguratum fuisse Pontificem facultatem putandi ultra tibi facient, ita tamen, ut ejusdem inaugurationi Liberius consensum accommodasse suum putetur, ea ratione permotus, quod in gravi Ecclesiæ discrimine, ne videlicet Ecclesiæ Romanæ Pontificem Ariana pece a capite ad talos inquinatum præfici nefaste contingeret, Felicem præ aliis, utpote qui probatissimæ fidei sibi compertus, gratiaque conjunctissimus erat, eoque quin etiam consilio, quod ipsius electioni Constantium, Arianosque repugnatos haud fore, falsa opinione de Felicis fide ductos, quem facilioris animi reputabant, neque secum adeo gravate fore communicaturum, persuasum haberet, præfici, sufficique sibi pati oporteret, eoque libentius sit passus, quod nondum inordinato retinendi loci affectu teneretur. Ita S. Eustathius Antiochenus sua ab Ecclesia fugatus omnino judicavit non resistendum vi majori, quæ alterum sibi Episcopum substituere destinasset, etiamsi a suspectis Episcopis, & ipse suspectus ordinandus esset, pericu-

losius existimans Ecclesiam sine Episcopo remanere, aut sui causa in Schisma discindi. Qua de re fufe Baronius ad an. 324. n. 144, & seqq., Pagius ibidem n. 26, & seqq., Tillemontius tom. 7. in Not. ad S. Eustathium, Boschius in hist. Chron. Patriarch. Antioch. §. 24. pag. 346, & seqq., & Sollerius ad diem 16. Julii. Agendi ratione haud abssimili cum Maximo Cynico usus legitur S. Gregorius Nazianzenus, Sedi Constantinopolitane sponte cedens, eumque illi suo loco præfici passus potius, quam illa in partes, ipso obnitente, divideretur. Quo de egregio pacis studio plurima ipsemet in Carmine de vita sua, Theodoretus lib. 5. hist. Eccl. cap. 8, Cardonus tom. 2. ad diem 9. Maji pag. 436, & seqq., & Cuperus in hist. Chronolog. Patriarch. Constantinopolit. in Parergo 1, & §. 9. pag. 568, ac seqq. Hac igitur haud dispari de causa Liberius juri cessisse suo, seque Pontificatu abdicasse præsumendus est, dum Felicis ordinationi consensum præbuit, adeoque ut soluto Liberio præstito juramento, legitimis Cleri votis in ejus vacantem locum Felix assumi poterit. Quamquam ex Clero, Populoque, ut fieri solet, plerique non defuerint, qui Felicis ordinationi obluæti sint, ut pote quem partium Arianarum fautorem inficiarentur; cui postmodum tamen, integra ipsius fide perspecta, atque vicissim Liberii a fide delapsu percepto, ab iisdem paritum est. Postremo Romam regresso Liberio; perlectisque in Circo litteris Constantii, quibus præcipiebatur, ut a Liberio, & Felice una simul ex æquo administraretur Ecclesia, audita tum vox Populi uno clamantis ore apud Theodoretum lib. 2. cap. 17: *Unus Deus, unus Christus, unus Episcopus*. Igitur forte ipse Felix sponte se Pontificatu abdicavit, in prædiolum secedens, Deo, sibi que deinceps vacaturus, quod significare videtur Philostorgius lib. 4. cap. 3. de eo inquiens: *Episcopi quidem dignitatem retinens, sed nulli jam Civitati præsidens*: ne scilicet Schisma in Ecclesia crearet, vicemque Liberio rependens, qui locum sibi reliquerat. Forte ab Arianis, quibus insensus jam venerat, ideo quod Nicæne fidei addictissimus illorum spem sefellisset non modo, sed illis fœdere jungi summopere averfaretur, in Urbem Cærem raptus, ibidem Martyrio fuit affectus; atque ipsius demum Corpore translato ad

Basi-

Basilicam SS. Cosmæ, & Damiani, Reliquiarum pars quædam, ut dixijam, Ecclesiæ S. Pudentiæ concessa fuit. Forte a Clero, Populoque Romano rei veritate demum comperta, videlicet a Liberio contra fidem Nicænam nihil subscriptum, fuisseque peccatum, Felix, qui Arianorum communione se aliquando polluerat, e gradu deturbatus, Urbeque fuit expulsus. Igitur Liberius Felice aut ex-turbato, aut morte defuncto, aut cedente, aut Martyrio sublato, in-
auguratus denno Pontifex est, Pontificatumque gessit usque ad obi-
tum, idest iterum per annos ferme 7, ideoque usque ad an. 366.
juxta Eusebium, V. Bedam, Ciacconium, Pagium, Coutantium,
& Blanchinium, etsi Baronius, Spondanus, Victorellus, & San-
dinus usque ad inseq. an. 367. extendant. Ejus memoria cum in
Synaxariis, ac Menæis Græcorum ad diem 27. Aug., tum in
Catalogis, & Martyrologiis ad 8. Kalend. Octob. veluti S. Pon-
tificis recolitur. Atque de implicatissima hacce Liberii, & Fe-
licis historia jam satis, superque.

DE SS. INNOCENTIO I, ZOSIMO, SIXTO III,
LEONE M., GELASIO I, ET ANASTASIO II.

§. I V.

MIrari satis non subit, quanta S. Innocentius I. Pontifex
alioqui, siquis alter, quò avitæ Religionis, ac Discipli-
næ tetinentior, eò a novitatibus inducendis averfior, temerita-
te in gemini erroris culpam vocetur. Primo nempe, quod in
Epistola 2. ad Victricium Rotomag. cap. 12. in Collect. Dionys.,
Hadrian., Isidor., & Hispan. statuerit Deo Sacratam Virginem
jam velatam (Velata autem Virgo appellabatur, quæ integritat-
tem publico testimonio professæ, a Sacerdote prece fusa benedi-
ctionis velamen acceperat, veluti loquitur S. Siricius in epist. 10.
ad Galliar. Episcopos cap. 1, cuique similia pridem habuerat
Liberius Papa in ferm. ad Marcellinam Sororem snam apud S.
Ambrosium lib. 3. de Virgin. cap. 1: velamen autem Virgo acci-
pere olim ante annum ætatis 40. vetabatur a Conciliis Cæsaraug-
ustano an. 381. Can. 8, & Agathensi an. 506. Can. 19. relato a
Gra.

Gratiano Can. 13. *Sanctimoniales* 20. Q. 3, sed perperam ex Concilio Carthag.; quod postea tempus limitatum fuit ad an. ætatis 25. a Conciliis Carthaginensi III. an. 397. Can. 4, Milevitano II. an. 416. Can. 26, sive Cod. Can. Eccles. Afric. Can. 126, Arclatenſi II. an. 452. Can. 52, Francofordienſi an. 794. Can. 46, Turonenſi III. an. 813. Can. 28, & Capitulari Aquilgranenſi Ludovici Pii an. 816. cap. 26.) quæ propoſiti pœnitens nupſerit poſtea, vel fuerit fornicata, nequaquam recipiendam fore ad pœnitentiam, donec in vivis ille ageret, cum quo peccati labe ſe coinquinavit. En Innocentii verba: *Quæ Chriſto ſpiritualiter nupſerunt, & a Sacerdote velari meruerunt, ſi poſtea vel publice nupſerint, vel ſe clanculo corruerint, non eas admittendas eſſe ad agendam pœnitentiam, niſi is, cui ſe junxerant, de Mundo receſſerit, ut habent Collect. Dionyſ., & Hadrian., ſive De hac vita deceſſerit, uti legitur in Codic. Colbertino Langob., Iſid., & Hiſp.* Iniquum vero videtur Virgini pœnitentiam aut petenti, aut peragenti denegari vel pœnitentiam, vel abſolutionem, donec vixerit ejuſdem criminis conſors. Ex eo autem Canone id etiam exculpit Tillemontius in Annot. ad S. Innocentium art. 12. juxta Eccleſiæ Romanæ diſciplinam veterem Conjugium ſolemnis Virginum conſecratione non iſſe ſolutum, etſi S. Baſilio alia ineſſet ſententia, aliaque diſciplinæ ratio apud ipſum invaluiſſet. Quin imo exinde S. Innocentio obtrectandi licentia arrepta projecti pudoris Proteſtantes, inter quos Piſſetus Theolog. Chriſt. lib. 14. cap. 38, & poſt ipſum Franciſcus Bruys hiſt. Rom. Pontif. tom. 1. pag. 162, & ſeq. Pontificem propriæ auctoritatis fines prætergreſſum, Cœlibatus legibus adeo arcte Puellas obſtringendo, effutire non erubescunt, affirmare nec veriti Virgines Deo ſacras continentix voto arcte non adeo obligari, quin ſponte quidem ſua a propoſito reſilire poſſint, atque hanc libertatem quidem præoſtendi in veteris Eccleſiæ diſciplina, etiamque num præſumi ex nova Evangelica lege. Atque ita appoſite utique ad Proteſtantium ingenium, qui Eccleſiæ, morumque reformationem meliori altera inducere ratione neſciere, niſi eam ad Epicurri diſciplinam exigerent.

Alterius in erroris ignominiam arceſſitur S. Innocentius, quod

quod nempe in Epist. 18. edit. Concil. ad Alexandrum Episcopum Antiochenum cap. 3. de Arianis agens, eorumdem Baptismum ab eorum Ordinationibus distinguens, sicut illum ratum, & validum, sic istas vicissim nullas, & irritas declaravit verbis hisce: *Non videtur Clericos eorum cum Sacerdotii, aut Ministerii cuiuspiam suscipi debere dignitate: quoniam quibus solum Baptisma ratum esse permittimus, quod utique in nomine Patris, & Filii, & Spiritus S. perficitur, nec S. Spiritum eos habere ex illo Baptismate, illisque Mysteriis arbitramur: quoniam quum a Catholicæ fide eorum Auctores desciscerent, perfectionem Spiritus, quam acceperant, amiserunt. Nec dare ejus plenitudinem possunt, quæ maxime in Ordinationibus operatur, quam per impietatis suæ perfidiam potius, quam fidem dixerim, perdiderunt. Quomodo fieri potest, ut eorum profanos Sacerdotes dignos Christi honoribus arbitremur, quorum Laicos imperfectos, ut dixi, ad Spiritus S. percipiendam gratiam cum penitentiae imagine recipiamus?* Quorum simillima repetit in Epist. 22. edit. Concil. ad Episcopos Macedoniæ, ubi cap. 3. de Clericis ab hæreticis ordinatis generatim agens propria, quæ S. Cypriani olim fuerant, verba facere non dubitat, sic effatus: *Quum nos dicamus ab Hæreticis ordinatos vulneratum per illam manus impositionem habere caput; & ubi vulnus infixum est, medicina est adhibenda, ut possit recipere sanitatem. Quæ sanitas post vulnus secuta, sine cicatrice esse non poterit: atque ubi penitentiae remedium necessarium est, illic ordinationis honorem locum habere non posse decernimus. . . Sed e contrario asseritur eum, qui honorem amisit, honorem dare non posse; nec illum aliquod accepisse, quia nihil in dante erat, quod ille posset accipere. Aquiescimus, & verum est &c.* Et Cap. 5. de Ordinationibus distincte loquens a Bonoso Episcopo olim Sardicensi, ac per Illyricum Photinianæ hæreseos propagatore impie peractis, nullas, irritasque easdem decernit sic loquens: *Ad summam certe, qui nihil à Bonoso acceperunt, rei sunt usurpatae dignitatis, qui conficiendorum Sacramentorum sibi vindicaverunt auctoritatem, atque id se putaverunt esse, quod de his nulla fuerat regulari ratione concessum.* Atque ita quidem apud Jo. Sbaraleam in diff. de pravorum Ordinatio. cap. 8. n. 12, & seqq. de invalidis Aria-

Arianorum Ordinationibus S. Innocentii locum in epist. 18. ad Alexandrum Antioch. interpretatus fertur S. Petrus Damiani in Opusc. 6. pro Simoniacis cap. 22; deque invalide collatis a Bonoso Ordinibus ejusdem Pontificis locum in Epist. 22. ad Macedoniæ Episcopos acceptum fuisse ab Autore Epistolæ 5. de Chorepiscopis S. Damaso tributæ apud Harduinum tom. 1. pag. 770, a Leone III. in epistola ad Episcopos Synodi Ratisponensis ann. 803; & ab ipsa Synodo relata inter Capitularia Caroli M. lib. 7. capit. 187. tit. 4. de Chorepiscopis apud Harduinum tom. 4. pag. 948, a Synodo Sueffionensi II. an. 853. adversus Ebbonis ordinationes A. 9. 4. apud eundem Harduinum tom. 5. pag. 50. contenditur. Atque ita omnino Innocentianum accipiendum testimonium inde confirmatur, quod siquidem Bonosiani Paulianæ Sectæ germen essent, teste Vigilio in Constituto pro tribus Capit. apud Harduinum tom. 3. pag. 39, fuisse quoque Bonosianos Photinianorum Gregales tradat Gennadius Massil. de Script. Eccles. in *Audentio*, Photinianos vero a Paulianis non discernant Rufinus lib. 10. hist. Eccles. cap. 6. edit. Cacciarum tom. 2. pag. 16. ex Concilio Nicæno Canonem 21. allegans hisce verbis: *Ut Paulianiste, qui sunt Photiniani, rebaptizentur*, & Concilium Arelatense II. an. 452. Can. 16, quum ex Nicæno Can. 19, & Arelatenfi innox cit. Can. 16. Paulianorum Ordinationes, sicut Baptismum, invalidas fuisse liquido constat, de invalidis proinde Bonosianorum Ordinationibus ut loquutus sane S. Innocentius I. fuerit, inde necessario consequi concluditur.

At enim, ut iis veri quædam inesse species videri possit, inania esse tamen ista, nec absque injuria appingi S. Innocentio, atque longe rationem eos fugere, qui fucum iis facere instituunt, eo facilius, quo evidentius demonstrandum assumo. Atque quod ad 1. loco objectum attinet, non inficias ibo equidem alicubi, ut in Africana Ecclesia, & Hispanica, & Gallicana severiorem aliquando, arctioremque viguisse disciplinam, cujus haud obscura vestigia deprehendere licet apud S. Cyprianum in epist. 52. ad Antonianum, ac in Conciliis Eliberitano Can. 6, & seqq., & Arelatenfi I. Can. 22, juxta quam ejus genus criminibus talis imponebatur pœnitentia, ut esse propemodum absque expiatione vide-

viderentur; quin etiam hujusmodi durioris, rigidiorisque disciplinæ speciem obtinuisse in Ecclesia Mediolanensi, atque sub hac ætate in Romana ipsa Ecclesia adpareat ex S. Ambrosio lib. de lapsu Virginis consecratæ cap. 8. n. 38, ubi sic eam alloquitur: *Inhere pœnitentia usque ad extremum vitæ, nec tibi præsumas ab humana die veniam dari; quia decipit te, qui hoc tibi polliceri voluerit. Quæ enim proprie in Dominum peccasti, ab ipso solo te convenit in die Judicii expectare remedium;* atque ex ipso S. Innocentio in epist. 3. edit. Concil. ad Exsuperium Tolos. cap. 4, ubi de adulteris Mulieribus a viris suis ad Sacerdotes delatis loquens: *Ideo, inquit, Mulieribus, prodito earum crimine, Communio denegatur.* Universim tamen, atque in Ecclesia præsertim Romana, etsi denegaretur Communio, ad huc tamen pœnitentiæ factum locum fuisse liquido patet ex eodem S. Innocentio in mox cit. epist. ad Exsuperium cap. 2, ex Clero Rom. in epist. 3. ad S. Cyprianum, ex S. Hieronymo in epist. 11. ad S. Damasum edit. Cout., ex S. Cælestino in epist. 11. edit. Concil. ad Episcopos Provin. Vien., & Narbon. cap. 2, & ex S. Leone M. in epist. 108. edit. Ballerin. ad Theodorum Forojul. cap. 2, & seqq. Atque ita intelligendum locum illum S. Innocentii in epist. ad Victricium cap. 12, idest ut Virginibus Deo dicatis, præsertim vero, ubi peccandi periculum continuo immineret, difficile quidem pœnitentiæ, ob indispositionem, concederetur, non etiam ut penitus denegaretur, evidenter ostendunt ii ipsi, ad quos S. Innocentii Rescriptum fuerat directum, Episcopi Gallicani. Nam in Concilio Valentino an. 374. Can. 2, in Arelateni II. an. 452. Can. 52, in Aurelianensi V. an. 549. Can. 19, in Turonensi II. an. 567. Can. 20, in Matisconensi I. an. 581. Can. 12, & in Duziacensi II. an. 874. Can. 6, allegata S. Innocentii auctoritate in præcit. Epist. ad Victricium, Virgines Deo dicatas Communionem quidem privandas, pœnitentiæ locum tamen eisdem non denegandum decrevisse leguntur. Atque hanc juxta S. Innocentii mentem Patres præterea Concilii Toletani I. an. 500. Can. 16, relato a Gratiano Can. 27. *Devotam* 27. Q. 1, Toletani IV. an. 633. Can. 55, & Toletani VI. an. 638. Can. 6. lapsis Virginibus Deo sacris, ubi pœnitentiam egissent, Communionem in vitæ extremo indulgen-

Part II. Tom. V.
X x x
dam

dam duxerunt. Quin etiam ipsemet expresse S. Innocentius I. Can. 1. inter eos, quos sub nomine Synodi Romanorum, sive Epistolæ Synodicæ ad Gallos Episcopos ex tribus Exemplaribus Tiliano, Pichœano, ac Fossatensi descripsit, ipsique tribui Innocentio posse jure conjecit Sirmondus, quosque deinde ad gemini, & antiquissimi Colleg. Parisi. Codicis fidem exegit Harduinus tom. 2. pag. 1031, de Virgine velata propositum non servante loquens, eidem post emissum solemne Continentiæ votum lapsæ pœnitentia expiandi flagitium locum adhuc facit: *Annis quamplurimis*, inquit, *deslendum ei peccatum est, quo dignæ fructu pœnitentiæ factu, possit aliquando ad veniam pervenire*. Sed & S. Zacharias P. M. in epist. 7. ad Pippinum Majorem Domus apud Harduinum tom. 3. pag. 1904. & cap. 20. præm. S. Innocentii verbis ad Victricium descriptis, cap. 26. prolato S. Siricii decreto, lapsis Virginitibus, etsi Deo dicatis, longa pœnitentiâ defunctis, ex humanitate Communionis gratiam, in morte saltem, largiri posse decernit.

Neque vero magis recte inde subinfertur a Tillemontio Ecclesiæ olim Romanæ ritu, solemni Castitatis voto in irritum minime ivisse Matrimonium, atque ab S. Innocentio Sacrarum Virginum Conjugia improbata quidem, dissoluta non etiam, conficitur. Enim vero in eadem Epistola, eodemque ipso Cap. 12. S. Innocentius jubet par ferendum de Virginitibus Deo dicatis judicium, quæ post emissum votum Matrimonio se junxerint, atque de Mulieribus Matrimonio copulatis, quæ priori vivente Viro, cum altero conjugium iniverint, ut neutri nempe pœnitentiæ licentia concedatur, donec peccati consors vita fuerit functus. Atqui pessime quis argueret inde secundo Conjugio primum, dissolvi in sententia S. Innocentii; igitur perperam inde pariter infertur Conjugium voto Castitatis solemni non infringi. S. Innocentii sententiam illustrant, atque bono in loco, apertissimoque collocant prælaudata Concilia Toletanum I. Can. 16, & 19, Arelatense II. Can. 52, Aurelianense V. Can. 19, Turonense II. Can. 20, Matisconense I. Can. 12, Toletanum IV. Can. 55, Toletanum VI. Can. 6, & Duziacense II. Can. 6, ubi Sacrarum Virginum conjugia irrita proculdubio, atque S. Innocentii quidem decreto, intelligunt, & de-

cla-

clarant. Quin etiam Turonense eodem loci apud Harduinum, tom. 3. pag. 362. S. Innocentii laudasse decretum haud satius habuit, sed & laudare non abstinuit cum L. 2. Cod. Theod. tit. 25. de Raptu, qua Jovinianus Imp. edicit: *Si quis non dicam rapere, sed attentare, Matrimonii jungendi causa, sacram Virginem ausus fuerit, capitis sententia feritur*; tum Legem olim Ethnicis ipsis sacram, juxta quam Virgines Dæ Vestæ sacratæ, quæ postmisso proposito, Virginalis pudicitæ gratiam sœdassent, jacturamque fecissent, capitali sententia, atra in humo defodi absque misericordia debebant. Quibus si jungas, quæ passim de laude, & obligarione Virginalis, aut Vidualis etiam Castitatis Deo voto nuncupatæ habent Partes Nicæni Can. 79. Arabico de Diaconissis, quas sacra Continentiæ lege obstrictas videre licet apud Assemanum Bibl. Orient. tom. 3. par. 2. cap. 13. §. 10, Concilii Carthaginensis IV. Can. 104, S. Basilii de vera Virginit. circa medium, & in epist. 17, S. Ambrosius in lib. de Virginit., Eusebius lib. 2. hist. Eccl. cap. 17, S. Jo: Chrysostomus hom. 8. in S. Matth., S. Hieronymus in lib. advers. Jovinian., & S. Augustinus in Psal. 99. sub finem, habebis profecto, quibus Κροτο, Πιστερο, Βρυγο, &c. impudentissimis Virginalis continentæ obtrektoribus durissimum os obstruatur.

Ad ea nunc accedendo, quæ ex S. Innocentii I. Epistolis 13. ad Alexandrum Antioch., & 2. ad Episcopos Macedoniæ secundo objectæ sunt loco, graviolem, fateor, hinc de Sacrarum Ordinationum validitate difficultatem oriri, quam data heic opportunitate dirimere oportet, quandoquidem in eundem quoque errorem Pontifices alij longe plures rapi solent. Ita enim S. Innocentius I, uti dictum est, a Bonoso Ordinationes peractas irritas declarasse contenditur. Atque ita post ipsum S. Zosimus in epist. 5. ad Galliar., & septem Provin. Episcopos *Sacerdotio carere* declarat, qui absque Metropolitæ Arelatenfis conscientia ordinasset, fuissetque ordinatus; atque ideo ordinatos a Proclo Massil. *Suscipi nullatenus posse* in epist. 10. ad Patroclum Arelat., & Proclum ab se damnatum non amplius Episcopum esse scribens in epist. 11. ad Clerum, & Plebem Massil. Ita S. Leo M. in epist. 92. edit. Quesn. 2. Baller. 167. cap. 1. ad Rusticum Narbon. inter *Episcopos haberi* prohibuit,

qui nec a Clericis electi, nec a Plebibus expetiti, nec a Provinciæ Episcopis cum Metropolitæ consensu fuissent consecrati. Ita S. Felix III. in libello Synodico ad Zenonem Imperat. contra Acacium transmissio Ordinationes a Petro Moggo, & a Timotheo Æluro peractas, ut pote ab hæreticis, *Illicitas, & irritas* ab Acacio rite judicatas asserit; quod & repetit in Tractatu olim S. Gelasio adscripto, nempe ab hæreticis ordinatum Moggum *Episcopalis dignitatis substantiam* non acceperisse. Ita Pelagius I. in epist. 2, 3, & 4. ad Narsem Patricium, & apud Gratianum Can. 44. *Quali nos* 23. Q. 5, Can. 33. *Pudenda*, & Can. 34. *Schisma* 14. Q. 1. Schismaticos Episcopi nomen, non honorem, nec meritum habere denun- tiavit; quin etiam subjungens: *Non est Christi Corpus, quod Schismaticus conficit, si veritate duce dirigimur*. Ita S. Gregorius M. lib. 3. epist. 15. ut is, qui sua absque conscientia a Dalmatiæ Episcopis Salonitanæ præfectus fuisset Ecclesiæ, *Nec habeatur Episcopus*, edixit; eodem lib. 3. epist. 26. ad Januarium Calarit., & lib. 4. epist. 5. ad Venantium Lunensem eos, qui post Ordinationem Cælibatus legem infregissent, atque incontinentiæ flagitio se inquinassent, *Sacro Ordine carere, sive Ad Sacrum Ordinem, revocari nec debere, nec posse* decrevit. Ita S. Martinus I. in epist. 5. ad Johannem Philadelph., & 11. ad Ecclesias Antiochenam, & Alexandrinam, utriusque Ecclesiæ hujusce pervasores Mono- thelitica hæresi a capite ad talos asperfos Macedonium, ac Petrum *Episcopatus sibi falso nomen* affinxisse, ac *Sacerdotii fictam ipsis ap- pellationem* fuisse impositam affirmare non dubitavit: non secus atque *Ordinationes vacuas* in Concilio Lateranensi an. 649. Can. 20, quas celebrare hæretici attentassent. Ita Stephanus III, aliis IV. Romæ Synodo an. 769. habita apud Holstenium Collect. Rom. pag. 257, Dacherium Spicileg. tom. 2., & Cennium edit. Rom. 1735. pag. 11, & seq., atque ex ipso apud Mansium Suppl. to. 1. pag. 648. sancivit, ut Episcopi a Constantino pseudo-Pontifice ordinati *Consecrationem ab Apostolico suscipiant, ac si prius fuissent minime ordinati*. Atque præterea, quæcumque in sacris Officiis ab eodem pseudo-Pontifice fuissent peracta *Præter tantummodo Baptismum, omnino iterentur*. Quorum simillima habet Anastasius tom. 1. edit. Blanchinii §. 96. pag. 183, & seq., ubi de Episcopis

copis a Constantino ordinatis loquens a Concilio sancitum ait: *Ut Episcopi illi . . . si placabiles fuissent . . . denuotato decreto electionis . . . ab eodem Sanctiss. Stephano Papa benedictionis susciperent Consecrationem*. Quod perinde circa Presbyteros, & Diaconos ab eodem pseudo-Papa ordinatos servari decretum subjungit, ac demum: *Ut omnia, quæ isdem Constantinus in Ecclesiasticis Sacramentis, ac Divino cultu egit, iterari debuissent, præter Sacrum Baptisma, atque Sanctum Chrisma*. Ita S. Nicolaus I. in epist. 10. ad Clerum Constantinopolit. n. 6. de Photio a Gregorio Syracusano pseudo-Episcopo verba faciens: *Igitur, inquit, nihil Photius ex Gregorio percepit, nisi quantum Gregorius habuit; nihil autem habuit, nihil dedit*. Quibus plane, ut præferunt verba, invalidam Photii Ordinationem indicare videtur. A quo nec videtur sententia dissentire Hadrianus II. in epist. ad Basilium Imp. Act. 1., & ad Ignatium Constantinop. Act. 3. Synodi VIII. insertis, ubi facta Photii mœchi comparatione cum Maximo Cynico, Episcopatus honorem edixit *Nequaquam istis esse tribuendum, quod non docetur fuisse collatum*. Atque ideo Episcopalem dignitatem frustra aliis a Photio, atque usurpative, & fakte datam fuisse subjungens: *Quia Photius . . . nihil habuit, præter damnationem, quam se sequentibus propinaverit*. Ita Iohannes VIII, postquam in epist. 103. edit. Harduini ad Carolum Crasum Regem significasset Anspertum, Mediol. ab se gradu dejectum, ab eo in Vercellensem Episcopum ordinatum Josephum *Ab Ordine Episcopatus* pariter depositum, locoque ab se consecratum, Ecclesiæque Vercellensi præfectum Conspertum, in epist. 112. ad Anspertum Mediol. ejusdem Regis opera pristinae dignitati restitutum, eidem indulsit, ut præfatus Josephus, *Qui nihil ab Ordinatore prius acceperat, nova electione, vel ordinatione in Episcopum crearetur*, atque præficeretur Ecclesiæ Astensis. Ita Stephanus VI, aliis VII, testibus Sigeberto in Chron. ad an. 902, atque Luitprando Ticinensi lib. 1. cap. 8. apud Muratorium tom. 2. Script. Ital. pag. 430., Synodo an. 897. Romæ celebrata in Formosum decessorem suum deserviens, cunctos, quos ille ordinaverat, gradu proprio depositos iterum ordinavit. Cujus vestigiis deinde hærens Sergius III, uti scribunt Auxilius Presbyter lib. 2. cap. 12, & Sigebertus ad an. 907, Synodo simili-

liter coadunata Ordinationes a Formoso celebratas irritas, & inanes decrevit, in eosque, qui ab illo ordinati sacra Munia obire ausi fuissent, excommunicatione animadvertit. Ejusmodi errata Stephani VII, & Sergii III. Bossuetius defens. declar. par. 2. lib. 14. cap. 31. exagitare, urgere, & amplificare non abstinuit exemplo Auxilii, qui a Formoso ordinatus, etsi a Sergio exauctoratus, in Ministerio stare non dubitavit, aliisque, ut starent, auctorem se dedidit ea de causa, quod Pontifici a recta desectenti parendum haud esset, ideoque Concilii generalis judicium desiderans superbis hisce verbis cap. 40, & in Dialog. capp. 29, 30: *In Sacro Ordine, quo consecrati sumus, permanentes, præstolamur universalis Concilii æquissimum examen*. Ita Agapetus II. in epist. ad Leonem, & Benedictum simoniace, ac fraudulenter in Ecclesias Triventinam, & Termolensem intrusos, apud Ughellum Ital. Sac. tom. 8. pag. 51, & Mansium Suppl. tom. 1. pag. 1126. eisdem *Irrationabiliter ordinatos, furtive, ut Fures, & Latrones, irrupisse, & indebite Episcopale ministerium usurpasse* scripsit; quos ideo anathemate percussos *Episcopale aliquod officium peragere* vetuit. Ita Johannes XII. in Synodo Romana an. 964. A.D. 3. de Ordinatis a Leone VIII. pseudo-Pontifice agens, *Eos, inquit, Apostolica, atque Canonica auctoritate, & Synodali decreto in pristinum revocamus gradum: quia Ordinator eorum nihil sibi habuit, nihil illis dedit*. Quod decretum exemplo communivit decessoris sui Stephani VII, a quo ordinati a Constantino pseudo-Papa fuerant iterum consecrati. Ita S. Leo IX, teste S. Petro Damiani in Opus. 5, sive epistola de suis apud Mediolanum actis, plerosque Simoniacos, maleque promotos *tanquam noviter ordinavit*, atque universum Simoniacas ordinationes simoniace perastas sustulit, irritasque esse iussit, eodem referente in Opusc. 6, sive epist. ad Henricum Raven. cap. 35. Cui decreto coherentem a Nicolao II. in Synodo Roman. an. 1059. sancitum, ut Simoniaci a Simoniacis Simoniace ordinati *Nihil penitus deberent ex ea promotione lucrari, & sic ministrandi jura deponerent, tanquam si hæc nullatenus percepissent*, auctor est locuples, qui eidem Synodo interfuit, prælaudatus S. Petrus Damianus in Opusc. 30, sive in Epist. ad Florentinos cap. 1. Juxta quæ inter Nicolai II. decreta apud Baluzium Miscell. tom. 7. pag. 67.

pag. 67, & in noviss. Concil. Collect. tom. 12. hæc habentur n. 8: *Ut Ecclesia per pretium a Simoniacis consecrata denuo consecrentur: & num. 9. Ut Presbyteri, & omnes a tempore Nicolai Papæ usque nunc, & deinceps scienter ordinati a Simoniacis sciant se non esse ordinatos; & deinceps non fiant.* Ita S. Gregorius VII. in Synodo Romana IV. an. 1078. in Decreto Ordinationes ab Excommunicatis celebratas SS. Patrum juxta sententiam irritas fieri statuisse legitur; in Synodo V. eodem anno Can. 4. Ordinationes pariter a Simoniacis peractas *Infirmas, & Irritas* dixit, & in Synodo VII. an. 1080. Can. 1. Investiturâs de manu laica accipientes *Nullatenus inter Episcopos, vel Abbates haberi* decrevit. Cujus omnino simile decretum edidit deinde Victor III. in Concilio Beneventano an. 1087, & Paschalis II. in epist. 12. ad Henricum V. Imper., Urbanus III. etiam decreto allegato. Ita vero Urbanus II. in Synodo tam Placentina an. 1095. Capp. 2, 4, & 8, quam in Romana III. an. 1099. Can. item 2, 4, & 8. Ordinationes tam a Simoniacis simoniace, quam a Guiberto hæresiarcha celebratas *Irritas esse, & nullas unquam vires obtinere* sancivit. Sed & irritas, iterandasque statuit Ordinationes ab Excommunicatis, Schismaticis, & Hæreticis peractas. Nam in epistola ad Petrum Pistor. Episcopum, & Rusticum Vallisumb. Abbatem apud Gratianum Can. 24. *Daibertum* 1. Q. 7. Daibertum a Wezilone Episcopo Moguntino Simoniaco, Schismatico, & Hæretico Diaconum ordinatum iterum ordinavit: *B. Innocentii Papæ*, inquiens, *sententia constat declaratum, quod Wezilon, quem constat ab hæreticis ordinatum, quia nihil habuit, nihil dare potuit ei, cui manus imposuit. Nos igitur tanti Pontificis auctoritate firmati, & Damasi P. testimonio roborati, qui ait: Reiterari oportet, quod male actum est: Daibertum ab hæreticis corpore, & spiritu digressum, atque utilitatibus Ecclesiæ pro viribus insudantem, ex integro, Ecclesiæ necessitate ingruente, Diaconum constituimus. Quod non reiterationem existimari censemus, sed tantum integram Diaconii dationem; quoniam, ut prædiximus, qui nihil habuit, nihil dare potuit.* Ita Paschalis II. in Epist. ad Gebhardum Constantiensem Episcopum apud Martenium Anecd. tom. 1. pag. 336, & Mansum Suppl. tom. 2. pag. 167. de potestate conficiendi Chrisma apud hæreticos ita loquitur, quasi si nulla prorsus esset: *De con-*
fecto

fecto ab hæreticis Chrismate, vel Oleo ratio suggerit, ut pro Divinæ invocationis reverentia inter Ecclesiam debeat concremari. Ita Callistus II. in Concilio Lateranensi I. Can. 6. Ordinationes a Burdino pseudo - Pontifice, ab ipsoque ordinatis pseudo - Episcopis peractas *Irritas esse* decrevit. Quam perinde in sententiam ingressi Innocentius II. in Concilio Lateranensi II. Can. 30, & Eugenius III. in Remensi Can. 17. Ordinationes factas a Petro Leonis, aliisque schismaticis, & hæreticis infringere, & *Irritas esse* pronuntiarunt. Juxta quæ pariter Alexander III. in Concilio Turonensi an. 1163. Can. 9, ac Lateranensi III. an. 1179. Can. 2. Ordinationes ab Octaviano, a Guidone, & Johanne Strumensi, aliisque a Schismaticis ab ipsis ordinatis celebratas vi omni carere, & *Irritas esse* judicavit. Ita Lucius III. in Rescripto ad Archiep. Spalat. Cap. *Super eo* tit. de Bigamis Bigamos ordinandi *Potestate, & officio* Episcopos privandos, ordinatos vero in sacris Ordinibus *Remanere* non posse respondit. De quo præterea refert Robertus Flamesburienfis apud Morinum de Sacr. Ordinac. exercit. 5. cap. 1, quod ordinatos a Schismaticis *Reordinari*, atque ex Cardinalium quidem consensu, jusserit. Mitto alios plures, quibus eadem præpostere sententia appingi solet.

Neque vero opinio hæc Rom. Pontificum adeo peculiaris fertur, quin Conciliorum, Patrum, Scriptorumque longe plurium etiam propria evaserit. Atque principio Apostolicos inter Canones, qui præclaro hocce circumferuntur nomine, Canon 62. edit. Herveti collatum ab hæreticis, acceptumque vel Baptismus, vel Ordinem nihil valere hisce declarat verbis: *Qui ab hæreticis Baptizati, & Ordinati sunt, ut Fideles, vel Clerici sint, fieri non potest.* Concilium Nicænum Can. 6. Episcopum ordinatum absque Metropolitæ conscientia *Episcopum esse non oportere* definit juxta, vers. Dionysii, sive *Ordinationem irritam esse*, uti legit Can. 4. Rufinus lib. 10. hist. Eccl. cap. 6. Can. 8. Clericis indulget, ut ordinati a Novatianis in Clero maneant *Impositionem manus accipientes*, ut habet Dionysius, sive ut habet Gelasius Cyzic., & ut reddidit Isidorus: *Ut ordinentur, & sic maneant in Clero.* Can. 16. in vers. Dionysii, & Gelasii Cyziceni, & apud Gratianum Can. 3. *Siquis* dist. 71. ab alieno Episcopo ordinati Clerici *Ordinatio irrita*

rita declaratur. In Epistola quoque Synodica ad Ecclesiam Alexandrinam apud Socratem lib. 1. cap. 19, Theodoretum lib. 1. cap. 9, Epiphanium Scholast. lib. 1. cap. 12, & Gelasium Cyzicenum lib. 2. hist. Concil. Nicæn. cap. 33. fancivit, ut qui in Ægypto a Meletio Lycopolitano Episcopo Schismatico ordinati fuerant, nulli Ecclesiæ ministerio adhiberentur, nisi prius *Sanctiore Ordinatione confirmati* fuissent *Μυστηρια χαριστικῶς δεξαμένης*. Unde in vim hujusce decreti Theodorus Oxyrinchi in Ægypto Episcopus Diaconos, & Presbyteros ordinatos ab Apollonio Meletianarum partium Episcopo iterum ordinasse legitur apud Marcellinum, & Faustinum in libello precum. Quod argumentum tanti momenti visum est, ut avide illud arreptum maxime adhibeant Valesius in Not. ad Theodoretum loc. indic., Dupinius in Bibl. Cent. 4, & Binghamus Anglo-Calvin. in Origin. Eccles. tom. 2. ad suadendum Ordinationes Schismaticorum Ecclesiæ sententia irritas esse, & inanes. Ab Antiocheno an. 341. Can. 13. *Vacue, & inanes*, velut vertit Isidorus, sive *Irrita*, ut habet Dionysius, declarantur Ordinationes, quas Episcopi in aliena Provincia celebrare præsumpserint. Can. 19. Episcopi absque Comprovincialium adfinitentia, ac Metropolitæ consensu Ordinatio *Nihil valere*, sive *Nullas vires* habere decernitur. Can. 22. *Irrita* pronuntiatur Ordinatio Presbyteri, aut Diaconi, quam in aliena Ecclesia Episcopus usurpasset. Et Can. 22. prohibetur Episcopus, etsi mortui proximus, ne sibi successorem designet: ita vero designati *Irrita ordinatio* decernitur. Sardicense Can. 19. ut ejus, qui ex aliena Parochia absque proprii Episcopi licentia ordinatus fuerit, *Non sit rata ordinatio* juxta vers. Dionys., sive ut reddidit Hervetus, *Irrita, & infirma existinetur*, decrevit. In Epistola Synodica ad Eccles. Alexand. Gregorium *illegitime* ab Arianis in S. Athanasii locum intrusum, *Revera nunquam pro Episcopo* habitum fuisse scriptis; atque ita, quidem illum pro Episcopo a Patribus Sardicensibus nunquam habitum confirmavit S. Athanasius in epist. ad Solit. Et in Encyclica ad universas Ecclesias loquens de Gregorio, qui Alexandrinam, de Basilio, qui Ancyranam, & de Quintiano, qui Gazensem invaserant Ecclesiam; *Neque nomen habere Episcopi*, addit Theodoretus lib. 2. hist. Eccl. cap. 6. *Neque Christiani*, declaravit. At-

Par. II. Tom. V.

Y y

que

que denuntians gradu detrusos Theodorum, Narcisum, Acacium, Stephanum, Ursacium, Valentem, Menofantum, & Georgium Arianæ Sectæ Antesignanos, *Judicavimus*, inquit, *non solum illos Episcopos non esse, sed neque Communionem cum fidelibus habere*. In Constantinopolitano I. Can. 3. aliis 4. de Maximo Cynico, qui Constantinopolit. in Ecclesiam irreperat, definitum legitur eum *Neque Episcopum esse, vel fuisse, nec eos, qui ab ipso in quolibet gradu Clerici sunt ordinati* Clericatus gradum obtinere. A Concilio Regiensi an. 439. Can. 2. Armentarii Ebredunensis Antistitis Ordinatione a duobus dumtaxat Episcopis celebrata cum multiplici Canonum transgressione secundum Canones *Irrita* definita est, & *Evacuanda*. Et Can. 3. eidem aut Chorepiscopi nomen indultum, aut Peregrina dumtaxat Communio concessa, quæ juxta probabiliorem Albaspinæi, & Sirmondi opinionem reductio ad eum locum erat, & statum, quo poni solebant Clerici, qui Commendatitiis absque litteris peregrinabantur, qui etsi benigne excepti, Clericali tamen Communione interdicebantur, ullo sui Ordinis officio defungi prohibiti, de quibus vide- sis Card. Bonam rer. Liturg. lib. 2. cap. 12. In Turonensi I. an. 461. Can. 10. illicitæ Ordinationes, cujusmodi erant, quæ in aliena Provincia ab Episcopis peragebantur, de quibus super. Can. 9, *in Irritum* revocantur, *nisi satisfactione* compositæ fuerint. Aurelianense I. an. 511. Canone 10. cum Arianorum Ecclesias denuo *Consecrari* jubet, tum ab eis ordinatos Clericos ad Ecclesiam regredientes ab Episcopis *Cum impositæ manus benedictione* recipi indulget. Nihil hinc abudens Concilium Cæsaraugustanum an. 592. Can. 1. sancivit, ut Presbyteri ab Ariana Proseucha ad Ecclesiam se recipientes, si probatæ fidei, & castimonie fuerint *Accepta denuo benedictione*, Presbyterii ad Sacrum Ministerium admittantur. Et Can. 3. pariter Ecclesias ab Arianis Episcopis consecratas denuo consecrari decrevit. In Hispalensi II. an. 619. Can. 3. decernitur, ut Clericus propriæ Ecclesiæ desertor *Cingulo honoris, atque Ordinis sui exutus* in Monasterium detrudatur. Et Can. 4. Bigamorum Ordinationes *In irritum* revocantur. A Toletano IX an. 655. cap. 2. Retorum, quos Ecclesiis Patronorum absque consensu præfecissent Episcopi, *Ordinationem irritam* declaratam legimus. Concilium Ver-

Ver-

Vermeriense I. an. 753. Can. 14. Episcopis peregre ambulanti-
bus Presbyteros ordinandi potestatem ademit, adeoque ut ejus-
modi Ordinationes robore omni destituerentur: *Si autem*, sub-
jungit, *boni sunt illi Presbyteri, iterum consecrentur*. De Ordi-
nationibus sive a Monothelitis, sive a Constantino pseudo-Pontifi-
ce celebratis a Synodus Romanis sive an. 649. sub S. Martino I, si-
ve an. 769.* sub Stephano III, aliis IV. abrogatis dictum superius
est. A Cabilonenſi II. an. 813. Can. 43. Presbyterorum, & Diaco-
norum a quibusdam Scotiæ, & Hiberniæ Episcopis Simoniaca la-
be, aliisque erroribus laborantibus attentatam *Ordinationem irri-
tam fieri debere sancitum fuit*. In Concilio Sueſſionenſi II. an. 853.
sub Hincmaro Remenſi Act. 4. Ordinationes Ebbonis e gradu Epif-
copali depoſiti irritæ dictæ sunt, ideo quod *Ab eodem, quod idem non
habuit, nemo eorum* (qui fuerant poſt ipſius depoſitionem ordinati)
accipere potuit. Et Act. 5. *Ut præter Sacrum Baptiſma, quod in nomi-
ne Sanctæ Trinitatis perfectum eſt, quidquid in Ordinationibus Ec-
cleſiaſticis idem Ebbo egerat, irritum, & vacuum habeatur*, communi
ſuffragio declaratum legitur apud Flodoardum lib. 1. cap. 43. Pho-
tii, qui in Eccleſiam Conſtantinopolit. irreperat, Ordinationes
irritas, & inanes Synodus VIII. Can. 4. decrevit, & declaravit. A
Moguntino an. 888. Can. 14. Clerici alterius Diœceſis *Ordinatio
Irrita* dicta eſt, quique ordinare præſumpſiſſet, Episcopus incre-
patione dignus judicatus Can. 15. Similia contra Ordinationes For-
moſi decreta fuiſſe in Synodo Romana an. 897. a Stephano VI,
aliis VII, atque contra Ordinationes Leonis VIII. pseudo-Ponti-
ficis in Romana Synodo an. 963. a Johanne XII. ſancita paullo
ſupra adnotare non deſtiti. Sic etiam in Synodo Romana altera
ſub Gregorio V. an. 998. Can. 5. Stephanus Vellavenſis, nunc
Anicienſis, ideo quod a Widone prædeceſſore ſuo adhuc in vivis
agente, abſque Cleri, Populiſque voluntate, electus fuiſſet, at-
que a duobus dumtaxat Episcopis, neque Comprovincialibus,
ordinatus, *Ut omni Ordine Sacerdotali careat*, ſancitum eſt. Con-
cilium Bituricenſe an. 1031. Can. 11. nullius valoris eſſe Ordi-
nationes eorum, qui e Presbyteris, Servis, & Collibertis procreati
fuiſſent, decrevit: *Quia*, inquiens, *irrita eſt, & illicita Ordinatio,
ſicut SS. Patres dixerunt*. In Tolofano an. 1056. Cap. 1. Clericus

Simoniace ordinatus declaratur *Alienus ejus dignitatis, & Ordinis* : & Cap. 2. Clerici extra legitimam ætatem, & statuta tempora ordinati *Irrita Ordinatio* denuntiatur. De similibus decretis adversus Simoniacas Ordinationes latis in Synodis Romanis a Nicolao II, a S. Gregorio VII, & Urbano II. jam actum est. Concilium Gerundense an. 1078. sub Amato Olorensi Episcopo, & S. Gregorii VII. Legato habita apud Martenium tom. 4. Anecd. pag. 1187. postquam statuisset, ut Ecclesiæ Simoniace, veta Simoniacis consecratæ a legitimo rursus Episcopo consecrentur, sic de Clericis Simoniace, vel a Simoniacis ordinatis sancivit : *Ut eodem modo a Catholico ordinentur Episcopo. Non enim in his*, inquit, *sit reiteratio, sed ipsa Consecratio : quoniam nihil præcesserat, quod ratum haberi queat.* In Northusensi an. 1105. decretum, ut Ordinati a pseudo-Episcopis Simoniaca nempe labe infectis *Manus impositionem a Catholicis* reciperent, sive ut *Per Catholicam manus impositionem* reconciliarentur, referunt Echardus Annal. Saxo apud Mansium Suppl. tom. 2. pag. 220, & ex ipso Conradus Ursperg. in Chron. ad hunc an., & Chronographus Hildesheimensis apud Harduinum tom. 6. par. 2. pag. 1878, & seqq. De similibus decretis circa Ordinationes a Simoniacis, aut Schismaticis attentatas editis a Callisto II, Innocentio II, Eugenio III, & Alexandro III. in Conciliis Lateranensi I, & II, Remensi, & Lateranensi III, dixi superius, quantum operæ ferebat pretium.

In hanc quoque de Ordinationibus quò illicitis, eò ipso invalidis opinionem pedibus, manibusque ex Patribus, veteribusque Scriptoribus quamplures, atque doctrina præstantissimi conspirasse videntur. In quibus S. Cyprianus familiam ducit, qui in priscam decessori suo Agrippino probatam ingressus sententiam de invalide collatis, susceprisque a Schismaticis, & Hæreticis tam Baptismi, quam Ordinis Sacramentis, in epist. 52. ad Antonianum de Novatiano loquens, quem utique vereque schismaticum, & hæreticum nuncupat : *Qui nec unitatem Spiritus*, inquit, *nec conjunctionem pacis observat, & se ab Ecclesiæ vinculo, atque a Sacerdotum Collegio separat, Episcopi nec potestatem potest habere, nec honorem, qui Episcopatus nec unitatem valuit tenere, nec pacem.* Cui intimæ persuasioni inhærens in epist. 76.

ad

ad Magnum, postquam eamdem ipsi de Novatiano ingerere opinionem studuisset, *Novatianus, inquit in Ecclesia non est, nec Episcopus computari potest . . . Habere namque, aut tenere Ecclesiam nullo modo potest, qui Ordinatus in Ecclesia non est;* eamdem sententiam, eundemque sermonem ad alios Schismaticos, & Hæreticos æque transferens, & extendens subjungit: *Dicimus omnes Hæreticos omnino, & Schismaticos nihil habere potestatis, ac juris in Ecclesia.* Quorum similia repetit in lib. de Unit. Ecclesiæ. Quæ vero S. Cypriano, Afrisq; in Conciliis tribus Carthaginensibus, de quibus ejusdem S. Cypriani epist. 70. ad Januar., & 72. ad S. Stephanum, accepta fuerat, probatam valdequam pariter evalisse Firmiliano, Asianisque patet ex ipsius epist. 57. ad S. Cyprianum, ubi sic loquitur: *Ceteri quique hæretici, si se ab Ecclesia Dei sciderint, nihil habere potestatis, aut gratiæ possunt: quando omnis potestas, & gratia in Ecclesia constituta sit, ubi præsident Majores natu, qui & baptizandi, & manum imponendi, & ordinandi possident potestatem.* Quod ipsum definitum in Synodo Iconiensi ex Episcopis Phrygiæ, Galatiæ, & Ciliciæ subjungit. Definitum etiam in Synodo Synnadeni auctor est S. Dionysius Alex. in epist. ad Philemonem, & ad S. Sixtum II. apud Eusebium lib. 7. capp. 4, & 6, utriusque Synodi vero meminit etiam S. Augustinus lib. 3. contra Cresconium cap. 3. Neque ab hac S. Cypriani opinione discessisse visus est Cæcilianus, qui a Felice Aptungitano ordinatus traditionis crimine accusato, ideoque ejus ordinationem inficiantibus Donatistis sic apud S. Optatum lib. 1. advers. Parmen. n. 19, & S. Augustinum in Brevic. Collat. 3. cap. 16. directe offendit: *Si traditores sunt, qui me ordinaverunt, ipsi veniant (Donatistæ) & ordinent me.* Significans sane eam sibi infedisse sententiam, ut Ordinationes ab Excommunicatis collatæ invalidæ essent. Unde Cæciliani verba hæc Catholicis olim Donatistæ objecisse leguntur apud S. Augustinum in cit. Collat. dici tertiæ cap. 16. Qui Donatistæ ideo an. 311. Carthagine 70. numero congregati dignitate Cæcilianum abrogasse, memorantur apud S. Optatum lib. 1., S. Augustinum in Brevic. Collat. cap. 14, in epist. 162, lib. advers. Donatistas post Collat. cap. 3, & lib. de unico Bapt. cap. 16, & in Concilio Zertensi an.

412, de quo S. Augustini epistola 152. Atque hac ductos persuasione, quod Baptismi, & Ordinis Sacramenta ab indignis collata robore omni carerent, ad se venientes indiscriminatim baptizasse denuo, & ordinasse liquet ex S. Augustino in epist. 23, & 108. Qua de re Norisius in hist. Donat. par. 2. cap. 4. Sed & idem S. Optatus lib. 1. hæreticos *Vana, & falsa habere Baptismata*, lib. 2. Diaconos, Presbyteros, & Episcopos a Donatistis factos *Laicos, & honore occisos*, & lib. 5. Hæreticos *Legalibus sacramentis* carere consentiens, eidem de invalidis hæreticorum Ordinationibus instituisse sententiæ videtur. Quin & juxta decessoris sui Firmiliani opinionem S. Basilius in epist. Can. ad Amphilochoium cap. 1. Hæreticorum tam Baptismum, quam Ordinationes nullam habere vim docuit: *Qui autem, inquit, abrupti sunt (ab Ecclesia) Laici effecti, nec baptizandi, nec ordinandi habent potestatem*. Et in epist. 10. in addit. ad Nicopolitanos ab Arianis profide exagitatos, ubi de Phortano pseudo-Episcopo ipsis præfetto ab Arianis, a quo vexabantur, pulsque Urbe fuerant, loquens: *Non agnosco, inquit, Episcopum, nec Christi illum Sacerdotibus adnumeraverim; qui a profanis est manibus ad fidei destructionem Præsul electus*. In epistola, quæ extat lib. 4. Jur. Orient. ad Martyrium Antioch. inscripta, eandem ipsi, quæ sibi inerat, sententiam insinuat sane S. Gennadius Constantinopolit. de iterandis hæreticorum Ordinationibus, siquidem de hæreticis ad Ecclesiam reducibus loquens: *Tanquam egregii Laici*, scribit, *ad eum gradum ordinentur, in quo prius apud suos erant*. Hanc etiam ob causam, quod plures in hæreses prolapsi Armeni fuissent, neque Ordines, ut par erat, a Metropolitâ Cæsarensi susceperent, nullas apud ipsos fuisse Ordinationes scriptis in Invect. 1. cap. 13. Isaac Catholicus: Inde, inquit, *Quod Armeni neque Ordinationem habeant, sed ab omni Sacerdotio sint alieni liquet*, apud Combesium Auçt. Bibl. PP. tom. 2. pag. 318. Atque Presbyteros quidem apud Græcos generatim, & Moschos, qui secundo nupserint, Græcæ Ecclesiæ sententia e Presbyteratu excidere, atque inter Laicos deinceps computari auctor est M. Veissierus Crozæus in hist. Christ. Indiar. in Adnot. ad Synodum Diamper. Auct. 7. Decret. 16. Theodorus Cantuar. in suo Pœnitentia-

tentiali, five Capitulis circa an. 688. apud Dacherium Spicileg. tom. 9, edit. nov. tom. 1. pag. 486, & apud Harduinum tom. 3. pag. 1771. Capit. 80. præscripsit, ut Ordinati a Scotis, & Brittonibus Schismaticis *Iterum ab Episcopo Catholico manus impositione confirmetur*. Qui a Gislaro Nannetenſis Eccleſiæ inſolore ordinati fuerant, ab Actardo legitimo ejuſdem Cathedræ Episcopo denuo ordinatos fuiſſe, auctor eſt locuples S. Nicolaus I. in epiſt. 22. ad Salomonem Brittonum Regem Append. 1. apud Harduinum tom. 5. pag. 346. Ab Hincmaro Remen. in Synodo Sueſſionenſi II. ſancitum, ut Ordinationes ab Ebbone celebratæ iterum repeterentur, ſuperius jam indicatum eſt. Atque demum in hanc ipſam de iterandis Ordinationibus habitis ab Episcopis Simoniacis, Excommunicatis, Schismaticis, Hæreticis &c. opinionem deſcendiſſe feruntur S. Anſelmus Lucenſis in lib. adverſ. Guibertum Raven. Sacerdotum Simoniacorum ſacrificia, & Sacramenta irrita exiſtimans; S. Petrus Damiani in Opuſc. 6. pro Simoniacis cap. 22. ab Hæreticis collatas Ordinationes robore carere ſcribens; Goſfridus Vindoc. in tract. de Ordin. Episcop., & Inveſtit. Laicor. nullam, invalidamque judicans Episcoporum intruſorum Ordinationem; Bernardus Conſtantienſis, qui idem putatur cum Bernaldo, ſive Bernoldo, ſive Bertholdo Conſt., atque fertur Auctor quoque Apologetici pro Decretis S. Gregorii VII, in tract. de Sacramentis Excommun. apud Gretzerum tom. 6. Oper., & Roccabertum Bibl. Pontif. tom. 5; Laurentius Abb. S. Vitoni Virdun. in Apolog. ad Canonicos Virdun. apud Mabillonium tom. 5. Annal. Bened. in Append. n. 80; Rupertus Tuitienſis lib. 12. in Matth.; Gratianus in Can. 3. *Presbyter*, 45. *Viliſſimus*, & 97. *Quod quidam* 1. Q. 1, Baptiſmum quidem valide ab hæreticis conferri agnoſcens, ab Episcopo vero, ſive Sacerdote degradato invalide cetera Sacramenta, confici, & adminiſtrari affirmans; Petrus Lombardus in 4. Sent. diſt. 25. qui ob Doctorem opiniones diverſas anceps, dubiſque in hac quæſtione hæſit, a Simoniacis tamen ſcienter Ordinatum irritam Ordinationem autumans; Alexander Alenſ. par. 4. Q. 8: memib. 5. art. 1. §. 6. in ea opinione verſatus, quod in ordinatione Episcopali non imprimatur Character, ſicut in Sacerdotali, ideo-

ideoque a Sacerdote non quidem consecrandi potestatem auferri posse, bene vero ab Episcopo potestatem conferendi Ordines; atque ita in eorum sententia, qui Episcopatum haud Ordinem esse censent, ab Episcopo deposito Ordines haud valide conferri responder Scotus in 4. dist. 25. Q. 1. art. 2; Johannes Semeca in Glos. ad Gratianum, sive Bartholomæus Brixien. in Not. ad Can. 10. *Accedens* dist. 50; Raynerius apud Auctorem Glossæ ad Decret. Gregorii IX. Cap. *Siquis Presbyter de Clerico excom.*; Guilelmus Patisien. de Sacram. Ordin. cap. 7, Rodolphus, & Jo: Faventinus apud S. Raymundum in Summa lib. 1. cap. 1; Guillelmus Rubion Ord. Min. in 4. sent. dist. 25. Q. 2; Athesanus in Sum. lib. 6. tit. 3. art. 4; aliique. Quibus permotus Johannes Morinus de Sacr. Ordin. par. 3. Exercit. 5, cujus postea in partes manibus, pedibusque descenderunt Cabassutius in disert. eodem de argumento, ac Jo: Hyacinthus Sbaralea in disput. de Sac. pravorum Ordin. , Ordinationes ab Episcopis Hæreticis, Schismaticis, Simoniacis, Excommunicatis, & Intrusis celebratas ex decreto Ecclesiæ illicitas non modo, sed etiam invalidas propugnare adnixus est. Nec hinc prope, vel procul absuit Herbertus Thorndicius Anglo-Episcopalis de Originibus Eccles. cap. 20. duo in Sacrorum Ministrorum Ordinationibus requiri arbitratum, primum auctoritatem in Ordinante, præterea solemnitatem Ordinationis, cujus posterioris etiam defectu Ordinationem irritam, evadere existimat, ita tamen, ut iterum convalescat, si Ecclesiæ deinde consensus accedat, sive ab Ecclesia rata habeatur.

At vero, præterquamquod persuasum mihi semper fuit quæstionem hancce, quamvis ambagibus undique implicatam, atque valdequam plenam, aut nihil, aut parum distare a quæstione celeberrima de Baptismo, quem valide profecto ab hæreticis conferri Ecclesia semper agnovit (quod idem de Confirmatione pariter ob causam ferendum judicium) atque affinem admodum esse illi errori, quo generatim Sacramenta ab improbis Ministris accepta nihil valere docuerunt olim Donatistæ apud S. Augustinum lib. 2. contra Cresconium cap. 28, & apud S. Optatum lib. 5. advers. Parmen., quo in errore postea ad eos accedere non deinceps ratum ex Albigenisum ptopagine Apostolici apud S. Bernardum in

in Cant. ser. 66; Hussitæ, & Wicleffistæ in Act. Concilii Const. sess. 8. Artic. 4, & sess. 15. Art. 22, & 30; Zuvingliani, pro quibus Oecolampadius in epist. Canon., Anabaptistæ, contra quos pugnam instituerunt vel ipsi Kemnitius, & Bullingerus; quodque propius ad errorem pertinet de Ordinationibus iterandis, Donatistis adhæserunt Eutychiani, a quibus Dioscorum juniorem Timothei Aeluri Nepotem iterato ordinatum refert Theophanes in Chronog. ad an. 509, Græci etiam Schismatici, a quibus nendum olim collatas ab hæreticis Ordinationes nullas, & irritas judicari consuevisse affirmant Harmenopolus, & Balsamon lib. 5. Jur. Orient., sed a Latinis etiam collatas nullius haberi roboris, atque iterandas æstimari, reque ipsas iterari, si quando Latinum aliquem ad ipsos transfugere obtingat, testes sunt liquidi Humbertus S. Leonis IX. Apocrifarius in libello Excommunic. irrogatæ Michaeli Cerulario, & Leoni Acridano apud Baronium ad an. 1054. n. 23, & seqq., Nilus Cabasila lib. 5. Jur. Orient., & Martinus Crusius in Turco - Græcia lib. 2; quinimo Schismatici sub ætate S. Gregorii VII, horumque Promachus Guibertus pseudo-Pontifex, qui eò progressi impudentiæ leguntur in epistola ab eodem Guiberto ad universam Ecclesiam inscripta, cujus meminit Venericus Vercell. in lib. de unitate Eccles., atque refertur cum aliis ab Udalrico Bamberg. in Codice epistolari n. 168. apud Eccardum in corpore Scriptor. medii ævi tom. 2. pag. 176, & 184, ut flagitii, cui ipsimet operam dabant, Hugone Flavio. in Chron. Virdun. ad an. 1085. teste, Catholicos, idest a legitimi Pontificis partibus stantes, ideo arguere non desisterent, quod in vulgus spargerent Sacramenta, atque Episcopalia, & Sacerdotalia officia ab aliis quibusque, qui cum ipsis consortio Sacrorum conjuncti non essent, inania prorsus esse, & invalida; præter hæc, inquam, arcte persuasum habeo aliunde Ordinationes ab Episcopis quacumque labe pollutis celebratas, modo recta intentione procedant, atque legitimam materiam, & formam præsent, validas omnino esse, firmissimo eo fundamento suffultus, quod siquidem in tribus Sacramentis Baptismo, Confirmatione, & Ordinatione indelebilem imprimi Characterem (quidquid is tandem sit, de quo disputant Theologi,) qui deperdi nullo possit modo, certa in Eccle-

Paris II. Tom. V. Z z z fia,

sia, constansque doctrina sit, quam tradunt S. Paulus in epist. 2. ad Corinth. 1. vers. 21, & Ephes. 1. vers. 13, & 10. vers. 30, atque de Baptismo loquentes S. Ambrosius de Myster. cap. 7, S. Basilii Orat. 13, S. Gregorius Nazian. in exhort. ad Baptis., S. Jo. Chrysostomus hom. 3. in 2. ad Corinth., S. Cyrillus in præf. ad Catech., S. Epiphanius hæz. 5. n. 6, S. Augustinus tract. 6. in Johan. n. 13, & lib. 1. advers. Crescon. cap. 30. n. 36; de Confirmatione vero tractantes Tertullianus lib. de Præscript. cap. 40, S. Cyprianus in epist. 73. ad Jubajan., S. Ambrosius lib. 3. de Sacram. cap. 2. apud Gratianum Can. 92. *Accepisti de Consecr.* dist. 4, S. Augustinus lib. 2. contra litter. Petilian. cap. 104, S. Cyrillus Hierosolym. Catech. 22. n. 7, & Theodoretus in Cantica tom. 1. pag. 1002; unde iterari Sacramenta ista nequeunt, velut egregie arguebat S. Augustinus de Baptismo lib. 1. adv. Crescon. cap. 30, lib. 5. de Bapt. cap. 15, epist. 98, olim 23, epist. 185, & de Ordinatione lib. 2. contra epist. Parmen. cap. 17, atque iterari vetuerunt, Baptismum quidem Innocentius III. Cap. *Majores de Baptis.*, Eugenius IV. Const. *Exsultate*, Concilia Carthaginense sub Grato an. 348. cap. 1, Constantinopolitanum I. Can. 7, Carthaginense III. sub Aurelio Can. 38. & 48., in Cod. Can. Eccl. Afric. Can. 47, & 67, Merdense an. 524. Can. 14, Aurelianense III. an. 538. Can. 31, Florentinum in decreto Union., & Tridentinum sess. 7. Can. 9, a quibus non abludunt ex Græcis Gabriel Philadelph. apud Arcudium lib. 2. de Sacram. cap. 23, Hieremias Constantinopolit. in Censura advers. errores Lutheri apud Allatium de Consens. lib. 3. cap. 8, & Spondanum ad an. 1574. n. 16, ac Synodus Hierosolym. sub Dosithæo an. 1672. adversus Calvinistas capit. 16. apud Harduinum to. 11. pag. 251: Confirmationem quoque iterari prohibuere S. Gregorius M. lib. 14. epist. 17. alias 32. ad Felicem Messan., S. Gregorius II. in epist. 2. ad S. Bonifacium Mogunt. cap. 4. apud Gratianum Can. 9. *De homine, de Consecr.* dist. 5, Innocentius III. Cap. *Pastoralis, Extra de Sacram. non iterandis*, & Eugenius IV. cit. Const. *Exsultate*, Concilia Arausicanum I. an. 441. Can. 2, Toletanum VIII. an. 653. cap. 7, Cabilonenſe II. an. 813. Can. 27, Florentinum in decret. Union., & Tridentinum cit. sess. 7. Can. 9; quibus moram injicere nequit Eucha-

chologium Græcor. S. Methodio adscriptum, in quo Apostatæ ad frugem regredientes iterato confirmari jubentur: nam Euchologium istud Methodio Schismatico acceptum referendum docet Arcudius lib. 2. de Confirm. cap. 18; accedunt vicissim Hieremias, & Dositheus in Censuris advers. Lutheranos, & Calvinistas; quod siquidem, inquam, Character in Ordinatione impressus sit omnino indelebilis, juxta Trident. sess. 23. Can. 4., a Characterem vero indivisibilis sit Ordinis potestas, sive idem cum ipso sit; qui vero Ordinis potestate ista operatur, non propria virtute, sicut agens principale, sed Dei potestate, sicut ipsius Dei Minister agat, sive ut agens instrumentale, veluti Scholæ loquuntur, atque habet S. Paulus in epist. 1. ad Corinth. cap. 4. vers. 1, docentque S. Augustinus tract. 5. in Johan. n. 13. & lib. de unit. Eccles. cap. 21, ac S. Opratus lib. 4. adv. Parmen. n. 4. Cui firmissimo plane fundamento superstructa a Summis Pontificibus, & Conciliis decreta sua, suæque dogmata a SS. Patribus, ac Theologis brevi nunc, quoad ejus fieri poterit, sermone demonstranda suscipio.

Atque a Pontificibus MM. exordium, ut par est, capiendo; ut taceam de S. Felice II, quem in Liberii locum ab Arianis subrogatum plerique ajebant; de Vigilio, quem ejecti S. Silverii sedem invalisse ferunt, etsi Courantius apud Mopinot in epist. prodroma n. 13. apud Blanchinium Anast. tom. 3. pag. 278. Vigilio pleraque non modo perperam ab Africanis trium Capiulorum, defensoribus, Facundo, Victore, & Liberato, Isidoro etiam, & Anastasio afficta fuisse, sed imo eum a Pontificatus initio legitimum fuisse Pontificem testimoniis e Clero Rom., Hispanis. & Gallicis Episcopis, Orientalibus, & Vigilio ipso desumptis demonstrandum egregiæ operæ pretio sibi sumpserit, de Stephano VI, aliis VII, Sergio III, Johanne X, Johanne XI, Stephano VIII, aliis IX, Johanne XII, Johanne XVII, Johanne XIX, Benedicto IX, Gregorio VI. (qui postremus tamen egregie a Papebrochio defenditur in Conat. dissert. 36. alias 21.) intrusis, aut schismaticis aliquando, aut Simoniacis, qui tamen ab Ecclesia dein albo legitimum ad censiti sunt, ut de his, inquam, verba non faciam, S. Cornelius Maximum Presbyterum, aliosque plures e Novatianis partibus ad Ecclesiam regressos ulla absque reordinatione suis gradi-

bus stare permittit in epist. ad S. Cyprianum edit. Pamel. 46, Oxon. 49. Quod indicium est Ordinis Characterem, ejus judicio, schismate non extingui. S. Melchiades in Romana Synodo an. 313. ordinatos a Majorino Donatistarum partium pseudo-Episcopo suo, ad quem in schismate promoti fuerant, loco consistere passus est. Qua de moderatione digno ipsum propterea mactarunt elogio S. Optatus lib. 1. circa fin., & S. Augustinus in epist. 162, sive 43. ad Glorium, & Eleusium, lib. advers. Donat. post Collat. cap. 23, & lib. 2. advers. Parmen. cap. 13. *Non sunt*, inquit, *rursus ordinati* (qui prius in schismate ordinati fuerant) *sed sicut Baptisma in eis, ita Ordinatio mansit integra*. S. Siricius in epist. 5. ad Episcopos Africæ, quam ei multis vindicat Coutantius in Monito prævio, cap. 8: a Novatianis, vel Montensibus, idest Donatistis (a quibus utrisque rebaptizandi morem usurpatum fuisse hinc, & ex S. Innocentio I. in epist. 2, S. Cypriano in epist. 73, S. Augustino lib. 3. de Baptif. cap. 10, & Ambrosiastro in epist. 1. ad Corinth. 1. liquet) venientes, *Ut per manus impositionem*, de qua post erit dicendum, *suscipiantur* indixisse legitur. Eidem S. Siricio, sive ejus successori S. Anastasio I. Flaviani Antiocheni Ordinationem probatam denique evalisse, quum alioqui Sedis Antiochenæ legitimus possessor haberetur Evagrius in Paulini locum subrogatus, atque Pacificas ad Flavianum litteras ab eo exaratas testis est locuples S. Bonifacius I. in epist. 15. ad Episcopos Illyrici. n. 6, indicatque Sozomenus lib. 8. cap. 3. Opposita perperam S. Innocentio I. opinio appingitur: quippe qui in epist. 14. edit. Concilii ad Bonifacium Presbyt., 17. ad Alexandrum Antioch., & 19. ad Aca. cium Beroen. Orientalibus ea lege pacem indulgisse demum legitur, ut Evagrii Ordinationem in Episcopum Antioch. suo loco a Paulino adhuc in vivis agente contra Canones peractam, ut affirmare non dubitat Theodoretus lib. 5. cap. 23, nec diffiteri videtur S. Ambrosius lib. 10. epist. 78. ad Theophilum Alex., acceptam haberent. Sed enim magis, quæ eidem inesset sententia, elucescit ex epist. 23. ad Episcopos Synodi Toletanæ I, ubi cap. 1. vicissim ipse acceptam habuit Synodi judicium, quo e Priscillianæ hæresi regredientes Symposium, & Dorianum ad Ecclesiasticum gradum redintegrandos duxerat. Et cap. 4. Ordinationes quas-

dam

dam, veluti Ruffini, & Gregorii, contra Canones celebratas, pacis causa tolerandas exputavit, id fieri deinceps prohibens alioqui, lege hac indicta, ut ita contra Canones ordinati *Ordine, & honore priventur*. Quam sane periocham de Ordinis exercitio intelligi oportere ex antecedenti facta indulgentia fit evidens. Quin etiam in eadem 22, quæ objecta epistola est, ad Macedoniæ Episcopos cap. 5. quod a Bonoso ordinati, necessitate exigente, allegato in exemplum Nicæno Can. 8. de Novatianis, cujus de recta intelligentia paullo infra, aliquando recepti, non iterata utique Ordinatione, fuerint, nominatimque Germanion, & Lupentius, alique plures, non improbat. Cæterum cap. 8. Romana in Ecclesia receptæ legi (de cujus deinde severitate nonnihil sibi remitti, ut ob Clericorum inopiam regredientes ab hæresi cum gradibus recipere sibi liceret, S. Anastasium I. rogatum misisse Africani Præfules leguntur in Cod. Can. Afric. Eccl. Can. 56.) se arcte inhære professus, juxta quam profecto ab hæreticis redeuntes cum manus impositione recipi, & ad laicam dumtaxat Communionem admitti solebant, planissimum facit hacce manuum impositione novam Ordinationem ab se minime fuisse intellectam, quia nempe eadem lege ita receptis laicam solummodo Communionem tribuendam edicit. S. Leo M. in epist. 1. edit. Baller. ad Aquilejensem (sive is sit Januarius, ut multi habent Codices, sive Nicetas, ut Lovanienfibus visum, sive Adelphus, ut existimant Ballerinii) Episcopum cap. 2, & in epist. 2. ad Septimum Altinensem cap. 1. Clericos a Pelagianis castris ad Ecclesiam regredientes absque prævia hæresis ejuratione, fideique professione recipi quidem prohibet, quin tamen pristinum in gradum recipiantur, non prohibet. Quod documento est nihil, quod ad validitatem pertinet in illorum Ordinatione a Pontifice reprehensione dignum fuisse deprehensum. In epist. 12. ad Episcopos African. cap. 5. ex Laicis ad officium Episcopile, etsi contra Apostolicæ Sedis statuta, & SS. Patrum regulas, assumptos *Susceptum Sacerdotium tenere* permittit, ne imposterum id fiat, districte prohibens. Et cap. 6. Donatum Salicinentem ex Novatiano schismate cum plebe sua ad Ecclesiam conversum, sicut etiam Maximum ex laico Ordinatum, & a Donatistis ad frugem se recipientem, si exhibito fidei libello

se Catholicos esse manifestarent *Ab Episcopali, quam quoquomodo adepti sint, dignitate non repellendos* affirmat. Lucem indulgentiæ huic confert epistola 18. ejusdem edit. Baller. ad Januarium Aquilejen., qua cujuslibet Ordinis Clericis, qui desertis hæreticorum Castris ad Ecclesiam regressi fuerint, edita fidei professione, in eo gradu, in quo fuerant, absque promotionis spe tamen, permanere concedit: *In quo inveniuntur Ordine*, inquit, *stabilitate perpetua maneant*. Cujusmodi inter alia œconomix exemplo, auctoritatisque subsidio commoti, & communiti SS. Anselmus Lucensis, & Petrus Damiani, & posteriori isto teste in epist. ad Hildebrandum; postea in Pontificatu S. Gregorium VII. in Conventu Mediol. an. 1059, de quo Mansius Suppl. tom. 1. pag. 1321, Clericos Simonix, Incontinentix, ac Schismatis labe inquinatos, ad bonam se frugem accipientes, ad pacem cum gradibus pristinis admittendos esse duxerunt. Ad hæc in epist. 104. ad Marcianum August. cap. 2. ejus, ac Pulcherix precibus inflexus Anatolii in locum S. Flaviani a Dioscoro, atque pseudo-Ephesina Synodo Constantinopolit. in Ecclesiam intrusi Ordinationem absque iteratione ratam fecit: *Quum secundum*, inquit, *sue Consecrationis Auctores ejus initia titubarent, benigniores circa ipsum, quam justiores esse volumus* &c. Quin etiam cap. 5. ea cum Anatolio benignitate se egisse scribit, ut Antiocheni Episcopi Ordinationem ab eo contra Canones usurpatam dissimulandam, tolerandamque duxerit: *Quod Nos*, inquit, *amore reparandæ fidei, & pacis studio retrahere cessavimus*. Denique in eadem ipsa 167, quæ objecta epistola est, ad Rusticum Narbon., eodemque ipso cap. 1, postquam ab Episcoporum censu expungendos illos edixisset, qui contra Canones ad Episcopalem dignitatem fuissent evecti, neque ipsis foretribuendum, quod non constaret fuisse collatum, subjungit: *Si qui autem Clerici* (arque a Gratiano quoque refertur Can. 40. *Si qui Clerici* 1. Q. 1.) *ab istis pseudo-Episcopis ordinati sunt, qui ad proprios Episcopos pertinebant, & Ordinario eorum consensu, & judicio Præsentium facta est, potest rata haberi, ita ut in ipsis Ecclesiis perseverent*. Ex quo liquet patet Episcopos præfatos Ordinis potestate quidem præditos fuisse, quamvis potestatis usu exspoliati essent, neque Characterem Episcop-

copali caruisse, etsi officio exercendo impares fuerint denunciati. Sub hac indulgentiæ specie S. Hilarus in epist. ad Episcopos Provinc. Tarracon. capp. 1, & 4. ordinatos a Silvano Calaguritano Episcopos nonnullos absque Alcanii Metropolitæ conscientia, nonnullisque Ecclesiis admotos suo stare loco, officioque defungi permisit, habita temporis ratione: *Hac ratione*, inquit, *decernimus ad veniam pertinere, quod gestum est.* Et infra. *Ordinatos ergo Episcopos, qui . . . meruerunt submoveri, hac ratione firmamus &c.* Neque hacce ratione faciliorem, expeditioremque abruptæ in Ecclesia Orientali concordie redintegrandæ viam adinvenit S. Felix III, quam pleraque Ordinationes a Petro Moggo pseudo-Episcopo Alexandrino, hæretico ab hæreticis intruso, atque ab uno dumtaxat Episcopo ordinato, nec non ab Acacio gradu deposito, Censurisque perstricto contra fas, parique temeritate peractas, ratas habere, veluti memoriæ prodidit Metrophanes Smyrnenſis in Synodo VIII. Act. 6, & observavit Lupus in Schol. ad Canon. tom. 2. pag. 1526, explicate vero ipſemet S. Felix affirmat in epist. 12. ad Flavitan n. 4: *Deo inspirante*, scribens, *provisuris rationabiliter . . . Ut eorum, quos ordinavit, vel baptizavit Acacius, salva Confessione Catholica, pro Caritatis Ecclesiæ redintegratione, nihil percat.* Cujus perinde in vestigia ingressus S. Gelasius in epist. ad Euphemium quò paratissimum se exhibuit ad redintegrandos, suisque cum gradibus recipiendos, quos baptizasset, & ordinasset Acacius, si id solum impedimento esset, quominus a Schismate convalescerent, eò persuasissimum se ostendit, atque persuasionem istam Prædecessoribus suis insedisse, tam Baptismum, quam Ordines valide ab Acacio fuisse collatos: *De his*, inquit, *quos baptizavit, & quos ordinavit Acacius, Majorum traditione consecram, & veram, & congruam præbemus sine difficultate medicinam.* At enim explicatio hac in re, quam desiderari queat, S. Anastasii II. est sententia in epist. ad æquivocum suum Imperat. capp. 7, & 8. affirmantis ob damnationem Acacii nihil ab eo administratis Sacramentis sive Baptismi, sive Ordinationis deperiisse roboris, nec ullum ideo baptizatis ab eo, ordinatisque facessundum esse negotium: *Agnoscat, sic Imperatorem alloquitur, quod nullum de his, vel quos baptizavit*

zavit Acacius, vel quos Sacerdotes, sive Levitas secundum Canones ordinavit, nulla eos ex nomine Acacii portio lassionis attingat, quo forsitan per iniquum tradita Sacramenti gratia minus firma videatur. Quod late prosequitur docens Baptismi, & Ordinationis efficaciam non a Ministro conferente sed a Deo efficiente pendere. Atque periochæ hujus Anastasianæ usum fecit utique S. Nicolaus I. in epist. 46. ad Episcopos Synodi Sueffionensis in gratiam eorum, qui ab Ebbone Rem. Ordinibus fuerant insigniti, de quo postea eamque quin etiam fecerunt quammaximi Auxilius lib. 1. cap. 19, & S. Petrus Damiani Opusc. 6. cap. 25, ut Ordinationes a Formoso, & a Simoniacis habitas robore haud carere commonstrarent. Atque ideo approbe a Coutantio pag. 329. adnotatum est frustra, & perperam S. Anastasium apud Hincmarum tom. 2. pag. 278. eo haud optimo efferi nomine, quod Decessorum suorum decretis non convenerit, neque concordarit: siquidem non alteram hac de Ordinibus valide collatis ab Episcopis Hæreticis, Excommunicatis, Schismaticis &c. sententiam eis infedis hætenus ostensum est. Neque ab hac sane diversam induit S. Gregorius M., qui lib. 2. epist. 32. ad Johannem Raven. generatim docet sicut Baptismum rite collatum, sic Ordinationes rite celebratas, a quocumque demum id fiat, iterandas non fore: *Sicut baptizatus semel, iterum baptizari non debet: ita qui Ordinatus est semel, in eodem Ordine iterum consecrari non debet.* Itaque lib. 3. epist. 13. ad Maximianum Syracusanum Presbyterum ejus in locum ordinatum, siquidem non intervenerit Simonia, vacanti alteri Ecclesiæ admoveri concedit, sin autem, Sacerdotio exspoliari jubet. Cujus ideo sententia is Presbyteratu insignitus, etsi Simonia intercedente, fuerat, quo nempe ob culpam privati mandat. Et lib. 11. epist. 67. ad Quiricum ind. 4., ut Nestoriani etiam ab hæresi resipiscentes *Servatis propriis Ordinibus in suo Cætu suscipiantur*, disertis verbis indulget. Ex quibus fit palam, quo recto demum, proboque accipi debeat sensu, dum lib. 3. epist. 20, & lib. 5. epist. 3, & 7, & lib. 7. epist. 110. male ordinatos Ordine indignos, nomineque tenuis dici scripsit, quod scilicet ab Ordinis exercitio suspensi essent, sive officio, usuque interdicti. A S. Benedicto II. Macario hæretico Monothelitæ a Synodo

do VI. deposito veniam, cum pollicitatione quoque pristini restituendi gradus, exhibitam fuisse, modo ille ad frugem regredi vellet, discimus ex Synodo VII. A&. 1. apud Harduinum tom. 4. pag. 63. S. Zacharias in epist. 17. ad Austrobertum Vienn., quam suppositionis quidem arguit Pagius ad an. 742. n. 13, vindicat tamen, germanumque ejus foetum existimat Mansius ibidem in Not. tom. 12. nov. edit. Lucen. pag. 486, apud Johannem a Bosco in Bibliot. Floriacensi cum aliis tom. 3. pag. 43, de Episcopis Simoniace ordinatis ita scribit: *Ut si utiles sint, pro tali facto severissime corrigantur, non tamen penitus deficiantur a suo Ordine &c.* Sed enim valida esse Sacramenta nedum a Simoniacis, sed etiam ab Excommunicatis, graduque detrufis collata tradit expresse S. Nicolaus I, qui postquam in epist. ad Bulgaros cap. 13. S. Anastasii II. auctoritate in causa Acacii docuisset non iterandum Baptismum rite, etsi extra Ecclesiam, collatum, in Epist. ad Episcopos Synodi Sueffionensis III, & increpatoria ad Hincmarum Remensem in medium, productis ex S. Leone M. in præcitat. epist. ad African., ejusdemque S. Anastasii in epist. ad homonymum Imper. testimoniis, Clericos ab Ebbone Remen., etiam post depositionem ordinatos valide fuisse affirmare non dubitavit: *Qualiscumque, inquit, fuerit, vel quæcumque pertulerit Ebbo, a se ordinatis . . . nullum prorsus intulit offendiculum.* A Johanne VIII. Photii Ordinationem, qui temere in S. Ignatii Sedem Constantinopolit. irruperat, atque a Photio Ordinationes peractas, Ecclesiæ bono exigente, approbatas fuisse manifestum sit ex ipsius epistola 93. edit. Hard. ad Basilium, Constantinum, & Alexandrum Imperatores, ubi S. Innocentii I, qui ordinatos a Bonoso recipi indulerat, allegato exemplo, propterea *Photium misericordiam coram Synodo postulantem in Pontificali officio comministrum, & in Pastoralis magisterio consecratum, pro Ecclesiæ Dei pace, & utilitate ab se recipi, & haberi scribit.* Ex quibus patet falso, & perperam scripserisse Morinum, propterea a Lupo refutatum, Photii Ordinationes repetendas Iohannem VIII. jussisse. Et sane cum ordinatis a Photio dispensare potuisset Rom. Pontificem, ideoque Ordinationes a Photio peractas validas fuisse, vidit Stephanus V. in epist. 2. ad Orient-

tales apud Harduinum tom. 6. par. 1. pag. 372. Vidit & Formosus in epist. ad Stylianum Neocæsar. Episcop. ibidem pag. 423. Vidit perinde Johannes IX. in epist. ad eundem Stylianum eodem loci pag. 479, quam perperam vexare, sollicitareque Græcus Scholialles apud Baronium ad an. 905. n. 12. adgressus est, quasi pugnancia in eadem scripserit epistola Pontifex: neque enim pugna inter Pontifices intervenit ulla, siqui cum Photio rigore Canonum, ac siqui ex indulgentia agendum sibi sumpser. Ne vero præter rem in hac re prolixior evadam, compendio perstringam, quæ ex Pontificibus Summis præcipua hoc de argumento suppetunt adhuc documenta. Itaque Formosi Ordinationes validas fuisse decrevisse leguntur Romanus, Theodorus II, & Johannes IX. apud Siebertum in Chron. ad an. 903, Auxilium lib. 2. cap. 4, & in Synodo Romana an. 904. sub Johanne Can. 4, & 5. Clemens II. in Romano Concilio II. an. 1047, teste S. Petro Damiani in epist. ad Henricum Raven. , quæ est Opusc. 6. cap. 35, sancivit, ut a Simoniaco ignoranter ordinatus, quadraginta dierum peracta pœnitentia, *Sic in accepti Ordinis officio ministraret*. De S. Leone IX. refert Laurentius Virdun. Monach. in Chron. S. Vitoni, quod in Remensi Synodo an. 1049. ob Simoniacum ingressum gradu moto Hugoni Lingon. Episcopo, eidem postmodum in Romana Synodo an. seq. Ordinatione hand iterata pristina dignitas fuerit restituta. Ex quo plane concidit sinistra eorum interpretatio, qui ingenio præpostero invalidas propugnandi Ordinationes a Simoniacis peractas, ita distinguendum putant, ut tamen invalidæ, nisi post Ecclesiæ sententiam, non evadant, Magistri Sentent. in 4. dist. 25. testimonio abutentes de Simoniacis agentis, quod *Ante sententiam degradationis & ordinant, & consecrant*. Quo loci cum loqui de Ordinatione, & Consecratione nedum valida, sed etiam licita nemo non videt, ideoque Simoniacos ab Ecclesiâ proscriptos haud quidem Ordinis potestate spoliari, sed ab uno potestatis usu suspendi. Sed ad S. Leonem IX. regrediendo, auctor est S. Petrus Damiani præcit. Opusc. 6. cap. 35. Oper. tom. 3. ab eo Decretum Clementis II. de Simoniacis post 40. dierum pœnitentiam in accepti Ordinis gradu manere permissis fuisse in Conciliis Romæ celebrata-

lebratis, cum I. an. 1049, tum III. an. 1051. confirmatum, atque insuper cap. 27. refert ab eodem Pontifice indultum, præceptumque, ut Clerici indiscriminatim omnes ab hæreticis regredientes, in his, quos adepti fuissent, Ordinum gradibus admitterentur: *Omnis, inquit, cuiuslibet Ordinis Clericus, qui Catholicam deferens, hæreticæ Communioni se miscuerit, si ad Ecclesiam fuerit reversus, in eo gradu, in quo erat, sine promotione permaneat.* Id est quin ad altiorem permetteretur ascendere. Refertur etiam a Gratiano Can. 112. *Omnis cuiuslibet* 1. Q. 1, quo aperte significatur hæresi sane Ordinis Characterem non extinguï. Juxta hæc Nicolaus II. quoque in Synodo Romana an. 1059. decreto edito apud Harduinum tom. 6. par. 1. pag. 1063. ordinatos a Simoniacis, non tamen Simoniace, *Non tam censura justitiæ, quam intuitu misericordiæ, in acceptis Ordinibus manere permittit*, id est eisdem perfungi, quod Simoniace ordinatis denegavit. Verbo, eodem sensu, & consensu Ordinationes a Simoniacis celebratas ceu illicitas damnarunt quidem, pro validis tamen habuerunt, atque haud Simoniace ordinatos muneribus defungi suis indulerunt Alexander II. in Synodo Romana I. an. 1063. Can. 2, & in Epist. ad Clerum, & Populum Lucensem, de qua Mansius Suppl. tom. 1. pag. 1351, & seqq., S. Gregorius VII. lib. 6. epist. 39. ad Raynaldum Cumanum Episcop., Urbanus II. in Synodo Placentina an. 1095. Capp. 3, 7, 9, & 10, da qua Bertholdus Constant. in Chron., in Romana an. 1099. Can. 3, 7, 9, & 10, epist. 17. ad Lucium S. Juventii Præpos., & in Append. epist. 17. ad Pibonem Tullensem cap. 4. apud Harduinum tom. 6. par. 2. pag. 1646, & 1662, de quibus Lupus 3. par. in dissert. proœm. Ad quos accessit Paschalis II. in Synodo Guastallensi an. 1106. cap. 1. SS. Patrum sententia, a quibus diversis temporibus Novatiani, & Donatistæ, alique Hæretici cum Ordinibus suis suscepti sunt, se permotum *Episcopos in Schismate ordinatos in officio Episcopali suscipere professus.* Quo decreto quæstionem diremit, de qua negotium ei fuerat a Rothardo Mogunt. factum, ad quem legenda hac ipsa de re epist. 49. ex Picardo in Not. ad S. Anselmum lib. 3. epist. 73. ab Harduino descripta pag. 1811. Cæterum quod habet in objecta epist. ad Gebeardum Const. de Chrismate,

& Oleo ab hæreticis consecrato comburendo potius arguit, si perpendatur attente, illud valide fuisse confectum. Quorsum enim illud mere profanum igni comburendum devoveri oportuisset? Quæ fuerit perinde germana Alexandri III. opinio de Ordinationibus qua a Simoniacis, qua a Schismaticis celebratis abunde patet ex Cap. 2. *Consuluit* in Append. ad Concil. Later. III. par. 26. apud Harduinum tom. 6. par. 2. pag. 1800, & par. 50. Cap. 3. *Ex tuarum*, & Cap. 51. *Latores*. Ordinatis Simoniace officii suspensionem dumtaxat indixisse legitur Innocentius III. lib. 14. epist. 11, & lib. 15. epist. 218. Confer & Caput *Cum detestabile*, de Simon. extr. Com. Explicatissime Gregorius IX. Cap. *Cum Clericis* tit. de Ordinatis ab Episcopo Excom. declaravit Clericos ab Episcopo censuris perculso, & Sacrorum consortio privato ordinatos ignoranter dispensari posse, ut susceptis defungantur Ordinibus. Quem in locum confer Glossam. Ab Urbano VI. ad Martinum V. Ordinationes Schismaticorum validas habitas fuisse nemo ambigit. A Julio III. copiam Reginaldo Card. Polo factam ad gradus Ecclesiasticos redintegrandi Episcopos Anglicano in Schismate ordinatos refert Sanderus lib. 2. Liquido demum, atque locupleti documento, & argumento est Clemens VIII, qui Const. 34. *Sanctissimus* an. 1595, sive Instructione super Ritibus Græcorum §. 4. sic habet: *Ordinati ab Episcopis schismaticis, alias rite ordinatis, servata debita forma, recipiunt quidem Ordinem, sed non executionem.* Cui Instructioni conformis semper viguit cum Rom. Pontificum praxis, juxta quam quoties de Græcis a schismate revocandis egerunt, nullum unquam iis de Ordinationum validitate facevisse negotium leguntur, tum supremæ Romanæ sacræ Inquisitionis Stylus, juxta quem ordinati ab Episcopis Hæreticis, aut Schismaticis ab executione Ordinum suspensi quidem sunt, cum ipsis tamen ad Ecclesiam regredientibus nova absque Ordinatione dispensari solet. Atque ita sæpius ab eadem S. Congregatione decretum die 2. Aug. 1708, die 29. Sept. 1666, die 13. Mart. 1669, & die 28. Aug. eodem an. legitur apud Card. Petram in Comment. ad Const. 29. *Inter cetera* Eugenii IV. tom. 4. n. 18. & seq. pag. 313.

Gradum ad Concilia faciendo, hanc ipsam de validitate
Ordi-

Ordinationum, a quocumque demum hac celebrentur, his adhæsisse sententiam reperiemus. Enim vero in Concilio Ancyrano circa an. 314. Clericis vi ad sacrificandum adactis graduum honorem restituendum quidem, sed officiorum exercitium denegandum decretum legitur Can. 1, & 2. apud Gratianum Can. 32. *Presbyteros* dist. 50. A Concilio Nicæno Can. 8. de Catharis, sive Novatianis definitum est, ut si quando ad Ecclesiam redierint *Ὡστε χειροθετούμενοις αυτοῖς, μὴτεν οὕτως ἐν τῇ κλήρῳ*: quæ Græca verba Dionysius sic reddidit: *Ut impositionem manus accipientes, sic in Clero permaneant*: qui in secunda pariter Canonis parte de Lapsis, qui reperitentur in Vicis loquens: *Ubi cumque ipsi soli reperti fuerint ordinati, qui inveniuntur in Clero, in eodem habitu perseverent*. Equidem ibidem loco *χειροθετούμενοις* legendum sibi visi sunt *χειροτονουμένοις*, ideoque reddendum: *Ut Ordinentur, sive Ordinationem denuo recipiant*, Josephus Ægyptius, Martinus Bracar., Isidorus Mercat., Gratianus, Longolius in vers. Synodi VII, Balforeus Gelasii Cyzic. interpretes, & Codex Can. Eccl. Univ. a Quesnello editus Capit. 1. §. 14. edit. Baller. tom. 3. pag. 54. At enim locum illum accipiendum non de iteranda utique Ordinatione, sed de sola manuum impositione, non quæ in Ordinatione, ut Morino, nec quæ in Confirmatione, ut nonnullis visum est Theologis, nec quæ in Pœnitentia imponenda usurpari solebat, sed quæ Cæremonialis erat dumtaxat, atque Presbyterii Benedictio dicebatur, plurima oppido invicte suadent. Ita enim pro manuum impositione Canonem illum intellexere S. Siricius in epist. 1. ad Himerium cap. 1, & in epist. 5. ad Episcopos Africa cap. 8, S. Innocentius I. in epist. 2. edit. Cout. ad Victricium cap. 7, & in epist. 17. ad Rufum cap. 5, S. Leo M. in epist. 167. edit. Baller. ad Rusticum cap. 18. (ex quibus apposite Cousantius arguit in monito prævio ad epist. 17. S. Innocentii n. 8. pag. 823. Codicem illum Can. a Quesnello jactatum Romanæ utique Ecclesiæ usu nequaquam venisse, siquidem diversimode Can. 8. Nicænus a SS. Innocentio cap. 22. n. 3, & cap. 24. n. 9, ac Siricio cap. 29. n. 1, & cap. 62. n. 8. lectus fuerit, quam præferat ejusdem Canonis lectio cap. 1. n. 14. ejusdem Codicis) Ita etiam legendum pro impositione manuum exputavere Rufinus lib. 10. hist. Eccl. cap. 6. sic Can. 7. reddens:

Ut

Ut Catharos, . . . confessos Ecclesiastica dogmata, Clericos in Ordine quidem suo suscipi debere, sed Ordinatione data. Ubi data ait, non danda. Gelasius Cyzic. hist. Concil. Nicæni lib. 2. cap. 31. Græce ad cit. Can. 8, Auctor Collect. Arabicæ in vers. Turriani Can. 18, Ecchellenfis Can. 20, & S. Hieronymus in Dialogo adv. Luciferianos. Atque ita quoque Patres Concilii Carthagenensis VI. an. 419. cap. 8. Nicænum illum cum aliis 19. a SS. Cyrillo Alex., & Attico Constantinopolit. ad se transmissis ex versione Theilonis, & Thearisti, sive Filonis, & Evaristi legerunt: Si aliquando venerint ad Catholicam Ecclesiam Cathari, (Novatiani nempe apud S. Ambrosium de Pœnit. lib. 1, Eusebium lib. 6. cap. 33, S. Epiphanium hæc. 59, & S. Hieronymum in Cap. 13. Oicæ) placuit, sicut & magnæ Synodo (Nicænæ) eos ordinatos sic manere in Clero. Ferrandus etiam Diac. in Brev. cap. 172. sic habens: Ut hi, qui nominantur Cathari, accedentes ad Ecclesiam, si ordinati sunt, sic maneat in Clero. Ita pariter Nicænum Canonem 8. accepisse leguntur Monachi Studitæ in Synodo VII, quorum interpretatio eidem Synodo Act. 1. apud Harduinum tom. 4. pag. 50. accepta evasit. Atque ita concorditer de manuum impositione, Cæremoniali, non Sacramentali, locum illum interpretati sunt Balsamon, Zonaras, Aristenus, Gentianus Hervetus, Christophorus Justellus, & Guillelmus Beveregius tom. 2. pag. 67. Quibus omnibus concordat Codex Corbejenfis medio Sæculo VI. exaratus apud Coutantium pag. 826. Quam lectionem quidem confirmare adhuc juvat ex Can. 19, quo Nicæni Patres de Paulianistis loquentes, quorum Baptismum ceu invalidum habebant, Clericos admitti prohibent, nisi baptizati prius, ordinatique fuissent, Ἀναβαπτισθέντες χειροτονισθῶσαν, idest Baptizati Ordinentur ab Episcopo Catholicæ Ecclesiæ. Ubi plane vides duobus illis in locis diverso uti Patres Nicænos verbo, nempe Can. 8. χειροτονουμένοις ad significandam manus simplicem impositionem, & Can. 19 χειροτονισθῶσαν ad denotandam proprie Ordinationem. Atque ex his utique patet, quo pariter sensu accipi debeant Nicæni Patres, dum in epist. Synod. ad Ecclesiam Alex. de Ordinatis a Meletio verba facientes, Illi, inquit, qui ab eo in sacrum Ordinem lecti sunt, simul atque Sanctiore Ordinatione confirmati fuerint, ad Communionem

admittantur, & permittatur illis quidem honoribus frui, & Sacris muneribus fungi, prout Latine reddidit Balforeus, vocibus nempe illis Μυστηρια Χριστοῦ βασιλευσθῆναι non proprie Ordinationem, sed manuum impositionem significare voluisse, ideoque potius fuisse vertendum: *Sacra manuum impositione firmati* &c. Qua profecto de interpretatione confer Doctiss. Ballerinius in Adnot. 13. ad Epist. 167. S. Leonis M. tom. 2. pag. 1598. Emendanda igitur est lectio Gratiani Can. 8. *Siqui voluerint* 1. Q. 7, ubi ex Isidoro Mercatore decepto, non secus ac Martino Bracar. forsitan ex interpretatione sinistra Græci Canonis ad Africanos transmissa, Canonem istum Nicænum 8. descripsit iisdem verbis: *Placuit, ut ordinentur, & maneat in Clero;* emendanda, inquam, atque ad versionem Dionysii Exigui supra descriptam exigenda. Equidem Morinus testimonio innixus Theophili Alex. in epist. ad Ammonium, a Balsamone relati, a quo interrogatus de Novatianis ad Ecclesiam redeuntibus respondit Nicænz inherendum Synodo, quæ ordinandos iussit, siqui regrederentur, contendit laudatum Canonem 8. de proprie dicta Ordinatione accipiendum. At enim præterquam quod Balsamon adeo a Theophili ætate dissitus tanti non est, ut fidem omnino nostram obliget, neque adeo heic ejusdem Theophili auctoritas urgebat, ut Juveninus propterea illum perperam cogeretur interpretari loquutum non de Clericis, sed de Laicis a Novatianis partibus ad frugem se recipientibus. Etsi enim Latinus Interpres apud Harduinium tom. 1. pag. 1199. legerit *Ordinentur, & Ordine*, Græcus attamen Theophili textus habet Χριστοῦ βασιλευσθῆναι, & Χριστοῦ βασιλευσθῆναι, quibus peræque manuum impositio importatur. Ratum stat ergo fixumque a Concilio Nicæno Χριστοῦ βασιλευσθῆναι pro manuum impositione acceptum fuisse, atque ita quidem fore accipiendum expuat vir Græcæ linguæ peritissimus Cornelius Schrevelius in Lexico Græco-Lat. pag. 563. edit. Patav. 1752. Quare & Petrum de Marca, sequutum Ductum, contententem vocem Χριστοῦ βασιλευσθῆναι apud Scriptores Ecclesiasticos semper pro Consecratione usurpatam jure refellit vir Doctiss. Josephus Motra in dissert. de Metropolitico jure n. 76. pag. 101, ibidem, & n. 8. ostendens sæpe etiam sæpius pro Electione usurpari consuevisse; de qua nunc accep-
tione

tione non est sermo. In Concilio Alexandrino an. 362. sub S. Athanasio, ut ex Synodica ad Occidentales, ex epistola S. Athanasii ad Rufinianum, & Act. 1. Synodi VII. edit. Hard. tom. 4. pag. 58. fit manifestum, sancitum est inter Clericos in locum recipiendos esse, sive qui a Meletii partibus ad Ecclesiam regrederentur, sive qui Arianam, aut qualemcumque hæresim, ad quam violentia quadam tracti fuissent, modo hæresis Auctores non extiterint, detestati, postea veniam suppliciter petiissent; iis nempe *Placuit, ut venia detur, & habeant Cleri locum.* Atque Romæ hæc ipsa scripta, a Romana Ecclesia recepta fuisse subiungitur. Liquida est hac de re Synodi Valentinx an. 374, aut inseq. Can. 1. sententia, quæ hisce nihil obscuris effertur verbis: *Placuit etiam de eorum statu, qui prius ordinati sunt* (loquitur de Clericis illegitime ordinatis, ac signatim Digamis) *nihil revolvi, si nulla extrinsecus causa procedat, qua indigni Ministerio comprobentur.* Ut etiam vero Africanæ Præfules Sedis Apostolicæ observantissimi, ab eaque decretorum retinentissimi, in Synodo Leptensi circa an. 386. Canones, ac in his Can. 8. de Novatianis, & Donatistis sola manus impositione recipiendis, a S. Siricio suæ ad Africanos epistolæ 5. insertos amplecti religioni habuerunt. Eos Canones Ferrandus Synodo Zelleni tribuit, sed Mansius Suppl. tom. 1. pag. 251. ex Codice Ms. Lucensi tribuendos Leptensi arguit. A Synodo Capuana, quam in an. 341. verisimilius rejicit Tillemontius in adnot. 41. ad S. Ambrosium, de quæve Norisius in hist. Donat. par. 2. cap. 8, tam Flaviani Antiochei in parte Meletii Ordinationem, dum eidem præesset Ecclesiæ in parte Paulini Evagrius, quam Ordinationes a Bonoso sive Naissitano, juxta Sirmondum, & Holstenium, seu verius Sardicensi Episcopo, juxta Garnerium, & Coustantium, tam post depositionem, tum in aliena Parochia celebratas ratas fuisse habitas, veritasque Rebaptizationes, atque iteratas Ordinationes abunde liquet ex S. Ambrosio in epist. 56. ad Theophilum Alex., & Codice Can. Eccl. Afric. Can. 48. Quam certe Synodi Capuanæ sententiam acceptam habuere tum Theophilus, Ægyptiique Episcopi, quibus Flaviani causa cognoscenda fuerat demandata, uti liquet ex cit. epistola S. Ambrosii, tum Anysius Thessal., & Illyrici Episcopi, quibus pariter de Bonoso cognitio com.

commiffa fuerat, ut adparet ex epiftola 9. S. Siricii ad Illyrios. Placuiſſe quoque SS. Siricio, & Innocentio (quorum poſtremi iudicio tam Flaviani, quam Bonofi cauſam fuiſſe reſervatam fit maniſeſtum ex præcit. epiftolis S. Ambroſii, & Siricii) eloquuntur utriuſque litteræ, atque S. Siricii quidem mox laudata ad Ahyſium, & Illyrici Episcopos, S. Innocentii vero tam 21. edit. Concil. ad Marcianum Naſſit., quam 22. ad Rufum, & Episcopos Macedoniæ. Probatam evaſiſſe perinde Africanis Patribus argumento, documentoque eſt Concilium Carthaginenſe III. an. 397. Can. 38. relato in Codic. Afric. Eccl. Can. 48, & a Gratiano Can. 107. *Non licet de Conſecr. diſt. 4. ubi Mandatum nobis, inquit, quod etiam in Capuenſi plenaria Synodo videtur ſtatutum: Non liceat fieri Rebaptizationes, & Reordinationes, vel Translationes Episcoporum.* Attriſſe demum Gallicanis Episcopis dubitare non ſinit Arelatenſis Synodus II. an. 452. Can. 17. ubi Capuenſis Synodi in conſpectu ſane habentes ſententiam, *Bonofiacos, inſiunt, ex eodem errore (quo infecti nempe erant Photiniani, ſive Paulianiſtæ, quos ſuperiori Can. 16. baptizandos ſecundum Can. 19. Nicænum indixerant) venientes, quos ſicut Arianos baptizari in Trinitate maniſeſtum eſt (modo Catholicam fidem ex corde puro, integroque profiterentur) cum Chriſmate, & manus impoſitione in Eccleſia recipi ſufficit.* Quamvis igitur circa impia dogmata Bonofiaci non differrent a Paulianiſtis, & Photinianiſis, uti referunt Marius Mercator pag. 165. edit. Baluzii, S. Auguſtinus in epift. 242, S. Gelafius in epift. 33. n. 4. Gennadius de Script. Eccleſ. cap. 14, & lib. de Dogmat. Eccleſ. cap. 22. alias 53, S. Gregorius M. lib. 11. epift. 67, & Arelatenſis Synodi Episcopi præcit. Can. 17, ex utriuſque tamen Canonis 16, & 17. collatione liquet, quo ad diſciplinæ hoc caput a Paulianiſtis diſcrepaſſe Bonofiacos, quod illi rite non baptizarent, iſti vero ſicut Ariani Baptiſmum rite adminiſtrarent, ideoque juxta Can. 19 Nicænum Paulianiſtas quidem iterum baptizari, & ordinari a Synodo Arelatenſi recte juſſum Can. 16, Bonofiacos vero Can. 17. iterum ordinari diſtrictè vetitum juxta Can. 9. Nicænum de Cathariſis, ſive Novatianis. Quod ſi e Bonofiacis aliqui Baptiſmum recte non conferebant, uti inſinuare videntur Gennadius, & S. Gregorius M.,

eo in casu profecto eorum Ordinationes invalidæ erant, ideoque iterandæ. Ex quibus patet ab adversæ opinionis patronis, atque a doctiss. aliqui Sbaralea præsertim in disput. de pravorum Ordinat. c. 8. n. 15, quæstionem hancce perturbari, neque bona fide pertrahari, dum nempe ex errorum conformitate Paulianistas inter, & Bonosiacos inferre non dubitant utrorumque Ordinationes invalidas fuisse, atque ideo ex decreto Ecclesiæ iterandas. Nec prope, nec procul hinc aberant Patres Concilii Taurinensis circa an. 398. juxta Coutantium, aut verius 401. juxta Mansum, qui Can. 3. relato a Concilio Toletano XII. Can. 4. Ordinationes ab Octavio, Ursione, Remigio, & Triferio contra Patrum statuta peractas confirmare, & probare non dubitarunt; & Can. 6. Felicis quidem Trevirensis Episcopi, in Synodo Trevir. an. 385. ab Ithacio ordinati, cum unionem abjecerunt, S. Siricii litteris admoniti, & jussi, Ordinationem tamen tanquam invalidam non improbarunt, sicuti neque Can. 8. Ordinationem illorum irritam habuerunt, qui alioqui contra Canones ordinati fuerant. Qui perinde Canon 8. Taurinensis in Concilio Arausicano I. an. 441. Can. 24. instauratus legitur. Neque pariter Hispanis defuit S. Siricius Episcopis, quominus ipsi auctorem se dederet cum gradibus recipiendi, qui e Priscilliani hæresi ad Ecclesiam regrederentur. Cujus in vim jussionis in Concilio Toletano I. an. 400, aut inseq. Sedibus restituti suis sunt Symphosius, Dictinius, & Anterius Episcopi, qui postquam aliquando in Priscilliani castris demeruisent, iis desertis, ejuratisque ad Ecclesiam se contulerant: quod beneficium pariter ad Vegetinum, & Paternum extensum legitur, ea conditione adjecta, si Apostolicæ Sedi id probatum, acceptumque fieret, quod plane acceptum, probatumque S. Innocentio I. obtrigisse angurari licet ex ipsius Epist. 23. edit. Concil. ad eisdem Synodi Toletanæ Episcopos cap. 1. juxta sententiam pridem a S. Melchiade in causa Donatistarum prolatam, in Collatione Carthagenensi an. 411. Cognit. 1. cap. 16. Donatists per Epistolam; quæ apud S. Augustinum epist. 128. extat, Africani Episcopi polliciti sunt, ut si ad Ecclesiæ unitatem redire vellent, sic recipiendos esse: *Ut non solum viam salutis inveniant, sed nec honorem Episcopatus amittant.* Quam perpetuam fuisse Præsum-

lum Africanorum sententiam de validis Donatistarum Ordinationibus perpetuo confirmat S. Augustinus in Brevic. Collat. dici 1. cap. 5, lib. de gestis cum Emerito, lib. 2. adv. Parmen. cap. 13, pluribusque in locis aliis, de quibus paullo infra. Confirmarunt & ipsi perinde in epistola ad Johannem II. numero ducenti ab ipso requirentes: *Quomodo Arianorum Sacerdotes ad Catholicam fidem suscipi oporteat; utrumne in suis honoribus, an in laica Communionem*. Quæ plane supponunt persuasissimum ipsis fuisse validas esse apud Arianos Ordinationes. Retro nunc flectendo vestigia, a Concilio Ephesino generali III. an. 431. in Decreto post Can. 6. relato Melsalianos, sive Euchitas, hæreticorum genus Enthusiasticis apud Anabaptistas simillimum, admittendos esse, modo fidei professione scripto exarata hæresim prorsus omnem execrantur, sancitum est, videlicet, ut *Si Clerici fuerint, mancant Clerici, si Laici, ad Communionem admittantur. Quod si renuerint anathematizare, si Presbyteri, vel Diaconi fuerint, vel in alio quopiam gradu Ecclesiæ, excidant & a Clero, & a gradu, & a Communionem; Laici vero anathematizentur*. Quibus plane apertissimam est vim inferre, pugnare velle cum Sbaralea cap. 11. n. 10. Melsalianos nec Baptismo ablutos, nec Ordinibus insignitos, ideoque sine iterata Ordinatione, imo Baptismo collato Melsalianos ab Ephesino Concilio non fuisse receptos. Equidem S. Epiphanius hæ. 40, Theodoretus lib. 4. hist. Eccl. cap. 10, & Nicephorus lib. 11. cap. 14. referunt Melsalianos in eo errasse, quod nullam utilitatem ex Baptismo provenire dicerent, sicuti neque Eucharistiam quidquam prodesse, vel obesse. At præterquamquod ne leviter quidem indicant, sicuti neque S. Augustinus de hæ. cap. 57. eorundem errores describens, Melsalianos propterea a Baptismo abstinuisse, siquidem expresse affirmant Eucharistiæ operam dedisse, sit inde veri admodum simile Baptismum pariter adhibere non destituisse, etsi neque Eucharistiam, neque Baptismum prodesse, quum neque obesse putarent. Et certè Encratitas etsi a Baptismo abhorrerent, velut auctor est S. Basilius in epist. ad Amphilocho., ut dignos tamen se exhiberent, qui in Ecclesia reciperentur, Baptismum usurpare, consuevisse, quem num in iis iterare oporteret dubitat ibidem S.

Doctor. Archonticos quoque Baptismum contemptui habuisse perhibet S. Epiphanius hær. 40, quos tamen baptizari se ultrocitraque permisisse advertit. Accedit & illud, quod inter Canones 39. in Synodo Seleuciensi a Nestorianis an. 576. adversus Melsalianos habita, quos memorat Elias in Nomocanone Arabico, descripsitque Afsemanus in Bibl. Orient. tom. 3. par. 2. pag. 183, Can. 1, quo Melsalianorum errores, quibus Eucharistiam, Jejunium, & Psalmodiam despiciunt, Fornicationem licere dicunt, bonorumque præmia denique, pœnasque scelerum pernegant, de negato, sive neglecto Baptismo ne leve quidem vestigium adparet. Procedendo ad Concilia alia, a Chalcedonensi Aët. 4. Episcopis Ordinatis a Photio Tyrio, amotis vero ab Eustathio Berythensi, nihil de Ordinis dignitate, & honore deperiisse declaratum legitur. Et Can. 2. Simoniace ordinati a dignitate, gradu, & officio detruduntur quidem, at eorum Ordinatio haud invalida habetur. Refertur quoque ex Capitularibus Caroli M. a Cabassutio in Not. Concil. Sæculi IX. cap. 19. pag. 322. Conferendi etiam Canones 6, & 10. In Agathensi an. 506. Can. 1. confirmatus legitur Canon. 2. Valentini Concilii, de quo superius, ut Digami nempe ab Ordinum executione abstineant, nomen tamen obtineant. Quod non est aliud, quam illos Ordinis Characterem reapse fuisse insignitos. Hujus est perquam similis Canon. 43. de Pœnitentibus Clericis, ex quo præced. Can. 1. probam tenere interpretationem licet. Atque huic postremo Can. 43. conformes plane sunt Concilii Carthaginensis IV. an. 398. Can. 68. relatus a Gratiano Can. 55. *Ex Pœnitentibus* dist. 90, & Aurelianensis III. an. 538. Can. 63 atque ex his intelligendus Canon 4. Concilii Hispalensis II; priori vero Can. 1. congruit Synodi Aurelianensis IV. an. 541. Canon 10, de quo Ivo par. 8. cap. 301. Ab Hispalensi II. an. 619. quidam ex Acephalorum hæresi Episcopus ad frugem redux cum gradu receptus legitur Can. 12. Tolotani VIII. an. 653. Concilii explicitissima sententia est, quod Ordinis Character a quocumque Episcopo rite collati recipiatur, neque ab ullo, qui receperit, quacumque ex causa amitti possit, quæ Can. 7. sic effertur: *Sicut Sanctum Chrisma collatum, & Altaris honor evelli non queunt: ita quoque sacrum decus honorum* (Ordi-

(Ordinum) quod his compar habetur, qualibet fuerit occasione perceptum, manebit omnibus modis inconuulsum. Ex quo rite interpretari est Canones 3, & 4. de Simoniz, & Incontinentiz labe inquinatis gradus amissione mulctandis. Atque ita quidem valide ordinatos supponebat Clericos, quos ob crimina quædam ibidem recensita gradu abigi decernit Egbertus Eborac. in suis Excerptis, siue Pœnitentiali lib. 2. cap. 15. ex Vauræo regestis ab Harduino tom. 3. pag. 1983. Sed enim ex Synodo VII, siue Nicæna II. an. 787. certo certior nostra de valide celebratis ab Hæreticis, Schismaticis &c. Ordinationibus evadit sententia. Nam Actione I. relectis Nicæno Can. 8, Ephesino Can. 3, & Decreto de Mesalians; atque Epistolis S. Basilii ad Amphilocho. de Encratitis, ad Evaïsenos de Galatis, ad Occidentales de Eustathio Sebast., & ad Terentium de eodem Eustathio, S. Cyrilli Alex. ad Maximum, & Gennadium, ac S. Athanasii ad Rufinianum, quibus decretum, legebatur hærefum dumtaxat Auctores perpetuo ab Ecclesiasticis gradibus excludendos, reliquos vero ut Novatianos, Encratitas, Arianos, & Nestorianos ad Ecclesiam regredientes cum pristino gradu fore recipiendos, Iconoclastis reducibus dignitatis venia facta est, atque in suo Ordine iidem admissi. Cujus in rei confirmationem productum fuit exemplum præterea Marcelli Ancyranæ suo loco redditæ, Meletii ab Arianis ordinati, Cyrilli ab Acaicio in locum Maximi Hierosolym. suffecti, Anatolii a Dioscoro consecrati, Johannis II. Ecclesiæ Hierosolym., Elia expulso, & Severo subrogati, eorumque, qui a Monothelitarum Promachis Sergio, Pyrrho, Paulo, & Petro fuerant ordinati. Actione 8. demum lectis Canone Apostol. 29, Chalcedonenſi Can. 2, Synodica Gennadii Constantinopolit. an. 460, Trullano Can. 22, editisque Canonibus 4, & 5, quibus omnibus Simoniacæ ordinati dignitate abdicantur, S. Tarasii Constantinopolit. Antistes in Synodica ad Johannem Hegumenum indulget nihilofecius, jubetque sic Ordinatos, modo facti pœniteant, in Sacerdotio, quod sortiti fuerint, suscipi, & permanere. Synodus Sueffionensis III. an. 866. S. Nicolai I. P. M. sacra jussione compulsa a præcedentis Sueffionensis II. Synodo an. 853. decedere sententia officio, religionique ducens in epist. Synodica ad eundem Pontificem apud Hardui-

duinum tom. 5. pag. 623, & seqq., testimoniis etiam ibidem descriptis S. Innocentii I. in epist. ad Exuperium, S. Leonis M. in epist. ad Rusticum, S. Gelasii ad Episcopos Lucanæ, & Concilii Carthaginensis Cap. 35. (in Codic. Eccl. Afric. Can. 68.) tandem edocta, *Secundum, quod Synodus Nicæna in Epistola ad Egyptios de ordinatis a Meletio Episcopo damnato decrevit, videlicet, ut Mystica ordinatione firmati haberent honorem, & ministerium*, ita paratissimam, si id Pontifici alluberet, ad recipiendos cum gradibus suis ordinatos ab Ebbone, & ad majores Ordines promovendos se se exhibuit. In Synodis Gallicana incerti loci, Romana sub Theodoro II. an. 898, cujus utriusque expressa mentio occurrit in Fragmento Actorum Synodi II. sub Johanne IX. Romæ habitæ eodem anno, quod ex Mabillonii Museo Ital. tom. 1. par. 2. descriptum exhibetur in Collect. nov. Concil. Labb. edit. Ven. tom. 11. pag. 699, atque in Romana I. & II. Can. 3, 4, & 5, sub Johanne a Formoso præstitas Ordinationes vindictas fuisse, admittasque ex parte jam superius indicavi: non secus atque a Martino V. in Concilio Constant. sess. 43. Const. *Multa* Simoniace ordinatos ab Ordinum executione suspensos fuisse quidem, non etiam Ordinibus exspoliatos; necnon ab Eugenio III. in Florentino Const. *Exsultate* fuisse definitum tribus Sacramentis Baptismo, Confirmatione, & Ordine indelebilem imprimi Characterem, ideoque in eadem persona reiterari ea non posse. Quæ definitio postea a Concilio Tridentino confirmata legitur Sess. 7. Can. 9, & Sess. 23. Cap. 4, & Can. 4.

Suffragantur huic sententiæ SS. Patres, Scriptores Ecclesiastici, deque Schola Theologi; atque ex Græcis quidem S. Athanasius in epist. ad Rufinianum Arianos ad Ecclesiam reduces nec reordinandos rescripsit; quin illis, qui hæresis Auctores non fuissent, *Ut venia detur, & habeant Cleri locum*. Quod ipsum Romanæ Ecclesiæ probatum evasisse subjungit, atque ab ipso perinde an. 362. in Synodo Alexandrina (quam Concilium illud fuisse plenarium, de quo S. Augustinus loquitur lib. 2. de Baptif. cap. 9, de quove ingens inter Eruditos quæstio exagitata est, quod fuisse Constantinopolitanum I. quidam putant, Capuanum alii, Arelatense I. Launojus, Sirmondus in præfat. tom. 1. Concil. Gall.,

Gall., Albaspinæus in Observat. 10. ad S. Opratum, & Petrus de Marca lib. 4. Conc. cap. 17, Nicænum vicissim Bellarminus de Sacram. lib. 1. cap. 26, Thomas Hauzeur tom. 2. Anotom. oper. S. August. ad libros de Baptis., Bail tom. 2. ad Concil. Arelat., Pagius ad an. 314. n. 17, & seq., aliiq., pugnat Hallier de Sacra. Elect., & Ordinat. sect. 3. art. 2. cap. 2. §. 2.) sancitum paullo superius adnotabam, cujus rei testis etiam accedit S. Hieronymus in dialog. adv. Lucif. S. Basilius in epist. Canon. ad Amphilocho. cap. 1. Izoem, & Saturninum Encratitarum hæresi olim adfectos cum gradu pristino Episcopi, quo apud hæreticos illos fuerant insigniti, fuisse susceptos affirmat. In epist. ad Nicopolitas ex interpretatione S. Tarasii in Synodo Nicæna II. Act. 1. Arianos cum Ordinibus difficile quidem recipiendos fore scripsit, Ecclesiæ tamen boho exigente, recipi posse non negavit. Ad hæc in epist. 76. ad Episcopos suffraganeos suos Ordinationes Simoniacas execratus equidem est, loco tamen permanere suo permisit: *Posthac, iniquiens, non fiant, sed emendentur.* Et in epist. 196. ad Theodorum, quo testimonio utitur adversus Photium Nicætas in vit. S. Ignatii, ingenti Eustachio Sebasteno flagitio vertit: quod *Quibusdam manum denuo imponere præsumpsit.* Paulino Antiocheno, qui an. 389. Evagrium sibi successorem constituere, suisque manibus, atque solus Episcopum consecrate sustinuerat, etsi multiplex Canonum interveniret transgressio, valide tamen id ab se peragi in time persuasum fuisse nemo negaverit. Et certe ab Evagrio præstitæ subinde Ordinationes Romanæ Ecclesiæ probatæ evaserunt. Atque simili plane in sententia versatos SS. Meletium, & Cyrillum ab Arianis in Sebastenum, & Hierosolymitanum ordinatos Antistites exputare valdequam pronum est. S. Jo: Chrysostomus Simoniace ordinatos ab Antonino Metropolitâ Ephesino ab Altaris communione arcendos quidem fore affirmavit apud Palladium in ipsius vita, perlectus in Nicæno II. Synodo Act. 1, irritas tamen propterea non habuit ab eodem peractas Ordinationes. Atque siquidem valide Sacramenta ab indigno, cujusque sit is genus, Ministro confici, & administrari S. Doctore acriter insitum erat, uti docet hom. 8. in epist. 1. ad Corinth., & hom. 11. in epist. ad Thessal., qua in sententia pares eidem steterunt S. Gregorius Nazian-

in Orat. de Baptif., ac perinde S. Iſidorus Peluſiota lib. 3. epiſt. 304, Euthymius in cap. 11. Johan., & Theophylaſtus in Johan. cap. 20. inde conſequitur tam iſtis, quam illi perſuaſum fuiſſe validas eſſe Ordinationes a quocumque celebrentur Epiſcopo. S. Cyrillus Alex. in Synodo VII. Act. 1. etiam laudatus paratum ſe ad recipiendos cum gradu, qui partibus Neſtorianorum ſtuduerant, atque ſuo detrufi propterea fuerant loco, modo ſincere ad frugem regrederentur, in epiſt. ad Maximum ſe exhibuit; & in epiſt. ad Gennadium Proclum laudat, quod Ælienſem Epiſcopum ſuam in communionem admiſſiſſet. Theodoretus quoque in hiſt. Relig. cap. 13. Reordinationes absolute reprobat dilucidis hiſce verbis: *Fieri non poteſt, ut bis fiat eadem manuum impoſitio.* Quam pariter in ſententiam concurriſſe cum S. Tarasium in Synodo VII, cum Metrophanem in Synodo VIII. paullo ſuperius animadvertēbam. Ex Latinis jam vero S. Hilarius Pictav. in lib. adverſ. Conſtantium n. 2. in ſuam admittere Communionem Saturninum, Urfacium, & Valentem Arianæ ſectæ Antefignanos detreſcitavit, non etiam alios eodem a Grege ad Eccleſiam regredientes cum gradibus ſuis abſque cunctatione recipere. S. Hieronymus in Dialogo adverſ. Luciferianos in fin. a Synodo Nicæna hæreticos omnes indiſtinctim, Paulianiſtis exceptis, admiſſos obſervans: *Et quod bis majus eſt*, ſubjungit, *Epiſcopo Novatianorum, ſi converſus fuerit, Presbyterii gradum ſervat.* Cujus rei hanc reddit rationem, quod Sacramentorum validitas non a Miniſtro, ſed a Deo dependeat: *Sicut hic eſt*, inquit, *qui baptizat, Chriſtus; ita hic eſt, qui ſanctificat*; quam ſententiam parum diverſis effert verbis in Aggæum tom. 3. pag. 1697: *Malus*, inquit, *Dei Sacramentum miniſtrat, non de ſuo miniſtrat.* Explicatiſſimus, atque perpetuus S. Auguſtinus eſt in docendo neque Baptiſmum, neque Ordinem rite collatos etſi ab Excommunicatis, Hæreticis, Schiſmaticis, Improbis, Officioque privatis iterandos fore. Ita prætermiſſis de Baptiſmo locis, de Ordinationibus haud repetendis loquens lib. 2. contra epiſt. Parmen. cap. 13. n. 28, & ſeqq. *De iis*, inquit, *qui ab Eccleſiæ unitate ſeparati ſunt, nulla jam quæſtio eſt, quin & habeant, & dare poſſint* (ſicut Baptiſmum, ſic Ordinationem), *& quin pernicioſe habeant, pernicioſeque tradant extra vinculum*

fulum pacis. Audistin' sua jam ætate S. Augustinum dicentem jam nullam superfuisse hacce de re questionem? Non id utique proprio ex sententiæ privatæ suæ peni deprompsisse putes, sed id, *Quod in ipsa totius Orbis unitate discussum, atque consideratum, perfectum, atque definitum est*, ut ipsemet se proferre testatur. Quid hoc autem, quæres iterum, est, in quod Orbis totius convenisse vota S. Doctor affirmat? Tam Baptisum, quam Ordinationem, tam in Ecclesia licite, ac legitime, quam legitime, etsi illicite extra Ecclesiam conferri: *Utrumque enim, inquit, Sacramentum est, & quadam Consecratione* (Charactere imprimente indelebilem) *utrumque homini datur, illud quum baptizatur, istud quum ordinatur: ideoque in Catholica utrumque non licet iterari*. Ex quibus converso ad Donatistas in Ecclesiam recipi postulantibus sermone, permisos eos fuisse ait eadem officia gerere, quæ pridem gerebant, atque sicut rursus baptizati non fuissent, sic *Non sunt rursus ordinati: Sed sicut Baptismus in eis, sic Ordinatio mansit integra*. Horum sumillima habet lib. 1. de Baptif. contra Donat. Cap. 1, ubi iterum comparatione instituta inter utrumque Sacramentum, *Sicut baptizatus, inquit, si ab unitate recessit, Sacramentum Baptismi non amittit, sic etiam ordinatus &c.*; lib. 2. contra Crescon. cap. 11, in Brevic. Collat. cap. 8, in Psal. 54. n. 19, lib. de Bono Conjug. cap. 24, ubi loquens de Clericis improbis, ideoque officio privatis: *Manet tamen, ait, in illis ordinatis Sacramentum Ordinationis*; in Epist. 43., alias 162, 50., alias 161, & 185, alias 47; lib. de gestis cum Emerito, & alibi sæpe adversus Donatistas disputans. S. Optatus, qui Donatistis piaculo deputat, quod rebaptizarent, lib. 4. n. 4, lib. 5. pag. 87, lib. 6. n. 3, & lib. 7. n. 4; quique lib. 1. Donatistas in Synodo Romana a S. Melchiade pro legitimis habitos Episcopis agnovit, atque lib. 7. n. 4. Chrisma a Donatistis consecratum a Catholicis Episcopis servari scripsit, validas quoque existimasse Ordinationes ab Hæreticis collatas putandus est, ideoque benigne, ut par est, accipiendus, si quando lib. 1. Schismaticorum Baptisum suscipite, Hæreticorum vero excludere visus est. In hanc ipsam perinde de validitate Ordinationum, a quocumque ex celebrentur Episcopo, sententiam manibus, pedibusque conspirarunt Auxilius Pres-

byter in libris duobus de Ordinatio. Formosi. Fulbertus Carnot. in ep. 25. ad Leuthericum Senon. laudatus a S. Petro Damiani in ep. ad Hildebrandum, qui interrogatus de quodam Presbytero simoniaci ordinato respondit ex decreto Concilii Toletani XI. Can. 9. eum depositum non esse reordinandum, sed ei per Instrumenta, & Vestimenta, quæ ad gradus pertinent, gradus ipsos esse reddendos. S. Petrus Damiani, qui in præcit. epist. ad Hildebrandum hanc ipsam Fulberti propriam facit, adoptatque opinionem, in Opusc. 5. Mediolani Clericos simoniaci, & incontinentiæ vitio inquinatos nova absque Ordinatione ab se susceptos fatetur, atque in Opusculo 6, quod *Gratissimus* inscripsit, capitibus 39. constante, & Hentico Archiep. Raven. nuncupato totus in id incumbit, ut a Simoniacis Episcopis consecratos iterum consecrandos non esse ostendat. Bonizo Sutrinus, qui in Syntagmate decret. Eccles. in septem libros distributo lib. 1. circa fin. impium, qui sua sub ætate irreperat, a Schismaticis inductus sane, abusum improbat, tanquam sacris Canonibus adversum, Ordinationes iterum celebrandi, etsi fama ad se perlata, sed falsa profecto, quasdam Romanæ Ecclesiæ auctoritate peractas se audivisse referat. Algerus, qui de Sacr. Corp., & Sang. Christi lib. 3. cap. 10. Sacramenta extra Ecclesiam confecta valida, & vera esse SS. Augustini, Hieronymi, & Leonis M. auctoritate propugnat. Hugo Victor. in Sum. sent. tract. 6. cap. 9; Gratianus Can. 97. *Quod quidam* 1. Q. 1. decerpto ex S. Augustino lib. 2. contra Epist. Parmen. cap. 13, junctis ibidem Glosa, & Berardi par. 3. tom. 4. cap. 19. pag. 359. Henricus Ostiensis in Sum. lib. 1. de Tempor. Ordinatio. n. 5, qui ex Synodo VII. Aët. 1. relata Can. 4. *Convenientibus* 1. Q. 7. ab Episcopo Schismatico Ordines valide conferri docet. Præpositivus in Summa Theolog. Ms. par. 2. pag. 56. apud Morinum exercit. 5. cap. 1. n. 3, & Cardonum in hist. Sacram. tom. 3. lib. 1. c. 13. pag. 81, & seq. Robertus Pullus Cardin. in Sum. Theolog. p. 7. cap. 14. apud eundem Cardonum ibid. Alexander Alensis in Sum. Theolog. par. 4. q. 10. memb. 5. art. 1. §. 5. S. Thomas in 4. dist. 25. q. 2, & in Suppl. q. 38. art. 2. S. Bonaventura in 4. dist. 25. q. 2. Scotus in 4. sent. dist. 13. q. 2; & dist. 25. q. 2. Riccardus Mediavilla in 4. dist. 25. q. 3. art. 1. Quibus utroque subscribunt

bunt pollice ceteri de Schola Theologi, Vasquez in 3. par. S. Thomæ tom. 3. disp. 243. cap. 2; Lupus tom. 3. disert. 2. procem. capp. 16, & 17, & relatus etiam a Van. Espenio Jur. Eccles. univ. par. 2. tit. 30. cap. 6. num. 73 Hallier de Sacr. Ele&, & Ordinatio. par. 2. sect. 3. cap. 2. §. 18; Quesnellus in Not. ad epist. 2. S. Leonis ad Rusticum num. 6; Juveninus in Comment. hist. dogmat. de Sacram. disert. 8. q. 6. capp. 2, & 3; Natalis Alex. hist. Eccles. ad Sæcul. VIII. cap. 1. art. 8; Cardin. Petra in Comment. ad Const. unic. *Nullis* Alexandri II. tom. 2. sect. 3. n. 13, & seqq. edit. Ven. pag. 172, & seqq.; Tournellius de Sacram. Ordin. q. 5. art. 1; Cardonus in hist. Sacram. tom. 3. lib. 1. de Ordin. cap. 13; Carolus Witasse de Character q. 4; Drovinus tom. 2. de re Sacrament. lib. 8. par. 1. q. 6. §. 3; Berti de Theolog. Discipl. lib. 36. cap. 14, atque communiter Juris utriusque Doctores eo ineluctabili momento ducti, quod etsi potestas Jurisdictionis auferri possit, non ita etiam amitti potest, vel amoveri potestas Ordinis semel collata, atque Characteri indivisibiliter conjuncta, in quam, quemadmodum in potestatem jurisdictionis Ecclesia influit, Deus dumtaxat operatur, a quo nonnisi certæ materiæ, & formæ determinatæ sacræ vis Ordinationis fuit adnexa. Hinc ob paritatem rationis corrumpere oportet Antonij Augustini in Epitome Juris Pontif. lib. 23. tit. 8, Maldonati de Confirm. q. 1, Sirmondi in Antirrhethico 2. cap. 5, & Morini de Pœnit. lib. 9. cap. 7. opinionem, existimantium Hæreticis in hæresi baptizatis, & confirmatis ad Ecclesiam se recipiebantibus iterato Confirmationis Sacramentum conferri olim fuisse solemne.

Juvat interea hisce præhabitis, locoque positis, objectis facere satis, atque facile quidem sit, verboque uno, aut altero omnibus offenditur, distinguendo tum inter Ordinationes celebratas ritu Ecclesiæ servato, vel non servato, tum inter Ordinationes invalidas, & illicitas, tum inter Ordinis Characterem, & potestatem, atque Ordinis effectum, seu gratiam, potestatisque usum, sive exercitium, tum demum inter Ordinis Sacramentum, & Hierarchicum gradum, sive Ordinis honorem. Ne tamen difficultatem declinasse potius, effugisseque, quam dissolvisse, & expunxisse videar, breviter omnibus singillatim satisfacio. Igitur S. Inno-

centio I. ea sane inerat sententia ordinatorum ab Arianis, & Bonofiacis admittendos haud esse suis cum gradibus, & honoribus, non autem Ordinationes ab Arianis, & Bonofiacis attentatas invalidas fuisse. Quæ ut in apiciffimo ponatur, quandoquidem aliorum quoque Pontificum eadem fuit, observare non pœnitebit, juxta veterem Ecclesiæ disciplinam inter Hæreticos distinguendos alios, qui in hæresi baptizati ad Ecclesiam venirent, & alios, qui ab Ecclesia ad hæresim descivissent, indeque ad Ecclesiam denuo rediissent. Priores per solam manuum impositionem statim Ecclesiæ reconciliabantur; posteriores per manuum impositionem pœnitentiæ subjiciebantur, qua demum perfuncti ad Ecclesiasticam Communionem admitterebantur. Per manuum porro impositionem Hæreticos omnes ad Ecclesiam recipiendos lex ferebat Ecclesiæ coœva, cujus locupletes accedunt testes S. Stephanus in epist. ad S. Cyprianum 74. inter Cyprian., S. Cyprianus ipse in epist. 72, & 73, Synodus Arelat. an. 314. Can. 8, & in Synodica ad S. Silvestrum, Eusebius lib. 7. cap. 2, Synodus Italica in Cod. Eccl. Afric. Can. 56. commemorata, S. Siricius in epist. 1. ad Himer. cap. 1, S. Innocentius I. in epist. 22. edit. Concil. ad Macedon. cap. 3, S. Augustinus in epist. 71. ad Quintum, & S. Leo M. in epist. 2. ad Rusticum edit. Quæsn. cap. 18, 149. ad Nicetam cap. 7, & 155. ad Neoneim. At manuum impositio, quantum nunc attinet, de multiplici quippe alia acceptione paullo infra incidet sermo, duplex in receptione hæreticorum usurpari consuebat. Prior nempe illa, qua baptizati in hæresi statim Christianis Sacris adsociabantur, pœnitentiæ dumtaxat imaginem præseferebat; posterior autem, qua ab Ecclesia ad hæresim transfugæ longæ pœnitentiæ adjiciebantur, rem ipsam pœnitentiæ importabat, sub qua Communio differebatur, neque restituebatur, nisi post dignos pœnitentiæ fructus. De utriusque differentia loquuntur S. Siricius in præc. epist. 1. ad Himer. cap. 1, S. Innocentius I. in epist. 18. edit. Concil. ad Alexand. cap. 3, S. Augustinus lib. 5. de Bapt. contra Donat. cap. 2, & Vigilinus in epist. 2. ad Profuturum cap. 4. Sub neutra vero ex duabus hisce manuum impositione Clerici Majores, idest Diaconi, Presbyteri, & Episcopi, sive in hæresi ordinati, sive ab Ecclesia ad hæresim trans-

transfugæ, indeque ad Ecclesiam reduces, recipi poterant, idest neque sub ea, quæ poenitentiae rem importaret, neque etiam sub ea, quæ poenitentiae dumtaxat imaginem præferebat, ita ferente Ecclesiae lege, cujus testes se præstant liquidos S. Siricius in cit. epist. 1. ad Himer. cap. 14, S. Optatus lib. 2. adv. Parm. circa fin., S. Hieronymus advers. Lucifer. n. 13, S. Augustinus lib. 1. de Bapt. contra Donat. cap. 3, Africani Episcopi in Cod. Can. Eccles. Can. 27, & S. Leo M. in epist. 2. edit. Quesn. ad Rustic. cap. 2. (Ex quibus manifestissime liquet manuum impositione non semper importatam Ordinationem iri, siquidem sub præfata duplici acceptione non nisi cum Laicis ab hæresi regredientibus adhibere soletur.) Quocirca Clerici ad frugem se recipientes a gradu suspensi manere perpetuo debebant, Laici, dumtaxat Communionem contenti. Nisi quod, Ecclesiae bono exigente, dispensatum cum ipsis est sæpius, ut ad Ecclesiam remigrantes, vel sub præmissa simplici professione fidei reciperentur, suisque gradibus perfrui, officiisque perfungi misericorditer permetterentur: quo pacto dispensatum legitur a S. Leone M. cum Clericis Pelagianis in epist. 1. edit. Baller. ad Aquilej. Episcopum cap. 1, & 2. ad Septimum Altin. cap. 1, cum Donato Episcopo Novatiano, & Maximo Episcopo Donatista in epist. 12. ad Episcopos Maurit. cap. 6, & cum Pelagianis aliis in epist. 18. ad Januarium Aquil., atque, ut alios mittam, a S. Gregorio M. cum Clericis Nestorianis lib. 11. epist. 67. ad Quiricum. Vel etiam sub præstita manuum impositione: quo pacto dispensatum vidimus paullo superius cum Novatianis a Concilio Nicæno, cum Bonosiacis ab Anyfio, cum Priscillianistis a Concilio Toletano I, & cum Donatistis a Patribus Africanis: atque facilius quidem dispensari solebat cum his, qui in hæresi ordinati fuissent, quam cum his, qui ab Ecclesia ad hæresim transmigrassent. At enim heic manuum impositionis nomine, sub qua cum gradibus recipi aliquando Clerici permisi sunt, accipi certe non debet, ut dixi, manus impositio, quæ poenitentiae sive rem ipsam exhiberet, sive imaginem dumtaxat, speciemque referret, neque Sacramentalis Confirmatio, neque nova sacra Ordinatio, ut ostendi, sed vel Ordinatio prius accepta significabatur, vel Cæremonialis benedictio,

de

de qua paullo post. Quibus præoccupatis, jam suapte prona fuit recta objectum ex S. Innocentio locum interpretandi ratio. Eatenus enim in epist. ad Alexandrum Antioch. Arianorum Baptismum *Rectum* habuit quatenus, hic prius informis, veluti Scholæ loquuntur, & gratia expers, per pœnitentiam in Laicis reparari poterat, & effectum consequi, sive gratiam, qua prius ob culpæ obicem carebat. *Irritas* autem vicissim Ordinationes ab Arianis habitas dicit, ideo quod ita ordinati, juxta tum obtinentem Ecclesiæ disciplinam, ad Laicam communionem detrudendi erant, ideoque ab Ordinum exercitio, graduumque honore suspensi manere debebant. Quò tota collineabat Alexandri petitio, an videlicet ordinati ab Arianis suis cum gradibus, & honoribus suscipi possent. Quandoquidem vero Ordinati a Bonoso, humanitate quadam, gratiaque œconomix, ab Anylio Thesal. in Ecclesia recepti ita fuerant, ut ipsis etiam proprii gradus, dignitatique facta venia fuisset, cujus exemplo propterea Episcopi Macedoniæ fas sibi quoscumque ab hæresi resipiscences cum gradibus recipiendi fieri postularent, denegavit id Pontifex, eosdemque admonitos voluit, quod ab Anylio cum Bonosiacis, & quod a Nicænis Patribus cum Novatianis olim singulari de causa factum fuerat, in exemplum facile non fore trahendum, causa publicæ Ecclesiæ utilitatis cessante, sed integram loco manere Romanæ legem Ecclesiæ debere, juxta quam redeuntes ab hæreticis, qui tamen illic baptizati fuissent, per manus impositionem, eam nempe, quæ pœnitentiæ imaginem præferret, ad Laicam dumtaxat communionem admitterentur; qui vero ab Ecclesia ad hæresim deflexisse, non nisi per impositionem manus, quæ pœnitentiæ rem ipsam præstaret, recipi possent. Quoniam vero pœnitentiæ semel additi ad gradus Ecclesiasticos promoveri impediabantur, proinde neque baptizatis a Bonoso licere ad Clericatus honorem ascendere, neque a Bonoso Ordinatis fas esse propriis defungi gradibus, sed Laica communionem contentos esse debere definit. Atque ita S. Innocentii sententiam illustrent Synodi Arelatensis II. Episcopi Can. 17. *Bonosiacos, sicut Arianos, inquentes, cum Chrismate, & manus impositione in Ecclesia recipi sufficit*. Sufficere id, inquam, statuunt, quin ad superiores adquirendos gradus adspira-

re, aut susceptis defungi permittantur. Quamquam non ego repugnabo, si per manus impositionem hoc loci malis intelligi Presbyteri benedictionem, qua pristini gradus venia ipsis facta fuerit. Confer interea Glossam in Can. 73. *Arianos*, Binium in Not. ad præcit. Epistolam S. Innocentii, Bellarminum lib. 4. de Rom. Pontif. cap. 10, Lupum in disert. 2. proœm. cap. 17, Natalem in Synop. hist. Eccl. ad Sæculum V. cap. 2, art. 1, Auctorem Observat. in Fleurium lib. 23. hist. Eccl. n. 28, Berardum in Emend. Gratiani par. 2. cap. 37, atque ea præterea, quæ de germana S. Innocentii sententia paullo superius exposita sunt. Neque urgent sane loca, quæ ad confirmandam sinistram, quæ S. Innocentio appingitur, opinionem producta sunt. S. Petro Damiani enim non altera inerat mens, quam quod potestatis usus ordinatis ab hæreticis Ecclesiæ lege ereptus esset, non etiam potestas Ordinis adimeretur, uti suo explicatum est loco. Auctor Epistolæ I. S. Damaso falso tribuitur, Leo III, ac Synodus Ratisponensis loquuntur de Chorepiscopis, qui Episcopi non erant, sed Character Presbyteri simplices, ut liquido adparet ex Capp. 1, 2, & 3. apud Harduinum to. 4. pag. 948, & seq. Synodi vero Sueffionensis II. sententiam emendatam a S. Nicolao I. fuisse, ejusque jussu a Synodo etiam Sueffionensi III. jam animadverti; non secus atque latum, quod Paulianistas inter, & Bonosiacos intercedebat discrimen, adnotare non destiti. Neque ex hisce difficile evadit germanam S. Zosimi attingere, explicareque sententiam, quæ alia sane non fuit, quam quæ Taurinensis Synodi Patribus insedisse, ostendimus ex Can. 3, 7, & 8, idest quod Episcopi absque Metropolitana consensu, & Clerici ab Episcopo deposito ordinati a Sacerdotii quidem functionibus suspensi sint, Sacerdotali non etiam Characterē spoliuntur. Quæ vero proba, intimaque S. Leoni M. inhæserit sententia, abunde, opinor, patefacta superius est, non secus atque, quæ S. Felici III. animo insculpta fuerit, quam ut scrupulis his inanibus evellendis opera, & tempus frustra contendantur. Exinde nempe patet Episcopis contra Canones ordinatis a S. Leone honorem, & locum inter Episcopos denegari, non Characterem; ordinatis ab hæreticis Episcopalis dignitatis substantiam a S. Felice derogari, Jurisdictionis potestatem idest, ac potestatis

testatis usum, non etiam Characterem, ac Ordinis potestatem. Pelagio I. scribendi Episcopis Schismaticis Episcopatus nec honorem, nec meritum adherere iusta suberat causa, vigens nempe Schisma Aquilejense in causa trium Capitulorum. At ita scribenti mens non erat Characterem etiam Episcopalem eisdem denegare. Christi vero corporis nomine, de quo mentio: Can. 34. *Schisma*, in Epistola scilicet ad Victorem, & Pancratium viros Illustres, quam magna ex parte restituit Holstenius, non Eucharistiam utique, sed Ecclesiam intellexisse ex iis, quæ e vestigio subjungit, evidens sit: *Nec enim*, inquit, *divisum esse Christum poterit quisquam sine Apostoli reprobatione confingere. Unam, ut saepe dictum est, quæ Christi Corpus est, constat esse Ecclesiam.* Atque ita quoque, ut de Ecclesia loqueretur, ratio ipsa ferebat temporis, quo diro eadem nempe schismate discindebatur. Vim manifestam vero S. Gregorio M. inferunt, qui cum in oppositam invitum rapere partem non verentur. A sacro Altaris ministerio amoveri quidem sæpe iussit, sive Episcopos sua absque conscientia consecratos, sive Clericos incontinentes, maleque ordinatos, quos hoc indignos honore dixit, & habuit, validas tamen eorumdem Ordinationes ab eo dictas, & habitas evidenter ostensum est. Quæ omnia lucem ampliorem accipient ex lib. 4. epist. 5, & 16, nunc lib. 5. epist. 3, & 7, quibus Saturninum, aliosque lapsos Clericos a proprii gradus functionibus abigit; quibusque concordat epistola 17. lib. 4, nunc 4. lib. 5; ex eodem lib. 4. epist. 51, nunc lib. 5. epist. 52, qua Euphemium, & Thomam Simoniacè ordinatos ab Ordinum exercitio suspendit; ex lib. 7. epist. 82, nunc lib. 9. epist. 81, qua Maximo Salonitano ad frugem regresso gradum restituit ac Pallium concedit. Mitto longe plura, quæ suppeterent, ne sim prolixior. Planissima hæc ipsa est ratio interpretandi S. Martinum I, ut ejus nempe iudicio Monothelitæ fictum dumtaxat, falsumque Episcopi nomen gererent, quod Episcopali charactere indigni essent, e dignitate fuissent dejecti, officioque defungi interditi. Nam cætera in Monothelitarum Antesignanis Paulo, & Macario Episcopatus Ordinem agnitus fuisse ab Africanis Episcopis eloquuntur ipsorum Synodice ad Constantinum Imp., ipsumque Paulum in Synodo Later.

sub

sub eodem S. Martino Secret. 2. relectæ, & a S. Benedicto II. testatus legitur Petrus S. R. E. Presbyter, & Hadriani I. Legatus in Synodo VII. Act. 1. A Stephano III, sive IV, atque a Synodo sub eodem habita manifeste peccatum, dum Ordinatos a Constantino pseudo-Pontifice iterum ordinandos statutum est, affirmare non dubitavit Auxilius lib. 2. cap. 4. Id sane indulgendum exasperationis ingenii Scriptori, qui studio abreptus suam, aliorumque a Formoso susceptas Ordinationes defendendi, a veritate aliquantum deflexit. Veri enim multo videtur similis Stephanum III, sub eoque Synodi Episcopos non adeo desipuisse, ut ordinatos a Constantino iterum ordinandos censerent. Unde cum Baronio ad an. 769. n. 6, Natali ad Sæcul. VIII. cap. 1. art. 8, & Pagio in Brev. dicere præstat ab Anastasio *Benedictionis Consecrationem*, quam Stephani jussu ordinati jam a Constantino suscipere debuerunt, appellatam, non sacram Ordinationem fuisse, sed Ritum sacrum, quo depositi, graduque dejecti Pontificiæ reconciliationis gratia pristinis in Ecclesia gradibus restituebantur, quo de Ritu paullo infra: quo modo *Conciliati* quasi rursus *Consecrati* reputabantur. Atque ad hanc profecto Anastasii interpretationem exigenda parum hinc absimilis periocha ex Epistola 2. inter Ratherii Veron. epist. apud Dacherium Spicileg. to. 2. a Clero Veron. ad Romanum Clerum directâ post Act. 3. Collect. Holstenii descripta. Quæ plane interpretatio eo confirmatur magis, quod eadem Actione 3, & apud eundem Anastasium cautum a Stephano, & a Synodo legitur, ne Baptisma, & Chrisma a Constantino collatum, & consecratum iterarentur: quod judicium pariter ferendum de Sacris Ordinationibus suapte consequitur. S. Nicolao I, Hadriano II, & Johanni VIII. quin sane proba, legitimaque de valide tum ordinato Photio a Gregorio Syrac., tum aliis a Photio ordinatis, etsi illicite, persuasio infederit, dubitare non sinunt explicitissima, quæ ex ipsis prolata sunt paullo superius documenta. Juxta quæ proinde illos in locis in objectione productis loquutos de potestatis usu, sacrique Ministerii functionibus haud rite usurpatis, sive de Ordinibus illicite collatis, non de potestate Ordinis, & Sacramentali Episcopatus Characterem, sive de Ordinationibus invalide celebratis intelligere oportet.

tet. Et quidem Johannes VIII, dum Ecclesie Astenſi Joſephum, antea Vercellenſem designatum, Episcopum, admoſeri permiſit, hanc ipſam ſibi inſitam de valida ipſius Ordinatione opinionem patefecit. Sicut autem Ordinis nomine uſurpatum olim ſæpius non Characterem Sacramentalem, ſed gradum Hierarchicum adnotavi, ſic Ordinationis nomine non ſemper Sacramenti collatio, ſed vel iterata Electio, vel Cæremonialis benedictio ſignificari perſæpe ſolebat. Stephanum VII, & Sergium III. tam in Formoſi memoriam atrociter deſæviendo, quam Ordinationes ab eo peractas iterando, atque Stephanum quidem inſtigante Sergio, Sergium vero ex invidia, qua in Formoſi locum, ipſo vivente, jampridem inhiaverat, multis erraſſe modis non ego negaverim. Sed error hic nihil fidei nocuit, non enim ex prava opinione proceſſit, qua Ordinationes velut illegitimas revera iterandas exputarent, ſed ex peſſimo affectu in Formoſum, quem peiori quolibet modo laceſſere oprabant. Cætera Stephani errorem ſtatim emendarunt Romanus, teſte Sigonio lib. 6. ad an. 897, Theodorus II, teſtibus Sigeberto in Chron. ad an. 903, & Auxilio lib. 2. cap. 4, ac Johannes IX. in Synodis Romanis duabus, & Ravennate an. 904, Stephani acta contra Formoſum reſcindentes. Ex quibus, atque ex Luitprando lib. 1. cap. 8, & Flodoardo lib. de Rom. Pontif. apud Mabillonium par. 2. Sæculi III. Bened., & Muratorium tom. 3. Script. rer. Ital. par. 2. egregias Formoſi laudes exponente liquet minus vere exputaſſe Morinum non adeo culpe expertem fuiſſe Formoſum, quin Stephanus VI, ſive VII. probabilem in ejus demortui cadaver deſæviendi cauſam habuerit. Confer & Papebrochium in Con. diſſer. 31, qua Formoſi vindicias exornat. Neque magis ad veri ſpeciem accedere Panvinii opinionem patet, qua in Not. ad Platinam pag. 112. patratum in Formoſum a Stephano facinus pernegare non dubitat. Quamquam viciffim magna probabilitate non caret Ludovicii Du-Mefnil doct., & diſcipl. Eccl. lib. 42. n. 1. conjectura, qua ordinatos a Formoſo iterum a Stephano ordinatos negat, ſiquidem id Sigebertus in Chron. diſerte negarit, deque iteratis a Stephano Ordinationibus illis nihil habeant Synodi tam Romana gemina, quam Ravennatenſis ſub Johanne IX. habitæ; quin imo a Formoſo pri-
 dem

dem ordinati in proprium gradum a Johanne restituti dicantur, quos plane non restituisset Johannes, si prius eos a Stephano fuisset iterato ordinatos constituisset. Quare si postmodum nihilominus in Formosum a Sergio III. sæve debacchatum est, id ei vitio dandum utique: quamvis Sergium ad meliorem postea frugem se recepisse, tantique facinoris valdequam poenituisse ex Flodardo, Johanne Diacono, & ex Sergii Epitaphio non leviter coniecit Pagius; quin etiam Sergium plurimum abstergere a labe haud frustra conatus est Papebrochius in dissert. 33. Justa in Agapeti, & Johannis XII. sententia Intrusorum Ordinationes, quas semper Ecclesia est exsecrata, effectui, sive potestatis acceptæ usu frustrantur; satiusque fuerit, si ab Intrusis ordinatis ad pristinum remeandi gradum facultas fiat. Cum quo stat tamen, quod Ordinationes hujusmodi validæ fuerint, veramque Ordinis potestatem ita Ordinati acceperint, atque sacro fuerint Characterè insigniti. Neque, etsi utriusque dicta, & facta verses, & reverses, exinde amplius licebit extundere. A S. Leone IX. Simoniacas Ordinationes irritas dictas, sublataque scribens S. Petrus Damiani, intelligendus est plane quantum ad Ministerium, & illarum exercitium, non etiam quantum ad Sacramentum, illarumque validitatem. Atque ut hoc utique sit accipiendus sensus, argumento est tum ea ipsa particula *Tanquam*, sub qua male promotos *tanquam* noviter a Pontifice ordinatos refert; qua sane particula coarctari sententiam, ita ut significetur Simoniacos veluti noviter ordinatos ideo fuisse, quod jus Ministerii iis fuerit restitutum, non vero quod in iis sacra ipsa Ordinatio fuerit repetita, nemo non percipit; tum documento sunt plane, quæ ipsemet ex Clementis II, eodem ex S. Leone IX, ex propriæque sententiæ penu pro Simoniacis Ordinationibus deprompsit, de quibus supra, rursusque infra. Atque germanam hanc ipsam proculdubio esse rationem interpretandi Nicolaum II, S. Gregorium VII, Victorem III, & Urbanum II. liquido ostendunt, quæ pro nostra sententiâ ex ipsis paullo superius prolata sunt loca. In quo prostrems, Urbano II. videlicet, quia potiorem adversarii vim faciunt, quam perperam aciant, paucis adhuc patefacere juvat. Ergo is in epist. 17. edit. Hard. tom. 6. par. 2. pag. 1646. ad Lucium S. Juventii Præpo-

situm ipsi interroganti de pravorum Ordinationibus, postquam a Nicolao II. & S. Gregorio VII. pœnas in ita ordinatos sancitas allegasset, de earumdem validitate hoc subjungit responsum. *Ceterum Schismaticorum, & Hæreticorum Sacramenta, quoniam extra Ecclesiam sunt, juxta SS. Patrum traditiones Pelagii, Gregorii, Cypriani, Augustini, Hieronymi, formam quidem Sacramentorum, non autem virtutis effectum habere profitemur; nisi quum ipsi, vel eorum Sacramentis initiati, per manus impositionem, ad Catholicam redierint unitatem.* Quæ perspicua sunt adeo, ut nullo prorsus indigeant glossemate, neque de germana ejus vel leviter dubitandi locum sinant sententia: ad quam perinde, quæ præpostere ex ipso adversarii conantur exsculpere, sunt exigenda. Quin etiam objectum ex Gratiano Canonem 24, de Daiberto a Wezilone ordinato exigere juvabit ad ejusdem Urbani II. epistolam ad Petrum Pistor., & Rusticum Abb. Vallisum. ex Ms. Bibl. S. Victoris Paris. editam a Binnio, ac deinde a Labbæo, & Harduino, ubi Pontifex de Wezilone hæretico, & simoniaci loquens: *Eundem, inquit, & ipsi nos pro eadem causa, qui ab Excommunicatis consecratus est, in Synodali Concilio excommunicavimus, & ab omni Ecclesiastico officio sine spe restitutionis aliqua deposuimus.* Qui ita loquitur, Episcopalem profecto Characterem, & Ordinem inter, ac Ministerium, & Officium laici statuissse discrimen probe intelligitur. Neque hinc vel latum unguem abfuisse sententia Paschalem II. manifeste produnt, quæ ex ipso in rem nostram producta suo loco sunt decreta. Quæ uberiorem adhuc lucem accipient ex duabus Paschalis epistolis ad Rothardum Mogunt., & Reinhardum Halberstad. apud Martenium veter. Monum. tom. 1. pag. 616, & 618, ac Mansium Suppl. tom. 2. pag. 231, & 233, quibus divumviris ob oculos posito Canone ab se in Trecensi Synodo anno 1107. condito, quem cum aliis tribus descripsit Martenius veter. Monum. tom. 7. pag. 670, & ex ipso Mansius pag. 235, indicatque Gratianus Can. 17. *Constitutiones* 16. Q. 7, velut vidit doctiss. Berardi par. 2. cap. 86. pag. 469, quo nempe Canone Clericis Investituras de manu Laici accipientibus depositionis, excommunicationisque pœna indicitur, ipsis tamen eo crimine etiam implicatis

catis Episcopalis officii peragendi venia indulgetur ea lege, ut imposterum ab hujus genus flagitiis abstineant. Quæ denique ex Callisto II, Innocentio II, Eugenio III, Alexandro III, & Lucio III. postremo objecta sunt loco, adeo levia sunt, ut ne verbum sit quidem, quod illos a Decessorum suorum decessisse sententia vel leviter suspicari nos cogat. Ut enim paullo durioribus usi sint verbis ad iugens patefaciendum, quo erga Ordinationes a Schismaticis, aut Simoniacis attentatas ferebantur odio, iis tamen id unum dederunt intelligi ita ordinatos indignos se dedisse, qui sacris Altaribus deserviant, ideoque a Sacramentis abstinere debere, sacroque ab Altaris Ministerio abigi. Quam sane intelligentiam ut assequaris magis, probeque teneas, conferre juvabit Concilii Tolosani an. 1119. Canonem 1. in Lateranensi I. Can. 1. instauratum, juncta emendatiori, quam ex Codice Pistoriensi exhibet Mansius, lectione Suppl. tom. 2. pag. 355; Pisani an. 1134. Canonem 2. ex eodem Codice Pistor. a Mansio descriptum pag. 417, ex Remensi an. 1131. Can. 1. repetitum; Remensis an. 1148. Canonem 3, adjuncto Canone 11. ex Codice Ms. S. Michaelis in periculo Maris apud Harduinum to. 6. par. 2. pag. 1305; Turonensis an. 1163. Canonem 9. integrum ex præcit. Cod. Ms. S. Michaelis ab Harduino excerptum pag. 1062, & in Lateranensi III. Canone 2. integrum, & Caput 11. *Ad abolendam* in Collect. 1. lib. 5. tit. 6. Non moror autem, quod de Schismaticis Lucii III. jussu, deque Cardinalium consensu reordinatis refert Robertus Flamasbur., nam tum factum ipsemet improbat, factumque in odium Schismatis reputat, quod verius de reconciliatione potius, quam de reordinatione accipere debuisset non dubito.

Antequam vero ad ea, quæ ex Conciliis secundo objecta sunt loco, diluenda descendo, datam ut liberem fidem, deque Ritu disseram olim in Ecclesia recepto, quo illegitime ordinati, in Clerum, & Officia restitui solebant, operæ est pretium. Fiet hinc etenim, aut ego fallor, ut quo facilius, eo penitius Conciliorum hac de re attingatur sententia. Multis porro modis verbum *χριστορια*, sive *χρισδορια* apud Græcos, *Minuum impositionem* apud Latinos, de qua frequens apud Pontifices, & Patres olim loquutio occurrebat, accipi consuevisse jam indicavi, quod

quod paullo fufius nunc exponere præstat. 1. Pro manuum impositione Curatoria, de qua Acta Apostol. cap. 9. vers. 17, & S. Innocentius I. in epist. 25. edit. Cout. ad Decentium cap. 6: quem S. Innocentii locum haud rite intellectum ab Holstenio in dissertat. 1. de Ministro Confirmat. cap. 1, & a Morino in dissert. de Sacram. Confirm. cap. 16, ab Innocentio hoc loco Diaconis, quum necessitas urgeret, Confirmationis administrandæ potestatem factam arbitratris, observant Moretus ad cit. locum Morini, Coutantius in Not. ad prælaudatam epist. S. Innocentii pag. 861, & Benedictus XIV. de Synod. Diocæs. lib. 7. cap. 7. n. 3: atque Ritus quidem, qui in manuum impositione Curatoria super Energumenos usurpari solebat ab Episcopis, descriptos videre licet ab Edmundo Martenio, præsertim ex antiquo Codice Regio n. 3866, alteroque Vindocinensi, de antiq. Eccl. Ritib. lib. 3. cap. 9. 2. Pro Electione, de qua plane intelligendi Canones Nicænus 4, Antiochenus 19, Carthaginensis II. an. 390. Can. 12, Carthaginensis IV. an. 398. Can. 1, in Cod. Can. Eccl. Afric. Can. 13, Chalcedonensis 25, & Trullanus 39, aguntque Beveregius ad Can. 1. Apostol., Justellus ad Can. 5. Laodic., Zonaras, & Balsamon ad præcit. Can. Nicæn., & Antioch., & adversus Ducæum, ac Petrum de Marca pro sola dumtaxat Consecratione manus impositionem accipiendam contendentes doctifs. Josephus Motta de Jure Metropolit. n. 76. pag. 101, & seq. 3. Pro Confirmatione, quo modo perperam a SS. Cypriano, & Firmiliano in epist. 73, 74, 75, & 76, & ab Africanis Episcopis in Concilio Carthaginensi III. sub S. Cypriano de Bapt. capp. 5, & 24. accepta ea fuerat, de qua scripserat S. Stephanus in epist. 74. inter Cyprianicas, atque perperam ab Holstenio, & Morino ea, de qua S. Innocentium I. effatum ad Decentium mox adnotabam. Formulas porro, quibus in manuum supra confirmandos impositione uti Episcopi solebant, plures exhibet Martenius de antiq. Eccles. Ritib. tom. 1. pag. 249, & seqq., inter quas insigniores eminent, quas ex Codicibus Bellovacensi, & Caturcensi descripsit etiam Coutantius tom. 1. Epist. Rom. Pontif. pag. 241, & seq. 4. Pro Ordinatione, de qua Can. 1. Apostol., Laodicens 5, Carthaginensis IV. an. 398. Can. 2, 3, & 4, aliiq. plures, quos modo persequi non vacat,

vacat, aguntque fufe Simeon Theffal. in Opufc. de fept. Sacram., Arcudius lib. 6. Concord. cap. 1, & Morinus de Sacr. Ordin. par. 3. exerc. 1. cap. 2. 5. Pro impofitione Pœnitentiæ, fub qua regredientes ab hærefi recipiebantur, (an vero Clerici etiam majores, ita ut deinde pœnitentia defuncti in priftinum Ecclefiæ gradum admitterentur, difputant Eruditi. Immutata deinde circa eos difciplina videtur, ac pœnitentiæ addiſti leguntur a Synodis Arauficana I. Can. 4, Ilerdenſi Can. 5, Toletana XI. Can. 9, Conſtantinopolitana IV. Aët. 2, Rotomagenſi an. 1702. Can. 19, a S. Zacharia epift. 10. ad S. Bonif., & Theodoro Cant. cap. 41.) de qua revera S. Stephanus in præcit. epift. 74. ad S. Cyprian., S. Cyprianus ipſe in epift. 71. ad Quintum, Concilium Garthaginenſe III. fub ipſo de Bapt. capp. 8, & 22, Eufebius lib. 7. hiſt. Eccl. cap. 2, S. Auguſtinus lib. 5. de Bapt. contra Donat. cap. 23, & lib. 6. cap. 11, S. Siricius in epift. 1. ad Himerium cap. 1, S. Innocentius I. in epift. 24. edit. Cout. ad Alexandrum Antioch. cap. 3, S. Leo M. in epift. 2. edir. Queſn. ad Ruſticum cap. 18, epift. 129. ad Niceſtam cap. 7., & epift. 135. ad Neonem cap. 2, Synodus Agathenſis an. 506. Can. 15, Vigilius in epift. 2. ad Profuturum cap. 4, & S. Gregorius M. lib. 11. epift. 67. ad Quiricum. Inter Formulas equidem, quæ ab Epifcopis in manuum impofitione fuper Hæreticos (ut de Lapſorum ſpeciebus aliis modo ſileam) ad frugem regredientes uſurpari ſolebant, eaſdem ipſas perſæpe adhibitas fuiſſe, quæ in Confirmatione uſu Epifcopis veniebant, ideoque Sacramentum ipſum Confirmationis ab hærefi reducibus conferri conſueviſſe, indicare videntur Concilia Conſtantinopolitanum I. Can. 7, Arauficanum I. an. 441. Can. 1, Arelatenſe II. an. 452. Can. 17, Epaonenſe an. 517. Can. 16, Trullanum Can. 95; S. Baſilius in Epift. Can. ad Amphil. Can. 1, Fauſtus Regienſis de libero arbitr. cap. 17, Gennadius Maſſil. de Eccleſ. Dogm. cap. 52, S. Gregorius Turon. lib. 5. c. 38. de Gundebaldo Burgundionum, & Leovigildo Hiſpan. Regibus ab Ariana hærefi converſis agens, S. Theodorus Studita in epift. ad Naucratiū lib. 4. Jur. Orient. pag. 290, Baſamon in epift. ad Marcum Alexand., Walafridus Strabo de reb. Eccl. cap. 26, Euchologium Græcor. apud Goarrium, Codiceſque alii Græci Monafterii Cryptæ Ferratæ, & Bibliot.

bliot. Barberinæ apud Morinum de Pœnit. lib. 9. cap. 9, quibus permoti Theologi complures, quos sequuntur Quesnellus in Not. ad epist. 129. S. Leonis ad Nicetam c.7, & Cardonus hist. Sacram. tom. 1. lib. 2. de Confirm. cap. 5, ab Ecclesia sive Orientali, sive Occidentali ab hæresi reduces absque Confirmationis Sacramento recipi haud consuevisse existimant. Verior tamen est sententia ab hæresi redeuntes (si antea confirmati fuissent) ab Ecclesia recipi consuevisse non Sacramentali unctione Chrismatis in fronte, sed aliquando quidem unctione Cæremoniali, quæ in administratione Baptismi in vertice baptizandi adhiberi solebat, quo pacto ex Conciliis, Patribus, & Scriptoribus prælaudata loca commode intelligi possunt; frequentiori vero usu simplici manuum impositione, de qua mox, quin etiam sola fidei professione, de qua SS. Leo, & Gregorius re, ac nomine Magni, ille quidem in præcit. epist. 1. edit. Baller. ad Aquilej. Episcop., 12. ad Episcopos Mauric., & 18. ad Januar., iste vero lib. 11. epist. 67. ad Quiricum, ubi tres recipiendorum ab hæresi regredientium describens Ritus: *Ab antiqua, inquit, Patrum institutione didicimus, ut quilibet apud hæresim in Trinitatis nomine baptizantur, quum ad S. Ecclesiam redeunt, aut unctione Chrismatis, aut impositione Manus, aut sola professione Fidei ad sinum Matris Ecclesiæ revocentur.* Atque quidem alterius speciei fuisse ab ejus, quæ fieri in Confirmatione solebat, manuum impositionem, quæ in receptione Hæreticorum adhiberi consueverat, sit manifestum ex Formulis, quæ in Hæreticorum reconciliatione usurpabantur, inter quas insignis est illa, quam ex Codice Gellonenſi sub ætate Caroli M. exarato exhibent Coutantius pag. 241, & Cardonus pag. 159, in qua nulla *Signi, aut Conſignationis, aut Signaculi* mentio, a quibus sane haud abſtinebant Formulæ in Confirmatione uſitatæ. Explicatiſſimam quoque ſententiam hancce tradunt Theodulphus Aurelianenſis in libro de Ordine Baptiſmi cap. 17. Bibl. Patrum tom. 14. pag. 13. Presbyteris quidem baptizatos Chriſmate ungere licere docens, non etiam Spiritum S. per manus impositionem tradere, atque morem iſtum antiquiſſimum eſſe, Apoſtoliceque cœvum Eccleſiæ; ac S. Bruno Signinus in Opuscul. de Sacram. Eccl. affirmans, etſi Unctio adhibeatur, Confirmationis tamen

tamen Sacramentum haud iterari. Ad quæ confirmanda sane manifesta concurrat ratio, qua constat veteri Ecclesiæ disciplina Baptizatis e vestigio Confirmationis Sacramentum conferri consuevisse, veluti testes sunt liquidi Tertullianus lib. de Baptif. capp. 7, & 8, S. Cyprianus in epist. 73. ad Jubajanum, S. Ambrosius lib. de Myster. cap. 7, S. Hieronymus advers. Lucifer., S. Austinus serm. 324, S. Leo M. serm. 4. de Nativ., ac deinde Magnus Archiep. Senonensis, ad quem lectu sane digna Epistola Ludovici Pii apud Harduinum to. 4. pag. 1178, in libello de Baptismo Caroli M. jussu concinnato, ostenditque Martenius de antiq. Eccl. Ritib. tom. 1. pag. 160. 6. Pro Cæremonia sacra, quæ *Presbyterii Benedictio* nuncupari consuebat, sicuti supplementum Cæremoniarum Baptismi in Ecclesia cum iis, qui domi baptizati fuissent, vulgo Baptismus appellabatur, qua nempe Clerici in Ecclesiæ Clerum, & officia Ecclesiastica restituebantur. Ritus hujusce vestigia deprehendere licet in Synodo Cæsaraugustana II. an. 592. Can. 1, quo Presbyteri, & Diaconi Ariana ab hæresi redeuntes: *Acceptam denuo Benedictionem Presbyterii sancte, & pure ministrare permittuntur.* Quæ Benedictio plane non iterata Ordinatio erat, sed Cæremonia, qua ad pristinas illi Clericatus functiones redintegrabantur. At enim Ritus hic, quem Ecclesia Hispanensis in Clericorum injuste depositorum restitutione pariter adhibere solebat, clarius in Toletano Concilio IV. an. 633. cap. 28. relato a Gratiano, sed perperam ex Concilio Moguntino, Can. 4. *Episcopus* 12. Q. 3, ex quo reordinationem haud fuisse liquido adparet, verbis istis describitur: *Episcopus, Presbyter, aut Diaconus, si a gradu suo injuste dejectus in sancta Synodo innocens reperiatur, non potest esse, quod fuerat, nisi gradus amissos recipiat coram Altario de manu Episcoporum, si Episcopus est Orarium, Annulum, & Baculum: si Presbyter, Orarium, & Planetam: si Diaconus, Orarium, & Albam: si Subdiaconus, Patenam, & Calicem: sic & reliqui gradus ea in reparationem sui recipiant, quæ quum ordinarentur, perceperunt.* Qui Ritus etiam in Gallicana Ecclesia *Imposita manus Benedictio* olim nuncupatus a Synodo Aurelianensi l. an. 511. Can. 10, sive *Mystica Ordinatio* a Synodo Sueslionensi III. an. 853. in Synodica ad S. Ni-

Part II. Tom. V. Ecc colaum

cola um I, solemniter evasit deinde Sæculo XI, teste Fulberto Carnot. in epist. 25. ad Leuthericum Archiep. Senonensem Primatem suum, a quo interrogatus de Presbytero Simoniacè ordinato, ex Synodi Toletanæ sententia respondit, eum non reordinandum unique, sed esse reconciliandum: *Rebaptizationes, & Reordinationes*, inquit, *fieri Canones vetant*. Atque reconciliationis ei ritum, & formam exponens: *Propterea*, subjungit, *depositum non reordinabis, sed reddetis ei suos gradus per Instrumenta, & per Vestimenta, quæ ad ipsos gradus pertinent, ita dicendo: Reddo tibi gradum Ostiarii, & te in illum gradum restituo &c.* in nomine Dei Patris, & Filii, & Spiritus S. *Novissime autem benedictione lætificabitis eum sic concludendo: Benedictio Dei Patris, & Filii, & Spiritus S.* super te descendat, ut sis restitutus in Ordine Sacerdotali, & offeras placabiles hostias Deo laudis pro peccatis, atque offensionibus Populi Omnipotenti Deo, cui est honor, & gloria in Sæcula Sæculorum. Integram periocham istam descripsit S. Petrus Damiani Nicolai II. legatione defungens in epist. ad Hildebrandum Archid., deinde in Pontificatu S. Gregorium VII, qua ipse suffultus, permotusque Clericis Incontinentiæ, & Simoniacæ olim deditis, ad meliorem se frugem recipientibus, haud iterata Ordinatione, pristini gradus veniam Mediolani se secisse confirmat.

Quibus sic definitis, locoque positis, jam haud difficile succurrit objectis ex sacris Conciliorum Canonibus offendere. Et quidem ad Canones quod attinet Apostolicos, nemo jam hodie, ignorat argumentum ex iis petitum infirmissimi esse genus: siquidem, si in eorum antiquitatem inquiras, ii ante Sæculum V. Ecclesiæ ignoti fuerunt, quorum nempe ex priscis nemo Scriptoribus meminit, ut proinde hoc nomine Apostolis nullo adscribi modo possint. Apud Græcos, quamvis S. Alexander Alexand. in Synodica ad æquivocum Byzantinum an. 321. ad Canonem Apostol. 31. Græcæ, & Nestarius Constantinopolit. in Synodo anno 394. apud Harduinum tom. 1. pag. 958. ad Canonem 74. respexisse videantur, integri tamen 85. primum circa medium Sæculum V. locum habuere in Synopsi Canon., quæ Stephani Ephesini nomen præfert apud Lambecium lib. 3. pag. 66, & in Codice 33-Palatino-Vatic. atque deinde anno circiter 500. prodire in Colle-

Collectione Canonum, quæ sub nomine Theodoreti Cyrensis Episcopi circumfertur, cujusce mentio apud Scaligerum in Scaliger. secundis pag. 239, & Mf. apud Salmasium de Primatu pag. 235, & lib. de Usuris pag. 633, nec non apud Petrum de Marca de Concord. tom. 1. pag. 152, & tom. 2. pag. 237, quæ tamen alia non est, quam Collectio Johannis Scholastici circa an. 570. concinnata. Veneratione deinde venere Synodo Trullanæ anno 687. Can. 2. Qui eosdem laudavit Sæculo VIII. S. Jo: Damascenus lib. 4. de fide Orthod. cap. 17. a S. Clemente concinnatos pariter adseruit. Sed neutrius id patitur nomen: non Romani, ut frustra persuasum fuit Antonio de Castroville, & Guillelmo Wifthono, eo præsertim, quod ab veri abhorreat specie Canones a S. Clemente Romano litteris consignatos, promulgatosque apud Græcos primum adparuisse, & non potius apud Latinos usu jampridem venisse, ut a Græcis illos derivare, mutuaque debuerint: non Alexandrini, ut perperam alii putavere, nam Canon illius Ecclesiasticus ab Eusebio lib. 6. hist. Eccl. cap. 11, & S. Hieronymo de Script. Eccl. cap. 38, & a Photio Cod. 111, de speciali ritu, ac tempore Paschatis celebrandi adversus Judæos agebat: atque quidem in Apostolicis Canonibus pleraque reperiuntur, ut Canon 50, quæ utriusque Clementis ætatem longe recentiore sapiunt. Apud Latinos, etsi S. Julius in epist. ad Orient. e Synodo Romana an. 342. exarata Apostolicos Canones memorasse legatur, illorum tamen nullum adparet vestigium in antiquis Collect. Africanis, Hispanicis, Italicis, & Gallicanis, Codic. Eccl. Afric., Ferrandi, Martini Bracar., Quesnelli, Hincmari &c. Primus, qui eos a Græcis derivaverit initio Sæculi VI. Dionysius Exiguus, ex 85. apud Græcos sacris 50. dumtaxat descripsit, cujus morem imitati nonnisi Canones 50. Collectionibus suis inferuere Cresconius Afer circa an. 570, de quo Pi thœus, Justellus, Dandinus Altaferra, Petrus Franc. Chiffetius in Bibl. PP. Lugd. tom. 9, Isidorus Sæculi VIII. initio, Hadrianus I. apud Canisium antiq. lect. tom. 6, Labbæum tom. 6. pag. 1800, & Harduinum tom. 3. pag. 2033, Burchardus, Ivo, Gratianus, Wendelstinus &c., atque 50. dumtaxat admissos a Stephano IV. fuisse in Synodo Later. an. 769. liquet ex Act. 4;

totidemque Romana ab Ecclesia recipi, neque glura scripsit Humbertus S. Leonis IX. Apocrisiarius an. 1054. adversus Nicetam Pectoratum apud Baronium in Append. tom. II. vet. edit. pag. 798, nov. Lucen. to. 17. pag. 677. Itaque Apostolicos Canones atatem longe Apostolica recentiore præferre ultrocitroque consentiunt ex Protestantibus ipsis Dallæus lib. 3. de pseudo-Epigraphis Apostolicis, Larroquanus in Append. ad Observat. in Pearsonii Vindic. Ignat., Ittigius in dissert. de pseudo-Epigraphis Apost. in Append. ad dissert. de Hæresiarchis, & Jo: Guillelmus Janus in dissert. de antiq. Can. Apostol. edit. Witemb. 1706. Si vero eorum de auctoritate Canonum quæras, etsi Græcis probatissimos non disitear, Latinis aliter visum est, ex quibus etsi neque defuerint, qui magno eos in pretio, honoreque haberent, hodie tamen ea universim infidet Eruditis sententia Canones hosce nec ab Apostolis fuisse procusos, nec ea proinde auctoritate polle, qua scripta vere Apostolica prædita sunt. Eorum auctoritatis officit etiam, tum quod pauca admodum in iis vestigia deprehendere sit veteris Apostolis doctrinæ usitatissimæ: e contra plurimis in locis specimen potius haud leve præferant disciplinæ longe post Apostolica tempora in Ecclesiam investæ; tum quod tam disciplinam, quam doctrinam passim adstruant, tam Apostolicæ, quam Ecclesiasticæ doctrinæ, & disciplinæ adversam: adeo ut in præfat. Collect. Hispan. Canones hi nec ab Ecclesia Romana probati, nec SS. Patribus accepti, sed ab Hæreticis sacro Apostolorum nomini suppositi affirmantur: quod dictum tamen omni ego quidem ex parte non probaverim; unde abs vero non abhorreat, qui arbitretur, veluti Albaspinæus lib. 1. Observat. 13, eos Canones indiscriminatim confectos fuisse ex plerisque, quinque priorum Sæculorum Conciliis, atque in unum veluti Codicem redactos, cui Canonum Apostolicorum, idest a Patribus Apostolorum successoribus conditorum, titulus fuerit adjectus. Sed de his satis, ac super disputare me memini Parte hac 2. Tom. 4. Artic. 9. in Prolegom. pag. 362, & seqq., conferri-que, qui de iis egregie differit, ut alios omittam, doctiss. Bernardi in Gratiano emendato par. 1. cap. 1, sufficit. Ex quibus liquido adparet, quo auctoritatis loco haberi mereatur Canon 67.

in objectione laudatus. Nempe præterquam quod unus ex illis est, quos Ecclesia Romana reprobavit, Eruditis videtur depromptus ex Decreto Concilii Iconiensis an. 235, in quo non secus, atque in Synnadenſi anabaptiſmi error confirmatus eſt, de quibus Firmilianus in epiſt. ad S. Cyprianum, S. Dionyſius Alex. in epiſt. ad Philemonem, Eusebius lib. 7. cap. 6. verſ. Ruffini, & S. Auguſtinus lib. 3. contra Creſconium cap. 3. Et ſane ſi Canon iſte germanus Apoſtolorum ſœtus fuiſſet, putaſne cum fuiſſe prætermiſſuros SS. Cyprianum, & Firmilianum, & cum eis Eccleſiam Africanam, & Aſianam, a quibus contra Romanæ Eccleſiæ ritum ab hæreticis baptizatos novo abluendos baptiſmate proaris, focisque pugnatum eſt? Is igitur Canon nullius eſt momenti, niſi de Baptiſmo, & Ordinatione ab hæreticis debita forma, haud adhibita collatis intelligi jubeas. De recta Nicæni Canonis 8. intelligentia copioſe jam dictum ſuperius pag. 557, & ſeqq. Eum nempe Canonis ſubeſſe ſenſum, ut manuum impoſitione ſignificetur, non utique Sacramenti repetitio, ſed vel reconciliationis dumtaxat ritus, quo pacto Canonem interpretatos S. Athanaſium, Synodum Alex. ſub ipſo an. 362, & S. Hieronymum, Dionyſium Exiguum, & Studitas Monachos, nec non Collectores Codicis Corbejenſis, Codicis Juſtello editi, Codicis Vaticani Reginæ 1997. Can. 15, & Cod. Veronenſis apud Ballerinos tom. 3. pag. 569, & 584, indicabam: vel, ſicut veri ſimilius videtur, priſtina ſignificetur Ordinatio, in qua Novatiani poſt emiſſam fidei profeſſionem manere permittebantur: quomodo Canonem acceptum a Ruſino, a Ferrando, a Concilio Carthagenenſi VI, a Collectore Can. Arabic, ex his adducta paullo ſuperius perpendenti loca patebit. Quo ſenſu pariter Beveregius in Not. ad hunc Canonem obſervat eo Patres Nicænos haud novam indixiſſe Ordinationem, ſed ad pridem receptam a Novatianis reſpexiſſe: *Patres enim, inquit, de ſolis Clericis Novatianiſ, qui Canonici nimirum Ordinationem ante acceperant, per totum hunc Canonem agunt, ſtatuuntque ad Eccleſiam converſos in eodem Clericali gradu manere, quo inter Novatianos conſtituti fuerant...* Neque enim ita in Clero manere poſſunt, niſi prius in Clero fuiſſent. Atque hunc utique ſenſum confirmat ejuſdem Canonis 8. pars ſe-

cunda

cunda, qua, juxta versionem Herveti, Novatiani Clerici, ubi soli in Vicis, aut Urbibus reperirentur, in eodem Ordine relinquuntur, non secus atque ubi Catholico Episcopo existenti Communione adsociarentur. Par ferendum de Synodica ad Ecclesiam Alexand. judicium superius indicabam, eidemque propterea interpretationi accommodanda est Confirmationis usurpatio, qua ordinati a Meletio in Ecclesiam recipi jubentur, videlicet ut Confirmationis nomine designetur approbatio præcedentis Ordinationis peractæ a Meletio, proptereaque simplici benedictione in Ecclesiam admitti debeant. Quo pacto sane decretum illud accepit Sozomenus lib. 1. cap. 24. vers. Valef., ubi de ordinatis a Meletio sic Patres Nicænos statuentes inducit: *Ut hi, qui ab illo prius ordinati fuissent, Communionem quidem, ac Ministerium suum retinerent, reliquis tamen Clericis per singulas Ecclesias, ac Parochias honore inferiores essent: ita tamen, ut in locum morientium per ordinem succederent, dummodo Plebis suffragio judicarentur idonei, Episcopo Alexandrino electionem eorum nihilominus confirmante.* Juxta quæ profecto Confirmationis nomine, sive *Χριστοῦ*, de qua in præcit. epist. Synodica, apertissime significatur vel simplex *Benedictio*, prout visum Hermantio in vita S. Athanasii, vel præcedens *Ordinatio* a Meletio peracta, prout verisimilius exputant Ballerinii tom. 2. pag. 1598, vel subsequens nova *Electio* Populi, & Alexandrini Episcopi *Confirmatio*, prout Sozomeni præfert lectio. Theodorus igitur Oxyrinchi Episcopus ordinatos ab Apollonio iterum ordinando, non ex Concilii Nicæni sententia id egit, sed Georgii Ariani exemplo, ejusdemque Apollonii Meletiani suasu, uti perhibent in præm. libello precum Marcellinus, & Faustinus. Nempe dum in Ægypto partium Arianorum Episcopus Georgius esset, Meletianorum ageret Apollonius, Catholicorum vero Heraclides, paullo post ad Luciferi schisma delapsus, in hunc facta cum Apollonio conspiratione Theodorus ab Ecclesia Oxyrinchi expulit, quam ipse confestim invasit. Quamvis igitur a Catholicis pridem ordinatus, a Gregorio se iterum ordinari Theodorus consensit, Communionem cum Apollonio eidem Gregorio communicante se conjunxit, atque utriusque auctoritate, exemploque ordinatos pridem

ab Apollonio iterum ordinavit. Quæ igitur sive Gregorio, sive Apollonio perversa insidebat, sententiam non moror. Cur enim inoter flagitium tam ingens, facinusque, quo Arianus, & Meletiani, idest Hæretici, & Schismatici a Catholicis ordinatos iterum ordinare non exhorrebant? Nec est etiam, cur morer Balsamonem in epist. ad Marcum Alex. apud Leunclavium to. 1. Jur. Orient. pag. 376, docentem regredientes ab hæresi iterum ordinandos. Scitum est enim Græcos Schismaticos turpis hoc in erroris luto hæsisse; atque ille quidem errore pati laboravit de iterando Baptismo; errore quoque de Confirmationis administratione Presbyteris permittenda; de Conjugii ob adulterium licita dissolutione, atque vicissim de Matrimonii indissolubilitate in Infidelitate contracti, etsi Conjugum altero in Infidelitate permanente, ad fidem alter regrederetur. Qui hæc probe tenet, jam plane intelligit Antiochenis Canonibus 13, 19, & 22. majorem vim haud inesse, quam ut ordinati contra Canones officii defungi suis nequirent, non etiam ut eorundem Ordinationes essent invalidæ. Frustra vero Canon 23. vis inferitur: ibi enim; velut apte observavit Auctor Observat. in hist. Eccles. Fleuri lib. 12. n. 12, verba non usurpantur *Impositionis* manuum, quibus apud Græcos Ordinatio significari aliquando solet, sed verbum *Institutionis*, quo significari daretur Successorem ab Episcopo designatum instituendum haud fore; idest Ecclesiæ illum præfici prohibuit, qui ab ejus Decessore fuisset designatus. Neque dispar Sardicensis insedit sententia, videlicet, quod ii quidem, qui in aliena Parochia fuissent ordinati, alteriusque Ecclesiam occupassent, ab Altaris ministerio abigerentur, alienique ab usurpata dignitate haberentur, non autem, quod Sacerdotii Characterem insigniti revera non fuissent. Atque ita pariter Concilii Constantinopolit. I. Canonem 3. intelligo, ut ordinatos a Maximo Cynico gradu, dignitate, & ministerio utique exutos voluerit, non etiam Characterem Sacramentali eosdem carere supposuerit: utque ita intelligam, id efficit sane, quod ita intelligendum jubeant, sive Isidorus ipse Mercator Canonem illum, sibi 6, ita legens: *Neque ii, qui ab ipso sunt ordinati, qualemcumque gradum Clericatus obtineant*, sive Josephus Ægyptius in Paraphrasi Arabica vers.

Beve-

Beveregii apud Harduinum tom. 1. pag. 819. Canonem illum sic exponens : *Nec ille, qui Ordines ab eo accepit, in quemlibet Sacerdotii gradum admittatur, quoniam fidem erroneam, & Ordinationem injustam introduxit*; quodque priora Canonis verba, nempe : *Nec Maximum Episcopum esse, vel fuisse*, ita pariter intelligere cogar : siquidem is legitime proculdubio a S. Petro Alexandrino una cum tribus aliis, non septem, ut autumavit Baronius, Ægyptiis Episcopis fuerit consecratus, quemadmodum affirmat Episcoporum Italiæ Epistola ad Theodosium Imper. post Baronit obitum a Sirmondo evulgata, legendaque apud Harduinum, tom. 1. pag. 845, ostenduntque Blondellus in Apolog. pro sententia S. Hieronymi de Episcopis, & Presbyteris sect. 3, & Pagius ad an. 379. n. 8. Regienfis Canonis 2, quo Armentarii Ordinatio irrita dicitur, legitimus sensus hauriri debet ex sequentibus Canonibus 3, quo eidem Virginum Consecratio, & Neophytorum Confirmatio permittitur, quæ alioqui nonnisi Episcopali Characterè insignitis licebant, atque de Confirmatione quidem liquet, de Virginum vero Consecratione Episcopis reservata loquuntur Concilia Carthaginense III. an. 390. Can. 3, Carthaginense anno 397. Can. 36, in Cod. Eccl. Afric. Can. 6, apud Gratianum vero Can. 1, *Si jubet*, & Can. 2. *Presbyter* 26. Q. 6, Parisiense VI. anno 829. lib. 1. cap. 41, & Rotomagense an. 878. cap. 9; atque ex Can. 4, quo Clericos ab Armentario consecratos, si nulla eis conversationis macula adhæreret, ab Episcopo Ebredunensi in Ministerio retineri conceditur : ex quibus manifeste liquet Canonem 2. intelligendum esse de Ordinatione illicita, non autem invalida. Piger me vero, pudetque eidem sæpius ingestæ difficultati idem sæpe responsum regerere; sed sicuti volunt adversarii, sic habeant. Quæ itaque Ordinationes a Conciliis Turonensi I, Hispalensi II, & Tolerano IX. irritæ denuntiantur, atque sic ordinati honore Ordinis denudari jubentur, aptiori nunc vocabulo illicitas nos dicimus, ac sic ordinatos ab Ordinum exercitio remotos. Et certe Turonense, dum Ordinationes in aliena Provincia habitas, modo digna fuissent *Satisfactione* compositæ, tolerandas duxit, eas etiam, quas *in irritum* revocandas indixit, ob satisfactionis defectum, reapse validas ab se habitas hæud obscure indicavit.

Atque

Atque probam hanc quoque, veramque interpretandi Hispalense II. rationem esse, inde fit evidens, quod Can. 12. ex Acephalorum hæresi redux ad frugem Episcopus quidam cum gradu receptus legitur. Nefas est etiam Toletano IX. alteram asingere sententiam ab ea, quæ Toletano VIII. ante inhæserat, a quo Canone 7. explicitissime declaratum Ordinis Characterem deperdi nullo posse modo superius indicabam. Quæ vero legitima, germanaque fuerit Conciliorum tam Aurelianensis I, quam Cæsaraugustani II. sententia, superius exposui, eamque tam ex Fulberto Carnot., quam ex Toletano IV. perspectissimam feci: juxta, quam proinde intelligi debet Vermeriense I. Canon. 14., nempe *Consecrationis* nomine non aliud ei sensu venisse, nisi *Reconciliationis*, sive *Benedictionis* ritum, quo suis Clerici gradibus restituti solebant. Prætermisiss autem, quæ Romanis, in Synodis de Ordinationibus a Monothelitis, & a Constantino peractis sub S. Martino I., & Stephano III. decreta obrudi solent, quibus abunde suo factum est loco satis, mirari subit Concilium Sueffionense II. obijci, cujus sanctiones rescidisse S. Nicolaum I. in epist. sive ad Sueffionense III, sive ad Hincmarum actorum omnium auctorem notum est, atque Clericos ab Ebbone ordinatos suis restitui gradibus iussisse: quæ restitutio perinde Tricassinæ Synodi, & Hadriani II. P. M. auctoritate roborata fuit. Quamquam Clericos illos Sueffionensis II. Synodi judicio a solo Altaris ministerio fuisse semotos auctor est Flodoardus hist. Remen. lib. 3. cap. 11. Juxta hæc itaque neque fallatur, neque faller, qui hoc sensu dicta a Synodis Moguntina an. 888, a Romana (ut de Romanis sub Stephano VI, & Johanne XII. nihil retexam) sub Gregorio V. anno 998, a Bituricensi an. 1031, & Tolosana an. 1056. de Ordinationibus contra Canones attentatis, idest quod ita ordinatos a gradibus, honoribus, & officiis exclusos omnino voluerint, non vero quod eorundem Ordinationes pro invalidis reputaverint. Et si vero ego haud admodum ægre consentiam immani ex odio, quo erga Simoniacas, aut Schismaticas Ordinationes ferebantur, haud difficile factum, ut plures in extremam delaberentur partem, pugnandumque sumperint Ordinationes hujusmodi tam invalidas fuisse, quam fuerant illicitæ, atque in hanc forsitan præposteram

abuisse opinionem Synodum Gerundensem an. 1078, quin etiam Northusiensem an. 1105: ne tamen a veteri Synodis intime hætenus insita duas hæc aberrasse sententia dicam, quod dicere certe nihil cogit, præstat magis voces illas *Consecrationis*, & *Catholica manus impositionis*, quibus utraque Synodus utitur, sub quibusque a Simoniacis, aut a Schismaticis ordinati ad Ecclesiam admitti jubet, ad rectam exigere interpretationem, cui laud invitæ Synodi Casaraugustana II, Aurelianensis I, Toletana IV, & Vermeriensis I. subactæ sunt, quaque de interpretatione in prænotatis ad objectiones ex Synodis obtrusas paullo superius fuisse disserebam. De rectissima Synodorum sub Nicolao II, S. Gregorio VII, Urbano II, Callisto II, Innocentio II, Eugenio III, & Alexandro III. sententia disputavi satis, ab eaque, quæ suis Decessoribus infederat, eosdem nec latum decessisse unguem ostendi; unde, ut ad ea, quæ ex SS. Patribus, Scriptoribusque Ecclesiasticis objecta sunt, diluenda properet oratio mea, jam præstat.

Atque principio quod ad SS. Cyprianum, & Firmilianum pertinet, congregatasque sub ipsis qua in Africa, qua in Asia Synodos, siquidem Gratiâ a Characterè, & a conditione Ministri efficaciam Sacramenti distinguere nescientes, eo ipso quo Baptismum ab Hæreticis collatum, non secus Ordinationes ab eisdem celebratas nullo loco habuerunt; ideoque ab eorum opinione, siue qua Baptismum iterandum, siue qua instaurandas Ordinationes respicit, tanquam ab Ecclesia reprobata, recedere nobis religio est. Quamquam ea tunc temporis pro opinione, quam ad puræ disciplinæ caput pertinere ipsi putabant, stantibus, pugnantibusque absit, ut hæresis dicam conscribere audeamus. At enim ab utroque S. Cypriani errore longe absuit S. Cæcilianus, nec Dupinio assensio consensit Cæcilianum bono pacis hanc ultro conditionem, ut iterum a Donatistis ordinaretur, Numidis obtulisse. Quorsum enim conjecturis ejusmodi, quæ demum gravem in Cæciliano injuriam cedunt, indulgeam, qui tam integræ agendi rationis a Cæciliano retentæ, quam recti ab ipso prolati dicti egregios habeo assertores, & vindices SS. Optatum, & Augustinum? Atque illum quidem lib. I. n. 19, ubi Cæcilianum conditionate lo-

quutam

quod refert: *A Cæciliano, inquit, mandatum est, ut si Felix in se, sicut illi arbitrabantur, nihil contulisset, ipsi tanquam adhuc Diaconum ordinarent Cæcilianum. Qui alioquin optime sciebat futurum nunquam, ut Donatistæ Ordinis Characterem a Felice in se collatum non fuisse demonstrare possent. Istum quoque in Brevic. Collat. diei 3. cap. 16. n. 29, ubi Cæcilianum ironice loco in objectione laudato essatum affirmat: Dixerunt, inquit de Donatistis, scripsisse Optatum (a quo paullo aliter scriptum mox indicabam) quod Cæcilianus dixerit: Si traditores sunt, qui me ordinaverunt, ipsi veniant, & ordinent me. Quod quidem, si dictum est, ideo dici potest, ad illos irridendos, quibus hoc mandasse perhibetur: quoniam certus erat Ordinatos suos non esse traditores. S. Augustino vero parem in sententia de Baptismo, & Ordine valide, etsi illicite ab Hæreticis, & Schismaticis collato. Optatum stetit paullo superius ostendi, qui perinde invite non nisi, & injuria partem in adversam pertrahitur. Siquidem eo sensu apud Hæreticos non *Legalia*, sed *Falsa* dumtaxat esse Baptismata dixit, sive quod illi fide destituti essent ad consequendum Baptismi effectum necessaria; sive quod Baptismus apud illos effectui destitutus, apud Catholicos legalis, verusque esset, idest Gratiâ efficeret, quam significabat, unde non fuisse, cur Donatistæ æque a Catholicis, a quibus sua alioqui Sacramenta hauserant, atque ab Hæreticis Sacrorum consortio se segregaverint. Nam explicitissime cæteroque Baptismum in Trinitatis nomine a quocunque collatum a S. Optato validum, ratumque fuisse habitum liquet ex lib. 1. pag. 6, ac lib. 5. pag. 80, & 83. Quo perinde loco ab ipso habitas Ordinationes etiam ab Hæreticis celebratas paritatis ratio demonstrat. At S. Basilium vicissim parum sibi co-hæsisse, ut qui aliam de Rebaptizatione, aliamque de Reordinatione opinionem gessit, haud ego difficilis fatear: qui tamen fieri nunquam cogar, ut eodem, quo collatus ab Hæreticis Baptismus ab eo habitus est, celebratas ab Hæreticis Ordinationes collocaverit. In Epistola ergo ad Amphil. loquitur S. Doctor de potestatis usu, quem baptizandi, & ordinandi Hæreticis, & Schismaticis adimit, non de Ordinis potestate, quam a Characterè indivisam in eadem epist., non secus atque in epistolis ad Nico-*

polit., ad Suffrag., & Theodorum agnovit. Quo sensu Schismaticos ad *Zaicum* detrusos statum, & Hæreticos a *Sacerdotum* numero exclusos dixit, non quod Ordinis Charactere non insigniti essent, sed quod ab Ordinum exercitio essent interdicti. A S. Genadio Constantinopolit. Patriarcha in Encyclica e Synodo Constantinopoli an. 459. e Lambecio lib. 8. pag. 421, Baluzio pag. 1452, & seq., & Lennclavio pag. 187. descripta ab Harduino tom. 2. pag. 782, subscripraque ab Episcopis 80. Simoniace ordinati *Ab omni Sacerdotali dignitate, & Ministerio* alieni denuntiati certe sunt, at eorum Ordinatione nequaquam invalida habita est. Quare par urget ratio, ut de ordinatis apud hæreticos loquens in epist. ad Martyrium Antioch., dum ait ad eum gradum *Χειροτονῶσαι*, in quo prius erant, non de Ordinatione, sed de reintegratione ad pristinum Ordinem accipiatur. Quæ optima pariter interpretandi Isaacum Catholicum ratio subit, ut dum Armenos Ordinationem non habere, sed a Sacerdotio alienos esse denuntiat, non de Sacerdotali Ordine, & Charactere dictum accipiatur, sed de illicita Ordinationum usurpatione, illicitoque Sacerdotii exercitio. Cæterum enim Armenis (ut de Apocryphis fœderis tabulis Constantinum Imp. inter, & Tiridatem Armeniæ Regem, ac S. Silvestrum P. M. inter, & S. Gregorium Illuminatorem, cui a Pontifice collata Patriarchalis dignitas cum potestate Episcopos ordinandi fertur apud Galanum Conciliat. Eccl. Armen. cum Rom. tom. 1. cap. 2. pag. 31. nihil referam) quoties de unionis negotio cum eis actum est, nusquam a Romanis Pontificibus de Ordinationum validitate factum negotium legitur, præsertim a Benedicto XII. & Clemente VI. in libello 117. Errorum pro emendatione ad ipsos misso apud Raynaldum ad an. 1341. nu. 48, & seqq., Martenium vet. Monum. tom. 7. pag. 320, & Mansium Suppl. tom. 3. pag. 446, & seqq., a S. Gregorio VII. lib. 8. epist. 1. ad Archiep. Synnadensem, & Eugenio IV. in Concilio Florentino. Alioqui vero Armeni, & quidem Archiepiscopi 6, Episcopi vero 22. in Synodo an. 1344, vel inseq. ad singula errorum sibi objectorum capita respondentibus in respons. ad Articulos 72, & 73. ab errore cum Re baptismationis, tum Reordinationis abesse se quammaxime, abhorrereque fateri, & profiteri

terti religioni duxerunt. Quamquam autem recentiores apud Græcos, & Moschos cum Schismate, Hæresibusque aliis deterrimum de Charactere Baptismi, Confirmationis, & Ordinationis haud indelebilis errorem pervasisse non diffitear, ideoque illos sacrilege ab istis tribus iterandis Sacramentis haud abstinere, inde tamen, quod a Græcis, & Moschis Presbyteri secundo nubentes ad Laicorum conditionem dejicerentur, & Laicæ dumtaxat Communioni adjicerentur, haud recte infert Crozeus a Græcis, & Moschis indelebilem Sacerdotio Characterem haud tribui: siquidem Romanæ ipsi solemne esset Ecclesiæ Presbyteris, in quibus tamen indelebilem Ordinis Characterem jugiter agnovit, dignitate abdicatis locum inter Laicos, & Laicam dumtaxat Communionem indulgere: qua de disciplina diserte loquuntur SS. Cyprianus in epist. 72. ad S. Stephanum, Cornelius in epist. ad Fabium Antioch. apud Eusebium lib. 6. cap. 33, Siricius, sive Innocentius I. in Canonibus ad Gallos Episcop. cap. 6, Innocentius in epist. 22. edit. Concil. cap. 4, Felix III. in epist. 9. edit. Hard. cap. 2, Synodi Sardicensis an. 347. Can. 2, Regiensis an. 439. Can. 3, Agathensis an. 506, Can. 2, & 5, & Aurelianus III. an. 538. Can. 6, & 19, ac conferendi Lupus ad cit. Sardic. Can., & Franciscus de Berlendis de Oblationibus ad Altare §. 3. n. 7, & 8. Quid porro sit, atque significet illicite ordinatos *Manuum impositione confirmare* apud veteres Scriptores Ecclesiasticos jam sæpius exposui. Quo recto proinde sensu accipi debent sive Theodorus Cantuar., dum ordinatos a Britonibus, & Scotisque a Catholico Episcopo manuum impositione confirmari imperavit, de Benedictione nempe Cæremoniali, sive iterata sacrarum Vestium, & Instrumentorum traditione, qua ii suis restituebantur gradibus; sive V. Beda, dum lib. 4. hist. Angl. capp. 2, & 3. loquens de S. Ceadda a Wina Episcopo Wintoniensi in Episcopum Eboracensem, S. Wilfrido adhuc in vivis agente, qui eidem antea fuerat Ecclesiæ præfectus, inaugurato, atque ideo quod non fuisset *Rite consecratus*, a Theodoro Cantuar. triennio post a Sede Eboracensi remoto, subjungit, quod visa Ceaddæ humilitate, qua libenter loco cedebat, Theodorus *Ordinationem ejus denno Catholica ratione consumavit*, eumque vacanti,

canti, Jarumanni obitu, Lichfeldienſi Eccleſiæ admovit, nempe non de nova Episcopali Conſecratione, ſed de Cæremoniali reconciliatione, qua ille dignitati reſtituebatur, alterique adjucebatur Eccleſiæ. Non moror autem, quæ ab Aſtardo Nannet., & Hincmaro Remen. perperam facta ſunt: ea ſiquidem inſiciatum S. Nicolaum I., & pro inſectis habuiſſe ſcitum eſt, & conſtans. Ut durius vero, minusque caute loquuti videri poſſint S. Anſelmus Lucenſis, quin etiam S. Petrus Damiani, quæ tamen poſterioris hujus intima, germanaque fuerit opinio, paullo ſuperius pluribus in apriſco poſita eſt, atque quidem apertiſſima ſit tum ex Opuſc. 6, quod eſt epiſtola 16. ad Henricum Raven., cap. 30, ubi *Aliud eſt*, inquit, *quamlibet per Synodalem ſententiam in amiſſi Ordinis jura reſtitui; aliud per Conſecrationis myſterium, quod iterari non poteſt, Spiritus S. gratiam promereri: præſertim quum in eo, qui deponitur, quamquam dignitatis utendæ perdat extrinſecus privilegium, maneat tamen nihilominus ſemel adepti Ordinis Sacramentum:* quam ſuam deinde de Simoniacis valide ordinatis ſententiam Clementis II, & S. Leonis IX. decretis confirmat; tum ex Epiſtola ad Hildebrandum, qua Mediolanenſis ſibi, & S. Anſelmo a Nicolao II. demandatæ legationis acta exponens, nova abſque Ordinatione Simoniacos, & Incontinentes Clericos, ideo Excommunicacione innodatos, ſuis cum Ordinibus ab ſe ſuſceptos refert: ex qua poſterioris quoque illius, S. Anſelmi Lucenſis id eſt, qui ejuſdem legationis individuus fuerat comes, explicitiſſima evadit opinio. Dandum quoque, ſiqui alii, uti Goſfridus Vindoc., uti Bernardus Conſtat., uti Laurentius Viridun., zelo ferventiori adverſus Schiſmaticos, ac Simoniacos, quorum ea ſub ætate ſupra modum exundabat colluvies, abiepti, in extremam aliquando partem inſecti viſi ſunt, a quibus proinde quiſque prudens ſibi diſcedendum facile, opinor, ex multis, quæ dicta ſunt, eſſe dignoſcet, diſcetque. Quamquam mea quidem ſententia de illis tam juſte, quam optime merebitur, qui bonam illos, ut licet, in partem benigne interpretetur. Certe S. Hildebertus Cenom. in epiſt. 14. de Diacono Simoniace ordinato agens: *Ordinem*, inſit, *dum emit, non accepit*, Quod effectum mox temperans: *Fortaſſe*, ſubjungit, *non accepit*. Ita nempe

pe de Ordinationis illius validitate addubitat : sed deinde de Presbytero etiam Simoniaci ordinato loquens , dubitatione omni postposita, absolute pronuntiat : *Reveramale accepit*. Quo tamen benigno interpretationis officio, non indiget Rupertus Tuitiensis , qui loco objecto ex lib. 12. in Matth. explicite loquitur de Sacramentorum non validitate quidem , sed virtute , sive effectu : *Sacramentorum*, inquit, *Minister, quandiu in Communionem Universitatis manet, quicquid administrat, ratum est : ubi autem a legitimo iudicio denunciatum fuerit, præcisum illum esse, vel damnatum, quidquid deinceps operari videtur, speciem quidem pietatis habere potest, sed virtutem ejus habere non potest*. Ex quibus qui a Ruperto indignis Ministris Sacramenta valide conficiendi abjudicatam potestatem arbitratur , nã is vehementer decipitur, Doctoremque illum eximium in Hussitarum errorem invium detrudit. Neque indigere Gratianum ex Cn. 97. *Quod quidam* 1. Q. 1. planum feci : quamvis ipsum sibi met aliquando haud constituisse non inficiar. Neque indigere Petrum Lombardum exinde suadetur, quod scienter a Simoniacis ordinatos distinguens ab iis, qui a Simoniacis ordinati fuissent ignoranter, dum horum Ordinationem sustineri, illorum vero irritam esse docet, haud obscure indicat Ecclesiæ decreto a Simoniacis scienter ordinatos ab Ordinum exercitio suspensos esse, non etiam ita ordinatos ignoranter. Neque indigere Alexandrum Alens. ex eo sit evidens, quod ex falsa suppositione, qua nempe in Ordine Sacerdotali Characterem imprimi, non etiam in Episcopali existimabat, ipsius opinio processit, juxta quam a Sacerdote potestatis usum, non potestatem auferri posse, ab Episcopo vero tam potestatem, quam usum potestatis consequenter opinatus est. Quam juxta opinionem perinde recte Scotus ab Episcopo deposito Ordines haud valide conferri respondit. Neque indigere Guillelmum Paris. ipsemet declarat de Sacr. Ordin. cap. 7. docens Suspensionem, & Excommunicationem Officium, sive Ordinem haud auferri ; sed ejus dumtaxat executionem inhiberi. Siqui denique sunt alii, sicuti Jo: Semeca, Bartholomæus Brix., Raynerius, Guillelmus Rubion, Atestanus &c., quos benigne sic interpretari non liceat, benigna, per me licebit, interpretario denegetur, dum illis

illis ego interea de Schola Theologos quotquot, uno vel altero dempto, qui quinquentis abhinc annis longe præ ipsis doctrina, auctoritateque præstarunt, quorumque præstantiores indicavi, prome stantes opposuisse satius habebō. Atque hacce de quæstione hætenus, in qua si forte longius, quam par fuisset, pervagara oratio est, veniam facile, opinor, a stugi viro, liberalique ipsa rei gravitas impetrabit.

In lineam ut redeam, quandoquidem eò sermo meus evasit, ut juxta temporis ordinem incideret in S. Zosimum, cui sane vitio dupliciter vertitur, neque ab heterodoxis dumtaxat, quod haud doleo, sed vel ab his, qui inter Catholicos bene audiunt, velut a Bosuetio defens. decl. par. 2. lib. 14. cap. 36, quo dolore ex animo afficior, vitio, inquam, vertitur, siue quod Cælestii erroribus patrocinator fuerit, siue quod ab hæretico, verspellique homine sucum sibi fieri passus sit; ut proinde Cælestii, Pelagiique sublestam fidem ipsi placuisse, fuisseque probatam affirmare præfidenter haud dubitent, quam præpostere, tam perperam, atrocemque pet calumniam totum id S. Zosimo affingi, cumque ab omni prorsus impæcti erroris labe abstergere operæ pretium esset. Quoniam vero paucis quidem, sed quantum opus erat, provinciam hanc explevi, Parte hac 2. Tom. 3. Artic. 5. §. 1. pag. 435, & seqq., præstat ad eos transgredi errores, qui temere S. Sixto III. affingi solent. Atque quidem illum, antequam Pontificatum adipisceretur, dum adhuc Presbyterum ageret, Pelagianis immersum erroribus libros ttes his erroribus repletos *de Divitiis*; *de malis Doctoribus*, *Operibus fidei*, & *futuro Judicio*; *ac de Castitate* (quem postremum S. Sixto II. pari falsitate tribuunt Turrianus, & Latinus Latinus Bibl. Sacro-ptosan. pag. 78,) a Jacobo Solanio sub ejusdem Sixti III. nomine ptimum in lucem an. 1573. productos, ac in tom. 7. Bibl. PP. repetitos, elucubrassē contendit Garnerius tom. 1. in Marium Mercat. pag. 362, & seq.; eundem tamen annum post 318. meliora a S. Augustino edoctum Hypognosticon, siue Subnotationum libros inter S. Augustini opera obvios composuisse affirmans in disert. 6. de Scriptis advers. Pelag. hætesim. Age vero, qui fieri demum potuit, ut vir doctiss. ingenio in transversum actus tam atrocem Pontifici opti-

optimo, fideique integerrimæ calumniam affingeret? Videlicet S. Augustini verbis in epist. 191, & 194. innixus S. Sixtum Pelagianis favisse, suumque illis patrocinium aliquando impendisse pro certo ponit, indeque præfatos ab eo compositos libros conficit. At enim, quænam est ista, quæso, argumentandi ratio Pelagianæ hæreseos cumulatissimos libros inferre ab eo compositos, qui aliquando Pelagianis favore non defuerit, quasi hæresim sit ebibere hæreticos ab se non abigere? At enim quam in falso pedem Garnerius posuerit facile demonstratu evadit. Principio namque eo loci S. Augustinus Pelagianis favisse S. Sixtum non scripsit, sed quod *Fama jaçaret Inimicis Christiana gratiæ favere*. Ex fama vero sic ferente Garnerio ne fas erat inferre illum Pelagianis revera favisse, & Pelagiana quin hæresi infectum? Fama etiam deferente, de Nestorio favore impenso in suspicionem aliquibus idem Sixtus venerat. Ergo ne propterea Nestorio illum revera favisse, ac Nestoriana fuisse labe inquinatum licebit inferre? Sed enim S. Augustinus in duabus epistolis 191, & 194. ad eundem Pontificem hæresim Pelagianam exponens, ac Pelagii argumenta omnia diluens, de singulari Pelagiano errore, qui legebatur in libro *de Divitiis*, videlicet, *Divitem manentem in Divitiis suis in Regnum Dei non posse ingredi*, quem alioquin errorem in epist. 157. ad Hilarium exagitat, & refellit, apud Sixtum alte silet: quod indicium est sane neque errorem illum Sixto inhæsisse, neque librum illum *de Divitiis* Sixtum habuisse auctorem. Sed & idem S. Doctor auctorem se locupletem exhibet a S. Sixto Pelagianis anathema palam inflatum fuisse, egregiumque, ut par erat, decebatque Pontificem M., Divinæ gratiæ defensorem adversus illos, ac vindicem se præstitisse. Sed etiam S. Prosper hanc procul a S. Sixto maculam, suspicionemque depulit tam in libro advers. Collat. cap. 21. certe futurum sperans, ut S. Sixtus in suorum Decessorum ingressus vestigia Pelagianis exterminandis sedulus incumberet: *Confidimus Domini protectione præstandum, ut quod operatus est in Innocentio, Zosimo, Bonifacio, & Celestino, operetur in Sixto; & in custodia Dominici Gregis hæc sit pars gloria huic reservata Pastori, ut sicut illi Lupos abegere manifestos, ita hic depellat occultos*; quam in

Chron. ad an. 439. eundem S. Sixtum vigilantia inclaruiffe ad-
 versus Julianum Eclanensem referens, ab eoque hæreticum verfi-
 pellem communione ab Ecclesiastica, quam appetebat, fuisse di-
 ftrictè repulfum. Sed & Solanius etfi una motus Exemplaris fui
 auctoritate tres libros illos Sixto tribuerit, faffus est tamen titu-
 lum Exemplari præfixum recentioris effe manus, infuper non
 Sixti III. Papæ, fed Sixti Papæ, & Mart. nomen eo in titulo præ-
 ferri, ac denique neque Sixto Papæ, & Mart., utpote cujus æta-
 te posteriores eos effe exploratum eff, tres illos libros haud con-
 gruere. Vidit ne hæc Garnerius! Atque fi quidem vidit, cur diffi-
 mulavit, finiftramque nihilofecius de S. Sixto III. induere fufpicio-
 nem non deftitit? Poftremo, quod ad Hypognofticon refpicit
 apud S. Auguftinum tom. 10. in Append., fruftra laborat Garne-
 rius, ut libros hofce pariter S. Sixto adftruat, cenfura fi quidem
 libris illis in nov. S. Auguftini edit. a doctifs. Benediétinis præ-
 fixa eos ad Marium Mercat. potius, quem ad S. Sixtum III. perti-
 nere demonftrat; neque magis ab ipfo fuisse S. Auguftino elabo-
 ratos, ut olim fuerat Hincmaro Rem. in epift. ad Amolonem de
 cauffa Gotteshalchi perfuafum, quam jamdiu refutarunt Remi-
 gius Lugd., & Prudentius Tricaffinus. Confer ad hæc, qui late
 argumentum iftud exagitant, Baronium ad an. 440. n. 6, & feqq.,
 in ea opinione verfatum, quod ficu ti Sixti II. nomini ab Origeni-
 ftis fuppositus liber Sexti Pythagoræi fuerat, ita pari fraude fub
 venerabili Sixti III. nomine a Pelagianis tres libri illi fuerint ven-
 ditati; Lindanum apud ipfum Baronium, Bellarminum de Script.
 Eccl. tom. 7. p. 165; ac diferte contra Garnerium verfant, Nata-
 lem Alex. hift. Eccl. ad Sæculum V. cap. 3. art. 6. §. 6, Pagium ad
 an. 440. n. 3, Tillémontium Monum. tom. 14. pag. 266, & Cou-
 tantium in Notit. Scriptorum Sixti III. §. 2. pag. 1273; quibus
 junde Proſperum Mandofium in Bibl. Rom. Cent. 1. pag. 67, Lu-
 dov. Jacobum a S. Carolo in Bibl. Pontif. pag. 203, Oldoinum
 in Athen. Rom. pag. 615, & Oudinum tom. 1. pag. 1169; quin
 etiam ipfum met S. Sixtum III, qui prolata a deceflore fuo S. Zo-
 fimio in Pelagianos damnationis fententiæ adquiefcere fatius ne-
 dum habuit, fed Populo coram adverſus Pelagianos ipſos diferte
 anathema pronuntiavit, atque obnixas Pelagianæ excindendæ hære-

hæresis a Zosimo indutas curas egregie adjuvit, ut ex S. Augu-
stino in præcit. epist. 191, & 194. augurari fas est, nunquam ta-
men injectam de se Pelagianismi famam expurgare, librosque
Pelagiana hæresi asperfos suppressere cogitavit. Quemadmodum
vero S. Sixtus III. a Pelagianis suas in partes invitatus pertractus
fuit, sic eum pariter a Nestorianis, quod suis faveret dogmatibus,
apud Plebem fuisse traductum exputare pronum est. Atqui Pon-
tificis fidem hac etiam in parte a Nestorianismi suspicione pror-
sus abstergere religioni, officioque habuit S. Cyrillus Alex. in
epist. ad Acacium Meliten. apud Labbeum tom. 3. pag. 1129: *Si-
qui epistolam, inquit, tanquam a Philippo Rom. Ecclesiæ Pres-
bytero scriptam attulerint, perinde sonantem, ac si Sanctiss. Epis-
pus Sixtus depositionem Nestorii moleste acceperit, eique opem tu-
lerit, ne credat hoc Sanctitas tua. Scripsit enim consona S. Synodo
(Ephesinæ) omniaque illius gesta confirmavit, ac nobiscum sen-
sit.* Cujusce quidem rei liquidi testes, locupletesque accedunt
eiusdem Sixti epistolæ ad S. Cyrillum, & Johannem Antioch.,
quibus etsi in damnandis hæreticis nihil agi præpropere vellet,
sed omnia prius experiri patienter, animum tamen Nestorianæ hæ-
resi insensissimum apertissime præfert. Integerrimæ præterea fidei
S. Sixti III. adversus Nestorium illustre documentum inspicere
licet in Musæis ab ipso Basilicæ Liberianæ positis, in quibus Sy-
nodi Ephesinæ non solum memoria exhibetur, sed potiora etiam
utriusque Testamenti testimonia ad Catholici dogmatis contra
Nestorium confirmationem exprimuntur, de quibus legenda elo-
gantissima dissertatio 2. viri Doctiss. Francisci Blanchinii Ana-
stasii tom. 3. pag. 123, & seqq. De Actis porro purificationis ejus-
dem Sixti III, quæ ex figlinis prodiisse nemo prudens jam dubi-
tat, atque dubitationi supponere veriti ipsimet sunt Dupinius
Bibl. Eccl. tom. 3. par. 2, Blondellus de epist. Pontif., Sudorius
in hist. Eccl., & Imp. ad an. 435, Basnagius in Annal. Polit. Eccl.
ad an. 433, & seqq., ac Franciscus Bruys hist. Pontif. tom. 1. pag.
215, recolenda, si placet, quæ luculenter tradidi hac Part. 2.
Tom. 3. Art. 3. §. 2. pag. 228, & seqq., ejusque occasione, quæ
pari de causa S. Damasi, S. Bonifacii I, S. Symmachi, Leonis
III, Johannis XII, Benedicti V, Gregorii VI, Benedicti IX, Ale-

xandri II, S. Gregorii VII, Paschalis II, Alexandri III, & Julii II. congeſta ſunt, & digeſta, quibus recoquendis non eſt, cur opera ludatur inaniter, teraturque inutiliter tempus.

Itaque gradum hinc faciendo ad S. Leonem re, nomineque Magnum, ſub quo primum viſum Romana in Eccleſia Antichriſtum ore proferre blaſphemo haud veritus Juriæus Cl. Boſſuetio in admon. 3. ad Proteſt. juſtiſſimas impudentiæ pœnas dedit, ab eo ſuis met adeo valide tranſoſſus telis, ut hiſcendi deinceps illi locus ademptus fuerit, velut etiam faſſus eſt Bruejus pag. 242, utque dicere prætermittam de Antelmii viri alioqui doctiſſi. reprehensione digna inconsideratione, qua S. Leoni calamum in epistolis conſcribendis accommodaſſe ſuum S. Proſperum ſcripſit, quomodo haudleuem, quæ S. Pontifici ex doctrinæ, eruditioniſque copia adhæſit, laudis partem detraxiſſe videtur, præ quo proinde optime de S. Leone meritis eſt Dupinius in nov. Bibl. Aucſ. Eccleſ. tom. 3. par. 2. pag. 285, & ſeq. Epistolæ illas non alterum, quam S. Leonem, cujus nomine inſcribuntur, habere parentem affirmans; ut nihil dicam de fictis, reſcriptisque a Beaufobrio, & Bruejo in S. Pontificem querelis, ſive quod Manichæorum flagitia præter modum amplificaverit, ſive quod in perſequendis cum illis quæ Pelagianis, qua Præſcillianis modum exceſſerit, ſiquidem obſectatoribus hiſce duriffimum jam os obſtruxit Cl. Petrus Thomas Cacciari in hiſt. earum hæref. ſuæ Oper. S. Leonis edit. præmiſſa; utque audaciam, temeritatemque nec tangam ſive Simonii, qua in hiſt. Chriſt. Orient. cap. 9, ubi probum in ſenſum propoſitiones Eutychetis inſecti facile potuiſſe affirmare haud dubitans, præcipitis ita agendi rationis S. Leonem inſimulat, quaſi intiam Eutychetis attingere ſententiam non valuerit; ſive Queſnelli, qua in Not. ad epiſt. 1. ad Episcopos Mauritanix ſcribere haud veritus eſt S. Leonem ingenio ſolenter incubuiſſe omni temporis opportunitati captandæ, quo Sedis ſuæ jura amplificaret, extraque fines efferret: quorum prior ille vel ex hiſ, quæ habet Queſnellus ipſe de cauſa Eutychiana in diſſert. 1. de S. Leonis rebus geſtis abunde reſellitur, poſterior vero iſte pro meritis caſtigatur a Duum viris doctiſſis, quos præ aliis honoris gratia nominatos heic volui, Balleriniis Fratribus in Obſervat. ad par. 1. diſſert.

disert. 5. Apolog. pro S. Hilatio Arelat. tom. 2. cap. 3. & seqq. pag. 915. & seqq. his, inquam præteritis, circa duo, in quibus majus inesse pondus videtur, sermonem sisto, atque unum quidem eluendum, alterum vero breviter enucleandum mihi propono. Primo igitur circa doctrinam Catholicam de morte Christi pro omnibus Quesnello in disert. 2. de Auctore libror. de Vocat. Gent. n. 31. S. Leo aliquibus in locis, quorum tamen nullum indicat, visus est aliquid a S. Augustini doctrina alienum docere, quem proinde ut ad S. Doctoris concordiam adduceret, Caput 19: ex libro S. Remigii Lugdun. de tribus Epistolis adversus Jo: Scotum Erigenam profert in medium, ex quo nempe penitior S. Leonis sensus attingi possit. Sed enim mirari satis non subit subtilissimam hominis fidem, qua veluti per cuniculos Catholicam de Christi morte doctrinam impetere, germanamque S. Pontificis hocce de dogmate sententiam perturbare molitur. Enim vero S. Augustini doctrina est Christum D. orasse pro omnibus, ita Serm. 273. n. 2: *Neminem singulorum præterit, qui orat pro universis.* Christum pro Interfectores suis signatim orasse, ita Tract. 31. in Johan. n. 9: *Non debebant desperare, pro quibus in Cruce pendens Dominus est dignatus orare &c. Illis jam petebat veniam, a quibus adhuc accipiebat injuriam.* Christum pro iisdem suis Interfectores sanguinem fudisse, ita de Symb. lib. 2. cap. 8: *Inimicis suis vulnera sua demonstraturus est &c. Agnoscitis latus, quod pupugistis, quoniam, & per vos, & propter vos apertum est; nec tamen intrare voluistis.* Christum ipso pro Juda mortem oppetiisse, ita in Psal. 68. enar. 2. n. 11: *Projecit pretium argenti, quo ab illo Dominus venditus erat, nec agnovit pretium, quo ipse a Domino redemptus erat.* Christum denique pro omnibus indiscriminatim mortuum fuisse, ita in Psal. 95. n. 15: *Totum (Mundum) judicare habet, quia pro toto pretium dedit;* in Psal. 129. n. 3. *Pretium tantum redemit omnes Captivos;* & lib. 20. de Civit. cap. 6: *Pro omnibus mortuis vidus mortuus est unus.* Ex quibus proinde quum S. Doctor de Conjug. adult. lib. 1. num. 16. ait: *Sicut omnis, qui Christi Sanguine redemptus est, homo est, non tamen omnis, qui homo est, etiam Sanguine Christi redemptus est, ita &c.*, & quum in epist. 269. n. 4. scribit: *Non peris*
unus;

*unus ex illis, pro quibus (Christus) mortuus est, cum loquutum de mortis Christi fructu, seu Redemptionis effectu nemo probe non percipit, prout ipsemet se se explicat in Serm. 345. num. 4: Sanguis, inquit, Domini tui, si vis, datus est pro te, si nolueris, non est datus pro te &c. Semel dedit, & pro omnibus dedit. Volenti est salus, nolenti supplicium; prout ipsum approbe exponit quoque S. Prosper in resp. 9. ad Capit. Gallor. Quum itaque, ajens, rectissime dicatur Salvator pro totius Mundi redemptione Crucifixus &c. potest tamen dici pro his tantum Crucifixus, quibus mors ipsius profuit; ac prout ipsum perinde interpretatus est recte S. Thomas in Johan. cap. 17. lect. 2. Dicendum, inquit, quod Christus, quantum est de se, pro omnibus oravit, quia oratio sua, quantum est de se, efficax est, ut valeat toti Mundo: sed tamen non in omnibus sortitur effectum, nisi in Sanctis, & Electis Dei, propter impedimentum mundanum. Germana haec S. Augustini doctrina, de qua luculenter Cl. Massejus in hist. Theolog. lib. 3. cap. 2, lib. 14. cap. 5, & lib. 15. cap. 7. Atqui ab hac plane latum neque unguem abluisse S. Leonem M. ab eodem doctiss. Viro lib. 16. cap. 5, & a biga Fratrum hoc de argumento optime pariter meritorum, Balleriniis nempe in observat. ad dissert. 2. Quesnelli n. 16, & seq. demonstratum est. Scilicet in Serm. 1. de Nativ. edit. Baller. cap. 1. de Christi D. adventu loquens S. Leo: Sicut nullum, inquit, a reatu liberum reperit, ita liberandis omnibus venit, ita nempe inter reprobos nullum ab intentione Christi Redemptoris exceptum tradit. In Serm. 1. de Pass. cap. 4. de S. Petro ejus captioni se se opponente verba faciens: Contra Sacramentum, ait, erat Redemptionis nostrae, ut qui mori pro omnibus venerat, capi nollet. Cap. 5. neque, Judas quominus Redemptionis particeps fieret, per ipsum stetisse subjungens: Quod remedium nec te, Juda, transiret, si ad eam poenitentiam confu- gisses, qua te revocaret ad Christum. In Serm. 3. cap. 3. de eodem Juda verba retexens: Expectasses, subdit, donec Sanguis Christi pro omnibus peccatoribus funderetur, informis leti suspendium disu- lisses. In Serm. 4. cap. 1. in eandem se se exprimens sententiam: Passio Christi, inquit, salutis nostrae continet Sacramentum, & de instrumento, quod iniquitas Judaeorum paravit ad poenam, po-
tentia*

sentia Redemptoris gradum nobis fecit ad gloriam: quam Dominus Iesus ita ad omnium hominum suscepit salutem, ut inter Clavos, quibus ligno tenebatur affixus, pro Intersectoribus suis Paterna clementia supplicaret &c. In Serm. 8. cap. 1. de Christo ultro citroque volente, capi se passo, & trahi loqui instituens: *Occupant, inquit, paratum teneri, & trahunt volentem trahi: qui si vellet obniti, nihil quidem in injuriam ejus impia manus possent, sed Mundi redemptio tardaretur, & nullum salvaret illatus, qui pro omnium salute erat moriturus.* Et cap. 8. prolato in medium S. Pauli, ad Timoth. 1. vers. 15. loco hunc apponit epiphonema: *Hinc mirabilior est erga nos misericordia Dei, quod non pro Justis, neque pro Sanctis, sed pro iniquis, & impiis Christus est mortuus.* In Serm. 15. cap. 3. de mirabilibus Christi mortis effectibus differens hunc inter alios quam insignem, tam universalem recenset hisce verbis: *Nulli infirmorum Crucis est negata victoria; nec quisquam est, cui non Christi auxilietur oratio.* Mitto horum simillima pleraque in Serm. 11. cap. 4, in Serm. 12. cap. 5, in Serm. 16. cap. 3, in Serm. 18. cap. 4, alibique sæpe, ne sim prolixior. Quæso nunc vero, quid in his non approbe S. Augustini doctrinæ conforme? Quid in his obscuritatis vel leve indicium latet, quo permotus Quæsnellus lucem ex S. Remigii libro adsciscere satageret, ex libro, inquam, tot undique ambagibus obfito, atque in æquivocum adeo facile intorquendo sensum, ut in sensum reapse pravum, & quintæ Jansenii propositioni faventem a Jansenistis passim intorqueri pleraque exinde decerpta loca soleant? Quamquam alioqui quæ S. Leonis M. testimonia eo in libro S. Remigius de solis Electis, qui revera a Christo redempti fuerunt, explicat, de Redemptione profecto, & oratione Christi, quo ad efficaciam, sive voluntatē spectata absoluta, & efficaci, non vero quo ad sufficientiam Redemptionis omnibus præparatæ, & exhibitæ, sive voluntate antecedenti spectata, accipienda fore prælaudato loco Ballerinii demonstrant. Quorsum igitur permiscere ista, & explicatissima S. Leonis loca ambiguis, obscurisque S. Remigii glossematibus perturbare magis, quam explanare Quæsnellus instituit, quam ut, si mea non me fallit opinio, quintæ Jansenianæ propositioni affines propositiones 30.

& 32. suas, Clementina deinde *Constitutione Unigenitus* confixas, statuminaret ? Sed de his satis.

Quod secundo enucleandum loco mihi propositum est, locus est unus, vel alter ejusdem S. Leonis M. in e pist. 167. edit. Baller. ad Rusticum Narbon. cap. 4. apud Gratianum Can. 12. *Non omnis 32. Q. 2.* in quo sic habetur : *Non omnis Mulier juncta Vi- ro Uxor est Viri, quia nec omnis filius heres est Patris. Nuptia- rum autem fœdera inter ingenuos sunt legitima, & inter aequales, multo prius hoc ipsum Domino constituyente, quam initium Roma- ni juris existeret. Itaque aliud est Uxor, aliud Concubina; sicut aliud Ancilla, aliud Libera. Quibus veluti pro fundamento sta- tentis, ad inquisitionem Rustici, a quo interrogatus fuerat de Presbytero, vel Diacono, qui filiam suam virginem illi viro in conjugium dederat, qui jam habebat conjunctam Mulierem, ex qua etiam filios susceperat, respondens ita subjungit: Igitur Cle- ricus, si filiam suam viro habenti Concubinam in Matrimonium dederit, non ita accipiendum est, quasi eam Coniugato dederit: nisi forte illa Mulier & ingenua facta, & dotata legitime, & publicis Nuptiis honestata videatur. Cap. 5. ejusdem inquisitioni de Puel- lis, quæ viris Concubinas habentibus nupsissent, satisfaciens in hæc verba rescribit: Paterno arbitrio Viris junctæ carent culpa; si Mulieres, quæ a viris habebantur, in Matrimonio non fuerunt. Et Cap. 6, quod in Codicibus nonnullis capiti antecedenti conjun- gitur, interrogationi de his, qui Mulieres, ex quibus filios ha- bebant, relinquunt, & Uxores accipiunt, hoc aptat responsum: Quia aliud est Nupta, aliud Concubina; Ancillam a toro abjicere, & Uxorem certæ ingenuitatis accipere non duplicatio Conjugii, sed profectus est honestatis. Quæ porro Capitibus hisce de Concubi- nis S. Pontifex habet, quin in malam, ut a Protestantibus, aliis- que pessimo erga Rom. Pontifices ingenio affectos, partem acci- pi possint, veluti fecit Hondorfus vir Lutheranus a Comite Gkei- chen impetratum a Pontifice, ut priore in vivis agente Uxore, alteram superinducere posset, commentus; atque Quesnellus in Not. ad hanc epist. suspicatus a S. Leone publicarum Nuptiarum conditionem requiri, ut valida sint Matrimonia: quam longe post attamen Matrimonia Clandestina rata, & valida Triden- tina*

rina Synodus habuerit, antequam ab Ecclesia irrita facta eadem fuissent, accurata locorum inter se collatio non finet. Inde enim constabit a S. Leone Concubinæ nomine accipi Ancillam, sive Pellicem, quam sibi Vir quidam ad individuum quidem vitæ societatem adsciverat, sed nexu plane solubili, sive ad sui arbitrium dimittendam. Deterrimum porro, qui apud Paganos invaluerat, ut præter Uxorem ingenuam, quæ ad verum, ratumque conjugium adscita fuisset, Pellex, sive Ancilla, sive Concubina ad individuum vitæ consuetudinem admitteretur, quæque Uxor *Gratuita*, & *Sodalitaria* dicebatur, atque pro libito abjiciebatur, L. 37. Municip., L. 13. Adult., de qua Heineccius in *Antiq. Rom.* append. ad lib. 1. §. 38, abusum in Christianos fluxisse datur intelligi ex L. 1. de *Natural. liberis* Cod. Theod., ex Marculfo lib. 2. de Formul. cap. 30, & Mabillonio tom. 4. *Analect.* Ad hujus itaque Concubinarum, quæ vere Pellices erant, genus S. Leonem respexisse, ideoque Clericis permisisse, ut filias suas nuptui tradere tam licite, quam legitime quirent Viris hujusmodi Concubinas habentibus, cum quibus nempe indissolubile conjugium haud initum fuerat, ex integra Capp. 4, 5, & 6. lectione haud obscure liquet. Exsecratione omni etiam dignas ejusmodi Concubinas ad tempus adhibitas duxere S. Augustinus de Bono conjug. cap. 14. relatus a Gratiano Can. 5. *Concubinæ* 32. Q. 2, & Egbertus Eborac. in suis Excerptiis. cap. 125. de *Concubinis*, eundem S. Augustinum laudans. Cæterum autem legitimum olim apud Hebræos non modo, sed & apud Christianos obtinuisse cum Concubinis conjugium, certum, & constans est, quæ in duplici tamen differentia erant positæ; nam aliæ quidem apud Hebræos legitimis Uxoribus & ipsæ legitime superinducebantur; apud Christianos vero legitimæ Uxoris loco etiam ipsæ legitime ducebantur, ut ex dicendis adparebit. Apud Hebræos igitur olim, quibus Polygamia erat permessa, duæ Uxorum species vigeant, utraque ipsarum legitima erat, & utriusque liberi quoque legitimi æstimabantur. Ex his ergo aliæ vocabantur Uxores præcipuæ, aliæ secundariæ, cujusmodi leguntur ante Legem Abrahami Genes. cap. 16. 1, & seqq., cap. 25. 1, & seq; Nachoris cap. 22. 24; Jacobi cap. 35. 22, & seqq.; Eliphazi cap. 36. 12: post Legem vero Cale-

bi 1. Paralip. cap. 2. 46; & 48, Manaſſis cap. 7. 14; Gedeonis Judic. cap. 8. 31; Davidis 2. Reg. cap. 15. 16; Salomonis 3. Reg. cap. 11. 3; & Roboami 2. Paral. cap. 1. 21. Differentia Uxores primarias inter, & Concubinas, ſive Uxores ſecundarias multiplex erat. 1. Ratione diſparitatis in regimine Familiæ: nam primariæ tamquam heræ Concubina tamquam ſerva deſerviebat, eratque inferior. 2. Ratione deſponſationis: nam Uxor præcipua ducebatur certis donis, ſolemnibus ſponſalibus, & cum inſtrumento dotali; Concubina vero abſque pignoribus contractus, ſine anuli ſubarratione, & abſque dotis ſcriptione, & aſſignatione. 3. Ratione Liberorum: nam Uxoris primariæ duntaxat Liberi paternorum heredes bonorum erant, ex quibus primogeniti duas accipiebant portiones; Concubinæ vero Liberi dono emittebantur, etſi aliquando ad hereditatem admiſſi legantur. 4. Ratione modi, ſive ritus deſpondendi, de quibus, aliisque ſuſe Elias Levites in Not. ad David Kimchi, David de Pomis in Zenach David, Johannes Pineda de reb. Salom. lib. 2. cap. 3, Druſius in Annot. ad Gen. 25. 1., Seldenius de Jure Nat., & Gent. lib. 5. cap. 7, & de Succesſ. in bona Deſuncti. cap. 3, Cattenburchius in Syntag. ſap. Moyſ. lib. 5. cap. 1. §. 22, & ſeqq., Goodvvinus in Antiq. Sacr. Codic. lib. 6. cap. 4, & Carpzovius in Annot. ad hunc locum pag. 626, & ſeq. Apud Romanos Uxorum, & Concubinarum differentia maximo in uſu pariter fuit, atque Concubinas (ut de ſuperinductis ſive ad explendam libidinem, ſive filiorum etiam procreandorum, quærendorumque gratia, de quibus paratam a Julio Imp. legem: *Ut quot, & quas vellent, ducere liceret*, memorat Suetonius in Julio cap. 46, pluribusque agit Briſſonius de Form. lib. 6. §. 122. nihil dicam) tum maxime ſibi jungere conſuevere, vel ubi prohibitum Lege eſſet certæ Mulierem conditionis in Uxorem ducere; vel ubi Liberi jam ex juſto Matrimonio exiſterent, quibus hereditatis portionem demere prohibitum eſſet. Itaque apud ipſos Uxoris, & Concubinæ differentia in eo conſiſtebat. 1. Quod Uxor de familiæ bonis, juribus, ac dignitate participaret, tamquam Mater familias, familiæque princeps; ſecus vero Concubina L. 1. de Ritib. Nupt. §. 1. 2. Quod Uxor non abſque dote, & nuptiali ſolemnitate ducebatur, L. 144. ff. de Verb. ſignif., L. 32. *Donationes*.

*iones ff. de Donat., secus vero Concubinæ. 3. Quod Uxoris Liberi familiæ juribus, bonis, & privilegiis gauderent, Concubinæ non etiam: qua de differentia fufe Briffonius de Formul. lib. 6. §. 123. edit. Lipf. 1754. pag. 518, Merillus Obfervat. lib. 3. cap. 15, Antonius Auguftinus de Emend. Gratiani lib. 1. Dialog. 15, Heineccius Antiq. Rom. in append. ad lib. 1. §. 40, Gothofredus ad L. 13. C. de Nupt., Grotius de Jur. Belli, & Pac. lib. 2. cap. 5. §. 19, & Coccejus in differt. præm. 12. lib. 3. cap. 4. feft. 6. Apud Chriftianos quoque Legibus tam Civilibus Novel. Juftin. 18, quam Canonicis licito, legitimoque ufu Concubinæ venerant, quæ veræ erant Uxores, ductæ tamen absque dote, folemnitateque absque Nuptiali, quæque rato etfi, indiffolubilique Conjugii vinculo adfociatæ, in Viri tamen jura, bonis, & privilegiis nec ipfæ, nec ex ipsis prognati Liberi admittebantur. Quo fenfu acceptæ sunt Concubinæ, quibus neque Baptifmum, neque Communionem denegandam decrevere Auctor Conftit. Apoftol. lib. 8. cap. 32, & Patres Concilii Toletani I. cap. 17, apud Gratianum Can. 4. *Is qui* diff. 34: quo plane modo pseudo-Clementem, Toletanosque Patres accepiffe leguntur Gratianus cit. diff., Correctores Romani ad cit. Can., Bellarminus de Concil. Auctor. lib. 2. cap. 8, Hurtadus Refolut. Moral. tom. 1. tract. 1. de abfolut. Sacram. cap. 6, Binius in Not. ad cit. Can. Tolet., Natalis Alex. hift. Ecclef. ad sæcul. I. differt. 29, Grotius de Jure Bel. & Pac. lib. 2. cap. 5. §. 15, Binghamus Origin. Ecclef. tom. 4. lib. 11. cap. 5. §. 11., & tom. 7. lib. 16. cap. 11. §. 5, & Coccejus ad cit. locum Grotii. Pertinet huc L. 3. Cod. de *Natural. Liberris*, qua Theodofius, & Valentinianus Concubinatum quemdam loco inæqualis Conjugii habent, quum nempe vir fibi Uxorem adfociat ea sub lege quidem, ut fibi, ac foli perpetuo cohabitaret, at non ut in Mariti familiam tranfeat, fortunarumque socia pariter fiat, velut explicat Coccejus in Addit. ad cit. §. 15. Pertinet & S. Ifidorus apud Gratianum Can. 5. *Chriftiano* diff. eadem 34. unam tantum aut Uxorem, aut Concubinam habere Chriftiano licitum effe docens. Vide-ſis de licitis, legitimisque Concubinis doctæ, copioſeque diſerentes Emanuelẽ Gonzaleziũ in Comment. novo ad Co. acil. Illiberitanum cap. 8. ſubjecto Com-*

612 PRIVILEGIA ROM. PONTIFICI
mentario veteri Mendozæ, ac Benedictum XIV. de Synod. Diœ-
cef. lib. 9. cap. 12. n. 2, & seqq.

S. Gelasio I. geminus a Calvinistis, ac Lutheranis, a quibus ideo jactabundis in partes suas pedibus, manibusque pertrahitur, error appingitur. 1. Videlicet, quod in libro de duabus in Christo Naturis adversus Nestorium, & Eutychetem edito in Bibl. PP., ac Lugd. postrema tom. 8. pag. 699, in Antidoto advers. hæres. Basil. 1528, in Jo: Heroldi hæresiologia, in Collect. Tigurina de duabus Christi Naturis &c., diserte docuerit in Eucharistia una, cum Christi carne panis, vinique substantiam manere; quin imo neque præsentem in Eucharistia Christum adesse, sed eam nonnisi Corporis, & Sanguinis Christi imaginem, & similitudinem esse. En ejus verba. *Certe Sacramenta, quæ sumimus, Corporis, & Sanguinis Christi, Divina res est, propter quod & per eadem Divinæ efficiuntur consortes naturæ: Et tamen esse non desinit substantia, vel natura panis, & vini. Et certe imago, & similitudo Corporis, & Sanguinis Christi in actione Mysteriorum celebrantur. Satis ergo nobis evidenter ostenditur hoc nobis in ipso Christo D. sentiendum, quod in ejus Imagine profitemur, celebramus, & sumimus: ut sicut in hanc, scilicet in Divinam transeunt, Spiritu S. perficiente, substantiam, permanent tamen in suæ proprietate naturæ, sic illud ipsum Mysterium principale, ejus nobis efficientiam, virtutemque veraciter representant, ex quibus constat proprie permanentibus, unum Christum, quia integrum, verumque permanere demonstrant. Igitur, inquiunt, in opinione S. Gelasii in Eucharistia panis, vinique substantia permanet; alioquin enim argumento ex Eucharistia ducto contra Eutychianos haud evicisset duas in Christo post Incarnationem permanere naturas. Quinimo ipsius in opinione, subjungunt, Eucharistia imago solummodo, ac similitudo est Corporis, & Sanguinis Christi, ideoque perperam ejus ibidem præsentia a nobis adstruitur. 2. Quod docuerit insuper non posse insigni absque sacrilegio partem unam Sacramenti Eucharistici sine altera sumi. Ita enim scribit in epistola ad Majoricum, Serenum, & Johannem Episcopos, quam ex Collectione Deusdedit lib. 3. cap. 98. edidit Lucas Holstenius in Collect. Rom. tom. 1, ac refertur a Micrologo cap. 19. (qui a Pame-*

Pamelio creditur Rabanus, a Cassandro Bertholdus Const., a Mabillonio Johannes incerti loci Episcopus, a Possevino Guido Aretinus, auctor quidem Micrologi Musici, non etiam Micrologi Ecclesiastici, ab aliis Beruo Augiensis, a Warthono Ivo Carnot.) ab Algero lib. 2. de Corp., & Sang. D. cap. 8, ab Ivone par. 2. cap. 83, & a Gratiano Can. 12. *Comperimus* de Consecr. dist. 2, scribit, inquam: *Comperimus, quod quidam in eadem Regione, sumpta tantum Corporis sacri portione, a Calice sacri Cruoris abstineant; qui proculdubio aut integra Sacramenta accipiant, aut ab integris arceantur: quia divisio unius, ejusdemque Mysterii sine grandi sacrilegio non potest provenire.* Quorsum igitur, inferunt, Romana ab Ecclesia Laici a Calice, sacrique Cruoris participatione arcentur, proculque abiguntur? Quamobrem aut S. Gelasius duobus in his articulis erravit, aut nos potius erramus, qui diversum ab ipso sentimus, & sequimur.

At enim nec errare nos Ecclesie Romanæ doctrinam sectantes, nec errasse sane S. Gelasium, in duobus illis veluti diversum Romanæ ab Ecclesie dogmatibus senserit, affirmo, & confirmo; unde 1. objectum loco sic diluo, dispungoque. Principio de germano Auctore libri de duabus in Christo Naturis non convenit inter Eruditos, S. Gelasio P. M. illum aliis abjudicantibus, aliis adscribentibus. Bellarminus opus esse opinatur vel Gennadii, qui ad S. Gelasium librum ejusdem tituli exaravit; vel Gelasii Cæsareensis in Palæstina Episcopi, cujus meminit S. Hieronymus in Catalogo; cui hac in ultima opinione suffragatur Melchior Canus loc. Theolog. lib. 6. cap. 8, Gelasium hunc ad Nestorii, Eutychetisque tempora superstitem existimantes. Verum eorum venia, post Gelasium, qui Cæsareensi in Palæstina Ecclesie præfuerunt, duo ad minus ad Nestorii usque, Eutychetisque tempus Episcopi dinumerantur, nempe Johannes, qui una cum S. Porphyrio Gazensi legatione ad Arcadium Imp. defunctus legitur, facultatem ab eo petita celebre in Urbe Gazensi Marnæ fanum evertendi, locoque Templum Deo sacrum extruendi, teste Marco Gazensis Ecclesie Diacono in vita S. Porphyrii apud Metaphrastem, & Surium ad diem 26. Febr., & Eulogius, qui cum eodem S. Porphyrio S. Jo: Chrysostomi partes aliquando adjuvit, a quibus postea discedens

scedens in Theophili castra concessit, quique Diospolitanæ adversus Pelagium Synodo interfuisse legitur apud Lucianum Presbyt. in epist. de revelat. S. Stephani tom. 10. Oper. S. August. , & ipsum S. Augustinum lib. 1. contra Julian, cap. 5: ideo Gelasio Cæsar. , a S. Cyrillo Hierosol. avunculo Ecclesiæ illi circa an. 367. post Euzojum admoto , vitæque an. 394. defuncto, opus adjudicari ratio temporis vetat. Baronius ad an. 496. n. 4, & seqq. , ad quem accedunt Suffridus Petri, Perronius lib. 2. de Ench., Binius, & alii, conjecturis sane non contemnendis lucubrationem istam S. Gelasio Papæ abjudicat: tum quod opus a S. Gelasio nostro adversus Eutychem adornatum, grande, & præclarum Gennadius appellavit lib. de Script. Eccl. cap. 94, & Anastasius Bibl. tom. 3. edit. Blanch. sect. 74. pag. 195. opus a S. Gelasio adversus Nestorium, & Eutychem confectum in Libros (quinque legit Baronius, & quinque etiam habent Codices Freherianus inspectus a Fabrotto, & Codices Regius, Mazarinus, & Thuanus apud Blanchinium tom. 1. pag. 67, duos vero Codices Florentini ibidem) partitum affirmavit; hic attamen Commentarius, quo de controversitur, unius libelli brevi vix periodo definitur: tum quod Scriptor hic in fine profitetur se Catholicorum Patrum testimonia afferre, quibus ab se dicta confirmet: at testimonia inter ista tria ex uno Eusebio Cæsar. profert; quem tamen Catholicos inter Patres dubio procul germanus S. Gelasius non habuit, qui ipse imo Opera suo in Decreto de Script. Eccl. inter Apocrypha retulit, quorum nullum foret pretium faciendum: tum quod Scriptor ex Græcis Patribus quindecim laudans plurimis cum Indice locorum, e quibus illorum testimonia defloravit, ex Latinis SS. nec Cyprianum, nec Hieronymum, nec Leonem, sed unum vix, aut alterum, S. Ambrosium scilicet, & S. Damasum, sed nec horum indicatis locis, memorat: quod profecto a S. Gelasio Papæ ingenio Latini præ Græcis Latinis studentissimi alienum nemo non videt; ideoque Scriptor iste manifesto hoc modo se Græcum, non Latinum prodiderit, idque ipsum probet Latina phrasis, quam adhibet, ac Latina versio locorum S. Ambrosii Græcæ Theodoretæ versionis potius, quam Latino S. Ambrosii textui respondens; atque ideo e Græco librum fuisse conversum veri fiat valdequam simile:

le : quod etiam persuasum Vossio fuit , & Caveo , eumque memorari a Photio Cod. 102, ubi Gelasii Cæsar. *Marsibæan* adversus Anomæos laudat . Quo circa Baronio Operis hujus parens Gelasius Cyzicenus visus est , eo quin etiam quod Gelasius iste in præfat. Commentarii sui in Acta Concilii Nicæni apud Harduinum to. 1. pag. 346. ab Eutychianis exagitarum se scribit , seque eosdem disputando confutasse . Quæ apprime conveniunt Auctori libri de duabus in Christo Naturis , qui opus illud se aggressum ob recentem altercationem de Incarnatione Dominica affirmat . Accedit & illud , quod Scriptor hic S. Hippolyti Episcopi , & Martyris testimonium proferens , eum vocat Episcopum Metropolis Arabiæ (quod etiam contendit Moynius) : at verum Hippolytum , Portuensē in Diœcesi Romana Episcopus fuisse , ex fide marmoreæ ipsius statuæ cum cyclo Paschali , cujus ipse auctor extitit , ad pedes descripto in Bibl. Vatic. , atque ex testimoniis S. Germani Patriarchæ Constantinopolit. , & antiquissimi Codicis Sorbonici Ms. confirmat Marianus Victorius in Not. ad S. Hieronymum . Denique S. Gelasio nonnulla olim , ac Pelagiani erroris præsertim aspersa , fuisse falso adscripta , docemur a Cassiodoro Divin. leq. cap. 8: ex quibus omnibus S. Gelasio Opus illud abjudicandum Baronius conficit . Nihilotamen minus librum illum S. Gelasii Papæ germanum esse scærum non dubitant , ex nostratibus quidem Spondanus in annot. ad cit. an. , Sirmondus , Petavius Theolog. dogm. tom. 4. de Incarn. lib. 2. cap. 3, Chiffetius , Labbæus tom. 1. de Script. Eccl. pag. 342, Dupinius , Pagius ad an. 496. n. 3, & Coutantius , teste Mopinot in epist. ad Conradium n. 8 , ex Protestantibus vero Forbesius Institur. hist. Theolog. lib. 11. cap. 16 , Dallæus de usu Patr. pag. 108, Moynius ad Varia Sacra pag. 28, alique , ex fide tum Codicum Mss. optimæ notæ , in quibus indubitatas S. Gelasii inter lucubrationes recensetur ; tum S. Fulgentii , qui eodem tempore floruit , æqueque Afer genere fuit , a quo in libro de quinque Quæst. in responsione ad 2. Ferrandi quæstionem apud ipsum cap. 18. librum illum , e quo loco quædam laudat , S. Gelasio P. M. absque dubitatione adscribit ; tum S. Johannis II , qui in epist. ad Avienum , ceterosque Senatores fidem de Christi Divinitate , & Incarn. testimonio inter alios

alios S. Gelasii confirmat. Quibus tamen reposuit Perronius S. Fulgentium longe a Romanis scribentem rebus facile nominis æquivocatione fuisse deceptum: a S. Johanne vero libri auctorem Gelasii quidem nomine designari, quin tamen Romanus an ne Pontifex fuerit, suusque prædecessor indicetur. Ex quo pariter corrui opinio Josephi Pamphilii Signini Episcopi, qui eidem S. Johanni II. Opus tribuendum in Chronic. Augustin. pag. 22. exputavit.

Ut ut sit de libri Parente, S. Gelasium P. M. ei certissime errori non adhæsisse, qui a Protestantibus ipsi per summum appingitur nefas, vel ex eo ipso uno loco in Epistola præcit. manifestum evadit; ubi apertissimæ veritati de Christi D. in Eucharistia præsentia testimonium perhiberi vel obiter legens pernegabit nemo. Quod perinde testimonium magis confirmabit, magisque locus alter ex epistola ad Episcopos per Lucaniam, Brutios, & Siciliam constitutos cap. 19. a Gratiano Can. 5. *Usque adeo dist. 33. descriptus*, quo acerbè in eos Sacerdotes invehitur, qui sceleribus irretiti *Ministeria Sacrosancta tractare* non verentur; alterque ex epistola 8. ad Dard. Episcopos decerptus, ubi unam duntaxat in Eucharistia substantiam, eamque Divinam disertis his adstruit verbis: *Ut salutaris alimonia Panis illius, qui de Cælo descendit, Fideles hunc sumentes ad vitam perducatur æternam.* Eo ipso quin etiam loco ex libello de duabus in Christo Naturis desumpto, ubi panem, & vinum, Spiritu S. perficiente, in Divinam transire substantiam expressis verbis affirmat: ac in Divinam ita transire substantiam proposita dona non posse, nisi panis, & vini substantiam esse definant, atque sub panis, viniq. speciebus præfens Christus D. adsit, nemo non intelligit. Igitur dum ait in Eucharistia panis, & vini substantiam, vel naturam non definire, naturæ, vel substantiæ nomine accipienda significavit accidentia, sive substantiæ affectiones, sive naturæ appendices: quo pacto in epist. ad Episcopos Picensæ Provinciæ substantiam hominis peccato Originali depravatam fuisse scribens, quin explicans, quomodo *Qualitas interior apperendi valet immutare naturam*, palam fecit naturæ, substantiæque nomen ampliori significatione acceptum ab se fuisse. Et certe apud

veteres

veteres Scriptores substantiæ, naturæque nomen non eo semper strictiori sensu acceptum fuisse pro accidenribus, sive rei adiunctis, ita ut res quælibet, quatenus a nihilo distinguitur, naturæ, sive substantiæ nomine appellaretur, liquet ex Tertulliano, qui lib. 2. adv. Marcion. cap. 40. pro qualitate corporis ipsam substantiam, alibique duritiem lapidis pro ipsius lapidis natura utique accipit; ex S. Augustino, qui in Psal. 68. gratiam, a qua decidit homo, substantiam appellat, nullumque discrimen agnoscit inter substantiam, atque id, quod a nihilo discernitur; & ex S. Petro Chrysologo, qui in serm. 82. gloriosi Corporis Christi post resurrectionem dotes substantiæ nomine nuncupat, qua de simili appellatione a S. Jo: Chrysostomo usurpata docte Cl. Maffejus agit in epist. ad Jacobum Basnagium in Append. hist. Theolog. pag. 41; deque simili a Theodoro adhibita dilucide, egregieque differit Cardin. Laurentius Cozza in Comment. hist. dogm. in librum S. Augustini de hæres. cap. 17, quod est de *Ophitis* n. 57, & seq. Vel substantiæ, & naturæ in Eucharistia non desinentis nomine significare S. Gelasius voluit non desinere in Eucharistia alendi, nutriendique facultatem, quæ panis, vinoque natura inerat, Sacramentis in Divinam substantiam transeuntibus, idest in Divinum alimentum, sive Corpus, & Sanguinem Christi. Et sane solemnem veteribus Scriptoribus morem, etiam fuisse alimentum substantiæ nomine significare liquet ex S. Ambrosio lib. de Myster. cap. 8, & lib. de fide cap. 7, quibus in locis ab Eucharistia *Substantiam* accipienti subministrati asserit, & ex Auctore Serm. 5. de Natali Dom. S. Augustino tributi, quo loci alimentum lactis a B. Virgine Christo D. suppeditati *Substantia* appellatur. Neque vero exinde sequitur, quod si una cum Christi Corpore, & Sanguine manere panis, vinique substantiam nequaquam voluisset, argumentum ex Eucharistia adversus Eutychanos ductum ad duas in Christo naturas demonstrandas nihil valeret. Nam non istud erat S. Gelasii consilium asserere unioni Eucharistiæ unionem Hypostaticam omnino esse similem: nam ita causa vel contra Nestorium, vel contra Eutychem excidisset; in ejus enim sententia ea unio Eucharistica vel physica fuisset, & hypostatica; atque ita in Christo pariter tres

post Incarnationem adstruxisset Naturas, sicuti tres sunt in Eucharistia; neque de Eutychete triumphum egisset, vel fuisset moralis dumtaxat, mereque affectiva; atque ita de Nestorio victoriam non tulisset utique. In eo igitur comparationem instituit, quod sicut in Eucharistia Sacramentum fit unum cum Christi Corpore, & Sanguine, quia natura interna Sacramenti (panis vinique substantiam intellige) in unam ejus substantiam transit, ac naturalis nihilofecius distinctio, & diversitas manet, quia natura externa Sacramenti (de panis intellige, vinique accidentibus) a substantia Corporis, & Sanguinis Christi diversa, & distincta superstes est: ita in Persona Christi fit unio physica quidem utriusque Naturæ Divinæ, & Humanæ, manet tamen naturalis inter utramque diversitas, & distinctio. Quo ratiocinio de Nestorio non minus, quam de Eutychete victoriam refert. Atque ita sane intendisse S. Gelasium ex ratiocinatione speciatim adversus Eutychianos adhibita fit manifestum: *Si in Deitatem, arguit, ut putant, humanitate transfusa, vel in omni parte translata; desit esse humana substantia: ergo aut humanitatis forma sine sui proprietate cessavit: aut si dicunt in nuda Deitate formæ lineamenta constare, quid aliud, quam Antropomorphitas (Corporicam Deo formam affingentes) convincuntur inducere, quos dudum Catholica talia somniantes damnavit Ecclesia? Nam si & substantia, & forma Jesu Christi hac transfusione consumpta est, quis est, quem vidit ad dexteram Virtutis stantem S. Stephanus? Unde vides similitudinem a S. Gelasio non in qualibet fuisse parte institutam, sed in forma dumtaxat externa Corporis Christi, quæ siquidem non fuerit in Divinitatem transfusa, infert neque Divinam in naturam transfusam internam fuisse formam, quemadmodum manet idem Christus D. in Eucharistia, remanente pariter externa panis, vinique forma. Neque magis cogitasse S. Gelasius de perneganda Christi D. in Eucharistia præsentia, dum hanc illius imaginem, ac similitudinem dixit, exputandus est. Imaginem, etenim, ac similitudinem Corporis Christi Eucharistiam dicere solemne erat vetustis. Scriptoris, vel ratione habitæ ad diversum ejusdem sacra-
ti Corporis statum; idest vel ut natum de utero Deiparæ Virginis, vel ut oblatum in Ara Crucis. Tum enim*

Incar-

Incarnationem Christi D., tum Sacrificium Crucis multis, variis-
que modis Eucharistia adumbrat. Vel ratione habita specierum
panis, & vini, quæ remanent, sub quibusque ipse manet Chris-
tus; unde apud Gratianum de Consecr. dist. 2. Can. 79. habetur:
*Corpus Christi, quod sumitur de Altari figura est, dum panis, &
vinum extra videtur: veritas autem, dum Corpus, & Sanguis
Christi in veritate interius creditur.* Quorum similia repetuntur
in fine subsequentis Canonis 82, desumptaque fuerunt, non qui-
dem ex S. Hilario sive Pictaviensi, sive Arelateni, velut indica-
re videtur inscriptio, ut advertit Berardi par. 3. cap. 8. pag. 47,
sed ex Paschasio Ratberto in lib. de Corp., & Sang. Christi cap. 4.
ita scribente: *Si veraciter inspicimus, jure simul veritas, & fi-
gura dicitur (Eucharistia): ut sit figura, vel character veritatis,
quod exterius sentitur, veritas vero est, quidquid de hoc Mysterio
interius recte intelligitur, aut creditur:* de quo Mabillonius in-
præfat. ad 2. par. Sæculi IV. Bened. §§. 2, & 3. Hinc pessime ar-
gumentatos olim Marcionitas ostendit Tertullianus lib. 5. contra
Marc. cap. 20. ex loco Apostoli ad Philip. 2. 7. inferentes Chri-
stum verum hominem haud fuisse, contendens verbis illis *In si-
militudinem hominum factus* Apostolum veritatem assumptæ
Carnis a Christo adstruere, sicut ad Coloss. 1. 15. dum ait: *Qui
est imago Dei invisibilis* Christo nequaquam detrahit Deitatem,
sed magis adjudicat.

Jam ad id, quod 2. objectum est loco, respondent equidem
plerique, interquos Bellarminus de Rom. Pontif. lib. 4. cap. 10,
S. Gelasium loquutum fuisse de Sacerdotibus sacrificantibus,
a quibus alterutra dumtaxat species grandi absque sacrilegio
omitti nequeat. At interpretationem istam velut intortam jure,
optimeque reprehendit, rejicitque Baronius ad ann. 496. n. 20,
ac seqq., aliamque solidiorem, quam nostram facimus, eodem
loci suppeditat, juxta quam revera ab eo præceptum, ut a Fide-
libus indiscriminatim omnibus Communio sub utraque specie per-
ciperetur, inficias nemo ibit, qui temporum illorum adjuncta
comperta habeat. Scilicet præcepti istius occasionem præbuere
Manichæi, qui se Catholicos simulantes, Catholicis se immi-
scentes, & ad sacram accedentes Synaxim de panis quidem, non

etiam de vini Sacramento sumebant, quia sacrilega, inanique superstitione vinum tanquam fel Draconum, opusque Dæmonis habentes ab ejus hauſtu abhorrebant. Manichæos igitur, ut hac ratione detegeret, atque ſacro ab Altari procul abigeret, Communionem ſub utraque ſpecie a cunctis ſumi, ab alterutra vero abſtinentes ab utraque arceſi juſſit. Atque germanum huic S. Gelafio adhæſiſſe ſenſum aperte docet ea, quam eadem de cauſſa cum eiſdem Manichæis agendi rationem pridem obſervaverat S. Leo M., qui in Serm. 41. edit. Queſn. 42. Baller. de Quadrag. 4. cap. 5, poſtquam præced. cap. 4. Fideles docuiſſet Manichæos diſſcernere ex prava abſtinentia, qua certorum delectum habebant ciborum, quos nempe a Dæmone conditos deſiniebant, & ex pravo abſtinendi modo, quo in honorem Solis, & Lunæ prima, & ſecunda Sabbati jejunare debebant, certius deinde eos detegendi, qui ſclerata huic Seſtæ nomen dediffent, indicium præbuit, qui nempe ſub una ſpecie Chriſti Corpus ſumentes, ſub altera vini haurire renuerent. Quò utique ſpectabat S. Gelafius verbis illis: *Quoniam nescio qua ſuperſtitione docentur obſtringi*: quibus haud obſcure Manichæorum ſignificabat ſuperſtitionem, qua a vini ſpecie ſummopere abhorrebant. Quod ſane repertum S. Gelafio perinde multum profeciſſe ad hanc detegendam peſtem, documento ſunt, quæ libri Pontificalis Auſtor de ipſo perhibet: videlicet detectos ab eo Romæ Manichæos in exilium fuiſſe ejeſtos, eorumque Codices igne concrematos. Mitto alteram eidem S. Gelafio impactam ab hæreticis calumniam de negato Religionis Antiſtibus rerum Sæcularium uſu, argumento ducto ex his, quæ habet in Tract. de Anathematis vinculo (qui a Tillemontio quidem art. 6. in Euphemium indubium revocatur, a Balleriniis tom. 3. Oper. S. Leonis de antiq. Collect. par. 2. cap. 11. §. 4. n. 8, & ſeq. Gelafio vindicatur, a Bernardo de Rubeis tamen, & Marchione Maſſejo in Suppl. Acaciano S. Felici III. tribuitur, de quo legenda præfatio. hiſt. Theolog. in Append. pag. 213. inſerta) hanc enim abunde dilutam, & abſterſam a Baronio habes ad cit. annum n. 23., & ſeqq.

Triplici S. Anaſtaſio II. crimini eſt datum, nec modo a Schiſmaticis, qui Laurentii pseudo-Pontificis partibus impenſe ſtude-

studebant, nec ab Hæreticis solum, inter quos a Centuriatoribus; ab Heshusio, & Bruejo hist. Pontif. tom. 1. pag. 267, sed a Catholicis etiam, e quibus Anastasius Bibl. in ejus gestis, Ivo Carnot. par. 14. Decreti cap. 40, & Gratianus dist. 19. Can. 7. *Ita Dominus*, & Can. 9. *Anastasius*, 1. Quod Acacianorum, qui jam pessime suis a Prædecessoribus audierant, Sacrorum scedere se sædaverit: quippe qui Photium, sive Photinum Thessalon. Ecclesiæ Diaconum Acacii castra sectantem sua cohonestare Communione, Communicatorias ei litteras nuncupando, haud detrectasset. 2. Quod ipsummet erga Acacium, jampridem a SS. Felice III, & Gelasio damnatum, animo propensus adeo fuerit, ut de ipso restituendo, revocandoque serio cogitaverit, nisi Divino nutu percussus ab eo prohibitus fuisset facinore. 3. Quod Baptismum, & Ordinationes ab eodem Acacio collatas approbare non dubitaverit, & Acacio ullum ea de re negotium fieri, aut quempiam ab eo baptizatum, vel ordinatum rebaptizari, vel reordinari districte prohibuerit. Videlicet in tricis istis ingenium terunt, qui quibus Pontifices vellicent, & lacecant, etsi undequaque inquirent, meliora nec inveniunt, nec habent. Sed enim sane commenta ista sunt vetera, inanesque calumniæ, quas maligno ex aliquo scripto profectas, atque a factioso aliquo Sycophanta, qui sicuti pleraque contra S. Symmachum paullo post confinxit, sic plerisque contra S. Anastasium confingendis, ad invidiam ei conciliandam, operam prius impendit, veluti haud improbabili ex pervetusto Fragmento in quaternione Membranaceo ante annos mille, ut videtur, scripto, & in Archivo Eccles. Veron. servato conjieit Cl. Blanchinius tom. 3. Anast. sect. 75. in Not. histor. pag. 209, imprudenter hauserunt præcitati Scriptores. Sed enim, qui calumnias istas, & commenta obtrudere denuo, & objicere delectantur, eos turpi in errore obversari levi negotio demonstratur. Nam 1. Eo nomine Pontifex cum Photino communicare sustinuit, quod siquidem a S. Leone M. pridem missa ad Ecclesiam Thessalon. epistola a Græco fuisset interprete depravata, gravemque apud Clerum Alexandrinum offensionem peperisset, ideoque petisset ille, ut ex prototypo Archivi Rom. Ecclesiæ integritati eadem redderetur, requisitum hujusmodi ab hæretico etsi homine officium non dene-

denegandum ratus Pontifex germanum Epistolæ direxit exemplar, quo tam S. Leonis famæ, quam Alexandrinæ Ecclesiæ tranquillitati consuleretur, veluti totum liquet ex libello supplici Alex. Cleri S. Anastasii Apocrisarii Constantinopoli oblato, a Baronio ad an. 497. n. 14, & seqq., & ab Harduino tom. 2. pag. 952. exhibito: in quo, rogo, quid mali fecit Pontifex, ut in culpam propterea vocetur? 2. Acacium jampridem S. Felicis III. tempore, a quo tertius fuit S. Anastasius, satis functum auctores sunt Evagrius lib. 3. cap. 23, Nicephorus lib. 16. cap. 12, & Liberatus in Brev. cap. 18, eumque imo vita jam defunctum, iustissimeque a Decessore suo S. Felice damnatum scripsit idem S. Anastasius in epist. ad æquivocum Imp. cap. 3, rogans, jubensque Acacii nomen ad Altare inter Sacra reticeri, siue sacris Diptychis deleri: cujus etiam jussionis de Acacii nomine reticendo a S. Anastasio editæ testis accessit subinde Justinus Imp. in epist. ad S. Hormisdam apud Harduinum to. 2. pag. 1024. Nonnisi igitur injuria summa S. Anastasius de Acacio suæ restituendo Sedi cogitasse, agitatseque consilia confingitur. Qua in re objurganda Anastasii Bibl. oscitantia (si tamen, ut fertur, ipsius genuinus est foetus liber Pontificalis) qui pro eo, quo erga Græcos animo plus æquo propensior erat, atque præsertim erga Photium affectus, velut ex mutuis utriusque litteris liquet, potiusquam ex germanis S. Rom. Ecclesiæ tabulariis, ex Græcorum infectis lacunis Rom. Pontificum res gestas describere persæpe maluit, uti vel conferenti Anastasium cum Theophane, ex quo sua ferme omnia adornavit, facile constabit. Eoque vel magis objurgatione se dignum præstitit, quod errandi ceteris occasionem præbuerit, ut Ivoni, ut Gratiano, qui eadem ex illo descripta ceteris propinaverunt. 3. Nec absque reprehensione prætereunda venit Gratiani imperitia, qui in epist. ad Anastasium Imp. errasse S. Anastasium Papam in eo asserit, quod ab Acacio collatum Baptismum, celebratasque Ordinationes ratas habuerit: quandoquidem ut perspectum est omnibus, paulloque superius ostendebam, tam validus est Baptismus ab Hæreticis collatus, quam validæ sint ab his celebratæ Ordinationes. Occasionem denique comminiscendi S. Anastasium P. M. Divino nutu percussus interiisse dare potuere vel confictæ, falsæque Schismaticorum,

corum, vel Hæreticorum calumniæ, quibus omnis legitimos Pontifices lacessendi, eorumque causæ nocendi via erat ineunda: vel veritati, famæque innixæ relationes a V. Beda, Paulo Diacono, Theophane, Cedreno, Zonara &c. traditæ de Anastasio Imp. fulmine icto, ex cujus nominis similitudine imperitus Scriptor libri Pontif. occasionem arripuerit id dictum exputandi de Anastasio Papa, occasionemque pariter ita credendi aliis in fide adhibenda nimis facilibus præbuerit. Vitium sane, si in quopiam venia indignum, tum præsertim, ubi de Pontificibus Maximis res est. Vide-sis, qui argumentum hoc multis exornarunt, viros doctiss. Bellarminum lib. 4. cap. 10, Sanderum de visib. Monarch., Hosium doctr. Cathol. lib. 3, Correctores Rom. Gratiani in Not. ad cit. Can. 9. dist. 19, Antonium Augustinum de Emend. Grat. dialogo 6, Covarruviam tom. 2. lib. 4. Variar. resolut. cap. 13, Quesnellum in Not. ad Cap. 46. Cod. Can. Eccles., Bencinum in Not. ad Anast. tom. 3. sect. 75. pag. 207, Blanchinum ibid., Pagium in S. Anastasio, ac Blancum de polit., & potest. Eccl. to. 5. par. 2. pag. 236, & seq.

DE S. HORMISDA, JOHANNE II. VIGILIO, S. GREGORIO M., SABINIANO, ET BONIFACIO IV.

§. V.

VEl Hormisdam, vel Johannem II. turpissime in errorem prolapsum, dubioque procul infallibilitatis privilegio excidisse, deprædicare heterodoxi non dubitant, e quibus Bruejus hist. Pontif. pag. 304, & Forbesius Instit. hist. Theolog. lib. 3. cap. 21. audacissime affirmans propositionem illam a Scythis Monachis propugnatam: *Unus ex Trinitate Crucifixus est Carne ex Cathedra Pontificali neque ab orthodoxis Patribus usurpatam, neque alioqui Catholicæ fidei congruentem ab Hormisda fuisse declaratam, atque loquutionis hujusce defensores expulso, damnatosque.* Eandem propositionem e contra, & pariter ex Cathedra, tum ab orthodoxis Patribus usurpatam, tum Catholicæ fidei optime convenientem a Johanne II. fuisse pronuntiatam, & contra-

tradicientes Acœmetas ab Ecclesiæ Communione ejectos; inde concludens perdifficile esse: *Ut quisquam ista conciliet, & lectari cordato veraciter, ac serio persuadeat, & perspicue ostendat non pugnare inter se adversis frontibus ista duorum Pontificum Cathedralia responsa*. Pura, putaque calumnia ista est, Pontifices proscindendi causa conficta; levi siquidem negotio unus alteri concilietur. S. Hormisdas equidem Scythas eam propositionem ad Schisma usque urgentes male habuit, atque eandem propositionem intempestivam, turbandæque potius, quam ædificandæ Ecclesiæ opportunam judicavit, quin imo specietenus saltem veluti recens damnato Petri Fullonis pravo dogmati affinem: attamen tantum absuit, tamen in utramque partem vehementer sollicitatus, ut propositionem illam damnarit, quod eam nequidem ad examen deduci voluerit, vel suam circa eandem vel indicare sententiam dignatus sit, satis habens coercere Scythas, ne Schisma crearent, intactam interea, & indiscussam propositionem derelinquens. Johannes II. igitur, ut jam Schismatis ingruentis periculum amoveret, infimis precibus a Justiniano Imp. rogatus, & ab Episcopis Orientalis Ecclesiæ, propositionem illam approbavit, damnatis Acœmetis contra pugnantibus. Confer epistolas, quæso, S. Hormisdæ 70. ad Possessorem, & 77. ad Justinianum apud Baronium ad an. 520. n. 6, 17, & 21, ac Labbeum tom. 4. pag. 1531, & 1549. cum Johannis II. epistolis 2. ad Justinianum, & 3. ad Senatores apud Labbeum pag. 1746, & seqq., ac Harduinum tom. 2. pag. 1148, & seqq., liquidoque constabit illas sibi invicem apprimè cohærere, nec apparere vestigium, unde atrocem Forbessius conflagendi calumniam argumentum desumeret, atque præfidentissime adfirmandi non mediocri solertia, nec vulgari opus esse artificio, ut Hormisdæ Johannes concilietur. Plura in hanc rem, qui prosequuntur egregie, adeas, si placet viros summos Baronium ad an. 533. n. 26, & 534. n. 29, & seqq., Petavium Theolog. dogm. tom. 4. de Incarn. lib. 1. cap. 18, & lib. 4. capp. 6, & 7, Thomassinum in disert. 18. ad Synodum Rom. an. 532; Norisium in disert. de Uno ex Trinitate in Carne passio cap. 8, & seqq., in Vind. August. cap. 3. §. 2, & in Apolog. Monach. Scyth. cap. 1, & Constantium apud Mopinaot in epist. ad Con-

Conradum n. 12. Recole & ea, si lubet, quæ fufius hanc in rem aduersus Bofsuetium parte hac 2. Tom. 3. Art. 6. §. 2. pag. 666, & feqq. difputata funt, quibus jungenda, quæ contra Dupinium, ac Tillemontium ex S. Hormisdæ fententia de Schismaticis ab Ecclefiaftica Communione feclufis expofita funt in Proleg. Art. 6. pag. 541, & feqq.

Vigilio duplex lapfus turpiffimi dica confcribi folet, atque mox unum quidem, mox alterum quoque, ac mox utrumque vexant, exaggerant, & urgent Launojus in epift. ad Gerbafium, Maimburgus in tract. hift. de prærog. Eccl. Rom., Bruejus hift. Pontif. tom. 1. pag. 316, & feqq., Natalis hift. Eccl. ad Sæculum V. in Synop. cap. 3. art. 15. §. 8, & ad Sæcul. XV. & XVI. differt. 4. §. 4. n. 24, Boffuetius defenf. declar. par. 2. lib. 12. cap. 20, alii- que apud Tournellium tom. 2. de Ecclefia edit. Parif. Primo nempe Vigilus veluti Concilii Chalcedonenfis proditor traducitur, ut pote qui Liberato in Brev. cap. 22, Viâore Tunon. in Chron., & Facundo Hermian. lib. adverf. Mocianum teftibus, quod pridem Theodoræ Auguftæ fpoponderat, fi ipfius favore Pontificatum adfcenderet, adimplens, epiftola ad Theodofium, Anthimum, & Severum Eutychianæ feâæ Antefignanos confcripta, duas in Chrifto D. condemnavit naturas, ex duabus naturis deinde Chriftum compositum effe dicendum decernens. Quamobrem affirmare Facundus non hæferit a Vigilio in Ecclefiam univerfam anathema fuiffe dictum, quod nempe doctrinam a S. Leone M., Synodo- que Chalcedonenfi Ecclefie univerfæ traditam, acceptamque condemnaffet. Secundo idem Vigilus velut in fide varius, & in- conftans reprehenditur in caufa trium Capitulorum, quorum damnationi primum obftitit, fed illa postmodum *Judicato* damnavit; quo deinde recepto, ac veluti fupprefso filentium indixit ufque ad Synodi celebrationem. Quæ tamen dum celebraretur, edito *Constituto*, Theodori Mopsveft. impia dogmata quidem damnavit, ipfius nomini tamen, non fecus atque Theodoreti, & Ibæ parcendum juffit. Demum Synodi definitionem amplexus, & approbans in epift. Decretali ad Eutychium, & *Constituto* altero auctorem, quibus potuit, fe dedit, ut illa pariter acceptaretur. Nonne fidei prævaricatio, inquit, animique pariter inconstan-

ria summa dicenda proinde est ejusmodi Vigiliis agendi ratio, qua tria Capitula mox prohibuit, respuitque, mox recepit, probavitque? Exinde vero duo subinferunt, tam ab Orientalibus, quam ab Occidentalibus Vigilium habitum minime fuisse sive in fide prorsus infallibilem, sive supra Concilia potestate præpollentem. Hinc enim Orientales Concilio habito definitiones Vigiliis *Constitutis* plane contrarias edere, triaque damnare Capitula non dubitarunt: tantum vero abest, ut Vigilius a Synodo V. suam contra supremam auctoritatem attentatum conquestus sit, ut potius Synodi ipsius judicio plene acquieverit, ideoque Synodum ipsam potestate supra se præstare agnovisse dicendus sit. Illinc vero Occidentales, qui quandiu Vigilium pro tribus Capitulis fortiter stantem perspexerunt, ipsius partes egregie adjuvare pro officio non destiterunt, illico atque intellexerunt a Vigilio novo *Constituto* emisso tria Capitula fuisse condemnata, ab ipso secessione facta, quin imo contra ipsius definitionem palam insurgere non dubitantes, communi consilio, qua in trium Capitulorum defensionem juratum est, velut ab Episcopis Illyrici, & Istriae, qua Vigiliis Decretalis anathemate damnata, Vigiliusque ipse valdequam vellicatus, atque sua a Communione extorris habitus, velut ab Africanis Episcopis, Victore Tunon. teste in Chron. ad an. 550.

Verumtamen non esse certe, cur Romani Pontificis sive legitimi, sive ex Cathedra loquentis nomine, tantoque minus cur sive perfidia, sive imprudentiae Vigiliis ad vulgus traducatur, per quamfacile, iisque quammaxime, qui animum a præjudicatis opinionibus, atque a partium studio gerant alienum, ad oculum est ostendere. Atque quidem, ut iis faciam satis, quæ primo obiecta sunt loco, non defuisse animadverto viros Doctiss., quibus persuasum arctè fuerit ad fabulas amandanda, quæ de Vigilio flagitia circumferuntur, quique integerrimæ ipsius famæ atroces impastæ calumnias amoliri prorsus officio duxerint. In quibus Papebrochius in Conat. Chron. hist. differt. 19. alias 13. n. 8. in ea opinione versatur, quod Vigilio causæ non defuerint in speciem justæ, ob quas judicare posset Ordinationem S. Silverii nullam fuisse, ut pote contra Canones factam, neque per subsecutum Cleri consensum satis certo purgatam, quum neque hic satis liber, sed

sed imo metu extortus videri potuerit, ideoque legitimum sub initio ipso Vigilii ingressum defendi utique possit. Baronius quoque ad an. 538. n. 15, & seqq. conjecturis utique haud contemnendis Vigilio fuisse ab Eutychiano quoppiam suppositam, quæ ipsius nomine ad Theodosium, Anthimum, & Severum fertur, epistolam pugnat: atque supposititiam plane existimarunt pariter Binius, Labbeus, ac Sommier. Nicolaus Alemannus etiam in suis ad historiam arcanam Procopii Cæsar. annotationibus pag. 4. epistolam eandem ab hæreticis confictam, ab Africanis trium Capitulorum defensoribus fuisse evulgatam, a Liberato nempe, ac Victore Tunon., quibus ideo velut hostibus Vigilii deneganda sit fides, indubium habet. Prælis vero inpastas Vigilio calumnias propulsandi spartam in se suscipiens Constantius, teste Mopinot in præcit. epistola ad Conradium apud Blanchinium Anast. tom. 3. pag. 278, & seqq., Isidori, & Anastasii narrationibus de Vigilio fidem derogare parum habet, nisi præterea Facundi Herm., Victoris Tunon., & Liberati Carthag. criminationes funditus subruere satageret. Legitimum itaque Vigilii ingressum statuit, Epistolam ad Acephalorum Primipilos siglinis adnumerat, quos cum Baronio ejus parentes arguit, idque totum invictissimis præstat ex Clero Rom., ex Africanis, ex Hispanis, ex Gallis, ex Justiniano Imp., ex Orientalibus, ex Vigilioque ipso documentis excerptis. Verum quibus res invidiosa contra omnes eniti, sententiæque communi reclamare videtur, videturque cum Garnerio in Not. ad Liberatum cap. 22, Pagio ad an. 538. n. 7, & seqq., Natali, aliisque (ut de Gottlieb Wernsdorfio in disert. de Silverio, & Vigilio edit. Witeb. 1739. adversus Baronii narrationes nihil dicam) fidem non adeo facile Liberato, Victori, & Facundo detrahendam, nec ideo falsitatis arguendam Epistolam ad Acephalos illos exaratam, hoc ii habeant responsum, atque in ten pora, quibus Vigilii Pontificatum transegit, ita observare saltem ipsos non pigeat, ut posteriora omnino a prioribus diligenter distinguere oportere intelligant, eoque uno argumenti vim omnem infringi. Vigilii itaque ex die 22. Novemb. an. 537. usque ad 24. Jun. an. 538, ideoque Mensium 7, dierum 2. intercapedine, juxta Blanchinii, quibus insisto, Notas Chronolog. tom. 3. pag. 275, & seqq.,

sive juxta Pagium ex die 22. Novemb. an. 537, sive ex die 29. Martii ejusdem anni 537, ut ex Catalogo Blanchiniano censet Mansius ibid. in Not., quot in S. Silverii locum adhuc in vivis agentis, atque Theodoræ Augustæ causa in exilium ejecti, suffectus fuerat, Pontifices inter legitimos audire nequivit, quod eum nomine haberi tum cœpit ab anno 538. die 28. Junii, quo quattuor a S. Silverii obitu delapso, Romani Cleri sive consensu, sive nova electione Pontificatum legitime adeptus, ad annum usque 555. diem 10. Jan., sive ad diem 7. Junii, ut ex Catalogo Mediol., aliisque duobus apud Muratorium Rer. Ital. to. 3. pag. 133. vult Mansius in Not. ad citat. ann. tom. 10. Baronii nov. edit. Lucen. pag. 153, administravit. In anteriorem igitur temporis epocham, qua superstite adhuc S. Silverio, pervasor magis, quam Pontifex habebatur, injicienda est Epistola ad Eutychianos exarata: ex quo proinde nullum Pontificibus inferri legitimis præjudicium potest; eoque præsertim, quod in ea nihil contra fidem tanquam Pontifex definivit, neque animo plane hæretico eam conscripsit, sed ob unam præsidendi cupiditatem, siquidem scripsit, ut cave-
rent summopere, ne illa cuiuspiam in notitiam deveniret: non igno-
rans sane, si palam Eutychianorum partes se sequi constasset, pas-
suros nunquam Romanos, ut in Petri Cathedra quiete sederet, ubi sedendi desiderio affectus apud Theodoram Aug., eique ad-
hærentes Eutychianos per occultas litteras partiarium se simula-
bat. Certo certius enim cæteroquin est, quod Vigilius licitis vix,
ac legitimis votis Pontificatum ascendit, ut novo animo indurus
ab alto illico apparuit, velut approve observant Baronius ad an.
540. n. 9, Bellarminus lib. 4. cap. 10, Doucinus hist. Nestor. lib.
4. pag. 399, Bencinus, Pagius, Sommier, Blanchinius in Not. ad
Anastasium tom. 3. sect. 102, & seq. pag. 275, & seqq., in-
virumque alterum Spiritus S. asilatu mutatus, nihil habuit anti-
quius, quam quæ contra Synodi Chalcedonenfis fidem, & S. I. eo-
nis Epistolam ad Flavianum sacrilege scripserat, solemnî fidei pro-
fessione delere, quod præstitit Epist. 4. ad Justinianum Imp.; quæ-
que Eutychianis sacrilege sponponderat, S. Agapeti prædecessoris
in Acephalos decreta confirmando, fortiter, constanterque re-
scindere, quod perfecit Epist. 5. ad Mennam, ei mandans, ut ab
hæresi

hæresi resipiscentes ea lege reciperet, ut dicto in Auctores, & hæresim anathemate, a Synodo Chalcedonenſi, & a S. Leone ſacra-
tiſſime conſtituta ſenſu, verbo, & ſcripto conſiterentur. Non
opus eſt autem, ut ea, quæ ſecundo obſecta ſunt loco, diluenda
ſuſcipiam, quibus, opinor, quantum operæ quidem pretium ferebat,
abs me factum jam ſatis memini par. 1. Art. 2. §. 3. pag. 179, &
ſeqq., ac par. 2. Art. 12. pag. 375, & ſeqq., quibus in locis tum
Vigilio in fide inſallibilitas, ac ſuprema ſupra Synodos ipſas po-
teſtas ex reciproca Orientalium, Occidentaliumque perſuaſione
loco poſita eſt; tum Vigilio imprudentiæ, inconstantiaque labes
omnis, vel levis impaſta, niſi mea egregie me fallit opinio, de-
pulſa prorſus eſt; tum a Vigilio nihil de fide definitum fuiſſe, mul-
toque minus quidquam contra fidem attentatum, ſed eum circa
perſonas dumtaxat ancipiti, pro diverſitate rerum, aliquando
ſententia diſtractum oſtendi. Nec etiam actam rem, etſi vellem,
retractare otium ſuppetit, ſuppetant ſiquidem adhuc plurima op-
pido, neque frigide, neque jejune prætereunda, quæ volumine
iſto juſtam ad molem jam aucto capi vix poſſe conſidam. Legere
interea hac de re præſtabit Lupum in Not. ad Synodum V, Garne-
rium in diſſert. de Synodo V, Noriſium in diſſert. ſimiliter hiſtor.
de hac Synodo, Petrum de Marca in diſſert. itidem de Synodo V,
alteraque de Vigili decreto pro confirmatione Synodi V. §. 5, Pa-
pebrochium in diſſert. 20. alias 14, Thomassinum in diſſert. 19.
in Synodum V, Cavalcantem in Vind. Rom. Pontif. lib. 4. diſſert.
1, & ſeqq., Mopinotum in præcit. epiſt. ad Conradium, & Cata-
lanum in Comment. ad Synodum Chalcedonenſem, alioſque in
decurſu laudatos.

Parvam admodum etſi difficultatis ſpeciem præſeferant,
quæ nonniſi atrocem per calumniam S. Gregorio re, ac nomine
Magno appingi ſolent, neque ab Acatholicis dumtaxat, ſed ſupi-
nam etiam per ignorantiam ab orthodoxis Doctõribus aliqui-
bus, inſecta ea tamen, ut titivilitia videri, ac levidenſia poſſint,
dimittere nec præſtat, nec decet. Ut igitur de errore circa Eu-
chariſtiam eidem impaſto, quem abunde, opinor, ab illo propulſa-
vi ſuper. Tom. 4. Art. 9. §. 1. pag. 444, & ſeqq., nihil impræſentia-
rum retexam, quadruplici S. Gregorio culpa, errorique vertitur, 1.
Quod

Quod contra institutum a Christo D. in Ecclesia septenarium Sacramentorum numerum tria tantummodo Sacramenta tenenda tradiderit apud Gratianum Can. 84. *Multi* 1. Q. 1. verbis hisce: *Sunt autem Sacramenta Baptisma, Chrisma, Corpus, & Sanguis Christi*. 2. Quod contra Christi D. institutionem Presbyteris potestatem Confirmationis Sacramentum conferendi fecerit lib. 4. ind. 12. epist. 26. ad Januarium Calarit. apud Gratianum Can. 1. *Pervenit* dist. 95. ita loquens: *Ubi Episcopi desunt, ut Presbyteri etiam in frontibus baptizatos Chrismate tangere debeant, concedimus*. Vetus est vero in Ecclesia traditio, institutioni certe Christi D. innixa, ut Confirmationis minister unus sit Episcopus, cujus locupletes testes accedunt post Apostolos Act. 8. vers. 17. ex Summis Pontificibus S. Cornelius in epist. ad Fabium Antioch. apud Eusebium lib. 6. cap. 33, S. Innocentius I. in epist. ad Decentium cap. 3. relatus Can. 119. *Presbyteris de Consecr.* dist. 4, S. Leo M. in epist. 88. ad Germaniam, & Galliam Episcopos (quam S. Leonis genuinum esse scetum defendunt quidam Franciscus Hallerius, Ludovicus Cellotius, Petrus Aurelius, Dionysius Petavius in Not. ad S. Epiphani., & Petrus de Marca de Concor. lib. 2. cap. 13, abjudicant vero, & inter pseudo-Epigraphas habent Sirmondus, Morinus, Labbeus, Quesnellus in dissert. 11, Blondellus in pseudo-Isidoro pag. 567, & Oudin tom. 1. pag. 1273, neque repugnant Ballerini tom. 2 in Adnotat. pag. 1260, quibus jure neque probatur Quesnelli conjectura Leoni III. epistolam adscribendam existimantis, observantes epistolam hanc nihil aliud esse, quam Canonem 7. Concilii Hispalensis II. an. 619, Epistolæ vero fragmentum Gratiani decreto Can. 4. *Quamvis* dist. 68. perperam fuisse insertum, neque istud haberi in antiquis Gratiani Decreti Codicibus Regio, Sangermanensi, Victorino &c., nec etiam in Editionibus Moguntina, Veneta, Parisiensi an. 1531, Lugdunensi an. 1548, Democharis, Contii &c., de quibus Baluzius in Not. ad Gratianum dist. 64. cap. 3, & Quesnellus loco cit.) S. Gregorius ipse eodem lib. 4. epist. 9. ad eundem Januar., & lib. 10. epist. 45. ad Clusinum Episcopum, S. Nicolaus I. in epist. ad Hincmarum, Innocentius III. in Cap. *Quum venisset* lib. 1. Decret. tit. 15, & lib.

lib. 7. epist. 3. ad Trinovitanum Archiep. apud Raynaldum ad an. 1204. n. 37, & seqq. Gregorius IX. in Cap. *Quando* de Consuetudine, Clemens VI. in epist. ad Consolatorem Armen., Eugenius IV. in Instruct. Armen., Innocentius IV. Const. 14. *Sub Catholicæ*; Clemens VIII. Const. 34. *Sanctissimus*, & Benedictus XIV. Const. 57. *Esse Pastoralis* tom. 1. Bull. pag. 167, & de Synodo Dioces. lib. 7. cap. 7. n. 2; ex Conciliis Illiberitanum Can. 38. juxta interpretationem Francisci de Mendoza lib. 3, Arelatense III. an. 455. in Decret., Germanicum an. 742. Can. 3, Synodicum Nicotense cap. 5, Londinense an. 1396. contra Artic. 5. Wicleffi, Constantiense Sess. 8. contra Wicleffi Artic. 28, & Sess. 15. contra Art. 6. Hussi, Florentinum in Decr. Union., Tridentinum Sess. 7. de Confirm. Can. 3, & Senonense an. 1528. Can. 38; ex SS. Patribus, & quidem Græcis S. Jo: Chrysostomus hom. 18. in Act. Apost., S. Isidorus Pelusiota lib. 1. epist. 450, ad quos accedunt Oecumenius in cap. 8. Act. Apost., Georgius Pachymeres apud Allatium de Consens. lib. 3. cap. 13, Matthæus Blastares, & Gabriel Philadelph. apud Arcudium lib. 2. Concord. cap. 11, ac Simeon Thesal. apud Socolovium; ex Latinis vero S. Cyprianus in epist. 73. ad Jubajanum, S. Ambrosius de Myster. cap. 6, & de Sacram. lib. 2. cap. 7, ac lib. 3. capp. 1, & 2, S. Hieronymus advers. Lucifer., S. Augustinus lib. 15. de Trinit. cap. 26, quos sequuntur Auctor Const. Apost. lib. 3. capp. 16, & 17, Isaac Lingon. in Capit. tit. 11. capp. 30, & 31, Riccardus Sarisburien. in Constit. cap. 13, alique de Schola Theologi. 3. Quod S. Gregorius in Dialog. lib. 4. cap. 39. contra S. Scripturæ silentium, veterumque Patrum Hilarii, Ambrosii, Augustini, & Cæsarii, quibus Purgatorium nihil aliud visum fuerit, quam ignis quidam ultimum Judicii diem præveniens, traditionem, primus omnium post mortem Purgatorium induxerit. Quod tanquam purum, putumque ipsius inventum, figmentorum loco habendum, irridendūque propinant Dallæus, Petrus Du Moulin in Augment. aquarum Siloe &c., Oudinus in dissert. de vita, indole, doctrina, & scriptis S. Gregorii cap. 5. tom. 1. de Script. Eccles. pag. 1493, & seqq., Franciscus Bruys hist. Pontif. to. 1. pag. 378, alique de Protestantium greg.: 4. Quod lib. 7. epist.

epist. 10. ad Serenum Massiliensem, & lib. 9. epist. 9. ad eumdem Episcop. Imagines quidem frangendas non esse docuerit, sed neque tamen a Plebe in Ecclesia positas fore adorandas. Atque ita atrocem calumniam istam adversus S. Pontificem instruere non horrescunt Dallæus lib. de Imag. cap. 3. Forbescius Institut. hist. Theolog. lib. 3. cap. 9. n. 23. Oudinus cit. dissert. cap. 7, & Bruejus pag. 374, ut missas faciam alias, quas passim in eum adstruit Jo: Petrus Stute S. Pontificem nostrum libro hoc nomine inscripto Lips. 1715. Lutheranum facere haud veritus, non secus atque Du Moulin, qui in vit. SS. Leonis, & Gregorii MM. Seduni 1650. utrumque ex æquo probis afficere, inque Protestantium rapere partes non exhorruit.

Miseret me vero summopere Oforum istorum stupidissimæ infantiæ, qui sane, quæ depromerent, meliora non habentes, quam falsa, tam futilia ista objicienda sibi sumpserunt, ut quoquomodo obtrestandi libidini, pruriginique maledicendi indulgerent. Quod igitur ad primo loco imprudenter objectum pertinet, istud frustra germana inter Opera S. Gregorii M. sane requiras. Locus est apud S. Isidorum in lib. 6. Etymolog. cap. 19. integer, a Gratiano, quem tum crasse naris in discernendis legitimis scriptis a spuris, tum supinæ oscitantæ in adscribendis unius alteri scriptis jure merito arguas, cit. Can. 84. *Multi Caus. 1. Q. 1. descriptus*, velut post Correctores Romanos approbe animadvertit Vir doctiss. Berardi in Grat. emend. p. 2. cap. 59. pag. 169, & par. 3. cap. 27. pag. 507. Neque tamen ita accipiendus, etsi ab Isidoro prolatus, ut tria dumtaxat adstruere Sacramenta voluisse præsumi debeat: sed ideo trium Sacramentorum tantummodo ibidem meminit, quod non deessent quidam, qui eó dementiæ, audaciæque devenerant, ut cogitare, ac disseminare non dubitarent tria illa Sacramenta non esse sanctificata, sive effectu frustrari suo, dum eorum officio, operaque conficiuntur, qui improbi essent, ac flagitiosi, sive ut ibidem subditur: *Quorum vita aliorum oculis apparet ignobilis*. Atque hanc plane S. Isidoro mentem hæsisse integrum conferenti textum constabit: siquidem post laudata verba hæc immediate de tribus Sacramentis illis subsequuntur: *Quæ ob id Sacramenta dicuntur, quia sub tegumento corporalium rerum, virtus*

*virtus Divina secretius salutem eorumdem Sacramentorum operatur, unde & a secretis virtutibus, vel sacris Sacramenta dicuntur. Quæ ideo fructuose penes Ecclesiam fiunt, quia Sanctus in ea manens Spiritus eorumdem latenter Sacramentorum operatur effectum; unde seu per bonos, seu per malos Ministros intra Dei Ecclesiam dispensetur, tamen quia Spiritus S. mystice illa vivificat nec bonorum meritis dispensatorum amplificatur hæc donæ, nec malorum attenuantur &c. Paulè operosius discutiendum, quod 2. objectum est loco. Equidem solos Episcopos Ordinarios esse Confirmationis Ministros dubitare non sinunt allegati ex Pontificibus, Conciliis, ac Patribus textus, quibus tamen illæsis, quæstio esse potest, an ejusdem Confirmationis extraordinarii Ministri, ex dispensatione saltem, sive delegatione summi Pontificis, evadere simplices Presbyteri queant. Atque quod primo quidem ad S. Gregorii præcit. Epistolam 26. pertinet, sunt equidem, qui locum epistolæ apud Gratianum fuisse corruptum putant, atque pro illis verbis: *Qui baptizati sunt, & baptizandos* legendum jubent potius: *Qui baptizandi sunt, & baptizandos*, quemadmodum habetur in S. Gregorii Oper. editionibus Veneta an. 1505, Parisiensis an. 1518, 1571, & 1586, Basileensi an. 1564, ac noviss. Maurina, ubi etiam Monachi Editores ita in Cod. Mss. antiquis numero quatuordecim haberi admonent. Ideoque S. Gregorium intelligendum volunt non de concessa unctione Confirmatoria, quæ in baptizatis, non in baptizandis exercetur, sed de consignatione mere Cæremoniali, sive unctione Sacramentali illi simili, quæ fit in vertice Infantis baptizati, quaque ad Baptismum Catechumeni baptizandi præparari solebant. Ita S. Gregorium interpretati sunt Hadrianus VI. in 4. dist. 7. art. 3, Durandus in 4. dist. 6. q. 4, Petrus de Marca in dissert. ad Can. 24. Concilii Claromontani ann. 1095, licet non inficias eat, quominus a Rom. Pontifice simplici Presbytero confirmandi potestas delegari possit, ac nuper doctissim. Berardi in Gratiano emend. par. 2. cap. 59. pag. 93. Ut ut vero se habeat S. Gregorii sententia, hanc Romano Pontifici facultatis Presbytero simplici delegandæ, qua Chrismate saltem ab Episcopo consecrato Sacramentum Confirmationis administrare queat, particulam abjudicare non dubitarunt quamplures, nec infimi sane subsellii Theologi,*

ut Card. Robertus Pullus par. 5. sent. cap. 23, Hugo Victor. lib. 2. de Sacr. par. 7. cap. 2, Hadrianus VI. loc. cit., Durandus in 4. dist. 6. q. 3, & 4, Guillelmus Antioch., alique apud Alphonsum a Castro de hæres. V. *Confirmatio*, & Petrum Suave hist. Concil. Trid. lib. 2. pag. 279, ad quos perinde accesserunt Estius in 4. dist. 7. § §. 21, & 22, Petrus Aurelius, sive Sangyranus in Anere-thico, Sanbovius de Confirm., Duhamelius in tract. 2. lib. 2. dist. 3. cap. 4, & L' Herminier tom. 1. de Sacr. tract. 3. cap. 7.

Vera tamen sententia, cui utroque subscribo pollice, est tam a S. Gregorio M. Presbyteris Sardis factam fuisse, quam simplici cuilibet Presbytero a Romano Pontifice fieri posse Sacramen-to Confirmationis baptizatos consignandi potestatem. Atque de S. Gregorio quidem efficacissime exinde evincitur, tum quod eam ipsam facultatem elargitur in Epist. 26, quam primo in Epist. 9. Presbyteris denegaverat: *Ne baptizatos, inquiens, Infantes signare in fronte præsumerent, sed eos ungerent in pectore, ut Episcopi postmodum ungere debeant in fronte.* Quibus liquido verbis de Sacramento Confirmationis eum loquutum quis neget? Tum quod, si loquutus fuisset de sola unctione Cæremoniali, nec adeo sollicitus fuisset de eadem prius abolenda, nec adeo postea cautum se dedisset de illius usu limitando ad solam temporis circumstan-tiam, quo copia deesset Episcopi. Tum quod ad eam S. Gregorii Epistolam 26. respexisse haud obscure videtur Eugenius IV, dum in Decr. Union. aliquando a Sede Apostolica dispensatum affir-mat, ut simplex Sacerdos Chrismate per Episcopum confecto Confirmationis Sacramentum administraret. Quin etiam a quo-libet Romano Pontifice huiusmodi dispensatio simplici Presbyte-ro demandari possit, non amplius dubitare licet post expressa tam testimonia Clementis VI. in epist. ad Consolatorem Armeniæ Ca-thol. apud Raynaldum ad an. 1351. n. 12, ubi tertio credendum ei loco proponit: *Quod solum per Rom. Pontificem plenitudinem potestatis habentem possit dispensatio Sacramenti Confirmationis Presbyteris committi*, Eugenii IV. in præcit. Instructione Armen., sive Const. 19. *Exsultate*, ubi simplici Sacerdoti hanc ab Aposto-lica Sede potestatem factam refert; & Benedicti XIV. de Synodo Diœces. lib. 7. cap. 7. n. 7, & Const. 129. *Eo quavis* §. 8. Bull.

tom. 1. pag. 514, ubi de hac loquens indulgentiæ speciei *Minime*, inquit, *Nos latet eandem administrandæ Confirmationis potestatem ex Indulto Apostolico ad Sacerdotem, vel Missionarium pro modo necessitatis quandoque deferri posse*: quorum simillima repetit Constit. *Ex tuis* in Append. Bull. tom. 4. pag. xx; quam exempla, quibus plus vice simplici potestas hujusmodi simplici Presbytero facta legitur, Abbatibus S. Barbaræ Mantuæ a Pio IV, S. Facundi in Hispania a Clemente X, S. Justinæ, S. Mariæ Florentiæ, & Cavenfi a Gregorio XIV. Bullar. Cassin. tom. 1. pag. 159, & 257. apud Card. Petram ad Const. 2. *Religiosam* Benedicti XI. n. 8, Montis Cassini a Sixto V, & Benedicto XIII. Const. 8. post Concil. Rom., Campidonensi in Svevia a Benedicto XIV. Const. 6. *Suprema* Bullar. tom. 3. pag. 52, Missionariis Ord. Minorum a Nicolao IV, Johanne XXII, Urbano V, Eugenio IV, Leone X, & Hadriano VI. (qui ideo a priori decessisse opinione censeretur debet) apud Wadingum tom. 11. ad annos 1444, & 1447, ac tom. 16. ad an. 1521, & 1522; Missionariis Societ. J. a Gregorio XIII. apud Arcudium Concor. lib. 2. cap. 15; Custodi Terræ S. Ordin. Min. a Clemente XI, & Benedicto XIV. Const. 10. *Cum ad infra scriptam*, & Const. 87. *Demandatam* §. 14. Bull. tom. 1. pag. 28, & 294, Præfecto Missionum Ægypti Ord. Min. ab eodem Benedicto XIV. Const. 30. *Anno vertente* Bull. tom. 3. pag. 286. Quocirca de facultate hujusmodi, quin fieri Romano a Pontifice queat, ne leviter quidem dubitare sibi fas putant Card. Jacobus de Vitriaco Serm. in Vigil. Pentec., S. Thomas in 4. dist. 7. q. 3, & par. 3. q. 72. art. 11; ex Scotistis Antonius Andreas, Riccardus Mediavilla, Petrus Aureolus, Maltorius, Frassenus, Henno &c. apud Berti; Fragosus de Regim. Recip. par. 2. lib. 8. disp. 18. §. 7, Sotus in 4. dist. 7. q. 1. art. 11, Hurtadus de Confirm. diff. 3, Bellarminus lib. 2. de Conf. cap. 12, Suarez tom. 3. in par. 3. disp. 36. sect. 2, Valentia tom. 4. disput. 5, q. 2. pun. 1, Henriquez de Conf. lib. 3. cap. 6, Rodericus de privileg. Regul., Covaruvias Var. resol. lib. 1. cap. 10, Navarrus Manual. cap. 22, De Lugo Resp. Moral. lib. 1. dub. 6, De Laurza tom. 3. in 4. disput. 2. art. 2, Verricelli de Apost. Mission. q. 129. n. 3, & seq., Diana par. 8. tract. 1. resol. 3. exempla proferens dispensationis

tionis factæ ab Alexandro VI, & Gregorio XIII, quorum similia referunt Pallavicinus hist. Concilii Trid. lib. 9. cap. 7, & Farvacquesius in opusc. de Confirm., Holstenius de Conf. dissert. 1. cap. 1, Morinus de Confirm.; Fagnanus in Cap. *Cum venisset* de Sacr. Unct. n. 3, & seq., Gonzales in Cap. 4. de *Consuet.* n. 14, Barbosa de potest. Episcopi alleg. 30. n. 4, Card. Gottus tom. 2. in par. 3. q. 2. dub. 2. §. 1, Juveninus de Sacr. dissert. 3. q. 5. cap. 2. art. 2. §. 3, Card. Petra in Comment. ad Const. 14. Innocentii V. n. 61, & seqq., Tournellius de Confirm. q. 3. art. 2, Drovinus de re Sacram. lib. 3. q. 7, Boucatius de Conf. dissert. 2. art. 4. sect. 2, Witasse de Conf. q. 2. art. 5. sect. 1, Simonetta tract. 13. disp. 2. art. 2, Berti de Theolog. discipl. lib. 32. cap. 7, aliique apud ipsos.

At enim quæstio est, an ita Romani Pontificis propria hæc potestas sit, ut eadem nullo Episcopis modo competat: ut neque ab Episcopis Græcis impertiri Græcis Sacerdotibus queat: ut eandem denique potestatem extendere possit etiam Pontifex ad Christma ipsum sciendum. Quæ tria, prout præsentis operæ fert pretium, paucis expedio. Atque primo quidem Divina sola institutione inspecta, seclusaque Ecclesiæ prohibitione, posse ab Episcopo simplici Presbytero facultatem impertiri Chrismate ab ipso Episcopo consecrato fideles confirmandi ex SS. Hieronymo adv. Lucif., & in epist. ad Evangelum, & Jo: Chrysostomo hom. 11. in epist. 1. ad Timoth., ex S. Gelasio epist. 12. cap. 6, S. Gregorio M. loc. indic., ex Ambrosiastro in epist. ad Ephes. cap. 4, Auctore quæst. apud S. Augustinum tom. 3. cap. 101, & Martino Bracar. in Collect. cap. 51, & ex Conciliis Toletano I. Can. 20, Arausicano I. Can. 1, & Epaonenfi Can. 16. inferunt, & affirmant Card. Pallavicinus hist. Concil. Trid. lib. 9. cap. 7. n. 16, Lupus in Not. ad Synodum VIII. cap. 5, Thomassinus vet., & nov. discipl. par. 1. lib. 2. cap. 23. n. 6, Farvacquesius de Confir. cap. 4. q. 4, & 5, Van - Espenius Jur. Eccl. par. 2. tit. 3. cap. 2. n. 5, & seqq., Juveninus de Conf. dissert. 3. q. 5. cap. 2. art. 1. §. 3, Contantius in Not. ad epist. 25. S. Innocentii I. pag. 857, & seqq., aliique. Contra quos tamen pugnant S. Thomas par. 3. q. 72. art. 11, longeque plures alii apud Verticellum q. 130. sect. 1, & seqq., id
juria

juris uni Pontifici M. vindicantes, ostendentesque SS. Patres locis ind. nihil explicite habere de Confirmandi potestate Presbyteris facta, sed hanc potius ad Episcopalem honorem pertinere; duos illos SS. Pontifices simplicibus Presbyteris potius hanc facultatem eripuisse, ut S. Gelasius, aut postmodum impertivisse, ut S. Gregorius; Scriptores geminos illos apud SS. Ambrosium, & Augustinum loqui de Presbyteris Ægyptiis, de quibus postea; prælaudatas denique Synodos, ac S. Martinum Brac. intelligi oportere non de Unctione Sacramentali, sed Cæremoniali dumtaxat, de qua superius abunde dictum est. Cæterum post prælaudata Clementis VI, Eugenii IV, & Benedicti XIV, qui & adeundus de Synodo Diœc. lib. 7. cap. 8. n. 7, explicatissimaque testimonia omnem prorsus extra dubitationis aleam positum est, nulli Episcopo fas esse ejusmodi facultatem indulgere, sed uni Romano Pontifici esse reservatam. Quam sibi reservare potuisse inficias nemo ibit, qui cogitet facultatem hanc ad jurisdictionem pertinere: ideoque in Episcopis a Pontifice tam coarctari, quam auferri posse. Sequitur hinc apud Græcos nonnisi ex Rom. Pontificis delegatione saltem tacita licitam, ac validam fuisse Confirmationem, quam a simplicibus Presbyteris conferri baptizatis consuevisse referunt, & affirmant post præcit. Scriptores apud S. Ambrosium tom. 2. Oper. edit. Paris. an. 1690. in Append. pag. 241, & S. Augustinum tom. 3. Oper. in Append. par. 1. pag. 93. Arcudius de Confirm. lib. 2. cap. 10, & seqq., Gonzalezius in Cap. *Quanto* de Consuetud. n. 13, Holstenius de Ministro Confir. dissert. 1, & Morinus in dissert. 2. de Confirm., adeoque ut non defuerint, qui a Romanis Pontificibus nunquam Græcis potestatem hanc factam arguentes, quinimo expresse fuisse prohibitam ex S. Nicolao I, testibus Photio in epist. ad Orient., & Metrophane in epist. ad Manuelem apud Harduinum tom. 5. pag. 1114, Synodo VIII. in epist. ad Hadrianum II. ibid., ac S. Nicolao ipso in epist. ad Henricum apud Baronium ad an. 867. n. 50; ex Innocentio III. in Cap. 4. *Quanto* de Consuet., ex Innocentio IV. Confir. 14. *Sub Catholica*, ex Clemente VIII. Confir. 34. *Santissimus*, Eugenio IV. cit. Const. 19. *Exsultate*, ideoque ab Ecclesia Latina improbatam affirmate, atque consequenter invalide a Presbyteris

cæris Græcis Chrifina administrari, non dubitant, veluti Card. Pignatellus tom. 8. Consult. 78. n. 7, & feqq., ac tom. 6. Consult. 41. n. 34, Albitius de Inconst. in fide cap. 20. n. 33, & feqq., Petra in Comment. ad cit. Const. Innocentii V. n. 55, & feqq., Sanbovius disput. 7. de Confirm., Duhamelius de Confir. cap. 4, cap. 4, alique. Contra quos tamen ex dispensatione tacita Rom. Pontificum apud Græcos valide Confirmationis Sacramentum a Presbyteris fuisse collatum veriffime ostendunt Arcudius cap. 15, Goarius in Not. ad Euchologium Græcor. pag. 367, & Benedictus XIV. de Synodo Diœcef. lib. 7. cap. 9. n. 2, ex Concilio Florentino præsertim, in quo hac de re Græcis ab Eugenio IV. factissimum haud negotium fuisse liquet ex responsi. Episcopi Mityleni, & epist. Gregorii Protosyncelli ad Marcum Ephes. apud Harduinum tom. 9. pag. 430, & 641. Ostenditur etiam ex Synodo Zamoscienfi a Ruthenis an. 1720. habita, & a Benedicto XIII. confirmata, ubi tit. 3. §. 2. apud Mansium Suppl. tom. 6. pag. 330. Sacramentum Confirmationis a Parochis in Orientali Ecclesia extraordinario jure, & delegata ab Episcopo facultate, ex Apostolicæ Sedis dispensatione, post Baptismum administrari consuevisse refertur. Cæterum apud eos, quibus expresse facultas ejusmodi erepta fuit, invalide a Presbyteris Confirmationem fuisse administratam, neque deinceps valide administrari potuisse non inficias eam. Atque ita ejusmodi facultatem eripuisse existimandi sunt Bulgaris S. Nicolaus I; Græco-Latinis Constantinopoli degentibus Innocentius III. in rescripto ad Lucium Vicarium suum apud Baluzium tom. 1. pag. 480, & Van-Espenium Jur. Eccl. par. 2. tit. 3. cap. 2. n. 4; Græcis in Insula Cypro Innocentius IV; Græco-Italis Clemens VIII, & Benedictus XIV. Const. 57. *Et si Pastoralis* §. 3. Bull. tom. 1. pag. 171, & Const. 129. *Et quamvis* §. 4. ibid. pag. 513, Græcos tamen Orientales, & Cophtos a Presbytero simplici confirmari §§. 5. & 8. permittens; Græcis Albanis Clemens XI. eorum Synodum an. 1703. habitam confirmans, ubi part. 2. cap. 3. Confirmationis administratio ad solam Episcopalem spectare dicitur dignitatem apud Mansium ibid. pag. 234; Maronitis Gregorius XIII. in epist. ad Synodi an. 1578. celebratæ Præsidem confirmatos a simplici Presbytero confirmari denuo

denuo ab Episcopo posse scribens apud Verricellum de Apostol. Mission. tit. 7. de Confirm. q. 131, & Thomam a Jesu de Convers. omninum Gent. lib. 3. cap. 5, & Benedictus XIV. Const. 31. *Singularis* ibid. pag. 74. Synodum an. 1736. in Monte Libano habitam approbans, in qua Cap. 2. de Bapt. Can. 15, & Cap. 3. de Conf. §. 2. sancitum legitur, ne deinceps Confirmationis Sacramentum nisi ab Episcopo administraretur. Dignus etiam, qui adeatur Const. 53. *Ex quo* Bull. tom. 4. pag. 365, ubi §§. 57, & seq. Euchologium Græcum, quo loci juxta Decretum S. Methodii Apostolæ ad Ecclesiam reduces sacra Unctione, & Crucis signo in fronte, oculis, naribus, ore, auribus, manibus, pedore, & scapulis recipi, adjunctis verbis *Signaculum domini Spiritus S.* jubentur, emendari præcipit, delerique præfatam verborum formulam juxta emendatissimum Euchologii Card. Bessarionis, nunc Cryptæ Ferratæ exemplar, in quo verba illa non leguntur, sicuti neque in plerisque Euchologiis optimæ notæ antiquissimis olim legebantur, teste Matthæo Cariophylo apud Arcudium lib. 2. de Reform. cap. 18: ex quibus liquet eadem verba sive Decreto S. Methodii, sive Græcis Euchologiis posteriori ab aliquo Schismatico assuta fuisse. Quod demum attinet ad 3. questionis partem, an simplici peræque Sacerdoti a Summo Pontifice demandari facultas Chrisma conficiendi possit, affirmant quidem Cajetanus in par. 3. q. 72. art. 3, Valentia tom. 4. disput. 5. pun. 2, Cardin. Lauræa in 4. tom. 3. disput. 2. art. 3, & Berti lib. 32. cap. 5. prop. 4, quorum sententiam valde probabilem censent Suarez to. 3. in par. 3. q. 72. disp. 33. sect. 2., & Bonacina de Sacr. disput. 7. q. unic. pun. 2; quin etiam a Romano Pontifice hanc Presbyteris Afris potestatem olim factam scripsit Johannes Diacon. in epist. ad Senarium apud Mabillonium tom. 1. Musæi Ital. par. 2. pag. 69, & ab Eugenio IV. impertitam Fabiano de Bachia Ord. Min. ad Indos proficiscenti refert Wadingus tom. 11. ad an. 1444. Cæterum, hoc uno, vel altero exemplo excepto, quoties a præfatis Rom. Pontificibus sive Græcis, sive Latinis facta Presbyteris confirmandi facultas est, expressa semper conditio legitur adhibendi Chrisma ab Episcopo consecrato. Confer præ ceteris, qui egregie hac de re agit, Benedictum XIV. P. M. de Synodo Diocæs. lib. 7, capp.

capp. 7, 8, & 9, & lib. 13. cap. 15, ubi Archiep. Limano, & Episcopo Quitensi an. 1751. potestatem designandi, deputandi-que Sacerdotes, qui Oleo ab ipsis benedicto Confirmationis Sacramentum in locis dissitis administrarent, ab se factam, ad decennii spatium duraturam, memorat.

Ad S. Gregorium nunc gradum reflectendo, non opus quidem est multis eniti, ut tam falsitas de Purgatorio a S. Gregorio M. primum excogitata, quam ejusdem Purgatorii veritas ab ipso post alios Ecclesiæ Patres constanter propugnata in aperto ponatur. Enim vero per quingentos amplius, aut etiam sexcentos annos, ad ætatem videlicet usque S. Gregorii, Apostolicæ doctrinæ puritatem Romana in Ecclesia fuisse retentam diffiteri non audent, veritate nempe apertissima adacti, Protestantes ipsi quamplures, in quibus agmen, familiamque ducunt Calvinus Intit. lib. 1. cap. 11. sect. 13, Magdeburgenses Centur. 7. cap. 1. sub Phoca demum Romanam in Ecclesiam Antichristum inductum somniantes, Theodorus Bibliander in Tabul. Chronolog., Gaspar Peucerus lib. 4. Chron. cap. de reb. Ecclesi., Bullingerus par. 1. adversus Brentium, Auctor Opusc. de Concordia doctrinæ Bernensis an. 1650. cap. 1, Georgius Hornius in Compend. hist. Eccl. pag. 325. edit. Francof. 1655. post S. Gregorium M. sedere in Cathedra S. Petri Antichristum cœpisse fingens, Jo: Georgius Rhetiz Profeseuchæ olim moderator, ac demum ad Romanam Ecclesiam redux in Opusc. de rationibus suæ Convers. rat. 3. eandem sententiam Danzio insedisse affirmans, Kekermannus lib. 3. System. Log. cap. 14, Breitengerus in Opusc. de Sectis apud Card. Laurentium Cozza in Comment. hist. Dogm. in lib. S. Aug. de hæ. cap. 1, five 23. de *Apelle* n. 74, & seqq. A S. Gregorio igitur non aliam de Purgatorio, quam quæ vetus in Ecclesia Romana viguisset, quamque suis a Prædecessoribus accepisset, doctrinam integram propinatam fuisse quis ambigat? At enim eorum oppido plurium, qui ante, & post ipsum Catholicam de Purgatorio doctrinam qua Græci, qua Latini tradiderunt, litterarumque monumentis demandarunt, Patrum, quique perennis, antiquissimæque in Ecclesia praxis pro Defunctis preces ad Deum fundendi, Suffragia, ac Missas pro Defunctorum expiatione Deo offerendi testes adhi-

beri

beri idonei tam debent, quam tuto possunt, longus, qui exhibitus est Par. 1. Tom. 2. Art. 7. in Proleg. Not. 34 pag. 101, & seqq., Catalogus abunde demonstrat. Quin etiam veterem in Ecclesia universa eandem de Purgatorio doctrinam esse a SS. Patribus traditam, signatimque a Tertulliano lib. de Corona Milig. cap. 7, Epiphanio hæres. 35, Augustino serm. 32. de verb. Apost., & Auctore Eccl. hier. cap. ult. nec inficiantur Calvinus Instit. lib. 3. cap. 5, Forbescius Instit. hist. Theolog. lib. 13. capp. 3, & 10, ac Svicerus Thesaur. Eccl. tom. 1. pag. 92. Quæ insania est igitur veritatem tot Veterum testimoniis innixam in derisionem vertere, ac dubium, veritatisque tam antiquæ, Ecclesiæque cœvæ primum auctorem S. Gregorium agere? Nec est vero, cur diutius immorer duabus eluendis contradictionibus, quas in S. Gregorii dictis se deprehendisse jactat Oudin, nempe quod 1. Purgatorium pro levibus expurgandis peccatorum maculis induxerit lib. 4. Dialog. cap. 39, qui seq. postea cap. 40. sui velut oblitus a Paschasio Diac. grave Schismatis crimen in Purgatorio expiatum refert: quod 2. Purgatorii ignem corporeum quidem statuerit cit. cap. 39, qui alias de Inferni igne contrarium definit lib. 15. Moral. cap. 14. Siquidem sparta ista defunctus jam sit Doctiss. Jo. Hieronymus Gradonicus in dissert. epistol. cap. 8. ostendendo 1. Paschasium Schismati pseudo Laurentii olim implicatum aut gravi a peccato ob ignorantiam fuisse excusandum, aut cerre ante obitum pœnitentia grave illud crimen expiasse. 2. Corporeum, utrumque ignem utroque in loco positum a S. Gregorio fuisse: quod pridem a doctiss. Maurinis Editoribus probatum est ex melioris notæ Codicibus Vaticanis quinque, antiquissimo Barberino, duobus Chisiis, aliisque Gallicanis, & Anglicanis longe pluribus, quos præferendos utique duobus aliis Vaticanis, atque uni, alterique Uticensi, & Germanico ibid. in Not. admonent, atque ita plane *Corporeus* legisse præfato in loco, qui vice plus simpliciter S. Gregorii Moralia contraxerunt, uti S. Paterius, uti Taju, uti Alulfus, uti S. Odo Clun., uti Adalbertus, uti Simon Afligemienfis, uti Bruno, uti Guarnerus, uti Rupertus &c. Quod ad Imagines attinet, quarum a cultu alienissimus S. Gregorio affingitur animus, ejusdem longe æquius mentem ex præcit. epistola ad Screnum ex-

Paris II. Tom. V.

M m m m

pressit

pressit S. Thomas 2. 2. q. 94. art. 2, ita nempe, ut Sanctorum Imagines non absoluta quidem adoratione etiam inferiori, sed respectiva dumtaxat adorari posse, ac debere scripserit. Atque ita pariter S. Gregorium approbe interpretatus est Natalis Alex. in hist. Eccl. ad Sæculum VIII. dissert. 6. §. 4, ut videlicet adorationem Latriæ, quæ uni Deo debetur, SS. Imaginibus deferendam negaverit, non etiam alterius honorariæ adorationis speciem, quæ reverentiam nostram, amoremque erga Sanctos eorum coram Imaginibus exprimat. Recteque proinde Dionysius San Marthanus hist. S. Gregorii lib. 4. cap. 1. ejusdem doctrinam circa Imaginum cultum ab universæ Ecclesiæ doctrina in Concilio Trident. sess. 25. in Decreto de Invocat., Vener., & Reliq. SS., & SS. Imagin. tradita, de qua præter Catechismum Rom. Cl. Bossuetius in sua Doctrinæ Christi explicatione pag. 16, nec latum aberrasse unguem ostendit. Neque desunt imo, qui explicatissimam S. Gregorii circa Imaginum cultum facere mentem non dubitant ex ipsius Epistola 52. lib. 9. alias 54. lib. 7. ad Secundinum Inclusum, in qua utique S. Pontificis mens probe orthodoxa deprehenditur, quod præstare inter alios non prætermisere Du-Mesnil doct., & discipl. Eccl. lib. 30. n. 35, & Gradonicus cit. dissert. cap. 9. n. 56. Quia tamen emundioris naris Criticis Guffanvilleo, Maurinis ipsis Editoribus, & Berardi Grat. emend. par. 2. tom. 2. cap. 59. pag. 77. Epistola hæc plurimo ex capite, ex eoque præsertim, tum quod variam præferat in variis Codicibus Mss. lectionem, tum quod doctrinæ capita quædam tradat tam toti retro Antiquitati, quam ipsimet Gregorianæ passim adversam, supposita, plurimoque suppositionis laborare morbo visa est, incerto nolim, interpolato saltem, monumento inniti, & insistere. Cæterum autem Catholicum de SS. Imaginum cultu dogma luce plurima aspersum, optimoque constitutum loco, nisi meus me fallit amor, videre licet par. 1. tom. 2. Art. 7. in Proleg. Not. 27., & seqq. pag. 83, & seqq., quam etiam in rem conferre juvabit, qui hoc de argumento optime meriti sunt, Gonzalezium in Appar. de Orig., & progress. Jur. Can. pag. 17., Bellarminum tom. 2. Controv. lib. 2. de Imagin. SS. cap. 9, Vasquezium in tract. de ador. Imag. lib. 3. disput. 3, Albaspinæum in Not. ad Can. 36.

III.

Illiberit., Antonium Augustinum in Epitom. lib. 16. tit. 16, Lupum in Schol. ad Synodum VII. par. 2. pag. 1083, Dartis in Decret. par. 3. de Consecr. pag. 4, Thomassinum in Theolog. Dogm. de Incarn. lib. 12, cap. 8, & seqq., Cabassutium in Diatriba de Imag. pag. 314, Capisucchium in Controv. Theolog. de Cultu Sacr. Imag., Card. Gottum de vera Christi Eccl. tom. 2. par. 2. art. 16, & Card. Petram in Comment. ad Constit. L. Divini Innocentii II. tom. 1. edit. Ven. pag. 288, & seqq., aliosque de Schola Theologos.

In Sabiniani Ordinatione gravis exsurgit difficultas, quæ siquidem ad quamplurimum aliorum Pontificum Ordinationes pariter extendi potest, arrepta heic proinde opportunitate expendenda, atque paucioribus, quoad ejus fierit poterit, expedienda venit. Sabinianus igitur ex Ordine Diaconorum assumptus, ac Pontifex ordinatus, quin antea Presbyteratus Ordine insignitus legatur, inquirendi locum præbet, an Pontifices aliquando ex Diaconis, quin etiam ex Subdiaconis inaugurati, prætermisso Presbyteratus gradu, idest per saltum, ut dici assolet, Pontificali, sive Episcopali Ordine fuerint consecrati. Atque quod primum ad Subdiaconos respicit, ex ipsis aliquando Pontifices inauguratos, atque ita S. Silverium affirmat Liberatus Brev. cap. 22; S. Deusdedit etiam ex fide Anastasii exputavit Baronius ad ann. 614. n. 1, quod primo tamen factum, ut ex Subdiacono Pontifex inauguraretur, atque Bibliothecarii alteram ferri ab hac diversam lectionem in nov. edit. Luc. adjectione observat. Quin imo Pagius Junior in Deusdedit in ea opinione versatur, ut duo illi nedum, sed ex aliis quoque Subdiaconis potuerint eligi in Pontifices ad tempus usque Stephani III, sive IV, a quo demum in Synodo Romana an. 769. decreto cautum legitur Act. 1: Ut nullus, nisi ex Sacerdotibus, vel Diaconibus juxta Apostolicæ Sedis traditionem Pontifex eligeretur. At enim adversus Pagium recte doctiss. Cennius in præfat. ad hanc Synodum n. 8. pag. xvi, & seq. pugnat Subdiaconos a Pontificatus apice, quandiu Subdiaconatus sacros inter Ordines non est dinumeratus (quem demum sacris Ordinibus dinumeratum ab Alexandro II. contendit Jo: Hyacinthus Sbaralea Quæst. 3. de Subdiaconis in Append. disput.

put. de pravor. Ordinatus, ab Urbano II. censent alii; qua de re dictum par. hac 2. tom. 4. Art. 9. §. 1. pag. 442, & 498.) semper fuisse remotos, argumento ducto ex præfato decreto Stephani III; quod longe gravioris præ Liberato autoritatis loco habendum esse nemo non videt; ex eoque confirmatur, quod eadem in Synodo Act. 1. Constantinus pseudo-Pontifex, antequam in Pontificatum irrumperet; Diaconus Forensis (idest extra corpus Rom. Ecclesiæ, quod ex septem tum plenum erat) ordinatus referatur. Quum vero ante Pelagii II, a quo primum Romanæ Ecclesiæ Subdiaconis sacra continentix lex indicta legitur, & S. Gregorii M., quo ad alios pariter Ecclesiæ Occidentalis Subdiaconus eadem lex Cælibatus extensa fuit, ætatem Subdiaconis conjugium permetteretur, inde fit plane, videreque quis facile potest Subdiaconi nomen in SS. Silverio, & Deusdedit, aliisque quotiescumque occurrit, Patri Electi, non Electo ipsi esse tribuendum. Atque quidem *S. Deusdedit ex Patre Stephano Subdiacono* legendus potius, quam *Filius Stephani ex Subdiacono*, ex melioris notæ Codicibus Anastasii ostenditur a Blanchinio to. 1. pag. 95, & a Cennio tom. 4. Anastas. pag. 21. Nec opinioni huic id officit, quod teste Leone Ostiensi in Chron. Cassin. cap. 98, S. Gregorius VII, dum adhuc Subdiaconi defungeretur officio, in Pontificem cum a Romani Cleri plerisque fuerit postulatus, tum Romano ipsi Clero præ aliis a Friderico Juniano, qui ipse paullo post electus est sub Stephani IX, aliis X. nomine, propositus. Quoniam hoc conciliari hac ratione possit, quod si ex Subdiacono electus is fuisset, non antea tamen Pontificiam ascendisset Cathedram, quam Diaconus, & Presbyter fuisset ordinatus. Quod pariter factum quin putetur de SS. Silverio, & Deusdedit, nihil, ut video, prohibet, ut primo nempe Diaconi, ac Presbyteri, ac deinde Pontifices fuerint inaugurati.

Ad Diaconos modo sermonem convertendo, ex his potius, quam ex Presbyteris ad Ecclesiæ regimen Pontifices more Romana in Ecclesia receptissimo, primis octo præsertim Ecclesiæ sæculis, assumi consuevisse, sive quod Diaconi Ecclesiæ res non temporales tantum, sed etiam spirituales, penitus haberent perspetas, sive quod Diaconos penes siquidem rerum temporalium

summa

summa confisteret, facilius in se Cleri, Populique gratiam, & suffragia inlectere, sibi que animos devincire possent, observant Quessnellus in Not. ad epist. 12. S. Leonis ad Anastasium Thessal., Papebrochius in Conat. §. 47. de S. Leone M. n. 3, & Garnerius in Not. ad lib. Diurnum cap. 3. tit. 3. Quæ conjectura ex eo confirmatur, quod qui factio schismate ad Pontificale fastigium adrepere ut plurimum adnixa sunt, ii ex ordine Diaconorum erant; atque hinc forte fieri facile potuit, ut ad præcavenda deinceps schismata potius ex Diaconis Pontifices deligerentur. Cæterum falsum est plane, quod Photius Cod. 182. ex Eulogio Alex. Sæculi VI. scriptore in lib. contra Novatū de dispensatione Ecclesiastica refert, Romana in Ecclesia statutum, ut decedenti e vita Pontifici Diaconus succederet, ideoque Novatū ex Diacono creatum a S. Cornelio Presbyterum fuisse, ut ita ad Pontificatus apicem perveniendi spem omnem præcideret: sicut enim fallitur is circa Novatianum, quem cum Novato confundit, quique jam ante Presbyteratu fungebatur, quam S. Cornelius Pontifex fuisset electus; sic fallitur circa Pontificis successores, quos ex decreto Rom. Ecclesiæ semper Diaconos statuit: siquidem certum sit antea ex Presbyteris eligi Pontifices consuevisse, atque deinde, ut ex Diaconis assumerentur, tum demum consuetudinem cõpisse, quum rerum temporalium potiri Ecclesia inchoavit, earumdemque administrationem in potestatem Diaconorum transcribere operæ pretium duxit, veluti scribit S. Leo in epist. 84. edit. Quesn. ad Marcianum Aug., quod nonnisi post S. Silvestri ætatem, qua nempe ditescere Ecclesia incepit, factitatum est. Jam vero an ex Diaconis assumpti per saltum, impertransito Presbyteri gradu, in Pontifices inaugurati fuerint, idest Episcopali Ordine insigniti, res in ambiguo est, nec ex Monumentis, quæ supersunt, eliquari satis potest, ancepsque hæret Eruditorum opinio. Affirmat tamen Mabillonius in Comment. ad Ordinem Roman. tom. 2. Musæi Ital. cap. 18. pag. 119, qui postquam cap. 16. observasset a Photio inter alia, quæ adversus Rom. Ecclesiæ ritus objecerat apud S. Nicolaum I. in epist. 70. ad Galliar. Episcopos, id quoque objectum fuisse, quod apud Romanos Diaconi in Episcopos inaugurarentur, Presbyteratus Ordine non prius acceptos atque

atque objectionem hanc quidem etſi Ratramnus Corbejenſis lib. 4. cap. 8. reſponſ. ad object. Græcor. calumniæ meræ deputaverit, uniufque conſtandæ in Latinos invidiæ cauſſa conſiſtam dixerit, Aeneas tamen Pariſ. in ſuo libro adverſ. eaſdem objectiones Græcor. cap. 210. apud Dacherium Spicileg. tom. 7. pag. 148. non eam ivit inſicias, ſed magis reſpondendum duxit ex ſententia, S. Hieronymi in epiſt. 85. ad Evangelum, ideo Diaconos per ſaltum apud Romanos aliquando ordinatos Episcopos legi, quod in Episcopo Presbyter contineri crederetur, ſive Presbyteratus Ordinem pariter ab eo accipi, qui Episcopatus gradu inſigniretur: *Forſitan*, inquit, illi, *qui de Diacono ordinant Episcopum*, prætermiſſa benediſtione Presbyterali, *aſſertioni B. Hieronymi loquentis ad Titum ex parte concedere videntur*, qui Officium Presbyteri in aliquo comparticipari aſſignat *Ministerio Episcopali*; cit. cap. 18. opinionem ſuam tum adſtruere ſtudet ex duplici libello, in quorum priori eadem ejus, qui ex Diacono, atque illius, qui ex Presbytero ordinatur, Conſecratio legitur; in poſteriori vero id unum præſcribitur, ut in Pontificem eligatur, qui a Prædeceſſore fuerit aut Presbyter, aut Diaconus ordinatus, pro utroque vero electo una eademque præſcribitur Ordinatio; tum roborare ſatagit triplici exemplo Conſtantini, Valentini, & S. Nicolai I, ex quibus ille prior Clericus primum, ac Subdiaconus perinde, & Diaconus ordinatus in pseudo-Pontificem a Schismaticis conſecratus legitur apud Anaſtaſium; poſteriores duos vero ex Diaconis legitimos in Pontifices adlectos, nullo Presbyteratus factio verbo, idem Bibliothecarius aſſignat. Mutatum hunc deinde morem Sæculo XI, ſub quo S. Gregorius VII. in Presbyterum ante ordinatus, quam Pontifex inauguraretur, in Actis Vatic. apud Baronium ad an. 1073. n. 27. legitur; ſequenti vero Gelafius II. ſeorſim Presbyteratus gradu adauſtus, antequam Pontificatum aſcenderet, a Pandulpho in lib. de Rom. Pontif. reſertur: atque ita tempore intermedio S. Nicolaum I. inter, & S. Gregorium VII. Ordinationes per ſaltum Romana in Eccleſia fuiſſe abrogatas exiſtimat vir Eruditus. In hanc ipſam opinionem ingreſſus Martenius de Antiq. Eccl. Ritib. lib. 1. cap. 8. art. 3. n. 10. eam confirmare enititur cum exemplo Johan-

nis

nis S. Galli discipuli, quem ex Diacono ordinatum Episcopum Constantiensem, Presbyteratu non suscepto, haud obscure tradit Valafridus Strabo in vita S. Galli lib. 1. cap. 25. apud Mabillonium Sæculo II. Bened., & in Annal. ad an. 613. n. 8, tum decreto Synodi Romanæ sub Stephano III, sive IV, quo Aët. 3. Episcopi ex Diaconis, aut Presbyteris a Constantino pseudo-Pontifice ordinati ad pristinum Ordinem regredi præcipiuntur, & Aët. 4. ad Pontificatum, nisi ex Diaconis, aut Presbyteris, assumi prohibentur. Qui pariter ante S. Gregorium VII, atque jam sub Stephano IX. usu Romanæ Ecclesiæ venisse, ut qui ex Diaconis eligerentur Pontifices, ii prius deinceps Presbyteri ordinarentur, exinde persuasum habet, quod siquidem apud Leonem, Ostien. in Chron. Cassin. lib. 2. cap. 48. legatur a Stephano IX. Alphonsus Salernitanæ Ecclesiæ electus, primo Presbyter, atque sequenti die Archiepiscopus ordinatus, veri fiat valdequam simile id etiam Romana in Ecclesia usu receptum, ut Diaconus per saltum, Presbyteratus gradu prætermisso, non amplius Ordinaretur Episcopus. Affirmativam eandem pariter de Diaconis in Pontifices, impertransito Presbyteratu, inauguratis partem tuiti sunt, ac tenuere Pagius uterque, Senior ad an. 604. n. 4, & seq., Junior in Sabiniano, immutatum hunc morem sub S. Gregorio VII. exputans; Chardonus hist. Sacram. lib. 1. de Ordin. cap. 1. Decretali inter alia S. Cælestini I. ad Episcopos Galliar. innixus, de qua paullo infra; Sandinus in Not. ad Sabinianum pag. 179, & seq. Mabillonii propriam faciens opinionem; ac Cennius in præfat. ad Synodum Later. Stephani III. an. 769. n. 14. pag. xxiii. Valentini, & S. Nicolai I. exemplis, ab Anastasio allegatis, & a Mabillonio, permotus.

Atque horum quidem opinio ex eo confirmari potest, quod apud Græcos, aliosque Orientales Clerici per saltum frequenter ordinari consueverint, quin ullum propterea a Latinis negotium illis faceßitum fuerit. Ita namque Lectores, omiſſis Oſtiarii, Exorcistæ, & Acolythi gradibus, in Subdiaconos ordinari solitos liquet ex Græcorum libris sive Archieraticis, sive Euchologicis, apud Goarium, Morinum, Habertum, & Martenium; ex Synodo VIII. Aët. 10. Can. 5; ex S. Johanne Damasc. initio Dialogi adv. Mani-

Manichæos; Elia Cretensi in Orat. 19. S. Gregorii Nazianz.; S. Maximo in lib. de Eccl. Hierarch. cap. 5; Georgio Presbytero in vita S. Theodori apud Surium ad diem 22. April.; Auctore Constit. Apostol. lib. 8; Niceta in vita S. Ignatii Constantino-
polit., & Simcone Thessal. in Dialogo de Sacram. Ordin. apud Morinum. Apertum fit etiam ex aliarum Orientalium Ecclesia-
rum Ritualibus, Jacobitarum apud Kircherum, Syro-Nestoria-
norum, & Maronitarum apud Morinum, a quibus ex Lectoribus,
quos proprie Clericos, sive ἐν Δαδμὰ vocat S. Basilius, præter-
missis Ostiarii, Exorcistæ, qui eidem S. Basilio ἐν Τραπεζαρία nomine
veniebant, & Acolythi gradibus, de quibus Codinus de Offic. Au-
læ Constantinopolit. pag. 347, promoveri ad Hypodiaconatum
Clerici consuevere. Quo de argumento adeundi Fleurius Instit.
Jur. Eccles. par. 1. capp. 6, & 7, Witassius de Sac. Ordin., Habertus in Pontif. Græcor., Drovinus tom. 2, Drintius lib. 8. de
Ord., ac Berti lib. 36. cap. 2. Atque comprobatur Benedicti XIV.
Constitutione 57. *Et si Pastoralis super Ritibus Græcanicis* §. 7.
n. 7., Bull. tom. 1. pag. 176., qua sapientissimus decernit Ponti-
fex, ut si Clericus Græcus Lectoratus Ordine dumtaxat initiatus
majoribus Ordinibus Latino ritu insigniri desideret: *Antequam
Subdiaconus ordinetur, tres minores Ordines omisso debet ritu La-
tino suscipere. Si vero, præter Lectoris Ordinem, ad Subdiacona-
tum etiam Græco ritu ascendit, & ex dispensatione itidem Aposto-
lica facultas sibi facta sit cæteros Ordines ritu Latino suscipiendi,
antequam inter Diaconos cooptetur, ex minoribus Ordinibus Exor-
cistatum tantummodo supplere cogitur; quum per Subdiaconatum
Græco ritu collatum, Acolythatum, & Ostiariatum recepisse cen-
seatur.* Fieri forsitan etiam potuit, ut antiquitus Romana in Ec-
clesia, etsi non sejuncta initiatione, eodem tamen tempore, quo
quis Episcopus, & Pontifex inaugurabatur, Diaconus simul, ac
Presbyter, ac Episcopus pariter ordinaretur. Quæ conjectura
ex eo roboratur, quod apud Orientales, & Græcos solenne simi-
liter fuerit una cum minoribus Ordinibus Ordinem majorem, ac
speciatim cum Subdiaconatu Diaconatum etiam conferri. Quod
constat ex Fausto Nairone in Evoplia, Abrahamo Ecchelleni in
adnot. ad Canon. Nicæn. n. 18, Johanne Marone lib. de Sacerdo-

tio capp. 11, & 26, Johanne Darenſi in lib. de Hierarch. Eccleſ., & Dionyſio Barſalibi apud Labbæum tom. 2; quibus cohærent Orientalium Ritualia, Græcorum apud Morinum, Maronitarum apud Ecchellenſem, Cophorum apud Kirkerum, & Melchitarum apud Habertum. Et certe Apoſtolicis temporibus eos, qui Epiſcopi eligebantur, ſimul & Presbyteros ordinari conſueviſſe cenſet Petavius de Hierarch. Eccl. lib. 2. cap. 5, & lib. 1. diſſert. Eccleſ. cap. 2. Quin etiam adjuvari conjectura iſta poteſt exemplis plurimis eorum, qui per ſaltum frequens ordinati leguntur: uti S. Cypriani, quem, prætermiſſis Ordinibus inferioribus, Presbyterum, & Epiſcopum ordinatum refert Pontius; S. Auguſtini, quem ex laico ad Presbyteratus Ordinem promotum tradit Poſſidius cap. 4; S. Paulini, qui gradibus aliis præteritis, derepente Barcinone Presbyter conſecratus fertur apud Chardonum de Ord. lib. 1. cap. 1; S. Macedonii, qui ex laico pariter a Flaviano Antioch., invitufque Presbyter ordinatus legitur apud Theodoretum in Philoth. cap. 13; S. Otrogeſii, qui a S. Honorio Antioſod. Subdiaconus ordinatus, ſubinde ab Atherio Lugdunen ad Presbyteratus, & Epiſcopatus Ordinem promotus reſertur a pud Surium ad diem 20. Maji. Et certe in Galliis abuſum olim noleviſſe, ut paſſim ordinarentur per ſaltum Epiſcopi, liquido adpatet ex S. Cœleſtini I. epiſtola 4. edit. Cout. ad Epiſcopos Provinc. Vien., & Narbon. cap. 3, ubi in eos vehementer invehitur, qui contra decreta Patrum (ſſ. ideſt Siricii epiſt. 5. n. 5, Innocentii epiſt. 37. n. 4, & Zoſimi epiſt. 9. n. 2.) Eccleſiis præſceantur, quin ullis antea Eccleſiaſticis Ordinibus fuiſſent inſtituti.

Contra tamen pugnant Morinus de Sacr. Ordin. par. 3. exercit. 1. cap. 2. nullum extare exemplum Epiſcopatus non ante Presbytero collati affirmans; Thomassinus vet., & nov. diſcip. par. 2. lib. 1. cap. 86. n. 13, & ſeq., Lupus in diſſert. de Synodo VIII. cap. 5, Juveninus de Sacr. Ordin. diſſert. 8. q. 8. cap. 4, de Rubeis in diſſert. Crit., & Apolog. in S. Thomam diſſert. 27. cap. 4. n. 5, & Catalanus in Comment. ad Pontif. Roman. tit. 13. de Conſecratione electi in Epiſcopum §. 7. n. 3, quibus ego quidem victas dare manus haud moror, eo potiſſimum, quod poſteriore in hanc opinionem propenſiori ferri animo perſpicio Be;

nedictum XIV. in Epistola ad Carolum Justinopolitanum Electum Bullar. tom. 4. sub numero Const. 63, sub titulo *In postremo* pag. 486. inserta §. 10, & seqq., quam opinionem utique sequentibus documentis suffulciunt. Enim vero Sardicensis Synodus, cui Romana in Ecclesia antiquissimus mos, ut in Episcopum eligi posset nedum Presbyter, sed etiam Diaconus, probatissimus Can. 13. evaserat, Ischiram S. Athanasii calumniolum accusatorem, qui per saltum ab Eusebiana factione Episcopus fuerat ordinatus, gradu detrudere in epist. Synodica ad Eccl. Alex. non dubitavit. Quod indicium est haud obscurum intimam Romani moris veritatem Photium non attigisse, qui ab Electione Ordinationem discernere aut nesciens, aut nolens, quod de electis Diaconis in Episcopos frequentatum acceperat, ad eorundem pariter Ordinationes, Presbyteratus gradu pertransito, imprudens detorsit, aut deflexit impudens, quo nempe præposteræ sui Ordinationi fucum obducere qualemcumque posset. Quo etiam calumniæ loco hanc quoque Photii objectionem haberet, S. Nicolaus I. ostendit, dum ad eam pariter convellendam Gallorum Episcoporum calamos excitavit. Ex quibus Æneas Paris. quamvis trepido veluti, suspensoque digito hæreere visus sit, sic indicans haud satis Romanæ Ecclesiæ ritum sibi exploratum; non ita sane Ratramnus, qui defixo velut in pulvere pede cit. lib. 4. cap. 8. atrocem calumniam tum Romana ab Ecclesia prorsus explodere, tum in ipsos e vestigio retorquere Græcos, a quibus Photius ex Laico repente factus Episcopus fuerat, ne leviter quidem laboravit. Sed enim rem indubiam facit Romana Synodus sub Johanne XII. an. 964. habita, ex qua liquet Antipapam Leonem VIII. ante Ostiarium, Lectorem, Acolythum, Subdiaconum, Diaconum, subitoque Presbyterum ordinatum, quam Pontifex inauguraretur. Sed & Benedictus V. legitimis suffragiis in locum Johannis successit, dum a Luitprando lib. 6. histor. cap. 11. refertur ab eodem pervasore Leone gradu deturbatus, atque Presbyteratus honore spoliatus, solo Diaconatus officio defungi permixtus, cum Presbyteratus ante Episcopatum Ordine fuisse insignitum sit evidens. Citra controversiam est etiam Ordinationes per saltum, gradu quoque pertransito, execratam semper Ecclesiam esse, velut ex præ-

prælaudatis SS. Siricii, Innocentii I, Zosimi, & Cælestini I. epistolis liquido adparet: quibus jungendum Synodi Sueffionensis II. judicium Act. 6, Sardicensi Canon 9. innixum, quo eum, qui ab Ebbone Diaconatu suscepto dumtaxat, Presbyter deinde fuisset ordinatus, exaudivari debere jussit, tanquam eum, qui ad Presbyteratum, ante non accepto Diaconatu, properasset: *Et ostensum est*, ita refert Flodoardus lib. 3. cap. 2. apud Harduinum tom. 5. pag. 51, *ex Concilio Sardicensi, & ex aliis Conciliis eundem (Ebbonem) Episcopum nihil de illius Ordinatione attigisse: sed qui saltu sine gradu Diaconi ad Sacerdotium profilierat, in degradationem debitam resillire deberet.* Quamvis autem Synodum emendatam S. Nicolao I. dixerimus in eo, quod invalide ordinatos ab Ebbone habuerit, emendatione tamen non indiguit in eo, quod ordinatos per saltum Presbyteros, quin ante Diaconatu fuissent insigniti, gradu detrudendos decrevit, Quocirca, jugulum sibi met petunt adversæ opinionis patroni, quum S. Cælestini decretalem, qua Episcopos, gradibus inferioribus prætermis, ordinari prohibet, exempla que pleraque, quibus per saltum ordinati plerique feruntur, in medium producant. Quis enim, quæso, obstipus, adeoque sit obstupidus, ut putet deterimum eum Romana in Ecclesia abusum adolescere, obtinereque permissum, cui penitus ubique excindendo Rom. Pontifices S. Cælestinus, & ante ipsum SS. Siricius, Innocentius, & Zosimus strenue adeo incubuere?

Non moror autem sive Constantini pseudo-Pontificis, sive ejusmodi, siquæ alia proferantur, aliquorum exempla, in quorum Ordinatione vitium contigerit: quæ enim per nefas sunt, atque si malis, specialis ob causæ pium intuitum facta tolerantur, in argumentum pessime trahi ad suadendum ita pariter factum, atque præpostere quidem, Romana in Ecclesia, nemo probe non videt. Nec magis moror Græcorum, & Orientalium diversum Ritus, sive enim una simul duo, tresve conferantur Ordines, ut apud illos, sive seorsim temporum servatis interstitiis, ut apud Latinos, quid inde, quæso, beneficii capi licet, ut confectus perinde, Presbyteratus Ordine prætermisso, Episcopatus suadeatur? Nec demum urget Pontificalis sive libri, sive Diurni silen-

tium, quo Diaconorum in Pontifices electorum in Presbyteros Ordinatio ibidem obruitur. Tanti quippe, veluti scite advertit Thomassinus, ista res est, ut solo perfici silentio certe non possit. Atque hoc quidem negativi argumenti genus est, cui nulla vis inest, dum certissima in contrarium veritas cogit. Et certe, velut acute observat Benedictus XIV. cit. Epist. §. 13, & seq. sacro Trid. Concilio Sess. 22. de Reform. cap. 2. cavetur, ne Episcopus quisquam eligatur, qui sex antea Mensibus sacro non fuerit Ordine initiatus, nulla tamen adhibita Diaconatus, aut Presbyteratus mentione. Quis tamen inde Concilii Trid. sententia ex Diacono Episcopum ordinari, Presbyteratu omisso, quempiam posse subinferat? Rursus post Tridentinum Concilium stylius obtinuit inferendi in Bulla data ad Subdiaconum electum in Episcopum, ut prius ad sacros Diaconatus, & Presbyteratus Ordines se promoveri curet apud Rigantium ad Regul. 24. Cancell. tom. 2. §. 1. n. 17. Quis vero hinc arguendum sibiumat intermedio tempore inter Tridentinum Concilium, inductamque Romanæ Curix praxim istam Subdiaconos, non ante Diaconatu, & Presbyteratu suscepto, consecrari in Episcopos consuevisse? Sed hoc de argumento satis jam, atque super.

S Bonifacii IV. fidem, ob adjectam ab eo Synodo V. syngrapham S. Columbano evaluisse valde suspectam, ideoque reprehensione dignam visam, ex ipsius epistola altera ad eundem in Bibl. PP. Lugd. tom. 12. pag. 28. arguit Bossuetius defens. decl. par. 2. lib. 13. cap. 25, ex qua perinde id inferri putat Roman. Pontificum decreta velut irrefragabilia a illo non fuisse habita, donec Ecclesiæ universæ fuissent consensione firmata. Ex Hiberniâ, nempe in Italiam post obitum S. Gregorii M. profectus, dum Bobienfis Monasterii gereret præfecturam, ob appositum Synodo V. a Sede Apostolica calculum, tam Episcoporum, quam Populorum scindi studia perspicuens, stimulisque ab Agilulfo Langobard. Rege, ac Theodelinda Regina conjuge acceptis, fertur ad Rom. Pontificem exarasse epistolam, in qua hæc inter alia habet: *Doleo de infamia Cathedræ S. Petri . . . Multi dubitant de fidei vestre puritate . . . Ut honore Apostolico non careas, conserva fidem Apostolicam, confirma testimonio, roboras scripto, muni Synodo . . .* De-

Dolendum enim, ac desolandum, si in Sede Apostolica fides Catholica non tenetur . . . Jam vestra culpa est, si Vos deviasitis de vestra fiducia, & primam fidem irritam fecistis. Merito vestri Juniores (idest inferiores) vobis resistunt, & merito Vobiscum non communicant, donec memoria perditorum deleatur. An Bonifacio III, aut IV. inscripta epistola fuerit, dubitat Bossuetius, quam tamen dubitationem exuere facile potuisset, considerando S. Columbanum ex Hibernia in Galliam an. 590. sub Childeberto II. Austrasie, & Burgundie Rege profectum, an. 607. a Theodorico Childeberti filio Burgundie Rege Regno pulsum, in Austrasiam sub Theodeberto Childeberti filio altero, ac Theodorici fratre se recepisse; quo a Theodorico armis devicto, ac perempto, an. 612. in Italiam pedem intulisse, ubi Bobiensi Monasterio ædificato, in eo demum an. 615. fini concessit suo. Quæ omnia constant ex Fredegario in Chron. cap. 36, & seqq., Jona Scotto in ejus vita apud Surium ad 21. Novemb., & Cointio tom. 2. Annal. Franc. ad cit. annos; ex quibusque rite conficitur epistolam, quæ Bobiensi e Monasterio scripta circumfertur, intra anno 612, & 615. scribi oportuisse, ideoque ad S. Bonifacium IV, qui an. 608. Pontificatum ascendit, tenuitque ad an. usque 615.

Jam vero quod ad rei caput pertinet, quæ sane fides præsumptæ huic Epistolæ sit præbenda, sequentia produnt. Atque ut ea non recoquam, quæ par. 1. tom. 1. Art. 2. §. 3. pag. 188. jam attigi, sub S. Bonifacio IV. Synodum V. dubio omni procul Ecclesia universa amplexa jam fuerat, eamque probatam fuisse a Vigilio, a S. Pelagio I, a Johanne III, a S. Benedicto I, a Pelagio II, a S. Gregorio M., a Sabiniano, & Bonifacio III, quæ de re Norisius in dissert. hist. de Synodo V. cap. 9, optime exploratum habebat, adeo ut Istris in oppositam conantibus partem jam tum nigra Schismatis adhæreret nota: itaque si totum id turpiter ignoratum a S. Columbano nefas est opinari, ejusdem perinde Sanctimonia præmem. Epistolam, quæ in S. Bonifacium IV. non minus, quam in ipsius Prædecessores injurius, inque Ecclesiam ipsam quin etiam minus æquus alioqui fuisse comprobaretur, eisdem appingi prohibet: vel si germanum ejusdem factum esse concedas, affirmare omnino oportebit errorem facti, quo deceptus ali-

aliquando fuerit, tandem deductum, quod aliquando nimis in suo sensu abundaverit, aut imprudenter in Agilulsi, ac Theodelindæ studia fuerit inflexus, summopere poenituisse. Sed enim superiora, quæ præfata in Epistola protulit, nullo pacto consentiunt cum sequentibus, quæ paullo post subjungit, quibus optimum alioqui, quo erga Apostolicam Sedem affectus studio, animoque esset, apertissime manifestat. Nam mox Schisma sedare partis esse Pontificis diserte affirmat: *Causa schismatis*, inquit, *incidatur cultello S. Petri*. Mox Apostolicam Sedem hoc quam vero, tam digno mastare elogio non dubitat: *Fidei orthodoxæ Sedem Principalem* adpellans. Mox ejusdem Sedis Apostolicæ laudibus animi sui devotionem accumulans, eidem se devinctum, quammaxime deprædicat: *Nos*, ajens, *devincti sumus Cathedræ S. Petri . . . Roma per istam Cathedram tantum apud nos magna est, & clara*. Mox tandem, quod S. Columbanus fidei clavum figit, Apostolicam Sedem a fide nullo deficere modo posse explicitè profitetur: *Ego enim credo semper Columnam Ecclesiæ fixam esse in Roma*. Neque enim sane, nisi ratione Apostolicæ Sedis, cui in persona S. Petri de fidei indeficientia pollicitationes a Christo D. factæ sunt, id credidisse S. Columbanus est existimandus. Quæ quum ita sint, non igitur Romanus Pontifex qualibet vi moveri a veræ fidei soliditate potest; nec cuiquam initum cum ea Sacrorum consortium abrumpere fas erit, quod tamen paullo superius idem scripserat. Itaque suspicari licet Epistolam hanc ab aliquo Synodi V. obrectatore S. Columbano de industria fuisse affectam, quam suspicionem magis anget silentium, quo eadem præteritur a Jona ejus discipulo, ejusque vitæ Scriptore apud Surium loco cit., & Mabillonium Sæculo II. Bened. pag. 5. Vel, si mavis, S. Bonifacium tanquam singularem personam in errorem prolapsum forte putavit S. Columbanus, non etiam tanquam publici Ecclesiæ Magistri personam agentem. Vide Cl. Orsium de Rom. Potif. lib. 3. cap. 25. Bonifacio V. obrectandi ansam temere Protestantes aliqui sibi sumunt ex epistola ad Edivinum Angliæ Regem, qua cum ab Idolorum cultu ad veram Christi Religione allicere satagit, quasi in ea scripserit Christum D. nos ab solo Originali peccato redemisse. At enim pudere eos debuisset summo-

sumnopere tam atrocem confuixisse calumniam, siquidem vocis illius *Solo* ne leve quidem in epistola illa vestigium extet apud V. Bedam lib. 2. cap. 10, Baronium ad an. 625. n. 12, ac Labbeum tom. 5. pag. 660, sed hæc tantum habentur: *Accedite ergo ad agnitionem ejus, qui... pro vestra redemptione Filium suum Unigenitum misit, ut nos ab Originali peccato eriperet &c.* Quid vero si vox illa *Solo* fuisset inserta? Fuisset ideo, velut observat Belarminus lib. 4. cap. 10, ut principalis indicaretur causa, atque in parvulis quidem unica, ob quam Christus mortem oppetiit: unde Johan. 1. 24, ubi Latinus interpretes legit: *Qui tollis peccata Mundi*, Græcus textus habet: *Τὸν ἀμαρτίαν τοῦ κόσμου*, idest peccatum illud Mundi, Originale nempe, pro quo delendo præcipue Christus D. in terram descendit.

DE HONORIO I, S. MARTINO I, JOHANNE VII,
S. GREGORIO II, S. GREGORIO III.,
ET STEPHANO III.

§. VI.

Incredibile dictu, quam velis, equisque defatigentur ex Schismaticis Nilus Thessal. de Prim. Pontif. , ut de Pyrrho apud Johannem IV. in epist. ad Constantinum Imp. , ut de Paulo in epist. ad Theodorum P. M., ut de Macario in exposit. fidei Synodo VI. Aët. 8. inserta, & apud Constantinum Imp. in Divali ad S. Agathonem, qui eandem, qua ipsi infecti erant, maculam Honorio afflare non exhorruere, nihil dicam, ex Heterodoxis Magdeburgenses Cent. 7. cap. 10, Forbesius Institut. hist. Theolog. lib. 5, Chaldenius in dissert. de Monothelismo Honorii adversus Binium, & Cabassutium edit. Witteb. 1710, Bruejus hist. Pontif. tom. 1. pag. 429, ad quos ex Jansenistis Auctores accedunt Opusc. Gallice inscripti: *La vérité rendue sensible à tout le Monde*; alteriusque, cui Gallice hic titulus: *Temoignage de la vérité*; Ex Catholicis vero Maimburgus de Stat., & prærog. Rom. Eccl., Lannojus, & Bossuetius defens. decl. par. 2. lib. 12. cap. 21, & seqq., ut Honorium I. P. M. in Monotheliticæ hæresis lutum

Intum trahant, detrudentque. Atque vim quidem in eo faciunt
 1. Quod in duabus extantibus Honorii ad Sergium Constantinopol.
 Monothelitarum Protoparentem, a quo de sententia interrogatus,
 rogatusque fuerat, epistolis tum se ab ejus pravo dogmate de una
 in Christo D. voluntate, & operatione haud abhorrere demonstrat,
 tum ab una, vel duabus in Christo dicendis voluntatibus, &
 operationibus abstinendum satius habeat. Sergio scilicet rescribens
 Honorius, primo illius tanquam pro Catholica fide pugnantis studium,
 laboremque laudibus celebrat, blande tamen refellens quidquid a
 fide devium, & obliquum in sensum paullo liberius Sergius effuderat,
 atque deinde ab unius, vel geminæ in Christo voluntatis, &
 operationis assertione præcipit abstineri. Quia vero indictum nec a
 Sergio, nec a Cyro Alex. ejusdem erroris consortes silentium teneri, servarique acceperat,
 altera ad Sergium epistola scripta, quod in prima præceperat,
 silentium nempe circa unam, vel duplicem in Christo D. voluntatem,
 operationemque, vehementius inculcavit, & urfit; significans in
 eadem epistola scripsisse se pariter tam ad Cyrum Alex. unam dumtaxat
 deprædicantem, quam ad Sophronium Hierosolym. asserentem duas,
 ut hinc, & inde similiter ab unius, ac duabus in Christo asserendis
 cessaret uterque, ac desisteret. Desiderantur hæc duæ posteriores
 Honorii epistolæ, quas frustra requiras. 2. Quod in Synodo VI. Act. 12, &
 13. perlectis geminis ipsius ad Sergium epistolis, hæresis dica
 Honorio conscripta fuit, eo nomine is damnatus, ejus utraque
 epistola igne combusta, atque in sequentibus Act. 16, & 18. repetita
 in eum damnatio. Qua damnationis sententia deinde a Synodo VII.
 Act. 7. in Definit. fidei, in Synodica ad Constantinum Imp., ac in epist.
 ad Clerum, Eccl. Constantinopolit. una cum Monothelitarum Promachis
 inustus Honorius legitur. Quin etiam a Synodo VIII. Act. 7. eadem
 hæresis censura perstrictus Honorius putandus est, siquidem perlectis
 Synodi Romanæ sub Hadriano II. gestis, probata fuit ejusdem Pontificis
 allocutio tertia, qua Honorium, super hæresi accusatum a Synodo VI.,
 ideo anathemate damnatum asseruerat. 3. Quod Romani ipsi Pontifices
 Honorii successores hanc Monotheliticæ hæresis labem ab eo amoliri
 nescierint, ac nequiverint, satius-

fatiusque idcirco habuerint contra eam ab eo hæresim fateri, quam fœdo se mendacii crimine inquinari. In quibus Hadrianus II, ut mox dicebam, in Synodo Romana Honorium ob hæresis culpam a Synodo VI. male habitum fateri non detestavit. Ante ipsum S. Leo II. in epist. ad Constantinum Imp., ad Ervigium Hispan. Regem, & ad ejusdem Regni Episcopos Honorium & ipse pessime habuit, tanquam qui locum tam illustrem lapsu suo tam turpi dehonestavit, hæresique effecerit sua, ut Apostolica Sedes ab hæreticis, & ab hostibus despiciatui haberetur. Qui duobus hisce vero anteivit, S. Agatho in epist. ad eundem Imp. in Synodo VI. Act. 4. relecta, & relata nec ab impacta hæresis labe Honorium abstergere sibi aut sumpsit, aut ausus est. Quo modo ejusdem Honorii proximi Successores Severinus, Johannes IV, Theodorus I, S. Martinus I, S. Eugenius I, S. Vitalianus, Adeodatus, & Donus I, a quibus pari sententia proscripti sunt, quique unam in Christo voluntatem dumtaxat, operationemque dicerent, quique duas æque, atque unam tacendas esse indicerent, tacito etsi nomine, inter Monothelitas Honorium, etiam hæresis nomine habuisse existimandi sunt. 4. Quod de Monothelitarum rebus Scriptores qua Græci, qua Latini Honorio pariter hanc conscribere hæresis dicam, eumque in Monothelitarum demeruisse castris scribere non dubitaverint. Atque ita ex Græcis quidem S. Tarasius Constantinopolit. in epist. ad Patriarchas, & Theodorus Hierosolym. in Synodica Act. 3. Synod. VII. insertis; Epiphanius Diacon. in disputat. cum Gregorio Iconomacho lecta in eadem Synodo VII. Act. 6; S. Nicephorus Constantinopolit. in Synodica ad Leonem III. P. M. apud Harduinum, tom. 3. pag. 995; Agatho Diac., Ecclesiæque Constantinopolit. Carthophylax, idest Scriniorum custos in Orat. post annos 30. ferme conscripta, atque a Combesio in hist. Monoth. tom. 2. Auct. Bibl. PP. pag. 199. edita; Cedrenus, & Michael Psellus in Carm. de septem Synodis: ex Latinis vero V. Beda in lib. de sex ætat. Mundi, sive in Chron. in vita Constantini IV. Imp. tom. 2. Oper.; Anastasius Bibl. in præf. ad Collectanea in Bibl. PP. Lugd. tom. 12. pag. 831, & Oper. Sirmondi tom. 3, & libro de gestis Rom. Pontif. in Leone II. scilicet 148. tom. 4. edit. Blanch. pag. 105;

Auctor libri Diurni Rom. Pontif. in professione fidei a Pontificibus recens inauguratis emittenda; Ado Vien. in Chron. ; Humbertus Silvæ Candidæ Episcop. in disput. advers. Nicetam Pæſt. apud Baronium in Append. tom. 17. nov. edit. Luc. pag. 678; Marianus Scotus in Chron. ; Hincmarus Remen. in libro de non Trina Deitate, aliique, qui ad unum omnes Honorio Monothelitica hæresis notam appingere non dubitant, ob idque iuste a Synodo VI. damnatum affirmare. Ista summatim contra Honorium congeri, amplificarique valdequam solent.

Quibus antequam satisfaciam, retro paullisper flectere vestigia, in eaque paullo rursus intendere, quibus super. Artic. 12. pag. 382, ac seqq. spartæ huiusce partem emensi sumus, atque observare præstabit. 1. Haud recta incedere, mea quidem sententia, sententia quin imo Lupi in dissert. de Synodo V. ad Act. 18, Petri de Marca apud Baluzium in ipsius vita præfixa lib. de Concord., Combesii in dissert. Apolog pro Actis Synodi VI. cap. 3, Garnerii in dissert. 2. ad libr. Diurnum, & in Append. ad Not. cap. 2, Johannis Bapt. Tamagnini in hist. Monothel., Natalis Alex. hist. Eccl. ad Sæcul. VII. dissert. 2, & Pagii utriusque, Senioris ad an. 681. n. 7, & seqq., Junioris vero in *Honorio*, haud recta, inquam, incedere illos, inter quos Albertus Pighius, Baronius ad an. 681. n. 19, & seqq., ac 682. n. 2, & seqq., Bellarminus lib. 4. de Rom. Pontif. cap. 11, Jodocus Coccii in Theſ. tom. 2; Franciscus Marchesius in Clypeo Fortium, sive Vindic. Honorii, Binius in Not. ad Synodum VI, Azorius Instit. Moral. lib. 1. cap. 5, a quibus nec plurimum abhorrent Papebrochius in Conat. dissert. 23, alias 16, & Baldinus in Not. ad Anast. tom. 4. sect. 148. pag. 105., & seqq., qui ad vindicandum ab hæresi Honorium, atque liberandum a lapsu, eam intentatam antehac viam inivere, ut Acta Synodi VI. a Monothelitis depravata ad nos pervenisse, atque foris depravationem huiusmodi Theodoro pseudo-Episcope Constantinopolitano acceptam fore referendam existimarent. Nam levibus horum conjecturis missis, quas ab illis convulsas videre licet, Acta Synodi VI. haud adulterata haberi, neque a Græcis fuisse corrupta, multa invicem suadent. Atque 1. Actorum Synodi VI. quinque exenplaria a Concilii Notariis exarata fuisse,

se, & quinque Patriarchis tradita, eorum vero aut ographum Sedis Apostolicæ Legatos accepisse Romam deferendum, quo S. Leoni II. consignato, Pontifex Synodum calculo comprobavit suo, constat ex Act. 18. apud Harduinum tom. 3. pag. 1435. Itaque Synodi Acta omnia depravare, adulterareque Monothelitæ nequiverunt. Esto enim tantum perpetrare nefas potuerit Theodorus Monothelitica labe a capite ad talos aspersus, non tamen imputandum tantum flagitium Petro Monacho Patriarchæ Alex. vices agenti, neque Theophani Patriarchæ Antioch., neque Georgio Monacho Sebasteno, ac postea Antiocheno Patriarchæ, tum Theodori Hierosolymit. Patriarchæ vices gerenti, quos ea ab hæresi abhorruisse quammaxime extra dubium est omne; multoque minus S. Agathonis Legatis, quos adeo desides, Apostolicæque Sedis dignitatem voluisse despiciatui objicere suspicari non licet, ut proinde Synodi Acta depravari viderint, ac tacuerint. Neque etiam a Theodoro tam subito corrupta dici possunt, quandoquidem tum Ecclesiæ Constantinopolitanæ præerat Georgius, tribusque insuper annis a Synodo VI. superstes tenuit, Theophane in Chronog. pag. 301, & seq. teste, qui animo plane sincero Monotheliticam execratus hæresim legitur in Synodi Actis, lateque ostenditur a Cupero hist. Chronolog. Patriarch. Constantinopolit. §. 43. Ad hæc depravata etsi darentur Acta Synodi VI, dandum nullo tamen est modo depravata etiam fuisse Acta Synodi si-ve VII, si-ve VIII, in quibus hacce de Honorii damnatione frequens fit mentio: id enim de iis Synodis violatis, vel suspicari vetat testimonium, si-ve S. Tarasii Constantinopolit. in epist. ad Patriarchas, si-ve Theodori Hierosol. in Synodica, Honorium a Synodo VII. male habitum diserte scribentium; vetat & Anastasii Bibl. fides in præfat. hist. ad Synodum VIII. Hadriano II. P. M. nuncupata affirmantis, de ejusdem mandato se Synodo isti interfuisse, simul Acta Synodi manu sua transcripsisse, deinde Constantinopoli Romam integra detulisse, ejusdem jussu Pontificis a Græca Latinam in linguam vertisse, in eaque Honorium anathemate fuisse confossum. Cui vero in mentem veniat a tot Episcopis Synodi si-ve VII, si-ve VIII. interpolationem fuisse ignoratam, adeo ut nullus de Actis Synodi VI. violatis vel suspicatus

legatur; neque a Legatis Apostolicæ Sedis, dum ageretur de Roman. Pontificis damnatione, reclamatum contra imposturam sit, neque intrusam in Acta Pontificis damnationem sit demonstratum? Qui fieri demum potuit, ut tam gravi supinitate, stupore, que obsiderentur, simulque obruerentur, hinc quidem S. Leo II. in epist. ad Constantinum Imp., qua Synodum VI. confirmavit, & in epist. ad Episcopos Hispan., qua Synodi VI. Acta se ad ipsos transmittere scripsit, atque Hadrianus II. in epist. ad Synodi VIII. Episcopos, qua ob hæresis crimen Honorium post mortem potuisse damnari non ivit inficias; illinc vero Agatho Diacon., qui in Synodo VI. Notarii munere perfunctus fuerat, in perorat. eadem in Synodo Honorio inflictum anathema affirmare non dubitans, Constantinus Imp., qui Synodi VI. Acta ad Episcoporum preces sigillo suo, propriaque syngrapha obsignavit, atque S. Nicephorus Constantinopolit., qui in Synodica ad Leonem III, cui certe adrepere non fuisset ausus, vir alioqui sanctitate conspicuus, a Synodo VI. Honorio anathema dictum scribere non est veritus? Qui fieri, inquam, potuit, ut Synodi VI. Acta fuisse vitata adeo crasse ignorarent, atque ignorantia deinde pari detinerentur Canonum doctis. Collectores Ivo, Anselmus, Deusdedit, Gratianus, ita ut ullo absque delectu, ullaque absque animadversione Synodum VI. aliis adcenferent? Græcis equidem ea familiaris, ac frequens infedit ars furtive, ac fallaciter sive Rom. Pontificum adulterandi litteras; sive Synodicos depravandi Codices, adeo ut S. Leo M. in epist. 83. edit. Quesn. 97. Baller. 124. ad Palæstinos Monachos de sua ad S. Flavianum dogmatica se adhuc superstiti vitata conquestus sit; S. Gregorius M. lib. 5. epist. 14. in Synodi Ephesinæ, & Chalcedonenfis Codicibus factas sive depravationes, sive detractiones se offendisse affirmavit; & S. Nicolaus I. in epistol. 5. & 9. ad Michaelem Imp. de violatis tam decessoris sui Hadriani, quam litteris suis acerbe doluerit. Atque fraudis hujusce, fallaciæque quidem exempla non desunt in Synodicis Actis: duo siquidem Actis Synodi V. Mon. thelitica labe confecta, veluti a Vigilio Papa ad Justinianum Imp., & ad Theodorum Aug. conscripta, adjecta liquet. Synodi VI. Codici etiam, ut ejusdem auctoritate exinde valerent, Canones duo supra centum, qui Trul-

lani

Iani vulgo nuncupantur, Græcorum itidem dolo attexti leguntur. A Synodi VII. actis denique eadem pariter fraude particula *Filioque* adempta fuit, ut hac detractione Spiritus S. processio a Filio decurraretur. Verum tamen vix perpetrata fraus fuit, ut subinde, statimque detecta patuit: unde in Synodo VI. Apostolicæ Sedis Apocrisarii eas Vigilio Epistolas falso fuisse suppositas, falsatum Synodi V. Codicem, eique adjunctos non multo antè tres quaterniones, qui una cum duabus illis Vigiliis epistolis in antiquis optimæ notæ Codicibus desiderabantur, tam doluere, quam demonstrarunt. Trullani Canones mox in dubium, mox in disceptationem venerunt; in Synodo VII. a Patribus in pretio haud habiti sunt; atque subinde explorato more a Synodi VI. Codice separati, in Quinisextam Synodum reiecti sunt, quarum illa recepta, ista reprobatæ. In Concilio denique Flor. sess. 6, & 7. Ferrariæ celebratis Card. Juliani opera Græcorum fraus detecta est, Græcisque vitiatum Synodi VII. Codicem cum abraza particula *Filioque* producentibus alter,isque antiquissimus, atque castigatissimus ex Vaticana Bibl. oppositus fuit, quo Græci textus depravatio evicta, ostensaque est. Si itaque Synodi VI. Acta, ubi Honorio dictum anathema habetur, simili dolo depravata fuisse vel leviter suspicandi locus datus fuisset, putasne ab exprobranda Græcis fraude, in alaque fide in Synodis tum VII, tum VIII. Apostolicæ Sedis Legati abstinuissent?

Observare 2. juvat multo minus rectam defendendi Honorii inivisse viam illis, qui errore facti, atque dogmatici quidem, deceptam Synodum VI. in Honorium anathema intorsisse affirmare non dubitant. Intimam Honorii sententiam in epistolis ad Sergium eandem Synodum non fuisse assecutam, ideoque perperam optimo Pontifici Monotheiticam hæresim appinxisse, ut proinde non sit, cur in Honorio a lapsu omni liberando multum defatigetur, atque frustranea ludatur opera. Atque hanc quidem defendendi Honorii rationem a Johanne de Turrecremata, a Baronio, a Spondano, a Bellarmino, a Pallavicino, a Richelio, a Lauræa, ab Aguirrio, aliisque adinventam plerique ex Jansenistarum præsertim grege jactant, ansam exinde avidè arripientes sive Cl. Viris obtrectandi, sive Rom. Pontificum decretis non obe-

obediendi, quam tamen licentiam comprimere, labem vero omnem Viris ab illis doctiss. procul depellere paullo super. pag. 388, & seqq. adniti sumus. Siqui cætera parum considerate hanc Pontifices ab injuria redimendi rationem sibi proposuisse reperiuntur, næ ii profecto ita ab se longe pejus in errorem projici Ecclesiam non animadvertunt. Etsi enim in factis mere personalibus falli, & fallere sive Pontifices, sive Ecclesiam posse, ipsorum absque injuria, fideique periculo dici possit, dici id tamen in factis dogmaticis nullo potest modo; id enim si semel dicatur, jam actum erit de fidei definitionibus, siquidem quæcumque fidei definitio circa factum dogmaticum obversetur, uti fusc suo expositum loco fuit. Sano, rectoque sensu tamen a Synodo VI. erratum in damnatione Honorii dici posse, erratum, inquam, in judicio, non doctrinali quidem, sed criminali dumtaxat, infra dicemus. Neque magis vero appropinquare illos arbitror, qui ad eludendam, evadendamque potius difficultatem, quam diluendam, enucleandamque id consilii excogitarunt, & capessivere, ut affirmarent a Synodo VI. de Honorii epistolis actitatum non fuisse, sed de ejus persona dumtaxat, idque judicio, non doctrinali, sed criminali solummodo, ducto scilicet ex informationibus, hominumque testimoniis, in quo plane Ecclesiam, Pontificesque errare posse absque fidei dispendio nemo diffitetur: quod excogitatum sane tamquam parum solidum, parumque Synodi VI. conforme sententiæ pag. 385, & seq. paucis quidem, sed quantum opus foret, operæque ferret pretium, explosum videre licet. De adinventis defendendi Honorii aliis, uti de distinctione personæ singularis a Doctore publico a Melchiorre Cano, & Episcopo Sueffionensi in 2. Admonit. par. 2. pag. 19, & seqq. excogitata; uti de distinctione judicii Episcoporum in Synodo a judicio Synodi Episcoporum a Johanne Bapt. Bartholi inducta; uti de distinctione Synodi prout ex Græcis solis constat, a Latinis non etiam confirmatæ post Anastasium, & Arsdekin a Marchesio, & Cavalcanti obruta, recolenda, si placet, quæ pag. 383, & seqq. observata jam sunt. Quibus præoccupatis, jam operæ pretium est: ut 1. Honorii fidem nullam ex duplici ad Sergium epistola hæresis labem contraxisse, nihilque ex damnatione in illum

illum a Synodo VI. lata fuisse ipsius fidei destractum ostendatur : 2. ut in Honorium dicti a Synodo VI. anathematis causa, ecurrere sacris tabulis ejus nomen erasum, infamata memoria, igneque cremata fuerint in eadem Synodo ipsius epistolæ, nitide explicetur : ut ad Honorii labefactandam fidem objecta ab adversariis momenta emodentur, pleneque evacuentur ; nihilque exinde negotii Honorii fidei facessiri posse evincatur, neque in Honorium vel ob fidei causam Synodum etiam generalem agendum ex defectu juris sibi licite sumere potuisse, vel siquid egit Synodus VI, id totum actum, profectumque ex Rom. Pontificum licentia, ab iisque potestate accepta ; vel suffragio tandem accedente factum demonstraretur. Quæ tria si semel rite, prout spero, placebitque Superis, præstentur, Honorii profecto causam numeris tum omnibus absolutam existimaverim.

Jam igitur quod ad 1. attinet, Honorium haud a fide defecisse, nec ulla hæresis Monotheliticæ vel levem ei aliquando labem adhæsisse jamdiu Viris doctis. Petro de Marca, Abbellio, Natali Alex., Languetio, Fenellonio in epist. ad Quesnellum, aliisque passim laudatis, ac vulgo ipsi Theologorum in Conclusionibus Theologicis, vel in Sorbona, & Navarra exagitari solitis arte persuasum est, adeo ut Garnerius in Append. ad Notas in lib. Diurnum affirmare non dubitaverit : *Nunc vero pauci numero, iique suspectæ aliunde fidei, vel non maximæ auctoritatis, Honorium Monothelismi damnant.* Age vero, ut ab eo, quod rei caput est, initium capiatur. 1. In medium veniant decantata adeo utraque Honorii ad Sergium epistola, quas ambas si sano, & Catholico sensu tam vere, quam pie exponi posse, uti confido, contingat, jam hoc nomine Honorius ab hæresi excusatus, & absertus abibit. Principio igitur, ut illud præmittam, quod Anastasius Bibl. in præfat. ad Collectanea, & post ipsum Arsedekin, tradidit, jure, meritoque in dubium revocari potuisse, an revera Honorius illam dictaverit ad Sergium epistolam, ex qua illum damnandi occasionem Synodus VI. sumpsit, an potius aliqua in ea fuerint assuta ex Scriptoris ignorantia, aut ex odio quin etiam in ipsum : ut illud quoque præteream, quod Desiderantius, & post ipsum Sommer hist. Dogm. lib. 7. cap. 17. conjecturis sane haud con-

contemnendis suadent , epistolam Sergii nempe ad Honorium Catholicam fuisse , ac postea fraude Macarii pseudo - Episcopi Antioch. falsatam , atque ita falsatæ exemplar ex Patriarchii Constantinopolit. Regesto in Synodo VI. fuisse productum , quæ falsatio proinde in causa fuerit , cur epistolæ Honorianæ Catholicæ alioqui cum ea collatæ sententia per se bona , ac legitima , perverteretur , cujus perinde falsitatis speciem in Sergii epistolæ in primis sex , primo dempto , atque in posterioribus quatuor a decimo ad decimumquartum Articulis ponunt , post quos decimum septimum fraude etiam adjectum affirmant , conjecturasque suas multis confirmant , quibus ego utique ad labem omnem ab Honorii epistolis eluendam non indigeo ; principio , inquam , observatu valdequam digna , quæ de Honorii epistolis suo in Edicto habet Constantinus Imp. *Honorius* , inquiens , *hujusmodi hæreseos confirmator , qui etiam sui extitit oppuguator* . Quibus significatum dixit Petrus de Marca apud Baluzium in ipsius vita Honorium pugnantia scripsisse , atque hinc hæresim confirmasse , illinc oppugnasse . Quomodo id ! Quia dum de una , vel duabus Christi voluntatibus taceri vult , atque ita errori favorem impendit , diserte fidem adstruit vel unius dumtaxat voluntatis humanæ , vel duarum in Christo voluntatum , Divinæ nempe , & humanæ , atque ita simul errorem profligat , fidemque defendit .

Sed enim introspicere Epistolas ipsas juvat , & interest , atque in prima sistendo , affirmat porro de una , vel duplici Christi operatione nihil hæcenus ab Ecclesia definitum : *Non oportet* , inquiens , *ut unam , vel duas Energias aliquis præsumat Christi Dei prædicare , quas neque Evangelica , vel Apostolica littera , neque Synodalis examinatio super his habita , visæ sunt terminasse* . Heic pauxillum hærendum . Audis Honorium affirmantem suo nondum tempore de una , aut duplici in Christo D. voluntate dogma ab Ecclesia definitum ? Igitur etiam si audires ipsum affirmantem similiter unam dumtaxat in Christo voluntatem sibi videri , quia tamen ab hoc dogmate ibidem definiendo similiter abstinere , neque disputari in utramque partem de una , vel duplici Christi voluntate vult , sententia sua etiam si errasset , non errasset tamen ex Cathedra , sive ut Pontifex , sed ut singularis persona , ideoque

que qua Pontifex objecto erroris crimine omnino est exonerandus. Quod confirmatur ex eo, quod epistolas hæc Honorii ad Sergium tanquam dogmaticas haud habendas esse, sed ut privatas dumtaxat id liquido probat, tum quod private, occulteque ad Sergium fuerint exaratae, adeout latuerint diu in scrinio Patriarchalis Ecclesiae Constantinopolit., ex quo autographa ipsa Latina cum Graeca interpretatione erui necesse fuerit, ut in Synodo VI. Aet. 12. recitarentur. Ignoratae penitus fuerint in Ecclesia ipsa Romana, quum nullus ante Synodum VI. legatur, qui vel Monothelitica hæresi aspersus, vel contra hæresi hujusmodi adversus, vel pro ipsis, vel contra ipsas vocem extulerit, easdemque vel defenderit, vel contra oppugnaverit. Ignoratae pariter fuerint in Ecclesia Africana, siquidem quatuor in Synodis Numidiae sub Columbo, Byzacena sub Stephano, Mauritaniae sub Reparato, & Carthagenensi sub Victore, Gulofo, & Probo, ut habetur in Synodico Pappi cap. 126, & seqq., & adparet ex ipsorum Synodicis in Synodo Lateranensi sub S. Martino I. Secret. 2. relictis, duæ in Christo D. voluntates, & operationes adsertæ leguntur, atque Pyrrho quidem, Sergio, & Paulo irrogatum anathema, Honorii tamen nulla facta habetur mentio. Tum quod præter morem Romanæ tum Ecclesiae sacrum epistolæ illæ conscriptæ fuerint, non ante scilicet adhibitis vel Cleri Rom. consiliis, vel Episcoporum ad Synodum vocatorum suffragiis; quæ sane ratio agendi ejus decessoribus extitit solemnem nedum, sed etiam successoribus Severino, Johanni, Theodoro, Martino, & Agathon, a quibus adversus Monotheliticam hæresim Synodi adhibitæ sunt, ut in laudato Synodico legitur a cap. 130. usque ad 133, & habent Theophanes in Chronog., & Anastasius in Theodoro sect. 127: unde a Synodo VI. epistolæ Sophronii, Sergii, Macarii, aliorumque sive Catholicorum, sive Monothelitarum eadem Synodica appellantur, non ita Honorii epistolæ, sed tantummodo *Scripta ab eo facta ad Sergium*: in quibus etsi simili de re ad Sophronium Hierosolym., & ad Cyrum Alex. scriptæ referantur, & has privatas fuisse, unamque prætulisse silentii legem exinde fit manifestum, quod alibi earumdem mentionem, exemplarque frustra quæras. Tum quod præter mo-

rem, quo Rom. Pontificum efferti decretales Epistolæ, dogmaticæque solebant, quæ, velut adnotavit doctiss. Thomassinus, *singulis pene verbis exertissimam potestatem, & iurisdicendi principatum essentant, atque adeo parenti necessitatem inferunt*, præterquamquod universis Episcopis sive subscribendæ, sive in Diocæsisbus evulgandæ dirigi consueverunt, Honorius in his adhortationis verba adhibet, hortans imo Sergium, ut a vocabulo unius voluntatis abstineat, iccirco quod Sophronius se abstenturum similiter a geminæ voluntatis voce spondidisset: cuiusmodi sane conditionibus affici dogmaticæ Rom. Pontificum Epistolæ non solabant. Tum quod S. Agatho postea in epistola lecta in Synodo VI. Act. 4. asseverantissime affirmare non dubitavit Prædecessorum suorum neminem a veritatis tramite unquam deflexisse, sed officium ipsis a Christo D. demandatum Fratres in fide confirmandi semper ad unum omnes adimplevisse. Quod non ita, puto, confidenter pronuntiasset, nec ita patienter sane eisdem Synodus auscultasset, nisi & Pontifici, & Patribus eas Honorii epistolas non inter Encyclicas uique, dogmaticasque, sed in privatarum dumtaxat, ac familiarium censum fore referendas exploratum fuisset. Atque hæc quidem in Melchioris Cani, & Episcopi Sueffionensis sententia.

Ast enim Honorius unam dumtaxat in Christo D. voluntatem nunquam asseruit; vel si unam asseruisse tibi videatur, id asseritum sane de una solummodo humana scias. Enim vero quum hinc Sergius Constantinopolit., & Cyrus Alex. unam in Christo humanam voluntatem negantes, Divinam tantummodo adstruerent; illinc vero ex adverso Sophronius Hierosol., & Arcadius Cyprius duas in Christo distinctissimas voluntates adferrent; neque in homine duas aliquando distingui voluntates doctiss. Pontifex ignoraret, superiorem scilicet, sive rationalem appetitum, & inferiorem, sive appetitum sensitivum, seu animale, deque posteriori dicta a S. Mat. h. c. cap. 26. 39: *Non sicut Ego volo, sed sicut Tu*; & a S. Luca cap. 22. 42: *Non mea voluntas, sed tua fiat*, accepisse S. Ambrosium, sicut exposuisset S. Thomam par. 3. q. 18. art. 5. adnotavit Melchior Canus de loc. Theolog. lib. 12. cap. 14; ea propter Honorio visum forsitan est utrinque fuisset ex-

se erratum sive a Sophronio, & Arcadio, quasi duas humanas in Christo voluntates inducerent; sive a Sergio, & Cyro, quod duplicem in Christo Divinam videlicet, & humanam voluntatem inficias irent. Ergo utrique errori ut occurreret, geminam ingressus viam, primo sive ab una, sive a duplici in Christo voluntate dicenda abstinendum duxit, œconomia quadam sibi agendum ratus, eo vel magis, quod hætenus ab ejusmodi definitione Ecclesiæ abstinuisset (in quo excusatione aliquali dignum fuisse negari etiam nequeat, nonnihil deliquisse tamen neque dissimulandum est); postea tamen sive de una, sive de duplici Christi voluntate disserendum adorsus, quæ sibi eo de dogmate animo sana insederet sententia, sive quæ Romanæ Ecclesiæ traditio esset, in epistolis ad utrosque aperit. Ad Sophronium, & Cyrum scripta quidem periiit, sed quæ ad ipsos scripserit, in epistola ad Sergium exarata, satis indicat. Itaque hæc in epist. 1. ad Sergium habet: *Constitentes D. Jesum Christum mediatorem Dei, & hominum, operatum Divina media humanitate, Verbo Dei naturaliter unita; eundemque operatum humana ineffabiliter &c. Ipse est & Carneus esse factus plene Deus, & homo &c.* Et infra in epistolæ fine dictorum veluti compendium, faciens, *Unum D. Jesum Christum in duabus Naturis operatum Divinitus, atque humanitus confitetur, secumque confiteri Sergium jubet.* Quibus Honorium audiens duas in Christo naturas copulatas Divinam, & humanam, juxta S. Leonis M. definitionem in epist. ad Flavianum, profitentem; Christum perfectum Deum, perfectumque hominem, juxta doctrinam a S. Agathone deinde in epist. ad Constantinum Imp. traditam, prædicantem; & Christum D. operatum Divina, & humana, sive Divinitus, & humanitus, confitentem, quis, rogo, recta confessione non arguat, non secus atque certissime contra Eutychianos arguebant S. Leo, & contra Monothelitas S. Agatho, ab Honorio duas proculdubio in Christo distinctas naturas, duas voluntates distinctas, distinctasque operationes duas agnitas fuisse, assertasque? Atque hæc quidem liquida de duplici in Christo D. voluntate Divina, & humana, quibus adhuc lucem adferent, quæ reperit in epist. 2. ad eundem Sergium.

Jam dispicienda, quæ de una dumtaxat humana in Christo

D. voluntate in eadem 1. ad Sergium epistola subtextit, ut luce pateat non esse, cur vel levis Honorio appingatur hæresis labes. Unde, inquit, *ſc unam voluntatem fatemur D. N. Jefu Chrifti, quia profecto a Divinitate affumpta eft noſtra natura, non culpa: illa profecto, quæ ante peccatum creata eſt, non quæ poſt prævaricationem vitiaa*. Quibus verbis non excludit plane a Chriſto D. voluntatem humanam, quatenus pro appetitu rationali accipitur, ſive pro hominis parte ſuperiori, in bonum propenſa, Divinæque prorsus conformi; ſed quatenus pro appetitu inferiori accipitur, qui Originali peccato infectus, ad malum, ſive peccatum facile inſectitur, Deoque difficile obſequitur. Ita enim ipſum optime interpretatus eſt, qui ipſius ſenſum intime noverat, quemque a Johanne Sympono ipſius amanuenſi perceperat, Johannes IV, de quo paullo poſt, cujus etiam interpretationem validiſſimo protelo adverſus Pyrrhum adhibuit deinde S. Maximus. Atque hanc profecto germanam fuiſſe Honorii ſententiam patet etiam cum ex ſcopo, tum ex contextu: Sergius quippe ſcripſerat, quod qui duas in Chriſto diceret voluntates, idem dicere conſequenter cogeretur duas in eodem Chriſto voluntates contrarias: cui reſcribens Honorius Chriſtum non duas voluntates contrarias habuiſſe docuit, ſed unam dumtaxat, ab ea contradistinctam, quæ rationali, Divinæque haud adverſanti, repugnat, qualis eſt appetitivus ſenſitivus a peccato vulneratus, qui teſte S. Thoma par. 3. q. 18. art. 16. voluntatis etiam nomine ſæpius efferri ſolet; de quove perinde Honorius loca præcit. SS. Matthæi, & Lucæ uſurpat, nec non S. Pauli verba ad Rom. cap. 7. 25: *Mente ſervio legi Dei; Carne autem legi peccati*: Ex quibus ſubinfert: *Non ſunt hæc diverſæ voluntatis, ſed diſpenſationis humanitatis affumptæ*. Quæli diceret difficultatem, quam Chriſtus D. in horto ad Crucem ſubeundam oſtenderat, non fuiſſe diſidium, aut luſtam Divinam inter voluntatem, & humanam, Divinæ reluctantem, ſed humanæ naturæ motum dumtaxat ſuæ diſſolutioni reſiſtentem, ſive naturalem inclinationem, qua ut homo mortem refugiebat. Hinc collatis his, quæ ſive de duabus, ſive de una dumtaxat humana voluntate Honorius diſſerit, cum his quibus interea ſive a duabus, ſive ab una voluntate dicendis abſtineri vult.

vult, dicendi occasionem habuit Constantinus Imp. ab Honorio idem dogma propugnatum fuisse, & oppugnatum: quod posterius tamen dici hætenus exposita Honorii germana doctrina non sinit. Atque hinc frustra Tamagninus veritus, ne ob verba illa: *Unde unam voluntatem* &c., tam grave Honorio negotium crearetur, ut difficile ab eo depelli posset, dicere potius maluit locum a Græcis depravatum fuisse, neque ab Honorio dictam *Unam voluntatem*, bene vero *Novam*. Quamvis enim suspicari liceat Sergium, qui sic libelli Mennæ ad Vigilium, Vigilique vicissim litterarum ad Justinianum, & Theodoram, sicut & Cyrus loci ex S. Dionysio Areop. tributis libris decerpti, corruptor, & falsator in Synodo VI. compertus, & comprobatus est, facile corrupisse, & falsasse hæc Honorii litteras; atque reapse S. Maximus in epist. ad Marinum de hujusmodi corruptione, & falsatione suspicionem hand levem induerit, referens se accepisse ab Anastasio Abbate, hunc vero a Johanne Sympono, qui Honorii jussu hanc exaraverat epistolam, ipsum *Nulla modo mentionem fecisse unius omnimodis voluntatis*, frustra in id, inquam, adlaboravit: præter enim quam, quod tum Johannes IV. in Apologia pro Honorio, tum Anastasius in præfat. ad Collect. locum illum Honorio adscribunt, ac idemmet S. Maximus deinde eadem in epist. hac exceptione dimissa, in id incubuit, ut verba illa *Unam voluntatem* &c. sensu Catholico exponeret, ex hoc loco Honorii causa magis quam periclitetur, egregie defenditur, &, uti aiebam, validius propugnatur.

Cedo nunc mihi secundam Honorii ad Sergium epistolam, ex qua justum de integra Honorii fide judicium ferri, jamque factum confirmari confido. In ea igitur S. Leonis M. ipsissima verba in epist. ad Flavianum usurpans, propriaque faciens, hæc circa finem habet: *Non unam, vel duas operationes in Mediatore Dei, & hominum definire, sed utrasque naturas in uno Christo unitate naturali copulatas, cum alterius communione operantes, atque operatrices confiteri debemus, & Divinam quidem, quæ Dei sunt operantem, & humanam, quæ carnis sunt exsequentem*. Conferantur hæc, quæso, cum hac S. Leonis periocha in epist. præcit., liquidoque constabit eundem in utriusque verbis subesse sensum: *Agit*

utraq; forma cum alterius communione, quod proprium est, Verbo scilicet operante, quod Verbi est, Carne exsequente, quod Carnis est. Quinque indubium sit, quod vel Cyrus ipse in epist. ad Sergium confessus est, a S. Leone præfatis verbis hæresim Monotheliticam præfocata in Eutychete fuisse, adeo ut eadem postea verba ad Monothelitas confodiendos usurpanda duxerint Sergius Cyprius in epist. ad Theodorum Papam, Victor Carthag. in Synodica ad eundem Pontificem, S. Martinus I. in allocutione ad Synodum Later. Secret. 1, S. Agatho in Synod. ad Constantinum Imperat., Sedis Apostolicæ Legati ad Synodum VI, ac Synodus ipsa Aët. 2, ac 10, & in definitione fidei, ex eisdem proinde verbis ab Honorio usurpatis certissime licet concludere, eum neque latum unguem a S. Leonis aberrasse sententia, ideoque quammaxime a Monothelitica abfuisse hæresi. Prosequitur Honorius, atque postremis hisce verbis claudit epistolam: *Auferentes ergo scandalum novellæ adinventionis, non nos oportet unam, vel duas operationes definientes prædicare; sed pro una, quam quidam dicunt, operatione, oportet nos unum Operatorem Christum D. in utrisque naturis veridice confiteri; & pro duabus operationibus, ablato gemine operationis vocabulo, ipsas potius duas naturas, idest Divinitatis, & carnis assumptæ, in una persona Unigeniti Dei Patris, inconfuse, indivise, atque inconvertibiliter nobiscum prædicare propria operantes.* Quibus verbis plane Honorius videri potest ludere, ut ita dicam, voluisse, ac secummet dimicasse, dum videlicet sive unam, sive duas in Christo operationes definire non vult, interea tamen duas naturas distinctim operantes qua Divina, qua humana diserte confiteri debere adserit. Quod quid aliud est, amabo, quam duas in Christo operationes Divinam, & humanam adstruere? Atque ad utrumque hunc locum forsitan etiam Constantinus Imp. respexit, quum dixit Honorium sibi non cohærere, & constare, dum scilicet diserte id profitetur, & prædicat, quod silentio satius prætereundum putat. Viden interea, ut unius operationis opinionem non suam utique Honorius hoc loci faciat, sed aliorum quorundam a ipso referatur; qui dum vicissim æconomia, ac dispensationis cuiusdam causa a duplicis etiam operationis usurpatione abstinere vult, rem ipsam tamen apertissime adstrui? In

eo Monothelitici erroris summa sita erat, quod siquidem in Christo unam dumtaxat esse personam doceat fides, unicam pariter exinde dimanare operationem Monothelitæ pugnabant, veluti liquet ex ratiociniis ab iisdem adhibitis, a Sergio in epist. ad Cyrum, a Pyrrho in defens. Cyri in Synodo Later. Secr. 3, a Themistio in epist. ad Marcellinum, & Stephanum ibid., & in Synodo VI. Aët. 10, & a Macario ibid. Aët. 11. Hoc igitur hæresis fundamentum Honorius impetens, falsumque ostendens, duo affirmat, unum quidem dumtaxat, operatorem esse Christum D., duas tamen in eodem inconfuse esse naturas, atque non personæ, sed naturæ proprietatem esse operationem: quod quid aliud, obsecro, est, quam ex gemina natura geminatas operationes necessaria, consecutione concludere? Quemadmodum eodem adversus Monothelitas argumento feliciter usi sunt in Concilio Later. S. Martinus I, & Maximus Aquilejensis, ac deinde S. Agatho in Synodica ad Imperatores.

Conferunt ad Honorii orthodoxiam confirmandam tam facta insignia, quam idonea Testimonia. Inter facta egregium est illud, quod Faustus Naironus in disert. de Orig., & Relig. Maronitarum §. 14, & seq. refert ex historia Arabica Latine reddita a Quaresmio in dilucid. Terræ S. cap. 33, ex alioque Codice Mss. Syriaco, cujusque historiæ veritas confirmatur a Jo: Cervera in suo Itiner. Hierosolym. cap. 27, nempe Maronitis effuditim rogantibus, ut sibi in Patriarcham Johannem Monachum, ob egregia merita dictum Maronem alterum, præficeret, Honorium non antea ipsorum fecisse votis satis, quam tum primo Legati sui opera Antiochiæ degentis in ipsius fidem diligenter inquisivisset, ac tum perinde Romæ, quò cum Legato ille profectus fuerat, Synodo coram per semet de ipsius fide periculum fecisset: quem a Monothelitica hæresi maximopere abhorrentem compertum, Patriarchali dignitate adanctum remisit Antiochiam, ubi Jacobitarum ingentem multitudinem ad orthodoxam fidem traduxit. Anno porro circiter 635. Johannes Maro inauguratus est, sub eo scilicet temporis intervallo, quo suas Honorius ad Sergium inscripsit epistolas, quarum 1. an. 634, & 2. an. 636. exarata est. Tum itaque temporis integerrima Honorii fides erat, ab omni vel levi hæresis suspi-

fuspicione libera ; quam deinde labefactatam fuisse , nihil est profecto , quod vel leviter indicet . Factum alterum nunc accipe , quale refertur a Cedreno , Theophane , & Zonara , pro quorum fide tamen me vadem prorsus sistere nolim . Scilicet auctores sunt a Sophronio missam adversus Monothelitas Synodicam a Johanne P. M. in Synodo probatam fuisse . Vicissim autem ab eodem Pontifice improbatam sacram ab Heraclio Jussionem adversus Paulum Severianum editam de una dumtaxat voluntate in Christo dicenda . Quod utrumque quum Imperator accepisset , a Johanne Papa videlicet Sophronii decreta recepta , suam vero Divalem rejectam , pudore suffusum , neque emissam rescindere Jussionem volentem , neque exprobrationes sustinere valentem , Ecthesi sanxisse , ut ab una æque , atque a gemina voluntate in Christo dicenda abstineretur : quod ipsum refert Auctor vitæ S. Maximi Abb. Jam vero , quæ de Johanne Papa heic referuntur , ad Honorium potius referenda fore temporis ratio suadet . Nam Honorius a die 27. Octob. an. 625. ad diem 12. Octob. an. 638. Pontificatum gessit , teste Anastasio . Sophronius an. 634. Synodum adversus Monothelitas habuit , ex qua ad Pontificem M. Synodicam transmisit ; anno 636. rursus Legatum Stephanum Doren. Romam direxit ; atque tandem anno 637. aut inseq. mortalitatem explevit , testibus Nicephoro in Chron. , & Theophane in Chronog. Heraclius Jussionem adversus Paulum Severianum edidit an. 626 , teste Sergio in epist. ad Honorium , quo anno Constantinopoli habita ab eodem Sergio pseudo-Synodus est , quæ cum altera Constantinopoli pariter an. 633. confundi non debet , ex qua ad Honorium de sententia interrogatus Sergius rescriptum dedit : ex quibus adparet id totum sub Honorii tempus contigisse ; cujus postremo anno 638. ut ostendit Pagius ad an. inseq. n. 2, Ecthesi Heraclii evulgata est , ab Honorii successoribus damnanda . Et si vero Eruditorum vulgus neget ullam sub Honorio Synodum Romæ habitam , ut mox tamen ex Nairono observabam , ob Johannis Maronis causam an. 635. Honorius Synodum habuit , aut si malis , Cleri Rom. Convenum celebravit . Igitur , si conjecturis indulgere licet , ea in Synodo , sive Cœtu lectis Sophronii Synodica , & Heraclii Divali , illa quidem probata est , hæc vero reprobata : quamvis

vis scandali vitandi, schismatisque causa fieri potuerit, ut ab Honorio utrinque de una, duabusque in Christo voluntatibus disputari fuerit vetitum: donec a Sophronii Legato Stephano Dorenensi quum accepisset neque Sergium, neque Cyrum præscripto stetisse silentio, fide soluto Sophronio facultatem ultro fecerit duas in Christo prædicandi libere voluntates.

Ad Testes nunc accedendo, qui tam vere, quam pie Honorium ab omni prorsus hæresis labe, suspicioneque liberant, principio, si argumento negativo vis aliquando inest, tum profecto inest, quum de re adeo gravi agitur, & ab iis certe, qui cetera gesta ad eandem rem pertinentia exacte prosequuntur. At in his de Honorio ne levem quidem suspensionem excitasse leguntur sive ex Græcis Theophanes, Georgius Monachus, Zonaras, & Photius; ex Latinis vero Paulus Diacon., Hugo Floriac., Otto Frising. Gosfridus Viterb., Conradus Ursperg., Blondus, Platina, Sabellicus, alique. Vicissim autem Honorium diserte ab hæresis suspicione vindicant ex ipsius successoribus Johannes IV, qui in Synodo an. 641. Apologia pro Honorio adornata, & ad Constantinum Imp. missa tam probum in sensum Honorii epistolæ ad Sergium interpretatur, quam in pravam inflectentes Monothelitas insequitur. Cui eo magis fides adhibenda, quod ab ipso homonymus Symeonus, qui Honorio fuerat ab epistolis, de Honorii interrogatus sententia, rectam ipsi insedissee responderat. S. Martinus I, qui in Synodo altera damnatis Monothelitarum Promachis, quum hæresis quoque nomine Honorio litem a Paulo Constantinopolit. in epist. ad Theodorum Papam motam percepisset, huiusmodi criminationem Secr. 4. nedum negando amovit, sed accusatorem acriter objurgando, est amolitus. Putasne vero aut Paulum ab urgenda accusatione fuisse cessaturum, quam præ manibus Honorii ad Sergium litteras habens promoveri poterat, aut Pontificem id ausum, ut de calumnia accusatorem redargueret, si hæresis suspicione vel levi aspersas Honorii litteras habuisset? S. Agatho, qui e Synodo Romana similiter habita datis ad Imperat. litteris Monothelitarum Antesignanis infamiae dicam conscripsit, de Honorio vero nihil damnatione dignum habuit, quin ex suis decessoribus nullum unquam a fide deflexisse confidentissime adseruit:

Pars II. Tom. V.

Qqqq

adsc-

171

adseruisset ne vero adeo confidenter, si vel levi suspicione laborasset Honorius? Quo circa manifesti erroris convincitur Melchior Canus, dum lib. 6. cap. 8. damnatum Honorium a S. Agathone in Synodo Rom., hæresisque nota signatum in epist. ad Synodum VI. scripsit, siquidem damnationis hujusce sive in Synodo, sive in epistolis ne vestigium quidem sit reperire. Quo vero pacto dicta intelligi debeant S. Leonis II, & Hadriani II, infra dicetur. Ad hæc Honorii orthodoxiæ testes accedunt, & vindices Scriptores ætate cœvi, & auctoritate insignes, quibus Honorii fides, & gesta perspectissima fuere. S. Sophronius Hierosolym., qui, si fides adhibenda vetustissimo Codici Vaticano Arabice scripto, Hierosolymitanæ Synodi acta sub Sophronio referenti, ad refellendam calumniam, qua Cyrus Honorium secum, ac cum Sergio in sententia sterisse scripserat, constanter sibi, non Cyro, nec Sergio, Honorium in Catholico dogmate consensuisse defendit: *Ibi, inquit, etiam egimus de rationibus, & argumentis, quæ ex auctoritate pro se objectabat Cyrus, nimirum Honorium Papam Romæ, & Sergium in eadem esse cum ipso sententia: quod constanter de Honorio inficiabatur Sophronius: Cui sane ex litteris deperditis ejusdem orthodoxia exploratissima evaserat. Stephanus Dorensis plus vice simplici Romam profectus auxilium a Pontificibus adversus Monothelitas imploratum, Africani quoque Provinciarum quatuor Primates ad Pontifices per Synodicas accedentes, ut ipsorum zelum, & operam ad hujusce destructionem hæresis accenderent, in Apostolica Sede Orthodoxorum dogmatum fundamentum exsistere ille quidem affirmare non dubitavit, isti vero Indeficientem fidei fontem ibidem consistere confirmare non hæserunt: quæso vero, confidenter ne id affirmasset ille, confirmassent isti, si vera, recensque Honorii lapsus viguisset memoria? Johannes Symponus apud Johannem IV, & S. Maximum, qui ut Honorio in exarandis ad Sergium epistolis calamum accommodaverat, intinam ejus sententiam attigerat, non duas Divinam, & humanam negatas ab Honorio voluntates testatus est, sed duas contrarias dumtaxat mentis, & carnis. S. Maximus Abbas, & Martyr, qui in disput. cum Pyrrho in Bibl. PP. Lugd. tom. 12. pag. 502, & apud Baronium in Append. tom. 8. vet. edit. pag. 772, edit.*

nov. Luc. tom. 11. pag. 645. Johannis IV. in Apolog., cujus suam facit interpretationem, & Johannis Symponi testimonio innixus putidissimi Pyrrhum mendacii arguit Monotheliticam Honorio affingere hæresim ausum; quorum similia etiam scripsit in epist. five ad Marinum Presbyt., five ad Petrum Illust. apud Combef. sium tom. 2. Oper. Anastasius Bibl., qui in præfat. ad Collect. tum de dictata ab Honorio epistola ad Sergium dubium, litemque movet, atque de illa, si genuinus Honorii est fœtus, rectum fore judicium ferendum ostendit, tum Johannis IV., & S. Maximi auctoritate ab Honorio hæresis labem omnem depellit; tum demum in hist. ex Leone Isauro tradit Honorium nonnisi Græcorum invidia, & dolo in Synodo VI. Monothelitis fuisse ad censuram. Atque horum vestigiis inhærentes Honorium ab hæresis labe omni absterferunt viri docti. Emanuel Caleca in lib. adv. Græcor. errores in Bibl. PP. Colon. tom. 16, Lugd. tom. 26. pag. 383, Jodocus Coccus in Thesaur. de Eccl. Hierar. cap. 13, Johannes Lovan. in tract. de perpet. Cathedræ S. Petri protectione, Genebrardus in Chronolog., Hosius lib. 2. contra Brentium, alique in decursu passim laudati.

Ita ab hæresis labe Honorio expurgato, inquirendum jam manet, quid porro causæ fuerit, cur nihilominus hoc nomine a Synodo VI. damnaretur, ejus a sacris diptychis memoria deleretur, dignæque, quæ flammis abolerentur, ejusdem epistolæ dijudicaretur; quod perscrutandum 2. loco proposueram. Equidem sunt, qui Honorium ab hæresis culpa non modo vindicant, sed vel a labe omni leviter exinde contracta, quod vel hæresi patrociniatus sit, & favorem impenderit, vel quod pro officio fidem non propugnauerit, ac in fidei defensione segnior, quam par fuisset, se gesserit: neque sane gravia defunt monumenta, quibus id probabiliter constent. Prudentissimo enim consilio nomina unius, vel duplicis in Christo voluntatis prohibuisse videri potuit; siquidem neque adhuc quidquam hisce de nominibus ab Ecclesia definitum esset, atque ex unius præ altero horum nominum usurpatione grave Ecclesiæ incommodum posset ingruere: unam enim voluntatem Cyro, & Sergio propugnantibus, duas vero Sophronio, & Arcadio Cyprio defendentibus, exinde gra-

vissimum erumpi scandalum, exoriri que schisma posse existimare jure, extimereque poterat. Ad hæc Nestorii, Eutychetisque sectas, & hanc Heraclii Imp., & illam Cosroe Persarum Regis patrocinio in Oriente invalescere in dies intelligens, ne ab unius operationis voce Eutychianam, ne a duplicis usurpatione Nestorianam vires accipere majores contingeret, contentionis materiem de medio auferendam arbitratus, tum Sergio ab unius, tum Sophronio a duplicis voluntatis abstinendum vocabulo indicavit in epist. 1. ita scribens: *Ne aut duarum operationum vocabulo offensi, sectantes Nestorianos, Nos vesana sapere arbitrentur: aut certe, si rursus unam operationem D. N. Jesu Christi fatendam esse censuerimus, stultam Eutychianistarum attonitis auribus dementiam fateri putemur.* In spem quin etiam, quam ei fecerant quammaximam Sergius, & Cyrus pollicentes, quod ubi dici aliquo modo permetteretur una dumtaxat in Christo operatio, ingenti Nestoriani, Eutychiani que numero ad Ecclesiæ unitatem revocandi essent, in spem, inquam, erectus fore tandem, ut Oriens a vetustis erroribus ad fidei integritatem regrederetur, indulgentia, & dispensatione utendum hac vice ratus, summoque recedendum a jure, in unius, aut duplicis operationis suppressionem concessit; eoque magis, quod nova hæc opinio commodæ interpretationi tum adhuc obnoxia esset, utque nedum ab Ecclesia fuisset eliquata; atque integram alioquin his absque vocibus servari fidem posse haberet persuasum. Cujusmodi sane, œconomix speciem in pari Schismatis causa probatam, laudibusque celebratam nec ignorabat a S. Augustino lib. 3. adv. Parmen. cap. 2, & a S. Gregorio M. in Pastoralibus cap. 4; quibus postea suffragari non dubitavit S. Thomas 2. 2. q. 10. art. 11; factoque ipso prius traditam a SS. Athanasio, & Epiphanio, SS. Basilio lib. 1. contra Eunom, & Gregorio Nazianzeno in ejus Orat. funebri, qui vel a dicendo Patre *Ingenito* caute abstinerunt, vel circumspice de Spiritu S. Divinitate loquuti sunt, ne potius quam ædificari fideles, obscurari magis in errore hæreticos obringeret. Hinc effectum, ut non decissent Viri doctissimi, velut Anastasius, Arsedekin, Baronius, Bellarminus, Duvallius, Desiderantius, Spondanus, Sommer, Marchesius, Aguirrius, Rocaberti,

ti, Cavalcanti, Bartholus &c., qui eam in opinionem abirent, ut errore facti deceptam Synodum VI, surque potestatis limites prætergressam dicerent, dum in Honorio dispensationem hanc, agendique rationem sapientiæ plenam anathemate plectendam adorsa est. In quo quidem errore facti diversimode exposito a diversis non est cur diutius immorer, postquam diversas adhibitæ a diversis limitationes, exceptionesque pag. 382, & seqq. luculenter explicui.

Ex quibus præ aliis valde probabilis eorum opinio evadit, qui a Synodo VI. de Honorii epistolis institutum fuisse judicium putant criminale dumtaxat ex sensu præsumpto, respectu nempe habito ad Sergii epistolas manifeste hæreticas, non ad verba, quæ rectum alioqui præferunt: in quo quidem iudicii genere errore facti Synodum VI. errare potuisse absque piaculo dici potest, reque ipsa errasse plerique ex illis tuta fide dixerunt. Cujus erroris conjecturam exinde capiunt, quod Synodi Patres Act. 13. hanc sibi proferendæ in Honorium sententiæ rationem proposuisse leguntur: *Eo quod invenimus per scripta, quæ ab eo facta sunt ad Sergium, quia in omnibus ejus mentem secutus est.* Plus igitur respexisse illos ad epistolam Sergii, atque ex hac de Honorii pari sententia præsumpsisse, quam ad ipsius Honorii epistolas, adparet. Nam Honorius alioqui disertis verbis duas in Christo voluntates dixerat, & dum unam dumtaxat voluntatem dixit, id dixit de una dumtaxat humana. Deinde etiam si anceps, dubiusque in epistolis extitisset, potius quam in deteriorem, in probum, uti Pontificem decebat quammaxime, inflecti sensum debebat. Nec imò fuisse, cur de fide Honorii fortasse dubitaretur, multoque minus damnaretur ob indictum de una, aut duplici voluntate silentium, inde suadetur, quod de Sophronii fide nihil profecto fuerat dubitatum, quamvis hoc idem silentium, quod per id temporis utile videbatur, pariter fuisset amplexus, servassetque plane, modo pactum non violassent Sergius, & Cyrus, uti liquet ex epistolis tam Sergii ad Honorium, quam Honorii ad Sergium. Injuste igitur ex hoc capite hæresis accusatus Honorius est, condemnatusque. Ex altero quin etiam capite infirma, & irrita a Synodo VI. in eum jaculata sententia ostenditur.

In id

In id enim incumbendum Synodo erat, ut diligenter investigaret, an ejusmodi epistolæ ab Honorio revera fuissent conscriptæ, an ab hæreticis forte confictæ, de quo valdequam dubitasse Anastasium vidimus. Earumdem enim autographum non ab Ecclesiæ Rom. tabulario, ut oportebat, sed ab uno Carthophylacio Ecclesiæ Constantinopolit. depromptum, & quidem a Macario Antioch. pertinacissimo Monothelita productum in medium. Nec etiam, ut fuisset par, ad Latini autographi fidem Græca litterarum Honorii interpretatio satis exacta fuit, sed unus Johannes Portuensis Episcopus Latium authenticum cum Græca versione collatum concordare testatus legitur, in ejusque unius testimonio Græcos Episcopos requievisse constat ex Act. 12. Nec alii præterea adhibiti testes fuerunt, qui de adornatis ab Honorio autographis, aut de subscriptione ab Honorio saltem apposita deponerent, qui sane Roma accersiri debebant, ubi tam Honorii exploratissimæ res erant, quam Romanos fidei retinentissimos fuisse semper plurimo expetimento constabat. Præterea a Synodo VI. prolatam in Honorium sententiam nedum ex falso supposito crimine injustam fuisse propugnant, sed ex defectu quia etiam jurisdictionis irritam fuisse, & invalidam. Constans enim, & certum est Romanum Pontificem Synodi non subiacere iudicio, multoque minus Synodo VI. Honorium ceu hæresis crimine obstrictum anathematis vinculo obligare licuit, postquam a Johanne IV, a S. Martino I, & a S. Agathone ab omni certe criminatione fuerat absolutus, Pontificibus MM. nempe infcis, aut invitis.

Neque vero confcios, ac consentientes fore exputandos subinferunt sive S. Leonem II, dum in epist. ad Constantinum Imp. Synodi VI. gesta confirmavit, & in epist. ad Hispanos Episcopos ejusdem Synodi gesta ipsorum suffragio communienda transmisit, quasi nempe ejaculata similiter a Synodo in Honorium sententiam comprobavit; sive Hadrianum II, dum in allocutione ad Synodum Roman. inserta Synodo VIII. Act. 7. a Synodo VI. damnatum Honorium, damnarique ob hæresis causam potuisse dixit. Nam alii quidem S. Leonis epistolas illas aut fuisse dolo confictas, præsertim ad Hispanos inscriptas, existimant, aut fraude inter-

pola-

polatas, præsertim ad Constantinum Imp. exaratam, e qua si periocha de Honorio dematur, priorior fluet oratio, ac prioribus aptius postrema conjungentur; neque veri perinde fit simile, ut Pontifex Episcopos Synodi VI, e quibus tres, & quadraginta, annis post undecim, adjunctis paris ingenii Sociis Canonibus in pseudo-Synodo Trullana Romana ab Ecclesia improbatæ operam impenderunt, neque alii defuere, qui hæresis Monotheliticæ suspicionem laborarent, SS. Ecclesiæ Patribus, ac Doctoribus æquiparare, ad censuramque voluerit, ita Baronius, & Bartholius alii vero (ne illud dicam, quod aliqui dicere non dubitarunt eidem pariter errori facti, quo Synodus VI. fuit decepta, quoque perinde S. Leo fidem eidem Synodo adhibens deceptus fuit, id totum dictum fore deputandum) alii, inquam, ut Lupus, & Cabassutius, hanc ideo Honorii damnationem Græcis non denegasse S. Leonem, sive dissimulasse, benigna dispensatione sibi utendum ratum, conjiciunt, ut a Græcis invidia gravissime percitis, ægerrimeque ferentibus tot suis e Patriarchis, Sergium, Pyrrhum, Paulum, & Petrum ignominie perpetua nota inflictos, hæresisque probro sordatos perspicere, ac propterea nisi una cum illis Honorium pari dedecore affectum viderent, quo solatium aliquod haberent, in apertum facile schisma prorupturis, malum imminens averteret & procul amoveret. Hadrianus verò, præterquamquod a solis Orientalibus Honorium damnatum dixit, unde Occidentales eidem damnationi non adquevisse satis indicavit, ideoque adhæSIONIS hujusce defectu intercedente damnationem in irritum celsisse; ac præterquamquod id unum dixit Orientalibus fas utique fuisse Honorio ob solam hæresim resistere, ac pravorum ejus libere sensus respuere, non etiam licuisse anathematis sententia in eum animadvertere; dixit quinimo neque Synodo fas id fuisse absque prævia Apostolicæ Sedis auctoritate, quæ num intervenerit, sane non exprimit; atque si intervenisset; ea certe a S. Agathone fuisset adhibita; sed adhibitam fuisse, quamvis auguratus sit Lupus, nullibi liquido constat, quin potius decessorum suorum nullum a fide deflexisse constanter affirmasse S. Agatho legitur. Cujus demum Legati si in Synodo VI. contra attentatum adversus Honorium non reclamaverunt, una in

caus.

causa fuit vel eorum scæda desidia, qua meticolose cesserint Græcis, una cum Sergio suo, quem mirifice colebant, sententia damnationis perstrictum Honorium volentibus; vel prudens dispensatio, qua pro plurimorum salute Honorium immolari, Ecclesiæque universæ pacem unius hominis honori prætulerint, utpote qui aliquid etiam causæ dedisset, permittendum duxerint.

Abrupta tamen, & aspera nimis hæc defendendi Honorii via aliis videtur, fatentibus haud facile Honorium a culpa prorsus omni expurgari posse, atque quin etiam gravis Rom. Pontificibus, & generalibus Synodis irrogetur injuria. Principio enim non uno peccatum ab eo videtur modo; atque levitate quidem, qua nempe in epist. 1. ad Sergium asseveranter scribit ex Dei Verbo, sive scripto, sive tradito haud constare, num una an duplex in Christo dici voluntas debeat; sed ex Doctoribus nonnullos dumtaxat *Balbutiundo ad informandas parvulorum mentes* his usos fuisse vocibus; exinde inferens voces duplicis voluntatis, utpote novas, & recenter inductas, *Dei Ecclesiis scandala generare*, idcircoque refutandas esse, & Grammaticis relinquendas; qui vero hujusmodi delectantur vocibus, eos *Vanos naturarum ponderatores, & otiose negotiantes* nuncupare non ambigit, atque horum similia repetit in epist. 2. Sed enim certo est certius ex S. Scriptura, ex SS. Patribus, & ex Conciliis duas in Christo D. voluntates confitendas esse. Disertissime id docuit S. Leo M. in dogmatica ad S. Flavianum; id Concilium Chalcedonense duas adversus Eutychem in Christo naturas definiens; id S. Sophronius centum, ut ipsius habet Synodica ad Sergium, aut etiam sexcentis, duobus in libris hac de re elucubratis, uti legitur in Synodo Lateran. Secr. 2, Patrum sententiis productis; id S. Martinus I. in præcit. Later. Synodo Secret. 5; id Synodus VI. demum Act. 4, 8, 10, & 18, adeo ut non balbutiundo, sed diserte docendo a Patribus, & Conciliis id dictum fuerit. Quis igitur patienter illum ferat affirmantem, quod duas in Christo D. voluntates dicere novum, vanum, otiosum, & grammaticale sit, ex quo Concilii Chalcedonensis de duabus in Christo naturis inconfusis, indivisis, & impermixtis definitio, atque Apollinaristarum, Eutychianorumque damnatio pendeat; atque qui veritatem de una, vel gemina in

na in Christo voluntate indagarent; eos audire appellatos *Grammaticos, vanos naturarum ponderatores, otiose negotiatores &c.* Quo nomine sane nuncupandi non erant, nec erunt S. Johannes Eleemosynarius, S. Sophronius Hierosolym., Arcadius; & Sergius Cyprii, Stephanus Dorensis, S. Maximus Abbas, Victor Carthag., Stephanus Byzacenæ, Columbus Numidiæ, Reparatus Mauritanæ Primates, Gulosus, & Probus Afri, Pontifices summi Severinus, Johannes, Theodorus, Martinus, Agatho, qui pro defensione litterarum S. Leonis, & definitione Synodi Chalcedonenſis, pro dogmate nempe duplicis in Christo voluntatis tot laboribus, tantoque studio defudarunt.

Nec etiam a negligentiz culpa excusandus videtur Honorius, quæ in caussa fidei culpa est depositionis, quin etiam damnationis pœna plebenda: siquidem par culpa sit censenda ejus, qui errorem docet, & disseminat, atque ejus, qui non debet, & dissimulat, & non damnat, & tacet, & tolerat. Ita enim existimarunt S. Cælestinus I. in epist. 21. edit. Cout. ad Galliarum Episcop. cap. 1; S. Leo M. in epist. 18. edit. Baller. ad Januarium Aquilej; S. Felix III. in epist. 1. ad Acacium, qui locus perperam a Gratiano 23. Q. 1. Anastasio II. tribuitur; S. Martinus I. Secret. 2; Innocentius III. in Concilio Later. IV. Cap. 3. de *Hæreticis* in fine, Decret. lib. 5. tit. 7. cap. 13. §. 8; Honorius, & Theodosius Imperat. in Rescripto ad Aurelium Carthag.; Victor Carthag. in Synodica ad Theodorum Papam; & S. Theodorus Studites in epist. ad Monachorum Præpositos. Quam proinde in negligentiz culpam Honorium vocare non dubitarunt Pontifices ipsi recens inaugurati, in 2. fidei professione post Synodum VI. fieri solita, quæ legitur in libro Diurno ab Holstenio, ac deinde a Garnerio edito, Honorium segnitia sua Monothelitis fomentum impendisse, ideoque cum Monothelitis damnatum fateri non veriti. Quamquam non desint, sive qui dubitent insititia esse, quæ ibidem de Honorii damnatione feruntur, Garnerio in præfat. fatente quædam libro fuisse adscripta, quæ adulterinam manum indicent, sive qui suspicentur eam fidei professionem a quopiam Patriarcha Orientali ad Pontificem missam potius, quam a Pontifice ipso emissam fuisse, ut quæ Græce magis, quam Latine scripta videatur.

tur, atque diversa sit ab ea, quæ brevior a Sæculo IX. a Pontificibus emitti consuevit, referturque ab Ivone in Decreto par. 4. cap. 132, a Gratiano Can. 8. *Sancta octo* dist. 16, & a Baronio ad an. 869: n. 59. ex Codice Ms. Antonii Augustini, quam hic acceptam ex libro Diurno asserit. Negligentiæ pariter Honorium redarguit S. Leo II. in epist. ad Constantinum Imp., quod silentio nempe suo Apostolicæ Ecclesiæ puritatem maculari permiserit, & in epist. ad Ervigium Regem, & Hispan. Episcopos, quod desidiose Monotheliticam incipientem hæresim subito non suffocavit, sed negligendo confoverit; & immaculatam traditionis regulam suis a Prædecessoribus acceptam maculari consenserit. Ob id Hadrianus II. in epist. e Synodo Rom. ad Synodum VI. haud negavit, quin Orientalibus fas fuerit Honorio obistere, idest ob favorem hæresi impensum obtrectare. Eodem sensu etiam suo in Edicto Constantinus Imp. dixit Honorium desidia, silentio, & dissimulatione hæresim confirmasse, quod, ut par erat, pro officio eam non prodigasset. Nec Honorii negligentia patrocinator studium, spesque pacis, in quam assurrexerat fore, ut hac dispensatione, sive dissimulatione Nestoriani, Eutychiani que ad Ecclesiam reducerentur: non enim eum fugiebat tam a S. Cælestino, & Concilio Ephesino damnatum Nestorii dogma de duplici in Christo persona, quam a S. Leone, & Synodo Chalcedonensi dogma Eutychetis de una dumtaxat in Christo natura; nec etiam ignorabat semel asserito, stabilitoque dogmate de duabus in una persona naturis, suapte veluti profluere dogma de duabus in eadem persona voluntatibus, & operationibus: non ei igitur sub quovis prætextu, obtentuque pacis erat sive tacendum de duplici voluntate, sive tolerandum unam dumtaxat voluntatem dici: siquidem eo silentio, eaque simulatione fides de duabus in Christo naturis recta peteretur.

Quod vero rei caput est, peccatum ab Honorio conniventia videtur, ut qui in utraque epistola nec sibi satis cavit a Sergio, homine ad artem fallendi apprime composito, sed ejusdem inconfiliis nimis imprudens consensit, ejusque calumniis nimis præceps credidit. Suggestit Sergius unius, vel duplicis voluntatis voces novas esse, veteribus ignotas: id Honorius non repulit, sed.

sed admisit. Subjunxit Sergius duplicis voluntatis intrusione, Sophronium ingentibus diffidiis ortum fecisse, nec ullo Patrum testimonio novum inventum commanivisse: id Honorius non respuit, sed adoptavit. Confinxit Sergius Vigilio contrariam de una in Christo voluntate infedisse sententiam, idque liquere ex libellis cum Mennæ, tum Vigilii ubique locorum evulgatis: Honorius nec imposturam detexit, nec probum Vigilio impactum abstulit. Commonefecit Sergius a Cyro Alex. Eutychetis, & Dioscori, Severi, & Juliani sectatorum unionem procuratam ope Capit. 7, quò una Christi operatio fuerat definita: Honorius nec iniquum scædus exhorruit, nec hæreticum Capitulum abrogavit. Miscuit Sergius quædam fidei adversa fronte contraria, & quædam in S. Leonis, Synodique Chalcedonen. injuriam conflata: Hæc Honorius silentio præteriiit, satiusque habuit inhibere, ne una deinceps operatio, vel duplex utrinque diceretur. Sub hac ratione igitur, quod Sergio connixisset, Honorius consensisse, eademque sensisse dictus, ideoque damnatus a Synodo VI. est. Neque dicere juvat ex dispensatione Honorium egisse: nam ejusmodi ratio tanti non est habita, ut propterea Eccliesi Heraclii, Typo Constantis, ac litteris Sergii, quibus pariter dispensationis cujusdam species præferri videbatur, damnandis Pontifices, & Synodus VI. superlegendum duxerint. Inter dispensationes enim, quæ adhiberi licite, vel illicite possint, distinguere oportet, quarum videlicet aliæ obversantur circa fidei dogmata, aliæ circa personas in fide dubias. Et quidem, si de personis agatur, prudenter adhiberi dispensatio aliquando potest, qua damnatio suspendatur, quo pacto factum a Vigilio circa personas Theodori, Theodoretii, & Ibæ, & a S. Martino circa personas Heraclii, & Constantis legitur, satius habentes ille tria Capitula, hic vero Eccliesim, Typumque danare, non appellato nomine Auctorum, donec de re Christiana esset, ut cum erroribus Auctores etiam damnarentur. Si vero de fidei doctrina occurrat dissensio, oppugnata a refractariis veritas, quæ jam a Patribus, & a Pontificibus in aperto posita fuit, non dissimulanda, silentioque obruenda, sed defendenda, locoque stabilienda est. Quandoquidem igitur veritas de duplici voluntate ex litteris S. Leonis, & Concilii Chalcedonen. definitionibus

de duplici Christi natura suapte effluebat, sicuti neque a Sergio, neque ab Heraclio in dubium vertenda fuerat, ita neque a Constante, neque ab Honorio silentio fuerat supprimenda. Jure igitur a Synodo VI. cum Sergio Honorius male habitus est, quod Honorius Sergio consensisset, non qua parte Sergius hæretico plane animo unam dumtaxat in Christo voluntatem adstruebat; sed qua ficto pacis titulo de una, aut duplici voluntate taceri volebat. Uterque concordie quidem studio, œconomizque specie hæresi favorem impendit, illamque fovit; sed Honorius alienam, quia non destruxit; Sergius propriam, quia dissimulavit. Uterque paria scripsit duobus Imperatorum Edictis, sed Honorius Typo Constantis, quo pacis intuitu, de una, aut duplici Christi voluntate silentium imponebatur; Sergius Ecclésiæ Heraclii, qua hæresis promovendæ gratia unius voluntatis dogma imperabatur. Utriusque ideo litteræ dignæ, quæ igne delerentur, judicatæ, quod fidei præjudicium inferrent, & hæresi favorem impenderent: Sergii, quod fidem subruerent, hæresimque suffulcirent; Honorii, quod malum cum bono miscerent, & cum mendacio veritatem involverent. Hæc S. Leonis II, Hadriani II, ac Pontificum generatim in præcit. fidei professione, hæc Synodorum VI, VII, & VIII. de Honorio censura: a quibus injuria affectum Honorium dicere, idque totum ex errore facti, & quidem dogmatici, profectum, quæ religio prohibet, eadem pariter locum Honorii a labe proflus omni liberandi non sinit.

Atque ex his, quod 3. loco propositum fuerat, objectis facilis patescit responsio, quæ ex abunde dictis, etsi suapte veluti fluat, eam tamen paucis adhuc perstrictam accipe. Igitur ad 1. hoc apto responsum: ex Honorii epistolis liquido, aut ego fallor, ostensum fuit eum de gemina Christi voluntate recte sensisse, dumque unam dumtaxat adstruxisse visus est, de voluntate humana fuisse loquutum, atque id unum voluisse, in Christo non duas extitisse secum pugnantes, unam Spiritus, alteram Carnis, voluntates: in eo vero deliquisse, sive a recta agendi ratione aliquatenus deviasse, quod dogma de duplici Christi voluntate doctrinæ S. Leonis, & Synodi Chalcedonenfis de duplici in Christo natura affine, non defenderit, ut par erat, ipsumque decebat, atque

que in tuto collocaverit : quod a Sergio sublesta fide , fraudeque circumveniri se passus , ab unius voluntatis æque , atque a duarum voluntatum usurpatione abstinendum præceperit : quod vanum , otiosum , & grammaticale affirmavit voces illas usurpare novas , ac in Ecclesiæ scandalum introductas , quarum ne vestigium quidem in Sacr. Scripturis , SS. Patrum scriptis , & Conciliorum Canonibus extet . Quod est hæreticum esse non fide , sed favore , non sententia , sed segnitie , non consensione , sed conniventia ., Ad 2. repono , ex his intelligi , quo demum nomine a Synodis VI, VII, & VIII. damnatus Honorius fuerit , quod negligentia , levitate , & conniventia hæresim foverit , & hæreticis faverit , non quod opinione , electione , ac pertinacia hæresi suffragatus sit , & hæreticus formaliter , uti Scholæ loquuntur , fuerit . Atque hunc anathematis in Honorium a Synodis illis ceu in hæreticum lati sensum legitimum esse , liquet ex Johanne IV , ex S. Martino I , ex S. Agathone , ex S. Leone II , ex Hadriano II ; ex Constantino Pogonato , ex S. Maximo Abb. , & Martyre , quibus Synodorum illarum sensus proculdubio fuit perspectus , a quibusque Honorium inter hæresis non quidem auctores , sed fautores dumtaxat adnumeratum ostendimus . Et certe de Synodis agitur , quibus Apostolicæ Sedis Apocrisarii interfuere , quæque Romanis Pontificibus acceptæ , probatæque fuere : a quibus proinde errorem , siquid pejus de Honorio sensissent , facile dedocendas fuisse , pronum est putare ; a quo errore quidem si eadem se abstrahi passæ non fuissent , futurum profecto fuisset , ut potius illis Rom. Pontifices assensum denegarent suum , ideoque absque robore adhuc manerent , quam illarum Synodorum integritati Apostolicæ Sedis dignitatem , deusque posthaberi consentirent , & paterentur . Ad 3. repeto . S. Agatho , etsi ejus epistolæ a Collectore summæ Concil. Honorii nomen perperam adjunctum fuerit , ut vidit etiam Fleurius hist. Eccl. lib. 40. §. 27 , atque hæreticis interfertum , unde Melchiori Cano errandi causa fuit , putandique ab eo Honorium fuisse damnatum , tantum absuit plane , ut Honorium ob hæresim damnatum vel leviter indicaverit , ut potius nullum Prædecessorum suorum a fide deflexisse constantissime affirmavit . De S. Leonis II. germano , legitimoque sensu terque , quaterque , dilucideque jam dixi .

dixi . Ab Hadriano II. vero non utique hæresis dica Honorio cōscripta fuit , sed ab Orientalibus anáthema dictum fuisse , quod fuisset de hæresi accusatus , assertum , a qua perinde fuisse ab Occidentalibus , puta a Synodo Rom. sub Johanne , alteraque sub S. Martino absolutum indicare visus est : subjungens nec Orientalibus fas in Honorium ferendæ sententiæ fuisse , absque prævia Rom. Pontificis auctoritate , de qua paullo superius disputatum est . Quod si ab Honorii successoribus aliis subinde anathematis pœna sunt proscripti , qui duas in Christo voluntates aut negarent , aut tacerent , quia hæresi in dies adolescente , tacendi non amplius adesset tempus , atque a tacendi hujusmodi œconomia hæresis incrementum , viresque acciperet , non ideo eadem Honorium censura perstrictum voluere , cujus dispar causa fuerat , & ratio . Ad 4. Auctoribus Auctores regero , plures paucioribus , recentioribus antiquiores , & potiores ignobilioribus , a quibus Honorium ab omni hæresi labe vindicatum dicebam . Quamquam & qui Honorium in hæreticorum albo describere , commode interpretari licet de Honorio hæreticorum fautore , non hæretico formaliter , sive de Honorio , qui hæresi patrocinatus sit , non qui hæresim propugnauerit . Atque de Honorii quæstione hæcenus .

S. Martinum I. Novatianæ hæreseos accusare heterodoxi non exhorrescunt , quod in epist. 2. edit. Concil. ad S. Amandum Traject. Presbyteris , & Diaconis post Ordinationem peccantibus non dandam esse veniam docuerit . At commentum , atrocemque calumniam elevat , & evellit vel una epistolæ lectio , qua Pontifex ad collapsam ibidem Ecclesiasticam disciplinam erigendam , reformandamque jubet , ut Presbyteros , & Diaconos gravibus se flagitiis inquinantes , quorum causa dignitate S. Amandus se abdicare cogitabat , gradu deponeret , ac si resipiscerent , veniamque flagitarent , eos quidem absolveret , in pristinam tamen haud redintegraret dignitatem , a qua ipsum cum gravi Ecclesiæ Traject. incommodo abripere se se non permittit . Ex quibus patet S. Martinum non quidem de peccatorum venia , sed de restitutione ad pristinum gradum , juxta veterem disciplinam , deneganda fuisse loquutum , ac splendide in verbo suo ipsius accusatores esse mentitos . Johanni VII. crimini dat Bossuetius defens. par. 2. lib. 14.

cap. 37, quod Synodum Quinisextam, ab eaque Canones duos supra centos, quorum plurimi optimam quamvis, antiquamque redolerent disciplinam, plerique tamen, atque signatim quinque adversa fronte quosdam Romanæ Ecclesiæ Ritus, ac in toto quidem Occidente receptos, impetebant: ut Canon. 2, quo indiscriminatim Apostolici Canones 85, ac Canones a Synodis, ac Patribus conditi absque delectu admittendi decernuntur: ut Canon. 13, quo sacra Ecclesiastici cælibatus lex Diaconis, & Presbyteris indicta reprehenditur, & reprobatur, & quidem tamquam quæ Evangelicæ veritati, & Apostolicæ traditioni repugnaret: ut Canon. 55, quo Jejunium Sabbati Romana in Ecclesia celebre rejicitur: ut Canon 67, quo abstinencia a sanguine, & suffocato, velut ex Apostolico mandato etiam num obligante, Clericis sub depositionis pœna, & Laicis sub pœna Excommunicationis imponitur: & Canon 82, qua parte prohibetur, ne Christus D. sub Agni imagine depingatur, prout antiquis Patribus in figura ostensus est, sed imagine hominis, qua demum figuræ omnes adimpleræ sunt; quos propterea Canones una cum præfata Synodo tantum abest, ut S. Sergius I, precibus infimis etiam a Justiniano Imp. rogatus, probare voluerit, ut potius viriliter reprobaverit; Johannes, inquam, vano metu territus, iterum rogante Imperatore, Canones emendare renuerit, sed ut missi fuerant, integros remiserit, atque ut habet Anastasius, & scribit Lupus in Scholiis, Canones illos cribare noluerit, ac triticum a palea separare, idest bona a malis, & inutilia ab utilibus secernere, atque ita, ut arguit Bossuetius, sanæ doctrinæ debitum officium roganti Imperatori denegaverit, quinimo tacite probare visus sit, eo ipso quo districte non improbavit. At enim toto a veritate officio abhorret Bossuetius, dum ex hoc Johannis VII. facto occasionem carpendi Roman. Pontificum infallibilitatem arripuit, eorumque definitionibus fidem eripiendi debitam: quod fecit, perinde Franciscus Bruys tom. 1. pag. 509. post Maresium gregalem alterum in pestilentissimo libro Gallice inscripto *Tableau des Papes &c.* pag. 48. Principio enim supposita in Rom. Pontifice duplici illa personarum acceptione, qua vel ut persona singularis aliquid scribit, agitque, vel ut publicus Ecclesiæ Magister, aliquid docet, ac desinit.

finit, ex Johannis facto inferre legitime debuisset, cum tum per sonam gessisse singularem, quandoquidem, ut in more tum positum erat, neque ad consilium Rom. Clerum advocarit, neque Synodi cujuspiam suffragium adhibuerit. Sed enim hoc non opus est medio ad omnem procul a Johanne abigendam invidiam: nam satius esset cum Anastasio fateri Johannem fragilitate, vanoque timore, ne rem ingratam faceret Imperatori, gratiaque apud ipsum excideret, Canones inter illos discernere, bonos, & utiles recipiendo, malos, & inutiles respuendo, abstinuisse, ideoque debito officio non nihil defuisse; non etiam dicere cogimur a Johanne fuisse probatos. Quos si probasset, certe non fuisset, cur timore correptus eosdem non emendatos ad Imperatorem remitteret: cur enim timuisset id probando, quod apprimè Imperatori placere, atque in optatis summo opere haberi non ignorabat? Timor enim eorum est, in quibus quis sibi ex alterius offensione cavet, non etiam eorum, in quibus sibi potius quis ex alterius occupata gratia adblanditur. Ut ut tamen ex fragilitate timuisse, atque iusta quidem ei timendi causa ex recenti S. Martini exemplo certe suberat, cum Anastasio dicatur, & cum Lupo a debito utiles ab inutilibus, bonosque a malis Canones discernendi officio defecisse, si omni sequestrato affectu, quam cum Justiniano tenuit Johannes, agendi ratio perpendatur, is majori agere prudentia nequivisse æqui, justique æstimatori videbitur, quam eorum Canonum nullum recipiendo, sed ad unum omnes respuendo, qui Concilii Oecumenici nomine, Pontifice Rom. inscio, arroganter a Græcis jactabantur.

S. Gregorium II. solemniter errasse comminiscitur Bossuetius par. 2. lib. 14. cap. 38. in eo nempe, quod in epist. 2. edit. Concil. cap. 2, descripto a Gratiano Can. 18. *Quod proposuisti* 32. Q. 7, sed perperam S. Gregorio III. tributo, (non secus atque Cap. 3, 4, & 9. eidem falso adscripsit Can. 5. *Presbyter* 2. Q. 5, Can. 9. *De homine* de Consecr. dist. 5, & Can. 110. *Parvulus* de Consecr. dist. 4.) S. Bonifacio Mogunt. respondens dixerit: *Quod si Mulier infirmitate correpta non valuerit debitum Viro reddere*, possit vir alteram ducere uxorem; idque dictum utique de infirmitate Conjugio jam inito superveniente contendit, ita nempe Gratiano morem gerens,

gerens, qui hoc descripto Canone, hanc Pontifici temere notam infligit. *Illud*, inquiens, *Gregorii sacris Canonibus, imo Evangelicæ, & Apostolicæ doctrinæ penitus invenitur adversum*. Verum dictum tam insolens a duumviris, hisce quis patienter ferat, sibi que persuadeat id unum doctiss. ignorasse Pontificem, quod neminem profecto latebat, nempe validi Matrimonii vinculum naturali, Divinoque jure esse indissolubile, in eo que dumtaxat casu dissolvi posse, quum unus Conjugum ad fidem convertitur, altero secedente, sua in infidelitate obdurato, ut habetur 1. Corinth. 7. 15. ? Ut enim non dicam, ut quidam volunt, S. Gregorium loquentum de Sponsalibus prioribus dissolvendis, non de Conjugio jam celebrato, vel, ut alii cogitant, S. Gregorium dispensasse in Matrimonio dumtaxat rato, non consumato, quandoquidem ex causa legitima Pontificem id posse docent Theologi, multoque minus probem, quod aliis visum est, S. Gregorium nempe, Divina seposita institutione, solaque naturali honestate spectata, in proposita specie Matrimonii, quæ honestatis naturalis legi haud adversari videbatur, quum de Matrimonio speciatim ageretur, quod inter non Christianos initum, Sacramentum non erat, Germanis indulgisse, ut Matrimonium illud dissolveretur: quam interpretationem, ne probem, id efficit utique, quod Pontifex sciscitanti S. Bonifacio se non aliud traditurum pollicetur, nisi quod S. Rom. Ecclesia tenet, ac docet, cum qua plane traditione, & doctrina interpretationem hanc, de qua tunc Berardi par. 2. tom. 2. cap. 68. pag. 201, & seqq., adversa pugnare fronte nemo probe non perspicit, commode S. Gregorii responsum cum Glossa dist. 20. Can. 1. *De libellis*, Virisque aliis doctiss. interpretari fas est, ac præstat de infirmitate Matrimonium præcedente, quæ postea innotuerat, quamvis ignorata fuisset antea, quando contraxunt Conjugium est, quæque perpetuam impotentiam inducebat. Quæ interpretatio Romanæ Ecclesiæ doctrinæ, & traditioni innixa, vim vel levem S. Gregorii sententiæ inferre nequit.

Splendida erroris species altera S. Gregorio III. affingi a maleferiatis quibusdam, in Pontifices felle plenis, solet; quod nempe in epist. 1. edit. Concil. ad eundem S. Bonifacium ipsius interrogatis faciens satis Cap. 1. relato a Gratiano Can. 52. *Quos*

Part. II. Tom. V.

SSS

a Pa-

a *Paganis* de Consecr. dist. 4. & Cap. 4. baptizatos a *Paganis* iterum baptizari præcepit. Qua tamen a calumniis ut Pontifex vindicetur, non opus est quidem ad illud confugere responsum, quod excogitavit Natalis, videlicet, tum temporis nedum aliquatam veritatem fuisse de Baptismo valide collato a non baptizato. Etsi enim de eo certo pronuntiare suo tempore S. Augustinus non sit ausus, sed ad id Synodo plenaria opus esse scripserit lib. de Bapt. contra Donat. cap. 53, & lib. 2. contra epist. Parmen. cap. 13; de ejus tamen valore dubitatum etiam tum tempore S. Gregorii III, tertio idest post S. Augustinum ævo, non facile concesserim. Responso suppeditatur a S. Bonifacio ipso interrogante. Quæsierat nempe, an Baptismus collatus a Pagano, sive à Presbytero Jovi immolante, vel ignorata forma, vel falsa probabiliter adhibita, vel joco, siquidem apud Ethnicos Sacerdotes non deessent, qui Christiani Baptismi irridendi causa, ritu consimili suos infantes ablutos Jovi dedicarent, esset nec ne repetendus: cui Pontifex affirmative, recteque respondit. Et certe quæstionem fuisse non de Ministro, sed de forma, exinde sit evidens, quod pridem a S. Gregorio II. in præcit. epist. cap. 8. de Baptismi valore ex qualitate Ministri minime dependente edoctus fuerat. Manifestum sit etiam ex simili responsione, quam eidem S. Bonifacio deinde in epist. 10. edit. Concil. dedit S. Zacharias relatus quoque a Gratiano Can. 83. In Synodo de Consecr. dist. 4. nullum esse Baptismum docens, nisi verbis Evangelicis *In nomine Patris* &c. sit consecratus, validum vero, ratumque esse verbis hisce, etsi ab impiis, hæreticis, ac schismaticis collatum; atque vicissim baptizandos iterum, qui a Presbyteris adulteris, sacrilegis, & qui Diis gentium immolabant, baptizati fuerant, de quibus dubitabatur, an verbis Evangelicis Baptismum administrassent: qua in doctrina, ut a decessore suo S. Gregorio decretis indivulse adhæreret, Bonifacium admonet. Non me latet quidem a nonnullis hujusmodi S. Zachariæ rescriptum inter subdititia recenseri. Sed mea non interest nunc hoc illi vindicare, hanc aliis integram dimitto spartam, satius habens ex doctrina tum temporis ubique recepta germanam S. Gregorio III. restituisse sententiam. Quæ ane perspicua magis adparet ex altera ipsius epistola ad S. Bonifacium

facium apud Gratianum Can. 2. *Presbyteri* dist. 68, qua Presbyteros ordinatos ab Episcopis, de quorum legitima dignitate, auctoritateque dubitabatur, iterum ordinari præcepit: juxta quod præceptum adornatus perinde legitur in Concilio Germanico an. 742. Canon 4; cui conformis editus alter est a Concilio Vermeriensis an. 752, & aut inseq. Canon 14, de quibus confer doctiss. Berardi par. 2. cap. 68. pag. 208.

Trigemini in erroris turpissimi culpam a Bossuetio lib. 14. cap. 38, aliisque Stephanus II, sive III. vocatur: 1. quod in Gallis agens a Monachis Britanniensibus variis de rebus Ecclesiasticis interrogatus in responsione ad 3. quæsitum de eo, qui Ancilla abjecta, Uxorem legitimam accipit, quasi polygamiam probaret, reponendo adhuc superstiti Ancilla, quam sibi quis justis copulasset nuptiis, posse aliam superinducere ingenuam: 2. quod in resp. ad 2. quæsitum de casibus, in quibus Conjuges separare sive toro, sive vinculo liceat, in duobus tantum casibus leprosi morbi, & vexationis a Dæmone id licere docuerit: 3. quod in resp. ad 11. interrogationem de Presbytero, qui aqua deficiente periclitantem Infantem vino baptizaverat, hujusmodi Baptismum approbaverit hisce verbis: *Infantes sic permaneant in ipso Baptismo*. Atqui tam falso, quam frustra hæc Stephano objici sequentibus ostendo; atque in antecessum recolenda admoneo, quæ paullo superius pag. 608, & seqq. animadvertēbam de triplici antiquitus usurpati Conjugii genere, cujus nempe aliud erat cum Uxore ingenua, quod *Justum* dicebatur, idest Jure probatum, ex quo qui progignebantur, justī liberi, seu legitimi audiebant; aliud cum Concubina, quod lege permittebatur, eratque verum quidem, legitimumque Conjugium, sed juxta meras naturæ leges, nulla accedente solemnitate a Jure inducta, ex quo proinde qui gignebantur, naturales liberi dicebantur; taleque reputabatur apud Romanos, si per annum integrum Vir Mulierem in vitæ societatem adscivisset, quo elapso Concubina Uxor justa evadebat, ac liberi exinde justī, legitimique habebantur; quod demum a Concilio Trid., ex defectu solemnitatis, sive præsentia Parochi, ac duorum Testium, abrogatum est; aliud demum cum Uxore simul, & Concubina, sive Ingenua, & Ancilla,

quod lege Divina, naturali, & humana prohibitum semper fuit, ex quo geniti propterea illegitimi, spurii, & iniusti reputabantur, de quo legere est inter alios Canonem 37. Concilii Rom. an. 826. sub Eugenio II, instauratum a S. Leone IV. in Synodo altera Romæ an. 853. habita. Sciendum præterea antiquis Gallis, Anglisque fortasse, visum aliquando fuisse, ex adulterio non modo, ut de Græcis certum videtur, sed etiam ex gravibus aliis causis Matrimonii. vinculum jam legitime conclusum dissolvi posse. Id augurari fas est ex Capitulari Pippini an. 752, sive ex Concilio Vermeriens. Can. 5. apud Reginonem lib. 2. cap. 118, Burchardum lib. 6. cap. 41, & Gratianum Can. 6. *Siquis Mulier* 31. Q. 1, quo Viro Uxorem sibi mortem machinantem dimittendi, aliamque accipiendi fit potestas; & Can. 9. descripto a Burchardo lib. 2. cap. 54, Reginone lib. 2. cap. 124, & Gratiano Can. 4. *Siquis* 34. Q. 1, quo Viro in longinqua peregrinanti, seque continere non valenti, alteram ducere Uxorem permittitur. Neque hinc longe abfuisse Theodorus Cantuar. legitur in suis Capitulis 3, siquidem cap. 11. apud Petrum Viro fornicationis vitandæ causa, Uxore quinquennio absente, aut in captivitate detenta, alteram ducendi facultatem facit; & cap. 116. apud Dacherium Spicil. to. 9. Mulierem adulteram abjicere, alteramque sibi sociare Viro indulgetur. Non huc tamen respexit Stephanus III. cit. Cap. 3, sed Ancillæ nomine fornicariam Mulierem accepit, cum qua sive conjugio, sive fornicaria copula Virum conjungi posse pernegat, qui Ingenuam, sive legitimam jam ante Uxorem duxerat, quandiu ista superstes fuerit. Atque ita probe accipiendum Stephanum exinde suadet, tum quod Cap. 1. in resp. ad 1. quæsitum de eo, qui Ancillam, idest Pellicem abjicit, & Uxorem legitimam accipit, sua facit S. Leonis M. in epist. 167. edit. Baller. ad Rusticum Narbon. cap. 5. verba apud Gratianum Can. 11. *Ancillam* 32. Q. 2, de quibus dictum pag. 608; tum quod Cap. 5. in resp. ad 5. interrog. de eo, qui Uxorem repudiaret, diserte negat licere Viro alteram ducere, donec in vivis dimissa ageret, responsum confirmans ex Matth. 19. 9, & S. Innocentio I. in epist. 3. edit. Concil. ad Exsuperium cap. 6, cui similia scribit in epist. 9. ad Probum; tum quod Cap. 19. in resp. ad 19. quæsitum de foemina, quæ Virum in aliena,

Pro-

Provincia mortuum falso putans, alteri nupserat, verba ipsissima usurpans S. Leonis M. in epist. 79. vet. edit. ad Nicetam Aquilejen. cap. 1. decernit ad Virum priorem de captivitate regredientem reverti pariter debere foeminam, quæ alteri se copulaverat. Quibus aperte significat se recte sensisse sive de illicita Uxorū pluralitate, sive de indissolubili Matrimonii vinculo. Quo loci illud observare juvat Stephanum ideo, Ancilla superstitē adhuc, Viro alteram ducere indulgisse, sive licere dixisse, quod alicubi tum temporis ea vigeret disciplina, quod qui Mulieri alteri ligatæ consuetudine legitima nedum, sed etiam illegitima tenerentur; a Matrimonio incundo, & cum Adultera maxime, etsi deinde soluta, arcerentur, veluti colligitur ex Concilio Triburiensi anno 895. Can. 31, ex S. Augustino lib. 1. de Nupt. & Concup. cap. 10. apud Gratianum Can. 2. *Denique* 31. Q. 1, cujus tamen contrariam lectionem esse ostendunt Maurini, & Correctores Romani emendarunt; liquet vero ex L. 11. §. 11, L. 4. ff. ad Leg. *Juliam* de Adulter., & ex Novel. 134. cap. 12. Ex quibus perinde facilis patet responsio ad 2. Absit enim, ut dicam eam Pontifici nostro pariter, quæ Gallis, Anglisque probata aliquando fuerat, animo sententiam infedissee, qua gravi ex causa Matrimonium consummatum dirimi posse putarit. Ibidem enim, idest in resp. ad 2. interrog. loquitur de separatione quoad torum solummodo, quippe duabus infirmitatibus illis cessantibus, invicem regredi Conjuges jubet. Ad 3. respondeo ex ignorantia casus objectionem oriri. Casus exposcebat, qua censura inurendus Presbyter esset, nihil vero de puero momenti erat, quem aliò deportatum, incio quocumque, Divinæ providentiæ esse relinquendum edixit. Et quidem quis tam supina laborasse ignorantia Stephanum putet, ut Baptismum aqua administrandum esse nesciret, cui alioquî difficiliora circa eundem Baptismum de materia, forma, & Ministro, uti ex seqq. Capit. 12, 13, & 14. constat, exploratissima erant? Cæterum neque defunt viri docti, quibus hæc Stephanî responsa subdititia, commentitia, & arbitrio conscripta visa sunt; atque præsens quammaxime, quod abesse a multis Codicibus advertit, & in aliis S. Siricio adscribi, ideoque quin ab imperito aliquo confarcinatores assuta infeliciter lacinia fuerit, Harduinus in quest.

in quæst. de Baptismo non dubitat : quod Labbæus glossema e margine in textum temere intrusum existimat ; quod non satis authenticum, nec ex certo monumento constare Natalis in Theolog. Dogm. lib. 2. tract. 2. de Bapt. cap. 1. art. 2. Regula 2. asserit, sed imo mendosum, ac ita magis legendum : *Nulla ei adscribitur culpa, si Infans permaneat in illo Baptismo*, arbitratur in hist. Eccl. Synopsi ad Sæcul. VIII. cap. 1. art. 6. Quæ certe lectio recte procedit, & casui proposito magis respondet, in quo Pontifex Presbyterum quidem, qui aqua non deficiente in vino baptizavit, pœnitentiæ subjicit, quam infligendam negat Presbytero, qui deficiente vicissim aqua, periclitantem in vino Infantem baptizaverat.

DE HADRIANO I, EUGENIO II, S. NICOLAO I,
JOHANNE X, JOHANNE XIII, & SILVESTRO II.

§. VII.

Fertur Hadrianus I. Baptismum a Carolo M. Saxonibus armis subactis vi collatum calculo suo comprobasse ; quod nefas esse, vi nempe Infideles ad fidem cogere, docent explicite S. Gregorius M. in epist. 12. lib. 13, olim 15. lib. 12. ad Paschasium Neapolit. Episcopum, relatus a Gratiano Can. 3. *Qui sincera* dist. 45 ; Clemens III. Cap. *Sicut Judæi* Decretal. tit. de Jud., & Sarac. ; Benedictus XIV. in Epist. de Baptismo Judæor. ad Archiep. Tarsensem Vicefg. inter Constit. n. 28. sub titulo *Postremo* §§. 4, 7, 36, & seq. Bullar. tom. 2. pag. 186 ; Synodus Toletana IV. Cap. 57, apud Gratianum Can. 5. *De Judæis* dist. 45, quo Sisebuti Hisp. Regis olim factum reprehendit, quod Judæos ad fidem vi compulisset ; S. Augustinus in epist. 93, olim 48. ad Vincentium ; S. Thomas Quodl. 2. art. 7, 2. 2. q. 10. art. 12, & par. 3. q. 68. art. 10 ; Card. Albitius de Inconst. in fide cap. 11. n. 32., ita usu Curia Rom. venire referens, & Card. Sanctorius in Rituali Sacram. pag. 209, & seqq. hanc Theologis, & Canonistis communem infedere sententiam affirmans. At enim objectioni huic satisfaciit Bruditis. Benedictus XIV. in præcit. epist. §. 39. advertens Hadrianum quidem Carolo M. gratulatum legi in epist. apud Sir-

Sirmondum tom. 2. Concil. Gall. pag. 112, quod Saxones ad Baptismum accedere iussisset, ibidem tamen ne leviter indicari modum, quo demum ii ad Baptismum adducti fuerint. Ad hæc observare non desinit a Saxonibus fidem Imperatori fuisse obligatam, se ad Baptismum sponte adventuros, postquam armis subacti victas ei dederant manus, veluti refert Annalista Loiselianus apud Coincium tom. 6. Annal. pag. 110. Nec imo inficiatur, quin Regibus fas sit Infideles devictos, captivosque vi ad Baptismum adigere; Edictoque sancire, ut Baptismo ablui renuentes e Regno eliminentur. Quo demum pacto excusari factum Sisebuti (etsi hoc emendaverit in Synodo Toletana IV. Sisenandus, Mariana teste tom. 1. pag. 207. edit. an. 1733.) cujus vestigiis dein inhærentes Egicam, Ferdinandum, & Isabellam vi, minisque Judæos ad Baptismum impulsisse refert idem Mariana tom. 1. pag. 202, & tom. 3. pag. 184, & 211. Et Regibus certe fas esse, nec absque causa, Infidelium Infantes, parentibus invititis, ut baptizentur, imperare, docent Scotus in 4. q. 9. n. 2, & in quæst. relatis ad quæst. 2. Loaisa in Not. ad Concil. Tolet. XVII. tom. 2. Collect. Aguirrii pag. 761; atque de pueris in bello iusto captivis loquendo, factoque inhærendo Mathatæ, a quo Infidelium pueri bello capti circumcisi leguntur Machab. lib. 1. cap. 2. v. 46, tenent Cornelius a Lapide in hunc locum, & Suarez in par. 3. tom. 3. disp. 25. sect. 4. Confer in præd. epist. Benedictum XIV, qui docte, copioseque de his multa scitu valdequam digna more suo differit.

Eugenio II. ex duplici capite a Rom. Pontificum æmulis gravis conflatur invidia. 1. Quod purgationis, sive probationis Ritus per aquam frigidam instituerit, vel illius saltem formam præscripserit, cujus exemplar Remigianis ex Membris exhibetur a Mabillonio veter. Analect. tom. 1. pag. 161, quasi nempe superstitionem in Ecclesiam invexerit. 2. Quod in Synodo Romana anno 826, quam postea in Romana Synodo altera an. 853. confirmavit S. Leo IV, qui perinde in ejusdem consortium erroris, culpamque simul vocatur, Can. 36. decreverit nulli licere, causa fornicationis excepta, Uxorem dimittere, sibi que deinde ad sociare aliam, quasi videlicet Matrimonium dissolubile quoad vinculum ob adulterium docuerit. Ad 1. antequam respondeam, observare 1. non pœni-

pœnitebit varias olim in Provinciis variis purgationum formas, siue probationum usurpari frequens consuevisse, ad similitudinem quamdam experimenti in Lege veteri a Deo ipso in aqua Zelotypiæ instituti, de qua Numer. cap. 5. vers. 17, & seqq. videndique Hadrianus Relandus Antiq. Sacr. cap. 5. n. 20, & Blasius Hugolinus in Comment. ad hunc locum to. 2. Thef. Antiq. Sac. edit. Ven. 1744: quarum ecce tibi quasdam usitatiores species. Fiebant 1. per ignem, siue ferrum candens, & aquam ferventem, aut frigidam, quum nempe quis impactam calumniam ignitos vomeres manibus contrectando, aut nudis carbones pedibus calcando, aut per medium transiendo ignem, vel aqua qua ferventi, qua frigida immersus, ulla absque læsione exiabat. Quomodo leguntur apud Cedrenum sub anno 506. quidam Episcopus ignis experimento paratum se exhibuisse ad probandam Ariano cuiuspiam fidem Catholicam; apud S. Gregorium Turon. de glor. Martyr. lib. 1. cap. 69, & 70. duæ Mulieres per aquam de adulterio probatæ, & cap. 81. fidei, & hæresis experimentum fecisse vicissim. Orthodoxus unus, alterque hæreticus; apud Hincmarum in libro de divortio Lotharii, & Teutbergæ, ab hac procurator missus ad probandam innocentiam aquæ ferventis judicio, ex aqua illæsus evasisse; apud Surium ad diem 3. Mart., & Mabillonium Sæculo VI. Bened. par. 1. pag. 465. S. Cunegundis de suspecta consuetudine Militis cujusdam ad S. Henricum Imp. delata, calumniam eluisse ignitos vomeres, non secus atque flores, illæsis manibus contrectando. Celeberrima sunt exempla S. Petri Ignei inde dicti, quod per ignem illæsus transiisset, de quo extat in Bibl. Medicea, teste Lamio de Erudit. Apost. sect. 2. Cod. 130. epistola a Florentinis scripta ad Alexandrum II. edita dein lucem a Brochio inter vitas SS. Florent., ac Luitprandi Mediol. an. 1102, de quo Landulphus Junior rer. Ital. tom. 5. Perhibet etiam Aimoinus lib. 5. cap. 34. a Ludovico II. Germaniæ Rege, qui armis Carolo II. Imperatori ad ipsius Regnum invadendum se comparanti impar, ad probationem per ignem, & aquam confugit, qua Imperatori fratri injuste ipsum agere palam ostenderet, decem homines cum ferro ignito, decem cum aqua fervente, totidemque cum frigida ad iudicium missos, coram Imperatoris missis, illæsos omnes remansisse. Ad pudicitiam ignito ferro pro-

probendam Carolo Crasfo paratam ejusdem se exhibuisse Conjugem refert Annalista Saxo ad an. 887. Pari correctione ferri candentis illæsa prorsus manu viri sui Ottonis III. jussu interfecit, de tentata pudicitia a Maria Imper. falso accusati, innocentiam ejus Uxor evicit, si fides Gofrido Viterb. adhibenda, quam adiunt Pagius, & Leibnitius, non esse tamen, cur tuto adhiberi nequeat, Muratorius dissert. 38. autumat. Ita ita Synodo Moguntina an. 1028. quidam homo ingenuus de homicidio Sigefridi Comitis inculatus, candenti se ferro expurgavit apud Chronographum Hildesheimensem; atque ita Emma Angliæ Regina se innocentem coram Eduardo filio an. 1033. ostendit. Pleraque horum similia prosequuntur exempla de Hæreticis aqua probatis Annalista Mosomienensis ad an. 1665 de Furibus igne convictis Guibertus Novig. lib. 3. cap. 3. Hermannus de Mirac. S. Mariæ Laudun. & Mabillonius ad an. 1021, & 1030; ac de Monachis ita probatis idem Mabillonius in Annal. Bened. tom. 4. & Sirmondus in Not. ad epist. 39. lib. 3. Gofridi Vindoc. Probationes porro per aquam ferventem, ignisque ferri approbavit Synodus Triburiensis anno 895. Can. 22; per aquam frigidam plurimis congestis argumentis probavit Hincmarus Rem. in epist. 39. ad Hildegarium Melden., nec improbavit Ivo Carnot. in epist. 252. ad Radulphum Rem., dum aliæ non suppetant idoneæ probationes. Fiebant 2. per Monomachiam, sive per Campiones in mallo, quum videlicet singulari certamine, quod scuto, & fusta fiebat more veter. Francorum, & Germanorum, decernebatur de innocentia, vel crimine, de quo extant Leges 66. Langob. Caroli M., L. 3. Ludovici Pii, L. 31. Lotarii, aliæque Henrici I. & Ottonis II. apud Muratorium in dissert. 39. Antiq. Ital. Atque hoc modo Ludovicus IV. Gall. Rex, Flodoardo referente lib. 4. cap. 31, de injuriis sibi ab Hugone Comite inlatis in Synodo Engilenehimenfi an. 948. conquestus ad easdem singulari certamine expiandas paratum se exhibuit. Ita etiam Otto I. Imp., teste Luitprando lib. 6. cap. 6, missis ad Johannem XII. P. M. Legatis de objectis patratiss in ipsum criminibus se interposito juramento excusavit, jussitque, ut si Pontifex juramento non fideret, veritatem Legati duello probarent. Et ita duello jus in Siciliæ Regno dirimendum vicissim Carolum II. Andeg.

Part II. Tom. V.

T e t t

inter,

inter, & Petrum III. Arag. decretum refert Villanius lib. 7. cap. 85, quorum similia pleraque exemplis prosequitur Muratorius in disert. 39; quin etiam Ecclesiasticorum, qui facultatem obtinuerunt duellum interponendi per suos homines, profert Mabilonius Anale&. tom. 2. pag. 561.

Fiebant 3. ope Eucharistiæ, quum impositæ criminationes Eucharistiæ sumptione expurgabantur: quem veterem sane in Ecclesia morem viguisse observat Lupus tom. 4. in Not. ad Concilium Mogunt. an. 1049. sub S. Leone IX. pag. 230. Atque hoc pacto Fridericus Mogunt. Archiep. postulatus iudicio conjurationis initæ contra Ottonem I. Imp. innocentiam suam probavit apud Spondanum ad an. 941: & Sibico Spirensis Episcopus in præcit. Synodo Moguntina ab adulterii crimine examinatione Sacrificii purgatus legitur apud Adamum Bremen. lib. 3. cap. 31. Qua in re celeberrimæ habentur terribiles contestationes in Eucharistia exporrigenda factæ ab Hadriano II. ad Lotharium Franc. Reg. an. 869; a S. Gregorio VII. ad Henricum IV. Reg. Germ. an. 1077; & a S. Bernardo ad Guillelmum Aquit. Ducem. Per-
vulgatæ sunt etiam de purgatione per Eucharistiâ faciendâ a Monachis furti suspitione laborantibus sanctiones Ludovici Pii in Capit. Aquisgranensi an. 817. Cap. 64; Synodi Wormatiensis an. 868. Can. 15, idem de Clericis decernentis Can. 10. apud Gratianum Can. 23. *Sæpe contingit*, & Can. 26. *Si Episcopo* 2. Q. 5; Synodi Cabilonensis an. 894, cujus decreto Gerfredus Monachus necis veneno Adalgario Aduensi Episcopo inlatæ accusatus Eucharistiæ sumptione suspicionem eluere iussus est; & Canuti Regis Leg. Eccles. an. 1032. Clericis etiam idem onus impositum cap. 5. Fiebant 4. per Crucem, ita videlicet, ut dum Missa celebraretur, vel dum Psalmi decantarentur, aut recitarentur Preces, duo homines ad Crucem conducti brachiis starent expansis; quorum qui prior defensus brachia deposuisset, ejus pars victa habebatur. Cujus ritus mentio fit in Conventu Synodali, sive Capitulari Caroli M. an. 779. cap. 10. apud Harduinum tom. 3. pag. 2057, & in L. 10. Langob. apud Muratorium disert. 38, exemplum vero referunt lite vertente circa an. 837. Episcopum Veron. inter, & Cives Ducangius in Gloss. V. *Crux*, & Ughellus

Ius Ital. Sacr. tom. 5; alterius quoque meminit Mabillonius in Append. Oper. Diplom. n. 5. Fiebant 5. per Juramentum super Evangelia, Crucem, aut SS. Martyrum Reliquias. Reliquias porro ipsas Martyrum igne probari olim consuevisse constat ex Concilio Cæsaraugustano II. an. 592. Can. 2; preces ejus rei gratia fieri solitas describit Ruinartius in Not. ad S. Gregorium Turon. pag. 1366, exempla quoque profert Mabillonius Sæculo VI. Bened. tom. 1. pag. 101, & 390, ac in præf. ad idem Sæcul. par. 1. §. 5. n. 45. Atque circa purgationes hujusmodi ca olim praxis obtinebat, ut siquando Pontifices suspitione laborarent, se purgarent vel Crucis, Evangelique super Caput impositione, quomodo Pelagius I, vel juramento super Evangelia, quomodo Leo III, Paschalis I, & Alexander II, vel Eucharistiæ perceptione, quomodo S. Gregorius VII. Episcopis vero impactas eluere notas, & dispungere solemne erat, vel Eucharistiæ sumptione, ut supra dicebam, vel celebratione Missæ, adjectoque jurejurando, veluti se purgavit in Synodo Brennacensi an. 580. S. Gregorius Turon. de imposita calumnia Fredegundi Chilperici Regis conjugii, ipso teste lib. 5. cap. 49; vel juramento simplici, aut super Evangelia, velut indixere Synodus Wormatiensis II. an. 772, cujus fragmentum refertur in Capitul. Reg. Franc. lib. 7. cap. 205, eique jungendum ex Capit. Eccl. Caroli M. tit. 3. cap. 2, & 3, ac Synodus Aïnhamensis circa an. 1009. Can. 26; vel juramento super sacras Martyrum Reliquias, ac super S. Petri præsertim, si Episcopi essent, Romam idco ad ignominiam eluendam accersiri soliti. Cujus ritus exempla pleraque suppeditant S. Augustinus in epist. 137, nunc 78. de quodam Discipulo suo, & Bonifacio Presbytero flagitij se invicem inculantibus, ac sacramento super locum sepulture S. Felicis Nolani se purgare jussis; S. Gregorius M. lib. 2. epist. 33. de Leone Catanensi, & de Menna Tolosano, sive ut alij volunt, in Campania, Episcopis lib. 11. epist. 8. apud Gratianum Can. 7. *Mennam* 2. Q. 5; de Maximo Salonitano Ravennæ super Corpus S. Apollinaris a simoniæ labe se abstergente lib. 7. epist. 79, & de Martino Diacono ad B. Petri Corpus se purgante lib. 7. epist. 18; Auctor vitæ S. Geminiani Mutin. Episcopi apud Bollandum ad diem 31. Jan., & Muratorium Rer. Ital. par. 2. to. 2.

de purgationibus ad ipsius sepulcrum fieri solitis; & Willelmus Malmesbur. lib. 2. cap. 6. de Elredo apud Johannem X. Romæ super Altare S. Petri conjurationis in Æthelstanum Angl. Regem, scelus perjurio amoliri non verito, paulloque post, Deo vindice, morte correpto. Nec unus erat vero ejusmodi purgationis per juramentum Ritus. Antiquitus Clericus mala fama pulsatus solo interposito simplici juramento se purgabat, ac in gradu permanebat, juxta decretum S. Gregorii II. in epist. 9. ad S. Bonifacium relata a Carolo M. Capitul. lib. 7. cap. 205, sive inter Capitula Eccles. an. 803. tit. 3. cap. 4, ac testimonium Ivonis Carn. in epist. 206. Postea vero, quia compertum est flagitio a plerisque addi perjurium, sacris ideo sanctionibus cautum est, ut criminis accusatus juraret non modo ipse, sed & alios secum ad jurandum adhibere, qui proinde *Conjuratores*, aut *Compurgatores* vocabantur, quique pro qualitate criminis, ac personæ modo plures, modo pauciores erant adhibendi; atque Ritus hujusmodi vocari solebat purgatio *Cum tertia*, vel *Quinta*, vel *Septima manu*, de quo inter laudata Caroli M. Capitula Eccl. tit. 3. cap. 2, sive Capitul. lib. 5. cap. 34, & inter Leges Eccl. Canuti Regis Angl. extat Caput 5. de secunda etiam, & sena manu. Atque ita Innocentius III. in epist. ad Archiep. Burdigal., Episcopum Agennen, & Abbat. Clariensem, multorum accusatum criminum Archiepiscopum Auxitanum quinta purgare se manu præcepit; similique purgatione obiectum a Bala III, & Emerico Hungariæ Regibus incestus crimen eluisse Calanus Quinqueecclesiensis Episcopus conjicitur ex eodem Innocentio III. in Cap. *Cum in Juventute* de Præsumpt., & de Purgat. Canon. Confer, si placet, qui ejusmodi probationum exempla congerunt, S. Gregorium Turon. lib. 2. hist. Franc. cap. 1, lib. de glor. Confess. cap. 14, & lib. de glor. Martyr. capp. 88, & 69; Theodorum Lectorem lib. 2. hist. Eccl., Ducangium in Gloss. V. *Judicium*, & V. *Aque*; Cellotium in Append. Miscell. ad histor. Gotreschalci; Martenium de antiq. Eccl. ritib. lib. 3. cap. 7; Mabillonium locis supra indic.; Juretum in Not. ad epist. 74. Ivonis; Muratorium Antiq. Ital. tom. 2. par. 2. dissert. 38, & seq., aliosque.

Observare 2. juvabit frequentissimum olim fuisse probatio-

num

num hujusmodi usum, quæ tanquam *Dei Judicis* habebantur, veluti liquet ex dictis, atque ex Legibus Wisigothorum lib. 6. tit. 1. cap. 3; Frisonum tit. 3. capp. 4, & 5, ac tit. 14. cap. 3; Langobardorum lib. 1. tit. 9. capp. 29, 35, & 39, ac videndus Muratorius rer. Ital. par. 2. tom. 1. de Rotari L. 367, ac Luitprandi lib. 5. L. 21; Francorum lib. 4. cap. 13; Append. 2. cap. 33, ac Baluzius adeundus in Capitul. Ludovici Pii an. 819; Alemannorum tit. 6. de *Juratoribus*; Siculorum a Carolo I. Sæculo XIII. apud Ducangium; atque ex Scriptoribus eorum temporum, Hincmaro Rem., Agobardo Lugd., Ivone Carn., Attone, Vercell., aliisque, de quibus fuscè Juretus in Not. ad epist. Ivonis. Variæ autem erant formulæ, sub quibus purgationes ejusmodi fieri solebant, quarum plerasque describunt Juretus, Lindenbrochius, Goldastus, Mabillonius, Bignonius, Martenius, Ducangius, Martinus del Rio in Disquis. Magic. lib. 4. cap. 4, Muratorius dissert. 38. & seq., legereque præstat apud Baluzium post Capitul. Reg. Franc. Generatim, qui probandi erant, adjurati solebant modo per S. Trinitatem, modo per Dei Filium, modo per tres Divinas Personas, ut habetur in Ordine 5. apud Martenium lib. 3. cap. 7. Aliquando adjurabatur vel ipsa aqua, vel ignis ipse, in quibus fieri purgatio deberet, veluti legitur apud eundem Martenium in Ord. 3. his verbis: *Adjuro te aqua frigida in nomine Patris Omnipotentis &c.* Quum vero purgatio per Eucharistiam fiebat, hæc ferme adhiberi formula solebat, quam ex Synodo Wormatiensi an. 868. Can. 15. referunt Regino lib. 2. cap. 276, Burchardus, & Gratianus Can. 23, & 26. Caus. 2. Q. 5. *Corpus Domini sit tibi (vel mihi) ad probationem hodie; aut ista alia, quæ habetur tom. 2. Capitul. Franc. edit. Paris. 1677. pag. 655, & seq. Adjuro te per Patrem, & Filium, & Spiritum S., & per veram Christianitatem, quam suscepisti, & Baptismum quo te Sacerdos regeneravit, ut non præsumas ullo modo communicare, neque accedere ad Altare, si hoc fecisti, aut consensisti &c.* Terribilior est, quam S. Gregorius VII. usurpasse legitur apud Lambertum Scafmburg. in Chron. ad an. 1077. imprecatoriis verbis conceptam. Quæ vero fiebat super Reliquias, hæc præscripta legitur Italis a Carolo M. in L. 38. Langob. *Sic illum Deus*

Deus adjuvet, & illi Sancti, quorum Reliquiæ istæ sunt &c. Quamvis autem probationes hujusmodi a Sæculo VIII, ac deinceps usque ad Sæculum XI, aut XII. Provinciarum usu receptæ ubique essent, & Ecclesiasticis quin etiam cæremoniis consecratæ, quatenus Judiciorum forma ita exigere tum temporis videbatur in ea parte, in qua de eruenda ex defectu testium a reis veritate agebatur, nihilominus defuere nunquam, qui abusum illum detestarentur, proculque Christiana è Republica abigere adniterentur. In quibus Romani Pontifices pro officii particula qua unam, qua alteram, qua ad unam omnes purgationum ejusmodi species abolere saterunt: uti S. Nicolaus I. in epist. 50. de Lotharii, & Theutbergæ causâ; uti Stephanus V, sive VI. apud Gratianum Can. 20. *Consulisti* 2. Q. 5, in Rescripto ad Heribertum Mogunt. an. 889, de cujus veritate dubitat quidem Van - Espenius Jur. Eccl. Univ. par. 3. tit. 8. §. 32, ejusdem tamen meminere Ivo Carn. in epist. 74, 205, 252, & 280, Baronius ad ann. 890. n. 7, & Cartierius in hist. Chronolog. Rom. Pontif.; ut Alexander II. in epist. ad Romaldum Cumanum relatus ab Ivone in epist. 74. ad Hildebertum Cenoman., & a Gratiano Can. 11. *Super* 2. Q. 5; ut Innocentius II. in Concilio Later. II. Can. 14; ut Alexander III. in Later. III. Cap. 20, & in Append. par. 8. *De Testibus* cap. 21, Lucius III, & par. 23. *de Juramento* cap. 1. Honorius II; ut Innocentius III. in Concilio Later. IV. cap. 18, & in Cap. *Ex litteris* de Excess. Prælat.; ut Honorius III. in Cap. *Dilecti* Decret. lib. 5. tit. de Purgat. vulgari; ut Alexander VI, a quo tentatum an. 1498. ignis experimentum in causa Hieronymi Savonarolæ, ex Cardinalium consilio reprobatum legitur in ipsius vita a Jo: Pico Mirand. scripta tom. 2. in addit. ad cap. 15. pag. 313. edit. Paris. 1674; ac refertur a Benedicto XIV. de Canon. SS. lib. 4. par. 1. cap. 23. n. 4, sive Volum. 3. differt. 8. n. 4. Quorum æmulantes zelum purgationes per Monomachiam prohibuit Concilium Valentinum III. an. 855. Can. 12; per ferrum candens, & aquam ferventem Synodus Palentina an. 1322. cap. 26; per oleum fervens, & per natatum in flumine Crocodilis referro (qua de purgationis specie Indis familiari videndi Kaempfer Amœnit exotic. fascicul. 2. relat. 2. pag. 454, & Vincentius a S. Cathar.

Cathar. pag. 251, ubi etiam de probatione per immisionem manus in perforatam Serpentum capsam) Synodus Diamperitana; an. 1599. Aq. 9. decr. 16; per aquam frigidam etiam Ludovicus Pius in Capitul. 3. Aquisg. an. 829 cap. 12, & Lotharius L. 55. Langob.; per Cucem idem Ludovicus in Capit. 1. Aquisg. cap. 27, idemque Lotharius L. 9. Langob., de qua Muratorius in disert. 38; per Eucharistiam Robertus Francor. Rex in epist. ad Leotericum Archiep. Senon., de qua Helzaldus in ipsius Regis vita. Eodemque zelo demum inveni leguntur in probationes per aquam, per ignem, per certamina Agobardus Lugdun. in tract. hoc de argumento inscripto, Atto Vercell. in Opusc. de pressura Eccl. apud Dacherium Spicileg. tom. 8, edit. nov. tom. 1. pag. 402, & seqq., Ivo Carnot. in epist. 91. ad Hildebertum Cenom., quem a probatione per ignem, quam ab eo Henricus Angliæ Rex exigebat, gravissimis deterruit verbis, Gosfridus Vindoc. in epist. ad Petrum Santon. Episcop., de qua Sirmondus pag. 62; quas demum illicitas demonstravit S. Thomas 2. 2. q. 95. art. 8, illi citeque aliquando permissas 3. par. q. 80. art. 6. ad 3, quem sequuntur vulgo de Schola Theologi.

Quæ quum ita sint, mirari non subit ab Eugenio II. purificationis ritum per aquam frigidam institui potuisse, seu verius ritus formulam præscribi, si vera est, quæ sub ejus nomine in per vetusta Membrana Remigiana exhibetur a Mabillonio veter. Analect. tom. 1. pag. 161, quamque Sæculo IX. exarata existimat; atque legitur in antiqua Collectione Canon. Monasterii S. Maria. ni Antistiodorensis, eodem Mabillonio teste, quæ hanc epigraphen præfert: *Hoc judicium, atque examinationem misit Dominus Apostolicus (Eugenius II.) in Franciam, ut non violarentur sacra Altaria Sanctorum, sed per hanc adjurationem, & judicium aquæ frigidae possit patefcere veritas.* Formula vero hisce præconcepta verbis erat: *Obnix te deprecamur D. J. Chrisle, fac signum tale, ut si culpabilis est hic homo, nullatenus recipiatur ab aqua.* Ita Oratio super hominem recitanda: Oratio vero ad aquam benedictam ita habebat: *Suppliciter te D. J. Chrisle deprecamur tale præsentialiter facere dignare signum, ut si iste, quod ei objicitur, est in aliquo culpabilis, non suscipiat eum hac aqua, sed evanescat ipse, & nullatenus*

latenus modo intro recipiat. Sed & ab Eugenio II. instituta ibidem legitur formula probationis per Eucharistiæ sumptionem, quæ hisce verbis effertur: *Adjuro vos per Patrem, & Filium, & Spiritum S., & per Christianitatem, quam suscepistis, & per Unigenitum Filium Dei, per Evangelium, & per Reliquias, quæ sunt in Ecclesia, ut non præsumatis communicare, neque accedere ad Altare, si hoc fecistis.* Post quæ Sacerdos probaturus Eucharistiam porrigens hæc verba proferebat: *Corpus hoc, & Sanguis D. N. J. Christi sit vobis ad probationem hodie.* Quæ tamen formula Eugenii II. ætate facile antiquior videtur, atque ex dictis æstimari debet. Ex quibus has ego quidem conjecturas eruo. Atque principio quidem etsi ob ejusmodi purgationes ab Eugenio institutas, vel indictas, in superstitionis vitium is esset vocandus, non tamen ut in fide lapsus foret lacessendus: siquidem id culpæ esset genus, quo fidei, morumque doctrina nullatenus læditur, & violatur. Id ad disciplinæ caput spectabat, quæ in hac difficillima materie de criminum admissione, vel purgatione, in qua alter indagandæ veritatis modus vel non apparebat, vel difficillimus suppetebat, Reipublicæ vero bonum modum aliquem, & quidem asperum exposcebat, quo crimina coercerentur, siquid asperius, minusque rectum præferre videretur, digna tamen exculpatione erat ea ratione, quod tum publica utilitate compensaretur, tum quod nullus alius opportunior cohibendi facinora modus suppeteret. Unde si ob periculum, aut speciem superstitionis, aut sacrilegii modus ille per aquam frigidam, vel Eucharistiam fuisset omittendus, omittendus pariter fuisset alter modus purgandi se per juramentum ob periculum perjurii. Quod ad probationem alioqui per Eucharistiam pertinet, nullum quidem Eugenio faciendum esse negotium video, siue quod ipsi neutiquam ejusmodi institutio referri accepta debeat, siue quod nihil mali ista præferat, quæ fide integra a S. Gregorio VII. postea fuit usurpata, atque ad omnem abstergendam suspicionis labem Ecclesiasticis personis indicta passim legitur. Quod vero ad probationem aquæ frigidæ attingit, neque Eugenium in superstitionis culpam vocandum censeo, quasi Deum tentari debere, aut licite posse docuerit, aut præceperit. In Germania, & Gallia, enim vero quum ob ejusmodi probationes, quæ ad Altaria, siue fuerp

super Sacras Reliquias fieri solebant, frequentia essent perjuria, nec eiusmodi probationes omnino prohiberi, abolerique possent, satius forte Pontifici visum est eas permittere, quæ minus malum præferrent, formulamque præscribere, quæ non ita Religionem lædere videretur. Id facile conjicere fas est tam ex formula ipsa, quam ex titulo ipsi formulæ præfixo, ex quo nempe patescit hac purgatione per aquam permissa voluisse Pontificem sacrorum Altarium, & Sanctorum violationes, & sacrilegia præcavere. Ceterum neque spernendæ sunt conjecturæ Natalis Alex. in Synopsi hist. Eccl. ad Sæculum IX, & X. cap. 1. art. 4, quæ Papebrochio in Conat. §. 101. pag. 226. probatæ evaserunt, quibus istius ritus institutionem Eugenio abjudicat, veri haud simile arbitratus, neque credibile a prudentissimo Pontifice ritum inductum, quo Deus tentaretur, miraculum ab ipso postulando, absque necessitate; quod in Religionis plane offensionem cederet. Neque vero monumenta a Mabillonio allata, & a Pagio Jun. comprobata omnino cogunt: siquidem quanto ea in pretio habenda sint, sive ex Scriptorum, sive ex temporis ratione non facile quispiam ariolabitur, eademque penes dumtaxat fides sit omnis, quum apud alios Scriptores, etsi diligentissimos, gestorum Roman. Pontificum, ne vestigium quidem extet leve hujusmodi Eugeniænæ institutionis. Quod demum Eugenio 2. objectum est loco, sic obiter dispungo, ajendo Canonem 36. Concilii Romani sub eo celebrati commode intelligi posse, ac debere, quomodo locum S. Matthæi cap. 19. v. 9: *Quicumque dimiserit Uxorem suam, nisi ob fornicationem, & aliam duxerit, mæchatur*, exponunt Juris Interpretes, scilicet de separatione quoad torum, non quoad vinculum. Quæ interpretatio eo fulcitur momento, quod S. Leo IV. Canonem illum explicans, primæ quidem parti, in qua locus objectus habetur, nihil adjiciendum duxit, siquidem germanum ejus sensum ex se patere satis putaret, 2. vero parti, qua decernitur, ne Conjugis utriusque secessio, etsi mutuo consensu inita, ex religiosa vitæ intuitu, absque Episcopi conscientia fiat, ut ab eo singulariter proviso constituatur loco, pœnitentiam adjecit Conjugi alteri infligendam, qui postmodum a proposito resiliiret, datamque pollicitationem non adimpleret. Ex quo perinde liquet perperam S. Leonem, insignem-

que per injuriam in eundem cum Eugenio pertrahi errorem.

S. Nicolaus I. de violata Sacramenti Baptismatis religione ad vulgus temere traducitur, quasi alteram a præstituta a Christo D., & ab Ecclesia usurpata in Baptismatis administratione, formulam præscripserit, dum in Rescripto ad Consulta Bulgar. cap. 104. relato Can. 24. *A quodam Judeo* de Consecr. dist. 4, valere Baptismum, *vel tantum in nomine Christi* collatum docuit. Quod adversa plane fronte contrarium esse contenditur sive Evangelicæ institutioni, sive Ecclesiasticæ traditioni, cujus liquidi testes extant ex Pontificibus S. Innocentius I. in epist. 22. edit. Concil. ad Episcopos Maced. cap. 5, & in epist. 18. ad Alexandrum Antioch. cap. 3; Pelagius I. in epist. 2. ad Childebitum apud Gratianum Can. 30. *Si revera*, & Can. 82. *Multi sunt*; S. Gregorius M. in epist. 61. lib. 9, alias 67. lib. 11. ad Quiricum relatus Can. 44. *Ab antiqua*, & Can. 84. *Hi vero* de Consecr. dist. 4; & S. Zacharias in epist. 6. ad S. Bonifacium ibid. Can. 86. *Resulerunt*; ex SS. Patribus, & quidem Græcis S. Justinus in Apolog.; S. Basilius to. 2. pag. 170; S. Athanasius in Orat. 2. contra Arian., & in epist. 4. ad Serapionem; S. Gregorius Nazian. in Caten., S. Jo: Chrysostomus hom. 2. in epist. ad Ephes.; S. Cyrillus Hierosolym. in Cathech. 16; Didymus lib. 2. de Spir. S. interprete S. Hieronymo tom. 4; S. Jo: Damascenus de fide orthod. lib. 4. cap. 10; & Theophylactus in S. Matth. cap. ult.; ex Latinis quoque Tertullianus lib. de Bap. cap. 13, de Præscript. cap. 20, & lib. adv. Praxeam cap. 26; S. Cyprianus in epist. 73. ad Jubajan.; S. Hilarius de Synodis num. 85; S. Ambrosius de Myst. cap. 4; S. Augustinus de Bapt. lib. 3. cap. 15, & lib. 6. cap. 25; S. Hieronymus loc. cit.; S. Fulgentius de Incarn. cap. 11; S. Gaudentius Brix. pag. 288; Ex Conciliis etiam Arelatense an. 314. Can. 8, Nicænum Can. 8, & Anglicanum a S. Zacharia Papa confirmatum epist. 10. ad S. Bonif., relatum Can. 83. *In Synodo* de Consecr. dist. 4, liquetque ex Euchologiis, Ritualibusque Græcis, & Latinis, quibus Baptismi forma in Trinitatis nomine administrandi indicitur. Verum cur S. Nicolaus errasse dicatur, nihil est quod cogat. Quid enim prohibet, quominus probe cum Harduino in Quæst. de Bapt. eundem interpretemur eo pacto, quo Acta Apost. cap. 2. 38, a S. Hilario præsertim de Synod. n. 85; S. Ste-

pha.

phanus I. apud S. Cyprianum epist. 74, ex ipso, & Firmiliano potissimum a Coutantio in dissert. de S. Stephani Sent. §. 33 & S. Ambrosius lib. 1. de Spir. S. cap. 3, a Maurinis edit. præsertim, & Bernardi par. 2. cap. 77. tom. 2. pag. 327, & seq., exponi solent, quod nempe quum dicitur Baptismus in nomine Christi collatus, id dictum accipi debeat vel de Baptismo a Christo instituto; vel de Baptizando in fide Christi, vel de nomine Patris & Spiritus S. non excluso a Christi nomine; vel de nomine Christi speciatim expresso; vel de Baptismo collato ex virtute, merito, & efficacia Christi, veluti fuse explicant Theologi præsertim apud S. Thomam par. 3. q. 67. art. 5, Hesselium de Bapt. cap. 4, Harduinum in quæst. de Bapt. in nomine Christi, Calmetium in dissert. eodem de argumento, Natalem in Theolog. Dogm. lib. 2. tract. 2. de Baptif. cap. 1. art. 3, Tournellium, Droviniuni, Berti, Sandinum de Apost. pag. 49, sexcentosque alios, qua de re, si Superis placebit, alias in singulari dissert.

Sedenim sententia de invalido Baptismo, absque expressa Sanctissimæ Trinitatis invocatione, collato, etsi certa, & communis, ideoque, meo quidem iudicio, omnino tenenda sit, nondum tamen satis eliquata est, multoque minus ab Ecclesia definita est dicenda, ideoque nulla contrariæ inurenda nota est. Nec enim unus nescit in eam conspirasse Synodum Nemausensem an. 1284. cap. de Bapt. apud Harduinum tom. 7. pag. 904, Synodum Uticensem circa ann. 1351. sub Elia Episcopo apud Martenium, lib. 1. art. 14; Ferrandum Diac. in epist. ad Anatolium Rom. Eccl. Diac. apud Sirmondum in Not. ad Facundum Hermian., atque ut præterea S. Ambrosius, S. Basilii, V. Beda, S. Bernardus, Theophylactus, & Dionysius Carthus., quibus hanc pariter infudisse opinionem pugnat Cl. Orsius in dissert. de Bapt. in Christi nomine collato; contra vero contendente Drovino; antiquiores Scholasticos, auctoritateque potissimos, Hugonem Victor. de Sacram. lib. 1. cap. 13; Petrum Lombardum in 4. Sent. dist. 3; Petrum Pictav. lib. 5. Sent. cap. 5; Alexandrum Aletis, par. 4. q. 13. ad 8; S. Thomam in 4. dist. 3. art. 2. q. 2. ad 3; S. Bonaventuram par. 3. q. 66. art. 6; Scotum, Durandum, aliosque ex utraque Thomistica, & Scotistica Schola viros Doctiss., quorum

deinde sententiam tam in Concilio Basileensi die 16. Jan. 1433. publico e suggestu Johannes de Ragusio Ord. Præd. in Orat. de Commun. apud Harduinum tom. 8. pag. 1754, quam in Congregatione gener. Concilii Trid. die 17. Jun. 1562. Ludovicus Johannes Villetanus in disput. de Commun. in resp. ad object. 3. apud Harduinum tom. 10. pag. 341. propugnare non dubitarunt, cui proinde absit, ut Theologica appingatur nota. Cæterum juxta hæc S. Nicolaum errasse, non ut Pontificem quidem ex Cathedra definientem, sed ut personam singularem ex privata opinione dicentem, communis est hodie, receptaque responsio Bellarmini lib. 4. de Rom. Pontif. cap. 123 Vasquezii disput. 143. cap. 33 Cani de loc. Theolog. lib. 6. cap. 8. ad 7; Estii in 4. dist. 3. §. 5. Silvii in 3. par. S. Thomæ q. 66. art. 6; Tournellii, Natalis, Henno, Frasseni, Berti &c.; ideoque ejus responsum irreformabile quidem esse in ea parte, qua statuit legitime baptizatum, etiamsi a Judæo, aut Pagano, non esse rebaptizandum; non etiam irreformabile in ea parte, in qua obiter de forma, sub qua Baptismus fuisset ab Apostolis collatus, pertractans, valere Baptismum, in solo etsi Christi nomine administratum, perhibuit. Quippe qui non de forma, sed de ministro interrogatus fuerat: in Rescriptis autem Rom. Pontificum attendi debere præcipuam Rescripti sententiam, sive Rescripti partem, qua interrogationi sit satis, admonent; hancque duntaxat vim legis habere, ideo quod in ea Pontificis animus haud defuerit, ut interroganti quidpiam agendum ex auctoritate indiceret; non ita pari habendas in pretio sive Rescripti præfationem, sive rationes Rescripto appositas, sive sententias extra propositum Rescripto assutas, veluti Pragmatici advertunt.

Johanni VIII. ob restitutum Photium, Stephano VII. & Sergio III. ob irritas Formosi Ordinationes dictas objectis jam abunde factum est satis, unde ad alios referre gradum præstat. Itaque a Johanne X. an. 913. omnium primo turpis lucri gratia Cognationis spiritualis impedimentum inductum fuisse, scripturæ in hist. Civil. lib. 7. cap. ult. Jannonus pro temeritate non est veritus. At enim splendide in verbo suo eum mentitum obiter ostendit. Ut scilicet enim de Canone Nicæno - Arabico 21. vers. Tur-

rjanis,

riani, 23. Ecchel., deque pseudo-epigrapha epistola S. Deusde-
dit ad Gordianum Hispal., cui innixus Juveninus ante Sæculi IV.
exitum Impedimentum istud invecum haud recte existimat, cer-
te Impedimenti hujusce indubia mentio occurrit in Codice Justi-
niano L. 26. *De Nuptiis*; in Synodo Quinisexta an. 691. Can. 53;
in Romana sub S. Gregorio II. an. 721. cap. 4; in altera sub S. Za-
charia an. 743. cap. 5; in Metensi an. 753. cap. 1; in Moguntina
an. 813. Can. 55; in Capitulis Herardi Turon. an. 858. cap. 66;
atque jam sanc inductum supposuit Johannes VIII. in epist. 84.
edit. Hard. ad Anselmum Lemov., de quo postea Alexander III.
in Concilio Later. III. par. 32. tit. de *Conjung. filiis* cap. 1, & seq;
Decretal. lib. 4. tit. 11; ac conferendus Catalanus tom. 3. Con-
cil. ad Can. Trullanum 53.

A Johanne XIII. P. M. omnium primo sacris ritibus Deo
consecratam fuisse primariam Lateranensis Ecclesiæ miræ magni-
tudinis recens ære fusam Campanam, eique S. Johannis Bapt.
nomen impositum, referunt Baronius ad an. 968. n. 93, Sponda-
nus n. 4, Durandus de Rit. Eccles. lib. 2. cap. 22, Bellarminus
lib. 4. cap. 12, & Casalius de veter. Sacr. Christ. Ritib. cap. 43.
Contra Campanarum usum a Sabiniano in Ecclesiam invecum,
censent Polydorus Virgilius de rer. Invent. lib. 6. cap. 12, Gene-
brardus in Chron. ad an. 604. pag. 474, Panvinus in Epitome
Rom. Pontif. pag. 27, & Ciacconius, nullo tamen suffulti testi-
monio: quod alii inventum S. Paulino Nol. referendum acceptum
putant, velut Angelus a Nuce in Chron. Cassin. lib. 1. cap. 17, Ga-
vantius, Grimoldus, & Franc. Bernardinus Ferrarius lib. 1. de
Sacr. Concion. cap. 1. Exinde Rom. Pontificem turpissimi erro-
ris, ac sacrilegii accusandi temere ansam arripere Protestantes,
ac maxime Magdeburgenses Cent. 10. cap. 6, quod contra Chris-
ti D. institutionem Ritum baptizandi Campanas in Ecclesiam in-
duxerit. Quibus antequam os durissimum obstruam, breviter
observasse nec injucundum erit, nec inutile in veteres diversos
Populorum usus, quibus ad publica sive Civilia, sive Sacra con-
vocari solebant, atque utrinque erratum ab iis, sive qui Sabinia-
no, sive qui Johanni XIII. Campanarum usum acceptum referen-
dum opinantur. Apud Ethnicos igitur ad Thermas, & opera
tintin-

tintinnabuli sonitu convocari homines consuevisse discimus ex Martiali lib. 14. Epigram., & Juvenali Satir. 6. Eodem olim sonitu Excubiarum præfectis excitare Vigiles in more positum testatur Suidas V. Δωροφορεῖν: quo etiam e curru pendente de triumpho M. Furii Camilli Dictatoris admonitum Populum observavit Zonaras. Qui primus tintinnabula pridem ad januas poni solita in editiori loco adis Jovis Capitolini posuisse fertur, audit Augustus apud Svetonium in Octav. cap. 91; atque de Turribus, ubi affixa tintinnabula erant, mentionem non uno in loco fecere Strabo lib. 14. Geogr., Dio lib. 5. cap. 4., & Plinius lib. 3. cap. 13. Eorum vero usum ad res præsertim Sacras adhiberi suevisse apud Romanos auctores sunt Macrobius Saturn. lib. 5, Sextus Pompejus, & Eusebius de præp. Evang. lib. 2. cap. 10. Apud Hebræos Tubis quidem vocari Populum ad sacra, sive admoneri de Solemnitate recurrente consuevisse refert Josephus de bello Jud. lib. 5. cap. 9, ac patet ex Num. 10. 2, & Joel. 2. 15, & seq.; sed tintinnabulorum sonitu indicatus quoque Pontificis adventus legitur Exodi 28. 33. Exinde ductam a Christianis Campanarum originem innunt Alcuinus, sive Auctor lib. de Divin. Offic. cap. 28, Uvalafrius de reb. Eccl. cap. 5, Amalarius de Eccl. Offic. lib. 3. cap. 1, & Guibertus Tornachus de offic. Episcopi cap. 15, & seq. Apud Christianos igitur tempore persecutionum convocari privatim, singulos ad rem Sacram a Ministris Ecclesiæ, qui in epistola 11. pseudo-epigrapha S. Ignatii ad S. Polycarpum *Cursores*, a S. Hieronymo vero in epist. ad Eustochium *Præcones* appellantur, solitos fuisse observant Baronius ad an. 44. n. 78, & Gerardus Vossius in epist. Plin. de Christ., atque legitur in Rituali Bellovacensi edito an. 1637. Pace Ecclesiæ reddita apud Græcos mos tabulæ ligneæ pulsatione ad Officia Divina Populum evocandi obtinuit, de quo mentio fit a S. Ephræmo in paræn. 43, in Actis S. Anastasii Martyr. in Synodo Nicæna II. act. 4. relatis, ab Anastasio ibid. in Nota margin., a Metaphraste in vita S. Jo: Chrysostomi, in vita S. Theodori a Surio ad diem 7 Jan., & a Jo: Moscho grad. 18; quem sua adhuc viguisse ætate scribit Amalarius lib. 4. cap. 21. Tubas etiam corneas usu Monachis præsertim venisse patet ex Regula S. Pachomii cap. 3, & S. Jo. Climaco grad. 19, & in Pra-

to cap. 11. Observat etiam Casalius loc. cit. Monachos in Occidente nonnisi ab an. 740. Campanis uti cœpisse, ex concessione nempe a S. Zacharia Papa facta Cassinensibus ad Officia Divina Campanas adhibendi. Etsi vero Syris tintinabulorum usum in Sacris venisse Lucianus de Merc. cond. sit auctor, generatim tamen ad Græcos a Latinis Campanarum morem fuisse translatum, nec ante an. 865, quo ad Michaellem Imp. missam ab Urso Patriarcho Venet. Duce Campanam perhibent Dandulus in Chronic. Ms., ex eo Sabellicus Ennead. 9. lib. 1, & Goarius in Eucholog., pag. 560, apud eos vero obtinuisse, usque dum ipsis a Turcis earum usus ereptus fuit, ex Georgio Pachymere hist. lib. 7, & Michaelle Psello in orat. ad Constantinum Monomachum adnotat Leo Allatius in dissert. de recent. Græcor. Templis pag. 101, & seq. A quo deinde tempore ligneo instrumento, quod *Symandrum*, ac *Semanterium* vocant, estque hasta decempeđa binis malleis, ut Magius in lib. de Tintin. apud Byzantinos cap. 15, vel undumtaxat pulsa, ut Allarius loc. cit. scribit, Græci uti cœperunt, quo de Ritu idem Allatius in Ord. Offic. Divin. cap. 40, & seq., Beuvelet in Instruct. Manual. par. 2. cap. 4. §. 3, & Rayæus de Acoluthia Græcor. cap. 1. Ad hunc tamen diem in Monte Atho Campanarum usum superstitem esse adnotat Grancolas in Comment. hist. ad Breviar. Rom. cap. 22. Apud Latinos demum etsi Tabularum usum, ac etiam Tubarum frequentatum olim indicare videantur S. Gregorius Turon. in vit. Patrum cap. 4, & Vvalafridus cap. 5, veterem tamen esse, ætateque Sabiniani, & Johannis XIII. anteriorem Campanarum usum documento sunt idem S. Gregorius Turon. lib. 2. hist. Franc. cap. 23, & lib. 3. de Mirac. S. Martini cap. 23; Scriptor vitæ S. Columbæ an. 597. defuncti apud Mabillonium Sæculo I. Bened., & Martenium de antiq. Eccl. discipl. cap. 23; Ordo Rom. Sæculo VI. incunte scriptus rit. de Sabbato S., & de Process.; Auctor vitæ S. Lupi Senon. an. 623. apud Surium ad diem 1. Septemb.; S. Audoenus in vita S. Eligii an. 650. lib. 2. cap. 21; V. Beda an. 700. circiter hist. lib. 4. cap. 23; Gutbertus in epist. 89. inter Bonifac. ad S. Lullum; Othlonus lib. 2. vitæ S. Bonifacii Mog.; S. Ælredus in vita S. Eduardi Regis; Scriptor vitæ S. Sturmii Abb. Fuld. apud Mabil-

Mabillonium in præfat. ad Sæcul. III. Bened. par. 1. n. 102 ; & Synodus Tributensis anno 895. in præfat. Quin etiam ante annum 965. Campanas benedicendi ritum obtinuisse, etsi Sancti cuiuspiam imponendi nomen benedictis nondum vigeret usus, atque in Germania, Gallia, & Italia invaluisse, liquet ex Capitulari Caroli M. anno 789. cap. 18, atque ex Ritualibus Mss., nominatimque ex Pontificali Gellonensi, & Egberti, ejusdem Caroli M. ætate exaratis ostendit Martenius de antiq. Eccl. Ritib. lib. 2. cap. 21. Jam vero quod ad impactam Johanni XIII. calumniam attinet, is sane Campanam benedixit, non baptizavit, ac Ritum, de quo postea Synodi Ravennatensis II. an. 1311. Rubr. 8, & Colonienfis an. 1536. cap. 14, eisdem benedicendi docuit, non baptizandi. Quæ benedictio quidem Baptismus deinde dicta est, non quod Baptismi forma reapse usurparetur, sed quod nonnullæ in Baptismo usurpari solitæ Cæremoniæ, in iis benedicendis, uti lotio, unctio, aquæ lustralis aspergio, Sancti alicujus nominis impositio, adhibeantur. Verbo, non vere baptizantur, sed benedicuntur, ac Divino cultui dedicantur, quomodo Tempia, Altaria, Calices, Sacræ vestes, aliaque sacra Vasa Dei cultui mancipantur. De vario denique Campanarum usu vide- sis Casalius de veter. Sacr. Christ. Ritib. cap. 43; Card. Bonam Rer. Liturg. lib. 1. cap. 22. §. 7; Martenium de antiq. Eccl. Ritib. lib. 2. cap. 21; Roccam de Campanis cap. 6; Thierrium eodem de argumento; Boquilotium de Liturg. lib. 2. cap. 6; Berlendium de oblat. ad Altare §. 4. n. 7, & §. 6. n. 8, ac Benedic- tum XIV. Instit. 20. pag. 88, & 47. pag. 252.

De Silvestro II. Pontificatum Magicis artibus adepto fabu- lam a Bennone Schismatico, quem Magiæ pariter accusare S. Gregorium VII. non depuduit, confictam, quam ambabus deinde ulnis, pro suo plusquam vatiniiano in Pontifices odio, amplecti non dubitarunt Mornæus Dupleßius in Myster. iniq. pag. 224, & Magdeburgenses Cent. 10. cap. 10. pag. 548; inconsiderate vero Beunoni fidem adhibentes Wernerus, Volfinkius, Martinus Polonus, Naclerus, & Matthæus Westmonast., vident, ut ex elo- giis, quibus Silvestrum mactant Ditmarus Merseburg. lib. 6, Hel- galdus Floriac. in vita Roberti Franc. Regis, & Johannes Diac. in libel.

libello de Ecclef. Later.; ex Silvestri familiari consuetudine cum SS. Majolo Clun., & Eberardo Salisburg.; atque ex nobili post obitum ipsi posito Epitaphio, depellant prorsus, ac dispungant Baronius ad an. 699. n. 3, & seqq., ac 1003. n. 1., & seqq.; Bellarminus lib. 4. cap. 12: Gretzerus in Mysta Salmuriensi cap. 43. to. 7. Oper. pag. 305, Coquæus in Antid. contra progressum 40. pag. 497; Papebrochius in Conat. §. 144; Pagius ad cit. an. n. 1; & Franciscus ipse Bruys hist. Pontif. tom. 2. pag. 307. Johannem XIX. gemini facinoris cum simoniæ, quasi pecunia Pontificatum acquisiverit, tum prodicionis, quasi vili pretio Apostolicæ Sedis dignitatem venalem fecerit, Universalis Episcopi, uni Pontifici Rom. peculiare, nomen Patriarchæ Constantinopolit. concedere paratissimus, nisi a Wilhelmo Abb. S. Benigni Divion., & a Richar. do S. Witoni Virdun. deterritus fuisset, accusatum a Glabro Rodulpho lib. 4. cap. 1, ab Hermannno Contracto in auctiori Chron., ab Hugone Flavio in Chron. Virdun., & a Romualdo Salernit. in Chron. pag. 167. egregie vindicant Fulbertus Carnot. in epist. 38. ad Guidonem Silvaneft. illum non largitione pecuniæ ingressum sibi parasse, sed ex laico inauguratum Pontificem, atque tam licite quidem, quam legitime exemplis S. Ambrosii Mediol., S. Germani Antisiod., & Eubuli Remen., qui ex ordine Laicali subito ad Episcopalem gradum evedti leguntur, ostendens; & S. Leo IX. in ep. 1. ad Michaellem Cerularium cap. 9, Græcos ea in ambitiosa petitione tituli Oecumenici a Prædecessoribus suis repulsam semper passos constantissime affirmans. Confer & S. Petrum Damian. in ep. 9. ad Nicolaum II, quod est Opusc. 19. de abdicat. Episcop. cap. 3. tom. 3. Oper. pag. 213, qua Johannem, Pontificalis sarcinæ pondere abjecto, Monachum induisse, uni deinceps Deo vacaturum refert. Ab eodem S. Petro Dam. lib. 4. epist. 9. ad Oldericum Firmanum Episcopum vicissim S. Leonem IX. perstrictum, quod Militaribus copiis se miscuisset, recte defendunt, pieque absolvent Baronius ad an. 1053. n. 10, & seqq., S. Petro Dam. adversari observans Gregorium IX. in epist. ad Germanum Patriarcham Constantinopolit., Bonifacium VIII. in Cap. *Unam Sanctam*; Extrav. de Major., & Obed. cap. 1, S. Bernardum lib. 4. de Consid. cap. 3, ceterosque de Schola Theologos, a quibus hæresis

Part II. Tom. V. X x x x nomi.

nomine notantur, qui a Rom. Pontifice e duobus alterum gladium auferunt, neque nisi spiritualement concedunt. Excusatione cæterum eum dignum, quod mœrens, lugenſque frequenter acciperet, in Gallia, & Germania Episcopos galeatos, & loricatoros ad bella procedere: quod haud fecerat tamen S. Leo, qui licet Exercitium comitatus, eminus certaminis eventum expectare ſatius habuit; Johannes de Carthagera in propugnaculo Cathol. de Jure belli Rom. Pontif. ; Bellarminus de Script. Eccl. ad an. 1060 ac Bened. XI V. de SS. Canon., qui poſtquam lib. 3. cap. 30. poſt Baronium ad ann. 1049. n. 12. obſervaffet calumniatorum opera S. Leoni IX. inſenſum S. Petrum Dam. factum fuiſſe, cap. 36. opinionem Cajetani in Schol. ad cit. epist. Gregorii IX, Thomæ Montecatinii in reſponſ. ad ſuas animad., & P. Vitalis Martii in reſponſ. ad quæſtiones Vallumbroſ. Fidelis Soldani cap. 10 exiſtimantium a S. Petro Dam. gladium materiale Rom. Pontifici non fuiſſe ablatum, amplectens, id unum putat voluiſſe, intendiſſeque S. Petrum Dam., gladium materiale competere quidem Pontifici, ſed eum neque propria ipſius manu, neque aliorum ipſo præſente, ac mandante ceu belli Duce, adverſus hoſtes eſſe exercendum, & exercendum.

DE S. GREGORIO VII, ALEXANDRO III, INNOCENTIO III, JOHANNES XXII, MARTINO V, INNOCENTIO VIII, SIXTO V, & CLEMENTE XI.

§. VIII.

IMmanes inter calumnias, quibus in S. Gregorium VII. Pontificem Opt. a Berengario, a Bennone, a Conrado, a Sigeberto, a Bibliandro, ab Aventino, a Tilmanno, ab Illyrico, a Mornæo, ab Heideggero, a Goldaſto, a Riveto, a Baylio, ab Allixio, a Brucjo, aliſque Sycophantis horum ſimilibus invidia undique quæſita eſt, tanquam qui per vim Militarem, pecuniis ſibi comparatam, Pontificiam dignitatem inſaſerit; in Henrici IV. Imp. jura temere irrepreſerit, atque inſontem odio ferino habuerit; a Sacerdote Concubinario verum conſici Sacrificium inſicias iverit, ideoque

que Christifidelibus ejusmodi Sacerdotum interesse Sacris interdixerit; homicidiis demum, Adulteriis, Sacrilegiis, Magiis, omnif. que genus sceleribus operam dederit, vitamque non homine dignam, sed bruto simillimam traduxerit; quos nebulones tamen si cum egregiis illis, quos innocentiae S. Gregorii probatissimae, eximiarumque virtutum assertores, ac vindices indicavi par. 1. To. 2. Art. 8. §. 1. pag. 344. & par. 2. To. 3. Art. 6. §. 1. pag. 633, viris compares, eo se habebunt modo, quo *Si conseras Fulcas Cygnis, & Aedona Parrae; Castaneis Corylos aques, Viburna Cupressis*, tot, inquam, tamque atroces inter calumnias, duo potissimum accusatio- nis capita, quae proxime fidem tangerent, diluenda mihi sumo. 1. Quod a Berengarii circa Eucharistiam errore haud procul abfue- rit, veramque panis, ac vini in Christi D. Corpus, & Sanguinem fieri conversionem negaverit. Ita commenti omnium primi legun- tur Berengarius in refutatione ultimae profess. fidei, & Benno in ipsius vita; atque hoc quoque nomine, quod fidem de Eucharistia in quaestionem posuisset, quin & labefactasset, judicio postulatum ab Episcopis 30. Schismaticis in pseudo-Synodo Brixinensi anno 1080. refert Conradus Ursperg. eodem & ipse schismatis furore in Pontificem Optimum percitus. Ad commentum istud confir- mandum ex Commentario Ms. Bibl. Lambethanae in S. Mattheum Hildebrandi nomine insignito, quem a S. Gregorio VII. non distin- guendum pro certo habet, fragmentum profert Petrus Allixius in praefat. ad libellum quemdam Johannis Paris. Ordin. Praed. in- scriptum: *Determinatio de modo existendi Corporis Christi in Sacra- mento Altaris* &c. pag. 7, quo in fragmento Auctor quomodo con- versio in Eucharistia fiat, quaerens, an formalis sit, an substantia- lis: *Quod formalis*, inquit, *non sit, manifestum est; quod forma pa- nis, & vini remanent. Utrum vero sit substantialis, perspicuum non est*. Duobus expositis deinde modis, quo conversio ista expli- cari solet, suam hac in quaestione suspendere opinionem satius ha- bet. 2. Quod facto, & dicto in id contenderit, ut Principum tem- poralia Rom. Pontificis subjugaret potestati; eam sibi exaucto- randorum Regum asseruerit, exemploque pessimo in Principum jura attentandi Successoribus suis praeverit, atque Alexandro III, Innocentio III, Gregorio IX, Innocentio IV, Bonifacio VIII,

Johanni XXII, Urbano VI, Paulo II, Pio IV, S. Pio V, Gregorio XIII, & Sixto V. errandi pariter causa fuerit errore suo, quo apertissime contra Dei Verbi scripti, & traditi expressissima testimonia in jura Principum irrepsit: atque hoc quidem nomine, quasi violatæ Religionis erga Reges reum, post Schismaticos, & Hæreticos paullo superius indicatos, ad plebem S. Gregorium nostrum ignominiose traducere Maimburgus, Vigorius, Dupinius, Bosfuetius, de Choyseul, Natalis &c. haud veriti sunt.

Verum his frontem omnino periisse oportet, quos hæc apud Plebem venditare non puduit. Quam enim 1. alienus fuerit S. Gregorius a Berengariana hæresi, egregiusque Catholici dogmatis de Transubstantiatione propugnator, facile demonstrari potest tum ex Synodis Turonensi ann. 1055, cui ipse Legatus præfuit, Romana an. 1059, cui ipse præfens subscripsit, duabusque Romanis aliis ann. 1078, & seq. sub ipso Pontifice habitis, in quibus Berengarius ad fidem de præsentia Christi D. in Eucharistia, juxta Evangelicam, Apostolicam, & Ecclesiasticam veritatem, deque panis, vinique in Christi Corpus, & Sanguinem conversione profitendam compulsus fuit; tum ex lib. 1. epist. 47, qua Mathildem Comitissam ad frequentem Eucharistiæ sumptionem adhortans, ad orthodoxam de eadem fidem explicandam SS. Ambrosii, Gregorii M., & Jo: Chrysostomi testimonia adhibet. Quod autem ad fragmentum attinet a Petro Allixio prolatum, illud S. Gregorio VII. abjudicandum, alterique Hildebrando Juniori circa an. 1150. adscribendum non dubitant ipsimet Warthonus in *Austario* ad histor. Dogmat. Usserii pag. 405, & Fabricius in *Bibl. med.*, & *infim. Latin.* lib. 7. gravibus conjecturis ducti, quod nempe longe a Nostri genio, ac sententia fragmenti auctor abludat. Nam ille Clavium potestatem S. Petro datam egregie extulit; super Petrum fundatam Ecclesiam prædicare non destitit; Monasticum Ordinem favore, & amore, quoad vixit, persecutus est; Hæreticos nullibi quiete degere passus, undique profligare satagit. Hic vero Scriptor de Clavium potestate parum a Protestantibus diversam induit sententiam, eamque Apostolis ex æquo tributam scribit; Ecclesiam non supra Petrum, sed supra Christum ipsum ædificatam fuisse docet; Monachos non semel Phariseis compa-

rans.

rans, eorum confuram, vestes, ac vigilias vellicat; cum Hæreticis vicissim mitius agendum, morteque nequaquam afficiendos insinuat. Demum quod rem extra dubium omne ponit, Scriptor hic S. Bernardum in lib. de Consid., S. Gregorio VII. ætate certe inferiorem, citat, & ad ejus lectionem exhortatur. Quamquam, ut ibid. in Addit. observat Mansius, neque tam facile Scriptori huic Berengarii asslandus est error. Etsi enim de conversionis in Eucharistia modo anceps hæserit, atque disputationis hujusmodi pelagum ingredi detrectarit, de hoc tamen Catholico dogmate recte sensisse haud obscure indicat cum in fragmenti principio, tum sine sic inquit: *Quum panis, & vinum dicantur a cunctis Sanctis, & a Fidelibus credantur transire in substantiam Corporis, & Sanguinis Christi &c.* Proposita deinde quæstione, geminaque ratione conversionis ejusmodi explicandæ, atque a propria se opinione temperans, hisce concludit: *Quod ex auctoritatibus certum est, profitemur scilicet in substantiam Corporis, & Sanguinis Christi converti: modum vero conversionis ignorare non erubescimus fateri.* Confer & Mabillonium in præfar. ad Sæculum VI. Bened. par. 2. §. 7, & Coquæum in Antid. contra Mornæum ad opposit. 41. pag. 536. tom. 1. Neque majus S. Gregorio nostro negotium fuerat ex capite altero facescendum ob Laicum Principum jus usurpatum; neque violatæ fidei crimen propterea ipsi fuerat affingendum. Ut enim hac de re alca' plena nihil aliud dicam, nullum profecto ab eo decretum emissum fuisse, quo Rom. Pontificis in temporalia etiam Regum potestatem extendi definierit, vel Bosluetio, & Fleurio compertum fuit. Certum est insuper a Bonifacio VIII. Const. *Unam Sanctam* nihil hoc de jure fuisse definitum, sed id dumtaxat statutum, necessarium esse ad salutem, ut Fideles omnes Pontifici obedientiam præstent, veluti observarunt Abbely, Cardinalis de Bissl. in docum. Pastor. adv. Appel, Languetius in epist. ad D. de Lamoignon, & in altera ad Episcopum Bolonien., alique passim doctrina præstantes Galliarum Præsules. Cæterum gravissima non desunt argumenta, quibus, quominus violatæ Christianæ Religionis, usurpatique Principalis juris accusemus Rom. Pontifices, absterremur, & prohibemur. Paschalem II. Investituras Henrico Imp. per vim extorquenti:

quenti relaxando peccasse quidem, non fuisse tamen cur peccati circa fidem coargui posset a S. Bruno Signino, a Guidone Vien., a S. Godefrido Ambian., a S. Hugone Grarianop., a Johanne Lugd., & a Gosfrido Vindoc., documentis longe gravioris ponderis ex Johanne Cajetano, ex Ivone Carnot., ex Daimberto Senon; atque ex Synodis circa Investituras habitis sub S. Gregorio VII, Victore III, Urbano II, Paschali II, & Callisto II. planum est factum tom. 3. Art. 3. §. 2. pag. 245, & seqq. Innocentium II. a Petro Diac. lib. 4. cap. 97. Chron. Casf. injuriam passum, dum Investituras Lothario Imp. ab eo restituras falso tradit, explicitissimo testimonio S. Bernardi in epist. 150. ad ipsum Innocentium, & Ottonis Frising. lib. 7. cap. 18. ostendunt duumviri hac in re nihil suspecti Maimburgus hist. occas. Imper. lib. 4. pag. 433, & Bruys hist. Pontif. tom. 2. pag. 632, & seq. Vide & Sandinum disput. 19.

Ab Alexandro III. graviter erratum, ejusque sententia in errore Pontifices aliquos ipsius Prædecessores incidisse, jactat Bossuetius defens. declar. par. 2. lib. 14. cap. 40, & seq.; quia, nempe in Rescripto ad Ubaldum Ostiens. Cap. *Cum esset, de Testam.* alienum dixit a lege Divina, a SS. Patrum decretis, & ab Ecclesiastica disciplina ad Testamenti valorem ultra duos, vel tres exigere testes: quum neminem lateat Christianorum Principum Legibus, ac Populorum ubique praxi recepta, rata non haberi Testamenta, nisi septem adhibitis testibus; & quia in Rescripto ad Episcopum Salernit. Cap. *Licet, extra de Sponsa duorum*, postquam decrevit Matrimonium ratum cum una celebratum non dissolvi posteriori cum altera inito, & consumato, subtexuit, aliter suis a Decessoribus aliquando judicatum, videlicet Matrimonium per verba de presenti contractum, non tamen consummatum, dirimi posse per aliud Matrimonium, in quo copula intercesserit. Quo plane in judicio Pontifices illos a veritate deflexisse probat ipsius Alexandri definitio zota ab Ecclesia religiose recepta. Sed enim absque causa Alexandrum Bossuetius vexat, in invidiamque vocat, atque ad noxam aliis, quos ignorat, pariter inferendam præposere inflectit. Atque nullus quidem in priori Rescripto intervenit error: nec enim dixit lege Divina sancitum, ne duo plusquam, vel tres ad Testamenti valorem adhiberentur testes, sed dumtaxat ex eadem

eadem lege duos vel tres sufficere. Nec etiam prohibuit, quin lege humana plures alibi statui possent, sed solummodo Ecclesiæ Rom. subiectis in temporalibus, & Spiritualibus legem sancivit, qua imposterum ad valorem Testamenti duos, aut tres sufficere testes scirent. Quod ideo cautum voluit, quia in Ecclesia Veliter-
na consuetudo inducta fuisset rescindendi Testamenta, quæ non fuissent quinque saltem testium subscriptione firmata. Qui si hac in lege ferenda detur etiam Dei Verbum scriptum, ac traditum perperam allegasse, falsaque proinde ratione ductus ad eandem legem sub pœna excommunicationis indicendam profligasse, quid tum inde? Quandoquidem etsi S. Scripturam, & Traditionem suam frustra in sententiam inflexerit, nihil ei tamen adversum ab eo definitum constat. Quemadmodum quod etsi Nicæni Patres ad Filii Divinitatem contra Arium adstruendam locum ex Gen. cap. 19. v. 24: *Dominus pluit sulphur, & ignem a Domino*, frustra accersivisse dignoscantur, non propterea a fide deflexisse dicendi sunt. Unde apposite Melchior Canus de loc. Theolog. lib. 6. cap. 8. ad 14. admonet duo in Rescriptis Pontificiis distinguenda esse, intentionem, & conclusionem, ad quam principaliter mens Pontificis respicit, in qua ipsum falli, & fallere omnino nesciunt affirmamus, atque rationes, & motiva, quæ a Pontifice Rescripto persæpe attexuntur, in quibus Pontificem eodem infallibilitatis privilegio gaudere non dicimus. Quod ad 2. Rescriptum attinet, neque recte exinde Bossuetius Alexandri sententia aliquos ejus decessores errasse colligit. Certe Pontifex ullus huic Decreto Alexandri contrarium aliquando decrevisse nunquam demonstrabitur; unde fit, ut verba illa, in quibus vim adeo facit Bossuetius: *Quamvis aliter a quibusdam Prædecessoribus nostris fuerit aliquando judicatum*, velut ex suggestione Episcopi Salernitani, ex hypothesi idest, subjuncta habeantur, quod scilicet ille scripsisset a quibusdam Pontificibus fuisse declaratum Matrimonium ratum consummato dissolvi. Nam Gonzalezio adnotante, Mutinæ in Italia maxime, & in Anglia passim abusus invaluerat Matrimonium ratum dissolvendi per subsequens consummatum, occasione forsitan accepta ex perversa interpretatione Capituli *Sicut ex litteris de Sponsal.*, quo sancitum fuerat Sponsalia dirimi per Matrimo-

rimonium, unde id pariter translatus fuerit ad Matrimonium ratum. Deinde, ut observat Nicolaus Duboisius, antea in Ecclesia nondum satis eliquata quaestio erat, an subsequenti Matrimonio consummato antecedens dumtaxat ratum dissolveretur; unde factum, ut diversi Ecclesiarum Praesules Salernitanus, Patavinus, Senenensis, Novicensis, Januensis &c. hac de re Apostolicam Sedem consulendam duxerint; non secus atque quoad Matrimonia eorum, qui impotentia, & frigidityte laborabant, diversa obtinuerat sive doctrina, sive praxis in Ecclesia Gallicana, & Romana, ita videlicet, ut ex diversis utrinque probabilibus rationibus diversimode a Gallis, atque a Romanis de huiusmodi Matrimonii validitate, sive invaliditate, ferretur iudicium: fieri itaque potuit, ut diversa perinde Roman. Pontificibus affingeretur opinio, antequam nempe exploratissimam Alexander III. rem faceret.

Innocentii III. sententia ab hæresis labe expurgari haud posse sive Urbanum III. Cap. *De illa. d. Divort.*, sive Cælestinum III. Cap. *Laudabilem, de Convers. Infidel.*, quod docuerint per hæresim ita Matrimonium dirimi, ut ei liceret conjugium aliud inire, cujus prior Coniux in hæresim prolapsus fuisset, adeoque ut ad eundem ad fidem regredientem redire compelli nequeat; quorum proinde doctrinam emendari indiguit ab Innocentio III. Cap. *Quanto, de Divortiis* fatente aliter suis fuisse a decessoribus decretum: *Licet quidam Praedecessores nostri* (Urbanus, & Cælestinus videlicet) *sensisse aliter videantur*; unde & pars illa Capituli *Laudabilem*, quæ legitur lib. 3. antiquæ Collect. 11. Decretal. Antonii Augustini, Collectioni iussu Gregorii IX. a S. Raymundo adornatæ non est inserta; ac tandem Concilium Tridentinum Sess. 24. Can. 5. in eos censuram intorquet, qui propter hæresim dissolvi posse Matrimonium diceret, idco, inquam, ab hæresis labe abstergi Urbanum, & Cælestinum nequire Alphonsus de Castro lib., de hæres. cap. 4, & Hadrianus VI. dum Lovanienfis adhuc doctor audiret, affirmare non dubitarunt. Innocentio III. vicissim ingenti piaculo vertitur a Bosuetio diligentissimo efractorum, in quæ prolapsi videri ipsi potuere Romani Pontifices; collectore cap. 41, ex præpostero ingenio relinquendi nihil intactum, quo infallibilitatis privilegium imminueret, ipsisque prorsus

sus eriperet, ideo quod a Capitulo Cisterciensi consultus, an Monachi cujusdam sacrilega Confessio ab ipso Confessario revelanda esset, tum ex sua, tum ex Cardinalium sententia, ideoque præhabita matura, & Canonica deliberatione, affirmative respondit; veluti refert Cæsarius Cisterc. in hist. sui Ordin. lib. 3. cap. 32: quod responsum, inquit, quatenus sacrilegam Confessionem non esse sub Sacramentali secreto omnino celandam edicit, Juri Divino, & naturali repugnare Theologi, & Canonistæ uno ore confitentur. Sed enim absit a me, ut id ex Innocentii sententia de Urbano, & Cælestino dicere audeam, cujus potius dicto tam vere, quam pie uterque ab hæresis labe vel levi abstergitur. Eodem enim Innocentio teste, ab utroque dubitandi verbum usurpatum est: *Videtur Nobis*; unde patet utriusque Rescriptum privatim opinando, singulariterque respondendo fuisse datum, non etiam veluti ex Cathedra loquentes Ecclesiam universam dicto suo obligate eos voluisse. Neque vero, ut suo advertimus sæpe loco, Epistolis omnibus Pontificum, quæ vel inter Decretales relatæ sunt, ea indiscriminatim vis legis inest, ut tanquam e supremo Tribunali editæ inter fidei regulas sint habendæ: distinguendum est enim in Decretalibus; atque quæ ad fidei caput spectant, non facile confundenda cum iis, quæ speciem dumtaxat singularis doctrinæ præferunt, veluti passim Pragmatici admonent. Vel ex ignorantia vero casus, cujus arguere doctis. Bossuetium nolum, vel ex prurigne dicta Pontificum vituperandi, linquendique nullum illorum privilegia labefactandi locum, objectionem contra Innocentium procedere putaverim. Casus fuerat de fingente Confessionem, quo in casu vera omnimode Innocentii doctrina est. Nempe Cæsario narrante, Monachus quidam se absque Ordine Missas celebrare die quadam Abbati suo in Confessione aperuerat, a quo tamen dolente, & illacrymanre etsi rogatus, monitus, & jussus, a tanto scelere cessare se nolle miser respondit. Igitur de istiusmodi casu Innocentius consultus respondit hanc Confessionem esse prodendam, quia potius est blasphemia, quam Confessio; nec debet Confessor tantam blasphemiam, ac insaniam celare, per quam periculum toti Ecclesiæ poterit incumbere. Quo profecto in casu peccatum in Confessione quidem pandentis, sed

animo obdurato in eo perseverandi , quis censerebatur veram Confessionem peragi , quum ex institutione Christi ad eandem necessaria sit ex parte poenitentis intentio saltem peragendi Sacramentum (quamvis ob aliquam deinde causam suo valore frustraretur , & a Confessario denegetur absolutio) quod profecto non peragit , qui sacrilege Confessionem simulat , animoque paratus est in peccato post Confessionem obsordescere ?

Non morabor heic multis , quæ Cœlestino V. Pontifici sanctissimo vel a malevolis ex invidia , vel a bardis ex ignorantia objecta leguntur , quasi propria abusus sit potestate , de eaque pessime senserit , dum absolvere se a culpa , & a poena aliquando pronuntiavit omnes , qui vere poenitentes , & contriti in die Decollationis S. Johannis Bapt. ad Ecclesiam Aquilanam accederent . Indulgentiam hanc enim vere poenitentibus , & contritis concessam , poenæ reatum , qui culpa aliquando etiam dicitur , tantummodo respexisse , manifeste exinde patet , quod non nisi poenitentibus , & contritis concessa fuerit , in quibus sane poenitentia , & contritione jam deletum culpæ omnem reatum supponere oportet , adeoque locum non amplius fuisse , ut a Pontifice absolveretur . Parum hinc abest censuræ alterius nota , quæ postea Bonifacio IX. inflicta est , quod nefandissima licitatione , iniquissimaque Indulgentiarum nundinatione pro ditione Mediolanensi , referente Bernardino Corio in hist. Rer. Mediol. , ac pro Regionibus Germaniæ , referente Gobelino Persona in Cosmod. stat. 6. cap. 86 , & seq. elemosynas conferentibus Indulgentiam talem largitus sit , quæ etsi neque contriti , neque confessi , a quocumque peccato absoluti , ac liberi abirent . Commenta , & calumniæ sunt enim , quibus occasionem quidem præbuit , teste Niemo lib. 1. Schism. cap. 68 , administratorum quorundam effrenis licentia , ingluviæque inexplebilis , qui Jubilæum , sive Indulgentiam per diversa Regna promulgatum missi , cum potestate commutandi in alia poenitentia , ac pietatis opera accessum cum iis , qui ad Urbem accedere nequirent , hujusmodi facultate turpiter in quæstum proprium abusi , peccata poenitentibus sine poenitentia relaxando , atque super quibusque irregularitatibus dispensando , ansam malevolis dederunt , uti Corio , uti Gobelino , eadem criminatione innocentem aspergendi

di Pontificem. Qui plane quam ab hujusmodi abusu abhorreret, documento sunt, argumentoque evidentissimo ipsius Epistolæ ad Benedictum Ferrar., & Beltraminum Novocom. in Italia, necnon ad Gerardum Rothenburg., Nicolaum Misnen., ac Gerardum Hildesheimen. in Germania Episcopos apud Raynaldum ad an. 1390. n. 1, & seqq., quibus districte mandavit, ut omni studio, & conatu nefariis ejusmodi nundinatoribus, sacrilegisque nebulonibus coercendis, castigandisque incumberent: quorum plerosque justas flagitiorum pœnas carceribus intrusos Pontifici dependisse refert Niemus lib. 2. cap. 62. Neque magis est, cur morer mendacia, & maledicta, sive ex odio erga Pontifices immani, sive ex servili erga Principes timore conficta, a malefieriatis plerisque adoptata, & a Puteano quammaxime in adulterata sui dissidii historia, & post ipsum a Francisco Bruys hist. Pontif. tom. 3. pag. 346, indiscriminatim congesta, quibus Bonifacii VIII. fama, fidesque aspergitur: postquam nempe ab invidia prorsus omni abunde illum absterferunt, ejusque nomen, ac Religionem in tuto collocarunt, Aymo Maurianensis Antistes apud S. Antoninum in Chron. par. 3. tit. 20. cap. 8, §. 2; idem S. Antoninus ibid. §§. 1, & 3; Anonymus Vaticanus apud Raynaldum ad ann. 1303. n. 35, & seqq., ac 1311. n. 54, & seqq., & apud ipsum idem semet Bonifacius; Clemens V. in Concilio Vienn., de quo Mauclerus de Monarch. par. 4. lib. 7. cap. 18; Cardinales Richardus Petronus Senen., Petrus Hispanus, & Franciscus Cajetanus apud Raynaldum ad an. 1312. n. 11; Jo: Andreas in Mercuriali, sive in Regulas lib. 6. Decret. de Renunt. cap. 1; Petrus Paludanus in tract. de causa immediata Eccl. potest. apud eundem Annal. ad an. 1297. n. 34, & seqq.; Ægidius Roman. de Renunt. Papæ in Bibl. Rocaberti to 2. pag. 1, & seqq.; Jacobus Card. S. Georgii lib. 1. de gestis a cessione S. Petri Cœlestini usque ad ejus Canonizat. cap. 11. tom. 3. Script. Ital. pag. 660; Card. Gentilis de Monteflorum Ord. Min. in Apolog. apud Eggs in Purpura docta tom. 1. pag. 264; Johannes Villani lib. 9. cap. 23; Franciscus Pippinus in Chron. lib. 4. cap. 49. apud Muratorium Rer. Ital. tom. 9; Guido Baifius in tract. super hæresi, & aliis criminibus Bonifacii VIII. ex Bibl. Eccl. Cathed. Lucen. a Mansio descripto Suppl. tom. 3. pag. 375, & seqq; Ferretus Vi-

centinus hist. lib. 3, de quo idem Mansius in Not. ad Raynaldum an. 1303. n. 41 ; Jo: Rubeus in ejusdem Actis Rom. edit. 1651, Recentioresque alii plures, quibus parco.

Aut Nicolaum III, aut Johannem XXII. adversa inter se fronte confliantes, & quidem in re ad fidem spectante, quin errasse fateamur, fieri nullo posse modo ii pugnant, quibus præpostera cura inest errata, quæcumque possint, urgendi Pontificum, quos falli, & fallere nequaquam esse nescios suadendum temere sibi sumpserunt. Enim vero Nicolaus III. præscriptam a Seraphico Patriarcha S. P. N. Francisco Religiosæ vitæ formam, Regulamque declarandam adorsus Decretali *Exiit* lib. 5. tit. 12. cap. 3., inter alia, quæ minus ambigua, & difficilia videri poterant, docuit §. *Porro*, quod abdicatio proprietatis tam in speciali, quam in communi meritoria est, & sancta, quam Christus D., & verbo docuit, & exemplo firmavit: quod si Christus D. loculos interdum habuisse legitur, id egit infirmorum persona suscepta, cujusmodi alienæ infirmitatis speciem etiam in fuga aliquando monstravit. Distinguens deinde in rebus temporalibus proprietatem, possessionem, usumfructum, jus utendi, ac simplicem facti usum, hunc postremum, nempe facti usum simplicem, prout etiam ab ipso utendi jure discretum, Minoritis solum reliquit. Quæ vero donata Minoritis essent utenda, in donantis dominio integra manere dixit, a quo si dimissa fuissent, ne tum eorum, quæ Minoritis utenda dantur, qui nihil in utendo juris habent, incertum videretur esse dominium, istud, exemplo Innocentii IV, ad Ecclesiam Romanam transtulit, Minoritis solo facti simplici usu relicto. Hanc porro Nicolai III. Decretalem confirmarunt deinde Bonifacius VIII, qui eam Corpori Juris inter Extravag. Communes lib. 6. tit. *De Verborum significat.* inseruit, & Clemens V, qui eamdem magis explicuit Constit. *Exiit* ibidem, diserte asserens rerum utendarum dominium ad Ecclesiam Romanam esse translatum, Minoritis solo usu facti simplici dimisso: utramque vero Decretalem Nicolai, & Clementis ratam habuit idemmet Johannes XXII. Extravag. *Quia quorundam*, utriusque declarationes vocans *Salubriter editas, solidas, claras, lucidas, & magna maturitate digestas*. Non obfuit id tamen, quin idem Johannes deinde in Extravag. *Ad conditores* *Canon-*

Canonum de Verb. signif. tit. 14. cap. 3. doceret ejusmodi paupertatem, qua quis in rebus usu consumptibilibus abdicat se dominio omni, solo usu facti retento, non esse possibilem, neque veram, neque Minoritis ad paupertatis Evangelicæ perfectionem assequendam utilem; ideoque rerum Minoritis utendarum ad Ecclesiam Romanam translatum dominium, quod ipsi videbatur absurdissimum, ab eadem, rebus Sacris exceptis, abigeret. Nec his contentus, Extravag. altera *Cum inter nonnullos*, Cap. 4. declaravit hæreticum dicere Christum D. hujusmodi paupertatem, quæ nec in speciali, nec in communi aliquid habuerit, verbo, & exemplo docuisse, atque in iis, quæ habuisse Scriptura testatur, jus utendi non habuisse. Usus scilicet sine jure utendi esse nequire, siue injustus esse Johanni videbatur. Quod ipsum denique in Extravag. *Quia quorundam* Cap. 5. docuit, quæque in præfatis Extravag. docuerat, prolixius confirmavit. Quæ quum ita se habeant, alterutrum in fide errasse fateri necesse est; atque ita quidem errasse Nicolaum, ejusque errorem a Johanne fuisse emendatum, fateri non dubitarunt vir doctrina insignis, qui tum in Aula Pontificia versabatur apud Raynaldum ad ann. 1318. n. 54, & seqq., & Card. Jacobus Novellus, in Pontificatu deinde Benedictus XII, in respons. ad Fraticellos object. 13. apud Eymericum Direct. par. 2. q. 17: atque hæc quidem Bossuetius valdequam urget, inculcat, & exaggerat.

Verum distinctionis ope haud operosum evadit neutrum in fide errasse ostendere, & utrumque in re fidei invicem conciliare. Tres igitur Nicolaum inter, & Johannem quæstiones institutas, pertractatasque fuisse observare præstat cum Bellarmino lib. 4. cap. 14; Wadingo ad an. 1322, Raynaldo ad eundem ann. n. 65, & seqq., Bordonio Sac. Tribun. cap. 5, Natali hist. Eccl. ad sæcul. XIII, & XIV. dissert. 11, aliisque infra allegandis. 1. An in rebus usu consumptibilibus separari usus a dominio queat; 2. An paupertas, quæ dominium prorsus omne excludit, solo usu relicto, meritoria sit, & sancta; 3. An Christus D. paupertatem hujusmodi verbo docuerit, & exemplo. Quibus quæstionibus invicem discretis, jam difficile non est Nicolao Johannem in fidei dogmate non esse contrarium ostendere, vel si sit, contrarium esse dum-

taxat in doctrina ad Jurisprudentiam, vel Philosophiam Moralem spectante. Quod igitur ad 1. attinet, quamvis non desint, uti Natalis, qui hac in parte quoque cum Nicolao Johannem componere studeant, hac nempe ratione, quod siquidem in sua, ac Johannis opinione in rebus usu consumptibilibus a jure utendi, imo a rei dominio simplex usus facti separari nequeat, nam alioquin injustus esset, idest absque jure, proinde istiusmodi dominium impossibile, quod expresse Romana ab Ecclesia removit Johannes, adjudicatum fuisse a Nicolao nefas est existimare. Iterum istiusmodi usum injustum, quem in Minoritis inficiatus est Johannes, meritorium, & sanctum nequaquam affirmatum a Nicolao fatendum est. Igitur, inferunt, Nicolao optime cohæret Johannes, illumque probe interpretatus est, quatenus earum dumtaxat rerum dominium Ecclesiæ Romanæ reservavit, quarum simplex usus facti Minoritis competit; atque Minoritis earum solum rerum, usum permisit, & sanctum, meritoriumque pronuntiavit, qui justus est: qua in re a Nicolao nihil Johannes discrepabat. At enim sic argumentari, quid aliud est, quæso, quam quod Nicolaus adstruxit, destruere, atque vicissim adstruere, quod Johannes destruxit? Verius dixerim in hac quæstione utique a Nicolao Johannem dissensisse, in re tamen, uti dicebam, non dogmatica, sed philosophica: nam Nicolaus simplicem facti usum a jure utendi, ac dominio separari posse absque dubio affirmavit, quod Johannes ivit inficias. Quod si quæras, quem penes veritas steterit? penes Nicolaum steterisse indubitanter respondeo. Enim vero Nicolao in sententia præverant Gregorius IX, Innocentius IV, & Alexander IV, a quibus FF. Minorum Regula fuerat explicata; in eandem postea manibus, pedibusque abierunt Clemens V. in *Decret. Exiui*, Martinus V. in *Const. Amabilis*, Eugenius IV. in *Decret. Provisionis*, Callistus III, Pius II, Paulus II, & Sixtus IV. in *Const. Dum uberes*, a quibus Johannis XXII. Extravagans *Ad conditorem*, quatenus arctissimæ FF. Minorum paupertati derogare videbatur, motu proprio revocata fuit. Eidem Nicolai sententiæ suffragantur Doctores, qui rerum ipso usu consumptibilium, puta, esculentorum, & poculentorum, usum a dominio plane distinguunt, ac Minoritas rerum, quibus utuntur, utique non esse

esse dominos, recte docent, atque ita Bellarminus lib. 4. cap. 14; Navarrus tom. 2. Comment. 1. de Regul. n. 13, Comment. 2. n. 2, & ibidem de Reddit. q. 1. monit. 14, & 16, Lessius de Just., & Jure lib. 2. cap. 13. dub. 8. n. 32; Dominicus Soto de Just., & Jure lib. 4. q. 1. art. 1; Rodriquez tom. 3. q. 29. art. 4; Bannezius in 2. 2. q. 62. art. 1. dub. 1. concl. 3, & 4; Ledesma par. 2. in 4. q. 18. art. 1. dub. 2; Sanchez in Decalog. lib. 7. cap. 18. n. 5. Accedit ratio manifesta: esse etenim dominum rei non est præcise rem destruere posse quocumque modo, sed posse libere, ac pro libito destruere, quando, ubi, quomodo voluerit quis, vendere item, vendicare in judicio, donare, commutare &c., quorum neutrum ex vi Regulæ Minoritis competere potest, qui proinde rebus absque jure quidem utuntur, at non propterea utuntur injuste, cum alterius nempe injuria. Atque hinc sponte fluit 2. quæstionis resolutio, scilicet hujusmodi abdicationem meritoriam, & sanctam asseruit Nicolaus, Johannes negavit, uterque vero citra fidei dispendium. Quum enim quæstio ista a prima pendeat, palam sit inde, non nisi respective ad quæstionem illam de distinctione usus a jure, utrumque Pontificem fuisse loquutum. Quamvis enim, quæstio ista ad mores pertineat, quippe agitur de virtute, & vitio, neuter tamen in eo erravit; non Nicolaus, qui recte sensit; neque Johannes, qui hac de quæstione nihil definiendo judicavit, sed in ea opinione versatus, quod usus a jure distinguit nequiret, ideo dumtaxat juri, & dominio rerum donatarum Minoritis renuntiavit, illudque Romanæ ab Ecclesia removit, quod eidem a Nicolao fuerat attributum, in quo nihil contra fidem ab eo peccatum est.

Quod itaque ad 3. quæstionem pertinet, in quo rei caput est, graviorque de Christi D. paupertate difficultas consistit, varietas cum Nicolao conciliandi Johannem viæ a Doctoribus excogitatae sunt, quas brevi modo compendio perstringo. Initio Johannes ipse in Extravag. *Quia quorundam* ita Nicolaum interpretatus est, ut etiam senserit Christum, & Apostolos; quoad proprietatem quoque, aliquando habuisse aliquid in communi, dum agens de loculis, quos Christus habuisse in Evangelio legitur, eundem interdum infirmorum imperfectioni condescendisse, infirmorumque personam in loculis suscepisse affirmavit. Atque ita

ita sensisse pariter ait Nicolai Prædecessores Gregorium IX, & Alexandrum IV: cum quo stat pariter, quod aliquando Christus, & Apostoli, quoad proprietatem, nihil sive in communi, sive in particulari habuerint. Cardinales, Episcopi, & Doctores a Johanne jussi hac de quæstione suam proferre sententiam, diversos concordie tentarunt modos. Petrus de Arreblayo Card. S. Sufannæ, Petrus alter Columna Card. S. Stephani in Cælio monte, Durandus a S. Portiano Aniciensis Episcop., Episcopi Soranus, & Lucerinus, ac Natalis Herveus Ord. Præd., quorum responsa ex Mss. Bibl. Vatic. profert Raynaldus ad an. 1322. n. 56, & seqq., ac 1323. n. 58, & seqq., ita Nicolaum interpretati sunt, ut dum asseruit Christum D. absolutissimam domini rerum temporalium abdicationem tam in communi, quam in speciali verbo docuisse, & exemplo, uti liquet ex Matth. 8. vers. 20, & 10. vers. 9, ac Luc. 8. vers. 3, non negaverit tamen, quin etiam aliquando rerum aliquarum dominium habuerit, earum maxime, quibus utebatur, vel quas ad suum, ac suorum usum accipiebat, idque personam infirmorum gerendo, uti liquet ex Johan. 12. vers. 6, & 13. vers. 29, cujus postea vitæ genus Fideles, qui erant Hierosolymis sub Apostolis imitati leguntur Actor. 4. vers. 32, 34, & seq., quomodo Nicolao III. optime cohæret Johannes XXII. Card. Gaucelinus Nicolai sententiam interpretatus est de rerum ad vitæ sustentationem non necessariarum abdicatione apud eundem Annalistam ad an. 1322. n. 65. Bertrandus Card. S. Mariæ in Aquiro ibid. num. 66. de abdicatione rerum omnium, quoad curas inanes, & nimias. Cardinales S. Cyriaci eodem loci, & de Tutre cremata in Sum. de Eccl. cap. 112. Nicolai, & Johannis dicta, non secus atque loca S. Matthæi, & S. Johannis, ad diversa tempora retulerunt, juxta quæ Christus D. nec semper habuisse, nec semper abdicasse dicendus est. Cardinalis Viennensis sua, ac Parisiensis Scholæ ex sententia apud Raynaldum ad an. 1323. n. 38, & seqq. Evangelistarum diversa de Christo D., & Apostolis loca ita est interpretatus, ut ii quidem rerum aliquarum mobilium dominio usi fuerint, nunquam tamen dominio rerum immobilium potiti sint; ideoque Nicolaum intelligendum fore insinuat de bonis immobilibus, sive de mobilibus omnibus, dum Christo D., & Apostolis

stolis dominium abjudicavit; Johannem vero de bonis dumtaxat aliquibus mobilibus, dum Apostolis, & Christo D. dominium aliquod adtribuit. Interpretationi huic institit etiam Anonymus Doctor Avenionensis apud eundem Annal. ad an. 1324. n. 33, & seqq., quin etiam ipsemet Johannes XXII, quod nempe immobilium rerum, ac mobilium cujusque genus dominium Christo D. abdicaverit, non etiam mobilium aliquarum. Cæterum nedum Nicolao non repugnare Johannem idem Doctor Anonymus persuasum habuit, sed pugnam Nicolaum inter, & Johannem de re non fuisse, quæ ad fidem pertineret; ideoque, quod Nicolaus opinando dumtaxat protulerat, Johanni licuisse oppositum definiendo proscribere; quodque ab illo in sua dubietate relictum fuerat, ab isto bono fuisse in lumine collocatum. Cæteroquin enim pro certo habet Pontificem Concilio superiorem esse, a Pontifice in Concilium auctoritatem emanare, ac Pontificis esse dubia circa fidem etiam in Concilio dirimere, apud Raynaldum ad an. 1318. n. 55, ac 1324. n. 33. Card. Jacobus Novellus, in Pontificatu deinde, ut dixi, Benedicti XII. nomen adeptus, apud Eymericum Direct. par. 2. q. 17, ad Fraticel. object. 13. Nicolaum in Decret. *Exist* opinando dumtaxat a Christo D., & Apostolis rerum omnium dominium fuisse abdicatum dixisse, ideoque a Johanne emendari, absque fidei detrimento, potuisse, interpretatus est. Non ei igitur, sicuti neque Anonymo Avenionensi, ut imaginatur Bosuetus, in erroris suspensionem Nicolaus venit. Ubertinus de Casali apud Baluzium Miscell. tom. 1. pag. 307. a Johanne interrogatus suffragium istud tulit: Christum D., & Apostolos in duplici statu fuisse spectandos, qua Ecclesiæ Prælatos, quo pacto aliquorum dominio potitos fuisse; qua singulares personas, quomodo rerum omnium abdicationem fuisse professos, quantum scilicet ad Jus Civile, quo res defendere suas possent, non quantum ad Jus naturale, quo scilicet rebus ad vitæ sustentationem uti licite quirent. Atque huic Ubertini interpretationi hæere perinde Alvarus Pelagius de planct. Eccl. lib. 2. art. 56, & 59, & Corduba lib. 4. Theolog. q. 3. in resp. ad 5, qua proinde ratione cum Nicolao Johannem probe componunt. Cardinales Ord. Min. Vitalis a Furno, & Bertrandus a Turre, Berengarius

Part II. Tom. V.

Z z z z

item

item Tuscullanus, Arnaldus Rojardus Salernit., Monaldus Benevent., Caphensis, Ulyssiponenfis, Rigenfis, & Pictaviensis Episcopi suis in scriptis, quæ Apostolicæ Sedis iudicio subijcere religioni duxere, quos postea sequuti sunt Faber de Restit. disp. 45. cap. 2, Bellarminus lib. 4. cap. 14, Petra in Comment. ad Constit. 3. *Gloriosam* Johannis XXII. n. 40, aliique communiter, hanc inivere concordie rationem, quod Nicolaus Christum, & Apostolos perfectissimam abdicationem in communi, & particulari aliquando verbo, & exemplo docuisse asseruit; atque vicissim Johannes Christum, & Apostolos aliquando etiam rerum aliquarum temporalium dominium habuisse dixit: quæ duo non pugnant ratione habita tum diversi temporis, quo Christus, & Apostoli rerum temporalium dominio aut se abdicarunt, aut potiti sunt; tum diversi vitæ generis, quod ad informandos perfectos, & imperfectos Christus, & Apostoli verbo, & exemplo docuerunt. Ex quibus liquido patet, nec fuisse, cur sententiæ hujus assertoribus quod Christus, & Apostoli aliqua saltem ratione nihil tam in communi, quam in privato possederint, hæresis notam Raynaldus appingeret, veluti scite animadvertit Mansius in Not. ad an. 1322. n. 34. tom. 5. edit. Lucen. pag. 204; neque cur tanto conatu Bossuetius suadere niteretur a Nicolao toto dissensisse Johannem cælo, atque exinde alterum a fide deflexisse.

Alterius erroris causam eundem Johannem XXII. exagitant, vexantque intexunt Maimburgus, Dupinius, Vigorius, de Witte, Bossuetius par. 2. lib. 14. cap. 49, aliique, quasi asseruerit Beatorum animas Deum non visuras ante resurrectionem, atque Millenariorum prædamnatum errorem ex parte recoxerit; cujus in erroris quidem accusationem testes adhibent Ochamum in Opere 93. dierum, Marsilium Parisien. in 4. q. 13. art. 3, Paulum Langium in Chron., Hadrianum in 4. tract. de Confirmat., Gobelinum Personam in Cosmod. ætat. 6. cap. 71, Erasmus in præfat. ad S. Irenæum, Petrum Alliacensem in Orat. de tollendo Schismate an. 1406. coram Carolo VI. habita, Gersonem in serm. de Festo Paschæ at. apud Lensantium hist. Concilii Pisani lib. 2. §. 67. pag. 146, & seq., aliosque, quorum etsi nutaret fides, non tamen in dubium vocari liceat ipsiusmet Johannis testimonium, qui

quæ tum in duobus Sermon. Mss. Bibl. Cantabrig., & apud Continuatores Chronici Guillelmi Nangii ad an. 1333. publice e suggestu cum errore propinasse legitur, tum a Johanne Villanio lib. 10. hist. Florent. cap. 230. fertur in litteris ad Philippum VI. Valesium Franc. Regem ex S. Scriptura, & SS. Patribus pravam eam opinionem comprobari scripsisse; adeo ut in Gallia præsertim pervulgatum esset eum a Pontifice errorem revera propugnari, eaque propter Galliarum Rex, Episcopi, ac Doctores ingenti non absque commotione adversus Pontificem insurgentes fidei ab ipso appetitæ puritati in tuto ponendæ operam impendere suam officio duxerint. At enim hæreticorum hominum Calvini, Aventini, Plessæi, horumque similium, (quos mirari valde subit hanc in Johanne damnare sententiam, quam a Luthero præfat. in Genes., & a Calvino Instit. lib. 3. cap. 20. §. 24. doceri ignorare non debebant) hallucinatio hæc fuit, qua se pariter decipi Scriptores plane orthodoxi pati non debebant. Contra quos omnes adversa fronte, instructoque agmine pro Johannis orthodoxia pura, & integra, marte longe meliori pugnant Jo: Villanius lib. 11. cap. 19, Ptolomeus Lucensis in hist. Eccl. lib. 24. cap. 42, Continuator Chron. Nangii ad cit. an., Ulricus lib. 4. de beata Visione Deitatis Johanni XXII. cum aliis tribus eodem de argumento nuncupato, Jacobus Novellus Card. S. Priscæ, deinde in Pontificatu Benedictus XII. in libello de statu Animarum apud Schelestratium in præfat. ad tract. de sensu, & auctor. decret. Concilii Constant., & in Constit. *Benedictus Deus*, de qua paullo post; ac post ipsos Alphonsus a Castro V. *Beatitudo* hæ. 6, Sanderus de visib. Monarch. lib. 7. pag. 1006, Bellarminus de Rom. Pontif. lib. 4. cap. 14, & de Beatitud. SS. lib. 1. cap. 2, Baluzius Pontif. Avenionens. tom. 1. pag. 788, ac 792, ac seqq., Wadingus, Spondanus, & Raynaldus ad an. 1333, 1334, 1335, & 1336, Bullæus in hist. Univ. Paris. ad an. 1334, Natalis hist. Eccl. ad sæcul. XIII. & XIV. dissert. 11. art. 2, Cardinalis de Bisi, Languetius, Tournellius, Juveninus, Cavalcanti &c., ut jam communis in Scholis sententia audiat, ea in re Johanni XXII. nullum facessendum negotium fore, neque factum aliquando fuisse, nisi a fidei subleste, omninoque suspectæ Viris, quibus proinde nullo auscultare modo præstet. Z z z z 2 Age

Age vero argumenta, & documenta, quibus id confici solet, breviori, quoad ejus fieri poterit, oratione comprehendamus. Opinioni igitur illi, quæ conformiter decretis pridem ab Innocentio III. Cap. Cum *Martha* de Celeb. Milsar., & Cap. *Majores* de Baptif., a Clemente IV. in fidei profess. Græcis præscripta, & a Concilio Francofordiensi in Synodica ad Episcopos Hispan., & Benedicto XII. postea confixa est, ab Eugenio IV. in Concilio Florent. inter Armenorum errores recensita, & a Tridentino Sess. 25. in Decr. de Invocat. SS. rejecta, de qua fufe, doctæque adversus Cerenthanos Card. Laurentius Cozza in Comment. histor. dogm. ad lib. S. Ang. de hæres. cap. 8; veteres adversus, & novos Millenarios Card. Vincentius Petra in Comment. ad Constit. 4. *Benedictus Deus* Benedicti XII. tom. 4. edit. Ven. pag. 75; & adversus Burnetium Muratorius lib. de Paradiso, opinioni, inquam, de retardata Justorum Beatitudine usque ad postremi Judicii diem, Johannem XXII. neque firmiter ex animo adhæsisse, neque ut fidei articulum, Ecclesiæ credendam eam proposuisset, sed siquid de illa vel ipse protulerit, vel proferri ab aliis permiserit, id non assertive, sed disputative solummodo fecisse, inquirendæ scilicet, investigandæque unius veritatis gratia; atque si quid fidei dissonum forte disputatum fuisset, ab ipso revocatum fuisse, retractatumque multa docent. Atque principio si veritate constaret, quæ ab eo edita fertur a Francisco Carrierio apud Card. Aguirrium in Defens. Cathedræ S. Petri disput. 32. Sect. 3, Constitutio, qua declaraverit Animas plene purgatas beari in Cælo, impias vero cruciari in Inferis statim ab obitu, de qua dubitare neque videtur Thomassinus Theolog. dogmat. tom. 1. lib. 6. cap. 38. n. 6, confecta certe res esset: quia tamen Constitutionis hujus nulla apud Auctores mentio extat, nullum authenticum exemplar, quinimo eum paratum quidem ad decisionem, sed morte præventum id perficere nequuisse affirmet Benedictus XII., ad aliæ me convertere documenta oportet. Testimonio igitur sunt Doctores Parisienses tres supra viginti, qui Instrumento publice edito die 2. Jan. 1333. apud Bullæum in hist. Univ. tom. 4, Spondanum ad an. 1334, Natalem Alex. loc. cit., & Cavalcanti in Append. ad Vindicias Rom. Pontif., atque Philippo Rege coram te-
stari

stari non dubitarunt: *Quod quidquid in hac materia sua Sanctitas* (Johannes XXII) *dixit, non asserendo, seu opinando, sed solummodo recitando protulit*; idque multorum fide dignorum relatione se accepisse ajunt; ideoque nulla erroris suspicione Johannem apud ipsos laborasse exinde liquet. Testis omni exceptione major accedit Benedictus XII, qui tum in procemio libelli sui de statu Animarum, dum Cardinalis esset, Avenione sub eo tempore adornato, quo hæc quaestio Johannis jussu agitabatur, apud Raynaldum ad an. 1335. n. 9, & seqq., perhibet Johannem non ex animo, sed solum inquirendæ veritatis causa, pleraque in favorem partis negantis dixisse, & scripsisse; diserteque ita professum fuisse semel, & iterum tam in Consistorio publice, ingentique coram Populi multitudine, quam prope finem vitæ paratum ipsum assermans publica fidei professione edicere purgatas Animas statim ad Dei visionem admitti; tum in Constit. *Benedictus Deus* a Pontificatus initio edita fide confirmare sua non dubitat Johannem decessorem suum plus vice simplici sive in sermonibus, sive in scriptis, qua in privatis colloquiis, qua publico in Consistorio declarasse, quod quæ de statu Animarum separatarum dixerat, & scripserat, non asserendo, & credendo, sed inquirendo dumtaxat, ac disputando ea dixisse, & scripsisse; eumque demum prope diem moriturum die 3. Decemb. an. 1334. Cardinalibus, Prælatibus, Doctoribus, publicisque Tabellionibus convocatis sinceram animi sui de non retardata purgatis Animabus visione beatifica fidem patefecisse, qua de re fuse Raynaldus ad an. 1334. n. 35, & seqq. Quid vero quaero testes, dum liquidum, locupletemque ipsum, qui accusatur, Johannem erroris sui vindicem, innocentiae suæ assertorem, suæque causæ testem, advocatum, & Judicem habeo? Ita nempe is ea exardesciente controversia sive privatis in suis cum Cardinalibus, Prælatibus, & Doctoribus collationibus, sive suis in Rescriptis ad Petrum Rogerii Archiep. Rotomag., ad Philippum Valesium Franc. Regem, & ad Franciæ Reginam, sive publico in Consistorio semel, & iterum protestatione, fideique professione edita, prope vitæ finem præsertim, apud Villanum lib. 10. cap. ult. & lib. 11. c. 9, Cardin. Jacobum Novelhum, sive Benedictum XII. loc. ind., Wadingum ad an. 1333, Ma-

imbur-

imburgum ipsum de Occasu Imp. lib. 6, Raynaldum ad an. 1334. n. 27, & seqq., Natalem cit. dissert. 1. 1. art. 2, falsus est, & professus non aliam unquam circa statum Animarum separataram sibi animo infudisse opinionem, curamque, quam S. Scripturæ, & SS. Patrum textus in utramque partem proferre, atque Viris dignitate, virtute, doctrinaque conspicuis se auctorem præbere, ut collatis invicem studiis, eam diligentissime quæstionem discuterent, uno eo consilio ductus, ut apertam in lucem veritas sedulo discussa prodiret; neque sibi unquam in animo fuisse quidquam fidei minus congruum proferre, ac siquid præter mentem sibi excidisset, dictum, scriptumque retractare, revocareque, atque demum se fateri, & credere separatas Animas, quibus nihil expiandum superesset, ad Dei visionem statim admitti. Quæ vero extremo morbo correptus dicto, & scripto contestatus est, eadem pridem & dicto, & facto comprobavit, dum in Bullis Canoniz. SS. Thomæ Aquin., Ludovici Tolos., & Thomæ Herfordiens. Calorum ingressum ad Deum intuendum, perfruendumque ipsis liquido adseruit. Neque tandem, etsi hac de re minus eum recte sensisse daremus, quod omnino negamus, hæreseos nota propterea inuri Johannes posset: sive quia id sensisset, quando adhuc ita sentire absque hæresis periculo fas esse videbatur, quum nulla explicita præcessisset adhuc Ecclesiæ definitio; sive quia in sententia, pertinax non fuisset, quandoquidem eum promptum ad revocandam sententiam animum semper prætulisse certum est, & constans.

De negata Mortuorum resurrectione, Vita æterna, Animæque immortalitate accusatus in Concilio Constant. Sess. 11. legitur Johannes XXIII. Sed falso rumore hanc de eo pervulgatam hæresim fuisse, exindeque forte profectam huiusmodi famam, quod quia Johannes pessimæ vitæ fama laborabat, pessimo loco pariter ipsius fides habitata sit, quasi eo dissolutæ vitæ genere neque vitam æternam, neque carnis resurrectionem, neque animæ immortalitatem se credere demonstraret; ideoque inter calumnias esse computandam exinde suadetur, quod in eadem Sessione contra eundem accusationum Articuli quatuor supra quinquaginta, omnesque omnino ad mores pertinentes, propositi quidem, probatique fuere, idoneis adhibitis ad singulos Articulos testibus;

bus : hic vero de hæresi articulus ulla absque probatione testium productus fuit : quod indicium est illum aut ex invidia fuisse constitutum , aut ex industria fuisse constitutum. Deinde indubitati Pontificis loco Johannes hic non est habendus , certoque habendus loco illegitimi ab eo tempore fuit , quo vel sponte Pontificatus abdicationem sponderat , vel sua pertinacia in retinendo Pontificatu schisma in Ecclesia confovebat , quo in casu Concilium eum vel e Pontificatu excisum declarare , vel e Pontificatu deicere potuit : unde non est , cur in eo ab errore expurgando laboremus , operamque ludamus , quandoquidem qui legitimis , & indubiis id officii , operæque libenter impendimus , spuriis , & suspectis detrahimus , & denegamus. Martino V. vicissim foedissimam infamiae labem inferunt heterodoxi , Beza , & Mornæus , eumque tanquam Sacrorum Canonum infractorem prosciunt , convitiisque ad plebem traducunt , quod referentibus B. Angelo & Clavasio in Summa an. 1498 , idest triennio ab ejus obitu , Nuringergæ edita , & Silvestro in Sum. V. Papa §. 17 , a quibus S. Antoninus suæ assertionis testis appellatur , legem de Conjugiis solverit in primo gradu , veniamque cuidam fecerit Matrimonii cum Sorore germana contrahendi. At enim ea in assertionem errasse utrumque , errandique occasionem accepisse ab adulteratore litterarum , Apostolicarum , advertit Raynaldus ad an. 1431. n. 2. Perperam quoque S. Antoninum suæ assertionis testem a B. Angelo , & Silvestro fuisse appellatum observat Spondanus ad eundem an. n. 3. S. Antoninus enim in Summa par. 3. tit. 1. cap. 11. diserte loquitur de dispensatione concessa cuidam , qui Matrimonium contraxerat cum scemina , cujus sororem prius fornicarie cognoverat ; velut adnotarunt Bellarminus de Matrim. lib. 1. cap. 25 , Coquæus in Antid. §. 62. pag. 268. tom. 2 , Natalis in hist. Eccl. ad Sæcul. XV , & XVI. cap. 1. art. 3. §. 6 , & Pagius in Breviar. , cujus affinitatis impedimentum , quod nec juris naturalis est , nec Divini , Pontificem absolvere posse , Theologi , & Canonici Juris interpretes docent ; atque dispensandi quidem eam Pontifici insisse causam S. Antoninus subtexit , quod fornicatio esset occulta , Vir ille vero Monasticæ professioni , aut longinquæ peregrinationi impar esset , & gravia ex divortio scandala tecutura fuissent :
quam

quam in rem videndus etiam Gonzalezius tom. 4. n. 11. pag. 199. Cæterum quanta discussione, & quam matura deliberatione dispensationes concederet Martinus V, constat ex ea, quam demum Johanni Comiti Fuxensi concessit, cui non ante cum prioris defunctæ Uxoris Johannæ Caroli Regis Navarræ filix sorore Blanca novum inire conjugium permisit, quam ad consilium adhibitis tum a Synodo Constantiensi, tum seorsim a se semel, ac bis Viris dignitate, integritate, doctrinaque præstantissimis, id neque Pontificiæ potestatis fines prætergredi, atque boni publici alioqui ratione postulari, quod nempe Navarræ Regni suæ asserendi stirpi, pacemque ita Fuxenses inter, & Navarros conciliandi spes affulgeret, perspectum habuisset. Dispensationis hujusce, ex qua patet a Julio II. postea rem novam non fuisse tentatam, atque Henrico VIII. justum constandi schismatis specimen defuisse, Diploma refertur a Raynaldo ad an. 1418. n. 34, & seqq., ac Natali loc. cit. Mitto nugas contra Martinum V. a Plessæo Mornæo confictas, quas refutatas videre est a Gretzero in exam. Myst. Pless. cap. 63. Neque magis moror sive inane adversus Pium II. de ambitu, jureque Principali in vaso commentum intrusum a Mornæo Myst. iniq. pag. 578, a Riveto in Not. par. 2. pag. 617, & a Brueyo hist. Pontif. tom. 4. pag. 208, ac seqq.; sive atrocem adversus Sixtum IV. de nefando contra naturam flagitio permisso calumniam intentatam a Cornelio Agrippa de Vanit. scient. cap. 64, ab eodem Mornæo pag. 594, a Baleo Cent. 8. cap. 50, & a Juriaco in præjudic. adversus Papism. tom. 1. pag. 246. Nam abunde vindicatum Pium II. quidem videre licet a Coquæo tom. 2. pag. 291. edit. Mediol. 1619, & a Coesetello in resp. ad Duplessium, pag. 1197; Sixtum IV. vero a Gretzero in exam. Myst. iniq. pag. 545, a Baylio ipso in Dict. Crit., ipsoque Francisco Bruys tom. 4. pag. 260, & seqq.

Innocentio VIII. vitio vertit, testimonio innixus Dominici Viterbiensis, & Francisci Maldentis Stephanus Infissura in Chron. Ms. apud Raynaldum ad an. 1490. n. 22, quasi dixerit privatam scortationem minime vetitam. Quæ plane tam injuste, ac temere Pontifici imputatam, quam falso, & inconsulte creditam calumniam vel uno eo documento evertit Cl. Annalista, quo ab ipso se-

vere

verè in Sacerdotes Concubenarios sive in Hispaniis, sive in Galliis animadversum ostendit. Eundem Pontificem in aliud pariter crimen vocavit Raphael Volateranus Geograph. lib. 7. pag. 80, quas Norvegis permiserit Calicem sine vino consecrare, quod in ea Regione ob immensa frigora importatum acceperet. Sed enim diceriis similiter id deputandum, quibus ut Innocentium proscindere impune possent, improbi quidam homines, inter quos Dominicus Viterb., & Franciscus Maldentes, Diplomata sub ipsius nomine confingere non sunt veriti, falsaque vulgo privilegia vendere; in quorum censum illud quoque referendum, quo Gallo cuidam Sacerdoti Conjugium ab Innocentio permixsum commentum sunt, atque scelestissima alia hujus genus sunt ementiti; ut propterea illos Pontifex Sacerdotio exutos strangulari laqueo, igneque concremari, ad inlatam sibi labem, injuriamque eluendam, iussit. Videndi Bellarminus lib. 4. cap. 14, Raynaldus loc. cit., Bzovius ad an. 1490, Card. de Lugo de Euchar. disput. 19. sect. 8, Natalis in Theolog. dogm. lib. 2. de Euchar. art. 3. prop. 4. reg. 3, Gonetius in Clypeo Theolog. tom. 5. disp. 3. de Euchar. art. 6. §. 2, Pagius in Brev., Miglioruccius Instit. Canon. lib. 2. tit. 6. in explicat. n. 44, Benedictus XIV. de Canon. SS. lib. 2. cap. 31. n. 2, Sandinus in vit. Pontif., aliique. Qui figlinis præterea Diploma illud ad censendum ex eo capite arguunt, quod in Norvegia vina generosissima conservari experientia comprobavit, qua pariter compertum est vina facilius in calidioribus, quam in frigidioribus Regionibus accescere. Ex his vero Bzovius auctor est sub ætate illa plerosque litterarum Pontificiarum adulteratores in Norvegia supremo affectos fuisse supplicio. Et sane in Norvegia jam pridem illum obtinuisse abusum, ut ob vini penuriam in Sacrificio poneretur in majori quantitate aqua, quam vinum, liquet ex Honorio III. in litteris ad Archiep. Upsalensem Cap. *Perniciosus* Extra de Celeb. Missar., quibus abusum ejusmodi, veluti contrarium universalis Ecclesiæ consuetudini, eradicari iussit: ex quo proinde fieri potuit, ut postea absque vino penitus Sacrificium conficeretur, inque hujusmodi abusus confirmationem Innocentii VIII. Diploma ab improbis confingeretur. Addit ex Bzovio Gonetius a Sacerdotibus quibusdam impiis, qui postea sceleris pœnas dedere,

nempe duumviri præmemorati, Diplomatribus Pontificiis falsificatis potuisse illis in partibus falsam hancce dispensationem publicari. Denique supposita dispensationis illius veritate, respondet Bellarminus Innocentium ita dispensando si erravit, in facti re, non dogmatis, errasse; quinimo ob extremam necessitatem dispensando, ut in altera tantum specie Eucharistia consecraretur, aut non errasse, aut errorem certe exploratum non esse. Et quidem de jure Divino esse, quod Sacrificium offeratur, non etiam, quod offeratur sub utraque specie, sed de jure dumtaxat Ecclesiastico, in quo gravissima ex causa dispensare Pontifex M. possit, scripsit Vir quidam Sanctitatis fama conspicuus, præfato Innocentii VIII. indulto, quod pro legitimo habebat, innixus, neque id propterea ejusdem Beatificationis causæ impedimentum attulisse refert Benedictus XIV. scripsere quoque apud Dianam Coordinato. 3. tract. 1. resol. 47. Doctores aliqui, in quibus Gabriel Biel lect. 84. in Canon. Missæ, & Johannes Major in 4. sent. dist. 13. q. 3: quamvis contraria S. Thomæ par. 3. q. 74. art. 1, communisque Theologorum tenenda omnino est sententia. De simili adulterina dispensatione Alexandro VI. afflicta a Bartholomæo Fumo in Summa apud Natalem, referente illum dispensare voluisse, ut ubi vinum haberi nequiret, sine vino conficeretur Eucharistia, idem esto judicium: id nempe ex vago rumore a Fumo relatum, qui præterea re penitus discussa a viris doctis, quod dispensare Pontifex nequiret, Alexandrum a priori decessisse opinione affirmat. Quis igitur ob privatam opinionem, quam Pontifex aliquando prætulit, si vere prætulit tamen, ac dimisit certe postea, infallibilitatis privilegium inficietur?

Quæ duo Leoni X. de adducta in dubium Evangelii doctrina, deque negata Animæ immortalitate objicere Balæus, & Lutherum in cap. 19. Genes. non depuduit, adeo veri specie vel sensu destituta ipsis Baylio in Dict. in Artic. Leonis, & Bruejo histor. Pontif. tom. 4. pag. 382. visa sunt, adeoque putidi mendacii vel una Constit. *Apostolici Regiminis* in Concilio Later. V. sess. 8. editæ lectione aperte redarguuntur, ut diutius hisce refellendis immorari non sit opus. Magis igitur præstat, ut de Pauli III, quin tamen ejus nomini impactas a Vergerio, a Balæo, a Sleida-

no,

no, a Bruejo infamiae notas morer, siquidem earum nulla summam fidei spectet, neque ullam prorsus fidem illorum mendaciis fore praestandam ostenderint Segni hist. Flor. lib. 12. pag. 317, & seqq., Spondanus ad an. 1549, & Panvinus in ipsius vita, praecunctis vero Emin. Quirinus, de Pauli III, inquam, jussu confecto libello, inscriptoque: *Consilium delectorum Cardinalium, & aliorum Praelatorum de emendanda Ecclesia*, brevis instituatur sermo, inquirendo nempe, an is postea liber a Paulo IV. in librorum prohibitorum censum relatus fuerit, illeque sit, qui legitur in Indice V. C. descriptus verbis hisce: *Consilium de emendanda Ecclesia*. Magna animorum contentione affirmant heterodoxi, atque praesertim Vergerius in Annot. ad Indicem Pauli IV, ex ipso Schelhornius in Amoenit. litter. tom. 7, & in epist. ad Card. Quirinum, Kieslingius, & Breitingerus in epist. eodem de argumento ad eundem Quirinum, eo consilio, ut Romanos Pontifices a reformandae Ecclesiae voluntate semper abhorruisse quammaxime suaderent; quo nempe diu, pridemque ducti S. Petri Damiani tractatum *De Correctione Episcopi, & Papae*, quae pars est epistolae 12. lib. 1. ad Alexandrum II, avide collegerunt, uti Goldastus de Monarch. Imp. tom. 2. pag. 43, & Piætetus in hist. Saeculi XI. pag. 632; Nicolai de Clemangis librum *De corrupto Ecclesiae Statu* an. circiter 1400. elucubratum saepius edere in lucem studuere, uti Uldricus Hutthenus, Leonardus Hutterus, Eduardus Bulkjesus in speculo Eccl. Pontif., & Hermannus ab Hardt in hist. Concil. Const. tom. 1. par. 3; & Orationum excerpta, quae a viris plerisque Religiosis, doctisque in Concilio Constantien. pro reformatione Ecclesiae habitae fuerant, in lucem proferre, efferreque laudibus non destitire, veluti Schelhornius in Amoenit. litter. tom. 3. pag. 10. apud Mansium Suppl. tom. 4. pag. 105, & seqq. Affirmare quoque, pro suo erga Romanos Pontifices animo haud probe comparato, Launojus in epist. ad Jo: Barillonium non dubitavit. Contra, quin cogitando vel leviter suspicarentur ejusmodi Consilium Pauli III. de emendanda Ecclesia illud ipsum fuisse, quod a Paulo IV. deinde librorum prohibitorum Indici adnumeratum est, in lucem edere, suaeque Concilio Collectioni inferere non dubitavit Crabbius: quod vero praetermissum a Surio fue-

rit, ac posterioribus aliis, doluit quammaxime Possevinus, atque proinde illud legentium oculis exhibere haud extimuerint Natalis in histor. Eccl. ad Sæcul. XV, & XVI, ac Mansius Suppl. rom. 5. pag. 538, & seqq., persuasum habentes tam longe diversam ab ea, quam a Luthero expetita, & profecta est, Ecclesiæ reformationem a Summis Pontificibus, & a Patribus Concil. Constant., & Tridentini excogitaram fuisse, & promotam, siquidem illa circa fidei doctrinam, hæc vero circa morum disciplinam tota obversaretur; quam alterius esse genus Consilium a Paulo III. editum ab eo, quod a Paulo IV. damnatum legitur. Id negant itaque Emin. Quirinus in Animad. ad Kieslingii, Schelhornii, Brexingeri epistolas, & ad Acta Lipsiensia an. 1747, ac Mansius in Not. ad Paulum III; videlicet ab vero abhorreere putant quammaxime Paulum IV. censura voluisse damnatum librum, cujus scribendi ipse cum Sociis Paulo III. auctor extiterat. Certe sub id temporis reformationem Ecclesiæ Catholicis, & Hæreticis vicissim desiderantibus, libri de Reformatione Ecclesiæ complures adornati sunt. Notus est liber Nicolai de Clemangis *De corrupto Ecclesiæ statu*, de quo mox dicebam. Extant in Collectione Conringii an. 1650. edita multa, quibus reformationis Ecclesiæ Rom. necessitas urgetur. Schelhornius ipse, præter Orationum fragmenta, quæ in Concilio Const. a plerisque pro Ecclesiæ reformatione sollicitanda habitæ sunt, & Codice Ms. evulgavit Friderici Staphili Consilium de reformanda Ecclesia Ferdinando I. suggestum. Contra hoc ipsum Pauli III. salutare, piumque Consilium de emend. Ecclesi. duo pestilentissimi elucubrati libelli sunt, Latine unus a Johanne Sturmio, Germanice alter a Luthero, teste Cochleæ in Act. & Script. Luth. apud Raynaldum ad an. 1539. n. 32, qui brevem alium perinde adversus Sturmium libellum scripsit sub hac epigraphe: *Æquitatis discussio super Consilio delectorum Cardinalium*. Fieri igitur potuit, ut alter ex his, (atque ad Sturmii quidem librum Pauli IV. respexisse proscriptionem affirmare, plurimisque sane confirmare Emin. Quirinus non dubitat) aut similis argumenti liber a Paulo IV. proscriberetur. Ex certe in Indice libror. prohib. confecto a P. Francisco Magdaleno Capiferreo, editoque Romæ an. 1632. prohibitus legitur liber sub hoc titulo:

titulo : *Consilium delectorum Cardinalium. Vide Æquitatis discussio* . At liber hic *Æquitatis discussio* a Cochlezo adornatus, ibidemque veritus, uti Kieslingium monitum voluit Quirinus Animad. 13, Apologia est libri *Consilium delector. Cardin.* Ita ergo in Indice Rom. indicatur Consilium Novemvirale delect. Cardin., de quo profecto obloqui neque ausos sua pro impudentia fuisse Sleidanum, Sekendorffium, Thuanum, Sarpium, Courayerum, Richerium, & Danielem Frankum observavit Cl. Quirinus in præfat. ad epist. Kieslingii, & in Animad. 30. ad epist. Schelhornii Injustæ Seceſſ. ab Eccl. Rom. Sectar. pag. 10, & 194, quorum ex silentio optime arguit non hoc plane Consilium Novemvirale à Paulo IV. fuisse proscriptum; Consilium vero de emend. Eccl. eodem in Indice ad incertos refertur Auctores: igitur Liber hic a Paulo IV. in Indice relatus, alius esse profecto debet a Consilio delect. Cardin. Pauli III. jussu pridem exaratus.

Sixtum V, aut Clementem VIII, sed magis illum, quam istum in Bibliorum editione immaniter errasse, exemploque suo edocuisse, nihil esse humani, quod æque, ac homines ceteri, pati Romani Pontifices non possint; neque hujusmodi esse infallibilitatis privilegium, de quo adblandiri sibi debeant, aut quo facile excidere nequeant, effutire non desinunt Heterodoxi, nonnullique ex Catholicis erga Pontifices optime, ut par esset, non comparati. Enim vero ajunt Sixtina Bibliorum editio tot erroribus conspersa est, adeo ut non defuisse viros graves, doctissimosque, qui eam publice esse prohibendam affirmare non dubitarent, memorix reliquit V. Card. Bellarminus in Commentariolo vitæ suæ, ubi refert Sixtinæ editionis negotium Viris doctis. a Clemente VIII. delectis, ac inter alios, Bellarmino ipsi, Card. Alano, Miranda S. Palat. Magistro, Agellio, ac Petro Morino, qui id ipsum perhibet in epist. ad Silvium Antonianum, retractandum fuisse de mandatum. Addit ibidem Bellarminus se auctorem fuisse præfationis secundæ editioni Clementinæ præfixæ, qua ut Sedis Apostolicæ, idest Sixti V. honori, auctoritatique in re tanti momenti consultum iret, significaretur in prima editione Sixti præfatione aliqua errata irrepsisse, vel Typographorum officiantia, vel aliorum incuria; subditque placuisse consilium Pontifici, ideoque

que in præfatione consulto positum, quod Sixtus animadvertens non pauca in suam priorem Bibl. editionem præli vitio irrepsisse, quæ iterata diligentia indigere viderentur, de integro quidem opere sub incudem revocando cogitavit; quod eo morte præven- to subiade perficere aggressi sunt Gregorius XIV., & Innocentius IX., sed iis pariter morte præreptis, tandem initio Pontificatus a Clemente VIII. opus, in quod Sixtus intenderat, Deo bene ju- vante, perfectum est. Si ergo a Sixto V. multa perperam in editio- ne priori mutata sunt, corruiere pariter opus est editionis a Cle- mente adornatæ fidem, auctoritatemque; non enim potior est ra- tio, cur Sixtina reprobata, Clementina approbetur. Quare Tho- mas Jameſius Anglo-Calvinista Bodlejanus Bibliot. Londini an. 1606. libro edito sub hoc titulo: *Bellum Papale, sive Concordia discors Sixti V., & Clementis VIII.*, in quo menda in Sixtina edi- tione a Clemente emendata ad duo millia recensuit, hisce Ar- chiep. Cantuariensem, cui librum inscripsit, verbis festivus allo- quitur: *Jam tandem Archipræsul in Deo, & coram hominibus Reverendissime, ad perpetuam Pontificum Romanorum infamiam, exegi monumentum, quod statuo.* Recitat subinde contradic- tiones, quæ Bullas Sixti inter, & Clementis intercedere sibi visæ sunt, atque subjungit: *Liquebit, quam dispar, & dissimilis sit ratio Sixti, & Clementis: ait Clemens, negat Sixtus; ait Sixtus negat Clemens.* Et circa finem in hæc tam jactabundus, quam in- solens exit Sycophanta: *Confidentissimus de Bibliis suis Sixtus, metuens sibi de suis Clemens, arrogans hic, modestus ille; sed dum- taxat modestus? Mendax hic, & ille.* Eadem sparta assumpta Six- tinus Amama lib. 1. Antibarbari Biblici cap. 8, specimina mul- ta ex Jameſio mutuatus est, tum vocum, & sententiarum, quas a Sixto male omiſſas Clemens bene restituit; tum aliarum, quas a Sixto perperam interpolatas Clemens optime expunxit. Col- lata deinde utraque invicem editione, contrarietatem utriusque exhibuit: item discrepantiam ingentem in numeris; ac denique manifestam differentiam in locis ex industria mutatis exprobravit. Launojus quoque tom. 1. epist. 5. acriter debacchatus adversus præſumptam Rom. Pontificis infallibilitatem, hoc editionis Sixti- næ exemplo abutitur, Theologosque complures hanc sibi obje- ctionem

ationem proponentes, neque, ut ipsi videntur, satis facientes, variis, inconditisque subfannationibus vellicat, & exagitat.

Verumtamen non erat certe, cur vel *Jamellius*, & *Amama* hinc ignominia Rom. Pontifices operiendi superbe sibi aditum, spemque facerent, vel *Launojus* nostræ Communionis homines scommatibus impetendi ansam temere arriperet. *Levi* namque negotio, tamque solide, quam facile objectioni huic obviam ivere Theologi nostrates, interque alios *Gretzerus* in defens. tom. 1. Controv. *Bellarmini*, *Tannerus* tom. 3. Theolog. de Fide disp. 1. q. 4. dub. 6; *Cabassutius* in Not. Eccl. Sæculi VI. diatr. de Vulg. Bibl. edit.; *Bonfrerius* Præloq. cap. 15. sect. 3; *Simeon* de Muis de Verit. edit. hebraicæ; *Natalis* hist. Eccl. ad Sæcul. IV. dissert. 39. art. 5; *Card. Gotti* Theolog. tom. 1. de loc. Theolog. q. 3. dub. 6. §. 4; ac nuper, aliis prætermisiss, *Emin.*, Doctissimusque *Cardin. Cavalchinus* in Relat. Causæ V. Servi Dei *Card. Bellarmini* super dubio de virtutibus pag. 179, scilicet respondent, etiamsi prior *Sixtina* editio non paucis erroribus conspersa esset, hujus tamen editionis Bullam neque a Pontifice fuisse promulgatam; neque, etiamsi promulgata fuisset, cōspectasse, ut eam nobis editionem proponeret, veluti certa, Divinaque fide pro emendatissima credendam; neque, etiamsi pro emendatissima fide Divina credenda proposita fuisset, ea propter errores contra fidem credendos fuisse propinatos: quandoquidem errores illi essent ad sanam fidei doctrinam indifferentes, nihilque Catholicæ Religioni nocerent. Scilicet dum *Sixtus* emendatiora, imo emendatissima Biblia se suppeditare asseruit, non eo asseruit sensu, ut ab omnibus expurgata omnino mendis essent habenda, ut per id potestas futuris Pontificibus castigatioribus publicandis Codices præcepta intelligeretur. In id etiam intendit *Clemens*, ut expurgatorem quidem editionem præcedentibus exhiberet, non ita tamen intelligens, ut nihil posthac in eis denuo emendari posset: recte tamen uterque edicens, ea in editione nihil contineri sive fidei, sive morum regulis dissonum, & repugnans. Qua plane responsione evanescit quidquid eo argumento spei, & audaciz sibi fecerunt heterodoxi, & quidquid timoris, ignavizque præconcepere Catholicorum nonnulli timentes,

tes, ubi non erat timor. De hoc argumento fusius ago in Disser-
t. Chronolog. Hist. Critic. Dogmat. in S. Scripturam, quæ, si
Superis placet, publicam aliquando lucem adspicient. Immania
inter mendacia, & maledicta referenda fore, quæ sive ex Marba-
sio adversus Paulum V, sive ex Collectore excerptorum pro de-
fensione Censuræ S. Facult. Paris. edit. Monast. 1669. adversus
Alexandrum VII. tam improbe, quam impudenter effudit Fran-
ciscus Bruys hist. Pontif. tom. 5. pag. 170, ac 336, dubitabit pro-
fecto nemo, qui sensu plene non desipuerit, atque utriusque ges-
ta sincere digesta a Spondano & Gravezonio vel primoribus deli-
baverit labris; neque enim opus est cum iis contendere, quibus
ita frons petiit, ut mentiri, & maledicere otium sibi, negotium-
que facere non erubescerent.

Improbo pro ingenio insitum Quesnello probrum ulciscen-
di, in omnem Clementi XI. struendi vicissim invidiam intenti oc-
casionem Jansenistæ, eundem violatæ fidei ad vulgus traducendi
ex honilia an. 1702. in solemnī Paschatis die habita locum op-
portune nancisci sibi visi sunt. Periocham nempe illam, in quam
festive Pontifex exierat: *Hodie forma Servi reversa est in formam
Dei*, avide arripiens Jansenista quidam assumpto nomine Aviti
Academici, juxta morem suis jam vulgatissimum sub larvatis de-
litescendi vocabulis, ita liberius debacchandi causa, libello
evulgato sub hac epigraphe: *De Clementina periodo, Hodie for-
ma servi &c.* doctissimum Pontificem, tanquam qui verbis illis
Eutychianam edocuerit hæresim, insectandum audacissime sibi
sumpsit, ejusmodi rationi innixus, quod siquidem formæ nomine
apud Veteres, Recentioresque natura significetur, proinde for-
mam Servi reversam in formam Dei prædicando, utramque na-
turam invicem in Christo commixram credidisse Pontifex dicen-
dus est, ita ut prius in Incarnatione naturam Divinam commix-
tione quadam in humanam transiisse, & postmodum in Resurrec-
tione humanam iterum in Divinam nova permixtione transmuta-
tam fuisse putaverit: quæ est hæresis expressissima Eutychetis.
Qua argumentatione peracta, jactabundus Pontificiæ infallibili-
tatis propugnatoribus his insolentiæ plenius insultrat verbis petu-
lantissimus Jansenista: *Qui è Magistris vestris ingenio, eruditio-
ne,*

ne, calliditate præstant; ab errore Eutychiano liberent hanc periodum. Sed enim nec ingenio, nec eruditione, quibus excelluit alioqui, qui abunde id præstitit, Cl. Berti de Theolog. discipl. lib. 26. cap. 19, opus est, ad hanc a doctiss. Pontifice calumniam propulsandam; magis autem calliditate, & audacia eum abundare oportebat, qui probe orthodoxum Pontificis sensum in alienum, pravumque intorquere non erubuit. Certe si Clemens XI. ob illam periodum Eutychianæ hæresis nota inurendus esset, eadem pariter inuri debere S. Cyprianus doctiss. Berti videtur, ut qui in Serm. de Refur. eandem periodum usurpavit. Verum Sermo ille de Refur. una cum undecim aliis in lib. de Cardinalibus operibus Christi comprehensus, etsi olim S. Cypriano adscriptus, inscriptusque ad S. Cornelium Papam, hodie tamen Arnoldo Bonæ Vallis Abbati, ex fide Codicis Mss. Oxoniensis optimæ notæ, quo refertur ab ipso Hadriano IV. P. M. nuncupatus, a Jo: Fello ad calcem Oper. S. Cypriani, aliisque peritis Criticis restitutus est; quin illi tamen in opinionem venerit Eutychianæ hæreseos potuisse quidpiam labi Arnoldo adherere. Qua certissime ab hæresis specie Clementem animum gessisse tam alienum, quam longe distet lux a tenebris, exinde fit evidens, quod in homil. de Nativ. D. an. 1704. habita duas in Christo distinctas Naturas diserte prædicat verbis hisce: *Gemina in unam Personam conveniente Natura, verus Deus, & verus Homo natus est Christus; ut illi vera inesset Deitas ad miracula operum; nec vera deesset Humanitas ad tolerantiam passionum.* Quum igitur dixit formam Servi reversam in formam Dei, formam eo loci non pro natura, sed pro effigie, sive figura accepit, ita ut significare voluerit, non quidem utramque Naturam in Christo fuisse permixtam, sed effigiem Christi in passione contumeliis, & ignominia affectam in gloriam resurgentis fuisse permutatam. Equidem non infrequenter formæ nomine acceptam fuisse, accipiendamque fore naturam non inficias ibo, quo plane modo ab Apostolo ad Philip. cap. 2. 6, & seq. & a S. Augustino in Psal. 63. accepta legitur. Sed acceptam quoque formæ nomine aliquando figuram, seu effigiem, (non secus atque vicissim figuram pro ipsa natura fuisse acceptam liquet ex S. Paulo ad Hebræos cap. 1. 3.) indubium evadit ex S. Marco cap. 16. 12; atque

que ita a Clemente nostro formam acceptam pro figura tam ex scopo, quam ex contextu sermonis assequi datur: ex scopo quidem, nam eò spectabat dumtaxat, ut diversum in Christo indicaret statum, ita scilicet ut sicut ex priori effigie patientis ejusdem probata evaserat Humanitas, ita postea ex resurgentis effigie manifestata ejus Divinitas fuerat. Quod ipsum in altera homilia pariter de Resur. an. 1704. habita paullo aliter expressit: *Vir dolorum*, inquit, *cui non erat species, factus est speciosus præ filiis hominum; factus est incorruptibilis, qui potuit vulnerari; factus est immortalis, qui potuit occidi, factus est impassibilis, qui potuit Crucifigi. Quæ plane nonnisi permutationem in externa figura, & effigie, non, etiam utriusque Naturæ permixtionem præferunt. Ex contextu vero, nam post objecta verba, hæc e vestigio persequitur. *Infirmus in virtutem, mortalitas in mortalitatem, contumelia transiit in gloriam*. Quibus quid illustrius ad ostendendum non aliam Pontifici insedisse sententiam, quam quod aliam Christus D. tempore passionis, aliam post resurrectionem effigiem prætulit? Quidque efficacius ad retundendam procacissimi Jansenistæ temeritatem adeo levi ex specie in Ecclesiæ Principem invidiam quærentis? Quære perinde in Benedictum XIV. ex Epistola ad Episcopum Augustanum Windheimus, & ex Encyclica altera ad Galliarum Episcopos Scriptor Epistolæ Ms. ad Ampl. S. R. E. Cardinales, & Cl. Theologos in Urbe Præneste congregatos ab eodem Pontifice subinde damnatæ Const. Cum ad nonnullos die 5. Septemb. 1757, invidiam non extimuerit. Sed uterque justas temeritatis pœnas dedere, ille quidem Cl. Muratorio in Dissert. de Nævis in Religionem incurrentibus; iste vero doctiss. Patuzzio in defens. præl. Encyclicæ; unde non est, cur huic denuo tabulæ manum admoveam.*

Privilegiorum itaque in persona S. Petri Rom. Pontifici a Christo D. collatorum Vindicias, auspice Deo, absolvi, viribusque, quibus valui, perfeci. Ut operam ad perficiendas omnem impenderem, in causa fuit studium illud, quo, ut Minoritam decebat, erga Apostolicam Sedem affectus sum mopore, semperque sui, quam tanti faciendam jugiter mihi fuit persuasum, quanti a religiosiore quolibet fiat ipsa Religio, in qua nempe, qui Petri
solum

solium tenet, jure creditur Caput, Centrum, Column, Magister, Princeps, Pastor, & Pater. Ut autem opere ipso perficerem, argumento, documentoque fuere ipsorum Pontificum, dicta, facta, & jura. Dicta, quidem, quibus quid facto opus esset, quantumque sibi facultatis inesset in rebus ad Religionem spectantibus nec unus, vel alter, nec una, vel altera vice, sed nullo non tempore, sed ad unum omnes, iique qua sapientia, qua sanctitate præstantissimi declarantes; jurium quoque suorum optimi æque Judices, atque testes idonei, neque de juris alieni invasione suspecti, neque de jurium suorum incremento solliciti; eadem non ex privato ingenio amplificantes, sed ex Dei Verbo scripto, & tradito interpretantes, neque ignaræ Plebi venditantes, sed a Potentum insidiis, sed a Schismaticorum injuriis, sed ab Hæreticorum insultibus vindicantes, eademque coram Episcopis, Conciliis, Ecclesiis, Christiano Orbe extollentes, duo inter alia, ad quæ cetera velut ad caput redigantur, sibi Divinitus facta privilegia prædicare non destiterunt, ut in fide nempe sint infallibiles, ac potestate supra generalia ipsa Concilia, præsent. Facta vero, quibus dicta comprobantes, quid ubique gentium pro potestate, aut præcepto valerent, aut vellent ostendentes, a cunctis sibi ex officio fasces debere submitti, a nullo sibi posse absque piaculo obfisti docuerunt, & demonstrarunt, rerum Divinarum, humanarumque summam gerendo, Temporalium abusum coercendo; Spiritualium administrationem dispensando; Laicis cujuslibet genus loco superstando, Ecclesiasticis cujuslibet gradus leges statuendo; sive eos, qui in Ecclesia essent, legibus, & moribus informando; sive eorum, qui essent extra, Ecclesiam, sollicitudinem, & curam præferendo, milleque aliis modis rebus, personisque omnibus prospiciendo, operamque impendendo. Jura denique, quæ exercere usquequaque visi sunt; mox in Concilia, vel ea indicendo, vel eis jubendo, vel de iis judicando; mox in Canones, eos vel relaxando, vel roborando, vel rejiciendo; qua de alienis juribus dijudicando, qua vetando suis de juribus a quopiam dijudicari. In Ecclesia universa, gradus Ecclesiasticos hic instituendo, vel dimovendo; gradibus illic Episcopos vel removendo, vel restituendo; ipsis jurisdictionem

tum impertientes, tum auferentes, tum coercentes. In causis cujuslibet genus ad fidem, ad mores, ad disciplinam spectantibus: nunc de Religiosis Ordinibus aut veteribus institutis, aut novis instituendis placitum ferendo; nunc de virtutibus, signisque Servorum Dei judicium proferendo; hinc extirpantes Schismata, illinc exterminantes Hæreses, hic, & illic Controversias sive facti, sive fidei, jurisque aut privati, aut publici suprema potestate finientes; modo regulas morum præfiniendo, modo de Religione pertractantes libros proscribendo; qua leges disciplinæ decernendo, qua de factis dogmaticis definiendo; probantes fidei professiones eorum, qui Christianæ Religioni vota sua nuncupassent, præscribentesque fidei formulas iis, qui Romanæ in Ecclesiæ castris merere cuperent; atque demum verbo, & exemplo, dicto, & facto semet in fide integros, & puros jugiter exhibentes. An autem, ut par fuisset, eratque in optatis, reapse, feliciterque opus perfecerim, imbecillitatis meæ haud ignarus, valde dubito, & vereor, sed liberalis de Lectoris humanitate mihi magnopere blandior. Certe dixisse pro viribus, quodque rei caput est, dimicasse pro veritate mihi videor: bene, an male, judicium esto apud Doctos, piosque, quos magno in honore, pretioque habeo, maxime autem apud Ecclesiam, cujus veluti Matris, ac Magistræ correctioni me, ac mea omnia sive vivens, sive moriens, sponte, integreque subjicio. *Ego enim præclaris hisce S. Augustini in Epist. 143, olim 7. ad Marcellinum verbis colophonem operi imponere mihi peropportunum accidit, fateor me ex eorum numero esse conari, qui proficiendo scribunt, & scribendo proficiunt. Unde si aliquid vel incautius, vel indoctius a me positum est, quod non solum ab aliis, qui videre id possunt, merito reprehendatur, verum etiam a me ipso, quia & ego saltem postea videre debeo, si proficio, nec mirandum est, nec dolendum, sed potius ignoscendum, atque gratulandum, non quia erratum est, sed quia improbatum.*

E X P L I C I T

PARS VINDICIARUM SECUNDA.

INDEX

I N D E X

R E R U M N O T A B I L I U M

A

A Cacijs quam iustas, gravesque ob causas Romanæ ab Ecclesiæ communione fuerit abscissus, eloquuntur litteræ SS. Felicis III, Gelasii, Anastasii II, Symmachi, Hormisdæ, & Nicolai I; atque ultro citroque agnovere demum Orientales, qui nonnisi Acacii nomine e diptychis abrafo ad Romanæ Ecclesiæ Societatem admitti impetrarunt *pag. 62, & seqq.*

S. Agatho summo jure ad decessoris sui S. Martini I. decreta adversus Monothelitas admittenda Synodos in Græcia, Italia, Anglia, & Gallia adegit *pag. 310, & seq.*

S. Alexander I. librum adversus Heraclionem elucubrasse, missoque in Siciliam Sabiniano Presbytero, collectaque Synodo hæreticum illum damnasse fertur apud Prædestinatum: cui tamen fidem non adhibendam ostendit Coutantius *p. 33, & seq.*

Alexander II. quorundam hæresim afferentium licite a Principibus laicis emi posse Episcopatus absque crimine simoniæ a S. Petro Dam. ad se delatam damnavit *pag. 88.*

Alexander III, & post ipsum Pontifices alii, Valdensibus, exindeque sectis aliis subortis multo nomine infamibus exterminandis operam impenderunt omnem, qua censuras ferendo, qua congregando Synodos, qua Viros doctos, & pios adhibendo, qua indicendo Expedi-

tiones *pag. 93, & seqq.* Nec erravit ipse, dicendo ad Testamenti valorem duos, vel tres sufficere testes; nec ipsius sententia ex Prædecessoribus quispam erravit, docendo Matrimonium ratum dissolvi posteriori consummato *pag. 718, & seqq.*

Alexander IV. librum de Evangelio æterno proscriptis, ex quo frustra perinde ab hæreticis in Rom. Ecclesiam invidia quæritur. Improbos quoque Guillelmi Santamoræi libros igne devovit, quo uno sane digni erant *pag. 97, & seqq.*

Alexander VI. Pikardos, & Fossarios compressit: quos perinde quiete degere non permisit Julius II; qui pariter Urbi a Judaica, & hæretica superstitione expurgantiæ sedulo incubuit *pag. 112.* Falso con fingitur animo paratus ad indulgendum, ut absque vino Eucharistia conficeretur *p. 738.*

Alexander VII. Jansenistis tergiversandi aditum intercluserit. Christianam Sveciæ Reginam pio, qua decebat, officio excepit Cum Isaac Pereyro ad frugem regrediente, benigne egit. Franciscum Borium vicissim in hæresi obfirmatum probro affectit *pag. 130, & seq.* Neque cum Innocentio X. in causa Rituum Sinensium, neque cum Clemente IX. in causa Jansenii conflixit *pag. 348, 364, 372, & seq.*

S. Anastasio I. primum damnati Origenis

genis laudem perperam invidet
Bosuetius; nam ejus unius irre-
fragabili judicio Origenis damna-
tio universo demum in *Orige* obi-
nuit pag. 53, & seq.

S. Anastasius II. injuria afficitur, dum
a maleferiatis nonnullis fertur A-
cacianorum fœdere se fœdite; de
improbo restituendo Acacio consi-
lia agitalle, atque Ordinationes ab
eo celebratas perperam approbasse
pag. 620, & seqq.

Apostolici Canones auctorem S. Cle-
mentem nec Romanum, nec Alexan-
drinum habent; iique Apostolo-
rum ætate tam longe sunt recentio-
res, quam Apostolicis scriptis au-
thoritate longe sint inferiores.
Quot vero apud Græcos, non uti-
que tot apud Latinos obtinuerunt,
ideo quod nonnulli doctrinam, di-
sciplinamque præferant Apostoli-
cæ, & Ecclesiasticæ adversam,
pag. 586, & seqq.

Arianæ, ac Semiariani, perditissimum
etiam hominum genus, Religionique
infestissimum, quanti tamen pensi
Religionis Præses, Rom. Pontifex
habendus foret, dicto, factoque
haud semel docuere pag. 8, & seqq.
Pro versatili ingenio, & in fide
inconstantia, plures in scēlas di-
stracti sunt, pluriesque fidei va-
riarunt formulas, videlicet usque
ad 11, vel 13, vel 16. vices pag.
183, & seqq., & 273. Ad Eccle-
siæ judicia eludenda ad fraudes,
dolosque confugere frequens ipsis,
solemneque fuit pag. 246, & 271.
Ab eorum, ac Socinianorum in-
vidia vox *Homousion* defenditur;
cum Antiochenis vero Patres Ni-
cæni conciliantur pag. 272, & seqq.
Veteri insuper hæresi additus Ana-
baptismus usu deinde eisdem venit
pag. 494, & seqq.

Aristotelis libri diversam, & ad-
versam sapius, ac Parisiis quam-
maxime, fortunam experti sunt.
Quinam perinde justas Rom. Pon-
tificum subierint iras, & quorum
vicissim lectio permissa, atque pu-
ra versio procurata p. 328, & seqq.
S. Athanasius Symbolum an edide-
rit, quod claro sub ejus fertur no-
mine, an potius ab aliis fuerit pro-
cursum: quando, & ubi prima ejus-
dem Symboli facta habeatur men-
tio pag. 212, & seqq.

S. Augustinus, alique de Schola
Theologi, quod ad SS. Trinitatis,
& Incarnationis mysteria clarius
explicanda novas usurpaverint vo-
ces a Clerico temere redarguti
vindicanter pag. 313, & seqq. Cele-
bris ejus locus, quo ad hæresis suæ
defensionem abutuntur passim Jan-
senistæ, quo probo accipi sensu de-
beat pag. 356.

B

Baptismi in collatione fides, in
Confirmatione fidei robor con-
fertur pag. 438, & seqq. Ad Baptis-
mum vi cogi Infideles nequeunt;
etiam factum id aliquando a Regibus
legatur. Licet Regibus tamen edi-
cto sancire, ut Infideles Baptismo
abluì detrectantes Regno facessant;
licere quin etiam imperare, ut In-
fidelium captivorum Infantes, pa-
rentibus invititis, baptizentur, do-
cent haud infimi subsellii Theolo-
gi plerique pag. 694, & seqq. Bap-
tismus sub trium Personarum
invocatione conferendum esse cer-
ta quidem videtur sententia: con-
trariæ tamen Theologica inuri no-
ta nequit pag. 706, & seqq.

S. Be-

- S. Benedictus II. fidei suæ rationem reddere, sequæ ab hæresis suspicione apud eum liberare officio, religionique habent Hispani Episcopi pag. 311, & seqq.
- Benedictus XII. missio ad Armenos errorum catalogo, ejurari ad unum eos omnes jubet. Jubenti vero Pontifici facientes illi satis, ex impatis erroribus quos edita Apologia dispunxerunt, quos professione fidei adornata ab se abjecerunt pag. 101.
- Benedictus XIII. Synodi Ebredunensis sententiam adversus 30. Advocatos otores in victo vindicavit animo, & Apostolica communivit auctoritate pag. 134.
- Benedictus XIV. libellis plerisque Schismatis, hæresisque spiritu imbutis, ac Religioni, potestati-que Ecclesiasticæ infectis perpetuæ infamix notam inflixit pag. 134, & seq. Qui Pontifici tam docto, quam pio obirectare insigni pro temeritate non est veritus, dignum profecto se exhibuit, qui vapularet multis pag. 369, et 746.
- Beza, dum pro concione disserteret, ea disponente, permittenteque Deo, protulit tam vera, quam expressa de successione in Apostolica S. Petri Sede in hanc usque diem propagata, quæ frustra apud suos quarantur pag. 22, & seq. Quorum simillima de potestate Rom. Pontificis summa vel ab invitis Blondello, Bucero, Bullingero, Bunnio, aliisque sectariis veritas extorsit. Videfis V. *Heretici*.
- S. Bonifacio IV. quæ inscripta a S. Columbano fertur epistola, quæ Pontifex de Synodo V. probata reprehenditur, aut figlinis certe deputanda est, aut in ea certe repugnantia scripsisse, secumque met pugnasse S. Dei homo dignoscitur pag. 652, & seqq.
- Bonifacius V. a Protestantibus quibusdam invitatus per injuriam in errorem rapitur, quasi docuerit Christum D. a solo peccato originali homines redemisse pag. 654, & seq.
- Bonifacii VIII. nomine quæ circumfertur, fidei professio ad Philip-pum Franc. Regem transmissa, a maleficio quoque procusa fuit pag. 238, & seq. Ejus famam, fidemque ab invidia abunde liberant, tutoque in loco Viri dignitate, virtute, doctrinaque præstantissimi posuere pag. 723, & seq.
- Bonifacius IX. tantum absuit, ut sacrilega nundinatione venales Indulgentias faceret, ut potius in sacrilego facientes severa animadversione processerit pag. 722, & seq.
- Bossuetius suis ipsius telis Grotium, ejusque Symmistas jugulat pag. 24, & seq. Plerosque e segregum castris impensa opera ad recta fidei orthodoxæ relegenda vestigia feliciter reduxit pag. 29, & seq.
- Breviario Romano ex Romanis ipsis Pontificibus summa præ ceteris adcessit præstantia, & auctoritas; quæ in causa facile profecto fuit, cur cæterarum Breviariis Ecclesiarum prælatum sæpe fuerit; atque plurimo certe præferri nomine meruit. Quod non prohibuit tamen, quin circa privata SS. sacra reformatum persæpe fuerit; ac reformatione in plerisque etiamnum indigere doctis quampluribus videatur pag. 452, & seqq. Videndos & de Sousa in disert. de auct. Brev. Rom.

Brucya

Brueys Franciscus auctor hist. Rom.

Pontif. a S. Petro usque ad Benedictum XIII. volum. 5. comprehensæ, qua nullum Pontificis lacescendi sinem fecit, ut Superis tamen placuit, desipere tandem desit, veritateque agnita ad frugem regressus lacrymis delere probra, quibus Pontifices indigne affecerat, quoad vixit, non desistit *pag. 30, & seq.*

C

S. Cælestinus I. gloriam de Nestorio prædamato, deque compressis Pelagianis reportavit; qui & formam sententiæ ferendæ in hæreticos Patribus Ephesinis præscripsit. Novatianorum etiam reliquiis delendis incubuit, frustra, iniqueque conquerente Socrate, & isti compatiante Bruejo. In Semipelagianos insuper Nilum exeruit, multaque se laude dignum exhibuit *pag. 57.*

S. Cælestinus V. Indulgentiam largiendo, a pœna quidem se absolvere dixit, non etiam a culpa, uti maligni quidam perperam eum interpretati sunt *pag. 722.*

Cælibatus sacra Clericis majoribus indicta lex utraque in Ecclesiâ Græcâ, & Latina vetustissima est. Caput de S. Paphnutio eidem legi intercedente, prout legitur in hist. Eccles. Socratis, & Sozomeni, fide valdequam nutat *pag. 321, & seq.* Epistola quoque S. Udalrici Augustani nomine de Nuptiis Clericis majoribus non interdicendis inscripta gravi suppositionis morbo laborat, a quo eam sanare frustra Protestantes defatigantur *pag. 223, & seqq.*

Callisto II. Petrobrusianorum damnatio accepta debetur: cui perinde excindendæ pesti Romani Pontifices alii operam impenderunt *pag. 90.*

Calvinus etsi Religionis insensissimus hostis, de Religionis tamen Præsule, Rom. Pontifice ea scriptis tradidit, quibus sibi met jugulum peteret: Pontificis nempe Primatum Divino quidem jure subnixum negans, a tota retro tamen Patrum antiquitate summo in honore habitum affirmans *pag. 19, & seq.*

Campanæ, Populi ad Sacra convocandi gratia, quo demum tempore usu Ecclesiæ venerint. Diversus olim porro apud Ethnicos, Judæos, & Christianos Populum convocandi ad publica sive civilia, sive sacra obtinuit Instrumentorum ritus: cui demum Campanarum suffectus est usus: atque hic quidem a Latinis ad Græcos trans. latus apud hos demum periiit. Sabiniani, & Johannis XIII. ætate, antiquior est, atque jam sub sæculo VI. inductus videtur *pag. 709, & seqq.*

Carolinus Codex, a Carolo M. sic denominatus, qualis esset, quorum, & quot epistolas complecteretur, a quo editus, & qua demum fide sit dignus *pag. 81.*

Catechumeni precum Ecclesiæ participes erant, quin etiam pro ipsis Eucharistia aliquando oblata legitur, unde in hac parte Ecclesiasticis pœnis etiam suberant *pag. 512.*

Centuriatorum quinam pessimo hoc audiant nomine, ac quot pessilentissimo Centuriarum operi adjuverint manus admoverint. Atque ii quidem S. Petri in Ecclesiâ Primatum iusciari non veriti, quin tamen

- tamen is a veteribus Patribus, quos proinde dictis proscindere non abstinere, agnitus fuerit, & assertus, in dubium evocare non sunt ausi pag. 21.
- Chirotonia** Græce, Latine Manuum impositio multis apud Græcos, Latinosque modis accipi consuevit. Nempe 1. pro Manuum impositione curatoria. 2. pro Electione sacra. 3. pro Confirmatione. 4. pro Ordinatione. 5. pro Impositione poenitentiae. 6. pro Presbyterii benedictione pag. 531, & seqq.
- S. Clementi I. Nicolaitarum, Basilidianorum, Gnosticorum, ac Simonis Magi damnationem acceptam,** refert Auctor Constit. Apostol. h. y. publicus tamen scriptor. Ab eo catrum Ebionitas damnatos tradit S. Epiphanius p. 11. A calumniis ipsi afflitis a Photio de altero excogitato Mundo, de Phœnicis usurpato exemplo, deque Christi Divinitate haud satis liquido prædicata; atque a Protestantibus de negato SS. Imaginum cultu, deque communi indulto Conjugum usu absolvitur prorsus, & abitergitur pag. 426, & seqq.
- Clementi III. regens in Gallia enatam controversiam, an aqua vino in Calice mixta in Christi Sanguinem converteretur, integram sistere officio habuit Gaufridus Clarval,** qua de quæstione egit postea Innocentius III. pag. 97.
- Clemens IV. de hæresi ad se delatum Narbonensem Antisitem labem eluere iussit. Berengarianam item hæresim ejurare Thidericum Bavarum coegit. Santamorzi denique libros igni devovit** pag. 98, & seq.
- Clemens VI. rem a decessore suo Benedicte XII. cum Armenis beneceptam optatum ad exitum deduxit. Genibus etiam aliis finitimis Evangelicis lumen inferri curavit, quam subinde curam abolvit Innocentius VI; a quo præterea rediviva Pelagiana hæresis suffocata est. Flagellantium sectæ, cui alia pleraque indita præterea nomina, abolendæ sedulam impendit operam, quam deinde suscepit Gregorius XI. pag. 101, & seqq. Quæ morti proximus ab se dicta, vel scripta disputando, vel scribendo forte contra fidem revocavit, ea revocare intellexit, quæ sibi tortasse veluti doctori privato excidissent** pag. 241.
- Clementis VII. ad laudem cumulum indefessum accessit studium, quo Lutheranz, & Calvinianæ hæresis destruendæ impense desudavit** pag. 114.
- Clemens VIII. Gallos Episcopos acriter obiurgavit, quod indebitum sibi jus arrogassent Henrico IV Regi absolutionis beneficium impartiendi, id ad Pontificis M. jus pertinere affirmans. Maxonitas errorum suspicionem eluere iussit; & Malabaros opera Menestii Sacris nostris induxit** p. 129. Videtis V. Sixtus V.
- Clemens IX. benignitate quidem, cum quatuor Refractoriis Episcopis egit, sed non propterea fidem prodidit, neque formulario Alexandrino robur detraxit** pag. 131, & seq. Nostris impacta a Quæsnello de reddita Jansenitis pace calumnia diluitur, & deletur pag. 370, & seq.
- Clementis XI. laudi vertitur, quod tam fidei Catholicæ, quam Pontificis auctoritatis vindicem egregie**

grum haud semel adversus Janfenistas, & Quesnellistas se præstiterit. Quod par nobile Principum dexteritate sua ad Sacra nostra traduxerit. Clementinæ deinde Constitutionis *Unigenitus* assertores se dedere Innocentius XIII, Benedictus XIII, & XIV. [pag. 133, & seqq.](#) Rectissime quoque in Rituum Sinenſium cauſa proceſſit [pag. 365, & seqq.](#) Nec ei niſi inſignem per injuriam ab Avito Academico hæreſis Eutychiana aſſatur [pag. 744, et ſeqq.](#)

Cognitionis ſpiritualis impedimentum non utique a Johanne X, multoque minus turpis lucri gratia, veluti commentus eſt Jannonus, inducitur, ſed jam pridem apud Græcos ſub Juſtiniano Imp., & apud Latinos ſub S. Gregorio II. obtinuerat [pag. 708, & ſeq.](#)

Concilia particularia indicantur a prima ad hanc poſtremam ætatem, a quibus ob Pontificiæ auctoritatis defectum contra fidem turpiter peccatum eſt, turpeſque ſunt hæreſes probatæ [pag. 162, & ſeqq.](#) Contra vero Concilia quotquot, in quibus res fidei bene definitæ, hæreſesque rite damnatæ leguntur, non abſque Pontificis nutu prævio, aut conſenſu poſt adhibito robur in Eccleſia obtinere demonſtrantur [pag. 165, & ſeqq.](#) Circa dogmata, ſive facta dogmatica neque inter ſe Concilia, neque cum Rom. Pontificibus conſiſſerunt unquam, conſiſtuntque, ut Janſeniſtæ jaſtant [pag. 347, & ſeqq.](#) [373, & ſeqq.](#)

Concilio generali de factis dogmaticis inſallibiliter dijudicandi jus non ademere, nec ideo a Generali VI. in hujus genus judicio erratum fuiſſe docuere Baronius, Bellarmi-

nua &c. [pag. 387, & ſeqq.](#) Concilio generali de factis dogmaticis definiendi fides debetur Divina [pag. 396, & ſeqq.](#) Eſſi vero Græcis non infrequens ars fuerit adulterandi tam Pontificum decretales, quam Synodorum Codices, ejusdem tamen Concilii VI. Acta depravata non fuiſſe demonſtrantur [pag. 659, & ſeqq.](#)

Concubinæ nomine olim veniebat tum Pellex, alias Uxor *Gratuita*, & *Sodalitaria* dici ſolita, cum qua legitimum nunquam ſubſtitit Matrimonium; tum Uxor legitima, ſed abſque Nuptiarum ſolemnitate ducta, cum qua tamen indiſſolubile contrahebatur vinculum conjugii. Quatuor vero præfertim modis Concubina diſtinguebatur ab Ingenua, 1. ratione diſparitatis in regimine familiæ, 2. ratione diſpoſitionis, 3. ratione filiorum, 4. ratione modi deſpondendi. Atque cum Concubinis hujus genus frequens olim apud Hebræos, Romanos, & Chriſtianos, licitumque obtinebat conjugium [pag. 609, et ſeqq.](#) [691, & ſeq.](#)

Confirmationis ordinarium Miniſtrum Episcopum eſſe traditio quidem eſt vetus, de qua dubitare non ſiunt explicitiſſima Patrum teſtimonia. Quæ tamen non prohibet, quin ex diſpenſatione Summi Pontificis extraordinarius Miniſter evadere ſimplex Presbyter queat. Atque Pontificis hæc diſpenſatio adeo ſane neceſſaria eſt tam apud Græcos, quam apud Latinos, ut ex ejus defectu nedum illicita, ſed etiam invalida Confirmationis eſſet. Et Græcis quidem facultas hæc perſæpe interdicta legitur [pag. 630, & ſeqq.](#)

Con.

Conjugium ob adulterium , & gravissimam etiam aliam ob causam , etiam quoad vinculum dissolvi posse aliquando Græcis , Anglis , Gallisque aliquibus visum est pag. 692 .

S. Cornelius prolatam a Concilio Carthaginensi adversus quinque Presbyteros damnationis sententiam , ad preces Africanorum Patrum inflexus ratam habuit . Qui perinde Novatianum anathematis telo ab se confixum odio eundis habendum Afrianis , Italis , Afrisque denuntiavit , eoque utique successu , ut Synodis ubique habitis in Novatianum damnatio fuerit conclamata pag. 40 , & seq. De Baptismo a Novatiano suscepto idem disserens , de ejusdem effectu , notans autem valore dubitavit : ac si dubitasset etiam de valore , justa dubitandi non ei defuisset causa pag. 436 , & seqq.

D

S. Damaſo fucum etſi facere Apollinaritis aliquando ſueceſſerit , nihil inde tamen illibata ejus fidei vel levis quidpiam labis adhæſit , qui fraude detecta ſevere deinde in eos animadvertit p. 10 , 48 , & ſeqq. A S. Damaſo , ſicut & a S. Ambroſio latas a Synodis in hæreticos ſententias eo loco habitas , ut neque a Pontifice ipſo amplius hæretici audiendi ſint , non recte imaginatus eſt Coutantius pag. 11 . Tam in Italia , quam in Illyrico , tam in Gallia , quam in Hiſpania prolatæ in Ariana hæreſis Promachos , ac in Macedonia damnationis ſententiæ auctorem ,

ſe dedit pag. 46 , & ſeqq. Cujus ideo ſententia ſummi , ut par erat , ab Orientalibus habita eſt . De Millenariis quoque , de Luciferianorum reliquiis , deque Præſcillianistarum Antefignanis proſtigatis triumphum reportavit pag. 50 . Quin eidem primum accepta ſint referenda additamenta Symbolo Nicæno facta tam de Filio , quam de Spiritu S. , non dubium eſt p. 278 , & ſeqq.

S. Dionyſius Alexandrinus ad S. Sixti II. tribunal Sabellium de hæreſi detulit , delatusque eodem ipſe viciffim nomine ad æquivocum Pontificem M. apologia elucubrata ſuſpicionem omnem abſterſit pag. 41 .

S. Dionyſio Arcopagitz ſuppoſita Opera fuiſſe , quæ ſub ejus venerando circumferuntur nomine , dubitare hodie non licere videtur . Quo tempore , quibuſque ab Impoſtoribus conſecta opera æſtimari queant pag. 316 , & ſeq.

S. Dionyſius Papa in Marcionem nedum maledictionem inſtauravit , nedum Arii præſocavit inſaniam , ſed una ſimul tam Sabellii , quam oppoſitam Tritheitarum hæreſim , proſtigavit pag. 41 , & ſeq.

Dioſeorus innumeros quamvis Episcopos in partes Eutycheſis pertrahere valuiffet , non plus minus tamen decem , qui damnationis ſententiæ in Pontificem M. latæ ſubſcribere conſenſerint , ſuum aſſlare furorem potuit pag. 13 .

Donatiſtæ validius peſſimæ cauſæ ſuæ patrocinium , quam a Romano Pontifice , quæri non poſſe approbe perſuaſum habebant : quamquam inſtabiliſſimum , ac deſperatorum inſtar illud ipſum poſthabere Tribunal poſtea reverſi non ſint pag. 7 .

Ccccc 2 S. Eleu.

E

- S. E** Lentherus Montano, Alcibiadi, & Theodoro hæresis nomine, ab Ecclesia Lugdun., & Vien. ad se delatis infamiz dicam inflixit. Quod ad negotium perurgendum missum S. Irenæum inficiatus Valesius ex fide Eusebii, & S. Hieronymi refellitur, non secus atque Blondelli, & Doduvelli elumbes conjecturæ evertuntur. Nec erat perinde, cur eundem Valesium de Synodo Hierosolymitana hæc de re habita suspicio incesceret *pag. 36, & seq.* Ab eodem S. Eleuthero liminibus Ecclesiæ prohibiti fuere Florinus, & Blaſius Presbyteri, in quos stilum pariter suum exacuiffe S. Irenæus legitur *ibid.* Qui S. Eleuthero Cataphrygum dogmata, & sectam probata evassisse comminiscuntur, veluti Protestantes, nã ii vel fidem imprudenter Tertulliano præbent, vel ex falso rumore fabellam profectam absque delectu amplectuntur *pag. 433, & seqq.*
- Erasinus etsi asperiori ingenio præditus, nec, ut par erat, erga Religionis jura religiose admodum demisso, germane tamen orthodoxus, quamvis animo nihil ad asfentandum comparatus esset, nec eidem præterire silentio Pontificum vitia summa cordi inesset religio, indubium est tamen eum Apostolicæ Sedis obsequio, obedientizque nunquam desississe, nihilque detraxisse, quin etiam jura sua integra, ac facta tecta eidem semper fuisse, sequæ, librosque suos ejusdem submississe reverenter judicio *pag. 18, & seq.*

Ernestus Lantgravius Hassiæ datis ad Gebennenses litteris, quas frigide, inepteque oppugnandas Calvinista non nemo suscepit, publicas fecit rationes, quibus arcte persuasus Rom. ad Ecclesiæ avitam fidem se receperat *pag. 28, et seq.* Pecere id ipsum bonam ad frugem regressi Chillingvorth, Ferrierius, Kircher Johannes, Burg Albertus, Kuster Ludolphus, Metternichius, Schioppius Gaspar, Wicelius, Vanslebius, aliique *pag. 27, et seq.* Vide V. *Hæretici.*

Eucharistiæ fidem ex determinatâ formula profiteri Berengarius plus vice simplici compulsus est; profiteri quoque adversus Berengarianam hæresim Episcopi, Virique alii vicissim insignes solemne habuerunt *pag. 321.* Errasse circa Eucharistiam SS. Gelasium, Gregorium M., Gregorium VII. &c. insigni cum mendacio calumnia jactant Novatores, a quorum injuria tamen ii absolutissime redimuntur, suo nempe quisque loco.

S. Eugenius I, ut quidam putant, S. Martino I. viventi, pulsque in exsilium susceptus, ex ipsius consensu legitimus statim ab initio Pontifex fuit. Verius tamen, ut pugnant alii, nonnisi Pontificis absentis vices gessit, sive Vicaria potestate defunctus est, donec, S. Martino hominem exuto, legitimis votis Pontificatum adeptus est *pag. 530, & seq.*

Eugenio II. non est, cur invidia creetur, errorique vertatur, quod purgationis ritum per aquam frigidam instituisse feratur, aut illius saltem formulam præscripsisse *pag. 695, et seqq., 703, & seqq.*

Eugenius III. Gilbertum Porretanum ad

ad geminum revocandum errorem jure coegit summo, Eudonem vero hæreticum insanissimum carceri mancipari jussit pag. 93.

Eugenio IV. laudi accessit, quod egregiam præter operam Hussitis profligandis impensam, Amedeum quemdam errores disseminantem, desipere docuit pag. 111.

Eutycheti pro Veteratorum more, ad occultandam hæresim diversas verborum ambages quærere familiare fuit. Exinde, opinor, fieri potuit, ut diversæ hæresum soboles ex Eutychiana suborirentur p. 397, & seq.

Excommunicationis olim quzdam, obtinebat Species, qua inter Ecclesias consortium in rebus Ecclesiasticis suspensum quidem, abruptumque foret, non etiam in rebus fidei p. 289.

F

F Abiano Apologeticam, qua fidem liberare suam instituebat, Origenes inscripsit. Videssis V. *Origenes*. Ab eodem Pontifice ejaculata in Privatum a Concilio Carthaginensi damnationis sententia, Africanis Patribus rogantibus, comprobata legitur pag. 40.

S. Felici I. tam Pauli Samosatani damnatio, quam epistola ad Maximum Alex. referri accepta debet: qua in re fæde decepti sunt Basilius, Fabricius, & Lequienius. Quæ Epistola magni profecto in Ecclesia olim facta est p. 42, & seq.

S. Felici II, de cujus sanctitate ambigere nefas est, Pontificatus cum Pontificatu Liberii multis probè componi modis potest p. 498, seqq; 516, & seqq.

S. Felix III. egregium Christianæ fortitudinis exemplum præbuit non modo, Zenoni Imp. resistenti, sed Pontificæ etiam auctoritatis in hæreticorum Promachis confodiendis. Tam inique vero, quam falso zeli præcipitis in Acacio damnando accusatur, qui exinde majori se laude dignum potius exhibuit p. 61, & seqq.

S. Felici IV. damnationis primum in Semipelagianos latæ gloria debetur: cujus in partem deinde venit S. Bonifacius IV. Synodos A. rafricanam II, & Valentinam confirmans p. 66, & seq.

Fidei catholicæ formulas procedere ad unum Pontificem M. pertinet p. 182, & seqq. In fidei formulis tam falso, quam frequenter variantur Hæretici, quæ Veteres, ut Ariani, & Semiariani, quæ Recentiores, ut Lutherani, & Calvinistæ p. 183, & seqq. Igitur inter fidei formulas a Pontificibus præscriptas locum habent, quæ a S. Cornelio e Novatiano schismate redeuntibus proposita legitur p. 191, & seq. Quæ vero sub S. Eutychiani nomine de Sacramento Synodali fertur, longe posterioris ætatis videtur. Quæ ab Olio, non ab Eusebio, nec ab Hermogene, in Nicæna Synodo contra Arianos procusa fuit p. 192, & seq. Quæ a Liberio Semiarianis præscripta refertur. Quæ a S. Damaso adversus Arianos, Macedonianos, et Apollinaristas edita est, cui utroque subscribere pollice Orientales passim officio duxere p. 193, & seq. Quæ adversus Pelagium, et Cælestium suæ Tractoris inserta a S. Zosimo fuit p. 194, & seq. Quæ a S. Cælestino contra Nestorium, cui

cui subscripsisse Episcopi 6000. feruntur. Quae a S. Leone M. adversus Eutychetem, cui syngrapham apposuisse Episcopi 1200, aut 1600. leguntur *pag. 196. Quae* ab eodem Pontifice Manichaeis, Donatistis, et Pelagianis ad fidem regredientibus, et quae adversus Priscillianistas praefixa habetur *p. 197. & seq.* Quae Orientalibus ab Acacii Schismate ad unitatem venientibus S. Hormisdas, quam deinde S. Agapeto, et Hadriano II. Graeci nuncuparunt *p. 198. & seq.* Quae a Vigilio Rustico, et Sebastiano ante Ordinationem. Quae a S. Gregorio M. e schismate Aquilejensi redeuntibus. Quae a S. Agathone adversus Monothelitas, et quae a SS. Leone II. et Benedicto II. a Monothelita respicientibus haeresei proposita est *p. 200. & seq.* Quae Felici Urgellit., et Synodo VII. ab Hadriano *L.* Quae Orientalibus a Leone III. Quae a S. Nicolao *I.* Hadriano II., et Johanne VIII. in causa Sac. Imaginum, et S. Ignatii; et quae Orientalibus a Schismate emergentibus a S. Leone IX., aliisque ad hanc usque diem *p. 202. & seqq.*

Fidei porro sacramento Romano Pontifici se obligandi Metropolitae in receptione Pallii jam ab aetate S. Gregorii II. invaluisse usum suadet *p. 201.* Episcopis etiam praefixa fidei professio legitur passim a S. Nicolao *I.* Innocentio III., Gregorio IX. &c., Ecclesiasticis aliis dignitatibus a Pio IV., Clemente VIII., Urbano VIII. &c. *p. 202, 206, ac seqq.* Fidei formulas praeterea vice plus simpliciter praescripsisse leguntur Berengario Victor II., Nicolaus II., Alexander II.,

et S. Gregorius VII.; a Schismate recedentibus idem S. Gregorius, Paschalis II., Alexander III.; ab haeresei exsurgentibus Innocentius III. *pag. 205, & seq.* Fidei quoque professionem Episcopis Rom. Pontifici faciendam indixere Synodi Tridentina, et Lovitienfis *pag. 207.* Academicis S. Pius V.; Ordinibus Militaribus Gregorius XIII.; Graecis idem Gregorius Chaldaeis Paulus V.; Jansenistis Alexander VII., et Clemens XI.; Episcopis, et Missionariis in Malabaribus Clemens XII., et Benedictus XIV.; Abbatibus, aliisque jurisdictione quasi Episcopali insignitis, Officialibus Militiae S. Georgii, aliisque Orientalibus qua Episcopis, qua Sacerdotibus idem Benedictus *pag. 208. & seq.*

Fidei Catholicae professionem adversus haereseis omnes edere cunctis adultis ad Baptismum accedenti veteri erat in more positum *p. 210, & seq.* Fidei quoque suae accuratam Rom. Pontifici exigenti rationem reddere tenebatur, quicumque fidei suspicionem laboraret. Atque ita reddidisse leguntur S. Dionysio Papae homonymus Alex.; S. Julio *L.* S. Athanasius, aliique Graeci Praefules *p. 211, & seqq.* S. Damaso S. Petrus Alex. *p. 213, & seq.* Angenuini sint fidei libelli, qui sub SS. Gregorii Neocaes., Athanasii, et Gregorii Nazian. nomine circumferuntur; tres quoque alii a Quessello producti, dubium est *p. 214, & seq.* Ita S. Caelestinus *L.* Maximianus Constantinopolit.; S. Sixtus III. Proclus *p. 215, & seq.* De fidei libello a Leporio ex consilio S. Augustini edito, de altero eidem S. Au-

S. Augustino adscripto a Quesnello, deque tertio a Bachiario scripto disputatur p. 216, & seqq. Ita S. Leoni M. S. Turribius, Theodoretus, S. Flavianus, Anatholius, Maximus Antioch. p. 218, & seq. SS. Simplicio, Gelasio, Anastasio; et Hormisdæ Orientales p. 219, & seq. S. Johanni I, Johanni II, S. Agapeto, et Vigilio Graeci Imperatores, et Praefules pag. 221, & seq. Ita se puros in fide Pontificibus solebant probare Episcopi p. 222, Patriarchae p. 223; Latini quoque Imperatores, Reges, ac Principes p. 225, & seq. Fidei denique professionem ad formulam a Pontificibus saepe praescriptam exigere officio, religionique habuere Synodi ipsae p. 228, & seq. Quando, et quare inductus mos, ut Rom. ipsi Pontifices fidei professionem ederent p. 229. & seqq. Factum id nunquam ad patefaciendum se falli pariter, ac fallere posse p. 231, & seqq.

G

S. Gelasii decretum de Scripturis authenticis, et apocryphis a Protestantium insultibus obiter defenditur pag. 229, et seqq. Et si graves conjecturae non desint, quibus eidem Opus de duabus in Christo Naturis abjudicetur, exinde tamen, etsi germanus ejusdem detur factus, ansam Protestantibus arripere non licuit eundem de negata Eucharistiae veritate vexandi, exagitantique. Qui neque perinde Eucharistiae partem unam sine altera suscipi absque sacrilegio nequire asseruit p. 301, seq., 612, et seqq.

S. Gregorius multa inter alia, quibus Magni sibi nomen fecit, ea locum habent, quod Constantinopoli Eutychium Patriarcham dispositione victum ad haereticum librum igne cremandum adegerit. Quod in Italia Idololatriae, et Arianismi reliquias penitus deleverit: aliquos de Animarum immortalitate, et Corporum resurrectione dubitantes rationum pondere compreserit: Magos, et Maleficos procul facessere compulerit: In corrupticolarum renascentem haeresim extinxerit, et abusus quosdam emendaverit. Quod in Sicilia Manichaeos, Schismaticos in Liguria, et Istria, ac Barbaricinos in Sardinia bonam ad frugem traduxerit. Quod Donatistarum in Africa reliquias, Agnoetas in Aegypto, et Constantinopoli Pelagianam haeresim profligarit. Quod Arianorum in Hispania, et in Anglia Ethnicorum conversioni manum utramque dederit. p. 69, et seqq. Nec erat vero, cur ei negotium faceretur sive ab heterodoxis de Ethnicorum, et haereticorum Religioni infestis libris ab eo dispersis p. 306, et seqq., sive ab orthodoxis nonnullis de facultate Presbyteris facta Confirmationis Sacramentum conferendi, multoque minus, cur in inviliam vocaretur de tribus dumtaxat Sacramentis assertis, de Purgatorio igne ab ipso primum excogitato, deque negato SS. Imaginum cultu, siquidem nihil non fidei, Pontificioque Juri conforme perpetrat se probatur p. 629, et seqq.

S. Gregorius II. omnium primus Iconoclastis compescendis studuit: cuius studium postea imitati plerique Successores.

Successores ejus sunt ; eodemque tuto animi Orientalium plurimi dignitate, virtuteque insignes Viri pro SS. Imaginibus strenue, viriliterque steterunt pag. 73, & seqq. Qui contra erga SS. Imagines minus propensi Galli Episcopi aliquot visi sunt, si errore facti decepti a Pontificibus dedoceri postea libenter passi sunt ; quibus non erat proinde, cur Protestantes aliqui invidiam conflarent pag. 76, et seqq. Conjugium porro ob infirmitatem Conjugum alteri supervenientem Noster non docuit ; id perperam ei ascribitur a Gratiano pag. 688, et seqq.

S. Gregorio III. falsa de Baptismo a Pagano invalide administrato non adhaesit opinio ; bene vero Baptismum per jocum, vel formam ignorata, vel falsa imo adhibita collatum iterandum docuit pag. 689, et seqq.

S. Gregorius VII. ingentem laudum cumulum retulit ex damnatione haereseis Berengarianae, Henricianae, et Vvecilianae p. 87, et seqq. Atrocem ideo per injuriam a Berengariana haeresi haud procul abfuisse jactatur ; nec ejus est opus fragmentum Comment. in S. Matthaeum, ex quo Allixius calumniam hanc confirmandi ansam temere accepit ; nec, etsi ejus fuisset, exinde haereseis istius rite revinceretur p. 715, et seqq.

Gregorius XI. in decessoris sui Urbani V. curas ingressus in Germania Beguardis, in Delphinatu, et Sabaudia Lollardis, et Turcupinis, pestibusque aliis in Polonia, Bohemia, et Silesia excindendis totus incubuit p. 104, et seqq. Perniciosae Vvicleffi praesertim haeresei

praeferandae sollicitissimus accurrit, nihilque, quo prorsus suffocaretur, intactum reliquit. Quod et praestitere subinde Bonifacius IX, Alexander V, Johannes XXIII, et Martinus V. pag. 105, et seqq. Morti proximus revocavit, quae forte persona velut singularis fidei minus conformia aut protulisset, aut scripisset p. 242.

Gregorius XIII. Religioni ubique reparandae validissimam supposuit manum ; atque in ejus temeratore Gebhardum Truchesium severe animadvertit p. 128. Haud dispar pro fide studium infudit Gregorio XIV. *ibid.* XV. item p. 130.

Grotius, quem sua perinde telis confudit Illust. Bossuetius, ad Unitatem Ecclesiae tuendam unius Rectoris necessitatem adituere, ejusque deinde partes uni Romano exercendas Pontifici, tanquam legitimo S. Petri successor, adferre non dubitavit ; si se affirmans insuper sua hanc Principatus in Romano Pontifice necessitatem, utilitatemque perspicuam fuisse, ingenueque probatam sapientioribus Protestantium aliis plerisque ; in quibus sane praeclara in hac sententia par Leibnitius utisse legitur p. 24, & seqq.

H

H Adriano I. damnata haereseis nomine Felicis Urgel, et Elipandii Tolet. laus debetur ; cujus judicio deinde integre adquiretere officio habuerunt Italicae, Galliae, et Germaniae Episcopi pag. 79, et seqq. Ob haereseim etiam damnatus ab eodem legitur Egila Hispanus Episcopus.

Episcopus p. 80. A Leone III. demum compulsus hæresim abdicavit Felix, sincere vero, an neficte dubium est p. 81. Nostro haud visum fuit Infideles ad suscipiendam fidem vi cogi posse, sed bene fecisse Carolum M. Saxones armis devictos, postquam sponte fidem se amplexuros spondissent, ad Baptismum accedere jubendo pag. 694, & seq.

Hadrianus VI. in his, quæ dum privatus doctor Lovaniensis propria ex opinione dixit, scripsitque, fidem profecto haud nostram obligat pag. 243.

Hæreses declarare, Hæreticosque damnare ad unius Pontificis M. jus summum spectat pag. 31. & seqq. Ab Apostolorum porro ætate usque ad suam hæreses 88, aut 89. dinumeravit S. Augustinus: totidem circiter a S. Augustino usque ad Lutherum, & Calvinum a Viris in hac re diligenter versatis recensentur *ibid.* Ante Concilium Nicænum hæreses 90 circiter ab Ecclesia præsertim Romana proscriptæ, ullius absque Concilii opera, pessimo statim ubique nomine audierunt. Atque quidem pontificis unius sententiam profligandis ubique hæresum monstria sat esse, superque persuasum habuit Thomas Morus p. 22. Hæresum sectæ porro singillatim a Romanis damnatæ Pontificibus sub horum singulis nominibus indicantur.

Hæretici evadendæ invidiæ gratia sæpius ad Apostolicam Sedem confugiendi consilium inivere, quod eis tamen bene nunquam cessit pag. 2, & seqq. Ita Marcion, Montanistæ pag. 3, & seqq.; Origenes, Ruffi-
Pars II. Tom. V.

nus pag. 7, & seqq.; Fortunatus cum aliis quinque pseudo-Episcopis, Donatistæ pag. 7; Ariani, Semiariani pag. 8, & seqq.; Apollinaristæ, Priscillianistæ, Pelagiani, pag. 10, & seqq.; Nestorius, Eutyches, Photius, Abaelardus pag. 12, & seqq. Ex hæreticis multi devexiori sub ætate adversus Rom. Pontificem insolescere visi sunt, non etiam superioribus Ecclesiæ sæculis pag. 13, & seqq. Neque desuere tamen, qui veritate cogente Rom. Pontifici idoneum reddere testimonium auditi sunt, uti Wicleffus; Hussitæ, Lutherus, Calvinus pag. 15, & seqq.; Centuriatores, Melancthon, Bucerus, Bunius, Bullingerus, Beza, Ivelius, Naperus, Blondellus, Janfenius, Grotius, Leibnitius &c. pag. 21, et seqq.

Hæretici complures, neque generis proletarii, Divinæ gratiæ assurgent lumine, desertis Sæcliariorum Castris, ad Pontificias se transferre partes suæ e re salutis duxerunt. In quibus Bremorcarti in Helvetia Cives; Chizzuola; Oricovius, Memorantius Dux; Staphilus; Molinæus; Sorzus; Remundus; Monlucius; Vvicelius; Perronius; Spondanus; Morinus; Schioppius; Vvovver, Ferrierius; M. Launojus; Pitsæus; Kircher; Chillingvworth pag. 25, & seqq. Plantavitius; Ahmedus Ben-Zin Ulabedinus; Ernestus Lantg. Hassæ; Viguerius, Pellissonius; Sorbierius; Pappinus; Brackelius; Lambecius; Pereyrius; Vanslebius; Stenon; Obrecht; de Mahis; Sully; Jo. Constans Elector Saxoniz; Jo. Fridericus Dux Brunsv.; Saurinus; David Brueys; Kuster;
D d d d d

ter; Burg; Metternichius; Franciscus Bruys; Jo. Balduinus Jurisconsultus insignis, qui Calvinistico e veneno convalescens pudenda hæreticorum flagitia in palam fecit pag. 28, et seqq.

- Hæretici frustra occasionem ex nostræ Communionis hominibus dogma de Eucharistia inficiendi quaerunt pag. 175, & seqq. Perperam quoque ex Rom. Pontificibus SS. Gelasio, Gregorio M., & Gregorio VII. Videtur horum V. Magna cum in variandis fidei articulis, tum in varias se discindentibus sectis inconstantia notantur: cuius specimen exhibetur in Arianis, et Semiarianis pag. 183, et seqq., in Lutheranis, et Calvinisticis pag. 187, et seqq., et in Eutychnianis pag. 298. Tam Veteribus, quam Recentibus familiare fuit, ad Ecclesiæ judicia eludenda, distinguere factum a jure, pugnareque circa jus non quidem, bene vero circa factum Ecclesiam falli, et fallere posse pag. 246, et seqq. Videtur V. Arianis, Nestorianis, Eutycheis, Jansenius. E contra a Patribus, ac Theologis novas ad explicanda fidei dogmata usurpatas voces carpere pro temeritate haud verentibus perfringitur frons pag. 313, et seqq. Per quingentos, aut etiam per sexcentos annos Rom. in Ecclesia Apostolicam doctrinam integram, puramque fuisse retentam diffideri non audent pag. 640. Inique vero, frustra quoque exinde, quod emendatione, et reformatione indigere videatur, in eandem Rom. Ecclesiam invidiam quæruntp. 739.
- S. Hilarus quo Macedonii, Neutorii, Eutycheis quoque hæresibus excindendis constantissimo institit ani-

mo, eo ipso eandem patrono Viro Principi obstitit pag. 60, et seqq.

Hispanis ab Episcopis afflicta labe de minus reverenter habitis tam Rom. Pontificum litteris, quam Synodi V. actis procul amovetur pag. 73, 173, et seqq. Ab hæresis vicissim macula apud Pontificem M. fidem liberare suam officio ipsi habent pag. 311, et seqq.

Honorium L. a lapsu excusandi, et ab hæresi liberandi varix a doctiss. Viris excogitata sunt viz p. 183, et seqq. Quæ viz fusius exponuntur, atque inter eas, quæ commodiores, juxtaque veriores haberi, viderique possint ad omnem procul ab Honorio hæresis labem, amoliendam, proponuntur p. 655, et seqq. Et certe neutra ex Honorii ad Sergium epistola hæresis vel levis eum aspergendi labe argumentum capi potest p. 663, et seqq. Siquid igitur humani passus Honorius est, id passus est sane præter fidei dispendium; neque a Synodo VI. tanquam fidei proditor damnatus est, sed ut fidei negligens defensor, sive ut hæresis fautor pag. 680, et seqq.

Honorius IV, et post ipsum Nicolaus IV, Bonifacius VIII, Clement V, Johannes XXII, Benedictus XII, Gregorius XIII, Innocentius VI, et Martinus V, hæreticis Apostolicis, et Beguardis ex Valdensium secta subortis exterminandis operam navaverunt omnem: unde mirum, quod eo impudenti devenerint Beaufobrius, et Brucius, ut pestibus hisce nihilominus patrocinium impendere instituerint pag. 99, et seqq.

S. Hormidas de Orientalibus demum

ab Acacii defensione abductis, adductisque ad Ecclesię unitatem laudem tulit, non secus atque de damnatis Acephalis a Severo, et Theopascibitis a Cnaphęo prognatis: in quos perinde animadverrit S. Agapetus pag. 64, et 67. Scythas Monachos cohibens, ab eis tamen asseritam propositionem non proseripsit, quam postea Johannes II. probavit, Acemetis damnatis, qui eam negabant. Itaque neuter fidei doctrinam læsit, labefactavitque pag. 623, et seqq.

- S. Hygino Ecclesiā administrante, Cerdoni, et Valentino sub Catholice fidei specie Romanę in Ecclesię jura sacra irrepere contigit aliquando, donec larva detracta ab Ecclesię adytis ejccti sunt p. 34.

I

Jansenius pro vastro, quo mire præditus erat, ingenio, ad omnem, quę successu famę suę, fideique inuri potuisset jussu, notam elevandam, præcavendamque, id consilii arripuit, ut se, Augustinumque suum, suo antequam fini concederet, justissimo Ecclesię Romanę judicio submitteret pag. 24.

Jansenistis Ecclesię decreta eludendi aditus omnis Pontificum cura est interclusus pag. 130, seqq., 246, seqq., 268, et seqq. A Pontificibus decreta de factis dogmaticis fidem haud obligare, sed eis deberi silentium dumtaxat obsequiosum frustra contendunt p. 347, & seqq. Non secus atque perperam Thomistas, qui tam longo ab ipsis distant intervallo, in partes rapere conantur pag. 370.

Idololatrię, ac superstitionis inter species quinam scius recenseri tuto possint. Quę adorationis origo, et quot modi. Qui Civiles, qui Sacri, qui Idololatrici: quos inter posteriores Ritus profecto Sineses, & Malabarici plerique locum habent pag. 365, et seqq.

Juniorum lex in Catholicis sacra, laudabilisque, et ab Ecclesiā rite indicta, in Hæreticis superstitionis aspersa, vituperioque digna, et ab Ecclesiā jure prohibita pag. 43, et seq.

Imperatores pridem Orientis, ac perinde Occidentis Imperii habenas suscepturi fidei professionem manu propria subsignatam ad Rom. Pontificem ante transmittere solebant. Ipsius diversa coloris mixtura scribere, subscribereque pro diversitate Rescriptorum in more positum erat pag. 220, seqq., 225, et seq.

S. Innocentius I. summo jure in Pelagii causa processit, a quo lata in hæreticum sententia ubique obtinuit. Ejus dein innixi judicio SS. Zosimus, Bonifacius II, Celestinus, Sixtus III, et Leo M. Pelagianos ubique coercendos denuntiaverunt p. 55, et seq. Nec denegandam Virginibus lapsis pœnitentiam edixit, nec invalidas habuit Ariannorum Ordinationes, veluti per calumniam Apostolicę Sedis offores jactant p. 525, seqq., 571, et seqq.

Innocentius II. Henricianos, in Lutheranos, et Calvinistas redivos, quos deinde ad profligandos S. Bernardi, Alberici, et Gaufridi operam adhibuit Eugenius III, Petrobrusianos, Arnaldum Brixien., quem postea imitati sunt Valdenses, Hussitę, Vvicleffitę &c., Petrum

D d d d d 2

trum

- trum Abaelardum , agente præferti-
tim S. Bernardo , una damnationis
involvit censura pag. 90 , et seqq.
- Innocentius III. Joachimi Abb. non
personam damnavit , sed proposi-
tionem , quam frustra quidam ab
eo amoliri insitiunt , quidam ve-
ro germanum ejus sensum intime
non sunt assecuti pag. 395 , et seqq.
- Ejus sententia nec Urbanus III ,
nec Cælestinus III. errarunt , quasi
absolute docuerint per hæresim
Matrimonium dirimi . Nec ipse er-
ravit , quasi dixerit Confessionem
sacrilègam a Confessario revelari
posse p. 720 , et seqq.
- Innocentius IV. in his quæ privatis
in scriptis docuit ut singularis per-
sona , fidem haud nostram obtrin-
git p. 243.
- Innocentius VIII. atrocem per calum-
niam a Protestantibus ad vulgus
traducitur , quasi privatam scor-
tationem haud prohibitam dixe-
rit . Falso quoque confingitur Nor-
vegis indulsisse , ut absque vini
specie Eucharistiam conficerent
p. 736 , et seqq. Videsis V. *Alex-
ander VI.*
- Innocentius X Jansenii libro infami-
dicam , qua certe dignus erat , con-
scripsit , qua perinde Barchosii li-
brum affecit p. 130.
- V. Innocentium XI. iustis afficere lau-
dibus vel Protestantibus ipsi compul-
si sunt . Inique vero eundem vel-
ut erga Jansenistas affectu paullu-
lum inflexum traducunt . Quietis-
tarum errores ut detexit , e vesti-
gio damnavit . Quo perinde mune-
re egregie perfunctus est Alexan-
der VIII. p. 132 , et seqq.
- Innocentius XII. de suis perperam
interpretatis literis iuste conquestus
est . Delatos a Gallis Episcopis
Quietistarum errores proscripsit ,
Inique vero agit Larrejus , dum
Gallos Episcopos imbecillitatis co-
arguit , quod hujusce causæ judi-
cium ad Pontificem detulerint p.
132 , et seqq. A Jansenistis deinde
Constitutiones Apostolicas vindica-
vit Innocentius XIII. p. 134.
- Johannes II. cum S. Hormisdæ non
conflictavit . Videsis V. S. *Hormis-
dæ* .
- Johannis VII. potius , quam vitio , lau-
di vertendum fuerat , quod Syno-
di Quinisextæ Acta neque proba-
re , neque imo emendare dignatus
sit , sed qualia missa fuerant , ad Ju-
stinianum Imp. remisit : ita enim
Canones illos , ex quibus certe quin-
que Rom. Ecclesiæ ritibus adver-
sabantur , ad unum omnes ab se
respoi ostendit p. 686 , et seqq.
- Johannem X. omnium primum Impedi-
menti Cognationis spiritualis au-
ctorem tam falso , quam temere
faciens Jannonus refellitur p. 708 ,
et seqq.
- Johannes XII. hæreticam propositio-
nem de Clavium potestate ob pec-
cata a Pontifice aufferibili in pseu-
do . Synodo Romana enuntiatam
proscripsit p. 84.
- Johanni XIII. vitio inique vertunt
hæretici , quod Sacro ritu Deo pri-
mariam Ecclesiæ Later. Campanam
consecraverit . Ea enim benedictio
fuit , non baptizatio . Nec ei vero ,
nec Sabiniano Campanarum usus
primum acceptus est referendus
pag. 709 , et seqq. Videsis V. *Cam-
pana* .
- Johannes XIX. cum a Simonis labe ,
qua Pontificatum acquisivisse , tum
a prodicionis crimine , qua Græcis
Patriarchæ *Oecumenici* titulum ve-
nalem facere paratus fertur , abun-
de abstergitur p. 713.
- Johan-

Johannes XXII. errores Jo. de Poliacco, Petri Jo. Olivi, Marfilii Patav., Jo. Janduni, Ekardi, Rizardi, Burgini, Græcorum in Cypro &c. fugiendos omnibus indixit p. 99, et seqq. Fidei vero, famęque suę in hæresis suspicionem adductę solemnī declaratione optime consuluit p. 241, et seq. Cum Nicolao III. in quęstione de Minoritarum paupertate, quod ad fidei pertinet caput, approbe componitur p. 724, et seqq. Ab impacta demum circa dilatam separatim Animabus Dei visionem erroris nota abilergitur p. 730, et seqq.

Johannes XXIII. de negata Mortuorum Resurrectione, Vita æterna, Animęque immortalitate ex vitę pessimo genere potius, quam ex perversa mentis opinione suspectus evaserat p. 734, et seq.

Julianus Eclanensis semel, et iterum, sed frustra in Rom. Pontificis gratiam, quod sua interesse summopere non ignorabat, irreperere tentavit. Fidei libellum ab eo inscriptum fuisse, non quidem S. Zosimo, ut visum Garnerio, Coutantio, et Fabricio, sed Augustino Aquilejensi ostendit Norisius p. 11, et seq.

S. Julius I. pro officii parte in Photini hæresim diligenter inquiri jussit pag. 46.

Julius II. in persequendis ubique gentium hæresim, atque Lutheranaę præferti, et Calvinianę monstris operae non pepercit pag. 117, et seq.

Ivellus Anglo - Calvinista suis semet telis confodit, dum Romanam Ecclesiam ob fidei puritatem, a qua defecisse jactat, summo a Patribus honoris loco habitam consentit pag. 23.

L

S. LEO M. multarum laudum cumulum retulit ob repressos Romę Manichæos, in Istria Pelagianos, Priscillianistas in Hispania, Eutychianos in Græcia, quorum ipsi prae Synodo Chalcedonensi accepta damnatio est referenda p. 38, et seqq. Chalcedonensis Synodi Acta non omnia confirmavit p. 361, et seq. In Catholica doctrina de Christo D. pro omnibus mortuo nihil a S. Augustino diversum, et a Catholica Ecclesię doctrina alienum docuit p. 605, et seqq. Concubina dimissa Conjugem ingenuam ducere Viro licere docens, non intendit docere Matrimonium cum Concubina legitime contractum licite dissolvi per subsequens cum Ingenua initum: sed de Concubinis loquutus est, quae vere Pellices erant, non quae legitimae essent Conjuges p. 608, et seqq.

Leo III. contra Graecanicae Synodi nefaria decreta de licita dispensatione circa Matrimonium cum altera, priore vivente Uxore, de Regibus haud Divinae legi obstrictis, deque Episcoporum legitima, amplaque dispensandi circa leges Ecclesiasticas auctoritate Judex supremus interpellatus a S. Theodoro Studita legitur p. 82. Idem Pontifex ad omne procul abigendum scandalum semet ab impactis flagitiis Sacramenti religione expurgavit p. 234, et seq.

S. Leo IX. cum Fermentacea alias plebasque apud Græcos invalescentes hæreses bonis omnibus odio habendas denunciavit. Ejus in obedi-

dientia, obsequioque perseverabant adhuc Patriarchae Alexandrinus, Antiochenus, et Hierosolymitanus [p. 85](#), et *seq.* Berengarium primus Sacrorum interdixit consortio, in quem perinde severitate egerunt Victor II, unaque adversus Erigenam Nicolaus II, Alexander II, et S. Gregorius VII: quorum exemplo, zeloque excitati contra Berengarium in arenam descenderunt Viri doctrina, pietate, dignitateque illustres [p. 86](#), et *seq.* A S. Petro Dam. Noster perstrictus, quod Militaribus copiis se immiscuisset, quam recte, tam pie ab aliis defenditur [p. 713](#), et *seq.* Leonis X. omnium primo ex damnato Luthero promerita laus debetur [p. 112](#), et *seq.* Inique porro negligentiae hac in profliganda haerese Pontifices MM. redarguuntur. Nam Leonis prosequuti studia nihil praetermiserunt, quo Lutherana, non secus atque Calviniana, aliaeque ex his subortae pestes undique propellerentur, Hadrianus VI, Clemens VII, Paulus III, Julius III, Paulus IV, Pius IV, S. Pius V, Gregorius XIII, Sixtus V. &c., quorum partes deinde Viri doctrina, dignitateque praestantes ingenti numero adjuvare, egregieque sustinere non destiterunt [pag. 113](#), et *seqq.* A Leone nostro indubium Evangelii doctrinam adductam, Animaeque immortalitatem negatam effluentibus haereticis nae, qui autem vel unam accommodent, vehementer errant [p. 738](#). Liberio pessima fide adstruitur epistola ad Valentem, et Ursacium de Romae damnato S. Athanasio. Eundem frustra in partes rapere suas Ariani, eique facere Semia-

riani fucum tentarunt [p. 9](#). Eiusdem lapsum, etsi non desint, qui conjecturis haud contemnendis negent, veri tamen videtur similis eum formulae Sirmiensis subscripsisse, ideoque a lapsu prorsus omni excusari nequire. Siquidem vero formulae suscripsit non secundae, sed vel tertiae, vel primae, atque primae indubitanter quidem, lapsus proinde in fide dici nullo potest modo [p. 466](#), et *seqq.* [476](#), et *seqq.* Neque Liberium a fide lapsum suadent S. Eusebii Acta [pag. 491](#), et *seqq.*, neque Pontificatus sub eo a S. Felice II. gestus: cujus quidem cum Pontificatu Liberii conciliandi gravis subest difficultas, non deest tamen, nec una ratio [p. 498](#), et *seqq.*, [516](#), et *seqq.*

Libri Religioni, morum honestati, Regibus, bonoque Reipublicae infesti Judaeis, Ethnicisque ipsis invisi evaserant [p. 249](#), et *seqq.* Ideo pro cura Reipublicae ab Imperatoribus summopere curatum est, ne Libri importarentur, aut legerent improbi. Qua in sententia pariter steteret Jurisperiti, Philosophi insignes, quin haereticorum Promachi [p. 250](#), et *seqq.* Multo igitur potiori jure pro bono Religionis curando a Rom. Pontificibus ea sedulo cura semper induta est, ut e Christifidelium manibus pravae libros eriperent. Ita factum ab Apostolis discimus, ita facere ad Ecclesiam pertinere docent Patres [p. 254](#), et *seq.* Ergo Episcopis ea jugiter sollicitudo insedit, ut libros impios Christiana e Republica exterminarent [p. 255](#), et *seqq.* Praesertim vero, ut librorum, qui a Rom. Pontifice prohibiti fuissent, Indicem promulgari in Diocesis pro-

procurarent *p. 260*, et *seq.* Potiores itaque Pontificis M. esse partes toto pro Christiano Orbe providere, ne librorum impiorum lectione Christianorum mentes, et mores contaminentur, indubium facit tam ipsorum potestas in Ecclesia summa, quam jugis ab Ecclesiae exordio praxis: cuiusce tum potestatis, tum praxis testes accedunt Patres, specimen exhibent Scriptores, documenta vero Doctores suppeditant *p. 261*, et *seqq.*

Libros igitur prohibendo, de vocibus definiendo, propositiones damnando &c. jure, & officio defungi suo dicto, & factis Pontifices ipsi demonstrarunt *p. 270*, et *seqq.* Ita S. Dionysius, et Liberius *p. 272*, et *seqq.* S. Damasus *p. 278*, et *seqq.* SS. Anastasius, et Innocentius *L. p. 285*, et *seqq.* SS. Caelestinus, & Felix IV. *p. 291*, et *seqq.* S. Leo M. *p. 295*, et *seqq.* SS. Gelasius, et Hormisdas *p. 299*, & *seqq.* Vigilius, et Pelagius II. *p. 304*, et *seqq.* S. Gregorius M. *p. 306*, et *seqq.* Theodorus, et S. Martinus *L. p. 309*, et *seqq.* SS. Agatho, Leo II, et Benedictus II. *p. 310*, et *seqq.* Hadrianus I, Leo III, Stephanus III, et S. Nicolaus *L. p. 314*, et *seqq.* Hadrianus II, Johannes IX, et S. Leo IX. *p. 318*, et *seqq.* S. Gregorius VII. *p. 321*, et *seqq.* Innocentius II, Eugenius III, et Alexander III. *p. 325*, et *seqq.* Gregorius IX, Clemens V, Johannes XXII, Clemens VI, Urbanus V, et Gregorius XI. *p. 332*, et *seqq.* Pius II, Paulus II, Sixtus IV, Innocentius VIII, Alexander VI, et Leo X. *p. 337*, et *seqq.* Paulus III, Julius III, Paulus IV, Pius IV, Paulus V, Innocentius X, Alexander VII, V. Innocentius XI,

Alexander VIII, Innocentius XII, Clemens XI, & Benedictus XIV. *p. 341*, et *seqq.* Librorum Index a quo primum editus, et a quibus postea amplificatus, regulisque adactus fuerit *ibid.*

Lutherus densissimis obrutus dum nondum tenebris esset, tenuisque adhuc videret lumen veritatis, suo Rom. Pontificem summo idest haberi in Ecclesia loco debere, seque ipsum illi reverentem prebere, obedientemque plus vice simplicifallus est, et professus *p. 16*, et *seqq.* Lutherus, et Calvinus a quo primum fuerint damnati, et a quibus potissimum oppugnati *p. 112*, et *seqq.* Quae, et quot, et quam una peior altera e Luthero, et Calvino subortae sectae *p. 137*, et *seqq.* Eo eorum Sectarii turpiter lapsi sunt, ut in Johanne XXII. reprehenderent, quod a Luthero, et Calvino doctum haud ignorare debebant *p. 721*.

M

S. Marcellini lapsum in persequutione Diocletianae plurimae etiam conjecturae, neque levis sane ponderis suadeant, longe potioris tamen auctoritatis documenta confictum illum fuisse demonstrant. Et si vero lapsus ille daretur, integra tamen loco ipsius stetit fides *p. 442*, et *seqq.*

Marcion haereticus notatus Romanae in Ecclesiae Communionem, ingenti pecuniae inflato pondo, adrepere frustra tentavit. Quae de eorum memoriae tradidit Tertullianus, in Cerdonem potius quadrare Eruditis plerisque visum est *p. 3*. S. Martinus I. Presbyteris, & Diaconis

conis po si Ordinationem peccantibus gra dus restitui prohibuit quidem, non etiam denegandam veniam docuit, ideo per injuriam Novatianæ inculsatur hæresis ab heterodoxis p. 686.

Martinus V. cum Vvicleffi, tum Hussi sectis excindendis haud impigrum se dedit. Cujus vestigiis inhærentes Eugenius IV, Callistus III, Pius II, & Paulus II. a tam nefanda peste expurgandis Pannoniis sedulo allaborarunt p. 109, & seqq. Frustra, vero, ac falso in culpam infracti Canonis accersitur, quasi legem de Conjugiis in primo gradu solverit p. 735, & seq.

Martyris, & Confessoris nomen pro eodem olim promiscue usurpatum per sepe legitur p. 504, & seqq.

Melancthon nec adeo insipientem, nec adeo impudentem se dedit, ut ignoraret, & inficiaretur Roman. Pontificem in Ecclesia universa Principem esse, huncque Principatum conferre, ut doctrinæ unitas in Ecclesia integra vigeat, nec ab hoc Principatu suos admodum Proteſtantes abhorreere pag. 21, & seq.

S. Melchisedech Manichæos ut Romæ detexit, extemplo damnavit: quorum occasione perinde leges sapientiz plenas adversus ipsorum substitutiones dedit p. 43, & seq.

Montanistæ Apostolicæ Sedis communionem suffurari adgressi sunt, qua tuti deinde a sententiis in se latis a Synodis abirent. Atque fucum quidem Pontifici Rom. facere aliquando eis ex sententia successit apud quem tamen, comperita fraude, iogenti laborare deinceps infamia cœperunt p. 3, & seq.

Morus Thomas Religionis ille vindex insignis Concilia quidem ad hæreses extirpandas optima esse affirmabat, necessaria omnino non etiam, sed eis explodendis unam parem esse S. Petri Cathedralam omni prorsus ab errore immunem p. 32.

N

N Aperus etsi, ut Novatorum mos est, non satis sibi met constans, in eo turpi versatus errore sit, ut erroribus tandem Romanam succubuisse Ecclesiam, fideique jacturam fecisse jactaret, nefas tamen arbitratus est dubitare, quin eadem diu in fide ab Apostolis consignata permanferit integra, neque detrimenti, aut mutationis aliquid perpessa fuerit p. 23. Videſis V. *Heretici*.

Nestorio ambiguis, & ad fallendum compositis verbis hæresim circumvestire suam, non secus atque Veteratoribus aliis, non insolens accidit p. 293, & seq. Eidem patrociniū deferre Proteſtantes quosdam nuperos non depuduit. Quamquam is immunis fuit ab errore, circa Eucharistiam, cujus in culpam a Catholicis nonnullis non vere vocatur p. 374, seq., & 394.

S. Nicolaus I. Theopaschitis bonis omnibus odio habendos denuntiavit p. 84. Temere vero de violata Sacramenti Baptismatis religione ad vulgus traducitur, quasi nempe alteram a præſtituta Christo D. formam induxerit pag. 706, & seqq.

Nicolao III. in celeberrima de Christi D. paupertate quæſtione Johannes

hannes XXII, quod ad fidei c. p. ut attingit, haud adversatus ostenditur p. 724, & seqq.

Nicolao IV. eo, quo ipse vehementer flagrabat adversus hæreticos, zelo pariter accendere Religiosos viros, Magistratus Civiles, ac Reges terræ cordi maximopere fuit p. 98, & seqq.

Numismata, Indulgentiis adnexis iis, qui eadem deferrent, a S. Pio V. omnium primo consecrata refert Gabutius p. 125.

O

Occidentalis libra, quæ aurea, & quæ argentea olim esset: quot utraque solidis, & quot scriptis vicissim solidus olim constaret. Quæ Orientalis, in quo sita inter utramque differentia; a quo, & quando differentia; hæc inducta fuerit p. 459, & seqq.

Ordinationes ab Hæreticis, Schismaticis, Excommunicatis &c. peractæ utrum illicitæ nedum, sed etiam invalidæ olim haberentur, essentque, quæstio est, quæ ingentibus difficultatibus jactatur, quæque doctos in partes diuinxit. Pro affirmativa parte documenta potiora afferuntur, quæ hauriri possunt ex Pontificibus pag. 531, & seqq.; ex Conciliis p. 536, & seqq.; ex Patribus, & Scriptoribus pag. 540, & seqq. Quibus nihilominus latissimè, locaque eorum omnia de illicitis Ordinationibus accipi debere ostenduntur p. 571, & seqq., 581, & seqq., 594, & seqq. Pro negativa vero ponderis longe majoris proferuntur argumenta ex Pontificibus p. 547, et seqq.; ex Conci-

liis p. 556, et seqq.; ex Patribus, Scriptoribus, ac Theologis p. 566, et seqq., atque parti huic utroque subscribendum pollice concluditur *ibid.*

Ordinatos olim ex Diaconis Episcopos, Presbyteratus gradu pertransito, docent plerique: contra longe verius alii pugnant nullum Episcopatus non ante Presbytero collati extare exemplum. Apud Orientales equidem Clerici per saltum ordinari consuevere Subdiaconi, quin etiam simul cum Subdiaconatu conferri Diaconatum solemne fuit: apud Latinos quoque haud infrequenter Episcopiper saltum ordinati feruntur: sed enim Ordinationes ejusmodi per saltum, gradu inferiori prætermisso, Ecclesia semper exsecrata est, neque unquam Episcopus, Presbyteratu non suscepto, ordinatus ostendit potest pag. 643, & seqq.

Orientalis Ecclesia nullo unquam tempore ad par cum Romana gloriæ fastigium assurgere meruit, suos, ingentesque per sepe manes perpeffa. Quatuor enim Patriarchales Orientis Sedes quam per paucis cum Sanctitatis laude occupant, tam quamplurimi hæresis multiplici easdem ignominia, conspurcarunt p. 403, & seqq. De ingenti Romanam inter, & Orientales Sedes discrimine præclara Bahanis Patricii in Synodo VIII. sententia p. 406, & seqq.

Origenes errorum personam sibi impositam Romanum apud Pontificem exuere religioni duxit, ea ductus ratione, quod eidem tum fidei, tum factorum rationem ab omnibus requi oporteat p. 4, & 39. Ex

E c c c e

Ori-

Origene ortum duxisse, sive illius
Origenis doctrina fundamentum
habere, etsi sicutneum, hæreses
Manichæorum, Quietistarum, E-
picuræorum, Spinose, Calvinii,
Socini &c. visum nonnullis est pag.
40. Origenem multo nomine, abs-
que fidei injuria, laudibus cele-
brare Ecclesiæ Patribus, quin
etiam plerisque in locis benigne
interpretari Catholicis doctoribus
licuit, non ita tamen, ut ab om-
ni prorsus erroris specie idem ab-
stergi poterit p. 351, 361, & seqq.

P

Paulus III. indefessa tam propria,
quam Virorum plurimorum,
opera Lutheranz, Calvinianæque
profligandæ hæresi insudavit pag.
114, & seqq. Consilium de emen-
danda Ecclesiâ ab eo elaboratum,
a Paulo V. deinde velut ab Ecclesiâ
emendatione valdequam abhor-
rente fuisse damnatum mentiuntur
heterodoxi p. 738, & seqq.

Paulus IV. nihil eorum prætermisit,
quo ubique gentium Religio pura
servaretur, aut in pristinum resti-
tueretur decus p. 118, & seq. Ejus
protestatio circa errata Prædeces-
sorum facta personalia dumtaxat,
non facta dogmatica respiciebat p.
243, & seq. Indicem librorum im-
probatæ lectionis confici omnium
primus jussit; qua de re frustra
ipsi litem intendunt Protestantes
p. 341, & seq.

Paulus V. invalescentes in America
hæreses in exordio suffocare stu-
duit p. 129, & seq. Mendacia, &
maledicta, quibus inique a Mar-
basio, & Bruejo appetitur, abun-

de diluta apud Eccl. hist. Scripto-
res videre licet p. 744.

Pelagius I. ad omnem ab se de vio-
lata Chalcedonenſis Synodi reli-
gione suspicionem amolendam,
planam facere cunctis fidem suam
ere Christiana, caritateque dux-
it p. 236, & seq.

S. Petrum a fide defecisse, certeque
potuisse fidem prodere ex nega-
tione Christi, ac reprehensione
S. Pauli inferunt quam inique,
tam falso Schismatici, & Hæretici
pag. 410, & seqq. Sed enim S. Pe-
tri fides ne levem quidem eclipsi-
sui unquam passa ostenditur; a S.
Paulo vero reprehensus is utique
fuit, non tamen ob violatam fi-
dem, sed malum ob eventum ope-
ris p. 412, & seqq.

Petro Lombardo in celebris Senten-
tiarum Operis elucubratione ma-
gno usu Petri Abaelardi libros
quinque de Theolog. venisſe obser-
vavit Johannes Cornubiensis in
Eulogio ad Alexandrum III. p. 92.

Pius II. Reginaldum Pekopium ob
hæresim Sacerdotio exuit. Hære-
ticos alios Matrimonium lege Di-
vina vetitum jactantes cohibuit.
Zaninum nefandas ob hæreses car-
ceri mancipavit pag. 111, & seq.
Inique de ambitu, pervasoque
jure Principali a Mornæo, & Bru-
ejo accusatur p. 736.

Pius IV. Regiones ubique ab hære-
tica labe vel abstergere, vel ser-
vare immunes indefesse studuit.
Insigne distinctionis Ecclesiasticæ
in octo Episcopos hæresi aspersos
specimen exhibuit p. 119, & seq.
Provinciam bene a Paulo IV. in-
ceptam de Indice libror. prohib.
conficiendo ad exitum perduxit
p. 342, & seq.

S. Pius

S. Pius V. flagrantissimę , qua rei Catholica reparandę , erigendę , & augendę , quoad vixit , incubuit , sollicitudinis plurimum experimentum prębuit pag. 121 , & seqq. Baji , & Hesselii propositiones censura , quam postea Gregorius XIII. publicam fecit , instauravitque Urbanus VIII , primus affecit : quas deinde frustra , ac temere defendere adnixus est Gerberonius . Ab hæreticis fucum , quem suis aliquando Prædecessoribus facere licuerat , fieri sibi non permisit p. 126 , & seq.

Pontifex Romanus eo potestatis gradu in Ecclesia vel ab hæreticis habitus est , ut ejus unius munimine adversus Episcopos omnes se tutos existimarent p. 2 , & seqq. : ut adversus eum vel Synodi sententia nihil valere possit p. 9 ; ut Religionem offendere nihil alioqui veriti , ejus tamen dignitatem offendere summopere reveriti sint p. 13. Pontifici Rom. hæreses declarandi , damnandique hæreticos jus summum inest p. 31 , & seqq. A Pontificibus adversus hæreticos gesta , & decreta , ut a S. Silvestro adversus Arium , a S. Damaso adversus Macedonium , a S. Cælestino adversus Nestorium , Musivis exprimi Romę in Basilicis curavit S. Sixtus III. p. 57 , & seq. Pontificum hæreses proscribentium judicio tuto , firmiterque standum dicto , factoque demonstrarunt per Orbem Episcopi Orientales , Itali , Africani , Germani , Hispani , Galli , Angli &c. p. 50, 71 , & seqq. 74, 75 , & 79. Pontificis unius definitione authentica , & indefectibili fidei quæstiones finiri , hæresesque profligari ratum

fixumque stat ; nihil vero fixum , ratumque , quod absque Pontificis nutu , consensuque ab Episcopis fuerit præjudicatum ; neque ab Episcoporum acceptatione vicissim Pontificis judicia pendent pag. 89 , 135 , & seqq. , 149 , & seqq. , 159 , & seqq. , 162 , & seqq. , 172 , & seqq. Videbis V. Hæretici , & V. Concilia .

Pontificis Rom. ad partes attinet fidei formulas præscribere , recipereque professiones p. 182 , & seqq. Videbis V. Fidei formula . Ejus perinde officio cedit irrefragabili definire judicio de factis dogmaticis , de propositionibus , deque libris ad Religionem , moresque respicientibus p. 245 , et seqq. Videbis V. Libri . Atque Pontifici quidem de factis dogmaticis , librisque definienti silentium obsequiosum nedum , nec fides Ecclesiastica dumtaxat , sed Divina etiam debetur p. 305 , 309 , 336 , & seqq. 347 , & seqq. , 354 , et seqq. , 396 , et seqq. Ex Pontificibus Catalogo SS. Martyrum 33 , SS. Confessorum 82 , Martyrologio Rom. 78. adscripti sunt . Pontificatu minus digni 7 , vel 8. dumtaxat visi sunt , quorum nullus tamen erroris circa fidem vel levis argui potest , quin etiam obsequium ipsis deferri , nihil fuit , quod prohibuerit p. 400 , & seqq. Quando Pontifex singularem dumtaxat , et quando publicam Doctoris personam induat , quomodo dignosci possit p. 407 , et seqq. Ad unum autem singillatim omnes quam pie , tam vere ab omni vel levi circa fidem lapsus suspitione liberantur p. 410 , et seqq. Ex Subdiaconis , quandiu Subdiaconatus Sacros inter Ordines

nes non est ad census, nullus, bene vero ex Diaconis, atque frequenter ad Pontificatum assumpti sunt; nec ante tamen, quam Presbyteratus Ordinem suscepissent, Episcopali charactere sunt insigniti p. 633, et seqq.

Prædestinati libro in plerisque multis fidem prudenter denegandam fore documentis plurimis sit manifestum p. 33, et seqq.

Propositio aliqua diversus habere partes, aut diversos pati sensus potest. Sensus etiam alius, qui ab Autore mente præconcepit, alius, quem verba ipsa præseferunt. Juxta quam distinctionem propositionum damnatio a Pontificibus facta procedit p. 354, et seqq. Propositio aliqua quot modis in altera comprehendi possit; quoque modo denum ad fidem pertinere dicatur p. 397, et seqq.

Purgatio, sive Probatio, ad criminis cuiuspiam eluendam suspicionem, variae olim vigeant species & formae: uti per Ferrum candens, et Aquam ferventem, aut frig. Jam: uti per Monomachiam, si certamen singulare: uti per Eucharistiam, per Crucem, per Juramentum super Evangelia, si ve Reliquias p. 695, et seqq. Quamvis autem frequens harum probationum esset usus, Legibus civilibus indutus, quin etiam Cærimonis Ecclesiasticis consecratus, earumque pleraque essent formæ, non defuere tamen ex Pontificibus quammaxime, ex Synodis, ex Principibus, ex Episcopis, ex Doctoribus, qui abusus hunc detestarentur, eque Christiana propellere Republica adniterentur p. 700, et seqq.

R

Rofarius Soraeus postquam a Calvini castris ad Catholicorum partes, Divinae affulgentie gratiae lumine, rediisset, redeundique auctorem se dedisset Condzo Principi, Navarraeque Regi, ad vetus miser ingenium relapsus est pag. 26. Videtis V. Hæretici.

Ruffinus Aquilejensis famae suae, fideique, qua plurimum se laborare perceperat, meliori prospicere ratione nescivit, quam Apostolicæ Sedi fidem suam probatam facere tentando, ab eaque formatas impetrare p. 5, et seqq. Sua de causâ exaritam ad Johannem Hierosolymit. a S. Anastasio I. epistolam frustra Ruffinus olim, ac postea Halloixius in suspectis habuere. Ab eodem Pontifice damnata quidem Ruffini versio fuit, non etiam persona: qui imo Viris sapientia, & Sanctitate conspicuis amicitia, & communione conjunctus ad mortem usque mansit. Quin insuper erga ipsum censuræ inodum non nihil excessisse S. Hieronymus Viris eruditus nonnullis visus est p. 6, et seqq.

S

Sacramentis in tribus Baptismo, Confirmatione, & Ordinatione Characterem imprimi indelebilem, vetus, et constans est in Ecclesiâ tam Orientali, quam Occidentali doctrina, jugi Pontificum, Conciliorum, & Patrum traditione comprobata pag. 545, et seqq.

Semi-

Semipelagiana ab hæresi tam pie, quam vere Viri plerique doctrina, virtuteque illustres absolvuntur. Neque profecto in hæreticorum album referendi sunt, qui hæresi alioquin huic ante studuisse visi sunt, quam eadem ab Ecclesia damnaretur p. 290, et seq.

Severinus, ejusque Successores Monotheliticam damnantes hæresim, ne leve quidem dubitandi, quin damnatione vere digna hæresis esset, vestigium reliquere, adeo ut raptim in eorum abire sententiam officio duxerint Græci, Afri, Hispani &c. p. 71, et seq.

S. Silvester I. post S. Dionysium P.M. in Arii damnatione Nicænis Patribus sententia prævit: cujus vices in Oriente agens Osius tum alias confixit hæreses, tum schisma compevit Meletii, tum Nicænam producit formulam p. 44, et seq.

Silvestrum II. Pontificatum Magicis artibus fuisse adeptum fabula est a Schismaticis conficta, ab Hæreticis adoptata, sed a nostræ Communio- nis Viris doctiss. funditus eversa, & explosa p. 712, et seq.

S. Simplicius tam fidei in Concilio Chalcedonensi stabilitæ loco tuendæ fortem apposuit animum, quam frontem eandem fidem subruere molientibus opposuit durissimam p. 61.

S. Siricius præter indefessam, quam profligandis ubique hæresibus, ac præsertim Priscillianæ, Manichææ, Joviniani, Bonosi &c. ipse operam impendit, ad easdem penitus exterminandas ut pariter vires conferrent, Maximum, Valentinianum, & Theodosium Imp. excitavit, urisque. Ad eundem de hæresi etiam delati leguntur a Theophilo S.

Epiphanius, & vicissim a S. Epiphano Johannes Hierosol. p. 52.

S. Sixto II. pessima fide Sexti Pythagoræi librum Rufinus supposuit; suppositum imprudenter credidere plerique, impudenterque defendit Siberus. Nam eum Nostro abjudicant Origenes, SS. Hieronymus, Augustinus, & Gelasius, alique Viri doctiss. p. 440, et seq.

S. Sixtus III. a Decessoribus suis SS. Silvestro, Damaso, et Cælestino, ac tribus a primis Synodis Oecumenicis adversus Arium, Macedonium, & Nestorium decreta, & gesta Multis exprimi curavit p. 57, et seq. Eidem perperam tres Pelagiani erroris inspersi libri as- finguntur a Garnerio. Atque is quidem tam a Pelagianis favore, impendendo, quam a Nestoriana fovenda hæresi alienissimus fuit p. 600, et seq.

Sixtus IV. Petro Oxomeni hæresis notam inflixit p. 111. Insignem vero per calumniam jactatur ab hæreticis de nefando contra naturam flagitio permisso p. 736.

Sixtus V. Apostolicæ, Pontificeque dignæ, magnanimitatis adversus Principes, nec unum specimen exhibuit p. 128. Perperam ejus Bibliorum editionem cum edita a Clemente VIII. confligere, ideoque ab vero alterutrum immaniter aberrasse jactant Jamelius, Amama, & Launojus p. 748, et seq.

S. Soter librum de Extasi adversus Cataphrygas adornasse, quem oppugnans Tertullianus Pontificis indignationem incurrerit, fertur apud Prædestinatum, cui tamen haud fides adhibenda p. 34, et seq.

Stephanus III. neque Polygamiam, unquam probavit, neque Matri-

monium gravem ob causam dissolvi quoad vinculum posse censuit, neque Baptismum in vino administratum habuit. Ex præposita ipsius interpretatione triplex hæc ipsi afficta calumnia processit p. 691, et seqq.

Symboli Apostolici fidem emittere Adultum quemque ante oportebat, quam ad Baptismum accederet p. 210, & seqq. Symbolum S. Athanasii qua occasione editum feratur; quove primum tempore referri cœperit p. 212, & seqq. Symbolo Nicæno additamenta de Filio, & Spiritu S. a S. Damaso omnium primo facta sunt p. 278, & seqq. Symboli Apostolici tamen ullo absque additamento inter Missarum solemnias recitandi in Ecclesia Romana, Africana, Italica, & Gallicana mos diu obtinuit p. 281, & seqq. Nicænum demum inductum Sæculo V. in Antiochenam est. Constantinopolitanum denique in Orientalem Sæculo VI; in Hispanicam Sæculo eodem; in Gallicanam Sæculo VIII, & in Romanam Sæculo IX. p. 282, & seqq.

S. Symmachi dictum de Eustathio Sebasteno Romana ab Ecclesia damnato, deque Synodi Gangrensis Canonibus eidem probatis, quo accipi sensu debeat, varia est Doctorum interpretatio p. 65, & seqq.

T

S. **T**elesphorus diris cunctis devovisse Theodorum Coriarium legitur in libello Synodico. Verum damnatio hæc S. Victori rectius tribuenda videtur pag. 34.

Thalmudicos Judæorum libros quam

juste Rom. Pontifices frequenter damnarunt, flammisque dignos judicarunt, tam impie defendendos vindicandosque sibi Protestantibus sumpsere p. 330, & seqq.

Theodoretus tanquam fons primarius habetur erroris de Spiritu S. a solo Patre processione p. 350. Multo etiam alio ex capite se reprehensione dignum exhibuit, neque excusari satis a nonneminem potuit: quamvis si erravit, pertinax in errore non mansit, sed erroris labem deinde omnem eluit p. 379, & seqq.

Theodorus Mopsvestenus non ob errores utique, bene vero ob egregias dotes alias a SS. Patribus aliquando laudatus legitur p. 349, 378, & seqq.

V

VAnslebius Michael Ægypto, & Æthiopia peragratis, ibidemque non alia, quam quæ Romana in Ecclesia sacra sunt, coli dogmata perspiciebat, sat habuit, superque, quo Lutherana ab hæresi ad fidem se recipere religioni duceret p. 29. S. Victori P. M. Cataphrygum Ecthesis aliquando sapuisse videtur, neque ab hominibus ad pietatis faciendum fucum assabre comparatis abhorruisse: donec fraude detecta, eos procul Ecclesia pepulit p. 36, & seqq. Blasium perinde in errore pertinacem Sacrorum consortio prohibuit. In Valentinum, Sabelium, & Noetum anathema distinxisse fertur apud Synodicum. Quod tamen cum historiae veritate, & Chronologiae minus congruit. Certum est tamen ab eo Theo-

Theo-

Theodotum, Ebionem, & Ariemonem fuisse abdicatos p. 34, & 38. Per falsitatem igitur, & fraudem ipsi Artemonis, & Cataphrygum haeresis olim, ac recens afflata fuit p. 434, & seq.

Vigilius insignem per injuriam fingitur pacem Eutychianorum primitiis restituisse p. 68. Ab eo Origenis inflata damnatio illico in Ecclesia obtinuit, adeoque, ut Origenis defendendi non superfuisse locum ipsimet defensores agnoverint *ibid.* Quo sensu Ibam defendere, excusarique p. 381. Quae sub ejus nomine ad Acephalorum Promachos fertur epistola, sigillis adensetur a plerisque Viris doctis; est vero ejusdem detur, nulum ipsius orthodoxiae, qua Pontificis legitimi personam gerentis, detrimentum avertit p. 625, & seqq.

Virgines velandi diversa quoad aetatem disciplina in Ecclesia obtinuit. Solemni vero Virginum consecratione Conjugium sane solvebatur; neque in hac praestigenda lege de injuria quæri, nisi a salacissimis Protestantibus, Romana potuit Ecclesia p. 525, et seq., 530, et seq. Urbani II. auctoritatem potissimum in Roscellino profligando adhibendam sibi statuit S. Anselmus p. 89. Urbano V. Minoritarum opera Valdensium ducenta millia in una Bulgaria ad Ecclesiam traducere feliciter contigit. Pestes alias in Germania compescere cordi fuit p. 103. Quæ morti proximus revocavit, ea fuere dumtaxat, quae ipsi veluti personae singulari forte opinando contra fidem excidissent p. 242. Urbanus VIII. P. Josephi Parisi opera Richerium ad sanam reduxit mentem. Montacutium ad fidem rede-

untem perhumaniter amplexus est. Ut erat vero avitæ fidei retinentissimus, Jansenii libro ignominiam inussit. Quo perinde e libro excerptas quinque famosas propositiones stigmate confixit Innocentius X. p. 130.

Wicleffus veritate aliquando compulsus vera, rectaque Romano Pontifice sensit, & ad Urbanum VI. scripsit. Cui dispar verbis non abiit Pezibramus, nec Hieronymus Pragensis, nec Hussitæ alii p. 15, & seq. Ex 266. profecto, neque minus errorum capitibus pestilentissima hæc Vvicleffiana conflata est hæresis p. 105, & seq. Vvicellius Georgius eo ipso, quo permotus a Lutheri partibus se ad castra nostra transduxit, gravissimo postea argumento Lutheranos exagitavit, eodemque feliciter utendi se auctorem Cassandro, & Masio dedit p. 27.

Z

- S. **Z**acharias delatos ad se hæresis nomine a S. Bonifacio Moguntino Adelbertum, et Clementem damnare moratus non est p. 78. S. Zephyrinus Pontifex inter præcipuos, qui de hæreticis sive scripto, sive sententia debellatis victoriam retulere, a S. Optato Milevit. nobili recensetur elogio. Atque in his quidem Marcion, Praxeas, Sabellius, Valentinus &c. iulissimas ejus experti sunt iras. Proclus etiam, aliqui Montani Sectatores ab eodem Pontifice dira cuncta perpesti sunt pag. 38, & seq. Montani porro Secta in duas subinde dissecta est; atque unius caput

put evasit Proclus, alterius familiam ducendam suscepit Elchynes *ibid.* Tam vero pie, quam recte ab impacta Montanismi nota Noster redimitur p. 434, & *seq.*

S. Zosimus Pelagii, Caelestiique haeresei tantum abest, ut patrocinatus aliquando fuerit, ut summo potius jure, solemniterque ipsos proscrip-

serit; ejusque plene judicio adquiescere officio, religionique Occidentales Ecclesiae, Orientalesque duxere p. 387, & *seqq.* In ferendo de Caelestii libello judicio recte se gessit, nec Ecclesiae confirmari consensu indiguit p. 362, & *seq.*

Errata.

Corrige.

Pag.	8.	lin. 10.	tadem	tandem
33.	<u>1.</u>		exporam	exponam
<u>32.</u>	<u>33.</u>		animas	animæ
45.	<u>35.</u>		eædem	easdem
<u>146.</u>	<u>7.</u>		cap.	pag.
216.	<u>33.</u>		Conciliis	Concilio
<u>231.</u>	<u>33.</u>		desuetudieem	desuetudinem
234.		pag.		240
<u>308.</u>	<u>1.</u>		obsequens	Obsequens
<u>317.</u>	<u>28.</u>		parvique	pravique
<u>336.</u>	<u>35.</u>		Sychophanta	Sycophanta
<u>383.</u>	<u>24.</u>		se	sed
<u>465.</u>	<u>18.</u>		<i>Capitolo</i>	<i>Capitolio</i>
<u>496.</u>	<u>20.</u>		desævisse	desævisse
<u>511.</u>	<u>4.</u>		superflionem	superflitionem
<u>563.</u>	<u>35.</u>		reciperentunt	reciperentur
<u>589.</u>	<u>21.</u>		quam	quam
<u>607.</u>	<u>10.</u>		hunc	hoc
<u>632.</u>	<u>1.</u>		10.	<u>102.</u>
645.	<u>27.</u>		impertransito	pertransito
<u>647.</u>	<u>12.</u>		impertransito	pertransito
<u>720.</u>	<u>6.</u>		Senenensis	Senensis
<u>735.</u>	<u>32.</u>		inlisse	inluisse

MAG 202



